



R. P. IOANNIS
MARTINON

E SOCIETATE IESV,
DISPVATIONVM
THEOLOGICARVM
OPVS POSTHVMVM.

DISPUTATIONES THEOLOGICÆ

QVIBVS

VNIVERSA THEOLOGIA
SCHOLASTICA CLARE, BREVITER,
ET ACCVRATE EXPLICATVR.

AVTHORE R. P. IOANNE MARTINON
Societatis IESV, in Collegio Burdigalensi Sacræ
Theologiæ Professore.

DE FIDE, SPE, ET CHARITATE.

TOMI TERTII, PARS PRIMA.

Opus posthumum.



AVGVSTORITI PICTONVM,

Apud IOANNEM FLEVRIAV, Regis, Cleri, Academix, &
Centumviralis Curix Typographum, è regione B. Mariæ Majoris.

M. D C. LXIII.

Cum Approbatione & Priuilegio.

8. 12. H. 25


THE VOLUME

OF THE

SCHOLARSHIP OF THE

THE

THE



THE

THE



TRACTATUS

PRIMVS.

DE FIDE.



INSTITVENTIBVS nobis cum D. Thoma 2. 2. explicationem tradere virtutum Theologicarum, & Cardinalium in particulari, multa prius de virtutibus supernaturalibus in genere dicenda essent, nisi in precedenti tractatu de gratia, sufficienter exposita fuissent. Nunc igitur de singulis in specie dicendum superest: ac primò de Fide, qua prima Theologicarum, ceterarumque basis & fundamentum est, ut significat Apost. 1. Cor. 13.

& Hebr. 11. Cuius vniuersam considerationem S. Thomas nouem capitibus comprehendit. Et primò quidem disputat de objecto. Secundò de actu. Tertiò de habitu. Quartò de subiecto. Quintò de causa. Sextò de effectibus. Septimò de connexis. Octauò de vitijs oppositis. Nonò de preceptis. Huius autem ordinis instituendi ratio esse potest, quia ex Arist. 2. de anima, habitus naturâ suâ ordinantur ad actus: & actus ad obiecta referuntur; ac sine illis cognoscî nequeunt: non contrâ. Quare secundum cognitionem obiecta priora sunt actibus, & actus sunt priores habitibus: contingit etiam frequenter ut obiecta sint nobis notiora, quàm actus; & actus, quàm agendi facultates: quemadmodum in sensibus & sensibilibus patet. Nam sensibilia sunt notiora, quàm sentiendi actus: & actus, quàm potentia. Quod & in hac materia verum est. Quoniam autem Fides accidens quoddam est; inquirendum fuit ulterius quod sit illius subiectum. Et quia scientia perfecta cognitionem causarum requirit, cum scire sit rem per causam cognoscere, ut definit Philosophus 1. Poster. c. 2. ceterarum quoque causarum

Tomus III.

A

cognitio adjicienda fuit. Adhac, quia similium & connexorum comparatio, & contrariorum oppositio, non parum rem illustrat; contraria enim contrarijs opposita magis elucescunt, & contrariorum eadem est disciplina; post primariam & absolutam fidei considerationem, de connexis, deque virijs illi oppositis agendum fuit. Ac demum, quia doctrina virtutum moralis est, & ad praxim refertur; non sufficit naturam fidei speculativè declarare; sed videndum superest qua sit illius exercende obligatio. Hac igitur omnia eodem ordine, freti diuino auxilio, exponemus: methodoque & doctrina D. Thomæ, quoad fieri poterit, adharebimus.

Dicemus itaque primò, quodnam sit obiectum materiale, & formale fidei? Secundò, sitne complexum, vel incomplexum? Tertiò, sitne ita necessariò verum, ut fidei subesse falsum nullo modo queat? Quartò, possitne esse aliquid scitum, aut visum? Quintò, an, & quomodo obiectum fidei Christiana sit euidenter credibile? Sextò, vitrum obiectum fidei successu temporis creuerit? Septimò, de regulis quibus obiectum fidei proponitur infallibiliter; & primò de Scriptura. Octauò, de Traditionibus & de consensu Patrum. Nonò, de summo Pontifice, Concilijs, & Ecclesia. Decimò, de actu fidei interno, deque illius necessitate ex precepto, vel aliunde. Vndecimò, de actu eius externo, seu de confessione fidei, illiusque obligatione. Duodecimò, de habitu fidei Theologica. Decimo-tertiò, de effectibus fidei, & donis cum ea connexis. Decimo-quartò, de infidelitate, & varijs eius speciebus. De ijsdem disputant Scholastici cum Magistro in 3. dist. 23. & duabus sequentibus, & interpretes D. Thomæ ad 2. 2. primis sexdecim questionibus.





DISPUTATIO

PRIMA.


De obiecto Fidei.

- Sectio I. *De varijs fidei acceptionibus : & quo sensu in praesenti tractatu sermo de illa sit?*
 Sectio II. *Erroris haeticorum circa fidem proprie dictam indicantur, & breuiter refutantur.*
 Sectio III. *Quodnam sit subiectum, & obiectum materiale fidei Theologica?*
 Sectio IV. *Quodnam sit obiectum illius formale?*
 Sectio V. *Respondetur argumentis prima opinionis contrariae.*
 Sectio VI. *Soluitur alia obiectio contra argumenta credibilitatis.*
 Sectio VII. *Opiniones aliae referuntur, & refelluntur.*
 Sectio VIII. *Respondetur argumentis aduersariorum.*
 Sectio IX. *Vtrum eodem actu cognoscantur obiectum formale, & materiale fidei?*
 Sectio X. *An obiectum formale fidei debeat esse obscurum aliquatenus, & credibile tantum?*
 Sectio XI. *Refutantur contrariae sententiae.*
 Sectio XII. *An reuelatio priuata sufficiat, vt sit obiectum formale fidei Theologicae?*
 Sectio XIII. *An reuelatio diuina debeat necessario fieri per propositionem, & auctoritatem Ecclesiae?*



E argumento nobis proposito in hac disputatione agit S. Doctor 2. 2. q. 1. a. 1. vbi docet, obiectum formale fidei, hoc est, id per quod fides cognoscit, & propter quod assentitur, non esse aliud, quam veritatem primam. Non enim fides, de qua loquimur, Theologica scilicet, assentitur alicui, nisi quia est à Deo reuelatum: vnde ipsi veritati diuinæ fides innititur tanquam medio. Materiale verò, id est, ea quibus fides assentitur, non solum esse ipsum Deum: sed etiam multa alia, quæ tamen sub assensum fidei non cadunt, nisi secundum quod habent aliquem ordinem ad Deum; prout scilicet per aliquos diuinitatis effectus, homo adiuuatur ad tendendum in diuinam fruitionem. Et ideo etiam ex hac parte obiectum fidei est quodammodo

veritas prima, in quantum nihil cadit sub fidem, nisi in ordine ad Deum; Sicut obiectum medicinæ est sanitas; quia nihil medicina considerat, nisi in ordine ad sanitatem. Huc vsque D. Thom. in corp. art. citati, qui ad idem confirmandum in argumento *Sed contra*, adducit testimonium S. Dionysij cap. 7. de diuin. nom. affirmantis fidem esse circa simplicem, & semper existentem veritatem, quæ non est alia, quàm veritas prima.



SECTIO I.

De varijs fidei acceptionibus: & quo sensu in præsens tractatu sermo de illa sit?



IDES hic sumitur pro habitu, vel actu supernaturali intellectus, quo veritatibus à Deo reuelatis, promittit ipsius reuelationem & auctoritatem, certo quidem, sed inuidenter assentimur. Quo sensu Apostolus Rom. 10. v. 17. Ergo fides, inquit, ex auditu: auditus autem per verbum Christi. Et Hebr. 11. v. 3. Fide intelligimus aptata esse sacula verbo Dei: & v. 6. Sine fide autem impossibile est placere Deo. Credere enim oportet accedentem ad Deum, quia est, & quid inquirentibus se remuneratur sit. Eandemque fidem v. 1. sic describit: Est autem fides sperandarum substantiarum verbum (Græcè *ὑπόστασις*, id est, basis, & fundamentum spei: Ideo enim speramus bona supernaturalia, quia per fidem certo tenemus illa nobis esse à Deo promissa) argumentum non apparentium: vel, vt in textu Græco est, *ἡ πίστις ἡ ἀφανὴς*, id est, conuictio, & certissima persuasio eorum rerum quæ non videntur, neque clarè apparent; creduntur tamen, quia à Deo reuelatae sunt. Quibus verbis fidei certitudo, & obscuritas designatur. Certitudo quidem, voce *ἡ πίστις*, id est, conuictio: obscuritas verò, per id quod additur, *ἀφανὴς*, id est, non visorum, seu non clarè apparentium. De eadem paulò ante, in fine capitis præcedentis dixerat idem Apostolus, *Iustus autem meus ex fide uiuit*. Et 1. Cor. 13. v. ult. Nunc autem moueri fides, spes, charitas, tria hæc: maior autem horum est charitas.

Porro actus, vel habitus intellectus, quo veritatibus à Deo reuelatis, certo, quamvis inuidenter, propter ipsius testimonium & auctoritatem assentimur, duplex esse potest. Naturalis scilicet, & supernaturalis. Nam propositis fidei articularis, possumus viribus naturalibus apprehendere eorum terminos, & significationem. Possumus etiam cognoscere miracula, vel alia motiua, quibus sufficienter credibile sit Deum reuelasse. Et aliunde, lumine ipso naturali euidentis est, vel saltem credibile, Deum esse summè veracem, qui nec falli possit, nec fallere: adeoque ipsius testimonium fidei certissima dignum esse. Quare intellectus potest in eo statu constitui, vt sit completè, & proxime potens ad eliciendum assensum fidei naturalis circa veritates à Deo reuelatas, & propositas sufficienter. Ex huiusmodi autem assensu

sequitur habitus naturalis, & proportionatus, fidei acquisitæ, qui per actus paritur, & intenditur: vt patet experientiâ. Nam in Iudæis, & hæreticis, culpabiliter infidelibus, non est fides supernaturalis, neque actualis, neque habitus. Carent enim habituali, propter peccatum infidelitatis. Carent etiam actuali, quia non credunt cum plena & vniuersali submissione ad diuinum testimonium sufficienter propositum. Et tamen Iudæi & hæretici credunt multa fidei mysteria, quæ certo tenent esse sufficienter à Deo reuelata. Ergo credunt actu tantum naturali: ac proinde datur actus fidei naturalis circa res à Deo reuelatas: qui perinde ac alij naturales actus intellectus, producit & intendit habitum sibi proportionatum.

Verumtamen actus ille naturalis neque satis congruit maiestati mysteriorum fidei, quæ plerumque supernaturalia sunt: neque excellentie diuinæ reuelationis, cuius auctoritas est eminentissima: neque fini, ad quem fides dirigitur, qui est visio Dei, & beatitudo supernaturalis, ad quam per actus proportionatos, & supernaturales par est tendere: neque attingit gradum illum perfectionis moralis, pietatis, reuerentiæ, firmitatis, & submissionis plenæ & vniuersalis ad diuinum testimonium sufficienter propositum. Quare præter actum naturalem, datur alius supernaturalis, longè altioris entitatis, & maioris perfectionis moralis; quem intellectus solis viribus naturalibus attingere non potest, sed ad illum producendum eget auxilio Dei speciali, eleuante potentiam naturalem: iuxta illud Tridentini Sess. 6. Can. 3. *Si quis dixerit sine præueniente Spiritus sancti inspiratione, atque eius adiutorio, hominem credere, sperare, diligere, aut pacem posse, sicut oportet, vt ei iustificationis gratia conferatur, anathema sit*. Quibus verbis Concilium duo requirit. Primò, inspirationem Spiritus sancti, quæ scilicet illustratus intellectus multò melius percipiat motiua fidei supernaturalia, quàm solis viribus naturalibus apprehenderet: & voluntas piè afficiatur, moueaturque ad volendum credere. Secundò, adiutorium eiusdem Spiritus sancti, concurrentis altiori, & speciali modo, supra naturæ debitum, ad exercitium actus fidei. Et huic actui responderet habitus proportionatus, & supernaturalis in entitate, qui non producitur per actus, sed à Deo infunditur: idque vel sine ullo actu præuio, aut dispositione; vt fit in paruulis per baptismum: vel præuio aliquo actu fidei; vt fit in adultis, qui sine aliqua dispositione, & propriæ cooperatione non iustificuntur. Hunc habitum & actum supernaturalem intelligimus nomine fidei Theologicæ, qui etiam solus valet ad iustificationem, & ad finem supernaturalem, Theo-

1.
Descriptio fidei ex Apostolo.

2.
Potest dari actus fidei naturalis.

3.
Datur alius excellentior, & supernaturalis.

Et habitus illi respondens.

verbum Dei, qui operatur in vobis, qui credidistis. et i. Cor. 2. *Vt fides vestra non sit in sapientia hominum, sed in virtute Dei, constantem scilicet, per signa & prodigia, se testificantem esse id, quod velut ab illo dictum proponimus.* et i. Ioan. 5. *Testimonium hominum accipimus, testimonium Dei maius est.* Eademque de confidantur fideles credere. *Eccl.* Rom. 4. v. 3. & Gen. 15. v. 6. Propter hoc etiam censent aliqui vocari *fidem Dei*, Marci 11. Sed ibi potius dictum phrasi Hebraica, *habete fidem Dei*: pro, *Habete fidem magnam*, & Heroicam, ad quam Christus Apostolos ibi hortabatur. Simili modo, quo montes Dei, & cedri Dei, vocantur in Scriptura: montes altissimi, & cedri procerissimi. Eodemque sensu intelligendum puto, illud de Christo dictum, *Luc.* 6. v. 12. *Erat paterfamilias in oratione Dei*, id est, in oratione iugi & valde ferventi. Vtuntur enim Hebraei frequent hac loquendi formula, ad exprimentum gradum superlativum, quo carent: & Evangelistæ, quamvis aliâ lingua scripserint, excepto Mattheo, habent interdum Hebraismos: vt obsequant eius lingue perit.

Docereque *fuisse est placere Deo. Quam fidem esse actum,*
eum per
tinere ad
intelle-
ctum.

vel habitum intellectus, docet ibidem Apostolus,
cuius addit: *Credere enim oportet accedere*
ad Deum, quia est: & quod inquirentibus se remun-
erator sit. Credere enim Deum esse, & fore
remunratorem, est actus intellectus. Et v. 3.
de eadem fide facit: *Fide intelligimus aptata esse*
scilicet verbo Dei, id est, mundum omnipotenti
Dei verbo & imperio creatum fuisse. Et Rom. 4.
v. 20. & 21. de fide Abrahæ, quæ reputata est
illi ad iustitiam, sic loquitur: *Confortatus est fide,*
plenisime sciens, quia quæ promissus, potens est &
facere. Intelligere autem, & scire, ad intelle-
ctum sine dubio pertinent. Ac denique de eadem
fide affirmat 1. Cor. 33. non per eam co-
gnoscere Deum ex parte, id est, non cæ per-
fitione, & plenitudine, quæ cognoscemus in pa-
tria per visionem beatificam. Et 2. Cor. 5. dicit,
non per fidem ambulare, non per speciem: id
est, non per ipsam diuinæ pulchritudinis con-
templationem intuitivam, sed per obiectam
cognitionem, & ænigmaticam.

Alter interdum sumitur fides in Scriptura, & Patribus, Primo, pro fidei prædicta obiecto. Fides in-
Vt Apoc. 2. v. 13. *Non negasti fidei meam*: & in Synbolo Athanasij, vbi de præcipuis Trini- sumitur
tatis & Incarnationis veritatibus explicatis, sic- pro ob-
dicitur: *Hæc est fides Catholica, quam nisi quis- que fideliter, firmiterque crediderit, salu esse non poterit.* Quod autem creditur, obiectum
fidei est. Secundo, pro conscientia, & iudicio Et pro di-
prædicto de agendis: vt Rom. 14. *Quod non est ex fide, peccatum est*: id est, vt series textus in-
dicat, Quod non est ex iudicio flauente licitum esse id quod agitur, peccatum est. Tertio, Et pro fi-
pro fidelitate, quæ est virtus voluntatis præbens delitate.
constantiam in seruandis promissis, & conuen-
tionibus. Cui virtuti primo impositum fuisse nomen fidei, dictamque fidem, quia per eam fit quod dicitur, docent S. August. Epist. 19. cap. 2. in fine, & Iulidorus in Ethymologico. Sic autem plant sumitur Leuit. 6. v. 2. *Vbi fidei dicitur: Anima que negauerit proximo suo depositum, quod fidei eius credum fuerat.* Et Rom. 3. v. 3. *Namque incredulus illorum* (Iudæorum scilicet) *fidem Dei euincimus?* id est, fidelitatem circa promissa Abrahamæ facta. Et 1. Timoth. 5. *Habeamus dominationem, quia primam fidem*, id est, fidelitatem ex voto debitam, *irruam fecerunt.* Eodem sensu Math. 25. v. 21. & 1. Cor. 4. v. 2. vocatur seruus fidelis, & dispensator fidelis, ille qui satisfaciat obligationi bene ministrandi, & dispensandi, tacite vel expresse susceptæ, in eo munere acceptando: Nam in quocumque officio acceptando, inest, aut inesse debet moralis obligatio, & pactum saltem implicitum, bene illud exercendi. Quarto sumitur etiam pro veracitate: vt Ieremias 7. v. 28. *Perijt fides, & ablatia est de ore eorum.* Et Apoc. 1. v. 5. Christus appellatur testis fidelis, id est, verax: Quinto, pro fiducia, Iacob. 1. v. 6. *Postulatis autem si- fide, nihil habetis.* Et Math. 8. v. 16. *Quid timidi estis modica fidei?* Vbi sermo est de Apollolis naufragium timentibus. Tunor autem opponitur fiducie, vt docet S. Thomas in 3.

Et innititur verbo Dei, fed testimo- nio diuino. Ac denique, quod fides innitatur verbo Dei, & propter reuerentiam testimonio diuini, mouetur ad assentientium ueritatibus a Deo reuelatis, docet enim magnus fides prædicator, Rom. 10. cūm ait fidem esse ex auditu: auditum autem per uerbum Christi. Et 1. Theſſal. 2. Cūm accepisset a nobis uerbum auditis Dei, accepisset illud, non ut uerbum hominum, sed sicut et uer-

Fides in-
terdum
sumitur
pro ob-
iecto, 6

Et pro di-
ctamine
conscien-
tiæ.

Et pro fi-
delitate.

Et pro fiducia.

dist. 26. quæst. 1. art. 3. ad 5. Addit sextò Gabriel in 3. dist. 3. q. 2. ar. 1. sumi etiam pro cognitione patriæ, id est, pro clara Dei visione, Rom. 1. v. 17. *Insistit Dei in eo*, scilicet in Evangelio, *revelatur ex fide in fidem*. Sed fallitur, quia potius Apostolus ubique fidem viæ opponit visioni patriæ. Huius verò loci sensus est, Iustitiam Dei, quâ nos iustificat, reuelari ex fide veteris Testamenti, in fidem noui, quæ elarior & perfectior est: vel ex fide in fidem magis ac magis crescentem. Sumitur denique 1. Cor. 12. v. 9. pro vno ex donis illis; quæ vocantur gratiæ gratis datæ. Quod cum Suare Prolegom. 3. de Gratia cap. 5. interpretor de speciali energia explicandi, & persuadendi res fidei: vel de priuatis reuelationibus, quæ aliquibus sunt ad aliorum utilitatem. Omitto alias fidei acceptiones apud Philosophos, & Scriptores prophanos, quas longum esset, & inutile recensere. Quæ verò iam commemorata fuerunt & exposuit, apud Scriptores sacros videntur, prodesse poterunt varijs locis Scripturæ interpretandis.

Et pro
gratijs
gratis da-
ta.

SECTIO II.

*Errores Hæreticorum circa fidem propriè dictam
inducuntur, & breuiter refutantur.*

7.
Quid fi-
dei no-
mine in-
telligat
hæretici?

Hæretici huius temporis, auctore Caluino lib. 3. Instit. cap. 2. & Luthero varijs locis, dicunt fidem propriè dictam, esse firmam, certamque cognitionem, & fiduciam diuinæ misericordiæ nos acceptantis in filios, nobisque peccata remittentis propter Christum. Nobis, inquam, in particulari, determinatè, & absolute. Nam verè fidelis non est, nisi qui solidè *persuasio Deum sibi propitium, beneuolumque patrem esse persuasus, de eius benignitate omnia sibi pollicetur: nisi qui diuina erga se beneuolentia promissionibus fretus, indubitatam salutis expectationem præsumit*: inquit Caluinus cap. citato, num. 16. Hanc autem fidem per Spiritum sanctum mentibus nostris ingenerari asserunt, & eâ solâ nos iustificari. Esse item inamissibilem: quia semel habita, à nullo perditur. Esse denique propriam Electorum, saltem adultorum, conuertibiliter: quia omnes Electi illam habent: & quotquot illam habent, electi sunt, & efficaciter prædestinati ad vitam æternam. Neque tamen negat Caluinus fidem versari circa alias veritates à Deo reuelatas. Dicit enim num. 30. generale fidei obiectum esse Dei veritatem: & fidem habere respectum ad omnes verbi Dei partes. Sed addit fidem non consistere sine prædicta cognitione & fiducia diuinæ misericordiæ, quæ propriè fidem facit, quæque Dei filios à reprobis discernit, & fideles ab incredulis. Nam fidelis, inquit, non est dicendus, qui credit Deum & iuste præcipere quiddam præcipit, & verè minari, &c. nisi ad gratuitam promissionem modo suprà dicto perueniat.

Ad eludenda verò Scripturæ testimonia, quæ his erroribus opponuntur, notant hæretici, fidei nomen tripliciter accipi in Scriptura. Primò,

Tripli-
ter illam
accipiunt.

pro fide historica, quæ est assensus intellectus, quo credimus verum esse quiddam à Deo reuelatum est: iuxta illud Hebr. 11. *Fide intelligimus apta esse secula verbo Dei*, &c. Secundò, pro fide miraculorum: id est, vt loco suprà cit. Caluinus exponit, pro dono patrandi miracula: iuxta illud 1. Cor. 12. *Si habuerit omnem fidem, ita vt montes transferam*. Tertiò, pro fide promissionum: quæ scilicet versatur circa Dei promissiones de remissione peccatorum, & adoptione gratuita per Christum. Et hæc iterum duplex est. Vna generalis, quæ versatur circa promissiones generales, spectatas generaliter: vt quòd Deus omnibus credentibus & baptizatis salutem promiserit, Marc. vltimo, v. 16. Altera specialis: quâ vnusquisque sibi applicans Dei promissionem, credit & confidit, peccata sibi esse remissa, seque indubitanter esse Dei filium, & infallibiliter saluandum. Et hanc vltimam vocant fidem iustificantem, volūtque solam propriè fidei nomen mereri, & esse propriam electorum: alias verò posse reprobis conuenire. Possunt enim reprobi credere vera esse quæ Deus reuelauit: quod & ipsi demones credunt, & contremiscunt. Possunt habere donum miraculorum, iuxta illud Matth. 7. *Omne, nonne in nomine tuo demonia eiecimus*, &c. Possunt versari circa Dei promissiones generales, imò & aliquo gustu verbi Dei affici, inquit, Caluinus, & quandam persuasionem ac fiduciam de propria salute concipere, similena fidei iustificanti electorum, quæque ab illa discerni vix possit, & multos fallat. At non habent internam illam certitudinem, & fiduciam, Spiritus sancti ope mentibus electorum reuelatam, & cordibus obsignatam.

Contra hos errores fundamentales hæresum huius temporis varijs locis disputandum erit. Nunc breuiter dico primò, fidem illam specialem, communem omnibus electis, quam solam fidei nomine propriè dici volunt, commentitiam esse. Nam vera fides diuina nititur verbo Dei, & illud habet pro obiecto, vt Caluinus fatetur cap. citato, num. 30. & 31. At illa certa persuasio, & fiducia absoluta de propria cuiusque salute, & fiducia absoluta de propria cuiusque salute, non nititur verbo Dei, neque illud habet pro obiecto. Non enim Deus reuelauit, hunc & illum esse iustum, & saluandum infallibiliter. Quare huiusmodi persuasio indubitata, & fiducia absoluta Nouatorum, non vera fides diuina, sed humana præsumptio est.

Respondent Deum reuelasse generaliter omnes credentes in Christum esse iustos, & habere vitam æternam: Rom. 3. v. 22. & Ioan. 3. v. 16. Sub his autem propositionibus generalibus continentur hic & ille credentes. Ergo illi, nientes verbo Dei, credere possunt ac confidere se esse iustos, & habituros infallibiliter vitam æternam.

Sed contrà: Propositiones illæ generales, sunt tacite conditionatæ, & intelligendæ de credentibus sicut oportet, & habentibus alias condiciones necessarias ad salutem consequendam. Non enim quisquis quomodocumque credit in Christum, iustus est, & saluandus infallibiliter. Alioquin omnes hæretici, cuiuscumque Sectæ essent iusti, & saluandi infallibiliter, quia

92

credunt in Christum. Et Christus ipse Match. 11. v. 21. sic affirmat: *Non omnis, qui dicit mihi Domine, Domine, intrabit in regnum calorum: sed qui facit voluntatem Patris mei, qui in celo est, ipse intrabit in regnum calorum.* Quemadmodum etiam id, quod Christus generaliter asserit Luc. 11. v. 10. *Omnis qui peti, accipit: debet intelligi, si petat sicut oportet: alioqui enim multi petunt qui non accipiunt: iuxta illud Iacob. 4. v. 3. Petitis, & non accipitis, eo quod male petatis.* Et quod ait Ioan. cap. 6. *Qui manducat hunc panem, vivet in aeternum,* intelligendum est, si digne manducet, & sicut oportet. *Qui enim manducat, & bibit indignus, iudicium sibi manducat & bibit, non dandicans corpus Domini,* 1. Cor. 11. Iam verò, vnde habent hæretici certò & infallibiliter quòd hic & ille credat sicut oportet? id est, credat verà fide divinà; & cum omnibus conditionibus requisitis, vt sit saluus infallibiliter: quod tamen necessarium est, vt vi illarum propositionum generalium absolute inferant se esse iustos, & salvandos infallibiliter. Sic enim efficit illis argumentandum: Omnis qui credit in Christum sicut oportet, & habet omnes alias condiciones ad vitam æternam consequendam necessarias, id iustus, & habebit infallibiliter vitam æternam. At ego credo sicut oportet, &c. Ergo sum iustus, & habeo vitam æternam infallibiliter. Quorum propositionum maior quoniam est de fide divinà, & innixa verbo Dei; Minor autem neque evidenter continetur sub illa maiori propositione revelata, neque aliunde constat certò, & infallibiliter, nisi Deus specialiter id de aliquo reuelaerit: sed habetur solum persuasionem humanà, & fallibili, circa quam multi re ipsa falluntur, vt fatentur hæretici, & experientià notum est. Quare conclusio, quæ sequitur partem debiliorem, non est fides divinà, sed humana persuasio, & malè præsumpta certitudo divinà. Ideoque merito Trident. Sess. 6. can. 15. & 16. contra illam præsumptionem sic pronuntiat: *Si quis dixerit hominem renatum, & iustificatum, teneri ex fide ad credendum se certò esse in numero predestinatorum, anathema sit. Si quis magnum illud usque in finem perseverantia donum se, certò habuerit, absoluta & infallibili certitudine, dixerit, nisi hoc ex speciali revelatione didicerit, anathema sit.*

Calaisius
suprà,
num. 7.
io. fide.

10.
Voica fi-
des com-
mèdatur
io Script.

Dico 2. Scripturam divinam apertè tribuere vni & eidem fidei, verè divinæ ac supernaturali, quòd sit historica, id est, valeat ad assentiendum veritatibus à Deo reuelatis: quòd sit fides miraculorum, id est, valeat ad patranda miracula, præsertim quando magna, & viua est, strenueque operans per charitatem: & quòd versetur circa promissiones divinas, valeatque ad iustificandum: Ita vt illa distinctio hæreticorum de triplici, aut quadruplici fide, si loquantur de fide verè divinà, sit commentitia, & Scripturæ auctoria. Id patet ex Apostolo ad Hebr. vbi postquam cap. 10. v. vltimo dixit, *Iustus autem meum ex fide vivit,* quod sine dubio de fide iustificante intelligendum est; subiungit de eadem fide cap. 11. v. 1. & sequentibus, *Est autem fides sperandarum substantiarum verum, argumentum non apparentium. Fide intelligimus aperta*

esse sacula verbo Dei, &c. Sine fide impossibile est placere Deo. Credere enim oportet accedentem ad Deum, quia est, &c. Sancti per fidem vicem regna, operati sunt iustitiam, adepti sunt re-promissiones, obtinuerunt ora leonum, &c. Quibus verbis Paulus, iussu valde ambiguit loquatur, & æquiuocè (quod ablit) tribuit eidem fidei, à se initio definitæ, quòd per eam viuamus, & placeamus Deo; quòd per eam intelligamus aptata esse sæcula verbo Dei; quòdque per eam Sancti obtinuerint ora leonum, extinxerint impetum ignis, &c. ac denique re-promissiones adepti sint: Quorum primum pertinet ad fidem iustificantem. Secundum ad historicam. Tertium ad fidem miraculorum. Quartum ad fidem promissionum. Quare hæc omnia ad eandem fidem pertinent. Vnde ergo Dominus, una fides, unum Baptisma? Eph. 4. v. 5.

Idem videre est 1. Cor. 13. vbi Apostolus v. 2. sic ait: *Si habuerio omnem fidem, ita vt montes transferam, charitatem autem non habuero, nihil sum.* Eidemque fidei tribuit v. 12. quòd per eam cognoscamus ex parte, & videamus per speculum, & in ænigmate, Deum scilicet, & alia, quæ ab ipso credenda proponuntur. Ac denique quòd eadem sit, quæ infertur ad iustificationem, docet ibidem, cum addit v. 13. *Nunc autem manet fides, spes, charitas, tria hæc: maior autem horum est charitas.* Itaque, ex doctrina Apostoli, vna, eademque est fides, quæ valet, si magna est, ad montes transferendos, & ad alia miracula patranda: quæ cognoscimus, quæ à Deo regulata sunt: & quæ denique iustificatur ex parte, aut disponimur ad iustificationem, & regenerationem spiritalem, quæ per fidem inchoatur, & per spem, & charitatem perficitur. Nec obest quòd non omnes, qui fidem habent, operentur miracula. Nam ad hoc opus est fide magis intensa, & viuida, quæ hic, & nunc in particulari, cum se offert occasio patrandi miraculum, creditur firmiter fore vt Deus illud operetur, si expedit ad ipsius gloriam, & si petatur sicut oportet. Adde quòd ordinariè requiritur eximia virtus Sanctitatis in eo, cuius operà Deus vtitur ad patranda miracula: quam virtus Sanctitatem paucissimi assequuntur. Fides tamen necessaria ad facienda miracula, non est alia quoad substantiam, quàm illa, quæ certò credimus Deum esse omnipotentem, & fidelem: posseque, si velit, operari quod petimus, quamvis difficile, & naturæ viribus impossibile: iuxta illud Christi Match. 9. *Credite: quia hoc possum facere vobis?* id est, creditis me posse miraculosè sanitare vobis restituere? Illisque affirmantibus se id credere, annuit Christus eorum petitioni, & subiunxit, *Secundum fidem vestram fui vobis.* Interdum verò huic actui fidei generali, & absoluto circa Dei omnipotentiam, additur alius ex speciali revelatione, quòd hic, & nunc Deus sit editurus miraculum, quod petimus. Et hic quoque ad fidem Theologicam pertinet, quæ, vt alibi ostendimus, versatur circa quasvisque Dei reuelationes sufficienter propositas, siue priuatas, siue publicas. Sed iste actus fidei non est necessarius ad obtinendum miraculum: imò

11.
Fides miraculorum, & historica non differt à fide promissionum.



R. P. IOANNIS
MARTINON

E SOCIETATE IESV,
DISPUTATIONVM
THEOLOGICARVM
OPVS POSTHVMVM.

DISPUTATIONES THEOLOGICÆ

QVIBVS

VNIVERSA THEOLOGIA
SCHOLASTICA CLARE, BREVITER,
ET ACCVRATE EXPLICATVR.

AVTHORE R. P. IOANNE MARTINON
Societatis IESV, in Collegio Burdigalensi Sacræ
Theologiæ Professore.

DE FIDE, SPE, ET CHARITATE.
TOMI TERTII, PARS PRIMA.
Opus posthumum.



AVGVSTORITI PICTONVM,
Apud IOANNEM FLEVRIAV, Regis, Cleri, Academiae, &
Centumviralis Curiae Typographum, e regione B. Mariae Majoris.

M. DC. LXIII.

Cum Approbatione & Priuilegio.



TRACTATUS

PRIMVS.

DE FIDE.



INSTITVENTIBVS nobis cum D. Thoma 2. 2. explicationem tradere virtutum Theologicarum, & Cardinalium in particulari, multa prius de virtutibus supernaturalibus in genere dicenda essent, nisi in precedenti tractatu de gratia, sufficienter exposita fuissent. Nunc igitur de singulis in specie dicendum superest: ac primò de Fide, qua prima Theologicarum, ceterarumque basis & fundamentum est, ut significat Apost. 1. Cor. 13. & Hebr. 11. Cuius uniuersam considerationem S. Thomas nouem capitibus comprehendit. Et primò quidem disputat de objecto. Secundo de actu. Tertiò de habitu. Quarto de subiecto. Quintò de causa. Sextò de effectibus. Septimò de connexis. Octauò de vitijs oppositis. Nonò de preceptis. Huius autem ordinis instituendi ratio esse potest, quia ex Arist. 2. de anima, habitus naturâ suâ ordinantur ad actus: & actus ad objecta referuntur; ac sine illis cognoscere nequeunt: non contrâ. Quare secundum cognitionem objecta priora sunt actibus, & actus sunt priores habitibus: contingit etiam frequenter ut objecta sint nobis notiora, quàm actus; & actus, quàm agendi facultates: quemadmodum in sensibus & sensibilibus patet. Nam sensibilia sunt notiora, quàm sentiendi actus: & actus, quàm potentia. Quod & in hac materia verum est. Quoniam autem Fides accidens quoddam est; inquirendum fuit ulterius quod sit illius subiectum. Et quia scientia perfecta cognitionem causarum requirit, cum scire sit rem per causam cognoscere, ut definit Philosophus 1. Poster. c. 2. ceterarum quoque causarum

Tomus III.

A

cognitio adjicienda fuit. Adhac, quia similium & connexorum comparatio, & contrariorum oppositio, non parum rem illustrat; contraria enim contrarijs opposita magis elucescunt, & contrariorum eadem est disciplina; post primariam & absolutam fidei considerationem, de connexis, deque vitijs illi oppositis agendum fuit. Ac demum, quia doctrina virtutum moralis est, & ad praxim refertur; non sufficit naturam fidei speculativè declarare; sed videndum superest qua sit illius exercendae obligatio. Hac igitur omnia eodem ordine, freti diuino auxilio, exponemus: methodoque & doctrina D. Thomae, quoad fieri poterit, adharebimus.

Dicemus itaque primò, quodnam sit obiectum materiale, & formale fidei? Secundò, sitne complexum, vel incomplexum? Tertiò, sine ita necessariò verum, ut fidei subesse falsum nullo modo queat? Quartò, possitne esse aliquid scitum, aut visum? Quintò, an, & quomodo obiectum fidei Christiana sit euidenter credibile? Sextò, utrum obiectum fidei successu temporis creuerit? Septimò, de regulis quibus obiectum fidei proponitur infallibiliter; & primò de Scriptura. Octauò, de Traditionibus & de consensu Patrum. Nonò, de summo Pontifice, Concilijs, & Ecclesia. Decimò, de actu fidei interno, deque illius necessitate ex praecepto, vel aliunde. Undecimò, de actu eius externo, seu de confessione fidei, illiusque obligatione. Duodecimò, de habitu fidei Theologica. Decimo-tertiò, de effectibus fidei, & donis cum ea connexis. Decimo-quartò, de infidelitate, & varijs eius speciebus. De ijsdem disputant Scholastici cum Magistro in 3. dist. 23. & duabus sequentibus, & interpretes D. Thomae ad 2. 2. primis sexdecim quaestionibus.





DISPUTATIO

PRIMA.


De obiecto Fidei.

- Sectio I. *De varijs fidei acceptionibus : & quo sensu in presenti tractatu sermo de illa sit?*
 Sectio II. *Erroris hæreticorum circa fidem propriè dictam indicantur, & breuiter refutantur.*
 Sectio III. *Quodnam sit subiectum, & obiectum materiale fidei Theologica?*
 Sectio IV. *Quodnam sit obiectum illius formale?*
 Sectio V. *Respondetur argumentis primæ opinionis contrariæ.*
 Sectio VI. *Soluitur alia obiectio contra argumenta credibilitatis.*
 Sectio VII. *Opiniones aliæ referuntur, & refelluntur.*
 Sectio VIII. *Respondetur argumentis aduersariorum.*
 Sectio IX. *Virum eodem actu cognoscantur obiectum formale, & materiale fidei?*
 Sectio X. *An obiectum formale fidei debeat esse obscurum aliquatenus, & credibile tantum?*
 Sectio XI. *Refutantur contraria sententiæ.*
 Sectio XII. *An reuelatio priuata sufficiat, vt sit obiectum formale fidei Theologica?*
 Sectio XIII. *An reuelatio diuina debeat necessariò fieri per propositionem, & auctoritatem Ecclesiæ?*



E argumento nobis proposito in hac disputatione agit S. Doctor 2. 2. q. 1. a. 1. vbi docet, obiectum formale fidei, hoc est, id per quod fides cognoscit, & propter quod assentitur, non esse aliud, quàm veritatem primam. Non enim fides, de qua loquimur, Theologica scilicet, assentitur alicui, nisi quia est à Deo reuelatum: vnde ipsi veritati diuinæ fides innititur tanquam medio. Materiale verò, id est, ea quibus fides assentitur, non solum esse ipsum Deum: sed etiam multa alia, quæ tamen sub assensum fidei non cadunt, nisi secundum quod habent aliquem ordinem ad Deum; prout scilicet per aliquos diuinitatis effectus, homo adiuuatur ad tendendum in diuinam fruitionem. Et ideo etiam ex hac parte obiectum fidei est quodammodo

veritas prima, in quantum nihil cadit sub fidem, nisi in ordine ad Deum; Sicut obiectum medicinæ est sanitas; quia nihil medicina considerat, nisi in ordine ad sanitatem. Huc usque D. Thom. in corp. art. citati, qui ad idem confirmandum in argumento *Sed contra*, adducit testimonium S. Dionysij cap. 7. de diuin. nom. affirmantis fidem esse circa simplicem, & semper existentem veritatem, quæ non est alia, quàm veritas prima.



SECTIO I.

De varijs fidei acceptionibus: & quo sensu in presenti tractatu sermo de illa sit?



FIDES hic sumitur pro habitu, vel actu supernaturali intellectus, quo veritatibus à Deo reuelatis, propter ipsius reuelationem & auctoritatem, certo quidem, sed inuidenter assentimur. Quo sensu Apostolus Rom. 10. v. 17. Ergo fides, inquit, ex auditu: auditus autem per verbum Christi. Et Hebr. 11. v. 3. Fide intelligimus aptata esse sacula verbo Dei: & v. 6. Sine fide autem impossibile est placere Deo. Credere enim oportet accedentem ad Deum, quia est, & quod inquirentibus se, remuneratur sit. Eandemque fidem v. 1. sic describit: Est autem fides sperandarum substantiarum verum (Græcè *ὑποκρίσεις*, id est, basis, & fundamentum spei: Ideo enim speramus bona supernaturalia, quia per fidem certo tenemus illa nobis esse à Deo promissa) argumentum non apparentium: vel, vt in textu Græco est, *ὑποκρίσεις* & *ἐκκαταβολή*, id est, conuictio, & certissima persuasio eorum rerum quæ non videntur, neque clarè apparent; creduntur tamen, quia à Deo reuelatæ sunt. Quibus verbis fidei certitudo, & obscuritas designatur. Certitudo quidem, voce *ὑποκρίσεις*, id est, conuictio: obscuritas verò, per id quod additur, *ἐκκαταβολή*, id est, non visorum, seu non clarè apparentium. De eadem paulò ante, in fine capitis præcedentis dixerat idem Apostolus, *In istum autem mentem ex fide uiuit*. Et 1. Cor. 13. v. ult. Nunc autem manent fides, spes, & charitas, tria hæc: maior autem horum est charitas.

Porro actus, vel habitus intellectus, quo veritatibus à Deo reuelatis, certo, quamvis inuidenter, propter ipsius testimonium & auctoritatem assentimur, duplex esse potest. Naturalis scilicet, & supernaturalis. Nam propositis fidei articulis, possumus viribus naturalibus apprehendere eorum terminos, & significationem. Possumus etiam cognoscere miracula, vel alia motiua, quibus sufficienter credibile fit Deum reuelasse. Et aliunde, lumine ipso naturali euidentem est, vel saltem credibile, Deum esse summè veracem, qui nec falli possit, nec fallere: adeoque ipsius testimonium fidei certissima dignum esse. Quare intellectus potest in eo statu constitui, vt sit completè, & proximè potens ad eliciendum assensum fidei naturalis circa veritates à Deo reuelatas, & propositas sufficienter. Ex huiusmodi autem assensu

sequitur habitus naturalis, & proportionatus, fidei acquisita, qui per actus paritur, & intenditur: vt patet experientiâ. Nam in Iudæis, & hæreticis, culpabiliter infidelibus, non est fides supernaturalis, neque actualis, neque habitualis. Carent enim habituali, propter peccatum infidelitatis. Carent etiam actuali, quia non credunt cum plena & vniuersali submissione ad diuinum testimonium sufficienter propositum. Et tamen Iudæi & hæretici credunt multa fidei mysteria, quæ certo tenent esse sufficienter à Deo reuelata. Ergo credunt actu tantum naturali: ac proinde datur actus fidei naturalis circa res à Deo reuelatas: qui perinde ac alij naturales actus intellectus, producit & intendit habitum sibi proportionatum.

Verumtamen actus ille naturalis nequè satis congruit maiestati mysteriorum fidei, quæ plerumque supernaturalia sunt: neque excellentiæ diuinæ reuelationis, cuius auctoritas est eminentissima: neque fini, ad quem fides dirigitur, qui est visio Dei, & beatitudo supernaturalis, ad quam per actus proportionatos, & supernaturales par est tendere: neque attingit gradum illum perfectionis moralis, pietatis, reuerentæ, firmitatis, & submissionis plenæ & vniuersalis ad diuinum testimonium sufficienter propositum. Quare præter actum naturalem, datur alius supernaturalis, longè altioris entitatis, & maioris perfectionis moralis; quem intellectus solis viribus naturalibus attingere non potest, sed ad illum producendum eget auxilio Dei speciali, eleuante potentiam naturalem: iuxta illud Tridentini Sess. 6. Can. 3. *Si quis dixerit sine prauentione Spiritus sancti inspiratione, atque eius adiutorio, hominem credere, sperare, diligere, aut penitere posse, sicut oportet, vt ei iustificatio gratia conferatur, anathema sit*. Quibus verbis Concilium duo requirit. Primò, inspirationem Spiritus sancti, quæ scilicet illustratus intellectus multò melius percipiat motiua fidei supernaturalia, quam solis viribus naturalibus apprehenderet: & voluntas piè afficiatur, moueaturque ad volendum credere. Secundo, adiutorium eiusdem Spiritus sancti, concurrentis altiori, & speciali modo, supra naturæ debitum, ad exercitum actus fidei. Et huic actui responderet habitus proportionatus, & supernaturalis in entitate, qui non produceretur per actus, sed à Deo infunderetur: idque vel sine vilo actu præiudicio, aut dispositione; vt fit in paruulis per baptismum: vel præiudicio aliquo actu fidei; vt fit in adultis, qui sine aliqua dispositione, & propter cooperationem non iustificantur. Hunc habitum & actum supernaturalem intelligimus nomine fidei Theologicæ, qui etiam solus valet ad iustificationem, & ad finem supernaturalem, Theo-

1.
Descriptio fidei ex Apostolo.

2.
Potest dari actus fidei naturalis.

3.
Datur alius excellentior, & supernaturalis.

4.
Et habitus illi respondet.

dist. 26. quæst. 1. art. 3. ad 5. Addit sexto Gabriel in 3. dist. 33. q. 2. ar. 1. sumi etiam pro cognitione patriæ, id est, pro clara Dei visione, Rom. 1. v. 17. *Insistia Dei in eo*, scilicet in Evangelio, *revelatur ex fide in fidem*. Sed fallitur, quia potius Apostolus ubique fidem viæ opponit visioni patriæ. Huius verò loci sensus est, Iusticiam Dei, quâ nos iustificat, reuelari ex fide veteris Testamenti, in fidem noui, quæ elarior & perfectior est: vel ex fide in fidem magis ac magis crescentem. Sumitur denique 1. Cor. 11. v. 9. pro vno ex donis illis; quæ vocantur gratiæ gratis date. Quod cum Suare Prolegom. 3. de Gratia cap. 5. interpretor de speciali energia explicandi, & persuadendi res fidei: vel de priuatis reuelationibus, quæ aliquibus sunt ad aliorum utilitatem. Omitto alias fidei acceptiones apud Philosophos, & Scriptores prophanos, quas longum esset, & inutile recensere. Quæ verò iam commemoratae fuerunt & expositæ, apud Scriptores sacros vitatæ, prodesse poterunt varijs locis Scripturæ interpretandis.

Et pro
gratijs
gratis da-
tis.

SECTIO II.

*Errores Hæreticorum circa fidem propriè dictam
inducuntur, & breuiter refutantur.*

Hæretici huius temporis, auctore Caluino lib. 3. Instit. cap. 2. & Luthero varijs locis, dicunt fidem propriè dictam, esse firmam, certamque cognitionem, & fiduciam diuinæ misericordiae nos acceptantis in filios, nobisque peccata remittentis propter Christum. Nobis, inquam, in particulari, determinatæ, & absolutæ. Nam verè fidelis non est, nisi qui solidâ persuasionem Deum sibi propitiū, beneuolūque patrem esse persuasus, de eius benignitate omnia sibi pollicetur: nisi qui diuinæ erga se beneuolentia promissionibus fretus, indubitatam salutis expectationem præsumit: inquit Caluinus cap. citato, num. 16. Hanc autem fidem per Spiritum sanctum mentibus nostris ingenerari asserunt, & eâ solâ nos iustificari. Esse item inamissibilem: quia semel habita, à nullo perditur. Esse denique propriam Electorum, saltem adutorum, conuertibiliter: quia omnes Electi illam habent: & quotquot illam habent, electi sunt, & efficaciter prædestinati ad vitam æternam. Neque tamen negat Caluinus fidem versari circa alias veritates à Deo reuelatas. Dicit enim num. 30. generale fidei obiectum esse Dei veritatem: & fidem habere respectum ad omnes verbi Dei partes. Sed addit fidem non consistere sine prædicta cognitione & fiducia diuinæ misericordiae, quæ propriè fidem facit, quæque Dei filios à reprobis discernit, & fideles ab incredulis. Nam fidelis, inquit, non est dicendus, qui credit Deum & iuste præcipere quidquid præcipit, & verè minari, &c. nisi ad gratuitam promissionem modo suprà dicto perueniat.

Ad eludenda verò Scripturæ testimonia, quæ his erroribus opponuntur, notant hæretici, fidei nomen tripliciter accipi in Scriptura. Primò,

Tripliciter illam accipiunt.

pro fide historica, quæ est assensus intellectus, quo credimus verum esse quiddam à Deo reuelatum esse: iuxta illud Hebr. 11. *Fide intelligimus aptata esse secula verbo Dei*, &c. Secundò, pro fide miraculorum: id est, vt loco suprà cit. Caluinus exponit, pro dono patrandi miracula: iuxta illud 1. Cor. 15. *Si habuerio omnem fidem, ita vt montes transferam*. Tertiò, pro fide promissionum: quæ scilicet versatur circa Dei promissiones de remissione peccatorum, & adoptione gratuita per Christum. Et hæc iterum duplex est. Vna generalis, quæ versatur circa promissiones generales, spectatas generaliter: vt quod Deus omnibus credentibus & baptizatis salutem promiserit, Marc. vltimo, v. 16. Altera specialis: quæ vniuersique sibi applicans Dei promissionem, credit & confidit, peccata sibi esse remissa, seque indubitanter esse Dei filium, & infallibiliter saluandum. Et hanc vltimam vocant fidem iustificantem, volūntque solam propriè fidei nomen mereri, & esse propriam electorum: alias verò posse reprobis conuenire. Possunt enim reprobi credere vera esse quæ Deus reuelauit: quod & ipsi demones credunt, & contremiscunt. Possunt habere donum miraculorum, iuxta illud Matth. 7. *Omne, nonne in nomine tuo demonia eiicimus*, &c. Possunt versari circa Dei promissiones generales, imò & aliquo gustu verbi Dei affici, inquit, Caluinus, & quandam persuasionem ac fiduciam de propria salute concipere, similem fidei iustificanti electorum, quæque ab illa discerni vix possit, & multos fallat. At non habent inteream illam certitudinem, & fiduciam, Spiritus sancti ope mentibus electorum reuelatam, & cordibus obsignatam.

Contra hos errores fundamentales hæresum huius temporis varijs locis disputandum erit: Nunc breuiter dico primò, fidem illam specialem, communem omnibus electis, quam solam fidei nomine propriè dici volunt, commentitiam esse. Nam vera fides diuina nititur verbo Dei, & illud habet pro obiecto, vt Caluinus fatetur cap. citato, num. 30. & 31. At illa certa persuasio, & fiducia absoluta de propria cuiusque salute, non nititur verbo Dei, neque illud habet pro obiecto. Non enim Deus reuelauit, hunc & illum esse iustum, & saluandum infallibiliter. Quare huiusmodi persuasio indubitata, & fiducia absoluta Nouæ heretici, non vera fides diuina, sed humana præsumptio est.

Respondent Deum reuelasse generaliter omnes credentes in Christum esse iustos, & habere vitam æternam: Rom. 3. v. 22. & Ioan. 3. v. 16. Sub his autem propositionibus generalibus continentur hic & ille credentes. Ergo illi, nientes verbo Dei, credere possunt ac considerare se esse iustos, & habituros infallibiliter vitam æternam.

Sed contrà: Propositiones illæ generales, sunt tacite conditionatæ, & intelligendæ de credentibus sicut oportet, & habentibus alias condiciones necessarias ad salutem consequendam. Non enim quisquis quomocumque credit in Christum, iustus est, & saluandus infallibiliter. Alioquin omnes hæretici, cuiuscumque Sectæ essent iusti, & saluandi infallibiliter, quia

92

credunt in Christum. Et Christus ipse Matth. 11. v. 11. sic affirmat: *Non omnis, qui dicit mihi Domine, Domine, intrabit in regnum celorum: sed qui facit voluntatem Patris mei, qui in celis est, ipse intrabit in regnum celorum.* Quemadmodum etiam id, quod Christus generaliter asserit Luc. 11. v. 10. *Omnis qui petit, accipit: debet intelligi, si petat sicut oportet: alioqui enim multi petunt qui non accipiunt: iuxta illud Iacob. 4. v. 3. Petitis, et non accipitis, eo quod male petatis.* Et quod ait Ioan. cap. 6. *Qui manducat hunc panem, vivet in aeternum*, intelligendum est, si digne manducet, & sicut oportet. *Qui enim manducat, et bibis indigne, iudicium sibi manducat et bibis*, non dyadema corpus Domini, 1. Cor. 11. Iam verò, vnde habent hæretici certò & infallibiliter quòd hic & ille credat sicut oportet: id est, credat verà fide diuinà, & cum omnibus conditionibus requisitis, ut sit saluus infallibiliter: quod tamen necessarium est, ut vi illarum propositionum generalium absolute inferant se esse iustos, & salvandos infallibiliter. Sic enim esset illis argumentandum: Omnis qui credit in Christum sicut oportet, & habet omnes alias condiciones ad vitam æternam consequendam necessarias, id iustus, & habebit infallibiliter vitam æternam. At ego credo sicut oportet, &c. Ergo sum iustus, & habeo vitam æternam infallibiliter. Quarum propositionum maior quidem est de fide diuinà, & innixa verbo Dei; Minor autem neque evidenter continetur sub illa maiori propositione revelata, neque aliunde constat certò, & infallibiliter, nisi Deus specialiter id de aliquo reuelaverit: sed habetur solum persuasione humana, & fallibili, circa quam multi re ipsa falluntur, ut fatentur hæretici, & experièntià notum est. Quare conclusio, quæ sequitur partem debiliorem, non est fides diuinà, sed humana persuasio, & malè præsumpta certitudo diuinà. Ideòque merito Trident. Sess. 6. can. 17. & 16. contra illam præsumptionem sic pronuntiat: *Si quis dixerit hominem venasum, et iustificatum, teneri ex fide ad credendum se certò esse in numero prædestinatorum, anathema sit. Si quis magnum illud vsque in finem perseverantia donum se, certò habituurn, absoluta et infallibili certitudine, dixerit, nisi hoc ex specialis revelatione didicerit, anathema sit.*

Calvisius
suprà,
num. 7.
in fine.

to.
Voices
des com-
médatur
in Script.

Dico 2. Scripturam diuinam apertè tribuere vni & eidem fidei, verè diuinæ ac supernaturali, quòd sit historica, id est, valeat ad assentiendum veritatibus à Deo reuelatis: quòd sit fides miraculorum, id est, valeat ad patranda miracula, præsertim quando magna, & viua est, strenuèque operans per charitatem: & quòd versetur circa promissiones diuinas, valeatque ad iustificandum: Ita ut illa distinctio hæreticorum de triplici, aut quadruplici fide, si loquantur de fide verè diuinà, sit commenticia, & Scripture aduersa. Id patet ex Apostolo ad Hebr. vbi postquam cap. 10. v. vltimo dixit, *Iustus autem meus ex fide vivit*, quod sine dubio de fide iustificante intelligendum est; subiungit de eadem fide cap. 11. v. 1. & sequentibus, *Est autem fides sperandarum substantiarum rerum, argumentum non apparentium. Fide intelligimus aptius*

esse facta verbo Dei, &c. Sine fide impossibile est placere Deo. Credere enim oportet accedentem ad Deum, quia est, &c. Sancti per fidem victrici regna, operati sunt iustitiam, adepti sunt re-promissiones, obtinuerunt ora leonum, &c. Quibus verbis Paulus, nisi valde ambigè loquatur, & æquiuocè (quod abest) tribuit eidem fidei, à se initiò definitæ, quòd per eam viuamus, & placeamus Deo; quòd per eam intelligamus aptari esse sæcula verbo Dei; quòdque per eam Sancti obtinuerint ora leonum, extinxerint impetum ignis, &c. ac denique re-promissiones adepti sint: Quorum primum pertinet ad fidem iustificantem. Secundum ad historicam. Tertium ad fidem miraculorum. Quartum ad fidem promissionum. Quare hæc omnia ad eandem fidem pertinent. Vnus ergo Dominus, una fides, vnum Baptisma, Eph. 4. v. 5.

Idem videre est 1. Cor. 13. vbi Apostolus v. 2. sic ait: *Si habuerio omnem fidem, ita ut montes transferam, charitatem autem non habuero, nihil sum.* Eidemque fidei tribuit v. 12. quòd per eam cognoscamus ex parte, & videamus per speculum, & in ænigmate, Deum scilicet, & alia, quæ ab ipso credenda proponuntur. Ac denique quòd eadem sit, quæ infertur ad iustificationem, docet ibidem, cum addit v. 13. *Nunc autem manens fides, spes, charitas, tria hæc: maior autem horum est charitas.* Itaque, ex doctrina Apostoli, una, eademque est fides, quæ valet, si magna est, ad montes transferendos, & ad alia miracula patranda: quæ cognoscimus, quæ à Deo regulata sunt: & quæ denique iustificamur ex parte, aut disponimur ad iustificationem, & regenerationem spiritalem, quæ per fidem inchoatur, & per spem, & charitatem perficitur. Nec obest quòd non omnes, qui fidem habent, operentur miracula. Nam ad hoc opus est fide magis intensà, & viuida, quæ hic, & nunc in particulari, cum se offert occasio patrandi miraculum, creditur firmiter fore ut Deus illud operetur, si expediat ad ipsius gloriam, & si petatur sicut oportet. Adde quòd ordinariè requiritur extimia virtus Sanctitatis in eo, cuius operà Deus vitur ad patranda miracula: quam virtus sanctitatem paucissimi assequuntur. Fides tamen necessaria ad faciendâ miracula, non est alia quoad substantiam, quàm illa, quæ certò credimus Deum esse omnipotentem, & fidelem: postque, si velit, operari quòd petimus, quamvis difficile, & nature viribus impossibile: iuxta illud Christ. Matth. 9. *Credidit quia hoc possum facere vobis?* id est, creditis me posse miraculose sanitare vobis restituerè: Illique affirmantibus se id credere, annuit Christus eorum petitioni, & subiunxit, *Secundum fidem vestram fiat vobis.* Interdum verò huic actui fidei generali, & absolute circa Dei omnipotentiam, additur alius ex speciali revelatione, quòd hic, & nunc Deus sit editurus miraculum, quòd petimus. Et hic quoque ad fidem Theologicam pertinet, quæ, ut alibi ostendimus, versatur circa qualcumque Dei reuelationes sufficienter propostas, siue priuatas, siue publicas. Sed iste actus fidei non est necessarius ad obtinendam miraculum: imò

11.
Fides miraculorum, & historica non differt à fide promissionum.

neque iudicium prudentiæ absolutum, quod hic, & nunc adhinc omnia, ad miraculum impetrandum necessaria: id est, quod hic, & nunc expedit illud fieri ad Dei gloriam, & hominum utilitatem, quodque à Dei fidelitate, & providentia certo expectandum sit. Sufficit enim fides illa generalis de omnipotentia, & bonitate Dei, in gradu quodam intenso & heroico: & assensus conditionatus quod hic, & nunc, edet miraculum, si expedit, & petatur sicut oportet.

11. *Fides non est inamissibilis.* Dico tertio, commentitium esse, & Scripturæ aduersum, quod hæretici dicunt, fidem propriè dictam esse inamissibilem: esse propriam electorum: esse indubitatam, certamque diuinitus, & absolutam persuasionem de iustitia propria cuiusque, deque salute consequenda infallibiliter: eam denique solam iustificare. Nam è contrario Scriptura docet eos, qui fide stant (vera scilicet, & iustificante) posse cadere, ipsisque, ne cadant, timendum esse: imò etiam multos cecidisse, Rom. 11. v. 20. & sequentibus: Et circa fidem naufragauisse, 1. Timoth. 1. Et euacuatos esse à Christo, excidisseque à gratia, Galat. 1. Et postquam gustauerunt donum cælestis, participique facti, sunt Spiritus sancti, prolapsos esse: quos etiam dicit, esse impossibile, id est, valde difficile, renouari ad penitentiam, Hebr. 6. Et denique, nonnullos post agnitam viam iustitiæ, retrò esse conuersos, quibus contigit illud veri Prouerbij, *Carus reuersus ad vomitum: Et sui loca in volumine lusi.* 2. Petri 2. Docet etiam, & hortatur fideles, cum metu, & tremore operari salutem suam, Philip. 2. v. 12. satagerique, vt per bona opera certam suam uocationem, & electionem faciant, perseverando vsque in finem, 2. Petri. 1. Atqui repugnat credere, & considerare indubitatum, & absolutè se fore saluos; & timere, ac tremere de opposito. Timere, inquam, & tremere, non quomodo cumque, sed tanquam de euentu incerto, & cuius oppositum contingit in multis, pares nobiscum promissiones, aut reuelationes habentibus; vt patet ex alijs Scripturæ locis priùs citatis. Timere casum à fide Rom. 11. v. 20. tanquam euenturum, nisi diligenter, & sollicitè attendamus, & tanquam euentum multis alijs, quoad reuelationes; aut promissiones diuinis paribus: Et tamen indubitatè credere, ac, quod considerare casum esse impossibile: Idque non ob aliud fundamentum, quam propter communes, & generales Dei promissiones. Est quoque ineptum existimare Scripturam, locis citatis, nos hortari vt dubitemus de eo, quod fide diuina certum, & indubitatum est: timeamusque vehementer, & cum tremore ne euiniamus oppositum. Docet tertio, fidem solam non sufficere ad iustificationem, Iacob. 1. v. 24. quam etiam tribuit charitati, alijsque causis, Ioan. 14. v. 21. & cap. 20. v. 21. & 1. Ioan. 1. v. 9. & Ezechiel. 18. v. 21. & 2. v. 27. Imò fidem sine charitate nihil esse, nihilque valere seu prodesse ad vitam æternam, Galat. 5. v. 6. & 1. Cor. 13. v. 2. Plura contra hos errores hic obiter perstrictos diximus in tract. de Gratia, & iustificat. disp. 41. Sect. 3. & disp. 42. Sect. 1.

& 2. vbi etiam præcipuis hæreticorum objectionibus satisfacimus.

SECTIO III.

Quodnam sit subiectum, & obiectum materiale fidei Theologicæ?

Nota primò, subiecti nomine hic intelligi, non subiectum inhaesionis, quod sine dubio est intellectus respectu fidei; sed subiectum cognitionis, & attributionis seu prædicationis: siue, vt alij loquuntur, non subiectum in quo, sed de quo est cognitio, & circa quod versatur.

Nota secundò, ex Durando in Prolog. quæst. 5. num. 6. subiectum cognitionis, & obiectum, propriè loquendo in eo differre, quod subiectum propriè est id, de quo aliquid cognoscitur, quodque in propositione subijcitur prædicato. Obiectum verò est totum id, quod cognoscitur: quod præter subiectum comprehendit prædicatum, & copulam, & motum assentiendi, & quidquid aliud cadit sub cognitionem. Idem enim est cognosci, & obijci cognitioni: idemque est obijci cognitioni, & esse obiectum cognitionis. Quare quidquid cognoscitur, Obiectum est.

Nota tertio, subiectum, vel obiectum actus, vel habitus cognoscitiui (cuiusmodi est fides) aliud esse totale, aliud parziale: & hoc in principale, & minùs principale subidm. Nominè autem subiecti principalis intelligi potest, vel illud, quod dignitate præcellit omnibus alijs subiectis partialibus eiusdem scientiæ aut alterius habitus: vel illud, quod ita se habet, vt cætera ad ipsius cognitionem referantur, neque aliter spectentur in scientia, ex propria illius intentione, & modo, quo tradi solet, nisi quatenus conueniunt ad plenam, & perfectam eius notitiam. Quo pacto corpus naturale dicitur esse subiectum principale Physicæ: quia quæcumque alia in Physicâ considerantur, sunt vel species, vel partes, vel principia, & causæ corporis naturalis, vel naturales eius proprietates, & affectiones: eatenusque solùm spectantur à Physico, quatenus conferunt ad plenam, & exactam notitiam corporis naturalis. Eademque de causâ subiectum illud vocatur etiam totale per attributionem, & subiectum adæquatum, partim directum, siue in recto, partim indirectum, siue in obliquo, quatenus in omnibus scientiæ propositionibus, vel est subiectum directè, & per se; vel indirectè, quia si quid aliud est subiectum alicuius propositionis, refertur ad illius cognitionem.

Vterius, quia obiectum assensus est verum, saltem apparens: nunquam enim assentimur nisi ei quod verum apparet; Notandum est quædam esse obiecta, quæ per se ipsa nobis apparent vera, ob proportionem & conformitatem, quam habent per se ipsa, cum lumine intellectu: eiusmodi sunt hæc veritates. Omne totum est maius sua parte: Impossibile est idem simul esse, & non esse: non potest idem de eodem, & secundum omnia eadem, verè simul

affirmati & negari : & aliæ eiusdem generis, quæ ideo vocantur *per se nota*. Alia verò, ut appareant vera, & assensum obtineant, egent luce aliena, & ratione aliqua, vel moriuo assentiendi : cuiusmodi sunt v. g. multæ propositiones Mathematicæ, quæ per se apparent incredibiles, neque assensum obtinent, nisi vi principiorum per se evidencium, ex quibus deducuntur. Eiusmodi sunt etiam pleraque fidei mysteria, ut Trinitatis, Incarnationis, Eucharistiæ, Resurrectionis mortuorum, & similia, quibus non assentiremur, nisi Deus sua reuelatione, & signis sufficientibus, fecisset ea credibilia. Nam per se sola non apparent assensu digna. Hinc oritur alia diuisio obiecti in materiale, & formale. Materiale dicitur id, cui assentimur propter aliud : formale autem id, propter quod assentimur, seu quod est alteri ratio & motiuum assentiendi. Quæ diuisio locum tantum habet in ijs, quæ per se nota non sunt. In alijs enim non distinguitur id quod cognoscitur, à motiuo cognoscendi : quippe quæ per se ipsa sola cognoscuntur, obtinentque assensum sine alio medio seu moriuo assentiendi.

16. Nota quartò, inter ea quæ diuinitus reuelata sunt, & ad credendum propoſita, quedam esse reuelata per se, id est, ex primaria, & principali intentione Dei : ut sunt ea, quæ pertinent ad Deum cognoscendum, siue prout est vnus in seipſo, siue etiam prout est trinus in personis, & principium, ac finis vltimus creaturarum, præcipueque rationalium, ab illis colendus, & amandus, atque per certa media, ab ipſo constituta, obtinendus. Et hæc dicuntur constituere corpus, & veluti substantiam obiecti fidei. Alia verò sunt reuelata per accidens, ac secundariò tantum : & vel non nisi occasione alterius, ut scilicet humano modo, & cum ornatu quodam tradantur alia per se reuelata : vel de iugiter quibusdam particularibus, quæ neque ad Dei notitiam specialiter conducunt, neque per se spectant ad negotium salutis : cuiusmodi sunt permulta in Patriarcharum & Regum historijs, aliisque libris diuinis.

17. His præſuppoſitis, Dico primò, subiectum totale fidei Theologicæ adæquatè sumptæ complexu illud omne, de quo Deus credibiliter aliquid reuelauit : quod præter Deum, alia multa continet. Probat, quia illud omne est subiectum fidei Theologicæ, de quo aliquid prædicatur in quacunque propositione, quæ per fidem illam creditur. Atqui tale est id omne, de quo Deus credibiliter aliquid reuelauit : Ergo, &c. Ex quo patet non tantum Deum, sed etiam creaturas, de quibus multa sunt diuinitus reuelata, esse subiectum fidei Theologicæ. Quod mirum est à Paludano in 3. dist. 24. quæst. 1. conclus. 2. negari potuisse : cum sole clariùs sit multa in Scripturis de Patriarchis, & alijs viris sanctis vtriusque Testamenti, de Beata Virgine, de Ecclesiæ, de Sacramentis, de virtutibus, & vitijs, plurimisque alijs rebus creatis fuisse à Deo reuelata.

18. Dico secundò, Deum esse principale subiectum fidei Theologicæ, atque etiam aliquo sensu totale per attributionem. Ita D. Thom. 1. 2.

quæst. 1. art. 1. & alijs communiter. Ratio primæ partis est, quia illud est subiectum principale alicuius doctrinæ, quod alijs eius subiectis partialibus dignitate supereminet, & in præcipuis eius propositionibus habet rationem subiecti : Deus autem est huiusmodi respectu fidei, quippe qui dignitate supereminet omnibus alijs fidei subiectis, ut per se notum est : & in præcipuis fidei propositionibus subiecti locum tenet. Nam præcipue fidei propositiones, quæque primò, & principaliter ad credendum proponuntur, istæ sunt & similes : Deus est ; Deus est vnus in essentia, & trinus in personis ; Deus est primum principium, & finis vltimus rerum omnium ; Deus prouidet rebus humanis ; Deus est nostrum summum bonum, & beatitudo obiectiua ; Deus est factus homo, Redemptor, Glorificator, Remunerator. Quare Deus est subiectum principale fidei Theologicæ.

19. Secunda pars eiusdem assertionis, quòd scilicet Deus aliquo sensu sit etiam subiectum totale per attributionem respectu fidei Theologicæ, intelligenda est quoad ea, quæ per se reuelata sunt, pertinentque ad corpus, & veluti substantiam obiecti fidei : iuxta ea, quæ diximus num. 16. Cætera enim, quæ per accidens, & secundariò tantum reuelata fuerunt, debent ab illis segregari ad constituendum subiectum attributionis, aliquo modo, & aliqua coordinatione vnum : ita scilicet, ut omnes illius partes, & omnes propositiones, quæ de illis formantur, sint aliquo modo connexæ inter se, & bene coherentes. Sicut omnes propositiones, quæ aliquam scientiam totalem constituunt, debent inter se connecti, & bene coherere. Quamvis autem illa connexio non reperiat in omnia quomodocunque reuelata, quæ non constituunt, nisi quoddam aggregatum per accidens ex rebus tam diuersis & distinctis, nulloque modo coordinatis inter se, neque moraliter vnitis ad vnum veluti corpus subiecti constituendum ; simili quodam modo, quæ omnia, quæ explicantur in Logica, vel sunt tres mentis operationes, ut dirigibiles, vel ad eas dirigendas referuntur : & omnia, quæ tractantur in Physica, ordinantur per se ad notitiam corporis naturalis, velut subiecti totalis per attributionem : & sic de alijs scientiarum subiectis. Optimè tamen coherent inter se Deus vt vnus in essentia, & trinus in personis, atque etiam vt incarnatus, & vt principium, & finis creaturarum, præcipueque intellectualium, colendus ab illis, & obtinendus per certa media ab ipſo constituta : Inter quæ media Christus principem locum obtinet ; secundum, alia gratiæ auxilia, & actus boni ope illorum eliciti, leges diuine, virtutes, & Sacramenta. Quare Deus sub eiusmodi considerationibus potest optimè constituere, & reipsa constitui subiectum principale fidei Theologicæ, atque etiam totale per attributionem, respectu eorum, quæ per se reuelata fuerunt. Nam cætera, quæ Deus prima intentione reuelauit, eò per se tendunt, ut Deus secundum prædictas consideraciones, melius cognoscatur, & colatur à creaturis intellectualibus, ab ijsdemque velut vltimus finis tandem obtineatur. Omnia, inquam, alia, quæ fue-

19.
Et totale
per attri-
butionem.

18.
Subiectu
eius prin-
cipale.

runt per se reuelata, eò quodammodo referuntur, vt melius intelligatur, quis, & qualis, & quantus sit Deus, siue vt vnus, siue vt trinus, siue vt incarnatus, & quo modo sit amandus, & colendus, quæ ratione, & quibus medijs ipsum tandem, vt finem vltimum nostrum, & verum summum bonum, consequi valeamus: Quare Deus est subiectum principale, & totale per attributionem fidei Theologicæ. Atque idem etiam est subiectum principale, & totale per attributionem Theologiæ strictè sumptæ, vt suo loco diximus: quippe quæ fidei inservit ad eà omnia ordinatè, & accuratè explicanda, quæ ad corpus fidei pertinent.

Cætera verò, per accidens tantùm, & secundario reuelata, licet ad Deum aliquo modo pertineant, saltem velut illius effectus vel ab eo permixti; non tamen ad Deum, secundum prædictas consideraciones manifestandum, magis, aut propius faciunt, quàm ea, quæ tractantur in Physica, vel in alijs scientijs naturalibus, de rebus creatis: & reflexiones, quæ ex illis fieri possunt ad Deum cognoscendum, non sunt minds remotæ. Quare qui propter eas vellet Deum esse subiectum totale attributionis omnium huiusmodi reuelationum, & fidei Theologicæ circa illas versantis; deberet pari iure dicere Deum esse subiectum totale attributionis Physicæ, & Moralis Philosophiæ, omniumque scientiarum naturalium: quia nihil in illis est, quod æquè referri nequeat ad naturalem Dei cognitionem, atque ea quæ per accidens reuelantur de cane Tobie v. g. caudâ adblandiente; vel de incestu filiarum Loth, de rebus domesticis, & priuatis actionibus aut publicis negotijs plurimorum, quorum res gestæ narrantur in Sacris literis.

Dico tertio Deum, & ea, quæ de ipso per reuelationem diuinam, obscurè factam cognoscuntur, esse obiectum materiale principale fidei Theologicæ: Totale verò esse, id omne, quod obscurè, & credibiliter à Deo reuelatur. Probat, quia illud omne est obiectum materiale fidei, quod subest eius obiecto formali: Formale autem obiectum fidei est diuina reuelatio credibiliter facta, vt ostendimus infra. Ergo quidquid subest reuelationi diuinæ credibili, id est, quidquid reuelatur à Deo credibiliter, est obiectum materiale fidei. Cum autem plurima sunt à Deo reuelata, de seipso, de Angelis, de hominibus, & alijs rebus creatis; præcipua sunt in Dei, & fidei ipsius intentione, quæ de Deo sunt reuelata: vt patet ex dictis de subiecto, & mox amplius declarabitur refellendo contrarias opiniones. Quare Deus, & ea, quæ de ipso per reuelationem diuinam credibiliter factam cognoscuntur, sunt obiectum principale materiale fidei Theologicæ. Deus, inquam, non modo proptèr est vnus & trinus; sed etiam proptèr Incarnatus, & proptèr est principium, & finis vltimus creaturarum, præcipue rationalium, ab illis colendus, & amandus, pèrque certa mediâ consequendus: iuxta ea, quæ diximus in secunda conclusione de subiecto principali fidei. Quarum considerationum prima, & magis principalis, est consideratio Dei proptèr in se est vnus in essentia, & trinus in personis:

alix verò sunt secundariæ, & minis principales.

Vnde collige primò, falli aliquos recentiores affirmantes Deum esse obiectum principale fidei, non secundum se spectatum, proptèr est vnus & trinus, & secundum prædicata necessaria, tam essentialia, quàm notionalia; sed solum proptèr est principium, & finis creaturarum intellectualium: Falluntur, inquam; quia prior consideratio Dei proptèr in se est, supremā est, & nobilissima, maxinèque ad fidem pertinet, & ad intentionem Dei reuelantis. Longè enim maius est Deum esse id, quod in se ipso est; quàm esse principium, aut finem creaturarum, etiam intellectualium, secundum id, quod per has denominationes additur Deo secundum se spectato. Fides quoque id primò, & præcipue spectat: Tum quia fides Theologica est communicatio quadam, & imitatio intelligentiæ diuinæ; Dei autem intellectus habet pro primario, & præcipuo obiecto Deum, vt in se est: Tum etiam, quia fides viæ respondet lumen gloriæ, ipsique accommodatur; Idem enim creditur, quod videtur: At lumen gloriæ præcipue tendit in Deum, vt Deus est: indeque nos maxime reddet Beatos. Tum denique, quia Deus non intendit solum manifestare se hominibus per fidem, proptèr est principium & finis, aut saluator, glorificator, &c. sed præcipue proptèr est Deus, infinitus, immensus, æternus, summè sapiens, summè bonus, summè potens: quæ etiam ratione est obiectum charitatis diuinæ, & dilectionis Dei proptèr se, quam Deus maxime intendit, & requirit à nobis, & cuius præceptum est primum, & maximum inter Dei præcepta; Quare etiam Deus proptèr est illius obiectum, id est, proptèr in se est, magis à fide respicitur, ex intentione Dei; quam proptèr est obiectum spei, id est, proptèr est bonus nobis. Inuò & ex intentione fidei; quippe quæ conuenienter respicit obiecta spei, & charitatis, quas dirigit. Adde quòd virtus quælibet magis propensa est in nobiliorem, & meliorem partem sui obiecti; quippe quæ circa illud versatur recto, & conuenienti ordine: Virtutes enim, & maxime supernaturales, ordinatissimæ & rectissimæ sunt. Quare fides magis præcipue tendit in Deum secundum id, quod in se est; quam proptèr est principium, & finis creaturarum. Ideoque meritò D. Augustinus lib. 4. de Ciuit. cap. 20. affirmat fidei vnum, & primum, ac maximum officium esse, vt in verum credatur Deum.

Collige secundò, malè quoque de obiecto principali fidei sentire nonnullos alios, qui cum Suare disp. 2. de fide, Sect. 1. num. 5. & Valentia quæst. 1. de fide, puncto 1. Agido Con. disp. 9. de Actibus supernatur. lib. 1. restringunt obiectum principale fidei ad Deum secundum absolutam rationem Deitatis. Quo nomine non intelligit totum esse diuinum necessarium, includendo etiam relationes personarum diuinarum, & excludendo tantùm relationes quasdam Deo contingentes, vt quòd sit Creator, Redemptor, Glorificator; quem admodum nonnulli eos malè interpretantur:

21.
Quomodo Deus est obiectum principale fidei?

22.
An sub sola ratione Dei?

10.
Obiectum eiusdem materiale & totale.

Respon-
detur ne-
gatiue.

sed intelligunt præcisè ipsam essentiam diuinam sub ratione essentie; vt perspicue liquet ex verbis Suarez num. 7. Sect. cit. Quare iuxta sententiam horum Doctorum, Trinitas personarum, & Deus quatenus est principium, & finis creaturarum, maximèque rationalium, non pertinet ad principalem fidei intentionem. Quæ restrictio displicet; propterea quod Apostolus Heb. 11. loquens de principali & primario fidei officio, sic ait: *Accedentem ad Deum oportet credere, quia est, & quod inquirentibus se, remunerator sit.* Et D. Augustinus lib. 11. de Ciuit. cap. 2. dicit finem totius fidei esse, vt ad Deum perueniatur. Et S. Thomas 1. parte, quæst. 2. in præfat. asserit principalem intentionem sacre doctrine esse, Dei cognitionem tradere: & non solum secundum quod in se est, quoad essentiam, & personas; sed etiam secundum quod est principium rerum, & finis earum, & specialiter creaturæ rationalis. Eadem autem est intentio fidei, & sacre doctrine, seu Theologie, quæ fidei seruit, & tota circa eius mysteria explicanda versatur. Deinde fides ex principali suo munere est fundamentum spei, & charitatis, & dux viæ, seu viæ christianæ, ad quam rectè dirigendam principaliter tendit. Spes autem versatur primò & principaliter circa Deum, vt bonum nostrum est, & finis noster vltimus. Et viatorum principale officium est, non contemplari solum, sed ire & tendere ad viæ terminum. Vita quoque christiana non consistit principaliter in sola Dei contemplatione, prout in se est; sed & in multis officiis circa ipsum exercendis, quorum fundamentum est Deus, prout principium, & finis noster est. Nam quia Deus est primum principium nostri esse; debemus eum summè colere, & amare. Hinc etiam Ius habet præcipiendi, & exigendi à nobis quicquid vult. Quia verò est noster finis vltimus; debemus nos & nostra omnia ad ipsum referre, mediæque amplecti necessaria ad eum consequendum. Quare ad præcipuum munus fidei pertinet Deum cognoscere secundum illas rationes, quæ ad spei, & viæ, ac viæ christianæ statum principaliter pertinent. Fides enim debet illis esse accommodata, velut eorum dux & fundamentum.

27.
Reselli-
tur opi-
nio con-
traria.

Nec vrget quod præcipue opponit Suarez; Deum, secundum rationem Deitatis, esse primum & essentiale obiectum beatitudinis, ac visionis Dei: Ergo & fidei: Tum quia fidei, visio succedit: tum etiam, quia fides, & visio habent idem obiectum primum, variatà tantum ratione clari, & obscuri: Item, quicquid per fidem reuelatur, ad hoc ordinatur, vt Deus secundum se, & secundum absolutam rationem suam, perfectius cognoscatur, iuxta capacitatem præsentis status: Ergo Deus secundum absolutam rationem Deitatis, est obiectum materiale præcipuum fidei Theologicæ. Respondeo enim ad primum, Deum non modò secundum Deitatem, sed & secundum Trinitatem, atque etiam prout est bonum nostrum, pertinere ad obiectum primum, & essentiale beatitudinis: quâ postremâ ratione attingitur per possessionem, & fruitionem, spei viæ respondentem, tanquam primum eius obiectum:

Status autem essentialis gloriæ, respondet statui essentiali iustificationis viæ, qui constituitur habitibus fidei, spei, & charitatis. Ad secundum respondeo, non omnia reuelata eo tantum referri: sed fidem per se, ac præcipue vtramque Dei cognitionem intendere, qualis scilicet est in seipso, & qualis est respectu nostri, ad quam postremam considerationem multo plura fidei dogmata pertinent; vt videre est in Scriptura, & traditionibus, atque in ipsa doctrina Theologica, cuius officium est mysteria fidei distinctius proponere. Et quidem D. Thom. postquam 1. parte à quæst. 2. ad 45. exposuit quæ ad Deum pertinent, vt in se ipso est secundum Essentiam, & Trinitatem personarum; reliquum ferè Summæ Theologicæ impendit in cognitionem Dei, vt est principium & finis creaturarum, maximèque rationalium, ac mediocum, per quæ ad ipsum, vt finem vltimum tendendum est. Concludo itaque Deum secundum vtramque considerationem ad principale fidei obiectum pertinere.

Idem Suarez, eisdem disp. Sect. 2. num. 2. & 3. affirmat omne à Deo reuelabile, comprehendit sub obiecto materiali adæquato fidei. Quia quicquid potest fide diuinâ credi, est obiectum fidei Theologicæ: Sed omne à Deo reuelabile potest fide diuinâ credi: Ergo, &c. Verum aliud est, posse comprehendit sub obiecto fidei, & aliud, reipsâ comprehendit: Aliud, inquam, est posse esse obiectum materiale fidei; & aliud, esse reipsâ obiectum materiale fidei. Ad primum sufficit esse reuelabile, seu posse reuelari credibiliter. Ad secundum requiritur esse actu reuelatum: Sicut, vt aliquid sit obiectum visus, non sufficit posse esse coloratum, sed debet esse actu tale. Nos autem loquimur de obiecto fidei quod est; sen de eo quod est obiectum materiale fidei; non autem de eo, quod tantum esse potest. Ad argumentum verò Suarez sic respondeo: Quidquid potest fide diuinâ credi, est obiectum fidei: distinguo: Quidquid potest proximè & completè, concedo: remotè tantum, quia scilicet tantum potest credibiliter reuelari: nego. Sed omne à Deo reuelabile potest fide diuinâ credi: distinguo: potentia proximâ, & completâ, nego: remotâ, vel proximâ, concedo: & nego consequentiam.

24.
Non om-
ne reue-
labile est
obiectum
fidei.

Potro licet non omnia reuelata æquè primò & principaliter ad fidem pertineant, vt supra ostendimus; sunt tamen omnia æquè digna assensu fidei certissimo, qui fundatur in Dei reuelatione, & auctoritate sufficienter propositâ. Quæ quicquid reuelet, æqualis est, & æqualiter fide digna, postquam certò constat Deum reuelasse: Credibilis enim & certitudo fidei non petitur ex materia reuelata, quæ sæpissime contingens est; sed ex auctoritate Dei reuelantis, quæ in omnibus æqualis est, & æquè infallibilis, ac digna assensu propter se.

25.
Omnia
reuelata
sunt æquè
digna fi-
de.



S E C T I O IV.

Quodnam sit obiectum formale fidei?

26. **N**omine obiecti formalis intelligo id, quod ex parte obiecti, & per modum obiecti, nos mouet ad præbendum assensum fidei rebus à Deo reuelatis : Ea enim est communis acceptio huius vocis apud Theologos, & Philosophos, vt obiectum formale significet motiuum assensus, id est, id quod est alteri obiecto motiuum assentiendi. Materiale verò, id cui est motiuum. Nec moror aliquos, qui contendunt obiectum formale debere potius dici id omne, quod formaliter, id est, secundum se, & secundum suam formam seu entitatem obijciatur cognitioni, siue propter aliud tanquam motiuum cognoscatur, siue non : Licet enim aliquo sensu illud omne, quod formaliter, hoc est, secundum se obijciatur, possit dici obiectum formale : specialiter tamen fide appellatur id, quod non tantum secundum se obijciatur ; Verum etiam est alteri motiuum, & ratio, ac veluti forma constituens in esse obiecti cognoscibilis.

Hoc præsupposito, respondeo tria esse, quæ nos mouent ad præbendum assensum fidei Theologicæ : videlicet testimonium Dei reuelans ; argumenta quibus Deus sufficienter credibile facit se reuelare ; & veracitatem diuinam dignissimam cui credatur. Ex quibus tribus constituitur vnum integrum, & adæquatum obiectum formale fidei Theologicæ, quod sic breuiter describi potest : Est testimonium diuinum sufficienter propositum, vt diuinum
S. Thom. & credibile. Vel, vt loquitur S. Thom. quæst. 1. art. 1. Obiectum formale fidei nihil est aliud, quam veritas prima : reuelans scilicet cum sufficienti credibilitate. Quod vt clarius explicetur,

27. **D**ico primò, reuelationem diuinam, siue testimonium Dei assentientis id quod proponitur ad credendum, esse in motiuo formali fidei Theologicæ. Probatur primò ex Scriptura, quæ nos inducit ad credendum propter Dei testimonium, exigitque vt assentiamur veritati fidei, ideo quia Deus eas reuelauit. 1. Ioan. 5. v. 9. *Si testimonium hominum accipimus, testimonium Dei maius est* : id est, si propter hominum testimonium mouemur, vt credamus quæ ab illis dicuntur, illudque acceptamus tanquam dignum assensu : multò æquius est moueri nos testimonio Dei, quod est maioris auctoritatis, propter infinitam ipsius maiestatem, & veracitatem : Quod autem mouet ad credendum, est motiuum, & obiectum formale. Secundò Scriptura Ioan. 3. & 1. Thess. 2. & 1. Ioan. 5. & Hebr. 6. v. 18. alibi que passim, ait credentes suscipere verbum Dei, accipere illius testimonium, credere verbo Dei, & significare ipso actu credendi, Deum esse veracem, firmissimumque habere solatium, eo quod Deus mentiri non possit. Nimirum quia verbo, seu testimonio, & veracitate diuinà infallibili, mouentur vt credant. Et Gen. 15. v. 6. Rom. 4.

v. 3. aliisque locis dicuntur fides credere Deor. Credere autem alicui, idem est, ac moueri eius testimonio, & auctoritate ad assentiendum ei, quod dicit; siue assentiri propter ipsum. Ergo illius testimonium, & auctoritas est obiectum formale talis assensus : Nam illud est obiectum formale respectu assensus, quod est ratio, & motiuum, siue medium nos mouens ad assensum. Notandum verò est, prædicta Scripturæ testimonia àbsolutè prolata, debere atque in sensu propriissimo, & amplissimo, quantum fieri potest, ac non temerè restringi : ita nimirum, vt fides vniuersaliter, & semper, atque in omni, & quolibet actu assentiat propter verbum Dei : vt etiam affirmat D. Thomas verbis paulo post referendis num. 31. cui ceteri Theologi assentiuntur. Quomodo autem id verum sit de assensu etiam illo, quo credimus Deum esse, aut veracem esse; atque ita nec ille ab hac generali assentione excipi iure possit, dicemus dectione sequenti.

Confirmatur, quia intellectus, vt pater experientia, nunquam assentitur, nisi ei, quod vel per se immediate; vel per aliud, ipsi verum apparet : Vnde huic propositioni, *Altra sunt numero pari*, non possumus assentiri; quia neque per se, id est, ex solis eius terminis, aut rei significatæ apprehensione, apparet vera; neque intellectui occurrit aliquid aliud, propter quod vera esse videatur. Quando autem aliquid apparet verum per aliud; hoc illi est ratio assentiendi, seu motiuum, id est, medium mouens intellectum ad illius assensum. Et quoties aliquid non apparet per se verum, eget aliquo alio, tanquam motiuo, & medio impellente intellectum ad assensum : Atqui res fidei sunt plerumque per se ignotæ, & non credibiles ex terminis solis, vt Trinitas, Incarnatio, Eucharistia, Resurrectio mortuorum : Et omnes quotquot sunt, prout creduntur fide diuinà, non obtinent assensum propter se, sed propter Dei testimonium sufficienter propositum. Ergo Dei testimonium est illis motiuum, ad eoque obiectum formale.

Porro Dei testimonium, seu reuelatio nos mouens ad credendum, non est solum internum. Quid sit illud testimonium? Dei locutio, siue iudicium, quo Deus iudicat interius, & dicit apud se per verbum mentis, id est, cognoscit æternè verum esse id, quod reuelat : sed addit aliquid externum, & creatum, per quod Deus patefacit id, quod reuelat Angelis, vel hominibus; siue interius solum spiritualiter illis loquendo per inspirationes, & specierum impressionem, passivè motiones; siue etiam sensibiliter, & per externa signa testificando : vt rectè docet Agidius Connekc disp. 9. dub. 4. concl. 2. num. 40. post Valenr. quæst. 1. de fide, punct. 1. assert. 2. §. *Sed hinc ostenditur* : qui etiam nobiscum affirmant id totum habere rationem obiecti formalis respectu assensus fidei. Ratio Agidij est, quia ad obiectum formale fidei requiritur vera Dei testificatio, quæ nobis aliquid reuelat, siue dicat, & testificetur : Atqui sola interna locutio, siue iudicium Dei apud se, nisi accedat aliqua externa operatio, quæ Dei conceptus possit nobis innotescere, nequit respectu nostri esse vera

vera testificatio, neque Deus per illam potest dici nobis aliquid dicere, & testificari. Ergo sine illo signo, vel operatione Dei externa, non potest esse obiectum formale fidei. Confirmatur, quia illud totum est obiectum formale fidei, quod est proprium motuum credendi: sicut obiectum formale in scientia, vel in opinione, est id, quod est notitium sciendi, vel opinandi. Atqui proprium motuum credendi fidei diuinæ, non est Deus utcumque, sed ut dicens & testificans. Ergo ut sic, est obiectum formale fidei.

30. Dico secundò, Dei veracitatem esse quoque in obiecto formali fidei, tanquam motuum, propter quod assentimur ipsius testimonio. Ratio est, quia ideo alicui testificanti creditur, quia existimatur verè testificari. Alioquin enim ipsius testimonium non mouet ad credendum. Ergo veracitas testificantis est motuum, seu ratio, cur credatur ipsius testimonio: sicut testificatio est motuum, & ratio, cur credatur res testificata. Quare veracitas in testificando est motuum, & obiectum formale parziale in quocumque fidei assensu. Confirmatur, ex Scriptura, quæ idcirco à nobis exigit ut Deo credamus, quia Deus verax est, 1. Ioan. 5. v. 9. Et Ioan. 3. v. 33. *Quæ accepit eius testimonium, signauit, quia Deus verax est:* nimirum, quoniam ideo credit, quia putat Deum esse veracem, ipsoque suo actu credendi id significat. Idem etiam patet experientiâ: Neque enim aliter mouemur ad credendum fidei diuinæ Deum esse trinum v. g. nisi quia Deus reuelauit, & quia Deus verax est. Ita ut fidei assensus æquiualeat huic discursui: Quidquid Deus reuelauit, est verum: sed Deus reuelauit se esse trinum. Ergo verum est, Deum esse trinum.

31. In hunc sensum interpretor quod ait S. Thom. quest. 1. art. 1. in corp. *Sic agitur, inquit, in fide si consideremus formalem rationem obiecti, nihil est aliud, quam veritas prima, reuelans scilicet credibiliter.* Non enim fides, de qua loquimur, assentit alicui, nisi quia est à Deo reuelatum. Vnde ipsi veritatis diuinæ fides innuitur tanquam medio. Hæc S. Thomas. Vbi diligenter aduertendum est quod ait, *Fidem non assentiri alicui, nisi quia est à Deo reuelatum.* His enim verbis manifestè contradicit illi qui diceret, fidem diuinam seu Theologicam (de qua loquitur) assentiri alicui (puta existentie diuinæ) non quia est à Deo reuelatum, sed propter aspectum creaturarum, aut aliquid aliud. Et art. 3. eiusdem quest. in qua tractat ex professo de obiecto fidei, non minùs perspicue affirmat veritatem diuinam reuelantem, esse motuum generalissimum fidei, absque vlla exceptione; cum probat fidei falsum subesse non posse, quia ratio formalis obiecti fidei est veritas prima: unde nihil potest cadere sub fide, nisi inquantum stat sub veritate prima, sub qua nullum falsum stare potest, sicut nec non ens sub ente, nec malum sub bonitate. Quare sicut generalissimè verum est non posse fidei diuinæ falsum subesse: generalissimè pariter verum est non posse quicquam subesse fidei nisi sub prima veritate: iuxta doctrinam D. Thomæ. Nomine autem primæ veritatis intelligit supremam Dei veracitatem, & auctori-

tatem in testificando. Notandum enim veritatem quadrupliciter sumi. Primò, pro veritate in essendo; quæ cum ente conuertitur, & in eo consistit, quòd quælibet res sit talis essentialiter, qualis debet esse: Sicut bonitas entis consistit in eo quòd res sit tanta, seu tam perfecta essentialiter, quam debet esse. Secundò, sumitur pro veritate in cognoscendo: quæ est conformitas assensus, aut dissensus, cum obiecto. Tertiò, pro veritate in dicendo: quæ est conformitas locutionis externæ cum mente, seu iudicio interno, opposita mendacio: diciturque veracitas: quanquam potius veracitas significat virtutem voluntatis, & affectum dicendi verum, seu loquendi conformiter cum assensu interno. Quartò denique, sumitur pro complexo ex veritate in cognoscendo, & in dicendo: quæ scilicet quis & rectè iudicat de obiecto, & loquitur ut sentit. Vtrumque autem ad conciliandam testimonio auctoritatem, necessarium est. Vnde tam illi, qui crebrò falluntur, malè concipiendo ea, quæ testificantur; quam illi, qui alios fallunt mentiendo, id est, contra mentem loquendo, habentur fidei indigni.

Cum igitur veracitas, & auctoritas testificantis, quæ mouet ad assentiendum ipsius testimonio, duo includat necessariò, in re ipsa, vel in credentis existimatione: primum, ut testificans non fallatur: secundum, ut non fallat, nec voluntariè alios decipiat: primum pertinet ad veritatem in cognoscendo, oppositam falsitati mentali. Secundum, ad veritatem in dicendo, oppositam mendacio. Item, primum pertinet ad sapientiam, & rectitudinem intellectus: secundum, ad bonitatem, & rectitudinem voluntatis. Ad sapientiam enim spectat, ut intellectus cognoscat rem sicuti est. Ad bonitatem, ut sincerè loquatur, & sine fraude, vel mendacio. Vtraque virtus in Deo summa est, qui pro sua sapientia, seu scientia infinita, cognoscit euidenter vnumquodque sicuti est: & pro summa bonitate mentiri non potest, neque fallere. Ac sicut est primum ens, & prima veritas in essendo, id est, summum, & perfectissimum ens, includens omnem essendi perfectionem possibilem in creaturis, & quidem infinitè eminentius: ita est prima veritas in cognoscendo, & prima veritas in dicendo, id est, summa & perfectissima, includens omnem perfectionem in genere cognitionis, & veracitatis, scilicet infinità sapientiâ & bonitate. Ita ut neque alios fallere possit, quia summè bonus est: neque falli ipsemet; quia infinitè & perfectissimè sapiens & intelligens est. In quo differt ab hominibus, & Angelis, qui spectati naturaliter, falli possunt, & fallere. Hinc oritur obiectiue summa fidei certitudo. Nam conditio testificantium, & diuersitas in eo genere, plurimum facit ad diuersimodè assentiendum. Ex g. homini, de cuius sapientia in iudicando, & bonitate, ac veracitate in loquendo, mihi certò constat, assentior sine dubitatione: alteri, de quo non certò constat, non assentior sine formidine; Deo verò certissimè assentimur, quia certissimum nobis est ipsum neque falli posse, neque fallere.

Dico tertio: ut certò assentiamur veritatibus

Argumenta quoque credibilitatis ad illud pertinent.

à Deo reuelatis propter ipsius testimonium, debet nobis certo constare Deum esse testificatum. Quare argumenta credibilitatis, quibus id nobis certo constat, sunt in obiecto formali fidei, tanquam motuum assentiendi fidei diuinae. Prima pars est Suaris disp. 3. Sect. 12. num. 7. post D. Thomam, Scotum, Marilium, & Caeleum, Caiet. & alios ibidem citatos. Ratio eiusdem auctoris est, quia, inquit, necessarium est, ut qui credit res à Deo reuelatas, quia Deus reuelauit, certo etiam teneat saltem æquali certitudine, Deum reuelasse. Neque enim potest firmius credere rem dictam, quia dicta est; quam credat ipsam esse dictam: ut patet experientia, & ratione. Hoc enim est fundamentum illius: & non potest esse firmius ædificium, quam fundamentum; nec conclusio, quam præmissæ propter quas præbetur illi assensus. Unde si quis dubitat v. g. an Deus reuelauerit Verbum diuinum esse incarnatum; non potest esse certus, vi reuelationis, quod verbum diuinum sit incarnatum. Non enim potest assentiri certo propter reuelationem ei, quod sibi proponitur tanquam à Deo reuelatum; si dubitat an re verà Deus id reuelauerit.

33. Quomodo per ea constat Deum dixisse!

Dupliciter autem constare potest Deum reuelasse. Primò euidenter, ita ut per se, vel per aliud, euidens sit Deum esse testificatum. Et hic modus est nimis consentaneus naturæ fidei: quippe obiectis: Imò positâ euidentiâ alterius principij, quod Deus, qui reuelat, non posset falli, neque fallere, fides stare non potest. Tunc enim scitur euidenter id, quod ex utroque principio deducitur: non minus quam conclusio deducta euidenter ex præmissis euidentiis. Posterior modus est, si neque per se, neque per aliud, sit euidens Deum esse testificatum. Et tunc debet esse aliter cognoscibile; vel tanquam credibile, vel tanquam opinabile. Ad fidem autem, quæ est assensus certus & indubitatus, non sufficit esse opinabile; sed requiritur, ut sit credibile, id est, dignum assensu certo, quamvis incedenti. Non est autem facile credendum, & pro certo habendum, Deum quidpiam testificatum esse: præsertim quia veritates fidei Christianæ pleræque sunt supra credulitatem, nisi diuino testimonio fiant credibiles. Quantoque magis sunt ipsæ difficiles: tanto æquius est, ut firmis & solidis argumentis credibile reddatur, Deum eas reuelasse. Alioqui iure non æstimatur credibile, id quod ita supra caput humanum est, ut per se incredibile appareat. Adde quod generatim *qui credit cito, lenis est corde*, Ecclesiastici 19. v. 4. Et non desunt multi, cum homines, cum spiritus, qui possunt fingere Deum locutum esse: iuxta illud de fallis Prophetis, Hierem. 23. *Non miscebam Prophetas, & ipsi corrobant. Non loquebar ad eos, & ipsi prophetabant.* Quare neque tutum, neque conueniens est, ut sine certo argumento credatur Deum reuelasse: cum periculum sit, ne aliquid Deo tribuatur, quod ab illo alienum est. Ideoque Deus quocumqueque sue per se immediatè, siue per alios; obscurè reuelant: adhibuit signa interna, vel externa, quæ sufficerent ad fidem faciendam. Et huiusmodi signa constituunt reuelationem in esse sufficientem; &

credibilis: quia sine illis non est credibilis, neque sufficiens ad generandum assensum certum & indubitatum: per illa verò fit credibilis & sufficiens.

Unde sequitur secunda pars conclusionis, quod nimirum huiusmodi signa, siue argumenta credibilitatis, pertinent ad obiectum formale, id est, ad integrum motum credendi. Etenim impossibile est assensum intellectus ferri in aliquid planè obscurum: quia quod planè obscurum est, planè ignotum est. Quare necessaria est in obiecto aliqua euidentiâ: vel simplex, si est obiectum scientiæ: vel euidentiâ credibilitatis, si est obiectum fidei: vel euidentiâ probabilitatis, si est obiectum opinionis. Quam euidentiâ cognoscat intellectus, & ab ea moueatur ad præbendum assensum. Ideoque huiusmodi euidentiâ est in obiecto ratio motus assentiendi: pertinētque ad substantiam obiecti, quod non sine illa, nec nisi per illam sit euidens & cognoscibile. Atqui reuelatio diuina, præcisè sumpta ab omnibus signis & argumentis credibilitatis, est planè obscura: fit autem euidenter credibilis, per argumenta & signa illa diuina. Ergo huiusmodi argumenta sunt de substantia obiecti cognitionis fidei, tanquam ratio formalis & motuum talis assensus. Confirmatur, quia id per quod aliquid constituitur ex parte obiecti, in esse obiecti credibilis, est ratio formalis illius, ut obiecti credibilis. Atqui reuelatio constituitur in esse obiecti credibilis per argumenta credibilitatis, & illa sunt quæ obiectiue mouent nos, ut credamus Deum reuelasse. Ergo, &c. Tertiò, Idcirco testimonium seu reuelatio diuina est in substantia obiecti fidei, tanquam ratio formalis illius, quia fides non assentitur alicui, nisi quia Deus id reuelauit. Atqui Deum reuelasse non cognoscitur nisi per argumenta credibilitatis, & sine illis non est credibile. Ergo argumenta credibilitatis sunt in substantia obiecti fidei, quæ credunt Deum reuelasse, siueque ratio formalis id credendi. Confirmatur denique, quia non minus est ignota reuelatio, siue ratione credibilitatis; quam id quod reuelatum est, siue reuelatione. Quare si potest credi reuelatio, absque eo quod cognoscat per eundem actum ratio credibilitatis: non apparet cur pariter credi non possit id, quod reuelatum est, absque eo quod cognoscat per actum fidei Deum reuelasse. Sicut ergo fides habet pro obiecto partiali reuelationem diuinam, tanquam rationem formalem credendi id, quod reuelatum est: ita & rationem credibilitatis, quæ fit credibile Deum reuelasse, & sine qua non est credibile.

Huic doctrinæ fauet apertè S. Thomas quest. 2. art. 1. ad 1. Vbi dicit fidem habere inquisitionem quandam eorum, per quæ inducitur homo ad credendum: puta, quia sunt dicta à Deo, & miraculis confirmata. Vbi nota S. Thomam vtamque inquisitionem ipsi fidei æquè tribuere: nempe inquisitionem diuinæ reuelationis, & confirmationis per miracula. Et quest. 1. art. 4. ad 2. requirit in motu credendi euidentiâ credibilitatis: cum ait, ea, quæ creduntur, esse credenti visa sub communi ratione, seu consideratione credibilis: *Non enim crederet, inquit,*

34. Probat ratione.

35. Et auctoritate D. Thomæ.

nisi videret ea esse credendum, vel propter evidentiam signorum, vel propter aliquid huiusmodi. Neque est indignum fidei divinæ, ut habeat pro parte obiecti miracula, & opera divina, quæ ideo fiunt divinitus, ut credibile constitatur quod Deus sit testificatus: iuxta illud Ioan. 10. v. 25. *Loquor vobis, & non creditis: opera quæ ego facio in nomine Patris mei, ipsa testimonium perhibent de me*: Et v. 37. & 38. *Si non facio opera Patris mei, nolite credere mihi. Si autem facio: etsi mihi non vultis credere, operibus credite: ut cognoscatis & credatis quia Pater in me est, & ego in Patre*. Et cap. 14. v. 11. & 12. *Non creditis quia ego in Patre, & Pater in me est? Alioquin propter opera ipsa credite*. Id autem, propter quod creditur, est motivum credendi. Et Christus sine dubio loquitur de fide divina, quam exigit ab Iudæis. Quare opera supernaturalia, facta in confirmationem testimonij divini sunt motiva ad credendum ipsam fidem divinam. Per eademque opera testatur Deus, & confirmat se loqui: iuxta illud Hebr. 2. v. 4. *Conjunctis Deo signis, & portens, & varijs virtutibus, & Spiritus sancti distributionibus*. Et Marci ult. v. ult. *Illi autem profecti prædicaverunt ubique, Domino cooperante, & sermonem confirmationis sequentibus signis*: Illis videlicet, de quibus antè dixerat v. 18. *In nomine meo demonia ejicient, linguis loquentur novis, serpentes tolent, & si moris ferum quid biberint, non eis nocent*. Ex quibus & similibus Scripturæ locis, intelligimus duplex esse testimonium Dei. Vnum verbale, consistens in eo quod Deus dixerit simpliciter: alterum est testimonium operis, quod Deus adhibet ad attestandum, & confirmandum testimonium verbale, tanquam illo notius, & illustrius. Et hoc per se fide dignum est, valèque ad reddendum credibile testimonium verbale quoad esse, id est, ad certè persuadendum quod Deus loquutus sit: quomodo scilicet fiunt v.g. multa, & illustria miracula, quæ evidentè credibile est non fieri ab alio, quàm à virtute divina, ad confirmandum Deum dixisse, & doctrinam, quæ proponitur, esse à Deo, qui non potest attestari falsitati per opera illa supernaturalia.

Dico quartò, ut fide divinam certò assentiamur rebus à Deo revelatis, non sufficit certò cognoscere Deum revelasse, nisi etiam certò cognoscamus Deum esse veracem, & pro sua infinita sapientia & bonitate non posse falli neque fallere in testificando. Duobus autem modis potest id nobis certò constare. Primò quidem, solo lumine naturali, per argumenta scilicet naturalia, quibus certò vel etiam evidentè cognoscimus Deum esse ens supremum, & perfectissimum in omni genere perfectionis: adeoque esse perfectissimè intelligentem, & veracem: ita ut neque falli possit, cognoscendo res aliter quàm sunt: neque mentiri, asserendo res aliter quàm cognoscit. Et hic modus, licet vtcunque inferuire possit fidei supernaturali, ut ostendimus alibi, cap. 1. disput. 2. Sect. 2. Non tamen sufficit: sed opus est ut id cognoscatur lumine altiore, id est, per illustrationem & adiutorium Spiritus sancti, quo iuvatur intellectus ex parte principij ad per-

fectius cognoscendam, & apprehendendam maiestatem Dei revelantis, dignissimam ut ei credatur multò magis quàm quibuscunque alijs quippiam affirmantibus: iuxta illud 1. Ioan. 5. v. 9. *Si testimonium hominum accipimus, testimonium Dei maius est*. Hac enim illustratione, & speciali adiutorio Spiritus sancti debere necessario nos semper iuvari quoriscunque fide divina credimus & sicut oportet ad salutem, certum est, & definitum à Tridentino Sess. 6. can. 3. longèque antea ab Arausiano can. 6. & 7. & à Milevitano can. 4. Idemque adiutorium Spiritus sancti iuvat quoque nos ad meliùs percipiendam vim argumentorum credibilitatis, quæ Deus exhibet ut potenter persuadeat se revelare ut Deum & summè veracem. Si enim argumenta illa sunt opera quædam externa, ut miracula: Deus ipsdem operibus mirabilibus, & Dei proprijs, quibus ostendit se revelare, ostendit pariter se Deum esse, summè potentem, & summè perfectum; ideoque summè veracem, cuius supremæ auctoritati debemus nos planè submittere. Sin autem sunt illuminationes, inspirationes, & motiones solùm internæ: Deus per eas patefacit intellectui credibiliter se revelare ut Deum, hoc est, ut ens supremæ auctoritatis & summæ veracitatis: Signa enim revelationis sufficientia ad assensum fidei supernaturalis eliciendum, siue interna sint, siue externa, debent sufficienter ostendere supremam & divinam auctoritatem testificari, tanquam effectus proprii entis supremi & perfectissimi, tam mirabiliter & potenter in mentem illabentis, vel exterius operantis. Quare eadem argumenta quæ credibiliter ostendunt testimonium illud esse divinum, ostendunt quoque esse summæ auctoritatis, & summè credibile.

Supposito autem quod nobis certò constet Deum revelare, & esse perfectissimè veracem, certum pariter est eius revelationem fidei certissimam dignam esse. Quare ex parte obiecti nihil amplius requiritur ut certus assensus illi præbeatur. Atque ita fides in id tandem resolvitur. Ita ut analysi seu resolutione fidei sit eiusmodi: Credo v.g. Deum esse trinum, quia Deus id revelavit, & sufficientibus argumentis credibile fecit se revelare. Deo autem revelanti credo, quia Deus summè verax est, ita ut neque falli possit, neque fallere in cognoscendo, & revelando. Et in hoc est quies. Nam per se notum est credendum esse taliter revelanti: neque potest quisquam sanæ mentis de eo dubitare.

SECTIO V.

Respondetur argumentis primæ opinionis adversæ.

Contra id quod diximus de formali obiecto fidei senserunt aliqui relati à Suare disput. 1. de fide, Sect. 3. affirmantes. Fidem habitualement, per se immediatè assentiri veritatibus à Deo revelatis, & non propter aliud quod sit illis motivum, & obiectum formale: sicut

Testimonium duplex: dicitur, & operis.

36. Cur & quomodo cognoscitur Deum esse veracem?

37. Quoniam sit analysi fidei?

38. Affirmant aliqui fidem immediatè assentiri rebus à Deo revelatis.

lumen intellectuāle assentitur immediatē veritatibus naturalibus per se notis. Primum huius opinionis argumentum est, quia testimonium diuinum includit aliquid creatum, per quod Deus loquitur ad extra, & reuelat hominibus, vel Angelis: Ergo testimonium diuinum non est obiectum formale fidei, quæ est virtus Theologica, & in solo Deo fundari debet. Secundo, fide diuinā credimus Deum esse: & non, quia ipse hoc dicit: tum quia ridiculum est credere aliquem esse, quia ipse dicit se esse: tum etiam quia dicere, inuoluit esse: Ergo qui cognoscit Deum dicere, cognoscit hoc ipso Deum esse: & qui assentitur Deum esse, quia Deus dicit, assentitur Deum esse, quia est; quod est idem per idem cognoscere. Hoc autem est absurdum, & inutile, adeoque indignum fide diuinā & supernaturali. Tertiō, fide diuinā credimus Deum reuelasse mysteria fidei. Hoc autem non credimus propter aliam reuelationem: quia sic procederetur in infinitum. Ergo diuina reuelatio non est obiectum formale cuiuslibet assensus fidei. Quartō, credimus fide diuinā Deum esse veracem. Hoc autem non credimus, quia ipse dixit, & quia ipse verax est: sic enim fieret circulus nugatorius, indignus fide diuinā: crederem enim Deum esse veracem, quia verax est. Ergo diuina reuelatio & veracitas non est obiectum formale talis assensus fidei: Esto, reuelatio sit conditio, sine qua non assentiretur lumen fidei rebus à Deo reuelatis: sicut propinquitas inter agens & patiens, est conditio ad agendum: & debita distantia obiecti visibilis, est conditio ad videndum.

Sed contrā: primō, non omnes qui credunt, habent lumen habituale antequam credant. Nam adulti, qui per proprium actum fidei se disponunt ad infusionem habitus, prius naturā credunt, quam recipient habitum. Ergo illi non credunt per immediatam applicationem luminis fidei, siue habitus supernaturalis, ad rem reuelatam, propter se solum cogitanti. Secundo, si reuelatio diuina esset tantum conditio, sine qua non: oporteret res fidei esse vel per se ipsas, vel aliunde sufficienter credibiles habenti lumen fidei, id est, fidem habitualement: quod est manifestē falsum, & contra experientiam. Nam baptizatus in infantia, veniens ad adultam ætatem, tamen habet fidem habitualement, non credit nisi moueatur Dei reuelatione sufficienter cognitā, præsertim mysteria rationem superantia, Trinitatis, Incarnationis, & similia, quæ potius per se apparent incredibilia, nec aliunde habent vt credi possint, quam à testimonio diuino sufficienter proposito. Quare cum Dei testimonium confirmat formaliter credibile id quod reuelatum est, & sine eo non sit credibile: consequens est vt sit formale obiectum, & non tantum conditio sine qua non. Confirmatur, quia id per quod veluti medium cognitionis, seu motuum cognoscendi, aliquid cognoscitur, est in substantia obiecti quod cognoscitur, quatenus cognitione illa cognoscitur: quia non attingitur tali cognitione, nisi quatenus est cognoscibile

per tale motuum. Atqui testimonium Dei est huiusmodi, respectu eorum, quæ creduntur quia ab ipso dicta & reuelata, quatenus sit creduntur: Ergo, &c. Et sicut præmissæ sunt ratio formalis obiectiua assentiendi conclusioni, quæ non cognoscitur, nisi vt ex illis deducta: sic testimonium diuinum est ratio formalis assentiendi per fidem, ijs quibus non assentimur, nisi quia à Deo sunt reuelata, & per eius reuelationem sunt credibilia. Tertiō, Opinio prædicta seipsam destruit. Tum quia quædam eius argumenta æquē probarent nequidem Dei testimonium, & veracitatem esse conditionem sine qua non: ne idem sibi ipsi præsupponatur, aut ne abeat in infinitum: tum etiam quia, id quod se tenet ex parte obiecti; & tale est, vt sine ipso præcognito non possimus alteri assentiri, est medium & motuum respectu illius: adeoque est obiectum formale. Idemque est esse tali modo conditionem sine qua non, & esse obiectum formale. Atqui reuelatio diuina, & veracitas, sunt huiusmodi: quippe quæ nisi præcognoscantur, non possumus assentiri rebus à Deo reuelatis, vt talibus: Ergo, &c.

Ad primum argumentum illius opinionis respondeo, non esse indignum fide diuinā vt 40
Soluen- nitatur testimonio diuino tanquam formali ob- tur eius
iecto: quippe quod totum, opus diuinum est, dignumque assensu supernaturali. Neque propterea definit fides esse virtus Theologica: quippe fundata in Deo testificante, vt motiuo formali: Etsi non in Deo per se solum & præcisè spectato: quia vt sic non mouet ad credendum, sed vt testificans credibiliter.

Ad secundum respondeo, non esse ridiculum, sed experientia notum, & frequenter 40
Solu- visitatum, assentiri aliquem esse, quia ipse dicit se esse, aut signo aliquo sufficienti id significat. Sic enim v.g. amicum in loco tenebri- cius
oso existentem, & non aliunde apparentem, argu- cognoscitur
cognoscimus esse, & adesse; quia ipse id as- Deum ef-
firmat. Sic Christus Discipulis sæpius affirmat, se esse Angelum. Et quamvis in eo
se, quia ipse dicit? quod est Deum dicere, inuoluatur Deum esse: quia Deum dicere, idem est ac, Deum esse dicentem: & quando cognosco Deum dicere, tam cognosco expressè illo actu Deum esse, quam cognosco expressè Deum esse dicentem, id est, existere dicentem: Nam in propositionibus de tertio adiacente contingente, copula prædicati cum subiecto significat existentiam; vt docent Dialectici: Vnde valet illatio à propositione de tertio adiacente contingente, ad propositionem de secundo; vt Petrus est albus: Ergo est. Paulus loquitur: Ergo est. Licet, inquam, qui cognoscit Deum dicere, cognoscat hoc ipso Deum esse; non tamen idem omnino cognoscitur in obiecto materiali, & formali: neque idem per idem omnino. Nam obiectum formale est, *Deum dicere*, siue, *est dicens*. Materiale autem, *Deum esse*: & Deus noscitur esse, quia est dicens. Quod sufficit ad vitandam identitatem, & nugacitatem illusionis. Nam hæc illusiones non sunt nugatoria, Petrus est homo: Ergo est animal. Petrus est

39.
Impu-
geatur
hæc opi-
nio.

loquens; vel aliter operans; Ergo est: licet id totum quod est in consequente, cognoscatur in antecedente; sed non solum. Considerandum verò est quod suprà diximus, Deum, dicere, & dicendo mouere sufficienter ad assensum fidei, non esse solummodo Deum loqui verbaliter, vt homines, cum dicunt se adesse; sed per opera mirabilia, tanquam effectus supernaturales, & proprios, manifestare credibiliter se dicere. Sicut autem alix cause, per se nobis ignotæ, solent innouescere per proprios effectus; ita Deus potest facili per huiusmodi signa, & opera suæ omnipotentix, significare se esse, & reuelare id, quod proponit ad credendum; siue Deus ipse credendus proponatur, siue aliquid aliud. Neque inconueniens putandum est bis in tali actu credendi cognosci Deum esse, semel in formali, & iterum in materiali; sicut non est inconueniens bis cognosci Petrum esse animal in tali discursu, Petrus est homo, Ergo est animal. Nota etiam quòd licet prius naturà sit Deum esse, quàm dicere, quia dicere est aliquis Dei effectus; non tamen est prius in nostra cognitione, quæ non semper naturæ ordinem sequitur, sed sæpe inuertit, & cognoscit id quod est naturà prius, ex posteriori; id est, causam ex effectu: sic quamvis prius sit animal viuere, quàm habere pulsus venarum, aut halitus, qui sunt effectus vitæ; ex pulsibus tamen vel halitu cognoscimus animal viuere.

41.
Et hoc
per actum
fidei?

Instabis, huiusmodi actum, quo cognosco Deum esse, quia ipse dicit; non esse actum fidei, sed alterius cognitionis experimentalis, ex aliquo effectu Dei proprio: Nam actus fidei nititur testimonio dicentis, vt testimonium est, & propterea verax est; At actus, quo assentimur alicuique esse, quia ipse dicit, non nititur eius dicto, vt testimonio veraci, sed tantum vt effectu vitali, ex quo intelligimus ipsum esse, & viuere; quod patet, quia licet dicens esset mendax, & nullius auctoritatis in dicendo; imò licet diceret se non esse, non minus cognoscerem illum esse: Ergo hæc cognitio non est à testimonio veraci, vt tali, sed tantum vt effectu; quemadmodum si nossem eum esse, quia apudulat. Respondeo, Dei testimonium mouere vtroque modo: licet enim satis prodatur Deum esse, quia effectus eius est; tamen testimonium dicentis, veracis existimati, non definit etiam mouere quia testimonium verax est: Idem enim potest cognosci ex multiplici motiuo, & vnum alteri non repugnat, neque impedit moralem illius motionem: tuncque magis cognoscitur extensius; id est, cognoscitur per plura motiua, aut per vnum pluribus æquiualens. Denique syllogismus iste bene concludit & probat vi formæ: Quicquid Deus reuelauit verum est: Deus autem reuelauit se esse: Ergo verum est Deum esse.

42.
Dupli-
citer co-
gnoscut
Deum re-
uelasse.

Ad tertium respondeo, dupliciter credi posse quòd Deus fidei mysteria reuelauerit. Primò, vt subiectum alteri reuelationi, quia Deus id expresse reuelauerit: vt Ioan. 1. v. 18. *Deum nemo vidit vnquam; Vnigenitus Filius, qui est in sinu Patris, ipse enarrauit.* Et 2. Petri 1. v. vlt. *Non enim voluntate humana allata est aliquando*

Prophetia, sed Spiritu sancto inspirati, locuti sunt sancti Dei homines: & tunc creditur Deum reuelasse, propter hanc reuelationem quia Deus id asserit. Secundò id credi potest vt obiectum formale cuiusque mysterij, aut dogmatis reuelati: & tunc non creditur propter aliam reuelationem, sed propter opera diuina, quibus Deus credibile facit se reuelare, quæque constituunt reuelationem in esse credibilis.

Ad quartum respondeo credi quidem posse fide diuinam Deum esse veracem, quia Deus in sacris literis sæpius reuelauit se esse veracem: *Est autem Deus verax, omnis autem homo mendax, Roman. 3. v. 4. Non est Deus quasi homo vt mentiatur, num. 23. v. 19. Et Hebr. 6. v. 18. Vt per duas res immobiles, quibus impossibile est Deum mentiri, firmissimum solatium habeamus.*

Et tunc credimus Deum esse veracem propter ipsius testimonium & veracitatem aliunde cognitam ratione illius, saltem prioritate à quo, quàm propter illam assentiamur veracitati vt reuelatæ: nimirum per opera naturalia, vel etiam supernaturalia, ex quibus sicut euidenter cognoscimus Deum esse illorum auctorem, ita & summè perfectum esse, adeoque summè intelligentem, summè veracem, summè bonum, &c. cognoscimus inquam non solum lumine naturali, sed adiuncto, & iuuante ex parte principij, lumine supernaturali illustrationis Spiritus sancti, necessitate ad credendum sicut oportet ad salutem, vt diximus num. 36.

Quare non est nugatorius iste assensus aut circularis, quia non redit ad idem eodem modo cognitum; sed veracitas à Deo reuelata, quæ est obiectum materiale fidei, cognoscitur per reuelationem credibiliter factam, & per veracitatem euidenter notam ex operibus illis naturalibus & supernaturalibus: de quibus ait Apostolus Roman. 2. *Inuisibilia Dei per ea quæ facta sunt, intellecta conspiciuntur; sempiterna quoque eius virtus & diuinitas, pariterque summa sapientia, & veracitas fide dignissima:* Esset quidem nugatorius credere alicui ignoro affirmanti se esse veracem, qui nullis alijs argumentis id probaret, nec alia esset iusta ratio quæ moueret ad id credendum; secus autem, si vir, cuius probitatem & grauitatem aliunde optinè noui, grauitè & sub iuramento affirmaret se tantopere à mendacio abhorrere, vt mori potius, quàm mentiri eligeret: tunc enim tali testimonio moueri deberem ad hoc credendum, non minus quàm ad alia, de quibus testificatur. Et quidem quotidie in vtroque foro externo, Ecclesiastico & ciuili, creditur hominibus, qui aliunde probi existimantur, affirmantibus cum iuramento se verum dicere: quanto ergo maiori iure creditur Deo affirmanti se esse veracem, cuius infinita sapientia, & summa bonitas aliunde satis perspecta nobis est, & sufficienter cognoscitur per opera supernaturalia, quæ nobis exhibet vt suam supremam auctoritatem patefaciat?

43.
Quomodo
creditur
Dei
esse vera-
cem quia
ipse di-
xit?

44.



SECTIO VI.

Solvitur alia obiectio contra argumenta credibilitatis.

47.
Obiectio
ex Scri-
ptura.

Contra id etiam quod diximus Sect. 4. num. 12. & seqq. argumenta credibilitatis esse necessaria ad credendum revelationem esse diuinam, Obijciunt multos, teste Scriptura, credidisse sine alia ratione credibilitatis præter denuntiantis asseritionem, vt Lydiam purpurariam, de qua Act. 16. narratur quod Paulo prædicanti assenserit, nullâ factâ mentione signorum, aut miraculorum, & Samaritanos Ioan. 4. v. 41. credidisse Christum esse Saluatorem mundi, ideo solum quia ipsum prædicantem audiuerant, & Zachariam Luc. 1. puni-um fuisse, eò quod Angelo simpliciter denuntiant non crederit: Multi etiam quotidie credunt, & conuertuntur ad fidem sine signis, & miraculis; quæ si necessariò requirerentur, cum Euangelium debeat vsque ad finem mundi prædicari infidelibus; dedisset Christus prædicatoribus potestatem semper confirmandi prædicationem per signa & miracula, quod non fecit. Denique Paulus Rom. 10. v. 17. ait fidem esse ex auditu, auditum autem per verbum Christi; nihilque aliud ad credendum requirit, nisi vt Euangelium audiat annuntiatum ab ijs, qui nuntiantur ad prædicandum: At si motiua requirentur, non esset fides ex auditu tantum, sed esset ex signis: Et Paulo dicendum fuisset, Quomodo credent, nisi signa videant? Quod etiam Christus reprehendit Ioan. 4. v. 48. sic dicens: *Nisi signa & prodigia videritis, non creditis.* Et Math. 12. v. 39. *Generatio mala, & adultera signum querit, &c.* & cap. 24. monet Christum non esse credendum Pseudoprophetis, & Pseudochristis, signa licet magna, & prodigia exhibentibus.

Credid-
erunt Ly-
dia sine
argumen-
tis credi-
bilitatis?

Respondeo primò, Lydiam, ante illam Pauli prædicationem, fuisse Dei culticem; vt Lucas ibidem testatur. Secundò, sicut Lucas non exprimit quid Paulus dixerit, aut egerit; ita neque quod Lydia ad solum eius verbum crediderit. Tertio, Paulus non simpliciter, & nudè Christum prædicabat; sed testimonijs Prophetarum, & signis, & argumentis apud Dei cultores diffamatis, suam prædicationem confirmabat: vt patet ex Hebr. 2. v. 4. & 1. Cor. 1. v. 4. alijsque locis: & ipse, iam tot miraculis clarus, & diuinum quidpiam præ se ferens, apud æquos rerum æstimatores poterat ad mouendum sufficere. Quartò, motiua credendi non debent semper esse externa; neque semper necessaria sunt miracula: sed sufficiunt motiua interna, cum scilicet Deus per suam inspirationem mirabiliter operatur interius, redditque sufficienter credibile id, quod proponitur ad credendum: tale autem motiuum saltem non defuit Lydiæ, de qua ibidem scribitur, *Cuius Dominus aperuit cor intendere ijs, quæ à Paulo dicebantur.*

46. Similiter, Christus toto biduo apud Sama-

ritanos dedit illis motiua sufficientia interna, Et Sama-ritani? vel externa, vt antea dederat Samaritanæ, ar-
cana illius detegendo, & mirabiliter illam in-
struendo. Quæ si ab Euangelista non comme-
morantur, mirum esse non debet: Cum idem
cap. 21. v. 25. affirmet non omnia Christi facta
esse à se Scripta, ac ne ab villo quidem scribi
posse.

Zachariæ verò sufficiens ratio credibilitatis Et Zacha-
esse poterat, Angelus in talibus circumstantijs 1135?
apparens, & rem facilem sæpiusque iam factam, ipsique notam, partum scilicet sterilis, annuncians. Et tamen aliam obtinuit, quàm Moyses, Gedeon, & alij, sine vlla reprehensione, vel castigatione obtinuerunt. Quod si talis apparitio, & denuntiatio non satis erat ad fidem faciendam; credendum est cum illa externa locutione assuisset Zachariæ internam inspirationem, quæ faceret rem sufficienter credibilem, vt fit in omnibus alijs casibus similibus, quando exterior propositio reuelationis non sit per se sufficienter credibilis; vt Suar. rectè docet disp. 4. Sect. 5. n. 9. post Gabriëlem in 3. dist. 24. art. 3. dub. 1. in fine.

Qui autem quotidie credunt inter Christianos, aut conuertuntur inter infideles ad fidem Non de-
verè supernaturalem, non carent signis suffi-
cientibus, tum internis, tum externis: Nam
præter quàm quoddà Deo illustrantur interius; quodque adhuc multis in locis non ratò patranetur miracula in confirmationem fidei Christianæ, quæ constantissimè plurimorum sermo-
ne vel scriptis vulgantur; manent adhuc & vi-
gent antiqua miracula in mirabili Romani impetij, & Gentium conuersione ad fidem Christi, ferè omnibus facile notà; in templis & alijs monumentis antiquissimis in honorem Sanctorum, & mirabilium ab ipsis gestorum extructis: in perpetua Ecclesiæ duratione contra tot persecutionum & heresum violentissimos impetus. Quin etiam Ecclesia ipsa tam diffusa, tam in fide conficiens, tot viris tam doctis, & tam Sanctis abundans, tam bene sentiens de Deo, & ad omne virtutum genus tantoperè excitans, opus quoddam diuinum est, & valde mirabile, sufficientisque ad fundandam certitudinem reuelationis diuinæ, quam pretendit: Quod enim tam multis, & talibus placet, iure credibile existimatur. Hæc omnia possunt proponi infidelibus, quibus Euangelium primò annuntiat, applicando illis miracula per Christum, & Apostolos, & per alios sanctos olim facta, & adhuc vigentia in hominum memoria, vt sol diu post occasum apparet in sua luce, quamvis procul diffusa, atque exhibendo illis externa signa, quibus Ecclesiæ splendor, & dignitas visibiliter elucet. Deus quoque multa sæpe, ac mirabilia, & planè diuina operatur per huiusmodi prædicatores, quando mittuntur legitime; vt postremo sæculo de S. Franc. Xauerio, alijsque apud Indos, & Iaponas, notissimum est. Vbi etiam non defuit, neque adhuc deest constantia plurimorum martyrum ad miraculum vsque stupenda, quæ vel durissimum quemque mouere posset, nisi obstinate veritati resisteret.

Dixi, Si conuertantur ad fidem supernaturalem: 48.

Non omnes qui conuertuntur, statim credunt fide supernaturali.

quia non omnes qui conuertuntur, statim conuertuntur ad fidem supernaturalem; sed aliquando prius assentiuntur probabiliter tantum, ad fidem humanam, propter rationes merè humanas, & motiua insufficientia: Qui si faciunt quod in se est, Deus opem afferet, iuuabique vt habeant dispositionem sufficientem ad credendum supernaturaliter. Multi etiam inter Christianos, vt adolescentes, & rudes malè instructi, licet credere præsumantur (alioqui enim non admitterentur ad vsum Sacramentorum, & similia religionis Christianæ exercitia, quæ fidem præsupponunt vt legitime fiant) credunt tamen interdum fidem merè humanam, propter dictum Pastoris, vel parentum, aut per meram consuetudinem. Neque propterea vera sententia est mutanda; sed illi melius sunt instruendi, vt rectè aiunt Aegid. disp. 9. dub. 3. num. 79. & Suar. disp. 4. Sect. 2. num. 4. vbi affirmat, vt propositio obiecti fidei sit sufficiens, necessarium esse vt id, quod proponitur, fiat euidenter credibile tanquam dictum à Deo; ac subinde, vt certum, & infallibile. Et Sect. 5. num. 7. & 8. loquens de simplicibus, qui existimantur non posse mente assequi sufficientem credibilitatem, & reiectâ sententiâ (fortasse, inquit, probabili) dicente euidentiam probabilitatis necessariam non esse respectu singulorum credendum, sed respectu Ecclesiæ: concludit, nullum hominem præbere verum, & perfectum assensum fidei Christianæ, nisi prius aliquo modo assequatur, vel participet hanc euidentiam credibilitatis; pro quo etiam Cumelem, Caietanum, & Aragonium citat: quibus adde D. Thomam quæst. 1. art. 4. ad 2. vbi dicit, ea quæ creduntur, esse credendi *visu sub communi ratione credibilis*. Non enim crederet, nisi videret ea esse credenda, vel propter euidentiam signorum, vel propter aliquid huiusmodi. Certè Deus non vocat ad credendum leuiter, & sine sufficienti fundamento; sed rectè, & secundum rationem: neque enim naturam destruit per gratiam, sed per beneficia supernaturalia, perficit. Quamvis autem nonnulli sint exigui intelligentiæ, nec multum possint naturaliter attingere: non queritur hic quid possint naturaliter tantum; sed quid cum Dei singulari auxilio, & præueniente Spiritus sancti inspiratione, qui intellectum illustrat, & dirigit in præcipuis considerationes, atque attollit suo concursu ad credendum sicut oportet. Hoc tamen auxilium occultissimè suppeditatur, nec à quoquam clarè discernitur; neque nostrum est discernere infallibiliter num quis credat fide supernaturali, nec ne? multi que putantur credere, qui non credunt. Rudes autem, sicut non valent multum intelligentiâ ad motiua fidei expendenda; ita neque ad penetrandas difficultates fidei, mysteriorum, quæ crasse tantum illis sunt proponenda, sicut iacent in symbolo Apostolorum, cum explicatione eorum capiti accommodata.

Denique ad locum Panli citatum respondeo, per auditum non excludi confirmationem sermonis per argumenta, quibus fiat credibile sermonem esse diuinum, & vt talem esse ac-

ceptandum: neque enim Paulus loquitur de qualicumque auditu, sed de prudenti credibili, & persuasibili. Quemodo autem fieret persuasibilis, docet ipsemet dicens 1. Cor. 2. v. 4. *Sermo meus, & prædicatio mea, non in persuasibilibus humana sapientia verbis, sed in ostensione Spiritus, & virtutis: vt fides colitur non sit in sapientia hominum, sed in virtute Dei*. Christus verò reprehendit tantum eos, qui post signa, & motiua sufficientia, & post plurima miracula à se iam exhibita, querebant vltiora: vel Thomæ Apostoli similes, non credebant alijs referentibus esse facta, nisi & ipsi viderent: quod ad credendum non est necessarium: possunt enim signa aliorum testimonio sufficienter proponi, ita vt obligent ad credendum. Sine illis verò non fuisse obligatos Iudeos, vt in ipsum crederent, docet aperte Christus Ioan. 15. v. 24. *Si opera in eis non fecissem, quæ nemo alius fecit, peccatum non haberent*. Non est verò credendum Pseudoprophetis, & Pseudochristis propter ficta miracula, quorum præstigia sepe facillè deprehenduntur; & quamvis non deprehenderentur, non est deserenda Catholica doctrina, tot signis, & miraculis iam olim confirmata, donec ipsi plura, & maiora præstiterint; quod numquam eueniet; pauca enim falsa miracula, & non diu, exhibent, vt ex antiquis historiis liquet: Deo scilicet non permittente, ne fideles in errorem inuincibilem inducantur.

Simili modo intelligendi sunt Dionysius, Iræneus, Basilus, Gregorius, Damasc. alijque Patres relati à Suare disp. 3. Sect. 1. num. 4. cum aiunt fidem esse simplicem veritatis notionem, imperuolabili veritate certam: esse assensum ab omni curiositate distitum, & nulla præuia inquisitione nitentem: neque habere meritum, vbi humana ratio præbet experientiam; & denique melius esse credere Deo, neque aliud inquirere ad scientiam, nisi Iesum filium Dei; quam per questionum subtilitates in impietatem cadere: Hæc enim aiunt Sancti Patres de rationibus humanis, & persuasibilibus humane sapientiæ verbis (vt loquitur Apostolus) per se solum, & seclusa Dei auctoritate probantibus: quæ rationes non sufficient ad probanda fidei mysteria supernaturalia; At non de illis, quæ tantum inferuunt ad hoc vt constet de Dei auctoritate testificante, certissime fiat Deum reuelasse id, quod proponitur tanquam ab illo reuelatum.

SECTIO VII.

Opiniones aliæ referuntur, & refelluntur.

Contra id etiam quod diximus, argumenta credibilitatis esse in obiecto formali fidei, sentiunt permulti: Ac primò aliqui opinio-
Primâ
lunt eiusmodi argumenta esse tantum conditionem sine qua non, per modum sufficientis propositionis obiecti; sed non esse de substantia, & ratione obiecti ipsius fidei, tanquam formale, & tanquam partem intrinsecam totius obiecti: Quemadmodum scilicet vt ot-

40. Quomodo fides ex auditu?

iectum visibile videatur, debet proponi; & ut agens agat, vtrve subiectum patiat, debent ambo esse propinqua, & sufficienter applicata; Quamvis hæc propositio & applicatio nil addat intrinsecum obiecto visibili, per modum partis obiecti, & rationis formalis; aut agenti, vel subiecto, per modum potentie actiue, vel passiuæ.

Argumenta credibilitatis non sunt tantum conditio sine qua non.

Sed contra; quia si ratio credibilitatis esset tantum conditio per modum propositionis obiecti, oporteret obiectum esse aliunde credibile: Nam alioqui, si obiectum non est credibile sine illa, ac per illam constituitur credibile; ratio credibilitatis non est tantum conditio, & propositio obiecti; sed est ratio constitutiva illius in esse obiecti credibilis; ac proinde est ratio formalis illius, ut talis: Atqui testimonium Dei verbale non est aliunde credibile; cum sine ratione credibilitatis per miracula, vel alia argumenta, non sit credibile Deum dixisse, sed potius incredibile; per huiusmodi verò argumenta id constituitur credibile. Ergo, &c. Confirmatur, quia sicut se habet testimonium ad rem creditam propter testimonium; ita se habet ratio credibilitatis ad testimonium creditum propter ipsam: atqui res reuelata constituitur formaliter in esse obiecti credibilis per testimonium, ut fateatur aduersarij: Ergo & testimonium per rationem credibilitatis, propter quam creditur testimonium datum esse. Neque paria sunt exempla proposita in obiectione: Nam obiectum visibile est aliunde constitutum in esse visibili per lumen & colorem; & ignis aliunde est actiuus in stupam v.g. per internam virtutem, quam non accipit à propinquitate; stupa quoque est susceptiua effectus ignis, per propriam siccitatem, & aliam dispositionem: at testimonium verbale non est aliunde credibile quoad esse, sed per se potius incredibile, ut supra ostendimus: id est, non est per se credibile v.g. Deum dixisse se esse trinum in personis & vnum in essentia; sed debet illud aliunde fieri credibile: quia per se non minus est obscurum Deum dixisse se esse trinum, quam Deum esse trinum reipsa.

54.

Secundo, alij dicunt eiusmodi argumenta pertinere tantum ad fidem acquisitam; vel nos solim inducere ut prudenter iudicemus Deum dixisse, & applicemus liberè intellectum ad credendum, quantum potest, fide supernaturali, quæ terminatur ad putum, & nudum testimonium; adeo ut argumenta credibilitatis non sint motiua fidei, sed motiua prudentiæ.

Non sunt tantum motiua prudentiæ.

Sed contra; quia testimonium, præcisum à ratione credibilitatis, non est de se credibile quoad esse: Ergo non potest terminare assensum fidei supernaturalis, qui non potest ferri ad obiectum non credibile. Ad si fides supernaturalis certò fertur & indubitanter in rem reuelatam; necesse est ut certò quoque feratur in ipsum testimonium, propter quod certò assentitur rei reuelatæ. Cumque per se non constet, testimonium datum esse; non potest per se solum gignere certitudinem assensus supernaturalis; neque fides habet in quo certò quiescat, nisi tendat ulterius in id, quo certò constat Deum esse testificatum.

Dices, sufficere quòd id constet per actum fidei acquisitæ: & testimonium esse sufficienter credibile intellectui, qui iam per actum fidei acquisitæ nouit esse euidenter credibile quòd Deus reuelauerit; ita vt posita tali notitia in intellectu per actum naturalem fidei acquisitæ, possit idem intellectus assentiri testimonio diuino per actum fidei supernaturalis, absque eò quòd hic actus versetur circa rationem credibilitatis, sed præcisè sistant in testimonio diuino; sicque concurrant duo actus quoties creditur fide supernaturali; naturalis vnus, quò videtur credibile esse quòd Deus reuelauerit, ob argumenta id credibile reddentia; quem actum vocant fidei acquisitæ; alter supernaturalis, qui sequitur actum fidei acquisitæ, quòve assentimur rei reuelatæ, propter testimonium Dei præcisè, non autem propter testimonij credibilitatem, quæ ad alium actum pertinet. Ita docet inter alios Ægid. Coninck disp. 9. de fide, dub. 5. num. 72. & 73 vbi proposito sibi hoc argumento: Omnis intellectus videtur necessariò nisi aut euidentia rei propositæ, aut medio obiectum sibi notò; Cum igitur hæc propositio, *Deum hoc reuelauit*, sit ipsi in se obscura, intellectus non potest ei assentiri, nisi propter medium extrinsecum per se notum; Respondet Ægidius, illud assumptum solum modo esse verum, quando intellectus ad assensum determinatur ab obiecto; tunc enim eius assensus necessariò tandem debet resolui in aliquod obiectum formale per se notum; secus autem esse, quando determinatur ab ipsa voluntate, quæ, posito sufficienti fundamento, potest illum determinare ut obiectum aliquod firmiter apprehendat, eique assentiat ea firmitate, & ratione, quæ ei per se assentiri non posset: Hoc autem fundamentum sufficientem, dixit esse sufficientem rei credendæ propositionem, ita ut intellectus clarè videat hanc rem esse talem, quam meritò credat esse à Deo reuelatam; à quo posito voluntas, ex pio erga Deum affectu, magno conatu impellit intellectum, ut vehementer apprehendat illius maiestatem, & auctoritatem, & firmissimè credat id, quod sibi tantquam à Deo reuelatum, tam euidenter proponitur.

Sed contra; quia sicut ex rei veritate, & ex sententia eiusdem auctoris ibidem num. 62. habitus fidei supernaturalis nullo modo potest id non supplere defectum obiecti formalis, inclinando intellectum, ut sine illo respectu ad reuelationem, immediatè credat aliquam propositionem fidei: ita neque voluntas potest supplere defectum obiecti formalis ex parte reuelationis, inclinando, aut determinando intellectum, ut credat firmiter Deum reuelasse, sine respectu ad argumenta, quibus fit credibile Deum reuelasse, & sine quibus non minus est obscurum vel incredibile, quòd Deus dixerit, quam ipsum mysterium fidei est obscurum vel incredibile sine reuelatione: Ratio à priori est; quia neque fides habitualis, neque voluntas, possunt mouere intellectum, nisi ad obiectum proportionatum. Et hoc obiectum præsupponitur necessariò, tam ad actum intellectus,

55: sufficienter illa cognosce per fidem acquisitæ

56. Probatur id non sufficiens.

quàm ad motionem habitus, aut voluntatis. Quod autem est planè obsecrum, & nihil habet penitus euidentiæ, non est obiectum proportionatum assensus. Ergo præsupponendum est in obiecto aliquid euidentiæ. Sed reuelatio non habet vllam euidentiā sine respectu ad argumenta credibilitatis. Quare non potest cognosci sine illis. Neque satis est quòd sit proportionata, & euidenter credibilis alicui alteri actui, fidei scilicet acquisitæ: vel sit nota ipsi intelligenti, per alium actum. Nam assensus supernaturalis non potest dari circa aliquid penitus sibi obsecrum. Quare obiectum, etiam respectu ipsius, & quatenus ab ipso attingitur, debet habere aliquid euidentiæ. Vnde pariter sequitur, ad certitudinem assensus supernaturalis non sufficere quòd certò constet, per actum fidei acquisitæ, Deum reuelasse: sed debet ille actus habere in obiecto proprio fundamentum certitudinis, atque illud attingere: aliqui non habet, vnde firmiter adhæreat obiecto. Sequitur præterea, non sufficere, quòd testimonium sit credibile intellectui quomodocumque: sed debet esse illi credibile, vt tendenti per actum supernaturalem, & ratione talis actus. Quod fieri nequit sine respectu ad argumenta credibilitatis, quæ per talem actum cognoscantur, ac proinde sunt obiectum illius.

55.
Altera probatio
efficax.

Confirmatur, quia quando intellectus simul per duos actus cognoscit eandem propositionem: scientificè, per medium certum, & euidentem: & probabiliter, per medium probabile: actus scientiæ non facit, vt propterea actus opinionis sit certus, & euidentem: nimirum quia non attingit medium certum, & euidentem, sed tantum medium probabile. Et cum aliquis ob testimonium diuinum credibile assentitur propositioni aliunde sibi euidenter notæ, vt Deum esse, parentes esse colendos, & similia, quæ naturali lumine sunt euidentia: actus naturalis simpliciter euidentem, non facit vt actus fidei sit pariter euidentem: sed illo licet existente in intellectu, actus fidei est tantum certus: propterea quòd attingit medium certum tantum, & credibile: non autem simplicem euidentiam obiecti. Sic ergo, non obstante actu naturali fidei acquisitæ, actus supernaturalis fidei non erit certus, nisi attingat medium, quod est fundamentum certitudinis, quo scientificè certò constat Deum reuelasse. Quare vanæ sunt omnes euasiones propositæ. Adde quòd, iuxta illam sententiam, certitudo fidei diuinæ penderet omnino à certitudine fidei acquisitæ, nec esset illa maior. Nam quòd certò credam aliquid ob Dei testimonium, pendet ab eo quòd certò credam Deum dedisse tale testimonium. Neque possum esse magis certus de secundo propter primum, quàm sim certus de primo. Atqui primum est tantum mihi certum certitudine fidei acquisitæ, per aduersarios: Ergo, &c. Adde item, quòd falluntur aduersarij, quando iudicium de credibilitate vocant actum fidei acquisitæ; si loquantur de credibilitate simpliciter & absolute, id est, abstrahendo à fide naturali, vel supernaturali. Nam actus, quo iudicamus

esse credibile simpliciter Deum dixisse, postquam tot argumentis id redditur credibile; non est actus fidei, quia non est obsecrum: sed simpliciter euidentem. Sicut enim est simpliciter euidentem esse probabile id pro quo afferuntur rationes probabiles, & nulla pro contrario certa, vel euidentem; sic euidentem est esse credibile id, pro quo grauissima afferuntur argumenta, de quibus prudenter non potest dubitari: Cuiusmodi sunt argumenta credibilitatis ad fidem supernaturalem sufficientia. Dixi autem, si loquantur de credibilitate simpliciter, abstrahendo à fide supernaturali. Quia aliud est, aliquid esse credibile simpliciter: & aliud, esse credibile fide supernaturali, & infallibili. Primum est euidentem simpliciter, propositis sufficienter argumentis credibilitatis. Secundum non est euidentem: quia non est euidentem, sed tantum credibile, dari fidem supernaturalem. Concludo igitur contra hanc opinionem, argumenta credibilitatis non pertinere tantum ad fidem acquisitam: neque esse tantum motiua prudentiæ, quibus inducamur ad prudentiam iudicandum, credendum esse: sed vterius pertinere ad ipsam fidem diuinam, tanquam motiua, & obiectum formale ipsiusmet actus supernaturalis fidei.

Tertio, putant alij huiusmodi motiua determinare tantum extrinsecè intellectum ad assensum fidei supernaturalis: ita vt non sint ratio formalis, & pars intrinseca totius obiecti. Quo pacto consentiant etiam notitiam conclusionis non attingere præmissas: sed intellectum ab illis tantum determinari extrinsecè ad notitiam conclusionis præcisè & materialiter sumptæ.

56.
Sicut pars intrinseca obiecti.

Sed hæc opinio ex iam proximè dictis satis refellitur. Quibus addo, non posse intellectum moueri, & determinari obiectiue, nisi vt cognoscentem & intelligentem. Debet enim moueri vt intellectus, id est, vt vis intelligendi, & cognoscendi. Estque impossibile, vt intellectus moueatur, & trahatur ad assensum ex ratione, seu medio assentiendi, quod non nouit: quia solum mouetur mediâ cognitione. Quando ergo intellectus assentitur reuelationi propter motiua; vel conclusioni propter præmissas: debet necessarîo cognoscere motiua, vel præmissas, quibus mouetur, & determinatur ad illum assensum. Imò vterius debet cognoscere connexionem illarum cum re, cui assentitur. Nam cognitio præmissarum, sine notitia illationis & bonæ consequentiæ, non determinat ad assensum conclusionis. Similiterque res reuelata non creditur, nisi propter connexionem cum reuelatione: & reuelatio facta esse non creditur, nisi ob connexionem cum argumentis credibilitatis. Neque sufficit dicere quòd intellectus cognoscit quidem motiua, & præmissas, sed per alium actum. Nam reuelatio, aut conclusio, quæ per se solam planè obscura est, & incognoscibilis: non habet vnde cognoscatur, nisi vt connexa cum argumentis credibilitatis, aut cum præmissis, per quas redditur cognoscibilis. At connexio importat essentialiter extrema, quorum est, neque potest sine illis esse,

Probatum esse, & attingi per actum ipsum 61. dei.

vel concipi : Ergo neque reuelatio cognosci potest per illum assensum, vt connexa cum argumentis credibilitatis ; neque conclusio, vt connexa cum præmissis, & vt ex illis bene deducta ; quin per eundem assensum cognoscantur argumenta credibilitatis, & præmissæ : ad quæ duo, connexio reuelationis & conclusionis dicit ordinem essentialiter. Quare hæc non determinant tantum extrinsecè intellectum ad assensum : sed necessariò sunt in obiecto assensus, velut motiuum, & ratio formalis obiecti ; siue id, per quod reuelatio, aut conclusio cognoscitur.

17.
Lumen
fidei ha-
bit. non
sufficit
ne moti-
uis.

Quartò, senserunt aliqui intellectum per lumen fidei infusè assentiri reuelationi diuinæ per se immediatè, sine alio motiuo assentiendi. Intelligunt autem per lumen fidei, habitum fidei supernaturalis, vel auxilium se tenens ex parte potentie ad eliciendum actum fidei supernaturalis. Hæc opinio coincidit cum alia, superius relatâ, & reiectâ Sect. 5. Et primò refutatur argumentis ibi propositis. Quibus addo secundo, lumen fidei valere quidem ad assentiendum modo perfectiori, quàm intellectus se solo posset : attamen necessariò præsupponit obiectum cognoscibile, & constitutum in ratione credibilis per aliquid, à quo habeat euidentià credibilitatis. At reuelatio non est credibilis sine motiuis : & experientia ostendit, quando ijs, qui fuerunt baptizati in infantia, proponuntur fidei reuelationes postquam ad ætatem adultam peruenerunt, opus esse motiuis, quibus inducantur ad firmiter assentiendum reuelationibus illis, vt diuinis : Neque satis esse lumen fidei habitualis acceptum in baptismo ; nec auxilium diuinum cooperans habitui, quod non deest quando obiectum proponitur sufficienter. Non est autem par ratio habitus fidei supernaturalis, & luminis gloriæ, quod tanta est efficacie, vt constituat intellectum potentem ad Deum per se & immediatè videndum clarè sicuti est. Nam habitus fidei non similiter valet ad reuelationem, & reuelata in seipsis cognoscenda. Alioquin omnes instructi habitu fidei, statim atque illis proponitur aliqua fidei propositio, ei assentirentur sine vllis motiuis : discernèrentque per seipsas, reuelationes verè diuinas, à falso præsumptis ; & res reuelatas, à non reuelatis : quod est contra experientiam manifestam. De propositione autem, vel auctoritate Ecclesiæ, ad quam alij confugiunt, dicemus infra Sect. 12.

SECTIO VIII.

Respondetur argumentis aduersariorum.

18. **A**rgumenta quibus mouentur illi, qui dicunt rationes credibilitatis non includi in obiecto fidei supernaturalis, hæc præcipue sunt. Primum, Rationes credibilitatis sunt aliquid humanum, vel multa humana inuolunt, sine quibus à nobis non cognoscuntur : cuiusmodi sunt perceptio, & iudicium sensuum externorum, si miracula coram exhi-

beantur : prudens inquisitio veritatis eorumdem miraculorum, si adhibeantur : historię, vel relatio verbalis aliorum, si miracula ad nos Scriptis tantum, vel auditu perueniant ; & similia : quæ cum humana sint, non possunt esse obiectum formale, & fundamentum fidei supernaturalis.

Respondeo, rationem sufficientem credibilitatis non esse quid humanum, sed opus planè diuinum & supernaturale, & ostensionem spiritus ac virtutis diuinæ ; vt ait Apostolus 1. Corinth. 2. v. 4. Et quidem non est dubium quin vera miracula sint opera supernaturalia. Quæ, si coram sunt, necessariò percipiuntur aliquo sensu externo, priusquàm intellectu inspiciantur, & prudenter examinentur. At hoc non magis fidem dedecet, quàm quòd testimonium Dei verbale necessariò prius auditu sit percipiendum, quàm propter ipsum credatur aliquid. Et tamen *fides ex auditu : auditus autem per Verbum Christi*, Rom. 10. v. 17. Ipsa verò interior perceptio signorum, & cognitio sufficiens cum diligenti inquisitione veritatis, quæ fit per intellectum, quæque ad fidem proximè pertinet, non fit sine speciali ope diuina ad veritatem & vim signorum melius percipiendam, & condignè æstimandam : iuxta illud Trident. Sess. 6. can. 3. *Si quis dixerit hominem sine prauentione Spiritus sancti inspiratione, atque eius adiutorio, credere posse sicut oportet, ad credendum fidei supernaturali.*

Hanc autem perceptionem internam signorum, & prudentem inquisitionem, præcedit aliqua sensus externi perceptio, quâ videntur miracula, vel alia signa : vel ex aliorum relatione audiuntur. Ad quam si nihil aliud requireretur, & si absque alia reflexione, visis miraculis, intellectus solum perciperet idem obiectum ; sicut percipit colorem aut sonum, simul atque sensu externo videtur, vel auditur : illa perceptio sensus externi non pertineret ad obiectum formale fidei, sed esset ipsa perceptio obiecti, & medium cognoscendi, se tenens ex parte potentie cognoscentis, non ex parte obiecti. Verum quia (vt bene aduerterunt eruditi quidam recentiores) fides supernaturalis prudentissimè procedit, cauèque sibi à periculis illusionum, quæ interdum circa sensus contingunt, & à Dæmonum, hominumque fallacijs : idcirco non credit sine reflexione in ipsam perceptionem externam miraculorum, aut aliorum signorum : sed vt credat, necessarium est constare de fidelitate sensus, quo illa in seipsis percipiuntur ; aut de fidelitate testium, quorum solâ relatione cognoscuntur. Quare fidelitas illa, vt nota, & perspecta, mouet ad credendum fidei supernaturali : adeoque ingreditur obiectum illius formale. Quidquid enim mouet vt cognitum, ad assensum fidei supernaturalis, est illius motiuum, & obiectum formale. At hæc non sunt purè humana ; sed sunt diuinæ providentiæ supernaturalis instrumenta, ad credendum modo hominibus ac manna.

Rationes
credibili-
tatis non
sunt ali-
quid hu-
manum,

59.
Sensuum
perceptio
quomodo
ad illas
se habet?

Non est
purè hu-
mana.

Deus ita nos iuuat, vt omne periculum falsitatis sufficienter remoueat. Nam v. g. si miracula videntur; tam clarè, tam appositè, tam constanter aut frequenter ea proponit, & cum alijs conditionibus ad fidelitatem sensuum necessarijs, vt deceptionis periculum prudenter timeri non possit. Ideoque Christus, vt certò probaret suam resurrectionem Apostolis, tam frequenter, & tam conspicuè videndum & palpandum se illis proponebat: eiusque certitudinem in experimentum sensuum resoluebat, dicens Lucæ 24. *Palpate, & videte, quia spiritus carnem & ossa non habes, sicuti me videti habere.* Et Ioan. 20. *Infer digitum tuum huc, &c.* Et paulò post; *Quia vidisti me Thoma, credidisti:* id est, quia vidisti, & palpasti vulnera carni meæ inflicta, credidisti me resurrexisse. Credere autem resurrectionem Christi quia videbantur eius vulnera, est habuisse visionem illam, tam exactam, pro morituo credendi. Neque reprehenditur Thomas à Christo, quia vi illius moritui crediderit: sed quia alijs præcedentibus satis efficacibus credere noluerat, & motiuum illud sibi non necessarium expectauerat.

Relatio quodque miraculorum, sufficiens ad fidem supernaturalem, non est purè humana. Sique esset purè humana, non esset illi sufficiens argumentum credibilitatis, ac ne testimonium quidem aliquot testium, qui signa & miracula oculis conspexerunt. Licet enim eiusmodi testimonium sit dignum assensu fidei naturalis, quando aliqui fide digni asserunt quæ ipsimet viderunt: sitque turpe & vitiosæ incredulitatis nolle fidem habere alijs, in ijs, in quibus sibi quisque fidem haberi vult: non meretur tamen fidem diuinam, quando purè humanum est. At non est purè humanum testimonium illud, quod est verè sufficiens ad fidem supernaturalem. Nam multitudo, & quantitas, ac modus & qualitas testium, satis apertè indicat non potuisse illos conuenire in idem testimonium, nisi vis euidentiæ & miracula eos compulisset. Miraculorum autem, & signorum virtus non solum in seipsa conspicitur; sed etiam cognoscitur in effectu, & consequenti, vt sol apparet in luce procul diffusa, etiam diu postquam occubuit. Quòdque tanta vel Scriptorum, vel aliorum testium multitudo, tam constanter, tam asseueranter, non propter vitilitatem, aut commoditatem, aut delectationem, sed veritatis vi compulsa prædicet miracula, & alia signa mirabilia, quæ alijs non conspexerunt, ad confirmandas veritates sensui asperas, & rationi apparenter repugnantes: non est humanum opus, sed diuinum. Homines enim increduli naturæ suæ, & proni ad contradicendum, numquam adeò constanter, & firmiter, noua, & humanam facultatem excedentia asseuerant, nisi veritatis virtute compellerentur ad ea proferenda. Neque periculum est falsitatis in eiusmodi fama: quia non quælibet fama est fallax, sed aliqua est adeò testata, vt fallere nequeat. Quòd si ad aliquos talis & tanta fama non peruenit: sed audiunt tantum vnum, aut alterum testificantem: Deus supplet interitus sua illustratione, id

quod exterius deest ad credendum supernaturaliter. Neque enim via illa externa est tota & vnica ratio credendi.

Secundum argumentum: Summa fidei certitudo, quæ fides superat scientiam humanam, Certitudo fidei non ideo minuitur. Doctore D. Thoma, quest. 4. art. 8. in corpore, non potest inniti argumentis credibilitatis, quæ fallacia esse possint. Nam miracula ipsa incerta sunt: cum spiritus mali possint multa efficere, quæ videntur miracula; vt de Magis Egypti patet Exod. 7. & 8. & de Pseudopropheta prædixit Christus Matth. 24. v. 24. & de Simone Mago, Apollonio Thyaneo, pluribus alijs testantur historie Ecclesiasticae, & prophætae.

Respondeo, de comparatione certitudinis inter fidem supernaturalem, & scientias humanas alibi disputandum esse. Interea dico, non posse credi certius veritatem à Deo reuelatam, quia reuelatam, quam certò credatur Deum reuelasse: cumque id non certò constet, nisi per argumenta credibilitatis: tota fidei certitudo in illa tandem resolueda est ex parte obiecti. Ad eademque certissimè cognoscenda Deus opem specialem suppeditat, & corroborat intellectum. Nec obest quòd possint interdum fingi miracula. Nam inter vera & falsa miracula sunt aliquæ differentie, per quas satis cum Dei ope, & speciali Spiritus sancti auxilio, discerni possunt. Primum enim, vt rectè docet Suarez disp. 4. Sect. 3. num. 9. consideranda est diuinitas effectus, & perfectuerantia, quæ magnum veritatis indicium est. Veritas namque facta sunt, cito euanescent. At exempli gratiâ, suscitatorum à Christo vita, & vera resurrectio, longis & diuturnis experientis comprobata sunt; cum v. c. Lazarus, proferens, qui antea toto fere quadriduo mortuus iacuerat in monumento, fuitque & semi-putridus, repente Christi voce & imperio suscitatus, postea cum Iudæis, & alijs innumeris, passim ac publice per multos annos familiariter conuersatus est. Secundò, consideranda sunt effectus, per quos miraculum manifestatur. Eiusmodi sunt actiones vitæ in mortuo suscitato, visio in cæco illuminato, gressus constanter reclusi in claudo sanato, &c. Tertiò, multitudo, & frequentia, ac varietas miraculorum, cum omnibus signis & experientijs veritatis, quæ naturaliter in alijs rebus nobis familiaribus, & euidenter notis euidentiâ naturali habere solemus. Quæ multitudo plurimum facit ad eorum veritatem ostendendam: quia in tanta multitudine facile deprehenderetur illius sensum; quippe quæ multorum experientie subijcitur. Quartò, multiplex modus mirabilis operandi talia signa, per impetium, per orationem ad Deum verum, per adiurationem, per cordium manifestationem, &c. Quintò, finis talium operum; quòd per illa nihil mali intendatur, sed potius morum honestas, & vera Dei cognitio, demonisque expurgatio, vnde non est credibile fingi ab ipso demone. Sextò, à quibus fiant, putà ab hominibus summa vitæ innocentia præditis, quales non sunt, qui videntur operà demonum: sunt enim vitæ impuræ, & student proprijs commodis: quorum etiam aliqui,

Ne quidè
cùm sit
per rela-
tione
aliorum,

60.
Certitudo fidei
non ideo
minuitur.

Veritas
miraculorum
quomodo
di-
scernitur.

maiores Dei potentiam agnoscere coacti, fuerunt ad Christum conuersi, & ad vitam sanctitatem, & veris miraculis martyrioque insignem; vt de sancto Cypriano Antiocheno referunt Metaphrastes, & alij veteres quos citat Baronius in Martyrologio ad diem 26. Septembris. Et de Anastasio Persa refert idem Baronius ex antiquis Historicis, ad annum Christi 612. & 617. ex mago, & magi filio factum esse Monachum Sanctissimum, & Martyrem insignem, clarum etiam miraculis illustribus, quæ, velut indubitata fidei, in septima Synodo generali recensentur. Septimo, considerandum etiam est, solere Deum maiori virtute se opponere falsis miraculis; neque permittere demones pro libito grassari & illudere hominibus, atque illos inducere in errorem inuincibilem circa viam salutis. Ita enim Magi Pharaonis à Moysè citò victi sunt: & Simon Magus à D. Petro: & Antichristus ab Elia vincetur: & oracula antiqua ad Euangelij prædicationem siluerunt: & nunc etiam silent in orbe nouo: vel ad præsentiam reliquiarum martyrum; vt de Sancto Babyla testatur D. Chrysostomus, testis oculus cum tota Antiochia.

Chrysost.
homil. de
S. Babyla.

61.
Quanta
sit credi-
bilitas fi-
dei Chri-
stianæ?

Considerandum etiam est credibilitatem fidei Christianæ, contra quam sunt pauca illa ficta miracula, non constare, vno tantum genere miraculorum; sed tam multis, tam varijs, & tam magnis, vt nullum aliud dogma simile quicquam, vel æquale, ne apparet quidem præferre possit. Pauca quidem & incerta miracula non sunt sufficiens argumentum ad credendum fide diuinâ. Sed quando multa sunt, aut facta sunt, ingentia, frequentia, & diuturna, per inuocationem vnus Dei, in confirmationem doctrinæ, ipsius nomine proposita: nullaque est alia vis aut potestas, quæ valeat illis miraculis resistere: argumentum maximum est illa esse à Deo: & quisque secum potest sic ratiocinari: Si vlla in vniuerso vis, aut potentia, quæ mundi & rerum humanarum curam gereret, esset maior, aut superior, quàm sit ea, à qua dogmata Christiana proflexerunt: certe vis illa dogmatibus Christianis, eorumque professoribus, qui ea pro viribus disseminant, resisteret præstantiori, meliori quæ actione, nisi illa probaret. Atqui nulla vis & potentia repta est, quæ tam præstanti actione Christianis dogmatibus resisteret, quàm hæc à professoribus suis confirmantur: Ergo, &c. Probat minor: quia licet gentes plurimæ vi, & armis resisterint, imò totum Romanum imperium tota vi, aliquot sæculis se illis opposuerint: nunquam tamen oppositum confirmarunt tot miraculis, tam varijs, tam solidis, tam excedentibus vim omnium creaturarum. Hæc igitur omnia bene expensa dant eundem credibilitatem miraculis, quibus fides Christiana innitur. Quamquam sola miracula non sunt omnia argumenta credibilitatis, vt alibi ostendimus, Disput. 5. Sect. 2. & quinque sequentibus.

62.

Tertium argumentum: Huiusmodi argumenta credibilitatis, vel sciuntur euidenter esse vera; vel creduntur tantum esse talia. Si primum: non sunt materia fidei, sed constituunt

reuelatum evidens & scibile, posito quòd evidens sit Deum esse veracem. Si secundum: Ergo debent esse à Deo reuelata per aliam reuelationem, de qua iterum quaeretur an cognoscatur per alia motiua; & sic in infinitum. Neque dici potest quòd sint sibi ipsis ratio cognoscendi. Quia nihil potest esse ratio cognoscendi sui ipsius, nisi sit in se evidens.

Respondeo, miracula & alia argumenta credibilitatis non cognosci euidenter esse vera miracula, id est, opera solius Dei, facta ad testandum ipsum reuelasse: alioqui non esset fides, posito quòd etiam evidens sit Deum esse veracem; sed creduntur duntaxat esse talia, non ob aliam reuelationem, sed propter intrinsecam euidenciam credibilitatis, quam habent si bene expendantur, eo modo, quo iam diximus. Sicut autem quædam obiecta sunt per se euidencia simpliciter, id est, euidencia rei, seu euidencia veritatis: ita sunt quædam euidencia per se, euidencia credibilitatis, id est, euidenter credibilia, quamvis non euidenter vera: sicut aliqua sunt per se euidenter probabilia, quamvis non euidenter vera. Aliud enim est esse credibile aut probabile: & aliud, esse verum. Nam credibile absolute, aut probabile, potest esse falsum. Idèoque tametsi constet euidenter de credibilitate, aut probabilitate: non ideo constat euidenter de veritate. Præterea aliud est, credibile absolute: & aliud, credibile fide supernaturali. Primum est evidens: non secundum; cum non sit evidens, sed tantum credibile dari fidem supernaturalem. Idèoque miracula, & alia argumenta sufficientia non faciunt euidenter credibile fide supernaturali, cui falsum subesse non potest: sed simpliciter, euidenter credibile tanquam dictum a Deo.

Quantum argumentum: Diuinum testimonium per se proxime, & ratione sui, est dignum fide: Ergo ultra diuinum testimonium non est aliud requirendum, sed in eo sistendum, velut in vnica & summa ratione certissime assentient, di fide diuinâ: videlicet, quia Deus dixit, qui summè verax est.

63.
Cur fides
requirit
aliquid
ultra tes-
timoniū
Dei?

Respondeo, testimonio diuino cognito vt tali, deberi per se proxime fidem summam, & certissimam: sed vt certissime cognoscatur esse tale (quod omnino necessarium est, vt propter ipsum aliquid aliud certissime teneatur) oportet vt vel per se certò innoteat, vel per aliud, quo certò constet non falsò prætendi diuinum testimonium. Non constat autem sine signis sufficientibus internis, vel externis. Quare opus est huiusmodi signis, & motiuis credendi, non humanis illis quidem, sed diuinis & supernaturalibus, ope diuina speciali altius & certius cognitis; tum per actum intellectus præuium actui libero voluntatis, quo mouet intellectum ad credendum; tum etiam per eundem assensum supernaturalem, quo credimus rem reuelatam, propter reuelationem; & reuelationem, quoad esse, credimus propter motiua quibus credibile sit Deum reuelasse. Neque verum est quod ait Suarez disp. 4. Sess. 6. num. 3. Iudicium de credibilitate non esse tam certum, quàm

quàm est assensus fidei diuinæ. Nam omnino necessarium est, vt saltem per assensum ipsum fidei supernaturalis assentiamur æquè certò reuelationem diuinam esse factam (quæ certitudo habetur per argumenta credibilitatis) atque assentimur rei reuelatæ propter reuelationem. Estque impossibile hoc esse certius, quàm illud; quia non potest esse firmissimum ædificium, quàm fundamentum, vt rectè idem Auctor ait, disp. 3. Sect. 12. num. 7. Denique non negamus diuinam reificationem esse obiectum formale fidei, sed propositam sufficienter, & de qua certò consistit esse diuinam.

64. *Quoniam fides innotatur argumentis credibilitatis?*
Addunt aliqui cruditi recentiores, qui nobiscum in summa rei consentiunt; assensum fidei supernaturalem non ita inniti & commensurari notitiæ argumentorum credibilitatis; & eorum omnium, quæ vt obiecta mouent ad credendum testimonio diuino: sicut innititur & commensuratur assensus humanus notitiæ eorum, quæ mouent ad illum assensum. Quia assensus supernaturalis fidei est altior, purior, firmitior & generosior eo, qui posset oriri præcisè ex efficacia obiectiua argumentorum, quæ mouent ad credendum. Ille autem excessus præstantiæ fidei supra efficaciam obiectiua argumentorum, est ab operatione Spiritus sancti, & à deuotione mentis tactæ per illam operationem. Nam efficacia obiectiua argumentorum credibilitatis tam firmum & generosum assensum non posset exprimere ab intellectu sibi relicto. Qua de causa Concilia definiunt non posse nos sine praueniēte Spiritus sancti inspiratione, atque eius adiutorio, credere sicut oportet ad iustificacionem, vt ait Trident. Sess. 6. can. 3. Et gratiam Dei esse necessariam vt nos corrigat ab infidelitate ad fidem, vt loquitur Araulic. can. 5. Et Christus affirmat neminem posse ad ipsum venire per fidem, nisi Pater eum traxerit, Ioan. 6. Arque hoc isti recentiores putant esse id, quod propriè intendunt auctores contrariæ sententiæ, qui negant hæc argumenta esse obiectum formale fidei. Eorum enim generale fundamentum est, quòd videatur incommòdum, fidem diuinam inniti argumentis. Sed quamvis fides vtatur argumentis, non eis planè innititur. Hoc enim est non planè inniti, assensum fidei esse talem, vt efficacia obiectiua argumentorum non posset ab intellectu, suis viribus relicto, tam generosum & firmum assensum exprimere. Hæc illi.

Vera sententia, & contrariæ refutatio.
Verùm auctores contrariæ sententiæ omnino plus intendunt, vt patet ex eorum argumentis suprà relatis. Nam eò tendunt, vt argumenta credibilitatis prorsus excludant ab obiecto assensus fidei supernaturalis, illaque ad summum relinquant vel assensui præiū, quem vocant iudicium prudentiæ; vel soli fidei acquisitæ & humanæ. Deinde si recentiores isti intelligunt excessum illum certitudinis fidei supernaturalis esse supra efficaciam obiectiua argumentorum, comparatam ad intellectum, vt adiutum ope Spiritus sancti, & ad causam altioris ordinis, cuius concursus possint mouere efficacius: falluntur, & refutantur ipsdem argumentis, quibus suprà ostendimus Sect. 6. neque habitum supernaturalem, neque voluntatem mo-

tam à Spiritu sancto, posse supplere defectum obiecti formalis. Quia, non possunt mouere intellectum, nisi ad obiectum proportionatum assensui eliciendo: Et hoc obiectum præsupponitur tam ad assensum supernaturalem, quàm ad motionem habitus, aut voluntatis. Ac sicut non potest obiectum mouere ad assensum, si est penitus obscurum, & destitutum omni euidentiâ: ita neque ad assensum certiorum assensu naturali, si non habet proportionem cum assensu tam certo. Sin autem intelligunt, id quod magis eorum verba significant, quodque vere ipsos intelligere arbitror; excessum illum certitudinis fidei supernaturalis non esse supra efficaciam argumentorum comparatorum ad intellectum vt adiutum ope Spiritus sancti; sed eius concursu & eleuatione fieri, vt melius expendantur, & percipiantur, quàm possent solis naturæ viribus, vnde firmitior oritur assensus intellectus, quàm posset oriri naturaliter: Illud est æquè verum de testimonio ipso diuino, cuius maiestas, & reuerentia illi debita, multò melius percipitur ab intellectu Spiritus sancti ope adiuto: vnde magis & melius illi adheret. Quare si propter hoc negandum esset, fidem supernaturalem inniti argumentis credibilitatis: negandum esset pariter inniti Deī testimonio. Quod longè abest à mente auctorum tam nostræ, quàm contrariæ sententiæ.

SECTIO IX.

Verum eodem actu cognoscantur obiectum formale, & materiale fidei?

65. Cognitio obiecti formalis præcedit actum liberum.
R Espondeo, prius quidem actu distincto cognosci obiectum formale, & motium sufficiens ad credendum, quàm liberè exercetur assensus fidei supernaturalis: sed tum rursus eodem assensu supernaturali attingi obiectum formale cum materiali. Ratio primæ partis est, quia vt aliquis actus liberè exercetur, debet voluntas antecedenter, & in priori saltem naturæ, habere omnia ad agendum prærequisita, & constitui completè potens ad illum exercendum, vel abstinendum ab illius exercitio, vt voluerit. Atqui vnum ex prærequisitis ad actum fidei liberè exercendum, & constitutibus potentiam completam ad vtrumlibet, est cognitio motiui sufficiens ad credendum, sine quo non potest credi: voluntas enim non fertur in incognitum, sed prærequirit cognitionem exteriorem, vt circa ea liberè se exerceat, eligendo vnum præ alio. Quod enim est incognitum, quamdiu tale est, non est liberè eligibile: neque voluntas est completè potens ad eligendum, sine præuia cognitione eligibilem, ad quorum vnum præ alio se applicet, quia sic vult. Confirmatur, quia cognitio exteriorem est illa quæ proximè liberat voluntatem, constituitque in statu indifferentiæ. Et quemadmodum vt voluntas liberè amet, prærequiritur cognitio obiecti amabilis, ad quod amandum liberè se determinet, si velit; sic ad liberè credendum prærequiritur cognitio obiecti credibilis; quæ co-

gnitio constituit voluntatem proximè potentem, & indifferentem ad credendum, vel non credendum, vt voluerit.

66. *Fides attingit simul materiale cum formali.*
Secunda pars responsi, quòd scilicet assensus fidei supernaturalis attingat simul obiectum formale cum materiali, probatur, quia quod non est cognoscibile, nisi vt connexum cum alio, non cognoscitur nisi vt connexum cum illo: & quidem eodem actu: quia connexum, vt connexum, non potest separari cognitione ab eo, cui connexum est: sicut neque vnio ab extremis, quæ inuoluit essentialiter. At obiectum materiale fidei non est cognoscibile (vel absolutè, vel saltem prout est obiectum fidei) nisi vt connexum cum formali: mysterium enim Trinitatis, v.g. non est credibile, nisi vt connexum cum reuelatione credibili. Ergo non creditur nisi vt connexum cum illa. Confirmatur, quia omnis assensus intellectus debet attingere aliquam euentiam obiecti: cum possibile non sit asseriri ei, quod est planè inuidens: id est, quod neque est euidens simpliciter euentiæ rei; neque euentiæ credibilitatis, aut probabilitatis. Atqui obiectum fidei materiale, vt reale, non habet euentiam credibilitatis in seipso, & à seipso; sed habet illam à reuelatione credibili: Ergo assensus fidei non potest illud attingere solum & præcisè spectatum; quia sic est prorsus inuidens; sed vt connexum cum reuelatione credibili. Confirmatur secundo, quia sicut conclusio non potest cognosci vt conclusio est, id est, prout illata ex præmissis, & vi illationis, nisi eodem actu cognoscatur id, ex quo infertur: quia illatio non potest cognosci absque eo quòd cognoscatur extrema, quæ importat essentialiter: similiterque est impossibile cognosci connexionem, illationem, vñionem, & similia, quin eodem actu cognoscatur ea, quæ inuolunt aut important essentialiter, prout talia sunt. Ita non minùs impossibile est cognosci rem reuelatam, quæ reuelatam, & quia reuelatam; id est, vt connexam cum reuelatione, & propter illam connexionem; absque eo quòd actu eodem attingatur reuelatio, cum qua connexa est, & à qua formaliter habet, vt sit credibilis & capax terminare assensum fidei. Confirmatur tertio, quia sicut eodem actu amatur finis, quo medium propter finem amatur; quando scilicet amatur vt medium, id est, vt vtile ad finem consequendum: sic eodem actu, quo cognoscimus vnum propter aliud, cognoscimus illud aliud. Par enim est connexio obiectorum in vtroque; & motuum cognoscendi non mouet, nisi cognitum: sicut finis, & motuum volendi non mouet, nisi volitum.

67. *Contraria sententia.*

Contrarium sentit Meratius Disp. 5. de Fide, Sect. 2. affirmans reuelationem non cognosci eodem actu, quo res reuelata creditur. Quod primò air constare experientia. Qui enim v.g. credit Deum esse trinum in personis; id tantum credidit, quod per assensum fidei iudicat: Sed iudicat tantum Trinitatem personarum conuenire Deitati; & experientia patet non cogitari sæpe de reuelatione, quando credimus Deum esse trinum: Imò licet semper de

illa cogitemus; non minùs tamen essent diuersi actus, & diuersa iudicia, circa reuelationem, & rem reuelatam; quàm sint diuersæ propositiones istæ vocales, Deus reuelant se esse trinum, Ergo Deus est trinus.

Respondeo negando talem experientiam. Nullus enim verè assentitur, quin habeat aliquid, in quo veluti per se noto sitat vltimò. Alioqui vel tenderet in infinitum: vel assentiretur sine vlla euentia obiecti. Ergo nemo verè credit Deum esse trinum sine tali aliquo vltimo per se noto. Hoc autem non est ipsa Trinitas, quæ per se est ignota, & incredibilis. Ergo assensus ille sitit in aliquo alio, nempe in reuelatione credibili, & quidem notà necessariò eodem assensu, vt antea probauimus: neque enim possunt æquè separari cognitione, ac sermone vocali. Eandemque ob causam veracitas diuina debet cognosci eodem assensu fidei; & assensus conclusionis debet ferri in præmissis: quod malè negat paulò pòst auctor supra citatus. Quod autem eum induxit ad allegandam experientiam malè præsumptum, est, quòd sapissimè, propter intelligendi consuetudinem, & facilitatem, non aduertimus nos intelligere id, quod tamen actu, & reipsa intelligimus: sic enim dum legimus, non videmur cogitare de valore characterum; neque de regulis Syntaxeos, quando latinè loquimur expeditissimè; neque peritus Cythæreus, de modo pulsandi; cum tamen certissimum sit hæc non fieri sine actuali cogitatione, & directione artis bene legendi, loquendi, pulsandi. Sic ergo affecti ad credendum, & facillimè credentes, non videntur cogitare de motiuis, de quibus tamen re ipsa cogitant. Sunt etiam qui sibi videntur credere fide diuinà, & non credunt: quia motiua supernaturalia, neque tunc, neque aliàs vnquam bene percipiunt: ideòque præter fidem humanam nihil habent.

Obijcit secundo præcipuè: Si quæ ratio esset, cur formale debeat cognosci eodem actu, quo materiale: maximè, quia formale est motuum cognoscendi materiale. At inde potius sequitur oppositum; quia quod mouet ac quodammodo allicit intellectum ad assensum aliquem exercendum, & non mouet ad hoc nisi cognoscatur, non potest esse ipse actus, qui exercetur: nec proinde id, quod per hunc actum cognoscitur, quatenus per hunc cognoscitur. Oportet enim id quod mouet, ac allicit ad eum exercendum, esse priùs illo actu. Et quia non mouet nisi cognoscatur, oportet esse priùs cognitum, quàm actus ille exercetur. Et consequenter oportet esse cognitum per actum aliquem præcedentem. Addunt aliqui, implicare apertam contradictionem, formale seu motuum cognosci eodem actu, quo materiale. Nam medium, quod cognitum ducit in alterius cognitionem, debet priùs naturà cognosci, quàm aliud, in cuius cognitionem ducit. Sed formale, seu motuum, est tale medium respectu materialis. Ergo debet priùs naturà cognosci, quàm materiale. Si autem illud medium vt priùs cognitum, est medium ad aliud cognoscendum; eius cognitio est conditio ad eliciendam cognitionem alterius; priùs

Nititur falsà experientia.

68. *Alterum eundem sententiam arguendum.*

naturâ praequisita: Ergo ipsa non potest identificari cum cognitione alterius. Nam nulla res se ipsam praesupponere potest ut conditionem praequisitam. Quando autem cognitio est indiuisibilis; antequam principium cognitionum eam eliciat, debet esse vltimo dispositum ad eliciendum. Quare si ipsamet esset conditio ad seipsam praequisita, deberet esse prius in principio elicitionis illius, quam principium ipsam eliceret. Sic enim argumentor: Omnis actus intellectus praesupponit naturâ prius, antequam producat, quidquid necessarium est ut producat. Ergo iste actus, de quo loquimur, praesupponit cognitionem medij. Ergo seipsum praesupponit antequam producat; quia ipse idem est indiuisibiliter cognitio medij, & obiecti materialis cui medium est. Item, si vnum per aliud cognoscitur, cognitum tamen eodem actu; debent in illo actu esse duae tendentiae, & duo actus virtualiter, aut duae rationes, quarum vna sit prior, & causa alterius. Siquidem medium ut cognitum, seu cognitio medij, est causa cognitionis obiecti materialis. At hoc aperte est impossibile in nostra sententia: cum tendentia ad medium, vel ad connexum ut tale, tendat indiuisibiliter ad id, cui medium, vel cui connexum est: nec possit vna ratio, vel tendentia ab alia praescindi. Dicendum est igitur obiectum formale, seu motuum, cognosci actu diuerso, & quidem praeuio, saltem naturâ, tanquam conditione, & dispositione praeparante intellectum ad assensum materialis. Intellectus enim, cognito formali, est dispositus & aptus ad cognoscendum materiale; sicut cognitis praemissis est dispositus, & sufficiens ad cognoscendam conclusionem. Accutur enim intellectus, & quodammodo crescit lumen & vis intelligendi per huiusmodi praerogationes, quae iuuant & disponunt ad notitiam aliorum; ut patet in ijs, qui speculationi rerum subtilium incumbunt, qui in dies sunt acutiores ad quaevis alia intelligenda.

Responsioni praemito duplicem esse prioritatem, siue rei, siue rationis; & siue in esse, siue in cognosci. Vnam, *in quo*: alteram tantum, *a quo*. Prior est, quando vnum est, aut potest esse, vel cognosci sine alio, quod in esse, vel in cognosci pendet ab ipso. Ut sol potest esse sine lumine, quod lumen in esse pendet à sole. Posterior est, quando vnum non potest esse, vel cognosci sine alio, quod tamen in esse, vel in cognosci, est, aut pendet ab ipso. Quo pacto Pater diuinus est prior filio, non naturâ vel dependentiâ, sed origine, licet numquam possit esse sine filio: & causa vt causans est prior effectui, quia effectus pendet à causa vt causante & influente: licet causa vt causans non possit esse ita se habens, neque intelligi, sine effectui. Dico igitur primo medium cognitionis seu motuum formale, esse tantum prius in cognosci, prioritate à quo, idque non impedire quin simul semper & eodem actu cognoscatur cum materiali. Potest enim idem assensus cadere in vtrumque, & cadere in vnum propter aliud. Sicut idem actus voluntatis cadit in medium & in finem, quando vult medium propter finem, non aliunde volibile, aut non aliter voli-

tum, quam quia est vtile ad finem. In quo modo cognoscendi, & volendi, licet duo simul cognoscantur, & appetantur; cognoscantur tamen, & amantur diuersimodè. Vnum enim cognoscitur, vel appetitur inmediate, & propter se: Alterum, propter illud. Vnum praedominatur, & ducit ad notitiam vel amorem alterius, & trahit alterum in cognitionem vel amorem, tanquam ratio, vel causa cur cognoscatur aut ametur: Alterum verò sequitur, & cognoscitur, vel amatur dependenter ab illo, cognitio licet, vel amato per eundem actum. Hoc supposito, ad tria prima argumenta, quae in idem recidunt, & verbis magis quam sensu differunt, Respondeo generatim, medium seu motuum assensus, cognitionem eodem actu cum eo cui est medium, non praesupponi esse cognitum antequam exerceatur ille actus: neque ut sic esse conditionem ad illum eliciendum praequisitam: sed tantum esse id, quod in obiecto est principalis, & ratio aliud cognoscendi, tanquam mouens ad cognoscendum se, & aliud propter se. Ideoque dicitur cognosci prius à quo: quia licet simul tempore vtrumque & eodem actu attingatur: vnum tamen attingitur propter aliud.

Deinde sagillatim ad Maiorem primi argumenti, eiusque confirmationem, quae sic habet: Id quod mouet tanquam cognitum ad assensum aliquem exercendum, non potest esse id, quod per hunc actum cognoscitur, quatenus per hunc cognoscitur: Oportet enim prius cognosci id quod mouet, & non mouet nisi cognoscatur: Si autem prius cognoscitur: Ergo actu distincto. Respondeo id quod mouet tantum ex parte obiecti tanquam cognitum prius à quo, id est, tanquam principalis in obiecto, & ratio cognoscendi aliud, posse cognosci eodem actu: & ex prioritate tantum à quo inter obiecta, propterea cadunt sub cognitionem cum aliqua dependentiâ, malè inferri diuersitatem cognitionum. Ad secundum Respondeo similiter, medium debere cognosci prius à quo, id est, cognosci tanquam principalis: neque propterea eius cognitio est conditio prius naturâ praequisita ad eliciendam cognitionem alterius, quasi sint duae cognitiones, quarum vna sit causa alterius: sed tantum vna cognitio cadit in duo simul: & in vnum propter aliud, quod idcirco dicitur pendere ab illo in cognosci, & cognosci posterius à quo, id est, non propter se, sed propter illud. Ad hanc autem cognitionem eliciendam sufficit obiectum formale cum in materiali proponi intellectui habenti aliunde vim cognoscendi materiale propter formale. Sicut ad videndum sufficit proponi colorem illuminatum visui. Neque est opus ut visio luminis praeat visio coloris tanquam conditio praequisita. Ex quo patet solutio tertij argumenti: Nego enim istum actum, de quo est sermo, praesupponere cognitionem medij, prius quam eliciatur. Ad quartum: Nego maiorem. Neque enim simul hic duae tendentiae, vel duae cognitiones: neque est causalitas inter tendentias, vel cognitiones: sed est tantum inter obiecta in cognosci, id est, in ordine ad cognitionem, & propterea cadunt sub

70.
Sarisht
argumē-
tis con-
trariis
sententiae.

69.
Prioritas
duplex:
in quo, &
a quo.

Medium
cognitio-
nis quo
modo
prius co-
gnosci-
tur?

illam: quatenus scilicet vnum cognoscitur propter aliud: & quamvis vnicuique cognitio tendat in vnumque indiuisibiliter: cadit tamen in vnum propter aliud, tanquam principalius, ac per se cognitum, & rationem cognoscendi aliud. *Æquiualeat* tamen ista cognitio indiuisibilis duabus distinctis, quarum vna tenderet solum in materiale, altera, in id quod est formale, & motiuum, materialiter sumptum. Sicut assensus conclusionis æquiualeat tribus, quibus seorsim cognoscerentur conclusio, & duæ præmissæ materialiter sumptæ, & absolute.

Ad reliquum obiectionis non nego intellectum perfici exercicio, & acui vim intelligendi: sed contendere esse impossibile cognosci vnum vt connexum cum alio, ac vi connexionis: absque eo quod illud cognoscatur eodem actu. Cognosci v.g. Deum esse trinum, quia Deus reuelauit; absque eo quod cognoscatur Deum reuelasse, eodem actu, quo non aliter cognosco Deum esse trinum, quam quia Deus id reuelauit. Obiectum enim non est mihi aliunde cognoscibile.

SECTIO X.

An obiectum formale fidei debeat esse obscurum aliquatenus, & credibile tantum?

71.
Triplex
gradus
assensus;
evidens,
certus, &
probabi-
lis tan-
tum.

NOta primò, triplicem esse modum, quo assentimur obiectis. Primò euidenter. Secundo, certo, quamvis ineuidenter. Tertiò, probabiliter tantum. Assentiri euidenter, est ita assentiri veritati, atque ita conuinci eius luce seu perspicuitate, vt de ea nullo modo dubitare possis, neque voluntariè, neque inuoluntariè, quamdiu lux illa veritatis rei in se ipsa, vel argumentorum per quæ apparet, occurrat intellectui, & ab illo bene consideratur. Toties enim ita determinat intellectum ad assensum, illiunque tam plenè & perfectè possidet; vt loco assensus, non possit dissensum, aut dubitationem, ne inuoluntariam quidem habere. Dixi autem, *quamdiu lux illa, &c.* Nam alioqui non repugnat de aliquibus euidentibus haberi dubitationes inuoluntarias. Quo pacto, licet doctus euidens sit Deum esse, & prouidere vniuerso, patiuntur tamen interdum dubitationes inuoluntarias, & indeliberatas, propter occurrentes difficultates in contrarium; non aduertentes ad lucem argumentorum, ex quibus bene inspectis euidens illis fuit Deum esse, & gerere curam vniuersi. Assentiri autem certò, quamvis ineuidenter, est firmiter assentiri & sine formidine deliberata oppositi, de quo, iure & ex merito argumenti, aut fundamenti assensus, iudicas te non debere voluntariè, neque posse prudenter dubitare: quamvis ob ineuidentiam obiecti dubitationes inuoluntarias patiaris, aut pati possis, etiam tunc, quando sufficienter cogitas de euidentia credibilitatis. Possunt enim etiam tunc emergere dubitationes inuoluntariæ, propter ineuidentiam veritatis ipsius rei, quæ veritas manet adhuc obscura. Neque enim est euidens verum esse id, quod tantum est euidenter cre-

dibile. Sicut non est euidens verum esse id, quod tantum est euidenter probabile. Addidi autem, *ex merito argumenti, &c.* Nam alioqui non est veta & rationabilis certitudo, de qua nunc loquimur; sed præsumptio, & persuasio temeraria, cum pertinacia, & obstinatione intellectus: qualis est firma adhesio hæreticorum & perniciosa circa suos errores. Assentiri denique probabiliter tantum, est assentiri leuiter, assensu non excludente vi suâ, & prope est assensus probabilis, formidinem aut suspicionem voluntariam oppositi.

Nota secundo, huic triplici modo assentendi respondere ex parte obiecti triplicem modum cognoscibilitatis, seu proportionis cum intellectu nostro in ordine ad assensum. Id est, obiecta quædam sunt euidentia, seu euidenter cognoscibilia: quia eam habent proportionem cum intellectu nostro, vt si illi proponantur, assensum euidentem obtineant. Quædam verò sunt tantum certa in ordine ad cognitionem, quidquid sit de certitudine seu firmitate in essendo, de qua dicemus alibi. Alia denique sunt tantum opinabilia.

Nota tertiò, dupliciter posse aliquid esse euidentem. Primò, in se, seu per se & immediate; quando nempe videtur in seipso sicuti est; & clarè attingitur in seipsa, & per seipsam connexio, vel identitas prædicati cum subiecto. Quo pacto Deum esse, & Deum reuelare, euidentem est Beato, qui Deum, & Dei reuelationem intuetur. Secundo, tantum mediâtè & per aliud: quando, licet res in seipsa non videatur, neque per seipsam clarè appareat connexio, vel identitas prædicati cum subiecto: apparet tamen per aliquid aliud, ex quo deducitur euidenter. Quo pacto nobis euidentem est Deum esse, ex effectis; & Deum reuelare euidentem esset illi, qui haberet indicia euidentia reuelationis, quamvis ipsam non videret in seipsa.

Notandum enim quartò id, quod post alios plures rectè docet Suares Disp. 3. Sect. 8. num. 2. Fieri posse vt qui Deum loquentem non videt, cognoscat tamen euidenter ipsum reuelare. Sicut enim potest Deus lumine gloriæ intellectum nostrum attollere ad Deum clarè videntem: ita potest lumine aliquo inferiore supernaturaliter eum eleuare ad clarè cognoscendam hanc veritatem, *Solum Deum potest mihi infundere species & reuelationes supernaturales.* Potest quoque illum attollere ad cognoscendas intuitiue species & reuelationes supernaturales, quas ipsi imprimat. Quod verò huiusmodi reuelationes, à Deo specialiter & supernaturaliter impressæ, non possint esse falsæ, tam nobis est euidentem, quam clarè constat Deum non posse esse causam specialem peccati, & actus turpis, neque ad illum inducere. Et quamvis id naturaliter non esset euidentem: posset Deus intellectum supernaturaliter illustrare ad hoc quoque euidenter cognoscendum. His autem positis, euidentem esset tali intellectui (licet carenti lumine gloriæ, neque Deum videnti) Deum reuelare. Quia euidentem illi esset se habere speciem, & reuelationem supernaturalem. Euidentem quoque illi

71.
Triplex
cognosci-
bilitas,
seu pro-
portio
obiecti.

Euidens
duplex:
per se, &
per aliud.

72.
Deus po-
test reue-
lare euidentem,
etiam non
videns aut.

esset Deum solum specialiter & supernaturaliter esse illius auctorem, falsamque esse non posse.

74.
Evidentia
rei aliud
est quam
evidentia
credibilita-
tis, aut
probabili-
tatis.

Nota quintò, aliud esse evidentiam rei, seu quòd res sit: siue illa evidentia habeatur per se immediatè, siue per aliquod medium; & aliud, evidentiam credibilitatis, aut probabilitatis; iuxta quòd credibile sit, aut probabile rem esse. Nam v.g. id quod tres, aut quatuor fide digni affirmant, est evidenter credibile. Non est tamen evidens rei ita esse ut affirmant: quia non est evidens eos nec falli, nec fallere. Quare hic tantum est evidentia credibilitatis; sed non evidentia rei, seu veritatis simpliciter. Sic etiam id, de quo assertur ratio probabilis, & nulla certa in contrarium, est probabile evidenter: at non propterea est evidenter verum: quia multa, quæ videntur probabilia, sunt falsa: & sæpe duæ propositiones contradictoriæ sunt ambe probabiles. Sic etiam evidens est aliquam propositionem esse obscuram, aut esse dubiam; Neque propterea evidens esse veram, quia evidentia obscuritatis, non est evidentia veritatis.

Statu
quæstio-
nis.

Nota sextò, statum quæstionis esse, an obiectum formale fidei, quatenus tale, id est, quatenus fides illi innititur, debeat esse obscurum aliquatenus, id est, non evidens simpliciter evidentia rei, per se, vel per aliud; sed tantummodo evidens evidentia credibilitatis; ita ut tantum evidenter credibile sit Deum ut primam veritatem revelare. His præsuppositis.

76.
Credens,
ut tale,
non est
evidens
in seipso.

Dico primò, res, quæ divinâ fide creduntur, quatenus creduntur, non esse evidentes in seipsis. Patet, quia quatenus per fidem creduntur, non videntur in seipsis, neque clarè innotescent per seipsas, sed cognoscuntur tantum per medium extrinsecum, nempe divinam revelationem. Dixi autem, quatenus per fidem creduntur: quia res eadem possunt interdum esse per se evidentes; ut quædam, quæ dicuntur Ecclesiastici 43. de Sole, Luna, Iride, Stellis, Ventis, Mari & similibus, quæ nobis ipsâ experientia sunt per se evidentia: & tamen sunt de fide quatenus revelata in Scriptura, & cognoscibilia per revelationem credibilem. Sic etiam B. Virginie evidens erat se concepisse sine viri opera; & alia quædam, quæ sunt de fide.

76.
Neque sit
simplici-
ter evidens
per revela-
tionem.

Dico secundò, res, quæ fide divinâ creduntur, non fieri simpliciter evidentes per divinam revelationem, sed tantum evidenter credibiles: Ideoque fides divina non innititur obiecto formali simpliciter evidenti, sed credibili tantum; ita ut revelationem divinam esse factam, obscurè tantum constet, ut communiter constat; vel credenti non sit evidens, sed tantummodo certum, Deum nec falli, nec fallere. Hæc assertio est D. Thomæ, Magistri, Durandi, & aliorum plurimorum, quos sequuntur Suarez Disp. 3. Sect. 8. puncto 3. & Agid. Cennec disp. 9. dub. 8. Probatur primò ex Apostolo Hebr. 12. affirmante fide esse *argumentum non apparensum*; id est, ita convincens intellectum, ut tamen non faciat illi evidenter apparere id quod credit. Quæ etiam de causa

1. Cor. 13. cognitionem fidei vocat ænigmati-
cam, id est, obscuram. Similique modo de
fide loquuntur & sentiunt Sancti Patres; ut
Athanasius lib. de salutaris Christi aduentu,
circa medium: *Non (inquit) fides de re evi-
denter concepta, fides dicitur potius.* Et Aug. Serm. 1.
de Trinit. *Fidelis sum, credo quod nescio.* Et
Hilar. lib. 8. de Trinit. inter principium & me-
dium: *Maximum fidei stipendium est, sperare
quæ nescias.* Ratio eiusdem assertionis est, quia
fides, iuxta notionem, quam de illa nobis
dant Scriptura, & Sancti Patres, atque etiam
Theologi, & Philosophi communi consensu,
est essentialiter, & ex natura sua assensus in-
evidens, & in medio quodam gradu inter scien-
tiam, id est, claram rei noticiam, & inter
opinionem, quam fides superat per certitudi-
nem, sicut à scientia superatur per eviden-
tiam. Ergo fides necessariò & ex natura sua
requirit aliquam inevidentiam in obiecto suo
formali. Alioquin enim esset assensus evidens.
Nam res revelata cognoscetur evidenter, si
evidens esset Deum revelasse, & Deum non
falli, neque fallere. Tunc enim se haberet,
ut conclusio evidenter deducta ex præmissis
evidentibus; Quidquid Deus revelavit, verum
est: Sed Deus revelavit, v.g. Verbum esse in-
carnatum: Ergo id verum est.

Item, ex D. Thoma quæst. 1. art. 4. & com-
muni Theologorum consensu, assensus fidei
non est ab intrinseco necessarius, sed subie-
ctus liberæ determinationi voluntatis, quæ ex
affectu piæ credulitatis, & inspiratione, piæ
que motione Spiritus sancti, consentit propo-
sitioni fidei, applicatque intellectum ad cre-
dendum. Atqui si assensus fidei haberet ob-
iectum simpliciter evidens, esset ab intrinseco
necessarius, & non egeret tali motione, & ap-
plicatione, impulsuque voluntatis: intellectus
enim est de se & naturâ suâ determinatus ad
assentiendum veritati evidenter apparenti. Es-
set, inquam, ab intrinseco necessarius, id est,
talis, ut vi sui obiecti debitè & convenienti
modo propostis, sequatur necessariò, dum-
modo voluntas sinat intellectum naturaliter
agere. Tertiò, si fides niti potest obiecto for-
mali evidenti; id est, si potest credere rei re-
velatæ, is qui novit evidenter, per se, vel per
indicium evidens, Deum revelare, & non
falli, neque fallere: nulla posset reddi ratio,
cur aut quomodo fides non fuerit in Christo,
& non sit in Beatis circa divinas revelationes:
vel in sanctis Angelis, cum Dei revelationes
alijs ab alijs accipiunt. Nulla enim ratio solida
reddi potest cur fidem non exerceant, nisi quia
sciunt, id est, norunt evidenter Deum veraci-
ter revelare, & rem esse provt revelatur.
Atqui omnium consensu fides non fuit in
Christo: neque est, saltem actualis, in Beatis
Angelis vel hominibus: Ergo, &c. Confirmat-
ur, quia, ut res fiat, non est necessarium
illam videri in seipsa, vel cognosci evidenter
immediatè: sufficit enim cognosci evidenter
per aliquid aliud: ut patet ex consensu om-
nium Philosophorum, qui cum Aristotele 1.
Poster. docent causas demonstrati scientiæ
per effectus: & dati scientiar à posteriori,

æque ac à priori. Atqui non minùs demonstratur res reuelata per euidenter reuelationem, & veracitatem reuelantis: non enim minùs sequitur ex præmissis euidenter, & necessariò atque euidenter inferentibus veritatem rei reuelatæ. Ergo, &c.

77.
Refellitur
quasio.

Neque responderi potest cum Caietano, hanc euidentiã non esse rei in se, sed solùm in testificante. Quia vel sensus est, quòd ipsa non sit euidens nisi testificanti. Et hoc est falsum: Nam ei, cui reuelatur, est quoque euidens, si reuelatio, & veracitas reuelantis est illi euidens: Ex his enim duobus euidenter inferitur euidenter rem esse. Vel sensus est, quòd res non sit euidens in se, ac per se immediatè. Et hoc quidem verum est; sed non impedit euidentiã. Nam euidentiã à posteriori, non est euidentiã rei in se immediatè, sed per effectum, vel per aliquid aliud. Et quidem euidentiã parta per euidentiã Dei reuelationem, & veracitatem, non minor, imò maior est, quàm euidentiã causæ per effectum naturalem. Nam maior est connexio, & inseparabilitas diuinæ reuelationis cum veritate rei reuelatæ, quàm effectus cum causâ. Illa enim connexio est planè inseparabilis ex parte reuelationis diuinæ, cum absolutè repugnet Deum reuelare falsum: at verò effectus potest supernaturaliter à causâ separari. Effectus autem ostendit euidenter causam ratione illius connexionis: & non quia effectus est. Nam effectus separabiles naturaliter ab existentia causæ, sunt æque effectus, ac alij non separabiles: & tamen ex illis non inferitur euidenter causâ. Vt v.g. calor est æque effectus Solis, ac lux. Et tamen ex præsentia caloris non inferitur præsentia Solis, sicut ex præsentia lucis diurnæ; quia potest esse calor intensus in aëre, absente Sole, qui tamen calor fuerit productus à Sole.

28.
Medium
extrinsecum
est potest
causare
euidentiã.

Responderi etiam nequit, testimonium non causare euidentiã rei reuelatæ, quia est medium extrinsecum. Nam, ut iam dixi, euidentiã per illationem vnus ex alio, fundatur in necessariã & euidenti connexionem. Quare nihil refert sitne connexum intrinsecum, an extrinsecum. Deinde, effectus à Deo creati, sunt ipsi extrinseci: & tamen ex illis à posteriori inferitur euidenter esse Deum. Adde reuelationem Dei de seipso, esse Dei effectum. Ergo tunc saltem euidentiã daretur per effectum rei reuelatæ: sicut datur de alijs causis per earum effectus.

Euidentiã
à posteriori
est multi-
plex.

Dici etiam nequit, quod respondet Tutrius disp. 9. de fide, dub. 3. euidentiã à posteriori duplicem tantum esse, iuxta antiquos Philosophos: nimirum per effectum, aut per reductionem ad impossibile, quando ex opposito sequitur contradictio aliqua, non in aliquo extrinsecò, sed in ijs, quæ ex natura rei connexionem habent: non licet autem cuiuslibet fingere nouas definitiones demonstrationis à posteriori: aliqui nihil in Philosophia erit certum. Contrà enim in isto, quia demonstratio per causam remotam, est etiam à posteriori, saltem per reductionem, iuxta Aristotelem, & veteres Philosophos. Similique modo omnes

aliæ demonstrationes quæ non sunt à priori, id est, ex primis, immediatis, & causis conclusionis, reduci debent aut comprehendì nomine demonstrationis à posteriori: vt diuisio demonstrationis in eam quæ est à priori, & eam quæ est à posteriori, adæquata sit. Iam autem ostendimus non minùs euidenter concludi, imò maiorem euidentiã gigni, ex Dei reuelatione, & veracitate euidenti; quàm ex effectibus naturalibus. Quare hæc euasio non satisfacit argumento à nobis proposito.

Neque plus proficit quod respondet Mærat. Disp. 3. Sect. 4. non esse euidentiã, nisi quando res, vel immediatè in seipsa per propriam speciem, aut aliquid instar huius speciei cognoscitur; vel in aliquo alio, in quo quidditatiuè eminenter continetur, vt creaturæ in Deo: vel ex aliquo medio euidenter noto, ita vt & ipsum medium, & simul huius ipsius mediij cognitio sit motuum assensus, qui datur rei, quæ dicitur euidenter cognosci: sicut assensus conclusionis fit ex assensu præmissarum: quod enim mouet ad assensum conclusionis, non est præcisè medius terminus: sed assensus quoque præmissis datus.

79.
Vnde
oriatur
euidentiã

Contrà enim sic in isto: Duo priora non requiruntur necessariò ad euidentiã. Tertium verò, quod sufficere fatetur Mæratius, reperitur in casu, de quo loquimur. Nam in quocumque assensu, in quo cognoscitur vnus per aliud, tanquam per motuum, & obiectum formale; cognoscitur per illud, vt cognitum prius à quo. Quia intellectus non mouetur ab illo obiectuè, nisi cognoscendo. Mouetur enim ab illo, & determinatur per modum cognoscentis: & assentitur obiecto materiali, quia prius à quo assentitur formali: quare distinctio Mæratij est inutilis eius proposito. Concludo itaque fidem non posse nisi obiecto formali euidenti, cum ex natura sua sit assensus ineuidens, vt ostendimus num. 76.

SECTIO XI.

Refutantur aliæ contrariæ sententiæ.

Contrarium quoque sentiunt quidam alij, affirmantes non modò posse, verùm etiam debere conuenienter, quibusdam fidei obiectum proponi credendum per euidenter reuelationem; quia, inquit, non est conueniens Deum aliter reuelare, quàm euidenter, ijs, quibus prius & immediatè reuelat, & per quos vult suas reuelationes ad alios peruenire; vt primo Angelo, primis parentibus, Prophetis, & Apostolis, similibusque primis fidei doctoribus, in quibus aliorum fides fundatur, & superædificatur, vt loquitur Paulus Eph. 2. v. 20. Probant, quia aliquando abiretur in infinitum. Quod enim est obscurum, debet constare per aliud: Ergo si reuelatio facta immediatè à Deo primis fidei Doctoribus esset obscura, deberet ipsa constare per aliam reuelationem priorem & notiozem: & sic in infinitum. Item, Ecclesiæ fides esset incerta, si in toto suo corpore, constante primis, & alijs inferioribus, non

80.
Non de-
buit Deus
euidenter
reuelare
aliquibus.

haberet testem de visu. Fides enim, vt sit certa, debet resolui in testem ocularem.

Sed hæ rationes, si concluderent, probarent non modo id conueniens, verum etiam necessarium fuisse. Ad primam autem respondeo, id, quod est penitus obscurum, debere constare per aliud. Secus id, quod ita est obscurum, vt tamen sit euidenter credibile : Cuiusmodi fuit reuelatio facta immediatè primis fidei præconibus. Ad secundum respondeo, sufficere ad fidei certitudinem quòd certo constet Deum reuelare : quamvis nulli credentium id simpliciter euident sit. Alioquin nunc fides Ecclesiæ non esset certa ; quia nunc nemo est, cui reuelatio fuerit facta immediatè & euidenter. Iampridem enim primi illi ; quibus Deus reuelauit immediatè, sunt mortui. Neque verum est fidem, vt certa sit, debere resolui in testem ocularem, eo sensu, quem aduersarij intendunt. Sufficit enim resolui in Deum testificantem, cui euident est illi, quod reuelat ; & in indicia certissima, quibus constet Deum esse testificantem. Adde quòd fides, non modo in tota Ecclesia, sed etiam in quolibet credentium certa esse debet. Ergo sicut ad certitudinem fidei, in quolibet fideli, sufficit reuelatio credibilis : ita toti Ecclesiæ sufficit.

Alij, vt Turrianus disp. 9. de Fide & Mærat. disp. 3. censent Deum non potuisse primo Angelo reuelare ineuidenter. Quia Angelo supremo euident erat, inquit, nullam esse creaturam se superiorem : & non posse suum intellectum ex necessitate, id est, se non liberè consentiente, immutari ab alia creatura. Ac si fuisset immutatus, primus Angelus id cognouisset : quia habebat noticiam omnium naturalium : hæc autem omnia continentur in ordine naturalium veritatum. Aliunde verò euident erat illi se indeliberatè accepisse species, quibus sibi reuelaretur mysterium Trinitatis, & similia obiecta supernaturalia. Ergo illi euident erat Deum hæc sibi reuelare.

Respondeo non fuisse euidentis primo Angelo se non posse ab alio, quam à Deo specialiter & supernaturaliter operante accipere huiusmodi species : quæ si fuerint supernaturales in substantia, non nouit illas quidditatiuè, & germanè : sed tantum confusè, simili modo, quo nos cognoscimus nostras intellectiones ; neque fuit necesse, vt cognosceret euidenter modum, & causam talis cognitionis imperfectæ. Aliunde verò Deus, qui nouit perfectissimè vim cuiusque intellectus creati, potuit ita contemperare species & modum proponendi suam reuelationem primo Angelo, vt haberet tantum vim inducendi ad assensum certum & ineuidentem. Quòd si nihilominus primo Angelo euidenter reuelauit, vt plures sentiunt, Bannesio, Medina, & paucis alijs refragantibus ; Dico primum Angelum non habuisse fidem, sed actum scientiæ infuse, vi talis medij euidentis. Idemque dico de alijs, qui à multis existimantur habuisse aliquas reuelationes euidentes, cum euidentia diuinæ veritatis, quæ Angelo primo non defuit. Verum male asseritur illum nouisse euidenter omnia naturalia, & nullam esse creaturam se superio-

rem, nec posse ab vilo, quam à Deo immutari ex necessitate. Nam neque nunc cognoscit euidenter omnia naturalia, id est, omnia, quæ sunt, aut possibilia sunt, ordinis naturalis. Tunc verò multò minus, cum nondum experientiæ didicisset plurima, quæ ab eo tempore didicit.

Idem Auctores, & alij ab eis citati, probant generatim, euidentiam in testificante, id est, euidentiam reuelationis & veracitatis, non obesse fidei. Primò, quia Paulus Hebr. 11. tantum ait, fidem esse argumentum non apparentium, id est, non visorum, vt habet Græcus textus : Ergo ad fidem sufficit, rem non apparere in se ipsa ; seu non videri, vel non cognosci in se immediatè connexionem prædicati cum subiecto, licet cognoscat euidenter in testificante. Secundo, D. Thomas 1. Thom. quæst. 5. art. 2. in corpore sic ait : *Si aliquis Prophetia prænumaret in sermone Domini aliquid futurum, & adhiberet signum, motuum suscitando ; ex hoc signo conuinceretur intellectus credentis, vt cognosceret manifestè hoc dici à Deo.* Et paulò post : *Per hæc fides ratio non tollitur.* Ponderant autem illud, manifestè, & conuinceretur : non enim conuincitur intellectus, nisi ab euidentia simplici. Tertiò, vt præcipue argumentatur Mærat. Disp. 3. Sect. 4. Reuelatio diuina non mouet nos ad credendum, nisi quatenus est reuelatio diuina, non autem quatenus est obscura, id est, obscurè cognita : Nam obscuritas non mouet, sed potius remouet ab assensu. Neque si aliquis interrogetur, cur credat ? respondebit, quia Dei reuelatio est obscura : sed simpliciter, quia Deus reuelauit : quod signum euidentis est reuelationem diuinam, quatenus reuelationem diuinam, esse motuum & obiectum formale fidei. Atqui siue obscurè, siue clarè cognoscat, est æquè reuelatio diuina : Ergo est æquè motuum & obiectum formale fidei. Cognitio verò non est motuum, sed tantum conditio sine qua non moueretur. Perinde verò est, siue sit euidentis, siue obscura. Addit Mæratius, non magis obesse fidei, quod reuelatio cognoscatur euidenter, quam quòd euidentis sit Deum esse veracem, quod tamen multis credentibus euidentis est. Denique multi crediderunt, quibus erat euidentis reuelatio, propter euidentiam miraculorum, per quæ confirmabatur : Vt v. g. Paulo raptò ad tertium cælum ; & Beatæ Virginis, cui euidentis erat naturali euidentia se concepisse sine viri opera, & Lazaro se resurrexisse, & Thomæ Apostolo, se corpus Christi viuum palpasse.

Ad primum Respondeo Paulum per, non *visu*, intelligere non apparentia, vt vertit Vulgatus interpres, id est, non euidentia. Quæ autem sunt simpliciter euidentia, non possunt dici noneuidentia, & nonapparentia. Ad secundum : Sensus D. Thomæ est, ne aliqui sibi contradicant art. 5. eiusdem questionis, intellectum conuinci valde euidenti & forti credibilitate, propter tam ingens miraculum, vt cognoscat manifestè (non simpliciter, sed euidenter euidentia credibilitatis) Deum loqui per Prophetam suscitantem mortuum. Est

81.
Euidentia
in testifi-
cante
obest fidei.

1. Thom.

81.
Ac ne
quidem
primo
Angelo.

Quomodo
potuit
illi ob-
scure re-
uelare ?

83.
Soluuntur
argumen-
ta
contraria.

autem notum experientiâ, non solum ea quæ sunt evidentiâ simpliciter, sed & valde probabilia, interdum convincere intellectum, & extorquere assensum indeliberatum. Ad tertium: Revelatio divina debet, vt sit obiectum formale fidei, habere respectu intellectus gradum cognoscibilitatis medium inter obiectum scientiæ, & obiectum opinionis: quem gradum explicamus nomine obscuritatis. Neque enim eo nomine intelligimus negationem evidentiæ, quæ negatio non potest movere ad assentiendum: sed intelligimus revelationem divinam ita propositam, & intellectui nostro contemplatam, vt sit idonea ad gignendum assensum certum, licet non simpliciter evidentem: qui assensus habet quod sit certus, & quod sit invidens, seu obscurus. Et quod sit certus, habet à revelatione divina sufficienter credibili. Obscurus verò & invidens est, quia Deus obscure tantum revelavit. Quare si credens interrogetur, cur certò assentiatur? aptè respondebit, Quia mihi certum est Deum revelasse. Cur autem obscure tantum? Quia revelatio obscure facta est, & credibilis tantum. Estque profus à veritate alienum dicere revelationem, quæ revelatio simpliciter est, & quomodocumque fiat, vel cognoscatur, esse obiectum formale fidei. Alioqui, si probabiliter tantum cognosceretur, esset æquè obiectum fidei: & actus circa illam exercitus, esset actus fidei. Quod est falsum. Quia in eo casu esset tantum opinio. Loquimur autem semper de illo, qui ultra revelationem, novit etiam evidenter Dei veracitatem. Alioqui enim sufficit alterutrum esse obscure cognitum. Quia conclusio sequitur partem deteriore: assensus autem fidei est similis conclusioni. Quare si revelatio obscura est, non obest motui fidei, veracitatem esse evidentem. Et vice versâ, non obest revelationem esse evidentem, si veracitas obscure nota est.

Ad ultimum respondeo, si quidam circa aliquid habuerunt evidentem notitiam revelationis, & divinæ veracitatis; non habuerunt fidem, sed actum scientiæ infusæ circa tale obiectum, ex vi talis motui, quippè simpliciter evidens. Exempla verò huius evidentiæ quæ proferuntur, non sunt omnino certa. Non enim liquet fuisse Paulo simpliciter evidens se raptum fuisse ad tertium cælum. Beatæ autem Virgini evidens quidem fuit evidentiâ naturali, id est, vt solent alia esse naturaliter evidentiâ, se sine viro peperisse: & Lazaro, se resurrectisse: & alijs, alia similia. Sed fortasse non erat illis simpliciter evidens hæc opera esse Dei specialia, & omnino propria, esseque verè & stricte miracula, id est, opera solius omnipotentis Dei propria: quod tamen evidenter deberet cognosci, vt inde sciretur evidenter, Deum miraculis testificari se loqui. Non erat, inquam, fortasse illis simpliciter evidens: quia paucissima sunt nobis evidenter nota de virtute Angelorum, vel aliarum creaturarum intellectualium existentium, aut possibilem; neque scimus evidenter quovisq; se extendat.

SECTIO XII.

An revelatio privata sufficiat vt sit obiectum formale fidei Theologica?

Nomine privata revelationis intelligimus eam, quæ fit privatim alicui, aut aliquibus, sine ordine ad communitatem, cui Deus illam tradat per eum veluti per internuntium, quid sit aut legatum. Nam si fiat ex intentione vt tradatur communitati, hoc ipso est publica. Quo pacto revelatio facta primo Angelo, vt alijs communicaretur, & Moyfi ac similibus, publica tamen fuit: licet vni primùm facta, sed vt per eum ad Ecclesiam dimanaret, & omnibus credenda proponeretur. Hoc supposito, respondeo affirmativè, cum Suarez Disp. 3. Sect. 10. Egidio Coninck disp. 9. dub. 6. Morrar. Disp. 3. Sect. 2. Vega, Aragonio, Corduba, Salmerone, Bellarm. Sanchez, & alijs, quos isti citant. Probatur primò ex D. Thoma quest. 1. art. 1. Vbi pro formali obiecto fidei sufficiente & adequato assignat primam veritatem reuelantem; nullâ factâ mentione publicæ revelationis, aut doctrinæ in commune propositæ. Secundo, Scriptura laudat fidem aliquorum, qui crederentur privatis revelationibus, quæ non nisi diu post fuerunt omnibus ad credendum propositæ per alios qui eas scripserunt in libris Canonicis. Vt Rom. 4. v. 3. iuncto Genes. 15. v. 6. Vbi laudatur Abraham, eo quod credidit filium sibi iam seni, de Sara sterili nasciturum: additurque vtrobiq; fidem hanc fuisse illi reputatam ad iustitiam, vt ostendatur sermonem ibi esse de fide divina & supernaturali. Itemque Hebr. 11. v. 8. 9. 11. 17. & sequentibus laudantur idem Abraham, Isaac, Iacob, Gedeon, Barac, Samson, Iephthæ, David, aliique viri Sancti, eo quod specialibus quibusdam revelationibus sibi factis, etiam interdum de rebus temporalibus, fidem habuerunt. Ibidemque Apostolus non obscure docet hæc omnia per eandem fidem fuisse ab illis credita, per quam iustificamur, & per quam assentimur publicis revelationibus; vt patet ex fine capituli præcedentis, *Iustus autem meus ex fide vivit*; & ex toto capite vndecimo. Præterea Tridentinum Sect. 6. can. 16. affirmans neminem posse esse certum, absolutè, & infallibili certitudine fidei, de sua perseuerantia, nisi hoc didicerit ex speciali revelatione; clarè supponit hanc revelationem esse possibilem, & sufficere ad fidem divinam, quam intelligit per fidem habentem absolutam & infallibilem certitudinem. Dūque nihil addit, quo fidem circa eiusmodi revelationem distinguat ab illa quæ creduntur cætera à Deo revelata; satis indicat eandem esse cum illa. Neque verò quicquam est aliud quod eam distinguere suadeat efficaciter: sed potius debet eadem iure censei, cum habeat idem motuum & obiectum formale, nempe divinam revelationem sufficienter credibilem. Neque potest esse dubium quin primæ veritati quidvis revelanti credibiliter, siue privatim, siue pu-

84.
Fuerint
aliquibus
evidens
revelatio?

85.
Privata
revelatio
quid sit?

Probatur
sufficere.

blicè, conueniat assensus certissimus & supernaturalis, cuiusmodi est assensus fidei Theologicæ. Deus enim est semper veritas prima, quæ neque falli potest, neque fallere, quidquid testificetur, fide per se, siue per Prophetas, Apostolos, Ecclesiam, & quemvis alium; siue de rebus publicis, siue de priuatis. Dumque his, aut illis præbetur assensus, non variatur assentiendi: quia non aliter credimus hæc aut illa, quàm ratione testimonij diuini sufficienter proposti.

Contrarium sentiunt Thomistæ, cum Valentia quæst. 1. de fide, puncto 1. existimantes non sufficere priuatam reuelationem. Primò, quia fides Catholica idem est quòd vniuersalis. Ergo se tantùm ad ea extendit, quæ omnibus generaliter credenda proponuntur. Fides autem Theologica est fides Catholica. Ergo, &c. Secundò, ex D. Thoma prima parte, quæst. 1. art. 8. sub finem, fides nostra innititur reuelationi factæ Apostolis, & Prophetis, qui Canonicos libros scripserunt: non autem reuelationi, si quæ fuit alijs Doctoribus facta. Et 2. 2. quæst. 5. art. 3. in corpore sic ait: *Formale autem obiectum fidei est veritas prima, secundum quod manifestatur in Scripturis sacris, & doctrina Ecclesie, quæ procedit ex veritate prima.*

Ad primum respondeo eandem fidem, quæ Catholica est, etià non quatenus Catholicam (id est prout ita denominatur in ordine ad vniuersalem doctrinam Ecclesie) assentiri posse cuiuslibet testimonio diuino sufficienter propostio, de quacumque re sit. Ad secundum: D. Thomas loquitur tantum de fide nostra, vt communis & Catholica est: quâ ratione non innititur reuelationibus priuatis, sed communibus, & Scripturis, ac traditionibus diuinis Prophetis, vel Apostolicis: propter quod etiam dicimur esse superaddificati supra fundamentum Apostolorum, & Prophetarum, Ephes. 2. v. 20. Eadem tamen fides, adæquatè considerata, complectitur omnia à Deo reuelata, quæ non induunt specifiçam diuersitatem, ex eo præcisè quòd reuelatio priuatum aut publicè fiat. Nam hæc differentie sunt prorsus accidentarie.

Ceterùm, per huiusmodi priuatas reuelationes non intelligimus spiritum priuatum Nouatorum, quo vno, velut supremo iudice controuersiarum, omnia metiuntur. Licet enim profiteantur art. 4. & 5. Confess. Gallicane, Scripturam sacram esse fidei regulam, & omnis veritatis; & quidem solam, quia paulò post addunt debere omnia per illam regulari: Eandem tamen Scripturam, tum quoad litteram, tum quoad sensum, subiungunt spiritui priuato. Nam art. 4. loquentes de libris illis, quos vt Canonicos superiore articulo enumerauerunt, reiectis quibusdam alijs ab Ecclesia Catholica receptis iam à tempore D. Augustini, & Concilij Carthaginensis IV. cui idem Sanctus Doctor interfuit, & subscriptis: *Hos libros, inquit, cognoscimus esse Canonicos, & regulam certissimam nostræ fidei, non tam per communem concordiam, & consensum Ecclesie, quam per testimonium, & internam persuasionem Spiritus sancti, qui nos facit illos discernere à reliquis*

libris Ecclesiasticis; super quos (licet sint viles) non potest fundari illius articulus fidei. Hæc illi de iudicio & discretionem textus Scripturæ faceræ. Quoad sensum verò, putant similiter se verum à falso discernere per victionem, siue inspirationem Spiritus sancti: iuxta illud 1. Ioan. 2. v. 27. *Et non necesse habetis ut aliquis doceat vos: sed sicut vnctio eius docet vos de omnibus, & verum est, & non est mendacium. Et sicut docuit vos, manete in eo.* Inspiratio autem illa, vel vnctio, & persuasio interna Spiritus sancti non est aliud, quàm proprius cuiusque sensus, quo pertinaciter iudicio suo adheret, & aliorum sententiam rejicit. Nam cum Lutherani æquè, ac Calvinistæ, alijque recentiores Hæretici, per suasionem illam Spiritus sancti prætendant: alij tamen plures libros Canonicos, alij pauciores admittunt. Et inter ipsos Calvinistas dissensio interdum est: vt inter Calvinum, & Bezam, de initio cap. 8. Ioan. quod alter spurium, alter diuinum Scripturam esse vult. Nullus item est Calvinistarum, qui Scripturæ interpretationes ab alijs factas approbet vniuersaliter: sed vnusquisque multas damnat, etiam Caluini ipsius; & aliorum inter eos præstantiorum: non aduertens Spiritum sanctum æquè sibi deesse posse, atque alijs, quos damnat: Et esse apertè impossibile, vt Spiritus sanctus sit infallibiliter in quolibet illorum, quorum vnus damnatur ab alio tanquam Scripturæ sensum non bene affectus. Qualem ergo suæ fidei regulam, quam incertam, imò planè temerariam, & erroneam excogitarunt Hæretici! Quibus certè non fuit locus Ioan. citatus. Nam per *vnctionem*, intelligit doctrinam, quam fideles illi, quos alloquitur, ab Apostolis acceptant, & interius auxilium Spiritus sancti ad illam acceptandam: vt patet ex versu 24. *Vos quod audistis ab initio, in vobis permanet.* Vbi idem dicit, quod v. 27. vtens eadem voce vnctionis; *Et vos vnctionem, quam accepistis ab eo (à Christo per me, aut per alios Apostolos) maneat in vobis. Et non necesse habetis, ut aliquis doceat vos:* iam scilicet satis à nobis edoctos, &c. Atque vt redit in eundem locum notat D. August. tract. 3. in 1. Epist. Ioann. Si sola interior illuminatio, seu reuelatio sufficeret, frustra moneret Ioannes, vt doctrinam datam retinerent.

Hoc igitur inepto & inani figmento hereticorum reiecto; per reuelationes priuatas intelligimus veras motiones Spiritus sancti, cum aliquo effectu mirabili interno, vel externo, quo euidenter credibile fiat Deum reuelare. Non est tamen necesse effectum illum mirabilem internum, esse distinctum realiter à motione Spiritus sancti: sed potest ipsa motio tam esse illustris, vt habeat per se ipsam sufficientem notam diuinitatis, & argumentum credibilitatis. Sed non est facillè credendum huiusmodi priuatis reuelationibus, vt rectè monet Innocent. III. cap. *Cum ex iniuncto, De heretico:* Vbi ait non esse fidem adhibendam reuelationi speciali, nisi miraculo, aut alio, scilicet æquiualentis, & sufficientis signo externo, vel interno, confirmetur. Eademque de causa Concil. Lateran. sub Leone X. prohibet Secto,

88.
Priuata
reuelatio
qualis
esse
debeat?

Quomodo
examinanda

86.
Contraria
sententia.

Solutio
eius
argu-
menta.

87.
Spiritus
priuatus
Nouatorum.

ne reuelationes speciales de rebus futuris prædicentur, nisi præuio examine & approbatione Ecclesiæ, id est, saltem Episcoporum localium, quorum iudicio & inquisitione reuelationes illæ prudenter expendantur: ob periculum scilicet ne falsæ pro veris accipiantur, & proponantur publicè, cum scandalo fidelium. Præterquam quod huiusmodi priuatæ reuelationes non solent esse sufficienter credibiles, nisi illis ipsis quibus fiunt. Non debent autem alijs proponi publicè sine sufficienti credibilitate. Eandem etiam ob causam Paulus 1. Thess. 5. ait probandos esse spiritus si ex Deo sint. Quia, ut alibi addit 2. Cor. 11. interdum Satanas se transformatur in Angelum lucis. Qua de re plura videri possunt apud D. Thomam in Epistolas Pauli, ad locum postremò citatum, & apud Gersonem Tom. 1. in Tractatu *De distinctione verarum visionum à falsis*. Cuius discriminis has notas ex Scriptura & Patribus dat. Primo, si reuelationem recipiens præ se ferat sanctitatis præsumptionem, illiusque opinionem affectare videatur: aut delectationem capiat in narrandis reuelationibus sibi factis, easque facillè & sine fructu enuntiat. Secundo, si examini Doctorum, & præcipuè Prælatorum, non facillè & promptè se submittat. Tertiò, si reuelationes huiusmodi sint de rebus inutilibus; & multò magis, si contineant aliquid mali, contra bonos mores, vel contra iura recepta, vel contra fidem Ecclesiæ Catholicæ. Nam si illius doctrinæ repugnant, vel si à regula Ecclesiæ discedunt; rejiciendæ sunt tanquam falsæ: iuxta illud Apostoli ad Galat. 1. v. 8. *Licet nos, aut Angeli de cælo euangelizet vobis, præterquam quod euangelizauimus vobis, anathema sit*. Quibus verbis non significat Apostolus fieri posse, ut Angelus de cælo contra Euangelium prædicet; aut quivis alius contraria fidei proponat, cum ipsæ signis cælestibus & diuinis, vel cum paribus omnino argumentis credibilitatis, quibus Euangelium fuit propositum, & factum sufficienter credibile. Alioquin enim vna credibilitas alteri detogaretur, & ambæ se mutuo destruerent; prudentèrque iudicando, suspendendus esset assensus, & neutri parti contradictionis præbendus; quia existentibus paribus vtriusque argumentis, neutra potius quàm alia, assensu digna esset, neque certo constaret vtra potius sit vera. Sed sensus Apostoli est, Euangelij propositionem tot tàmque firmis argumentis factam esse credibilem, ut indubitanter illi debeant postponi quæcumque alia in contrarium apparentia: quia nihil paris momenti illis opponi potest.

SECTIO XIII.

An reuelatio diuina debeat necessario fieri per propositionem, & auctoritatem Ecclesiæ?

89. **R** Espondeo negatiuè cum Maldero in 2. 2. quæst. 1. art. 1. Sect. 5. Suarez disp. 3. Sect. 10. num. 8. Martini disp. 3. de fide, Sect. 3. & alijs recentioribus, quibus fuit

D. Thom. quæst. 1. art. 1. affirmans simpliciter veritatem primam reuelantem esse obiectum formale fidei, nullamque faciens mentionem auctoritatis, aut propositionis Ecclesiæ. Probatur primò, quia in priuatis reuelationibus, quas multis factas olim fuisse, & alijs adhuc fieri posse, præcedenti Sectione ostendimus, non interuenit propositio vel auctoritas Ecclesiæ. Et tamen illæ creduntur fide supernaturali, ut ibidem probauimus, siue fiant de rebus ad totam Ecclesiam, & ad fidem Catholicam, ut talem, pertinentibus: siue de alijs priuatis. Secundo, propositio omnino necessaria ad credendum, est prior fide. Sed Ecclesia non est prior fide: imò est posterior, cum constet ex fidelibus, quorum quilibet sine alijs potest esse fidelis. Ecclesia, inquam, necessariò constat ex fidelibus, tanquam ex membris, & partibus naturâ prioribus toto. Et Fideles non possunt esse sine fide. Ergo Ecclesia non potest esse sine fide, naturæ ordine, priori. Sed quod naturâ prius est, non habet pro conditione necessariò prærequisitâ id, quod est posterius. Ergo fides non habet pro conditione necessariò prærequisita propositionem, vel auctoritatem Ecclesiæ: Atque hæc ratio rem planè demonstrat. Adde tertiò, quod Deus ipse immèdiatè quibuscumque reuelauit. Et non potuit primo parenti proponere per Ecclesiam, quæ nondum erat. Multi etiam alij crediderunt sine propositione Ecclesiæ: ut Angeli, Abraham, Moyses, & multi alij Prophætæ, per quos potius Deus Ecclesiæ ipsi proposuit. Paulus quoque ad Galat. 1. protestatur se non esse Apostolum per homines, sed per Iesum Christum: & se non ab homine accepisse Euangelium, neque didicisse, sed per reuelationem Iesu Christi. Vnde collige, non solum priuatam quædam, sed etiam dogmata generalia fidei Catholicæ, sine Ecclesiæ propositione credi posse, & fuisse à nonnullis credita. Neque dicas id tantum verum esse de illis, quibus proponuntur, tanquam personis publicis, ut per eas reuelentur alijs. Nam esse publicam personam ad hoc munus destinatam, nihil addit intrinsicè personæ, aut reuelationi: sed solum est denominatio extrinsecâ à Deo designante, & destinante talem personam ad officium publicum docendi alios. Quare reuelatio sufficienter credibilis facta illi personæ ut publicæ, nihil habet, quod non haberet facta eidem, ut personæ priuatæ, id est, sine tali destinatione ad officium publicum: adeoque illi æquè sufficeret ad credendum fide diuinâ.

Ratio denique à priori est, quia ad credendum fide diuinâ sufficit Deum dixisse, fierique sufficienter credibile quòd Deus dixerit. Atqui sine propositione, vel auctoritate Ecclesiæ, potest Deus dicere, & facere sufficienter credibile quòd dixerit, per miracula scilicet, & alia argumenta sufficientia, in hunc finem adhibita. Vtque Ecclesia ipsa creditur propter diuinam reuelationem, sufficienter credibilem factam per huiusmodi argumenta: sic alia similiter propter illam credi possunt, quia non sunt minis propter illam credibilia. Confirmatur, quia prius credi debet Ecclesiam Catholicam

Probantur
efficaciter

Notæ
falsæ re-
uelatio-
nis.

90.
Ratio à
priori.

89.
Conclu-
sio nega-
tiua.

esse veram Ecclesiam, & habere auctoritatem infallibilem, quàm vt eius auctoritate, vel propositione, tanquam infallibili, moueamur ad ea credenda, quæ proponit. Auctoritas enim Ecclesiæ, vt apud nos sit efficax, tanquam medium infallibile, præsupponit hunc assensum, quòd ipsa sit fide digna, tanquam fidelis custos, & infallibilis interpretes veritatum à Deo reuelatarum. Sicut autem ad hunc assensum fidei eliciendum sufficiunt argumenta credibilis, quibus veluti notis diuinis & infallibilibus, vera Ecclesia discerni & agnosci potest: sic ad alia fidei dogmata cognoscenda sufficere possunt paria argumenta, quibus euidenter credibile fiat Deum illa reuēlāsse. Quod verum est, non solum de dogmatibus fidei generalibus, aut confusè conceptis sub propositionibus quibusdam vniuersalibus, vt quòd Christianismus sit verus, & amplectendus: verum etiam de particularibus quibuscumque fidei propositionibus: quamquam ille, magna saltem ex parte, non solent ordinariè proponi specialiter cum sufficienti credibilitate, nisi per auctoritatem Ecclesiæ iam notæ sufficienter, vt dicemus paulò post.

Contrarium sentiunt Gabriël in 3. dist. 13. quæst. 2. art. 2. conclusione 1. litera, I, & Valentia quæst. 1. de fide, puncto 1. §. 6. assertionem 3. quorum ille docet generaliter & absolute ad credendum articulos fidei necessariū esse credere Ecclesiæ, hoc est, credere Ecclesiam esse veracem. Quod præcipue probat ex D. Aug. lib. contra Epist. fundamenti, cap. 5. affirmante se non crediturum Euangelio, nisi crederet Ecclesiæ. Ergo, secundum Augustinum, non est credendum libris Canonici Scripturæ, nisi quia primò credendum est Ecclesiæ approbanti libros illos, & contenta in eis. Quapropter ibidem addit: *Euangelium Nazæranorum non admittam, quia illud non admittit Ecclesia*. Valentia verò loco citato affirmat, secundum legem ordinariam, vt quis per habitum fidei Christianæ alicui veritati reuelatæ assentiatur, præter ipsam reuelationem, necessariū esse eiusmodi veritatem ab Ecclesia proponi tanquam à Deo reuelatam, & fide credendam: non quia hæc Ecclesiæ propositio sit de ratione formali obiecti fidei: sed quia est conditio quædam requisita, sine qua ordinariè assensus fidei Christianæ non elicitur. Quod probat primò, quia Deus dedit Ecclesiæ Pastores, per quos fides discenda sit, & à quibus verbum Dei sit requiringendum, illisque adherendum, vt non fluctuemus tanquam paruuli, & circumferamur omni vento doctrinæ, Ierem. 3. v. 15. Malach. 2. Ephes. 4. & Hebr. 13. Quibus addit illud Rom. 10. v. 14. & 15. *Quomodo credent ei, quem non audierunt? Quomodo autem audiunt sine predicante? Quomodo autem predicabunt nisi mittantur?* ab Ecclesia scilicet, & Pastoribus eius legitimis. Item ad Galat. 2. v. 1. & 2. *Post annos quatuordecim iterum ascendit Ierosolymam cum Barnaba, assumpto & Tito. Ascendit autem secundum reuelationem, & consuli cum illis Euangelium, quod prædico in Gentibus: scorsim autem ijs, qui videbamur aliquid esse: ne forte in vanum curretem, aut cunctissem:* nisi scilicet cum illis con-

sentiem, deque eo constaret ijs, quibus Euangelium prædico. Alioquin enim nec ipse Paulus secure prædicare poterat Euangelium, neque alij Paulo credituri erant: vt docent Hieronymus in Epist. ad Augustinum, quæ est 11. inter Epistolas Augustini: & ipse August. lib. 12. contra Faustum cap. 4. & Tertull. lib. 4. aduersus Marcionem, cap. 2.

Addit secundo, eandem esse communem doctrinam sanctorum Patrum, affirmantium non oportere quærere apud alios veritatem, quam facile est ab Ecclesia sumere, vt ait Iren. lib. 3. cap. 4. initio. Neque aliter, quam per Ecclesias ab Apostolis conditas, debere probari quid ipsi prædicauerint, quidve Christus reuelauerit, vt ait Tertull. lib. de Præscript. cap. 21. & fidem tenere non posse, eum qui non tenet Ecclesiæ vnitatem, sed velut riuum à fonte præcisum atrescere, inquit Cyrianus lib. de vnitatē Ecclesiæ: fidem à SOLA Ecclesia tradi, & ex omni Scriptura muniri, inquit Cyrillus Ieros. Catech. 3. prope finem: & fidem in primis Ecclesiæ quærendam mandauit, inquit Ambros. lib. 6. in Lucam, circa illud capitis 9. *Quicumque non receperitis vos, &c.* ac denique ex sola Catholica Ecclesia conspici veritatem, vt affirmat August. vel alius auctor Serm. 181. de Tempore cap. 12. &c. lib. contra Epist. fundam. cap. 5. tradit Augustinus celebrem illam sententiam, *Euangelio non crederem, nisi me Ecclesia Catholica commoueret auctoritas, quâ sublatâ, nec iam Euangelio credere poter.*

Probat denique tertio hac ratione: Secundum Dei legem ordinariam non creditur ali- quid sine eo medio, quod, vt fidei dogma propagaretur, Christus instituit. Sed illud medium est ministerium docendi ex Ecclesiæ sententia: atque adeò propositio fidei veritatum ex auctoritate atque sententia Ecclesiæ facta; Quod probat ex Matth. vltimo, *Euntes docite omnes gentes*: & Marc. 16. *Euntes predicatē Euangelium omni creaturæ*.

Verum, vt ab hoc vltimo incipiam, respondeo minorem huius argumenti neque veram esse, neque bene probari. Nam in duobus locis Scripturæ citatis nulla fit mentio propositionis ex sententia, & auctoritate Ecclesiæ; sine qua potest fieri, & se intermedium nuntiatio mysteriorum fidei sufficienter credibilis per miracula, & alia signa diuina. Ad Patrum verò auctoritates antè relatas à Valentia, respondeo illas nihil aliud probare, quam fidei veritatem esse in Ecclesia, facilliquè ab illa sumi posse: apud alias verò sectas quærendam non esse, quia ibi non est; vt ait Irenæus: quia ab illa sola, non ab alijs sectis traditur; vt ait Cyrianus: quia illi soli, inter alias sectas de veritate fidei glorianter, mandata est, vt in illa quæreretur; quemadmodum ait Ambrosius: quia in illa sola conspicitur; vt ait Augustinus: Itemque in dubijs circa fidem ad Ecclesiam recurrendum esse: & vt dignoscatur quidnam Christus reuelauerit, & Apostoli, prædicauerint, non debere id aliter discerni, & probari; hoc est, non esse opus aliâ probatione, quam testimonio & iudicio illius Ecclesiæ, quæ à Christo & Apostolis fundata est,

91.
Contra-
sententia.

Primum
eius arg-
ex Scri-
ptura.

Secundum
arg. ex
55. Patri-
bus.

Tertium
ex ratio-
ne.

91.

Explican-
tur testi-
monia
Patrum.

perpetuò duratura vique ad mundi consummationem; vt ait Tertull. Neque posse fidem tenere eum, qui ab eius vnitae, & fide se separat; vt ait Cyprianus: Ac demique in quibusdam specialibus fidei dogmatibus non aliud sibi suppetere medium sufficiens ad credendum, quam Ecclesie auctoritatem. Quo sensu D. Aug. aiebat loco supra citato, se non fuisse crediturum Euangelio, nisi Ecclesie Catholice eum mouisset auctoritas. His enim verbis tantum significat se non habere sufficientem credibilitatem quòd Euangelium scriptum, quale habemus, sit verè diuinum, & omni ex parte Canonicum, constans tot libris, tot capitibus, tot clausulis, & periculis, præter Ecclesiam id attestantem: neque se illud certè fide aliter posse discernere ab Euangelio Nazariorum, & alijs olim falsò prætextis nomine Petri, Thomæ, & aliorum quorundam Apostolorum. Et quidem illud, atque etiam Scripturam reliquam esse verè sacram & diuinam, in omnibus & singulis illius partibus, non constat communiter, nisi Ecclesiasticæ oris traditione: licet hoc ipsum alijs signis sufficientibus reddi possit credibile diuinitus, vt cætera fidei dogmata specialia.

Ad testimonium verò Scripturæ sic respondendum est. Primò, Pastores & Doctores primos Ecclesie, & aliorum quorundam Apostolorum, per quos Deus Ecclesiam fundauit, non didicisse ab Ecclesia, neque per illius propositionem, vel auctoritatem accepisse fidem. Esse verò illos datos Ecclesie, vt illis, & eorum successoribus cæteri adhaereant, illos audiant, & ab illis verbum Dei accipiant, per eosdemque conferuentur & stabiliantur in fide, contra insurgentes dubitationes, & hæreses: secundum ordinem à Deo constitutum, qui est Ecclesiam docere per pastores eius legitimos, & supremo Pastori capique Ecclesie visibili subordinatos. Quod tamen non impedit quin Deus extraordinariè possit absque illorum interuentu, instruere aliquem de fidei rebus ad salutem necessarijs: vt docent communiter Theologi, nominatimque D. Thomas quæst. 14. de Veritate, art. 11. ad 1. de illis, qui diu seruarent legem naturalem quoad moraliter possunt, illis in locis, vbi fides nondum promulgata est; qui potius à Deo per se, vel per Angelos sufficienter illuminarentur ante mortem, deficientibus medijs ordinarijs. Secundo, quosdam etiam immediate à Deo audiuisse: vt ipsi sunt Apostolum, & Adamum, Abraham, Moysen, aliosque; de quibus Paulus non loquitur Rom. 10. sed de eo quod communiter fit. Quosdam etiam immediate à Deo missos fuisse, vt Prophetas, & Apostolos: non tamen sine signis & argumentis diuinis suæ missionis, quibus sufficienter credibile fieret, ipsos à Deo mitti immediate & extraordinariè. Tertiò, nullum quidem sibi assumere posse munus & auctoritatem prædicandi: sed opus esse missione ordinarià, id est, auctoritate legitima, accepta ab Ecclesia: vel extraordinarià, id est, à Deo immediate accepta, sed benè probata vt diuinà, & non repugnante Ecclesia; cum Dei spiritus, qui eam regit, contrarijs sibi ipsi esse non

possit. Veruntamen nullum esse Catholicum, qui licet ad hoc non sit ab Ecclesia deputatus, non possit vbiq; fidem suam profiteri, & infidelibus priuatiim saltem annuntiare, atque, si Deus optulerit, eam sufficienter credibilem reddere. Quod est adeò verum, vt etiam per seruos & ancillas multi ad fidem conuersi tuerint. Quarto, licet secundum ordinem communem, fidei prædicatio fiat per eos, qui mittuntur ab Ecclesia: tamen vt sufficienter proponant, non sufficit quòd ab Ecclesia sint missi; neque modus ille proponendi est necessarius simpliciter. Quamvis enim de Ecclesia nihil esset auditum: proposito tamen sine, & mediatore, vel alio fidei articulo, posset quis credere præsuppositis sufficienter credibilitate ex alijs argumentis. Quamvis etiam in omni casu missio siue deputatio Ecclesie necessaria esset; illa tamen non est propositio: neque ex necessitate missionis bene inferitur necessitas propositionis Ecclesie. Quintò, dico Paulum non dubitasse de Euangelio, quod à Christo acceperat, quodque tot signis tam illustribus viderat confirmari: neque eosque totis quatuordecim annis perperam prædicasse, non exposito prius Ecclesie consensu: sed tantum vsum fuisse auctoritate Ecclesie propter infirmos: ne fortè illis videretur in vanum currere, aut cucurrisse, annuntians doctrinam à communi aliorum Apostolorum, & Ecclesie sensu alienam. Sextò, certum quidem est Ecclesiam cum suis conditionibus & adiunctis, de quibus alibi dicemus, secum ferre magnam rationem credibilitatis, quod ipsa sit à Deo, habeatque Dei testimonia; & frequentissimè adhiberi, deberèque adhiberi ad fidem persuadendam, præsertim vulgo fidelium; ac demum esse inter argumenta credibilitatis præcipuum, magis illustre, magis frequens & ordinarium. Verum præter illam rationem credibilitatis, multæ aliæ sunt, non pendentes ab illa. Tametsi fieri potest, vt plurimi non habeant aliam rationem credibilitatis sufficientem, quam proponant alijs, vel quòd moneantur, præter Ecclesiam cum suis conditionibus & adiunctis: quæ tantò amplius mouet, quantò magis Spiritus sancti ope tam diuinum opus & admirabile cognoscitur; quod humano sensu pro dignitate æstimari nequit.

Cum enim prædicatio, vel propositio mouens sufficienter ad assensum fidei Theologicæ, debeat esse credibilis: & fidelis, qui alijs fidem annuntiant non habeant ordinariè à seipsis sufficientem credibilitatem, quia non possent virtute faciendi miracula, vel confirmandi alios, & signis diuinis, Deum dixisse id, quod proponunt velut ab eo reuelatum: debent aliunde illam credibilitatem accipere. Quod ordinariè faciunt ostendendo se adhaerere Ecclesie, & eius nomine loqui, referreque illius doctrinam. Eius, inquam, Ecclesie, in qua valde illustres sunt, & facile conspicuæ notæ diuinitatis & credibilitatis: non solum inter Christianos, sed etiam inter ipsos infideles, & Ethnicos, si modò velint attentè animum ad illas aduertere. Nam prophetie de illa longè antè prædicte, quæque non potuerunt prædicari,

Cur Paulus con-
fite de-
bit cum
alijs
Apost.

vid. dis-
put. 5.
sect. 3.

94.
Ecclesie
proposi-
tio com-
muniter
necessa-
ria: &
cur?

91.
Ad loca
Scriptu-
re.

dici, & præderi, sine spiritu diuino, cum sint de rebus à plurimorum libertate pendentibus, vel à Dei ipsius libera voluntate, videntur manifestè esse in illa impletæ: videlicet de illius perpetuitate, non obstantibus quibuscumque mundi & dæmonum insultibus: de propagatione per vniuersum orbem: de constantia martyrum, de subuersione Idolorum, de conuersione Gentium, de perpetua successione Pastorum in sede Petri, & aliorum ei subordinatorum, per quos Ecclesia vsque ad mundi consummationem regatur, & stabilizetur in fide. Notum enim est, aut esse facile potest, etiam infidelibus, libros, in quibus hæc prædicantur, fuisse iamdiu antè conscriptos: cum non minus constet illos esse antiquos, irrefragabili plurimorum testimonio, quam id constet de libris Aristotelis, aut Platonis. Cum autem res tam multas, tam longè distitas, tam pendentes à Dei, vel hominum libertate prædicant; facile est inde colligere libros illos esse diuinos, maxime cum aliunde nihil nisi sanctum, & diuinum contineant. Iidem verò libri commendant Ecclesiam, vt columnam, & firmamentum veritatis, fidelemque custodem, & interpretem verbi Dei, & ducem vie salutis infallibilem. Præterea, fama miraculorum, & signorum mirabilium, quæ olim facta sunt, & deinceps subinde sunt varijs locis; ordinariè sunt in confirmationem auctoritatis Ecclesiæ, & doctrinæ ab ipsa traditæ, illique generaliter auctoritatem conciliant. Facile quoque est, ipsi etiam infidelibus, videre notas omnes veræ Ecclesiæ, in libris illis diuinis designatas, nulli alteri sectæ conuenire, siue infidelium, siue eorum, qui perperam Christiano nomine gloriantur. Itaque qui has notas proponunt, & ostendunt se illi Ecclesiæ adherere, nihilque aliud, quam eius doctrinam referre, habent ab illa sufficientem credibilitatem suæ prædicationis. Et quoniam aliâ destituuntur ordinariè, debent illam proponere.

Si qui tamen, vt Apostoli, aliquæ olim illustres sancti, & nunc etiam primi, apud Indos & Iaponas, fidei prædicatores, habent à Deo donum miraculorum: possunt non interpositâ auctoritate Ecclesiæ, reddere suam prædicationem sufficientem credibilem, & per signa diuina, quibus pollent, dogmata fidei, siue generalia, siue etiam specialia, reddere credibilia. Quamquam etiam illi solent potius hæc signa adhibere ad reddendas credibiles propositiones quasdam fidei generales, ex quibus aliæ deducuntur: vt quod Christiana religio sit vera: quod Ecclesia Catholica & Romana, id est, Petro & eius successoribus Romæ sedentibus adherens, sit vera Ecclesia à Christo fundata, & commendata, tanquam vera & infallibilis fidei magistra: quod illi, & non singulis fidelibus in particulari, promissa sit infallibilitas: & ab illa loquente per suum caput visibile, vel per alios Pastores ei subordinatos, eo modo & ordine, quem Christus instituit, accipiendæ sint in speciali fidei veritates, & decidenda dubia, si quæ occurrunt circa Dei reuelationes, quarum ipsa fidelis custos & in-

Tomo III.

terpres à Christo constituta sunt. Quo semel facto sufficienter credibili, & bene persuaso, facile est, solo nomine Ecclesiæ interposito, singulas fidei veritates persuadere. Simili modo, quo postquam Iudæis inuocatur ex prophetijs veteris Testamenti, & mirabilibus à Christo editis, ipsum esse Messiam, commendatum à Deo vt verum legis novæ Doctorem; facile illis erat, credere vera quæcumque ab illo proponebantur credenda. Ideoque Petrus Actor. 2. Stephanus Act. 7. & Paulus in Epist. ad Hebr. alijsque locis, illud primum Iudæis persuadere nitentur. Idcirco etiam Deus tam illustribus notis Christum, & Ecclesiam designare voluit, vt eo veluti compendio, totam fidem persuaderet: ne aliquin opus esset ad singulas fidei veritates applicare noua signa diuinæ reuelationis, & sufficientia credibilitatis argumenta.

Septimò denique, verum est, testimonium Ecclesiæ bene iam notæ & creditæ, loquentis in capite suo visibili summo Pontifice, vel solo, vel cum Concilio generali, esse medium ordinarium necessarium ad maiorem expressionem veritatum obscuræ & confusæ reuelatarum in Scriptura, & Traditionibus diuinis: Itémque ad decidenda dubia, quæ contingunt in materia fidei: quia miracula, & alia argumenta credibilitatis, facta in confirmationem veritatis Christianissimæ & Ecclesiæ, non fati determinatè illis applicari possunt. Verumtamen ad notitiam minus distinctam eorum, quæ reuelata sunt, & confusæ credita secundum sensum reuelantis, sufficit annunciatio facta credibilis per signa & miracula. Sine Ecclesiæ interuentu. Et ipsa distinctior, maiorque expressio credibilium, & decisio dubiorum, aliter quoque fieri posset. Sed Deus modum illum ordinarium constituit, qui ad Ecclesiæ unitatem, & bonum regimen valde conueniens, in eo necessarius est secundum rerum statum, qui nunc est, & fuit ab initio. Nam aliquin impossibile esset mederi hæresibus, & schismatibus.

Duobus autem modis Ecclesia cognosci potest. Primò per signa, & notas externas, quibus elucet, tanquam opus eximium à Deo mirabiliter excitatum, & conseruatum, propagatum per totum orbem, non vi & armis, sed martyrum constantia, prædicatorum integritate, professorum patientiâ, contemptu, humilitate, miraculis, & Spiritus sancti operatione, ad persuadendam doctrinam sensui asperam, intellectui difficilem, & naturæ corruptæ contrariam. Secundò, ex ipsa Dei reuelatione, & attestatione expressâ, quæ magnâ illi auctoritate conciliat, cum affirmat potestas inferi aduersus eam noua praua lituras, Matth. 16. v. 18. Illam esse columnam & firmamentum veritatis, 1. Timoth. 3. v. 15. & spiritum Dei, qui in ipsa est, & verbum Dei in ore ipsius positum, non recessurum de ore eius, & de ore feminis eius, & de ore feminis feminis eius, à modo & vsque in æternum, Isai. 59. v. vitimo. Ex quibus locis, & similibus, intelligitur Ecclesiam ita regi à Spiritu sancto, vt non possit deficere in rebus fidei.

D

96.
Quomodo est medium ordinarium?

96.
Ecclesiæ Pontifex cognoscitur dupliciter.

Vnde tanquam à Deo infallibiliter directæ, & propter ipsum fide digna, magnam habet auctoritatem explicandi dogmata, Traditionesque diuinas, & decidendi dubia circa illas. Sed non inde sequitur, Ecclesiæ quomodolibet notæ propositionem necessariam esse vniuersaliter, aut eius auctoritatem semper esse interponendam, quasi sine illa non possit vllum fidei dogma constitui credibile. At neque vllum aliud motiuum credibilitatis in specie, vel in indiuiduo, est determinatè necessarium & vniuersaliter: cum Deus indifferenter his aut illis mouete possit ad credendum.

97.
Ecclesiæ
proposi-
tio est ne
pars ob-
iecti fi-
dei?

Porro quando Ecclesiæ proponit; eius propositio, vt sic, præcisè sumpta, distinguenda est à ratione credibilitatis, quam eadem habet; quatenus ipsamet Ecclesiæ proponens, ratione suæ excellentiæ diuinæ bene perspicitur, constituit credibile idipsum quod proponit. Et propositio quidem, à quocumque fiat, siue ab Ecclesiâ, siue ab alio, non est pars, vel ratio obiecti fidei; sed est illi extrinseca, cum sit dumtaxat propositio obiecti aliunde constituti & completi. At verò ratio credibilitatis est pars rationis formalis obiecti, vt alibi probauimus. Atque ita Ecclesiâ, quando non solum habet rationem proponentis, sed etiam motiuum ad credendum, est in formali obiecti fidei. Et tunc quidem resolutio fidei fit ex parte in illam: semper tamen fit etiam in primam veritatem, cuius reuelationi, per Ecclesiâ, aut quidvis aliud, credibili factæ, ideo assentimur, quia Deus reuelans verax est.

Supra
§. 4.
○ 7.

98.

Hinc collige falli Durandum in 3. dist. 24. q. 1. num. 8. & qui cum illo putant credibilium resolutionem vltimò fieri in id, quod est credere Ecclesiâ regi à Spiritu sancto. Fallitur etiam Caiet. q. 1. art. 1. Cui ex parte assentitur Suarez disp. 3. Sect. 10. n. 10. affirmans vltimam fidei resolutionem secundum se quidem fieri in Deum: at secundum nos fieri in Ecclesiâ. Falluntur, inquam: tum quia interdum non creditur propter Ecclesiâ vel proponentem, vel mouentem; sed propter alia motiua sufficientia. Tum etiam quia distinctio illa resolutionis fidei, secundum se, & secundum nos, est friuola. Fides enim nostra secundum se resoluitur in id, propter quod nos

Fiat-ne
vltima
resolutio
fidei in
Ecclesiâ?

vltimò assentimur. Semper autem assentimur per fidem supernaturalem, ob Dei veracitatem, & reuelationem sufficienter propositam per argumenta credibilitatis: siue argumentum illud sit Ecclesiâ ipsa, siue aliud. Credere enim est certò assentiri reuelationibus diuinis propter Dei testimonium sufficienter propositum, eiusque summam auctoritatem, & veracitatem. Quod si qui propter ignorantiam id non attingunt, non verè credunt. Notandum tamen hanc tendentiam esse plerumque parum attentam, propter assuetudinem; & esse quasi virtuale, & implicitam: quod fidei non repugnat. Notandum etiam non esse adeò difficile homines, quanvis rudes & crassos, cum Dei ope eò deducere. Nam vel in ipsa Ecclesiâ tot sunt notæ sensibiles operationis & assentientis diuinæ, torque rationes credibilitatis, & tam illustres: vt si à Pastoribus proponantur populo, & explicentur; non difficile sit illis certò persuadere, tum Ecclesiâ ipsam esse à Deo: tum quæ ab ipsa proponuntur, tanquam diuina dogmata, verè talia esse, & ideo credenda firmiter, quia Deus, qui verax est & fide dignissimus, ea reuelauit. Quare non est adeò difficile, imò prorsus necessarium est, vt etiam quoad nos fides in Deum resoluatur, vt reuelantem credibiliter.

99.

Quæri posset vltimò, an sufficiat reuelatio mediata; ita vt ea, quæ deducuntur ex principiis fidei, sint de fide: Item, an sufficiat reuelatio falsò præsumpta: vel nota tantum lumine naturali. Sed de primo dicemus disp. 6. De secundo, disp. 3. De tertio, constat ex dictis reuelationem debere cognosci lumine supernaturali. Hæc igitur de obiecto formali fidei sufficiant in præsentem, quorum summa hæc est: Obiectum formale fidei esse diuinam testificationem sufficienter propositam, vt diuinam, id est, entis supremi, & summè veracis. Proponitur autem vt talis per argumenta, quibus constat Deum esse testificatum: inter quæ præcipuum, magis illustre, frequens, & ordinarium est, Ecclesiâ cum suis omnibus adiunctis considerata: quamvis illud non sit necessarium, neque primum, & vniuersalissimum: alia enim sine illo possunt sufficere.





DISPUTATIO

SECUNDA.

Quale sit obiectum Fidei? Et primò, sit-ne complexum, vel incomplexum?

- Sectio I. *Utrum fidei obiectum sit complexum, vel incomplexum in modum enuntiabilis?*
- Sectio II. *Refutatur quædam opinio Nominalium de complexè significabili.*
- Sectio III. *Refellitur ampliùs eadem doctrina ex proprijs ipsius principijs.*
- Sectio IV. *Respondetur argumentis Nominalium.*

DE argumento huius disputat, agit breuiter S. Doctor quæst. prima, art. 2. ubi docet obiectum fidei dupliciter considerari posse. Vno modo, ex parte ipsius rei creditæ: & sic obiectum fidei est aliquid incomplexum, scilicet res ipsa, de qua fides habetur. Alio modo, ex parte credentis: & secundum hoc, obiectum fidei est aliquid complexum per modum enuntiabilis. Quia cognita sunt in cognoscente secundum modum cognoscentis. Est autem modus proprius humani intellectus, ut componendo, & diuidendo, veritatem cognoscat; id est, formando propositiones affirmatiuas, vel negatiuas, quibus vnum de alio enuntiat aut negat. Et ideo ea quæ sunt in se simplicia, intellectus humanus cognoscit secundum quandam complexionem. Sicut è contrariò, intellectus diuinus incomplexè cognoscit ea, quæ sunt secundum se complexa. Hucusque D. Thomas, cuius doctrina sequentibus Sectionibus fusiùs explicabitur, pluribus additis contra sententiam quorundam Nominalium de Complexo significabili, qui non ita pridem figmentum illud Gregorij Ariminensis in Scholas inuhere conati sunt.

SECTIO I.

Utrum Fidei obiectum sit complexum, vel incomplexum in modum enuntiabilis?

Prænotatur aliqua ad resolutionem questionis necessaria: & proponitur ac stabilitur vera sententia.

I.
Comple-
rum du-
plex:



Ora primò, non esse hinc sermonem de complexo, vel incomplexo Physicè, id est, de re realiter simplici,

vel realiter composita: quo sensu obiectum Physicè, fidei, etiam secundum se sumptum, & ex parte ipsius rei creditæ, partim incomplexum est, ut Deus, & quæcumque de Deo creduntur ipsi intrinseca; partim complexum, ut Christus, & Ecclesia, aliaque plurima. Sed sermo est de complexo, vel incomplexo Logicè in modum enuntiabilis, id est, in modum prædicati, & subiecti, aliquà copulà connexi. Hoc enim totum dicitur, complexum velut enuntiatum, aut enuntiabile; estque obiectum, & materia enuntiationis mentalis, aut

D 2

vocalis. Quo sensu verum est quod ait S. Thomas, res à Deo reuelatas (nisi reuelent conceptus aliquos aut propositiones complexas) spectatas secundum se, non esse Logicè complexas in modum enuntiabilis. Quia talis complexio non conuenit rebus secundum se; sed tantum quatenus subiacent conceptibus, aut propositionibus complexis, à quibus ipse denominantur complexæ. Sicut enim res per extrinsecam denominationem dicuntur dictæ, aut conceptæ; à dictione, vel à conceptu formali, quibus dicuntur, aut concipiuntur; ita denominantur extrinsecè complexæ, à propositione, vel à conceptu formaliter complexo, cui subiacent.

Nota secundò, per, *res à Deo reuelatas*, duo posse intelligi. Primò, *res strictè sumptas*, prout distinguuntur à vocibus & conceptibus; id est, quæ non sunt voces, neque conceptus. Secundò, *res latè sumptas*, pro quacumque materia reuelationis: Quæ materia potest esse conceptus, & voces à Deo reuelatæ: Nam reipsa Deus reuelauit Scripturam sacram, quæ vocibus constat, esse diuinam. Si res reuelatæ sumantur primo modo; verum est vniuersim quod ait S. Thomas, res reuelatas, seu creditas, esse incomplexas in modum enuntiabilis, formaliter & in seipsis. Secus autem in secundo sensu: quia multæ propositiones complexæ sunt à Deo reuelatæ. Imò reuelatio fit ordinariè modo complexo: quia Deus, siue per se, siue per alium testificetur; humano modo loquendi & concipiendi se accommodat, complexæque reuelat res incomplexas, quamvis possit absolute, si vellet, aliter eas reuelare, vt reuelauit Angelis. Atque ita res fidei communiter proponit per voces & verba complexa, quæ vt successiue formantur & proferuntur; successiue quoque apprehenduntur à nobis, & concipiuntur, tum conceptu medio, tum etiam vltimato: licet intellectus postea iudicet vnicò simplici actu de tota materia propositionis, assentiendo, vel dissentiendo: vt mox dicemus.

Notandum enim tertio, propositiones quidem vocales esse formaliter complexas: itémque apprehensiones propositioni vocali respondentibus, quibus seorsum apprehenditur subiectum, & prædicatum, & copula vtrumque inuoluens: quæ apprehensiones solent præcedere iudicium, præsertim quando proponuntur res difficiles, distinctè apprehendendæ, & diligenter expendendæ. Ideo enim conceptus multiplicamus, vt res distinctius apprehendamus, meliusque seorsum expendamus. Vel etiam quando proponuntur per voces, quæ sicut formantur successiue, ita successiue à nobis apprehenduntur, diuersis conceptibus iudicium præcedentibus. Attamen iudicium est actus simplex, quo cognoscitur assentiue identitas, aut diuersitas, connexio, aut disiunctio prædicati cum subiecto. Est enim apertè impossibile cognoscere aliquo actu prædicatum esse idem cum subiecto, quin eodem actu cognoscantur prædicatum, & subiectum. Diuersim quoque, & connexum, aut disiunctum, vt tale, cognosci nequit, nisi eodem

actu cognoscatur alterum, à quo diuersum; aut disiunctum, vel cui connexum est. Nam duo actus, qui absolute cadent in duo extrema, & sine comparatione vnus cum alio, non essent cognitio connexionis, aut disiunctionis, quæ non nisi inter duo potest esse, aut concipi, & vtrumque inuoluit in suo conceptu. Quare assensus fidei; qui est iudicium, non est complexus formaliter; sicut apprehensio ipsum præcedens, & protpositio vocalis ipsum significans, complexa est.

Nota igitur quartò, actum credendi esse assensum, id est, actum iudicij, & non tantum apprehensionis. Vis autem apprehendendi, & vis iudicandi, id est, assentiendi vel dissentienti, quamvis eadem realiter, valet ad actus plurimum differentes. Sæpius enim fit, vt duorum qui æqualiter apprehendunt quid dicatur, vnus assentiatur, alter dissentiat: & vnus certò, alius tantum probabiliter assentiatur, & cum formidine oppositi. Et qui propositionem hæreticam apprehendit tantum, non assensendo; non peccat, neque hæreticus est. Ac ratione saltem vel naturâ prius, quam intellectus iudicet; necesse est vt apprehendat subiectum, prædicatum, & copulam. Quin etiam id sepius fit prius tempore per apprehensionem complexam. Cuius ratio tacite sumitur à D. Thoma q. 1. a. 2. ex imperfectione intellectus nostri, qui minimus est omnium intellectuum, & vnâ simplici apprehensione parum potest distinctè & expresse apprehendere, idèbque cogitur conceptus multiplicare; sicut necesse est oculum circumferre ad videndum multum spatij, aut obiectum valde amplum. Non est tamen necesse, vt quot sunt res, tot sint conceptus: neque vt quidquid multis vocibus significamus, non aliter, quam totidem conceptibus apprehendamus. Possunt enim multæ res, & multæ rationes, etiam secundum suas differentias, vno conceptu ampliari, multis æquivalente comprehendì: non minus quam videti possunt vno actu visionis multi colores diuersi, quæ diuersi, vnusquisque secundum suam propriam speciem. Imò qui concipit connexionem aut conuenientiam, vel disiunctionem aut differentiam inter duo, necesse est vt vtrumque simul & eodem actu percipiat. Nam, vt paulò antè diximus, duo actus qui in illa tenderent absolute, sine comparatione vnus cum alio, non essent cognitio connexionis aut conuenientie, vel disiunctionis aut differentie, quæ non nisi inter duo esse potest, neque potest concipi, nisi illa inter se conferendo. Idèbque merito Aristoteles 3. de Anima, cap. 2. Text. 143. *Qui vnum, inquit, differre ab altero cognoscit, vtrumque ac simul tempore percipit*: Et quidem vno, eodèque actu, vt necessarium esse iam ostendimus. Sed quamvis id necessarium non esset; non est difficultas concipere multa vno actu, quam simul & eodem instanti exercere multos actus circa eadem. Natura autem est amans vnitatis: & frustra fit per plura, quod fieri potest per pauciora æquè commodè.

Hinc sequitur actum fidei, & cuiuslibet iudicij, esse vnicum actum: cum sit cognitio

4.
Actus 6.
dei est
actus iudicij.

3.
Propositiones
vocales,
& earum
apprehensiones
sunt
complexæ.

Iudicium
est actus
simplex.

Ideoque
est for-
maliter
implex.

adhaesiva, vel auerlativa, duorum vt con-
nexionum, aut identificatorum inter se, vt fit in
propositione affirmatiua: vel vt diuisorum &
disconuenientium, vt fit in propositione nega-
tiua. Cui connexioni, aut diuisioni adhaeret
intellectus per assensum; aut illam auerlatur
per dissensum. Quare complexio formalis non
est in ipso iudicio intrinsece, sed in apprehen-
sione praui, complexa, & enuntiativa:
quam iudicium sequitur, id est, assensus aut
dissensus circa res per apprehensionem propo-
sitas: Haec autem apprehensio communiter fit
complexa, apprehendendo seorsim praedica-
tum, & subiectum, & copulam, quae vtrum-
que inuoluit, & sine illis cognosci nequit. Li-
cet enim aliqua, non nimis multa, possimus
simul apprehendere; illa tamen apprehensio
saepe confusa est, & imperfecta: ideoque ad
res distinctius concipiendas, solemus, res etiam
simplices, diuidere in plures conceptus inad-
quatos: vt Deum in varia attributa: & natu-
ram Angelicam, in genus & differentiam: &
quae vnita sunt, consideramus seorsim sine
vniione: Vniione vero & alia quaedam non pos-
sumus concipere, quin plura concipiamus.
Quia multa includunt aut important essentia-
liter: res autem concipi non potest sine illis,
quae includit, vel importat essentialiter.

Multa
sunt in
obiecto
fidei.

In obiecto vero totali fidei diuinae, multa
sunt quae egeant magna, & distincta apprehen-
sione, quando initio proponuntur: nimirum,
res à Deo reuelatae, reuelatio ipsa cum argu-
mentis credibilitatis, & veracitatis Dei, qui nec
fallit, nec fallitur. Ex quibus, res quae reuelat-
ur, est in se incomplexa Logice, nisi Deus reue-
let conceptum aliquem complexum, vel ali-
quam propositionem complexam. Veracitas
quoque est in se incomplexa. Sed reuelatio fit
communiter modo complexo, quia Deus, siue
per se, siue per alium testificatur & reuelet,
complexè id facit, vt humano modo intelli-
gendi se accomodet, vt paulo ante diximus.
Quamvis enim posset simul proponere totum
obiectum cuiuslibet actus fidei per interiorē
mentis illustrationem, & per maiorem eleua-
tionem & corroboracionem intellectus nostri,
ad res simpliciter & incomplexè concipiendas:
quo fortè modo nonnullis proposuit: Maluit
tamen, & quidem conuenienter, sequi ordi-
nariè modum concipiendi nobis connaturalem;
& res fidei, quamvis Logice complexione ex-
pertas, proponere modo complexo. Ideoque
merito D. Thom. quaest. 1. art. 2. in corp. dicit
obiectum fidei esse complexum ex parte cre-
dentis, in modum enuntiabilis: quatenus sci-
licet, Deo se nobis accommodante, proponi-
tur complexè, & non cadit sub fidem, nisi me-
diante apprehensione complexa, & per iudi-
cium illi æquiualens, repræsentans formaliter
obiectum, vt complexum in modum enunti-
abilis.

Ideoque
est com-
plexum
ex parte
credentis.

Nota
quintò,
cùm in
enuntiationis obiecto
trai sint, videlicet subiectum,
praedicatum, &
copula, est, vel, non est: totum quod creditur,
esse illud totum, quod per enuntiationem si-
gnificatur: id est, res, aut veritates reuelatas,
& per totam propositionem significatas. Ne-

que enim est fidei docere, vel credere vocum,
& dictionum significaciones, quod habemus à
Grammatica, vel ab vñu communi: sed assenti-
turi rebus ipsis & veritatibus à Deo reuelatis:
licet id non fiat sine vocum intelligentia, quae
praesupponitur vt praui dispositio ad concipi-
endum id, quod dicitur, quando reuelatio
per voces proponitur: & ad assentiendum per
actum fidei, qui exercetur post conceptum vo-
cum & significacionis, ferturque immediatè in
veritates vocibus illis complexè significatas, &
à Deo reuelatas. Ex gr. quando credimus Deum
esse trinum, obiectum nostrae fidei immédia-
tum est quòd Deus à parte rei sit trinus. Ne-
que enim, vt volunt recentiores aliqui Nomi-
nales, quando credimus Deum esse trinum,
quia Deus reuelatur; credimus immediatè ter-
minum hunc, *Deum*, supponere pro eodem, pro
quo supponit terminus hic, *Trinum*; quia ter-
minus hic, *Deum*, supponit pro eodem, pro
quo supponit terminus, *reuelatus*: & Deus re-
uelauit terminum hunc, *Deum*, supponere pro
eodem, pro quo supponit terminus hic, *Trinum*.
Quod ineptum prorsus, & ridiculum est. Quasi
verò Deus fidem supernaturalem propter has
nugas Grammaticales infuderit; & Logicales
terminorum suppositiones sint de fide, tan-
quam à Deo reuelatae.

Rectè etiam monet S. Thom. quaest. 1. art. 2.
ad 2. tamen si obiectum fidei sit complexum in
modum enuntiabilis ex parte credentis; ta-
men actum credendi non terminari ad enun-
tiabile (formaliter scilicet vt tale, hoc est, ad
ipsam enuntiationem vocalem, aut mentalem,
formaliter complexam) sed ad ipsam rem.
Non enim (inquit) *formamus enuntiaabilia, nisi*
vt per ea de rebus cognitionem habeamus, sicut in
scientia, ita & in fide. Itaque obiectum fidei
sunt res ipsae, *Deus, Trinitas, Incarnatio, vita*
aeterna, &c. non verò aliqua complexa enun-
tiabilia, seu complexa significabilia, à rebus
distincta, vt volunt Nominales, quos sequenti
Sectione refutabimus.

SECTIO II.

*Refutatur quadam opinio Nominalium de
complexè significabilis.*

Idem enim Recentiores, secuti Gregorium
Arimin. in prolog. quaest. 1. articulo 1. con-
clusionē 3. comminiscuntur aliqua complexè
significabilia, quae verè sint à parte rei, & ta-
men neque sint substantia, neque accidentis,
neque modus se habendi substantiae, vel acci-
dentis. Sic autem ea definiunt: Dantur Enun-
tiabilia complexè, non aliter distinctè & prop-
rie significabilia, quam complexè & verbaliter
(id est, per aliquam propositionem,) quae
nulla sunt entitas incomplexa, hoc est, nulla
substantia, aut qualitas inherens substantiae,
(nullum enim aliud accidens Physicum, & dis-
tinctum à substantia agnoscunt) nec vllus se
habendi modus cum re aliqua identificatus. Et
huiusmodi complexa esse volunt obiecta ad-
equata omnium propositionum: ac de ijs loqui

7.
Opinio
Nomina-
lium.

D 3

Aristotelem, cum dixit; Ex eo quod res est, aut non est, propositioem esse veram, aut falsam: id est, ex eo quod est complexum significabile, aut non est. Notant enim, ex eodem Philosopho Ens tripliciter sumi. Primo, pro entitate incomplexa. Secundo, pro vero complexo, imò & pro quocumque significabili complexo, siue illud verum sit, siue non. Tertiò, & maximè propriè, Ens esse dicit Aristoteles verum illud complexum, quod aliter se habere non potest: vt, Quod diametere sit incommensurabilis cõstet.

Notandam autem primò, eorum sententiam esse (vt ex eorum discursu & argumentis clare colligitur) quòd huiusmodi complexè significabilia, non modò non sunt vna entitas incomplexa, id est, vnica res, aut vnus se habendi modus: sed neque etiam sunt multe res inter se coniuncte, vel comparatæ; vel multi se habendi modi, inter se, vel cum rebus comparati. Liqueat autem multas esse propositiones, quarum obiectum adæquatum non est vnica res, aut vnus se habendi modus: sed est multa inter se comparata, propter connexionem, quam habent à parte rei, vel disunctionem, distinctionem, & diuersitatem; similitudinem, aut dissimilitudinem; proportionem, aut disproportionem; dependentiam, aut quid aliud. Quare si hoc tantum intenderent aduersarij, dari aliqua complexa significabilia, que non sint vnica entitas, aut modus se habendi: non errarent in eo: sed falsum esset quod addunt, huiusmodi complexa significabilia esse obiectum adæquatum omnium propositionum. Nam plurimæ sunt propositiones, quarum obiectum adæquatum est vnica res complexè apprehensa & enuntiata: vt cum dicimus, Deus est spiritus; Petrus est homo; Albedo est accidens: & similia.

Nota secundo, cum varia sint genera propositionum, quarum aliæ sunt affirmatiuæ, aliæ negatiuæ; item aliæ de possibili tantum, aliæ de impossibili, aliæ de existenti; & inter has, quedam de præsentī, aliæ de præterito, aliæ de futuro absolutè vel conditionatè; Nominales imaginati, harum omnium propositionum cuiuscunque generis, obiectum adæquatum esse in præsentī, si propositiones sint veræ: & esse aliquid, quod non sit entitas, vel entitates, aut modus, vel modi se habendi: sed quidpiam tantum significabile complexè per propositionem, quòd enuntiatur: quod significabile si non esset, propositio esset falsa. Quia ex eo quod res est, aut non est, propositio est vera vel falsa: hoc est, vt ipsi interpretantur, ex eo quod complexum significabile est, propositio vera est; & ex eo quod complexum significabile non est, propositio falsa est. In quo mirabiliter hallucinantur. Nam potius è contrariò, vt propositio negatiua sit vera, debet illius obiectum non esse, sicut per ipsam enuntiatur non esse. Quia in eo sita est illius veritas, seu conformitas cum obiecto, quòd ipsa enuntiat non esse suum obiectum adæquatum, & illud re ipsa non sit. Similiter, cum propositio affirmatiua est de possibili tantum, id est, cum affirmamus tantum, posse esse aliquid, putà posse

aliud mundum esse; vt propositio sit vera, non est necesse, obiectum esse actu, sed sufficit esse possibile, sicut enuntiatur. Et quando propositio est de impossibili, non est necesse ad veritatem propositionis, obiectum eius adæquatum esse: sed potius debet esse impossibile, id est, neque esse, neque esse posse. Item, cum affirmatur aliquid fuisse, aut fore; sufficit obiectum fuisse, aut futurum esse, vt enuntiatur. Quare solæ propositiones affirmatiuæ de existente in præsentī, requirunt ad sui veritatem suum obiectum adæquatum existere. In alijs verò id non modò non est necessarium, sed est omnino contra earum sensum. Nam propositiones negantes aliquid esse, non affirmant illud esse re ipsa: sed potius implicite & æquiuacenter affirmant non esse. Et quæ affirmant aliquid esse impossibile, non affirmant esse, imò nec posse esse: alioquin affirmarent contradictoria. Quæ denique affirmant tantum aliquid fuisse, aut futurum esse; non affirmant esse de præsentī. Illud autem quod affirmant, est earum obiectum adæquatum. Quare earum obiectum adæquatum non est actu. Et hæc ex sola terminorum explicatione, vel medicribus ingenij nota esse existimo.

Ex contraria verò imaginatione, sequeretur primò, dari actu infinites infinita entia, à Deo distincta realiter, independentia, & æterna: quoniam nimirum sunt complexè significabilia de possibili, & impossibili, quorum veritas obiectiua non pendet à Dei libertate, sed est simpliciter necessaria: neque incipit tantum esse, quando à nobis enuntiatur, aut cognoscitur: neque enim facimus veritatem obiecti, sed supponimus: Ex gr. non ex eo quod enuntiamus mundum alium esse possibilem, est ille possibilis: sed ex eo quod ille sit possibilis, verè enuntiamus esse possibilem. Potuit autem id semper enuntiari, semperque fuisse à Deo cognitum, & enuntiatum interius. Dicere autem dari illam infinitatem entium verorum, à Deo independentium, eisque domino, & libertati non subiectorum, per se absurdum, & Deo iniuriosum est; imò erroneum, & hereticum. Repugnat enim Symbolo Nicæno profitenti Deum esse factorem omnium visibilium, & inuisibilium: & Scripturæ affirmanti sepius, omnia, quæ sunt extra Deum, esse ab ipso facta, & ab illo pendere. Omnia per ipsum facta sunt; & sine ipso factum est nihil: Ioan. 1. Portans omnia verbo virtutis sue, id est, phrasī Hebræica, verbo suo forti & efficaci; Hebr. 1. Quomodo posset aliquid permanere, nisi tu voluisses: aut quod à te vocatum non esset, conseruaretur? Sapient. 11.

Neque responderi potest, has Scripturæ, & Symboli Nicæni propositiones intelligi debere de rebus simplicibus, & entibus primo modo dictis; quibus propositionibus non repugnet Script. & dicere dari entia alterius generis, à Deo non facta. Nam contrà: primo, Symbolum Nicænum asserit vniuersaliter Deum esse factorem omnium visibilium, & inuisibilium. Ergo nihil est extra Deum visibile, aut inuisibile, cuius Deus factor non sit. Nullum autem est ens, quocumque modo sumptum, quod non sit

8.
Explicatur.

9.
Obiectum propositionis non est sepe est aliquid exilicet.

10.
Asseritur
tas
con-
tentis
Nomina-
lium.

11.
Ostenditur
repu-
gnantiam
Script. &
Cœcilijs.

visibile aut inuisibile, quodque non comprehendatur sub altero membro huius diuisionis contradictoriae. Itaque si complexè significabilia sunt vera entia, vltra res simplices, & primo modo dictas, vt volunt aduersarij: debent censerī esse à Deo facta, & alioqui Symbolo contradicitur. Deinde Ioan. 1. asseritur, omnia per Verbum facta esse, & sine ipso factum esse nihil; id est, nihil esse, quod ab ipso factum non sit; & si aliquid non est ab ipso factum, nihil esse. Ergo si complexè significabilia Nominalium non sunt ab ipso facta, nihil sunt: aut si verè sunt, debent censerī esse ab ipso facta: & Scripturæ repugnat, qui affirmat contrarium. Tertiò, illa Scripturæ propositio Sapient. 11. *Quomodo pesses aliquid permanere, nisi tu voluisses: aut quod non est à te vocatum, conseruaretur?* requialet isti, Nihil potest permanere, nisi tu velis; neque conseruari, nisi à te vocetur, id est, liberè producat, & conseruetur. Ergo quicquid non à Deo liberè producit, aut conseruatur, nihil est. Adde quod Scriptura ibidem, alijsque locis affirmans esse impossibile quicquam aliud esse, nisi à Deo fiat, vel nisi Deo volente, & vocante, id est, liberè producente, & conseruante sit: hoc affirmat ad ostendendum supremum Dei dominium in omnia extra se, & dependentiam generalem cuiuscunque alterius entis ab illo ente primo & supremo. At hoc non est, si dantur infinita entia vera & realia extra Deum, ab ipso independentia, quòrum ipse factor & conseruator esse nequit, cum ne quidem ab ipsis cognitione pendeant, iuxta doctrinam aduersariorum. Verum quidem est Scripturam loqui de entibus tantum primo modo sumptis, id est; incomplexis: sed ideo de illis solis loquitur, quia nulla alia agnoscit: vt neque verè illa alia sunt. Ex si essent, non diceret Scriptura omnia esse à Deo facta; falsòque affirmaret quòd sit impossibile quicquam esse sine illius effectiōe, si essent infinita eiusmodi entia, independentia ab eius productione.

11. Dicit etiam nequit Scripturam loqui solum de entibus egentibus effectiōe, cuiusmodi sunt entia primo modo sumpta: non autem de entibus complexis, quæ nullius Physici sunt capacia. Nam contra: primò, Scriptura dicit absolute, omnia quæ sunt extra Deum, esse per Dei voluntatem & effectiōem: sumitque terminum, *omnia*, prout opponitur termino, *nihil*. Ioan. 1. & Sapient. 11. Ergo illa distinctio entium, quorum aliqua egent Dei effectiōe, alia non, repugnat Scripturæ. Secundò, illa distinctio repugnat intentioni Scripturæ, & vero eius sensui, intendens per eiusmodi propositiones explicare supremum & vniuersale Dei dominium extra se. Tertiò, si hæc distinctio applicari posset locis Scripturæ citatis: non posset ex illis certò constare cælum, & terram, aut Angelos fuisse à Deo creatos. Cum enim veller aliquis ex illis inferre, cælum fuisse à Deo creatum: responderi posset, Scripturam loqui de entibus, indigentibus effectiōe: cælum autem illa non indigere.

12. Secundò, si vera esset sententia Nomina-

lium, obiecta nostræ fidei non essent res in se incomplexæ, vt affirmat S. Thomas q. 1. art. 2. Neque crederemus Ecclesiam Catholicam, Sanctorum communionem, remissionem peccatorum, Carnis resurrectionem, & vitam æternam, vt dicitur in Symbolo; neque Deum, Trinitatem, Incarnationem, & alia fidei mysteria: sed tantum illa complexè significabilia ab huiusmodi rebus distincta, quæque non sunt Ecclesia Catholica, neque Sanctorum communio, neque Deus, Trinitas, Incarnatio, vita æterna. Hæc enim omnia sunt substantia, vel accidens, vel modus se habendi substantiæ, vel accidentis. At complexè significabilia Nominalium non sunt substantia, neque accidens, neque modus se habendi: Ergo, &c. Confirmatur, quia complexè significabilia nullibi sunt, per aduersarios, vt paulò post videbitur. At Ecclesia Catholica, Sanctorum communio, Deus, Trinitas, vita æterna, &c. non sunt nullibi: Ergo non sunt complexè significabilia. Ergo si credimus tantum complexè significabilia, non credimus Deum, Trinitatem, &c. Sed illa fimenta realiter ab illis distincta. Quare Nominales, similesque Anselmici, relinquunt res, vt fimenta sectentur.

Neque responderi potest; illa complexè significabilia, esse quidem res, sed non solas, verum addito aliquo alio. *Quæro* enim, quid est quod additur? & quomodo additur rei alicubi existenti id quod nullibi est? à quo item fiat hæc additio? & cur? cum veritas propositionum fundetur sufficienter in rebus ipsis vel modis se habendi, vt ex dicendis mox aperte constabit. Item, hoc posito, falsum esset quod aiunt, complexè significabilia non esse substantias, nec accidentia, nec modos se habendi, neque esse alicubi. Nam si complexè significabilia essent res, vel modi se habendi, cum aliquo alio; essent maiore sui parte substantia, vel accidens, & existerent alicubi, vel vbiq; quatenus sunt res, vel modi se habendi. Neque de illis absolute verè dici posset quòd non sint substantia, neque accidens; aut modus se habendi substantiæ, vel accidentis. Quare in sententia Nominalium complexè significabilia non distinguuntur à rebus, vel à modis se habendi, vt totum à parte, & includens ab includo: sed vt quid aliud penitus & adequatè condistinctum, nullumque aliud esse habens, quàm esse complexè significabile, siue esse ens secundo vel tertio modo, vt ipsi loquuntur, iuxta distinctionem entis suprà relatum num. 7. ex ipsorum sententia.

Tertiò, propositiones fidei nostræ sunt duplices; quedam affirmatiuæ, aliæ negatiuæ. Atqui vtrarumque obiecta non sunt complexè significabilia, à Nominalibus conficta, sed res simpliciter dicte, quæ per illas affirmantur, aut negantur esse. Ergo obiectum adequatum nostræ fidei non est aliud, quàm res simpliciter dicte. Maior est evidens. Minor probatur, primò de propositionibus negatiuis, quæ scilicet negant aliquid esse: cuiusmodi est illa v.g. quæ negat Christum esse purum hominem. Illud est obiectum adequatum propositionis ne-

Tollit
verum
obiectum
fidei.

Refellit
tot eu-
do.

14.
Obiecta
fidei sunt
res ipse.

gatiuz, quod dummodo non sit, propositio negatiua est vera, quocunque alio, re, vel ratione, circumscripto. Atqui dummodo non sit res simpliciter dicta quæ per propositionem negatiuam negatur esse, vera est propositio, quocunque alio re vel ratione circumscripto. Ergo, &c. Maior est evidens. Illud enim est obiectum propositionis adæquatum, cui si tota propositio est conformis, est vera; si difformis, est falsa: non autem illud, quod ad eius veritatem, aut falsitatem impertinens est. Minor etiam patet; quia dummodo non sit res, quæ negatur esse; vera est tota propositio, quæ id negat, quocunque alio re vel ratione circumscripto. Probatum secundò de affirmatiuis; quia illud est obiectum adæquatum propositionum fidei affirmatiuarum, quo posito veræ sunt; & quo sublato sunt falsæ: Non autem illud, cuius neque positioe sunt veræ, neque ablatioe falsæ. Atqui positis solum rebus simpliciter dictis, Deo, Christo, Ecclesia, vita æterna, & similibus, propositiones affirmatiue nostræ fidei, quæ de illis sunt, sunt veræ, sublaris quibuscunque alijs complexè significabilibus, distinctis ab illis. Et è contrariò, essent falsæ, sublaris rebus illis, positis licet quibuscunque alijs complexè significabilibus. Ergo res illæ sunt obiectum adæquatum nostræ fidei, non autem ficta illa complexè significabilia. Maior est evidens. Illud eniui est obiectum adæquatum propositionis, cui si ipsa planè conformis est, vera est; non autem illud quod est impertinens ad eius veritatem; & quod siue ponatur, siue non, propositio nihilo minus est vera. Minor etiam liquet. Dummodo enim sit à parte rei Deus, Trinitas, Incarnatio & alia mysteria credita, veræ sunt propositiones, quæ affirmant illa esse, sublaris licet quibuscunque alijs, etiam complexè significabilibus. Contrà verò, si illa non essent à parte rei, falsæ essent propositiones, quæ affirmant illa esse, positis licet quibuscunque alijs, etiam complexè significabilibus. Ergo non ista complexè significabilia, sed simplex rerum illarum existentia, est obiectum propositionum fidei. Quod autem dixi de propositionibus fidei affirmatiuis, & negatiuis, de alijs quibuscunque propositionibus æquè verum est. Quare nullus propositionis obiectum, est complexum illud significabile, fictum à Nominalibus. Et hæc quidem ad veritatem tam euidentem confirmandam sufficerent. Quia tamen contrarius error apud nonnullos serpit, & inualefcit; non erit inutile illius absurditatem alijs argumentis ostendere: atque ex ipsiusmet Aduersariorum principijs eos falsi conuincere.

SECTIO III.

Refellitur amplius eadem sententia, ex proprijs eius principijs.

11.
Primum
absurdum

Possumus igitur quartò sic contra illos argumentari ad hominem: Ea quæ sunt à parte rei, & non sunt entitates, aut modi se

habendi existentes, distinguuntur realiter ab entitatibus, & modis se habendi existentibus. Sed complexè significabilia sunt à parte rei, & non sunt entitates, aut modi se habendi existentes: ergo realiter ab illis distinguuntur. Minor est doctrina aduersariorum: vt patet ex Sect. præcedenti. Maior quoque traditur sæpe ab illis. Nam distingui aliqua realiter nihil volunt esse aliud, quam ambo esse à parte rei, & vnum non esse aliud. Iam verò ita subsumio: Ea quæ distinguuntur realiter ab inuicem distinctione maiori, & adæquatè, possunt esse vnum sine alio. Sed complexè significabilia, & entitates, ac modi se habendi, distinguuntur realiter ab inuicem distinctione maiori, & adæquatè. Ergo possunt esse vnum sine alio. Maior traditur sæpe ab aduersarijs, contra quos ad hominem argumentamur, quicquid sit de eius veritate: qui etiam illam ex eo probant, quòd si distinguuntur realiter, distinctione maiori, & adæquatè; vnum non est aliud, ac proinde non-esse vnius, non est non-esse alterius: Atque ita nulla est contradictio, si vnum sit, & alterum non sit. Minor quoque est aduersariorum, assententium complexè significabilia distingui realiter ab entitatibus, & modis se habendi, idque reali distinctione maiori, & adæquatè: Nam complexè significabilia non sunt modi entitatum, aut modorum: adeoque non modaliter tantum distinguuntur ab illis, vt modus rei, à re cuius est modus; vel vt modi impossibiles eiusdem rei: maximè cum modi necessarij sint vbi est res modificata; complexè autem significabilia nullibi sunt iuxta doctrinam aduersariorum. Non sunt etiam totum, aut includens, respectu rerum, vel modorum se habendi, à quibus tantum inadæquatè distinguantur, vt paulò ante probauimus num. 11. Et quamvis ita esset: posset saltem pars esse sine toto, & inclusum sine includente; id est, res aut modi se habendi, sine complexè significabili. Iam verò, quàm sit absurda conclusio, quæ sequitur euidenter ex his principijs aduersariorum, nemo non videt: Nempè quòd possit esse v. g. istud verum complexè significabile, Petrus est albus, sine Petro existente, cui à parte rei albedo inhereat. Vel è contrariò, non sit verum dicere, Petrus est albus, siue albedinem Petro inherere, quamvis à parte rei albedo inhereat Petro, illiunque formaliter dealbet; secluso realiter illo ficto significabili complexè, distincto à Petro, & ab albedine vt inherente; quod significabile sit obiectum immediatum huius propositionis, Petrus est albus. Quasi non potius hac propositione intendamus significare id, quod in re Petro conuenit; id est, albedinem illi inherere; Et, hoc ipso solo quòd inhereat, non sit verum dicere inherere.

Quintò, secluso quocunque alio à Deo distincto, Deus est. Ergo quòd Deus sit, nihil est præter Deum. Ergo illud verum complexum, Deus est, non distinguitur à Deo, sed est ipsemet Deus, existens à parte rei, de quo complexè enuntiamus quod sit, & quem cum sua existentia conceptu complexo, &

in doctr.
na ad-
uers.

16.
Alterum
absurdum.

affirmatio comparamus. Idemque dico de alijs propositionibus, in quibus affirmatur existentia rerum aliarum; vel identitas prædicati cum subiecto; vel inexistencia accidentis in subiecto; vel modus aliquis se habendi de re taliter se habente; vel distinctio, & diuersitas, similitudo, aut dissimilitudo, proportio, vel disproportion rerum inter se comparatarum. Sublato enim quocunque alio præter eiusmodi res, aut modos se habendi, qui enuntiantur absolute, aut comparatiue, est id totum, quod significatur per huiusmodi propositiones, eo modo, quo significatur, & quidquid ad earum veritatem necessarium est. Quare illa complexa Nominalia, à rebus huiusmodi, vel modis se habendi distincta, sunt superflua, & male excogitata.

17. Respondent distinguendo antecedens. Secluso quocunque alio, à Deo, distincto, quod sit ens primo modo sumptum, Deus est, Concedo, inquit. Sublato quocunque alio à Deo distincto, quod sit ens tertio modo: Nego. Tum consequens pariter distinguunt: Non est aliquod ens primo modo sumptum præter Deum, Concedo. Tertio modo, Nego. Et certè, inquit, Nemo dicet, hanc propositionem esse veram, *Deus est, Deus est*: Licet istam asserat, *Deus est Deus*. Ergo *Deus*, & *Deus est*, non sunt idem significabile. Eodem modo diceret, Secluso quocunque alio à Petro, Petrus non est leo. Ergo *Petrus*, & *Petrus non est leo*, sunt idem. Liqueat, inquit, quod nulla est consequentia. Et tamen seclusa quacumque substantia, & accidente à Petro, verum est quod Petrus non est leo. Sed inde non sequitur quod hic terminus, *Petrus*, & hæc propositio, *Petrus non est leo*, habeant idem obiectum.

Refellitur eua-
sio.
Sed contrà; primò, vel Deus existit formaliter per illud distinctum, vel non. Primum est impossibile, vt fatentur aduersarij. Nihil enim existit formaliter, id est, in rerum natura est, per aliud à se distinctum, sed per se ipsum. Si secundum: Ergo Deus est secluso illo distincto. Existere enim, & esse actu in rerum natura, idem sunt. Secundò, si Deus existens, & complexum illud significabile *Deus est*, vel *Deus existit*, distinguuntur realiter; redit argumentum suprà factum, videlicet, vnum posse esse sine alio, in sententia aduersariorum. Ergo vel poterit esse Deus existens, sine illo complexè significabili, *Deus existit*: vel ex opposito, poterit esse illud complexum verum, Deo non existente. Tertio, verum illud complexè significabile *Deus est*, realiter distinctum à Deo, vel est Deus, vel non. Si est Deus: ergo non distinguitur realiter à Deo: vel Deus distinguitur realiter à se ipso, & dantur duo Dij à parte rei realiter distincti. Si autem non est Deus: ergo illud complexè significabile, quod non est Deus, Deus est: & verè dicitur complexè Deus esse, id quod Deus non est: quod implicat in terminis.

18. Ad primam verò instantiam aduersariorum Respondeo, Deum, qui est ens essentialiter existens, esse id totum, quod significatur complexè, hæc propositione *Deus est*: acque hoc

sensu verè dici posse, *Deus est, Deus est*: sine Deus est idem in te, ac Deus est. Est enim seipso formaliter, & non per aliud distinctum. Non tamen significatur complexè hæc voce, *Deus*; sicut significatur complexè hæc propositione, *Deus est*. Idem ergo est significatum in te, quamvis non in modo significandi: qui tamen modus significandi attenditur in vocali enuntiatione, in qua subiectum, & prædicatum seorsim exprimuntur, & connectuntur per copulam verbalem, enuntiando vnum de altero. Ad secundam instantiam Respondeo, Petrum quidem seipso solo formaliter distinguere à leone; Verumtamen significatum huius propositionis, *Petrus non est leo*, non esse Petrum solum, sed esse Petrum comparatum per intellectum cum leone, tanquam ab eo diuersum: quæ diuersitas non potest sine tali comparatione, & vtriusque cognitione expressè intelligi. At inde non sequitur dari complexè significabilia realiter distincta à rebus, & modis se habendi. Nam illud significabile nihil est aliud, quàm Petrus, & leo, inter se comparati, vt diuersi.

Quintò, iidem Nominales sibi obijciunt, vbinam sint illa complexè significabilia? Et respondet primò, esse vbi Philosophi ponunt obiecta scientiarum, & vbi asserunt esse essentias, quas dicunt esse ab æterno. Secundò respondent, præsentiam esse affectionem entis primo modo sumpti: Non autem verorum, siue enuntiabilium, quæ non propriè dicuntur esse; sed, vera esse. Sunt autem vel vera, vel falsa vbique. Ita antequam Deus creasset mundum, verum erat ipsum non creauissè mundum. Dicant ergo, inquit, vbi erat illud verum.

Hæc secunda responsio contradictionem apertam inuoluit, quam sic ostendo: Esse huiusmodi complexorum, siue enuntiabilium, est, vera esse. Atqui sunt vera vbique. Ergo sunt vbique. Sunt enim vbicumque habent suam esse. Sed habent suam esse vbique, quia vbique vera sunt, & esse eorum est verum esse. Ergo vbique sunt. Maior, & Minor habentur in ipsa responsione aduersariorum: & conclusio bene deducitur in hunc modum: Ea, quorum esse, est verum esse, sunt vbicumque vera sunt: sed complexè significabilium esse, est verum esse: Ergo complexè significabilia sunt vbicumque vera sunt. Atqui sunt vbique vera: & tamen nullibi sunt per aduersarios; quia esse alicubi seu præsentia localis, est affectio entis primo modo sumpti, non autem verorum, siue enuntiabilium, vt ait eadem responsio: Ergo sunt vbique, & nullibi. Secundò, quod ait eadem responsio, huiusmodi enuntiabilia non dici propriè esse, sed vera esse, contradicit aperte ei, quod retulerunt ex Aristotele, & approbarunt suprà, num. 7. eis maximè propriè dici de vero complexè significabili, quod aliter se habere non potest. Sic enim argumentor: Id quod maximè propriè dicitur ens, dicitur maximè propriè esse. Atqui vera complexa, necessariò vera, maximè propriè dicuntur ens: Ergo maximè propriè dicuntur esse. Tertio, Inimaginabile est quidquam

19. Ternum absurdum.

18. Soluuntur instantie.

esse verè à parte rei, & nullibi esse: sicut esse, & nunquam esse. Quare eiusmodi enuntiabilia si sunt à parte rei, debent esse alicubi.

Ad primam verò responsionem, Dico bonos Philosophos, quando pro obiecto scientiæ assignant aliquid actu existens, vt Deum, & Angelos, vel homines: dicere illud alicubi esse: Cùm autem assignant connexiones prædicatorum cum subiectis in esse possibili, vel in sensu hypothetico necessario, abstrahendo ab existentia actu posita (quo etiam sensu dicunt essentias rerum creaturarum esse æternas, id est, esse ab æterno possibiles, &c necessario tales; ita vt impossibile sit v. g. hominem concipi, vel esse, quin concipiatur, aut sit animal rationale) Dico huiusmodi obiecta, sicut non sunt actu, vel non considerantur velut actu existentia: ita non sunt alicubi, vel non considerantur vt existentia alicubi, sed abstrahuntur per considerationem, à loco, tempore, & alijs conditionibus existentie. Quod enim non est, nullibi est. Si autem aliqui Philosophi aliud quippiam imaginantur: non prodest Nominalibus imaginatio, quam ipsimet absurdam, & à fide alienam merito iudicant. Antequam verò Deus mundum crearet, verum erat, Deum non creasse mundum; id est, iudicium Dei, quo affirmabat apud se, mundum non esse creatum, verum erat, & conforme obiecto. At non propterea erat obiectum: sed potius non erat; id est, mundus non erat creatus. Ideoque Deus verè & conformiter affirmabat mundum non esse creatum. Est autem profus à ratione alienum & absurdum, existimare debere esse obiectum iudicii verè affirmantis suum obiectum non esse. Nam potius, vt tale iudicium verum sit, debet illius obiectum non esse. Confirmatur, quia sublatò realiter, aut per mentem, illo complexè significabili, si distinguitur; adhuc mundus non esset creatus, si Deus nondum vim suam exercuisset in illo creando. Ergo sufficit Deum non exercuisse vim suam, seu non creasse, vt mundus verè dicatur non esse creatus, & aliud addere planè superfluum ac fictitium est.

SECTIO IV.

Respondetur argumentis Nominalium.

EX dictis satis perspicuè liquet falsitas, & absurditas sententiæ Nominalium. Superest vt eorum argumentis iam satisfaciamus. Adducunt igitur primò auctoritatem Aristotelis, & D. Thomæ, qui vocant Ens, verum complexè significabile. Et Aristoteles distinguit Ens tripliciter, vt supra num. 7. relatum fuit: atque maximè propriè ens dici complexum significabile necessitè verum, vt, quòd diameter sit incommensurabilis costæ: quod, inquit, nulla est substantia, vel accidens: nulla enim est substantia, nullum accidens quod vocetur, *Diameter est incommensurabilis costæ*. Respondeo, licet Aristoteles, & D. Thomas variè sumant terminum, *Ens*, non pro-

pterea dicere dari complexè significabilia, distincta in re ab entitatibus, & modis se habendi quomodocumque sumptis, vt volunt Nominales. Quòd autem diameter sit incommensurabilis costæ, non est diameter solus, nec costæ sola; sed diameter simul, & costæ, comparata inter se quoad proportionem talem, vt nullam possint habere mensuram excessus præcisè definitam.

Secundò, dicunt suam sententiam non modò esse Aristotelis: sed & reliquorum penè omnium Philosophorum, si se capiunt quando affirmant post Aristotelem, obiecta Scientiarum esse necessaria, æterna, ingenta, incorruptibilia; & esse vera, siue res existant siue non. Item, obiectum propositionum adæquatum, non esse tantum id, de quo aliquid enuntiatur; sed id totum complexum, quod propositione significatur. Respondeo Aristotelem, & bonos Philosophos per obiecta illa intelligere connexiones necessarias & hypotheticas prædicatorum cum subiectis propositionum scientificarum, abstractas ab existentia, vt paulò ante dixi: non autem quædam distincta significabilia, quæ Nominales comminiscuntur, quæque nullo modo significantur per huiusmodi propositiones, vt supra ostendimus. Similiterque, obiectum adæquatum propositionis, præter subiectum, siue id, de quo, inuoluit id, quod de illo affirmatur, & copulam: ac non propterea est aliquid à parte rei distinctum à rebus, vel à modis se habendi, qui de se, vel de alijs enuntiantur, aut diuersimodè comparantur inter se. Si qui autem fingunt dari præter Deum entia æterna, ingenta, & incorruptibilia; errant contra fidem, quæ asserit Deum esse factorem omnium visibilium, & inuisibilium, nihilque ab æterno fecisse, & omnia per ipsum facta esse.

Tertiò opponunt hæc argumenta, quibus non posse responderi certò affirmant. Sunt autem pleraque desumpta ex Greg. Ariminensi, in Prologo, q. 1. art. 1. conclus. 3.

Primum argumentum: Illud non est aliqua entitas, aut entitates, quod remanentibus omnibus entitatibus, quæ sunt, potest desinere esse. Sed remanentibus omnibus entitatibus, quæ nunc sunt, Petrus qui est hic, potest non esse hic. Ergo quòd Petrus sit hic, non est aliqua entitas, aut entitates. Maior est clara. Probatur minor: quia quòd Petrus sit hic, nec est Petrus, nec spatium. Nam esse posset vtrumque, & tamen Petrus non esset hic. Non est etiam aliqua entitatura, aut formalitas affixa Petro: Nam Petrus per seipsum formaliter est hic, & non per vllam entitaturam, aut formalitatem, quæ superflua est, & malè excogitata. Respondeo *Petrus esse hic*, non esse quidem entitatem solam, neque esse entitaturam vel formalitatem superadditam, re, vel ratione muro præfixam: sed esse Petrum ita se habentem, id est, prout sua entitate impletem spatium, in quo est. Sicut brachium esse extensum, esse curuum, esse rectum, est brachium ipsum, vt taliter dispositum: & alia multa tali quopiam modo se habent, non per aliquam formam re, vel ratione distinctam,

20.
Obiecta
Scientiarum
qua
lia?

21.
Scientiarum
ob-
iecta quo
sensu
æterna?

22.
Alia No-
minali
argumen-
ta ex ra-
tione.

21.
Primum
argum-
entum
ex Arist.
& D.
Thoma.

Solutio
primum
argum.

sed per simplicem modum se habendi, sine ulla compositione, ne quidem rationis, ut alibi ostendimus. Nego igitur hoc complexum significabile distinctum esse ab aliquo modo se habendi, & posse desinere manentibus omnibus entitatibus, & modis se habendi: ut assumendum erat in Maiori, ad probandum intentum. Adde hoc argumentum non coherere cum doctrina aduersariorum supra relatâ num. 19. ut expendenti faciliè patebit.

24. Secundum argumentum: Quando vnum potest esse, alio non existente, lumine naturali liquet illa non esse idem: Nam idem non potest esse, & non esse simul. Atqui si mundus non esset duraturus, tota entitas quæ nunc est, esset. Et tamen obiectum huius propositionis, *Mundus est duraturus*, non esset, & iam est: unde illa propositio, quæ illud asserit, est vetâ: Ergo quod mundus duraturus sit, non est aliqua entitas, quæ sit, quandoquidem existentibus omnibus entitatibus quæ sunt, hoc posset non esse. Respondeo Maiorem esse veram, ubi est verè vnum & aliud: & ubi vnum potest existere simpliciter, alio non existente simpliciter; vel vnum manere simpliciter, alio simpliciter desinente. Alioqui enim falsum est, rem non posse manere sine modo. Nam potest res esse, & non tali modo se habere: licet modus & res sint idem realiter. Cui doctrinæ penitus necessariæ ad tuendam indistinctionem modorum, mirum est aduersarios, qui tamen modos non distinguunt, sæpius contradicere, tum in præsentî, tum alibi quando impugnant distinctionem rationis ratiocinatæ.

Ad Minorem respondeo, obiectum huius propositionis, *Mundus est duraturus*, iam non esse, sed futurum esse in eo casu, in quo mundus sit duraturus, & taliter se habiturus, sicut enuntiatur: quemadmodum obiectum huius propositionis, *Antichristus peccabit*, non est iam, sed erit, quando Antichristus peccabit. Hoc enim est quod significatur per hanc propositionem. Et falsum est esse in præsentî, id quod tantum futurum est, & verè enuntiatur esse futurum. Quando autem mundus durabit: eius duratio non erit aliud, quàm mundus ita se habens, id est, in esse accepto perseverans. Quare significatur huius propositionis, non est aliquid distinctum ab omnibus entitatibus, aut modis se habendi; quod erat probandum.

25. Tertium argumentum: Illa non sunt idem, quorum vnum potest cognosci distinctè & intuituè, alio ignorato. Sed potest aliquis etiam intuituè videre albedinem, & ignorare an de facto albedo sit à parte rei: ergo *albedo*, & *albedo est*, non significant idem. Sed hæc enuntiatio, *Albedo est*, nullam substantiam aut qualitatem significat supra albedinem: Ergo illud obiectum nec est albedo, nec res vlla, siue entitas incomplexa. Et inde fit vt ex Aristotele albedini sit contraria nigredo. At istius propositionis obiecto, *Albedo est*, oppositum est, non nigredo; sed significatur huius propositionis, *Albedo non est*. Ergo illa obiecta incomplexibilia non sunt albedo, nec vlla entitas. Similiterque vnum istorum significabilium non est aliud. Ita posset aliquis scire Petrum esse,

qui tamen ignoraret, an Petrus sedeat, vel stet. Imò si quis sciat Petrum esse; non dicit tamen se scire Petrum: hoc enim esset intelligibile: sed, se scire quod Petrus sit. Ergo quod scitur, non est Petrus. Non est autem entitas supra Petrum. Ergo est aliquid complexè significabile.

Respondeo primò, negando Maiorem summam vniuersaliter, & in sensu, qui intenditur ab aduersariis; qui hinc quoque parum coherenter philosophantur. Nam iuxta illorum doctrinam, modi sunt idem cum rebus modificatis: & tamen possunt res cognosci intuituè, non cognito modo se habendi. Ex. gr. Potest cognosci Petrus intuituè, non cognoscendo quod moueatur localiter, vt ipsimet fassentur, & patet experientiâ, si ambo simul eadem naui moueantur, & non extra respiciant. Item, potest cognosci albedo intuituè, non cognoscendo quod inhæreat; vt contingit in speciebus Eucharisticis. Secundò, ad Minorem respondeo primò, ex illa, cum maiori propositione coniunctâ, sequi existentiam albedinis non esse idem cum albedine. In quo iterum Nominales submeritis, & aperte veritati aduersantur: quelibet enim res existit seipsâ formaliter. Secundò dico, Minorem illam esse falsam. Qui enim intuetur albedinem, intuetur existentiam albedinis. Qui autem fallitur, & videt tantum apparentiam albedinis, videt aliquid existens, quod apparet esse albedo. Tertio dico, contrarium albedinis esse nigredinem: contradictorium verò albedinis simpliciter sumptæ, esse non-albedinem: Complexè verò significatæ hac propositione, *Albedo est*, contradictorium esse complexum istud, *Albedo non est*: quod tamen complexum, *Albedo est*, à parte rei, nihil est præter albedinem existentem. Complexum verò, *Albedo non est*, si verè id enuntiatur, non est à parte rei. Iueprum enim esse existimare esse à parte rei id, quod verè enuntiatur non esse à parte rei. Denique qui scit Petrum esse, nihil scit à parte rei præter existentiam Petri, complexè conceptam, conceptu enuntiativo, qui exprimitur hac propositione, *Petrus est*, vel, *Scio Petrum esse*: non autem hac simplici voce, *Petrus*, vel, *scio Petrum*, nisi subaudiendo, *esse*. Nam solâ voce *Petrus*, indicatur tantum eius in mente apprehensio; non autem scientia, seu notitia iudicativa. Et illud diligenter notandum est ex D. Thoma, q. 1. art. 2. Res quidem esse in se incomplexas, sed complexè à nobis apprehendi, & complexè significari per propositiones vocales, quæ respondent iudicio de illis factò. Absurdum verò est querere extrâ, complexionem formalem, quæ in vocibus aut conceptibus est, & à quibus extrinsecè tantum res denominantur complexè in modum enuntiabilis.

Quartum argumentum: Quando dico, Petrus est existens, ideo propositio vera est, quia Petrus de facto existit. Quod si non existeret, esset falsa: & mutatio esset solum in obiecto. Itaque obiecta istarum propositionum, Petrus existit, & Petrus non existit, cum incomplexibilia sint, diuersa sunt. Ergo non sunt Petrus,

161

At neque etiam sunt aliquid Petro additum: quia Petrus existit per se formaliter. Syncategorema verò, non, additum verbo *existit*, non significat aliquam formalitatem superadditam Petro, aut existentiam à parte rei. Restat ergo, vt obiecta harum propositionum contradictoriarum sint aliqua nonnisi verbaliter significabilia. Respondeo primò, si hæc propositio, Petrus est existens, idem est vera, quia de facto Petrus existit, vt verissimum est: Ergo non ideo est vera, quia aliquid complexum significabile ei respondet, distinctum à Petro existente, & sine quo non esset vera, vt volunt aduersarii. Si autem Petrus non existeret: propositio affirmans illum existere, esset falsa: quia obiectum non esset, sicut affirmatur. Et Petrum quidem existere, & non existere, sunt diuersa obiecta: non tanquam duæ res, sed tanquam ens, & non ens. At Petrum existere non est aliud à parte rei à Petro existente. Petrum verò non existere, non est Petrus existens, nec aliquid aliud à parte rei: sed duntaxat Petrus non existit, sicut verè affirmatur non existere. Quid enim absurdius, quam putare esse aliquid, quod non est, quodque verè affirmatur non existere?

Quintum argumentum de actione, an, & quomodo sit modus se habendi, & exercitium agentis in ordine ad effectum, solum fuit alibi, *Diff. 17. de Sacramento in genere, Sect. 6. argumento 15.* Ad id verò quod addunt, hinc sequi, posse agens cum suo illo exercitio conseruari sine effectu, atque ita causare, & nihil tamen causari: quia quando duo realiter distinguuntur Maiori realitate, & loco etiam se iuncta sunt, potest Deus conseruare vnum sine alio: Respondeo, quando aliqua ita se habent, vt sine connexa, vel dependentia essentialiter, non posse vnum sine alio conseruari. Sicut autem sunt in rebus quædam connexiones, aut dependentiæ naturales: ita sunt quædam essentialia, & absolute inseparabiles; sic v.g. modus vnionis, propterea tenet ex parte vnus extremi, non potest sine alio extremo, eiusque modo conseruari: licet ab illo distinguatur realiter maiori realitate, atque etiam loco se iungatur in vnione partium continui extensi. Nec obest quòd non-esse vnus, non sit formaliter non-esse alterius: quasi inde non sequatur contradictio, si vnum sit, & alterum non sit, vt supra diximus argumentari Nominales. Nam non-esse Dei, non est formaliter non-esse creaturæ: & tamen impossibile est creaturam esse sine Deo, propter dependentiam essentiali-tem ab illo. Et in diuinis non-esse Patris, non est formaliter non-esse Filij, aut Spiritus sancti: & tamen impossibile est vnum esse sine alio, propter absolutam necessitatem, & inseparabilitatem proprietatum inter se, & cum essentialia.

Ad sextum quod obijciunt de motu locali, respondeo, ex eo quoque malè inferri dari complexum significabile distinctum à rebus, & modis se habendi: cum motus localis nihil sit aliud, quam simplex modus se habendi rei, quæ mouetur; id est, sit res ipsa, propterea cessante transit ab vno spatio ad aliud, & vnum

post aliud implet. Transit autem & implet spatium seipsa formaliter, eo solo, quòd per ipsammet suam entitatem est modò in hoc, modò in illo spatio: sine accessu vilius nouæ entitatis, aut modalis entitaturæ distinctæ, per quam formaliter constituitur in loco: vt fuissemus ostendimus Tomo quarto, *Disp. 5. Sect. 6. num. 65. & sequentibus.*

Septimum argumentum: Supponamus Petrum abstinere à cibo. Erit verum quòd abstinere. Hoc autem quænam entitas erit? an Petrus? an cibis? an vtrumque? Neutrum certe. Cum igitur id, quod per illam propositionem significatur, non sit res aliqua; sequitur vt sit aliquid complexè significabile. Respondeo, quod iam sæpius dixi, mirabilem esse hallucinationem putare esse id, quod verè affirmatur non esse. Dicere enim Petrum abstinere à cibo, est dicere Petrum non comedere. Si ergo id verè dicitur; non est à parte rei id, quod verè dicitur non esse. Et hoc ipso, quòd non est, propositio vera est: non autem quia ei respondet verum aliquid complexè significabile existens à parte rei, vt malè inferitur in conclusione argumenti propositi. Eodem modo soluitur id quod addunt de peccato puræ omissionis. Quod verò afferunt ex Aug. & Nazian. ad probandum peccatum etiam commissionis nihil esse aliud, quàm complexè significabile: inutiliter obijciunt. Nam illi, vt ex textu liquet, negantes peccatum esse rem aliquam, aut essentiam, per rem, & essentiam, intelligunt substantiam; solùmque volunt peccatum non esse substantiam aliquam, à Deo creatam, vel increatam: sed esse actum, & opus nostrum, scienter scilicet, & liberè commissum: vel omissionem liberam actus, & operis debiti.

Octauum argumentum: Si mundus nunquam fuisset futurus, propositio quæ dixisset mundum non esse futurum, fuisset vera. Et tamen quam rem significauisset? Et quæ res se habuisset, vt significatum fuisset? Certè nulla; quia nulla fuisset. Item, antequam Deus operaretur sciebat se non operari. Quæro, quam rem sciebat quæ vocaretur, *Deus non est operatur*? nulla certe; nulla enim erat præter Deum. At scire quòd Deus non operatur, non est scire Deum, sed scire quòd Deus non operetur. Item, si dicas, Petrus est pulcher sicut Angelus: aliquid significas. Quæro quid, quod vocetur *Petrus est pulcher, sicut Angelus*? Et cum terminus iste, *sicut*, sit consignificatiuus, significatne aliquam scipitatem, seu rationem, quæ vocetur, *sicut*.

Respondeo duas priores instantias procedere ex falsa imaginatione, quòd obiectum propositionis veræ negativæ, debeat esse aliquid existens à parte rei: cum potius ad veritatem propositionis debeat non esse. Nam propositio negatiua non est vera, ex eo quòd res significata, est: sed ex eo quòd non est, sicut verè negatur esse. Ad tertiam dico, propositiōnem illam significare Petrum, & Angelum, comparatos inter se, vt similes, ob singularem Petri pulchritudinem, in qua dicitur Petrus esse Angelo similis. Quære nihil significatur præter Petrum, Angelum, pulchritudinem; & comparisonem

Quartus
reorquetur.

37.
Actio
non potest
esse
sine termino.

Obiectum
quod verè
negatur
esse,
non est.

30.
Obiectum
propositionis
de futuro,
nondum
est.

29.
Motus
localis
est
modus
modi.

parationem intellectus, vnum ad alium referentis, vt similem.

32. Obiectū propositionis de impossibili nihil est.

Nonum argumentum : *Quæro*, inquit, an obiectum istius propositionis sit impossibile, *homo est leo* ? Id certè negari nequit. Illud tamen nec est homo, nec leo, nec vtrumque. Quid ergo ? certè non nisi significabile, impossibile repetiri à parte rei. Respondeo obiectum illud nihil esse, siquidem est impossibile: Et impossibile, nihil est: quia nec est, nec esse potest. Estque absurdum quærere aliud, quod sit obiectum istius propositionis.

33.

Decimum argumentum : Si non darentur illa enuntiabilia, non præberemus assensum enuntiabilibus, sed rebus incomplexis. Itaque si quis assentietur quòd Deus creauerit mundum, assentietur aut Deo, aut mundo, aut vtrique: quod est absurdum. Item, quis iudicat Petrum esse probabilem ? aut Petrum, & aliquas spari partes, esse probabiles ? Et tamen fieri potest vt sit probabile Petrum esse, & Petrum moueri. Itaque res simplices non dicuntur scibiles, credibiles, aut probabiles: sed dumtaxat obiecta complexa. Item, nulla res creata, est necessaria. Et tamen si totum sit, necessarium est vt sit maius sua parte. Respondeo, nos non præbere assensum fictis illis enuntiabilibus, sed veris, id est, rebus aut modis se habendi, complexè significatis, & assertiue enunciatis, siue absolute, siue comparatiue cum rebus alijs. Et vt optimè asserit D. Thom. q. 1. art. 2. Ea, quibus præbemus assensum, sunt in se formaliter incomplexa in modum enuntiabilis: à nobis verò complexè concipiuntur, & enuntiantur. Sic cum assentitur Deum creasse mundum, assentior non Deo, & mundo absolute, sed Deo comparato cum mundo, & eius creatione, quatenus scilicet Deus mundum produxit per creationem. Quod totum nihil est præter res, & modum se habendi, assertiue comparata, & enuntiata per actum intellectus, & vocalem propositionem. Similiter, scibilia, credibilia, & opinabilia, dicuntur res, aut modi se habendi, non incomplexè concepta, sed assertiue enuntiata. Quod verò necessariò totum sit maius sua parte, nihil est præter proportionem excessus rotius ad partem inseparabilem à toto quandiu manet totum. Et quamvis nil creatum sit necessarium absolute: multa tamen sunt necessaria ex suppositione aliqua; vt quod si est homo, sit ens creatum; si est totum, sit maius sua parte.

Obiectū assensus sunt res ipsæ, aut modi se habendi.

34. Aiunt denique nihil ad sua argumenta diluenda iuare effugium recurrentium ad aliqua non-entia incomplexa. Verùm ex dictis constat nos eò non recurrere, sed eorum hallucinationem apertè detexisse. Scimus enim negationes propriè sumptas non esse: & implicare contradictionem non-entia esse, id est, ea quæ non sunt, esse. Quod si in vulgari loquendi modo negationes dicuntur esse, vt cum dicitur esse cæcitas, esse surditas; esse tenebræ, quo modo loquendi vitur etiam Scriptura, dicens Gen. 1. v. 2. *Tenebra erant super faciem abyssi*: sensus harum propositionum est, Non est visus, non est auditus, non est lux. Non est, inquam, sensus quòd sit non-lux; sed, quòd non sit lux. Dixi *negationem propriè*, id est, prout sumitur pro non-ente, seu negatione entis; aliter enim sumitur negatio à Philosophis pro termino simplici negatiuo; siue categorico, vt non-homo, non-videns, cæcitas, surditas, &c. siue syncategorematico, vt, non, *minimè*, *nequaquam*: itenique pro propositione vocali negante; atque etiam pro dissensu intellectus; quæ omnia positiua sunt. Nam termini illi incomplexi, & propositio vocalis negans, non minus sunt ens positiuum; quàm alij termini positiui, & propositio affirmans. Dissensus quoque intellectus circa falsum, non minus est actus positiuus, quàm assensus circa verum: Falluntur enim Nominales illi, contra quos disputamus, eam aiunt dissensum non esse aliud, quàm assensum oppositi: Nam quem admodum odium, & auersio mali, est actus formaliter differens ab amore, & complacentia boni: sic dissensus intellectus, qui est auersio, & abhorrentia falsi, differt formaliter ab assensu, qui est adhæsiō & acceptatio veri. Neque enim minor est vis intellectus ad assentiendum verò, & dissentendum falso; quàm voluntatis ad amandum bonum, & malum auersandum. Quod satis patet ipsa experientia. Et vt ait S. Thomas 2. 2. q. 20. a. 1. in corp. post Aristotelem 6. Ethic. cap. 2. Illud quod in intellectu est affirmatio, & negatio, est in appetitu profectio, & fuga. Et quod est in intellectu verum vel falsum, est in appetitu bonum, vel malum. Nec quicquam afferunt Nominales in contrarium, longiori dignum refutatione. Hæc igitur per digressionem, hoc loco & tempore necessariam, de complexo significabili dicta contra illos sufficiant.

Negationes propriè non sunt.

34. Dissensus & assensus sunt diuersi actus.



DISPUTATIO

TERTIA.

Vtrum obiectum Fidei sit necessariò verum, ita vt Fidei falsum subesse non possit?

- Sectio I. *Statuitur pars affirmatiua.*
 Sectio II. *Soluntur aliquæ difficultates desumptæ ex Scriptura.*
 Sectio III. *Enodatur alia difficultas de reuelatione falsò presumpta.*
 Sectio IV. *Respondetur argumentis contra doctrinam præcedentem propositis.*
 Sectio V. *An saltem possit fides inclinare ad falsum?*
 Sectio VI. *An certum sit assensum fidei, supernaturalis non posse esse falsum?*
 Sectio VII. *Soluntur argumenta contrariæ sententiæ.*

DE veritate obiecti fidei disputat S. Thom. q. 1. a. 3. vbi docet non posse fidei subesse aliquod falsum. Quia nihil subest ali- cui potentia, vel habitui, aut etiam actui, nisi mediante ratione formali obiecti: sicut color videri non potest nisi per lumen: & conclusio sciri non potest nisi per medium demonstrationis. Formalis autem ratio obiecti fidei est veritas prima. Vnde nihil potest cadere sub fidem, nisi inquantum stat sub veritate prima; sub qua nullum falsum stare potest: sicut neque non-ens sub ente, neque malum sub bonitate. Ideoque non potest fidei subesse falsum. Hæc D. Thomas: cuius doctrina sequentibus Sectionibus illustranda & confirmanda est.

SECTION I.

An, & quomodo obiectum fidei sit necessariò verum?

i.
Crediti
fide diui-
nâ est ne-
cessariò
verum, ex
hypothe-
si reuelati-
onis.

Respondeo quicquid per fidem Catho- licam creditur, esse necessariò verum vel absolutè, vel ex suppositione diuinæ reuelationis, propter quam creditur: atque ita falsum non posse fidei subesse. Explicatur, & probatur responsum. Primò, quòd fidei falsum subesse nequeat, docent omnes Theologi cum D. Thoma q. 1. art. 3. & supponit apertè Trident. Sess. 6. cap. 9. in fine, his ver- bis: *Cum nullus scire valeat certitudine fidei, cui*

non potest subesse falsum, se gratiam Dei esse con- secutum. Quare sine errore non potest id ne- gari. Secundò, eorum, quæ creduntur quæ- dam sunt per seipsa absolutè necessaria; vt quòd Deus sit vnus in essentia, & trinus in per- sonis, immensus, æternus, omnipotens, & quæcumque alia pertinent ad esse intrinsecum, & substantiale Dei. Alia verò sunt per se con- tingentia, seu non-necessaria absolutè: vt quæ reuelata sunt de actibus Dei contingentibus, deque eius operibus: ex. gr. de prædestinatio- ne, de Incarnatione, de Christi vita, & mira- culis, de bonis vel malis operibus Angelorum, & hominum, æternæque retributione. Et licet veritates, quæ de his reuelantur à Deo, sint per se contingentes: ex suppositione tamen quòd à Deo sint reuelatæ, necessariæ sunt:

quia Deus non potest reuelare falsum pro vero: quare impossibile est stare falsitatem in sensu composito cum reuelatione diuina. Ideoque quicquid a Deo reuelatur, est necessarium verum, ex hypothesi reuelationis: quia non potest esse falsum, & esse reuelatum a Deo: necessarium autem est, id omne, cuius oppositum non potest esse.

2. Dixi, *eo sensu, quo reuelatur*: quia non semper est Dei intentio uti propositionibus vniuersalibus in rigore metaphysico; sed non raro eas usurpat in sensu morali, in quo parum pro nihilo reputatur, & dicitur omne, vel totum, id quod ferè totum est. Vt quod dicitur Gen. 6. *Omnes homo corruptus* uiam suam: intelligendum est excepto saltem Noë, de quo ibidem dicitur, *Noë uir iustus, atque perfectus fuit in generationibus suis*. Interdum etiam conditiones quedam subintelligendæ sunt in propositionibus specie tenus absolutis: ut Ionæ 3. v. 4. *Adhuc quadraginta dies, & Ninine subuerietur*: supple, nisi penitentiam egerit. Et Ioël 2. v. 32. *Omnes qui inuocauerint nomen Domini, saluum erit*: supple, si bene inuocauerit, & non desint adiuncta necessaria. Neque enim qualiscunque inuocatio sufficit: Cum Deus ipse Prouerb. 1. v. 28. sic affirmet, *Tunc inuocabans me, & non exaudivi, eo quod habueris exosam disciplinam*. Non est autem cuiusvis apponere huiusmodi exceptiones, vel conditiones; sed debent esse notæ, vel ex Scriptura ipsa, vel ex certa traditione, vel ex authentica declaratione, vel ex ipsamet propositionis euidencia, aut graui aliqua & euidenti ratione sine inconuenienti. Interdum etiam Dei uerba non habent eum sensum, secundum intentionem Dei reuelantis, quem primâ specie pte se ferunt: sed ex varijs circumstantijs prudenter expendenda sunt. Vnde simplices, præcipites, & minus considerati sumunt errandi occasionem, ut patebit ex Sect. sequenti: semper tamen illud omne, quod a Deo reuelatur, est uerum infallibiliter eo sensu, quo reuelatur: cum sit penitus impossibile Deum, vel falli circa id, quod reuelat; alioqui esset ignarus, & falsò iudicaret: vel loqui contra suum iudicium, & mentiri; quia id est turpe, & disconueniens obiecto. Deus autem non potest turpiter agere, neque falsò iudicare, aut aliquid ignorare.

3. Probatur responsum. Iam verò fides supernaturalis ex natura sua fertur infallibiliter ad Dei reuelationes, secundum sensum reuelantis, nec quidquam credit, nisi à Deo reuelatum, & eo sensu, quo Deus reuelauit. Est enim essentialiter annexa Dei reuelationi, tanquam obiecto formali ut liquet ex dictis Disput. 1. Sect. 4. quare non magis potest fidei subesse falsum, quam diuine reuelationi. Quod amplius confirmatur, quia assensus fidei Theologicæ est actus supernaturalis, qui non potest fieri sine speciali Dei auxilio, ex Trid. Sess. 6. can. 3. At Deus non potest esse causa specialis actus turpis & indecentis, cuiusmodi est assensus falsus in intellectu, & affectus inhonestus in voluntate: quare assensus fidei Theologicæ non potest esse falsus. Quod non modò uerum est de potentia ordinaria, sed etiam de absoluta. Implicat enim

Deum esse causam specialem actus turpis, & indecentis; atque ac peccati. Implicat etiam Deum turpiter agere, & falsum pro uero testari. Estque euidenter hæreticum, quod senserunt Priscillianistæ, teste D. Augustino, lib. de hæresibus, hæresi 70. & libro contra mendacium cap. 2. Deum de potentia ordinaria mentiri posse, & de facto mentitum esse. Cum è contrario Scriptura dicat Num. 23. v. 19. *Non est Deus quasi homo, ut mentiarur*. Et Rom. 3. v. 4. *Est autem Deus uerax, omnis autem homo mendax*. Et Ioan. 8. v. 26. *Quò me misit, uerax est*.

Erroneum item est quod dixerunt aliqui Nominales, Petrus de Alliaco in 1. q. 12. art. 3. ^{4. error cō-} dub. 3. propositione 4. Adamus Goddard in 3. ^{trarius.} dist. 14. q. 5. dub. 2. in fine, & Gabr. in 3. dist. 12. q. vnica art. 3. dub. 1. litera, D. Deum de potentia absoluta posse reuelare falsum, & mentiri: quia id non implicat contradictionem: Et potest Deus se solo causare omnem actum, quem causat cum creatura. Causat autem cum ea mendacium: Ergo & se solo potest. Sicut etiam, inquit, potest se solo causare odium Dei: Et probabile est dicere, quòd Deus tanquam causa totalis producat, vel conseruet odium sui in voluntate fidei apostata, inquit Gabr. supra citatus: addens se id non dicere asserendo, sed tantum recitando, & desiderando informari. Quo artificio solet uti, quando absurda quadam & temeraria, vel erronea interdum proponit. Sed audacior factus in 3. dist. 34. q. vnica, art. 3. lit. M. absolute asserit Deum, si non per se, saltem per alium, non modò mentiri posse de potentia absoluta, sed reipsa, & de facto mentiri. Affirmat enim mentiri aliquos consilio Spiritus sancti, ut Iacob, inquit, quando Isaac patrem suum decipit. Falsum enim dixit, licet non peccauerit, neque iniuste, vel inordinate fecerit, quia familiari Spiritus sancti consilio id fecit. Et per hoc, inquit, multa mendacia excusari possent.

Sed contra: primò, Scriptura diuina non minùs remouet à Deo mendacium, quàm mutabilitatem, cum sic ait Num. 23. v. 19. ^{6. Deus non} *Non potest* *est Deus quasi homo, ut mentiarur; neque ut falsum hominis, ut mutetur*. Atqui mutatio repugnat Deo absolute: Ergo & mendacium. Item, Scriptura non ibi Deum comparat cum hominibus in eo solum, quòd non mentiarur actu: Nam aliqui homines nunquam de facto mentiti sunt, ut B. Virgo: sed in eo, quòd mentiri non possit, quòd nulli homini puro conuenit. Et quòd clarius est, Paulus Hebr. 6. v. 17. & 18. sic ait: *In quo abundanter uolens Deus ostendere pollicitationis hereditatis immobilitatem consilij sui, interposuit iuramentum: ut per duas res immobiles, quibus impossibile est mentiri Deum, fortissimum solacium habeamus*. Vbi docet Deum ex abundanti, id est, sine necessitate, addidisse iuramentum promissioni suæ, ut ostenderet eius immobilitatem: quippe quia promissio diuina per se solam immobilis est: estque omnino impossibile mentiri Deum, siue promittendo solum, siue iurando: ita ut tam promissio, quàm iuramentum, sint duæ res immobiles, quibus singulis impossibile est Deum mentiri. Loqui-

tur autem de impossibilitate absoluta. Tum quia aliqui non haberemus fortissimum solarium: possemus enim dubitare, num Deus esset vsus potentia sua absoluta, si de potentia absoluta mentiri posset; & neque posset nobis, ex eius verbo, aut aliunde; certo constare quod non vtatur; vt ostendimus paulo post. Tum etiam, quia Paulus absolute ait id esse Deo impossibile. Nihil enim dicitur simpliciter esse Deo impossibile, nisi quod est absolute impossibile. Quis enim dicat simpliciter, esse Deo impossibile annihilare Angelos, vel Spiritum sanctum vnire hypostaticè alicui naturæ creatæ: quamvis id non possit de potentia ordinaria? Quod si Deo absolute impossibile est mentiri promittendo: ita est impossibile mentiri quidquam aliud asserendo. Nam qui potest absolute loquendo esse mendax: potest etque absolute esse infidelis, aut mendax in promittendo. Et cui non repugnat absolute vna istarum imperfectionum: non repugnat altera.

Secundo, sancti Patres docent communi consensu tam esse impossibile Deum mentiri; quam Deum non esse Deum, aut non esse omnipotentem. Sed absolute impossibile est Deum non esse Deum, vel non esse omnipotentem; Ergo, &c. Athanasij verba lib. de Incarnatione Verbi hæc sunt: *Absurdum est Deum in suis verbis mentiri. Non enim Deus fuisset, si cum dixisset nos perituros, non perissemus.* August. lib. 1. de Symbolo cap. 1. *Deus omnipotens est: & cum sit omnipotens, mori non potest: falsi non potest: mentiri non potest: & quod Apostolus ait, Negare seipsum non potest. Quam multa non potest, & omnipotens est? Et ideo est omnipotens quia ista non potest. Nam si mori posset, non esset omnipotens. Si mentiri, si falsi, si iniquè agere, non esset omnipotens. Quia si hoc in eo esset, non fuisset dignus, qui esset omnipotens.* Et Ansel. lib. 1. Cur Deus homo, cap. 12. *Non sequitur, inquit, si Deus vult mentiri, iustum esse mentiri: sed potius Deum illum non esse.* Plura Patrum testimonia vide apud Valentiam q. 1. de fide, Puncto. 3. col. 6. §. secundo probatur ex Patribus; & Suar. Disp. 3. Sect. 5. n. 7. qui etiam num. 6. meritò ait sibi videri tam certum esse de fide Deum absolute mentiri non posse, quam non posse mentiri de potentia ordinaria. Tum quia Scriptura & Patres æqualiter verumque docent: Tum etiam quia vnum sine altero certum esse non potest. Vnde enim certò haberemus Deum nunquam vti tali potentia? An quia Deus in Scriptura hoc dixit locis citatis? At dubium esse posset num Deus, hoc dicendo, suâ potentia absolute sit vsus. An quia statuit nunquam mentiri, & voluntatem mutare non potest? At si Deus mentiri potest; hoc eius statutum, & voluntas, non potest nobis certo innotescere. Non enim potest innotescere, nisi reueletur à Deo. Cùmque hæc reuelatio nobis tantùm innotescat per verbum Dei: si verbum ipsum potest esse falsum, nullâ viâ nobis certò constat Deum non vti potentia mentiendi. Potest autem verbum illud esse falsum, si Deus absolute potest mentiri. Item, vel dedecet Deum actum mentiri, ita vt men-

tiendo turpiter ageret: vel non. Si primum; Ergo absolute impossibile est Deum mentiri; quia nequit agere turpiter. Si secundum: Ergo qui dicit Deum actum mentiri, nihil indecens illi tribuit, nec habet certò aliunde quod nunquam mentiat. Consenti etiam Egidius Coninck, disp. 10. dub. 1: vbi num. 14. ait apertum videri blasphemiam, & hæresim, dicere Deum de potentia, etiam absolute, posse mentiri.

Tertio, accedit ratio suprà insinuat: quia scilicet mendacium est intrinsecè malum: & Mendacium est malum intrinsecè. non tantum est malum, quia prohibitum; sed ideo prohibitum, quia de se malum. Est enim per se disconueniens naturæ rationali, sive intellectuali, & fini, propter quem locutio est instituta (qui finis est societas, & communicatio) aliud sentire, & aliud loqui: extrinsecèque proferre, & testari tanquam verum, id, quod interius iudicamus esse falsum. Est etiam intrinsecè malum, nec vinqum potest esse honestum impugnare veritatem, illamque euertere suo testimonio, quantum in se est. Atque hoc ipsum esse de fide docet S. August. hæresi 70: & duobus libris de mendacio, & contra mendacium. Si autem vllum testimonium est disconueniens falsitati: maximè diuinum. Id est, si falsum est indignum testimonio vilius alterius: multò magis indignum est testimonio Dei, supremæ veritatis & auctoritatis in testificando. Est enim valde indecens, & indignum, firmare mendacium supremæ auctoritate, & veracitate, cui nihil magis repugnat. Vnde etiam grauiter peccare censetur quicumque quavis de causa Deum inuocat in testem falsitatis. Quare si Deus testimonium suum præberet falsitati, valde malè & turpiter ageret, id est, disconuenienter naturæ suæ intellectuali, ex cuius debito, & necessitate naturali, teneretur non falsò loqui, æquè ac non malè agere. Tàmque est impossibile Deum mentiri, quam peccare. Nam peccaret si mentiretur: quia quisquis liberè exercet actum malum, & disconuenienter naturæ suæ, peccat. Deus autem, si mentiretur, scienter & liberè exerceret actum malum, & naturæ suæ disconuenientem. Ergo peccaret.

Addè quòd si Deus quâcunque potentia mentiri posset; non esset summa veracitas; sicut non esset summa bonitas, si quâcunque potentia peccare posset & malè agere. Maior enim esset illa veracitas, & bonitas, quæ nullâ potentia posset à veto & à recto aberrare. Talem verò, & tantam veracitatem, ac bonitatem non esse possibilem, ac non esse reipsâ in Deo, ineptum est & Deo iniuriolum asserere. Item, si Deus posset absolute mentiri, non haberet summam & infinitam auctoritatem in dicendo, id est, in persuadendo verum esse quod dicit. Debet enim, qui talis est, excludere omnem formidinem omnipotè vi sui testimonij. At hoc non facit, si potest absolute mentiri. Neque est summæ auctoritatis: quia manifestè maior est illius auctoritas, qui absolute mentiri non potest. Deus autem habet summam & infinitam auctoritatem in dicendo, cùm sit simpliciter infinitus in omni genere perfectionis, & habeat formaliter omnem perfectionem

Deus non
esset su-
ma vera-
citas, si
posset
mentiri.

simplicem, id est, quæ melior est ipsa, quam non ipsa, aut quælibet alia impossibilis cum ipsa. Cuiusmodi est summa auctoritas in dicendo, quæ manifestè melior est quam non ipsa, aut quam potestas mentiri ipsi opposita, & impossibilis cum ipsa. Concludo itaque Deum absolute mentiri non posse: neque magis posse caderè in Deum mendacium, quam peccatum.

8. Non potest etiam mentiri per alium.

Ex quo infero primò, esse quoque impossibile Deum mentiri per alium, id est, falsum pro vero testificari quando per alium revelat. Patet, quia id quoque turpe & disconueniens est; & qui per alium facit, per se facit moraliter; & Scripturæ loca suprâ citata loquuntur de revelationibus per alium factis in Scriptura, per Angelos, vel Prophetas, & Scriptores sacros; adiungunt Deum in illis mentiri non posse.

10. Instantiæ variæ ex Scriptis.

Nec præcipere mendacium.

Infero secundò, Deum non posse præcipere alicui ut mentiat. Quia sicut ab infinita Dei bonitate alienissimum est peccare & mentiri: ita ab eadem alienissimum est hoc alteri præcipere. Ac sicut non potest esse causa peccati: ita neque mendacii, quod intrinsecè peccatum est: esset autem causa, si præciperet; ob eandemque rationem, impossibile est Deum aliquem directè incitare, siue impellere ad mendacium. Quia esset causa peccati, & mendacii, si ad ipsum sollicitaret, aut impelleret: Infero tertio, non posse Deum in suis creaturis esse causam specialem assensus falsi: quippe actu indecentis & turpis. Neque alicui habitum erroris, aut falsæ opinionis infundere: quia aliqui ipsi, vt causa specialis, in actum turpem inclinat directè, & in errorem positivè induceret: quod à summa veritate & bonitate alienissimum est. Cum enim talis habitus per se directè in errorem, vel falsam opinionem inclinet; Deus illum infundendo, per eum directè inclinat intellectum in errorem, vel falsam opinionem: atque ita esset causa specialis talis actus indecentis. Nam qui aliquem directè inclinat, siue incitat ad errorem, est ei verè causa erroris. Vt qui impellit aliquem ad peccandum, est ei directè causa peccati. Confirmatur, quia talis habitus est forma dedecens tale subiectum, & indigna, quæ primæ veritati tribuatur, vt causæ speciali. Potest tamen Deus talem habitum antea productum conservare solo suo influxu generali, quando causæ secundæ id exigunt naturaliter. Infero quartò, propter eandem rationem non posse Deum species sensibiles, aut intelligibiles, inexcitabiliter ad errorem inducentes producere se solo, vel infundere: neque vti in reuelando oratione ambiguum habentem sensum obtentum falsum, & sensum verum adeò latentem, & obscurum, vt nemo eum possit vllâ ratione assequi, aut prudenter coniectare eum subesse: quia sic nobis loquendo, esset moraliter causa erroris & assensus falsi. Potest tamen iuris de causis vti interdum verbis obscuris, & ambiguis, & in quibus aliquid tacitè subintelligitur; habentibus tamen à parte rei, etiam propter exterius cum suis circumstantiis exprimuntur, verum aliquem sensum prudenter intelligibilem, & moraliter cognoscibilem: licet

prævideat aliquos imprudenter inde sumptuosos erroris occasionem, vt patebit Sect. sequenti. Sed eiusmodi assensus imprudens, & falsus, non est actus fidei Theologicæ, quæ semper versatur circa Dei reuelationes eo sensu, quem Deus ipse intendit.

Ad primum autem Gabriëlis argumentum respondeo, implere contradictionem, summam veracitatem mentiri, æquè ac summam bonitatem peccare. Ad secundum, nego Deum posse se solo causare omnem actum, quem causat cum creatura, etiam actum turpem & peccaminosum: esseque blasphemum & Christiano pectore indignum, quod Gabriël ait de odio demonum. Quod verò addit citatè dist. 38. de consilio familiari Spiritus sancti ad mentientem, est patiter blasphemum, & incidit in hæresim Piscilianitarum, de qua diximus num. 3. Est, inquam, falsum vniuersaliter illud principium Gabriëlis, Deus potest se solo producere, & totaliter omnes effectus causarum secundarum; quia est causa persolissima; & non implicat quod effectus fiat, à quocumque fiat. Ex quo falso principio, tam malè stabilitum, sequitur hæresis & blasphemia superius refutata, & iampridem damnata ab Ecclesiâ.

SECTIO II.

Soluntur aliqua difficultates desumptæ ex Scriptura.

Contra doctrinam propositam obijciuntur primò quedam Scripturæ loca, quæ videntur esse contradictoria: atque adeò falsa ex aliqua parte: duorum enim contradictorium vnum est verum, & alterum falsum. *Huiusmodi sunt quæ sequuntur:* Genes. 1. dicitur Deus sex diebus mundum creasse. At Ecclesiastici 18. v. 1. dicitur, *Qui vivit in æternum, creavit omnia simul.* Item, Genes. 32. v. 30. Iacob Patriarcha, sic ait: *Vidi Dominum facie, ad faciem, & salus facta est anima mea:* Contrà verò, Exod. 20. v. 20. Deus sic affirmat, *Non videbit me homo, & vivet.* Eodem capite, versu quinto, protestatur Deus se visitare iniquitatem patrum in filios vsque in tertiam, & quartam generationem; cuius contrarium dicitur Ezech. 18. v. 20. *Filius non portabit iniquitatem patris.* Vterius, Iob. cap. 2. sue historiæ affirmat se peccasse: *Peccavi, inquit; quid faciam tibi o custos hominum?* Contrariumque asserit cap. 27. v. 6. *Neque enim, inquit, reprehendit me cor meum in omni vita mea.* Rursus Ioan. 20. v. 1. Maria Magdalena dicitur *venisse mane ad monumentum cum adhuc tenebre essent.* At contrà, Marc. 16. v. 2. *Veni ad monumentum orto iam sole.* Et Matth. 28. v. 1. *Vespere autem Sabbathi, quæ lucebat in prima Sabbathi, venit Maria Magdalena videre sepulchrum.* Item Rom. 3. v. 18. Paulus sic loquitur: *Arbitramur iustificari hominem per fidem, sine operibus legis.* Contrarium scribit Iacobus cap. 2. sue Catholice, v. 24. *Videtur quia ex operibus iustificatur homo, & non ex fide tantum.* Alia plura contradictionis speciem habentia colligit Becanus cap. 3. de fide, q. 8. num. 7.

11.
Conci-
liatur
lo-
ca Script.
apparen-
ter con-
tradictio-
ria.

Ad primum respondeo, particulam, *simul*, eo loco accipi pro, *aque*, seu *pariter*: sensumque Ecclesiastici esse, quod Deus sit æquè omnium creator, licet multa successivè creaverit. Sicut cum dicitur Psal. 48. v. 11. *Simul inspiens & stultum peribunt*: sensus est quod pariter peribunt: non autem, quod eodem tempore vel eodem instanti. Ad secundum dico, Iacob loqui de familiari visione sub specie externa: Deum autem in Exodo loqui de visione suæ essentiz in seipsa, quæ iustis non conceditur, nisi post mortem. Ad tertium respondeo Deum in Exodo loqui de pœna temporali: apud Ezechielem verò loqui de pœna spirituali privationis gratiæ, & damnationis æternæ: de qua ibidem ait, *Anima, quæ peccaverit, ipsa morietur*. Illa in filios deriatur: ista non, excepto peccato originali, de quo non est ibi sermo. Ad quartum respondeo, Iobum cap. 2. loqui de peccatis levis, seu venialibus: cap. verò 27. loqui de mortalibus. Ad quintum respondeo Magdalenam domo profectam esse dum adhuc tenebræ essent, & pervenisse ad monumentum orto iam sole. Vespere autem Sabbathi, quò lucefecit in prima Sabbathi, significat auroram diei dominicæ quæ vocatur prima Sabbathi, id est, prima dies post Sabbathum. Vesper enim auroram ibi significat, ob stellam antelucanam, quæ venus appellatur, & vespere; ut exponit Baronius ad annum Christi 34. Quamvis alijs per *vespere*, intelligant partem extremam noctis, quæ tota apud Hebræos vespere interdum vocatur. Alij malunt Magdalenam, & alias sanctas mulieres, sæpius ad sepulchrum venisse. Ad sextum respondeo Paulum pet opera legis intelligere opera legalia, non tantum ceremonialia & iudicialia; sed etiam moralia, siue decalogi, solo legis dictamine, & solis naturæ viribus facta; ut ait S. Aug. lib. de Spiritu, & littera cap. 14. sub fide verò gratiam, spem, charitatem, & reliquas virtutes supernaturales complecti. Dicit ergo Paulus opera, quæ sunt per legem, & naturæ vires, seclusâ gratiâ Christi, non iustificare. Cum verò S. Iacobus affirmat opera iustificare, intelligit opera facta ex fide, & gratia Christi. Atque ita Iacobus cum Paulo bene consentit.

Secundò, obijciunt aliqua Scripturæ loca, in quibus Deus revelavit nonnulla, quæ non eueniunt. Ut Genes. 4. Caino metuenti ne occideretur, revelavit Deus v. 15. *Nequaquam ita fiet*. Et tamen à Lamech interfecit: ut dicitur eodem cap. v. 23. & 24. Item, Isaïæ 53. & Ionæ 3. v. 4. Mors Ezechie prædicta, & Ninive subversio non euenit. Et Ioan. 7. v. 8. dixit Christus se non ascensurum ad diem festum, & tamen ascendit: ut habetur ibidem v. 10. Respondeo primò, non clarè asserit. Genes. 4. v. 23. & 24. Cainum à Lamech fuisse occisum. Sensumque esse posse, quod si Cain fuit septies punitus, id est, valde, eò quod Abelem interfecit: Lamech, qui duos alios interfecerit, punitum iri septuagies septies, id est, multò magis: eò quod pœnâ Caini teriturus non sit, & ab homicidio pagando reuocatus. Secundò, dato quod Lamech Cainum interfecerit, Respondeo Deum non promississe

Caino fore, ut omnino à nullo interficeretur: Sed tantum illi malâ conscientia terrore, & sic dicens, *Ecce egressus me hodie à facie tua, &c.* *Omnia igitur qui iustitiam me, occidet me*; respondit Deus: Nequaquam ita fiet, id est, non à quolibet occurrente occideris: sed ponam in te signum, propter quod homines vereantur te occidere: licet tandem futurum sit, ut à Lamech audaciori, & sceleratiori cæteris, occidaris. Ad alia duo loca respondeo, comminationes illas fuisse tacite conditionatas, ut solent esse diuine: & ex Dei more comminandi, & parcendi penitentibus, id facili conjici poterat. Christus verò Ioan. 7. dixit tantum, *Non ascendam*: vobiscum scilicet, vel, palam & manifestè, iuxta sensum & petitionem eorum, à quibus rogabatur ascendere publice. Vel, ut manit Toletus, particula, *Non*, sumitur pro *Nonnumquam*: iuxta id, quod mox addit. *Tempus meum nondum est impletum*, id est, nondum venit tempus meum ascendendi.

Obijcies tertio, nonnullos in Scriptura Spiritus sancti instinctu esse mentitos, aut falsum locutos. Pro quo nota, respectu Dei idem esse mentiri, & loqui falsum: Deus enim, qui novit unumquodque sicuti est, non potest falsum loqui, quin mentiatur, id est, contra mentem, seu iudicium suum, loquatur. Homines verò possunt mentiri verum dicendo: & possunt falsum dicere non mentiendo. Possunt enim habere iudicium inculpabiliter erroneum, & existimare verum esse id, quod est falsum. Si quis enim putans verum id, quod est falsum, asserat non ita esse; mentitur; quia contra mentem loquitur: quamvis non dicat falsum, quia id, quod dicit, est in re, ut dicit. Si quis autem putans esse falsum id, quod est verum, affirmat id esse falsum; non mentitur quidem, quia non contra mentem loquitur; falsum tamen dicit, quia res aliter se habet, quàm dicitur. Mendacium enim ita appellatur per oppositionem ad mentem loquentis: falsum verò, per oppositionem ad rem, quæ enuntiatur esse, aut non esse. Hoc supposito, probatur aliquos Spiritus sancti instinctu esse mentitos, aut falsum locutos. Primò enim, Abraham Gen. 22. v. 5. dicens pueris se reversurum ex monte cum Isaac, mentitus est, licet verum dixerit: putabat enim se Isaac occisurum. Et tamen instinctu diuino locutus est, ac prophético spiritu, ut docet Ambrosius lib. 4. de Abraham cap. 8. Item, Gen. 27. v. 19. Iacob mentitus est, cum dixit, *Ego sum primogenitus tuus Esau*. Et tamen Spiritus sancti instinctu loquebatur, ut definit Innocentius Papa in cap. *Gaudemus*, de divorzijs. Et Ioan. 9. v. 31. Cæcus à Christo illuminatus, dicens, *Scimus quia peccatores Deus non audit*, falsum dixit, licet non sit mentitus: Nam constat ex Math. 7. v. 22. & 23. Deum interdum audire peccatores; etiam ad patranda miracula.

Respondeo primò, non omnia, quæ in Scriptura narrantur, dicta vel facta à quibuslibet personis, fuisse dicta, vel facta instinctu Spiritus sancti: cum certum sit Scripturam referre historicè multorum malè dicta, & malè facta. Secundò, ne omnia quidem Patriarcharum, & eto;

12.
Mentiri,
& falsum
dicere,
non sunt
idem.

13.
Quomodo
euenit
quod
Deus de
Caino
prædix-
erat?

Scriptura
quomodo
do, &
quatenus
est à Spi-
ritu san-

similium, quamvis factorum, dicta vel facta, debere aut posse a peccato excusari. Cuius rei exempla de Davidis adulterio, & literis Uriæ datis, de Samsonis amore erga Dalilam, de Iudæ accessu ad Thamar, de Petri negatione, similibusque alijs, possunt facili occurrere. Tertio, neque omnes, qui inducuntur in Scriptura loquentes, loqui instinctu Spiritus sancti: ut de cæco illo à natiuitate (cuius tamen verba verum aliquem sensum habere possunt) August. Beda, & alij plerique affirmant. Quamquam si loquentes inducantur personæ, infallibiles aliunde in ea materia, ut Christus, Apostoli, Prophetæ, Angeli beati, in materia religionis; vera sunt & divina, quæ ab illis dicta referuntur. Idemque dicendum, si loquantur dogmaticè personæ sanctiores, quas Scriptura laudat, & ex quarum dictis Ecclesiæ & Patres solent argumentari: ut sunt Moyses, Abraham, &c. Quartò, licet non desint Doctores, qui dicant Abraham, & Iacob, locis in obiectione citatis, non esse locutos instinctu Spiritus sancti, sed dissimulandi causâ esse mentitos: meliùs tamen D. Aug. & alij respondent, Abraham Spiritus sancti instinctu prophetasse, neque contra mentem suam locutum esse, quia sperabat filium suum breui post immolationem ad vitam reuocandum, ut implemur promissiones de illo factæ. Quod significat Paulus Hebr. 11. sic dicens: *Fuit Abraham obulus Isaac, arbitrans quòd & à mortuis suscitare potens est Deus.* Porrit etiam loqui ambigüe dicens se cum filio rediturum, subintelligendo, si Deo placuerit. Erratque iusta causâ loquendi ambigüe, ne famuli eius sacrificio impedimentum afferrent. Iacob quoque non est mentitus, sed callidè dissimulauit, & cum ratione æquiuocè locutus est, quando dixit, *Ego sum primogenitus tuus Esau*, representatione scilicet externâ (ut loqui solent qui in theatris personam aliquam representant) & iure primogenituræ, ob vendita sibi primogenita, Deique decretum Rebecæ significatum, quando ei reuelatum est fore ut maior seruiret minori Gen. 25. v. 33. Simili modo loquendi dixit Christus Math. 11. Ioannem Baptistam esse Eliam: Et Paulus Rom. 9. Omnes fideles, & in Christum credentes, esse Israëlitas, & filios Abraham.

Obijcies quartò, Deum, licet mentiri non possit, posse tamen æquiuocè loqui, & decipere; & ipsummet proficiteri se improbos in fraudem induciturum, Ezech. 14. v. 7. *Homo de domo Israël, &c. Si alienatus fueris a me, & posueris idola tua in corde tuo, &c. Et venerit ad Prophetam, & interroget per eum me: Ego Dominus respondebo ei per me, &c.* Et v. 9. *Propheta cum errauerit, & locutus fuerit verbum, Ego Dominus decipi Prophetam illum.* Et 3. Regum 22. v. 23. *Dedit Dominus spiritum mendacij in ore omnium Prophetarum tuorum.* Ibidemque v. 22. ait Dominus ad spiritum mendacij, *Decipies, & praualebis: egredere, & fac ita: imprecans scilicet illi, ut deciperet Regem Israël.* Et 4. Regum 8. Decepit Eliseus summus Prophetæ, Dei scilicet instinctu, Benadab Regem Syriæ, respondens ei, *Sanaberis*, cum sciret nihilominus eum esse moriturum. Et Iudic. 20.

v. 23. *Israhelites consulentes oraculum diuinum, num ascenderent contra Beniamitas, decepti sunt.* Et 2. Thess. 2. v. 10. *Ideo mirri illu Deus operationem erroris, ut credam mendacio.*

Respondeo primò, posse Deum iuste permittere, propter mala hominum merita, ut Prophetæ fallantur, & decipiant: & ut homines decipiantur ipso Dei oraculo circa nonnulla, propter suam temeritatem, & insipientiam: illudque Deum posse sibi tribuere, ut non impediendi, & liberè permitendi. Solent enim Scriptura Deo tribuere etiam id, quod ab ipso permissum tantùm fuit. Vt Iob. 42. v. 11. dicitur Deus intulisse illi mala, quæ ex cap. 1. constat fuisse à diabolo illata, permitte Deo.

Respondeo secundò, magnum esse discrimen inter ea, quæ Deus, per se, vel per Prophetas loquitur malis hominibus, ingratas, & sibi iniustas, quibuscum potest hostiliter agere, & ironicè loqui; at non mentiri, vel directè fallere asserendo falsum: & inter ea, quæ Deus spontè reuelat hominibus in ordine ad salutem, & finem supernaturalem, ad docendum, hortandum, &c. Etenim Deus, quæ ad salutem credenda proponit; docet simpliciter & apertè: neque potest ex proposito fallere in ijs, quæ pertinent ad regimen creaturæ rationalis, ut eas promoueat ad finem destinatum. Alioquin ageret insipienter, & liberè faceret contra suam intentionem, quod est impossibile. Quare exempla allata, & similia, nihil detrahunt paternæ & sinceræ Dei providentiæ, quæ reuelat hominibus finem & media, suamque voluntatem. Cui providentiæ repugnat indicare aliud verbis, & aliud intelligere: Idcoque certissimè tenendum est, Deum sincerè finem & media reuelasse: quod necessarium est propter infinitam ipsius bonitatem, & quia creaturas rationales condidit, non vt eis illuderet, quod Deo indignum est; sed vt ad proprium bonum, & perfectionem eas promoueret, & in illis magnitudinem suam ostenderet.

Respondeo tertio speciatim ad singula exempla in obiectione allata, Ezech. 14. Deum minari se cum pessimis Iudæis, apostatis à fide seuerè acturum: ac tum per se locuturum obscure, & ironicè, quod non est per se malum; sed multis iustis de causis potest licitè fieri; quamvis nunquam liceat mentiri: tum etiam permissurum, ut Prophetæ, ab ipsis interrogati, errent, & perperam respondeant; vel etiam Deum per ipsos obscure & ironicè locuturum, quod illis deceptionis occasio futurum sit. Similiter 3. Regum 22. Dedit Dominus spiritum mendacij, id est, permisit spiritui mendacij, id à Deo postulanti, ut illuderet Regi Israël: cui etiam Michæas primò ironicè locutus est, sciens impium Regem velle vt sibi placencia loqueretur, & victoriam promitteret. Deinde verò adiuratus respondit quod verum erat, & secundum Deum. Illud autem, *Egredere, & fac ita*, permissuè intelligendum est, non imperatiuè: vt & illud Christi ad Iudam proditorum, *Quod facis, fac citius*, regem Ioh. 13. v. 27. Eliseus verò non respondit absolute, Regem Benadab sanatum iri, neque

Quia
ibi lo-
quantur
eius in-
stinctu?

Abrahâ,
& Iacob
quomo-
do non
mentiti.

14.
Possitne
Deus de-
cipere?

Potest
permittere
se decipi-
onem.

15.
Sed non
in omni-
bus.

16.
Præcipuè
verò erga
impro-
bos, in
pernam
peccato-
rum.

Exempla
huius-
modi de-
ceptionis,
erga Re-
gem Is-
rael, 3.
Reg. 22.

56 Disput. III. de Fide, Sect. III.

Erga Be-
nadab. 4. Azaeli eius seruo sic precepit, *Vnde, dic ei,*
Regum 8. *Sanaberru.* Potuit autem Eliseus ex sensu pro-

prio id dicere, vt impio Regi iuste illudcret. Potuit etiam sine mendacio subintelligere, nisi aliunde, quam ex morbo aliquid contingeret. Possumus enim respondere secundum sensum interrogantis, & responsum limitare ad ipsius intentionem. Benadab autem ininterrogabat solum de morbo. Et quidem non ex illo morbo mortuus est, sed ab Azaele postmodum suffocatus, vt ibidem narratur. Capite autem 20. Iudic. Deus per oraculum respondens Israelitis, nihil de victoria dixit, de qua neque fuerat interrogatus, sed solum an Israelitae deberent ascendere Gabaa, & inire certamen ad vlciscendum scelus Beniamitarum. Dixitque tantum Deus vt Ascenderent, & inirent certamen. Permisit vero iuste vt prima & secunda vice caderentur; quia robori suo & multitudini non bene fidebant; vt Scriptura indicat v. 22. Neque Deum dedecet, vt exigentibus hominum peccatis occultet aliquam veritatem, & aliquid interponat, cuius occasione propter suam temeritatem fallantur. Denique vltimum testimonium Pauli 2. Thess. 2. de spiritu vel operatione erroris, debet intelligi petmissiuè, vt in prima responsione diximus generaliter.

SECTIO III.

*Enodatur alia difficultas de reuelatione
falsis præsumpta.*

17.
Reuelatio
falsis pro-
sumpta
non est
obiectum
fidei.

Objicitur præterea, quòd licet Deus non possit falsum testificari: potest tamen præsumi reuelatio quæ non sit: ita vt prudenter credibile iudicetur Deum reuelasse, cum tamen non reuelauerit. Atque ita saltem ex ea parte poterit fidei subesse falsum. Sicut enim virtutes voluntatis possunt ferri in bonum tantum apparens, si proponatur ab intellectu vt verum: ita & fides in reuelationem apparentem, propositam vt veram. Secundò, si aliquis Iudeus paulò ante Christi natiuitatem actum credidisset Christum nasciturum: & hunc actum continuasset vsque ad ipsam natiuitatem inclusuè, aut etiam post ille actus fuisset verè actus fidei diuinæ: Et tamen in fine fuisset falsus. Ergo fieri potest vt per actum fidei diuinæ credatur aliquid falsum. Tertiò, fide diuinà credimus Christum esse in Eucharistia, in qua illum adoramus. Et tamen fieri potest vt consecratio non sit rectè peracta, & non sit Eucharistia quæ esse creditur. Quartò, si quis vniuersaliter credat Scripturam sacram esse veram, & inuincibiliter erret, putando hoc aut illud esse in ea expressum, quod neque expressum neque verum est: ille quantum in ipso erit, omnino iudicabit esse expressum in Scriptura: ac si illi munus incumbit docendi alios, poterit ex dictamine conscientie bonà fide iudicare se teneri ad illud alijs annuntiandum: & illi vicissim poterunt existimare se obligari ad illud credendum, tamquam sufficienter sibi propositum.

Respondeo cum Suare Disput. 3. Sect. 13. num. 9. 18.
Mærat. Disput. 7. de Fide, Sect. 1. & quibusdam Probatum
alijs eruditissimis recentioribus, non posse reuelationem tantum apparentem adeo sufficienter proponi, vt prudenter eam examinanti verà & perfectà prudentià, sufficienter credibile iudicetur Deum reuelasse. Quia cum Deus velit vt sitissimè credamus, ea omnia quæ sufficienter proponuntur tamquam ab ipso reuelata: omnino ad eius prouidentiam spectat non permittere aliquid falsum ita nobis proponi, vt prudenter iudicemus illud esse credendum. Alioqui fides nostra vacillaret in alijs, & non haberet fundamentum certitudinis quantum Deus à nobis exigat. Cum enim Deus velit nos credere fide certà, & omnino indubitabili; debet dare indicia reuelationis tam certò & infallibiliter connexa illius veritati: vt de illa non possit iure dubitari. Posset autem iure dubitari, si indicia quæ offeruntur, & perfectà prudentià expenduntur, essent fallibilia, possetque falsæ reuelationi conuenire. Et hanc etiam prouidentiam exigit natura ipsa fidei supernaturalis. Est enim natura suà determinata ad verum; quia est virtus supernaturalis intellectus, cui repugnat falsum: nec vnquam operatur nisi ex gratia præueniente, & speciali adiutorio & directione Spiritus sancti, qui non potest dirigere intellectum ad falsum, non magis, quam voluntatem inducere ad malum. Quare vt id quod proponitur ad credendum fide supernaturali, sit verè & sufficienter illius obiectum, in quod tendere possit, & iuari ope Spiritus sancti ad credendum sicut oportet; non sufficit qualicumque propositio obiecti; sed debet esse talis, vt omnibus mortuis sufficienter propositis & expensis, prudenterque cognitis, habeatur pro verà & indubitabili, per ea indicia externa, vel interna, quæ habeant infallibilem connexionem cum illius veritate; neque possint applicari falsæ reuelationi. Indeque fit vt actus fidei supernaturalis sit extra periculum errandi, etiam vi suæ determinationis essentialis, & naturæ propriæ, exigentis auxilium Dei supernaturale ad prudenter iudicandum de motiuis sufficienti planè infallibili. Quod quomodo Deus præstiterit citra disquisitionem veritatis Christianæ religionis, & circa regulas fidei, id est, principia quædam generalia, quibus veritates fidei stabiliantur, & proponuntur infallibiliter, ostendimus totà disputatione 5. & totis disput. 7. 8. & 9. Quomodo etiam exercetur actus fidei atque ad illum Spiritus sanctus iuvet intellectum primò ad morium credendi prudenter examinandum, tum deinde ad iudicandum sitne sufficienter credibile: ac denique ad ipsum fidei assensum supernaturalem eliciendum, dicemus fusè inferius, Disput. 10. Sect. 1.

19.
Qualis
debet esse
propositio
obiecti
fidei?

Ex his patet quid respondendum sit argumentis initio Sectionis propositis. Liqueat enim falsum esse antecedens primi argumenti. Ad cuius confirmationem respondeo, negando paritatem. Vt enim rectè ait S. Thomas quest. 1. de fide art. 3. ad 1. discrimen istud est inter virtutes intellectus & voluntatis, quòd illarum actus, vt sint boni, debent esse conformes

20.
Solun-
tur argu-
menta
constrata.

Differen-
tia inter
virtutes
intellec-
tus &
volunta-
tis.

obiecto, provt est in re: adeoque esse veri, quia versantur circa rem provt est a parte rei, & ab illa, vt sic, suam bonitatem & rectitudinem accipiunt. Ex eo enim quod res est, vel non est; propositio mentalis, neque ac vocalis, est vera vel falsa: vt ait Philosophus 1. Periherm. cap. 4. At vero virtutes voluntatis versantur circa bonum & malum, provt est in cognitione, & dictamine conscientie; & ab illo suam bonitatem accipiunt: & non tantum ab illo provt est in re: Ideo enim sunt boni, quia tendunt in obiectum secundum rectam rationem appetendum. Tale autem est quicquid prudenter proponitur ab intellectu vt honeste appetibile: & re ipsa honestum est sequi dictamen conscientie: ac si quid precipit, aut prohibet, necessario parendum illi est. Quare error (si erratur) in intellectu male applicante obiecto constantiam honestatis, aut necessitatis moralis: non autem in appetitu, vt volente obiectum ita propositum ab intellectu. Quia tamen virtus appetitus fertur cum cognitione in obiectum; & eo ipso deficit ab integra perfectione, si sequitur ducem vitiosum, scilicet falsam aestimationem: existimo virtutes supernaturales non subesse illi imperfectioni; ob suam excellentiam supernaturalem, & modum operandi ex speciali motione & applicatione Spiritus sancti. Est enim plane conveniens existinare virtutes omnes supernaturales, tum ex natura sua, tum ex modo operandi, determinatas esse ad verum, & ad bonum; ita vt non sint expositae errori, vel apparentiae. Sunt enim entitatis supernaturales, cui error & malitia valde disconvenit; sicutque veluti instrumentum Spiritus sancti, per quod movet & eleuat intellectum ad assentiendum; sicut & voluntatem ad appetendum: Spiritus vero sanctus non movet ad falsum, & ad malum: ac denique sunt inchoatio quorundam status beatifici, eo fine infusae, vt certissime rectissimeque adhaereamus vero, & bono, per cognitionem, & affectum supernaturalem; cui fini non essent satis proportionatae, si possent a vero & recto aberrare. Quare 1^o. breviter & in forma respondeo distinguendo antecedens. Virtutes voluntatis possunt ferri in bonum tantum apparens, propositum ab intellectu vt verum: naturales, concedo supernaturales, nego. Ergo & fides divina, &c. Nego consequentiam: quia fides divina est virtus supernaturalis, non obnoxia deceptioni.

21.

Altera
differen-
tia inter
virtutes
supernatu-
rales.

Ad 1. Respondeo, ante & post Christi natiuitatem pertinuisse tantum ad fidem credere Christum nasciturum secundum eam differentiam temporis, pro qua erat verè nasciturus, & secundum quam id erat a Deo reuelatum: Idque solum fideles crediderunt fide divina, fide ante natiuitatem, huc post: & actus fidei Theologicæ quamvis ante inchoatus, & post natiuitatem continuatus, idem semper obiectum habuit, eandem scilicet differentiam temporis, censurè cognitam ab eo, de quo in objectione sermo fuit: qui si credidit Christum esse nasciturum, ultra illam differentiam temporis; fide solum humanam id falsò existimavit. Actus verò fidei diuinæ habet pro obiecto

Deum dixisse, & id quod dixit, esse verum, eo sensu quod dixit: quod qui credit, nunquam fallitur.

Ad 3. Respondeo non esse a Deo reuelatum quòd hic & nunc, sit rite facta consecratio. Ideoque illud in particulari non est materia fidei supernaturalis, sed in communi, quòd Christus sit in quavis hostia, rite consecrata: non est tamen sine sufficienti ratione dubitandum; sed credendum certò in communi quòd Christus sit in quavis hostia rite consecrata: vel hypotheticè quòd sit in ista, si rite consecrata fuit. Non est tamen sine sufficienti ratione de ista quoque dubitandum; sed credendum certò fide humanà; & ex tali suppositione adorandum: quia non est malè suspicandum sine causa legitima, sed potius rectè de vnoquoque sentiendum: Et ad debitum morale exercendi actiones humanas non requiritur certitudo fidei diuinæ, vel euidencia rei; sed sufficit humana prudentia, & certitudo moralis; qualis est, vt ille habeatur pro Sacerdote, qui Ordines communi more exterius receperit: Et is censetur consecrassè, de quo non est argumentum vrgens in contrarium. Quod si error ibi contingat aliquando, non imputatur adoranti bonà fide: Et cultus latræ semper ad Christum dirigitur.

Ad 4. Liqueat ex dictis vbi deest reuelatio diuina, non esse obiectum fidei supernaturalis, quantumvis præsumatur esse: & fidem non subesse cuiusque voluntati vel opinioni vt credat quicquid quolibet modo credendum iudicauerit: sed esse alligatam ex natra sua propositioni diuinæ, & reuelationi tali vt in suis conditionibus obiectiuis præuijs, ad assensum, & excitantibus intellectum vt iudicet esse credendum, sit infallibiliter connexa cum veritate: adeo vt nulla falsa reuelatio possit proponi eum ipsdem vel paribus omnino indicijs excitantibus intellectum, & voluntatem ad volendum credere. Nec obest quòd aliquis ex errore inculpabili potest existinare se obligari ad credendum aliquid, quod non est reipsa reuelatum. Neque enim propterea tenetur, neque potest illud credere fide supernaturali: quia non potest, neque tenetur ad impossibile: sed tantum tenetur conari ad credendum quantum in ipso est, vt satisfaciatur quantum potest dictantini suæ conscientie.

23.
Quomo-
do credi-
mus
Christū
esse sub
hac ho-
stia.

Quomo-
do adori-
mur.

24.
Fides di-
uina a
quo re-
gatur?

SECTIO IV.

Respondetur argumentis contrariae sententiae.

25.
Quomo-
do crede-
bant Iu-
dæi Chris-
tum ven-
tūrum?

Ad 1. Respondeo, ante & post Christi natiuitatem pertinuisse tantum ad fidem credere Christum nasciturum secundum eam differentiam temporis, pro qua erat verè nasciturus, & secundum quam id erat a Deo reuelatum: Idque solum fideles crediderunt fide diuinā, fide ante natiuitatem, huc post: & actus fidei Theologicæ quamvis ante inchoatus, & post natiuitatem continuatus, idem semper obiectum habuit, eandem scilicet differentiam temporis, censurè cognitam ab eo, de quo in objectione sermo fuit: qui si credidit Christum esse nasciturum, ultra illam differentiam temporis; fide solum humanā id falsò existimavit. Actus verò fidei diuinæ habet pro obiecto

Contra doctrinam propositam fusè disputat Adamus Tannerus quest. 2. de fide Proposition. dub. 5. num. 117. & sequentibus, vbi conatur ostendere sententiam nostram neque veram esse; neque necessariam ad tuendam fidei certitudinem. Primum illius argumentum est, quia ad sufficientem fidei propositionem non plus requiritur, quam vt illud, quod credendum proponitur, fiat prudenter & euidenter credibile, certo & indubitato fidei assensu: ita vt oppositum non sit credibile secundum re-

26.
Proposi-
tio con-
traria
sententiæ.

eam rationem. Hoc autem fieri potest nonnumquam ijs motiuis, talique propositione, qualis in obiectum etiam falsum cadere potest: vt si alicui simplici proponatur ab omnibus Pastoribus, & Doctoribus quos nouit, tanquam diuinitus reuelatum, & multis miraculis confirmatum. Respondeo ad credendum fide indubitatâ & infallibili, qualis est fides diuina, requiri argumentum infallibile; adeoque propositionem talem, vt in reuelationem falsam cadere non possit: quæ etiam non potest prudenter acceptari vt infallibilis, si est fallax, & æquæ falso applicabilis: vt patet ex dictis num. 26. ideoque propter illam non potest credi assensu infallibili fidei diuinæ.

26. Non propter fides cuius est.

Secundum argumentum: Si ad credendum talis propositio necessaria esset, qualis in obiectum falsum cadere nullo modo potest, sequeretur omnem veritatem credendam esse euidenter veram, vi ipsius propositionis ad credendum requisitæ. Consequens est absurdum. Ergo & antecedens. Sequela probatur, quia id quod ita proponitur, vt etiam prius, quam diuinâ fide credatur, ex vi talis propositionis omnino certum sit illud falsum esse non posse, est euidenter verum: quia certitudo fidei præcedens, alia esse non potest, quam euidentia. Respondeo negando sequelam cum eius probatione. Potest enim propositio esse omnino certa, quamvis inevidens, propter motiua certissimo assensu digna; licet non simpliciter euidentia. Est certitudo fidem præcedens potest esse inevidens, æquæ ac ipsa fides. Imò nisi propositio sufficiens esset certa; fides illi innitens non posset esse certa, Et nisi esset obsecuta, assensus fidei esset simpliciter euidentis ei qui nosset euidenter Deum reuelasse, & neque falli posse, neque fallere. Ad esse euidentem negat ipse Tanner. q. 1. dub. 6. num. 138. & 139. Vbi etiam affirmat hanc esse communem & certam Doctorum sententiam.

27.

Tertium argumentum: Ex nostra sententia sequeretur primò multos de populo fideli non assentiri verâ, & diuinâ fide: quia non mouentur ad credendum nisi ijs motiuis, quæ in falsam secum facili cadere possunt: vt auctoritate Maiorum, & Pastorum, quos norunt; vel humanâ auctoritate eorum qui referunt miracula; vel consensu & auctoritate illius Ecclesie particularis, quam norunt. Si enim opus esset, vt præterea scirent euidenter in tota Ecclesia per vniuersum orbem diffusa sic credi: quot anni laboreretur, dum istam euidentiam acquirerent: quam neque periti semper habent? Quanta item industria opus esset ad euidentiam miraculorum comprobendam, si illa vterius requireretur? Secundo, sequeretur etiam nullum infidelem, firmâ omnino & indubitatâ fide credentem aliquid falsum tanquam diuinitus reuelatum, posse excusari saltem à temeritate credendi: quia iuxta nostram sententiam, fieri nunquam potest, vt quis prudenter adeo certâ fide, credat aliquid falsum, tanquam diuinitus reuelatum. Consequens autem videtur absurdum: quia inde sequitur nullum infidelem ita credentem, posse excusari à peccato per ignorantiam inuincibilem: quod commu-

niter negant omnes. Tertio, sequeretur neminem inter hæreticos, etiam si aliquis ob ignorantiam inuincibilem excusetur ab erroribus, quos contra fidem habet, verâ & supernaturali fide assentiri ne ijs quidem veritatibus, quas vera & Catholica fides proponit. Consequens autem est absurdum; quia consequenter nemo talis vnquam saluari posset. Adultum enim sine fide actuali placere Deo, & saluari est impossibile. Sequela verò probatur, quia cum talis omnia fidei suæ obiecta credat propter eandem propositionem, eademque motiua: necessario sequitur, aut falsum etiam euidenter illi tanquam diuinitus reuelatum, indubitatâ fide credibile esse: aut ne vera quidem obiecta fidei esse illi tam sufficienter credibilia, vt diuinâ fide credi possint.

Ad primum patet ex dictis supra num. 30. quomodo etiam rustici & idiotæ inter fideles credant ex propositione & motiua infallibili, quousque credunt fide diuinâ & supernaturali, vt verè faciunt cum auxilio Spiritus sancti. Ad secundum respondeo, talem infidelem excusari posse à temeritate, propter mentis hebetudinem, aut inaduertentiam: quia non aduerit debilitatem sui motiui, & credit firmius, quam mereatur motiui assentiri. In quo quidem est imprudens materialiter: sed non peccat formaliter peccato imprudentiæ, vel temeritatis, ob rationem dictam. Ad tertium, Nego sequelam antecedentis. Ad cuius probationem respondeo talem, si inuatur & eleuatur diuinitus ad credendum fide supernaturali (quod fieri posse concedimus) non credere propter eandem motiua, aut eandem propositionem, vi cuius erat inuincibiliter circa non reuelata, & reuelatis opposita: sed propter alius motiuium externum, aut internum, non expositum falsitati, sed connexionum infallibilitatem cum veritate reuelationis.

Quantum argumentum eiusdem auctoris est, quod nostra sententia secum pugnet. Aut enim, inquit, Auctores huius sententiae sibi certò persuadent veram illam esse: ita vt certum illis sit & euidentis nihil falsi posse euidenter credibile reddi per fidem plusquam humanam: & per consequens omne id, quod sufficienter proponitur ad credendum, esse verum. Aut tantum existimant id esse probabilius. Non primum: quia tunc omnia obiecta fidei essent euidenter vera cuilibet credenti. Evidens enim est verum esse, quicquid euidentis est esse credibile fide omnino certâ & indubitatâ tanquam à Deo reuelatum. Sed omnibus verè credentibus euidentis esset ea, quæ fides proponit, esse credibilia, certâ prorsus & indubitatâ fide, tanquam diuinitus reuelata: Ergo, &c. Si autem dicatur secundum, nempe illud esse tantum probabilis, aut probabilius: non consulitur certitudini fidei per hanc sententiam, magis quam per oppositam. Nam si illa sententia non est plusquam probabilis: possum ergo adhuc timere ne falsa sit. Ac proinde non minis timere potest ne falsum sit quod creditur, secundum hanc sententiam; quam secundum oppositam.

Respondeo aliquos esse quidem Auctores huius sententiae, inter quos est Suarez disp. 3.

28. Nec inde sequuntur inconvincientia malè obiecta.

29.

30.

Neque
hæc sen-
tentia se-
cum pu-
gnat.

de Fide, Sect. 13. num. 9.) qui eam tradunt so-
lùm vt probabilium. Sed qui meliùs. senti-
unt, habent illam vt certam, & planè indu-
bitatam: quod puto satis euinci argumentis in
fauorem illius suprà factis. At inde non sequi-
tur omnia obiecta fidei esse euidenter vera cre-
denti: quia non est euident simpliciter, sed tan-
tùm euidentia credibilitatis, verum esse quic-
quid est euidenter credibile fide omnino certâ
& indubitâ, abstrahendo à fide supernaturali.
Quare in forma respondeo concedendo pri-
mum membrum distinctionis esse verum: &
negando primam propositionem quæ subiungit-
ur ad eius impugnationem. Ad argumentum
verò, quod in eiusdem propositionis confir-
mationem adducitur, respondeo distinguendo
maiorē: Euident est esse verum quicquid
euident est esse credibile fide omnino certâ &
indubitâ, tanquam à Deo reuelatum: fide
supernaturali, concedo. Naturali, nego. Sed
omnibus verè credentibus euident esset ea, quæ
fides proponit, esse credibilia, certâ prorsus &
indubitâ fide, tanquam diuinitus reuelatâ:
distinguo similiter: Euident esset quòd sint cre-
dibilia fide omnino certâ & indubitâ, super-
naturali, nego: abstrahendo à fide supernatu-
rali, concedo: & nego consequentiam. Ratio
verò huius distinctionis est: quia, quicquid di-
cant nonnulli in contrarium, censio euident
esse assensum supernaturalem non posse esse
falsum. Deus enim, qui semper est causa spe-
cialis illius, & motio Spiritus sancti, quæ sem-
per est necessaria ad illum eliciendum, non po-
tēst esse causa specialis & auctor actus falsi, &
indecentis, non magis quàm possit esse auctor
& causa peccati. Itaque si esset euident quòd
aliquid sit credibile fide diuinâ & supernaturali
tanquam à Deo reuelatum, esset pariter eu-
dens illud esse à Deo reuelatum: ac proinde
euident etiam esset quòd illud sit: supposito
aliunde quòd sit euident, vt verè est, Deum
non posse mentiri, & falsum pro vero asserere:
quod est turpe & indecens: ac proinde Deo in-
dignum & impossibile. At non est euident sim-
pliciter dari fidem supernaturalem, sed credi-
bile tantùm, vt iam alibi notauimus. Ac pro-
inde non est euident, id quod sufficienter pro-
ponitur tanquam à Deo reuelatum, esse credi-
bile, & credi re ipsâ fide supernaturali: quam-
vis sit euident debere credi fide omnino indu-
bitâ.

Instabis, quia si vi argumentorum, & moti-
ui assendiendi, aliqua propositio habenda est
iure omnino indubitata, & non modo practi-
cè, verùm etiam speculatiuè indubitabilis;
evidentia talis credibilitatis non distinguitur ab
evidentia veritatis. Nam licet Auctores non
consentiant in explicando, quæ sit simplex eu-
identia veritatis; nunquam tamen reperietur,
quod cum probant aliquam propositionem esse
euidentem euidentia veritatis, aliud probent,
quàm esse vi argumentorum indubitabilem.
Enimverò propositionem aliquam fieri euiden-
ter indubitabilem, est euidenter ostendi certi-
tudinem eius infallibilem, ac proinde veram.
Et quando vi argumentorum colligit aliquis
iure & merito, propositionem aliquam esse

omnino indubitabilem; euidenter illi apparet
eius necessaria connexio cum argumentis, quo-
rum vis clarè videtur. Nam vbicumque mens
procedit discurrendo, procedit etiam videndo.
Itaque malè colligeret omnem dubitationem
esse expellendam propter talia argumenta, nisi
clarè videret necessariam connexionem propo-
sitionis cum illis argumentis. Quare enim in-
tellectus ob eiusmodi argumenta excluderet à
se ius omne dubitandi de illa propositione, nisi
esset necessaria connexio inter argumenta, &
propositionem, eaque certeretur?

Ad hæc respondeo, Antecedens non esse ve-
rum: ad cuius primam probationem dico eos,
qui bene definiunt propositionem simpliciter
euidentem, affirmare talem esse, vt quando
occurrit intellectui per se, vel per motiua,
quibus euident sit, & bene ab illo considera-
tur; ita rapiat & possideat intellectum, vt non
patiarur illum, loco assensus, erumpere in du-
bitationem inuoluntariam: secus autem pro-
positiones simpliciter inuidentes, quæ pro-
pter suam obscuritatem permittunt talem du-
bitationem. Ad secundam respondeo propo-
sitionem fidei non ostendi euidenter per argu-
menta esse omni-modo indubitabilem, sed
tantùm iure & rationabiliter: ostendere au-
tem euidenter propositionem aliquam esse iure
indubitabilem, est tantùm ostendere certitu-
dinem eius esse iure indubitabilem, & haben-
dam esse iure pro infallibili & vera, at non
pro euidenti simpliciter. Et quando vi argu-
mentorum colligit aliquis iure omnino indubi-
tabilem esse aliquam propositionem, non pro-
pterea euidenter illi apparet eius connexio ne-
cessaria cum argumentis: sed tantùm apparet
euidenter nullam esse rationem sufficientem
ad iure dubitandum de connexionē: merito-
que colligit omnem dubitationem esse expel-
lendā, quando clarè videt connexionem pro-
positionis cum illis argumentis, talem esse, vt
nullam relinquat rationem dubitandi legiti-
mam. Hoc enim sufficit, vt excludat à se ius
omne dubitandi. Sicur moralis euidentia,
quandiu stat illius fundamentum, sufficit ad
excludendam moralem dubitationem; quòd
v.g. hic aut ille sit verè baptizatus, verè sacer-
dos, & similia.

Quartum & vltimum argumentum eiusdem
Auctoris, quo contendit probare nostram sen-
tentiam non esse necessariam ad tuendam cer-
titudinem fidei, sic ab illo proponitur: Fidei
certitudo vel consideratur primò ex parte ob-
iecti: & tunc non plus requirit, quàm ob-
iectum omnino certum & infallibile. Ita scilicet,
vt quatenus subsistat rationi formali, pro-
pter quam creditur, id est, diuinæ reuelationi,
non possit esse falsum. Er hoc habet, quamvis
aliquid falsum possit reddi prudenter credibile.
Quandoquidem non ideo sequetur, assensum
fidei supernaturalis esse falsum: cum assensus
ille circa falsum, non sit assensus fidei super-
naturalis, nec esse possit; sed assensus merè
humanus, & fidei acquisitæ, quantumvis per
ignorantiam existimetur à credente esse assen-
sus fidei supernaturalis. Aut secundò confide-
ratur fidei certitudo ex parte subiecti, prout

33.
Propo-
sio fidei
cui-
dens
quid sit

Propo-
sio fidei
non sit
euident
per mo-
tiua cre-
dibilita-
tis.

34

scilicet est firmitas assensus, excludens omnem dubitationem & formidinem. Et tunc non plus requiritur, quam ut post sufficientem propositionem credamus firmo, & planè indubitato assensu: quod fieri potest, licet absolute loquendo aliquid falsi eo modo credibile regdi possit. Neque enim propterea debet dubitare habens gratia moria, quibus obiectum fit illi certo credibile: & nullam habens rationem sufficientem, quâ illi probabiliter, & secundum veram prudentiam agendo, vel id incredibile, vel eius oppositum credibile fiat. Ideoque non potest vilo modo prudenter timere ne falsum sit, quod credit: sed si velit prudenter agere, potest & debet indubitata credere, vera esse, quæ ita credenda proponuntur. Sic credimus prudenter hos & illos esse nostros parentes: illis faceremus iniuriam, nisi crederemus, & erga eos ut tales nos gereremus. Similique modo faceret Deo iniuriam, qui reuelationem ita propositam non acceptaret ut diuinam, & fide dignam. Confirmatur, quia potest hæreticus non minori certitudine ex parte subiecti assentiri suis erroribus, quam Catholicus fidei veritatibus. Et certitudo fidei per se ac formaliter non nititur propositione, sed reuelatione diuinâ. Ergo licet id, quod creditur, falsum esse possit ex parte propositionis; non labefactur fidei certitudo; cum satis sit falsam esse non posse, quatenus substat rationi formali, quæ est diuina reuelatio.

35.
Certitudo fidei
quid requirit?

Respondeo, si certitudo fidei consideretur ex parte obiecti, requiritur obiectum omnino certum & infallibile. Quod obiectum non est nuda reuelatio diuina, per se ignota, & se solâ nobis incognoscibilis: sed sufficienter proposita, & facta credibilis per argumenta sufficientia. Hoc autem obiectum non est omnino certum & infallibile, si argumenta, quibus proponitur sufficienter reuelatio diuina, non sunt omnino certa & infallibilia. Cuiusmodi non sunt illa, quæ sunt indifferentia ad falsum, & possunt falsæ propositioni æquè applicari. Quod ex ipsis terminis euidenter esse existimo. Si verò consideratur certitudo fidei ex parte subiecti, propterea scilicet est firmitas assensus excludens omnem formidinem & dubitationem: illa firmitas est prudens & rationalis, & iuxta meritum obiecti; non autem ex mentis perniciacia, vel ex ignorantia; cuiusmodi est certitudo, vel potius obstinatio hæreticorum. Nam fides supernaturalis non assentitur temere & irrationabiliter; sed cum summa prudentia, & conuenienter obiecto. Atqui assensus tam firmus, id est, omnino certus & indubitatus, non potest prudenter & rationaliter dari obiecto fallaci, & tali, ut secundum omnem modum, quo proponitur, & quo apparet intellectui, falsum esse possit. Est autem huiusmodi, si potest falsum eodem modo omnino proponi & reddi credibile. Ergo certitudo fidei supernaturalis ex parte subiecti, quæ certitudo est prudens & rationalis, & simul est omnino indubitata, non potest fundari in propositione fallibili, & non differente quoad credibilitatem à propositione falso præsumpta.

Ad exemplum allatum de parentibus, respondeo id non credi fide omnino indubitata, & speculative etiam indubitabili, cuiusmodi est certitudo fidei supernaturalis: sed tantum fide moraliter certâ, quæ sufficit ad obligationem agendi, præsertim quando contraria persuasio vergeret in præiudicium tertij. Ad confirmationem, dico hæreticos posse quidem cum summa perniciacia, & mentis obstinatione adherere suis erroribus, quæ est potius persuasio, quam certitudo: Sed esse impossibile, ut tantâ certitudine rationabili, & fundatâ in merito obiecti, assentiantur errori, quantâ Catholici assentiantur per fidem supernaturalem veritatibus fidei. Quod verò additur, fidei supernaturali non fundari in propositione, sed tantum in reuelatione diuina, nudè scilicet acceptâ, & absque argumentis credibilitatis, quibus sufficienter proponatur ut prudenter credibilis fide omnino indubitabili; falsum est, & à nobis alibi refutatum Disp. 1. Sect. 4. & seqq. Hic tantum dico, cum non constet credenti Deum reuelasse, nisi per propositionem reuelationis sufficienter credibilem; impossibile esse non nutate certitudinem fidei ex parte subiecti, id est, ex parte credentis, si nunc certitudo propositionis, & consequenter certitudo reuelationis. Non enim certus est Deum reuelasse, nisi per argumenta, quibus fit illi cognoscibile & credibile Deum reuelasse. Ergo si non est certus infallibiliter circa propositionem reuelationis sufficienter credibilem; non est certus infallibiliter circa ipsam reuelationem.

36.
Fides humana
quomodo certa?

vide præ-
cipue Sect.
7.

SECTIO V.

An saltem possit fides inclinare ad falsum?

Ratio dubitandi est, quia ex vna propositione fidei diuinæ, & altera naturali falsa, habita pro vera, sequitur assensus conclusionis falsæ. Ut si quis Eurychianus argumetur sic: In quocunque est vnica hypostasis, est vnica natura: sed in Christo est vnica hypostasis: Ergo est vnica natura. Ergo non repugnat fidei Theologicæ ferri in assensum falsum, saltem inclinando & inducendo; imò esse verè causam assensus falsi; quia assensus præmissarum est causa assensus conclusionis. Respondeo fidem diuinam non assentiri tali conclusioni, sed habitum erroneum, oppositum habitui Theologico; nec ad illam inclinare, vel eam causare per assensum supernaturalem circa præmissas de fide. Quia licet in eo casu assensus fidei sit aliquo modo occasio, & conditio sine qua non, illius assensus falsi; & hac ratione intellectus possit aliquo modo dici propter eum assentiri conclusioni; tamen non est causa propriè assensus falsi: quippe qui non sequitur ex illo per se, sed ex falsa propositione naturali, & mala intellectu applicatione, ac connexionem assensus supernaturalis cum assensu naturali præmissæ falsæ. Falsum enim per se non sequitur, nisi ex falso. Verum autem

37.

Fides non
inclinat
ad conclusionem
falsam.

per se non tendit & inclinatur, nisi ad verum, nec nisi veri semen est & principium: per accedens verò, & contra ipsius naturam detorqueatur ad falsum. Sic Pharisaicum scandalum, occasione actus boni acceptum, non oritur per se ex actu bono operantis, sed ex mala voluntate accipientis. Et qui sagittam in scopum rectè direxit; si illa ab alio detorqueatur, unde contingat alicuius occisio; non est tamen ipse causa occisionis, sed alter qui detorsit.

38. Instabis, quia causalitas assensus præmissarum circa assensum conclusionis in eo solum consistit, quod posito assensu præmissarum, & notitia bonæ illationis necessitetur intellectus ad assentiendum conclusioni, saltem specificatiue, ita vt non possit dissentire, stante illo assensu. At hoc totum reperitur in discursu facto ex vna propositione fidei diuinæ, & altera naturali falsa: Ergo, &c. Respondeo, causalitatem per se non in eo solum consistere: sed vltimis requiri vt assensum non solum ex applicatione discurrentis, sed etiam per se sit principium, in quo veritas conclusionis ex natura rei continetur, quod posito assensu in semine naturali, valente per se ad illam eliciendam, & vim suam exercente per bonam illationem. At hoc non fit in casu proposito: sed ipsemet discurrens, per malam applicationem assensus veri, est sibi ipsi causa assensus falsi: neque enim eo ducit per se assensus verus, neque in illo continetur virtualiter assensus falsus, vt neque falsa propositio continetur virtualiter in vera; sed per accedens eo detorqueatur per abusum malè applicantis, & malè connectentis assensum verum cum alio assensu falso, qui per se ducit ad falsam conclusionem.

39. Ex dictis solui vniuersi obiectio similis contra id, quod supra dictum est, Deum non posse præcipere peccatum, & mendacium. Deus præcipit vt conscientie pareamus. Fieri autem potest, vt quis ex conscientia erronea iudicet bonà fide committendum sibi esse hic & nunc leue aliquod peccatum, puta mendacium, ad vitandum graue aliquod malum: Ergo, &c. Respondeo enim, quidquid sit de minori propositione, an scilicet peccet qui bonà fide iudicat peccatum sibi licitum esse, vel necessarium ad maius malum vitandum: Deum propterea non præcipere peccatum, vel mendacium: sed præcipere tantum formaliter & in abstracto, vt conscientie pareamus, quod bonum & honestum est, per accedens verò detorqueatur hoc præceptum ad id, quod viciosum est, & per se contra Dei voluntatem, ratione malè applicationis dictaminis conscientie.

40. Instabis, quia Deus præcipit facere quidquid conscientia dicat necessariò faciendum esse: Ergo præcipit mentiri, si conscientia dicat necessariò mentiendum esse. Respondeo Deum non præcipere materialiter & secundum se, quidquid subest dictamini conscientie: sed tantum præcipit formaliter, & in abstracto, obsequere conscientie. Qui actus obedientie semper est bonus & honestus. Malum autem, quod ex conscientia erronea illi subest, non præcipitur à Deo, vt sic; quia Deus non præcipit materiale, sed formale obedientie, cui

malum perperam subiicitur per erroneum dictamen conscientie.

41. Vergebis, quia is, qui præcipit vt semper conscientie pareamus, præcipit vt faciamus quidquid conscientia dicat esse necessariò faciendum: Et si præcipiens præuidet conscientiam interdum dictaturam vt malè faciamus: ac nihilominus præcipit generaliter, vt semper ei pareamus: præcipit sine dubio, vt malum faciamus: neque præcipit tantum in abstracto, & formaliter: sed materialiter, & in singulari quidquid conscientia dicat esse faciendum. Atqui Deus ita se habet: Ergo, &c. Respondeo Deum præcipere generaliter vt conscientie pareamus, & faciamus quidquid illa præcipit, formaliter tantum, & in abstracto; id est, non proptèr peccatum aut mendacium secundum se; sed tantum quatenus est conforme, & quia est conforme dictamini conscientie, atque eareus practicè bonum, & actus quidam naturalis obedientie erga rationem naturalem. Hoc enim intelligimus hoc loco per has voces, formaliter, in abstracto, & vt sic; id est, non secundum materiale per se, & proptèr se: sed secundum, & proptèr conformitatem cum dictamine conscientie.

42. Simili modo respondendum est huic argumento: Deus potest præcipere assensum falsum: Ergo & falsum dicere. Perinde enim est siue hoc, siue illo modo ad falsum inducat. Probatur Antecedens. Nam Deus potest præcipere quidquid est conforme dictamini prudentie: cuiusmodi est assensus qui datur multis viris grauibz falsum quid asserentibus, nullà datà occasione suspicandi falsitatem. Quod prudentie dictamen sequuntur Iudices, etiam cum agitur de ipsa vita. Tenentur enim iudicium ferre secundum allegata & probata, & credere testibus, qui existimantur fide digni; licet interdum fallant, & mentiantur. Respondendum, inquam, est, falsum assensum non præcipi à Deo dicentè & per se, quatenus falsus est: sed tantum potest præcipere aliquid, ex quo potest contingere per accedens, vt homines fallantur. Quatenus scilicet Deus præcipit aliquid aliud, cui falsus assensus malè & per accedens adiungitur. Nempe quatenus præcipit Deus, vt iudicium prudens sequamur: quod sanè honestum, rectèque rationi consentaneum est: & habeamus pro verò id, cuius habemus indicia sufficientia. Cuiusmodi est illud, quod multi viri graues, & fide digni affirmant: licet interdum contingat vt fallantur, aut fallant.

43. Addo Deum quidem præcipere vt assentiamur dictis virorum grauium secundum dictamen prudentie. Verùm prudentia non dicat, vt assertiones virorum grauium, etiam de rebus facti, aliunde obscuræ, credantur tanquam veræ indubitatè & infallibiliter: sed potius quia moraliter certum est, viros etiam graues interdum fallere, & falli, iubet vt modali tantum quodammodo, & alieno à periculo falsitatis assentiamur: nimirum hunc modalem assensum formando: Assertiones virorum grauium habent magnum fundamentum, proptèr eorum auctoritatem, vt veræ existimantur: &

Non præcipit assensum falsum.

44. Quomodo prudenter assentiamur hominum testimonio?

In agendo ita nos debemus gerere, ac si veræ essent. Quæ propositio vera est tam in generali, quam in omni casu particulari. De quolibet enim assertione virorum grauium, cui prudenter assentimur, verum est quod habeat talem apparentiam veritatis; & homines, qui non possunt vterius inquirere, debeant in praxi ita se gerere, ac si vera esset. Simili modo, quando iubet charitas, vt de proximo bene lentiamus, non præcipit, vt quidpiam falsum pro vero infallibiliter & pro indubitabili teneamus: sed tantum vt in dubijs, vel obscuris, assensus modales, & aliquatenus suspensos formemus in meliorem partem, secundum externam apparentiam, & quantum permittit fundamentum assentiendi; vitemusque omnem suspicionem malè fundatam, & iudicium temerarium.

SECTIO VI.

An certum sit assensum fidei supernaturalis non posse esse falsum?

44.
Vera sententia affirmans.

Communis sententia Theologorum est, certum esse omnino quod assensus fidei supernaturalis non possit esse falsus. Sic enim docent Alen. 3. parte quæst. 68. memb. 7. art. 1. Vbi affirmat non posse magis falsum subesse fidei, quam primæ veritati reuelanti: S. Bonauent. in 3. dist. 24. art. 1. q. 1. vbi docet fidem esse infallibilem æquè, ac Dei præscientiam: S. Thom. 2. 2. q. 1. art. 3. vbi dicit fidem non posse à vero aberrare, quia fundatur in Dei reuelatione: Dutand. in 3. dist. 24. q. 2. vbi asserit fidei non magis posse subesse falsum, quam visioni beatificæ: & denique Suarez Disp. 3. de Fide Sect. 13. num. 3. testatur certum esse, & communi Theologorum sententiæ receptum, fidem non posse ferri in reuelationem falsò præsumptam. Eiusque contrarium non vacare temeritate affirmant Lorca disp. 10. n. 4. & Hurtad. Disp. 19. de Fide Sect. 3. n. 15.

45.
Contraria sententia.

At verò Ripalda, disp. 59. de Ente supernaturali, Sect. 5. n. 33. quanquam non audet oppositæ sententiæ planè subscribere: affirmat tamen vacare temeritate, & totà illà disputatione conatur ostendere esse valde probabilem. Ac primò, quòd vacet temeritate, probat ibidem præcipuè, quia nullus Theologorum illi aperte refragatur. Loquuntur enim de actu fidei ex natura rei, non autem secundum potentiam Dei absolutam, aut supernaturaliter operantem spectato: nullusque eorum sententiam affirmantem vllà censurâ notat, præter Hurtadum, & Lorcam suprà relatos. Item loquuntur solum de actu fidei attingente reuelationem Dei verè existentem, quem verum est non posse, ne absolutè quidem potentiâ, falsum pro vero testificari: non autem de illo, qui cadit, aut cadere potest in reuelationem falsò præsumptam.

46.
Veteres illi aperte refragantur.

Verùm, licet antiqui Theologi censurâ eam non notauerint, manifestum est tamen quòd illi refragentur, quòdque loquantur de actu fidei, spectato enim secundum potentiam Dei

supernaturaliter operantem, quidquid sit de illa absolutè spectata, seu potius de repugnantiâ quæ oritur ex parte potentie, de qua dicemus inferius. Nam comparant fidem, de qua loquuntur, cum infallibilitate veritatis diuinæ reuelantis, & præscientiæ Dei, ac visionis beatificæ. Implicat autem veritatem diuinam reuelare falsum pro vero, vt fateretur Ripalda: & præscientiam diuinam falli: aut visioni beatificæ subesse falsum. Quòd si loquuntur de actu fidei attingente reuelationem Dei verè existentem: ideo id faciunt, quia existant nullum alium actum fidei supernaturalis esse possibilem: sicut non est possibilis falsa reuelatio primæ veritatis, falsa Dei præscientia, & falsa visio beatifica. Quæ verò addit Ripalda n. 36. ad explicandos Theologos suprà citatos in alium sensum sibi fauentem, non aprè quadrant verbis & menti illorum, vt faciliè patebit consulenti loca relata.

47.
Propositi-
onibus argu-
mentis.

Deinde, vt ostendat valde probabilem esse sententiam affirmantem actum fidei supernaturalis posse diuinitus assentiri falso, hæc proponit argumenta, num. 3. eiusdem disp. & sequentibus. Primò, non repugnat cognitionem supernaturalem esse falsam. Ergo neque fidem. Probat Antecedens, quia vt cognitio sit supernaturalis, sufficit eam habere connexionem ex natura rei cum gratia sanctificante: quæ connectio, inquit, constituit conceptum primarium supernaturalitatis. Atqui potest cognitio supernaturalis habere hanc connexionem, quamvis per potentiam Dei absolutam, aut supernaturaliter operantem falsa esse possit. Secundò, affectus supernaturalis potest esse vitiosus. Ergo potest etiam assensus supernaturalis esse falsus. Patet consequentia: quia non minus pugnat malitia, quam falsitas, cum gratia Dei auxiliante, & cum supernaturalitate actus. Antecedens verò supponit fuisse à se probatum disp. 50. hac præcipuè ratione, Sect. 2. & 3. quia, inquit, potest actus supernaturalis fieri ex intentione turpi: vt si quis velit exercere actum misericordie ex intentione vanæ gloriæ. Potest etiam absolutè loquendo prohiberi à Deo actus supernaturalis: & tunc erit malus, si fiat aut continuetur cum vincibili & culpabili ignorantia prohibitionis. Posset autem continuari cum tali ignorantia, æquè ac actus naturalis. Quia in eo casu, neque ex parte principij, neque ex parte obiecti, fieret mutatio inducens necessario interitum actus supernaturalis incepti, potius quàm interitum actus naturalis. Tertiò, nulla creatura potest esse essentialiter immortalis, & quæ semel existens, non possit de potentia Dei absoluta ad nihilum redire. Atqui si cognitio supernaturalis non posset diuinitus fieri falsa, esset creatura essentialiter immortalis, & quæ semel existens, non posset absolutè Dei potentiâ ad nihilum redire. Ergo, &c. Maior est certa, cuiusque contrarium est hæreticum, aut erroneum, vt affirmant Suar. lib. 1. de Angelis c. 9. n. 5. Vafq. i. p. disp. 182. n. 7. & Tanner. 1. p. disp. 5. q. 1. n. 15. Minor verò probatur, quia actus visionis beatificæ, vel actus fidei supernaturalis, qui affirmaret omnes actus supernaturales subiecti,

48.

in quo est, nunquam interiturus, essentialiter existeret in æternum, & non posset vllā potentia ad nihilum redire. Nam de seipso id affirmaret, æquē ac de alijs actibus supernaturalibus eiusdem subiecti, siquidem omnes comprehendit, nullo excepto. Ac posset etiam aliqua cognitio supernaturalis affirmare specialiter de seipsa, quod in æternum durabit. Ergo si non posset esse falsa, non posset absolute desinere. Eset enim falsa si desineret. Quartò, per absolutam Dei potentiam posset existere cognitio supernaturalis, non existente obiecto, quod representat vt existens: Ergo posset esse falsa. Probatur Antecedens: quia cognitio supernaturalis, solum pendet ab obiecto extrinsecè, in genere causę efficientis. At causę efficientis influxum supplere posset Dei potentia absoluta. Ergo, &c. Confirmatur, quia posset Deus miraculoso concursu efficere visionem obiecti, non existente obiecto: vt de apparitionibus, quę sunt circa species Eucharisticas censent D. Thomas 3. p. q. 76. art. 8. & plures alij: & quando speciem columbæ exhibuit in baptismo Christi, Matth. 3. v. 16. Item, intellectus noster naturali suā imperfectione sepe determinatur ad assensum falsum circa non-existentia, velut existentia, propter naturalem occurrenceiam causarum secundarum inducentium ad talem assensum. Deus autem & nostrum intellectum creauit qualis est, & cursum illum causarum naturalium instituit. Quidni ergo posset absolute causare per se errorem, quem causę naturales ab ipso productę & ordinatę, per se causant?

50. Fides supernaturalis, nullo modo posset assentiri falso.

Probat ex Tridento.

Verum hæc argumenta, quę Auctor ille suis prosequitur, non satis magni momenti esse mihi videntur ad certitudinem sententię communis labefactandam. Dico igitur, certò tenendum esse quòd fides supernaturalis non possit simpliciter, ac nequidem per potentiam Dei extraordinarię & supernaturaliter operantem, assentiri falso. Idque puto efficaciter deduci ex Trid. Sess. 6. cap. 9. affirmante non posse fidei subesse falsum. Quod ait contra hereticos huius temporis affirmantes, vnicuique fidei & iustificato credendum esse absolute absque dubitatione se esse iustificatum: neminemque sine tali fide absoluti à peccatis & iustificati. Quem errorem merito damnat Concilium, quia, inquit, nullus scire valet certitudine fidei, cui non posset subesse falsum, se gratiam Dei esse consecutum. Sensus autem Concilij est, nullum id scire posse sine speciali reuelatione, quā supponit carere hereticos, & quā etiam carent communiter ipsi Catholici, & iusti. Nam quòd supposita speciali reuelatione id sciri valeat, non negat Concilium, sed potius tacite subintelligit, vt patet ex can. 13. 14. 15. & 16. eiusdem Sess. Nam postquam iterum errorem supradictum damnauit can. 13. & 14. Deinde verò can. 15. anathema iecit in eosdem hereticos affirmantes hominem renatum, & iustificatum teneri ex fide ad credendum se certò esse in numero prædestinatorum: addit can. 16. *Si quis magnum illud vsque in finem perseverantia donum se certò habiturum absolutā & infallibilē certitudine dixe-*

ris, nisi hoc ex speciali reuelatione didicerit, anathema sit. Itaque Trid. virtualiter ita discurret cap. 9. suprà relato: Credere fide supernaturali, est credere assensu vero, & certo, absolutā & infallibili certitudine, cui falsum subesse non potest. Ergo quod non potest credi tali certitudine, non potest credi fide supernaturali. Atqui iustificatio propria cuiusque non potest sine speciali reuelatione credi tali certitudine. Ergo non potest credi fide supernaturali sine speciali reuelatione. Hoc supposito sic argumentor: Omnes illę propositiones certę esse debent, vt Tridentini definitio certa sit; cum in illis fundetur, aut virtualiter illas omnes inuoluat. At prima illarum non est certa, si probabile est credi posse fide supernaturali aliquid falsum. Nam si ita est; non est verum generaliter quòd credere fide supernaturali, sit credere assensu vero & certo absolutā & infallibili certitudine; cui falsum subesse non potest, vt supponit Trid. in prima propositione.

Idem discursus Tridentini supponit tanquam certum, fidem supernaturalem non posse versari, nisi circa reuelationem verē existentem; quando affirmat fidem supernaturalem non posse versari absoluto assensu circa propriam cuiusque iustificationem, defectu specialis reuelationis circa illam: verē scilicet existentis: nam reipsa esse, falsò presumunt & sibi persuadent heretici, cum dicunt id debere credi: nisi potius volunt reuelationes generales esse absolutas, & debere tantum vnumquemque iustificatum specialiter illas sibi applicare. Si autem certum est fidem supernaturalem non posse versari, nisi circa reuelationem verē existentem, vt supponit Trid. certum patet esse non posse assentiri falso, ne de potentia quidem extraordinarię & supernaturaliter operante; quia certum, imò euidens est, Deum non posse vllā potestate reuelare falsum pro vero, vt fateatur ipsemet aduersarius num. 19. disp. cit. & à nobis probatum fuit suprà auctoritate Scripturę, & Patrum, & naturali ratione, Sect. 1. huius disp. num. 4. & sequentibus.

51. Confirmatur.

Perperam verò respondet Adversarius ibidem, Concilium loqui tantum de falsitate fidei ex obiecto reipsa reuelato: non autem de falsitate ex reuelatione verē existente: id est, Concilium affirmare quidem non posse fidei subiacere falsum, quando assentitur obiecto verē reuelato à Deo: minime quia Deus non potest falsum pro vero reuelare: Sed non affirmare quòd fidei non possit subesse falsum, si versetur circa reuelationem falsò præsumptam, aut quòd non possit circa illam versari. Perperam, inquam ita respondet: Patet enim ex iam proximè dictis Concilium supponere fidem supernaturalem (quam tantè dicit esse perfectiorem, vt falsum ei subesse nequeat) non posse versari nisi circa Dei reuelationem verē existentem. Nam probat illam non posse versari absolute circa propriam cuiusque iustificationem, quia de ea non existit specialis reuelatio.

52. Refellitur eiusd.

Perperam quoque respondet secundo, eodem num. 19. in fine, supposito quòd Trident. loquatur de assensu fidei, prout attingit reuelationem verē existentem, intelligi posse quòd

53. Altera eussd. refutatur.

loquatur de impotentia falsitatis ex natura rei, non autem secundum potentiam absolutam, vel extraordinarie & supernaturaliter operantem. Nam si actus fidei supernaturalis est ex natura sua, & ratione suæ supernaturalis entitatis determinatus ad verum, & ad revelationem verè existentem, ut ille Auctor modò faceret, & clariùs affirmat num. 25. & 28. sequitur quòd ne supernaturaliter quidem fieri possit, ut circa falsum versetur. Ut enim hoc fieret, deberet Deus esse causa specialis actus falsi, & miraculosè ac supernaturaliter fidem ad falsum determinare contra naturalem ipsius exigentiam. Atqui non minùs certum esse debet, non posse Deum esse causam specialem assensus falsi, & ad illum specialiter excitare: quàm non posse esse causam specialem peccati. Siquidem assensus falsus non est minùs actus turpis, & dedecens supremam veritatem, quàm affectus malus sit turpis, & dedecens supremam bonitatem.

SECTIO VII.

Solvuntur argumenta contraria sententiæ.

54.
Cur actus
supernat.
non po-
test esse
falsus?

AD primum autem illius argumentum propositum num. 46. respondeo negando Antecedens. Cùm enim omnis cognitio supernaturalis sit ex natura sua determinata ad verum, ut fatetur Aduersarius; & non possit elici sine auxilio specialis Dei, & motione Spiritus sancti: fieri non potest, ne quidem supernaturaliter, ut versetur circa falsum. Quia Spiritus sanctus non potest specialiter mouere ad falsum: neque Deus potest esse Auctor & causa specialis actus turpis & indecentis, cuiusmodi est omnis assensus falsus, & præsertim supernaturalis. Est enim evidenter disconueniens obiecto, & naturæ rationali causa tale obiectum operanti. Quod verò additur in eodem argumento de connexionè actus supernaturalis cum gratia, fuit alibi refutatum in Tract. de Gratia, ubi explicauimus in quo consistat vera, & propria ratio formæ vel actus supernaturalis.

55.
Neque
vitiosus
intrinsicè
est.

Ad secundum: Nego affectum supernaturalem esse posse vitiosum intrinsicè. Nam quauis non repugnet illi adiungi, & simul cum eo exerceri actum malum, atque ab illo aliquo modo affici, & denominari extrinsicè malum: putà, si quis per alium actum de illo superbiat, aut cum referat ad vanam gloriam. Tamen non potest ille actus esse intrinsicè & in se ipso vitiosus, ob rationem paulò antè allatam. Quia scilicet actus supernaturalis, ratione suæ perfectionis naturalis, purissimus est, & talis, ut sine speciali auxilio Spiritus sancti nequeat exerceri. Deus autem non potest esse causa specialis actus mali. Quare falsum est posse illum intrinsicè referri ad malum finem, aut exerceri contra prohibitionem. Neque assentior quibusdam Recentioribus, affirmantibus puritatem quidem intentionis, quanta est necessitas ad actum supernaturalem, & impuritatem aliquam affectus, non posse in eodem

actu commisceri: & speciatim loquendo de fide, prudentem & rectam submissionem ad auctoritatem diuinam, qualis est in fide supernaturali, non posse commisceri cum temeraria inclinatione ad falsum; Veruntamen quauis admisceret creatura in eiusdem actus entitate affectum peruersum vanæ gloriæ, cum affectu charitatis, aut misericordiæ, quem Deus inspirat: esset duo virtualiter actus: & primus non directè esset à Dei impulsu, sed à creatura, licet entitate materiali non differret à secundo; Similiterque, licet creatura posset eodem actu Physico duo iudicia coniungere, alterum verum, alterum falsum: esto, non repugnaret Deum specialiter concurrere & impellere ad illum actum: non tamen esset à Deo secundum illud iudicium, quod est falsum: Neque per se repugnat quin in eodem actu realiter indiuisibili, sed continente multiplicem virtute, possint distingui plures & diuersi causarum influxus, ita vt actus non oriatur adequatè à singulis: Ex. g. Quando visio u^o oculari vnius aspectus, Physicè indiuisibilis, videtur simul hortus varijs floribus consitus; ille intuitus, quatenus est representatio rosæ, non oritur à lilijs, ut obiectis determinantibus: illa enim tantum ad sui representationem excitant oculum. Non assentior, inquam; quia assensus ille supernaturalis partim verus, partim falsus, cùm sit entitatis supernaturalis, etiam quatenus est falsus, id est, quatenus est adhesio intellectus ad falsum; quippe qui est indiuisibilis, & totus entitatiue supernaturalis: non potest fieri, quā talis, sine speciali concursu Dei. Ergo si implicat Deum speciali concursu esse causam assensus falsi, proptè falsum est; non potest esse causa actus supernaturalis, qui partim sit verus, & partim falsus in eadem entitate indiuisibili.

Ad confirmationem respondeo, in eo casu, quo mutatur obiectum de vero in falsum, debere sequi necessariò interitum actus supernaturalis: quia tollitur illius obiectum, circa quod necessariò versari debet. Ad tertium dico, nullam esse creaturam; quæ essentialiter sit immortalis: quæque de potentia absoluta non possit ad nihilum redire hoc sensu, id est, nullam esse, quæ non indigeat continuo Dei influxu, vt perseveret in esse: sicut eget illius productione, vt sit: quæque non possit non esse, & desinere respectu potentie Dei absolute spectatæ, quæ vt sic, nulli creature alligata est. Sed non est verum, quòd respectu potentie Dei, spectatæ vt subordinatur ipsius sapientiæ & bonitati, vel alicui decreto circa creaturam, non possit hæc esse immortalis, & impotens desinere. Nam, vt fatetur Aduersarius eadè disp. 99. n. 19. certum est, atque evidens, Deum non posse falsum pro vero reuelare. Ergo si reuelaret actum aliquem non posse desinere, verum esset quòd ille non posset desinere: alioquin Deus falsum reuelasset. Item, repugnat absolute Deum mentiri, vt fatetur idem Auctor eodem numero 19. Ergo si promississet aliquem actum semper duraturum, ille actus non posset destrui. Nam aliqui Deus falsò promississet; & vel mentitus

56.
Possit ne
dari crea-
tura quæ
non possit
desinere?

esset promittendo, vel esset inconstans, aut impotens ad implendum promissum: quod est æquè absurdum. Manifestum autem est non implicare Deum id promittere; Imò re ipsâ promissit iustis bene operantibus, & in iustitia decedentibus, æternam sui visionem & fruitionem.

Quando autem instat Aduersarius num. 8. & sequentibus, impotentiam illam desinendi, quoad actum supernaturalem, non oriri solum ex decreto Dei, sed ex intrinseca ipsius natura, & ex prædicatis eius intrinsecis, si ex natura sua talis est, vt absolutè falsus esse non possit. Nam Deus (inquit) non potest aliter de illo decernere, quam secundum prædicata eius intrinseca & essentialia, quorum cognitio ratione præcedit liberum Dei decretum de illo producendo, vel conseruando: Atqui actus ille talis est secundum sua prædicata intrinseca & essentialia, vt absolutè falsus esse non possit: Ergo est talis secundum sua prædicata intrinseca & essentialia, vt non possit desinere postquam semel productus est: Nam aliqui falsò affirmaret se semper esse duraturum. Respondendum est impotentiam desinendi, quam habet actus supernaturalis affirmans se semper duraturum, non oriri quidem ex solo Dei decreto de ipso producendo, vel conseruando: sed etiam aliquatenus ex ipsa natura actus supernaturalis, quatenus talis est, vt falsus esse nequeat, eò quòd non potest fieri sine concursu Dei speciali, & conuenit Deum esse causam specialem actus falsi. Verumtamen hæc repugnantia concurrere specialiter ad actum falsum, non oritur præcisè ex omnipotentia Dei absolutè sumpta: quippe quæ de se potens est & efficax ad concurrendum (si nihil aliud obstat) ad quamcunque entitatem producendam: sed oritur ex potentia vt subordinata sapientiæ & bonitati Dei: quam dedecet esse causam specialem actus falsi, & contra quam impossibile est Deum aliquid facere. Quare actus supernaturalis enuntians se semper duraturum, idcirco non posset simpliciter desinere, quia Deus propter suam sapientiam, & rectitudinem, non potest ad illum specialiter concurrere in ea hypothesi, quâ falsus est: & est falsus nisi perpetuò duret. Pendet nihilominus à Dei libertate, vt eum producat, vel non producat, & vt sit perpetuò, vel nunquam sit. Quamvis supposito quòd sit productus, teneatur Deus, ratione suæ sapientiæ, & sanctitatis, illum perpetuò conseruare. Sicut ratione eiusdem tenetur promissa implere, & nihil reuelare quod verum non sit: quamvis liberè promittat, aut reuelat. Exigit quidem cognitio supernaturalis ab intrinseco esse vera: adeoque semper durare, si de se hoc enuntiat. Verùm si nihil aliud obstat, posset Deus eam desinere, & facere contra naturalem illius existentiam. Quare causa cur simpliciter non possit desinere, non est alia, præter eam, quam suprà diximus: nempe ratio sapientiæ, & bonitatis diuinæ.

Causa
cur non
quam de-
finere
posset.

Ad quartum respondeo, rametsi ex parte potentie Dei absolutè spectata non oriatur repugnancia vt existat cognitio supernaturalis non

existente obiecto, quod representat vel excurrente specialiter ad actum falsum. stens, suppletque Deus concursum illius extrinsecum in genere causæ efficientis repugnante tamen ex parte sapientiæ, & rectitudinis diuinæ, atque potentie vt illi subordinatæ: ideòque non posse simpliciter id fieri, quia Deus nihil potest contra suam sapientiam, & rectitudinem operari. Ad primam confirmationem dico, Deum nunquam miraculosè illi vt causam specialem efficere visionem obiecti non existentis: sed tantum in exemplis allatis exhibere sensibus speciem externam alicuius substantiæ, & concurrere ad visionem illius speciei externæ; in quo non est falsitas & deceptio. Si autem ille, qui talem speciem externam videt, iudicat substantiam esse sub illis præsentem, quæ non est: ipse seipsum fallit suâ imprudentiâ: cum potius ludicari deberet, aut suspicari, Deum velle significare aliquid aliud per illam speciem, tali modo, & in talibus circumstantiis apparentem. Ex. g. velle per apparitionem pueri in Euchariſtia, significare realem præsentiam Christi sub speciebus Euchariſtici: & per apparitionem columbæ in baptismo Christi, significare præsentiam Spiritus sancti.

Ad secundam dico, aliud esse quòd Deus specialiter sit causa assensus falsi, ad illamque specialiter moueat intellectum creatum: & aliud, quòd Deus generaliter cum illo concurrat abutente lumine suo naturali, & cum alijs causis naturalibus, errandi occasione illi offerentibus. Quemadmodum aliud est quòd Deus velut causa specialis sit auctor actus mali, seu peccati: & aliud, quòd concursu generali concurrat cum voluntate abutente suâ libertate, & cum alijs causis naturalibus peccandi occasionem præsentibus. Hoc secundum non dedecet Dei sapientiam, & bonitatem, qui potius velut causa prima, & vniuersalis, sapienter se accommodat exigentiæ, & necessitati causarum secundarum, illasque suum cursum, & agendi modum liberum, aut necessarium, habere permittit. Secus autem primum, vt de peccato fateantur omnes Catholici: de actu autem falso par esse ratio mihi videtur: cum actus falsus non minus sit turpis & indecens respectu intellectus, quam peccatum respectu voluntatis: neque minus dedecet supremam veritatem esse causam specialem actus falsi, quam supremam bonitatem esse causam specialem actus mali.

Similiter aliud est Deum permittere fomitem concupiscentiæ, cuiusque motus ad peccandum impellentes, oriri ex naturali hominis complexione, & causarum secundarum existentia, vt verum est: Et aliud, Deum specialiter causare motus illos, vt imprimere morbidam qualiter, à qua cauentur: quam sententiam malè nonnulli tribuunt Gregorio Armino, in 2. dist. 30. q. 1. art. 1. Gabrieli ibidem, Henrico quodlib. 2. quæst. 1. & Guillelmo Parisiensi in Tractatu de vitijs & peccatis, cap. 4. nam illi affirmant quidem dari huiusmodi qualiter, & vel esse peccatum originale, vel ad illud pertinere; negant tamen illam produci specialiter à Deo. Meritoque omnes illant

59.
Licet concurrat generaliter.

60.
Neque ipse causa concupiscentiæ.

sententiam rejiciunt, velut Iacobi Apostoli verbis contrariam, cap. 1. versu 13. Epistolæ suæ Catholicæ. *Nemo, cum tentatur, dicat quoniam a Deo tentatur. Deus enim intentator malorum est: ipse autem neminem tentat. Vnusquisque vero tentatur à concupiscentia sua abstractus, & ilectus.* Quæ oppositio non esset bona, si Deus esset causa specialis concupiscentiæ, à qua tentamur. Nam tentatio esset in illum veluti causam specialem refundenda. Dixi autem,

creaturam, quando fallitur circa huiusmodi apparitiones, abuti suo lumine naturali: quoniam si rectè illo vteretur, & prudenter ageret, suspenderet assensum in rebus obscuris; vel non plus iudicaret, quam mereatur apparentia, & motuum iudicandi. Quemadmodum etiam quando peccat, abutitur suâ libertate, & viribus sibi à Deo datis ad bene operandum, & conformiter rectæ rationi viuendum.



DISPUTATIO

Q V A R T A.

Vtrum obiectum Fidei possit esse aliquid scitum,
aut visum?

- Sectio I. *Vera sententia statuitur.*
 Sectio II. *Soluantur tres difficultates contra doctrinam propositam.*
 Sectio III. *Aliæ duæ obiectiões diluuntur.*
 Sectio IV. *An obiectum fidei Christianæ, quâ tale, sit simpliciter evidens?*
 Sectio V. *Fertur iudicium de doctrina relata.*

IN argumento proposito in titulo huius disputationis agit S. Doctor quæst. 1. art. 4. & 5. Quorum priore docet obiectum fidei non posse esse visum secundum sensum, aut secundum intellectum: quia fides importat assensum intellectus circa obiectum, à quo non sufficienter mouetur intellectus credentis, sed per quamdam electionem voluntariè declinat in vnam partem magis, quàm in aliam: cum certitudine tamen, & absque formidine alterius partis; in quo differt ab opinione. Illa autem videri dicuntur, quæ per seipsa mouent intellectum nostrum, vel sensum, ad sui cognitionem. Vnde manifestum est, quòd nec fides, nec opinio potest esse de ipsis visis, aut secundum sensum, aut secundum intellectum.

In posteriore affirmat obiectum fidei non esse aliquid scitum. Quia omnis scientia habetur per aliqua principia per se nota, & per consequens visa: ideòque oportet quæcunque sunt scita, aliquo modo esse visa. Non potest autem idem ab eodem esse visum, & creditum; Ergo non potest idem ab eodem esse scitum, & creditum. Potest tamen contingere, vt id quod est visum, vel scitum ab vno, sit creditum ab aliò. Etenim quæ de Trinitate credimus; nos visuros speramus, & iam Angeli reipsâ vident. Similitérque potest contingere, vt id quod est visum,

vel scitum ab vno homine, etiam in statu viæ, sit ab alio creditum, qui hoc demonstratiuè non nouit. Id tamen quod communiter omnibus proponitur hominibus vt credendum, est communiter non scitum. Et ista sunt, quæ simpliciter fidei subsunt: ideòque fides, & scientia non sunt de eodem. Huc vsque D. Thomas.

SECTIO I.

Vera sententia statuatur.

1. Idem potest credi, sciri, & videri à diuersis.

Errum est quod affirmat D. Thomas quæst. 1. art. 4. & 5. id quod creditur posse videri, vel sciri, respectu diuersorum, vel eiusdem diuerso tempore. Nam ea, quæ nos credimus, videntur à Deo, & à Beatis: & à nobis, si Deo placet, videbuntur in cælo. Præterea Deum esse credunt tantum rusticis: Docti vero sciunt. Et qui ex indocto, sed fidei, sit doctus; veritatem hanc, quam prius tantum credebat, modò scit. Sed difficultas est, verum id quod creditur, possit ab eodem simul videri, aut sciri. Respondeo non posse, quatenus creditur; sue per idem medium, per quod creditur: posse tamen id quod creditur ex morio credibili, aliunde videri, vel sciri.

2. Et ab eodem, sed aliunde.

Prima pars patet ex dictis Disp. 1. Sect. 10. vbi ostendimus medium, seu motiū, & obiectum formale fidei debere esse obscurum, vt fides propriè dicta possit illi inniti: quippe quæ ex natura sua est assensus certus quidem, sed inueidens & ænigmaticus, mediūque inter scientiam & opinionem. Secunda pars est Alenſis 3. p. q. 68. Alberti in 3. disp. 24. a. 9. Bonauent. ibidem art. 1. q. 3. Valentiz q. 2. de Fide, Punct. 4. Aegidij Coninck disp. 11. dub. 1. num. 17. Suares Disp. 3. Sect. 9. n. 7. & aliorum plurium. Probatur primò experientiâ. Possumus enim simul cognoscere Deum esse, & quia Deus id reuelauit, & quia naturaliter euidens est. Item, Solem, & Stellas, & Iridem, & alia multa, quæ Deus in Scripturis esse, testificatus est, possumus simul cognoscere, & quia ea videmus, & quia Deus esse dixit. Sicque Angeli, B. Virgo, & Apostoli multa crediderunt propter Dei reuelationem, quæ aliunde habebant aspectui exposita, vel simpliciter euidens. Neque satisfaciunt qui respondent eos vel hæc non credidisse: vel tantum credidisse, quando non cogitabant de eorum euidencia. Nam si ita est, caruissent Angeli fide supernaturali quòd Deus sit: quippe quibus hæc euidencia notissima erat: & Apostoli, & B. Virgo non habuissent fidem plurimorum myſteriorum, vt passionis, resurrectionis, ascensionis, & similiū. Quia, vt patet experientiâ, ea, quorum habemus euidenciam habitualement valde magnam, quoties de illis cogitamus, sunt nobis euidencia. Quare Angelis semper euidens est Deum esse: atque adeo nunquam id credere potuissent. Cùm tamen Apostolus Hebr. 11. v. 6. sic affirmet; *Sine fide impossibile est placere Deo. Credere enim oportet accedentem ad Deum quia est, & quòd*

inquirentibus se remunerator sit. Loquitur autem de fide propriè sumpta, vt patet ex fine capitis præcedentis, & ex toto contextu, & clarissimè ex Tridentino Sess. 6. cap. 6. Loquitur item de Deo secundum esse naturale Dei, & proptèr est auctor rerum naturalium: ac non tantum proptèr est auctor & principium ordinis supernaturalis: Tum quia verba illa *Deum esse*: hoc significat absolute: tum etiam, quia quòd sit principium rerum supernaturalium, comprehenditur in altero membro propositionis, *Et inquirentibus se remunerator sit.* Quare Caietani, & Cani contrarium sententium euasiones vanæ sunt. Sanè quando sacræ literæ, & sancti Patres affirmant sapissime, credendum esse quòd Deus sit, non distinguunt doctos ab indoctis, sed vniuersaliter id asserunt. Et verò doctis scientia nocet, essentque deterioris conditionis, si non possent supernaturaliter credere Deum esse, & alia multa, quæ de Deo nōrunt euidenter ratione naturali.

Probatur secundò ratione: quia potest vnus & idem simul agnoscere eandem veritatem diuersumodè; per se scilicet, & per aliud; & hoc per diuersa media, quorum vnum valere potest ad sciendum, aliud ad credendum, & aliud ad opinandum. At quatenus in illam veritatem tendit per vnumquodque illorum mediorum, non amplius cognoscit, quàm ferat vis illius medij. Ergo scit illam veritatem, ratione medij euidens, & credit, ratione medij credibilis; & probabiliter assensit, ratione medij probabilis; atque vterius etiam videt, si vim habet sufficientem ad videndum, & ipsa prærens est. Nullam verò esse repugnantiam, vt res eadem diuersis his modis consideretur, patet ex argumentorum solutione.

Malè autem opponunt Recentiores aliqui, ex hoc argumento sequi, quòd si quis duabus ^{3. Soluitur} obiectis aut pluribus dioptris vteretur ad intuitum ocularem obiecti, eliceret visiones differentes, alteram confusam, alteram claram, eiusdem obiecti, eodem loco visi. Aut etiam sequeretur quòd quicumque videret oculariter vi luminis habentis diuersos gradus, ratione vnus gradus videret obscurè: & vi alterius maioris, videret distinctius. Item, & vi vnum corpus varia haberet fundamenta quibus niteretur, alia infirma, alia valida: haberet in eodem loco duplicem situm, alium firmum, alium facillè mobilem. Quæ omnes sequelæ patent, inquirunt, à paritate rationis. Sed respondeo, manifestè disparatè esse rationem. Nam quando eadem propositio cognoscitur per diuersa media, vnum fidei, alterum scientiæ, tertium opinionis; obiectum est diuersum: quippe quod non est sola propositio materialis, sed complexum ex obiecto materiali & formali, indiuisibiliter cognitum vno, & eodem actu. Complexum autem

ex propositione reuelata, & reuelatione credibili, est diuersum à complexo ex conclusione & medio scientifico, vel probabili. At verò quando idem obiectum videtur per diuersas dioptras, aut vi eiusdem luminis constantis multis gradibus, non est diuersum obiectum, sed idem apparens trans dioptras, & illustratum eodem numero lumine. Corpus quoque vnum & idem non potest habere simul, nisi vnicum situm, seu præsentiam localem in eodem spatio. Quia situs ille, seu præsentia, nihil est aliud, quam corpus & spatium, simul inexistens, seu quasi penetratiue se habentia. Vnde si corpus est vnicum, & spatium vnicum: non potest præsentia multiplicari; quia nihil aliud includit, præter illa duo inexistens vnum in alio. At verò assensus dati eadem propositioni materiali, habent vnde multiplicentur ratione diuersorum obiectorum formalium, seu motiuorum, quæ possunt exprimi diuersis qualitatibus, intelligendo productis; & terminare attentionem intellectus virtualiter multiplicem; cum intellectus debeat ad singula attendere, vt vi illorum assentiatur.

Ex dictis collige primò, à fortiiori habitum scientiæ simul esse posse in eodem cum habitu fidei & actu fidei circa eandem veritatem. Alioqui vir doctus, euadens fidelis, aut fidem exercens, amitteret habitum scientiæ: quod est contra experientiam: Et vir fidelis euadens doctus, amitteret habitum fidei, cum primum actum scientificum circa illam veritatem exerceret, habitumque scientiæ acquireret. Et quia fides supernaturalis est indiuisibilis quoad amitti, vel conservari, ita vt rota simul amittatur, non sensim; sequeretur talem amittere totam fidem: ac proinde non tantum circa illam veritatem, sed & circa omnes alias. Et quia fides supernaturalis est fundamentum spei, & charitatis habitualis; ruerent pariter spes, & charitas, totaque gratia sanctificans: quod est absurdum, & hæreticum: cum sit de fide, eam non amitti, nisi per peccatum mortale. Adde quòd illi habitus nec inter se repugnant, nec cum actibus; ita vt simul esse non possint in eodem subiecto.

Collige secundò, non esse de necessitate obiecti fidei, vt sit non-evidens concomitantè: sed solum formaliter, id est, per ipsum medium fidei. Quandoquidem potest esse fides de obiecto naturaliter euidenti, & cum actu naturaliter euidenti, de eodem obiecto; cuius actus euidencia non excludit testimonium diuinum obscurum & ineuidens: neque impedit quin Deus sua auctoritate, & resuscitatione euidenter credibili, possit eandem veritatem confirmare; aut quo minus possit Deus altiori & nobiliori modo firmare intellectum in assensu eiusdem veritatis.

Adde tertio, habitum & actum opinionis cum fide & scientia coniungi posse: neque solum habitus scientiæ, fidei, & opinionis, de eadem re simul in eodem intellectu esse posse: verum etiam actus: imò vnum & eundem actum, scientiam, fidem, & opinionem esse posse de eadem re per diuersa media. Prima pars probatur, quia habitus illi non sunt con-

trarij. Et quamvis essent, possent tamen se compari quoad gradus remissos; vt calor, & frigus in manu; habitus temperantiae & intemperantiae in voluntate. Nulla enim est hic ratio peculiaris cur similiter se compari non possint, loquendo saltem de fide acquisita. Secunda pars patet ex dictis. Quia scilicet potest quis simul cognoscere eandem veritatem per ita media, quorum vnum sit euidens, aliud certum, & aliud tantum probabile. In eo enim nulla est repugnantia. Quod dum facit; non plus cognoscit per vnumquodque medium, quam ferat illius conditio. Et quidem frequenter cum aliquid probamus, vimur omni genere mediorum; & rationibus euidentiis, & testimonijs diuinis, & humanæ auctoritate, Doctorumque opinionibus. Et per hæc omnia simul mouemur ad assensum eiusdem veritatis, iuxta cuiusque mediij conditionem & vim.

Tertia denique pars probatur, quia non repugnat intellectum vno eodemque actu cognoscere eandem veritatem per hæc tria media, æquæ ac simul tribus actibus realiter distinctis. Id enim neque difficius, neque laboriosius est. Et aliunde constat intellectum posse simul plura cognoscere vno & eodem actu, vt alibi ostendimus. Ergo dari potest vnus actus, qui de eadem re per diuersa media sit scientia secundum quid, fides secundum quid, & secundum quid opinio. Porro actus ille, quæ ratione est opinio, non est incertus positius, sed negatiue & respectiue: id est, non habet certitudinem respectu mediij opinabilis: neque vt sic constituit æctum intellectum: non tamen constituit illum positius incertum, vel dubium. Quatenus verò fides est, non est obscurus positius, neque constituit intellectum positius obscurum: id est negatiue, & respectiue ad medium credibile: Id est, non est euidens vi mediij credibilis, neque constituit intellectum euidenter cognoscentem, vt sic: licet aliunde sit euidens, vi scilicet mediij scientifici. Non repugnat autem quòd vnus actus secundum suam rationem habeat aliquid, quod non habet secundum aliam: nisi aliunde sit repugnantia.

Vnde quartò & vltimò collige dari posse habitum naturalem, qui simul sit scientia, fides, & opinio. Quia actus generant habitus sibi adæquatos in extensione circa totum obiectum materiale & formale, circa quod sunt. Nam ad hoc totum vident, & faciunt potentiam. Ergo actus, qui simul est scientia, fides, & opinio, generat habitum scientiæ, fidei, & opinionis, circa veritatem cognitam triplici motiuo, euidenti, credibili, & probabili. Neque verò magis repugnat dari vnum & eundem habitum valentem simul ad sciendum, credendum, & opinandum: quam dari vnum & eundem actum, qui sit simul scientia, fides, & opinio. Hoc autem secundum non repugnat, vt supra ostendimus: Ergo neque primum. Ille tamen actus, qui esset simul fides, & scientia vel opinio, non esset supernaturalis, vt dicemus infra, num. 22.

Etiam in vno & eodem actu.

Et in eodem habitu naturali.

4. Habitus fidei, & scientiæ possunt esse simul.

Obiecti fidei potest esse euidens concomitantè.

5. Scientia, fides, & opinio de eadem re possunt simul esse.



SECTIO II.

Soluntur tres priores difficultates contra doctrinam propositam.

7.
Possit ne
idem si-
mul vi-
deri, &
credi?

Contra id quod primo loco diximus, posse aliquem simul videre idem, & credere, sentiunt Magister in 3. dist. 23. lit. C. Scot. dist. 24. q. vnica, Ricard. ibid. quæst. 5. & Thomista communiter 2. 2. q. 1. a. 4. vel 5. Qui obijciunt primò, fidem esse argumentum non apparentium, Græcè ἔπιστημον, id est, non visorium, Hebr. 11. v. 1. & August. Tract. 40. in Ioan. *Quid est, inquit, fides? credere quod non videt.* Et Tract. 79. *Hæc est laus fidei, si quod creditur, non videatur.* Ideoque Gregor. magnus homil. 26. in Euangelia, dubitat quomodo Christus dixerit, Ioan. 20. v. 29. *Quia vidisti me Thoma, credidisti:* cum fides sit de non apparentibus. Respondetque Thomam vnum vidisse, & aliud credidisse. Nam vidit hominem, & credidit Deum. Ibidem ipso initio tradit celebrem illam sententiam. *Fides non habet meritum, vbi humana ratio præbet experimentum.* Secundò, si visio, & fides simul esse possunt; cur non sunt in Beatis in cælo? Tertiò, experientia videtur ostendere, neminem posse credere, siue assentiri propter auctoritatem dicentis, rebus, quæ ante oculos habet. Nimirum, quia visio reddit intellectum incapacem, vt moueatur ab extrinseco testimonio: sicut in Phisicis actionibus causa potentior excludit actionem debiliorem, & agit sola, cessante aliâ. Addunt quartò Recentiores aliqui, Scripturam non aliunde supponere fidem à Beatis non exerceri, quàm quia non stat simul, videre Deum esse, & credere Deum esse: 1. Cor. 13. *Nunc cognosco ex parte, tunc autem cognoscum, sicut & cogniti sum:* & paulò ante: *Christus nunquam excidit: siue prophetia enacubatur, siue lingua cessabit, siue scientia destruetur.* Ex parte enim cognoscimus, & ex parte prophetamus. Cum autem venerit quod perfectum est, enacubatur quod ex parte est. Et Rom. 8. *Spes que videtur non est spes. Quod enim quis videt, quomodo sperat?* Eadem autem est ratio de fide, quæ, vt ait idem Apostolus Hebr. 11. *Est sperandarum substantia rerum:* quare neutra potest compari visionem. Addunt quintò, implicare contradictionem, simul esse visionem, & fidem eiusdem rei. Quia actus fidei supernaturalis est ad superandam difficultatem & resistantiam naturalem, quam habet intellectus ad assensum tam firmum, quàm est actus fidei. Itaque fides captiuat intellectum: & ex eo est necessitas principij supernaturalis ad fidem. Cum ergo necessaria fir actui fidei libera submissio; non potest exerceri à vidente Deum, circa Dei existentiam. Qui enim videt intuitiue Deum, tam rapitur ad assentiendum quòd Deus est, vt non possit magis. Quare non potest esse submissio.

8.
Possit ne
actus fi-

Addunt sextò, actum fidei non posse simul esse cum experientia sensuum circa idem: quia fides est virtus supernaturalis, atque adeo ma-

ximè laudabilis. Laus verò fidei hæc est, quòd dei esse per eam, vt loquitur Arausiac. can. 5. corrigi- cum ex- tur intellectus ab infidelitate, id est, ab hæsi- perientia tentum? tatione, dubitatione, &c. At nullum est ordinarè periculum hesitandi in assentiendo ips, quæ videntur oculis, & manibus tanguntur. Confirmatur, quia Paulus Rom. 4. laudat fidem Abrahæ eò quòd non hesitauerit diffidentia, neque considerauerit corpus suum emortuum, cum iam ferè centum esset annorum; & emortuum vuluam Saræ: significans fidei laudem in eo consistere. Neque responderi potest, sufficere quòd possit hesitari per medium, seu motiuum credendi. Nam contra: primò, intellectus vnâ viâ omnino conuictus, nullà aliâ vacillare potest. Secundò, si intellectus hesitare posset circa obiectum fidei, per hoc duntaxat, quia per medium fidei, non habet euidentem notitiam obiecti: Abrahæ fides requè fuisset laudabilis, licet ipse fuisset iuuenis, & Sara fecunda. Neque enim iude magis vel minus nota fuisset reuelatio per medium fidei. Confirmatur, quia, si fuisset iuuenis, minus eguisset robore fidei ad credendum promissioni diuinæ. Sed si minuitur necessitas fidei adiumento notitiæ naturalis, quam de possibilitate obiecti, propositi per reuelationem, Abraham habuisset: ergo tanta potuit esse experimentalis notitia præsentis obiecti, putà ortus Isaac, vt nullà fide eguisset ad assentiendum tali obiecto. Nam adiumentum, quod minuit necessitatem fidei, tantum esse potest, & adeo crescere in eodem genere manens, vt eam necessitatem exhauriat per se. Sed vbi tollitur necessitas fidei ad assensum, non potest esse actus supernaturalis. Ille enim tantum est actus supernaturalis, qui non potest fieri sine principio supernaturali.

Ad primum respondeo primò, fidem generatim esse non apparentium formaliter & respectiue, per illud scilicet medium, quò ad fidem pertinet, & secundum modum, quò fides eorum est: siue aliunde videantur, siue non. Secundò, fidem esse non apparentium, & non visorum absolute, quoad plurima: sed id non esse vniuersim accipiendum de omnibus, cum Paulus addat ibidem v. 6. credendum esse, quia Deus est: quod tamen multis apparet euidenter ratione naturali. Tertiò, Diuum August. similiter intelligendum esse in sensu formali. Thomas autem Apostolus non modò Christum Deum esse creditit; sed & resurrexisse, & viuere, de quo antea dubitauerat: cuius tamen rei experientiam sensibilem habebat. Quod verò addit Gregorius, *Fides non habet meritum, &c.* moraliter & comparatiue accipiendum est: quòd scilicet non habeat ceteris paribus tantum & tale meritum, quantum is, qui credit contra difficultatem, quòd aliqui in credendo esse solet, vbi deest huiusmodi experimentum. Absolutè verò, quamvis aliqua veritas sit euident aliunde, bonum est, & laude dignum ei firmiter assentiri liberè, propter rationem credibilitatis, studio rectitudinis & honestatis, atque amore Dei, cui veritas placet. Credere verò per se solum, si non fiat affectu recti & honesti, non est laude dignum;

9.
Quomo-
do fides
est non
apparen-
tium?

neque est meritorium, nisi fiat propter Deum.

10.
Cor non
credunt
Beati?

Ad secundum respondeo, fidem actuale non esse in cælo, quia Beati nōrunt euidenter Deum testificari, & Deum esse veracem: ideoque nōrunt euidenter quidquid per diuinam reuelationem intelligunt. Absolutè verò fides, & visio non repugnant. Ad tertium dico, experientiam potius ostendere contrarium. Possum enim cuiuspiam se mihi offerenti, & adesse clamanti, credere, quia ipse dicit, simulque præsentem intueri. Item, momenti ibi esse ignem, aut abyssum, vel thesaurum, assentiri possum, quia ipse dicit, & simul quia video ita esse. Sic cælum esse, & Solem, & astra, credo quia id reuelatum est in Scriptura: & tamen sensu experior. Falsum quoque est minora agentia cessare præsentē fortiori. Nam quando plures trahunt ingens aliquod pondus, debiliores concurrunt cum fortioribus. Et luminaria minora cum maioribus agunt, vt ostendit experientia.

11. Ad quartum respondeo, Scripturam supponere fidem non exerceri à Beatis, quia perfectè & euidenter cognoscunt omnia fidei mysteria, & dogmata, quæ hac in vita creduntur; cognoscunt, inquam, euidenter hæc omnia vel line medio, vel per omne medium, sub quo illa attingunt. Quæ de causa Paulus primo loco citato ait, Prophetias, id est, cognitiones obscuras euacuatum iri; & nos in præsentī videre per speculum, & in ænigmatē, tunc autem facie ad faciem, id est, non amplius per obscuram cognitionem, qualis est ænigmatica. Quod verò addit Rom. 8. *Spes quæ videtur, non est spes*, &c. dictum est de actu spei propriæ & strictè sumpto, qui non versatur nisi circa bonum absens & arduum, vt suppono ex dicendis disp. 15. deque illa fatemur non compati visionem, id est, possessionem rei.

Ques. &
vide sit
credendi
difficul-
tas?

Ad quintum respondeo, semper esse difficultatem aliquam, & resistantiam intellectus ad assensum tam firmum propter Dei testimonium obscurè propositum, & tam vniuersaliter, plenèque subiicientem intellectum cum præparatione animi ad acceptandam quamcunque Dei reuelationem sufficienter propositam, & cum tanta reuerentia erga Dei auctoritatem, quanta est in omni actu fidei supernaturalis: quæ de causa non potest talis, & tam excellens actus elici solis viribus naturalibus. Sed non est necesse, vt illa resistantia & difficultas oriatur ex obiecto solo materiali: alioqui viri Docti, quibus est euidenter Deum esse, non possent illud credere. Multò minùs possemus credere Solem & Lunam esse, & circa terram moueri: quod ipsis oculis cernimus: & tamen à Deo in Scriptura reuelatum est, crediturque eadem fide, quæ credimus cætera à Deo reuelata, & in Scripturis expressè contenta: eoque sine fine dubio scripta sunt, vt credantur. Neque mirari nequeo hoc argumentum proponi ab illis, qui putant actum fidei posse esse intrinsecè euidentem, & elici ex motiui reuelationis euidente simpliciter. Imò etiam ex motiui purè naturali. Putant enim actum fidei supernaturalis, quo creditur Deum esse, & providere rebus humanis, elici

posse ex solis argumentis naturalibus euidenter notis, quibus vtrumque demonstratur. Existimant quoque non minùs euidenter fieri per argumenta credibilitatis Deum esse trinum; Christum esse Deum, & contineri sub speciebus Eucharisticis, & alia omnia fidei dogmata esse vera: quàm sit euidentis ex argumentis naturalibus Deum esse, & providere vniuerso. Miror, inquam, illos hoc argumento vti contra nos, sumpto ex difficultate assentiendi; quia non video quæ possit esse difficultas in tali assensu ex parte obiecti euidenter & scientificè cogniti.

Ad confirmationem respondeo, quædam esse fidei obiecta materialia, quæ specialem habent difficultatem, redduntque actum fidei difficultiorem, & laudabiliorem, ob victoriam illius difficultatis. Cuiusmodi fuit actus ille Abrahamæ, de quo loquitur Apostolus Rom. 4. Ar non omnia obiecta fidei materialia sunt huiusmodi. Et ad fidem supernaturalem exercendam sufficit alia difficultas ex parte motiui, & modi in illud tendendi. Contra quod frustra opponitur, intellectum vnà viâ conuictum, non posse alià vacillare. Respondeo enim non posse vacillare circa id, de quo euidenter conuictus est. Sed intellectus credentis non est euidenter conuictus circa tale motiuium, præsertim verò cum tanta vniuersalitate, submissione, & reuerentia amplectendum. Quare licet non possit vacillare circa obiectum materiale, si circa illud euidenter conuincitur: potest tamen circa motiuium taliter amplectendum.

Reliquum obiectionis solutum manet ex dictis. Diximus enim paulò ante, causam hæsitationis in reuelatione illa facta Abrahamo, non fuisse solum ex parte motiui: sed aliam fuisse specialem, & valde magnam ex parte obiecti materialis. Et quamvis si fuisset ipse iuuenis, & Sara fecunda, minùs eguisset robore fidei ex illa parte: ac tandem posset exhauriri tota difficultas & ratio hæsitandi, quæ est ex parte obiecti materialis: non propterea exhauriretur difficultas, quæ est ex parte obiecti formalis, & modi illud tam generosè & perfectè amplectendi: proptèrque illam esset adhuc opus robore fidei, & principio supernaturali. Ad hoc argumentum, æque ac præcedens retorqueri posse contra aduersarios, qui dicunt, tamen euidenter sit Deum esse, & providere vniuerso, ac proinde intellectus circa illud conuincatur, & non hæsitet: adhuc tamen id credi posse fide supernaturali: Et quidem etiam per illud idem medium, per quod est euidentis. Vbi non video quis esse possit locus hæsitationis, siue ex parte materialis obiecti, siue etiam ex parte formalis. Dicunt etiam cætera fidei obiecta cognosci æquè euidenter à doctis, quibus non credibile solum, sed euidenter est Deum reuelasse, & veracem esse: ac proinde, illos conuinci per motiuium credendi, tam circa obiectum materiale, quàm circa formale. Quare hæc illorum doctrina meo iudicio parum coheret cum obiectione proposita.

Secundò, contra id quod diximus, actus fidei, & scientiæ simul esse posse, opinantur

11.
Maior est
in quib-
usdam
obiectis.

13.

14.

Scotus in 3. dist. 24. quest. vnica, Maior ibid. concl. 3. Almain. concl. 4. Gabriël art. 2. concl. 4. quorum præcipua argumenta, hæc sunt.

Primò, inquit, clarum, & obscurum sunt repugnancia inter se, tanquam priuatiuè opposita. Ergo non possunt esse simul in eodem subiecto. Scientia autem est clara, & fides obscura : Ergo, &c. Secundò, non potest quis simul iudicare rem esse claram, & obscuram. Atqui si haberet simul actus scientiæ & fidei, iudicaret rem esse claram, & obscuram. Tertiò, impossibile est intellectum esse plenè & omnino determinatum, & non esse : esse conuictum, & non esse ; assentiri simul liberè, & non liberè eidem veritati. At hæc simul essent, si actus scientiæ & fidei simul reperirentur in eodem subiecto.

Ad primum Respondeo, clarum & obscurum per diuersa media non repugnare ; id est, non repugnare intellectum eidem obiecto materiali assentiri euidenter vi vnus medij : & simul alio actu, certò tantum assentiri vi alterius. Neque enim repugnat vnum medium esse euidentem intellectui, & aliud non esse : vnum causare assensum euidentem, & aliud non, sed certum duntaxat. Ad secundum respondeo negando minorem : Aliud enim est assentiri obscure, seu non clarè : & aliud, iudicare rem esse obscuram. Deinde dico non repugnare, vt quis simul iudicet rem esse claram respectu vnus medij, & non claram respectu alterius : id est, habere claritatem ab vno medio, & non ab alio. Notandum autem rem non esse propriè claram, vel obscuram intrinsecè, sed tantum extrinsecè denominari, talem ab actu claro, vel obscuro intellectus, quem terminat aut terminare potest. Non repugnat autem denominari simul claram respectu vnus actus, & obscuram respectu alterius : atque vt coniunctam cum vno medio habere proportionem cum intellectu sufficientem ad gignendum assensum clarum : cum alio verò non habere.

Ad tertium respondeo similiter, non implicare quòd intellectus secundum vnum medium sit plenè determinatus, & conuictus ; & per aliud non sit, ob diuersam vim, & proportionem mediorum. Et conuincitur quidem re ipsa intellectus : sed non vi vtriusque medij, neque ad vtrumque actum, sed ad euidentem duntaxat : quo actu stante, non est liber ad actum, oppositum : quasi possit habere simul assensum contrarium ; eidemque simul assentiri, & dissentire : liber est tamen ad assensum fidei, vel opinionis circa eandem veritatem, ex proprijs vtriusque motiuis : quia inter eiusmodi assensus elicitos per diuersa motiua, nulla est repugnancia ; vt paulò ante ostendimus.

Inhabis, quia si per diuersa media hæc omnia fieri possunt, sequitur assensum scientificum, & erroneum simul esse posse circa eandem propositionem ; ita vt intellectus simul iudicet esse veram, & falsam. Tunc enim cessabit oppositio : quia solum esse dicitur respectu eiuldem, non verò respectu diuersorum mediorum. Respondeo, si haberet assensum scientificum, & erroneum simul de eadem re,

iudicaret simul rem esse, & non esse : quod planè repugnat ; estque euidenter contra lumen naturale : manifestum enim est, impossibile esse vt, etiam per diuersa media, res simul sit, & non sit : vtque è duobus medijs vnum faciat rem esse, & aliud simul faciat non esse. Non possumus autem assentiri ei, quod euidenter impossibile & falsum apparet. At verò qui assentitur ineuidenter, & euidenter, per diuersa media : non propterea iudicat rem esse, & non esse : neque esse euidentem, & ineuidentem simpliciter, aut in seipsa intrinsecè : sed illam tantum attingit euidenter per vnum medium, & non attingit euidenter per aliud : habet ab vno medio euidentiam, & ab alio certitudinem tantum.

Tertiò, contra id quod diximus, actum scientiæ, & opinionis simul esse posse, sentiunt Nominales suprà citati. Pro quibus obijci potest duo iudicia contradictoria simul esse non posse. Sed actus scientiæ & opinionis de eodem, sunt duo iudicia contradictoria : Ergo, &c. Probatur Minor, quia iudicare rem non posse aliter se habere, & rem posse aliter se habere, sunt iudicia contradictoria. Tam enim est contradictorium rem posse aliter se habere, & non posse aliter se habere : quam rem esse, & non esse. At qui scit, iudicat rem non posse aliter se habere, ex arist. 2. Poster. c. 2. Vnde etiam existit scientiæ certitudo. Qui autem opinatur, iudicat rem posse aliter se habere : quia illi assentitur, vt probabiliter tantum, & apparetur ita se habenti, ita tamen, vt aliter esse possit, nec ita esse certum sit. Respondeo eum, qui opinatur tantum sine formidine positua, non iudicare rem posse aliter se habere : sed tantum attingere veritatem in gradu inferiori certitudine fidei ; & euidentia scientiæ. Ex quo licet non intelligat rem necessariò esse vt iudicat : non ideo tamen iudicat posituè posse aliter se habere : sed merè negatiuè circa illud se habet tali actu, & vi illius medij ; assentiendo simpliciter in gradu illo infimo, qui est adhesio nec euidentis, nec firma.

Addunt aliqui Recentiores, ex alia parte repugnare simul exerceri circa eandem propositionem, etiam per diuersa media, duos assensus, vel vnum æquiualentem duobus, quotum alter sit scientiæ, alter sit fidei, vel opinionis. Primò quia, inquit, non videret esse capax nosse intellectus, huius varietatis, diuersimodè vtendi argumentis : ita vt simul ex reuerentia, & submissione, Christiano modo ; & fidei, dicat *Deum esse* : & modo Philosophicò de eodem actum scientificum eliciat, vel opinatiuum. Neque enim ita distrahi potest eadem facultas ; vt vnicuique suà experientia notum esse potest. Nam sollicitudo Philosophicè inquirendi vim, & formam argumentorum, turbat eam submissione, & pietatem, quæ debetur fidei. Quæ ratio generaliter probat non posse circa idem obiectum exerceri simul actum assensus intellectualis modo fidei proprio, & modo scientifico, vel opinatiuo, licet supponeretur esse vnus simplex actus. Speciatim verò non posse simul exerceri distinctos actus fidei supernaturalis, & scientiæ vel opi-

Actus fidei & scientiæ possuntne simul esse ?

16. Possuntne simul esse actus scientiæ, & opinionis ?

15.

Cor actus scientificus, & erroneus simul esse acquirit ?

17. An repugnatiuum ex parte intellectus

monis de eodem obiecto per diuersa media, probant secundò, quia vbi multa media iuuant ad idem persuadendum, experimur omnibus illis argumentis in vnum collectis nos moueri ad vnum simplicem actum assensus erga propositionem illis omnibus medijs probatam: vt cum mouemur pluribus motiuis ad idem amandum, quorum aliquo parentem amorem tepidum, alia amorem intensum. Neque videtur possibile in eodem principio esse simul duos amores efficaces eiusdem obiecti, diuersimodè illud appetientes. Ita ergo nec in intellectu possunt esse simul distincti assensus circa idem. Quod vterius terciò sic probant: quia in actu intellectus, vltra aliquam qualitatem productam, includitur principaliter vsus principij intelligentis, qui est applicatio aliqua potentie vitalis, ad obiectum. Itaque vt sit duplex actus, alter scientiæ, alter fidei, vel opinionis, oportet esse distinctas virtualiter illas applicationes facultatis: & vnam esse naturalem, alteram supernaturalem, si exercetur fidei Theologicæ actus. Quod videtur impossibile, sicut impossibile est eandem facultatem moriuam duobus modis duplicem præsentiam eidem spatio simul acquirere, vel habere. Eademque est ratio de alijs modis indistinctis à rebus. Hi enim non possunt intelligi virtualiter numero diuersi in eadem re simul tempore, habentes eundem formalem effectum, vt ita dicam. Quia nihil est vnde possint distingui virtualiter: Ergo non videtur possibile eundem intellectum simul & semel habere duos vsus vitales circa idem: cum nihil aliud sit ille vsus, quam applicatio intellectus ad hoc obiectum. Quare vbi est vnus intellectus, & vnum obiectum: est etiam vnus actus necessariò. Sicut vbi est vnum corpus, & vnum spatium, implicat esse duplicem præsentiam. Confirmatur, inquit, quia saltem implicare videtur simul esse duos actus scientiæ vnus propositionis per vnum medium: vt probat ratio & exemplum suprà allatum. At videtur par ratio, quòd non sint duo actus, alter fidei, alter scientiæ, vel opinionis, quamvis per diuersum medium. Licet enim videatur esse aliqua varietas in attentione ad media: quorum alteri scientia, vel opinio, alteri fides innitur: tamen assertio absoluta propositionis, Deus est v. g. est eadem prorsus, etiam ratione. Sed in ea præcipue consistit actus fidei, & scientiæ, vel opinionis. Et quemadmodum si quis suo impulsu simul, & alieno, subeat idem spatium, non propterea duplici motu, neque duplici præsentia id fiet: Ita licet huius assertionis, *Deus est*, sit duplex virtualiter principium, & attentio ad diuersa media, ipsa tamen erit semper vnica: Hæc illi.

Sed ad primum respondendum est fieri quidem posse, vt interdum sollicitudo circa medium, & formam demonstrationis, actusque scientifici, & attentio intellectus tanta sit, vt simul intellectus, propter suam limitationem & imperfectionem, non possit vacare attentioni necessariæ ad exercendum actum fidei supernaturalis. Verum non omnes actus scientifici sunt adeo difficiles, & multò minus actus opi-

natiui: sed aliqui sunt valde faciles, & qui per exigua egent attentione; præsertim post habirum scientiæ, vel opinionis in gradu valde intenso acquisitionis: vel in materia & forma valde facili. Idèque non repugnat ex ea parte quin possint exerceri simul cum actu fidei: ab illis præsertim, qui sunt ingenij capaciosi, & non tam faciliè turbantur, aut non tantopere vnico obiecto occupantur.

Ad secundum respondeo, incertam esse illam experientiam. Neque enim constat nobis experientià plures ne tunc, an vnicum actum exercentur circa talem propositionem: vnicum, inquam, æquivalentem pluribus, & per illa omnia media assentientem propositioni. Sicut quando plures colores simul videmus, non experimur vtrum vnico actu, an pluribus id fiat. Posse autem simul esse duos amores circa idem obiectum diuersimodè illud appetiantes, non dubito. Nam Beati simul & perpetuò Deum amant, tum vt bonum in se ipso, & propter se, per actum charitatis; tum vt sibi ipso bonum multipliciter, per actum spei. Quarum considerationum prior est illis longè maioris æstimationis. Nam ille amor vterque rectus est, & modo atque ordine convenienti tendit in obiectum, Deus autem est longè æstimabilior, proptèr summè bonus absolutè, quam proptèr nobis bonus est.

Ad tertium respondeo, actus non distingui, neque multiplicari realiter ex parte vsus principij vitalis, sed ex parte qualitatum productarum. Nam illi vsus non sunt distincti realiter, quando principium, cui identificantur, est realiter vnicum. Vnde etiam quia, vt facerent auctores huius obiectionis, intellectus & voluntas sunt realiter idem principium, sunt enim ipsam animam rationalem, realiter vnica, & indiuisibilis: vsus intellectus & voluntatis, non est realiter diuersus, sed tantum virtualiter. Potest autem illud principium realiter vnicum, habere simul vsum virtualiter duplicem circa idem obiectum. Nam idem illud obiectum, quod cognoscitur, amatur. Sicut autem potest eadem anima diuersimodè applicari simul ad idem obiectum, intelligendo, & amando, propter diuersum tendendi modum: ita potest idem intellectus diuersimodè applicari ad eandem propositionem, assentiendo illi per diuersa media, & eliciendo multos & diuersos assensus, quales illi essent, qui per singula media exercerentur successiue circa eandem propositionem materiale. In quo casu non negant Aduersarij fore vsum virtualiter multiplicem. Quoniam necessariò multiplex est virtualiter & æquivalenter vsus atque attentio principij vitalis, quotiescunque eadem propositio materialis cognoscitur per diuersa media. Quia necessarium est, vt intellectus attendat ad singula motiua, propter quæ assentitur.

Ad exemplum verò allatum de præsentia locali, Nego pariterem. Nam præsentia illa nihil aliud est, quam inexistencia rei in spatio, cui præsens est: siue res, & spatium, simul & penetratiue se habentia. Vnde si est res eadem, & idem spatium, non est nisi vnica inexistencia.

Neque

19.
Quomodo
multiplicen-
tur actus
intellectus?

18.
Ostenditur non
repugnare
etc.

125

Neque enim potest multiplicari ex parte rei, aut (patij; cum vtrumque sit vnicum, & præsentia localis nihil aliud includat. Sed cum assensus datur eidem propositioni materiali per diuersa media: quamvis sit idem intellectus, & eadem propositio materialis, cui assentitur; media tamen, seu motiua assentiendi sunt diuersa, & cognoscuntur, atque attenduntur secundum se formaliter: adeoque obiectum est simpliciter diuersum. Vnde non mirum est, quod attentio possit esse virtualiter diuersa: imò etiam debeat, vt paulò ante dixi: quia debet æquiualeere multis, quibus singillatim eidem propositioni modò per hoc medium, modò per illud assentiremur, & quibus diuersa illa obiecta attingerentur. Neque enim actus scientiæ, fidei, vel opinionis, consistit solum in assensu dato propositioni materiali, seorsim sumptæ à formali, & motiuo assentiendi: sed versatur circa complexum ex materiali, & formali: atque in vtrumque tendit indiuisibiliter; vt alibi ostendemus, & factentur Aduersarij. Ita vt complexum ex propositione reuelata, & ex reuelatione sufficienter credibili, sit obiectum adæquatum fidei: & complexum ex conclusione, & ex principiis quibus probatur, sit obiectum proprium, & adæquatum, actus scientiæ, vel opinionis. Que complexa cum sint diuersa, vt manifestum est, possunt terminare diuersas attentiones, æquæ ac exprimi per diuersas qualitates, intelligendo productas. Ex quo patet solutio vltimi argumenti in confirmationem prioris additi.

S E C T I O III.

Alia dua obiectiones diluuntur.

^{11.} ^{12.} ^{13.} ^{14.} ^{15.} ^{16.} ^{17.} ^{18.} ^{19.} ^{20.} ^{21.} ^{22.} ^{23.} ^{24.} ^{25.} ^{26.} ^{27.} ^{28.} ^{29.} ^{30.} ^{31.} ^{32.} ^{33.} ^{34.} ^{35.} ^{36.} ^{37.} ^{38.} ^{39.} ^{40.} ^{41.} ^{42.} ^{43.} ^{44.} ^{45.} ^{46.} ^{47.} ^{48.} ^{49.} ^{50.} ^{51.} ^{52.} ^{53.} ^{54.} ^{55.} ^{56.} ^{57.} ^{58.} ^{59.} ^{60.} ^{61.} ^{62.} ^{63.} ^{64.} ^{65.} ^{66.} ^{67.} ^{68.} ^{69.} ^{70.} ^{71.} ^{72.} ^{73.} ^{74.} ^{75.} ^{76.} ^{77.} ^{78.} ^{79.} ^{80.} ^{81.} ^{82.} ^{83.} ^{84.} ^{85.} ^{86.} ^{87.} ^{88.} ^{89.} ^{90.} ^{91.} ^{92.} ^{93.} ^{94.} ^{95.} ^{96.} ^{97.} ^{98.} ^{99.} ^{100.} ^{101.} ^{102.} ^{103.} ^{104.} ^{105.} ^{106.} ^{107.} ^{108.} ^{109.} ^{110.} ^{111.} ^{112.} ^{113.} ^{114.} ^{115.} ^{116.} ^{117.} ^{118.} ^{119.} ^{120.} ^{121.} ^{122.} ^{123.} ^{124.} ^{125.} ^{126.} ^{127.} ^{128.} ^{129.} ^{130.} ^{131.} ^{132.} ^{133.} ^{134.} ^{135.} ^{136.} ^{137.} ^{138.} ^{139.} ^{140.} ^{141.} ^{142.} ^{143.} ^{144.} ^{145.} ^{146.} ^{147.} ^{148.} ^{149.} ^{150.} ^{151.} ^{152.} ^{153.} ^{154.} ^{155.} ^{156.} ^{157.} ^{158.} ^{159.} ^{160.} ^{161.} ^{162.} ^{163.} ^{164.} ^{165.} ^{166.} ^{167.} ^{168.} ^{169.} ^{170.} ^{171.} ^{172.} ^{173.} ^{174.} ^{175.} ^{176.} ^{177.} ^{178.} ^{179.} ^{180.} ^{181.} ^{182.} ^{183.} ^{184.} ^{185.} ^{186.} ^{187.} ^{188.} ^{189.} ^{190.} ^{191.} ^{192.} ^{193.} ^{194.} ^{195.} ^{196.} ^{197.} ^{198.} ^{199.} ^{200.} ^{201.} ^{202.} ^{203.} ^{204.} ^{205.} ^{206.} ^{207.} ^{208.} ^{209.} ^{210.} ^{211.} ^{212.} ^{213.} ^{214.} ^{215.} ^{216.} ^{217.} ^{218.} ^{219.} ^{220.} ^{221.} ^{222.} ^{223.} ^{224.} ^{225.} ^{226.} ^{227.} ^{228.} ^{229.} ^{230.} ^{231.} ^{232.} ^{233.} ^{234.} ^{235.} ^{236.} ^{237.} ^{238.} ^{239.} ^{240.} ^{241.} ^{242.} ^{243.} ^{244.} ^{245.} ^{246.} ^{247.} ^{248.} ^{249.} ^{250.} ^{251.} ^{252.} ^{253.} ^{254.} ^{255.} ^{256.} ^{257.} ^{258.} ^{259.} ^{260.} ^{261.} ^{262.} ^{263.} ^{264.} ^{265.} ^{266.} ^{267.} ^{268.} ^{269.} ^{270.} ^{271.} ^{272.} ^{273.} ^{274.} ^{275.} ^{276.} ^{277.} ^{278.} ^{279.} ^{280.} ^{281.} ^{282.} ^{283.} ^{284.} ^{285.} ^{286.} ^{287.} ^{288.} ^{289.} ^{290.} ^{291.} ^{292.} ^{293.} ^{294.} ^{295.} ^{296.} ^{297.} ^{298.} ^{299.} ^{300.} ^{301.} ^{302.} ^{303.} ^{304.} ^{305.} ^{306.} ^{307.} ^{308.} ^{309.} ^{310.} ^{311.} ^{312.} ^{313.} ^{314.} ^{315.} ^{316.} ^{317.} ^{318.} ^{319.} ^{320.} ^{321.} ^{322.} ^{323.} ^{324.} ^{325.} ^{326.} ^{327.} ^{328.} ^{329.} ^{330.} ^{331.} ^{332.} ^{333.} ^{334.} ^{335.} ^{336.} ^{337.} ^{338.} ^{339.} ^{340.} ^{341.} ^{342.} ^{343.} ^{344.} ^{345.} ^{346.} ^{347.} ^{348.} ^{349.} ^{350.} ^{351.} ^{352.} ^{353.} ^{354.} ^{355.} ^{356.} ^{357.} ^{358.} ^{359.} ^{360.} ^{361.} ^{362.} ^{363.} ^{364.} ^{365.} ^{366.} ^{367.} ^{368.} ^{369.} ^{370.} ^{371.} ^{372.} ^{373.} ^{374.} ^{375.} ^{376.} ^{377.} ^{378.} ^{379.} ^{380.} ^{381.} ^{382.} ^{383.} ^{384.} ^{385.} ^{386.} ^{387.} ^{388.} ^{389.} ^{390.} ^{391.} ^{392.} ^{393.} ^{394.} ^{395.} ^{396.} ^{397.} ^{398.} ^{399.} ^{400.} ^{401.} ^{402.} ^{403.} ^{404.} ^{405.} ^{406.} ^{407.} ^{408.} ^{409.} ^{410.} ^{411.} ^{412.} ^{413.} ^{414.} ^{415.} ^{416.} ^{417.} ^{418.} ^{419.} ^{420.} ^{421.} ^{422.} ^{423.} ^{424.} ^{425.} ^{426.} ^{427.} ^{428.} ^{429.} ^{430.} ^{431.} ^{432.} ^{433.} ^{434.} ^{435.} ^{436.} ^{437.} ^{438.} ^{439.} ^{440.} ^{441.} ^{442.} ^{443.} ^{444.} ^{445.} ^{446.} ^{447.} ^{448.} ^{449.} ^{450.} ^{451.} ^{452.} ^{453.} ^{454.} ^{455.} ^{456.} ^{457.} ^{458.} ^{459.} ^{460.} ^{461.} ^{462.} ^{463.} ^{464.} ^{465.} ^{466.} ^{467.} ^{468.} ^{469.} ^{470.} ^{471.} ^{472.} ^{473.} ^{474.} ^{475.} ^{476.} ^{477.} ^{478.} ^{479.} ^{480.} ^{481.} ^{482.} ^{483.} ^{484.} ^{485.} ^{486.} ^{487.} ^{488.} ^{489.} ^{490.} ^{491.} ^{492.} ^{493.} ^{494.} ^{495.} ^{496.} ^{497.} ^{498.} ^{499.} ^{500.} ^{501.} ^{502.} ^{503.} ^{504.} ^{505.} ^{506.} ^{507.} ^{508.} ^{509.} ^{510.} ^{511.} ^{512.} ^{513.} ^{514.} ^{515.} ^{516.} ^{517.} ^{518.} ^{519.} ^{520.} ^{521.} ^{522.} ^{523.} ^{524.} ^{525.} ^{526.} ^{527.} ^{528.} ^{529.} ^{530.} ^{531.} ^{532.} ^{533.} ^{534.} ^{535.} ^{536.} ^{537.} ^{538.} ^{539.} ^{540.} ^{541.} ^{542.} ^{543.} ^{544.} ^{545.} ^{546.} ^{547.} ^{548.} ^{549.} ^{550.} ^{551.} ^{552.} ^{553.} ^{554.} ^{555.} ^{556.} ^{557.} ^{558.} ^{559.} ^{560.} ^{561.} ^{562.} ^{563.} ^{564.} ^{565.} ^{566.} ^{567.} ^{568.} ^{569.} ^{570.} ^{571.} ^{572.} ^{573.} ^{574.} ^{575.} ^{576.} ^{577.} ^{578.} ^{579.} ^{580.} ^{581.} ^{582.} ^{583.} ^{584.} ^{585.} ^{586.} ^{587.} ^{588.} ^{589.} ^{590.} ^{591.} ^{592.} ^{593.} ^{594.} ^{595.} ^{596.} ^{597.} ^{598.} ^{599.} ^{600.} ^{601.} ^{602.} ^{603.} ^{604.} ^{605.} ^{606.} ^{607.} ^{608.} ^{609.} ^{610.} ^{611.} ^{612.} ^{613.} ^{614.} ^{615.} ^{616.} ^{617.} ^{618.} ^{619.} ^{620.} ^{621.} ^{622.} ^{623.} ^{624.} ^{625.} ^{626.} ^{627.} ^{628.} ^{629.} ^{630.} ^{631.} ^{632.} ^{633.} ^{634.} ^{635.} ^{636.} ^{637.} ^{638.} ^{639.} ^{640.} ^{641.} ^{642.} ^{643.} ^{644.} ^{645.} ^{646.} ^{647.} ^{648.} ^{649.} ^{650.} ^{651.} ^{652.} ^{653.} ^{654.} ^{655.} ^{656.} ^{657.} ^{658.} ^{659.} ^{660.} ^{661.} ^{662.} ^{663.} ^{664.} ^{665.} ^{666.} ^{667.} ^{668.} ^{669.} ^{670.} ^{671.} ^{672.} ^{673.} ^{674.} ^{675.} ^{676.} ^{677.} ^{678.} ^{679.} ^{680.} ^{681.} ^{682.} ^{683.} ^{684.} ^{685.} ^{686.} ^{687.} ^{688.} ^{689.} ^{690.} ^{691.} ^{692.} ^{693.} ^{694.} ^{695.} ^{696.} ^{697.} ^{698.} ^{699.} ^{700.} ^{701.} ^{702.} ^{703.} ^{704.} ^{705.} ^{706.} ^{707.} ^{708.} ^{709.} ^{710.} ^{711.} ^{712.} ^{713.} ^{714.} ^{715.} ^{716.} ^{717.} ^{718.} ^{719.} ^{720.} ^{721.} ^{722.} ^{723.} ^{724.} ^{725.} ^{726.} ^{727.} ^{728.} ^{729.} ^{730.} ^{731.} ^{732.} ^{733.} ^{734.} ^{735.} ^{736.} ^{737.} ^{738.} ^{739.} ^{740.} ^{741.} ^{742.} ^{743.} ^{744.} ^{745.} ^{746.} ^{747.} ^{748.} ^{749.} ^{750.} ^{751.} ^{752.} ^{753.} ^{754.} ^{755.} ^{756.} ^{757.} ^{758.} ^{759.} ^{760.} ^{761.} ^{762.} ^{763.} ^{764.} ^{765.} ^{766.} ^{767.} ^{768.} ^{769.} ^{770.} ^{771.} ^{772.} ^{773.} ^{774.} ^{775.} ^{776.} ^{777.} ^{778.} ^{779.} ^{780.} ^{781.} ^{782.} ^{783.} ^{784.} ^{785.} ^{786.} ^{787.} ^{788.} ^{789.} ^{790.} ^{791.} ^{792.} ^{793.} ^{794.} ^{795.} ^{796.} ^{797.} ^{798.} ^{799.} ^{800.} ^{801.} ^{802.} ^{803.} ^{804.} ^{805.} ^{806.} ^{807.} ^{808.} ^{809.} ^{810.} ^{811.} ^{812.} ^{813.} ^{814.} ^{815.} ^{816.} ^{817.} ^{818.} ^{819.} ^{820.} ^{821.} ^{822.} ^{823.} ^{824.} ^{825.} ^{826.} ^{827.} ^{828.} ^{829.} ^{830.} ^{831.} ^{832.} ^{833.} ^{834.} ^{835.} ^{836.} ^{837.} ^{838.} ^{839.} ^{840.} ^{841.} ^{842.} ^{843.} ^{844.} ^{845.} ^{846.} ^{847.} ^{848.} ^{849.} ^{850.} ^{851.} ^{852.} ^{853.} ^{854.} ^{855.} ^{856.} ^{857.} ^{858.} ^{859.} ^{860.} ^{861.} ^{862.} ^{863.} ^{864.} ^{865.} ^{866.} ^{867.} ^{868.} ^{869.} ^{870.} ^{871.} ^{872.} ^{873.} ^{874.} ^{875.} ^{876.} ^{877.} ^{878.} ^{879.} ^{880.} ^{881.} ^{882.} ^{883.} ^{884.} ^{885.} ^{886.} ^{887.} ^{888.} ^{889.} ^{890.} ^{891.} ^{892.} ^{893.} ^{894.} ^{895.} ^{896.} ^{897.} ^{898.} ^{899.} ^{900.} ^{901.} ^{902.} ^{903.} ^{904.} ^{905.} ^{906.} ^{907.} ^{908.} ^{909.} ^{910.} ^{911.} ^{912.} ^{913.} ^{914.} ^{915.} ^{916.} ^{917.} ^{918.} ^{919.} ^{920.} ^{921.} ^{922.} ^{923.} ^{924.} ^{925.} ^{926.} ^{927.} ^{928.} ^{929.} ^{930.} ^{931.} ^{932.} ^{933.} ^{934.} ^{935.} ^{936.} ^{937.} ^{938.} ^{939.} ^{940.} ^{941.} ^{942.} ^{943.} ^{944.} ^{945.} ^{946.} ^{947.} ^{948.} ^{949.} ^{950.} ^{951.} ^{952.} ^{953.} ^{954.} ^{955.} ^{956.} ^{957.} ^{958.} ^{959.} ^{960.} ^{961.} ^{962.} ^{963.} ^{964.} ^{965.} ^{966.} ^{967.} ^{968.} ^{969.} ^{970.} ^{971.} ^{972.} ^{973.} ^{974.} ^{975.} ^{976.} ^{977.} ^{978.} ^{979.} ^{980.} ^{981.} ^{982.} ^{983.} ^{984.} ^{985.} ^{986.} ^{987.} ^{988.} ^{989.} ^{990.} ^{991.} ^{992.} ^{993.} ^{994.} ^{995.} ^{996.} ^{997.} ^{998.} ^{999.} ^{1000.}

Tomus III.

credibili, habet veram rationem fidei. Tertiò, duo motiua ad fidem, & ad scientiam actua-lem requisita, testimonium nempe diuinum, & medium demonstratiuum, sunt formaliter diuersa, & sufficienti ad constituendas diuersas species actuum. Ergo constituunt duos actus. Quartò, actus, qui simul est scientia, & fides, vel est supernaturalis, vel naturalis, vel mixtus. Non primum; quia partim est ex medio naturali, & naturaliter cognito, nimirum quatenus est scientia. Non etiam secundum; quia partim est ex medio supernaturali supernaturaliter cognito, cum sit certus certitudine fidei diuinæ, atque nitatur auctoritate diuinâ, creditâ supernaturaliter ex pia affectione voluntatis, & auxilio Spiritus sancti. Non denique tertium; quia est actus simplex. Quintò, à quo habitu elicitur ille assensus? Non à solo habitu fidei, vel scientiæ: quia neuter habet vim sufficientem ad actum amplectentem obiectum vtriusque: Non etiam ab vtroque: sic enim quilibet tenderet secundum suum obiectum formale diuersum, atque ita efficeret actus diuersos.

Ad primum respondeo, vtramque formalitatem, vel rationem, esse illi actui essentialem: & vnius rei vnicum esse essentiam adæquatam, & perfectam, quæ tamen in plures rationes potest conceptu diuidi, potestque pluribus essentialiter distinctis æquiualeere. Genus quoque potest contrahi ad vnam entitatem per vnam differentiam ampliorem, æquiualem duabus, quæ in quibusdam alijs distinguantur realiter. Sic cognitio comparatiua albedinis, & nigredinis, quæ essentialiter vtramque attingit secundum proprias rationes, æquiualeat duabus cognitionibus realiter distinctis, quarum altera esset albedinis præcisè, & altera nigredinis. Imò secundum suam in Metaphys. Disp. 49. Sect. 1. n. 8. actio & passio sunt idem res: cum tamen non specie tantum, sed & genere differant.

Ad secundum Respondeo, Scientiam & fidem abstractè sumptas non differre realiter vniuersim; ita vt in eandem entitatem coincidere nunquam possint: neque id ex se, vel ex natura sua exigere, sed tantum tendentiam ad obiectum sibi proportionatum. Ad tertium dico, multa, licet formaliter diuersa, & ad actus specie ac re diuersos sufficientia, posse cadere sub vnum actum ampliorem, & vniuersaliorem. Sic enim Angeli, fatente ipso Suare lib. 2. de Angelis c. 15. & 16. Angeli, inquam, superiores plura comprehendunt distinctè in vna specie, tum impressâ, tum expressâ, quæ Angeli inferiores pluribus actibus concipiunt: vt expressè affirmat cap. 16. num. 4. Sic præmissæ, quæ possunt seorsim actibus diuersis cognosci; possunt tamen, ac debent simul cognosci cum conclusione, quando cognoscitur vt connexa cum illis per bonam illationem. Sic denique albedo, & nigredo possunt cognosci diuersis actibus; necessariò tamen cognoscuntur eodem per notitiam comparatiuam. Nam duo actus, qui in illas seorsim cadunt, & absolute, non sunt comparatiui.

Ad quartum Respondeo, actum illum esse

G

Ille actus
est
naturalis
in
entitate.

merè naturalem in entitate, quia habitus fidei supernaturalis, vel auxilium æquivalens, non eleuat intellectum circa medium demonstrationis: Ideoque talis actus circa vtrumque medium versans, non potest esse supernaturalis totus. Neque etiam ex parte: cum eius entitas simplex sit, non autem composita ex naturali, & supernaturali. Non repugnat autem actum naturalem in entitate versari circa obiectum supernaturale, ex motiui etiam supernaturali: saltem minis perfectè cognito, vt ostendimus Disput. 10. Sect. 2. Neque ad hoc eget speciali auxilio Spiritus sancti, sed sufficit externa propositio obiecti, facti sufficienter credibilis. Porro hic actus valet naturaliter ad gi-gnendum habitum sibi proportionatum circa totum obiectum, circa quod visitatur potentia naturalis, & per vsum facilius redditur ad similes actus. Posset etiam Deus, si vellet, per se, non vt principium eleuans tantum ad credendum, sed vt principium amplioris virtutis, eleuare intellectum ad actum entitatis supernaturalis, qui simul esset actus supernaturalis sciendi, & credendi; imò & verè opinandi, addito medio veræ opinionis. Verùm hic antea locuti sumus de eleuatione fidei, qualis nunc reipsa sit, de qua etiam procedebat obiectio.

17.
A quoniam
habitu
produci-
tetur?

Ad quintum respondeo, talem actum non produci ab habitu fidei infusæ; quia naturalis est: si verò sit in intellectu habitus fidei humane, siue acquisitæ, circa tale obiectum, & motiuium formale; & habitus scientiæ circa idem obiectum, & motiuium scientificum; poterunt ambo concurrere vt causæ partiales, cum intellectu ad productionem illius actus. Habent enim vim inclinandi vnuquisque ad suum obiectum. Neque propterea erunt diuersi actus. Nam neque diuersi habitus, neque diuersa motiua, & obiecta formalia, inferunt necessariò diuersitatem actuum; cum diuersæ causæ possint concurrere ad eundem effectum, & diuersa obiecta formalia possint eodem actu cognosci. Quare hæc non impediunt quò minus intellectus eodem actu tendat in idem obiectum materiale secundum vtrumque formale, scientificum, & credibile. Et hæc intellige, cum primum tales actus exercentur. Nam postquam fuerint exerciti, & genuerunt habitum sibi proportionatum, & adæquatum toti obiecto; faciliè intelligitur posse ab illo habitu similes actus produci.

18.
Possit-ne
idem co-
dem actu
credi &
mul. &
sciri?

Quintò denique, Mæratius Disput. 14. Sect. 2. & sequentibus, fusè contendit non posse vnam eandemque rem, vniuo eodemque actu credi simul, & sciri, id est, euidenter cognosci. Primò, quia nullum formale motiuium, quod ex se est, aut esse potest formale motiuium totale, & adæquatum, specificans aliquem actum, vel habitum, siue intellectus, siue voluntatis, potest coniungi cum alio simili motiuiuo ad vnum numero actum exercendum, qui nitatur illo vtroque motiuiuo tanquam vniuo totali, & adæquato, constato ex hoc & illo motiuiuo diuissim acceptis, tanquam ex duobus partialibus. Atqui reuelatio diuina, & motiuium scientificum, sunt motiua formalia, quæ ex se possunt esse adæquatum obiectum formale actuum

fidei, & scientiæ: Ergo, &c. Probatur Maior, quia aliqui possent actus, & habitus intellectus, & voluntatis multiplicari specificè in infinitum, per variam coniunctionem motiuiorum diuersarum virtutum, quæ potest in infinitum multiplicari. Atque ita v. g. possent motiua spei, & charitatis coniungi in vnum actum, cui actui deberet responderet habitus, proportionatus, diuersus essentialiter à spe, & charitate; atque ita essent quatuor virtutes Theologicæ, quod est contra Apostolum 1. Cor. 13. vlt. & contra sensum communem Theologorum. Secundò, quia illud solum motiuium cum alio coniungitur instar motiui partialis ad constandum cum eo vniuo totale, quod seorsim acceptum non mouet intellectum, aut voluntatem, sed tantum dependenter ab illo alio simul mouente. At motiua fidei, & scientiæ, seorsim sumpta mouent intellectum, & independentem vnum ab alio. Ergo, &c. Tertiò, si possibilis esset aliquis actus fidei, & scientiæ simul, complectens vtriusque perfectionem essentialem, sequeretur esse multa possibilia, quæ communiter censentur impossibilia. V. g. possibile esset accidens, quod essentialiter esset calor, & frigus. Possibilis erit quinta qualitas, quæ quatuor primarum perfectionem contineret. Possibilis erit substantia, quæ hominis, & equi naturam habeat, sitque homo-equis: & alia, quæ trium dissimilium specierum animalium perfectionem essentialiter complectatur, putà leonis, bouis, & cerui: alia quæ quatuor, alia quæ quinque, & sic deinceps in infinitum: quod portentosum, & chimericum est.

Ad primum respondeo negando maiorem. Ad cuius confirmationem, concedo posse actus & habitus naturales intellectus, & voluntatis variè multiplicari specificè: Possit enim variè multiplicari actus supernaturales, eorum motiua coniungendo. Sed non propterea multiplicari habitus supernaturales. Quia Deus in eorum infusione, non habet rationem huius multiplicationis, cum sufficienter simplices virtutes infusæ, putà spei, & charitatis, si simul concurrant ad exercendum actum qui simul sit actus spei, & charitatis, tendens in obiectum materiale propter vtriusque motiuium: putà, ad dandam eleemosynam & quia Deo placet, & quia nobis prodest ad æternam retributionem obtinendam.

Ad secundum: nego Maiorem, intellectum de dependentia per se vniuo motiui ab alio. Per accidentis verò, quando concurrunt ad eundem actum, neutrum mouet ad illum sine alio: & actus indiuisibiliter Physicè, pender ab vtroque: & neutrum siue altero sufficit ad talem actum. Ad tertium respondeo primò, non omnia in exemplum allata de accidentibus censeri iure impossibilia. Secundò, longè facilius esse vniri in vno actu plurium perfectionem: quam in vna substantia essentias plurium: aut in vno quolibet accidente, essentias aliorum multorum. Nam fatente ipso Mæratio Sect. 5. eiusdem disputationis, potest dari naturaliter, & sæpe datur, vnus actus visionis corporeæ, qui sit plurium colorum specie di-

Et pluri
perfectio-
nes con-
tineat.

perforum, & quodammodo contineat perfectionem essentiali plurium visionum, quibus illi colores scortim viderentur. Similitérque dari potest vnus actus sensus interni, & intellectus, pluribus æquiualens. (Quæ duo exempla à Mæratio concessa, tum hoc, tum cætera illius argumenta euidenter enervant.) Et tamen non videmus naturaliter alias species substantiarum, aut accidentium quorumcunque vniri in tertiam quandam essentiam. Dico, quorumcunque: quia neque omnis vnio substantiarum, aut accidentium aliorum est impossibilis absolute. Cùm sepe naturaliter ex duabus speciebus substantiarum commixtis, tertia quædam resultet per generationem, de vtraque participans, & aliquo modo continens vtramque. Sed singulatim quòd possibile sit in illis, aut impossibile, non est facile discernere.

vnuerſi, quæ euidenter ostendunt Deum esse: Sapient. 13. toto ferè capite, & Act. 14. v. 16. & c. 17. v. 24. & sequentibus. Intendit autem sine dubio nobis dare notitiam fidei, vtilem ad salutem. Et confirmatur, quia Deus illuminat omnem hominem venientem in hunc mundum, Ioan. 1. v. 9. Idque, vt docent communiter sancti Patres, apud Toletum, & Maldonatum ibidem, illuminatione supernaturali vocans ad fidem de Dei existentia. Atqui non aliud proponit argumentum, quàm creationis mundi. Item Paulus Rom. 4. sic ait de fide Abraham, *Non habuit diffidentia plenissimè sciens, &c.* Et de seipso 1. Timot. 1. *Hæc pastor, sed non confundor. Scio enim cui credidi, & certus sum quia potens est depositum meum seruare.* Quibus verbis aliquam scientiam, & euentiam simplicem tribuit fidei.

Probant secundo auctoritate D. Thomæ 2. 2. Ex D. 2. q. 5. a. 2. Vbi affirmat quòd si quis Prophetam prænuntiaret aliquid, & adhiberet signum, mortuum suscitando; ex hoc signo conuinceretur intellectus videntis, vt nosset manifestè hoc dici à Deo, qui non mentitur. Atqui relatio testatissima miraculi æquiualeat visui eiusdem, quantum ad euentiam intellectualem. Quemadmodum illi v. g. qui sciunt Romam esse ex tanto testimoniorum consensu, vt in eum non possit cadere falsitas, habent parem euentiam eius existentie, ac multi qui eam viderunt. Item, D. Thom. ibidem ait demonum intellectum conuinci quòd mysteria fidei Christianæ sunt vera: cùm tamen nullam habeant eorum probationem quoad multa, nisi argumenta miraculorum, quæ fidelibus sunt communia. Licet autem demon hominem superet perspicaciâ, & experientiâ: non tamen repugnat quin iam aliqui homines habeant notitiam signorum Christianæ veritatis, parem illi quam habebat demon, cùm dixit in Evangelio, *Scimus quoniam tu es sanctus Dei.* Adeo enim constans professio Christi, & miraculorum series perpetua nunc à nobis percipitur, tunc demoni ignota; vt merito parem notitiam possit in nobis ingenerare.

Addunt tertio testimonium Recentium Theologorum: quorum aliqui dicunt non repugnare fidei euentiam in attestante, id est, notitiam simpliciter euentiam quòd Deus reuelauerit: quòdque nec falli possit, nec fallere: vt Turrian. 2. 2^a. disp. 9. dub. 3. & alij quos citat. Alij, vt Suar. Disp. 3. Sect. 8. dicunt quòd qui euidenter nosset miraculum aliquod à Deo factum, euidenter nosset Deum testificari propositionem miraculo confirmatam; ac proinde eam esse veram: & multos hæc miracula in seipſis facta euidenter nouisse. Vt B. Virgili erat euidentis se suæ viro concepisse miraculosè: Lazaro, se esse suscitatum à morte: cæco, se esse illuminatum. Est autem quædam relatio rerum gestarum in alijs, ita indubitata, vt æquiualeat experientiæ illorum, in quibus factæ sunt. Addit ille Auctor, primos fidei susceptores, qui Apostolicis temporibus vixerunt, habuisse simplicem euentiam naturalem quòd Deus erat, qui religionem Christianam fundabat miraculis, &c. pro quo citat Theo-

SECTIO IV.

An obiectum fidei Christianæ quâ tale, sit simpliciter euidentis?

26.
Sententia
affirmas.

Affirmant aliqui Recentiores subriles & eruditi, qui docent multos posse per argumenta, quibus confirmatur Deum reuelasse doctrinam Catholicam, elicere assensum discursuum æquè euidentem, quòd hæc doctrina sit vera; atque est assensus euidentis, quo docti possunt discursuè assentiri huic veritati, Deus est, & prouidet naturaliter vnuerſo. Quod vt probent, supponunt duplicem esse euentiam simplicem. Vnam rei in seipſa; alteram in aliquo tantum eius indicio: Notant enim hæc duo dicta valde inter se distingui: alterum. *Hæc res, vel illa, putâ, Deus existens vnus & vnus, est res mihi euidentis in se:* alterum, *Euidentis est mihi quòd verum est Deum esse vnum & trinum.* Ad primi veritatem necessarium esset intuituè videre veritatem diuinæ essentiae, & Trinitatem personarum: aut clarè nosse saltem quomodo hæc conciliuntur. Sed vt secundum sit verum, sufficit habere argumentum, per quod mihi constet euidenter Deum dixisse se esse trinum, & vnum, neque fallere posse, neque falli. Hoc enim indicium conuincit me de veritate propositionis, quòd Deus est trinus. Non tamen aperit modum, quo id sit, aut esse possit. Ita in naturalibus experientia facit euidentis quòd ad præsentiam magnetis trahatur ferrum: sed non facit hanc virtutem euidentem in se; modus enim huius efficacie manet ignotus.

Hoc supposito, monent se loqui de simplici euentia hoc secundo modo sumpta. Neque enim argumenta credibilitatis, quibus probatur fides Catholica, faciunt videri in seipſis Trinitatem, & alia mysteria; vel, cognosci euidenter quomodo sint: sed solum quòd vera sint, quia euidentis est Deum dixisse, & non posse falli neque fallere. Hoc autem fieri simpliciter euidentis per huiusmodi argumenta, probant primò auctoritate Scripturæ, quæ ad dandam nobis Dei notitiam, vtitur argumentis naturalibus, sumptis à creatione, & ordine

Primum
illius argu-
mentum ex
Scriptura.

27.
Ex auctoritate
Theologorum.

doretur in caput. 11. ad Hebr. dicentem miracula esse testimonia Dei facientia euidentiam (quæ tamen verba apud Theodoretum eo loco non reperio) & probabile esse Moysen, Dauidem, aliosque Prophetas eximios habuisse etiam supernaturalem euidentiam quòd Deus eos alloqueretur, ac proinde vera essent quæ diceret. Idque indicat David 2. Reg. 13. sic dicens : *Minus locum est fortis Israel, Dominator, sicut lux aurora, oriens Sole, manè absque nubibus rutilat.* De Moysæ expressiora sunt in Exodo, cap. 33. v. 11. & Numer. 12. v. 6. 7. & 8. Et tamen illi Prophetæ credebant ex Dei testimonio. Ergo simplex euidentia non repugnat fidei. Idem docet Agid. Coninck disp. 11. de fide, dub. 2. vbi num. 64. Ait Prophetas, & Apostolos euidenter sciuisse Deum esse, qui testabatur veritates Euangelicas. Atqui hoc sciuerunt maxime per miracula, quibus & ipsi Apostoli sunt confirmati in fide, Ioan. 14. Et num. 68. affirmat viros plurimos doctos, longâ exercitatione considerandi veritatem prophetiarum, quæ de Christo, & futuro Ecclesiæ statu tantò antè dictæ erant; & quàm mirabiliter nostra fides sit propagata miraculis, &c. habere non tantùm ex illis certitudinem, sed euidentiam veritatis Euangelicæ. Et num. 69. refert aliquos de se professos esse, se tantâ claritate nosse veritatem fidei Catholicæ, vt dubitare nullatenus possent.

Quartò denique, probant varijs locis, longo & ingenioso discursu, quo conantur ostendere, non magis euidens esse quòd Deus sit, & prouideat naturaliter vniuerso, quàm quòd Christus sit Deus, & quòd Ecclesia Catholica sit vera Christi Ecclesia: adeoque vera sint dogmata fidei, quæ à Christo, vel ab Ecclesia proponuntur. Summa illius discursus est: Primò, Scripturam ipsam terminis dicere, per Christi & Apostolorum miracula, aliaque signa diuina, notam esse veritatem Christi, & Ecclesiæ ab ipso fundatæ; quibus dicit constare per aspectum creaturarum quòd Deus sit, & prouideat mundo. Atqui simpliciter euidens est ex aspectu creaturarum Deum esse, & prouidere mundo: Ergo, &c. Minorem supponunt adeo certam esse ex Scriptura, Rom. 1. & Sapientiz 13. & ex Patrum ac Theologorum consensu; vt contrarium sit erroneum, quemadmodum affirmat D. Thomas 1. contra Gentes c. 12. & temerarium, vt ait Vasques 1. p. disp. 20. c. 3. & minimè in fide tutum, vt inquit Molina ibidem q. 2. a. 2. Maiorem verò, quod ad Christum attinet, probant ex his Scripturæ locis, Ioan. 1. *Vidimus gloriam eius, gloriam quasi vniuersi a Patre.* Et c. 2. de primo Christi miraculo, factò in Cana Galilææ, dicitur, *Manifestauit gloriam suam.* Et 1. Ioan. 1. *Vita æterna, quæ erat apud Patrem, manifestata est.* Et Coloss. 1. v. 26. *Mysterium gratiæ, seu redemptionis Christi, manifestatum est.* Et Psalm. 97. *Natum fecit Dominus salutare suum. Viderunt omnes fines terræ salutare Dei nostri:* quod de primo Christi aduentu citat Isaias c. 52. Quoad Ecclesiam verò, probant ex Matth. 5. v. 14. & 15. vbi vocatur lux mundi, & lucerna posita super candelabrum, vt luceat omnibus, qui in domo

sunt: & ciuitas supra montem posita, quæ non potest abscondi. Et denique quia Christus in Ecclesia, & per Ecclesiam manifestatur. Vnde si ipse conspicuus est, debet Ecclesia pariter esse conspicua.

Secundò, inquirunt, sancti quoque Patres, qui pluribus locis docent euidenter esse ex aspectu creaturarum veritatem quòd Deus sit, vt videre est præcipuè apud Falolum 1. p. q. 2. a. 2. dub. 2. n. 9. Theophilum Rainaud. dist. 5. Theologiæ naturalis, q. 1. a. 1. n. 8. Et Bellarm. lib. 4. de Gratia, & libero arbitrio c. 2. Patres, inquam, iidem dicunt, & ipsdem terminis, constare veritatem doctrinæ Catholicæ ex aspectu argumentorum, quibus à Deo confirmata est: Vt S. Aug. Epist. 3. Vbi asserit Christum imperio suo absoluto in omnem creaturam, & partes huius mundi, tam demonstrasse se esse Deum, vt nihil aliud deesse videretur, nisi vt alium mundum crearet. Sed neque hoc fuisse necessarium, quia per hoc non probasset illustris se Deum esse. Atqui si Christus alium mundum creasset, non minis euidenter ostendisset se esse Deum, quàm Deus ipse Creator vniuersi. Et lib. 12. de Ciuit. c. 8. significat miracula esse aliquo modo illustriora Dei indicia, quàm opera communis prouidentie in gubernatione mundi. Air enim, sicut humana consuetudo verbis, ita diuinam potentiam factis loqui. At in factis, inquit, mirabilibus, congruè aliquid significantibus, quodammodo luculentior est diuina eloquentia. Et Chrysostomus in lib. *quod Christus sit Deus*, cap. 11. fuscè comparat erectionem Ecclesiæ per crucem Christi, & prædicationem Apostolicam; creationi mundi. Et Serm. 1. de Resurrectione, dicit, ea quæ vocamus inuisibilia, quia in se non conspiciuntur; qualia sunt futura resurrectio, & vita æterna; per argumenta veritatis Catholicæ fieri magis visibilia, quàm sint ea ipsa, quæ videntur, & visibilia appelluntur. Et Ambrosius in Paulum, exponens illud Coloss. 1. v. 15. *Qui est imago Dei inuisibilis*, dicit Christum ita vocari, quia Christus visibiliter faciebat, quæ Deus facit inuisibiliter.

Tertiò, certa & infallibilis præmissio & prædictio futurorum contingentium, pendendum à Dei, vel à creaturæ libertate, est certissimum & simpliciter euidens Diuinitatis indicium. Nam per se prævidere quænam sit futura causæ libere determinatio ad alteram partem contradictionis in contingentibus, nulli potest competere, nisi intelligentiæ à se necessario existenti, infinitæ scientiæ & potentiæ, dominæ totius vniuersi, ac proinde quæ sit Deus. Vt patet primò ex communi omnium hominum sensu, apud quos prævidere futura libera, & diuinare, idem sunt. Secundò, quia mens per se cognoscens libere futura, est independens in cognoscendo: cùm neque rei existentia egeat, neque vllò eius vestigio, aut signo, cum quo sit necessario connexa, vt illam certò & infallibiliter cognoscat. Res enim libere futura, nondum est. Et nihil est cum quo sit necessario connexa; cùm ne quidem cum sua causa, cui maximè est affinis, necessariam habeat connexionem, sed eà posita possit ipsa non esse. Si

30.

29.
4. Ex
discursu
Theolo-
gico.

31.
Prædictio
futurorū
contingentium
est à Deo.

Mens per
se præ-
sciens fu-
tura libe-
ra, debet
esse diui-
na.

autem est independens in cognoscendo : ergo
& in essendo. Sicut enim ex actione creatura
rectè colligimus, eum qui est independens in
operando, & nihil aliud ex parte obiecti re-
quirir, quam non-repugnantiam, seu meram
possibilitatem essendi, seu esse independentem
in essendo: Pari iure ex independentia in intelli-
gendo, colligi debet independentia in essendo:
idque eò magis, quòd attributum intelligenti-
æ, nobilior est attributo potentie executionis:
Item, mens illa, quæ per se cognoscit futu-
rum liberum, eò solo quòd futurum est, non
expectatà rei existentia vt illam cognoscat, &
absque vilo certo & infallibili eius indicio, per
quod in eius notitiam infallibiliter deueniat:
debet esse talis, vt ratione suæ æternitatis ni-
hil ei accedat ex præsentia obiectorum, sed per
suam æternitatem necessariam anticipet omni-
um obiectorum existentiam: ita vt futura
post quamcumque seculorum seriem, sint ei
quasi præsentia: tamque sit illis cognoscendis
proportionata & sufficiens, quam nos illis,
quæ coram præsentia inueniuntur. At mens, cui
tanta perfectio conuenit, est Deus, qui solus
est necessariò existens & æternus. Item, mens
illa, quæ per se nouit infallibiliter vnum ali-
quod futurum liberum, cognoscit omnia, siue
absolutè, siue hypotheticè futura; ac proinde
cognoscit infinities infinita. Parque, vel etiam
maior est ratio vt cognoscat omnia possibilia,
& omnia existentia: adeoque sit Deus, cuius
solius est habere intelligentiam infinitam, &
illimitatam, ita vt nihil eum lateat. Probatur
antecegens: quia non aliter nouit illud futu-
rum liberum, nisi quia est verum, & cognos-
cibile. Sufficit enim ei mera illius futuritio,
absque vilo indicio. Atqui omnia alia sunt in
eo paria: quia æquè verum est quòd sunt, aut
essent futura. Et multò magis possibilia vt ta-
lia, vel actu existentia habet determinatam
veritatem & cognoscibilitatem. Quare mens,
quæ per se nouit futura libera, cognoscit etiam
omnia possibilia. Atque ita est per se idea omni-
um possibilibus, quæ prima illorum radix est,
& consequenter debet esse omnipotens: ac
proinde Deus.

32.
Multæ de
Christo,
& de Ec-
clesia præ-
dictæ.

Idem autem Spiritus diuinus, qui per eius-
modi prædictiones frequenter, certas & infal-
libiles (vt euentus probauit) euidenter se-
ipsum manifestat hominibus; idem, inquam,
innumera de Christo, & de Ecclesia, ab infi-
nitorum penè hominum libertate pendentia
prædixit, quorum similiter veritatem euentus
comprobauit, quæque sine consilio impossibile
fuit tam aptè, & ad amissum IESU CHRISTO
conuenire: vt quod nasciturus esset deficiente
sceptro de domo Iuda, ex Virgine, de domo,
seu posteris Davidis, in oppido Bethleem, hæc
& illa miracula facturus, idola euerurus, Gen-
tes conuersurus, & cætera plurima, quæ de
illius vita, & morte habentur prædicta in
Scripturæ libris, certò certiss antiquissimis.
Prædixit etiam quòd eius Ecclesia toto orbe
dilatanda esset, & nunquam ab Aduersarijs
euerienda, sed per tormenta, & persecutiones
fidelium, mortemque martyrum propaganda.
Qui euentus pendeat ab innumerabilium ferè

hominum libertate, tot scilicet, quos Christ
fidem amplexi sunt, aut illam oppugnauerunt.
Idem etiam Spiritus, eademque auctoritate
affirmauit Christum esse lucem mundi, Do-
ctorem veritatis, filium Dei dilectum, & vni-
genitum: cuiusque Ecclesiam semper in ore suo
verba ipsius conseruaturam, sponsamque fide-
lem in sempiternum illi futuram. Ergo quam
euidens est Deum esse, qui futura per se præ-
uidet: tam est euident veritas Christi & Ecce-
siae. Christus enim ab eodem Spiritu declara-
tus est veritas & lux mundi, qui Spiritus de illo
innumera maximè contingencia, & occultissi-
ma omni intellectui finito, & dependenti, per
se præcuiuit, & prædixit plurimis autè seculis.
At ille qui hæc præcuiuit per se, & prædixit,
est Deus. Ergo Christus à Deo declaratus est
lux mundi, & Doctor veritatis. Ergo est talis.
Item, solus Deus potuit prædicere tamdiu
antè, futuram multitudinem profitentium
Christi doctrinam, eorumque mirabilem in
tormentis constantiam, perpetuam Ecce-
siam, diffusionem toto orbe, & subordinatio-
nem continuam ministerio D. Petri, cuiusque
successorum serie perpetuà sibi succedentium,
euerfionem idolorum, conuerfionem gentium,
& alia, quæ in Romana Ecclesia partim iam
impleta, partim adhuc impleri videmus. At-
qui Deus de facto ista prædixit: & talia signa
conueniunt Ecclesie Romanæ, æquè ac Chri-
sto Domino conueniunt oraculum Prophetarum
de Messia. Insuper idem Spiritus, qui talem
descripsit multitudinem, & nominauit Ecce-
siam; prædixit eam fideliter explicaturam ver-
am Christi doctrinam: in ea sola esse viam sa-
lutis, &c. Ergo Spiritus Dei attestatus est per-
petuæ veritati Ecclesie Romanæ in tradenda
Christi fide.

Vterius, miracula in ea multitudo, quæ
facta sunt à Christo, & Christi nomine in Ec-
clesia; item in ea varietate, extensione ad om-
nem creaturam, constantia suorum effectuum
perpetuà, & durabili beneficentià, & simili-
bus conditionibus; sunt perfecte imitationes
operationis illius, quæ mundus ordinariè gu-
bernatur, vt ostenditur paulò post. Sed cum
duo effectus sunt perfectè similes, impossibile
est quòd euidenter constet vnum ex illis neces-
sariò pertinere ad aliquam causam latentem,
si non est necesse euidenter alium ei similem ad
eandem pertinere. Ex sola enim proportionem
talis effectus cum tali causà, constat quòd ei
debet ascribi. Imò non solum miracula sunt
imitatio illius ordinariæ operationis Dei; ve-
rùm etiam sunt illustrior pats gubernationis
mundi: quia per miracula sunt in instanti, nul-
là adiunctà operatione creaturæ, illi effectus,
qui longo tempore cum concursu causarum se-
cularum fiunt. Sed implicat quòd de parte
gubernationis minùs illustri, constet euidenter
eam esse à Deo directè: & non constet illu-
striorem esse à Deo. Si autem constat euiden-
ter miracula illa esse directè à Deo; constat
euidenter doctrinam, quæ per illa stabilitur,
esse à Deo. Ergo & esse veram.

Confirmatur primo, quia omnium partium,
vt ita dicam, intelligentiæ diuine, maximè

33.
Miracula
euidenter
reddente
veritates
fidei.

admirabilis est præscientia futurorum contingentium. Hæc autem non cernitur in ordinaria mundi gubernatione, sed in inspiratione Prophetarum, qui mysteria Christi, & Ecclesiæ, tradiderunt. Ergo si gubernatio mundi, in qua minor Sapientie diuinæ pars elucet, est euidenter Deo danda: multo magis est ei euidenter danda Christi, & Ecclesiæ constitutio.

34.
Causa
miraculorum est
eadem
quæ mundi
creatio.

Confirmatur secundo, quia causa miraculorum effectrix euidenter ostendit sapientiam & virtutem sufficientem ad mundum vniuersum efficiendum, eiusque ordinem instituendum: imò ostendit sibi subiectum esse hunc mundum, proindeque se esse Deum. Nam ostendit se habere vim creandi, quando ex nulla materia, aut, quod perinde, & æquiualens est, ex materia planè indisposita aliquid facit: putà, cùm panes in deserto multiplicauit tam mirabiliter, vel ex nihilo, vel ex aëre vicino planè indisposito. Quando repente, solo verbo membra humana restituebat illis, quibus deerant: vel creando, vel similiter ex aëre vicino, aut alià materia proflus ineptà formando. Nam quòd Christi huiusmodi ediderit miracula, colligitur ex eo, quòd Scriptura affirmans Christum debiles & claudos sanasse Math. 15. vitur isdem vocibus quibus Math. 18. v. 8. & Marc. 9. v. 42. & 44. cùm refert Christum ita locutum esse, *Si scandalizaueris te manus tua, abscide illam. Bonum est tibi debilem intrare in ostium, quam duas manus habentem ire in gehennam. Et si pes tuus te scandalizat, amputa illum. Bonum est tibi claudum introire in vitam æternam, quam duos pedes habentem, mitti in gehennam ignis inextinguibilis.* Vbi per debilem & claudum intelligit, altera manu, & altero pede carentem: vt series & connexio verborum euidenter ostendit. Similiter in hominis suscitatione ex mortuis (putà quando ex eincubris sepulchri multa corpora sanctorum surrexerunt in Christi passione) interuenit actio æquiualens creationi hominis. Est enim æqualis virtutis producere repente, & momento temporis hominem ex puluere, & cineribus, id est, materià planè ineptà ad concurrentium: & eum nullà materià concurrente producere. Virtus autem quæ potest producere non concurrente subiecto, potest creare, id est, producere ex nihilo. Itaque causa effectrix miraculorum, quæ potest hominem ita producere, potest illum creare. Sed causa, quæ potest hominem creare, potest & vniuersum mundum, qui ad hominis obsequium & destinatus, & necessarius est.

35.
Et quæ
providet
vniuerso.

Præterea causa effectrix miraculorum præcipuas partes vniuersi pro arbitrio immutat. Cælorum enim motum sistit, quando vult, Solem obscurat, maria diuidit, terram tremefacit. Itaque interruptus hunc ordinem, nemine resistente, aut cohærente eius potentiam, ostendit illum sibi esse subiectum. Adde quòd in vniuerso, dæmonum potentia, nulla creata maior apparet. Sed dæmonum virtus impeditur, & omnino subiecta est causæ effectrici miraculorum. Denique, in ordine vniuersi Deo præcipue datur, quasi fructus totius ordinis, quòd per illum nobis det vitam, inspira-

tionem, & omnia, quòdque impleat omne animal benedictione. Sed causa miraculorum Christianorum effectrix ostendit se dare vitam & inspirationem, suscitans mortuos, restituens facultates sensitiuas hominibus, & imitando totum ordinem providentiæ Dei. Idque etiam, vt paulò antè diximus, modo quodam nobilitari, quàm sit ille, quem Deus seruat in consuetu vniuersi ordine: cùm faciat in instanti, nullà præuia dispositione, ea omnia, quæ in cursu ordinario diuinæ providentiæ fiunt sensim, & cum magna disposicione. Itaque nisi causa illa Deus esset, tota Dei cognoscibilitas in alium, quàm in Deum transferretur: & consequenter argumenta huius cognoscibilitatis essent fallacia, neque Deum necessariò indicarent.

Confirmatur tercio, quia euidentis est Deum esse supremum Dominum vniuersi; & primum mundi ordinem, esse ab illo institutum, & regi. Euidentis etiam est, Deum esse finem vltimum huius mundi; atque ideo eius gloriam extrinsecam, quæ sola potest Deo accedere, per cognitionem & amorem creaturarum rationalium. Ergo euidentis est in mundo elucere Dei beneuolentiam erga homines, solos Dei cognoscendi, & amandi capaces, vt eos scilicet ad sui notitiam & amorem alliciat. Hæc autem beneuolentia non lucret euidenter, si fieri posset (Deo non directè intendente, sed permittente tantum) ea esse in mundo, ex quibus hominum ortus, conseruatio, vita, & omnes utilitates oriuntur, vt oriuntur ex mundi administratione ordinaria. Sed hæc duo, videlicet dominium Dei, & relatio omnium in Dei cognitionem, & amorem, multò plùs petunt quòd miracula, in ea multitudine, perpetuitate, & cæteris conditionibus, quas habent miracula Christianorum, sint à Dei directà intentione & operatione, quàm opera consueti cursus naturæ. Quia causa effectrix miraculorum plus apparet domina mundi, quàm quæ tuetur eius ordinem consuetum, si eas ratione aut re distinguimus. Ille enim est mundi Dominus, & à quo omnia pendunt; qui institutum mundi ordinem interruptit, quando ei placet, suspendit, restituit, immutat: Item qui ostendit se posse nobilibus operari, quàm in ordine illo consueto; & facere in instanti ea, quæ in cursu naturæ egent longo tempore: Item, qui partium mundi situm immutat, aut nullo resistente, aut omnibus resistentibus victis. Atqui causa miraculorum, quæ sunt & fuerunt in Ecclesia, hæc omnia præstitit: Ergo, &c.

Denique, euidentis est Deum nullo modo posse mentiri: quia id Deo indignum est. At Deus non qui non minds est euidentis esse Deo indignum permittit permittit omnia miracula & signa diuina, facta in fauorem Christi & Ecclesiæ, facta esse in confirmationem falsi. Ergo euidentis est doctrinam Catholicam, quæ per hæc confirmata est, non esse falsam. Probatur minor: quia mendacium est Dei, si per impossibile vteretur terminis, qui ex instituta ab hominibus significatione in sensum falsum deberent accipi, quamvis Deus id non intenderet, sed tantum

36.
Deus non
permittit
ut tot mi-
racula
fieri in
nam Catholicam,
quæ per hæc confirmata est,
non esse falsam.
Probatur minor: quia
mendacium est Dei,
si per impossibile vteretur
terminis, qui ex instituta
ab hominibus signifi-
catione in sensum falsum
deberent accipi,
quamvis Deus id non
intenderet, sed tantum

sciret id euenturum. Putà si diceret, Quatuor sunt in Deo personæ: tamen si, nescientibus hominibus, conuenisset cum Angelis, quod terminum, *quatuor*, vellet pro tribus apud ipsos supponere. Ratio est, quia tunc omnium hominum prudentia in sensum falsum deberet explicare particulam, *Quatuor*: Atque ita Dei auctoritate mouerentur ad falsum. Neque enim auctoritas Dei agit in illos, nisi vt extrinsecus cognoscibilis: Quare parum refert quid Deus apud se intendat, si signum eius auctoritatis non differt cognoscibiliter ab eo signo, quo intenderet directè fallere. Si autem vellet directè fallere, non vteretur alia voce. Atqui in eodem genere indignitatis esset Deo indignum permisisse miracula Christiana facta esse pro falso. Sic enim Dei auctoritas, quantum hominibus est cognoscibilis, ipso permittente, & non curante, induceret in falsum. Denique, nulla potest esse magis peruersa confusio in Dei opere: quàm si omnia Dei insignia, eius bonitatem, & virtutem manifestantia, ita in alium transferantur, vt discerni non possint. Sic enim alius à Deo in nobilissima mundi parte, scilicet in hominis mente, Dei locum iure obtineret: quod est inordinatissimum.

Addunt, aduersus has demonstrationes nullius esse momenti suspiciones irrationabiles, aut cauillationes, quod hæc opera mirabilia possint alteri, quàm Deo tribui. Nam eadem suspiciones facerent non esse euidentis quod creatio, & administratio mundi sit à Deo directè & propriè. Possunt enim quæcumque afferuntur, aut pares omnino, in providentiam naturalem retorqueri: idque eò magis, quod non potest iure existimari fallere demones, & fingere miracula, vt confirmet doctrinam Catholicam, quæ tota est in commendanda Dei Maiestate, cultu, amore, obedientia, omniumque virtutum exercitio, & per quam homines ab idololatria & demonum seruitute, ad veri Dei cultum traducti sunt. Nec obest, quod miracula plerumque habentur solum ex aliorum relatione, itemque prophetiæ, & alia signa diuina. Nam etiam multa, quibus probatur naturalis providentia, habentur solum per relationem aliorum; vt constantia motus cælorum eadem omnibus sæculis, situs terræ, omnium regionum salubritas: & tamen dicitur esse euidentis, quod Deus mundum regat suâ providentiâ. Item, si vlla est fama gignens simplicem euidentiam, & planè incapax falsitatis (vt certè aliqua est consensu omnium, vt quod fuerit imperium Romanum, & similia) maximè illa, quæ diuulgata sunt miracula fidem confirmantia. Nam maxima, & antiquissima miracula à Moyse eorum administro scripta sunt eo sæculo, quo eius veracitatis testes fere tot erant, quot lectores. Cùmque in Moyse scripturis ipsi aut ipsorum parentes, grauissimorum criminum, & stultæ inidelitatis arguerentur: nunquam passi essent ea scripta extare in eorum grauem infamiam, si sciuisent esse mendacia. Deinde, eorundem miraculorum memora, quæ gentibus vicinis erat nota, per solemnitates annuas ex quo gesta fuerunt, per-

petuò celebrata est, nullo repugnante, imò, & contra omnibus Iudæis, & vicinis gentibus, quæ ad eorum festa concurrebant, conspirantibus. Eademque David, quingentes circiter post Mosem annis, scriptis suis consignauit, Psalm. 105. 113. 134. 135. & pluribus alijs. Item, priorum veritatem confirmauit sequentium series. Omnibus enim ætatebus per Iosue, per Iudices, per Prophetas edita sunt miracula, vt factæ historiæ eadem auctoritate referunt. Ac denique scripta Moysi & aliorum Prophetarum redolent grauitatem, & veritatem summam; plenæque sunt prædictionum, quas à Deo esse probauit euentus.

Relationem quoque miraculorum Christi, & Ecclesiæ, superate omnium aliarum relationum euidentiam, patet si diligenter expendatur scriptorum sanctitas, & summa sapientia, in eorum scriptis elucens: quodque scriberent & prædicarent, non hominis aut lucri causâ, sed potiùs dedecori, paupertati, & extremis supplicijs se subicerent: neque suis auditoribus blandirentur, vt faciunt qui decipiunt, loquuntur enim placentia, ne auditores sint solliciti de disquirenda falsitate doctrinæ delectabilis: sed seuerè eos carperent, & grauius punirent desectentes à doctrina quàm proponebant: vt Paulus Galatas, & Corinthios, Petrus Ananiam, & Saphiram. Quod commemorat miracula facta apud eos ipsos, quibus scribunt, & eo tempore, quo scribunt: vt Paulus 1. Cor. 12. & 1. Cor. 12. & 1. Thessal. 1. Vnde tot erant testes veritatis miraculorum huiusmodi, quot fidei susceptores. At innumeri in toto orbe, ipso tempore Apostolorum, Christiani facti sunt. Item, ab initio Iudæi erant insensissimi hostes Apostolorum, & Christianorum, illisque Apostoli acceusabant grauissimi scelens. Facile autem Iudæi ostendissent falsa esse miracula, quæ Apostoli de Christo prædicabant, de Solis eclipsis, tetræque motu in eius morte, &c. si reipsa falsa fuissent. At è contrario, non modo non potuerunt conuincere Apostolos falsitatis; sed potiùs ipsi conuicti fuerunt; vt patet Act. 18. & ipsi quoque Pharisei conuersi sunt, Act. 15. & turba sacerdotum, Act. 6. Erant etiam ab initio falsi fratres, simulatè conuersantes inter Christianos, atque etiam non pauci apostatæ à fide, qui detexissent fraudem Christianorum, & conurationem fallendi, quæ necessarii fuisset inter Christianos, si miracula, quæ prædicabant, falsa erant. Fuerunt denique pseudopostoli, à quibus veri Apostoli monebant Christianos vt cauerent. At hæc cauti prudentium attentionem acuebat, vt viderent num in Apostolis essent quedam vestigia similis fraudis. Tantùm verò abest, vt Apostoli simularent: vt potiùs seuerè punirent, si quos fortè simulare deprehenderent. Nam vt scribit Hieron. lib. de Script. Ecclesiast. in Luca Euangelista, Ioannes Apostolus presbyterum quandam deposuit, eò quod ex Pauli amore scripserit periodos Pauli, & Theopæ, & in illis multa miracula apocrypha. Huc vsque illi Recentiores.

38.
Etrelatio
Christi
miracu-
lorum, &
Ecclesiæ.

37.
Refellun-
tur eua-
ngelica.

Relatio
miracu-
lorum
Moysi
quàm
certa?

SECTIO V.

Fertur Iudicium de Doctrina reſata.

39. **P** Ræcedenti diſcurſui ſubtili, & erudito, mallem aliquid momenti addere, quàm detrahere; & motiua credibilitatis clariora & efficaciora potiùs reddere, quàm infirmare. Quia tamen verius eſſe puto cum communi ſententia, motiuum fidei non eſſe ſimpliciter evidens, ſed duntaxat euidenter credibile, & noticiam fidei eſſe obſcuram & ænigmaticam, vt ait Apoſtolus 1. Cor. 13. oftendam breuiter quid in eorum diſcurſu deſideretur ad probandam ſimplicem euidentiam, & quantam ipſi præſtarent.

Primò igitur, quod aiunt Scripturam dare nobis pro motiui credendi fide ſupernaturali, argumenta naturalia ſumpta à creatione & ordine vniuerſi, falſum eſſe exiſtimo, & alienum à doctrina Theologorum, & Patrum, & nominatim D. Thomæ 2. 2^æ. q. 1. a. 1. Qui omnes pro motiui fidei generaliter assignant primam veritatem reuelantem: *Non enim fides, de qua loquimur, aſſentit alicui, niſi quia eſt à Deo reuelatum*, inquit, D. Thomas art. citato. Atque in eo ipſi hæretici nobis conſentiunt, affirmantes cum Caluino, fidem non minùs pendere à verbo Dei, quàm radium à Sole. Vritur quidem aliquando Scriptura illis argumentis naturalibus, non vt motiui fidei, & formali eius obiecto; ſed vt præambulis, & tanquam medijs aptis & efficacibus ad deſtruendum errorem Gentilium, naturali luminis oppoſitum, circa noticiam veri Dei: quo errore deſtructo, facilius illis eſt, veram de Deo fidem per motiuum diuinum & ſupernaturale concipere. Sicut nunc diſputando cum Atheis, vel infidelibus, qui nullas reuelationis diuinas admittunt, ſolemus ab argumentis naturalibus incipere, & per ea demonſtrare Deum eſſe, & rerum humanarum, præcipuèque ſalutis hominum, prouidentiam gerere; vt eos deinde ad noticiam reuelationum, & ad fidem ſupernaturalem adducamus. Deus quoque non illuminat omnem hominem venientem in hunc mundum, ſolo aſpectu creaturarum, & ordinis vniuerſi, in quo eius Maiestas, & prouidentia naturalis elucet: ſed etiam per inſpirationes ſupernaturales, quibus qui non obſiſtunt, & viam diuinæ gratiæ ſuis peccatis contra legem naturalem commiſſis non obſtruunt, tandem ad fidem perducuntur: vt ſuſius alibi oſtendimus, & Maldonatus affirmat in locum Ioannis citatum, vbi alium ſenſum iſtorum Recentiorum, omnino rejicit, æquè ac Toletus ibidem, & de ſupernaturali illuminatione verba illa Ioannis exponit. Quod autem dicit Paulus Rom. 4. de fide Abraham, *pleniffimè ſciens*. &c. & 1. Timoth. 1. *Scio cui credidi*. &c. dictum eſt ad ſignificandam magnam fidei certitudinem, æqualem atque ſuperiorem certitudine ſcientiæ. Eſtque notandum, in textu Græco Rom. 4. pro *pleniffimè ſciens*, haberi *παραρρητισ*, id eſt pleniffimè

perſuaſus. Et 2. Timoth. 1. pro, *Scio cui credidi*, in Græco eſt *αἶδω*, id eſt, noui, & exploratum habeo; vt aduertit Cornelius à lapide, ibidem.

Secundò, quod attinet ad auctoritatem D. Thomæ, videtur quidem ille dicere q. 5. a. 2. ſufficere ad fidem quod non ſit euidentia rei in ſe: Verumtamen eodem articulo, initio corporis, magis affirmat aſſenſum fidei non eſſe aſſenſum ſimpliciter euidentem. Ait enim intellectum credentis aſſentiri rei creditæ, non quia ipſam videat, vel ſecundum ſe, vel per reſolutionem ad prima principia per ſe viſa, id eſt, per ſe euidentia: ſed propter imperium voluntatis mouentis intellectum. Ibidemque ad 1. diſtinguit fidem dæmonum, à noſtra; quòd illa eſt quodammodo coacta, ex ſignorum euidentia: & ideo non pertinet ad laudem voluntatis ipſorum quòd credant. Et quæſt. 2. a. 1. dicit aſſenſum fidei eſſe cum quadam inqueſitione; propter obſcuritatem ſcilicet; & diſtingui ab aſſenſu ſcientiæ, vel opinionis. Et q. 1. a. 1. ad tertium, & art. 2. in corp. & art. 9. & 10. Itemque q. 2. art. 1. in corp. & q. 4. a. 1. & 5. & q. 5. alijsque locis docet, obiectum fidei, quia eſt obſcurum, non determinare intellectum ad credendum; ſed requiri determinationem liberam voluntatis. Quod autem dicit art. illo 2. quæſt. 5. Intellectum videntis conuinci miraculo, &c. intelligi poteſt de conuictione facta per euidentiam credibilitatis propter tale miraculum. Dæmones verò non ſtatim ab initio habuerunt euidentem ſimpliciter Chriſtum eſſe filium Dei, viſis aliquot tantum eius miraculis; vt oſtendit frequens illarum hæſitatio circa Chriſti diuinitatem. Vnde tentandi audacia. Nam diabolus poſt trinam illam temptationem in deſerto, receſſit tantum ad tempus, vt ait Lucas c. 4. v. 13. Inde etiam mortis Chriſti machinatio, quam tamen poſtea impedire conati ſunt per vxorem Pilati. Quamvis tunc & deinceps multò meliùs quam homines naturaliter ſpectati cognouerint miraculorum Chriſti veritatem, conſtantiam, multitudinem, & perpetuam ſeriem, Quippè quibus notius eſt non ſubſiſſe fraudem & impoſturam; & non tantum per aliorum relationem, vt homines qui breui tempore, & in exigua mundi parte ſerè omnes, ſingillarim ſumpti, verſantur: ſed omnia, vel plurima per ſeipſos nouerunt, vt teſtes oculati, ſemper viuentes, ſemper vigiles, & ſerè momento vbicumque volunt præſentes.

Tertiò, quoad Recentiores Theologos, verum eſt aliquos docere fidei non repugnare euidentiam in teſtificante: Sed illi ipſi conantur nihilominus remouere à fide euidentiam ſcientiæ, id eſt, ſimplicem euidentiam, vt vidimus Diſp. 1. Sect. 10. Alij verò, qui dicunt fuiſſe nonnullis euidentem per miracula clare perſpecta, vel aliter, Deum reuelare; volunt aſſenſum datum propter huiusmodi reuelationem euidenter notari, non fuiſſe aſſenſum fidei, ſed ſcientiæ cuiusdam ſupernaturalis: vt videre eſt apud alios ipſos, qui citantur ab Aduerſarijs: nempe apud Suarem Diſp. 1. de Fide, Sect. 8. n. 18. & ſequentibus, vbi affir-

Argumē-
ta natu-
ralia non
ſunt mo-
tiuū
fidei

40.
Ex D.
Thom.
aſſenſus
fidei non
eſt ſim-
pliciter
euidens.

41.
Theologi
conſenti-
unt in
aſſerenda
obſcuro-
tate fidei.

mat, & fusè probat assensum fidei nunquam per se ac formaliter fundari in evidenti cognitione revelationis, quòd à Deo sit: illumque assensum non esse fidem, quia est simpliciter evidens: Et apud Aegid. Coninck disp. 9. dub. 8. n. 115. & 116. ubi affirmat assensum fundatum in evidenti revelatione non posse dici fidem, quia fundatur in testimonio ut evidenti signo veritatis rei reuelatæ: ideoque non est fides, sed scientia à posteriori. Neque dissentit illi ipsi, quorum sententiam examinamus, fidem esse obscuram: & differre à scientia quoad evidentiam, iuxta doctrinam D. Aug. & D. Thomæ, communemque Theologorum sententiam. Sed ut illi non refragentur dicunt se constituere aliquam differentiam, quoad gradum evidentie, vel obscuritatis, inter actum fidei supernaturalis, quo dicit vir doctus Deus est; & actum, quo idem homo ipsum dicit assensu scientifico. In eo autem ponunt hanc differentiam, quia cum credimus fide insusā & supernaturali, tamen si non desunt nobis argumenta, quæ convincant evidentem Deum existere, aut diuinam providentiam intervenire in fundanda Ecclesia Catholica: Tamen ex affectu erga Dei inspirationem, vel attestatorem, & ex Spiritus sancti efficacia, firmius adhaeremus obiecto fidei, quam adhaeremus per actum scientificum ex sola inspectione argumentorum, quantum puro suo lumine satisfacere possunt naturaliter intellectui: & eatenus intellectum submittimus. Iste autem excessus ex devotione est voluntatis, quæ iure dicitur potentia cæca. Quare cæco quasi modo fit assensus, qui est potius à voluntatis instinctu, & Spiritus sancti efficacia, quam ab intellectu perspicacia, & naturali satisfactione. Vbi enim mens nostra procedit, non tantum ut videns argumenta, quibus suaderetur, aut quatenus ea videns: actus, quem ita elicit, potest dici non evidens. At ita procedit in actu fidei supernaturalis: quia est nobilior, quam ille assensus, quem naturaliter mens potest elicere, ut videns argumenta, per quæ suaderetur, qualem actum naturalem etiam demon elicit circa obiecta fidei. Hæc illi.

Verum, cum illa firmiter adhesio ex devotione voluntatis, & instinctu Spiritus sancti, non tollat evidentiam, quæ est ab argumentis credibilitatis, propter quæ assentimur, imò eam præsupponat, & ad illam melius cernendam necessaria sit illustratio interna Spiritus sancti, ut definit Arausianum can. 7. neque sine hac illustratione credi possit: non definit assensus fidei esse simpliciter evidens, si motuum formale, cui innititur, est simpliciter evidens. Item voluntas, quævis potentia cæca appellari solet: non potest tamen ferri in incognitum: debetque necessariò eadem potentia realiter, quæ est volitio, esse pariter cognoscitiva, ut fateatur alibi ijdem Recentiores. Ergo non mouet voluntas ad firmius assentiendum, sine cognitione. Et fides supernaturalis, quæ, ut fateatur Aduersarij, prudentissima est, non assentitur firmius, quam mereatur motuum assentiendi. Instinctus quoque Spiritus sancti non impellit ad assentiendum firmius, quam mereatur obiectum; fed

tantum mouet, & iuuat ad cognoscendum motuum credendi, melius & clarius, quam solis viribus naturalibus cognosci possit. Ex quo fit, ut si naturæ viribus potest evidenter cognosci, debeat adhuc melius & evidentiùs cognosci adiuvante illustratione Spiritus sancti.

Quartò, non est verum Scripturam sacram ipsidem verbis dicere notam esse per miracula veritatem Christi, & Ecclesie, quibus dicit Deum esse, & providere mundo. Nam quæ ad hoc confirmandum afferuntur, non habent eam emphasim, quam illa Sap. 13. & Rom. 1. quæ alibi expendimus, & Sanctorum Patrum testimonij illustrauimus, 1. p. Disp. 2. Sect. 1. n. 3. & 4. Quod enim ait Ioan. c. 1. *Vidimus gloriam eius, &c.* dictum est de gloria Christi apparente in Transfiguratione, cuius ipse fuit spectator cum Iacobo, & Petro, qui de eadem ait Epist. 1. c. 1. v. 17. & 18. *Accipiens enim à Deo Patre honorem & gloriam, voce de lapsa ad eum huiusmodi a magnifica gloria, Hic est filius meus dilectus, in quo mihi complacui, ipsum audite. Et hanc vocem nos audiuimus de calo allatam, cum essemus cum illo in monte sancto.* Videre autem gloriam illam Christi paternam, non erat evidenter cognoscere illius diuinitatem. Et, ut addit Maldonatus in eundem locum, nihil aliud voluit Ioannes verbis relatis, nisi testimonij sui fidem commendare, ex eo quod Incarnati Verbi maiestatem oculis perpexisset. Quæ eadem de causa scribit Epist. 1. c. 1. v. 1. *Quod audiuimus, quod vidimus oculis nostris, quod perpeximus, & manus nostre conuertebant de verbo vita, & vita manifestata est. & vidimus & testamur. & annuntiamus vobis.* Cum autem idem Ioan. c. 2. Evangelij, ait Christum, vertendo aquam in vinum in Cana Galilee, manifestasse gloriam suam, id est diuinitatem suam; non est sensus quòd simpliciter evidentem illam fecerit: neque enim vnicuius illud miraculum sufficiebat ad demonstrandum evidentem Christum esse Deum; ut fateatur ipsi Aduersarij: sed quòd illam, ante ignotam hominibus, primo illo signo apparere fecerit, Græcè *εωρίσθη*; vel etiam quòd suæ mirabilis potentie signum visibile exhibuerit. Tertius locus ex 1. Ioan. 1. v. 21. *Vita eterna, quæ erat apud Patrem, manifestata est, & apparuit nobis.* eundem sensum habet, quem primus paulo ante expositus, ubi etiam ad eiusdem expositionem confirmandam adductus fuit. Quartus ex Coloss. 1. v. 26. nihil aliud sibi vult, quam mysterium Incarnationis, ignotum præcedentibus sæculis & generationibus, fuisse nunc reuelatum sanctis, scilicet Apostolis & Christianis. Eodémque sensu accipiendum est quod citatur ex Psalmo 97. & Isaie 51. Quæ verò adduntur de Ecclesia ex Matth. 3. non aliud significant, nisi Ecclesiam Christianam, id est, cætum hominum profitentium Christi fidem, illamque docentium, fore semper visibilem, atque conspicuam. Sed inde non sequitur esse simpliciter evidens quòd cætus ille proficatur veram Christi doctrinam, quòdque doctrina Christi sit diuina. Et quidem videmus esse illam Ecclesiam, quod etiam Turcæ vident, & Iudei, alijque infideles. Vident enim aut sciunt

43.
Scriptura
non alle-
rit quod
ibi vo-
lunt: ob-
iectum
scilicet
fidei esse
evidens.

42.
Eam ma-
le expli-
cat ad-
uersarij.

esse summum illius Pontificem, Cardinales, & Episcopos, Principesque & populos Christianos: sed negant illi quod non vident, quodque nos credimus, Ecclesiam istam visibilem esse columnam & firmamentum veritatis diuinæ, per Christum & Apostolos tradite.

Quintò, verum quoque non est sanctos Patres affirmare, non minus esse euidentem per miracula veritatem Christi, & Ecclesiæ, quam existentiam & prouidentiam Dei: vel si qui pauci tale quid asserunt, loquuntur amplificatoriè, vt mox ostendemus fatendum esse aduersarijs. Augustinus quidem Epist. 3. non dicit Christum tam demonstrasse per miracula se esse Deum, quam si mundum creasset: sed solidum asserit Christum sufficienter id probasse, neque opus habuisse ad hoc magis confirmandum alium mundum creare: quia æqualem non poterat in isto creare: si autem minorem creasset, Iudei id quoque tanquam insufficientes reiecerunt. *Num hominem assumpto, inquit, nouum mundum facere debuis, vt cum esse crederemus, per quem factus est mundus? Sed nec maior mundus, nec isti equalis in hoc mundo fieri posset. Si autem minorem faceres intra istum, similiter hoc quoque parum pararent. Quia ergo non oportebat, vt nouum faceret mundum, nona fecit in mundo.* Quod verò additur de miraculis ex lib. 21. de Ciuit. explicabitur paulò post. Chrysostomus autem in lib. *quod Christus sit Deus*, non comparat quoad euidentiam, sed tantum quoad difficultatem, & quoad efficaciam verbi Dei, creationem mundi cum eius erectione per crucem Christi. Et quod addit Serm. 1. de Resurrect. exaggeratoriè dictum est, vt per se patet, & fateri debent Aduersarij. Nunquam enim fides facit in se videri mysteria, quæ proponit, sed tantum facit illa innouescere per externum indicium reuelationis, vt ipsi etiam Aduersarij dixerunt supra, numero 27. Fatentur quoque fidem non posse consistere cum tanta euidentia, quanta est euidentia sensuum, & visionis intuitiue. Idque probant ex Apost. Hebr. 11. v. 1. August. lib. de Prædestinat. Sanctorum c. 1. Hugone Victor. lib. 1. de Sacram. parte 10. c. 2. Vbi collocat fidem inter scientiam & opinionem, nimirum quoad euidentiam, & ex D. Thoma q. 2. a. 1. Vbi cum D. August. cap. cit. affirmat credere idem esse, ac cum assensione cogitare, id est, cum quadam inquisitione non attingente certitudinem & perfectionem visionis. Eademque de causa negant actum fidei posse esse in Beatissimis; & propterea Scripturam 1. Cor. 13. dicere fidem non manere in patria, quia videntur ibi quæ hic creduntur. Pseudo-Ambrosius verò loco citato non dicit Christum fecisse visibilibus, quæ Deus facit inuisibilibus; sed ait Christum Dei filium esse imaginem Dei inuisibilis, id est, Patris, quia est vnus & eisdem cum illo substantiæ, ita vt inuicem sint; & qui videt filium, videt & Patrem. Additque Apostolos vidisse filium, vt Deum: scilicet, intellectu operum diuinorum, non carnalibus oculis. Quæ enim operatus est filius, dixit esse Patris, vt vnitatem virtutis ostenderet. Quod autem per visionem non intelligat visionem propriè dictam, aut

euidentem notitiam, patet ex eo quod immediatè post subdit: *Eodem genere visus est & à Jacob, unde nomen accepit Israël, id est, homo videns Deum.* Atqui Iacob non habuit notitiam intuitiuam, neque euidentem quod Deus esset ille, cum quo luctabatur. Neque reipsa Deus erat; sed Angelus in corpore assumpto Deum representans, Gen. 32.

Sextò, vt pari euidentia, quæ opera creationis & prouidentie naturalis ostendunt Deum esse & providere vniuerso; ostenderent Prophetie & miracula Deum attestari veritati Christi & Ecclesiæ: oporteret tam euidenter nobis constare illas prædictiones esse à Deo, & miracula illa esse verè miracula; quàm euidenter nobis constaret vniuersum esse à Deo, & ordinem, quo regitur, fuisse ab illo institutum. At hoc non ita est. Quia opera creationis, & ordinariæ prouidentie, sunt quotidiana & omnium sensibus exposita. Sed prædictiones illæ, quarum veritatem euentus comprobauit, sunt paucissimæ, si cum operibus naturalis prouidentie comparentur. Et multæ alie in ipsidem sacris libris contentæ, sunt valde obscuræ, aut allegoricè interpretandæ, vt probetur illarum euentus. Et habentur tantum paucorum testimonio, quibus factæ sunt, & per illos alijs scripto aut verbo propositæ: de qua etiam propositione nobis non constat, nisi per aliorum relationem. Miracula quoque olim facta, aut quæ nunc etiam interdum sunt, sunt longè inferiora multitudine effectuum naturalium, quibus continuo Deus prouidet vniuerso, præcipuèque vitæ & conseruationi hominum. Et pauci testes oculati ea referunt, ad alios autem non nisi per illorum testimonium perueniunt. Ex, gr. miracula antiquissima, & illustrissima legis veteris in Ægypto, & per desertum facta, à solo Moyse, vt teste oculato, scripta sunt. Miracula Christi à solis Euangelistis, quorum duo tantum, Matthæus, scilicet, & Ioannes, scripserunt vt testes oculati. Et hi duo ferè omnia diuersa referunt: quia Ioannes qui postremus omnium scripsit, noluit referre ab alijs iam scripta. Itaque illorum miraculorum vnum solum scriptorem habemus, qui fuerit testis oculatus. Et eorum quidem mentionem deinde faciunt sequentibus sæculis multi scriptores; sed pauci aut nulli sunt, qui eodem tempore, quo facta sunt, hæc scribant, aliique ab alijs accipiunt quod referunt, vel potius ab ipso scriptore Canonico. Et quamvis circumstantiæ suprâ relatæ num. 37. & 38. probent efficaciter non posse iure dubitari de eorum relatione, sed prudenter pro certissima & indubitabili haberi debere: Non tamen ostendunt esse simpliciter euidentem, & patrem illi relationi, quæ per innumerabilem testium oculatorum testimonium constat Romanæ esse: aut illi notitiæ experimentali, quæ tum nos ipsi cognoscimus, & sensibilibus experimur, tum alijs innumeri, qui nos præcesserunt sæculis anterioribus, referunt tanquam à se visa, & experimento comprobata, celorum motum, astrorum conuersionem, lucem, & influentias, terræ, & aquæ situm, & fertilitatem, aliæque eiusmodi opera naturalis prouidentie: quæ

44.
Neque
sancti
Patres.

45.
Argumenta
credibile
habent
aliquid
obscu-
ritatis.

etiam vnicuique vel mediocriter attendenti manifestum est fuisse in commodum & utilitatem hominum destinata, illisque perpetuo servare; & ad Dei cognitionem, & amorem, per continua eius beneficia, illos provocare. Quia de causa merito dixit Gregor. Nazian. Oratio. ne 2^a. de Theologia, paulo post initium, absurdum esse, atque præposterum illum omnem, qui ex his argumentis naturalibus Deum, eiusque providentiam non agnoscit. Et Minutius Felix in Octavio, *Quid potest esse tam apertum, tam confessum, tamque perspicuum, cum oculos in cælum sustuleris, & quæ sunt infra, citraque illustraveris: quàm esse aliquod Numen præstantissimum mensis, quo omnis natura inspiraretur, moveatur, alatur, guberetur.*

Sanè si ex miraculis, & alijs argumentis credibilitatis tam nota esset & evidens veritas Christi, & Ecclesie, quàm Dei existentia, & providentia naturalis: fieri non posset, vt tam multi ex illis, quibus proponuntur, negarent Christi aut Ecclesie veritatem, qui non negant Deum esse, & mundo providere. Par enim lux patet in eorum intellectu cognitionem gigneret. Neque dicas, id quidem per se fieri debere: sed obitare vitiosum affectum voluntatis, ne attendant vel assentiantur argumentis probantibus doctrinam sensui asperam, & naturæ corruptæ duram, atque difficilem. Enimvero doctrina quoque de Dei providentia præsertim circa prohibitionem, & punitionem malorum operum, displicet naturæ corruptæ: neque tamen impedit quò minus illi assentiantur veritati tam conficiunt. Docet etiam experientia facilius homines convinci, quòd Deus sit, & mundo provideat; quàm quòd Christus sit Deus, & quòd Ecclesia veras eius revelationes infallibiliter doceat: tamen nondum proponatur speciatim doctrina illa Christi, vel Ecclesie, quæ specialiter naturæ corruptæ aduersatur, & displicet.

Adde difficultatem, quæ est in veris miraculis discernendis à falsis; & Dei providentiam permittere multa simulari à dæmone. In quo genere mirabile est quod refert Iosephus à Costa in Historia Indica lib. 7. cap. 4. & seqq. de ijs quæ fundatoribus Urbis, & Regni Mexicani contigerunt, valde similia illis, quæ olim per Moysen in Ægypto, & in deserto facta sunt, dæmone scilicet, veluti simiâ, imitante opera Dei, vt illudat hominibus. Permisit autem illi Deus plurimis sæculis continenter toti ferè mundo illudere varijs modis, fictis etiam miraculis, & prædictionibus futurorum, per oracula, & idola. Quanquam non deerat tunc hominibus via sufficiens cognoscendi deceptionem, naturali saltem rationis iudicio, qui ferè soli Deus plurimos reliquisse videtur tunc temporis, & nunc etiam in terris infidelium, vbi fidei lux & Evangelij prædicatio nondum affulsit. Quanquam nec illi planè auxilijs gratiæ sufficientibus destituti fuerunt; pluraque accepissent, nisi peccatis contra legem naturæ commissis viam gratiæ, & lumini supernaturali obstruxissent.

Adde præterea quòd Deus, qui nos veluti nocturnos viatores in lumine fidei subobscuro

ambulare vult, & captivare intellectum in obsequium Christi, ac more illorum, qui scientiam aliquam addiscunt, prius credere, quàm scire: Discitentem enim credere oportet; vt post Aristotelem ait D. Thom. q. 2. a. 3. Deus, inquam, ita contemperat propositionem argumentorum credibilitatis, vt non omnia proponat omnibus, sed tantum ea, quæ sufficient ad summam credibilitatem, qualis decet assensum fidei supernaturalis. Nam, vt rectè, dicunt illi, ipsi, quos impugnamus, & sapienter notavit D. Augustinus, Apostoli quidem viderunt miracula Christi, sed non viderunt impletionem Prophetiarum à Christo prædictarum. Nos autem non videmus Christi miracula, sed videmus impletas prophetias: Deo vtriusque temperante credibilitatem, & difficultatem assentiendi, vt vnicuique locus esset merito fidei. Sed & miracula à Christo facta vt probaret se filium Dei, & visa ab Apostolis, nonnihil obscuritatis admixtum habebant à Christi paupertate, humilitate, contemptu, ignominijs, tormentis, & morte. Verum enim est illud D. Leonis Serm. 3. de passione Domini, Vnum coruscabat miraculis, & alterum succumbebat iniurijs. Item ex eo quòd nonnulla de Messia prædicta, non videbantur esse in Christo impleta, vt sonant, & propterea communiter intellegebantur à ludæis: de exaltatione Ierusalem, & concursu omnium gentium ad illam, terrinæque dominatione in totum orbem: de abundantia omnium rerum temporalium: de pace sempiterna; de concordia inter ipsa animalia naturaliter inimica. Notat etiam S. Ioannes Chrysost. lib. 1. de providentia, ad Stagiriam, consuevisse Deum fidem eorum probare, quibus illustrata quædam promiserat, obiectis non paucis difficultatibus, quæ videbantur retardare, aut impedire promissionis effectum; vt probat exemplis Abraham, & Ioseph Patriarcharum. Imò illis ipsis, per quos miracula patrabat, varias inieciat difficultates, vt probat ibidem Chrysost. lib. 3. exemplo Eliæ Prophetæ, Elizzæ, Danielis, & Pauli Apostoli.

Item, Concilium Arausic. can. 7. definit ad credendum necessariam esse internam illuminationem Spiritus sancti, ultra externam prædicationem, siue propositionem obiecti fidei. Revertunt etiam communiter Theologi, cum D. Thoma locis supra citatis, determinationem liberam voluntatis momentis intellectum ad credendum. Atqui si obiectum fidei esset simpliciter evidens per argumenta credibilitatis, non egeremus illustratione illà Spiritus sancti, neque determinatione voluntatis ad assentiendum. Quod enim est simpliciter evidens, non eget illustratione. Et intellectus est de se naturaliter determinatus ad assentiendum veritati evidenter propositæ. Idemque D. Thom. ibidem non alia de causa requirit determinationem voluntatis, nisi quia obiectum fidei est obscurum.

Denique, licet simpliciter evidens sit Deum non posse mentiri, vilo modo, esseque illud bonitate & maiestate ipsius indigium: non est æquè evidens Deum non posse hominem permittere rationi naturali, vt sequatur Christia-

Deus cōtemperat credibilitatem.

46.
Confir-
marur
experien-
tia.

Est ali-
qua dif-
ficultas
in discer-
nendis
veris mi-
raculis.

48.
Non est
simplici-
ter eui-
dens Deū

non posse
permittere
se de-
ceptionem.

nissimum prudenter persuasum. Et est quidem summè credibile non posse Deum permittere, si falsus est, prudenter persuadeatur per tot argumenta Diuinitatem adeò redolentia : & ita in alium transferantur omnia signa Diuinitatis, vt prudenter non possint discerni. Sed non propterea mentiretur Deus si id permitteret. Quia non mentitur, qui solum permittit alium mentiri; neque istius mendacium imputatur illi, nisi teneatur impedire. Deus autem, qui nulli tenetur, & supremus omnium Dominus est, potest multa permittere, quæ homines non possunt. Neque simpliciter euidens est quid & quantum præcise possit permittere : & speciatim quod pati non possit au-

toritatem suam præsumptam, quantum ab hominibus cognoscibilis est in statu præfenti, interponi ad persuadendum Christianissimum, quo alioqui vnus veri Dei cultus, & virtutum omnium exercitium commendatur, vitæque rectæ institutio, quantum potest dirigi secundum humanam prudentiam. Concludo itaque discursum illum aduersariorum probare quidem efficaciter summam esse credibilitatem fidei Christianæ, maximamque moralem euidenciam : ita vt meritò cum Psalmista Deo dicere possimus, *Testimonia tua credibilia facta sunt mihi* : ad simplicem tamen euidenciam aliquid in illo desiderari.



DISPUTATIO

QVINTA.

An & quomodo obiectum Fidei Christianæ sit euidenter credibile?

- Sectio I. *Virum mysteria nostræ fidei sint euidenter credibilia, & credibilia quàm oppositum?*
- Sectio II. *Quibus argumentis obiectum fidei Christianæ constituitur euidenter credibile? Proponitur primum, à qualitate doctrinæ.*
- Sectio III. *Proponitur secundum à modo mirabili, quo fides Christiana in mundum introducta, propagata, & conseruata fuit.*
- Sectio IV. *Proponitur tertium argumentum à miraculis.*
- Sectio V. *Proponitur quartum à comparatione cum alijs Sectis.*
- Sectio VI. *Continuatur eadem comparatio cum Sectis Iudæorum, & hæreticorum.*
- Sectio VII. *Quomodo vigeat etiam nunc credibilitas fidei? & conclusio præcedentium.*

CUm obiectum fidei, quæ tale, non sit euident, vt patet ex præcedenti disputatione, quia reuelatio diuina non euidenter nobis, sed obscure fit; neque tamen prudenter credi possit, nisi certis indiis constet Deum reuelasse; quæritur in præfenti, sintne aliqua, & quænam sint indicia, siue argumenta, quibus certissimè constet Deum reuelasse: quæque si prudenter, & diligenter expendantur, mouere debeant ad præbendum assensum firmum, & indubitatum quod Deus reuelauerit. Quorum argumentorum exacta declaratio quanti

quantum momenti sit, nemo non videt, siue ad fideles in vera religione stabiliendos, siue ad infideles ab errore reuocandos. Quare in illis explicandis, & expendendis operæ pretium erit diligenter incumbere. De illis verò speciatim non agit S. Thomas ex professo, sed obiter tantum affirmat quæst. 1. art. 4. ad 2. Ea quæ creduntur, debere ab eo qui credit, esse visa sub communi ratione credibilis, id est, debere euidenter cognosci esse credibilia. Non enim crederet, inquit, nisi videret ea esse credenda vel propter euidenciam signorum, vel propter aliquid huiusmodi.

SECTIO I.

Utrum mysteria nostra fidei sine euidenter credibilia: & credibilia quam oppositum?

1. Mysteria fidei sunt euidenter credibilia.

Nico primò, mysteria, quæ nobis fide diuinâ credenda proponuntur, esse euidenter credibilia, quatenus per illam creduntur; siue eâ ratione, secundum quam ad illam pertinent: ac nisi essent euidenter credibilia, non crederentur fide illâ supernaturali rectissimâ, atque certissimâ. Hæc conclusio sumitur ex D. Thoma q. 1. a. 4. ad 2. ubi asserit non aliter quemquam crediturum, nisi ea, quæ credit, videret esse credenda, vel propter euidenciam signorum, vel propter aliquid eiusmodi: Et, quæ credita sunt, ea quoque secundum communem rationem credibilis esse visa ab eo qui credit, id est, videri illi credibilia, seu esse illi euidenter credibilia. Et ad 3. sic ait, *Lumen fidei facit videre ea quæ creduntur*. Et q. 2. a. 1. ad 1. *Fides habuit inquisitionem eorum, per quæ inducitur homo ad credendum; puta, quod sit dicta à Deo, & miraculis confirmata*. Quibus in locis, quod ait de visione credibilium, non est intelligendum de visione secundum omnem rationem: cum hoc modo fides non possit esse visio, vt superius ex ipso D. Thoma, & alijs ostendimus: sed intelligi debet de visione secundum aliquam rationem, quâ visio non repugnat actui credendi; cuiusmodi est visio credibilitatis vt euidentis, siue cognitio euidentis, quod res proposita sit credibilis tanquam à Deo reuelata.

Credibile, & Verum differt.

Pro quo nota ex Agudio disp. 11. dub. 2. quod sicut hæc valde differunt, *Hæc res est verè credibilis, aut probabilis*; & *Hæc res est vera*. Ita hæc etiam esse valde diuersa, *Hæc res est euidenter verè credibilis, aut probabilis*; & *Hæc res est euidenter vera*. Nam potest res aliqua à parte rei falsa, esse verè credibilis, aut probabilis: vt si à pluribus viris grauib, sapientibus, & bonis asseratur: aut confirmetur rationibus, quæ certæ vel probabiles appareant, nihilque in contrarium occurrat, quo falsitatis argui possit. Fidei ergo repugnat quidem vt credendum, quatenus tale, sit euidentis, aut euidenter verum: sed non repugnat esse euidenter credibile quod verum sit, & à Deo reuelatum. Quia euidentia credibilitatis non constituit simpliciter euidentis id, cuius est; sed tantum euident-

ter credibile. Sicut euidentia probabilitatis non constituit, nisi euidenter probabile: & euidentia incertitudinis vel obscuritatis, euidenter incertum vel obscurum. Confirmatur, quia credibilitas non est id, quod est credibile absolute: Neque secundum euidentiam suam est id, quod creditur: sed id quod creditur, est ipsum credibile, secundum veritatem latentem quam habet sub illa credibilitate. Quemadmodum id, quod opinione tenemus, non est ipsa probabilitas secundum euidentiam suam: sed est aliquid latens sub probabilitate, nempe id, quod esse, aut non esse enuntiamus. Ex. g. aliud est dicere, Probabile est mundum non fore diuturnum; & dicere, Mundus non erit diuturnus: quorum prius est euidentis; posterius obscurum. Primum est verum: secundum potest esse falsum. Et hoc est quod opinione tenetur, non illud. Notandum verò diligenter est, quod iam alibi diximus, & iterum inculcandum est, nos quando hic loquimur de credibilitate euidenti, non loqui de supernaturali: sed de credibilitate simpliciter, abstrahendo à supernaturali. Nam quemadmodum non est euidentis, sed tantum creditur, quod detur credere supernaturale: sic non est euidentis sed tantum creditur, quod detur credibilis supernaturalis, quam non cognoscimus sine relatione ad credere supernaturale, id est, ad fidem supernaturalem. Dari verò credibilitatem absolute (abstrahendo à supernaturali) sicut & probabilitatem, euidentis est. Per credibilitatem quoque, aut probabilitatem, intelligimus obiectum, quæ consistit in proportionem obiecti cum potentia cognoscente, tali, vt aptum sit generare fidem, vel opinionem.

His præmissis, probatur conclusio primò ratione generali: quia omnino sine aliqua euidentia nihil est cognoscibile per iudicium determinatum. Nam quod penitus obscurum est, illud est penitus incognoscibile. Ergo sicut sine euidentia scibilitatis nihil est scibile: & sine euidentia probabilitatis nihil est opinabile: ita sine euidentia credibilitatis nihil est credibile. Neque dicas, voluntatem pro sua libertate posse credere, vt voluerit. Quia voluntas non potest mouere intellectum extra suum obiectum: Neque facit ipsa obiectum, sed supponit. Quare non potest mouere, vt credat, nisi id quod apparet credibile. Secundò, vt aliquid certissimè, rectissimèque, id est, sine temeritate & imprudentia credatur tanquam à

2. Non debent, neque prouidentur credi mysteria fidei, nisi sint euidenter credibilia.

Deo reuelatum, constare certò debet Deum reuelasse. Nam *qui cito credit, leuis est corde*, Ecclef. 19. v. 4. & credere sine discretionem, & sine argumento sufficienti aliquid esse à Deo reuelatum, malum est, & expositum periculo erroris, ac superstitionis. Quia non desunt vel demones, vel homines, qui possint fingere Deum reuelasse. Atque inde hæreses, & schismata nascuntur, cum multi credunt imprudenter, & nimis facile impostoribus. Atqui fides diuina & est certissima, cum excludat omnem liberam dubitationem in contrarium, iuxta illud Galat. 1. *Si Angelus de celo, &c.* & simul est rectissima, cum non operetur, nisi ex speciali auxilio & motione Spiritus sancti: Ergo non credit sine certo & sufficienti argumento, quòd Deus reuelauerit. Cumque debeat excludere omnem formidinem, & mutabilitatem prudentem; debet niti argumentis euidenter credibilibus, quibus plene acquiescat intellectus, & firmiter stabilatur: non autem obscuris & probabilibus tantum, quæ possunt facile deficere, & dare locum prudenti mutationi iudicii, aduenientibus alijs coniecturis. Terriò, cum Deus velit nos constanter, firmissimè credere, quæcumque fides Christiana credenda proponit, licet aliqui per se difficilia, & supra naturæ captum; atque incredulus æternæ damnationi addicar: debet ea tam certis, & euidenter credibilibus argumentis munire, vt nullus incredulus sit locus excusationi: possintque ab omnibus, quæ par est diligentia & animi sinceritate attendentibus, facile agnosci. Ideòque re ipsa, Deus tot, & tanta dedit credibilitatis argumenta, tamque perspicua; vt vates regius ei merito dicat Psalmo 92. *Testimonia tua credibilia facta sunt nimis:* & Christus Matth. 5. Ecclesiam suis notis insignem atque spectabilem, comparat ciuitati supra montem positæ, quæ abscondi non potest: & lucernæ super candelabrum accensæ, vt luceat omnibus; qui in domo sunt.

3.
Debet
esse cre-
dibiliora
quocun-
que op-
posito.

Dico secundò, vt obiectum fidei sufficienter proponatur, non solum debet fieri euidenter credibile: sed etiam euidenter credibilius quæcumque alià doctrinà repugnante: Ita Suar. Disp. 4. Sect. 2. n. 6. Ratio eiusdem est, quia si daretur aliquid contrarium æquè credibile; talis credibilitas necessariò pareret formidinem circa oppositum. Vnde neutrum esset propriè credibile ei, qui oppositionem cognosceret. Et quamvis esset: licitum foret homini inter illa credibilia eligere, quod mallet, si vtrumque esset euidenter credibile, non solum absolute, sed etiam comparatiuè spectatum. Hoc autem repugnat tum certitudini, tum obligationi fidei Christianæ. Nam si sufficienter proponatur, tenemur illam acceptare cum tanta certitudine, vt illam præferamus omni doctrinæ contrariæ, iuxta illud Pauli loco supra cit. *Si Angelus de celo, &c.* Vnde vlteriùs sic argumentor: Fides, quæ ingerit sui acceptandæ obligationem maximam præ omnibus Sectis contrarijs quantumvis apparentibus, debet inniti ijs argumentis, quæ ostendunt euidenter ipsam esse sequendam, & aliam omnem oppo-

sitam respuendam, si velimus prudenter agere, & secundum rectam rationem. At fides Christiana ingerit, & commendat sui acceptandæ obligationem præ omnibus alijs, sub pœna æternæ damnationis; *Qui enim non crediderit, condemnabitur*, Marc. vii. Ergo, &c. Hinc collige argumenta credibilitatis fidei Christianæ debere, vt sufficientia sint, ostendere euidenter, non modò eius obiectum esse credibile speculatiuè, id est, posse credi: sed etiam practicè credendum esse, id est, debere credi, & non posse sine imprudentia, & sine peccato respui.

Obijcies primò, Non potest euidenter ostendi mysteria fidei Christianæ esse possibilia, vel non esse impossibilia: Ergo non possunt fieri euidenter credibilia. Consequentia pater, quia quod non est possibile, non est credibile. Quodque est euidenter impossibile, est euidenter incredibile. Antecedens probatur, quia si euidenter ostenderetur, illa mysteria esse possibilia, ostenderetur euidenter esse vera, saltem ea, quæ pertinent ad esse diuinum, in quo idem sunt esse, & posse esse. Deus enim est tum in essentia, tum in personis, quicquid esse potest. At saluum est hæc posse ostendi euidenter esse vera. Ergo, &c.

4.
Nec obest
quòd ne-
queat
ostendi
euidenter
esse possi-
bilia.

Respondeo cum Suare supra num. 9. antecedens esse verum quoad mysteria Trinitatis, Incarnationis, Eucharistiæ, & similia planè supernaturalia, quæ non possunt ostendi euidenter, & posituè esse possibilia: quicquid dicat Caietanus p. 1. q. 1. a. 8. sed possumus tantum negatiuè soluere argumenta in contrarium, id est, negando quod probari non potest, & euidenter ostendendo non probari; etsi non demonstremus esse falsum. Ex. g. non possumus quidem euidenter ostendere, quòd vna numero natura possit esse in tribus personis: possumus tamen respondere argumentis in contrarium, dicendo, quamvis ita nequeat esse in naturis finitis, quæ solæ nobis notæ sunt: inde tamen non sequi id esse pariter impossibile: in natura diuina omnimodè infinita, & supra captum nostrum excellentissima: cuius oppositum probari nequit ab infidelibus. Ergo concessio antecedente argumenti propositi, nego consequentiam; quia credibile latius pater, quàm possibile: cum aliquid impossibile possit fieri credibile per media extrinseca. Quare ex negatione euidenter possibilis, non sequitur negatio euidenter credibilis. Est quidem verum nihil fide Christianà teneri, quod possibile non est. At hoc tantum certò constat, non euidenter. Et ex euidentia credibilitatis, non sequitur euidentia possibilitatis.

Obijcies secundò, fidem non compati euidentiam testificationis diuinæ. Ergo neque compatiatur euidentiam credibilitatis. Confirmatur, quia credibilitas illa euidentis vel cadit sub actum fidei, vel non cadit. Neutrum dici potest. Non primum; quia fides non versatur euidenter circa aliquid euidentis. Ergo non versatur euidenter euidentiam credibilitatis, quæ est euidentis. Deinde fides non versatur nisi circa reuelata à Deo, vt talia. Hæc autem credibilitas non reuelatur à Deo, sed ex signis per experientiam

5.
Neque
quòd fi-
des non
compa-
tiatur
eviden-
tiam te-
stificatio-
nis.

cognitis sumitur : Ergo, &c. Non etiam secundum ; alioqui fides non propter illam crederet reuelationem, esse verè diuinam. Id enim propter quod aliquid creditur, est in substantia obiecti assensus, quo creditur, tanquam motiuum & ratio assentiendi.

Respondeo primam consequentiam non valere ; quia euidentia testificationis diuinæ constituit rem euidentem veram, ei cui euidentis est Deum nec falli nec fallere : ideoque fides non eam comparatur. At euidentia credibilitatis constituit tantum rem euidentem credibilem : quod fidei non repugnat. Euidentia enim credibilitatis, non est euidentia rei ; & manet adhuc obscurum an res verè sit : quamvis sit euidenter credibile quod sit. Ad confirmationem respondeo, euidentem illam credibilitatem per se solam non cadere sub actum fidei, sed sub aliam cognitionem claram, actui fidei præuiam & actui libero volendi credere : cadere tamen sub illum vñ cum eo, quod constituit euidenter credibile. Fides enim versatur circa reuelata à Deo, vt sufficienter reuelata, & euidenter credibilia. Non repugnat autem vñ cum eundem actum simplicem versari circa aliquid euidentis, & circa aliquid obscurum. Nam cognitio v.g. conclusionis opinabilis versatur circa præmissas obscuras & incertas, & circa illationem certam & euidentem. Cumque ex duabus præmissis, vna euidentis, & altera probabili, inferatur conclusio : eius assensus fertur in vtramque præmissam : euidenter in vnam, & probabiliter in alteram. Neque propterea est euidentis, sed probabilis tantum : quia sequitur partem deteriorem. Sic ergo actus fidei versatur simul circa euidentem credibilitatem, & circa credibile obscurum, sub illa delitescens. Et prout versatur circa euidentiam credibilitatis, non est fides præcisè secundum illam considerationem : sed prout tendit ad ipsum credibile obscure latens sub euidentia credibilitatis. Etenim credibilitas, quantumvis euidentis, est eius, quod non est euidentis quoad esse, sed tantum est tale, vt euidenter sit dignum assensu certo ; possitque certò, quamvis obscure cognosci. Ideoque euidentia credibilitatis non est simplex euidentia rei ; quia non est euidentis esse verè à parte rei id, quod euidenter credibile est esse ; cum credibilitas absolute loquendo, vt hic loquimur, & abstrahendo à diuina & supernaturali, fallere possit. Abstrahendo, inquam, à supernaturali ; quia hæc, non est simpliciter euidentis, sed credibilis tantum, vt iam sæpe monuimus, diligenterque notari cupimus. Non enim est simpliciter euidentis, sed tantum creditur quòd deus fides supernaturalis, & credere supernaturale ; quòdque obiectum per talia argumenta propositum, sit dignum assensu supernaturali, adeoque infallibiliter vero, quippe factò ex speciali motione Dei, quem euidentis est non posse ad falsum mouere specialiter, & esse causam specialem actus turpis. Si autem credibilitas supernaturalis esset euidentis simpliciter, redderet obiectum euidenter verum simpliciter. Sic enim posset demonstrari ; Quicquid est euidenter credibile fide

supernaturali, est euidenter verum. Sed Deum v.g. esse incarnatum, est euidenter credibile fide supernaturali : Ergo Deum esse incarnatum est euidenter verum.

SECTIO II.

Quibus argumentis obiectum fidei Christianæ constituatur euidenter credibile ?

Respondeo illa esse complura, & non eadem apud omnes. Primum enim quædam interna sunt : alia externa, & sensibus exposta : Deus enim homines, mente & sensu præditos, vtroque modò iuuat. Et aliquos signis tantum internis mouet ad credendum, vt fortè Lydiam, Act. 16. v. 14. Et Dionysium, ac Damarim, Act. 17. v. vlt. Alios verò adhibitis etiam signis externis, vt Paulum, & Samaritanam, Act. 9. & Ioan. 4. Signa itaque seu argumenta credibilitatis generatim diuidi possunt in interna, & externa. Verum per interna non intelligimus priuatum cuiusque spiritum, & iudicium ac sensum proprium, vt Lutherani & Calvinistæ, sed effectus aliquos diuinæ virtutis interiores, & admirabiles, quibus fiat euidenter credibile, dictum esse à Deo id quod proponitur vt tale. Cum autem Deus mouet tantum per signa interna, si id facit ne adhibita quidem externâ prædicatione seu propositione obiecti, duo facit. Primò imprimis, vel excitat species in intellectu circa obiectum, quod vult reddere credibile, sine quibus obiectum, absens secundum se, cognosci nequit. Secundò, illustrat intellectum circa obiectum speciebus repræsentatum, & mouet voluntatem adeo potenter, & mirabiliter, vt hoc ipso credibile faciat se tales species immittere, vel excitare ; & ad assensum inuitare per illam internam locutionem in mente factam per species intelligibiles.

Externa verò, quæ per se pluribus prosunt, quia notiora, & sensibus exposta, & minus sunt deceptioni obnoxia, complura numerantur, & exponuntur à D. Thoma, lib. 1. contra Gentes c. 6. Scoto in 1. q. 2. Prologi. Michaelè Medina lib. 1. de recta in Deum fide. Bosio duobus tomis de signis Ecclesiæ. Bellarm. lib. 4. de Ecclesiâ. Valens. q. 1. de fide punct. 4. q. 3. & toto lib. 1. de Analyti fidei. Qui quatuor postremi & plura numerant, & accuratius ea exponunt. Nos præcipua quæque ad quatuor capita reuocabimus. Qui plura volet, consulat citatos, & Ludouicum Granat. in Catech. parte 2. cap. 3. & seqq. vbi de his fusissimè, & eloquentissimè scripsit. Videri etiam potest Bartholomæus Medina quæst. 3. Introduct. in 3. p. D. Thomæ, vbi plura ex huiusmodi argumentis proponit, & expendit, ad probandum Christum esse Deum ; & religionem Christianam, ab ipso fundatam, esse verè diuinam. Erudite quoque de iisdem scripsit Regord. in disput. de analyti Theolog. ex quo nonnulla mutuati sumus, collegimusque aliqua eius fragmenta ne pereant.

H 2

Diuiduntur in interna, & externa.

Quæ & qualia sunt interiores.

Externa multa sunt.

Primum argumentum à qualitate doctrinæ.

7. Argumē-
tum 1.
Scriptu-
ra ipsius
diuinæ
veritatis.

Primo igitur, Christianismo fidem conciliat apud æquos rerum æstimatores; doctrinæ, quam proponit, veritas, sanctitas, & efficacia, quæ diuinum quid redolet, habetque in seipsa, si bene expendatur, sufficiens argumentum suæ diuinitatis, iuxta illud Psal. 18. v. 8. & 10. *Lex Domini inmaculata conuertens animas, iudicia Domini vera, iustificata in semetipsa.* Nam in Scriptura Canonica, tam distitis locis, & temporibus, & à tam diuersis scripta, nihil est quod aduersarij vnquam potuerint conuincere mendacij. Nulla sunt apparenter opposita, quæ non facile conciliant docti. Nihil in tota doctrina Christiana, quod ratio falsum esse ostendat; imò consonum sibi non iudicat, pensatis omnibus. Ita vt ratio, si eam sequamur, miretur tam sublimia de Deo sensa, de animorum immortalitate, de fine vltimo, de medijs ad ipsum consequendum institutis, de virtutibus, & vitijs, de bonorum operum præmio, & peccatorum pœnis, & alijs quæ ad Dei cultum, & ad omnem virtutem, morumque eximiam sanctitatem vehementer impellunt. Miretur etiam Decalogi sequitatem, amorem erga hostes, coniugij fidelitatem, aliæque id genus, quæ naturali lumine facilius attingi possunt. Quod si quædam habet supra caput, vt de Trinitate personarum diuinarum, de Incarnatione Verbi, & alijs quibusdam mysticis; vel ipso lumine naturali notum est, rectæque rationi consentaneum, Deum esse maiorem capri nostro; naturamque omnimodè infinitam, & omnipotentem, non esse metiendam naturis creatis & finitis, nobis notis, vt illi applicentur hæc & similia axiomata ex creaturis nobis notis desumpta. Vnius nature substantialis vnica est substantia: Vnius persone vnica est natura. Adeo quòd omnia supernaturalia, quæ de Deo credenda proponit, plurimum commendat ipsius excellentiam in essendi maiestate, vel in sapientia, liberalitate, & omnipotentia sese communicandi creaturis. Quòdque illa omnia carere iusta suspitione impossibilitatis ratio ipsa naturalis deprehendit, examinando argumenta contraria. Quòd denique tam exacta veritas in rebus alijs naturalium lumine magis cognoscibilibus, magnam illi fidem conciliare debet, quoad res supernaturales, quas proponit. Nam vel hoc ipsum diuini spiritus sufficiens signum est, quòd eum Scriptura facta de rebus ferè omnibus naturalibus, & moralibus disserat, nunquam à vero aberrauerit. Docet enim reliquorum omnium scriptorum experientia in multiloquio non deesse peccatum; esseque supra naturæ vires, vel ipsas omnes veritates naturales sine vilo errore assequi.

8. Eiusdem
sanctitatis.

Sanctitas verò eiusdem doctrinæ ex eo apparet, quòd nullum sit peccatum, quod non damnet; nullum virtutis officium, quod non commendat; nullus modus amandi Deum excellentior eo quem tradit, ex toto corde, tota mente, totis viribus; nullus finis præstantior eo, ad quem dirigit; nullum medium necessarium, cuius noticiam, & vsum non doceat:

nullum motuum efficacius ad vitam piæ, & sanctæ instituendum, ips quæ suggerit, siue ex Dei cuncta cernentis præsentia, & iudicio futuro, siue ex præstantia præmij, & pœnæ magnitudine, siue ex alijs capitibus. Hinc est mirabilis eorum sanctitas, & æquitas, qui leges Christianas exactissime seruant, quales illi primi Christiani, in quibus nihil nisi nimiam sanctitatem reprehendebant infideles, vt testantur Tertullianus initio Apologetici, & D. Aug. lib. de morib. Ecclesiæ à cap. 31. Qui testes cum grauissimi, doctissimi que sint, id sanè in ipsis infidelium oculis non scripserint, si falsitatis potuissent ab illis conuinci contrariâ experientia. Et hoc generatim pro alijs quoque Auctoribus nostris infra citandis notandum est. Est enim incredibile, viros, quos ex eorum scriptis, & gestis, constat tam graues, doctos, & pios fuisse, voluisse palam & apertè falsa scribere de rebus suo tempore gestis, & expositis omnium oculis. Est etiam, quòd homines flagitiosi, ad fidem Christianam conuersi, eiusque dogmata meditantibus attentius, mores statim mutant in melius, vt ostendit quotidiana experientia, & olim accidisse testantur D. Petrus Epist. 1. c. 4. v. 3. & 4. Paulus Rom. 6. v. 16. & 1. Cor. 6. v. 10. Iustin. martyr Apolog. 2. pro Christianis, Tertull. lib. ad Scapulam præfectum Carthaginis, Ethnium, & Christianorum persecutorem, Lactant. lib. 3. diuin. Institut. c. 26. & alij. Quòdque incredibile solatium, & conscientie securitatem experiuntur qui Christi legem toto studio seruant, & ad illius doctrinam omnino mores suos & affectus conformant. Quod gaudium nemo perfectè nouit, nisi qui accipit: ex illorum tamen tranquillitate animi, constantia, alacritate, & rectissimis factis, diuinum quid illis ineffe faciliè deprehenditur. Adeo vt Chrysost. Homil. de recta vita (quæ habetur post homil. de penitentia, & virginitate) non dubitauerit dicere, vnus Christiani modesti aspectu facilius conuerti Ethnicos, quàm aspectu cœli, & terræ. Et quidem de S. Luciano martyre refert Metaphrastes in eius vita, Ethnicos solo eius conspectu ad fidem Christi fuisse conuersos. Et Athanasius de sancto Antonio scribit in eius vita, quamvis latere maxime cuperet, & satageret; orbis tamen vniuersi oculos ad se conuertisse admirabilis sanctitate vitæ. Et de sancto Hilarione idem testatur Hieronymus: de Simeone Styrita, Theodoretus; de Martino, Sulpicius; De alijs, alij. Et denique Paulus ad Philipp. 2. v. 15. de primis Christianis affirmat, eos in medio Nationis præse lucere sicut luminaria in mundo. Quòd si non omnes sancti, sed multi sunt perditii Christiani: non obest id legis ipsius sanctitati, quæ vitia quidem grauius prohibet, sed arbitrij libertatem non adimit.

Hos autem mirabiles effectus operatur, non prophanè eloquentia, neque persuasibilibus Eiusdem humanæ sapientiæ verbis: sed occultâ quadam, vis & eff. & planè diuinâ vi, mirabilique efficacia in per- mouendis animis. Licet enim verbis simplicibus scripta sit, & nullo ferè artificio orationis: vehementer tamen lectoris docilis & attentus

Erebrum
qui se illi
confor-
mant.

9. Eiusdem
efficacia.

mentem commouet ad Dei amorem, & ad omne virtutum genus. Docet ignaros, solatur mœstos, torpentes excitat, afflictos exigit, imbecilles confirmat, & corroborat; vt merito Sapiens Proverb. 30. (quo solo libro plus doctrinæ moralis traditur, quàm in omnibus Ethnicon Philosophorum libris) dixerit v. 5. *Omnis sermo Dei ignis clypeus est sperantibus in se*; & Apostolus Hebr. 4. *Sermo Domini viuus & efficax, penetrabilis omni lancea, & omni gladio ancipiti*: Et Machabæi, magnis licet calamitatibus pressi, iure affirmant se nullo indigere, *habentes solatio sanctos libros* 1. Machab. 12. v. 9.

Hæc omnia bene perpensa prorsus incredibile faciunt talem & tantam doctrinam ab impostore manare potuisse. Maximè verò cùm eius Scriptores mendacium sæpius peccati damnant, eiusque odium magnum profiteantur: fuerint vitæ integerrimæ; morum autem integritas Scriptorem valde commendat: scripserint ferè omnes, res sui temporis, cùm de historijs sermo est: quæ si falsæ fuissent, facile potuissent conuinci falsitatis, nullamque fidem obtinuissent; cùm tamen ita persuaserint, vt constans eiusdem fidei professio, martyrum infinitorum sanguine obnata, ad nos vsque peruenierit. Scripserint non spe lucri, honoris, aut delectationis: cùm ea quæ scriberent, essent mundo exota, Scriptores atque professores illius fidei vbique contemnerentur, spoliarentur bonis, affligerentur omnibus modis, & durissimis tandem cruciatibus interficerentur; scripserint sensui contraria & aspera, atque ad credendum humano ingenio difficillima: quæ etiam professi sunt tantâ constantiâ; vt per tormenta exquisitissima, & mortem crudelissimam abduci nunquam ab illis potuerint; scripserint tantâ sapientiâ, tamque reconditâ doctrinâ, vt tot iam sæculis excellentissimam ingenia Patrum, atque Doctorum, diuinissimos sensus novos ac nouos eruant ex eorum scriptis, velut ex fonte inexhausto.

Adde mirabilem consensum noui Testamenti cum vetere longè antea scripto, & multo plus ducentis annis ante Christum, à septuaginta duobus Interpretibus Græcâ linguâ donato. De cuius vtriusque Testamenti antiquitate non magis potest dubitari rationabiliter, quàm de Platonis, Aristotelis, & similium librorum vetustate. Cùm non minora habeant suæ antiquitatis argumenta, seu testimonia veterum. Adde item, quod in vtrôque plurimæ sunt prophetiæ mirabiles, id est, certissimæ prædictiones futurorum contingentium, longè antè reuelatorum: quod Diuinitatem satis arguit: vt constet ex difficultate assequendi hæc certò, constanter, & cum ipsis circumstantijs. Præsertim verò quoad ea, quæ ex Dei voluntate, & omnipotentia pendent, quæ solus Deus potest certò & infallibiliter prædicere, cùm à nemine cogi possit, aut pati necessitatem ea volendi, aut faciendi. Item ea, quæ pendent à causis creatis liberis nondum existentibus, sed longè post futuris: Ita vt neque ex complexione, neque ex consuetudine, neque ex illo alio indicio præsentis colligi possit quid

sint factura, imò ne quidem an futuræ vnquam sint. Cuiusmodi sunt prophetia de Sceptro Iudæ non auferendo, donec Messias veniret, Gen. 49. v. 10. Prædictio pugnæ Saulis Regis Israël cum Agag Rege Amalech, quadringentis antè annis quàm nasceretur, expressè nominato, Num. 24. v. 7. Quæ prædictio impleta est 1. Reg. 15. Prædictio item quæ habetur 3. Reg. 13. de Iosia Rege (nominatim ibi expresso per Prophetam) altare Ieroboami destructuro, & super illud Sacerdotes Idololatrias occisuro: quæ trecentis sexaginta post annis fuit impleta 4. Reg. 23. Item prædictio de Cyri regno, potentia, opibus, bellis, victorijs, & beneficijs in Iudæos, quæ habetur Isaïa 45. id est, ducentis antè annis quàm Cyrus nasceretur; vt testatur Iosephus 2. Antiqu. c. 1. Mirabile autem est Cyrum tot antè annis fuisse ab Isaïa, etiam nomine proprio designatum.

Mitto quæ Daniel clatissimè prædixit de regnorum mutationibus, & Christi aduentu, excidiòque Iudæorum, cap. 2. 7. 8. 9. & 11. Quodque ferè omnia, quæ Christo contigerunt, fuerunt diu antè in Testamento veteri exactissimè prænuntiata. Vt Incarnatio, Baruch. 3. v. 16. Natiuitas ex Virgine, Isaïa 7. v. 14. Bethlehem locus natiuitatis, Mich. 5. v. 2. Tempus natiuitatis, Gen. 49. v. 10. & Daniel. 9. v. 25. Ioannes eius Præcursor, Malach. 3. v. 1. & Isaïa 40. v. 3. Christi prædicator, Isaïa 61. v. 1. Miracula, Isaïa 35. v. 5. Ingressus in Ierusalem, Zach. 9. v. 9. Proditio per discipulum, Psalm. 40. v. 10. Venditio triginta argenteis, Zach. 11. v. 13. Dolores & cruciatus passionis cum summa patientia, & mansuetudine tolerati, Isaïa 53. v. 7. & sequentibus. Crucifixio inter Latrones, iritiones, & blasphemias, vestimentorum diuisio, & oratio pro inimicis in cruce, Psalm. 21. ferè toto, & Isaïa 53. v. 12. Fells & aceti poratio, Psalm. 68. v. 11. Resurrectio, Psalm. 15. v. 10. Ascensus in cælum, Psalm. 67. v. 19. Excidium Iudæorum, & Gentium conuersio, Daniel. 9. v. 16. & 27. Mitto denique Christum ea quæ Christus in nouo Testamento certissimè prædixit; vt Ierosolymorum subuersionem, eod quod se Messiam spreuissent, Luc. 39. v. 44. Cuius excidij circumstantias multas, & graues, atque ab hominum libertate pendentes exactè descripsit: Ecclesis suæ stabilitatem, & perpetuitatem, contra quam portæ inferi non sint præualitura, Matth. 16. v. 18. Quam prophetiam videmus huc vsque impletam, post tot, & tantas persecutiones, quarum plurimæ Ecclesiam videbantur absorpturæ, nisi diuina vis adiuuisset. Euangelium toto orbe prædicandum, & Apostolorum martyrium, Matth. 24. v. 9. Ecclesiarum persecutiones, martyrumque constantiam, & victoriam, Luc. 21. v. 12. Quæ omnia diu antè prædicta, & scripta palam, ac publicata in oculis runc videntur, & qui interfuerant prædicationibus, citata paulò post, & explicata à vicis maximis. Dionysio, Polycarpo, Ignatio martyre, Iustino, Origene, Tertulliano, & alijs coram Gentium Principibus, deinceps iuxta prædictionem secuta sunt. Vnde merito Terrull. Apolog. c. 10. *Quicquid agitur, prænuntiabant; quicquid videtur,*

Prophetiæ infirmæ infirmis Testamento.

Christi prædictiones.

Scribentium qualitas hanc illi conciliat.

10. Consensus veteris Testamenti cum nouo.

Multæ prophetiæ in vtrouque.

audiebatur, &c. Idoneum, opinor, testimonium Diuinitatis, veritas diuinationis. Omnino enim tot & tales prædictiones in codicibus illis certò certius antiquissimis scriptæ, diuinitatis illorum certa sunt indicia. Nam quòd futura libera non possint sine Spiritu diuino constanter, & infallibiliter prædici, præsertim ea, quæ pendunt à libera ipsius Dei voluntate, satis constat ex dictis Disp. præcedenti Sect. 4. num. 31.

SECTIO III.

Propheciarum secundum argumentum à modo mirabili, quo fides Christiana in mundum introducta, propagata, & confirmata fuit.

11. Christi fides mirabiliter in mundum introducta, & diffusa.

SECUNDò, Christianismi veritatem, & diuinitatem, maximè ostendit modus planè mirabilis, ac diuinus, quo fuit in mundum introductus, propagatus, & conseruatus. Constat enim ex historiis sacris, & prophanis, & ex libris tum ipsorum Ethnicorum, tum viro- rum maximorum, qui à Gentilismo ad Christum transierunt, & scripserunt in oculis Gentilium non id negantium, sed admirantium, & totis viribus impedire conantium: constat, inquam, paulò post Christi mortem vniuersum pene orbem à patrijs religionibus, vel ipsà vetustate plurimum confirmatis, ad Christum fuisse conuersum. Testatur enim Paulus Coloss. i. v. 6. Fidem Christi iam tum fructificasse in vniuerso mundo; & Rom. i. v. 8. *Fides vestra*, inquit, *annuntiatur in vniuerso mundo*: Et i. Ioan. 5. *Hæc est victoria, quæ vincit mundum, fides nostra*. Et initio secundi sæculi Iustinus martyr in Dialogo cum Tryphone, affirmat nullum fuisse tunc hominum genus, apud quos Iesu crucifixi nomine preces, & Eucharistiæ, omnium rerum creatori non fierent: eiusdemque prædicationem, & fidem in vniuerso mundo disseminatam esse, & diligenter custoditam dixit paulò post Irenæus lib. 1. aduersus hæreses cap. 3. Et Tertullianus cap. 7. libri contra Iudæos, ait Christianam fidem iam tunc, id est, eo tempore, quo maximè vige- bat, & eo vsque riguerat persecutio, latius fuisse dominatam, quàm Romanum Imperium: multaque loca, Romanis inaccessa, fuisse Christi subdita. Et denique Plinius lib. 10. Epist. 97. ad Traianum Imperatorem, *Non ciuitates tantum*, inquit, *sed & vicus, &que agros superstitionis istius, (Christianæ) contagio pernata est. Certe satis constat propè iam desolata templa (Idolorum) capisse celebrari, & sacra sœclemia diu intermissa, &c.*

11. Per piscatores & pauperes idiotas.

Id autem factum esse constat per Apostolos, id est, pauculos piscatores, antea rudes, & idiotas, imbelles, pauperes, contemptibiles; non armorum potentia, non magnatum præsidio, non opum, voluptatum, aut honorum illecebris, non eloquentiæ vi: cum è contrario simplicibus verbis fidem proponerent humano capui valde difficilem, & per se in- credibilem, sensui asperam, & à diuitijs, honoribus, voluptatibus huius vitæ, abducentem:

contra quam Principes, & Magistratus Ethnici toto conatu insurgerent, eiusque profes- sores exilio, honorum spoliatione, supplicio extremo, & omni pœnarum genere multarent. Quam denique eloquentes & docti inter Ethnicos infedarentur totà doctrinà & facundia: & quæ argumentis fortiter impugnarent, quæ conuijs & scommatis profcinderent. *Hæc & nos visimus aliquando* (inquit Tertull. Apolog. c. 18.) *De vestris fuimus. Finis, non nascuntur Christiani*. Et tamen illam persuaferunt, non vulgo tantum, sed & viris suo æuo doctis- simis, Dionysio, Clementi, Iræneo, Iustino, Arnobo, Tertulliano, Aristidi, Athenagoræ, Laëtantio, & alijs permultis, qui piscatorum doctrinæ paruereunt: ipsique tandem Imperatoribus, qui quos furore persequerentur, profecuti sunt fide, vt loquitur S. Aug. lib. 27. de Ciuit. c. 7. Qui etiam Concione in Psalm. 69. admirans quomodo Deus per piscatores mundum, ipsosque Imperatores ad Christi fidem conuerteret, sic ait: *Elegit Imperatores postea. Sed melius est, vt Romam cum venerit Imperator, ploret ad memoriam piscatoris*. (id est, ad Petri Apostoli sepulchrum) *quàm si plerique piscator ad memoriam Imperatoris*. Et Chrysost. homil. 26. in caput 12. Epist. 2. ad Cor. 9. prope finem, *Qui induit est purpura, & coronatus diademate, venit vt amplectatur sepulchra Petri, & Pauli: & deposito fastu, orat piscatorem, & artificem scensaliorum, vt pro ipso ad Deum intercedant*.

Quòd verò Christiana religio contra tot diffi- cultates sine humanis medijs præualuerit, quòdque orbis vniuersus fidem tam sensui as- peram, & difficilem creditu sit amplexus, planè arguit diuinam vim. Aut enim multa, & ingentia miracula sunt olim facta, quorum vi mundus à voluptatibus, & ceteris idololatriæ vitijs, & erroribus, ad Christianæ vitæ austeritatem, & virtutem, ac fidem sit adductus: aut si nulla facta sunt, hoc ipsum certè magnum miraculum est, mundum ita sine alijs miraculis mutatum fuisse. Nam, vt rectè ait Michael Medina lib. 2. de recta in Deum fide, c. 7. Maius est, hominis arbitrium & intelle- ctum sine sufficienti ratiocinio pellicere ad tam ardua, & incredibilia: quàm claudum, aut aridum, vigori pristino restituere solo imperio: aut febrim sine medicina curare. In vtroque certè lex, & ordo naturæ peruertitur, sitque aliquid supra, & contra modum conseruam, quod natura solis suis viribus præstare nequit. Atque, vt sapienter expendit S. August. lib. de vera Relig. c. 3. Si priscum mundus ad Christi fidem conuerteretur, interrogasset quis sapientium Philosophorum aliquem, vtrum censeret sine virtute diuina, per paucos homi- nes, nullà neque potentia excellentes, neque humanà doctrinà claros, posse mundum persua- deri, quæ à Christo, & Apostolis persuasa videremus: respondisset, credo, ille (inquit Aug. ust.) non posse hoc ab hominibus fieri, nisi quos ipsa Dei virtus atque sapientia, tantà honestaret gratià, tantà firmitate roboraret, tantà denique maiestate subueheret, vt omnia contemnendo, quæ prauis homines cupiunt, & omnia perpetuando, quæ horrescunt, & omnia

13. Contra grauissimas diffi- cultates.

faciendo, quæ mirantur, genus humanum ad tam salubrem fidem summo amore atque auctoritate converterent. Hinc illa eiusdem rationationis lib. 12. de Civit. cap. 5. *Pauci, obsecra, minimus, indoluit credidit mandus, &c. Quia in tam contemptibilibus testibus multo mirabilius Diuinitas perfusit. Eloquia namque persuadentium quæ dicebant, mira fuerunt facta, non verba.* Omnino, vt sapienter addit Medina cap. 4. libri suprà cit. Cùm nihil temporaneum, nihil caducum, nihil ad fluxam & terrenam felicitatem conducens, Maiores nostros ad Christianam viuendi rationem pellexerit: debuit esse diuinum aliquid, quod in primis illis religionis propagatoribus aduerterent. Nec enim erant tam stulti, & amentes, vt absque ratione se, famam, honores, vitam, fortunas, suaque omnia temerariè pessunderent. Grande, inquam, fuisse oportet, quo impulsus illi homines, qui alioqui, sicut cæteri mortales, humanis affectibus tangebantur, legi, ac religioni, quæ carni, & sanguini bellum indiceret, presentibusque omnibus spoliaret, contra eam, quam à suis progenitoribus acceperant rationem viuendi, contra patrias leges, contra Principum imperia, contra cognatorum suasiones, contra vxorum, filiorum, ac Parentum lacrymas, nomina dedecit: & in eius verba non vi, & atmis coacti, sed spontanei, imò contra vim & arma iuraerunt: neque vllis supplicijs, & tormentis ab ea suscipienda deterrent, & à suscepta auerti potuerint.

Augēt enim huius argumenti vim constantia mirabilis, & supra naturam, tum fidem prædicantium, tum ipsam recipientium, infinitis penè reliquis testata, & omni genere tormentorum exquisitissimum exercita. Nam quòd tantà constantiā, tunc continenter seculis, tunc martyres fidem nihil fauentem humano affectui testati sunt, quos vitā integros, quoad cætera, fantebant Aduersarij: quòdque non rarò senes decrepiti, infantulique, & virguncule impares tantæ constantiæ, nisi vis superior adfuisset, ferrum, & flammæ, & mortem crudelissimam alacriter subierint, omnino arguit diuinam vim. Vt merito sic dicat Ecclesia in communi oratione de virgine, & martyre, *Deus, qui inter cætera potentis tua miracula, etiam in sexu fragili victoriam martyris contulisti.* Et Ambr. lib. 1. de virgin. paulò post inixum, non immerito sic exclamat de S. Agnete martyre tredecim annorum, *Magna vis fidei, quæ etiam ab illa testimonium inuenit ætate.* Ac ne quis dicat infideles quoque, & hæreticos, pro suis erroribus mortem oppetuisse; consideranda est primò, multitudo penè infinita martyrum Christianorum. Nam pro alijs Sæclis pauci mortem subire voluerunt. Secundò, pius, & purus affectus patientium, & amor erga Deum; quippe qui summā sinceritate Deum tantum quæsiuerunt, sine affectu ad proprium iudicium, sed cum perfectâ & plena illius submissione ad Christum, eiusque fidem, pro qua mortem oppetebant. Tertiò, modus patiendi alacriter, & cum summa lætitia, magnisque indicijs innocentie, & sancti-

tatis, atque eximie sapientiæ in mirabilibus responsis, & rationibus fidei suæ reddendis. Quartò, quòd non solum viri naturâ fortes, & constantes; sed & senes decrepiti, vt Simeon ille Ierosolymitanus Episcopus, qui centesimo vigesimo vitæ suæ anno cruci affixus fuit, & femine imbecilles, atque infantuli, & virguncule, quæ naturaliter vel ipso nudæ ensis, aut sanguinis effusii aspectu examinari solent, tormenta crudelissima, mortemque acerbissimam eadem alacritate, constantiâ, & patientiâ passi sint. Quintò, quòd læpissimè Deus vim ignis, equulei, scorpionum, rotarum, & aliorum tormentorum, rabièmq; ferarum mirabiliter suspenderit, & impediuerit; terræque motus, Idolorum euerfiones, & alia prodigia in eorum morte sæpe contigerint: ac circa eorum corpora, & per ipsa, nulla miracula ante & post mortem facta fuerint, vt notum est ex plurimis historijs in oculis viuentium & videntium Ethnorum scriptis, non contradicentium, sed hæc omnia magicis artibus ineptè tribuentium. Sextò denique, quòd Ecclesia per tot clades martyrum, & tyrannorum persecutiones pluribus sæculis toto Romano imperio, totòque orbe continuatas, non extincta modò non fuerit, vel imminuta: sed mirabiliter aucta; conuersis ob constantiam martyrum, & alia, quæ notauit, ipsorum spectatoribus, ipsisque etiam interdum carnificibus, & carcerum custodibus, ac Tyrannorum præfectis, & ministris. Hinc Tertull. in Apoleget. c. vltimo, *Exquisitor quaque crudelitas vestra, illecebra est magis Sella. Plures effecimus, quoties à vobis metimur. Semen est sanguis Christianorum.* Quia nimirum singula grana, quæ in terram cadebant, multiplicata renascebantur, vt ait S. Leo Serm. 1. de Sanctis Petro & Paulo. Et sicut vinea crescit, cùm putatur: Sic Ecclesia, per suos martyres aucta est; inquit Iustinus martyr in Dialogo cum Tryphone.

Et quidem illa Ecclesiæ propagatio, continuatio, & firmitas inter tot persecutiones, magnū quoque Diuinitatis indicium est. Videas enim, inquit rectè Medina suprà c. 6. Florentissimas, & solidissimas quales Respublicas, vel externis bellis, vel seditionibus internis abolitas. Cùm tamen contrà, nulla persecutionum tempestas, nullus tentationis turbo, nulla procella calamitatum, Christianam fidem & religionem demerserit. Sed quantò vehementius diabolice & inundantæ persecutiones ingrauescebant, tanto magis nouo germine pullulabat Ecclesia. Nimirum quia fundata est supra firmam petram, contra quam portæ inferi præualere non possunt. Cùmque vel vnius gentis potentia summis Imperijs euerterendis suffecerit: Nam Assyrios Medus, Medos Persæ, Persas Græci duce Alexandro, Græcos Romanus deleuit exercitus, qui deinceps Gortis, Wandalis, Hunnis, Longobardis, Turcis, Alanis, Francis imperium cecit inuitus: In Ecclesiam tamen non Medi solum, non Persæ, non Græci, non Romani, sed nec vniuersis orbis vnanimi conspiratione insurgens præualere potuit. Paucissimi Romani Imperatores

14.
Mirabilis
Martyrū
constantia.

Quæ
is
in illis
confide-
randa.

16.
Videtur
persecutionum
Ecclesia.

Christiani, breui temporis spatio, vniuersam idololatriam toto Romano imperio expulerunt, non quidem propolitis pœnis, sed Christianâ viuendi ratione permisâ. Contrâ verò, pluribus sæculis nec maximorum Imperatorum fauores, nec grauissima supplicia, nec sæuæ leges, nec infamiz note, nec certæ proscriptiões, nec cætera id genus, quæ in Christianos, quasi in sacrilegos exerceri solebant, Christianam religionem labefecerunt. Sed inter has persecutiões, vt ait Lactant. lib. 5. Inslit. cap. 13. à folis ortu, vsque ad occasum lex diuina susceperit est: & omnis sexus; omnis ætas, & Gens, & regio, vnitis ac patilibus animis Christo seruiuit.

SECTIO IV.

Proponitur tertium argumentum à miraculis.

16.
Vt miraculorum
ad confirmandâ
veritatē.

Accedunt tertio miracula innumera, & illustria, quibus Deus peculiariter Christianismo subscripsit, ac veluti sigillum omnipotentiz suæ apposuit: sunt enim miracula opera Dei extraordinaria supra omnium causarum naturalium vim, quæ in falsitatis confirmationem à Deo fieri non possunt. Ideoque si quæ doctrina confirmatur miraculis, tanquam à Deo reuelata; dubitandum non est quin ipsa vera sit, & diuinitus tradita. Sunt, inquam, miracula, pignora diuinæ omnipotentiz, vt loquitur Chrysost. homil. 14. in Matth. id est, opera mirabilia, per quæ Deus suam suam omnipotentiam manifestat, ita vt intelligatur à nulla alia causâ potuisse illa fieri. Cuiusmodi sunt suscitatio mortuorum; repentina membrorum, aut sensuum restitutio; ordinis vniuersi, eiusque partium immutatio ad libitum, & ad solum imperium; aliæque id genus, quibus causa miraculorum effectrix ostendit se vniuerso dominari, neque minorem habere virtutem, quam ad mundum creandum suffecerit, quæque vniuersum conseruat, & regit: imò etiam posse momento facere, & sine vllis dispositionibus, & causarum secundarum interuentu, ea quæ in consuetu rerum ordine non sunt, nisi longo tempore, & cum magnis dispositionibus. Quæ de re plura vide Disp. præcedenti, Sect. 4. num. 33. & sequentibus: vbi plura de his, à quibusdam eruditis recentioribus obseruata retulimus.

17.
Christi
miracula.

Quod autem fides Christiana multis, magnisque miraculis sit confirmata, certissimum est. Quam multa enim omnis generis miracula à Christo & Apostolis constanter edita, & palam; quæ nouo Testamento non fuissent publicata eo sæculo, quo falsitatis ab oculatis testibus conuinci potuissent, si historice labasset veritas. Secreta cordium passim à Christo cognita, & mirantibus hostibus reuelata: cæci, muti, surdi, claudi, paralytici, leprosi, hydropici, & alij mirabiliter sæpe solo imperio sanati: mortui etiam suscitati, demones corporibus pulsati, maria solo iussu sedata, & calcata, futura libera certissime prædicta, & alia innumera, quæ non fuissent scripto vulgata co-

ram Iudæis infensissimis, aut mox omni fide caruissent; & tamen ita fidem obtinuerunt, vt Iudæorum plurimi ijs permoti, & ad fidem, præcipue post Christi resurrectionem, Petri & aliorum Apostolorum prædicatione conuersi, exilia, carceres, & mortem pro fide passi sint. Quam multa verò eiusmodi miracula à Christo Eorum facta sint, conijci facile potest, ex cap. 4. multitudine. Matth. vbi sic dicitur v. 23. & 24. *Et circuebat Iesum totam Galilæam, docens in Synagogis eorum, & sanans omnem languorem, & omnem infirmitatem in populo. Et abiit opinio eius in totam Syriam, & obierunt ei omnes male habentes, & variis languoribus & tormentis comprehensos, & qui demonia habebant, & lunaticos, & paralyticos: & curauit eos.* Et, rectè obseruauit idem Recent. Matthæi 4. & 5. significatur Christum multos alios suscitasse à mortuis, illuminasse cæcos, &c. præter illos qui in Euangelio expressè commemorantur: cum sic dicitur: *Itē, & renuntiat Iohanni quæ audisti, & vidiſti. Cæci vident, clauds ambulant, leprosi mundantur, surdi audiunt, mortui resurgunt, pauperes euangelizantur.* Et c. 15. v. 30. *Accesserunt ad eum turbe multe, habentes secum multos, cæcos, clauds, debiles, & alios multos: & proiecerunt eos ad pedes eius, & curauit eos.* Et Luc. 6. v. 19. *Et omnis turba querebat eum tangere, quia virtus de illo exibat, & sanabat omnes:* Vt meriti dixerit Chrysost. homil. 14. & 28. in Matth. Euangelistas nubes quasdam signorum (miraculis scilicet innumeris, veluti guttis pluuiæ fertas) grandi verborum paritate transcurrisse; neque in singulis immoratos esse, sed vnico verbo miraculorum pelagus comprehendisse.

Considerandum quoque est, quod qui ea scripserunt Euangelizata, fuerunt Christi contemporanei, de quibus iure præsumi nequit, quod per ignorantiam scripserint, cum essent magna ex parte testes oculati: neque per malitiam, cum essent rerum omnium humanarum contemptores, vitâ innocentes, salutis hominum studiosissimi, & zelo gloriæ diuinæ feruentes, pro quâ grauissima supplicia constanter, & alacriter passi sunt, quorum denique scripta cum eximia doctrina, & sapientia, magnam pietatem, sinceritatem, & sanctitatem præ se ferunt. Præter quos tamen Christi miraculis & sanctitati attestantur aliqui extranei scriptores magnæ auctoritatis, vt Iosephus, qui proximè post Christum floruit. De illo enim sic scribit lib. 18. Antiquit. c. 4. *Fuit autem has temporibus Iesus sapiens vir, si tamen virum cum nominare fas est. Erat enim mirabilium operum effector, & Doctor omnium eorum qui libenter audirent quæ vera sunt. Et multos quidem Iudæorum, multos etiam ex Gentibus sibi adiunxit. Christus hic erat. Hunc accusatione primorum nostræ Gentis virorum, cum Pilatus in crucem agendum decreuisset, non deseruerunt hi, qui ab initio eum dilexerunt. Apparuit enim eis tertia die iterum viuus: secundum quod diuinitus inspirati Prophetæ, vel hæc, vel alia innumera miracula futura prædixerant. Sed & in hodiernum diem Christianorum, qui ab ipso nuncupati sunt, & nomen perseuerat, & genui.* Huc vsque Iosephus.

Miracula quoque post Christum ab Apostolis

18.
Euangelistarum
ca scribentium
fides indubi-
tati.

Illis quoque
Iosephus at-
testatur.

Miracula
facta ab
Apostolis,
&
alijs.

Cur eth-
nici non
ea scri-
pserint?

Non de-
fuerunt
scri.

facta, testantur Lucas in Actis, Paulus in Epistolis, & Marcus c. vlt. v. vlt. Et tum eadem, tum alia plurima, ab alijs Apostolorum coetaneis, & à successoribus per singulas ætates à Christo huc vsque patrata scripserunt partim sancti Patres, vt Athanasius in vita S. Antonij, Gregor. Nyssen. in vita S. Gregorij Thaumaturgi, Gregor. Nazian. in orat. de S. Gorgonia, Hieron. in vita S. Hilariionis. Ambr. in lib. de Virgin. August. lib. 11. de Cinit. c. 8. & Epist. 98. Chrysol. in homil. de S. Babyla, & homil. in S. Lucianum, alijsque pluribus locis, Severus Sulpitius in vita S. Martini. Gregorius magnus in Dialogis. Theodoret. in vita S. Simeonis Stylite: partim alijs multi graues, & sancti viri, qui pro sua vite sanctitate, gravitate, & doctrina, multo magis fidem merentur, quam prophani historici: qui si horum miraculorum mentionem non fecerunt, causa est, tum quia non poterant sine religionis violatæ suspitione Christiana referre miracula: tum etiam quia non vera miracula, sed magicas præstigias esse putabant, execrante demone, qui etiam non est passus, vt Ethnici fidei sibi aduersæ attestarentur, scribendo eius miracula. Itaque vel non ea digna existimantur quæ suis libris infererentur; vel inferere ausi non sunt. Qui autem veritatem eorum percepserunt, & Christianæ fidei manus dare non sunt veriti propter supplicia imminenta; statim ad fidem conuersi, diuinorum operum patroni, & præcones facti sunt, eaque libris suis inseruerunt. Quod autem Ethnici non possent inficiari fieri talia miracula, constat ex scriptis Christianorum ad ipsosinet; vt ex Apologetico Tertulliani ad Scapulam, & ex lib. 6. Aruobij, & aliorum contra Gentes. Sed & illa miracula innumere orbis partes publicis monumentis templorum, & alijs testantur. Rursus frequenter adhuc varijs locis sunt non pauca, nec obscura, in multorum, in vrbium, in gentium vniuersatum conspectu. Nam ad Christi inuocationem, & Christianæ fidei confirmationem pelluntur varijs locis demones à corporibus possessis, curantur morbi mirabiliter, ac mortui quoque suscitantur. Vnus Franciscus Xauierius postremo sæculo, vt sanctos Borromæum; Nerium, & alios omittam, quinque certissimè ad vitam reuocauit. Cuius viri Apostolici miracula sunt adeo illustria, vt ipsorum hæreticorum confessionem extorqueant: Sic enim de illo Richardus Haclutius Minister Anglus scribit in secundo volumine de primis nauigationibus, parte 2. pag. 8. *Præ ille confessor, Indorum in ijs, quæ ad religionem pertinent, instituit Franciscus Xauier, post multos exantillatos labores, post iniurias, & calamitates magno animo superatus. omnibus benedictionibus spiritualibus plenus obiit anno 1552. postquam multa hominum millia ad fidem Christi perduxisset. De hoc viro sancto, virtutibus eius & mirabilibus omnes reuocant Indorum historia testantur. Hæc ille vi veritatis manifestæ coactus.*

10.

Alia plurima ad aliorum Sanctorum viuientium preces, vel ad reliquias, imagines, & monumenta defunctorum, etiam nunc patrata, tot scriptorum, & testium oculatorum asser-

tione firmantur, vt vincant omnem perniciam, & dissimulationem, præcipuè ijs in locis, in quibus Dei mater colitur specialiter, vbi multo plus honoratur à Deo, quam Sectariorum blasphemijs dedecorari possit. Sunt quoque etiam nunc perpetua quedam & continua miracula; vt olim erant apud Iudæos piscina probatica, & alia quedam. Nam continuum miraculum capitis & Ampulle sanguinis S. Ianuarij Neapolitanis notissimum est, & experiènti cuique volenti conspicuum: B. Clara de Monte-Falco, & aliorum quorundam corpora publicè videntur adhuc post tot sæcula, incorrupta, & integra, S. Nicolai Myrensis, Barij in Apulia, & aliorum quorundam Sanctorum sepulchra, vel lipsantheoræ fundunt continuò liquorem, quo morbi non raro repente, & mirabiliter curantur. Plurimorum reliquæ ab infirmis, & periculis liberant, & aliquorum id genus miraculorum experientia tam aperta est, vt superet omnem cauillandi impudentiam.

Adde continuatam huc vsque oraculorum cessationem, olim etiam ab Ethnicis decantatam, & in nouo orbe renouatam ad præsentiam Euangelij. Adde item notissimam, & frequentissimam improborum spirituum, vel inuitorum obedientiam erga Christum, & exorcismos. Quos spiritus ex effectis nobilissimos esse constat, & intelligentissimos; aliunde verò nequissimos ex odio in Deum, & alijs nefarijs, quæ committunt contra principia morum euidèntissima: adeo vt illis exolum esse maxima sit Christianismi gloria. Idemque dico de illis demonibus, quibuscumque Magi paciscuntur, qui ciuitationem Christi maxime expertunt. Cumque, vt animas hominum perdant, ad pacta & ministeria vilissima, sese constantissimè demittant; satis ostendunt & animas esse immortales, quibus infidantur: & Deum esse, à quo iuste torqueantur, vnde tantum in ipsum odium; & Christi fidem veram esse, ad quam abiurandam suos statim compellant. Adde denique providentiam Dei, quam prorsus incredibile est, homines ita destituere, vt patiarur eos tamdiu errasse, & errare circa dogmata religionis cum tanta euidèntia credibilitatis. Præsertim cum non pauci ipsi placere querant ex animo, magnòque studio veræ cognitionis ipsius teneantur. Nihil enim est rationabilius, quam Deum non deesse ijs, qui toto corde illum inquirunt: quique filijs, vxoribus, parentibus, cognatis, amicis, fortibus, voluptatibus, honore, & vitæ ipsâ posthabitis, possunt cum Paulo dicere Roman. 8. *Quis nos separabit à charitate Dei? Tribulatio, an angustia, &c. Qui certè si errarent, non posset illis error imputari, cum prudèntissimè faciant, possentque Deo merito dicere cum Richardo Victorino, lib. 1. de Trinitate, cap. 2. Si error est, quem credimus, a seipso decepti sumus. Nam isti in nobis tanti signi & prodigij confirmata sunt, & talibus, quæ non nisi per te fieri possunt.*

Sunt &
perpetua
quedam
miracula.

21.
Oraculo-
rum ces-
satio, &
subiectio
demonis,
huc vsque
durat.

Deus non
pouit
permittere
nos il-
ludi tot
miraculis.



SECTIO V.

Proponitur quartum argumentum, à comparatione cum alijs Sectis.

22. **Q**uarto denique auget fidei nostræ credibilitatem comparatio cum alijs Sectis, quibus euidenter, & immensè præponderat. Nam quæ hæcenus vixerunt, aliæ nullum Deum colunt, aliæ vnicum, aliæ multiplicem. Quæ nullum, vel multiplicem, refelluntur euidenter, vel ratione ipsa naturali, quæ Dei existentia & vnitas demonstrari solet à Theologis cum D. Thoma p. 1. q. 2. & 11. & à nobis fusè probata fuit tomo 1. Disput. 2. & seqq. & Disp. 6. Sect. 4. Speciatim vero notandum est Gentiles polytheos omnes in multis dogmatibus contra rationem naturalem peccare: quo vno argumento manifestum est, Sectas illas non esse à Deo, qui falsitatis auctor non est. Præterquam quod carent miraculis, & alijs argumentis credibilitatis, quæ in confirmationem fidei Christianæ facta fuisse ostendimus. Videri possunt hæc de re Iustinus mart. & Tertull. in Apologet. Lactant. in Instit. Arnob. contra Gent. Cyprianus contra Idola. Augustin. in lib. 6. de Ciuit. Dei, & lib. de vera relig. c. 3. & sequentibus.

Athei, & Polythei.

Deistæ
Athei.

Indifferen-
tes, seu liber-
tini.

Quæ verò vnicum Deum colunt, vel sunt Deistarum, vt hodie vocant, id est, Semi-Atheorum; vel Turcarum, & Mahumetanorum; vel Iudæorum: vel Christianorum, qui in Catholicos, & hæreticos diuiduntur. Deistæ dicunt vnicum Deum colendum esse, sed tantum iuxta dictamen naturale: fictas enim esse, aut non satis probatas reuelationes diuinas, quæ prætenduntur esse factæ. Ideoque debere respici: Quia in negotio religionis nihil admitti debet, quod non sit certum. Aut nimis esse difficile in tanta religionum varietate veram reperire: ideoque prudentius eos facere, qui suspendunt iudicium: Et Deum, modò supremus eius cultus nulli alteri deferatur, nolle eos perdere, à quibus colitur iuxta dictamen rationis naturalis. Neque ad illius benignitatem, & prouidentiam pertinere, vt vnicam viam salutis reliquerit: præsertim adeò difficile inuenitu, & tam angustam, quàm fuit olim Iudaismus, & nunc Christianismus, qui à paucis tenetur. Ad quem errorem propè accedunt multi huius temporis hæretici, qui putant esse indifferens adhærere huius, aut illi parti Christianorum de vera Christi doctrina dissidentium, satius esse credere in Christum, vel tenere Symbolorum Apostolorum: quia multi saluati fuerunt per solam fidem in Christum, vt latro in cruce: & in tanta varietate interpretationum Scripturæ nimis difficile est, aut impossibile, veram reperire; idque etiam Deus non curat.

23. Refellit-
tur eorū
error.

Sed contrā: primò, patet ex suprà dictis quàm probetur efficaciter Christianas reuelationes esse verè diuinas. Id enim constat ijs argumentis, quibus maiora, imò nec paria requirunt Deistæ in multis, quibus certò assen-

tiuntur, & quibus ad agendum in rebus magni momenti permouentur, quæque orbis ferè vniuersus ad credendum sufficere iudicauit, non destitutus illo iudicio naturali, quo Deistæ gloriantur. Secundò, Scriptura, quam diuinam esse, & vt talem acceptari debere, ostendimus Sect. 2. affirmat esse damnationi æternæ obnoxios eos omnes, qui Christi fidem rejiciunt: *Qui enim non crediderunt, condemnabuntur*, Marc. ultimo, v. 16. Et 2. Thessalonic. 1. v. 8. & 9. dicitur eos, qui non obediunt Euangelio, daturos esse pœnas in interitu æternas. Et Ioan. 16. v. 8. Christus sic ait: *Arguet mundum Spiritus sanctus de peccato, de iustitia, & de iudicio. De peccato quidem, quia non crediderunt in me*. Et Luc. 19. v. 41. & sequentibus prædicitur futura Iudæorum ruina, etiam temporalis, eò quòd Christum audire, & agnoscere noluerunt. Et 1. Ioan. 5. v. 10. *Qui credit in Filium Dei, habet testimonium Dei in se. Qui autem non credit Filio, mendacem facit eum: quia non credit in testimonium, quod testificatus est Deus de Filio suo*. Absurdum verò est existimare ad salutem sufficere illam Dei noticiam, quæ compatiatur, vt eum mendacem faciamus. Et alioqui frustra Christus doctrinam Euangelicam tam sollicitè prædicasset, & toto orbe prædicari iussisset. Frustra Apostoli, & alij eius propagatores, tam multa pro ea disseminanda, & persuadenda passi essent. Frustra tot prophetiæ, tot miracula, tanta multitudo & constantia martyrum in tormentis, & alia, quæ ad fidem Christianam inducendam, propagandam, stabilendam facta sunt. Tertiò, cum Deistæ adhuc paucissimi fuerint: non est credibile solos illos vidisse, cæcipientibus cæteris: & Deum tam paucos in veræ religionis viam induxisse, contemptis omnibus alijs, quorum plurimi toto affectu ipsius noticiam inquisuerunt, & postpositis rebus alijs omnibus, ipsi soli placere studuerunt. Nam Sancti, & illustres pietate viri, quotquot vnquam extiterunt, Deistæ non fuerunt. Adde, quod docet experientia, id genus homines plerumque, vt & omnes Atheos, peruersam habere conscientiam, & multorum vitiatorum sibi esse conscios; quod est magnum erroris ipsorum indicium. Nimirum quia hæc falsa persuasio priuat ferè omnibus & efficacioribus virtutum stimulis, ac vitiatorum frænīs.

Denique, citra dubium est posse Deum reuelare modum, quo velit à nobis coli excellentius, & melius, quàm dixerit sola ratio naturalis. Quæ cum non doceat Deum colere dignè Deo, cum tam pauca de Deo nouerit, idque cum tanto Philosophorum dissidio: valde conueniens fuit Deum supplere ipsius defectum, & religionis aliquam formam se dignam instituire. Decuit etiam ad accendendum studium virtutum, multa de ipsis, deque bonorum præmijs, & malorum supplicijs, à se decretis, reuelare. Iam verò, si voluit instituire, seque hominibus, & sua consilia manifestare; cum non decuerit ipsius maiestatem, comparatam cum nostra vilitate, vt palam nobis & aperte loqueretur: quàm meliorem & certiorum inire potuit inter obscuras reuelationes, ad nos sibi liberè subiiciendos, & captiuandum intel-

Oportuit
Deum re-
uelare
modum,
quo co-
latur.

Etiam in obsequium fidei: Id autem fecisse re ipsa probant cum summa credibilitate argumenta suprà exposta: quibus Deistæ vñum solum opponunt negantium, & euidenter falsum. Certe cum ratio naturalis passim etret, æquissimum est vt Deistæ sibi diffidant: & tam leue argumentum negantium, tot & tantis alijs positius non præponant in re tanti momenti. Neque prudenter faciunt, cum assensum suspendunt à Christiana religione, quæ tot veritatis suæ, tamque illustria argumenta diuina profert, vt neque Deistæ, neque vlli alij quicquam simile, & paris momenti proponant; quæque si vera est, non potest respui sine certo periculo damnationis. Ipsa enim se ad salutem necessariam esse proficitur; & damnat eos omnes, à quibus non tenetur. Quare non sufficit iudicium de illa suspendere, vel illam vt indifferentem habere: quod ipsum est illi apertè repugnare. Videant etiam Deistæ num peccent manifestè contra rationem naturalem (cuius ductum pretendunt) quando aliam Sectam profitentur exterius, & Christianos se esse simulant. Est enim apertè contra rationem naturalem, falsitati, præsertim in religione, sine verbo, sine factu subscribere: & falsum ac superstitiosum Dei cultum exterius profiteri. Quod si tam multo olim, & nunc etiam, religionem veram, rectamque viam salutis non tenent; per eos stat. Quia vel fidel prædicationem malitiosè respuunt: vel lumen naturale, & diuinas inspirationes non sequuntur: quod si facerent, Deus eos tandem ad sufficientem sui cognitionem, & viam salutis æternæ perduceret.

24.
Ostenditur
contra iudi-
cantes,
veram si
deum esse
necessa-
riam.

Contra errorem quoque hæreticorum illorum, qui ad Deistas propè accedunt, putantque esse indifferens huic, aut illi Sectæ Christianorum adherere, dummodò in Christum credatur, aut teneatur Symbolum Apostolorum, pugnat apertè Scriptura, quæ sollicitè nos admonet vt vitemus hæreticos, Rom. 16. v. 17. *Rogo autem vos fratres, vt obseruetis eos, qui dissensiones & offendicula, præter doctrinam, quam vos didicistis; faciunt: & declinate ab illis. Huiusmodi enim Christo Domino nostro non seruiunt, sed suo ventri, & per dulces sermones, & benedictiones, seducunt corda innocentium.* Et 2. Thessal. 3. v. 14. *Quod si quis non obedit verbo per epistolam, hunc notate, & non commisceamini cum illo, vt confundatur.* Et 2. Timoth. 3. v. 5. & sequentibus, iubet Apostolus vitare hæreticos, quos ibidem ait v. 8. *resistere veritati, & esse homines corruptos mente, & reprobos circa fidem.* Sine fide autem impossibile est placere Deo, inquit, idem Apostolus Hebr. 11. Et denique Tit. 3. v. 10. sic loquitur: *Hæreticum hominem post vnam, aut alteram correptionem, deuota: sciens quia subuersus est, qui eiusmodi est, & delinquit, cum sit proprio iudicio condemnatus.* Vbi nota Paulum generaliter loqui de Hæreticis: neque enim addit, si Christum negent, vel si Apostolorum Symbolum non teneant. Et speciatim 1. Timoth. 4. de aliquibus affirmantibus tantum nuptias esse prohibitas, & aliquos cibos esse reijciendos propter se, tanquam malos, cuius vtriusque dogmatis oppositum

non continetur in Symbolo Apostolorum, affirmat illos cauteriatam habere conscientiam. Et ad Galat. 5. v. 20. numerantur Sectæ inter opera carnis damnable, & fugienda. Præterea ex eadem Scriptura constat neminem sine fide posse salutem consequi. *Qui enim non crediderit, condemnabitur* Marci vltimo. Et, *Sine fide impossibile est placere Deo* Hebræor. 11. v. 6. Hæc autem fides, vera scilicet, & salutaris, non est nisi vna, vt ait Apostolus Ephes. 4. v. 5. *Vnus Dominus, vna fides, vnum baptisma* Sed non esset vna, si fides quarumlibet Sectarum, Christum & symbolum non negantium, sufficeret ad salutem.

Denique error ille repugnat etiam manifestè sensui antiquæ Ecclesiæ, à Christo & Apostolis edoctæ: & sanctis Patribus, quorum vnam nimirum consensus est, extra Ecclesiam non esse salutem, iuxta illud Isaïæ 60. v. 12. *Gens & regnum, quod non seruiuit tibi, peribit:* & prophatum esse, atque periturum, quicumque extra illam est, vt aiunt Aug. lib. 4. de Symbolo ad Cathedum, c. 13. Hieronym. Epist. 57. ad Damasum, & lib. contra Luciferian. Cyprianus lib. de vnitæ Ecclesiæ, Iren. lib. 3. contra hæreses c. 4. & alij, quorum testimonio legi possunt apud Iacobum de Barraut, tomò 2. Clypei c. 19. n. 16. & sequentibus, & Perron initio Replique, in Epistola ad Casaubon, qui fusiùs contra oppositum errorem disputant. Et Athanas. in Symbolo, explicatis multis de mysterio Trinitatis, & Incarnationis, quæ non continentur in Symbolo Apostolorum, ita concludit. *Hæc est fides catholica, quam nisi quisque fideliter, firmiterque crediderit, abique dubio in æternum peribit.* Et denique Aug. lib. 1. de baptismo contra Donatistas cap. 8. comparat errantem in vñico fidei articulo, homini lethale aliquod vulnus habenti, quem reliquæ partes corporis integræ non liberant à morte. Vbi nota sanctum illum Doctorem ibi loqui de errore Donatistarum, quo existimabant esse rebaptizandos eos omnes, qui ab hæreticis baptizati fuerant, cò quòd crederent non posse ab illis valide conferri baptismum. Quem errorem sola ex Symbolo Apostolorum, neque ex fide Scriptura conuinci posse, sed ad Ecclesiæ traditionem recurrendum esse, fateatur idem Augustinus.

Quamvis autem non sit necessarium ad salutem credere expressè omnes articulos fidei, & quæcumque Deus reuelauit, sed pauca sufficiant, siue necessitate mediij, siue etiam necessitate præcepti, vt alibi ostendimus, Disp. 10. Sect. 11. & 13. necessarium tamen est nulli dogmati reuelato, & sufficienter proposito contradicere, sed debet saltem generaliter, & virtualiter approbari quicquid à Deo reuelatum est. Talisque fuit latronis sancti fides, & Cornelij centurionis, & aliorum, quotquot vnquam salutem consecuti sunt. Et quisquis respuit malitiosè quodcumque fidei dogma sufficienter propositum, nullum alium credit fide diuinà & supernaturalem, quæ perfectè subiicit intellectum diuino testimonio, & credit propter illud generaliter acceptatum, non autem vt restrictum ad aliquod notitium humanum

26.
Quæ &
qualis sit
des necessa-
ria?

& fallibile, illique subiectum; vt faciunt hæretici: qui pro regula fidei non habent Dei testimonium purè lumpum, sed sensum Hæresiarum, aut pastorum suorum; vel spiritum priuatum, & iudicium proprium, quod ipsimet non dissentire falli posse, & experientia id euident facit in diueriarum, & contrariarum Sectarum hæreticis contraria dicentibus, & nihilominus spiritum illum priuatum æquè iactantibus, parique iure pretendentibus. Quare non credunt fide supernaturali, quæ motiuo fallaci, & fallibili niti nequit. Ideoque fides, quam habent, merè humana, & fallax, non sufficit ad salutem.

Ad primum autem fundamentum erroris contrarij patet ex dictis num. 23. Ad secundum dico cum quibusdam eruditis recentioribus, veram Ecclesiam tot, tamque illustribus notis fuisse à Deo insignitam, vt non sit difficile eam agnoscere, & ab illa veritatem, & viam salutis addicere. Nam, vt rectè ait S. Aug. Epist. 170. ad Seuerinum, *Facile tibi est attendere, & videre ciuitatem supra montem constitutam, de qua Dominus ait in Evangelio, quod abscondi non possit. Ipsa est enim Ecclesia Catholica, vnde ad Romanam Grace appellatur, quod per totum orbem terrarum diffunditur. Hanc ignorare nulli licet. Imò secundum verbum D. N. Iesu Christi abscondi non potest.* Et Tract. 2. in 1. Epist. Ioni. *Quid amplius dicitur sum, inquit, quam cecos, qui tam magnum montem non vident? Qui contra lucernam in candelabro positam oculos claudunt?* Et lib. 2. contra Parmenianum cap. 3. dicit, *Palpare in meridie, quasi media nocte, qui rem manifestissimam, in lucem omnium gentium constitutam videre non possunt: Ecclesiam scilicet; extra quam affirmat ibidem salutem non esse.* Et lib. de Vnitate Ecclesie cap. 16. asserit eos, qui non vident Ecclesiam, male clausis oculis offendere in hunc montem, quam in eum ascendere. Et concio. 3. in Psal. 30. explicans versum 21. *Protegeris in tabernaculo tuo à contradictione linguarum, sic ait de eadem; Diuersa doctrine personarum, diuersa hereses oriuntur. Cheri ad Tabernaculum Dei, ad Ecclesiam Catholicam: ibi protegeris à contradictione linguarum; id est, ibi doceberis veram Christi doctrinam, & tutus eris ab hæreticorum telis.* Et lib. 1. contra Cresconium c. 33. *Si quis ergo falsi metus lanius obscuritate questionis, Ecclesiam de illa consulat, quam sine ambiguitate Scriptura sacra demonstrat.* Et deinceps pergit ostendere Ecclesiam illam à Scriptura demonstratam, eam esse, quæ per omnes Gentes, copiose dilatatur, & abscondi non potest, vt ait cap. 36. libri sequentis, quæque perpetuò sedi Petri adhæret per continuam successionem Pontificum, eius locum tenentium, vt addit initio tom. 7. in Psal. contra partem Donati, & lib. contra Epist. fundamenti c. 4. alijsque locis. Et hæcenus contra Denitæ.

Iam verò Turcæ, & Mahumetani Christum Mahomete quidem inferiore esse putant: Sanctum tamen, ac verum Prophetam fatentur. Hanc enim eorum de Christo confessionem refert S. Damascenus lib. de hæresibus, in fine. Qui certè vir, adeo grauis, & sanctus,

neque finxit mendacium, de quo tam facile conuinci potuisset; neque ab alijs deceptus; ita de illis falsò existimauit: scripsit enim vt testis oculatus: quippe qui fuit aliquandiu inter ipsos captiuus, & centum circiter annis post errorem Mahometis exortum floruit. Atqui si Christus verus Propheta, & sanctus est: Mahometes impostor, & eius Secta falsa est. Christus enim se verum Deum esse, suamque legem sequendam asseruit, & miraculis confirmauit: vt patet ex Euangelistis, & Apostolis noui Testamenti scriptoribus, alijsque sacris, & prophanis Auditoribus antiquissimis, quibus fides habenda est potius, quam Mahometi sexcentis post annis id temere, & gratis neganti, fingente Christum in cælum reducem, se apud Deum excusasse, quod eius seruum duntaxat se professus esset. Deinde Mahometis vitia, contradictiones Alcorani, ab ipso, quippe imperito, & vitioso scripti, dogmata pleraque eiusdem manifestè rationi contraria, & de libidines permixta, & in cælo promissa in præmiis beatitudinis, satis ostendunt falsitatem Sectæ, quæ in brutorum voluptatibus felicitatem æternam constituit. Talem autem esse doctrinam Alcorani patet ex eius lectione, & tacita confessione Mahumetanorum, qui Scripturibus nostris, id passim illis exprobrantibus, nihil respondent. Imò Docti inter ipsos vel omnem religionem rejiciunt, vel damnant ipsam Mahumetanam fædi erroris circa felicitatem, quam collocat in corporis voluptatibus; vt de Auerro, & Auicenna, refert Medina lib. 1. de recta in Deum fide c. 4. folio 6.

Adde quod Mahumetismus fraudibus, vi, & armis introductus, ac propagatus est, sine vllis miraculis, & indicijs Diuinitatis; vt videtur est apud Baronium tom. 8. anno Christi 630. & Damascenum loco supra citato, vbi refert quomodo Turcas pudore suffunderet, & tacere cogeret, exprobrans illis quod Mahometi credidissent, fingenti se dormiendo legem à Deo accepisse, cuius rei nullum testem, nullum indicium proferebat: cum tamen ipse in sua lege vetuerit, eos quicquam temerè aggredi; nihilque magis temerarium sit, quam antiquam religionem tot argumentis diuinis comprobata, mutare in aliam nullis Diuinitatis indicijs munitam. Nam Moyfi quidem, quem ipsi velut Prophetam, & antiquæ legis Doctorem venerantur, Deus legem dedit coram viuens populo, in igne, nube, & procella. Idemque Moyse, alijque Prophetæ, Christi aduentum, & euentus in illo implendos longè antè prædixerunt, vt agnosci posset. At illi credunt Mahometi gloriantur solum se dormiendo legem à Deo accepisse: cum neque vllum eum cum Deo loquentem, & legem accipientem viderit, neque Prophetæ eum commendauerint, & gesta illius prædixerint, neque vllum aliud signum diuinum habuerit fux missionis.

Neminem verò turbare debet potens, & ampla Turcarum dominatio, & felix rerum temporalium successus. Nam Iudæorum tempore, quorum religionem approbant Mahumetani, longè, Iaræque dominabantur primò Assyrij, tum Persæ, & Mæcedones, posteaque salutate.

Romani,

27.
Solutum
tur ar-
gum.
Deistaru
& indif-
fer.

29.
Quomodo
intro-
ducta, &
propaga-
ta?

28.
Mahumetane
Sectæ fal-
tas.

30.
Prosperi-
tas tem-
poralis
non eam
eximit à

Romani, à quibus omnibus Gens illa multis, magnificæ calamitatibus vexata fuit. Et Gentilis superstîtio, quam ipsi quoque damnant, latius tunc dominabatur, quam nunc Mahumetana. Deinde, Secta sensui & carnis voluptatibus indulgens hac in vita, maiorisque promittens in altera, facîle acceptatur. Ac sicut illa cepit armis introduci, & fraudibus; ipsidem quoque artibus propagata est: fauentibus eius propagationi Christianorum Principum dissensionibus, & Deo in penam peccatorum nostrorum id iuste permittente: vt fufus prosequitur Michaël Medina, capite suprà citato. Sed & in tota eius ditione non defunt plurimi qui Christi fidem profiteantur. Et sicut mundus quando in quibusdam sui partibus corumpitur, in alijs reparatur: quodque vno in loco perdit, alibi acquirit; atque ita perpetuò durat, & incorruptibilis est: Sic Ecclesia, quam perpetuò duraturam esse Christus prædixit, novarum Gentium accessione plus acquisiuit, quam per Turcarum vastationem perdidit. Qua de re videri potest Bosius lib. 6. de Notis Ecclesiæ, cap. 7.

SECTIO VI.

*Continuatur eadem comparatio cum Sectis
Iudaorum, & Hæreticorum.*

^{31.} Iudæi
perperam
à Christo
defecerunt.
Iudæi ante Christum veram religionem tenebant. A Christo defecerunt externà ipsius humilitate decepti, & malitià voluntarià ipsius execrati, ne tot signorum, & miraculorum lucem aspicerent, quibus Christus se Messiam esse probauit: cùm tamen Moysen, & alios Prophetas ob multo pauciora recepissent; Solus enim Christus plura patrauit miracula, & plura dedit missionis sue signa, quàm omnes simul Prophetæ veteris Testamenti, vt constat ex historia Sacra veteris & noui Testamenti, & antiquis scriptoribus Ecclesiasticis, qui res ab illis gestas posteritati commendarunt, Ergo si Prophetæ illi admittendi fuerunt, multo magis Christus admitti debet. Si, inquam, Iudæi meritò & prudenter Moysen, tanquam verum Prophetam à Deo missum acceptauerunt, propter miracula, quæ coram illis in Ægypto edidit ad confirmandam veritatem sue missionis; pari, ac potiori iure debent Christum agnoscere, qui plura edidit, plurique dedit sue missionis argumenta diuina. Neque respondeant, miracula illa à nostris tantum esse scripta. Nam præterquam quòd illud in ipsos retorqueri potest quoad miracula Moysis, & aliorum Prophetarum: ostendimus suprà Iosephum, religionem & nationem Iudæum magnæ auctoritatis, Christi miraculis attestari. Et neque Apostoli ea scribere in facie Iudæorum ausi essent: neque viri maximi eorum Discipuli, Dionysius, Clemens, Ignarius, Iustinus, & alij publicare, si falsa fuissent, & mox potuissent Iudæorum testimonio conuinci. Nec denique tam multi ex Iudæis & Gentilibus, illis permoti, fuissent ad Christi fidem conuersi, & constanter pro ea mortem oppetiuissent.

TOMUS III.

Ne item obijciant miracula Christi fuisse falsa, & artibus tantum magicis facta. Nam ^{32.} eius mirabilia
Mosaicis. Quodque ipsi respondebunt, vt Moysen liberent ab hac iniusta suspitione, nos multo magis Christo conuenire ostendimus. Sanè vel sola Christi, & Apostolorum sanctitas, morumque integritas hanc calumniam magis, & commercij cum diabolo satis refellit. Sanctitati autem Christi attestatur ipse Iosephus, de quo suprà, lib. 18. Antiqui. c. 4. Et Iacobus minor, Apostolus, tanta propter sanctitatem eximiam fuit venerationi ipsis Iudæis Christo rebellibus: vt ei (quod nulli alteri, præterquam Summo Pontifici) permitteretur ingressus in Sancta Sanctorum: & propter viri tam sancti occisionem putauerit idem Iosephus, Deum, in eius vitionem, permisisse Ierosolymorum excidium sub Vespasiano, & Tito, vt ex eodem, & alijs antiquis refert Baronius tomo 1. ad annum Christi 63. Adde quòd si miracula Christi, & Apostolorum, facta fuissent arte magicà; pertinebat ad diuinam prouidentiam, illis resistere potentiori virtute, ne contra veram religionem prævalerent. Vt fecit in Ægypto Magis Pharaonis per Moysen: & Simoni mago per Petrum Apostolum, & Elymæ per Paulum. Alioqui, sicut ex victoria super Magos Pharaonis, colligunt ipsi vera fuisse Moysis miracula, Deique digito, & virtute facta: sic, &c. Atqui Deus non modò non restitit, verum etiam Synagogam ab eo tempore, continuis miraculis, Prophetis, templo, sacrificijs, regno, & omni honore spoliavit. Contra verò, per Apostolos, & Discipulos Christi, eorumque successores hucusque plurima facta sunt, & nunc etiam sunt subinde miracula, ad cultum eius dilatandum, & confirmandum.

Adde Christum, & quæ illi contigerunt, etiam indignissima, fuisse à Prophetis veteris Testamenti prædicta: & prophetias de Messia fuisse in illo impletas: vt breuiter suprà ostendimus, & fufus Chryostom. in lib. *Quòd Christus sit Deus*, & in quingentis Homilijs contra Iudæos. Idque tam aperte, vt Iudæi coacti fuerint malitiosè vitiare scripturas, quæ de Christo erant: vt constat ex eorum Talmud, & ex Galatino in lib. 6. de Arcanis, vbi plurimas refert ineptias, & Scripturæ corruptiones, aut viciosas interpretationes, quibus se Talmudistæ contra nos tuerunt. Sed quicquid dicant, & quascumque interpretationes Scripturæ affingant, negare non possunt illusterrimas prophetias de Messia, tam aptè Christo conuenire, vt tanta conformitas in tam multis euentibus contingentibus, sine diuina prouidentia euenire nequiverit: putà natiuitas illius eo ipso tempore, quo Messias venturus credebatur ab omnibus, & post ablatum regnum de domo Iuda, non auferendum donec veniret Messias, Gen. 49. Natiuitas eiusdem in Bethleem, Mich. 2. Prædicatio, miracula, vita, & mors patientissima, eiusdemque mortis circumstantiæ, Isaia 61. v. 1. & cap. 53. à versu 12. & Psal. 21. Conuersio Gentium, & destructio idolorum, Isaia 2. & Daniel. 9. Atqui si

^{33.} Prophe-
tix de
Messia
impletæ
in illo.

Christus impostor erat, non potuit permittere diuina providentia notas veri Messiae tam apparenter illi continere: ne tanta apparentia homines totâ prudentiâ humanâ videntes induceret in errorem inevitabilem circa religionem, & viam salutis. Et omnino pertinuisse ad Dei providentiam notare signa aduentus tam perniciosi impostoris, vt ab illo cauere ludzi. Nam si Deuter. 18. Deus dedit signa, quibus Pseudo-prophetæ discernantur; multo magis tam insignem notasset: & de illo præcipue verum esse debuisset signum illud generale, quod Deus ibidem, aliisque locis tradit, non esse scilicet euenturum, quod prædicunt. At è contrario, certissimè euenerunt, quæ Christus prædixit de Iudæorum excidio, de conuersione Gentium, de morte sua, de Apostolorum, & Discipulorum persecutionibus, de Ecclesiæ toto mundo propagatione, & perpetuitate, &c.

34.
Iudæorum
desolatio
à Christo
prædicta.

Adde præterea subuersionem vrbis, & Reipublicæ Iudæorum; durissimamque captiuitatem, & desolationem, quam Christus, ob sui repulsam, futuram esse prædixerat: nullum amplius templum apud ipsos, nullumve sacrificium, quod non nisi Ierosolymis offerri poterat, vt colligitur ex Daniel. 3. v. 38. Contrâ vero, Christianismus, Apostolorum, successorumque prædicatione, & miraculis, per totum orbem esse propagatum. Atqui, vt rectè expendit Chrysost. in homilijs contra Iudæos, si Iudæi merito Christum reiecerunt, & morte affecissent, vt Pseudo-messiam, & nequissimum impostorem; nihil magis esset contra diuinam providentiam, quam permittere, vt hæc ita euenerint. Nam potius ob tam egregium facinus fuissent augendi beneficijs diuinis, & ingenti laude digni. Si enim Phinees, ob interfectum Madianitem zelo diuini amoris, Deum sibi, & toti populo conciliavit, pacemque fœderis diuini, & sacerdotum sempiternum sibi, & posteris à Deo accepit, Num. 26. v. 7. & sequentib. Quanto magis ipsi, si impostor erat, quem crucifixerunt? At è contrâ, Sacerdotio, & sacrificio priuati sunt; & grauiora patiuntur, quam cum idolis seruiebant, propriosque liberos dæmonibus immolabant. Christi verò sacerdotium, & sacrificium toto orbe floret: & crux in Regum, & Imperatorum diadematis fulget. Olim cum grauiâ peccata committeret, quandiu tamen veram religionem retinuerunt, Deus eos protegbat, propter nomen suum, ne prophanaretur inter Gentem. Si ergo legis transgressores, & euersores veræ religionis erat, quem occiderunt: quanto magis protegenti erant ob zelum illum honoris diuini: non autem priuandi beneficijs diuinis, & affligendi cladibus illis, quas Christus in pœnam suæ reiectionis venturas prædixerat: ne propter illum hæc pati viderentur, neue impostor nefarius, & eius Sectatores de illis triumpharent; ne denique illustrissima Danielis prophetia cap. 9. v. 26. & 27. de occisione Christi, & inde secuta ciuitatis, ac sanctuarij, populique vniuersi dissolutione, vastitate, desolatione perpetua, videretur in illo esse impleta, quem admodum re ipsa manifestissimè impleta fuit,

Ac ne dicant Iudæi se ista esse ab hominibus passos, Deo iussu permittentem propter peccata sua: Numquid peccabant, cum idolis plebique seruiebant, & dæmonibus immolabant, & contra Deum frequenter murmurabant in deserto? Et tamen à Deo proteggebantur, & continuis beneficijs admirabilibus afficiebantur. Numquid homines erant Assyrij, Persæ, & Babylonij, contra quos tamen à Deo seruabantur, vel ab eorum captiuitate liberabantur? Et quamvis homines ciuitate, templo, regno, & rebus omnibus temporalibus spoliare illos potuerint: Nunquid etiam donis cælestibus, vt igne de cælo, oraculi responsis, Prophetis, & similibus, quæ antea nunquam tempore persecutionum, aut captiuitatum cessauerant, quæque manifestum est non potuisse nisi à Deo tolli, sicut non possunt nisi ab illo dari, & conservari. Intelligent ergo non fuisse legis transgressorem quem occiderunt, sed ipsum legis conditorem, & omnium beneficiorum Auctorem: seque in eius reiectione, & iniusta occasione longè grauius peccasse, quam vnquam antea: quandoquidem pœnâ omnium, quæ vnquam fuerunt, longè grauissimâ, & nunquam finem habiturâ multantur. Nam quod desolatio, & vastitas Iudæorum, quæ nunc est, & fuit illis vltimò à Romanis illata, sit perpetuò duratura, partim constat ex Danielis loco suprâ citato: partim etiam ex eo quod illius finis non fuit ab vilo Prophetarum prædictus: cum è contrario aliarum omnium terminus aliquis fuisset à Deo positus, & à Prophetis prænuntiatus. Et hoc ipsum agnouisse Iosephum refert Chrysost. homil. 3. contra Iudæos, apud quem plura, non minus solidè & verè, quam eloquenter, & copiosè aduersus illorum errorem dicta videri possunt: quanquam æquo lectori hæc satis, superque sufficiunt.

Iam verò, vt eandem comparisonem cum Sectis hereticorum instituiamus: profitemur quidem hæretici omnes doctrinam à Christo & Apostolis traditam esse veram; in quo nobis consentiunt: Et fidem Christi non esse nisi vnâ, vt affirmat Apostolus Ephes. 4. v. 5. Essèque prorsus expertem falsitatis: quia doctrinâ à Deo tradita, falsa esse non potest. Sed contendunt suam doctrinam esse illam ipsam, quæ à Christo, & Apostolis tradita fuit, miraculisque, & testimonio martyrum confirmata. Possunt autem conuinci falsitatis primò, quia Hæreses fides Christi ab ipso Christo ducit originem, & non ducit originem à Christo, huc vsque semper in Ecclesia viguit: iuxta illud euangelium, Matth. 16. v. 18. *Porte inferi non praeualebunt aduersus eam: & Isaïa 59. v. 21. Verba mea, quæ posui in ore tuo, non recedent de ore tuo, &c.* aliasque similes prophetias de perpetuitate fidei, & Ecclesiæ Christi. Atqui hæreses cuiusque notatur initium post Christum; & locus, vbi caput; & auctor, à quo frequenter nomen accipit: vt in hæresibus huius temporis notissimum est: & de veteribus notauit Iulianus martyr in dialogo cum Triphone. *Quoniam, inquit, omnes hæreses ab aliquo ducit originem, quis à Christo descendit: à nomine antichristi suos sequaces nominat.* Fingunt quidem hæretici huius temporis fuisse semper aliquos, qui fidem suam

profiterentur : Sed impossibile est , ut vllum ante Lutherum , vel Caluium , ostendant in omnibus fidei dogmatibus , sibi consentientem . Cùm nos è contrario fidei nostræ dogmata omnia in sanctis Patribus , & Scripturis Catholicis cuiusque sæculi ostendamus : ut accuratè præstiterunt Coccius tomis duobus , Sanderus lib. de visibili monarchia Ecclesiæ , Gauterius in Tabulis chronographicis , & Baronius in Annalibus Ecclesiasticis . Neque abnuunt interdum hæretici : vi apertæ veritatis coacti , Patres pro nobis stare ; ut Lutherus in libro de abroganda missa priuata , & Calvin. lib. 1. Institur. cap. 2. §. 4. iuncto §. 9. & 15. Et lib. 3. cap. 3. §. 10. & cap. 5. §. 28. & cap. 15. §. 2. & lib. 4. cap. 12. §. 8. & 23. Sed aiunt Scripturæ potius , quàm Patribus credendum esse . In quo sanè ineptissimi sunt . Quasi verò Scriptura clarè dicat quod ipsi volunt , sicut Patres clarè nobiscum sentiunt ; & quæstio sit , vtrum potius Scripturæ , an Patribus sit credendum : Cùm contra , tota quæstio sit , vtri Scripturam melius intelligant : Patrèsne Antiqui , viri Sancti , & Docti , qui ab Apostolis per manus Scripturam , & verum eius sensum acceperunt , & ad nos transmiserunt : an vero Lutherus , & Caluius , & scilicet quidam Nouatores , vel Apostatæ Monachi , temeritatis , & audaciæ pleni ?

36.
Hæreses
oriuntur
ex mala
occasione.

Secundò , fides Christi ab innocentia , & sanctitate duxit originem : & per humilitatem , & patientiam est propagata , non humanâ virtute , sed Deo prædicationi cooperante per miracula . At hæreses communiter ex aliqua humana , & mala occasione oriuntur , ut ex indignatione ob aliquod non obtentum , vel quid simile . Quemadmodum in Antiquis notarunt Eusebius lib. 7. hist. c. 35. Et Nicephorus lib. 4. c. 4. 7. & 20. & lib. 6. cap. 3. & in nouis hæreticis de Luthero , deque Henrico VIII. schismatis Anglicani Auctore notissimum est . Malis item artibus , fraude , vi , armis , seditionibus , licentiâ malè viuendi , propagantur ; ut in Germania , Anglia , Gallia , alijsque locis Patrum nostrorum memoriâ visum est .

Docent
multa
rationi
ad-
uersantia.

Tertiò , fides Christi sana , & sancta est , nihil docens rationi naturali , aut virtuti contrarium , sed potius ad omnem pietatem impellens . At doctrinæ hæreticorum multa continent rationi naturali , & virtuti opposita . Vt in Antiquis notarunt Irenæus lib. 1. & 2. Epiphanius hæresi 26. & 27. & Ang. Epist. 50. In nouis autem patet ex his & similibus eorum dogmatibus . Dei mandata esse impossibilia , etiam cùm Dei gratia : Homines sola fide iustificari ; & peccata quælibet , habentibus fidem , non imputari , nec quidquid ipsi faciant , posse vnquam fidem perdere : Neminem mereri bonis operibus factis cum Dei gratia ; neque habere liberum arbitrium ad bene operandum . Vt omittam horrendas Caluini blasphemias , Deum esse Auctorem peccati , & ad malè agendum impellere , cogere , necessitare , & quosdam suâ merâ voluntate creâsse ut damneret : Quemadmodum ex varijs & perspicuis eius locis luculenter ostendit Iaubertus de Barleault tom. 1. Clypei c. 31. Videri etiam pos-

sunt Claudius de Sanctis in Atheismis Caluini , & Gauterius in Tabulis Chronographicis , sæculo 16. cap. de erroribus Caluini .

Quartò , fides Christi vna , & constans est ; hæreses verò diuersæ , & inconstantes , & aliæ alijs aduersantes , imò & eadem sibi ipsi ; ut in antiquis notarunt Irenæus lib. 1. cap. 5. Tertullian. lib. de præscript. cap. 42. Athanasius Epist. ad Liberium , & Epiphanius hæresi 47. In recentibus autem notum est , quàm multæ Sectæ ex hæresi Lutheri pullulauerint : & quàm parum cohærenter loquantur in multis . Ratio huius inconstantiæ est , quia hæresis , non in diuino spiritu , sed in humano fundatur , qui varius & inconstans est , nec semper sibi cohæret . Mirabile verò huius inconstantiæ exemplum est , quòd cùm omnes profiterentur Scripturam solam esse iudicem controuersiarum , & Ecclesiæ atque Conciliorum auctoritatem abrogent in Scripturæ sensu determinando : ipsi tamen ad dirimendas controuersias circa sensum Scripturæ inter ipsos excitatas , sua conciliabula conuocant , cõguntque omnes sibi subiectos stare illoquum determinationibus , & definitionibus circa fidei dogmata : nolentesque , exilio , vel alijs pœnis grauioribus mulctant : ut in Synodo Dordracena non pridem factum omnes sciunt : in qua Arminius fuit damnatus , cum Tileno , & alijs eius Affectis : omnibus tamen Scripturam pro se stare contendebant . Item in eo , quòd negant Spiritum sanctum infallibiliter assistere Ecclesiæ veræ : & tamen sibi quisque assistere affirmant ad discernendum libros Canonicos , & verum illorum sensum : quod nisi certò , & infallibiliter fiat ; fides eorum vacillat , & diuina fides non est . Item in eo , quòd profitentur se multa credere , quia contenta in Scriptura ; & alia non minùs in ea expressa recusant credere ; non alia de causâ , quam quia ipsi non ita videntur . In quo verè hæreticos se esse ostendunt , id est , credentes ad electionem , & ad placitum . Ex. gr. Scriptura Matth. 25. v. 34. & sequentibus non minùs clarè affirmat regnum cælorum dari iustis propter opera bona , ut causam illius possidendi : quàm iniustos damnari propter opera mala , ut causam damnationis . Et tamen primum negant , cùm secundum admittant .

36.
Sunt in-
constan-
tes , & ex
vna mul-
tæ pullu-
lant.

Quintò , fides Christi Catholica est ; ut de vera Ecclesia dicitur in Symbolo , id est , vniuersalis ; tempore scilicet , & loco , & personis ; quia durauit perpetuò ex quo à Christo , & Apostolis annuntiata est ; & in totum terrarum orbem diffusa : & ab omni hominum genere acceptata . At hæreses initium & finem habent : & alicubi tantùm vigent : & à cuiusdam , aut paucarum nationum hominibus tantùm acceptantur . Vbi nota , cùm plurimæ nationes à Paganismo ad fidem Christianam per Catholicos olim conuersæ fuerint , atque etiam nunc quotidie in nouo orbe conuertantur ; nullam gentem hæcenus per hæreticos fuisse conuersam , ita ut ipsi primi notitiam Euangelij illi intulerint : sed omnem illorum operam in Catholicis peruertendis , & zizanij femini bono superseminandis fuisse impensam . Denique

37.
Nulla ca-
rum est
Catholi-
ca , id est ,
vniuersa-
lis.

hæreses carēt miraculis, quibus Christus fidem veram initio prædicationis maximè illustravit, & illustrare non desinit: Licet hæretici, more Ethnicorum, & Iudeorum, calumnientur ea fingi, vel à dæmone fieri. Cùm tamen multa palam, in luce & plurimorum conspectu fiant per homines summæ vitæ innocentia præditos, quales non sunt impostores operæ dæmonis videntes: repugnètque, vt suprâ diximus, diuinæ prouidentia, permittere, vt tot falsis miraculis falsa doctrina confutetur. Carerent etiam illa vitæ sanctitate, quam in plurimis, qui sine dubio nostri fuerunt, agnoscere coguntur: vt in Benedicto, Bernardo, Xaerio, & similibus, quos cum Christo in cælo viuere miracula testantur. Cùm ipsi neminem proferre possint, de quo certò constet, quod Sectæ suæ doctrinæ insistendo, in cælum peruenierit. Non enim Caluinus, aut Lutherum; & alios recentiores, quorum vita, à Sleidano; Boleco, & alijs contemporaneis scripta, potius oppositum suadet. Non antiquiores, de quorum nullo possunt ostendere professum esse quidquid ipsi profitentur. Et de plurimis, ipsorum iudicio sanctis, & beatis, constat esse professos oppositum: vt de Basilio, Hieron. Aug. Anton: & similibus quos constat Monachos fuisse, cùm ipsi Monachorum sint hostes infensissimi, & Monastica vota affirmant ex officina diaboli prodijisse, artic. 24. Confess. fidei Gallicanæ. Vnde videant quàm imprudenter illam viam insistant, quâ ne vnum quidem ad cælum peruenisse certò possunt ostendere: relicta aliâ, quam sancti prædicti, ipsorum confessione beati, tenuerunt. Plura hac de re videri possunt apud Lessium in Consult. de religione, & Ægidium Cornick disp. 11. de fide, dub. 3.

SECTIO VII.

*Quomodo vigent etiam nunc credibilitas fidei?
& conclusio præcedentium.*

38.
Est adhuc
sufficiens
credibilitas
fidei.

Porro licet non tanta nunc existat credibilitas fidei, quanta initio prædicationis, tempore Christi & Apostolorum, cùm tam multa cernebantur omnis generis miracula, visibilerque dabatur Spiritus sanctus & donum linguarum & virtus prophetandi, & morbos solo contactu, vel precibus, curandi, & alia eximia mirabilia que præstant, quæ ad nos tantùm per traditionem peruenire: quanta item eorum, qui tot opera stupenda, & naturæ vires superantia fieri conspiciant à sanctis Gregorio Thaumaturgo, Antonio, Hilario, Basilio, Hilario, Martino, & similibus, quando Ecclesia sanctorum numero, & multitudine miraculorum magis florebat: non tamen desunt etiam nunc sufficientia argumenta, quæ qui rectè pendunt, cognoscunt euidenter se ad credendum obligari. Et licet ea non omnes æquè percipiant; nemo tamen est tam rudis, qui cum Dei speciali auxilio, ad credendum necessario, non possit aliquem eorum sensum habere sufficientem ad fidem, & ad notitiam obligationis.

Primò enim vigent antiqua miracula; à Christo, & Apostolis, & alijs deinceps facta, in constanti, & vniuersali traditione, alijsque monumentis; in quibus vis, & fulgor eorum elucet, vt Sol apparet aliquamdiu post occasum in luce longè diffusa: Nam nisi euidentia, & vis veritatis, & fulgor miraculorum homines compulisset; non ita consensissent in illis miraculis posteritati hucusque tanto studio commendandis. Secundò, manet semper ingens illud miraculum conuersionis imperij Romani ab idololatria ad fidem, quod sine vi diuina non potuisset fieri suprâ fuit ostensum. Estque ipsa Roma veluti constans, & permanens Christi trophæum, cùm ibi sedet Christi Vicarius, vbi olim supremus erat persecutorum fidei dominatus: Ibi regnat, & triumphat Christiana religio victrix antiquæ superstitionis, vbi maximè furor, & potentia Ethnicorum contra illam defecuit. Manet iterum continuum miraculum perpetuitatis Ecclesiæ contra persecutiones, & hæreses. Neque tertio loco, desunt illustria miracula subinde facta singulis sæculis: vt recens de S. Francisco Xaerio vel ipsa hæreticorum confessio constare suprâ vidimus, neque alijs multis non potest sine summa incredulitate, & imprudentia negari contra tot testium oculatorum fidem. Videri potest Gaucherius Sæculo 15. & 16. in tabula Euentuum memorabilem, vbi nonnulla refert illustria, præsentī sæculo facta, & proximè præcedenti: & Spondanus tomo postremo continuationis Annalium Ecclesiasticorum.

Quartò, præter non paucos sanctitate, & doctrinâ conspicuos, qui rebus omnibus propter Christum abdicatis in magna vitæ puritate, & austeritate viuunt: non desunt etiam nunc plurimi martyres varijs locis: sed præcipuè in Ecclesia Iaponica, quæ nulli antiquæ Ecclesiæ, ne primitiue quidem, concedit de fidei constantia, alacritate, & patientia mirabili in ferendis tormentis, & nouorum Nero-num, ac Domitianorum persecutionibus, vt testantur historiarum fide dignissimæ. Itaque ibi renouatur antiquum illud miraculum conuersionis Imperij Romani, per patientiam, humilitatem, infirmitatem, contemptum, persecutiones, egestatem, ærumnas, carceres, & supplicia Christianorum. Nec dubito fore vt sicut Roma, sic olim Iaponia futura sit insigne Christi trophæum, cùm Gentis illius Imperatores fidem amplectentur, quam nunc totâ potentia, atque exquisitâ crudelitate extinguere conantur.

Addo, quod valde notatu dignum est, rectèque obseruatum ab eruditissimis Recent. licet multorum signorum non tanta nunc existat lux, ac primis quatuor aut quinque Ecclesiæ sæculis; aliquorum tamen multò maiorem existere. D. Augustinus tom. 6. lib. contra Epist. Fundamenti, c. 4. de motiuis, quibus in Ecclesia tenebatur, sic scribit: *Multa sunt, quæ in eius gremio me instissimè tenent. Tenet consensio populorum, atque Gentium. Tenet auctoritas miraculorum inchoata, sive mirra, charitate firmata. Tenet ab ipsa fide Petri Apostoli, cui pascenda oues sunt Dominum mandanti, vsque ad præsentem*

39.
Vigent
mor
antiquo
rum mi
raculorū.

Et subin
de noua
sunt:

40.
Nec dea
sunt vici
sancti,
nec Mar
tyres.

41.
Credibi
litas in
quibusdā
nunc ma
ior, quàm
olim.

Episcopatum, successio Sacerdotum. Tene denique ipsum Catholicum nomen, quod non sine causa inter tam multas hæreses sic ista Ecclesia obtinuit sola: ut cum omnes hæretici se Catholicos dici velint: quærens tamen peregrino alicui, ubi ad Catholicam conueniatur: nullus hæreticorum vel basilicam suam, vel domum audeat offendere. Huc vsque D. August. Si autem illum tenuit consensus populorum, atque Gentium: nunquam fuit Christiana fides æquè diffusa, & tam multarum, & variarum Gentium consensione recepta, quàm hoc tempore, quo ubi cæpit in Europa diminui propter hæreses, per totum nouum orbem mirabiliter dilatata est, & quotidie dilatat magis, ac magis. Si item illum iustissimè tenuit continua successio summorum Pontificum in Sede Petri ad suam vsque ætatem, per tot persecutiones, & hæreses, non interrupta: ea nunc multò longior est. Iam enim non quatuor tantum sæculi, ut Augustini tempore, sed sexdecim & amplius durat successio continua Summorum Pontificum vsque ad Alexandrum VII. qui nunc feliciter Ecclesiæ præsidet: multoque plures persecutiones, & hæreses iam Ecclesia superauit. Qui euentus certiorum persuasionem facit fore ut vsque ad mundi finem æquè perduret, iuxta Christi vaticinium, Matth. 16. v. 18. & cap. 18. v. ultimo, vtque præsentis hæreses fortiantur eundem exitum, quem olim Ariana, Macedoniana, Pelagiana, Nestoriana, & alie omnes habuerunt.

^{43.} Hæc igitur, & cætera superius exposita iustissimè debent vnumquemque Catholicum in Ecclesia tenere. Debent & pari pondere hæreticos & infideles ad eius fidem amplectendam impellere. Iam enim ex horum omnium argumentorum congerie sic concludo: Euidens est, etiam euidentia simpliciter, hæc argumenta simul sumpta multum præponderare argumentis aliarum Sectarum, quot & qualia occurrunt: itémque illa esse maxima, & summè credibilia, per se & absolutè sumpta. Et euident est facere in fauorem Christianismi, ut sequendi ex obligatione graui, quam ipse præterit, *Qui enim non credideris, condemnabitur.* Marc. ult. Ergo per illa sit euident Christianismus esse sequendum. Antecedens probatur experientiâ intellectus ponderantis argumentorum vim. Sequela patet: quia tunc obligatio est euident, quando euident est dari in fauorem illius argumenta sufficientia, maxima in se, longèque præponderantia omnibus oppositis nobis notis. Atqui hic est talis, ut patet ex quatuor argumentis supra expositis: itémque ex eo, quod in nullis alijs negotijs ad euidentiam obligationis tanta postulamus.

Ne tamen hæc videantur contradicere ijs quæ supra diximus de obscuritate fidei, nota ex simplici euidentia obligationis Christianismi sequendi, non sequi euidentiam simplicem veritatis Christianismi: quia euidentia obligationis nasci potest ex solis certis: imò ex probabilibus solis interdu. Vt in probabili suspitione, de infidijs in Regem, etiam fictis, est euidentia obligationis præcauendi. Id verò maximè verum est in periculo religionis & fa-

lutis, omnium maximo. In quo tamen non probabilitas solum, sed summa certitudo, & euidentia moralis habetur per argumenta superius proposita, & expensa.

Obijcies primò: impossibile est euidenter iudicare Christianismum esse sequendum, quin euidenter iudicetur Christianismum esse verum: quia si non est verum, non est sequendum. Ergo malè dictum fuit ex euidentia primi, non sequi euidentiam secundi. Respondeo eum, qui iudicat euidenter Christianismum esse sequendum, non posse quidem non iudicare Christianismum esse verum. Non tamen necessario eadem euidentia iudicat esse verum, quàm iudicat esse sequendum. Ratio primi est, quia qui negat Christianismum esse verum; hoc ipso in actu exercito negat sequendum, sibi saltim. Falsum enim non est sequendum, sed vitandum. Adde quòd assensus ille euidentis, scilicet, Christianismus est sequendus, imperat actum eiusdem facultatis; qui actus sit ipsa assertio Christianismi, ut veri & diuini. Hoc enim est Christianismum sequi, & adherere veritatibus à Christo reuelatis, quarum vna est, quòd Christianismus sit verus & diuinus. Ergo qui dicit esse sequendum, dicit implicite esse verum. Et qui negat esse verum, hoc ipso implicite negat esse sequendum: actus enim, quo dico aliquid esse falsum, æquiualeat ei, quo dicerem non esse sequendum ut verum, sed respuendum tanquam falsum. Ratio verò secundi est, quia euidentia obligationis sequendi Christianismum non oritur ex euidentia veritatis obiecti, neque illam requirit necessario: sed oritur ex euidentia motiuorum inducentium obligationem; quæ possunt esse euidentia, & sufficientia, licet veritas rei sit obscura.

Obijcies secundo: Si euident est simpliciter Christianismum esse sequendum: Ergo nemo sanæ mentis potest contrarium iudicare, quia non potest iudicare contra simplicem euidentiam. At hoc est contra experientiam. Ergo, &c. Respondeo id esse euident ijs, qui exactè motiua omnia, vel plurima perpendunt: at non omnes sic perpendere. Multi enim sunt, quibus non bene proponuntur: & multi eorum, quibus bene proponuntur, non ea bene expendunt; sed intellectum auertunt ab examine, & diligenti eorum consideratione, conuertuntque ad alia opposita, victi difficultate, quæ occurrit in credendis sigillatim mysterijs particularibus de se arduis plerumque, & non modò intellectui difficilibus, verum etiam sensui, vitæ carnali repugnantibus. Quare metu capriuitatis molesta intellectus in obsequium fidei, & horrore obligationis ad vitam austeriorem, vel examen refugium, vel motiuorum vim conantur eleuare, atque euidentiam antea sibi notam, & satis apparentem, oppositis ratiunculis obscurare, & intellectum in assensum contrarium tandem inducere. Similes illis, qui amorem finis antè expecti abijciunt, victi horrore difficultatis alicuius modij necessarij.

Obijcies tertio, euident est Deum providere rebus humanis: Ergo & non posse per-

^{43.} Euidens est Christianismum esse sequendum.

^{42.} An etiam esse verum?

^{44.} Quomodo multum resistunt huic conclusioni?

^{45.}

Providē-
tia Dei
non red-
dit eui-
dentem
veritatem
Christia-
nismi.

mittere tamdiu, tamque vniuersaliter illud hominibus in negotio religionis, omnium maximo, per tot motiua, quibus inuincibiliter in errorem, & falsum Dei cultum inducantur. Nam si sapiens Magistratus non potest dissimulare graues, & vniuersales abusus: Ergo neque Deus: Ergo fides est simpliciter euidens. Respondeo Deum, ratione supremi dominij, posse multa permittere, quæ non potest Magistratus; & re ipsa permississe multis annorum millibus, mundum penè vniuersum iacere in tenebris ignorantie, & idololatriæ; ac deludi multis in locis per oracula, & præstigia demonum, quibus in falsa religione confirmaretur: non est, inquam, simpliciter euidens, non posse Deum relinquere hominem sibi, & rationi naturali, quam sequendo honestè ageret, amplectendo Christianismum prudenter persuasum. Neque tanta est euidētia diuinæ providentiæ particularis, & supernaturalis, quanta est generalis, & naturalis, de qua tamen hæsitante, summi quoque phi-

losophi Gentiles sunt locuti. Quia tamen videtur euidens simpliciter Deum rebus humanis providere, estque penitus incredibile Deum hominibus deesse in potissimo; summè quoque credibile est, & euidens moraliter, Deum non posse pati falsam religionem tot sæculis, per tot, & tanta argumenta confirmari. Addo illa motiua, miracula, & similia, non videri ab omnibus, sed à primis relatoribus, quos non est euidens simpliciter non falli, neque fallere, neque potuisse ad fallendum conuenire. Quare non est tam euidens id, quod constituunt credibile, quam est euidens per assercionem testium oculatorum v. g. Romam esse; quia euidens est tot testes oculatos, tot, & tam diuersis temporibus non potuisse conuenire ad fallendum in tot rebus contingentibus, quot respondent vnanimiter interrogati. Et aliunde non potuit tam constanter illud à dæmone, vel ab alio, per propositionem Romæ non existentis: alioquin rueret providentia Dei, & omnis euidētia experimentalis.



DISPUTATIO S E X T A.

An obiectum Fidei successu temporis creuerit?

- Sectio I. *Præmittuntur aliqua de coordinatione inter obiecta fidei; deque differentia inter obiectum, & articulum fidei.*
- Sectio II. *An, & quomodo creuerit obiectum fidei per successionem temporis?*
- Sectio III. *Soluntur obiectiones contra doctrinam præcedentem.*
- Sectio IV. *Examinatur alia sententia.*
- Sectio V. *An reuelata mediata, & quæ deducuntur ex principijs fidei, sint de fide?*
- Sectio VI. *Statuitur vera sententia.*
- Sectio VII. *Fusior probatio eiusdem sententiæ, impugnando fundamenta contrariæ.*
- Sectio VIII. *Respondetur argumentis aduersariorum.*

Difficultatem propositam breuiter attingit S. Thomas q. 1. a. 7. ubi docet, quantum ad substantiam articulorum fidei non esse factum eorum augmentum per temporum successionem: quia quæcunque posteriores crediderunt, continebantur in fide præcedentium Patrum, licet implicite. Omnes enim articuli continentur implicite in aliquibus primis credibilibus, scilicet ut credatur Deus esse,

& prouident iam habere circa hominum salutem : secundum illud Hebræorum 11. *Accedentem ad Deum oportet credere, quia est, & quod inquirerentibus se remunerator sit.* Sed quantum ad explicationem creuisse numerum articulorum ; quia quædam explicitè cognita sunt à posterioribus, quæ à prioribus non cognoscebantur expliciter. Vnde Dominus Moyse dicit, Exod. 6. *Ego sum Deus Abraham, Deus Isaac, & Deus Iacob : & nomen meum Adonai non indicaui ei.* Et Dauid Psal. 118. *Super senes intellexi.* Et Apostolus ad Ephes. 3. *In alijs generationibus non est agnitus mysterium Christi, sicut nunc reuelatum est sanctus Apostolis eius, & Prophetis.* Huc vsque D. Thomas.

SECTIO I.

Premittuntur aliqua de coordinatione inter obiecta fidei : deque differentia inter obiectum, & articulum fidei.

1. Multiplex ordo inter obiecta fidei.

Circa primum, Dico primò multiplex esse ordinem inter obiecta fidei, tum in esse rei, tum in esse credibilis. In esse rei quidem, quia quædam sunt alijs priora in existendo, & in causando ; vt æterna temporalibus, diuina creatis : & alia alijs digniora ; vt Deus Angelis, Angeli hominibus ; charitas, fides & spe. Neque tantum inter Deum & creaturas, sed & inter ipsasmet res creatas, quæ sub fidem cadunt, multiplex ordo est dignitatis & dependentie aliarum ab alijs, vt consideranti facillè patebit.

In esse verò credibilis est ordo inter materiale, & formale ; & in ipso formali sunt multæ rationes, aliæ alijs priores. Nam id quod reuelatum est, creditur propter reuelationem Dei summe veracis & fide dignissimi : & hæc reuelatio creditur esse facta propter rationem sufficientem credibilitatis : vt fusius diximus Disput. 1. Sect. 2. Neque propterea fides est discursiua : quia non assentitur vi illationis, sed propter simplicem connexionem reuelati cum reuelatione : vt alibi exponemus Disp. 2. Sect. 7. Item, licet omnia obiecta materialia, id est, omnes veritates reuelatæ, credantur propter reuelationem diuinam : est tamen inter illas aliquis ordo, tum ex parte reuelationis, tum ex parte fidei, atque etiam intentionis Dei reuelantis. Ex parte quidem reuelationis : quia quædam mediatè tantum, & in alijs, propter necessariam connexionem cum illis, reuelatæ sunt. Ex parte verò fidei, quatenus fides primò & præcipuè Deum respicit, eiusque cognitionem primario intendit. Nam virtutes Theologicæ primò & præcipuè tendunt in Deum : & quælibet virtus magis propensa est in meliorem & nobiliorem partem sui obiecti ; quippe quæ est ordinatissima, rectissimoque modo in illud tendit. Ex parte denique intentionis Dei reuelantis ; quia præcipua Dei intentio fertur circa seipsum, prout in se est, & prout est principium & finis creaturæ intellectualis, ac circa media, quibus consequendus est : quæque de illis reuelantur, constituunt

Quædam fuerunt per se reuelata, alia per accidens.

quodammodo substantiam corporis fidei : cætera verò sunt veluti adiuncta, & accidentaria, ad ornatum, vel vt humano modo proponantur substantialia, & primò, ac per se intenta. Quæ tamen omnia sunt æquè credibilia, propter eandem auctoritatem Dei reuelantis. Sed ita vt priora per se pertineant ad fidem secundum Dei intentionem, qui primò, & præcipuè intendit sui notitiam nobis tradere, & mysterium, ac mediorum nostræ salutis æternæ, & supernaturalis. Cætera verò ex occasione & per accidens reuelantur, seu propter alia : vt tam multæ historie de Patriarchis, de Regibus, de Prophetis, & similibus, quorum vita, & series textur, ad tradendam Christi genealogiam, vel ad figuras, & prophetias de Christo præmittendas, vel ad ornatum, & legentium voluptatem, aut ædificationem. Præterea inter obiecta fidei materialia est alius ordo quoad vniuersalitatem ; quatenus eorum aliqua sunt propositiones generales, & principia vniuersalia, vel regulæ fidei ; quæ possunt alijs plurimis esse ratio seu motiuum assentiendi. Nam aliquæ sunt propositiones, quæ fide tenentur, adeoque sunt obiectum materiale fidei ; quæ tamen sunt ratio, & motiuum, cur plurimis alijs credamus. Ex. g. hæc propositio, *Ecclesia est columna & firmamentum veritatis*, est motiuum vt credamus quidquid ab ipsa nobis proponitur tanquam à Deo reuelatum. Et ista, *Christus est Deus*, mouet nos ad credendum quidquid ab ipso dictum fuit. Et ista, *Scriptura canonica est verè diuina*, est causa cur credamus quidquid in ipsa continetur.

Circa secundum ; non conveniunt Theologi quid nomine Articuli fidei intelligendum sit : Quid sit articulus fidei ? Consentunt quidem omnes in eo, quod non omnes veritates reuelatæ sunt articuli fidei, sed ex tantum, quæ constituunt corpus fidei, continentque ad principalem intentionem reuelantis ; cuiusmodi sunt illæ quæ de Deo, & de fine ac medijs reuelatæ sunt. Verum in eo differunt, quod aliqui velint omnes id genus veritates particulares, distinctas inter se, & alias alijs non comprehensas, esse totidem articulos fidei. Alij non omnes, sed eas tantum, quæ habent specialem difficultatem. Nam si eandem habent, volunt ad eundem articulum pertinere. Vt v. g. quod Christus sit passus, mortuus, & sepultus, vnâ habent difficultatem, ideoque vnus articulus sunt. Secus autem quod sit mortuus, & quod resurrexerit. Ita

D. Thom. q. 1. a. 6. Alij per articulos intelligunt eas tantum veritates speciales corporis fidei, quas tenemus explicite credere, & quæ nos arctant, id est, obligant specialiter ad credendum; unde putant dictum esse articulum, quasi articulum. Alij denique censent articulum fidei nihil esse aliud, quam particulam aliquam symboli Apostolici, ab aliquo Apostolo, in ipsius compositione collatam; iuxta probabilem opinionem Clementis Rom. Epist. 1. ad Iacobum, & Augustini Serm. 115. de Tempore, & quorundam aliorum existimantium, singulos Apostolos singillatim aliquid contulisse in symbolum illud, quod vivâ voce tradiderunt Ecclesiæ paulo post Christi ascensionem: indeque dictum esse symbolum, à collatione plurium conferentium. Iuxta quam opinionem distinctio articulorum sumenda est per habitudinem ad personas conferentes: ita ut sint duodecim articuli, sicut fuerunt duodecim conferentes, nempe duodecim Apostoli: Nam Paulus, & Barnabas nondum illis erant aggregati, aut non interfuerunt. Negant tamen non pauci symbolum ita fuisse compositum, sed omnes omnia contulisse communi voce, atque consensu: dicitque symbolum, non à collatione plurium conferentium seorsim, sed à collatione plurium collatorum, ut mavult D. Thomas q. 1. a. 8. & 9. & rectè advertit Caiet. in commentario artic. 8. ubi etiam sanctus Doctor plures, quam duodecim articulos distinguit in symbolo. Vel etiam dicitur symbolum, quia omnes Catholici in illud conveniunt; ut subindicat Irenæus lib. 1. adversus hæreses c. 2. Vel quia est nota, & thesæra Christianorum, quæ dignoscantur ab alijs. Quæ omnes controversiæ parvi momenti sunt.

3.
Articuli
fidei quo-
modo dis-
tinguen-
di?

Melius tamen distingui videntur articuli ex diversitate particularium veritatum revelatarum, corpus fidei per se constituentium, quarum vna non continetur formaliter, aut æquivalenter in alia, sue propriam difficultatem habeant, sue non: Quæ dicantur articuli, veluti membra minuta, & confusa, & partes minores corporis credendorum inuicem coaptatæ; iuxta eius vocis significationem, quam tradit S. Thomas q. 1. a. 6. in corp. Aliæ verò propositiones secundariò tantum, & ex occasione revelatæ, & ad corpus fidei non pertinentes, abusivè solum dicuntur articuli; quia solæ propositiones per se revelatæ inter se coherent, & vnum corpus fidei constituunt, veluti parvi eius artus. Iuxta quem modum operandi non omnes articuli fidei continentur in symbolo, sed præcipui quidam, ad quos ceteri reuocari aliquo modo possunt; sicut in decalogo ponuntur quædam præcipua Dei præcepta, ad quæ reuocantur cetera. Quod etiam in opinione D. Thomæ fatendum est. Nam ne in illo quidem ponuntur quotquot habent specialem difficultatem. Ut mysterium Eucharistiæ, numerus Sacramentorum, forma iustificationis, &c. Quod si obijcias D. Thomam a. 8. & 9. videri non agnoscere articulos extra symbolum Apostolicum: Respondeo non ita esse, sed conari tantum ostendere quod articuli illius symboli complectantur aliquo modo

Sint-ne
omnes in
symbolo
Apostolo-
rum?

omnia credenda. Verum ad hoc, ut non sint plures articuli, quam in symbolo, non fat est quod aliquo modo sub illis omnia comprehendantur. Nam doctore eodem D. Thom. a. 7. omnes articuli symboli, & omnia credenda continentur his duobus, *Deum est*; &, *Deum habet providentiam circa hominum saltem*; & tamen non sunt tantum duo articuli fidei: Dico igitur non omnes fidei articulos contineri in symbolo, sed præcipuos quosdam illustriores, omnibus proponendos, etiam catechumenis (qua de causa puto non in eo fuisse factam mentionem Sacramenti, & sacrificij Eucharistiæ, quod primis Ecclesiæ temporibus, non nisi baptizatis, & proutis in fide proponebantur) & sæpius repetendos, faciliusque ac firmissimè memorià retinendos: de quorum apta dispositione fusè disserit & perspicue D. Thomas q. 1. a. 8. quem consule.

Hoc autem symbolum verè Apostolicum esse, id est, traditum ab Apostolis, vel simul omnia, vel singillatim aliquid conferentibus, dubitari non debet, cum id testentur antiqui Patres, Clemens, & Aug. locis suprâ citatis, Chrysost. homilia 1. & 2. de symbolo, Hieron. Epist. 61. ad Pammachium, longe à fine, Leo Epist. 13. ad Pulcheriam, & alij. Neque propterea censendum est inter scripturas divinas; quia non scripto ab Apostolis, sed verbo solo traditum fuit: neque Spiritu sancto verba ipsa dictante, sed sensum dirigente. Quia etiam de causâ definitiones Conciliorum non sunt Scripturæ divinæ. Præter hoc autem symbolum antiquissimum, alia duo edita sunt: Nicenum scilicet, in Concilio Niceno I, à quo nomen accepit: cui circa articulum de Spiritu sancto additum fuit à Concilio Constantinopolit. I. *Qui à Patre procedit*: tum deinde particula, *filioque*, sue à Concilio Romano sub Damaso, sue à Toletano I. auctoritate Leonis I. ut censet Henric. Spondanus in Epitome Batonijs, ad annum Christi 447. sue à quovis alio: qua de re diximus 1. p. Disp. 30. Sect. 1. Alterum nomine Athanasij, citatum à D. August. in Psalmum 120. ubi refert integrum versiculum istius symboli expresso etiam nomine Athanasij Episcopi Alexandrini. Sic enim ait explicans illud, *Per diem sol non vres te: De hoc Sole Pater Athanasij Episcopum Alexandrinum ita pulchre locutus est. Filium, inquit, Deû à Patre solo est, non factum, nec creatum, sed genitum*: quæ tamen verba desiderantur in quibusdam exemplaribus? & Epist. 174. ad Palscentium, & lib. 8. de Trinit. cap. 1. Et in Enchiridio cap. 26. ubi tacito nomine Athanasij refert integras sententias eiusdem symboli. Citatur quoque à Nazian. Orat. in laudem Athanasij prope finem, ubi affirmat eum scriptis egregiam fidei suæ confessionem, illam scilicet, quæ post à Summo Pontifice, & Ecclesiâ approbata, symboli nomen, & auctoritatem obtinuit. Nam ut rectè affirmat S. Thom. q. 1. a. 10. non pertinet ad alium, quam ad Summum Pontificem, vel solum, vel saltem cum Concilio generali, facere novam editionem symboli, quando est opus ad fidei dogmata contra insurgentes errores clariùs explicanda.

4.
Symbolum
illud est
verè Apo-
stolicum.

Symboli
fidei eade-
re perti-
net ad
Summū
Pontifi-
cem.

Quia hæc auctoritas ei tantum competit, qui est infallibilis in proponendis definitionibus fidei, & aliunde præest toti Ecclesie, vt possit illam obligare ad firmiter tenendum id quod statuit. Fides enim est vna, & communis toti Ecclesie, iuxta illud Pauli 1. Cor. 1. v. 10. *Obsecro autem vos fratres vt idipsum dicamini omnes, & non sint in vobis schismata.* Nullus autem alius præter eum, qui præest toti Ecclesie, potest illi præscribere quid sit fide tenendum. Neque haberet Ecclesia cur id firmiter tene- ret, & acceptaret tanquam fidei dogma, nisi Pontifex esset infallibilis: vt verè est, iuxta il- lam Christi assertionem de Petro, & successoribus, Matth. 16. *Tu es Petrus, & super hanc petram, &c.* Et Luc. 22. *Ego autem rogavi pro te, vt non deficiat fides tua: Et tu aliquando conuersus confirma fratres tuos.* Atque ita neque ipsi Apostoli sine Petro capite Ecclesie sym- bolum suum ediderunt. Quamquam & ipsi om- nes erant infallibiles in fide, à die Pentecostes: & habebant iurisdictionem vniuersalem in ro- tam Ecclesiam, licet cum aliqua subordinatio- ne ad Petrum, vt dicemus inferius Disput. 9. Sect. 5.

4.
Alia ad
ipsam per-
tinentia.

Addit S. Doctor ad eundem spectare omnia alia, quæ pertinent ad rotam Ecclesiam; vt congregare synodum generalem, & alia huius- modi. Cuius doctrinæ occasione disputant hoc loco Theologi de Primatu Summi Pontificis, deque ipsius auctoritate in rebus fidei propo- nendis, aut definiendis, simulque de alijs regu- lis, seu principijs fidei: quod breuiter præ- stabimus Disput. 7. & sequentibus, reiectâ lon- giori eorum tractatione ad controuersiarum scriptores, qui de his fuscè, & accuratè dispu- tant contra hæreticos huius temporis: præcipuè Bellarminus tom. 1. Stapleton. de principijs fidei, Gordon. Huntlaus tom. 1. Epitomes, & Valentia lib. 3. & quinque sequentibus de ana- lysi fidei: præter Melchiorum Canum in ope- re de locis Theologicis, vbi de ipsdē accuratissimè disserit. Prius verò examinandum est id, de quo D. Thom. 2. 7. disputat, an scilicet articuli fidei secundum successionem tem- porum creuerint?

SECTIO II.

An, & quomodo creueris obiectum fidei per successionem temporis?

6.
Obiectū
fidei du-
plex: ex-
plicitum
& impli-
citum.

Nota primò, dupliciter posse aliquid cre- di, seu esse obiectum fidei. Primò ex- pressè, & distinctè. Secundò implicite, & confusè tantum. Idque dupliciter, nempe vel formaliter, & æqualiter: quo pacto qui credit propositionem vniuersalem, credit om- nes particulares sub ea contentas. Vt si credit statum esse omnibus hominibus semel mori; credit formaliter & æqualiter statum esse Petro mori, & Paulo, &c. Hæc enim diffe- runt tantum penes maiorem, & minorem ex- pressionem eiusdem obiecti. Vel secundò virtualiter tantum: quo pacto qui credit Deum esse; credit virtualiter quidquid pertinet ad

esse Dei. Et qui credit Deum se proposuisse in remuneratorem, & in finem supernaturalem; credit virtualiter totum statum futuræ beati- tudinis, & omnia media à Deo reapse conti- nita, vt illam assequamur.

Nota secundò, dupliciter intelligi posse ob- iectum fidei crescere. Primò, simpliciter, per nouam omnino reuelationem. Secundò, per maiorem explicationem, vel extensionem quan- dam reuelationis olim factæ, cuiusque applica- tionem ad singularia, quæ sub ea verè conti- nentur, & ad quæ verè sese extendit reuelatio vniuersalis. Exempli gratia, Christus consti- tuit Petrum suum Vicarium, & caput visibile Ecclesie, voluitque omnes eius successores legi- timos fungi eodem officio. Hæc reuelatio successiue extenditur ad omnes, quos Ecclesie constat Petro legitime successisse. Christus re- uelauit Ecclesiam suam fore semper visibilem, & perpetuam. Quæ reuelatio successiue ex- tenditur ad collectionem personarum, quibus visibilis Ecclesia constat successiue. Est enim de fide, Ecclesiam istam, quæ nunc est, esse veram Ecclesiam. Deus reuelauit esse omnes, qui in gratia eximia moriuntur, esse sanctos, & eximie Beatos. Ecclesia extendit hanc reuelationem, seu applicat ad eos omnes, quos per miracula, & sufficientia indicia diligenter in- quisiuit, & examinata, constat in gratia eximia decessisse.

Nota tertio, quæstionem esse posse de suc- cessu temporis, vel ab Adam huc vsque; vel solum à tempore Christi, & Apostolorum, ex quo Ecclesia Christiana fundata est. Item, quæstionem esse posse de generalibus reuelationibus toti Ecclesie factis; vel de priuatis, vni, aut paucis particularibus. His præmissis, Dico primò, obiectum fidei non modò quoad accidentalitatem, sed etiam quoad articulos corporis fidei creuisse ab Adam huc vsque. Pater, quia Deus multa successiue reuelauit Adamo, Noè, Abrahamo Isaac, Iacob, & alijs Patriarchis: itémque Moyse, Dawidi, Isaie, & alijs Prophetis; ac deinde in nouo Testamento multà per Christum, & Apostolos, & Euangelistas. Libri quoque sacri non om- nes simul, sed successiue scripti, & editi sunt, tum veteris, tum noui Testamenti. Inter hæc autem successiue reuelata, aliqua sunt, quæ sine dubio pertinent ad substantiam corporis fidei; vt Sacramenta, & sacrificia Legis veteris, & nouæ, præceptaque positia diuina circa huiusmodi.

Contrarium videtur sentire D. Thomas quæst. 1. art. 7. verbis suprâ relatis in præfatio- ne disput. quibus docet articulos fidei non cre- uisse quoad substantiam, per temporum suc- cessionem: quia quæcumque crediderunt pos- teriores de Deo; & de fine, ac medijs, conti- nebantur in fide præcedentium, sed implicite; nempe in his duobus primis credibilibus sem- per ab initio creditis, Deus est; & Deus ha- bet providentiam circa hominum salutem, Creuisse tamen articulorum numerum quoad explicationem: Quia quedam explicite cog- nita sunt à posterioribus, quæ à prioribus non cognoscebantur explicite. Hæc ille. Licet au-

7.
Potest
per crescere
duplici-
ter.

8.
Creuit ab
Adamo
huc vs-
que.

tem verum, & perspicuum sit, quod ait, quicumque de Deo, deque fine, ac medijs creduntur, & credentur deinceps; contineri confusè, & implicite in illis duabus propositionibus: considerandum tamen est totam substantiam articulorum fidei particularium non consistere in illa sola ratione generali, & confusa, sub qua potius latent, quam secundum se cognoscantur: sed consistere in propria & speciali cuiusque ratione, secundum quam etiam reuelatione indigent, vt credantur. Neque enim sufficit v. g. quod Deus reuelauerit se habere providentiam circa hominum salutem, vt credamus institutum fuisse Sacramentum Baptismi, Eucharistie, Pœnitentie, &c. nisi Deus hoc ipsum reuelauerit. Quare D. Thomas intelligendus est de substantia articulorum confusè, & genericè sumpta, secundum aliquid, in quo omnes conveniunt substantialiter: Non autem de substantia adæquata cuiusque propria, speciatim reuelata, & speciatim, ac secundum se totam pertinente ad corpus fidei; quam propriam rationem, & substantiam speciatim reuelatam, D. Thomas intelligit nomine explicationis. Non enim loquitur de simplici explicatione, & pura, quâ particularia, formaliter contenta sub aliqua propositione generali, declarantur per inductionem. Vt quando hæc propositio, Omnis homo est mortalis, declaratur per istas, Petrus est mortalis, Paulus similiter, &c. Sed loquitur de explicatione, quæ est nova propositio, & nova reuelatio, formaliter & secundum se à priori diversa, de re nondum in se reuelata, neque credita, pertinet tamen reductivè ad aliquod principium generale antea traditum.

Dico secundò, Deum etiam à tempore Christi, & Apostolorum, nonnulla tum privatim, tum etiam publicè de nouo reuelasse. Prima pars de privatius reuelationibus constat ex multis Sanctorum historijs fide dignis, favente Trid. Sess. 6. can. 16. vbi non obscurè admittit posse aliquos habere specialem reuelationem suæ persæuerantiæ. Secunda verò de publicis reuelationibus probatur, quia Deus ab eo tempore per miracula, & opera supernaturalia, etiam per voces de cælo mirabiliter auditas, attestatus est multorum eximie sanctitati, quam per illa voluit Ecclesiæ notam fieri; vt de Sancto Alexio, & pluribus alijs notum est. Item indicio columnæ igneæ reuclavit velle se. S. Gregorium magnum eligi in summum Pontificem: aliaque id genus, quæ nota sunt ex historijs Ecclesiasticis, & constanti traditione. Quare ex eo capite creuit obiectum fidei publicæ, vel privatæ, per reuelationem veritatum antea non reuelatarum formaliter, & secundum se. Licet propterea non creuerint articuli fidei simpliciter: quia huiusmodi veritates de nouo reuelatæ non constituunt substantialiter corpus credendorum: vel sunt tantum extensio articuli antea reuelati.

Dico tertio, licet Ecclesia Christiana ex eo tempore, quo per Christum & Apostolos fundata fuit, nihil de fide definierit, quod in antiquis reuelationibus, & traditionibus diuinis scriptis, vel non scriptis, non contineatur ali-

quâ ratione, iuxta verum illarum sensum; vel in aliqua propositione id formaliter continente, saltem generaliter; vel in principijs, ex quibus evidenter deducitur, aut in quibus per evidentem experientiam comprehenditur; explicat tamen, vel extendit reuelationes diuinas, ad quædam certissimè fide diuinâ tenenda post ipsius explicationem, vel extensionem, ob infallibilem assistentiam Spiritus sancti, & summam eius auctoritatem in eiusmodi declaratione.

Prima pars conclusionis patet ex modo definiendi, tum Summotum Pontificum, tum Conciliorum œcumenicorum. Nihil enim definiunt; vt patet ex vñ Summorum Pontificum, & ex Concilijs nouis, & antiquis, nisi vel explicando verum Scripture sensum, & traditionum diuinarum, quas diligenter consulunt, & examinant, inquisitis Sanctorum Patrum, & Doctorum veterum testimonijs, à quibus, vt literam, ita & sensum Scripture, & alias traditiones diuinas accepimus, & alijs vel euidētibus, vel certis & infallibilibus reuelationis olim factæ indicijs: vel applicando propositiones vniuersales ad quædam obiecta particularia, quibus verè conuenit ratio contenta in propositione vniuersali, aut in principijs olim reuelatis, vt Ecclesia cognoscit per assistentiam infallibilem Spiritus sancti, à quo dirigitur in suis declarationibus, & applicandis. Quare Ecclesia non aliam sibi datam potestatem agnoscit circa res fidei, vt patet ex vñ perpetuo Summorum Pontificum, & Conciliorum generalium. Sic Trid. Sess. 6. in fine præmij, aggrediens definire controuersias exortas circa iustificationem, affirmat se non aliud intendere, quàm exponere omnibus Christi fidelibus veram, sanamque doctrinam ipsius iustificationis, quam Sol iustitiæ Christus Iesus, fidei nostræ Auctor, & consummator docuit; Apostoli tradiderunt; & Catholica Ecclesia, Spiritu sancto suggerente, perpetuò retinuit. Et Sess. 13. initio, in Decreto de sanctissimo Eucharistie Sacramento, simili modo ait, se sanam, & sinceram illam de venerabili hoc mysterio doctrinam tradere, quam semper Catholica Ecclesia, ab ipso Iesu Christo Domino nostro, & eius Apostolis erudita, atque à Spiritu sancto illi omnem veritatem in dies suggerente, edocta retinuit, & ad finem vsque sæculi conseruabit. Eademque de causa Vincentius Lirinensis lib. aduersus prophanas hæreses nouitates c. 17. & sequentibus affirmat totum progressum Ecclesiæ in doctrina fidei per nouas definitiones, consistere in eo, quod antiqua dogmata alijs sententis verborum clariùs explicentur. Quod sint, inquit, eadem gemmæ, sed illis adiacetur splendor: eadem semina, sed accessu temporis latentia germina euoluantur.

Quòd si obijcias Spiritum sanctum assistere infallibiliter Ecclesiæ, sicut assistebat Prophetis, & Scriptoribus sacris. Quare per illam loquitur, & de nouo reuelat. Respondeo Spiritum sanctum assistere Ecclesiæ infallibiliter; non ad nouas, & nunquam antea traditas reuelationes condendas: sed ad antiquas infal-

Nihil de fide definitur non contenta in antiquis reuelationibus.

9.
Et à tempore Christi, & Apostolorum.

10.
Quid præstat Ecclesia circa veritates fidei

libiliter cognoscendas, conseruandas, explicandas, & applicandas ad particularia sub illis verè contenta. Neque quicquam de fide est præcisè ex eo quòd Ecclesia dicit: sed ex eo quòd à Deo reuelatum est. Quæ tamen reuelatio sæpe nobis proponitur, & innotescit infallibiliter per Ecclesiam.

11.
Illas ta-
men ex-
plicat,
vel ex-
tendit.

Secunda pars conclusionis, quòd scilicet Ecclesia explicet, vel extendat reuelationes diuinas, constat etiam experientià, & ipso vsu Ecclesiæ, quæ ab Apostolis huc vsque, hac potestate vsa est. Fuitque necessarium vt illam à Christo haberet sibi concessam: Quia necesse est sensum Scripturæ obscurum explicare, quando ex illo nascuntur hæreses, quæ sæpe aliter extingui, aut vitari nequeunt. Idem dico de traditionibus non scriptis, quando de aliqua illarum, aut de vera eius intelligentia suboritur dissensio, expeditque ad pacem, & bonum Ecclesiæ, illam infallibili eius auctoritate terminari. Debet etiam fide diuinà constare, hunc v. g. esse verè Summum Pontificem; & hoc Concilium esse œcumenicum, & verum Concilium: vt eorum definitiones auctoritatem fidei diuinæ obtineant, & ad credendum fide diuinà obligent: quæ definitiones sunt plerumque necessariæ ad extinguendas hæreses, & decidendas fidei controuersias, in Scriptura, & traditionibus clari, non satis expressas. Neque minùs Ecclesia debet nunc agnoscere Alexandrum VII. esse verè Summum Pontificem; quàm Ecclesia primitiua Petrum, Linum, vel Clementem. Et non minùs debet credere definitiones Conciliorum posteriorum esse à Spiritu sancto, vt illis firmiter adhæreat fide diuinà; quàm Ecclesia primitiua credebat definitionem Concilij Ierolofymitani (de quo Act. 15.) esse à Spiritu sancto. Neque propterea condit Ecclesia nouos articulos fidei: nouos, inquam, simpliciter, & distinctos prorsus à reuelatis per Christum, & Apostolos. Cùm nihil definiat, nisi vel explicando quid olim reuelatum fuerit, & verum sensum diuinarum traditionum: vel extendendo reuelationes diuinas, & applicando ad ea, quibus conueniunt, vt antea dictum est. In quem sensum loqui debent, vt verè sentiant, Waldensis, Canus, & Alphonsus à Castro, quos citant, & sequuntur Valentia quæst. 1. de fide punct. 6. & Aegid. Coninck. disp. 12. dub. 6. quando affirmant Ecclesiam non posse condere nouum articulum fidei.

S E C T I O III.

Soluntur obiectiones contra doctrinam præcedentem.

12.
Quo sen-
su fides à
Christo
& Apo-
stolis suf-

Contrarium docent aliqui recentiores, & obijciunt primò, ex D. Thoma q. 1. art. 10. ad 1. veritatem fidei fuisse sufficienter explicatam in doctrina Christi, & Apostolorum: Ergo quæcumque nunc creduntur, fuerunt expresse tradita à Christo, & Apostolis. Respondeo, D. Thomam ibidem addere immediatè post, *Sed quia peruersi homines Apostolicam do-*

ctrinam, & cetera doctrinam, & scripturam pervertunt ad sui ipsorum perditionem, sicut dicitur explicata à Petri vii. Ideo necessaria fuit temporibus præcedentibus fidei explicatio contra insurgentes errores.

Sensus ergo D. Thomæ est, fidei veritatem fuisse à Christo, & Apostolis explicatam sufficienter pro illo tempore. Non tamen ita vt necesse non fuerit quædam magis deinceps explicare ad decidendas fidei controuersias, & errores vitandos, vt in Concilijs generalibus factum est. Deinde, vt à Christo & Apostolis sit facta sufficiens explicatio veritatis fidei, non est necesse Christum, & Apostolos determinasse omnia particularia, ad quæ deinceps reuelationes generales debebant applicari, & extendi: Sed sufficit expresse tradidisse veritates illas vniuersales, simulque docuisse Ecclesiam in suis applicationibus, & determinationibus falli non posse; atque ita regulam tradidisse, quæ cetera cognosci possent.

Obijciunt secundo, Concilium Trid. Sess. 4. Decreto primo, in principio, affirmare omnium salutarem veritatem, & morum disciplinam contineri in libris scriptis, & sine scripto traditionibus, quæ ipsius Christi ore ab Apostolis acceptæ, aut ab ipsis Apostolis spiritu sancto dictante, quasi per manus traditæ, ad nos vsque peruenerunt. Ibidemque vocat Euangelium fontem omnis veræ, & salutari veritatis, & morum disciplinæ. In fonte autem fuit quidquid est in riuis, quatenus sunt riuus fontis illius. Itaque quidquid fide diuinà tenemus, à Christo & Apostolis deriuatum est. Addunt illud Christi ad Apostolos, Ioan. 16. v. 13. *Cum veneris ille Spiritus veritatis, docebis vos omnem veritatem.*

Respondeo, omnia in doctrina Christi, & Apostolorum, siue in Euangelio, contineri distinctè, vel confusè; explicitè, vel implicite: tum in propositionibus generalibus, sub quibus continentur particulares, quæ ab Ecclesia determinantur; tum in eo quòd Euangelium commendat auctoritatem, & infallibilitatem Ecclesiæ in diuinis reuelationibus explicandis, vel applicandis: ex eaque parte supplet id quod deest distinctionis, vel applicationis, propositionibus expresse traditis in Scriptura. Et hæc sufficiunt, vt dicatur Euangelium esse fons omnis salutari veritatis. Sicut ibidem dicitur fons omnis salutari morum disciplinæ, quia dat generalia morum principia, & aliunde commendat auctoritatem Ecclesiæ in statuendo de moribus & disciplina: non autem quòd omnes morum reformationes salutares, à Concilijs, & Pontificibus traditæ, sint formaliter, & secundum se à Christo, & Apostolis datæ: quod manifestè falsum est: cùm in illis magna extiterit, & nunc etiam existat variatio, atque interdum mutatio in contrarium quoad nonnulla ad disciplinam Ecclesiasticam spectantia; ob contrarias exigentias, & rerum vicissitudines. Christus autem Ioan. 16. significat tantum Spiritum sanctum suo aduentu docuisse Apostolos omnem veritatem necessariam pro statu rerum illius temporis; quod ne quidem simul fecit, sed successiue, vt ex Actis Apostolorum & Apocalypsi constat, vbi Apo-

Roli summi Petrus, Paulus, Ioannes, & alij, multa successivè docuerunt à Spiritu sancto. Et sic etiam successivè, cum opus est, Spiritus sanctus Ecclesiæ suggerit quæ necessaria sunt ad ipsius conservationem, & ad errores pro-pulandos.

14. Obijciunt tertio, dignitatem Apostolorum, & Ecclesiæ primitivæ, virutibus, & donis Spiritus sancti multò illustrioris, quàm deinceps, exigere ut omnia fuerint illis explicite nota: neque expedire, ut habeat Ecclesiæ potestatem novos articulos condendi, novumque, ac novum onus fidei subinde imponendi: quasi non sufficiat fides ab Apostolis tradita, quæque Ecclesiæ primitivæ sufficiebat. Maxime verò, cum iam homines sint eo imbecilliores, quò magis absint à summis illis rationibus credibilitatis per Christum, & Apostolos coram exhibitis, & nunc tantum per relationem post multa sæcula ad nos pervenientibus. Confir-matur ex D. Thoma q. 1. a. 7. ad 1. ubi ait eos perfectius cognovisse, qui fuerunt viciniore aduentui Christi: ut nimirum magis illuminan-tur, qui sunt propinquiore Soli; & melius obiectum vident, ac distinctius, qui propius intuentur.

Debe-
rior ne
omnia
esse nota
explicitè,
primiti-
væ Eccle-
siæ?

Respondeo, ad dignitatem Apostolorum, & Ecclesiæ primitivæ pertinere, ut omnia, quæ ad bonum illorum statum necessaria erant, fue-rint illis abundè nota: cuiusmodi non erant aliqua, quæ deinceps oportuit determinare. Neque propterea habet Ecclesiæ potestatem condendi novos articulos fidei: cum nihil desi-nat, nisi vel explicando sensum verum divi-narum traditionum, vel extendendo revela-tiones divinas, ut antè dictum est. Sed neque obstat hominum præsentium infirmitas, cui satis adhuc suppetere subsidij ad credendum auctoritati Ecclesiæ Christianæ, patet ex dictis disputatione superiori, Sect. vii. D. Thomas autem, loco citato in obiectione, moraliter intelligendus est; nimirum quod tempore Christo viciniore fides distinctior & perfectior communiter fuerit, tum in plebe, tum in ca-pitibus Ecclesiæ: quàm tempore remotiori: quatenus plebs melius fuit instructa, & illu-strata circa fidei dogmata: Et licet quædam postea fuerint nota, quæ tunc non erant; ex-cessus tamen ille superatur ab excessu claræ, & distinctæ notitiæ, quæ tunc plurima percipie-bantur, quæ nunc vulgò tantum obscure, & confusè cognoscuntur. Quoad Capita verò, multò plus habuere notitiæ mysteriorum fidei, absolute loquendo, quàm vlli posteriorum, ut tanquam certum docent communiter Theologi: & merito, quia statuti sunt à Christo Pa-tres, & Doctores, & fundamenta totius Eccle-siæ. Imò & quàm anteriores, Principes leg-is naturæ, vel Mosaicæ, imperfectioris lege Evangelicæ. Inter quos etiam ferè omnes Ioan-nes Baptista excelluisse videtur. Dico, ferè: quia si cum Adamo, Abrahamo, Moysè, Da-vidè, Isaiâ, compararetur, res est incerta. Plebs Iudaica quoque Christo vicina plura ha-buit explicata in libris Prophetarum, & tra-ditionibus divinis, quæ toto fere tempore leg-is Mosaicæ aucta sunt, novis subinde libris

Quomo-
do Chri-
sto vici-
niore

Canonicis additis, quàm haberet ætas supe-rior, & à Christo remotior. Verumtamen non est exactè, & mathematicè servanda compa-ratio: quasi vel plebs, vel Capita, quò magis à Christo distant, minùs habeant luminis fidei. Nam Christus non est agens naturale, ut Sol illuminans: sed agens liberum, illustrans Ca-pita & plebem, prout vult. Et experientia doce-t, fidem tam in plebe, quàm in Capitibus, postquam aliquandiu viguisset, diminuisse. Tum iterum Doctores præstantiores, & Pastoribus diligentioribus suscitatis, idque sæpe occasione hæresum, doctrinam fidei re-floruisse: quæ sitis, evulgatis, & explicatis ma-iore studio divinis traditionibus. Quæ vicissi-tudo in lege quoque naturæ, & Mosaicâ lo-cum habuit: Deo subinde novos Patriarchas eximios, aut Prophetas suscitante ad fidem excitandam. Quare dictum illud D. Thomæ moraliter tantum, & ut plurimum, intelli-gendum est.

SECTIO IV.

Examinatur alia sententia.

A Duerantur etiam aliquatenus nostræ sententiæ eruditi quidam Recentiores, quorum doctrina his tribus propositionibus continetur. Prima est, Ecclesiam nihil defini-re tanquam fide Catholica tenendum, quod non fuerit olim à Deo revelatum per Chri-stum, vel Apostolos; & cuius revelationis non extent aliqua indicia, & argumenta, per quæ aliquo modo determinetur Ecclesiæ ad huius-modi definitionem. Quia, inquit, ita ve-rus est vniuersaliter, quòd Apostoli sint fons omnis salutis veritatis, & disciplinæ, quòd-que omnis veritas continetur in libris scriptis, & traditionibus, quæ ipsius Christi ore ab Apostolis acceptæ, aut ab ipsis Apostolis Spi-ritu sancto dictante, quasi per manus traditæ, ad nos usque pervenerunt; ut Trid. ait Sess. 4. Decreto 1. Si enim esset proors obfcura Scri-pturæ sententia, vel traditio Christi, & Apo-stolorum, & non magis determinaret in vnam partem, quàm in aliam; non posset dici quòd Scriptura, vel traditio illa conferret ad nostram fidem; & si veritates definiendæ discordant ab hominum memoria; deberet Spiritus sanctus eas ita docere, ac si nulla vnquam facta de illis fuisset revelatio Apostolica. Quomodo ergo essent veritates, quæ ab Apostolis per manus ad nos perveniant?

Docent secundò, non semper tamen extare indicia euidencia, & infallibilis revelationis olim factæ, seu traditionis Apostolicæ: sed ali-quando esse tantum probabiliora; illaque sus-ficere, ut Ecclesiæ possit definire. Quod probant primò, quia quicumque negant Ecclesiæ potestatem ita definiendi veritates fidei con-trouersas, nimis demissè sentiunt de illius gu-bernatione per Spiritum sanctum; faciunt enim Ecclesiam valde dependentem ab homi-num memoria, vel ab humano discursu, si nihil potest definire absque indubitabili me-moria

15.
Prima it-
lius pro-
positio.

16.
Secunda
proposi-
tio.

vt quod illis deest, suppleatur noua Dei reuelatione, quā certissime intelligatur quid olim reuelauerit. Tunc autem nouam interuenire reuelationem, & necessariam esse, probant quia quando discursu evidenti, & infallibili, non eruitur propositio definienda ex alijs propositionibus in aliqua regula fidei iam evidenter contentis, vel etiam evidenti experientia, & vñ terminorum non intelligitur prioribus æquiualens, aut denique non est omnino indubitabilis, euidensque experientia, & memoria, quod propositio definienda manauit ab Apostolis; debet esse noua reuelatio, vt illa propositio sit obiectum fidei. Debet enim consistere infallibiliter Deum dixisse aliquam propositionem, vt possit esse obiectum fidei. Sed vbi neque discursu evidenti, addendo propositiones aliter euidentes, neque experientia, aut memoria infallibili, constat Deum dixisse aliquam propositionem; non superest via, quā id constet infallibiliter, nisi Dei iudicio, de qua constet euidenter: Ergo, &c. Itaque quando Ecclesia sic definit, tamen non tradit noua fidei dogmata, sed olim antea reuelata per Christum, & Apostolos, atque ab illis per manus ad nos vsque transmissa: neque tunc fiat noua omnino reuelatio, quasi eadem res non fuerit antea per Christum, & Apostolos tradita: sit tamen renouatio antiquæ reuelationis, & noua reuelatio secundum quid: quatenus Deus de nouo, & iterum significat quid antea reuelauerit. Quando enim deest omne aliud medium infallibile, quo constet sufficienter quid antea reuelauerit, necessarium est, vt ipse iterum reuelet. Quemadmodum si herus aliquid seruo imperasset, cuius ipse iam non haberet memoriam, neque aliunde posset scire quid imperatum sit; necessarium esset illi, vt ab herō iterum intelligeret quid imperauerit.

18. Examinatur prima propositio.

Prima propositio huius sententiæ nobis non aduersatur: non tamen satis efficax probatur auctoritate Trident. quam adducit. Quia, vt præcedenti Sect. notauimus, Trident. ibi loquitur æque de morum disciplina, atque de salutari veritate, quam vtramque ait contineri in Euangelio tanquam in fonte omnis & salutaris veritatis, & morum disciplinæ, id est, in libris scriptis, & sine scripto traditionibus, quæ ipsius Christi ore ab Apostolis acceptæ, aut ab ipsis Apostolis Spiritu sancto dictante, quasi per manus traditæ, ad nos vsque perueniunt. Est autem manifestum Ecclesiam nihilominus quædam omnino noua, & nunquam antea determinata constituere, quoad morum disciplinam, prout varijs locis, & temporibus expedire iudicat: quemadmodum ex g. in Concilio Trid. irritauit matrimonia clandestina, quæ antea solum erant prohibita; & impedimenta matrimonij propter consanguinitatem, aut affinitatem, ad quartum gradum restrinxit, cum antea latius paterent vsque ad septimum. Itaque locus ille Trid. non probat. Ecclesiam non posse similiter definire aliqua nunquam antea reuelata. Et sicut omnis disciplina morum eo tantum sensu manauit à Christo, & Apostolis, quia illi partim expresse

eam tradiderunt, partim principia quædam generalia, quibus constat Ecclesiam habere auctoritatem determinandi quæ pro tempore & loco necessaria sunt ad disciplinam Ecclesiasticam, & bonos mores fidelium: ita dici posset omnes veritates fidei partim hoc, partim illo modo ad nos vsque manasse ab Apostolis. Aliunde igitur probanda est efficacius hæc assertio ex vñ, & praxi Ecclesiæ huc vsque, quæ nihil vnquam definiuit, nisi quod proferretur se accepisse à Christo, vel Apostolis: imò etiam nihil quod non prius contineretur infallibiliter in principijs reuelatis, & traditionibus antiquis, quarum adhuc extabat certa, & sufficiens memoria, vel haberi poterat sufficiens notitia, Spiritu sancto adiuuante ad illas bene penetrandas: vt patebit respondendo instantijs in secunda propositione aduersariorum allatis. Quæ etiam de causa definitionem Conciliorum præcedit exacta, & diligens inquisitio testimoniorum Scripturæ, verique illorum sensus, & scriptorum sanctorum Patrum, aliorumque monumentorum antiquæ traditionis: non solum, vt nihil illis contrarium statueretur, vel ab illis acciperetur qualicumque lux: sed vt ex illis tanquam sufficientibus argumentis intelligatur quid sit definiendum, quidve hæc de re Christus aut Apostoli tradiderint.

Secunda propositio eisdem sententiæ non satis firmis nittitur argumentis, & sine sufficienti fundamento à comunione recedit. Ad primum enim dicendum est, non posse melius iudicari quale sit regimen Spiritus sancti circa Ecclesiam in definitione fidei, & quantum ipsa pendeat à memoria hominum conseruatricæ traditionum, vel ab humano discursu applicante principia reuelata ipsi, ad quæ legitime extenduntur: non posse, inquam, melius id iudicari, quàm ex sensu ipsiusmet Ecclesiæ, qui per vñm eius perpetuum huc vsque, & praxim in definiendo, nobis innouescat. Sed Ecclesia in tot, tantisque controuersijs huc vsque excitatis nihil vnquam definiuit, vt tenendum fide diuinā, sine iudicio infallibili reuelationis olim factæ per Christum & Apostolos, vel in Scriptura bene intellectā Spiritus sancti auxilio: vel in oris traditione adhuc conseruata per hominum memoriam satis constantem, & firmam: Ergo, &c. Maior patet, quia morales potestates ad agendum, quæ propter vñm frequentem & necessarium conceduntur, non possunt melius cognosci, quàm ex ipso vñm perpetuo. Minor vero probatur, quia si vnquam Ecclesia fuit aliter vñ potestate definiendi, maxime in illis definitionibus, quas in exemplum proferunt aduersarij. Sed neque tunc aliter definiuit, vt patebit in solutione tertij argumenti. Quod si aliqua interdum afferuntur in discursu Conciliorum non satis firma; definiunt non fundatur in illis, sed in alio certo principio.

Ad secundum Respondeo primo, sicut iusto non est lex posita, inquit Apostolus 1. Timoth. 1. v. 9. id est, non egent iusti lege cogente, & coërente, quia sponte faciunt id, quod lex præcipit: ita non fore inconueniens si Docti sine passione, & præprocuratione iudicantes,

19. Exponitur secunda, & respondetur illius argumentis.

Ecclesia quomodo de his aliquid esse debet?

20.

Eius de v. 9. id est, non egent iusti lege cogente, & coërente, quia sponte faciunt id, quod lex præcipit: ita non fore inconueniens si Docti sine passione, & præprocuratione iudicantes,

non egeant definitione Ecclesie cogente ad credendum : quia sponte credunt id, quod ex sufficienti consultatione vident contineri in antiquis traditionibus. Et certè multa in Concilijs definitiuntur contra hæreticos, de quibus antea euidenter constabat Doctis esse de fide : cuiusmodi sunt multa in Trid. de peccato originali, de Iustificatione, de merito bonorum operum, de Sacramentis, de Purgatorio. Neque propterea verum non est quod Isaias dicit, Gentes omnes, Doctis etiam inter eas comprehensis, accipere ab Ecclesia vias Domini. Nam ab illa accipiunt antiquas reuelationes scriptas, vel non scriptas, & quidquid fide diuina credunt. Respondeo secundo, Doctos si passione, vel præoccupatione impediuntur ne videant veritatem sufficienter apparentem, vt plerisque contingit, egere definitione Ecclesie. Si verò iam tali vitio carent; sunt illius capaces, & possunt alias in illud cadere. Quare egent definitione Ecclesie, vt firmetur, & constanter illi veritati adhæreant, tanquam sufficienter contenta in Scriptura, vel traditionibus diuinis; de quo dubitare nequeunt postquam Ecclesia id clarè definiuit. Tertiò, fieri potest, vt ne doctis quidem sine passione, & præoccupatione iudicantibus satis certò appareat intelligentia veri sensus Scripturæ, in qua continetur veritas definienda : sed ille per assistentiam Spiritus sancti, & lumen ab ipso concessum, melius innotescat Pontifici, & Patribus ius definiendi habentibus, & quibus promissa est infallibilis assistentia Spiritus sancti. Atque ad hunc etiam finem imploratur eius lumen à Concilijs, & ad cætera omnia bene peragenda, siue consultando, siue definiendo de rebus fidei, aut de morum disciplina Ecclesiastica determinando. Hoc tamen non est noua reuelatio, propè loquendo, vt ostendimus in fine Sectionis.

Ad tertium Respondeo, definitionem illam Trid. fuisse antea sufficienter contentam in Scriptura, affirmante generaliter homines renasci per baptismum ex aqua, & Spiritu sancto, Ioan. 3. v. 5. Et Spiritum sanctum effundi in nòs abundè per lauacrum regenerationis, & renouationis, Tit. 3. v. 5. Et charitatem diffundi in cordibus nostris per Spiritum sanctum qui datus est nobis, Rom. 5. v. 5. Et quotquot in Christo baptizantur, induere Christum, Galat. 3. v. 27. Et semen Dei manere in illis omnibus, qui nati sunt ex Deo, 1. Ioan. 3. v. 9. Quæ omnia generaliter dicta de baptizatis, conueniunt æquè paruulis, ac adultis. Quare illis æquè infunditur per baptismum Spiritus sanctus, & charitas Dei per Spiritum sanctum, alique virtutes permanentes, & habituales, in quibus consistit regeneratio spiritalis, & semen Dei, & per quas induimus Christum, id est, simus illi similes, & diuine confortes nature, vt loquitur Petrus Apostolus Epist. 2. c. 1. Quapropter meritò Suares lib. 6. de Gratia c. 3. n. 3. affirmat, licet ante Tridentinum non esset hoc dogma receptum, tanquam dogma fidei, quoad promulgationem & sufficientem propositionem toti Ecclesie factam, ne quidem quoad adultos, de quibus tamen etiam

tunc id pro certo, & comperto habebatur ab omnibus Theologis, vt supponit Concilium Viennense : Nihilominus hoc idem dogma in se scriptum semper fuisse de fide : quia reuerà erat in Scriptura contentum, quamvis nondum esset per Ecclesiam apertè explicatus hic Scripturæ sensus, neque per se ram esset perspicuus, & obuius, vt omnibus pateret. Hoc tamen non obstat quo minùs in se verus esset, & satis intelligibilis, attentis cum ope Spiritus sancti considerantibus : sicut etiam à multis antiquis Patribus Scriptura ita intelligebatur, vt patet ex plurimis eorum testimonijs, quorum aliqua illustriora retulimus in Tract. de Iustificat. Et hoc Concilium Viennense non latuisset, si in locorum illorum Scripturæ intelligentiam exactè disquirendam, & penetrandam incubuisset, ad eumque finem consultationem diligentem, & studium definiendi conciliariter adhibuisset. Verùm id agendum non susceperat : sed obiter tantum pronuntiavit vera sententia è duabus receptis inter Theologos illius temporis magis sibi placeret, propiusque ad veritatem accederet. Neque verò tanta erat tunc temporis apud Theologos intelligentia Scripturarum, quanta nunc est, & fuit tempore Concilij Trid. post eruditus tamen multorum interpretum Commentarios, quorum etiam studium acuerunt hæreses ab eo tempore suscitatae circa iustificationem, & alia fidei dogmata nunc controuersa. Vt mirum esse non debeat verum illum Scripturæ sensum circa iustificationem paruulorum, non fuisse Theologis illius temporis obuium, aut satis certò cognitum.

Ad alteram verò instantiam de Epistola Iacobi, Respondeo Concilium Carthaginense III. vel IV. habuisse pro fundamento sufficienti ad illam Canonem inferendam consensum omnium penè Ecclesiarum. Nam Eusebius, qui fuit Hieronymo, & Concilio illo antiquior, ita scribit de Epistolis Iacobi, & Iude, lib. 2. hist. c. 25. *Sciendum est quod à nonnullis non recipiuntur. Nos tamen scimus, etiam istas cum cæteris ab omnibus penè Ecclesijs recipi.* Consensus autem tot Ecclesiarum, & memoria tam vniuersalis, erat sufficiens & infallibile argumentum antiquæ traditionis, quamvis nonnulli de ea dubitarent : de quibus intelligendum est quod ait Hieronymus, successu temporis Epistolam illam obruimisse apud eos auctoritatem. Sanè illam, vt Canonicam longè antea citauerant ad confirmanda fidei dogmata Cyprianus in lib. ad Nouatianum, Dionysius c. 4. de diuinis nominibus, alique plures, vt videre est apud Cornelium à lapide, & alios interpretes eius Epistolæ, in Prolegomen. Epistolam quoque ad Hebræos longè ante idem Concilium, imò semper, fuisse receptam ab omnibus Græcis Patribus, excepto solùm Caio, & ab omnibus Latinis, exceptis solùm Tertulliano, Cypriano, Lactantio, & Arnobio, docet & probat Bellarminus lib. 1. de verbo Dei c. 17. Ibi demum c. 19. ostendit de Apocalypsi fuisse semper vniuersalem consensum, non modò Latinæ Ecclesie, vt fatetur Hieron. citatus in obiectione : verum etiam Græcorum Patrum,

21. Quo fundamento definiuit Ecclesia quodam libros esse Canonicos. Epistolam Iacobi, & Iude.

Epist. ad Hebræos.

Apocalypsis.

Nam librum illum, vt Canonicum, & verum Ioannis Apostoli factum citant Dionysius, Iustinus martyr, Irenaeus, Theophilus Antiochenus, Melito Sardienfis, Dionysius Alexandrinus, Eusebius, Clemens Alexandrinus, Origenes, Athanasius, Epiphanius, Chrysostomus, locis à Bellarmino ibidem relatis : qui inde merito concludit necessarium esse Græcos illos, qui, Hieronymo teste, Apocalypsim non recipiebant, paucos, & obscuros fuisse : quorum dubitatio, aut falsa persuasio non impendebat ne tot aliorum testimonium esset indubitabile. Idemque dico de Latinis illis, quos Hieronymus ait non recepisse Epistolam ad Hebræos. Si quid verò in Scripturis ita abstrusum est, vt ex eo tanquam ex medio præiacente non possit euidenter, aut certò, infallibiliter colligi definitio Ecclesiæ, Spiritu sancto iuuante, & dirigente intellectum, vt vim medijs cognoscat : non habet Ecclesia potestatem definiendi vi illius medijs ; neque definit, si nulum aliud suppetat. Merito tamen damnabit remercitiis eos, qui suas interpretationes circa eiusmodi Scripturæ loca pro fidei dogmatibus vellent intrudere. Nam vt sapienter ait D. Aug. lib. 2. de Peccatorum meritis, & remissione, c. 36. *Vbi de re obscurissima disputatur non adiunantibus diuinarum Scripturarum certis, clarisque documentis, cohibere se debet humana præsumptio.* Loquitur autem Sanctus ille Doctor de questionibus obscurissimis (qualem esse putabat ipse de origine animarum) ad quas definienda non suppetunt vlla firma testimonia, sed solum coniecturæ aliquæ ex diuinis literis.

Ad quartum Respondeo, Spiritum sanctum suggerere in dies Ecclesiæ omnem veritatem, non de nouo reuelando fidei dogmata, sed iuando ex parte principij, & dirigendo, atque illustrando intellectum, vt melius percipiat veritates iam olim à Deo reuelatas, & scripturas diuinas, aliæque fundamenta, vel argumenta, quibus satis certò & infallibiliter consistere potest de reuelatione iam facta per Christum, & Apostolos. In quo non interuenit noua reuelatio, vt fatentur Aduersarij : sed solum quando medium præiacens definitioni Ecclesiæ non sufficit ad certò definiendum, quòd in ea contineatur veritas definienda. Tunc enim, inquirunt, oportet Spiritum sanctum suppeditare medium obiectiuum nostræ fidei, in quo perspicuius ea veritas : quod non potest esse aliud, quam eius testimonium. Est autem necessaria suggestio Spiritus sancti, quia sine illà, multa Scripturæ loca, & alia fidei nostræ fundamenta, non possent sufficienter intelligi. Quemadmodum etiam necessaria est singulis credentibus, ad motiua credibilitatis sufficienter, & pro merito expendenda, prudentèr discernenda. Reliqua quæ adduntur ab auctoribus illius sententiae, vel nobis non obstant, vel ex dictis soluta manent.

SECTIO V.

An reuelata mediata, & quæ deducuntur ex principijs fidei, sint de fide?

Superest explicandum id quod Disp. 1. Sect. 146
ult. hunc in locum remissum, an scilicet
ea, quæ Deus tantum mediata reuelauit,
de fide sint? Pro quo nota primò, non esse hic
questionem de reuelatione mediata ex parte
reuelantis, id est, facta à Deo per alium, cui
ipse primò reuelauit, & per eum denunciat
alijs se reuelasse. Certum enim est reuelatio-
nem diuinam quomodocumque factam, siue
ab ipso immediatè, siue per alium, sufficere
vt sit obiectum formale fidei, accedente suffi-
ciente ratione creditibatis. Nam testimo-
nium diuinum quomodocumque denuntiatum,
dummodò certò constat, dignum est assensu
fidei certissimo, & supernaturali, ob summam
Dei testificantis auctoritatem, & eminentiam.
Verum tamen est, quod rectè aduertit Suares
Disp. 4. Sect. 1. n. 6. in omni sufficienti pro-
positione fidei Deum interuenire, specialiter
adiuando ad reddendam reuelationem credi-
bilem. Nempe vel signa aliqua diuina & mira-
bilia, externa, vel interna operando, vt ostendat
se dixisse : vel interius adiuuando, vt aliàs
exhibita, & adhuc aliquo modo moraliter in
hominum memorià, & in aliquo signo, vel ef-
fectu remanentia, bene quisque percipiat, &
de fidei propositione dignè & conuenienter iu-
dicet. Quia id, vt condignè fiat, eget auxilio
gratiæ speciali : vt colligitur ex Trid. Sess. 6.
can. 3. & clariùs ex Mileuit. & Arausic. de quibus
alibi. Non est, inquam, sermo de reucla-
tione mediata, ex parte reuelantis ; sed de me-
diata ex parte obiecti ; quando scilicet obiectum
non est reuelatum immediatè, & formaliter
in seipso, id est, secundum se sub ipsidem
terminis, aut æquivalentibus ; sed tantum
mediatè, & virtualiter in alio, id est, per
aliud, ex quo deduci potest, & cum quo est
connexum, vt lumen v. g. est connexum cum
Sole, & proprietas cum essentia.

Nota secundò, duobus modis posse aliquid
esse reuelatum formaliter, & immediatè : ni-
mirum aut expressè, quando scilicet discretis
verbis exprimitur ; aut confusè, vel implicitè,
quando illud ipsum, etsi non sit expressum à
reuelante ; continetur tamen in reuelatione, vt
aliquid idem secundum sensum cum expressè
reuelato, aut de conceptu illius integro, aut
tanquam pars totius reuelati expressè, adæ-
quatè sumpti secundum sensum reuelantis. Sic
Deus expressè reuelans Christum esse homi-
nem, reuelat implicitè Christum esse animal
rationale : quia definitio, & definitum, secun-
dum sensum, idem sunt. Reuelat etiam Chris-
tum habere corpus, & animam rationalem ;
quia corpus, & anima rationalis sunt partes
hominis adæquatè sumpti. Similiter Deus re-
uelans expressè aliquam propositionem vniuer-
sale in sensu distributiuo, vt, *Omni homo*
mendax. Statutum est omnibus hominibus semel

status
questio-
nis.

Idem infra
Disp. 10.
Sect. 1.
Num. 6.

Idem
Reuelat
formali-
ter & im-
mediatè
duplex
est.



Noti : reuelat confusè omnes propositiones particulares contentas in illa generali adæquate sumpta secundum sensum Dei reuelantis. Semper enim illud omne quod continetur in aliquo roto, quò reuelatum est; reuelatur implicite, & confusè in illo : siue illud totum sit totum essentialiter : siue totum integrale : siue totum potentiale, aut vniuersale, sub se complectens multa particularia : Ratio est, quia hæc omnia sunt de pleno, & integro conceptu reuelationis.

26. *Dupliciter potest aliquid deduci ex reuelatis.* Nota tertio, duobus modis posse quippiam deduci ex principiis fidei. Primo, ex illis solis; vt, Christus dedit Apostolis potestatem remittendi peccata, Ioan. 20. v. 23. Ergo Apostoli habuerunt hanc potestatem, Item qui omnia creauit, Deus est, Hebr. 3. v. 4. Christus autem creauit omnia, ibidem cap. 2. v. 10. Ergo Christus est Deus. Secundo, non ex illis solis : sed adiuncto aliquo principio naturaliter tantum noto, euidenter, certo aut probabiliter. Vt omnis homo est visibilis : Christus est homo, Matth. 1. v. 11. & sequentibus : Ergo Christus est visibilis. Omnis infans legitime baptizatus, est in gratia : Hic infans est legitime baptizatus : Ergo, &c. Minor constat euidenter ei, qui baptizatur; alijs verò, certo moraliter. Rursus principium naturale, quod adiungitur principio reuelato dupliciter se habere potest. Vel enim assumitur tantum ad ostendendum, id quod ponitur in conclusione esse partem reuelati immediatè, aut esse aliquid idem cum illo secundum sensum perfectum, & integrum : vel assumitur ad ostendendam connexionem naturalem conclusionis cum eo, quod immediatè reuelatum est. Vtteriùs, illatio syllogistica vel inferuit notitiæ conclusionis tanquam motiui, & ratio formalis illi assentiendi : vel solum vt inductio ostendens id, quod in conclusione ponitur, subesse immediatè, quamvis implicite, reuelationi, & contineri secundum se in antecedente reuelato : itavt illatio syllogistica sit tantum propositio, & applicatio reuelationis, propter quam immediatè assentiamur conclusioni, materialiter sumptæ, & per actum simpliciorum & non discursuum, assentiamur illi quia reuelata est, & sufficienter proposita. His præmissis,

27. *Reuelata immediatè sunt obiecta fidei.* Dico 1. quidquid immediatè, & secundum se, subest reuelationi diuinæ, siue expressè, siue implicite, est obiectum fidei Theologicæ, quatenus tale est. Ratio est, quia illud omne est credibile propter solum Dei auctoritatem; & non eger adminiculo alterius, cum per se solum formaliter & immediatè connectatur atque subiaceat reuelationi.

28. *Deducta ex reuelatis, vt talia, non sunt obiecta fidei.* Dico 2. Id quod deducitur ex principiis reuelatis, siue solis, siue adiuncto aliquo naturali principio, non est de fide quatenus deducitur, & cognoscitur vt naturalis illationis, tanquam motui & rationis formalis assentiendi. Ratio est, quia illatio naturalis non est digna assensu supernaturali, neque illi satis proportionata est; vt sit illi motiui, & ratio formalis assentiendi. Ideoque fides supernaturalis non assentitur propter illam; sed propter simplicem connexionem testimonij diuini cum

veritate reuelata, quam connexionem & applicationem Deus ipse facit reuelando, seu testificando. Nam testimonium est essentialiter alicuius, & de aliquo : tamque illa connexio est supernaturalis, & digna assensu supernaturali, quam ipsum testimonium, in quo inuoluitur essentialiter. Illatio verò syllogistica est opus merè naturale, vel artis humanæ; cui non debet fides supernaturalis subijci, veluti regulæ, vel obiecto formali.

Dices, Numquid fides discurret & inferit syllogisticè, quando assentitur reuelato propter reuelationem? Ideo enim credit, quia Deus dixit : imò & alterum principium assumit, Quicquid Deus dixit, verum est. Confirmatur quia discurrere nihil est aliud, quam ex notis ignota deducere. Atqui fides ex testimonio Dei noto deducit notitiam reuelati, per se obsecuti. Ergo discurret. Respondeo, In obiecto quidem fidei semper esse materiam discursus integri, & illationis syllogisticæ : verumtamen fides non discurret simpliciter, neque inferit vnum ex alio; sed simpliciter assentitur reuelato propter reuelationem ipsi immediatè à Deo applicatam : quam reuelationem Deus implicite affirmat esse veracem, eo ipso, quòd illam exhibet vt fidem faciat, & persuaदेat. At sicut in hac propositione causali, *Quia sol lucet, dies est*, non est discursus, sed iudicium simplex de connexionе effectus necessarii cum causa existente, cognoscendo vtrumque esse, & vnum esse propter aliud : sic assensus fidei supernaturalis non est discursus formalis, sed iudicium simplex de connexionе veritatis reuelatæ cum reuelatione diuina : Quia Deus hoc dixit, verum est.

Ad confirmationem respondeo, assentiri vni propter aliud vt simpliciter connexum, non esse deducere vnum ex alio, neque discurrere. Ad hoc enim necessarium est vt assentiat vni propter aliud, non propter simplicem connexionem, sed propter illationem; quia scilicet video vnum bene sequi ex alio, & bonam esse consequentiam vnius ex alio propter bonam & aptam dispositionem terminorum in forma syllogistica, vel alio genere argumentationis, aut consequentiæ, iuxta regulas dialecticæ : quod fides supernaturalis non facit, ideoque non discurret. Esto, fides humana possit vtroque modo assentiri, & propter simplicem connexionem, & propter illationem syllogisticam; quia vterque modus est illi satis proportionatus.

Dico 3. Id quod ita deducitur ex principiis reuelatis, vt ipsum quoque immediatè subest reuelationi; & deductio tantum inferuit vt ostendat illud subesse immediatè reuelationi, est de fide, non quatenus deducitur, sed quatenus subest immediatè reuelationi. Hæc conclusio sequitur ex duabus præcedentibus. Vnde collige 1. quando conclusio bene deducitur ex puris & solis reuelatis; id quod in ea ponitur, esse de fide quia consequens est semper de conceptu totali & integro antecedentis, & in illo solo continetur implicite. Ideoque si totum antecedens est reuelatum : consequens quoque est in illo reuelatum confusè & implicite.

K 3

32.
Licet de-
ducantur
aduocata
proposi-
tione na-
turali.

Collige 2. quando vni principio reuelato ad-
ditur aliud naturale, quo tantum ostenditur
consequens contineri in sensu adequato prin-
cipij reuelati, cui applicando solum inferuit:
consequens illud nihilominus esse de fide, dum-
modo constet euidenter aut certissime conti-
neri in illo. Vt, Omnis homo est mendax: Psal.
115. Petrus est homo: Ergo est mendax. Om-
nis infans qui abluitur aqua naturali cum his
verbis, *Ego te baptizo, &c.* & intentione faci-
endi quod Christus instituit, est valide bap-
tizatus, ex Florent. in decreto Eugenij. Sed
hic infans abluitur tali modo, vt mihi bap-
tizanti euidenter est, Ergo hic infans est valide bap-
tizatus. Item, Omnis infans valide bap-
tizatus est in gratia: ex Trident. Sess. 5. in de-
creto de peccato originali, §. 5. & Sess. 7. can. 6.
de Sacramentis in genere. Sed hic infans est
valide baptizatus. Ergo est in gratia. In quibus
syllogismis propositio minor est tantum
euidens applicatio principij reuelati ad hoc
particulare euidenter contentum sub vniuer-
sali propositione reuelata. Sic quia Ioanni Bap-
tiste reuelatum erat, *Super quem videris Spi-
ritum descendentem sicut columbam, hic est filius
Dei:* Ioan. 1. v. 33. Hoc ipso quod postea vi-
dit Spiritum sanctum descendentem super
Christum quasi columbam, fuit illi fide diuinā
credendum, Christum esse filium Dei. Et in
fine seculorum de fide erit, illum esse Anti-
christum, cui euidenter conueniant omnia de
Anti-christo predicta. Et quia Christus Luc. 11.
v. 17. generaliter reuelauit, *Omne regnum in
seipsum diuisum desolabitur:* hoc ipso quod vide-
mus hoc aut illud regnum esse diuisum in se
ipsum, de fide est desolatum iri, eo sensu quo
Christus reuelauit: nisi scilicet diuisiones ma-
ture extinguat. Et quia in simbolo reuelatum
est veram Ecclesiam illam esse, quæ est vna,
sancta, catholica, & apostolica: de fide est
hanc Ecclesiam, cui omnes illæ notæ conueni-
re videntur, esse veram Ecclesiam. Item ei,
qui euidenter sibi conscius est peccati mortalis,
de fide est se gratiā carere, & reum esse
mortis æternæ: cum sit reuelatum, omne pec-
catum mortale priuare gratiā, & reum facere
mortis æternæ. Dixi autem, dummodo eu-
identer aut certissime constet: quia si tantum
probabiliter, aut certitudine morali, id non
sufficit ad certitudinem assensus fidei superna-
turalis.

33.
Solutur
tur obie-
ctiones.

Obijcies 1. talem conclusionem sequi ex
vno principio non reuelato: neque enim re-
uelatum est, Petrum esse hominem; vel hunc
infantem esse valide baptizatum. Ergo talis
conclusio non est de fide: quia conclusio sequi-
tur partem debiliorem suæ causæ; neque po-
test habere certitudinem supernaturalem, si
vna præmissarum, à qua pendet, sit tantum
certa naturali certitudine. Respondeo fidem
supernaturalem non assentiri tali conclusioni
propter principium non reuelatum tanquam
motiuum formale assentiendi, & propterea ex eo
illatur: sed solum propter diuinum testimo-
nium applicatum immediatè per huiusmodi
propositionem naturaliter euidentem; seu po-
tius quia est euidentis conclusionem illam con-

tineri immediatè & implicite in propositione
à Deo reuelata, iuxta sensum & intentionem
Dei reuelantis. Nam quilibet homo singularis
continetur implicite sub illa propositione ge-
nerali & distributiva, *Omnes homines mendaces &c.*
quilibet infans, cui aqua naturalis cum verbis
& intentione debitis, applicata est, sufficiens
continetur immediatè & implicite in illa pro-
positione vniuersali reuelata, Omnis infans,
cui aqua naturalis cum verbis & intentione
debitis applicatur est legitime baptizatus, &
est in statu gratiæ.

Opponit 2. Aegidius Coninck Disp. 9. de
fide dub. 9. num. 123. Qui reuelat omnem in-
fantem valide baptizatum esse in gratia, non
reuelat eo ipso infantem hunc esse valide bap-
tizatum: neque est connexio necessaria vi
terminorum inter hunc infantem, & omnem
infantem valide baptizatum; sed tantum ex
suppositione quod valide baptizatus sit: quæ
suppositio non est reuelata, sed tantum nota
lumine naturali: ideoque conclusio non est
credibilis propter solam reuelationem diui-
nam, sed adiunctā naturali cognitione de bap-
tismo hic & nunc legitime applicato ac pro-
inde ipsa non est magis reuelata, & de fide,
quàm sit de fide baptismum fuisse legitime ap-
plicatum. Confirmatur; quia talis conclusio
non sequitur per se & immediatè ex propo-
sitione reuelata, sed tantum mediatè & per ac-
cidens, ratione propositionis naturaliter co-
gnitæ, quæ à Deo non est reuelata: atque ita
conclusio illa non potest magis esse à Deo re-
uelata, quàm hæc propositio, naturaliter tan-
tum cognitæ, sit à Deo reuelata. Cum enim
non possit participare esse reuelatum, nisi ra-
tione euidentis consequentiarum ex reuelatis: ne-
que possit hanc consequentiam habere nisi ra-
tione propositionis non reuelatæ, siue hæc me-
diante; sequitur eam non magis participare
esse reuelatum, quàm hæc id participet. Sicut
quando conclusio aliqua sequitur ex vna certa,
& alia tantum probabili; quia certitudinem
prioris non potest participare nisi mediante se-
cundā; non potest villo modo esse ista certior:
sequitur enim debiliorem partem suæ causæ:
Hæc Aegidius.

Ad quæ respondeo 1. eum qui reuelat om-
nem infantem, cui latando applicata est aqua
naturalis cum verbis & intentione debitis; esse
valide baptizatum; hoc ipso confusè reuelare
hunc infantem, cui euidenter hæc omnia con-
ueniunt, esse valide baptizatum: idèque vi
huius principij reuelati esse de fide quod sit va-
lidi baptizatus. Sicut reuelans vniuersaliter
omnem hominem debere mori, reuelat Pe-
trum debere mori: quamvis non reuelat in
particulati Petrum esse hominem, aut Pe-
trum debere mori. Nam propositio vniuersa-
lis distributiva æquiualeat omnibus particulari-
bus, per quarum descensum explicatur, & ve-
rificatur. Idemque est dicere, Omnis homo
debet mori: ac dicere, Petrus qui est homo
debet mori, & Paulus, & ceteri quotquot
homines sunt. Eodemque modo dicere quod
omnis infans, cui applicatur aqua naturalis
cum verbis & intentione debitis, est legitime

34.
Altera in-
stantia in-
repellit-
tur.

35.
Quomo-
do reue-
lato se
ad illa
extendat?

baptizatus; idem est ac dicere, Hic infans, cui aqua est applicata, &c. & ille, & ille, & ille, &c. est legitime baptizatus: quæ omnia particularia, Deo reuelanti notissima sunt: Deique testimonium extenditur iuxta eius notitiam, quam manifestat.

36. *Q. quomodo sunt de fide eiusmodi conclusiones.* Ad confirmationem respondeo, conclusionem illam non esse de fide vt conclusio est: sed propter continetur immediatè in principio reuelato: quæ contentia cognoscitur immediatè, & per se, ipso facto & experimento applicationis euidentis propositionis vniuersalis ad hoc particulare. Neque enim opus est discursu, & aliquo principio naturali assumpto; sed intuitu simplici, vt cognoscatur immediatè contineri, quatenus scilicet videtur illi immediatè & per se conuenire id, quod affirmat propositio reuelata. Quare non tantum per discursum participat reuelationem: sed per se ipsum, quatenus euidenter cognoscitur esse inclusum in vniuersali reuelato, & esse vnum de particularibus in illo reuelatis. Sicut euident est Petrum qui est homo, contineri in hac propositione vniuersali de fide, *Statutum est omnibus hominibus semel mori*. Debet quidem videri aut euidenter intelligi hoc particulare contineri in propositione vniuersali reuelata; sed hæc visio aut intellectio non est principium affirmati & obiectum formale: sed est tantum perceptio obiecti, se tenens ex parte potentie, non ex parte obiecti.

SECTIO VI.

*Sitne etiam de Fide propositio mediata
solum reuelata?*

37. *Conclusio affirmativa.* Dico 4. Reuelatio quoque virtualis tantum, seu mediata, sufficit etiam ad obiectum formale fidei. Quare id quod ex ea deducitur adiuvante aliquo principio naturali euidenter noto, est etiam de fide. Hæc assertio est contra Molinam 1. p. q. 1. art. 2. disp. 2. Suarezem Disput. 3. de fide, Sect. 11. Aegid. q. 9. dub. 9. Caiet. Valent. Cordub. & alios quos isti citant: traditur verò à Cath. in opusc. de certitudine gratiæ, assert. 6. Cano lib. 6. de Locis cap. ult. ad 10. §. *Sed eo id possemò*, Vega lib. 9. in Trident. cap. 39. & Mæratio 1. p. Disp. 2. de Deo, Sect. 5. qui meritò affirmat eandem esse sententiam D. Gregorij Nazian. Orat. 37. quæ est §. de Theologia, Non longè à fine affirmantis esse fide tenenda etiam ea quæ *vel nullo modo, vel certè non satis aperte dicuntur, ex Scriptura tamen intelligi, colligique reperiuntur*. Neque enim satisfaciunt quod respondet Molina supra §. *Pro solutione argumentorum*, Nazianzenum debere intelligi quod sint de fide late & improprie; nimirum eo sensu, quo fides extenditur ad habitum & assensum Theologum. Nam (vt rectè obseruauit R. P. Michael Camain, Religione, amicitia, & diuturnâ Theologice professione mihi coniunctissimus, à quo lucem & opem mutuatus sum in hac graui difficultate, in quâ alijsque pluribus, per eruditos recentiores, eum subintellexi) Nazianzenus argumentatur eo loco contra hæreticos negantes diuinitatem Spiritus sancti, eo quod per

Scripturam id non expresse constaret; & tamen fatentes Patrem esse ingenitum, & anarchum, hoc est, principij expertem; quod tamen in Scriptura expresse ostendere non poterant; affirmareque illos aut suis armis opprimi; aut non ita hærendum esse vocabulis, vt non habeatur æquæ ratio sensus, & eorum quæ ex illis colliguntur, tamen vel nullo modo, vel certè non satis exprimitur vocabulis. Minus verò satisfaceret huic authoritati qui diceret Nazianzenum loqui tantum de ijs quæ colliguntur ex vtraque propositione reuelata, & in Scripturis expressa. Nam vt idem rectè instat, cum nihil sit in conclusione, quod non sit in præmissis, ex quibus legitime deducitur; & tota conclusio continetur in præmissis simul sumptis; si ambe præmissæ dicuntur in Scriptura, conclusio quoque dicitur aliquo modo in Scriptura. Atqui Nazianzenus loquitur etiam de ijs quæ nullo modo dicuntur in Scriptura, vt patet ex eius verbis supra relatis.

Secundò, vt idem rectè argumentatur, ille 39. *Probatur 1. ratio.* sufficienter reuelat aliquid, qui vult hoc haberi pro vero vi sui testimonij. Deus autem reuelans aliquid, vult haberi pro vero vi sui testimonij, illud omne quod ita videt esse cum illo connexum, vt sine illo veritas sui testimonij stare non possit. Ergo illud omne, quod necessariò & euidenter est connexum cum principio reuelato, est sufficienter à Deo reuelatum. Probatur 3. quia vt rectè ait Mæratius supra citatus, quando duo aliqua sunt necessariò inter se connexa vel absolutè, vel ex hypothesi quæ de facto in rerum natura est, aut esse supponitur, qui dicit vnum, alterum quoque dicit. Sed propositiones, de quibus loquimur, sunt ita connexæ necessariò cum re aliqua à Deo reuelata, vel absolutè, quando vtraque propositio, maior scilicet & minor, reuelata est: vel si alterutra tantum, saltem ex hypothesi veritatis alterius propositionis naturæ lumine euidentis. Ergo Deus propositionem illam reuelans, simul etiam reuelat conclusionem. Minor est euidentis. Maiorem probat exemplis. Primò, quia ridiculus esset, qui audiens aliquem referentem fuisse Petro caput abscissum, quæreret ab illo. An Petrus sit mortuus? Quasi id non satis dixerit, licet tantum causam mortis expresse. Secundò, quis negat hæreticum, qui negaret Christum habuisse stendi & ridendi facultatem? Cum tamen de ridendi facultate id in se reuelatum non sit: sed vtraque facultas sit proprietates inseparabilis naturæ humanæ: ita vt sine illa nequeat esse natura humana. Tertiò sacerdos qui audiat plurimum confessionem sic diceret: Primus qui mihi confessus est, confessus est de homicidio: Ille autem primus mihi confessus est: esset sine dubio reus confessionis reuelata, quamvis non adderet: Ergo ille mihi confessus est de homicidio. Imò licet vnam tantum ex his duabus propositionibus proferret, sciens alteram esse audienti notissimam, esset perinde reus. Et tamen hic non reuelat nisi virtualiter, & mediata, propter alteram veritatem, quam sciebat audienti esse notam. Ergo hoc sufficit vt quis verè dicatur reuelare. Si autem sufficit, vt homo censetur reuelare, multò magis vt Deus.

38. *Probatur ex sanctis Patribus.*

40. *Probatur inductione per varia exempla.*

Confirmatur quia, ad veritatem testimonij non minus requiritur vt vera sint quaecumque sunt necessario connexa cum ijs quae testificantur; quam vt ipsum testimonium verum sit. Quia non potest vna veritas sine alia subsistere. Vnde inter homines in vtroque foro, ciuili, & Ecclesiastico, falsus testis iudicatur ille, qui conuincitur in aliqua circumstantia, sine qua veritas testimonij ipsius subsistere non potest. Ergo connexa reuelantur simul cum eo cui necessario connexa sunt.

41.
Probat
3. ex va-
rijs defi-
nitioni-
bus Ec-
clesiae.

Denique vt idem rectè addit eodem loco, omnis illa propositio est à Deo reuelata, & de fide, quam Ecclesia vt reuelatam & credendam definire & proponere potest. Atqui Ecclesia potest vt talem proponere omnem propositionem de qua loquimur, mediata scilicet reuelatam. Ergo, &c. Maior est certa: quia Ecclesia in definitionibus de fide non potest errare. Minore probat experientia. Multas enim tales propositiones Ecclesia proposuit: vt quod in Eucharistia fiat transsubstantiatio; id est, mutatio substantiae panis & vini in substantiam corporis & sanguinis Christi, manentibus ijsdem speciebus seu accidentibus panis & vini. Quia scilicet substantia corporis & sanguinis Christi non potest demonstrari sub accidentibus alterius substantiae, nisi haec substantia cum suis accidentibus instituta sit vsu communiter recepto, ad aliam continentiam; (sic enim ostenso dolio demonstratur vinum in eo contentum.) Cuiusmodi non erant panis & vinum respectu corporis & sanguinis Christi quando ipse pronuntiauit *Hoc est corpus meum, &c.* *Hic est calix sanguinis mei, &c.* vnde fit vt ad veritatem horum verborum necessaria fuerit transsubstantiatio. Item, Ecclesia proposuit tamquam de fide, quod confessio Sacramentalis debeat esse singillatim omnium peccatorum mortalium, & fieri sacerdoti habenti iurisdictionem erga poenitentem: quia Sacramentum poenitentiae fuit à Christo institutum in modum iudicii: iudicium autem non potest ritè exerceri & sententia pronuntiari, nisi causa cognita, & nisi iudex habeat iurisdictionem erga eum, quem iudicè absoluit. Quae propositiones non habentur in Scriptura, sed cognoscuntur euidenter lumine naturali. Alia quoque multa his similia ab Ecclesia proponuntur credenda: & tamen deducuntur solum per discursu Theologicum ex vna de fide, & altera naturali. Haec igitur omnia sic deducta debent censi reuelata, & de fide; idque non solum quia Ecclesia definit & proponit illa (nam Ecclesia non condit novos articulos fidei, neque facit esse de fide id, quod antea non erat; cum tantum declarat id fuisse à Deo reuelatum) sed maxime quia illa bene deducuntur ex aliquo principio reuelato, cum alioqui non sint in se reuelata.

43.
Reijciunt
aliud
exemplum.

Aliud exemplum addit Moratius, quod scilicet Ecclesia definierit Christum habere duas voluntates: quod tamen non est per se reuelatum. Sed contra, id satis habebatur in Scriptura, antequam definiretur in 6. Synodo contra Monothelitas, in his duabus propositionibus: Deus habet suam propriam, diuinam & increatam voluntatem. Christus est Deus. Ergo habet propriam, diuinam, & increatam voluntatem. Cuius syllogismi maior & minor

erant de fide. Rursus, Christus habet aliam voluntatem diuersam à diuina, humanam scilicet; vt dicitur Luc. 22. *Pater, non mea voluntas, sed tua fiat.* Ergo Christus habet duas voluntates.

Obijcies cum Agidio disput. 9. dub. 9. num. 122. ex nostra sententia sequi, posse aliquem testificari id quod penitus ignorat. Hoc autem falsum est. Ergo & illud vnde sequitur. Maior probatur: quia si rusticus testificetur v. g. hanc herbam esse Rhabbarum; hoc ipso, iuxta nostram sententiam testificabitur eam herbam purgare melancholiam; quia haec proprietas est necessario cum illa connexa. Minor autem probatur, quia testificari est asserere ex animo id, quod testificamur, ex scientia vel notitia propria rei; & illam notitiam prae se ferre, verè vel falsò. Respondeo 1. discrimen esse inter Deum, & homines: quia Deus aliquid testificans, nouit euidenter quicquid cum illo necessario connexum est, ita vt sine illo veritas sui testimonij subsistere non possit: homines autem multa eiusmodi ignorant.

Respondeo 2. rusticum illum, hoc ipso quod affirmat hanc herbam esse rhabbarum, affirmare implicite non autem expresse illam purgare melancholiam: idque sufficere absque alio testimonio cuiuscumque scienti necessariam connexionem huius proprietatis cum rhabbaro: qui autem nescit, eget tantum instructione, & notitia talis connexionis. Respondeo 3. hoc argumentum retorqueri posse in aduersarios, qui dicunt, hoc ipso quod aliquis affirmat Christum esse hominem, affirmare Christum habere corpus & animam rationalem, quibus homo constituitur essentialiter. Ex tamen potest aliquis rusticus affirmans Christum esse hominem, ignorare Christum habere animam rationalem, credereque ipsam diuinitatem illi esse loco animae rationalis, vt olim senserunt haeretici Apollinaristae.

Opponit 2. idem Agidius ibidem, eiusmodi propositiones non esse à Deo reuelatas in se ipsis, sed tantum in alio ex quo deducuntur. Ergo non sunt de fide in seipsis, sed tantum in alio, ex quo deducuntur, iuncta alià propositione naturaliter cognita: quae cum non sit à Deo reuelata, ergo neque istae, quae solum ea mediante participant esse reuelatum. Confirmatur quia, vt rectè addit Suares Disput. 3. de fide Sect. 11. num. 7. Illa ratio assentiendi non est merè diuina & supernaturalis, qualis requiritur ad assensum fidei diuinæ, & ad obiectum illius formale. Nimirum quia sumitur ex parte ab altera praemissa naturali. Vnde etiam assensus ille non potest esse certior, quam praemissa naturalis: ac proinde non est certa certitudine fidei diuinæ.

Ad 1. respondeo huiusmodi propositiones esse sufficientes à Deo reuelatas, cum tales sint, vt sine illarum veritate stare nequeat veritas diuini testimonij. Nam, vt supra diximus, Deus reuelans aliquid, videt quicquid cum illo est necessario connexum: & simul affirmat illud omne, quod cum illo ita connexum est, vt sine illius veritate stare nequeat veritas diuini testimonij. Ad confirmationem respondeo cum eruditis recentioribus, supra nominatis num. 38. rationem illam assentiendi

41.
Potest ne
aliquis
testificari
quod ne-
scit?

44.
Respon-
detur ob-
iectioui.

Retor-
quetur
obiectio.

45.
Altera
obiectio
quod haec
proposi-
tiones
non sunt
in seipsis
reuelatae.

46.
Ostendit
ur esse
sufficientes
reue-
latae.

esse sufficienter diuinam, & supernaturalem, quantum requiritur ad assensum fidei, & obiectum formale ipsius: quia non est alia, quam reuelatio diuina sufficienter proposita: quamvis inter ea, per quæ sufficienter proponitur, sit propositio naturaliter cognita, quæ ostenditur connexio conclusionis, cum veritate integra reuelationis: sicut in plurimis alijs fidei actibus interuenit aliquid naturaliter cognitum, ad constituendam propositionem sufficientem reuelationis, ita ut prudenter debeat acceptari tanquam diuina. Quando enim credimus fidei mysteria, quia Ecclesia docet esse à Deo reuelata (qui modus credendi communissimus est) notum est experientiâ quod Ecclesia sic doceat: non autem per reuelationem, quia Deus non reuelauit Ecclesiam id docere. Quando etiam credimus propter miracula, vel alia signa coram nobis exhibitâ, vel aliorum relatione sufficienti accepta; interuenit hæc propositio non reuelata, sed naturæ lumine cognita, vera sunt miracula, quæ talia apparent, postquam sunt diligenter & prudenter expensa; vel, relatio tot & talium testium fallax esse non potest. Et denique in illis ipsis propositionibus, quas Suares eadem Sectione admittit esse de fide: ut quod infans, quem euidenter mihi constat esse legitimè baptizatum, sit in gratia: quod ille, cui euidenter est peccasse mortaliter, & non penituisse, sit obnoxius damnationi: quod hic, putâ Vrbanus VIII. legitimè electus, sit verus Pontifex: quod Ecclesia Romana sit vera Ecclesia, &c. In illis, inquam, propositionibus non minùs interueniunt propositiones naturaliter notæ: istæ scilicet, quod hic infans sit legitimè baptizatus: quod ille peccauerit mortaliter: quod Vrba-

nus sit legitimè electus. Similiter in istis, quas esse de fide admittit Agidius cum Suare: Ego sum resurrecturus in carne, Ego sum sistendus ante tribunal Christi, ut recipiam secundum opera; interuenit ista non reuelata, sed naturaliter cognita, Ego sum homo.

Ad id verò quod vltimò additur in obiectione, dico certitudinem fidei non transcendere per se quancumque naturalem certitudinem: siue loquamur de certitudine obiectiua, id est, considerata ex parte obiecti, quoad illius necessitatem & constantiam, firmamque & immutabilitatem eius veritatem: siue de subiectiua & formali, id est, considerata quoad firmitatem adhaerendi, ratione euidentiæ, aut meriti argumentorum, quibus veritas innoscitur. Est enim euidentis non esse certius ex parte obiecti quod Petrus sit resurrecturus, quam quod Petrus sit homo: nosque non esse magis certos Christum esse in Eucharistia, quia Ecclesia sic docet; quam simus certi Ecclesiam sic docere. Et generaliter quocienscumque assensus fidei supernaturalis, includit aliquam veritatem naturalem, aut virtualiter illam præsupponit: non potest esse certior eadem veritate, prout illam includit, aut prove in illa fundatur. Quia non potest esse firmius ædificium, quam fundamentum. Quomodo autem nihilominus ex parte voluntatis, assensus fidei sit aliquo modo certior formaliter quocumque assensu purè naturali, & merè naturaliter considerato; atque etiam sit certior obiectiue quacumque alia veritate naturali de rebus creatis; dicemus inferiùs Disput. 10. Sect. 8. vbi de certitudine actus fidei ex professo disputabitur.

49.
Qualis &
quanta sit
certitudo
fidei?

47.
Probat
inductio-
ne.

48.
Ex ex cõ-
sensu ad-
uersario-
rum.

DISPUTATIO SEPTIMA.


De Regulis, quibus obiectum Fidei proponitur
infallibiliter; & primò de Scriptura.

- Sectio I. *Prænotantur aliqua de regulis fidei in communi.*
Sectio II. *Vtrum Scriptura sacra sit regula fidei?*
Sectio III. *An, & quæ sit Scriptura diuina?*
Sectio IV. *Soluitur prima obiectio hæreticorum.*
Sectio V. *Aliæ duæ obiectiones refelluntur.*
Sectio VI. *An & quis textus Scripturæ sit authenticus?*
Sectio VII. *Vtrum Scriptura sensus sit obscurus?*
Sectio VIII. *De vero sensu Scripturæ agnoscendo.*



Vlla est grauior de fide disputatio, nec maioris momenti, quam de regulis fidei: quippe ex qua pender omnium controuersiarum decisio, hæresim extinctio, & fidei Catholicæ firmitas

atque certitudo. Quare quo res maioris est momenti, eo diligentius in ea solidè & accuratè tractanda elaborandum erit. Semper tamen retenta breuitate Scholastica, & fusiori expositione Controuersiarum scriptoribus relicta. Quoniam autem non vnica est infallibilis regula fidei, sed multiplex: præmittemus primùm quædam illis communia: tum de singulis agemus in particulari in præsentī disputatione, & tribus sequentibus. De his autem breuiter admodum disserit S. Thomas quæst. 1. art. 10. fusè verò & accuratè Cardinalis Bellarm. tom. 1. Controuers. Valentia tom. 3. quæst. 1. puncto 7. Stapleton. de principijs fidei; Melchior Canus in Opere de locis Theologicis; Gillius lib. 1. tract. 7. Regiæ disput. de Analyti Theologiæ. Ex quibus præcipua quæque selegimus quæ ad veritates tanti momenti confirmandas & illustrandas, impetusque hæreticorum frangendos aptiora nobis visa sunt, & efficaciora ad eos de tenebris in viam lucis & veritatis reuocandos.



SECTIO I.

*Prænotantur aliqua de Regulis fidei
in communi.*

1.
Quid dicatur
Regula fidei?

Nota primò, per regulas fidei intelligi vias quasdam generales, quibus reuelationes diuinæ olim factæ, signisque sufficientibus confirmatæ, nobis infallibiliter innotescunt. Deus enim, qui non immediatè singulis singula reuelat, & miraculis confirmat; vias aliquas instituit, per quas ea, quæ reuelauit quibusdam, & sufficientibus argumentis credibilia reddidit, possint alijs proponi cum sufficienti, id est, infallibili auctoritate, & tali, vt ipsis indubitanter fide diuinā debeant adherere. Huiusmodi regulæ, vt patebit ex sequentibus, sunt omnino tres. Ex quibus tres inanimatæ sunt, quæ sensum suum viua voce explicare non possunt: nempe Scriptura, Traditio, & Consensus sanctorum Patrum. Tres verò animatæ, & loquentes; nempe Summus Pontifex, Concilium, & Ecclesia. Vnde collige locos Theologicos, ex quibus scilicet argumenta Theologi eruere solent, patere latius, quam regulas fidei. Nam præter superiora numerantur in locis Theologicis consensus Scholasticorum, auctoritas Philosophorum, ratio humana, & historia humana. Per humanam intellige etiam Ecclesiasticam, spectatam scilicet circa eam partem, quæ in traditione includitur. Quæ omnia quia non habent auctoritatem infallibilem, nec plusquam humanam, non sunt regula fidei. Nam præter infallibilis esse debet; licet vtilia sint ad principia, & conclusiones Theologicas probandas fidelibus, & infidelibus, etiam Ethnicis, & Atheis, qui rationibus tantum naturalibus, & auctoritatibus humanis mouentur, à quibus proinde incipiendum est, quando cum illis agitur.

2.
Eorum
vires.

Circa vsum verò huiusmodi regularum nota secundò, posse quidem Deum quancumque volet ex illis primùm proponere, & sufficientibus argumentis credibilem reddere: Con-

muniùs tamen hic ordo seruatur quoad nos in hæc loca Catholicorum, & in hæc posteriora sæcula coniectos, in quibus noua miracula, & illustria opera supernaturalia, sunt infrequentiora. Primò, ex motiuis Christianismi expositionis disp. 5. habemus Christianismum esse euidenter credibilem, vt verum; & ex obligatione, euidenti simpliciter, esse sequendum, vt verum, & diuinitus traditum; idque cum exclusionem omnis voluntariæ dubitationis, aut suspicionis de falsitate. Nam Christianismus, illis omnibus notis diuinis insignis & commendatus, nobis se proponit vt talem; & inter ea, quæ necessariò credenda tradit, vnum illud est, quòd ipse sit necessariò acceptandus, neque possit absque salutis æternæ discrimine rejci. Atque ad hoc ipsum confirmandum, proferet argumenta illa, & motiua diuina euidenter credibilia, quæ loco suprà citato exposuimus.

Secundò, veritates fidei, quæ docentur à Christianismo, quædam sunt particulares, vt de Christo, eiusque vita, miraculis, morte, & resurrectione, de baptismo, & alijs Sacramentis, de Trinitate personarum diuinarum, & similibus fidei mysterijs. Quædam sunt generales, quæ plurimas alias comprehendunt, illisque certò, & infallibiliter cognoscendis inseruiunt. Vt quòd Scriptura sacra, Ecclesia, Concilia, Summus Pontifex, traditio, & consensus Sanctorum Patrum sint regulæ fidei infallibiles: ita vt si quid proponant, tanquam à Deo reuelatum, & de fide, illud infallibiliter tale sit. Per quas propositiones generales Christianismi, habemus regulas fidei, quibus adhaerendum esse sequitur euidenter ex eo, quòd Christianismus, qui eas tradit, est euidenti necessitate sequendus.

Tertiò, inter has regulas ordo duplex considerari potest. Vnus est ordo temporis, seu modi sensum & successiue deducendi cognitionem nostram ab vna ad aliam. Alter est ordo dignitatis, seu præminentie: secundum quem scilicet vna præcellit alteri iurisdictione, & superioritate. Prima ordine temporis, seu modi persuadendi, ducendique nostram cognitionem ab vna veritate ad aliam, solet esse respectu

3.
Multi-
plex ordo
inter il-
las.

noſtri Eccleſia notis ſuis illuſtris, euidenterque credibilis, qualem ſe proſitetur, diuinam, inſallibilem, directam à Spiritu ſancto, &c. Inter quas notas illuſtriſſima eſt, & ad perſuadendum aptiſſima, vniuerſalitas, id eſt, eius diſſuſo per totum orbem, per quam reddi Eccleſiam maximè cognoscibilem, & viſibilem, affirmat D. Auguſtin. in libris contra Donatiſtas, pluribus locis : & perpetuitas, ſeu continua, & nunquam interrupta ſucceſſio Paſtorum in ſede Petri, & populorum Chriſtianorum, à Chriſto & Apoſtoliſ huc uſque, illis adhaerentium : per quam etiam præcipue cognosci veram Eccleſiam affirmant Sancti Patres, Iræneus lib. 3. cap. 3. & lib. 4. c. 43. & 45. Tertullianus in lib. de præſcriptionib. cap. 19. 20. & 31. Hieronym. aduerſus Lucifer. in fine. Opreatus Mileuit. lib. 2. contra Parnen. Cyprian. Epist. 52. & lib. de Vnitate Eccleſiæ, non longe ab initio, & Auguſtin. lib. 3. contra Epist. Fundamenti cap. 5. & in Pſalm. contra partem Donati, qui habetur initio tomi ſexti. Nimirum quia, ſuppoſito vt certo, & euidenti quòd Chriſtianismus ſit neceſſariò amplectendus : ſequitur amplectendum illum eſſe qualis à Chriſto, & Apoſtoli� huc vique fuiſſe, & perſiſtiſſe nobis innotefcit : quia alium ſequi non poſſumus, quàm nobis notum : neque prudenter acceptari poteſt, niſi qualis prudenter acceptabilis, & notis diuinis illuſtris apparet. Iam verò Eccleſia ita cognita, vt à Chriſto, & Apoſtoli� ad nos vique continuata, dat nobis pro regula, quaſi ſui vice, alia, quæ conſultemus faciliùs in ſingulis materijs ; nempe Summum Pontificem, Concilia, Scripturam, & traditiones diuinas, ſanctorumque Patrum conſenſum. Inter quas regulas eſt aliqua ſubordinatio. Nam Concilia pendent à Summi Pontificis auctoritate, & approbatione. Eademque Concilia cum Summo Pontifice dant nobis pro regula conſenſum ſanctorum Patrum, cui tanquam inſallibili in rebus fidei ſtare nos iubent. Item, quia omnes, & ſingule Scripturæ partes non fuerunt ab omnibus ab initio huc vique acceptatæ : neque in tali verſione, vel ſenſu : & quia ſingulis ſeculis viciari poſſunt : non ſumus certi inſallibiliter Scripturam tot libriſ & partibus, & periodiſ, verbiſque conſtantem, eſſe verè diuinam : & hanc verſionem eſſe authenti- cam, & conſonantem originali : vel in dubijs circa ſenſum occurrentibus, hunc eſſe verum, & à Spiritu ſancto intentum ; niſi per definitionem, & determinationem Eccleſiæ, per ſum- mum Pontificem, aut per Concilia loquentis. Ideòque Scriptura ita determinata, eſt poſterior reſpectu noſtri, ordine perſuaſionis, quàm Eccleſia, vel Pontifex eam ita determinatè acceptans, & vt talem nobis proponens : iuxta illud D. Aug. lib. contra Epist. Fundamenti c. 5. *Euangelio non crederem, niſi me Eccleſia Catholica communet auctoritas.* Idemque dico de traditionibus non ſcriptis : quarum plurimarum cognitio, & determinatio, pendent à definitione Eccleſiæ, vel à Summo Pontifice : ideòque ordine perſuaſionis poſterior eſt. Quoad ordinem verò ſuperioritatis, ſeu dignitatis, ſummus Pontifex eſt prior dignitate, & iuridica

potestate, ſingulis fidelibus, eorumque conſenſu : ad quem in dubijs circa Scripturam, & traditiones, vel conſenſum Patrum, aut fidelium, non ſatis notum, recurrendum ſit. Idemque debet præſſe Concilijs, illaque approbare, vt vim & auctoritatem habeant. Atque eatenus non tantum ſuperioritate, ſed etiam perſuaſione, prior eſt huiusmodi regulis, ita determinatis : vt patebit ex ſequentibus diſputationibus.

Quartò, in vſu harum regularum, quo vna per aliam probatur, non committitur circulus vitioſus, quando vna aliunde ſatis nota, vel conceſſa ab aduerſarijs, aſſumitur ad probandam aliam minus notam, vel ab illis negatam. Non enim ſit circulus vitioſus, niſi quando ad probandum aſſumitur aliquid medium non aliunde notum, quàm per illud ipſum, ad quod probandum aſſumitur. At verò quando v. g. per Eccleſiam probamus Scripturam : non ſumimus Eccleſiam, vt non aliunde notam, quàm ex Scriptura : ſed vt inſignem miraculis, & alijs factis diuinis, quibus illam Deus illuſtrem, & ſufficienter credibilem redditit. Notandum tamen, quòd habità per Eccleſiam notitià conſuſa, quòd hæc Scriptura, quam nobis tradidit, ſit tota diuina, & authentica ; ex eius lectione, & expreſſiori cognitione poſſumus multa cognoscere, & inferre de ipſa Eccleſia. Ad eundem modum, quo ſi Regis legatus diploma regium nobis exhibeat, & ſufficienter nobis probet regium eſſe : poterimus ex illius lectione multa cognoscere de poteſtate iſtius à Rege conceſſa, quæ nobis antea erant ignota in notitia conſula diplomatibus, & legari. Neque tunc habetur notitia eiſdem per idem. Nam rationes illæ, quæ de nouo cognoscuntur de legato, vel de Eccleſia, non ſunt illæ ipſæ, per quas habita fuit notitia conſula diplomatibus, vel Scripturæ diuinæ. Tunc tamen non intenditur certitudo de auctoritate Eccleſiæ ; ſed potiùs omnis certitudo quæ habetur in notitijs peculiaribus, quibus Eccleſia diſtinctus cognoscitur, ab ipſa pendet, & in ipſam reſoluitur, ſi Scriptura tanquam diuina non niſi per Eccleſiam certò conſtet. Secus autem ſi Scriptura ab Eccleſia tradita, iam aliunde conſtet eſſe diuinam, v. g. ex miraculis ſi quæ ſiant ſpecialiter in ipſius confirmationem. Poſſumus enim vice verſa probare ſimpliciter & abſolute Eccleſiam ipſam per Scripturam, ſine circulo vitioſo. Per Scripturam, inquam, non cognitam vt diuinam, teſtimonio, & auctoritate ipſius Eccleſiæ ; ſic enim foret circulus : ſed notam aliunde vt antiquam (quod aliunde ſciri poteſt, quàm teſtimonio Eccleſiæ) & continentem Prophe- tias non paucas, quas eſſe impletas euident eſt ipſa experientià : ex quo aliquod argumentum diuinitatis Scripturæ conſuſe ſumptæ haberi poteſt, præſertim iunctà ſanctitate doctrinæ, quam continet, efficacitate mouendi ad meliorem vitam, & alijs, quæ de illa expendimus Diſput. 5. Sect. 2. Sicut autem non erat circulus vitioſus, quando v. g. Ioannes Baptiſta, notus aliunde vt vir magnæ auctoritatis, ob vite ſanctitatem, teſtimonio præbebat Ieſu Chriſto, tanquam vero Meſſiæ : & ruſus Chriſtus,

4. Quomodo vna per aliam probatur ſine circulo?

vt notus per sua miracula, præbebat Ioanni Baptista testimonium, tanquam vero Propheta: non erat, inquam, in eo circulus vitiosus: quia Ioannes non dabat testimonium Christo per auctoritatem à Christo ipso acceptam: neque Christus dabat testimonium Ioanni Baptista per auctoritatem à Ioanne acceptam, sed aliunde partam, & ab illo independentem: sic, &c.

Præterea quando ad hominem argumentamur contra hæreticos, & alios fidei nostræ Adversarios, non fit circulus vitiosus, si ab vna regula, quam illi admittunt, argumentamur ad aliam probandam. Quemadmodum contra Iudeos ex veteri Testamento, quod ipsi admittunt, argumentum sumimus ad probandam veritatem Noui; & contra Calvinistas, ex Scriptura, quam solam fidei regulam esse volunt art. 5. confessionis suæ, probamus infallibilitatem Ecclesiæ, auctoritatem summi Pontificis, & Conciliorum, aliæque fidei dogmata, generalia, vel specialia: & ex libris canonice, quos vt diuinos agnoscunt, probamus alios deuterio-canonice, quos reijciunt: & denique ex vero sensu aliquorum locorum Scripturæ, quem recipiunt, conamur illis ostendere verum sensum aliorum, quem non admittunt: in quo nullum est vitium.

Hinc collige, & nota tertio, analysin fidei nostræ talem esse solere: Cur credis fide diuinā hunc aut illum articulum particularem, v. g. Deum esse trinum? quia Scriptura, vel traditio diuina id docet. Cur credis Scripturam illam, aut traditionem esse diuinam? quia Ecclesia vt talem proponit. Per Ecclesiam intelligo, non tantum strictè sumptam, sed & Pontificem, vel Concilium, vel consensum Christianismi generalissimum à principio, in quæ omnia fieri potest hæc resolutio. Cur denique credis Ecclesiam verè & infallibiliter proponere? quia Deus signis, & argumentis supernaturalibus id fecit sufficienter, euidenterque credibile. Et in hoc tanquam per se sufficienter credibili est quies. Hæc igitur fidei nostræ analysi esse solet. In qua eruditores, qui possunt melius argumenta credibilitatis agnoscere, & expendere, faciliè conuincunt. Mediocres verò, quorum pars longe maior est, vident motiua notabilissima, & omnibus contrarijs præponderantia, si bene illis proponantur à Pastoribus, & Prædicatoribus, & cum ope Spiritus sancti expendantur. Rudiores autem habent etiam pro capru suo sua motiua, quibus prudenter pareant: Pastorum auctoritatem, & Doctiorum consensum, plurimorumque bonorum, & prudentium, sanctitatem multorum Christianam fidem profitentium, iuxtaque illius dictam exactè viuentium, famam constantem miraculorum, monumenta antiquitatis, & alia huiusmodi, quæ cum speciali auxilio Spiritus sancti, sufficiunt illis ad credendum, supplente Deo interius si quid deest exterius, modo velint ipsi cooperari gratiæ præuenienti, & non ponant impedimentum Spiritui sancto. Dixi analysin nostram talem esse solere: quia non necessariò & semper talis est: sed interdum proponuntur articuli particula-

res, reddunturque sufficienter credibiles, miraculis, vel alijs signis ad ipsos immediatè applicatis, non interpositis regulis generalibus. Et quidem infidelibus, extra notitiam Ecclesiæ Catholice viuentibus in media barbarie, vel infidelitate, non potest primum proponi Ecclesia vt regula: cum fit illis planè ignota: sed ad eius notitiam, vel aliorum articulorum, per aliam viam deducendi sunt. Nos quoque licet notam habeamus Ecclesiam, aliisque fidei regulas: possumus tamen in multis, si volumus, fidem nostram resolvere in argumenta creditilitatis, immediatè applicata, & sufficienter, multis fidei articulis, sine interuentu, aut necessitate vllius regulæ generalis. Secus autem ad plurima, non ita ex argumentis immediatè cognita, & distincta, de sensu Scripturæ, de explicatione mysteriorum fidei & quorundam specialium dogmatum, ad quæ, Ecclesiæ & Conciliorum, vel summi Pontificis determinatione opus est.

Nota denique quartò, longè aliam esse fidei analysin Calvinistarum; qui cum non aliam fidei regulam esse volunt, quam Scripturam, inuictam vt cognitam, & intellectam priuato spiritu, siue interiori, vt putant, persuasione Spiritus sancti, planè circulum vitiosum & nugatorium committunt, atque idem per idem inuolunt probant. Nam si ab illis queratur, Cur credant v. g. paruulos fidelium sine baptismo saluari posse per fidem parentum? Respondent, quia Scriptura id affirmat. In quo tamen falluntur, cum ipsa potius doceat oppositum. Ioan. 3. vbi Christus generaliter sic asserit, *Nisi quis renatus fuerit ex aqua, & Spiritu sancto, non potest introire in regnum Dei.* Sed dato, & non concesso, quòd Scriptura id asserit: quære rursum ab illis, vnde habeant Scripturam illam esse diuinam, & fide dignam? Respondent, quia interior persuasio Spiritus sancti hoc illis notum facit. Aiunt enim art. 4. Confessionis suæ Gallicanæ, se Scripturam diuinam, & libros eius Canonicos esse agnoscere, non tam ex communi Ecclesiæ consensu, quam ex testimonio, & interiori persuasione Spiritus sancti, quæ illos discernunt à non Canonicis. Si rursum queratur, vnde noscant se habere internam persuasionem Spiritus sancti, siue persuasionem illam, quam prætendunt, esse verè diuinam? Respondent se id nosse ex Scriptura, quæ sic affirmat 1. Ioan. 2. *Non necesse habetis, vt quisquam doceat vos, sed vnictio eius docet vos de omnibus:* & alijs locis, in quibus Scriptura dicit Spiritum sanctum habitare in fidelibus: *Spiritualis autem indicat omnia* 1. Cor. 2. Itaque à primo ad vltimum, probant Scripturam esse verè diuinam per interiorem persuasionem Spiritus sancti, non aliunde sibi notam, quam ex ipsamet Scriptura diuina: quod est idem per idem probare, & nugatorium circulum committere. Præterquam quòd Scriptura locis illis loquitur de fidelibus, & in Christum iam credentibus, vt ipsimet heretici faterentur: de illis enim dicitur quòd habeant vnctionem Spiritus sancti, quòdque Spiritus sanctus in illis habitet: neque ad alios pertinet infallibilis eius assistentia. Ergo vt habeant internam illam persuasionem

Qualis sit analysi fidei ordinata.

Analysi fidei Calvinistarum, inuictam vt cognitam, & intellectam priuato spiritu, siue interiori, vt putant, persuasione Spiritus sancti, planè circulum vitiosum & nugatorium committunt, atque idem per idem inuolunt probant.

suasionem Spiritus sancti, debent prius esse fideles, & credere in Christum. Atqui non possunt credere nisi per Scripturam, quam vnam dicunt esse fidei suae regulam. Ergo prius debent nosse Scripturam esse diuinam, quam habeant internam illam persuasionem Spiritus sancti. Atqui non possunt certo cognoscere Scripturam esse diuinam, nisi per internam persuasionem Spiritus sancti. Ergo prius debent illam persuasionem habere, quam cognoscant Scripturam esse diuinam: & consequenter possunt credere, quia non possunt credere nisi per Scripturam cognitam ut diuinam. In quo non tantum est circulus; sed etiam manifesta contradictio, & praesuppositio eiusdem ad seipsum in eodem genere. Quis autem sit verus sensus locorum Scripturae, quibus abutuntur, dicemus Sect. 4.

7.
Quomodo
cognoscant
libros
Canonico-
cos?

Neque illos iuvat quod dicunt in eodem art. 4. suae Confessionis, se cognoscere libros verè diuinos & Canonicos, non tam ex communi Ecclesiae consensu, quam ex testimonio, & interiori persuasionem Spiritus sancti: quibus verbis significare videntur se per vtrumque id cognoscere. Nam cum addunt paulò post, art. 5. Scripturam illam esse regulam omnis veritatis, ceteraque omnia esse per illam examinanda, antiquitatem, consuetudines, multitudinem, sensum & iudicia hominum, Concilia, decreta, miracula, & denique quaecumque alia: sequitur commune Ecclesiae consensum, qui per illam, ut cetera omnia, examinari debet, non habere vim, & auctoritatem sufficientem, nisi ab illa. Medium enim quod debet examinari per aliud, non habet vim sufficientem ad probandum, nisi per illud. Sequitur praeterea internam illam persuasionem Spiritus sancti, quam se habere putant, per Scripturam examinari debere; adeoque non habere vim sufficientem persuadendi, nisi ab illa cognita ut diuina. Atqui non norunt illam esse verè diuinam, nisi per internam persuasionem Spiritus sancti. Ergo non aliter norunt sufficienter Scripturam esse verè diuinam, quam per internam persuasionem notam vi Scripturae: & internam persuasionem esse verè diuinam, non aliter norunt sufficienter, quam per Scripturam notam vi persuasionis internae. In quo est manifestè circulus nugatorius.

8.
Et suam
internam
persuasione
esse
diuinam.

Dicere quoque iure non possunt se sufficienter cognoscere persuasionem illam internam esse verè Spiritus sancti, per seipsam, aut per reuelationem internam. Quia ut hoc prudenter crederent, & sufficienter ad fidem supernaturali, quae prudentissima, & infallibilis est; deberet illa persuasio, vel motio interna, tanta & talis esse, & tam diuinum aliquid reddens: ut nihil tale possit aliunde, quam à Spiritu sancto proficisci; atque hoc cum euidenti saltem credibilitate appareat; ne alioqui leuiter credatur, & cum periculo deceptionis. Nam ad prudenter credendum, necessaria sunt vel externa signa, & miracula, id est, opera solius omnipotentis Dei propria, quibus attestetur se reuelasse: vel aliud aliud internum illis æquivalens sine quorum altero, non possunt homines prudenter, neque tenenter cre-

dere mysteria fidei, humanum captum superantia, & per se incredibilia: iuxta illud Christi, Ioan. 15. *Si non venissem, & opera in eis fecissem, quae nemo alius fecit, peccatum non haberent*: quia nimirum non habuissent obligationem credendi. Deberet ergo illa interna persuasio esse tam potens, & tam supra naturae facultatem; ut miraculis, & signis externis sufficientibus ad prudenter credendum, æquivaleret. Videant ergo haeretici an talem, & tantam motionem in se sentiant; & num potius credant hos libros esse Canonicos, propterea quod in suis Biblijs continentur, vel quia id assertur in praefationibus ad singulos libros, vel quia ita docent Caluinus, & Ministri, vel denique quia ita decernit articulus 4. Confessionis Gallicanae: quae tamen omnia, nullam sufficientem auctoritatem habere putant, nisi à Scriptura per internam persuasionem Spiritus sancti cognita. Estque experientia manifestum quod si sententiae ex libro aliquo Canonico decerpatur, interferantur alijs ex libris non Canonicis; non possunt illas ab istis discernere certo, & infallibiliter.

9.
Quis
incertus
& fallax
spiritus
ille pri-
uatus ha-
reticorum

Est quoque euidens experientia multas esse contradictiones inter eos, qui talem persuasionem merè internam, & alijs ignotam praetendunt: etiam inter ipsos eiusdem Sectae haeticos. Nam Lutherus, eiusque Sectatores, qui de Spiritus sancti persuasionem in discernendis libris Canonicis, non minus confidunt, aliquos rejiciunt, quos Caluinistae recipiunt, ut Epistolae ad Hebr. Iacobi, & Iudae, & Apocalypsin: Et Caluinus à Beza dissentit de initio capitis 8. Ioannis, quod ille apocryphum, & supposititium; ille Canonicum, & Euangelicum esse vult. Quare manifestum est illos non Spiritu sancto, qui sibi non contradicit, sed suo privato sensu niti in negotio tanti momenti, contra omnem prudentiam; & totam fidem suam resolvere in fundamentum fallibile, quod vel ipsa euidenti experientia possunt falsi convincere. Denique, nullus sanctorum Patrum, vel antiquorum Ecclesiae Doctorum, & scriptorum, Canonem illum integrum edidit, quem tradunt Caluinistae art. 3. suae Confessionis. Quis autem credat illos omnes caruisse interna persuasionem Spiritus sancti, quia libros Canonicos verè discernere? Et è contrariò plurimi Sanctorum Patrum agnouerunt ut Canonicos, eos, quos Caluinistae eodem articulo è Canone rejiciunt, ut ostendimus Sect. 3. Quis autem credat persuasionem internam Spiritus sancti Caluinistis potius, quam sanctis illis Patribus affuisse? Plura contra hunc spiritum priuatum dicemus alibi. Eodemque argumento resellunt Lutherani, qui volunt Scripturam sufficienter cognosci, & discerni ex externis eius criterijs, siue indicijs. Nam illis non obstantibus sancti Patres, quibus non minus erant nota interna illa criteria, quam Lutheranis, de nonnullis Scripturae partibus dubitauerunt. Et ipsi Lutherani non de illis omnibus inter se consentiunt: ut fusius videri potest apud Tanner. quæst. 5. de fide dub. 1. n. 13. & sequentibus.

Canon
haereticorum
Patrum
ignotus.

S E C T I O II.

*Verum Scriptura sacra sit regula fidei?*10.
Conclu-
sio affir-
mat.Scripturæ
diuinæ
nomine
quid in-
telliga-
tur?

Respondeo Scripturam sacram esse infallibilem regulam fidei in textu authentico, & quovis eius sensu intento à Spiritu sancto, vel euidenter cognito, vel per interpretationem infallibilem declarato. Quod ut probetur, supponendum est Scripturæ sacræ nomine intelligi scripturam instinctu Spiritus sancti scriptam, non modò sensum, sed etiam verba dictantis: iuxta illud 1. Petri 1. v. 20. & 21. *Omni prophetia Scripturæ propriâ interpretatione non fit. Non enim voluntate humana allata est aliquando prophetia: sed Spiritu sancto inspirati locuti sunt sancti Dei homines.* Et 2. Timoth. 3. v. 16. *Omnia Scriptura divinum inspirata, est utilis ad docendum.* Et Psalm. 44. v. 2. *Lingua mea calamus scribæ velociter scribens.* Quæ verba de scriptore Canonico respectu Spiritus sancti exponunt sancti Patres relati à Genebrardo, Bellarmino, & Lorino in Psalmos, ad v. citatum. Adeo ut, sicut lingua non eloquitur, & calamus non scribit, nisi verba prius in mente loquentis, aut scribentis concepta, & ab ea suggesta & dictata: sic verba ipsa, quæ scribuntur à scriptore Canonico, dictantur à Spiritu sancto. Quâ ultimâ particulâ differt Scriptura sacra à definitionibus Conciliorum, vel summi Pontificis, quæ dictantur quidem à Spiritu sancto quoad sensum, quando sunt definitiones de rebus fidei: non tamen quoad verba. Atque ea de causa Scriptura sacra vocatur verbum Dei, Rom. 9. v. 6. & eloquia Dei, Rom. 3. v. 2. & Scriptura antonomastice, Rom. 9. v. 17. & Ioan. 10. v. 35. Hinc etiam maior Scripturæ veneratio, & fecunditas sensuum mirabilem, in quibus eruendis, & explicandis sancti Patres, & interpretes tot sæculis laborant.

11.
Distinguitur
à Spiritu
sancto
singula
eius ver-
ba?

Probabile tamen est quod Suares Disp. 5. Sect. 3. n. 5. & alij quidam affirmant, non omnia, & singula verba dictari specialiter à Spiritu sancto; sed cum de rebus sensui notis, & familiaribus sermo est, permitti ut scriptor Canonicus ea verbis suis scribat, ut nihil falsum aut indecens loquatur. Nullus tamen liber est, in quo non sit aliquid dictatum à Spiritu sancto quoad verba. Permittit etiam Spiritus sanctus interdum, ut Auctor Canonicus utatur suâ diligentia, & industria in scribendo; ut patet ex Luc. 1. v. 3. & lib. 2. Machab. c. vit. v. 39. & 40. Atque etiam quando verba dictat, accommodat se cuiusque ingenio: unde varius stylus scriptorum Canonicozum. Frequenter tamen Scriptores sacri sine labore scribunt, & non tam agunt, quam aguntur à Spiritu sancto: ut Baruch de Ieremia sibi dicente testatur, Ierem. 36. v. 18. *Ex ore suo loquebatur, quasi legens ad me, omnes sermones istos, & ego scribebam in volumine atramento.* Et Psalm. 44. *Lingua mea calamus scribæ velociter scribens.* In quo differunt à definitionibus Conciliorum, & Summorum Pontificum, quæ v. hant, &

scribantur, diligentia & proprio labore, magnaque consultatione opus est.

Ex hac Scripturæ sacræ definitione facile est probare responsum datum initio huius Sectionis. Cum enim Scriptura sit inspirata, & dictata à Spiritu sancto; necessario vera est in omni sensu, quem Spiritus sanctus intenderit: quia Spiritus sanctus nec falli potest, nec mentiri. Neque potest esse maior auctoritas, vel certior regula fidei, quam veracitas diuina per Scripturam applicata. Ideoque tum Concilia, & Summi Pontifices, tum omnes sancti Patres, & Doctores Catholici, videntur passim Scripturam, tanquam certissimam regulam, ad confirmandam fidei dogmata. Et Christus ipse ludæos ad eandem prouocat, Ioan. 5. v. 39. *Scribamini scripturæ, &c.* Et c. 10. v. 35. ait Scripturam solui non posse, id est, mendacem, aut falsam esse non posse. Et Matth. 5. v. 18. grauius affirmat vnum iota, vel apicem non præteriturum à lege, donec omnia hiant, ut enuntiata sunt.

Nihilominus, ut Scriptura sit regula fidei, debet esse certa, & nota: ita ut certum infallibiliter, & notum sit, tum Scripturam illam esse verè diuinam: tum sensum illum esse verum illius sensum, intantum à Spiritu sancto. Nam si de litera, vel de sensu non certò constet; fides illis innixa vacillabit, & non erit fides diuina, quæ verbo Dei, certò cognito ut tali, infallibiliter, & certissimè assentitur. Idcirco addidi in responso dato initio Sectionis, Scripturam esse regulam fidei in textu authentico, & quovis sensu intento à Spiritu sancto. Quæ particule ut declarantur, & obiectionibus varijs occurratur, multa circa notitiam veri & authenticis textus Scripturæ, ac veti eius sensus, breuiter explicanda sunt.

S E C T I O III.

An, & quæ sit Scriptura diuina?

Quæritur ergo primò, unde constet Scripturam sacram esse verè diuinam: & libros, quos Ecclesia agnoscit pro Canonicis, esse verè Canonicos? Respondeo id constare communiter, & vniuersaliter, partim Apostolica traditione ad nos vsque continuata, & partim Ecclesiæ definitione, quæ certissimè fide digna esse ostenditur ijs argumentis, quibus euidenter credibile sit, religionem Catholicam esse veram, & amplectendam. Declaratur, & probatur responsum.

Primò, licet verbum Dei externum, id est, externa eius reuelatio, cuius auditu fides percipitur, iuxta illud Apostoli, Rom. 10. *Fides ex auditu, auditus autem per verbum Christi.* Licet, inquam, verbum illud diuinum, siue scriptum, siue non-scriptum, sit per se solum necessario verum eo ipso quòd diuinum est: & in sua veritate intrinseca non pendeat ab illa probatione, & confirmatione alterius: tamen ut illud prudenter acceptemus tanquam diuinum, & obligemur ad illi firmiter, & indubitante credendum, ut tali, debet nobis certò

12.
Probatum
conclu-
sio.11.
Debet
constare
quòd sit
verè di-
uina.14.
Vnde id
constat?

Non constat suffi-
cienter ex
ipsa sola.

constare esse diuinum. Debet igitur nobis cer-
rò & sufficienter innoscere ut tale, vel per
seipsum, vel per aliquid aliud. Non innoscit
autem sufficienter per se. Quia licet Scriptu-
ra, aliqua sui parte, diuinitatem præ se ferat,
quatenus continet prophetias rerum liberè fu-
turarum, post euidenter impletarum: vnde
mirabilem auctoritatem in toto orbe adeptam
est, vt rectè ait S. Aug. lib. 12. de ciuit. c. 9.
in fine: tamen nec sine traditione, vel aucto-
ritate humana constat Scripturam tam anti-
quam esse, ac præteritur; & præcessisse euen-
tum huiusmodi rerum, quæ creduntur fuisse
ab ea prædictæ: neque in omnibus libris, &
partibus Scripturæ continentur tales prædictio-
nes, ex quibus fiat credibile, omnes & singu-
las illius partes, non nisi à Deo rerum omnium
prædicti dictari potuisse. Licet etiam concor-
dia Scripturarum, & sanctitas, puritasque do-
ctrinæ, magno argumento sit diuinas esse; id
tamen non videtur sufficere ad fidem certam,
& indubitatam. Tum quia non desunt Antilo-
giæ, & apparentes contradictiones in aliquibus
locis. Tum etiam quia nonnulla sunt, quibus
turpia, & illicita suaderi videntur: vt circum-
cisio præputij, interfectio Isaac, Ozæ forni-
catio, & similia. Neque omnes libri, in quibus
nihil est dissonum, & repugnans bonis mori-
bus, sunt propterea diuini, & Canonici. Præ-
terea, licet Scriptura ipsa se diuinam esse pro-
fiteatur, 2. Petri 1. v. 21. & 2. Timoth. 3. v. 16.
alijsque locis: tamen & dubitari potest an hoc
ipsam verè profiteatur, cum multi multa falsò
scribant; & nullibi affirmat omnes libros, qui
pro Canonicis habentur, & omnes eorum par-
tes, esse verè tales: quare id debet aliunde
constare. Quod verò Nouatores aiunt Scriptu-
ram sacram seipsa proprio sapore discerni, vt
dulce ab amaro, & album à nigro discernitur,
figmentum est euidenter refutatum experientiâ
manifestâ tot controuersiarum circa verum
Scripturæ textum, tum inter ipsos fideles, &
Catholicos, etiam prudentes, & Doctores, vt
olim inter sanctos Patres circa aliquos Scriptu-
ræ libros: tum etiam nunc inter Catholicos &
Hæreticos; & inter ipsosmet Hæreticos, etiam
eiusdem Sectæ, vt supra dixi num. 9. & fusius
prosequitur Tannerus quæst. 5. de fide, dub. 2.

Sed neque secundo id constat communiter,
& vniuersaliter immediatè vel speciali reuelatione
diuinâ; quasi verò Deus vnicuique fide-
lem reuelet immediatè, aut credibile faciat
per miracula, & alia signa specialiter eo fine
edita, scripturam illam verè diuinam esse, &
tot libris ac partibus, & periodis constare.
Licet enim Deus id possit, si velit; & Euange-
listæ, alijsque Scriptores sacri, miraculis, vel
alijs signis sufficientibus, vt vitæ sanctitate mi-
rabili, probauerint olim, cum scriberent, se
Spiritus sancti instinctu scribere: alioquin vt
impostores rejiciendi fuissent: In præsens ta-
men non eduntur eo fine speciali miracula, &
signa diuina ordinariè, & vniuersaliter, quæ id
vnicuique faciant credibile. Nec præter mi-
racula, & signa, quibus generatim fit credibi-
le Christianissimum esse verum, & acceptan-
dum; & specialiter traditionem antiquam, has

libros esse diuinos assentem, fideque dignam
esse Ecclesiæ definitionem sic statuentem; vl-
lum aliud communiter suppedit argumentum
certum diuinitatis Scripturæ; iuxta illud Aug.
contra Epist. Fundamenti cap. 5. *Euangelio non
crederem; nisi me Ecclesia Catholica communiter
auctorizet.*

Attamen tertio, quæcumque valent ad pro-
bandum efficaciter Christianissimum esse verum:
probant pariter scripturam illam verè esse diui-
nam, quod vnum est è præcipuis, & generali-
bus fidei Christianæ dogmatibus. Speciatim
verò, vt Canus lib. 1. de Locis c. 7. rectè ar-
gumentatur, post D. Augustinum lib. 33. contra
Faustum c. 6. Sicut in libris Ethnicorum non
aliâ ratione magis veros auctores exploramus,
quàm ex communi consensu & testimonio eo-
rum, qui vixerunt ante nos: vnde enim Pla-
tonis, Aristotelis, Ciceronis libros nouimus,
nisi eorum, qui nos ætate antecesserunt, tes-
timonijs continuis? Sicut, inquam, in cæte-
ris omnibus hæc via tutissima, & certissima est
ad cognoscendum cuiusque libri auctorem: sic
agnoscendi libros Canonicos via certissima est
traditio continua ab ijs vsque, qui scriptores
factos nouerunt, & ab ipsis libros Canonicos
sufficientibus signis probatos esse diuinos acce-
perunt, atque ad nos per manus vt tales trans-
miserunt. Nullus autem est liber Canonicus,
de quo non extant multa sanctorum Patrum, &
aliorum Catholicorum testimonia ab Apostolis
huc vsque. Quia tamen de omnibus inter om-
nes Catholicos non semper conuenit, sed de
quibusdam ab aliquibus etiam Patribus dubi-
tarum olim fuit: Necessè fuit accedere Eccle-
siæ definitionem, quæ per infallibilem assisten-
tiam Spiritus sancti, ob quam in rebus fidei
errare non potest, controuersiam illam diri-
meret, & certum vndequeque librorum sa-
cro-
rum Canonem constitueret. Hoc enim iu-
dici-
um ad quemlibet priuatum pettinere ne-
quit, cum quilibet falli queat, vt ostendunt
priuatorum dissidia, & contrariæ sententiæ.
Quod cum fateantur Hæretici, atque confir-
ment ex Apostolo Rom. 3. v. 4. *Omnes homo-
mendax*: & nihilominus velint libros Canoni-
cos iudicio cuiusque priuati discerni, art. 5.
Confess. Gallicanæ: planè dubium reddunt
Scripturam, & indignam fide diuinâ, quæ cer-
tissima & infallibilis esse debet.

Porro Scripturæ Canon ab Ecclesiâ in Tri-
dentino approbatus Sess. 4. decreto primo, sub
pœna anathematis in eos omnes, qui libros
illos integros cum suis omnibus partibus, prout
in Ecclesiâ legi consueuerunt, & in veteri vul-
gata editione habentur, pro sacris, & Canoni-
cis non susceperunt: idem, inquam, Canon
fuerat prius editus à Florentino in decreto Euge-
nien-
si, & ante mille centum annos à Concilio
Carthaginensi III. c. 47. & ab Innocentio I. in
Epist. 3. ad Exuperium. Et à S. Augustino lib. 2.
de doctrina Christiana c. 8. qui prædicto Con-
cilio Carthaginensi interfuit, & subscripsit. Hi
tamen Baruch expressam mentionem non faci-
unt, sed eum vel Ieremiam comprehendunt,
quia Baruch fuit scriba Ieremæ, vt patet ex
Ieremæ 36. v. 4. idèoque veteres prophetiam

16.
Sed con-
tinua
traditio-
ne.

Necessa-
ria fuit
pro quib-
usdam
libris de-
finitio
Ecclesiæ.

17.
Neque
speciali
revela-
tione
vnicui-
que fa-
ciat.

17.
Canonis
nostri an-
tiquitas.

Baruch citantes, citant sub nomine Ieremie, vt pluribus exemplis Clementis Alexandrini, Basilij, Ambrosij, Augusti, Chrysof. Cassiodori, Synodi IV. & aliorum antiquorum, ostendit Canus lib. 2. de locis Theolog. cap. 11. initio. Nec vllus est eorum librorum, qui non prioribus sæculis pro Canonico citatus fuerit à multis Patribus, vt idem Canus ostendit c. 9. eiusdem libri, & Valentia q. 1. p. 7. §. 42. Bellarminus lib. 1. de verbo Dei, & Gretserus in eius defensione. Vnde non dubito quin idem Canon sit ab ipsis Apostolis traditus. Tum quia vix tam multi Patres, tam Docti, & prudentes, habuissent pro diuinis libros illos, sine traditione, quæ ab Apostolis maiarit, maxime cùm inter eos sint aliqui Apostolorum Discipuli: (quanquam, vt dicam paulò post, quidam nonnullos citarunt non Canonicos.) Tum & præcipue quia Christus Euangelium per Apostolos, vt fontem omnis veræ & salutaris veritatis prædicari iussit, vt ait Trid. Sess. 4. initio. Quod maxime verum est de fundamentis generalibus fidei, inter quæ est auctoritas librorum diuinorum. Quare Apostoli definierunt de Testamento veteri, (quod etiam Christus, & ijdem, sæpe citando vt diuinum, confirmarunt) & Noui Testamenti libros à se, vel ab Euangelistis scriptos, vt diuinos posteris commendarunt. Postea verò potuit per obliuionem, vt in tam multis definitionibus contingit, serpere inter multos fideles incertia, vel dubitatio circa libros aliquos, quæ fuit decidenda infallibili iudicio Ecclesiæ, cuius est de controuersijs fidei iudicare. Quin etiam Antiqui, sed pauci, reperiuntur qui tertium Esdræ, & tertium Machab. citarint, vt Canonicos, qui tamen in Canone à Concilijs suprà citatis edito non sunt enumerati. Vnde duplex successus temporis orta est dubitatio, & controuersia. Vna, & generalior, de quibusdam non admittendis, qui nunc extant in Canone; altera de quibusdam admittendis, qui nunc non sunt in Canone. Hinc etiam est orta diuisio librorum diuinorum in Proto-canonicos, id est, eos, qui ab initio indubitanter recepti fuerunt ab omnibus Catholicis, vt diuini; & in Deutero-canonicos, id est, eos, qui per nouam definitionem Ecclesiæ recepti fuerunt; quales sunt Esther, Tobias, Iudith, Sapientia, Ecclesiasticus, Baruch, Danielis Appendix, id est, historia Susannæ, & Draconis, & hymnus trium Puerorum, Machabæi, Marcæ caput vltimum, Historia de Christi agone, & Angelo consolante, Luc. 22. & de Adultera, Ioan. 8. Epistola ad Hebræos, secunda Petri, secunda & tertia Ioannis, Epistolæ Iudæ, & Iacobi, & Apocalypsis: de quibus aliquæ Ecclesiæ particulares, & aliqui Patres dubitarunt, aut negarunt esse Canonicos: licet alioqui adhererent Ecclesiæ vniuersali, neque dubitassent, aut negassent, si fuisset definitio intima toti Ecclesiæ, ipsi se nota. De quibus plura vide apud Bellar. lib. 1. de verbo Dei c. 4. & sequentibus.

Traditus
est ab
ipsis Apo-
stolis.

Libri fa-
cri du-
plices,
Proto-
canonici,
& Deu-
tero-ca-
nonici.

SECTIO IV.

Soluitur prima obiectio Hæreticorum.

Contra responsum suprà datum sentiunt Hæretici huius temporis: quorum aliqui, vt Caluinistæ art. 3. Confessionis, admittunt quidem libros omnes Testamenti noui, quos in Canone habemus: sed è veteri Testamento reijciunt omnes Deutero-canonicos. Alij, vt Lutherani, reijciunt etiam nonnullos è nouo Testamento, vt Epistolas Iacobi, & Iudæ, & Apocalypsim. Alij quosdam etiam è Proto-canonicis veteris Testamenti, vt Anabaptistæ, qui librum Iob fabulam vocant, comicis & tragicis legibus intermixtam: & Castalio, qui Canticum Cantiorum nihil aliud esse vult, quam narrationes amorum Salomonis, & filiz Pharaonis. Nitiuntur autem omnes internâ persuasionem, & Spiritus sancti testimonio, quo se libros Canonicos discernere profitentur, potius quam ex consensu Ecclesiæ. Sed hæc persuasio manifestè fallax est, cùm qui eam prætendunt, sibi inuicem aduersentur. Et si Nouatores eam habent; sanctos Patres eam potius habuisse credendum est: quæ quorum tamen permulti agnoscunt pro Canonicis libros omnes ab eis reiectos. Deinde si Spiritus sanctus adest cuique priuato, vt veram Scripturam certò discernat; quanto magis toti Ecclesiæ, illius assistentiam promissam imploranti. Cùmque nullus priuatorum falli non possit, vt ipsi fatentur: vnde habent infallibiles libros illos esse Canonicos, non alios? cùm falli possint existimando sensum suum erroneum, esse internam persuasionem Spiritus sancti: & certè, cùm sibi contradicant, falluntur aliqui necessariò. Adde Canonem Caluinistarum à nullo tradi Antiquorum, præterquam à Ruffino, Hieronymi aduersario, & de fide suspecto. Imò etiam Ruffinus, Baruch annumerat sacris libris, quem Caluinistæ reijciunt. Quare Canonem suum à nullo prorsus Antiquorum habent.

18.
Canon hæretico-
rum quas-
lis?

A nullo antiquo-
rum tra-
ditur.

Contra id verò quod diximus Scripturæ certitudinem pendere quoad nos à traditione, & definitione Ecclesiæ, obijciunt primò illud Christi, Ioan. 5. v. 34. *Ego non ab homine testimonium accipio.* Ergo Scriptura diuina non eget hominum testimonio. Et i. Ioan. 2. *Non necesse habetis, vt aliqui doceas vos: sed sicut eius vnctio docet vos de omnibus, & verum est.* Ergo vnctio, id est, interna persuasio Spiritus sancti docet nos, quæ sunt Scripturæ Canonice. Et Ioan. 7. *Si quis voluerit voluntatem eius facere, cognoscat de doctrina, virum ex Deo sit.* Ergo cognoscat Scripturam esse diuinam. Et Ioan. 10. v. 27. *Oves meæ vocem meam audiunt.* Ergo ipsæ oues, id est, fideles, habent per se idoneam discernendi Scripturas facultatem. Item illud i. Ioan. 5. v. 10. *Qui credit in filium Dei, habet testimonium Dei in se:* Ergo in his, quæ ad fidem pertinent, non est recurrendum ad aliena testimonia, sed ad diuinum, quod in nobis habemus. Et Deuter. 18. v. 20. & se.

19.
Argumē-
tum hæret.
ad proban-
dum certam
notitiam
Script., non pen-
dere à tra-
ditione
Ecclesiæ.



quentibus, Deus dat signum discernendi falsum Prophetam à vero, si quod ille prædixit, non euenierit. Quo significat non ad iudicium Ecclesiæ recurrendum esse, sed ex ipsa rerum euidentia iudicandum. Addunt illud 1. Cor. 12. v. 12. *Nos autem non Spiritum huius mundi accepimus, sed Spiritum, qui ex Deo est, ut sciamus quæ à Deo donata sunt nobis.* Scriptura autem facit nobis à Deo donata esse: Ergo, &c. Et v. 15. *Spiritalis iudicatis omnia, & ipse a nemine iudicatur. Quis enim cognouit sensum Domini, qui instruat eum? Nos autem sensum Christi habemus.* Et c. 14. v. 37. *Si quis uideretur Prophetæ esse, aut spiritalis, cognoscat quæ scribo vobis, quoniam Domini sunt mandata.* Quicumque igitur habet Spiritum Dei, cognoscit verba Domini, potestque illa discernere.

Ad primum, Respondeo Christum ibi non loqui de Scriptura, sed de seipso: & tantum affirmare, se tunc non vti hominum testimonio ad suam diuinitatem probandam Iudæis, quo etiam non egeat, sed diuinis operibus, & miraculis eam satis probare; propter quod subdit v. 36. *Ego autem habeo testimonium maius Ioanne. Opera enim, quæ dedi mihi Pater, ut perficiam ea, ipsa opera, quia ego facio, testimonium perhibent de me, quia Pater misit me.* Quod tamen Christus, licet non egeret hominum testimonio, posset illud accipere, & acciperet aliquando, patet ex eo quod habetur Ioan. 1. *Fuit homo missus à Deo, &c. ut testimonium perhiberet de lumine.* Et Ioan. 15. *Vos testimonium perhibebitis de me, quia ab initio mecum estis.* Et Act. 1. *Eritis mihi testes in Ierusalem, & in omni Iudæa, & Samaria, & usque ad vltimum terræ.*

Ad secundum, responsum est alibi, Ioan. nem fidelibus loqui iam edoctis à se, & ab alijs Apostolis: & per vñtionem intelligere doctrinam, quam acceptant, cum auxilio Spiritus sancti ad eam firmiter, ac sicut oportet, acceptandam, & retinendam contra fraudes hæreticorum, quos Ioannes ibidem accusat: sensusque illius est, quod fideles non habeant opus discernere aliquid ab hæreticis: cum vñtio Spiritus sancti, id est, Spiritus sanctus per se, vel per Ecclesiam eius instinctu, & auctoritate loquentem, doceat illos quæcumque ad salutem scire concedit. Ad tertium: Sensus Christi est, quicumque fecerit voluntatem Patris mei, sinendo se prudentem, & docilliter persuaderi operibus, quæ ipse per me facit ad persuadendum doctrinam meam esse diuinam, cognoscat de doctrina mea, vtrum ex Deo sit. Quarti similiter sensus est, Oves meæ, quæ mites sunt, & dociles, vocem meam, tot signis & miraculis probatam esse verè diuinam, audiunt, & acceptant vt talem: quo sensu dixerat duobus verbis præcedentibus, *Opera, quæ ego facio in nomine Patris mei, ipsa testimonium perhibent de me: sed vos non creditis, quia non estis ex ovis meis*, id est, quia non omnia docilitate parætis, sed ferinà duritie malitiosè resistitis.

Ad quintum: sensus est, vt patet ex contextu, eum, qui credit in filium Dei, admittere testimonium diuinum, propter quod in eum

credit: vt è contrario, qui non credit filio, mendacem facit eum (Patrem scilicet) quia non credit in testimonium, quod testificatus est Deus de Filio suo, vt subditur verbis immediate sequentibus. Ad sextum: Non est recurrendum ad Ecclesiæ iudicium, quando res manifestè patet: sicut patet illum esse falsum Prophetam, à quo prædicta non eueniunt. At non ita constat euidenter hos, aut illos libros esse Canonicos: vt patet ex tot controuersijs antiquis, & nouis. Ad septimum dico, sensum Pauli esse, vt liquet ex antecedentibus, & consequentibus in textu, Nos Apostoli, qui vobis prædicamus bona illa supernaturalia, nobis à Deo propostia, & donata sub conditione, quæ non potest animalis homo, id est, carnalis, & prophæus intelligere, quæque nec oculus vidit, nec auris audiuit, &c. Nos, inquam non Spiritum huius mundi, qui non potest hæc percipere, accepimus; sed Spiritum, qui ex Deo est, id est, lumen fidei, ut sciamus, id est, credamus, & intelligamus quæ à Deo donata sunt nobis, id est, bona illa, & dona supernaturalia, propostia scilicet per diuinas reuelationes, & per motiua, & regulas credendi à Deo constitutas.

Ad octauum Respondeo primò, Paulum ibi comparare hominem spirituales cum animalis tantum; & asserere spirituales omnia iudicare, id est, discernere, tam humana, quam diuina; quia vtraque nouit: & a nemine animal iudicari, quia animalis homo non percipit ea, quæ sunt Spiritus Dei, & non potest intelligere, vt ibidem additur, adeoque nec de illis iudicare. Secundò, Paulus non asserit quod homo spiritualis omnia iudicet spiritu priuato: sed secundum vias, ac regulas à Deo institutas. Alioquin non vt spiritualis, sed vt animalis ageret. Non dicit, inquam, Apostolus vnumquemque spiritalem, & habentem Spiritum sanctum posse per se solum omnia iudicare: sed habere viam iudicandam omnia, quantum est opus, per regulas fidei, & prudentiæ Christianæ, quæ dicat, certò quidem & sufficienter propostia, pro talibus habenda esse: in dubijs autem, ad Pastores, & Doctores Ecclesiæ, legitimam definiendi potestatem habentes, recurrendum esse, iuxta illud eiusdem Apostoli ad Ephes. 4. *Quosdam dedis Pastores, & Doctores, ut non sicut paruuli fluctantes, & circumferamur omni vento doctrine: & iuxta exemplum ipsorummet Apostolorum, qui ortam controuersiam de obseruatione legalium, non reliquerunt dijudicandam singularis fidelium, tamen spiritalis essent: sed illam in Concilio determinarunt.* Act. 15. *Conueniunt enim Apostoli, & seniores videre de verbo hoc: & magnâ consensione factâ pronuntiarunt, Vñtum est Spiritui sancto, & nobis, nihil ultra imponere vobis oneris.* &c. Tertiò denique, non negat Apostolus, posse hominem spiritalem iudicari, & instrui à Iudice verè spirituali Cùm ipse alibi iudicium in fideles exercuerit: & in eadem Epistola c. 5. v. 12. & 13. dicat, *Quid enim mihi de ijs, qui foris sunt, iudicare? Nonne de ijs, qui intus sunt, vos iudicatis? Nam eos, qui foris sunt, Deus iudicabit.* Item,

234

Quomodo
do ipse
talis
omnia
diudi-
cat?

10.
Quomodo
non
eget
Christi
hominum
testimo-
nio?

Quo
fideles
non
habet
opus
doceri?

11.
Et habet
testimo-
nium Dei
in se?

vel nullus Christianorum, ad quos Paulus scribebat, erat spiritualis & vel perperam laborasset in illis instruendis; si spiritualis homo à nemine profusus instrui potest. Sed, ut dixi, comparat tantum Paulus hominem spiritalem cum animali; à quo affirmat non posse instrui, quia non habet sensum Domini. Vel, si hæc verba generaliter intelligenda sunt, sensus est, quod spiritualis, quia spiritualis, id est, quatenus agit ut spiritualis, à nemine iudicatur, id est, à nemine iure reprehenditur.

23. Ad nonum: Apostolus ibi loquitur de homine verè Prophetia, & verè spirituali, deque rebus ibidem à se propositis, quas facile erat intelligere Domini esse mandata, id est, Dei voluntati, & rectè rationi conformia. Quod & per se notum erat ex Pauli discursu: & poterant iam aliunde viri illi spirituales, aut Prophetæ, doctrinà voce traditâ id didicisse. At hinc non sequitur, quemlibet Spiritus sancti inspirationem iactantem, ut Novatores omnes faciunt, posse libros Canonicos discernere infallibiliter; imò illi ipsi, in quibus Spiritus sanctus verè inhabitat, non eos discernunt immediatè per Spiritus sancti inspirationem; sed per iudicium Ecclesiæ, cui Spiritus sanctus illud commisit, & ad quod eos remittit, ut servetur ordo, quem in Ecclesia statuit. Certè negare non possunt Aduersarij quin sancti Patres fuerint spirituales; & tamen inter eos fuit dissensio de libris Canonicis: ut & nunc est inter Novatores, qui tamen omnes se spirituales putant. Iuvat quidem Spiritus sanctus, ut assentiamur obiecto fidei proposito legitime: sed illius inspiratio supponit obiectum esse tale, habere Dei reuelationem sufficienter credibilem, vel testimonio Ecclesiæ, vel aliunde, ut propter illam assentiamur obiecto tanquam diuinitus reuelato.

SECTIO V.

Aliæ hereticorum obiectiones refelluntur.

24. **O**bjiciunt secundò, Si Ecclesia de Scripturis diuinis iudicare debet, Ergo est superior Scripturis. Nam neque æqualis, neque inferior de superiore iudicare potest authenticè. Deinde, Ecclesia fundatur supra fundamentum Apostolorum, & Prophetarum, Ephes. 2. v. 20. id est, supra doctrinam Apostolorum, & Prophetarum. Ergo prius huic doctrinæ sua certitudo constare debet, quàm sit Ecclesia super eam fundata. Ergo non accipit suam certitudinem ab Ecclesia. Tertiò, si Scripturæ sacræ veritas ab hominum testimonio penderet, & ex eo comprobaretur: Ergo tunc vltima fidei nostræ resolutio fieret in hominum testimonium: atque ita fides non esset diuina, sed humanâ. Quartò, Scriptura ipsa est regula, quâ Ecclesia in controuersijs definiendis uti debet. Ergo non pertinet ad Ecclesiam statuere, quænam sit Scriptura Canonica. Alioquin iam Ecclesia erit regula Scripturæ, non Scriptura Ecclesiæ: & perinde nobis erit, si Ecclesia ex Scriptura, tanquam ex regula definiat;

atque si absque vlla regula definiret; siquidem ipsa Ecclesia propriâ auctoritate sibi constituit talem regulam. Quintò, sit circulus vitiosus, si per iudicium Ecclesiæ infallibile, probatur Scriptura, & per Scripturam probatur infallibile iudicium Ecclesiæ.

Ad primum Respondeo duplex esse iudicium: discretionis scilicet, quo vnum discernitur simpliciter ab alio; & auctoritatis, quo authenticè aliquis damnatur, vel absoluitur, &c. cum obligatione subeundi sententiam iudicariam. Primum iudicium non requirit auctoritatem, & superioritatem in iudicante. Et illud tantum exercet Ecclesia circa Scripturam secundum se spectatam; discernendo scilicet veram Scripturam diuinam ab adulterinâ, & falsò emendatâ: ut si quis Regem sibi optimè notum discerneret ab alijs se Regem esse simulantibus. Alterum verò iudicium exercet circa nos tantum, quos obligat ad acceptandam Scripturam, quam discernit; & contradicentes condemnat.

Ad secundum Respondeo primò, Totam doctrinam Apostolicam non consistere in Scriptura, sed & in traditione, quam Ecclesia sequitur, & quâ vitur ad discernendos libros Canonicos. Secundò, certitudinem esse duplicem, vnam obiecti; alteram cognitionis: siue vnam ex parte rei secundum se, alteram respectu nostri; & doctrinam quidem Apostolicam habere certitudinem secundum se, id est, veritatem necessariam, & longè remotam ab omni falsitate, prius quàm sit Ecclesia. Imò etiam quando per Apostolos Ecclesia fundabatur, doctrina Apostolica respectu eorum, qui conuertebantur, & ad Ecclesiam inchoandam se aggregabant, habebat certitudinem aliunde, quàm ab Ecclesia; nempe à miraculis & signis, quibus Apostoli ostendebant esse diuinam. Atque ita Ecclesia fundabatur in doctrina Apostolica, non tantum quatenus certâ secundum se, sed etiam quatenus certâ secundum nos, id est, respectu hominum. Postea verò Ecclesia per hanc doctrinam constituta potuit esse posteris fundamentum credendi doctrinam illam esse diuinam; & esse causa certitudinis ex parte ipsorum, cur scilicet certò illam Scripturam, ut diuinam acceptarent, quia Ecclesia testabatur sibi esse ab Apostolis traditam. Atque ita Ecclesia potest esse, & re ipsa est causa, cur nobis Scriptura certò innoscescat. Et quidem Paulus, qui Ephes. 2. ait Ecclesiam ædificari supra doctrinam Apostolicam; affirmat pariter 1. Timoth. 3. v. 15. Ecclesiam esse columnam, & firmamentum veritatis, Apostolicæ scilicet, & Euangelicæ. Quod intellige, inquit ipsemet Beza ibidem, hominum respectu, non simpliciter. Et Caluinus ibidem, stultè initio in nostram sententiam debacchatus, in eam paulò post incidit, cum ait: *Itaque hominum respectu sustinet Ecclesia veritatem, quia eam præconio suo celebrat: quia puram, & sinceram reuinet: quia transmissit ad posterum.* Sic igitur Scriptura, & nunc fundatur in Ecclesia respectu nostri; & illam olim fundauit secundum se, ut nota per miracula, & alia opera Apostolica, planè diuina.

Quomodo Ecclesia de Scriptura iudicat?

Es. Quomodo dat, & accipit certitudinem à Scriptura?

26.
sit-ue re-
gula Scri-
pturæ?

Ad tertium Respondeo, testimonium Ecclesie non esse pure humanum, sed diuinum, ob infallibilem assistentiam Spiritus sancti. Ad quartum: Ecclesiam non propriè est regula Scripturæ secundum se; sed tantum respectu nostri: id est, Ecclesia est nobis regula, quâ cognoscamus infallibiliter veram Scripturam diuinam, & verum eius sensum. Ipsa verò Scriptura secundum se spectata, & verus eius sensus, per infallibilem Spiritus sancti assistentiam cognita, sunt illi regula, quam in definiendis fidei controuersijs sequi debet. Neque prout perinde est, ac si sine regula definiret, nec illam sibi propriè auctoritatem constituit; sed constitutam habet à Spiritu sancto, à quo ad illam cognoscendam iuuatur, ut per eam instruat, & dirigatur. Ac licet Spiritus sanctus possit per seipsum immediatè Ecclesiam docere quæcumque illam edocet per Scripturam, sicut illam immediatè iuuat ad Scripturam dignoscendam: voluit nihilominus id facere per Scripturam, per quam tamen Ecclesia doceri non potest infallibiliter, nisi dirigatur à Spiritu sancto ad illam discernendam, & ad verum eius sensum agnoscendum. Quare hæc duo bene conueniunt, imò secundum cum primo necessario coheret: quod scilicet Scriptura sit regula Ecclesie; & tamen Ecclesia Spiritus sancti auxilio infallibiliter Scripturam discernat.

27.
Quomodo co-
gnoscimus Scri-
pturam per Ec-
clesiam?

Ad quintum iam alibi responsum fuit, quando Scripturam primò cognoscimus per iudicium infallibile Ecclesie; aliunde nobis esse notum Ecclesie iudicium esse infallibile, quàm per Scripturam: nimirum per signa intrinseca Ecclesie, vel extrinseca, quibus euidenter credibile sit ipsam esse diuinum opus admirabile, & planè talem, qualem se proficitur. Cuiusmodi sunt doctrinæ puritas, miracula, constantia martyrum, victoria persecutionum, & alia alibi enarrata. Et sic non fit circulus vitiosus: quasi verò non cognoscamus iudicium Ecclesie esse infallibile, nisi per Scripturam: & Scripturam non cognoscamus, nisi per Ecclesiam. Priùs enim nobis nota est Ecclesia, quàm Scriptura, ut certò diuina. Quamvis (ut alibi notauimus) habità iam notitiâ Scripturæ confusè, per Ecclesie testimonium infallibile; possimus ex Scripturæ lectione, & notitia distincta, cognoscere multa de ipsa Ecclesia, etiam non antè nota: ad eum modum, quo si Pontifex, aut Rex Legatum mitteret cum diplomate continente multa ipsi commissà; possent illi, ad quos mittitur (postquam aliunde satis constaret, ipsum à Rege verè mitti, & diploma, adhuc confusè cognitum, esse verè regium) omnia ipsi commissà cognoscere ex lectione diplomatæ, quæ antè ignorabant. Atque ita Ecclesia, & Scriptura, àlicque fidei regulæ mutuam sibi opem præstant sine circulo vitioso. Postò si compararet auctoritas Ecclesie cum Scripturæ auctoritate, dico vtramque æqualem esse intensiù, quia vtraque diuina est. Scripturam tamen habere quid diuinum quoad modum. Quatenus Scriptores sacri non tam agunt, quàm aguntur à Spiritu sancto æquentissimè distante verba ipsa, ita ut to-

Maiores auctori-
tas Scripturæ
quàm Ec-
clesiæ?

tum à Deo sit. At verò Ecclesia definiens eget labore, ac diligentia: nec verba ipsa, quibus definit, dicantur à Spiritu sancto: ut alibi notauimus. Aliunde verò Ecclesie auctoritas extensiuè maior est, quia ad plures controuersias decidendas se extendit. Non enim omnia quæ decideri, habentur clarè & expressè in Scriptura, ut alibi ostendimus.

Tertiò denique, multa speciatim obijciunt contra singulos libros quos Apocryphos esse contendunt, partim desumpta ex ipsis libris, ut eos falsitatis, vel indecentiæ arguant: partim ex antiquis Patribus, qui de illis dubitarunt, aut negarunt esse Canonicos. Quæ quia persequi longum esset, & à multis accuratè tractata sunt, satis erit eos indicare, à quibus accuratius. Videantur ergo Bellarminus lib. 2. de verbo Dei à cap. 7. & Gresserus in eius defensione. Canus lib. 2. de Locis, à cap. 10. Serarius in libris Tobie, Iudith, &c. & qui recens accuratissimè, Iaubertus de Barraute Tom. 1. Clypei, cap. 14. Tantum moneo circa Patres, nullum eorum definitionem Ecclesie sibi notam impugnasse, aut reiecisse libros ab ea receptos, postquam eius definitio sibi innouit. Cum è contrario doceant omnes iudicium Ecclesie sequendum esse. Quare quod ait Hieronymus, Epist. 115. librum Iudith ab Ecclesia non recipi inter Canonicos, dictum ab illo est, antequam nosset definitionem Concilij Nicæni, cuius postea meminit in præfatione in Iudith: neque ordo scriptorum Hieronymi seruat ordinem temporis, quo scripta sunt. Nisi quis malit Hieronymum per Ecclesiam intelligere Iudaicam. Laodicense verò Concilium eundem librum Iudith in Canone omittens, fuit antiquulus Nicæno, ut ostendit Baronius tom. 4. in Appendice: Et hæcenus de Canone.

SECTIO VI.

An & quis textus Scripturæ sit authenticus?

Quæres secundò, an & quis textus Scripturæ sit authenticus, id est, certò diuinus, & habens auctoritatem, vt talis? Ratio dubitandi est: quia non habemus Scripturæ sacrorum autographa, sed exemplaria, quæ per infinitas transcriptions, vel editiones ad nos peruenerunt, in quibus error multiplex contringere potuit incuria, vel inficitia, vel malitiâ hominum. Item habemus varias translationes è textu originali in alias linguas. Atque etiam non raro varias & repugnantes lectiones eiusdem textus, tum in eadem, tum in diuersis linguis.

Respondeo, ad prouidentiam diuinam circa Ecclesiam suam pertinuisse, vt Scriptura (cui est illam veluti regulæ infallibili conformatur Ecclesia, discernens & ipsa infallibilis) incorrupta permaneret: ita vt non omnes editiones corruptæ sint. Quænam verò sit incorrupta, ceterisque dissentientibus præferenda, discernere non est cuiusque priuati fallibilis, sed id quoque ad iudicium Ecclesie pertinet, non minus quàm librorum Canoniorum discretio, quæ suæ dif-

29.
Ratio du-
bitandi.

10.

crezione textus authenticum non sufficit ad fidem in Scriptura velut diuinam fundandam. Neque enim fundatur in Scriptura confusè, sed in his, aut in illis Scripturæ verbis, quæ proinde constare oportet esse Scripturæ verba, à Spiritu sancto dictata, non autem alia per hominum insecutiam, vel incuriam, vel malitiam subfinitura.

De hac verò controuersia grauissima Trid. Sess. 4. Decret. 2. initio sic pronuntiat: *Insuper eadem sacro-sancta Synodus, considerans non parum utilitatis accedere posse Ecclesie Dei, si ex omnibus, Latinis editionibus, qua circumferuntur, factorum librorum, quantum pro authentica habenda sit, innoteat: Statuit, & declarat, ut hæc ipsa vetus, & vulgata editio, quæ longo tot seculorum usu, in ipsa Ecclesia probata est, in publicis lectionibus, disputationibus, prædicationibus, & expositionibus, pro authentica habeatur, & ut nemo illam rescire quouis prætextu audeat, vel præsumat.* Huc vsque Trid. Ex quibus collige primò, eam cæteris versionibus, ex quocumque textu deriuatæ sint, præferri: quandoquidem illa vna inter omnes declaratur authentica. Collige secundò, licet Hebræicus, aut Græcus textus magis conformes videantur alij versioni: tamen horum textuum, & versionum auctoritatem non præiudicare vulgatæ, ita vt propterea rejicienda sit: quia ex Trid. non licet quouis prætextu vulgatam rejicere. Ergo neque eo prætextu, quod aliter vertendo foret sensus conformior Græcis, aut Hebræicis. Collige tertio, Hebræicum, aut Græcum textum, qualem iam habemus, non esse authenticum. Quia sæpe non habet quæ sunt in vulgata, integram capitula, & libros. Item habet passim quæ contrariò modo, aut planè diuerso sunt intelligenda, ita vt nullo modo possint à peritis trahi ad sensum vulgatæ. Iam verò, ille codex, qui est talis, vt ex eò quod aliquo careat, non liceat inferre Scripturam veram eo ceteri; item ex eo quod aliquid asserat, non liceat inferre à Scriptura asseri; non est authenticus, id est, certò diuinus. Atqui talis est Græcus, & Hebræicus, qui nunc est. Ergo, &c. Quæ vt magis declarantur, & vt Nouatorum obiectionibus occurratur.

Nota primò, Textum Hebræicum veteris Testamenti, ad quem vnum velut originale provocant Nouatores, fuisse quidem initio planè diuinum & authenticum; quia Hebræis Hebræicè primùm, & originaliter traditus fuit, ab ipsæ ad Græcos, & Latinos deriuatus: manifestè integrum, & authenticum vsque ad Christi tempora, & Apostolorum, qui passim Hebræos, Scripturas citantes, nunquam admonent de corruptione: imò & vsque ad tempora Hieronymi (communiter saltem) qui ex Hebræo Scripturam vertit, vt sæpius ipse testatur, & speciatim in Catalogo Scriptorum Ecclesiasticorum, & August. 18. de Ciuit. c. 43. At nunc certissimè non esse diuinum absolutè, & vniuersaliter, ob certissimas corruptiones. Nam, vt fatetur ipsemet Caluinus in caput Zachariæ 11. v. 6. Biblia fuerunt punctis à Iudeis viciata, id est, punctorum, quæ

apud Hebræos sunt loco vocalium, additione, perperam facta à Rabbiniis infidelibus, & Spiritu sancto deficiunt, ac ne interesse quidem consentientibus, anno post Christum natum 514. Deinde inscitia linguæ Hebræicæ, quæ à multo tempore non adeo fuit communis; & affinitas summa quarundam literarum Hebræicarum, causa fuit cur alie per alijs literæ substituerentur, & interdum duæ dictiones in vnam coniungerentur, aut in duas vna diuideretur, cum magna sensus variatione; vt multis exemplis ostendit Genezardus in Psalmum 4. & plures alios. Quod interdum etiam à Rabbiniis de industria factum docet Galatinus lib. 1. de Arcanis c. 8. Idque probat ex ipso summet Rabbiorum, qui alios huius fraudis carpserrunt, confessione, & antiquiorum lectione. Aliunde verò non est vllus codex Hebræicus, quem à tanto tempore incorruptum infallibilis iudex acceptet. Exempla deprauationum plurimarum, ab ipsis quoque Nouatoribus agnitarum, habent Galatinus suprà varijs locis, Salmeron tomo 1. Prolegom. 4. Iaubert. de Barraute tomo 3. Clypei, in Tract. de Euasionibus, cap. 9. §. 11. & Gordonum Hunzelæus. Controuer. 1. c. 10. qui etiam c. 11. notat, & varijs exemplis probat, loca in nouo Testamento citata ex veteri Christo, & Apostolis, non conuenire cum textu Hebræo, qui nunc est: sed cum septuaginta, & cum nostra vulgata.

Secundò, circa textum Græcum noui Testamenti, ad quem etiam vnum prouocant Nouatores, tanquam originale (quanquam Euangelium Matthæi non Græcè, sed Hebræicè ab eo scriptum fuit) Nota vel ipsi Nouatoribus consentientibus esse nunc multis in locis corruptum. Nam ipsimet textum Græcum noui Testamenti corruptionibus arguunt non rarò: & interdum eo reiecto vulgatam nostram editionem sequuntur. Cuius rei exempla vide apud Iaubertum suprà, & Gordonum Controuer. 1. cap. 13. n. 3. Adde Bezam ipsum in Præfat. in nouum Testamentum ad Elizabetham, fateri vulgatam interpretem ex emendationi exemplari vertisse, quàm sint nunc vulgò Græci Codices. Quin etiam, inquit, alijs quot locis animaduertimus veteris Interpretis lectionem, quamvis cum nostris Græcis exemplaribus interdum ei non conueniat, tamen ipsis rebus multò melius quadrare. Nempe quòd ille, quisquis fuit, emendatius aliquod exemplar nactus esset. Hæc Beza: qui etiam in cap. 8. Lucæ, v. 54. testatur inter suos vetustos codices Græcos, duos fuisse, quorum mirificus erat cum vulgata editione consensus. Et in caput 1. Luc. v. 1. Veterem nostrum interpretem summè religione sacros libros interpretatum esse fateatur. Extat etiam nunc in Bibliotheca Vaticana vetus exemplar Græcum, in omnibus cum vulgata consentiens, teste Gordonò suprà, cap. 13. n. 9. Licet autem textus Hebræicus veteris Testamenti non sit authenticus, neque versio Septuaginta, & alie Symmachii, Aquilæ, Theodotionis, &c. Vt neque etiam textus Græcus, qui vulgò extat, noui Testamenti, in plerisque à vulgata dissen-

10.
Vulgata
statuitur
authenti-
ca à Tri-
dentino.

11.
Textus
Hebræi-
cus
Script.
qualis
est?

12.
Textus
Græcus
noui Te-
stam. cu-
ius sit au-
thenticus?

tians (idemque dico de paraphrasi Chaldaica veteris Testamenti, & de versione Syriaca noui, de quibus omnibus vide Bellarm. lib. 2. de verbo Dei c. 3. & sequentibus) viles tamen sunt ad varios errores bibliopolarum corrigendos, conferendo Codices inter se, & ad terminos ambiguos vulgatæ intelligendos, ad emphasim, & proprietatem vocum melius agnoscendam, ad conuincendos hæreticos, qui tales Codices admittunt; qui Codices in omnibus deprauati non sunt: Item quando Latini Codices ita variant, vt nequeat certò statui, quænam sit vulgata versio; quemadmodum fusiùs docet, & pluribus exemplis confirmat Bellarm. libro supra citato, cap. 11.

31.
Quæ
vulgatæ
versionis
auctori-
tas?

Tertio, circa auctoritatem vulgatæ editionis, id est, versionis illius Latine, quam in Trid. Ecclesia approbavit, & authenticam declarauit, Nota versionem illam esse antiquissimam. Quippe quæ, quoad vetus Testamentum, partum est Itala illa, D. Augustino laudatissima lib. 2. de doctrina Christiana c. 15. partim Hieronymiana, ab eodem Augustino laudata lib. 18. de Ciuitate, c. 43. Quoad nouum autem Testamentum, est Itala illa vetus, & certissimè antiquissima, sed ab Hieronymo emendata iussu Damasi Pape; vt fusiùs docent, & veterum testimonijs probant Baronius tom. 1. an. 231. & Bellarm. lib. 2. de verbo Dei c. 8. & sequentibus. Atque hinc sequitur vulgatæ auctoritatem maximam esse debere; quippe quæ tam longo sæculorum vsu in Ecclesia probata est, tum integra, vt nunc est; tum quoad partes, ex quibus constata. Nam Italiam fuisse in antiqua Ecclesia prælatam ceteris omnibus testatur Augustinus lib. 1. de doctrina Christiana cap. 15. versionem verò, & emendationem Hieronymi fuisse pariter iam pridem receptam testantur Gregorius lib. 20. Moral. c. 24. & Isidorus 6. Ethymolog. cap. 5. & lib. 1. de diuinis officijs, verbis relatis à Bellarm. lib. 1. de verbo Dei cap. 10. Non potuit autem in officijs diuinis, in lectionibus, & prædicationibus, in Concilijs generalibus, & similibus, spurium verbum Dei pro vero recipi in Ecclesia infallibili, præsertim tanto tempore. Cùmque Ecclesia Hebræica habuerit semper, vsque ad Christum, Scripturam in sua lingua authenticam: Et Ecclesia Græca similiter aliquandiu textum Græcum authenticum habuerit, nempe vetus Testamentum ex versione Septuaginta, quam Apostoli cum nouo Testamento Græco Ecclesiæ Græcæ tradiderunt (absurdum enim esset existimare illos non tradidisse textum authenticum Ecclesiæ Gentiliū, ignaræ Lingue Hebræicæ; Græcæ verò tunc passim etiam Latinis nota erat) Cum, inquam, Ecclesia Græca & Hebræica habuerint textum suū Linguæ authenticum, est prorsus incredibile Latinam Ecclesiam nullum vnquam textum Latinum habuisse authenticum. Quòd si quem habuit, maximè illum, quem Ecclesia tot sæculis approbavit. Est item prorsus incredibile, Ecclesias Hebræam, & Græcam, quæ iam pridem à vera fide defecerunt, habere Scripturam puriorem, & magis authenticam, quam Ecclesiam Latinam, quæ sola constans in fide per-

stitit, longèque latiùs Euangelium propagauit, quàm Hebræa vel Græca Ecclesia. Quasi verò Ecclesiæ Apostata, vel Schismaticæ, fideiotes fuerint, & diligentiores in vero Dei verbo conseruando, quàm vera Ecclesia, quæ teste Apostolo, est columna, & firmamentum veritatis: quæque, vt ait S. Aug. lib. 33. contra Faustum c. 6. meritis suis, & sanctitate persuadere satis vnique potest se libros sacros integros custodisse.

Nota quartò, errores, quos contra vulgatam obijciunt Nouatores, vel esse errata Librarium, quæ in exemplaribus correctioribus, saltem in omnibus non leguntur, possuntque faciliè corrigi consulendo alia exemplaria, etiam originalia: vel esse versiones receptas à multis sanctis Patribus, sæpique conformes textui Hebræo, qui nunc est, mutatis punctis, aut literis simillimis, aut vnà dictione diuisi in duas, vel duabus in vnā coniunctis, prout olim à Septuaginta interpretibus, & ab alijs, in exemplaribus Hebræicis emendatioribus legebatur: vel denique sensum eundem esse: aut saltem esse intentum à Spiritu sancto. De quibus singillatim Bellarminus lib. 2. de verbo Dei, à cap. 12. & Gordonus Controuersia 1. à cap. 16. Porro Trid. vulgatam approbans, non approbavit Librarium errores; sed vulgatam, præscindendo ab erroribus, & ab alijs, ex collatione Codicum, itémque originalium, forent dignoscendi: sic fuit iussu Pij IV. & Pij V. & Sixti V. & Clementis VIII. multi sunt, etiam post Tridentinum, correcti. Neque etiam asserit vulgatam esse authenticam, quasi sit omnium versionum possibilium optima. Hoc enim non est necessarium ad Scripturam authenticam: sed tantum quòd in ea nihil sit contrarium fidei, & bonis moribus, & ille sensus fuerit intentus à Spiritu sancto, quem præfert versio. Quamvis possit sensus à Spiritu sancto intentus, exprimi plenius, tum ratione significationis, per versionem clariorem; tum etiam ratione significati, quatenus nihil vetat in vulgata non omnes sensus fuisse expressos, imò nec primarium, & potissimum: quanquam denec Ecclesia talem alium sensum approbet, non habet tantam auctoritatem, quantum versio vulgata. Si tamen ab Ecclesia in Concilijs, aut aliter, data esset alia versio; esset authentica non minùs quàm vulgata hodierna: quia per est quouis tempore infallibilitas Ecclesie. Quòd si obijcias ex Trid. nefas esse rejicere vulgatam versionem. Respondeo non ideo rejici, quòd alia versio non repugnans acceptetur. Nam eiusdem loci vt duplex sensus esse potest, quemadmodum infra ostendimus: ita multo magis duplex versio. Dixi, *alia non repugnans*: quia nunquam ab Ecclesia recepta est vlla versio, quæ sit in vllò contraria alicui in vulgata acceptata.

Nota quintò, ab Hieronymo emendatas fuisse versiones, etiam tunc ab Ecclesia receptas: non quòd in eis foret error receptus, sed emendando iuxta Codices integrores, approbato ab Ecclesia, quæ potius inuita pateretur irrepsisse errores, quàm approbare. Sicut inuita patitur pronuntiationeq; vitiosas verbi Dei.

24.
Eiusdem
incepti-
tas.

35.
Emenda-
tio Hie-
ronymi
& eccle-
siae

Adde emendasse restituendo clariori significationi, aut *seculi* potiori intento à Spiritu sancto, & magis conformi verbis, quibus primò vñs est Spiritus sanctus per scriptorem Canonicum.

Assistentia Spiritus sancti in emendando.

Nota sextò, non esse opus, vt interpret, siue Hieronymus, siue alius, sit actus Spiritu sancto ad modum Canonici Scriptoris, cum omnimoda infallibilitate: sed sufficere, vt Ecclesia habuerit talem assistentiam in approbando, sicut quando Synodicè approbat priuatorum dicta. Quamquam, eò interpretatio sit donum Spiritus sancti, 1. Cor. 12. v. 10. maxime in arduis Scripturæ locis, & facientibus insigniter, & tam vniuersaliter ad commune bonum; non dubito quin Deus adfuerit specialiter Hieronymo in inspirando multa per vices, permitiendo de cætero iudicio proprio, & erroribus, propter quos forrè Ecclesia non vñtur integra versione Hieronymi, sed quedam ex Italia retinuit. Nemo autem sana mentis dubitare potest Ecclesiæ iudicium per tot iam secula, omnibus cavillationibus Criticorum, & Hæreticorum præferendum esse: quorum versiones quàm iure merito sint suspexæ Catholicis, vide apud Gordonum Controuersia 1. c. 14.

SECTIO VII.

Vtrum Scriptura sensus sit obscurus?

36. Error hæreticorum.

Hæretici huius temporis affirmant sensum Scripturæ facilitum, & clarissimum esse; ne, si difficilis sit, & obscurus, præsertim in rebus ad salutem & fidelium regimen necessarijs, cogantur admittere vñum aliquem eius interpretem infallibilem, ad quem in dubijs recurrendum sit: ne aliqui manca sit diuina providentia circa Ecclesiam; eiusque puritati, & stabilitati in fide, ac perpetuitati, non satis prospexit; contra illud Apostoli Eph. 4. *Quodam dedit Apostolos, &c. Alios autem Pastores, & Doctores, &c. vt iam non simus paruuli fluctuantes, & circumferamur omni vento doctrinae in nequitia hominum, in astutia ad circumuentionem erroris.* Ita Lutherus in Præfat. assertio- nis articulum à Leone X. damnatorum, vbi generatim, & absolute pronuntiat Scripturam ipsam esse per se certissimam, facillimam, apertissimam sui ipsius interpretem; omnia probantem, iudicantem, & illuminantem, multoque clariorem omnium Patrum Commentarijs. Et Brentius in Prolegomenis contra Petrum à Soto, *Quænam* (inquit de Doctores Catholicis) *Scripturam esse obscuram, id est, que interpretatione indigeat.* Et paulò post addit, impijs & incredulis tantum Scripturam esse obscuram, non autem pijs, & credentibus.

37. Eorundem effugia.

Cùm autem viderent se hac in parte reputare manifestæ experientie, quatuor excogitauerunt effugia, quibus euaderent, aut potius illuderent simplicioribus. Primum est, Scripturæ sensum in se clarissimum esse, sed aliquando obscurum apparere propter idiotismos, seu proprios loquendi modos Lingue originalis, id est, Hebraicæ, & Græcæ: illis

scilicet dumtaxat, quibus hæ Lingue non sunt satis notæ. Secundum est, Scripturam, licet per se claram, pijsque & fidelibus facile intelligibilem; esse tamen obscuram impijs, & incredulis, voluntariè recalcitantes, prauoque affectu laborantibus. Tertium, Scripturam alicubi esse obscuram, sed clarè alibi seipsam explicare. Quartum, saltem nihil esse ad salutem necessarium, quod in Scriptura non clarè contineatur, ita vt facile possit à quolibet intelligi.

Hic error generatim repugnat primò ipsimet Scripturæ, quæ affirmat illustrationem Spiritus sancti necessariam esse ad verum eius sensum intelligendum; nimirum propter obscuritatem, & difficultatem illum assequendi: Nam ad intelligendum id quod clarissimum est, non est magis necessaria illustratio Spiritus sancti, quàm ad videndum colorem in clara luce expositum. Psalm. 118. *Da mihi intellectum, & scrutabor legem tuam. Faciem tuam illuminam super feruum meum, & doce me iustificationes tuas.* Et Luc. 9. v. 45. *Tunc aperuit illi sensum, vt intelligeret Scripturas.* Si autem David, & Apostoli indigerunt illustratione Spiritus sancti: multò magis alij. Et Actor. 8. Eunuchus Candacis Regine, interrogatus à Philippo, num intelligeret, quæ legebat? respondit: *Et quomodo possum, nisi aliquis ostenderit mihi?* Locus autem, quem legebat, erat Prophetia Isaie de Christi morte & passione, quod est vñum è præcipuis fidei nostræ dogmatibus, & magis necessarijs. Et 2. Petri 1. *Habemus firmiter propheticum sermonem, cui bene facilius attendentes, tanquam lucerna lucens in obscuro, & caliginoso loco. Hoc primum intelligentes, quod omnis prophetia Scripturæ, propria interpretatione non sit; id est, vt ipsimet hæretici vertunt; Scripturæ diuinæ, non sunt proprio cuiusque ingenio interpretandæ, sed Spiritu diuino, sicut ab illo scriptæ sunt. Qui Spiritus interpretandi Scripturam, non datur vñi, cuique fidelium, sed vt docet Apostolus 1. Cor. 12. Alij datur per Spiritum sermo sapientie, alij sermo scientie secundum eundem Spiritum, &c. Alij prophetia, alij interpretatio sermonum.* Quare Scripturæ diuinæ interpretatio non est vñi, cuique fidelium committenda. Si autem Scripturæ essent facilissimæ, & clarissimæ; facilis esset earum interpretatio, & posset cuiilibet committi. Nam sermonis facillimi, & clarissimi interpretatio facile à quocumque fit. Notandum autem Petrum ibi loqui specialiter de Christi diuinitate, quod dogma ad salutem necessarium esse non negant Aduersarij; & David loco primum citato loquitur de lege diuina, cuius observatio est necessaria ad salutem, necessitate præcepti.

Idem Apostolus Epistolâ sô posteriori cap. vltimo, de Epistolis Pauli sic loquitur: *In quibus sunt quedam difficulta intellectu, quæ indoctis, & instabiles deprauant, sicut & cæteras Scripturæ, ad suam ipsorum perditionem.* Vbi nota Petrum non affirmare solum mysteria Incarnationis, Prædestinationis, Iustificacionis, & alia, de quibus loquitur Paulus in Epistolis, esse in se difficulta intellectu; sed etiam ea,

379

quæ de illis ipse scribit, siue ipsius modum loquendi, & scribendi. Nam ait illa (quæ affirmat esse difficultia in Epistolis Pauli) deprauari ab indoctis, & instabilibus, sicut & cæteras Scripturas. At indocti, & instabiles non deprauant ipsa fidei mysteria in seipsis, sed deprauant, id est, iuxta vim verbi Græci, trahunt in prauum sensum ea, quæ de illis scripta sunt. Nota secundò, Petrum generaliter affirmare quædam esse in illis difficultia intellectu, omnibus scilicet: quamvis addat deprauari solum ab indoctis, & instabilibus; quia nimirum docti, & stabiles, non eas temerè ex proprio sensu interpretari præsumunt. Nota tertio, Petrum loqui etiam de necessarijs aliquo sensu ad salutem: quandoquidem affirmat indoctos, & instabiles deprauare scripturas ad suam ipsorum perditionem.

40.
Patres
idem af-
firmant.

Secundò, repugnat idem error sanctis Patribus, quorum plura testimonia videri possunt apud Valentium in Controuersijs lib. 5. de Analyti fidei, cap. 5. & Bellarminum lib. 3. de verbo Dei cap. 1. Origenes quidem Homil. 12. in Exodum, ait Scripturam esse librum illum signatum, quem nemo potest aperire, præter Agnum de tribu Iuda, Apocalypsis 5. Chrysostomus homilia 40. in Ioannem, eam comparat thesauro profundè recondito, in quo scrutando sit opus summo labore, summiq;ue diligentia, Ambrosius Epist. 44. ad Constantium, eandem dicit esse similem mari profundò, propter altitudinem prophetarum ænigmatum, Aug. lib. 2. de doctrina Christiana c. 6. & Gregor. homil. 6. in Ezechielem, dicitur sapienter ita à Deo factum fuisse, ne Scripturæ sacræ facilitate vilescerent, & superbia nostra inquirendi labore domaretur. Et lib. 12. Confess. c. 14. Sic exclamat idem Augustinus *Mira profunditas eloquiorum tuorum, quoniam ecce ante nos superficies blandiens paruulis, sed mira profunditas, Deus meus, mira profunditas! Horror est intendere in eam: horror honoris, & irem amoris.* Quia etiam de causa lib. 3. contra Faustum c. 15. & Vincent. Lirinensis lib. aduersus Hæres. c. 2. affirmant, omnibus, sed maxime paruulis in Christo, qualem se quisque existimare debet, consulendam esse perpetuò visibilem, & eminentem Ecclesiam, ad discernendam inter tam varias interpretationes Scripturæ veritatem.

41.
Ratio, &
experien-
tia id cõ-
firmant.

Tertio, repugnat etiam manifestè rationi, fundatæ in experientia. Quia si non solum indocti, & imprudentes, qui vel malis affectibus excecari, de rebus etiam satis clari dubitare possunt, ut quòd Deus sit, quòdque vniuersi curam habeat: verum etiam docti, prudentes, & piji dubitant interdum de sensu Scripturæ, fatenturque se non satis illum assequi posse, attendit licet significatione verborum, comparatione cum alijs Scripturæ locis, alijsque omnibus prudenter expensis, quæ ad Scripturæ intelligentiam faciunt: manifestum est Scripturæ sensum esse in locis illis obscurum. Atqui experientià ipsa, & sanctorum Patrum, Doctorumque Ecclesiæ, imò & ipsorum aduersariorum confessione, manifestum est talia esse multa Scripturæ loca. Ergo, &c.

Ex Patribus sufficere referre duorum Scripturæ bene intelligendæ studiosissimorum testimonium, Augustini, & Hieronymi. Quorum ille Epist. 119. c. 21. affirmat, in Scripturis solis se multò plura nescire, quam scire. Ille in cap. 7. Ecclesiæ, circa finem, sic ait, *Vir qui eruditus fuerit in Scripturis, quanto plus scire caperet, tanto ei in his quasdam videntur maior obscuritas.* Et in Epist. 151. ad Algasiam quærit, & in fine, ait totam Epistolam ad Romanos nimis obscuritatibus inuolutam esse. Ex aduersarijs verò Lutherus in Præfat. in Psalmos, dicit impudentissimæ temeritatis cum esse, qui audeat profiteri vnum Scripturæ librum à se in omnibus partibus intellectum. Et paulò antè de se ipso ibidem sic scribit: *Nolum ab illo id de me præsumi, quod nullus adhuc præstare potuit sanctissimum, & doctissimum:* id est, Psalmeterium in omnibus suo legitimo sensu intelligere, & docere.

Contra primum effugium aduersariorum Dico primò, Dauidem, & Apostolos non fuisse ignaros Lingue originalis sibi familiaris, & in qua ipsi scripserunt: & tamen opus habuerunt illustratione Spiritus sancti, ut Scripturam intelligerent; quemadmodum patet ex locis citatis num. 38. & sæntur Centuriatores Lutherani Centuria 1. lib. 2. c. 4. his verbis. *Senjerunt Apostoli Scripturas non posse intelles sine Spiritu sancto, & interprete.* Itaque aliunde est illa difficultas, quam ab ignorantie Lingue originis.

41.
Causa
hujus
obscuri-
tatis, an
ignoratio
lingue
origina-
lis?

Contra secundum Dico secundò, eundem Dauidem, Apostolos, Eunuchum Candacis Reginæ, & sanctos Patres supra citatos non fuisse impios, incredulos, prauisque affectibus voluntariè excecatos. Et tamen illis Scriptura fuit obscura, neque sine speciali ope Spiritus sancti potuit ab illis intelligi: imò nec tantam eius intelligentiam cum auxilio Spiritus sancti sibi collato affectui sunt, ut non plurima ignorauerint, quemadmodum Augustinus suprà de seipso fatetur: Petrus quoque Epist. 2. c. vlt. affirmat. Paulum in Epistolis suis quædam scribere difficultia generaliter & absolute omnibus, ut paulo antea notauimus. Et denique Lutherus ipse ait, nullum sanctissimum, & doctissimum prouisse huiusque verum Psalterij sensum in omnibus assequi. Ergo Scriptura non est tantum obscura impijs, & incredulis voluntariè excecantibus, prauoque affectu laborantibus: sed etiam pijs, & fidelibus, non vulgaribus solum, sed etiam valde prudentibus, eximisque sanctis, & doctis.

Vel im-
pietas, &
incredu-
litas.

Contra tertium Dico tertio, sanctos Patres, aliòque Scripturæ interpretes eruditissimos, non ignorasse loca Scripturæ esse inter se conferenda, ut alia lucem ab alijs accipiant. Et tamen non obstante illa collatione non potuerunt verum Scripturæ sensum in omnibus, ac prout vnus quidem libri assequi, ut affirmat Lutherus suprà citatus. Ergo collatio locorum Scripturæ inter se, non sufficit ad omnia clarè intelligenda. Deinde cum loca illa, quæ inter se comparantur, ut vnus ab altero lucem accipiat, sapissimè parem claritatem præ se ferant;

41.
Vel im-
pietas
conferendi
inter se
loca Scri-
pturæ?

obscurum manet, vter potius sit per alium explicandus, & in sensum illum trahendus: quæ obscuritas, & controuersia non potest tolli per solam illam collationem. Præterea, ad ostendendum certò & infallibiliter, (sicut ad fidem diuinam opus est) vnum Scripturæ locum debere per alium specie tenus repugnantem, explicari, potius quàm hunc per illum; oportere constare certò & infallibiliter, non posse illum alio sensu intelligi: quod in paucis contingit vi solius Scripturæ. Rursus ea Scripturæ loca, quæ singillatim, & solitariè sumpta apparent per se clara, trahunt interdum obscuritatem ab alijs, quibuscum comparantur. Ex. gr. Deus Exod. 20. sic loquitur: *Ego sum Deus Zelotes, visitans peccata patrum in filios, in terram; & quartam generationem.* Quibus verbis Deus clarè significat se vicijs peccata parentum in filijs. At Ezech. 18. videtur æque clarè contrarium asserere, cum sic ait: *Filius non portabit iniquitatem patris, sed anima que peccauerit, ipsa morietur.* Similiter clarus est iste locus seorsim sumptus, Rom. 3. *Arbitramur iustificari hominem per fidem, sine operibus legi.* Et tamen æque clarus est alter locus Iacobi 2. specie tenus illi contrarius, *Videus quoniam ex operibus iustificatur homo, & non ex fide tantum.* Denique experientia manifesta ostendit collationem locorum Scripturæ non sufficere ad extinguendas diffensiones, & controuersias, quæ circa sensum Scripturæ oriuntur, siue inter Catholicos, siue inter hæreticos ipsos, quorum mos est Scripturæ loca per se clara trahere in sensum improprium, propter alia obscuriora, magis erroribus suis fauentia. Verissimum enim est quod de illis iam pridem notauit S. Aug. lib. 3. de doctrina Christiana c. 10. *Si animinus occupauerit alicuius erroris opinio, quicquid aliud asseruerit Scriptura, figuratum arbitrantur.* Et lib. 2. de Nupt. & Concupisc. c. 31. idem S. Doctor affirmat, non tantum obscura loca Scripturæ, sed etiam clara & aperta, solere corrupti ab hæreticis: vt hodie quoque experimur circa præsentiam Christi in Eucharistia, veram peccatorum remissionem, meritum bonorum operum, & similia in Scripturis satis clarè expressa. Clara sunt enim verba illa Christi seorsim sumpta, *Hoc est Corpus meum*, Matth. 26. Marc. 14. Luc. 22. & 1. Cor. 11. Quæ tamen plerique hæreticorum huius temporis contendunt esse improprie & metonymicè accipiendi, propter alia loca 1. Cor. 10. *Panis, quem frangimus;* & cap. 11. *Quotiescumque manducaueris panem hunc;* & alia similia, quæ non sunt clariora, imò possunt faciliùs, & meliùs per priorem locum in sensu proprio acceptum explicari; lucemque potius ab illo mutuare, quàm eius claritati officere. Vnde ergo habent infallibiliter priorem locum esse metonymicè explicandum propter posteriora, & non posse vilo modo in sensu proprio accipi: ac non potius posteriora debere per priorem exponi: cum vi solius Scripturæ non sit euident non posse ita intelligi?

44-
sint-ne
clara sal-
Contra quartum, & vltimum effugium Dico quartò, duplicem esse necessitatem fidei ad salutem: vnam medijs, & alteram præcepti. Priori

modo valde pauca sunt singulis priuatis ad credendum necessaria; nempe, quòd Deus sit; & quòd inquirentibus se remunerator sit, quòdque Christus Deus & homo sit ab ipso constitutus mediator nostræ salutis. Quæ fateamur clare in Scriptura contineri. Tameñ Ariani loca Scripturæ per se clara de Christi diuinitate Ioan. 1. v. 1. iuncto versu 14. Et 1. Ioan. 5. v. 20. conati sunt obscura reddere, & in sensum improprium trahere, propter alia Scripturæ loca, quæ videntur ei negare omnium rerum scientiam, Marc. 13. v. 31. & omnipotentiam independentem, & absolutam, Ioan. 5. v. 19. & veram essentia vnitatem, siue substantialitatem, Ioan. 10. v. 35. & æqualitatem cum Patre, Ioan. 14. v. 28. ac proinde veram diuinitatem. Sed, vt supra dixi, non est exilimandum locum aliquem Scripturæ esse obscurum ex eo solum quòd hæretici de illo dubitent, aut aliter eum intelligant: quia cum prauo affectu ducantur; solent illa etiam, quæ in Scripturis clariora sunt, in sensum alienum, suis erroribus accommodatum trahere. Necessitate verò præcepti multò plura sunt necessaria ad salutem, siue priuatis fidelibus singulis, siue Pastoribus & Prælati, qui tenentur multò plura scire de fidei dogmatibus: nimirum quæcumque necessaria sunt, vt docendi, & regendi officio ritè fungantur. Ad illos enim pertinet instruere fideles, & contra fraudes hæreticorum defendere, atque in fide stabilire, ne sint veluti paruuli fluctantes, & circumferantur omni vento doctrinæ in nequitia hominum, & astutia ad circumuentionem erroris, vt ait Apostolus Eph. 4. Ad eosdem etiam pertinet Sacramenta fidelibus debito modo ministrare: quod fieri nequit sine notitia materiæ, formæ, subiecti, & aliorum omnium, quæ secundum Christi institutionem necessaria sunt. Denique ad eosdem pertinet curare, vt veritas, & puritas doctrinæ fidei de Trinitate, Incarnatione, & alijs dogmatibus conseruetur, & proponatur alijs fidelibus. Qui etiam tenentur Prælati suis & Pastoribus in fide adhærere: & saltem confusè approbare quidquid Ecclesiæ per illos proponit tanquam à Deo reuelatum, nihilque ab illa propositum rejicere. Hæc autem omnia nego in Scriptura clarè contineri. Nam ex. gr. quòd Baptismus ab hæreticis collaris sit validus, nusquam in Scriptura clarè expressum est, vt fateatur S. Aug. lib. 2. de Baptismo contra Donatistas c. 7. & lib. 1. contra Cresconium c. 33. Ideoque, vt eos reuinceret, fuit illi reuertendum ad Ecclesiæ traditionem. Denique Petrus Apostolus Epist. 2. c. vltimo, ait indoctos, & instabiles deprauare difficulta Scripturæ loca ad suam ipsorum perditionem. Ergo ad salutem aliquo modo necessarium illis erat non ea deprauare. Quæ autem in contrarium opponuntur ab hæreticis, tam solidè & perspicuè refelluntur à Bellarmino lib. 3. de Verbo Dei c. 2. vt inutile sit in illis amplius refutandis immorari.



SECTIO VIII.

De vero sensu Scripturae agnoscendo.

^{45.} **S**uperest quætere quomodo possit dignosci verus Scripturæ sensus, intentus à Spiritu sancto? Ratio dubitandi est, quia eiusdem loci multi possunt occurrere sensus literales, neque facile est discernere vter melior sit. Item, præter sensum literalem, dicitur esse plerumque alius mysticus. Et aliquando quidem literalis sequendus est: aliquando litera occidit, vt ait Apostolus 2. Cor. 3. Item, Scriptores sacri videntur interdum loqui ex proprio sensu, vt quando minuta quedam, & familiaria de seipsum loquuntur: interdum ex mente aliorum, quorum dicta referunt, aut quorum personam suscipere videntur. Non constat autem an huiusmodi velut à Spiritu sancto inspirata dicantur. Vt v. g. quod refertur Ioan. 9. v. 31. dictum à cæco nato, *Scimus quia per peccatores Deum non audit*, non constat vtrum ab illo dictum fuerit instinctu Spiritus sancti? an verò ex sensu ipsius proprio? quod non sufficit ad fundandam fidem diuinam.

^{46.} **Dico** primò, quando Scripturæ sensus intentus à Spiritu sancto non potest euidenter per Scripturam ipsam cognosci, vt non potest falsissime; ad infallibile iudicium Ecclesiæ recurrendum esse: non autem proprio, aut cuiusque per priuati iudicio fallibili credendum. Probat, quia fides diuina debet esse certissima, & erroris experta. Atqui talis non esset, si proprio, aut priuati cuiusque iudicio niteretur; quia priuatus quisque falli potest, neque habet infallibilem assensum Spiritus sancti, vt patet ex dictis Sect. 3. contra priuatum Spiritum Nouatorum, de quo alibi fusiùs. Et Confirmatur experientia tot hæresium, Scripturis vno sensu explicatis, hæcenus innixarum. Verissimum enim est quod ait August. Tract. 18. in Ioan. *Non nata sunt hæreses, & quedam dogmata peruersitatis illaqueant animas, & in profundum precipitantia, nisi dum Scriptura bona intelliguntur non bene: & quod in his non bene intelligitur, temere & audacter asseritur.* Et Epist. 222. ad Consentium, *Omnes heretici, qui Scripturas in auctoritate recipiunt, ipsas sibi videntur sellari, cum suos potius sentiant errores: ac per hoc, non quod eas contemnunt, sed quod non intelligant, heretici sunt.* Et Hieronym. in c. 1. ad Galat. circa illa verba, *Natum enim vobis facio fratres Euangelium*, sic affirmat. *Omnes hæreses à Scripturis sibi consueunt conuolua, que ponunt sub cubito vniuersæ ætatis.* Possent quidem Deus verum Scripturæ sensum reddere alijs modis credibilem per signa, & miracula; sed id communiter non facit.

^{47.} **Dico** secundò, eiusdem textus sensum esse plerumque multiplicem; & quemlibet intentum à Spiritu sancto, sufficienter cognitum, esse regulam fidei. Ratio secundæ partis est, quia quilibet sensus intentus à Spiritu sancto, est æquè verbum diuinum, & æquè dignum fide, dummodo sufficienter innoteat, vel ex

ipsa obiecti euidentia, vel ex iudicio infallibili Ecclesiæ. Prima verò probatur ex ipsa Scriptura, quæ sæpius explicat in sensu multiplici eundem textum; vt quod dicitur Genes. 15. & 21. de duobus Abraham filijs, Isaac & Ismael, historicè, explicatur allegoricè ab Apostolo ad Galat. 4. à v. 22. de nouo, & veteri Testamento. Et illud Deuteronom. 35. v. 4. *Non a regibus et bonis priuatis*, literaliter dictum de bobus (fert enim ibi Deus legem de singulis) 1. Cor. 9. v. 9. explicatur tropologicè de laborantibus in Ecclesia, alendis ab eadem; vbi cum Paulus ait, *Nunquid de bobus cura est Deo?* non negat sensum historicum, sed significat non esse in eo sistendum. Et illud Osæ 11. v. 1. *Ex Aegypto vocauit filium meum*, literaliter scriptum de populo Israël, dicitur Matth. 12. v. 15. fuisse in Christo impletum. Item illud Exodi 12. v. 46. *Os non comminebitis ex eo*, literaliter vsurpatum de Agno Paschali, dicitur in Christo impletum, quando eius crura non fuerunt in cruce fracta, Ioan. 19. v. 36. & alijs locis per multis, ea quæ gesta sunt in lege noua, dicuntur fuisse in veteri præfigurata.

^{48.} **Dices** Apostolum & Euangelistas, hæc tantum dicere per applicationem in sensu accommodato, qui est, cum aliquid nonde signatur ex intentione Spiritus sancti, sed tantum ob magnam similitudinem appropriatur Scriptura ad illud, quasi de eo intellexisset. Sicut v. g. Ecclesia, suppresso Mosis nomine, accommodat Confessoribus illud Ecclesiastici 43. v. 1. *Dilectus Deo, & hominibus Mosus.* &c. Ergo non bene probatum est exemplis allatis, multos esse Scripturæ sensus. Respondeo nihil vetare, vfos esse aliquando Apostolos sensu merè accommodatitio: sed quando indicant Scripturam impleri in sensu quem asserunt, aut argumentantur contra Iudeos ex Scriptura sic intellecta, vt Paulus sæpe facit in Epistola ad Hebræos; aut dicunt vetera fuisse aliorum figuram; euidenter indicant, Scripturam eos sensus intendisse. Talia verò sunt exempla superius allata. Adde Theodorum Mopsuestenum damnari anathematis in Constantinopolitano II. siue Generali V. Actione 5. & in Concilio Romano (cuius acta ex Vaticano se descriptisse testatur Villalpandus, Isagoge in Ezechieleni, Sect. 3.) quod veterem legem assereret in sensu tantum accommodatitio, siue (vt ipse loquebatur) per euentum, translata esse ab Apostolis in legem nouam; non autem in vero Scripturæ sensu.

^{49.} **Distinguitur** autem sensus Scripturæ generatim in duplicem: literalem scilicet, & mysticum. Et hic iterum in triplicem subdividitur: allegoricum, tropologicum, & anagogicum. Vel enim sensus à Spiritu sancto intentus, est primus negatiuè, ita vt priorem, cui subordinetur, non supponat; vel non est. Sic est primus, dicitur literalis, vel historicus. Si non primus, sed per iam assertum vterius indicatus & assertus; dicitur mysticus, symbolicus, & spiritalis. Rursus sensus ille mysticus, vel est de pertinentibus ad mores præcticè conformandos, vel non. Si primum; est tropologicus, siue moralis. Si secundum; vel est de per-

M

Tomus III.

vinentibus ad statum vite futuræ, diciturque anagogicus; vel non, sed ad statum viæ, siue legis nouæ, siue veteris, scriptæ, aut naturalis; diciturque allegoricus, restricto ad id nomen, quod de se omni mystico conueniret. Exemplum huius quadruplicis hoc tradit Cassianus Collatione 14. c. 8. Secundum historiam, seu literaliter, Ierusalem est ciuitas Iudeorum: allegoricè, ciuitas Christi, seu Ecclesia: anagogicè, patria cœlestis: tropologicè, anima hominis. Porro non tantum eiusdem loci Scripturæ potest esse multiplex sensus, vnus literalis, & alij mystici: sed etiam multi literales, vt docent S. Thom. parte 1. q. 1. art. 10. Valsques tomo 1. Disput. 17. & 18. Valent. Tom. 1. Disput. 1. q. 1. Punct. 5. Gill. lib. 1. de Doctrina sacra, Tract. 7. cap. 7. num. 7. & alij. Siue enim per plures sensus literales intelligamus plures à Deo intentos, quibus per verba res immediate significat, vt S. Thomas ibidem intelligit; siue (quod eodem redit) plures non subordinatos: probabile est his, & similibus exemplis dari plures quæ primos, & immediatos respectu eiusdem literæ; Isaie 53. v. 8. *Generationem cuius quis enarrabit?* quod æquè primò refertur potest ad æternam generationem Verbi, & ad temporalem Christi, vtramque inenarrabilem: & Psal. 1. v. 7. *Ego bœbe genui te*: quod de æterna, & de temporali generatione, atque etiam de resurrectione immediate potest intelligi. Et hæc sensuum multiplicitas non est ex imperfecte, hoc aut illud ambiguit significante; sed ex fecunditate, plures sensus afferente per eadem verba.

Ceterum, non minus facit ad fidem sensus mysticus, quàm literalis, dummodo constet esse à Deo intentum. Nam vis est in assertionem diuinam, non in signo. Sic Paulus Hebr. 1. v. 3. probat Christum esse verum filium Dei, ex eo quod historicè de Salomone dicitur 2. Reg. 7. v. 14. *Ego ero illi in Patrem, &c.* Quod si obijcias ex D. Thoma art. cit. ad 1. ex solo literalis sensu trahi posse argumentum efficax ad probanda fidei dogmata. Respondeo sensus mysticos non valere ad probationes efficaces per se præcisè sumptos, sed si aliunde constet à Deo fuisse intentos: quia verò non constat, nisi tandem ad literalem explicationem aut Scripturæ, aut Ecclesiæ, aut traditionis veniatur; tandem probatio respectu nostri resoluitur in sensum literalem, per quem nobis de mystico constat.

Instabis, quia etiam literalis potest nobis esse incertus. Respondeo, potest, sed communiter est certior ex litera, & adiunctis, neque est tam varius; ac debet esse vnus aliquis vniuersaliusque loci, cum super eum fundentur mystici: non ita verò constat, an semper sit aliquis mysticus. Vnde facilius est assequi literalem, quàm mysticam à Spiritu sancto intentum; cum de quouis mystico ambigi possit, nisi aliunde explicetur, non de literali.

Dico tertio, omnia asserta à Scriptore Canonico per verba, esse vera, etiam minima, eo sensu, quo ab illo sunt asserta. Patet, quia asserturum, & dicuntur ex instinctu Spiritus sancti; vt liquet ex Scripturæ definitione allata

initio Sect. 2. Dixi autem, *eo sensu, quo asserturum*; quia quædam asserturum tantum materialiter, tanquam scilicet ab alijs dicta, vel facta. Et verum est fuisse ab illis dicta, vel facta, vt asserturum. Alia verò asserturum formaliter, ita vt scriptor ipse assertet ea, vt vera: & hæc quidem sunt semper vera. Illa verò quæ narrantur dicta ab alijs, vel in persona aliorum dicuntur, possunt esse falsa in se. Quale est illud Psal. 13. v. 2. *Dixit insipiens in corde suo, non est Deus*; & quæ in persona impiorum dicuntur ab Ecclesiast. c. 3. v. 19. & sequentibus. *Vnus interitus est hominis, & iumentorum, &c.* Quamquam si loquentes inducantur personæ infallibiles in fide, vt Prophete, & Apostoli, vel personæ sanctiores laudatæ à Scriptura, & ex quarum dictis Ecclesia & sancti Patres solent argumentari; vera sunt quæ ab illis asserturum dogmaticè in materia fidei. Dixi secundo, *asserta per verba*; quia non est necesse, vt scriptor mentaliter assertuerit, imò neque vt ouerit absolute quidquid assertit per verba. Licet August. lib. 12. Confess. cap. 16. & sequentibus, contendat Moyse fuisse à Deo reuelatum omnem verum sensum, qui à quocumque deinceps formari potuit super Pentateucho. Quod si verum est, speciale illius priuilegium esse potuit. Certè quidem ad scribendum Canonicè non est id necessarium.

Ex his patet responsio ad rationes dubitandi, initio Sectionis propositas. Ad primam enim diximus, verum Scripturæ sensum in dubijs ex iudicio Ecclesiæ discernendum esse; si vnus ille sit, siue multiplex, literalis, aut mysticus. Ad secundam patet ex dictis, ex eodem cognosci debere, nisi aliunde euidens sit, quando vnus sensus Grammaticus sit relinquendus, iuxta illud Pauli *Litera occidit*: si de sensu literalis, seu potius Grammaticali à Spiritu sancto non intento, illud dictum Pauli intelligendum sit, vt ab aliquibus exponitur. Quo sensu etiam Patres interdum literalem sensum rejiciendum esse dicunt. Interdum verò non sunt intelligendi rejicere, licet id verbis præ se ferant; sed significare non esse in eo sistendum. Vt quando Hieronymus Epist. 2. historiam David, & Abisag, de qua 3. Reg. 1. figmentum vocat de Momo: si nimirum in eo sistatur: Credit enim non fuisse, cur Deus hanc historiam præcisè ab vltiori sensu dictaret: simili modo, quo Paulus suprà dixit, *Nunquid de bobus cura est Deo?* Ad tertiam diximus, Scriptorem nunquam ex sensu proprio scribere, sed ex Spiritu sancti instinctu: idèque infallibiliter vera esse quæcumque assertit, eo modo, quo assertit. Aliud autem est Scriptorem Canonicum aliquid suo sensu scribere, aut spiritu humano: & aliud, humano spiritu aliquid statuere, vel intermedium facere. Possunt enim Scriptores Canonici aliquid spiritu humano statuere: cuiusmodi est illud 1. Cor. 7. *Præcipio ego, non Dominus, &c.* Quod præceptum proinde erat iuris tantum humani, non diuini, siue Paulus Spiritus sancti inspiratione id præcepit, siue non. Cuiusmodi etiam putant aliqui esse illud Matthæi 5. *Ob duritiam vestram scripsi vobis Moyses* (id est permisi) *libellum repudiij*: sed verius est libel-

Secus, si materia licet tantum.

§ 2. Soluuntur rationes dubitandi.

Eiusdem loci possunt esse plures sensus literales.

§ 1. Sensus mysticus valent ad probandum, vt literalis?

Scriptores sacri, & aliud, humano spiritu aliquid statuere, vel intermedium facere. Possunt enim Scriptores Canonici aliquid spiritu humano statuere: cuiusmodi est illud 1. Cor. 7. Præcipio ego, non Dominus, &c. Quod præceptum proinde erat iuris tantum humani, non diuini, siue Paulus Spiritus sancti inspiratione id præcepit, siue non. Cuiusmodi etiam putant aliqui esse illud Matthæi 5. Ob duritiam vestram scripsi vobis Moyses (id est permisi) libellum repudiij: sed verius est libel-

§ 1. Omnia formaliter dicta à Scriptore sacro, sunt vera.

lum illum repudij fuisse à Deo ipso permissum, & verè licitum. Quæcumque tamen agant, aut statuunt Scriptores sacri, humano spiritu, cum ea scribant in libris Canonicis, non scribunt spiritu humano, sed instinctu, & ductu Spiritus sancti, qui totius Scripturæ Auctor est. Vnde veritas omnium est certa & infallibilis, cum à Spiritu sancto moueri nequeant ad fal-

sum asserendum. Plura de regulis Scripturæ intelligendæ, vide apud D. Augustinum in quatuor libris de Doctrina Christiana, & apud Scripturæ Interpretes, præcipuè Salmeronem Tom. 1. à Proleg. 9. & Cornelium à lapide in suis Canonicis in Pentateuchum, & in alios Scripturæ libtos, initio suorum commentariorum præfixos.



DISPUTATIO

OCTAVA.

De Traditionibus, & consensu Patrum.

- Sectio I. *An præter Scripturam sint aliqua Traditiones non scriptæ, quæ sint etiam regula fidei?*
- Sectio II. *Occurritur generatim argumentis Nouatorum contra traditiones.*
- Sectio III. *An consensus sanctorum Patrum sit etiam Regula fidei?*
- Sectio IV. *Sit-ne idem sentiendum de consensu Theologorum, & aliorum Doctorum?*

Magni semper momenti fuisse in Ecclesia traditionem, & consensum SS. Patrum liquet ex Tertull. lib. de Præscriptionibus; Augustino passim in libris contra Dñatistas, & Pelagianos; Vincentio Lirinensi in lib. aduersus profanas hæresum nouitates; alijsque Patribus, hoc argumento frequenter vtentibus ad refellenda noua hæreticorum dogmata, quæ (vt ait auctor postremò nominatus) *Vetus testamentum allegorico sermone Deos alienos appellare consuevit*: eò quòd scilicet ita ab hæreticis ipsorum opiniones, sicut à Gentilibus Dii sui obseruentur. Deque illis interpretatur quod ait Moyses Deuter. 13. v. 1. *Si surrexerit in medio tui Propheta, aut qui somnium se vidisse dicat, &c. Et dicat tibi, Eamus, & sequamur Deos alienos, quos ignorabas* (id est, dogmata peregrina, & inaudita) *& seruiamus eis*, id est, fidem illis habeamus: non audies verba Prophete illius, aut somniatoris. Contrà verò, hæretici omnes traditionum non scriptarum, & SS. Patrum auctoritatem, tanquam suis nouitatibus aduersam, infirmare conati sunt. Idque maximè faciunt Lutherani, & Caluinistæ: quorum præcipuum dogma est, nihil præter Scripturas sacras, auctoritatem diuinam obtinere: cætera omnia infirmiora esse, quàm vt ductis inde argumentis, fidei dogmata confirmari possint. Traditiones illas, quas à Christo, & Apostolis mansisse contendimus, incertas esse, & vel ad placitum excogitatas, vel temporum vitio corruptas. Patres verò homines fuisse; & vt pluribus locis affir-

mat Augustinus, præcipueque Epist. 48. ad Vincentium contra Donatistas, eorum scripta ab auctoritate Canonis distinguenda esse. *Non enim sic leguntur, tanquam ita ex eis testimonium proferatur, ut contra sentire non liceat, sicuti forte aliter statuerint, quam veritas postulat.* Neque, ut idem addit Epist. III. ad Fortunatianum, *quorumlibet dissensiones, quamvis Catholicorum, & laudatorum hominum, velut scripturas Canonicas habere debemus, ut nobis non liceat, saluâ honorificentia, quæ illis debetur hominibus, aliquid in eorum scriptis improbare, atque respicere, si forte inuenierimus, quod aliter senserint, quam veritas habet, diuino adiutorio vel ab alijs intellecta, vel à nobis.* Duo itaque contra illos nobis probanda sunt: 1^o. Præter Scripturam sacram, de cuius veritate, & auctoritate hucusque dictum fuit, dari traditiones non scriptas verè diuinas, à Christo, & Apostolis acceptas; quæ proinde non minoris sint auctoritatis in rebus fidei confirmandis, quam verbum Dei scriptum. 2^o. Communem quoque consensum sanctorum Patrum, in rebus fidei sequendum esse: illumque planè certum, & infallibilem existere.



SECTIO I.

An præter Scripturam sint aliqua Traditiones non scriptæ, quæ sint etiam regula Fidei?

1.
Conclu-
sio affir-
mans.

Respondeo, præter ea quæ sunt expressè contenta in Scriptura sacra, admittenda esse alia fidei dogmata, in eadem non expressè contenta, sed per Christum, vel Apostolos, aut ipsam Ecclesiam tradita à Spiritu sancto; quæ Traditiones diuinæ non scriptæ appellantur; & sunt regula fidei, quia sunt verbum Dei non scriptum, cui non minus, quam verbo scripto, fides haberi debet, modo sufficienter innotescat.

Probatur
ex Script.

Probatur primò ex Scriptura, 1. Thess. 2. *Itaque fratres scite, & tenete traditiones, quas didicistis, siue per Sermonem, siue per Epistolam nostram.* Vbi nota primò, sermonem esse de rebus ad fidem pertinentibus, & non tantum ad externam politiam Ecclesiasticam; vt Caluinus fatetur in hunc locum: & patet, quia hoc ideo dicit Apostolus Thessalonicensibus, vt maneant firmi in fide veritatis: quemadmodum liquet ex verbis præcedentibus. Nota secundo, Paulum neque ibi, neque alibi vspiam significare ea, quæ per sermonem illos ait didicisse, fuisse vel à se, vel ab alijs scripta; neque id ex vilo alio Scripturæ loco constare; sed à Nouatoribus diuinando asseritur: & disfuncio illa, siue per Sermonem, siue per Epistolam, magis indicat Paulum loqui de vera traditione oris & sermonis. Alioqui dicendum potius erat, siue per alias Scripturas, siue per Epistolam nostram. Nota tertio, Apostolum æquiparare veramque traditionem; Scripturam, & non Scriptam: & significare veramque æqualiter tenendam, & vtrique æquè firmiter standum esse. Nimirum quia verbi diuini auctoritas, & credibilitas non

pendet ex eo quòd sit scriptum, vel non scriptum, quæ differentia sunt illi accidentaria; sed ex eo quòd sit verbum Dei, qui nec fallit, nec fallitur; & pro sua summa veracitate, auctoritate, & maiestate, fide dignissimus est. Nota quartò, Apostolum id præcipere, non solis Thessalonicensibus illius temporis, sed omnibus fidelibus. Nam, vt bene notat Tertullianus, vniuersique scriptor diuinus loquitur omnibus populis, & omnibus sæculis, & in paucis fidelibus docet orbem terrarum, & totam posteritatem. Nota quintò, sanctos Patres ex hoc Pauli loco, simili modo, quo nos, argumentari. Chrysost. hom. 4. in cap. 1. Epist. 2. ad Thessal. ad v. 13. *Hinc patet, inquit, quòd non omnia per Epistolam tradiderint Apostoli, sed multa sine lueris; eadem vero fide, digna sunt tam ista, quam illa. Quare Ecclesie traditionem fide dignam existimemus. Traditio est: nihil amplius querat.* Et Basilii lib. de Spiritu sancto ad Amphilochoium cap. 19. initio. *Apostolicum esse arbitror, traditionibus etiam non scriptis inherere. Lando enim vos, inquit, (supple Apostolus, 1. Cor. 10. v. 2.) quòd per omnia Christi memores estis; & sicut tradidit vobis, præcepta mea seruatis. Et 2. Thess. 2. v. 14. Tenete traditiones: quas didicistis. siue per Sermonem, siue per Epistolam nostram.* Huc vsque Basilii. Huc etiam facit efficaciter illud 2. Timoth. 1. v. 14. *Formam habet sanctorum verborum, quæ à me audisti in fide & dilectione.* Et cap. 2. v. 2. *Quæ à me audisti per multos testes, hæc commenda fidelibus hominibus, qui idonei erunt, & alias docere.* Vbi nota primò, Paulum loqui de pertinentibus ad fidem, & dilectionem. Secundo, non dicere, quæ habes scripta, aut quæ scripta dedi; sed, quæ à me audisti: id est, quæ ore tradidi. Tertio, non præcipere Timotheo, vt ea scribat; sed vt ea commendet fidelibus. Quartò, vt commendet non quibuscumque, sed idoneis alios docere. Quibus verbis, oris traditio, & doctrina viux vocis apertè significatur: non autem simplex Scripturæ exhibitio,

quæ à quolibet fieri potest. Denique Paulus locis citatis tam aperte fauet traditionibus non scriptis, ut propter hæc nonnulli veteres hæretici traditionum olores eas Pauli Epistolæ reiecerint, teste Clemente Alex. lib. 2. Stromat.

Secundò, ad idem confirmandum adduci possent plurima Conciliorum antiquorum, & sanctorum Patrum testimonia, quibus consensus generalissimus antiquæ Ecclesiæ huc usque nobis innoteſcit circa hanc generalem propositionem, & fidei regulam à Christianismo traditam. Sed ea, quæ, ut brevior sim, prætereo, vide, apud Coccium tom. 1. lib. 6. art. 32. Baron. tom. 2. anno 109. Bellarm. lib. 4. de verbo Dei c. 6. & 10. & Perronius lib. 1. Replicæ, obseruat. 5. c. 6. Præcipua verò, & magis illustria sunt quæ ab illis referuntur ex Concilio Gangrensi, Can. 11. & Nicæno 1. Actione 6. tom. 4. & ex Origene in cap. 6. Epist. ad Rom. Tertull. lib. de Corona militis. Basil. lib. de Spiritu sancto c. 27. Chrysoſt. in cap. 2. Epist. 2. ad Theſſ. Epiphani. lib. 2. aduersus hæreses, hæresi 61. August. lib. 2. de Baptismo contra Donatist. c. 7. & lib. 5. c. 23. & lib. de vnit. Ecclesiæ cap. 19. quorum aliqua suprà retulimus, reliqua apud antea citatos videri possunt.

Tertiò, probatur ex multis quæ non sunt in Scripturis expressa, & tamen tenentur de fide, ab ipsis quoque Nouatoribus. Cuiusmodi est, dari etiam nunc certos libros Canonicos authenticos, & eos esse integros, & incorruptos in fidei assertionibus. Item, cum eorum verba sensum tam multiplicem ferre possint, saluà literà; hunc tamen esse diuinum præ alijs. Cuiusmodi item sunt multa, quæ dicuntur in symbolis Nicæno, & Athanasij, receptis à Nouatoribus art. 5. Confess. Repellant; de processione Spiritus sancti à Filio; de tribus Personis distinctis tantum in hypostasi, &c. Item, non esse rebaptizandos, quos hæretici, & infideles baptizauerunt, cuius traditionis ignorantia errauit Cyprianus cum alijs Episcopis Africanis in Concilio Carthaginensi. Vnde D. Aug. lib. 2. contra Crescon. c. 32. *Non accipio quod de baptizandis hæretici beatus Cyprianus sensi: quia hoc Ecclesia non accepit, pro qua beatus Cyprianus sanguinem fudit.* Denique, cum quæcumque Christus, & Apostoli, Spiritus sancti aſſatu dixerunt, sint materia fidei; proſus incredibile est Christum & Apostolos nihil aliud dixisse, & docuisse posteros, quam quæ sunt scriptis tradita. Adde Christum non præcepisse Apostolis ut scriberent quidquam, præter Apocalypsim; sed ut docerent, & prædicarent, Matth. & Marc. ult. Et ferè omnes non nisi datà occasione scripserunt, ut constat ex historia Ecclesiastica. Atqui si fides in sola Scriptura fundata erat; præcipua cura scribendi esse debebat, idque præcipuè debuit commendari.

Quartò, nullibi scriptum est quod omnia fide tenenda sint expressa in Scriptura. Ergo hæretici aperte sibi contradicunt, si hoc tenent ut de fide; & tamen tenent nihil fide tenendum esse, nisi expressum in Scriptura: cum hoc ipsum in Scriptura expressum non sit.

Quintò, verbum diuinum est æquè credibile, siue sit scriptum, siue non. Neque enim vim

habet ab atramento, & characteribus; sed à Dei auctoritate. Et quidem in tota lege naturæ fuit fides, & Ecclesia, sine Scriptura. In Moſaica verò, multa & præcipua fidei dogmata non fuerunt à Moyſe expressa, sed diu sine scripturis credita, de corporum resurrectione, de gloria-cælesti, &c. De quibus nihil expressè habetur in Pentateucho, ut rectè ostendit Peronius Cardinalis, initio refutationis Tileni. In lege verò Evangelica fuit fides, & Ecclesia Christi, aliquot annis, priusquam quidquam de illa scriberetur à Matthæo, qui primus Euangelium scripsit, & ab alijs deinceps. Denique, non repugnat diuinæ providentiæ, nec perfectioni legis Evangelicæ, ut quædam non-scriptis traditionibus commissa fuerint. Licet enim in ea multò plura tradita sint, quam in lege naturæ, in qua proinde non adeo fuit opus Scripturæ, quia pauca credenda tradebantur: non tamen est necesse, ut omnia sint expressè scripta in lege Evangelica: sufficit enim quòd multa, & præcipua. Cætera verò poterant committi traditioni, quæ tamen in Scriptura continentur implicite & virtualiter, ut mox dicam. Iund ipsa Scriptura traditioni commissa est: nam secundum providentiæ modum, qui nunc est, communiter non constat, nisi ex Ecclesiæ traditione, hos, & tot libros esse Canonicos; & inter multos sensus possibiles, hunc esse verum, & diuinum. Quod si in traditionibus non scriptis potest contingere variatio, & corruptio; potest & in scriptis. Deus autem qui prouidet conſeruati, & integritati traditionum scriptarum, æquè prouidet conſeruati, & integritati traditionum non scriptarum.

Dixi in conclusione, præter ea, quæ sunt in Scriptura expressè scripta: quia si loquar de Scriptura, quoad ea omnia, quæ quocumque modo continet, expressè, vel implicite; & formaliter, aut virtualiter: traditiones ipsæ sunt in Scriptura implicite, & virtualiter. Hoc placet in enim ipſo quòd Scriptura commendat doctrinam, & auctoritatem infallibilem Ecclesiæ, Matth. 16. v. 18. & cap. 18. v. 17. Luc. 10. v. 16. Ephes. 4. v. 11. & ſequentibus, càmque audire nobis præcipit: hoc ipſo implicite, & virtualiter affirmat, omnes traditiones nobis ab Ecclesia propoſitas ut diuinas, eſſe tales: ſicute Pater æternus de Christo dicens, *Ipsam auaritæ*, Luc. 9. v. 35. hoc ipſo totam Christi prædicationem approbavit. Ideòque D. August. lib. 1. contra Cresconium c. 33. *Quæmus, inquit, de scripturis Canonicis non proferatur exemplum: eandem tamen scripturam etiam in hoc re (nempe in non rebaptizandis quos hæretici baptizassent) à nobis tenetur veritas, cum hoc facimus, quod vniuersa placuit Ecclesiæ, quam scripturam commendat auctoritas. Ut quoniam Scriptura facta fallere non potest; quisquis salti meritis huius obſcuritate questionis, eandem Ecclesiam de illa conſulas, quam sine ambiguitate sancta Scriptura demonstrat.* Eodem sensu intellige Patres, cum dicunt omnia in Scripturis contineri: nempe saltem virtualiter, quatenus loquuntur de traditionibus, ut Paulus locus supra citatus, & commendant Ecclesiæ auctoritatem.

M 3

3. Confir-
matur ex
Concil.
& Patrib.

Offendi-
tur mul-
ta quæ
credun-
tur, non
exprimi
in Scri-
ptura.

3. Fides &
Ecclesia

fuit ali-
quando
sine Scri-
ptura

4. Quæcum-
que sunt
de fide
contine-
tur im-
plicite
in Scrip-
tura.

12.

Dixi secundò, admittenda esse alia fidei dogmata non-scripta: quia hic loquimur de traditionibus ad fidem pertinentibus, id est, quæ continent, & prout continent aliquam veritatem à Deo reuelatam, siue purè speculatiuam, siue practicam, & ad mores informandos pertinentem.

^{6.} Traditionum diuino multiplex differentia.

Dixi tertio, hæ traditiones haberi, vel per Christum, vel per Apostolos, aut Ecclesiam ipsam à Spiritu sancto: quia ultra diuisionem iam datam traditionum, in speculatiuas, & practicas: tres alie sunt differentie traditionum diuinarum. Quædam enim sunt immediate à Christo traditæ, & expressæ: vt institutio septem Sacramentorum, ex Trid. Sess. 7. can. 1. Et hæ specialius vocantur diuinæ. Aliæ ab Apostolis, quas non acceperunt à Christo, sed à Spiritu sancto dictante, ex eodem Trid. Sess. 4. Decreto 1. Vbi definit sub diuisione admittendas esse traditiones, vel ore Christi acceptas, aut ab ipsis Apostolis dictante Spiritu sancto. Tertiæ sunt neque à Christo, neque ab Apostolis expressæ, sed ab Ecclesia acta à Spiritu sancto, quæ licet non faciat noua fidei dogmata, noua, inquam, omnino, nec in alijs implicite contenta, nimirum in traditionibus scriptis, vel non scriptis, Christi, & Apostolorum, quas in suis definitionibus sequi debet; facit tamen noua quoad maiorem expressionem, & determinationem. Sic enim v. g. cultus Sanctorum est traditionis Apostolicæ: huius verò in particulari, Laurentij, aut Francisci, est traditionis Ecclesiasticæ: Esse in Ecclesia perpetuò Supremum Pastorem visibilem, est traditionis diuinæ Scripturæ: Syluestrum, aut Vrbanum, vel Innocentium, aut Alexandrum esse talem, est Ecclesiasticæ. Sic de Concilijs legitimis, & de alijs similibus. Vnde collige traditiones alias esse perpetuas à Christo, vel ab Apostolis hucusque; alias temporales, quæ exinde expèrunt, vt Ecclesiasticæ. Regula verò discernendi traditiones Ecclesiæ temporales à traditionibus Christi & Apostolorum, datur ab Augustino lib 4º. de Baptismo contra Donatistas, c. 24. *Quod vniuersa, inquit, tenet Ecclesia, nec Concilij insistant, sed semper reuerentum est, non nisi Apostolica auctoritate traditionum reuocissimè credatur.* Huc facit etiam consensus Patrum, si ad Christum, vel ad Apostolos traditionem referant; vel si ex ea, non interposita Scripturæ, vel Ecclesiæ definitionis auctoritate, hæreticos damnent: vel si aliquod dogma fidei ab initio secundum successionem suorum temporum concordissimè tenuerunt, contrariūque vt hæreticum refutarunt, cum tamen in Scriptura non sit expressum: cuiusmodi est virginitas perpetua B. Virginis, de qua Scriptura tantum id affirmat ante partum, & in partu: descensus animæ Christi ad inferos, vt Patres liberaret, & similia. Item si id, quod traditione præscribitur, excedit Ecclesiæ auctoritatem, ad Christum, vel ad Apostolos qui à Christo acceperunt, referendum est: vt quod baptismus datus ab hæreticis sit validus. Id enim neque Ecclesia, neque Apostoli iustitauerunt potuerunt, sed solus Christus auctor Sacramentorum.

Vltimò dixi, traditiones non-scriptas esse regulam fidei, modo sufficienter innotescant. Ad quod requiritur, vt nisi per se sint euidenter notæ, discernantur à spurjis, & euentis per iudicium infallibile Ecclesiæ: vt suprà diximus, de vero sensu Scripturæ discernendo. Multa enim, vt verè ait August. lib. 15. de Ciuit. c. 23. sub nominibus Apostolorum ab hæreticis proferuntur: ac nisi recurratur ad iudicium infallibile in illis discernendis, fides innixa dubijs traditionibus, incerta erit. Quòd si obijcias, traditiones esse regulam Ecclesiæ in suis definitionibus, ex Tridentino Sess. 4. non autem Ecclesiam traditionum. Respondeo, vt dixi superius de Scriptura. Ecclesiam quidem dirigi per traditiones sibi notas, vt per regulam definitionum suarum plurimarum; ad hoc tamen prius necessarium esse, vt eas cognoscat infallibiliter; ad quod dirigitur à Spiritu sancto. Neque traditio est sola regula Ecclesiæ: neque prima, si dubia est: eget enim alia priori, & notiori, quâ constet Spiritum sanctum assistere infallibiliter Ecclesiæ in dubijs fidei decidendis. Vt constet ex locis Scripturæ indubitatis ab initio Ecclesiæ, & ex euidenti traditione, argumentisque credibilitatis, quæ faciunt euidenter credibile Ecclesiam Christi esse perpetuam, & infallibilem in fide, qualem se profitetur.

^{6.} Debeat certò constare, vt sit regula fidei.

SECTIO II.

Occurritur generatim argumentis Nouatorum contra traditiones.

^{7.} Sufficiens sola Scriptura.

ADuersus hæc multa obijciunt Nouatores, quæ vt solas, nota primò, aliud esse Scripturam esse vtilem ad docendum, vt ait Paulus 2. Timoth. 3. v. 16. & aliud, solam sufficere: multa enim sunt vitia ad aliquem effectum, ad quem tamen non sola sufficiunt. Vt Sol v. g. est utilis ad animalium perfectorum generationem; solus tamen non sufficit. Quòd si Scriptura Sola sufficeret ad perficiendum hominem, non esset opus Sacramentis, & alijs medijs à Christo institutis. Secundò, Scripturam iam notam ex traditione, vt diuinam, esse sufficientem, si sumatur cum ijs omnibus, quæ continent implicite, & virtualiter: nempe quatenus commendat traditiones, & iudicium Ecclesiæ, cui parere nos iubet. Tertio, non obesse perfectioni Scripturæ quòd non omnia contineat expresse: sufficit enim quòd expresse, vel implicite. Quarto, cum Scriptura prohibet addi quicquam Scripturæ, aut verbo Dei: intelligi debet prohibere, ne quid Scripturæ addatur tanquam Scriptura diuina; aut verbo Dei, tanquam verbum Dei, quod tale non sit, aut quod sit illi contrarium. Et quidem illis ipsis libris, quibus prohiberi videtur ne quid addatur, additi sunt alij libri Canonici, post illos scripti. Quàm multi enim post Deuteronomium scripti sunt, in quo tamen, c. 4. v. 2. sic habetur, *Non additis ad verbum, quod loquor vobis, nec auferetis.* Quòd verò dicitur Apocalypf. vltimo, v. 18. *si quis apposerit*

^{7.} Quo sensu prohibet Scriptura nihil sibi addi?

(id est, addiderit) ad hæc, apponet Deus super illum plagas scriptas in libro isto: sensum hunc habet: quod si quis addiderit ad ea, quæ Ioannes scripsit in Apocalypsi aliquid aliud tantquam ab ipso ibidem scriptum, falsando illius librum (vt erant tunc nonnulli librorum falsariorum) apponet Deus super illum plagas libro illo contentas. Quirto denique nota, ineptè contra traditiones diuinas proferri ea, quæ dicuntur à Christo contra traditiones Pharisaicas, & à quibusdam Patribus contra traditiones hereticorum. Quod verò ait Augustinus initio tractatus 49. in Ioan. electa fuisse quæ scriberentur, quæ credentium saluti sufficerent, hunc sensum habet: non fuisse opus ad fidelium salutem, vt ex dictis, factisque Iesu alia scriberentur, quam quæ Scripta sunt. Præterquam quod scripta sunt sufficientia, sumpta quoad id totum, quod continent, explicitè, vel implicitè, & virtualiter, vt supra diximus. Quando verò ait lib. 2. de peccatorum meritis, c. 36. cohibere se debere humanam presumptionem, vbi de re obscurissima disputatur, non adiuvantibus Scripturæ diuinæ claris certisque documentis: per humanam presumptionem intelligit priuatorum iudicia, qui suas interpretationes, aut opiniones, pro fidei dogmatibus volunt intrudere: non autem iudicium Ecclesiæ aucte Spiritu sancto, cui parendum esse docent clara, & certa Scripturæ documenta; vt ipsemet affirmat lib. 1. contra Cresconium c. 33. Sed de his omnibus vide Bellarm. lib. 4. de verbo Dei c. 10. 11. & 12. Gordonum Controver. 1. c. 34. & sequentibus. Petonium lib. 3. Replicæ. Et Iaubertum de Barrault tomo 1. Clyp. c. 23. & quinque sequentibus, qui singulatum omnibus hereticorum obiectionibus fusè, & accuratè respondet.

Porro Nouatores, qui primò quidem specioso prætextu aiebant se regi solo Dei verbo scripto, idque solum esse regulam fidei, & cætera omnia per ipsum esse regulanda. Nunc coacti argumentis Catholicorum aiunt etiam esse de fide quæcumque ex Scriptura per consequentiam deducuntur. Imò admittunt traditiones circa multa ad salutem non necessaria, & tantùm contentund Scripturam continere quidquid ad salutem necessarium est: vt videre est apud Petrum Molineum in Clypeo fidei, circa articulum 5. Confess. Rupell. Quanquàm pleraque ipsorum argumenta plus probare intendunt.

Sed contrà: primò, Si loquantur de necessariis ad salutem necessitate medijs, id est, sine quibus explicitè creditis nemo adultus saluari potest; quæ paucissima sunt: vel etiam de necessarijs ex præcepto respectu omnium & singulorum fidelium, id est, de ijs, quæ ex præcepto debent expressè credi ab omnibus; quæ pauca sunt: Hæretici mutant statum questionis, & iam admittunt non esse in Scriptura multa fidei dogmata, quæ sine hæresi, & dispendio salutis negari nequeunt, eoque sensu sunt necessaria ad salutem. Deinde, si loquantur de continentia, etiam implicita & virtuali: fatentur quod volumus. Nam, vt paulò ante diximus, omnes traditiones diuinæ conti-

nentur in Scriptura implicitè, quatenus præcipit Ecclesiam esse audiendam, vt infallibilem in fide. Sin autem loquuntur de explicita & formali: falsum est omnia necessario credenda, id est, quæ sine hæresi, & peccato infidelitatis negari non possunt, contineri in Scriptura; vt exemplo mysterij Trinitatis supra ostendimus: & exemplo baptismini hereticorum, pro quo necesse fuit D. Augustino, & alijs Catholicis Orthodoxis recurrere ad traditionem, contra Episcopos Africanos, & contra Donatistas: vt videre est lib. 2. de Baptismo, c. 7. Deinde, vel intelligunt consequentias deductas ex regulis Dialecticæ, & rationis humanæ: vel ex regulis reuelatis. Non secundum; quia nullæ sunt regulæ argumentandi reuelatæ: & Christus non docuit argumentari, sed captiuare intellectum in obiectionum fidei. Primum etiam iuxta illorum doctrinam dici nequit. Nam tam etsi verum est pertinere ad fidem ea omnia, quæ legitime deducuntur ex principijs reuelationis, siue solis, siue adjuncto alio principio euidenti, vt alibi ostendimus: tamen id non potest asseri coherenter ab aduersarijs: quippe qui articulo 5. suæ Confess. Rupell. volunt Scripturam esse vnicam regulam fidei, quæ de omnibus iudicet; & sapientiam humanam, sicut & alia omnia, regulandam esse vni Scripturæ. Itaque ratio bene argumentandi erit petenda ex Scriptura: & prima consequentia, quam ducent Aduersarij, debet inniti regulis consequentiæ in Scriptura expressis. Consequens autem est impossibile: ergo & antecedens. Præterea, cùm in materia religionis sæpe deducantur malæ consequentiæ, quis circa illas erit iudex in controuersijs fidei? Non Scriptura, quia antecedens non iudicat de bonitate consequentiæ: Non consequentia; quia de illa est questio; & illa non est Scriptura diuina, quam solam Aduersarij volunt esse regulam infallibilem fidei, & supremum iudicem Controuersiarum. Quæri etiam iure potest à Nouatoribus, cur consequentias Sanctorum Patrum, & Ecclesiæ respuunt potius, quam suas, in quibus tamen deducendis valde absurdos se ostendunt, & ignaros Dialecticæ: vt quando sic paralogizant: Fides iustificat: ergo sola. Scriptura est utilis ad hominem perficiendum: Ergo est sufficiens: Christus ex eo quod palparetur, intulit verum corpus: Ergo cùm in Eucharistia non palpetur, non est verum corpus. Quasi valeat illatio à negatione antecedentis ad negationem consequentis. Denique, vt aliquid ex Scriptura certò deducatur, præsupponendum est ipsam esse diuinam. Et hoc non habent certò Nouatores ex ipsa Scriptura, vt sæpius ostendimus: neque per consequentiam ex illa ductam: quia omnis consequentia, ex illa ducta, supponit illam esse notam, & certam, vt consequens certum sit. Ergo debet Scriptura aliunde innoscere certò vt diuina: quod non habetur communiter, nisi ex traditione, & Ecclesiæ testificatione, ad quam proinde necessariò recurrendum est in notitia ipsiusmet rei, quæ Nouatores contendunt contineri omnia ad fidem & salutem necessaria.

Porro, quod aliqui Recentiores dicunt, hoc

Consequentiæ ex Script. in consequentes admittuntur ab hæreticis.

Vide Dissert. 6. sect. 5. & sequentibus.

9. Eusebio recentiorum hereticorum.

Refutatur.

Occurritur obiectioni.

ultimo argumento non probari admittendas esse traditiones diuinas non scriptas, distinctas à Scriptura cognita vt diuina, de quibus tamen est nobis Controuersia cum hæreticis, & quas dari supponit Tridentinum Sess. 4. Decreto. i. cum ait veritatem doctrinæ, & disciplinam Christianam contineri in libris scriptis, & traditionibus sine scripto: significans distinctas esse veritates scriptas ab illis, quæ scripto traditæ non sunt: imo etiam probandum esse dari eiusmodi veritates, quæ ne quidem per legitimam consequentiam possunt deduci directè ex Scriptura: Nam quæ possunt ex illa directè deduci per legitimam, & evidentem consequentiam, non sunt distinctæ revelationes à non scriptis, neque eiusmodi veritates egent nouâ, distinctâque revelatione. Hoc, inquam, nobis non obest; & alijs Catholicis, qui similibus argumentis vtuntur aduersus Hæreticos, vt probent dari, & necessarium esse admittere traditiones non scriptas, eo omni sensu, quo illas negant Hæretici, contra quos disputamus, & non illo solo, quo de illis loquitur Tridentinum verbis suprâ relatis. Dari verò aliquas etiam stricto illo sensu, atque etiam quæ ex sola Scriptura directè non possunt deduci, id est, (vt puto eos velle, & vt debent intelligere) separatim ab attestations Ecclesiæ, vt proponentis traditionem: Nam illâ adjunctâ, nulla est veritas fidei non scripta, quæ directè non deducatur ex Scriptura commendante Ecclesiam vt infallibilem in fide, & præcipiente vt illam audiamus, habeamusque pro reuelato à Deo quicquid illa proponit vt tale. Dari, inquam, illo etiam sensu traditiones non scriptas ad fidem pertinentes, ostendimus suprâ alijs argumentis, & præcipuè exemplo traditionis de baptismo valide ab Hæreticis collato. Quod dogma fidei fateretur Augustinus locis suprâ citatis, non posse satis ex sola Scriptura colligi, propterea quæ ad Ecclesiam recurti debere, quam Scriptura commendat. Verba illius sunt libro 5. de Baptismo contra Donatist. c. 23. *Apostoli nihil quidem exinde præceperunt: scripto scilicet: sed consuetudo illa, qua opponebatur Cypriano, ab eorum traditione exordium sumpsisse credenda est: sicut sunt multa, quæ vniuersa tenet Ecclesia, & ob hoc ab Apostolis præcepta bene creduntur, quamquam scripta non reperiuntur.* Et lib. 1. contra Cresconium c. 33. verbis suprâ relatis num. 4. ait licet Scriptura sacra nihil certi statuat de non rebaptizandis Hæreticis; eius tamen veritatem à nobis tenei, cum hoc facimus, quod vniuersa placuit Ecclesiæ, quam Scripturarum commendat auctoritas. *Vi quoniam Scriptura sacra fallere non potest: quicquid falli meritis huius obsecrationis quaestioni, eandem Ecclesiam de illa consulat, quam sine ambiguitate sancta Scriptura demonstrat.*

SECTIO III.

An consensu sanctorum Patrum sit etiam regula fidei?

11. Certum est nullum ex sanctis Patribus, vel Doctoribus, seorsim sumptum (abstra-

hendo à Summis Pontificibus ex cathedra definientibus) esse regulam fidei: cum nulli sit promissa infallibilitas; & singuli ferè in quibusdam errauerint, vt Cyprianus in hæreticis rebaptizandis, Hieronymus in aliqua parte Danielis rejicienda, Hilarius, Ambrosius, & Augustinus in asserenda Angelorum corporeitate, Gregorius Nazianzenus. Basilus, & Origenes in adtribuenda eorum creatione ante mundum corporeum, & alij in alijs. Duo tamen genera testimoniorum distinguenda sunt. Vnum eorum, in quibus Patres loquuntur ex proprio sensu. Alterum eorum, in quibus testantur quæ sit fides Ecclesiæ sui temporis, neque ex suo, sed ex illius sensu se loqui significant; vt cum aliquid asserunt tanquam fide certum, & receptum ab Ecclesiâ, aut velut communem traditionem: & contrarium sentientes notant, & damnant vt hæreticos. Quod secundum genus testimoniorum magnum pondus habet, cum sancti Patres pro eximia sua prudentia, & doctrina vi potuerint falli, etiam singuli, in eo, cuius erant testes quodammodo oculati. Errant tamen ita tenens, putans ex veterum traditione Christum mortuum esse anno ætatis 50. Et Papias ex eadem traditione, Milenariorum errorem prætexens, quem aliqui alij sancti Patres secuti sunt. Quare in his etiam vnus testimonium non est infallibile.

His prænotatis de Patribus seorsim sumptis, iam de eorumdem simul sumptorum consensu distinguendum est. Vel enim loquuntur ex proprio sensu, non asserendo rem tanquam de fide, sed iudicium suum de ea præterendo: & sic non sunt regula fidei: quia non habent infallibilitatem in eo, neque transcendent humanam auctoritatem, intra quam ipsi se continent. Vnde & in his percuti ab alijs corrigi, si errant. Vt facit D. Augustinus in Proœmio libri 3. de Trinit. eandemque libertatem in alijs corrigendis sibi tribuit lib. 11. contra Faustum cap. 5. & Epist. 48. ad Vincent. longè ante finem, & lib. 2. de Bapt. contra Donatistas, cap. 3. Vel secundo conueniunt asserendo rem vt de fide. Quod non faciunt, nisi applicando diuinam aliquam auctoritatem, cuius sunt testes sufficiens. Nimirum vel Scripturam in vero sensu explicatam, vel traditionem, aut sensum Ecclesiæ: Et ita dico vnam eorum Patrum consensum in vero sensu Scripturæ explicando, vel traditione referendo, vel Ecclesiæ sensu, & dogmate fidei, vt tali indubitanter asserendo, esse regulam certam, quæ fidei obiectum proponitur infallibiliter. Ita Valens. q. 1. de fide, Punct. 7. §. 45. Stapleton. in relectione de principijs fidei, Cont. 6. q. 4. Canus lib. 7. de Locis cap. 3. & alij. Probatum autem, quia quicquid Ecclesiæ vniuersalis sequitur, & sequi tenetur in materia fidei, est regula certa, quæ fidei obiectum proponitur infallibiliter. At Ecclesiæ vniuersalis sequitur, & sequi tenetur consensum prædictum: Ergo, &c. Maior patet ex Ecclesiæ infallibilitate: neque enim infallibilis esset, si sequeretur, & sequi teneretur ducem, qui posset errare in propositione obiecti. Minor probatur ex Concilio Lateranensi centum quinque Episcoporum sub Mar-

Nullus Patrum eorum sumptus est regula fidei.

Duplex eorum testimonium.

12.

Vnanimis eorum consensus quomodo est regula fidei?

tino I. Consultatione 5. *His ita se habentibus*: Vbi ex quinta Synodo generali referuntur hæc verba: *Super his autem in omnibus sequimur sanctos Patres, Doctoresque Ecclesiæ, Athanasium, Hilarium, Basilium, Gregorium Theologum, & Gregorium Nyssanensem, Ambrosium, Augustinum, Theophilum, Ioannem Constantinopolitanum, Cyrillum, Leonem, Proclum*: & suscipimus omnia, quæ ab eis pro recta fide, & in condemnationem hæreticorum exposita sunt. Suscipimus autem & alios sanctos, & orthodoxos Patres, qui in sancta Dei Ecclesiæ rectam fidem irreprehensibiliter usque ad finem vitæ prædicauerunt, &c. Subiungitur damnatio eorum, qui contradixerint. Post quæ verba ex Concilio V. relata, Martinus Summus Pontifex subiicit. *Nobis manifestatur ex his, quæ reuocata sunt, siue definita à sanctis venerabilis Concilio, condemnationem esse, & alienum sanctæ Dei Ecclesiæ vnumquemque, qui non susceperit verbo, & mente omnes sanctas Synodos, & venerabiles Patres, cunctaque quæ ab illis pro fide orthodoxa exposita sunt in destructionem omnium hæresium.*

Quod autem hæc intelligantur de Patribus, etiam extra Concilium Oecumenicum, patet primò ex testimoniis Ambrosij, Augustini. Gregorij Nysseni, Basilij, Cyrilli, & aliorum, quæ mox citantur ex varijs eorundem libris. Patet secundò, quia hæc omnia relata sunt ex Concilio V. Generali, & à Martino approbata, ad ostendendam auctoritatem eiusmodi testimoniorum, quibus sit nefas contradicere. Iuxta illud Leontij, paulò ante sic à Martino postulantis, *Si placeat Beatitudinis vestre, ante exhibitionem patrum testimoniorum, de actibus sancti V. Concilij illa pars nobismet relegatur, ubi synodalia promulgauit, omnes sanctorum Patrum sermones, & dogmata, ab omnibus suscipi Christianis, & confiteri*: & contradicentes his, aut negantes quæ ab eis prædicata sunt, condemnationi submissi. Cui postulationi Martinus annuens, iussit relegi quæ ex Concilio retulimus. Ex his igitur omnibus sic argumentor: Ecclesiæ, quæ est infallibilis in fide, tenetur, & iubetur sequi tanquam de fide, quidquid communis sanctorum Patrum consensus indicat esse de fide: & respondere ut hæreticum, quidquid ipsi ut hæreticum damnant. Ergo quidquid communis consensus Patrum dicit esse de fide, est infallibiliter tale; & quidquid damnat ut hæreticum, est infallibiliter hæreticum. Ergo ille communis consensus est infallibilis regula fidei: quia infallibiliter proponit doctrinam fidei.

Probat ut secundò ex praxi Conciliorum Oecumenicorum, ubi ante definitionem diligenter exquisiti solet communis sanctorum Patrum consensus, & secundum eum definiri; ut patet ex Concilio Nicæno. contra Ariano celebrato, in quo, teste Athanasio in Epistola ad Afros, *Episcopi non sibi ipsis voces*: (quibus Ariani damnati sunt) *excoquerunt*; sed eas à Patribus concessas acceperunt, & scriptis suis inseruerunt. Et ex Ephesino pro vnica Christi persona, contra Nestorianos: Ex Chalcedonensi pro duabus Christi naturis, contra Eutychianos: Ex Constantinop. Generali VI. pro duabus Christi voluntatibus, contra Monothelitas: Ex Nicæno II.

Generali VII. pro Imaginibus, contra Iconomachos: Ex Florent. de processione Spiritus sancti à Filio, aduersus Græcos. In Viennensi quoque sub Clemente V. cap. 1. de Summa Trinit. cum orta esset quæstio, & ad Concilium delata de sensu versus 33. c. 19. Ioannis Pontifex sic pronuntiat: *Nos ad sanctorum Patrum, & Doctorum communem sententiam Apostolica considerationis aciem conuerentes, sacro approbante Concilio declaramus, &c.* Et Trident. Sess. 4. in Decreto de editione & vfu sacrorum librorum, decernit ut nemo contra vnanimem Patrum consensum Scripturam interpretari audeat. Adeoque non asserat non esse verum sensum, quem illi vnanimiter, ut talem & de fide, tradunt.

Ex his collige primò, non modò consensum omnium Patrum Ecclesiæ, sed & eorum solum, qui fuerunt ante V. Concilium Generale, esse regulam fidei. Quandoquidem in Concilio illo statutum est, eorum consensum esse sequendum toti Ecclesiæ. Nominè autem Patrum intelligendi sunt Doctores antiqui, quorum scripta ad nos peruenere: non omnes, sed illi, quos Ecclesiæ venerat propter exitimam vitæ sanctitatem, vel propterea quod in nullo à sanctæ Romanæ Ecclesiæ consortio deuiarunt, nec ab eius fidelis predicatione seiuncti sunt: sed communionis ipsius, gratiæ Dei, vsque ad vltimum diem vitæ sue participes fuerunt, ut loquitur Gelasius Papa dist. 15. cap. *Sancta Romana Ecclesiæ*, ubi speciatim nominat Cyprianum, Athanasium, Gregor. Nazianzenum, Basilium, Chrysost. Theophilum Alexandr. Hilarium, Ambrosium, Hieronymum, Augustinum, Proferum, Leonem, & plures alios. Rejicitque ut Apocrypha opera quædam Origenis & Rufini, Chromiscum Eusebij, librum Pastoris, librum Canonum Apostolorum, & alia plurima. Perpetam vero Glossa in caput Volsi, dist. 9. asserit, post hanc definitionem Gelasij, verba Augustini, & similia esse ad minimum iota recipienda. Nam quod ibi Gelasius dixit solum de Epistola sancti Leonis Papæ ad Flavianum, vsque ad minimum iota recipiendâ, transfert ineptè ad omnia singulorum aliorum Doctorum, & Patrum à Gelasio nominatorum scripta.

Collige secundò, consensum vnanimem sanctorum Patrum esse infallibilem, saltem à posteriori. Pro quo nota, scripta esse posse dupliciter infallibilia. Primo, à priori: quando in scriptore per se est infallibilitas, id est, ipsimet inmediate à Deo data: ut fuit in scriptoribus canonicis, noui & veteris Testamenti. Secundò, à posteriori: quando infallibilitas non est in ipso scriptore, sed in eo qui postea scripta illius approbat. Ut quando priuatorum Epistolæ approbantur in Concilijs. Ratio autem cur Ecclesiæ vnanimem Patrum consensum approbauerit, & tanti fecerit, multiplex esse potuit. Primò & probabiliter, traditio aliqua non scripta de non permitienda à diuina Providentia, vniuersali eorum decemptione in asserendis rebus fidei. Secundò, quia antiquissimi inter illos fuerunt coetanei Apostolis, aut eorum Discipulis, & ab illis

13.
Etiam
extra
Concili-
um
generale.

Probat ut
ex Lati-
rao.

14.
Ex
praxi
Concili-
orum.

15.
Sufficit
consen-
sus Patrum
qui vixerunt
ante
V. Syno-
dum.

16.
Est infal-
libilis à
posteriori.

Cur Ec-
clesiæ tant
faciat con-
sensum
Patrum

edocti res fidei: alij verò deinceps fuerunt ab istis eruditi. Tertio, quia in frequentibus conuentibus, & Concilijs olim habitis sensum Ecclesiæ cognouerunt, in ijs etiam, quæ nondum erant definita, & omnibus propolita. Quarto, quia habuerunt insigne studium reuoluntatis fidei, & intelligentiæ scripturæ diuinæ, cui assequende magnâ diligentia incubuerunt. Quinto, quia fuerunt omnes magnis moribus humanis, & diuinis præditi: quorum sanctitas & prudentia fecit, vt non temerè, nec nisi consulto Ecclesiæ sensu loquerentur in fidei dogmatibus indubitanter asserendis: de illis enim hic loquimur quæ vt de fide tradunt, ex Scriptura, vel ex traditione, vel ex sensu Ecclesiæ, non autem quæ asserunt vt proprio sensu excogitata: quanquam & his, in rebus Theologicis resistere, si communiter consentiunt; valde sit temerarium. Sexto denique, quia Ecclesia ab illis potissimum accepit traditiones. Ex tantis numeris tot & talium antiquæ fidei, & sensus Ecclesiæ testium, est sine dubio magnum, & sufficiens credibilitatis argumentum: præsertim quia à principio Ecclesiæ hac vsque, nullam hæresim non damnauit vnanimis Patrum sententia; in nullo etiam fidei dogmate errauit.

17.
Soluan-
tur argu-
menta
contraria.

Aduersus hæc nihil faciunt quæ obijciuntur ex D. Augustino, lib. 11. contra Faustum c. 5. alijsque locis, superius obiter exposita: de ijs scilicet quæ Patres ex proprio sensu asserunt. Nisi etiam intelligi debent latius, sed de Patribus seorsim sumptis, quos interdum errare non diffitemur. Communi verò Patrum consensui quantum tribuat Sanctus Augustinus patet ex lib. 1. contra Iulianum c. 2. & lib. 2. c. 8. & alibi. Videri potest Melchior Canus lib. 7. c. 3. conclus. 5. & 6. Vbi hæc de re plurima colligit Augustini, & aliorum sanctorum Patrum testimonia. Non item obest quod D. Thomas part. 1. quæ. 1. art. 8. ad secundum ait, ex Doctorum auctoritate non nisi probabiliter argui posse, quia reuelationi illis factæ fides nostra non innititur. Loquitur enim D. Thomas, similiter vt Augustinus de Patribus, & Doctoribus ex suo sensu loquentibus, & non ex diuina reuelatione, quam communi consensui sufficienter applicant. Vel etiam loquitur de reuelatione per singulos tantum, vel paucos applicata, vel præterita. Nihil quoque obstat quæ obijciuntur de priuatis singulorum erroribus. Neque enim sequitur, si possint singuli errare, posse simul omnes. Sicut Ecclesiæ subiecta, id est, præcisè sumpta à summo Pontifice, nequit tota errare, licet singulæ illius partes errare possint. Vnde ineptè inferunt Nouatores, licere sibi communem Patrum consensum rejicere, si nobis licet singulos, in priuatis quibusdam erroribus, aliorum sensum communi & vero postponere.



SECTIO IV.

An etiam consensus aliorum Doctorum & præcipue Theologorum Scholasticorum sit regula fidei?

Quæres an de Doctoribus Scholasticis idem sentiendum sit, ac de sanctis Patribus? Respondeo negatiuè, defectu tantæ auctoritatis, & approbationis Ecclesiæ. Idemque dico de Doctoribus Canonicis, deque ipso iure Canonico, in quo quæcumque referuntur, non plus habent auctoritatis ad faciendam fidem, quam habeant illi, ex quibus referuntur. Quare si sum definitiones Summorum Pontificum ex Cathedra, vel Conciliorum, aut consensus vnanimis sanctorum Patrum; faciunt dogma fidei. Si secus, non faciunt: etiam post emendationem Gregorij XIII. qui non propterea omnia Pontificè approbavit, & proposuit toti Ecclesiæ, vt fide tenenda: sed tantum publicari voluit, vt essent regula viuendi, pro cuiusque Doctoris in decreto allegati auctoritate. Imò nec ipse dectetur emendauit per se: sed velut suo iussu conformis factum autographo à Doctoribus priuatis, tradidit, retentis etiam auctoribus Gratiani erroribus, qui falsò Patribus aliqua tribuit, & interdum Hæreticos pro Catholicis citat: quorum exempla vide apud Bellarminum lib. de Scripturis Ecclesiasticis, in Gratiano, & apud Baronium tom. 9. anno Christi 774. num. 13.

18.
Conclu-
go ne-
gas.

Auctori-
tas iuris
Canonici.

Glossæ quoque siue Scripturæ sacræ, siue Iuris Canonici, non plus habent momenti, quam Auctores, à quibus editæ fuerunt. Notandum tamen quod si omnes Docti, quotquot sunt in Ecclesiâ, quocumque tempore conuenirent in ijs rebus fidei, quarum notitia non traditur populo, sed peritis tantum committitur; non possent in eo errare. Alioquin tota Ecclesiâ erraret, quod esse impossibile ostendimus Disput. seq. Sect. 2. Sed ille consensus non est regula fidei diuersa ab ipsa Ecclesiâ. Imò in alijs, quorum notitia traditur omnibus, impossibile est, & incredibile, omnes doctos simul errare, & populum, qui ab illis hæc accipit, bene sentire. Est quoque temerarium, si soli Theologi Scholastici, etiam per tempore existerent, consentiant vnanimiter in aliquo tanquam de fide, resistere possit, & contradicere: quamvis hoc argumentum non sit penitus infallibile, ac proinde non sit Regula Fidei. Est enim temerarium non credere peritis in qualibet arte, præsertim omnibus in vnum conspirantibus. Cùmque inter Scholasticos tanta sit in rebus dubijs, vel incertis, sententiarum varietas, atque discordia; certè nunquam omnes conuenienter in aliquo tanquam de fide asserendo, nisi certissimis argumentis ad id permonerentur. Vt merito dixerit Canus lib. 8. de locis Theolog. cap. 4. Non minus mirandum esse varias scholæ factiones, Doctorisque, tam inter se discordantes, in vnam eandemque sententiam concurrisse: quam septuaginta interpretes,

19.
Et Do-
ctorum
cuiusque
saculi.

10.

diuersis (vt ferunt) cellulis inclusos, in vnam eandemque conuenisse interpretationem. Addit ibidem paulo post, si qua in questione ad fidem, vel ad bonos mores pertinente, vniuersi Theologi errarent, fore vt Ecclesiam errandi periculo exponerent. Siue enim qui confessiones audiunt; siue qui ad populum habent conciones; vtrique plebem instituunt, vt à Theologis acceperunt: nec aliud populus imperitus facturus est, quam illos sequi, quos pro illo tempore Ecclesiasticæ Doctrinæ Magistros accepit. Et hoc quidem verè à Canonicis dicitur, si Theologorum nomen latius sumat, quam pro solis Scholasticis: nimirum pro omnibus Theologiæ peritis. Nam aliqui cauere posset hoc periculum, si Prælati, & alij Doctores Ecclesiæ, illis resisterent. Quamquam id numquam contigit, neque moraliter saltem contingere potest, vt aliter omnes Doctores Scholastici doceant & sentiant de Fide, & moribus: aliter Ecclesia per omnes Prælatos, aut maiorem eorum partem; imò nullus huc vsque pro vero Catholico habitus, inuentus est, qui omnium Doctorum Scholasticorum iudicium hac in parte contempserit. Nullum eorum dogma, communi omnium consensu receptum tanquam de Fide, proferri potest, quod verè tale non sit. Et Concilium Vniuersale, vt habetur in Clementina vnica de summa Trinitate, tanti fecit consensum maioris partis Theologorum Scholasticorum sui temporis, vt illum in questione proposita de effectu Baptismi circa paruulos, statuerit esse sequendum: illumque hæcenus tota Ecclesia secuta est. Quanti ergo faciendum est illorum iudicium, in dogmatibus firmiter omnium consensu receptis tanquam de fide? Quamvis ergo, vt supra dixi, solus ille consensus, non sufficiat, vt sit regula fidei: valdè tamen im-

prudens & temerarium foret illi resistere.

Objicies, Concilium Lateranense sub Leone X. Sess. 11. præcipere fidelibus sequi Doctores, quos in posterum Ecclesia recipiet. Ergo approbat illorum consensum; atque ita ille est infallibilis à posteriori. Respondeo Concilium loqui de nouis non sciunctis à prioribus, sed qui cum illis consentiant: neque enim alios Ecclesia recipit, neque illis dat auctoritatem in rebus fidei, si ab illorum vniuersi consensu discrepent. Quin potius ibidem expressè iubet, vt antiquorum Doctorum, quos Ecclesia, vel vsus diuturnus approbavit, doctrinæ insistatur. Verba illius hæc sunt: *Mandamus omnibus, qui hoc onus sustinent, concionandi scilicet, quique in futurum sustinebunt: vt Evangelicam veritatem, & sanctam Scripturam iuxta declarationem & interpretationem Doctorum, quos Ecclesia, vel vsus diuturnus approbavit, legendosque hæcenus recepit, & in posterum recipiet, prædicent, & explanent: nec quidquam ex proprio sensu, contrarium, vel dissonum adiciant: sed illis semper insistant, quæ ab ipsius sacra Scriptura verbis, ritè ac sanè ex prælatorum Doctorum interpretationibus intellectæ, non discordant.*

Superest Dubium de Canonibus Apostolorum, qui numero octuaginta quique fuerunt primùm editi à Clemente Romano, in libris Constitutionum Apostolicarum. De quibus breuiter dico non esse authenticos, nisi qui à Concilijs legitimis citantur vt tales, vel ab alia fidei regula auctoritatem accipiunt. Quare non sunt per se regula fidei. Quia per se non constat Apostolicos esse, quales habemus. Et liber Canonum Apostolicorum recensetur inter apochryphos à Gelasio, dist. 15. cap. 3. Videri potest de illis Franciscus Turrianus in libro pro eis edito.

21:
Solutur
obiectio.

22.
Quid
sentien-
dum de
Canonibus Apo-
stolorum?



DISPUTATIO

N O N A.


De Summo Pontifice, Concilij & Ecclesia.

- Seçtio I. *Virum in Ecclesia sit aliqua regula viuens, & loquens, quæ sit iudex Controuersiarum, & cuius iudicio fideles stare debeant?*
- Seçtio II. *An publica illa potestas iudicandi de fidei Controuersijs pertineat ad totum catum fidelium, vel ad magistratum secularem? an potius ad Prelatos Ecclesia?*
- Seçtio III. *Virum potestas illa sit penes summum Pontificem, ita ut saltem cum Concilio generali sit infallibilis regula fidei, & iudex Controuersiarum?*
- Seçtio IV. *An summus Pontifex etiam sine Concilio generali sit iudex Controuersiarum, & infallibilis regula fidei?*
- Seçtio V. *Soluuntur objectiones hæreticorum contra doctrinam præcedentem.*
- Seçtio VI. *Plura de Summo Pontifice.*
- Seçtio VII. *Virum Concilium, præcisè sumptum à summo Pontifice, sit regula fidei?*
- Seçtio VIII. *Virum Ecclesia vniuersalis sit infallibilis in credendo, & certa regula fidei?*
- Seçtio IX. *Quibus argumentis probetur efficaciter Romanam Ecclesiam esse veram Christi Ecclesiam, infallibilem in fide, & necessariò sequendam?*
- Seçtio X. *Prima nota vera Ecclesia, Vnitas.*
- Seçtio XI. *Secunda nota, sanctitas, & gloria miraculorum.*
- Seçtio XII. *Tertia nota, quod sit Catholica.*
- Seçtio XIII. *Quarta nota, quod sit Apostolica.*
- Seçtio XIV. *Ostenditur esse de fide Romanam Ecclesiam, quæ nunc est, esse veram Ecclesiam.*



Argumentum huius disputationis breuiter tantum attingit Sanctus Thomas quæst. i. art. 10. Vbi docet ad solam auctoritatem summi Pontificis pertinere nouam editionem Symboli, interdum necessariam ad compescendos errores, contra fidem insurgentes: sicut & congregare Synodum generalem, & alia huiusmodi, quæ ad rotam Ecclesiam pertinent. Quia ipse præest toti Ecclesiae: & ad illum maiores, & difficiliore Ecclesiae quæstiones referuntur: ut dicitur cap. Oppressus, 2. q. 6. Petróque Apostolo dixit Dominus, Luca 22. Rogau pro

pro te Petre, ut non deficiat fides tua : & tu aliquando conuersus confirma fratres tuos. Cùmque vna fides debeat esse totius Ecclesiæ, iuxta illud 1. Corinth. 1. Idipsum dicatis omnes, & non sint in vobis Schismata : non posset vnitas illa seruari, nisi Controuersia de Fide exorta determinaretur per eum, qui præest toti Ecclesiæ : vt sic eius sententia à tota Ecclesia firmiter teneatur. Hæc Diuus Thomas : quorum occasione disputant hoc loco Theologi, de authoritate summi Pontificis in definiendis rebus fidei, & decidendis quæstionibus circa illam exortis : deque ipsius Ecclesiæ authoritate, & infallibilitate, siue in Concilio generali, siue extra Concilium. Quod nos sequentibus Sectionibus, Deo duce, præstabitur : omisiss alijs, quæ de Pontifice, Concilijs, & Ecclesia dici possent, quia præsentis instituti non sunt, in quo solum de fide eiusque regulis disputamus.



S E C T I O I.

Utrum in Ecclesia sit aliqua Regula viua, & loquens, quæ sit Index Controuersiarum, & cuius iudicio fideles stare debeant ?

T.
Talis regula est necessaria.

Respondeo affirmatiuè, & Dico primò talem Iudicem in Ecclesia necessariū esse. Probatur, quia Ecclesia est perpetua, & infallibilis in fide, iuxta illud Matth. 16. vers. 18. *Porta Inferi non praualebit aduersus eam* : Et Isaïæ 59. vers. 21. *Verba mea, quæ posui in ore tuo, non recedent de ore tuo, & de ore seminis tui, & de ore seminis feminis tuis, dicit Dominus, a modo & usque in sempiternum*. At Ecclesia non potest perpetuò stare firma in fide contra insultus Inferorum, & infidelitatis, & nunquam recedere à verbo Dei, quod non in sola litera, sed in sensu præcipuè consistit : nisi in ea sit aliquis Iudex, qui veritatem fidei discernat infallibiliter, inter tot sententias, & graues Controuersias, quæ circa Scripturam, eiusque verum sensum, & alias fidei Regulas inanimatas, exoriuntur sæpissime, tum propter ipsarum rerum obscuritatem ; tum propter hominum, demonumque malitiam. Ergo non deest talis aliquis Iudex. Alioquin enim Christus Ecclesiæ suæ (optimè sine dubio & sapientissimè) constituit, defuisset in rebus necessarijs. Confirmatur : quia sine tali Iudice impossibile est vnitatem fidei in Ecclesia conseruari : nisi enim sit aliquis Iudex infallibilis, quem omnes sequi teneantur in Controuersijs fidei, sumer quisque pro Iudice iudicium, & sensum proprium, vel iudicium Doctorum, qui, vt fert naturalis hominum conditio, non consentiunt inter se in iudicijs de rebus obscuris, quales sunt materiæ fidei, de quibus tam frequenter dubitationes, & Controuersiæ oriuntur : vt de Trinitate, tempore Arianorum, de Incarnatione, tempore Nestorianorum, de Gratia, tempore Pelagianorum. Quas Controuersias Deus non semper dirimit per se immediatè nouis reuelationibus, & miraculis. Quare nisi accedat Iudex aliquis infal-

libilis, omnia tandem ad diuersitatem opinionum humanarum deuolucrentur, vt satis docet experientia Hæreticorum huius temporis, qui à Lutheranismò in tot sectas diuisi sunt. Ideoque merito Hieronymus in Dialogo contra Luciferianos, *Ecclesia salua*, inquit, *in Summi Sacerdotis dignitate perdet* : cui si non exors quædam, & ab hominibus eminentes deus potestas, tot futura sunt Schismata, quos Sacerdotes. Et Cyprian. Epist. 55. multò post initium : *Neque enim aliunde hæreses oborta sunt, aut nata Schismata : quàm inde, quod Sacerdoti Dei non obtemperatur* (loquitur de Summo Sacerdote) *nec vnus in Ecclesia ad tempus Sacerdos, & ad tempus Iudex vice Christi cogitur*.

Obijciēs primò, ad credendum sufficere reuelationem diuinam sufficienter propositam per argumenta credibilitatis. Ergo non est opus aliâ regulâ. Respondeo illam sufficere ad ea credenda, quæ per eam distinctè & expressè proponuntur. Secus tamen ad ea, quæ confusè tantum, aut non ita expressè, vt locus esse possit dubitationi, & Controuersiæ de vero sensu reuelationis, cuius sufficientia ad credendum distinctè, completur per talem regulam.

Obijciēs secundò, Regulam illam non esse ipsammet auctoritatem diuinam, per se immediatè definientē controuersias. Ergo est aliquid creatum. Ergo cùm non habeat ex se infallibilitatem, debet habere aliundè : & id debet constare fide diuinâ. Ergo erit opus aliâ Regulâ, per quam id constet infallibiliter. Neque enim potest ipsamet id de seipsa credibile facere, cùm testimoniū cuiusque de seipso sit suspectum. De hac autem secunda Regula fiet eadem quæstio : & procedetur in infinitum : vel dabitur circulus in probatione Regularum per se inuicem. Respondeo auctoritatem infallibilem illius Regulæ satis per se constare aliundè sine alia Regulâ, per signa, & argumenta credibilitatis, quibus Deus fecit euidenter credibile, se talem Regulam instituisse, eique infallibilem auctoritatem impertiuisset. Id autem factum esse euidenter credibile sufficienti reuelatione diuinâ, patebit ex dicendis inferius, ubi proferemus certa, & clara tradi-

a?
Quare est necessaria?

Vnde cõstat illius auctoritas?

tionis diuinæ hac de re testimonio. Ad illa verò credenda, quæ clarè continentur in diuina traditione, facta sufficienter credibili, non est opus aliâ Regulâ: cum sit per se notum, & euidens credendum esse reuelationi diuinæ sufficienter propositæ: neque est opus declaratione, vbi reuelatio diuina clara est.

Obijciens tertio, nullam eiusmodi Regulam fuisse in lege naturæ & Mosaica: in qua tamen erat obligatio ad credendum, & fidei veritas conseruata est. Ergo non est necessaria in lege Evangelica. Respondeo negando maiorem. Fuit enim in lege etiam Naturali, & Mosaica, talis aliqua Regula: nempe iudicium, & sententia Maiorum, & Sacerdotum, circa diuinas Traditiones scriptas, vel non scriptas, vbi dubitatio occurrebat; iuxta illud Deuter. 17. v. 8.

Si difficile, & ambiguum apud te iudicium esse perseveris, &c. Quæ verba expendimus paulò post: Et Malach. 2. v. 7. *Labis sacerdotum custodiens scientiam, & legem requirit de ore eius.*

Vide, infra
num. 12.

Quomodo
probat
per
Scripturam
circulo?

Dices, committi circulum vitiosum in probatione huius Regulæ. Nam probatur ex Scriptura Deum illam instituisse. Ipsa verò Scriptura, & verus eius sensus cognoscitur infallibiliter per illam Regulâ. Ergo Regula illa sibi ipsi præsupponitur, & probatur per seipsam. Respondeo non ita esse; Sed quod Scriptura sit diuina, constare ex continua traditione, confirmata miraculis, & alijs argumentis factis in fauorem eorum, qui illam vt diuinam agnoscunt. Quæ traditio, sic munita, est per se credibilis. Scriptura verò illa in ijs libris, quos constanti, & perpetuâ traditione constat esse diuinos, & de quibus nullus Christianorum vnquam dubitauit, nobis tradit Regulam istam verbis adeò claris, & perspicuis, vt non egeant declaratione, neque aliâ Regulâ. Simili modo, quo ex literis regijs ab aliquo prolatis, quas ex certis inditijs regias esse constat, putâ ex sigillo, vel nuncijs certis & fama constanti plurimorum fide dignorum, qui id testantur; potest clarè intelligi ipsum eundem constitutum esse à Rege interpretem suarum literarum, si quid aliud sit in illis obscurum.

Soloitur
obiectio.

Institbis, quia Ecclesia eadem est, cuius traditio nobis constat Scripturam esse diuinam; & quæ iudicat de fidei cõtrouersijs, vt dicemus Sect. 6. Ergo non vitatur circulus. Respondeo Ecclesiam vt testem, notam aliter quàm ex Scriptura, prout scilicet est hominum plurimum multitudo credibilis ob adiuncta grauissima, sanctitatem, miracula &c. esse illam, cuius traditionem nobis constat Scripturam esse verâ diuinam. Eandem verò Ecclesiam, vt habentem auctoritatem decidendi dubia fidei, & vt iudicem cõtrouersiarum in suo capite, vel membris præcipuis in Concilio generale congregatis, innotescere nobis per scripturam diuinam id apertè significantem. In quo nullus est circulus. Sicut non est in exemplo allato, de eo, qui literas Regis proferret, sigillo regio & signis sufficientibus cognoscibiles, per quas clarè & sine vlla ambiguitate, Rex illum constitueret interpretem suæ voluntatis, & sensus, quoad ea, quæ in iisdem literis obscura, & dubia occurrerent.

In præcedentem conclusionem tanquam fide certam, consentiunt omnes Catholici; in iò & Hæretici verbo tenus: re ipsâ tamen negant, cum Regulam assignant, quæ talis esse non potest. Aiunt enim aliqui, spiritum internum veritatem nobis inspirantem, esse Regulam nostræ fidei, & iudicem omnium cõtrouersiarum. Alij Spiritum Sanctum loquentem nobis publicè per Scripturam. Alij Scripturam intellectam, prout cuique dicitur interius Spiritus Sanctus, quæ est sententia Caluinistarum, vt colligitur ex art. 4. Confess. Gall. Contra quos errores.

Dico secundò, huiusmodi iudicem non esse spiritum priuatum, siue vt loquuntur Nouatores; persuasionem internam Spiritus Sancti, quâ vnusquisque disceruat veritatem in fidei cõtrouersijs. Probatur, quia iudex cõtrouersiarum debet primò esse infallibilis: alioqui fides vacillaret. Debet secundò, sententiam suam ita pronuntiare, vt vtraque pars clarè cognoscat cui causa adiudicetur. Alioqui vanum esset illius iudicium, si veritas, vt antè, obscura remaneret. Neque lis posset terminari: sed sicut in Republica si talis esset iudex, qui non clarè licet dirimeret, erùsq; sententiam quælibet pars ad se trahere posset, repleteretur omnia litibus: Sic in Ecclesia; vt contingit Hæreticis, qui alij alijs contradicunt, & ex vna Secta diuiduntur in plurimas, dum vnus alio plus videre se putat: & Spiritum sanctum, vel Scripturam, quam fidei Regulam vnicam esse volunt, fauere sibi affirmat. Iam quòd spiritus priuatus cuiusque, neutram harum conditionum habeat, manifestum est. Non primam: quia vel ipsi Aduersarij fatentur, nullum esse priuatum hominem, cui Spiritus sanctus assistat infallibiliter, quic non possit in suo iudicio aliquando errare. Cùmque omnes Hæretici huius temporis, variarum Sectarum, profiteantur se spiritum illum habere, & sequi; atque inter se contraria doceant, & in fide disideant; manifestum est aliquos falli, & spiritum veritatis non assistere vnicuique infallibiliter. Quòd etiam desit secunda conditio, probatur: quia licet dubium non sit, quin Spiritus sanctus, loquens per eum, cui assistit infallibiliter ad eum finem, sit iudex cõtrouersiarum; non appareat tamen, quòd loquatur in quolibet priuato. Imò id apertè falsum est, cum priuati contraria loquantur: Spiritus sanctus autem sibi ipsi contrarius non est. Secundò, soli prædestinati, secundum Aduersarios, habent spiritum illum, sicut & veram fidem. At prædestinati soli Deo noti sunt, iuxta illud 2. Timoth. 2. v. 19. *Nouit Dominus qui sunt eius,* vt Caluinus fateatur lib. 4. Instit. c. 1. n. 2. Ergo ignotum nobis est in quibusnam sit ille spiritus. Tertiò, multò magis nobis est ignotum, quid interius loquatur, & inspiret illi, in quo est. Quare talis inspiratio non potest esse iudex, cum neutra pars scire possit, quid alteri inspiretur, & sæpe vtraque sibi contrarium inspirari affirmet, vt fit inter hæreticos. Quartò, ne ipsi quidem clarè, vel certò infallibiliter cognoscimus, an quæcumque nobis inspirantur, sint à bono spiritu: & quidam spiritu er-

5.

Spiritus
priuatus
non est
iudex
cõtrouersiarum.

roris seducuntur, vt ait Paulus, 1. Timoth. 4. v. 1. Ideoque D. Ioannes Epistolā 1. c. 4. v. 1. ait probandos esse spiritus si ex Deo sint; probandos, inquam, per regulas à Deo institutas, præcipueque per infallibile iudicium Ecclesiæ. Quinto, si quilibet fidelis est Iudex: Ergo recipere debent antiquos Patres, vt Iudices, quos negare non audent fuisse fideles. Quod quia non faciunt, sibi temerè, & imprudenter arrogant id, quod sanctis Patribus negant. Sexto, spiritus ille priuatus, est seminarium omnium hæresium, quibus aperit viam. Suos enim errores, quisque hoc spiritu prætexit. Septimo denique refutatur hic error vsu Scripturæ contrario. Nam Act. 17. orti inter fideles controuersia, vtrum legalia seruari deberent à Gentilibus ad fidem conuersis: nemo ausus est ad spiritum priuatum provocare: sed convenientes Apostoli in vnum, rem sensibili, & humano modo definiuerunt his verbis: *Vsum est spiritus sapientie, & nobis, &c.* Aduersus hæc nihil obijciunt Nouatores præter ea, quæ Disp. 7. Sect. 4. in fauorem spiritus priuati allata, & soluta sunt.

Dico tertio, Scripturam sacram, siue solam, siue spiritu priuato cuiusque intellectam, non esse talem Regulam. Prima pars probatur: quia Scriptura sola, id est, præcisè sumpta, nec viuunt, nec loquuntur. Atqui Regula viuunt, & loquuntur, necessaria est ad decidendas fidei Controuersias. Secundo, Scriptura ipsa eget Iudice viuo, & loquente, quo nobis consistit infallibiliter ipsam esse diuinam, & tot libros esse verè Canonicos, & puros esse, atque integros. Id enim nobis non ceterò constat, & infallibiliter, nisi Ecclesiæ auctoritate, iuxta illud Aug. lib. contra Epistolam fundamenti cap. 5. *Euangelio non crederem, nisi me Ecclesiæ Catholicae communeretur auctoritas.* Tertiò, Scriptura non omnia continet, quæ debent fide diuinā credi: vt v. g. quod Hæretici non sint rebaptizandi. *Credo* (inquit Aug. lib. 1. de Bapt. contra Donatistas cap. 7.) *conseruandam*. non rebaptizandi Hæreticos, ex Apostolica auctoritate venire: sicut multa non inueniuntur in literis eorum: Apostolorum scilicet, neque in Conciliis posteriorum: & tamen quia custodimur per vniuersam Ecclesiam, non nisi ab ipsis tradita, & commendata creduntur: Ergo Scriptura, quæ hoc & alia huiusmodi non continet, non potest sola de illis iudicare. Quartò, Scriptura in multis est obscura, vt de Pauli Epistolæ speciationem affirmat Sanctus Petrus Epist. 2. c. vlt. v. 16. in quibus ait esse quedam difficilia intellectu, quæ indocti, & instabiles deprauant, sicut & ceteras Scripturas, ad suam ipsorum perditionem. Idem confirmat experientia tot dissensionum inter Catholicos, & Hæreticos, & inter ipsosmet Hæreticos: Ergo opus est interprete, & Iudice infallibili veri sensus Scripturæ, qui circa huiusmodi difficultates, & Controuersias sententiam ferat. Quintò, Auctoritas illa quæ est fidei Iudex, debet esse talis, vt quicumque illam recipiunt, & agnoscunt eius auctoritatem, facile possint & efficaciter finire omnes Controuersias per eius sententiam clarā, & aperte pronuntiatam. Quorsum enim Iudex consti-

tuitur, nisi vt Controuersijs finem imponat? At Scriptura sola non est huiusmodi, vt patet experientia Sectariorum, qui omnes Scripturam pro Iudice admittunt, & tamen inter se dissentiant de rebus fidei, neque per eam solam Controuersias suas irreconciliabiles finire possunt. Sextò, nihil absurdus est, quā in rebus tanti momenti, quanti est salus æterna, agnoscere solum Iudicem surdum, & mutum, cuius sententia vtraque pars vti potest, cūque ad suum sensum trahere, & corrumpere. Talem autem Iudicem esse Scripturam solam, manifestum est: neque enim potest audire, & loqui: & omnes tam Catholici, quā Hæretici, Scripturā vtuntur, & suam esse clamant. Denique, vt rectè ait Aegidius Coninck Disput. 12. dub. 5. num. 48. pessimè gubernaretur Respublica, quæ leges quidem bonas haberet, sed nullos Iudices, qui ius dicerent litigantibus, præter ipsum librum legis, ad quem omnes mitterentur, vt ex eo dicerent verè habere ius. Sic enim numquam lites terminarentur: sed vterque ramuli disputaret, donec alter se victum haberetur; quod vix vniquam fieret. At Christus Ecclesiam sapientissimè constituit: Ergo præter librum legis, qui est Scriptura, de Iudice illi prouidit. Adde quod illi qui legere nesciunt, non possunt consulere talem Iudicem.

Resutantur Enasiones Hæreticorum.

His argumentis pressi Nouatores, confugiunt ad Spiritum particularem, id est, vt putant, persuasorem interiore Spiritus sancti, quæ facit, & discernant veram Scripturam à non vera, & verum sensum à falso: atque ita Iudicem esse volunt Scripturam, intellectam, vt dicitur illa interior persuasio. Sed reselluntur argumentis iam factis, quod Scriptura non contineat omnia: Quod varijs Hæretici spiritum illum iactantes, dissentiant in fide, & in Scripturæ interpretatione: Quod talis Iudex non possit lites terminare, cū sit ignotus alteri parti; neque clarè causam alteri adjudicare, cū alter eius sententiam ignoret: Quod hoc petinde sit, ac tollere Iudicem de Republica, & pro Iudice assignare librum legum, priuato cuiusque spiritu & iudicio intellectum: Quod hoc sit aperire viam omnibus hæresibus, illum spiritum prætendentibus, & Scripturam suo sensu interpretantibus: Quod sancti Patres multò magis habuerint spiritum Dei, quibus Hæretici non credunt: Quod ipsi sint fatentur se esse fallibiles, ita vt nullius eorum iudicio standum sit, quia omnis homo mendax: Quod ita nunquam Controuersie finiri possint, defectu Iudicis infallibilis, clarè sententiam pronuntiantis de rebus fidei. Adde Scripturas ipsas ab Aduersarijs acceptatas, nos mittere ad Ecclesiam visibilem, vt columnam, & firmamentum veritatis, 1. Timoth. 3. v. 15. vt audiendam sub anathemate, Matth. 18. v. 17. vt præualituram portis Inferi, Matth. 16. v. 18. vt perpetuò retenturam omnem veritatem, Ioan. 14. v. 16. & 17. In qua perpetua sit successio Doctorum, & Pastorum ad fidem retinendam, vt iam non sumus paruuli fluctuantes, & cir-

6.
Nec Scri-
ptura So-
la.

7.
Neque vt
spiritus
priuato
intelle-
ctus.

Scriptura
nos mit-
tit ad Ec-
clesiam.

cumferamur omni vento doctrinæ, in nequitia hominum, in astutia ad circumventionem erroris, Eph. 4. v. 11. & sequentibus. Ergo non est cuiuslibet fidelis ex proprio sensu metri Scripturam, & eius sensum, & consequenter Ecclesiæ iudicium. Ergo ruit spiritus particularis. Prima consequentia patet, quia si Ecclesiæ iudicium sit metiendum Scripturæ vnicæ, idque tantum ut accepta, & intellecta spiritu particulari: Ergo quisque priuatus est regula Ecclesiæ suprema, non contrā: & iam non erit quisquam ad Ecclesiā mittendus, sed Ecclesiā ad priuatum quemvis; contra Scripturæ loca citata. Deinde, si Scriptura est iudex controuersiarum, ut intellecta secundum internam persuasionem Spiritus sancti cuiusque priuati; iam non Scriptura, sed illa persuasio præsumpta, erit iudex supremus. Nam illa ipsa iudicat de sensu Scripturæ, de quo est controuersia: æquē de arte litera, seu de libris ipsis Canonicis: atque ita Nouatores quemlibet priuatum faciunt iudicem supremum fidei, quod est absurdissimum. Inciduntque in circulum, cum Scripturam, eiusque sensum verum non certō agnoscunt, nisi ex spiritu priuato; & spiritum priuatum non aliunde probant, quā ex ipsa Scriptura, ipsomet spiritu priuato intellecta in hunc sensum. Incidunt denique in id quod Manicheis exprobat Augustinus lib. 32. contra Faustum cap. 19. *Videris*, inquit, *id vos agere, ut omnis de mediis Scripturarum auctoritas, et suus cuique animus auctor sit, quid in quaque Scriptura probet, quid improbet: id est, ut non auctoritatem Scripturarum subiciatur ad fidem; sed ut sibi Scripturas ipse subiciat: non ut ideo illi placeat aliquid, quia hoc in sublimi auctoritate scriptum legitur; sed ideo recte scriptum videatur, quia hoc illi placuit. Quō te committis anima misera, infirma, carnalibus nebulis inuoluta, quō te committis?*

8. Refellitur
eiusdo.
Ineptē verō respondent primō, Scripturam esse clarā, & faciliem in omnibus ad salutem necessarijs; ita ut nullum sit dogma necessarium, quod non contineatur clarē alicubi in Scriptura; quæ autem dicuntur obscurē, ea non esse necessaria, nequē temerē definienda, sed iudicio Dei relinquenda: idēque non esse opus iudice. Nam hoc effugium vanum esse iam alibi ostendimus, Disp. 7. Sect. 7. vbi ex doctrina communiter ab omnibus recepta, supposuimus duobus modis dici posse aliquid necessarium ad credendum ut salus obtineatur. Primō simpliciter, ita ut sine illo in nullo casu salus haberi possit ab adultis; cuiusmodi est credere quōd Deus sit, & inquirentibus se remuneratori sit, & alia fortē perpaucā de fide Trinitatis, & mediatoris; de quibus dicemus Sect. II. sequentis disputationis. Secundō, ex suppositione quod proponatur sufficienter cum obligatione credendi, & rejiciendi errorem contrarium. Deus enim grauiter præcipit, ut pareamus tali obligationi: & *Qui non crediderit, condemnabitur*, Marci ultimo. Quo pacto longē plura ad salutem necessaria sunt. Et hæc omnia non esse clara, ac facilia in Scriptura, ostendunt euidenter tam graues Controuersias de præcipuis quibusque mysterijs, de Trinitate

cum Arianis, Macedonianis, & Sabellianis; De Incarnatione cum Eutyrianis, & Nestorianis; De alijs, cum alijs Hæreticis; de quibus etiam ipsi inter se dissident, ut etiam hodie experimur in Lutheranis & Calvinistis. Quomodo enim tot, & tantæ dissensiones forent in rebus claris, & facilibus, acque fuerunt, & sunt inter Catholicos, & Hæreticos, qui non negant dissensionem esse, etiam de rebus ad salutem necessarijs? Quomodo, item sancti Patres, quos sæpe damnant, res tam claras, & faciles non viderunt?

Respondent secundō, licet quædam Scripturæ loca sint obscura præcisè sumpta: tamen alibi explicari, aut in textu originali clara esse; acque ita Scripturam clarā esse ijs, qui sciunt loca inter se conferre, vel linguarum periti sunt; qui idcirco non opus habent ad alium iudicem recurrere. Sed hoc effugium non minūs vanum esse, quā præcedens, patet ex dictis citatā Sect. 7. Et breuiter hic iterum refelli potest, primū argumento iam factō de dissensione tam graui, & frequentī inter Catholicos, & Hæreticos; & ipsomet etiam inter se; quāvis loca Scripturæ conferant, & linguarum periti sint. Secundō illa ipsa collatio vocatur in dubium; & controuertitur vter melius conferat. Opus est ergo iudice. Tertiō, quando textus Latinus discordat ab Hebræo, vel Græco, controuersia esse potest vter sit corruptus. Neque enim vllibi Scriptura affirmat textum Græcum, vel Hebræum, qualem habemus, non esse corruptum. Quartō, quid facient qui legere nesciunt, vel linguarum notitiam non habent? Quem Iudicem adiunt? Dices debere, eos sequi, qui Scripturam melius interpretantur. At quæstio est quānam melius interpretentur. Cūque multi se iacent spiritu Dei agi, & melius interpretari: quomodo iudicabunt quibusnam credendum sit? Eligant, inquires, meliorem, auditis diuersis eorum explanationibus. At hoc est, rudes, & imperitos constitutere iudices Doctorum, & Pastorum, ut ipsi iudicent quis melius Scripturam explicet; quod stultissimum est; ac si ab alijs, quā a Scriptura ipsa, sensus ipsius accipiendus est, an non potius accipiendus est ab illis, qui Scripturam, & verum eius sensum ab Apostolis immediatē acceperunt, & continuā successionē ad nos transmiserunt, quā ab ijs, qui tamdiu post, Scripturam ab illis acceptam suo sensu exponunt? Atque ut sapienter ait D. August. lib. de utilitate credendi cap. 14. *Cur non apud eos potissimum diligentissime requiramus, quid Christus præcepit, quorum auctoritate permotus Christus aliquid vile præcepisse iam credidit? Tūc mihi melius expositurus es: quid ille dixerit?* Et cap. 5. contra Epistolam fundamenti, *Qui obtemperari dicentibus, Crede Evangelio: cur eis non obtemperabo dicentibus, Noli credere Manicheo?*

Propter hæc non desunt tertiō, qui respondent huiusmodi controuersias non posse certā regulā, vel iudicio definiri: sed vnumquemque saluari posse, credendo ea, quæ Spiritus sanctus sibi interius dicat: & modō aliquis Deum, & Christum, & alia quædam præcipua fidei

Alteram
effugium
reficitur

Refutatio
aliud
respondit
indifference
sentium,
seu Liber
notum.

capita fateatur, nihil interesse præterea quid credat, aut quorum disciplinam sequatur. Imò eò usque progrediuntur aliqui, vt putent in quavis religione posse hominem saluari, modò nihil agat contra propriam conscientiam, id est, modò sibi falso blandiatur, & securitatem affectet. Qui error perniciosissimus sumptus est ex Alcorano c. 2. & repugnat manifestè Scripturæ, affirmanti, sine fide impossibile esse placere Deo, Hebr. 11. v. 6. Fide, inquam, verà & rectà; nam alia Deo non placet, nec illi gratum hominem reddit. Omnino enim absurdum est existimare errores, & hæreses Deo placere, & Deum velle contraria, & contradictoria; grauioræque in Scriptura prohibere errores, & hæreses, si eas vult, & amat. Quomodo autem Dei amore dignæ, cum sint turpes, & indecentes? Fides igitur, quâ Deo placemus, est fides vera, & recta. Hæc autem fides vna est, sicut vnum baptisma, Ephes. 4. v. 5. Non est autem vera & recta, neque vna in omnibus, si diuersi diuersa, & contraria credunt: sed aliquos falli necesse est, & fidem diuersam habere. Deinde fides, quâ Deo placemus, quæque ducit ad salutem, non habetur sine speciali ope Spiritus sancti, & donum Dei est, vt ait Paulus, Ephes. 2. v. 9. At Spiritus sanctus non mouet ad fidem falsam; neque error contra fidem veram, est speciale donum Dei. Vterius Scriptura perspicue docet eos, qui falsas doctrinas circa fidem recipiunt, vel disseminant, non consequi salutem, nisi resipiscant, Rom. 16. v. 17. *Rego autem vos, fratres, vt obsecratis eos, qui dissensiones, & offensacula præter doctrinam, quam vos didicistis, faciunt: & declinate ab illis. Huiusmodi enim Christo Domino nostro non seruiunt.* Et Tit. 3. v. 11. *Hæreticum hominem post vnam, & secundam correptionem denota: Sciens quia subuersus est, qui huiusmodi est. & delinquit, cum sit proprio iudicio condemnatus.* Et ad Galat. 1. v. 9. *Si quis vobis euangelizauerit, præter id, quod accepistis, anathema sit.* Et cap. 5. v. 19. *Manifesta sunt opera carnis; fornicatio, inuidia, dissensiones, scilicet, &c. Quia qui talia agunt, regnum Dei non possidebunt.*

Offenditur aperte repugnare Scripturæ.

Occurritur cuius boni.

Neque dicas hæc de illis tantum intelligi debere, qui scienter, & libere veræ fidei resistunt: non autem de ijs, qui per ignorantiam inuincibilem excusantur. Nam licet verum sit requiri aduertentiam, & libertatem ad peccandum, & aliquos posse in quibusdam, esto etiam in omnibus, in quibus errant, laborare ignorantia inculpabili: tamen falsum est, & contra Scripturam citatam, omnes Sectarios, & hæreticos hac ignorantia laborare, & esse coram Deo excusabiles. Deinde illi ipsi, qui excusantur, non saluabuntur propterea in falsis religionibus, in quibus destituuntur Sacramentum baptismi, vel penitentia, & alijs medijs, quibus medeantur peccati se commissis, propter quæ sunt damnationi expositi, etsi non propter infidelitatem inculpabilem, vt supponimus. Nam Sectæ, vt plurimum, Sacramenta, vel omnia, vel pleraque, rejiciunt: & pleræque nihil docent de contritione perfectâ, eiusque vi ad remissionem peccati, quam

Novatores huius temporis vni fidei tribuunt. Denique in Symbolo Athanasij ab hæreticis Galiz recepto art. 5. Confessionis Rupellanz, sic dicitur: *Hæc est fides Catholica, quam nisi quisque integram, inuiolatamque serauerit, absque quo dubio in æternum peribit.*

His igitur signis hæreticorum explosis, concludendum est, omnino debere admitti in Ecclesia Christiana aliquam fidei regulam viuam, quæ humano, & sensibili modo possit infallibiliter proponere res fidei, & controuersias definire; & iudicem aliquem certum, atque visibilem, qui Christi nomine, & consequenter infallibili & irrefragabili auctoritate, lites circa fidem exortas, tam perspicue dirimat, vt partes facile intelligant, cui veritas adiudicetur, siue quid sit credendum in quavis controuersia. Quisnam autem sit ille Iudex, deinceps inquirendum est, eò diligentius, quòd hæc quæstio grauissima sit, & à qua semper disputatio cum hæreticis inchoanda esset. Vt enim rectè ait Ægid. disp. 12. dub. 5. Sicut in rebus ciuilibus, de Iudice primum conueniendum est, cuius sententiæ clarè pronuntietur, quæ stare teneantur; alioqui frustra litigabitur: Sic initio controuersiarum de fide, conueniendum est de Iudice: quem tollentes hæretici, perinde faciunt, ac si tollerent re publica omnia tribunalia, quæ ius dicant litigantibus: iuberentque litigantes solo codice legum esse contentos, & tamdiu alterari, dum altera pars le victam fateretur; quod nunquam faceret, quouscunque ius obscurum, & dubium est.

10. Concluditur Iudicem viuum esse necessarium.

SECTIO II.

An publica illa potestas indicandi de controuersijs fidei, pertineat ad totum cæcum fidelium, vel ad Magistratum secularium: an potius ad Prælatos Ecclesiæ?

Dico primò, publicam illam potestatem indicandi de controuersijs fidei non pertinere immediatè ad totum cæcum fidelium. Probatum primò, quia nusquam legitur in Scriptura, neque aliunde certâ traditione habetur, quòd fuerit toti multitudini fidelium concessa à Deo eiusmodi potestas. Aliunde autem non potuit illam habere. Cum enim auctoritas iudicandi infallibiliter de controuersijs fidei, sit diuina, & supernaturalis; nulli potest, nisi Dei beneficio, & institutione competere. Secundò, nusquam legitur controuersias fidei fuisse ad totam plebem fidelium delatas, vt de illis iudicaret authenticè; sed potius vsu perpetuo Ecclesiæ constat, tale iudicium fuisse ad Pastores, & Prælatos delatum: exemplo ipsius primitiue Ecclesiæ, quæ controuersiam de legalibus ad Apostolos, & Presbyteros derulit, vt de illa decernerent, A& 15. Neque alij præter illos huic solemnì decisioni, & sententiæ ferendæ affuerunt. Idemque factum est deinceps in alijs fidei controuersijs, occasione hæreticorum subortis: quarum discussio, & decisio authentica, non à tota fidelium multitudine, sed ab Ecclesiæ Prælatis facta est: vt videre est in

11. Non pertinet ad totum cæcum fidelium.

Concilio Nicæno I. contra Arianos: in Constantinopolitano I. contra Macedonianos: In Ephesino contra Nestorianos: In Chalcedon. contra Eutyrianos; & sic de alijs. Tertiò, non est credibile Deum dedisse Ecclesiæ potestatem inutilem, & quæ non possit ad vsum reuocari. Et pessimè Deus illi consulisset, si non aliam ei dedisset potestatem decidendi controuersias fidei, nisi prorsus inutilem. Esset autem inutilis, & nunquam ad vsum reuocabilis, si tota multitudo fidelium deberet ad ferendam sententiam conuenire: cum sit impossibile tantam multitudinem, quanta est totius Ecclesiæ, cogi in vnum locum ad simul deliberandum. Et iam, vel omnes deberent conuenire in eandem sententiam: vel maior pars. Si primum: est impossibile tantam multitudinem in rebus obscuris & controuersis conuenire, per se, in eandem sententiam. Si secundum: facile, & prouum est maiorem partem (quæ semper est multitudinis imperitæ) errare in rebus obscuris, & difficilibus, nisi à meliore regatur, id est, à Prælati, & Doctoribus Ecclesiæ, quibus illa potius impedimento, quàm adiumento erit. Neque dicas, sufficere, vt videquaue coeant aliqui, qui totam multitudinem sufficienter repræsentent. Nam ad illam sufficienter repræsentandam, debent multi de plebe conuenire. Sicut multi Episcopi, vt repræsentent sufficienter omnes Prælatos Ecclesiæ. Tanta autem multitudo non potest, vel omnino, vel sine iam dicto incommodo conuenire ad iudicandum de rebus fidei obscuris, & controuersis. Quartò, ipsa ratio naturalis dicit iudicium authenticum de fidei controuersijs, non debere ad quosvis de plebe, cuius maxima pars est ignara legendi, pertinere: sed ad eos, quibus à Deo mandata est potestas docendi, & regendi Ecclesiæ. Hæc autem non fuit mandata priuatis quibuscque fidelibus; sed Petro, & alijs Apostolis, eorumque successoribus, Matth. 16. v. 16. & sequentibus, & cap. 18. v. 18. & cap. 28. v. 20. Marc. 16. v. 15. Luc. 10. v. 16. Ioan. 21. v. 15. 16. & 17. Act. 20. v. 28. Ephes. 4. v. 11.

Dico secundò, potestatem illam non pertinere, etiam ad Principes seculares, & Magistratum politicum: sed ad Prælatos Ecclesiasticos, quibus Ecclesiæ regendi, & docendi auctoritas, fuit à Deo data. Probat primum ex Scriptura, quæ solis illis hanc potestatem tribuit in vtroque Testamento, veteri, & nouo. Deuter. 17. v. 8. *Si difficile aique ambiguum apud te iudicium esse perpexeris inter sanguinem & sanguinem; causam & causam; lepram & lepram: & iudicium inter portas tuas videris verba variare: surge, & ascende ad locum, quem elegerit Dominus Deus tuus, venisque ad Sacerdotes Levitici generis, & ad Iudicem, qui fuerit illo tempore, quævisque ab eis: qui indicabunt tibi iudicij veritatem. Et facies quodcumque dixerint, quæ præsumt loco, quem elegerit Dominus, & docuerint te iuxta Legem eius: sequerisque sententiam eorum, nec declinabis ad dexteram, neque ad sinistram. Qui autem superbiuerit nolens obedire sacerdotis imperio, qui eo tempore ministrat Domino Deo tuo, & decreto Iudicis, morietur. Vbi per Iudicem, intellige Principem Sacerdotum,*

Summum Pontificem, cuius erat sententiam, audito aliorum iudicio, pronuntiare. Vt exponunt Vatablus, & Abulenſis; vel si de Iudice seculari sermo est, vt maluit Liranus, Caietanus, à Castro, & quidam alij, debebat ille sequi sententiam Sacerdotum, & Pontificis, eiusque tantum approbator & executor erat. Quò attendens Iosephus lib. 2. contra Appionem, inter medium & finem, ait Sacerdotes fuisse à Mose constitutos inspectores omnium, Iudices controuersiarum, & punitores damnatorum: nimirum in dubijs circa leges diuinas, morales, ceremoniales, aut iudiciales. Et Malach. 2. *Labia Sacerdotum custodimus scientiam, & legem requirunt ex ore eius: quia angelus Domini exercituum est.* Et 2. Paralip. 19. Rex Iosaphat, optimus, & sapientissimus, sic alloquitur Sacerdotes: *Omnes causam, quæ venerit ad vos, fratrum vestrorum, qui habitant in urbibus suis, inter cognitionem, & cognitionem, ubicumque questio est de lege, de mandato, de ceremonijs, de iustificationibus, ostendite eis, vt non peccet in Domino. Amasias autem Sacerdos, & Pontifex vestre, in his quæ ad Deum pertinent, præsidebat. Porro Zabadias filius Ismael, qui est dux in domo Iuda, super ea opera erit, quæ ad Regis officium pertinent.* Quibus verbis clarissimè distinguit officium Regis, ab officio Pontificis, & Sacerdotum: & istis solis tribuit iudicium de lege, de mandato, de ceremonijs, de iustificationibus, & regimen eorum, quæ ad Deum pertinent.

In nouo autem Testamento illustre eiusdem veritatis testimonium habetur Eph. 4. v. 11. *Id est ostenditur de nouo Testamento.* Vbi Paulus sic loquitur de Christo: *Ipse dedit quosdam quidem Apostolos, quosdam autem Prophetas, alios vero Evangelistas, alios autem Pastores, & Doctores, ad consummationem sanctorum, in opus ministerij, in adificationem corporis Christi: donec occurrant omnes in unitatem fidei, & agnitionis filij Dei, in virum perfectum, in mensuram ætatis plenitudinis Christi: vt iam non simus paruuli, fluctuantes, & circumferamur omni vento doctrine, in nequitia hominum, in astutia ad circumventionem erroris.* Vbi nota primò, loqui Apostolum de regimine Ecclesiæ duraturo vsque ad sæculi consummationem, & à Christo præcipue instituto, vt fideles stabiliant in fide, & cum auctoritate contineant, contra fraudes, & versutias hæreticorum. Nota secundò, inter illos à Christo constitutos, & ad hoc munus destinatos, nullam fieri mentionem Regum, & Principum secularium, vel politici Magistratus: sed Apostolorum, Pastorum, & Doctorum. Et Act. 20. v. 28. *Attendite vobis, & vniuerso gregi, in quo vos Spiritus sanctus posuit Episcopos regere Ecclesiam Dei, quam acquisistis sanguine suo.* Eodem pertinent alia Scripturæ loca, quibus inferius ostendemus, supremam potestatem docendi, & regendi, fuisse passendam Ecclesiæ, fuisse datam Petro, & successoribus, Matth. 16. v. 16. iuncto capite vltimo Ioannis, v. 16. & 17.

Probat secundò ex perpetuo vsu Ecclesiæ, quæ iudicium de fidei Controuersijs nunquam detulit ad Reges, & Principes seculares, aut perpetuo quæcumque alium Magistratum Politicum: Ecclesiæ.

11.
Neque ad
Principes
seculares,
sed ad
Prælatos
Ecclesiæ.

Probat
ex veteri
Testamento.

14.
Probat
ex vltimo
capite.

sed ad Romanum Pontificem Christi Vicarium, alioque Prælatos tunc Ecclesiam regentes. Verissimum enim est quod ait Ambrosius Epist. 21. ad Valentinianum Imperat. Nunquam in causa fidei Laicos de Episcopo iudicasse. Et paulo post: *Certe, inquit, si vel Scripturarum seriem diuinarum, vel vetera tempora reuoluerimus, quis est qui abnuat in causa fides, in causa, inquam fidei, Episcopos solere de Imperatoribus Christianis, non Imperatores de Episcopis iudicare?* Tum subinde addit: *Si conferendum de fide: Sacerdotum debet esse ista collatio: sicut factum est sub Constantino Augusta memoria principe, qui nullas leges ante pramissi, sed liberum dedit iudicium Sacerdotibus.* Et Athanas. in Epist. ad Solitarios vitam agentes, aliquantò post medium: *Quando, inquit, a condio auro auditum est, quod iudicium Ecclesie auctoritatem suam ab Imperatore acceperit? Aut quando unquam hoc pro iudicio agnatum est?* Plurima antea Synodus fuit: multa iudicia Ecclesia habita sunt. Sed neque Patres istiusmodi res Principi persuadere conati sunt: nec Princeps se in rebus Ecclesiasticis curiosum præbuit. Et inferius prope finem eiusdem Epistolæ, loquens de Constantino Imperatore contrarium faciente: *Quis, inquit, videns eum in decernendo Principem se facere Episcoporum, & præsidere iudicij Ecclesiasticis, non merito dicas eum illam ipsam abominationem desolationis esse, quæ à Daniele predicta est?* Et quidem sæculo primo ipsi Apostolorum temporibus, prima Controuersia orta in Ecclesia de legalibus, non ad Principes sæculares, aut Magistratum politicum, sed ad Apostolos & Presbyteros in Ierusalem delata fuit, Act. 15. v. 2. Ab ipsisdem definita in hunc modum, v. 28. *Visum est Spiritui sancto, & nobis, &c.* Sæculo secundo, Controuersia exorta de celebratione Paschæ, à Victore Pontifice Romano, post multa Concilia, determinata fuit: & excommunicati primum, ac deinde habiti pro hæreticis, qui eius decreto parère recusarunt. Sæculo tertio, hæresis Noatianorum, negantium penitentiam lapsis post baptismum; & Africanorum affirmantium baptismum datum ab hæreticis esse inualidum, damnata fuit à Cornelio Papa cum Concilio Romæ habito. Sicut & hæresis Arrianorum sæculo quarto, à Syluestro cum Nicæno Concilio. Et Sæculo quinto, hæresis Pelagiana, ab Innocentio, Cælestino, Zozimo & Bonifacio: & hæresis Nestoriana ab eodem Cælestino, & Concilio Ephesino. Sæculo sexto, hæresis Eutychiana, à Leone I. & Chalcedonensi Concilio. Sæculo septimo, Monothelitæ, à sexta Synodo generali sub Agathone summo Pontifice. Sæculo octauo, Iconomachi, à Nicæno II. Et sic de reliquis vique ad hæresim Lutheranam, & Caluinianam, præcedenti sæculo damnatam à Trident. Synodo, & Iansenianam recentissimè proscriptam ab Innocentio X. & Alexandro VII.

Probatur tertio ratione. Nam auctoritas illa infallibilis iudicandi de Controuersijs fidei, debet censi pertinere ad Successores illorum, quibus Christus initio Ecclesie eam dedit. At Christus non illam dedit Regibus,

& Principibus sæcularibus, qui nalli tunc erant in Ecclesia: sed Apostolis, & Episcopis, quos posuit regere Ecclesiam, quam acquisiuit sanguine suo, Act. 20. & Pastoribus; atque Doctoribus, quibus alios vique ad mundi consummationem succedere voluit, vt non simus sicut paruuli fluctuantes, & circumferamur omni vento doctrinæ, Ephes. 4. Ergo penes istos hæc potestas residere censenda est, non autem penes Reges, & Principes sæculares. Estque planè rationi consentaneum, vt iudicium supremum, & authenticum de dubijs fidei, ipsidem conueniat, quibus à Deo datum est supremum regimen Ecclesie, & spiritualium rerum administratio. Atque vt rectè dixit Basiliius Imperator in VIII. Synodo generali: *Hæc inuestigare, & querere, Iurisdictionem, Pontificum, & Sacerdotum est, qui regimini officium sortiti sunt, qui sanctificandi, qui soluendi, & ligandi potestatem habent, qui Ecclesiasticos adeptos sunt clauis. Non nostrum, qui pasci debemus, qui sanctificari, qui ligari, vel à ligamento solui egemus.* Et Theodosius Iunior in Epist. ad Synodum Ephes. silicetum est, inquit, eum, qui non sit ex ordine sanctissimorum Episcoporum, Ecclesiasticis immiseri iurisdictionibus. Et Constantinus magnus apud Rufinum lib. 10. histor. c. 2. sic ait Episcopis, qui ad Nicænam Synodum conuenerant: *Quis vos conuenit Sacerdotes, & potestatem vobis dedit de nobis quoque iudicandi: & ideo nos a vobis rectè iudicamus, &c.* Et ideo his emissis, illa, quæ ad fidem Dei pertinent. absque ulla animorum contentione distinguat. Refert quoque Athanasius supra cit. Hosium Cordubensem Episcopum, grauiter admonuisse Constantium Imperatorem, diceptationibus Ecclesiasticis de fidei rebus se inimicentem, his verbis. *Tibi Deus imperium commisit: nobis quæ sunt Ecclesie concedidit: & quemadmodum qui inum imperium malignis oculis carpit; contradicit ordinationi diuine: ita & tu cane, ne quæ sunt Ecclesie, ad te trahens, crimini obnoxius sis.* Date, inquit, quæ sunt Cæsaribus, Cæsaribus: & quæ sunt Deo, Deo. Et Felix Papa in Epist. ad Zenonem datâ, Cerium ex, inquit, hoc rebus vestris esse salutare, vt cum ac causis Dei agitur, iuxta ipsius consuetum, regiam voluntatem Sacerdotibus Christi studeatis subdere, non præferre: & Sacrosancta per eorum Prasules, disere potius, quam docere: Ecclesia formam sequi, non huic humanitas sequende iura præferre: neque eius sanctionibus velle dominari, cui Deus voluit Clementiam tuam pia deuotionis colla submittere. Ne dum mensura celsitudo diffinitionis exceditur, eatur in contrarium discordant. Plura his similia videri possunt apud Gregor. Nazianzen. Orat. 17. Chrysost. hom. 15. in 2. ad Corinth. Synef. Epist. 33. Ildorus Peluf. lib. 3. Epist. 249. & Ambrosium lib. 5. Epist. 35.

Confirmatur, quia potestas Regum, aut Principum, & Magistratum sæcularis, est ab hominibus, à quibus instituti sunt: paucis exceptis à Deo ipso institutis. Atqui potestas, & auctoritas iudicandi infallibiliter de rebus fidei, est potestas diuina, & spiritualis, quæ non potest esse ab hominibus, sed à Deo ex speciali eius institutione, & concessione. Ergo

non conuenit Regibus, & Principibus, aut Magistratui seculari, vi solius potestatis, quam à suis institutoribus acceperunt. Sed neque etiam à Christo illis tradita est. Nam Christus regiam, & secularem potestatem approbaui quidem, sed non auxit, cum dixit, *Reddite qua sunt Caesaris, Caesaris: & qua sunt Dei, Deo*: vt rectè Salmeron ibi notauit. Et alibi Scriptura præcipit quidem honorem illis habere, & tributa reddere, Rom. 13. v. 7. Sed nunquam illis spiritalem iurisdictionem tribuit. Confirmatur secundò, quia si auctoritas illa infallibilis est penes Magistratum politicum inferioriorem: multò magis est penes Reges, & Principes supremos, à quibus isti auctoritatem suam acceperunt. Iam verò, vel omnes Principes supremi illam habent, vel non. Hoc secundum dici nequit: quia non est maior ratio, aut sufficiens fundamentum, cur vnus de Principibus Christianis dicatur potius illam habere, quam alius: neque vllus est illorum, cui ceteri eam concedant. Sed primum etiam dici nequit. Nam cum manifestum sit experientià, Principes Christianos posse sententiam fidei contrariam ferre, suorumque omnes subditos ad adhaerendum suis erroribus cogere: euident est illos non habere auctoritatem infallibilem iudicandi de rebus fidei.

17.
Ex oppo-
sito le-
quen-
tur multa
incom-
moda.

Deinde, si suprema potestas spiritalis esset in singulis Regibus temporalibus, vt volunt Angli hæretici, qui contendunt illos esse supremos Iudices Controueriarum fidei: tot essent in Ecclesia supremi Principes spirituales, quot sunt supremi Principes temporales. Ex quo sequeretur primò Ecclesiam Christi non esse vnum corpus, contra Apostolum 1. Cor. 12. Ephes. 1. & 4. Coloss. 1. 2. & 3. alijsque locis. Nam vnus corporis, vnicum debet esse caput, cui cetera omnia membra sint subdita: id est, suprema aliqua potestas, à qua regatur: siue illa residet in vna aliqua persona, siue in vna congregatione ex multis. Nam sine eiusmodi potestate non potest esse debita vnio, & conformitas inter illius corporis membra. Neque dicas Regem quemlibet esse caput Ecclesiæ sui Regni: Christum verò esse caput omnium Ecclesiarum particularium cuiuslibet regni: & sic omnes vnum corpus constituit sub vno capite Christo. Nam contra: tota Ecclesia militans est vnum corpus, vt docet Apostolus locis citatis, & vnum regnum, vt dicitur Daniel. 2. v. 44. Luc. 1. v. 33. Matth. 13. v. 24. 33. & 44. Ergo debet habere in terris vnam supremam auctoritatem, à qua gubernetur: alioquin non magis omnes Ecclesiæ essent vnum corpus, & vnum regnum, ex eo quòd subijciantur Christo vt capiti & supremo. Pastori inuisibili: quam omnia regna temporalia sint vnum corpus, & vnum regnum, ex eo quòd omnia subijciantur Deo Regum Regi: & supremo, etiam in temporalibus, regnorum omnium Domino. Sequeretur secundò, non posse vnitatem fidei conservari in Ecclesia sine magno miraculo. Nam si diuersi Reges diuersa & contraria sentiant de fidei dubijs, quomodo poterunt ad vnitatem reuocari? Neque dicas eiusmodi Controueriarum posse in Concilio

Regum definiri. Nam cum sint omnes supremi, independentes, quis alios ad Concilium conuocabit, & venire compellet? Quis Concilio præsidebit? Et, vel Concilium habet potestatem distinctam, & superiorem potestate singulorum, quæ decidere possit, & cogere ad legendam sententiam maioris partis: vel non habet talem potestatem, sed tantum adhibetur ad prudentem consultationem, & publicum examen Controueriarum. Si hoc secundum dicatur, Concilium erit plerumque inutile: neutra enim pars adhærebit alterius sententiæ: neque habet fundamentum credendi fide diuinà, id est, infallibili, id quod altera determinat: quandoquidem vtraque fallibilis est, cum non habeant maiorem potestatem & auctoritatem, quam singuli Reges, quorum singulorum auctoritas fallibilis est, vt patet experientià. Si verò primum dicatur: Ergo iam nullus Regum habet supremam spiritalem potestatem, sed illa residet penes Concilium, à quo omnes pendunt. Et deinde si Regum Concilium talem habet potestatem, debet illam à Deo accepisse: Nam, vt supra dixi, potestas infallibilis iudicandi de rebus fidei, non potest dari ab hominibus. Atqui huius institutionis diuinæ nullum est fundamentum. Non oritur autem ex sola rei natura, dato licet, quòd quisque illorum habeat supremam potestatem spiritalem, sicut habent omnes, & singuli supremam temporalem. Sed potius quemadmodum si simul omnes conuenient ad comitia, non propterea fierent subiecti comitijs, seu congregationi voluntarie plurius, tanquam habenti superiori potestate: sic, &c. Denique sicut vnitas & iustitia in rebus temporalibus non possit seruari in toto orbe Christiano, vt manifestum est, si ad illam seruandam opus esset huiusmodi Regum omnium Christianorum comitijs: ita nec vnio fidei, & religionis.

Obijciunt Angli hæretici primò exemplum 18. Soluiter
1. obio-
tio de
Regulis
veteris
Testa-
menti.
Mosis, Iosue, Davidis, & aliorum quorundam Regum veteris Testamenti, qui in causis spiritualibus interdum Iudices egerunt. Respondet, quod attinet ad Moysen, illum fuisse Ducem, & Sacerdotem, iuxta illud Psalm. 68. *Moyses, & Aaron in sacerdotibus eius*. Iosue vero nunquam de causis spiritualibus iudicauit. David, tanquam Propheta, illud interdum extraordinariè, & ex speciali instinctu Spiritus sancti facere potuit, quod in regulam, & exemplum commune trahi non debet. Alii quidam temerè Sacerdotum officium sibi arrogarunt: vt Ozias, 2. Paralip. 26. quem ob audaciam Deus lepro percoluit. Idemque iure ordinario sibi non licuisse fatetur David, 1. Paralip. 15. v. 12. & 13. Et Iosaphat Rex optimus, & sapientissimus, vtrique officia, Regis, & Sacerdotis, manifestè distinxit verbis supra relatis ex 2. Paralip. 19.

Secundò obijciunt exempla quorundam 1. De Principibus Christianorum, qui Concilia conuocarunt, illisque præfuerunt: quibusve ipsa Concilia vltimam sententiam, & approbationem detulerunt: vt Carolo Magno Concilium Arelatense, cuius verba hæc sunt, c. vlt. post

Decreta omnia : *Hac Domino Imperatori presentanda decreuerunt, poscentes eius Clementiam, ut si quid hic minus sit, eius prudentia suppleatur. Si quid fecus, quam se ratio habet, eius iudicio emendetur. Si quid rationaliter taxatum est, eius auctoritate, diuina opulente clementia perficiatur.* Aliqui etiam Imperatores Christiani, leges sanxerunt circa fidem, & res Ecclesiasticas ; vt videre est in Codice lib. 1. Tit. 1. & aliquot sequentibus, & in Nouellis Iustiniani.

19.

Respondet Imperatores aliquos Christianos hortatos quidem esse Pontifices ad conuocanda Concilia : atque etiam suam auctoritatem interposuisse ad executionem, quoad adiumenta, vel impedimenta temporalia ponenda, vel tollenda. Sed tamen nullum Concilium legitimum, sine auctoritate Summi Pontificis fuisse vquam conuocatum, & celebratum, ad quem solum vsus supremæ iurisdictionis spiritualis ea conuocandi pertinuit : vt fuisse, & crudelitè ex antiquorum testimonijs, & ex historia Ecclesiastica, probat Eminētissimus Cardinalis Perronius lib. 1. Replicæ cap. 41. Patres verò Concilij Arelatensis (& si qui alij simile quid dixerunt) petierunt ab Imperatore protectionem, & executionem suorum Decretorum, vt ex vltimis eorum verbis constat. Reliqua verò modestè & vrbaniatè causâ, dixerunt Imperatori doctissimo, religiosissimo, & sapientissimo, de cuius approbatione non dubitarunt. Ex quibus nullum sumi potest indicium vel spiritualis potestatis in Imperatore, vel subiectionis Concilij, ipsius sententiæ in dubijs fidei, aut rebus alijs spiritualibus. Denique constitutiones Iustiniani, & aliorum Imperatorum circa fidem, & res Ecclesiasticas ; non sunt nouæ sanctiones, sed intimationes Canonum iam ab Ecclesia latarum, vt Iudices seculares, & alij ipsorum potestati subiecti, intelligerent quid circa illos tenendum, aut exequendum esset, scirentque suæ voluntatis esse, vt exactè seruarentur. Debet enim potestas regia, in eo iuuare spiritalem, & Ecclesiasticam. Vt rectè Leo I. Epist. 81. Imperatorem Leone[m] admonuit his verbis : *Debes incunctanter aduerrere regiam potestatem tibi non solum ad Mundi regimen, sed etiam maximè ad Ecclesie Præsidium esse collatam : ut ausus nefarios comprimendo, & quæ bene sunt statuta defendas ; & veram pacem ipsi, quæ sunt turbata, restituas.* Si quid vltra præsumpserunt pauci aliqui, vt de Iustiniano affirmat Baronius ad annum Christi 528. & 549. paucorum abusus non est sufficiens fundamentum, affirmandi hanc potestatem fuisse concessam Principibus secularibus, quam optimi quique Principes, & Imperatores non sibi, sed Episcopis, & Pontificibus Ecclesiæ, datam esse agnouerunt, vt supra ostendimus de Constantino Magno, Theodosio, & Basilio : deque pluribus alijs videri potest apud Bellar. lib. 3. de verbo Dei c. 7.

20.

Obijciunt tertio, iure naturæ Regiam potestatem, & Sacrodotalem iunctas esse. Nam tempore legis naturalis, quo ius tantum naturale seruabatur, iidem erant Reges, & Summi Sacerdotes : vt Melchisedech, Abraham, Isaac, Iacob : & primogeniti ex stirpe Noë, re-

gnique hæredes, erant simul Sacerdotes, vt bene aduertunt Hieronymus Epist. 116. ad Eua-
grium, & Rupertus lib. 7. in Genes. cap. 6. Ergo etiam nunc eadem potestates iunctæ sunt. Gratia enim non destruit Naturam, sed perficit. Respondeo potestates illas non fuisse necessario coniunctas iure naturali ; sed sicut ille permittente potuerunt iungi tempore legis naturæ : ita & leparari. Quare apud quos iunctæ fuerunt, id factum est accedente hominum institutione liberâ. In lege autem Mosâica, manifestum est fuisse disiunctas, vt ostendimus num. 12. Quare mos ille antiquus siue omnium, siue plurium nationum legis naturæ, fuit à Deo mutatus in lege Mosâica : potuitque mutari similiter in lege Euangelica : & re ipsa mutatum fuisse patet ex dictis num. 13. Est autem differentia inter potestatem Sacrodotalem legis naturæ, & legis Mosâicæ, vel Euangelicæ ; quod illa erat purè humana : Deus enim tunc non determinauerat aliquos specialiter, per quos solos vellet sacrificia sibi offerri, & res sacras tractari. Secus autem in lege Mosâica, & in Euangelica, in qua vtrâque, potestas Sacrodotalis includit spiritalem iurisdictionem, quam non habebant Sacerdotes legis naturæ : quippe quorum potestas erat merè humana, id est, humanæ institutionis, quæ non transcendit limites ordinis, & regiminis humani. Vterius verò, in Euangelica, potestas Sacrodotalis consistit ex parte in potestate ordinis placet supernaturali, in corpus Christi verum, & mysticum ; id est, ad consecrandum & offerendum sacrificium corporis Christi, & ad peccata remittenda penitentibus. Quæ potestas neque ex iure naturali provenire potest, neque hominum voluntate institui : sed debuit à Deo specialiter dari. Non constat autem fuisse datam alijs, quàm Apostolis, & eorum successoribus, Luc. 22. v. 19. & 1. Cor. 11. v. 24. & Ioan. 20. v. 23.

Potestas
Sacrodo-
talis &
Regia eo
sunt iun-
ctæ iure
naturali.

Obijciunt quarto, Reges esse Dei Vicarios in suo regno, iuxta illud Rom. 13. v. 4. *Dei enim minister est, &c.* Et v. 6. *Ministri enim Dei sunt, in hoc ipsum seruantes.* Vnde Ambros. ibidem affirmat Principem vicem Dei agere, ideoque subiectionem, & obedientiam esse illi præstandam. Et auctor questionum veteris, & noui Testam. apud Aug. q. 91. de Rege sic ait : *Adoratur in terra quasi Vicarius Dei.* Et Eleuther. Papa in Epist. quadam ad Lucium Britanniarum Regem, sic eum alloquitur, *Vos in regno vestro Vicarius Dei estis.* Respondet Reges esse Vicarios Dei in temporalibus, & Pontifices in spiritualibus. Deus enim, qui quoad vtrâque supremus Dominus omnium regnorum est, habet in vtrisque vicarium. Et quidem Paulus, loco citato, loquitur de Regibus Ethnicis (nam Christiani adhuc nulli erant) quos ramen nemo sanæ mentis dixit fuisse Vicarios Dei in rebus spiritualibus, & in regimine Ecclesiæ Christianæ. Auctor verò questionum cit. non est Augustinus, vt Docti omnes consentiunt. Et Epistola illa Eleutheri spuria est, recensque ab hæreticis conficta, vt notat Sander. lib. 5. de clau. David, c. 6. Quamquam verba ex vtroque loco obiecta, nobis non obstant ;

21.
Reges
quomodo
sunt
Dei vicarij

quia nihil amplius dicunt, quàm quod ex Paulo, & Ambrosio suprà relatum, & explicatum fuit. Auctor quoque illius Commentarii in Epist. ad Roman. non est Ambrosius, vt bene probat Bellarm. in lib. de Scriptoris Ecclesiasticis.

^{21.} Quatenus illius patet. Quod verò Paulus eodem cap. v. 1. præcipit vt omnis anima potestatis sublimioribus subdita sit; non fauet Anglicano errori. Nam Paulus loquitur generatim de omnibus superioribus; & cum accommoda partitione intelligi debet, vt scilicet quisque subditus illis sit, & obediat in ijs omnibus, in quibus sunt legitimi superiores, & quæ iuste præcipiunt. Inepum enim esset existimare Paulum præcepisse Christianis illius temporis, vt obedirent in spiritualibus, & in rebus fidei, Principibus Ethnicis, de quibus etiam ibidem loquitur, & quibus solis temporaliter tunc suberant fideles: pro quibus etiam orari iubet 1. Timoth. 2. v. 1. & 2. Alia quæ obijciunt sunt similia præcedentibus, aut minoris momenti; & ex dictis faciliè solui poterunt.

SECTIO III.

Verum potestas illa sit penes Summum Pontificem: ita vt saltem cum Concilio generali sit infallibilis Regula fidei, & Index Controuersiarum?

^{22.} **R**espondeo Summum Pontificem cum Concilio generali legitimum, id est, cum cæteris Episcoporum totam Ecclesiam repræsentantium, esse Iudicem Controuersiarum, & infallibilem Regulam fidei. Probatur primò ex sensu & vsu perpetuo Christianissimi, euidenter credibilis, & euidenter sequendi. Nam Ecclesia vniuersa Conciliorum generalium definitiones, vt indubitabiles & diuinas semper habuit, & semper habiti sunt pro hæreticis, qui à talibus Concilijs damnati fuerunt: ipsæque Concilia contradicentes suis definitionibus, damnarunt semper vt hæreticos, & anathematizarunt. Quod ex historia Ecclesiastica tam euident est, vt à Nouatoribus non possit dissimulari. Quinimo expressè admittunt prima Concilia generalia vt legitima: Beza enim in 3. volumine Tractatum Theologicorum, Tract. 6. de Ecclesiæ notis, sex prima Concilia generalia à se, & à suis recipi affirmat. Caluinus autem 4. Institut. c. 9. n. 8. veneratur quatuor prima Concilia, Nicenum, Constantinop. Ephesin. Chalced. & similes, inquit, præfatas Synodos: quibus verbis vix potest intelligere aliud, quàm quoniam, & sextam: Nam rejicit septimam contra Iconoclastas. Verùm, cum septima, & aliz deinceps vsque ad Tridentinam, celebratz fuerint eodem modo, quo quatuor primæ; sunt æquè legitimæ, & infallibiles, adeoque non minus admittendæ. Quare Nouatores contradicunt sibi, cum has rejiciunt, & illas admittunt. Neque dicant se primas illas recipere, quia sunt conformes verbo Dei. Vel enim intelligunt se eas recipere, quia, & quatenus cognoscunt spiritui priuato

eas loqui conformiter ad verbum Dei scriptum, (quod vnicum agnoscunt): Et sic non plus illis darent auctoritatis, quàm quibuslibet Scripturæ interpretibus: & nihil ipsis prodesset eorum auctoritas contra Seruetianos, Anti-trinitarios, & similes, contra quos veniunt eorum decisionibus. Vel intelligunt eas infallibiliter regi à Spiritu sancto, vt sentiant, & definiant iuxta verbum Dei: & hoc intendimus. Sed cum omnes Synodi generales, & legitimæ, æquè regantur à Spiritu sancto; debent omnes æquè admitti. Addo ipsos vt Synodos quoad fidei dogmata, & Controuersias circa illa decidendas; quo remedio nullum certius, & melius esse (si quæ de dogmate incidat disceptatio) ait Caluinus cap. suprà cit. num. 13. Et eodem lib. 4. cap. 1. n. 4. & 10. in fine, admittit Ecclesiam visibilem esse materem nostram, extra quam nulla salus, à qua discessio sit semper exitialis, vt potè discessio à Christo, quæ nullum atrocius crimen fingi possit. Et n. 5. ait in eadem Ecclesia esse Pastores, & Doctores, donec occurramus, &c. Ephes. 4. hanc esse notam regni Christi: dignos fame, qui respuunt diuinum prædicationis cibum potestatem ab Ecclesiæ visibilibus Pastoribus: sicut olim non ad Angelos populum docendum allegauit Deus, sed Sacerdotibus commisit, ita & nunc: sicut olim legi scriptæ addidit interpretes Sacerdotes, ita & nunc. Et cap. 3. n. 4. in fine, dicit Pastores, & Doctores, quibus nunquam caret potest Ecclesia, præfata Scripturæ interpretationi, & Sacramentis administrandis. Hæc ille: quæ omnia Ecclesiæ auctoritatem contra Spiritum priuatum manifestè commendant.

Probatur secundò ex Scripturis ab initio indubitatis. Nam Eph. 4. v. 11. & sequentibus, dicitur Christum dedisse Ecclesiæ Pastores, & Doctores, donec occurramus omnes in unitatem fidei, & agnitionis Filij Dei, &c. vt iam non simus paruuli fluctuantes, & circumferamur omni vento doctrina in nequitia hominum, in astutia ad circumuentionem erroris. Vbi nota primò continuam successionem Pastorum, & Doctorum in Ecclesia verbis illis, Donec occurramus, &c. vt Caluinus suprà faceret, & necessitas Ecclesiæ postulat. Licet enim Apostoli, & Euangelistæ, de quibus ibidem loquitur Paulus, non sint perpetui in Ecclesia, quia eorum munus non est semper Ecclesiæ necessarium. Secus tamen officium pacendi, seu regendi, & docendi. Semper enim eger Ecclesia doctrinâ, & regimine: quare Christus non satis illi prouidisset, nisi perpetuam successionem Pastorum, & Doctorum instituisset. Nota secundò infallibilitatem eorum in definiendo, & discernendo verum à falso, verbis illis, Vt non simus fluctuantes, &c. Fluctuaremus enim, nisi certi essemus ipsorum iudicium esse verum, & infallibile: ac nisi re ipsa tale esset, circumueniremur errore aliquando. Tertiò, nota consequenter obligationem sequendi ipsorum iudicium: quia tenemur ad cauendos errores, & ad non fluctuandum, sed firmiter standum in fide: Ergo & ad adhærendum ijs, qui nobis à Christo dati sunt, vt non fluctuemus, & non

^{24.} Et ex Scriptura.

circumueniamur erroribus. Quartò, nota Episcopos esse præcipuos Pastores, & Doctores, quorum munus est docere, & pascere verbo Dei, & arcere lupos, id est, impostores, à grege, pabulæque noxia auertere. Iuxta illud Act. 20. v. 28. *Attendite vobis, & uniuerso gregi, in quo vos Spiritus sanctus posuit Episcopos regere Ecclesiam Dei.* Quintò, nota Episcopos, si vniquam habent vim, & auctoritatem infallibiliter definiendi, & iudicandi: saltem, & maxime, quando ex tota Ecclesia conueniunt, eamque repræsentant; vt regnum Repræsentatur in comitijs, & Respublica, per capita communitatis conuenientia ad deliberandum, vel iudicandum. Tunc enim maxime locum habere debent promissiones Christi de assistentia Spiritus sancti, manifesti cum Ecclesia in æternum, & docturi omnem veritatem, Ioan. 14. v. 16. & cap. 16. v. 13. alijsque locis: Et illud Matth. 18. v. 20. *Vni sunt duo, vel tres congregati in nomine meo, ibi sum in medio eorum.* Quibus verbis Christus promittit cuilibet congregationi legitimæ, in nomine suo coactæ, auxilium muneris suo necessarium: vnde à fortiori colligunt Sancti Patres nil defuturum Concilio generali legitimo ad definitiones vniuersales, muneris quoque necessarias. Est enim Concilij generalis, & Pastoris vniuersalis definire de rebus fidei: quia causa fidei est causa generalis, & ad totam Ecclesiam pertinens. Quare merito Apostoli, & seniores in Concilio 1. Ierolymit. sic pronuntiant. *Vnum est Spiritus sanctus & nobis: significantes Concilij definitiones esse à Spiritu sancto, ac proinde esse infallibiles.* Adde quod, vel Ecclesia omni Regulâ viuâ, & Iudice Controuersiarum sufficienti destituta est: vel id Concilio generali legitimo, id est, capiti, & præcipuis membris, sufficienter Ecclesiam totam repræsentantibus, concedi debet. Neque enim hæc Regula potest esse totum corpus Ecclesie, vt comprehendit omnes Catholicos; propter impossibilitatem omnes cogendi, vel consulendi; & propter insufficientiam, quia non omnes Pastores, & Doctores. Denique, tale Concilium habet vim obligandi omnes fideles ad credenda quæ definit: cum nulla maior in Ecclesia possit esse auctoritas ad fideles in officio fidei continendos, & terminandas disensiones subortas. Ergo quæ definit, sunt infallibilia, aut obligabitur Ecclesia ad errandum.

15. Probatur tertio, quia in lege antiqua, summus Sacerdos cum suis, erat iudex Controtemplo legis, cuius iudicio standum erat: iuxta illud Deuter. 17. *Si difficile, & ambiguum apud te iudicium esse perpexeris, &c. Venies ad Sacerdotem Leviticæ generis, & ad iudicem, &c. qui indicabunt tibi iudicij veritatem, & facies quodcumque dixerint tui præsumi loco, quem elegerit Dominus, & docuerint te iuxta legem eius; seque-rique sententiam eorum, nec declinabis ad dexteram, nec ad sinistram.* Neque obsunt verba illa, & docuerint te iuxta legem eius. Non enim sensus eorum est, quod parendum esset Sacerdotibus, quando quisque priuatus iudicasset esse iuxta legem locutos; sic enim esset vanum id tribunal, cuius singuli essent supremi iudi-

ces, & Deus eos constituisse Indices suorum iudicum: sed sensus est absolutus, quòd Sacerdotes tales, forent locuturi iuxta legem. Vt illud, iuxta legem: non refertur ad docuerint: sed ad, facies: vt indicat clarè textus Hebraicus, qui ad verbum sic habet: *Secundum legem quam docebunt te, & secundum iudicium quod dicent tibi, facies.* Et versio Septuaginta, *Et custodies valde facere secundum omnia, quæ statuta fuerint tibi. Secundum legem, & secundum iudicium quod dixerint tibi, facies.*

Probatur quartò, quia Christus Matth. 18. ita constituit: *Si peccauerit in te frater tuus, &c. dic Ecclesia, &c.* Vnde sic argumentor: Non minor est necessitas supremi alicuius iudicij in causis publicis, & religionis, per quod finiatur difficultates; quam in negotijs aut iniurijs priuatis vnius, aut alterius. Nam & ille sæpe incidunt, & sunt grauiores, quam priuata. Ergo si Christus pro priuatis constituit modum agendi, & recurrendi tandem ad Ecclesiam: multò magis, &c. Causa autem publica religionis, non potest à particulari quadam Ecclesia definiri, sed hoc pertinet ad Ecclesiam vniuersalem, abstrahendo interim ab vniuersali, & supremo ipsius Pastore seorsim sumpto. Ea verò, vt iudicer, debet conuenire. Non potest autem tota, nec maior illius pars, ob multitudinem. Ergo debent illi conuenire, qui capita sunt Ecclesiarum, vt Pastores, seu Episcopi, qui repræsentant Ecclesias sibi commissas; Nam si alij essent necessarij, foret impossibilis, & inutilis conuentus: Illa ergo Congregatio habet locum Ecclesie vniuersalis, apud Deum, & homines, cuiusque iudicio standum est in causis religionis. Cum autem obtineat Ecclesie auctoritatem: & Ecclesia errare in fide non possit, Matth. 16. v. 18. & alibi: Ergo nec illa Congregatio seu Concilium totam Ecclesiam repræsentans, & habens auctoritatem obligandi fideles ad credendum quicquid decernit in materia fidei.

Præcedenti doctrinæ valde aduersarij hæretici huius temporis, qui more cæterorum omnium, nolunt agnoscere vllam infallibilem in Ecclesia pro dirimendis fidei Controuersijs auctoritatem, propterea quòd illius iudicio statim condemnarentur. Vt enim rectè notauit S. Augustinus Epist. 56. prope finem, *Omnia hæreticorum, quasi regulari est ista semetipsum, vt conentur auctoritatem stabilissimam fundissime Ecclesie, quasi ratione, & pollicitationis nomine superare. Et hoc facere coguntur, quia aliqui sacræ se abiectionis sentiunt.* Primò autem ad locum citatum ex Ephes. 4. quo maxime virgentur, respondent Christum dedisse Ecclesie Pastores, & Doctores, solum vt proponant fidelibus ea, quæ credenda sunt, quæque in Scriptura, vnica fidei Regula, continentur: & proponendo, illos iuuent ad formandam rectam eorum apprehensionem; non autem, vt fideles moueantur vllò modo eorum auctoritate ad credendum: quasi verò ipsi commendentur à Deo in Scriptura, tanquam fideles verbi sui interpretes, & Controuersiarum fidei legitimij Iudices. Totam enim credendi auctoritatem in Dei verbo positam esse volunt, e-

16.
Et ex ne-
cessitate
talis iudi-
cij.

17.
Error hæ-
reticorū
negatū.

que solo dirimendas esse omnes fidei Controversias.

18.
Christus
non iam
exerceat
illud of-
ficiū per
seipsum.

Sed contrā: primò, Apostolus loco citato significat Christum ascendentem in cælum, & subtrahentem Ecclesiæ visibilem suam præsentiam, neque amplius illam per seipsum immediatè regentem, & docentem, dedisse illi Apostolos, Prophetas, Euangelistas, Pastores, & Doctores vsque ad mundi consummationem, qui illam in fide continerent, impedirentque ne fideles fluctuent, aut circumferantur omni vento doctrinæ. Itaque sicut Christus, & Apostoli confirmabant fideles sui temporis, à quibus immediatè audiebantur: ita deinceps vsque ad mundi consummationem, debent Pastores & Doctores confirmare fideles, quibus præsumt. At Christus & Apostoli confirmabant fideles non solum proponendo illis dogmata fidei, quæ ipsi examinarent, & viderent num essent verbo Dei conformia: sed suā etiam auctoritate, tanquam diuinitus commendatā; & cui fideles deferre tenerentur, illique adherere: Ergo, &c. Maior liquet partim ex ipsis Apostoli verbis: partim quia sine huiusmodi auctoritate non satis prospectum fuisset stabilitati fidelium, vt ostendimus paulò post. Minor probatur ex his Scripturæ locis, de Christo quidem, Matth. 17. *Hic est filius meus dilectus, in quo mihi bene complacuit, ipsum audite.* Ioan. 10. *Oves mea vocem meam audiunt.* Apocalyp. 1. v. 5. *Qui est testis fidelis, primogenitus mortuorum, & princeps Regum terræ.* De Apostolis verò, Luc. 10. *Qui vos audit, me audit: & qui vos spernit, me spernit.* Matth. 18. *Si Ecclesiam non audieris, sit tibi tanquam Ethnicus, & Publicanus. Amen dico vobis quæcumque alligaueritis, &c.* Et 1. Ioan. 4. v. 6. *Nos ex Deo sumus. Qui nonis Deum, audit nos. Qui non est ex Deo, non audit nos: in hoc cognoscimus spiritum veritatis, & spiritum erroris:* nempe per adhesionem ad Apostolos vt Pastores legitimos, Et 1. Cor. 5. v. 20. *Pro Christo ergo legatione fungimur, tanquam Deo exhortante per nos.* Et Ephes. 2. v. 19. *Iam non estis hostes, & aduersi: sed estis ciues Sanctorum, & domestici Dei, superadificati super fundamentum Apostolorum, & Prophetarum, ipso summo angulari lapide Christo Iesu:* id est, super Apostolos, & Prophetas, qui sunt fundamentum vestræ fidei, innixum Christo Iesu, tanquam supremo, & angulari lapidi illius fundamenti. Paulus enim hæc duo distinguit. Et Christus ipse Petro Apostolo sic ait, Matth. 16. v. 18. *Tu es Petrus, & super hanc petram edificabo Ecclesiam meam.* Itaque Petrus, & alij Apostoli erant fundamentum Ecclesiæ. Quò etiam pertinet illud Apocalyp. 21. v. 14. *Et murus ciuitatis habens fundamenta duodecim, & in ipsis duodecim nomina duodecim Apostolorum Agni.* Vt autem fides credentium niteretur Apostolis tanquam fundamento, debebant ipsi non proponere solum quocumque modo fidei dogmata, quod quilibet alius facere potest; sed habere commendationem à Deo per signa sui Apostolatus, tanquam legati Christi, & fidelis, ac legitimi verbi illius interpretis. Itaque non tantum eos mouebant ad credendum, nudā, & solā

Pastores
confir-
mare de-
beant fide-
les.

propositione verbi Dei, sed etiam auctoritate illis datā diuinitus.

Confirmatur, quia Christus ipse eo fine per illos multa edebat miracula, vt illis auctoritatem conciliaret, ac deinceps que ab illis proponeretur tanquam à Deo dicta, acceptarentur. Alioquin opus fuisset, vt ad singula dogmata, quæ successivè proponebant, eederent noua miracula. Quod non faciebant. Sed sicut Moyses, postquam initio per signa diuina probauit se à Deo missum fuisse, conciliauit apud Iudæos fidem ijs, quæ postea successivè illis proposuit: sic Christus ipse non edebat noua miracula ad singula, quæ dicebat: sed signis prius editis, & testimonio, quod à lege, & Prophetis, atque à Deo ipso, voce sepius, & palam de cælo delapsus acceperat, sufficientem dabat auctoritatem, & creditibilitatem ijs quæ postea proponebat. Sic Apostoli, &c.

Secundo, si Apostoli, & Prophete, & deinceps Pastores, & Doctores, qui illis successerunt, nihil aliud faciunt, quàm proponere fidei dogmata fidelibus, quæ ipsi examinent per verbum Dei, vt credant, si ei conformia videbuntur, nullo habito respectu eorum auctoritatis; atque hoc tantum modò impediunt ne fideles, velut paruuli fluctuent, & circumferantur omni vento doctrinæ, in nequitia hominum: Sequitur primò quoslibet alios Doctores, & Pastores, quamvis non à Christo positos, æquè posse id facere, dummodò Scripturam, & fidei dogmata proponant, vt certè possunt proponere. At hoc est falsum, & contra mentem Apostoli, qui quasi proprium id tribuit Pastoribus & Doctoribus à Christo constitutis, & in Ecclesia nunquam vsque ad consummationem sæculi defuturis. Sequitur secundo, Christum non satis prospectivè stabilitati fidelium. Nam si vltimum iudicium fidei penes ipsos stat, nec vlla est auctoritas in Ecclesia, cui teneantur deferre in controuersijs fidei, & difficultatibus circa veritatem literæ, aut sensus Scripturæ; manifestum est patère fideles hæreticorum fraudibus, & astutis hominum, circumueniendi artem cæcitantium, qui plebem facili in suos errores, prætextu verbi diuini, inducent: vt experientia notum est, & assertum à Cypriano Epist. 55. *Non enim, inquit, aliunde hæreses oborta sunt, aut nata sunt schismata: quàm inde, quod Sacerdoti Dei non obtemperatur, nec vnus in Ecclesia ad tempus Sacerdos, & ad tempus Index vice Christi cogitatur.* Sequitur tercio, minùs bene, & sufficienter consultum fuisse Ecclesiæ, quàm vlli hominum Societati bene institutæ. Nulla enim est Respublica bene constituta, in qua præter leges scriptas, & præter priuatam doctrinam, & scientiam subditorum, qui possunt ius proponere: non sit aliqua publica, & communis auctoritas, penes quam sit summa potestas iudicandi, & cuius sententiæ de subortis controuersijs, & difficultatibus, stare omnes debeant, ac cogantur; vt pax, & iustitia seruetur. Atqui absurdum est existimare minùs bene constitutam fuisse à Christo Ecclesiam, quàm ciuilem Rempublicam; præsertim cum experientiā li- queat, graues, & obscuras sæpe oriri de rebus

29.

20.
Pastores
non pro-
ponunt
tantum
fidei dog-
mata.

fidei

Hæretici
coguntur
talem au-
toritatem
sibi inter
suos tri-
buere.

fidei controuersias, æque ac de rebus ciuilibus. Quarto, ipsimet hæretici hoc suæ Sectæ conferuande necessarium esse experiuntur; eaque de causa Ministri, & si qui fortè alij inter eos præcipui, ad Synodum, seu Conciliabulum coacti, de controuersijs fidei iudicant, aliòsque suæ sententiæ stare iubent, & cogunt excommunicationibus, aut etiam pœnis temporalibus: vt patet exemplo Synodi Dordracenæ contra Arminianos, & alijs similibus. Quintò denique, sancti Patres hac præcipuè de causa rejiciendos esse docent hæreticos cuiuscunque Sectæ, quòd non adhærent Pastoribus Ecclesiæ supremis, continuâ successione à Petro hucusque sibi succedentibus. Vt videre est apud Origenem in proœmio lib. 1. Periarchon. Iren. lib. 3. c. 3. Tertull. lib. de præscrip. contra hæreses, c. 19. 20. & 31. & lib. 3. contra Marcion, c. 9. Cyprian. Epist. 52. & lib. de unitate Ecclesiæ c. 8. Optat. Mileuit. lib. 2. contra Parmen. Epiphani. heresi. 17. August. initio tom. 6. in Plalmo contra partem Donati, & lib. contra Epistolam fundamenti c. 4. Verba Irenæi c. 3. supra cit. hæc sunt: *Maxime, & antiquissima, & omnibus cognita à gloriosissimis duobus Apostolis Petro, & Paulo, Rome fundata, & constituta Ecclesiæ, eam, quam habet ab Apostolis traditionem, & annuntiatam omnibus fidem, per successionem Episcoporum peruenientem usque ad nos, indicantes, confidimus eos, qui quoquo modo, vel per sui placentiam malam, vel vanam gloriam, vel per cecitatem, & malam scientiam, præterquam oportet colligunt (id est, cætos, & conuenticula institunt.) Ad hæc enim Ecclesiæ, propter potentiorē principalitatem, necesse est omnem Ecclesiæ conuenire, hoc est, eos, qui vndique sunt fideles: in qua semper ab his, qui sunt vndique fideles, confirmata est ea, quæ ab Apostolis est iunge traditio.*

31.
Non pro-
pterea
frustra est
Scriptura

Obijciunt præterea heretici primò, frustra fore Scripturam, si habemus viuum oraculum, quo res fidei clarè proponantur, & controuersię diiudicentur. Respondeo, regulam viuam, & iudicem controuersiarum non excludere regulam Scripturæ, & traditionum diuinarum: imò ijs vti debere: quia non docet per nouas, & priuatas reuelationes, sed per explicationem, vel applicationem antiquarum traditionum diuinarum. Vnde semper his regulis vtuntur Pontifices, & Concilia, eaque in definiendo consulunt diligenter, & præ oculis habent: vt patet ex Concilij Oecumenicis antiquis, & nouis, & Tridentinum id de se affirmat initio Sess. 4^{te}. Sic etiam iudices supremi in foro ciuili non excludunt leges scriptas: sed eas supponunt & sequuntur.

32.
Neque
Papa, vel
Concilij
est
Script.

Obijciunt secundo, Papam cum Concilio fore supra Scripturam; quippe de qua iudicet quoad literam, vel quoad sensum. Respondeo id minime sequi. Sicut enim iudex constituitur à Principe, non est supra leges Principis, licet habeat supremam potestatem sub illo iudicandi, & explicandi leges: sic, &c. Adde hoc argumentum in hæreticos retorqueri posse, qui sibi arrogat id, quod Ecclesiæ negant. Iudicant enim de litera, & sensu Scripturæ: & obligant suos ad acceptandum eum Scripturæ

Tomus III.

sensum, quem ipsi tradunt; ac refragantes vt hæreticos damnant; cuius rei exemplum recens habemus in Arminianis damnatis in Synodo Dordracena. Præterquam quòd damnant ipsi Catholicos, & quosvis alios, qui aliter, quam ipsi, interpretantur hæc Christi verba, *Hoc est corpus meum*, & alia de quibus exorta est dissensio.

Opponunt tertio, Pontifices Iudæorum errasse in Concilio contra Christum inito, Ioan. 11. v. 47. & in Concilijs oecumenicis, quædam contradictoriè fuisse definita. Respondeo Pontifices errasse quidem in illo Concilio, non agnoscendo Christum vt Messiam. Ad constar illos non processisse more dogmatico, & Conciliari; sed aperta inuidiâ fuisse ductos, non vocato Christo; qui tot insignibus miraculis se Messiam esse, & caput Ecclesiæ, confirmauerat. Quamquam nec propriè fuit illud Concilium, sed conspiratio; id est, non conuenerunt Principes, & Pharisei ad deliberandum de rebus fidei, & de bonis moribus, imploratâ supplexiter ope diuinâ; sed ad perdendum Christum iam habitum pro impostore; vt patet ex propositione ibidem facta v. 47. *Quia facimus, quia hic homo multa signa facit? Si dimittimus eum sic, venient Romani, &c.* Idemque dicendum de alio Concilio, seu conuentu Iudiciali contra Christum inito, Matth. 26. v. 59. non alio fine, quam vt quoquo modo reum mortis eum pronuntiarent: vt pater ex modo quo processerunt, subornatis falsis testibus; & ex illis Caiphæ verbis, auditâ Christi confessione: *Quid adhuc desideramus testes, &c.* Adde præterea consequentiam non valere: quia non erat promissa Iudæis perpetua infallibilitas; sed è contrario prædictum erat regnum Dei ipsis ablatum iri, & Christum ab illis repulsam esse passurum: Daniel. 9. v. 26. & 27. & Matth. 21. v. 43. At de Ecclesiæ Evangelica, dictum est portas inferi aduersus eam nunquam præualituras, Matth. 16. v. 18. & verbum Dei nunquam ab eius ore recessurum, Isaiæ 52. v. 21. & spiritum veritatis cum ea mansurum in æternum, Ioan. 14. v. 18. & Christum cum illa futurum omnibus diebus vsque ad consummationem sæculi, Matth. 28. v. ultimo.

In Concilijs verò oecumenicis Ecclesiæ Christianæ, legitimis & approbatis, nihil est circa fidem, quod non conciliant viri docti multò facilius, quam antilogias apparentes Scripturæ sacræ; sed potius vbique clarè sunt definitiones controuersiarum, quæ tractantur, & determinantur conciliatiter: ita vt nec sententiæ perspicuitas desit, nec infallibilitas Ecclesiæ promissa: quas duas condiciones requirebamus in iudice, Sect. 1. huius disput. conclus. 2. Addunt verò tertiam hæretici, vt Papam, & Concilia rejiciant; scilicet, iudicem talem esse debere, vt nullo ducatur studio partium; in quo Papam, & Concilia suspectos habent. Sed cum, iuxta Christi promissionem, regantur infallibiliter à Spiritu sancto in huiusmodi definitionibus; non est timendum quin ducantur studio veritatis; licet alioqui, vt homines possent aliter affici. Sunt nihilominus, & erunt

33.
Errone-
runt
Concilia
Iudæorum
Ecclesiæ.

34.
Falsum
est
Christi-
ana
Concilia
errasse
circa fi-
dem.

semper hæreticis suspecti; sed eo modo, quo latronibus, & reis iudices: eoque magis, quò plus moueretur & agunt studio iustitiæ. Vide Bellarminum lib. 2. de Concilijs, cap. 8. ubi apertè ostendit ab omnia, quæ obijciuntur ab hæreticis, vt probent errasse Concilia, vel esse falsa, vel non pertinere ad legitima Concilia generalia; definitientia in materia fidei. Dico, *in materia fidei*: quia in alijs, vt in questionibus facti, vel reformationibus politice Ecclesiasticæ, vel alijs huiusmodi, non asserimus Conciliorum infallibilitatem; sed præcisè in fidei definitionibus. Ac ne quidem in rationibus, quibus aliquando vtuntur. Quandam autem loquantur Concilia, & definiant de rebus fidei, faciliè intelligitur, vel ex ipsa materia, & questione proposita, vel ex ordine & modo loquendi.

35. *Sentes fallaces qui se definiunt Controuersias fidei?*
Opponunt quartò, fidei Controuersias non posse definiti auctoritate hominum; cum sint fallaces, & mendaces: iuxta illud Psal. 115. *Omnis homo mendax*: sed Dei solius auctoritate, cui fides nostra inniti debet. Confirmatur, quia non potest illis inniti, qui si dicent contraria verbo Dei, non essent audiendi: iuxta illud Pauli ad Galat. 1. *Si nos, aut Angelus de celo, &c.* Quare potius eorum dicta debent examinari per verbum Dei, vt videatur sint-ne illi conformia. Quo pacto Beræenses, Act. 17. v. 11. examinabant per Scripturas num vera essent quæ Paulus & Silas prædicabant. Et Christus Ioan. 5. v. 39. ad illas remittebat Iudeos, dicens, *Scrutamini scripturas, & ille testimonium perhibens de me.* Et Paulus 1. Cor. 10. v. 15. *Vt prudentibus loquor*, inquit, *vos ipsi iudicate quod dico.* Quare ad fideles pertinet iudicare num vera sint, & conformia verbo Dei, quæ proponuntur à Pastoribus.

Respondeo, homines naturaliter spectatos, esse fallaces, & mendaces: sed vt directos à Spiritu sancto, & vt eius instinctu, ductuque loquentes non posse fallere, neque mentiri. Sanè Apostoli erant homines: & tamen illis fides credentium innitebatur, vt paulò antè ostendimus; & ad illos delata fuit Controuersia de legalibus, Act. 15. Ipsique sententiam super illa pronuntiarunt in hunc modum v. 28. *Visum est Spiritui sancto, & nobis, nihil ultra imponere vobis oneros, &c.* Fides autem nostra semper quidem innititur auctoritati, & verbo Dei. Verùm vt illi innitatur, constare nobis debet certò, & infallibiliter esse verbum Dei, illud, quod velut tale proponitur: & talem esse verum illius sensum. Hoc autem sepiissime nobis non constat sine auctoritate Ecclesiæ, & legitimorum eius Pastorum.

Soluuntur alia argum.
Ad confirmationem respondeo primò indirectè, eodem argumento probari fidem non potuisse inniti Apostolis: imò nec ipsi Christo, nec Evangelio. Nam si Apostoli contraria verbo Dei docuissent, non fuissent audiendi; vt Paulus de seipso ait verbis supra relatis, *Si nos, aut Angelus de celo Evangelizauimus vobis, præter id quod Evangelizauimus vobis, anathema sit.* Et Christus Ioan. 7. v. 17. & 18. significat se non fuisse audiendum, si ex semetipso tantum loqueretur, & non ex Patre, proponendo do-

ctrinam ab illo acceptam. Et denique Euangelium ipsum non esset audiendum, si contraria loqueretur veteri Testamento: vt neque verus Testamentum, si loqueretur contraria Euangelio. Imò neque Deo ipsi credendum esset si loqueretur contraria veritati. Respondeo secundò directè, maiorem illius argumenti esse veram, quando hypothesis est possibilis: secus autem quando est impossibilis. Sicut autem erat impossibile Scriptores factos, & Apostolos, atque Prophetas, loquentes ex instinctu Spiritus sancti, dicere contraria verbo Dei: sic impossibile est Pastores, & Doctores Ecclesiæ, loquentes sub ijs signis, & conditionibus, quibus nobis à Deo commendantur, tanquam fideles verbi sui interpretes, & audienti vt tales, dicere quidquam verbo Dei contrarium. Vt tales autem commendantur Istaie 59. v. 21. Matth. 18. v. 17. & 18. alijsque locis alibi examinandis, quando agemus de infallibilitate Ecclesiæ. Beræenses verò scrutabantur Scripturas, vt viderent, si hæc ita se haberent, Act. 17. v. 11. id est, vt rum fideliter allegarentur, & in ea referebantur, quæ de Christo ex illis referebantur à Paulo, & Sila, quorum auctoritas, & fidelitas nondum erat illis satis nota, tanquam diuinitus commendata, & infallibilis in proponendo res fidei. Christus etiam Ioan. 5. mittebat Iudeos ad Scripturam, vt in ea legerent testimonia de seipso scripta, & notas sensibiles de Messia prædictas, quas in Christo viderant esse impletas. Quo pacto nos quoque remittimus fideles, & quouiscumque alios ad Scripturam, vt in ea legant notas sensibiles veræ Ecclesiæ, & testimonia pro auctoritate, & infallibilitate ipsius tradita. Possuntque iidem, vt Beræenses scrutari Scripturas, vt videant num hæc ita se habeant. Paulus denique 1. Cor. 10. v. 15. petit tantummodo iudicium approbationis, seu consensum fidelium circa dogmata fidei, quæ sufficerent, & perspicere proponebat. Quod etiam Pastores, & Doctores Ecclesiæ petunt, & exigunt à suis auditoribus: sed non iudicium auctoritatis, seu decisionis: cum potestate rejiciendi si non eis viderentur esse consentanea verbo Dei, iudicarentque illud aliter esse intelligendum. Neque enim Paulus volebat, vt de sua doctrina iudicaret authenticè, magisque suo ipsorum examini, & priuato iudicio fiderent, quam Apostolicæ prædicationi. Quando enim auctoritas aliqua, iam cognita tanquam diuina, & infallibilis loquitur; non debent eius dicta subijci examini priuatorum, vt de illis iudicent authenticè, ne quidem per alias regulas, quibus debeant esse conformia, vel cum potestate rejiciendi, nisi talia videantur. Atque ita licet decisio Apostolorum de legalibus, Act. 15. deberet esse conformis scripturæ veteris Testamenti; non permisit tamen Apostoli fidelibus eam examinare cum auctoritate, vel potestate eam rejiciendi, nisi ipsis appareret esse conformis: sed præceperunt vt acceptarent, & seruarent. Et quauis Euangelium debeat consentire veteri Testamento, & vetus nouo: non licet nobis vnum cum altero conferre, vt rejiciamus quæ videbuntur esse contraria. Ac

Quo sensu Iudeis & Beræenses res mittebantur ad scripturas?

denique, licet tota Scriptura diuina debeat esse consentanea veritati: non licet nobis ea rejicere, quæ iudicio nostro apparent dissentanea: cum aliunde nobis notum, & certum sit totam esse diuinam.

SECTIO IV.

*An Summus Pontifex etiam sine Concilio
Generali sit Index Controversiarum,
& infallibilis Regula fidei?*

Respondeo Summum Pontificem ex cathedra loquentem, id est, vt Pastorem vniuersalem aliquid authenticè proponentem toti Ecclesiæ, tanquam credendum fide diuinæ, esse Regulam fidei, & Iudicem Controversiarum. Ita docent hoc tempore omnes teste Suare Disp. 5. Sect. 8. qui meritò censet rem esse de fide. Vt autem id probetur, tria ostendenda sunt. Primum est, Petrum Apostolum accepisse à Christo primatum, & iurisdictionem in totam Ecclesiā. Secundum est, accepisse quoque infallibilitatem in fide. Tertium est, hanc potestatem supremam, & infallibilem, fuisse transmissam ad Pontifices Romanos Petri Successores.

Dico igitur primò, Petrum accepisse à Christo primatum, & iurisdictionem in totam Ecclesiā. Probatur primò ex Ioan. 21. v. 15. Vbi Christus Petrum sic alloquitur: *Simon Ioannis diligis me plus hiis? Pisce Agnos meos, pascue oues meas.* In quibus verbis nota primò, in Græco esse *mu-ni*, quod significat pascere, non præbendo cibos quomodocumque, sed ex officio Pastoris, & Superioris. Nota secundò, sine vlla exceptione dici Oves, Agnos, Ouile Christi. Ergo Ecclesiā vniuersaliter, & sine limitatione ad certum tempus, locum, vel personas; imò Apostolos, & Pastores omnes comprehensos. Per Agnos enim, Populus; per Oves, Pastores significantur, & Patres populi. *Primo Agnos*, (inquit Eusebius Emisenus sermone de Natiuit. S. Ioannis Euangelistæ) deinde *Oves* Petro commissi; quia non solum Pastorem, sed Pastorum Pastorem eum constituit. *Pascit igitur Petrus Agnos, pascit & oues. Pascit filios, pascit & matres: Reges & subditos, & Prælatos. Omnis igitur Pastor est: quia præter Agnos, & Oves, in Ecclesiā nihil est.* Et Bernardus lib. 1. de considerat. cap. 8. *Age* (inquit Eugenio Papæ) *indagemus adhuc diligenter: quis sis, quam geras videlicet pro tempore personam in Ecclesiā Dei. Quis es? Sacerdos magnus, summus Pontifex. Tu princeps Episcoporum, tu heres Apostolorum, tu primas Abel, gubernas Noë, patriarcham Abraham, ordine Melchisedech, dignitate Aaron, auctoritate Moyses, indicat Samuel, potestate Petrus, militas Christus. Tu es cui clauis tradita, cui oues credita sunt. Sunt quidem & alij cæli janitores, & gregum pastores: sed tu tantò gloriosius quanto differentius vtrumque præ cæteris nomen habedisti. Habens illi sibi designatos greges, singuli singulos: tibi vniuersi crediti, vni vnus. Nec modo omnis, sed & pastorum tu vnus omnium pastor. Vnde id probem quæris? Ex Verbo*

Domini. Cui enim, non dico Episcoporum, sed etiam Apostolorum, sic absint & indigerent, tota commissæ sunt oues? Si me amas Petre, pascue oues meas. Quæ? illius, vel illius populos cuiusvis, aut regionis, aut certi regni? Oves meas, inquit. Cui non planum, non designasse aliquas, sed assignasse omnes? Nihil excipitur vbi distinguitur nihil. Et S. Leo serm. 3. de assumptione sua, Omnes propriè regis Petrus, quos principaliter regis & Christus.

Nota tertio, Christum Petro singulariter loqui presentibus alijs Apostolis; quem proprio ipsius, & patris etiam nomine, singulariter designat, atque distinguit ab omnibus alijs: *Simon Ioannis diligis me plus hi?* id est, plus quam hi socij tui Apostoli. *Pisce Agnos meos, &c. Cum esses iunior, cingebat te, &c.* Antea verò, & alio loco, missio ad prædicandum Euangelium, fuerat à Christo data omnibus simul Apostolis, Ioan. 20. v. 19. Quare cum iam vni Petro committat oues pascendas, alijs presentibus, veluti nouum beneficium illius proprium; debuit esse prærogatiua specialiter illi concessa, & à priori beneficio missionis, communi omnibus Apostolis, distincta. Quod etiam bene colligitur ex eo quòd Christus, antequam Petro munus illud pascendi oues suas, & Agnos generatim committeret, ter illum interrogauit, num plus quam alij diligeres? Nam vt rectè notarunt Chrysostomus, & Theophylactus in locum illum Ioannis, & Bernardus sermone 76. in Cantica, non erat causa cur ab illo maiorem amorem requireret ad beneficium, commune alijs Apostolis, & missionem iam omnibus mandatam; sed nimirum idcirco plus amoris ab illo requisivit, quia rem charissimam, nempe Ecclesiā, pro qua sanguinem fudit, totam illi pascendam, & regendam committebat.

Nota quartò, Christum duo promississe, vnum Petro singulariter, Matth. 16. *Tu es Petrus, &c.* Vbi Petro amplissimam potestatem in Ecclesiā promissit, vt ostendam paulò post, alterum omnibus Apostolis, Matth. 18. v. 18. *Quacumque alligaueritis super terram, &c.* Posteriori promissionem Christus impleuit Ioan. 20. v. 22. dicens: *Accipite Spiritum sanctum. Quorum remiseritis peccata, remittuntur eis: & quorum retinueritis, retenta sunt.* Priorem, Ioan. 21. v. 15. & sequentibus, vbi quod antè promiserat Petro propter excellentem fidei confessionem, dedit post trinam protestationem excellentis amoris.

Nota denique, hunc esse sensum omnium Patrum Antiquorum, qui ab Apostolis Scripturam, & verum eius sensum acceperunt. Sicut enim Christus non nudis verbis mysteria fidei tradidit Apostolis, sed verum eorum sensum illis aperuit: Sic Apostoli posteris, & successoribus suis non nudam Scripturam, sed verum sensum eius sensum dederunt. Alioquin non tam Doctorum, quam Librariorum munere functi essent; neque Christi intentioni, & muneris suo satisfecissent. Testimonia Patrum vide apud Bellarm. lib. 1. de Rom. Pontifice c. 14. & sequentibus, Suar. lib. 3. defensionis fidei, c. 10. Gaurerium in Chronographia, singulis sæculis,

36.
Conclu-
sio affir-
matua.

Petrus
accepit à
Christo
prima-
tum.

veritate 11. Canum lib. 7. de locis Theolog. Sanderum lib. 6. de visibili Monarchia cap. 4. Pighium lib. 3. cap. 3. Baron. tom. 1. Annal. ad annum Christi 33. & 34. Coccium rom. i. lib. 7. de Ecclesiastica hierarchia.

37. Et clau-
es qui co-
locum.
Secundò probatur eadem veritas ex Christi
verbis Matth. 16. v. 17. & sequentibus, *Beatus*
es Simon Bariona, quia caro & sanguis non reue-
lauit tibi, &c. Et ego dico tibi quia tu es Petrus,
& super hanc petram edificabo Ecclesiam meam,
& porta inferi non preualebunt aduersus eam, &
tibi dabo clauis regni calorum, &c. Circa quæ
verba, nota Christum singulariter alloqui Pe-
trum inter alios Apostolos præsentem, ut patet
primò, quia singulariter eum laudat ob con-
fessionem fidei ab vno illo editam, *Beatus es,*
quia caro, & sanguis non reuelauit tibi. Secundò,
quia Pronomine singulari secundæ personæ scilicet
illum designat, *caro & sanguis non reuelauit*
tibi, &c. Et *tibi dabo clauis regni calorum.*
Tertiò, quia duplici nomine proprio illum
compellat, addito etiam nomine Patris. *Beatus*
es Simon Bariona, id est, filius Ioannis & Tu es
Petrus, &c. Quartò, quia vicem illi re-
pendit illustri fidei professionis, *Et ego dico*
tibi, &c. Vt enim rectè expendit Hieronymus
in hunc locum: *Testimonio de se Apostoli redi-*
bit vicem. Petrus dixerat, Tu es Christus Filius
Dei viui. Mercedem recepit vera confessio: Bea-
tus es Simon Bariona, &c. Quia tu mihi dixisti,
Tu es Christus Filius Dei viui, ego dico tibi non
sermone casto, & nullum habente opus, sed dico
tibi, quia meum dixisse, fecisse est. Et Hilarius
can. 16. in Mattheum, *Dignum plane confessio*
Petri præmium concessa est: quia filium Dei in
homine vidisset.

38. Fundata
est Ecce-
sia.
Nota præterea, Christum verbis allatis pro-
misisse Petro, se super illum, veluti petram
immobilem, fundaturum Ecclesiam suam, fu-
turam portis inferorum, & omnibus eius ho-
stibus, inuincibilem. Nam quòd verba illa,
Super hanc Petram edificabo Ecclesiam meam,
dirigantur ad Petrum, qui sit illa ipsa Petra,
super quam tota ædificanda erat Ecclesia, pro-
batur primò ex ipso verborum contextu, Scripturæ
iuxta Latinam versionem spectato. Scripturæ
enim locutiones iuxta communem, & familia-
rem, atque vſitatum hominibus loquendi mo-
dum accipiendæ sunt, quantum fieri potest.
Communis autem & familiaris loquendi mo-
dus est, ut quando designatà certâ personâ,
Tu es hic, vel ille, subiungitur pronomen de-
monstratiuum, relatum vel ad idem nomen
denuo repetitum, vel ad aliud habens cum illo
similitudinem, & allusionem, demonstretur
eadem persona, de qua prius sermo erat. Vt
quando dicitur, Tu es Rex Gallie, & sub hoc
Rege Gallia triumphabit de hostibus: Tu es
columna, & firmamentum regni, & super hanc
columnam regnum stabit inuictum. Tu es Vr-
banus, & hæc urbanitas totius orbis amicitiam
sibi conciliabit, & omnes ad pacem, & con-
cordiam rediget. Tu es Clemens, & hæc clem-
entia toti Ecclesiæ magno erit solatio. Nemo
enim est, qui non videat hæc omnia ad eandem
personam pertinere. Idem etiam clariùs patet
in textu Græco, in quo *πῆρα, & πῆρα, ex vi*

vocis idem significant, nempe petram, vel
saxum, solâque differunt terminatione. Qua-
te perinde est, ac si Christus dixisset, Tu es
Petra, & super hanc Petram ædificabo Eccle-
siam meam; Tu es saxum, & super hoc saxum,
&c. Nec obest quòd Christus, vel potius In-
terpres Græcus verborum Christi, genus, &
terminationem vocis mutauit, dicens *ὁ ὢ πῆρα,*
ὃς ἐστὶ τούτου τῆς πέτρας ἀκατακτάτου καὶ ἄκλινοῦς. Hoc
enim fecit, ne nomen *Petrus* bis repetendo,
solam Petri personam designare videretur: sed
insuper exprimeret proprietatem nominis ap-
pellatiui a quo Petrus denominatus est, &
causam, cur nomen Simonis in Petrum muta-
retur, ob similitudinem scilicet cum petra in
fundando Ecclesiæ ædificio. Clarissimè verò,
id, quod intendimus probare, patet ex textu
Syriaco, quo idiomate Christus, & Iudæi il-
lius temporis utebantur: Nam in illo vox
Cepha, seu *Cipha* respondens vocibus Latinis
Petrus, & Petra, prorsus eadem est, & rupem
significat. Quare Christus Syriacè loquens di-
xit, Tu es Cepha, & super hanc Cipha ædifi-
cabo Ecclesiam meam; id est, Tu es rupes, &
super hanc rupem, &c. Atque ita denique
sancti Patres Græci, & Latini communi con-
sensu verba Christi exponunt, vt videre est
apud Tanner. q. 4. de fide, dub. 2. n. 54. & se-
quentibus. Belarum. lib. 4. de Summo Pontifi-
ce c. 10. & alios suprà citatos. Cum ergo Chri-
stus super Petrum, vt petram immobilem, pro-
nuntiet se ædificaturum Ecclesiam portis in-
ferorum inuincibilem, & hæc non funderetur su-
per eius personam nudè sumptam, sed vt do-
centem, & pascentem pabulo verbi Dei, &
doctrinæ fidei: consequens est Ecclesiam in-
niti Petro vt docenti. Et v^o Ecclesia sit inui-
cibilis portis inferi, necessarium est illius fun-
damentum non esse ruinosum, id est, Petrum
in docendo verbo Dei, & fidei doctrina esse
infalibilem. Qua de re plura paulò pòst.

Vteriùs aducere, ipsèdem Christi verbis pro-
mitti Petro clauis regni calorum, id est, po-
testatem vniuersalem in Ecclesiam; metaphorâ
ductâ à communi consuetudine, quâ cum vr-
bes deduntur alicui Principi, offeruntur ei cla-
ues in signum subiectionis: & clauis domus
solent tradi ei, qui æconomus instituitur.
Quo sensu dicitur de Christo, *Apostolus* p. 3.
v. 7. *Qui habet clauem David, &c.* Vnde Gre-
gorius lib. 4. Epist. 32. *Cunctis Euangelium*
scientibus liquet, quod voce dominicâ, Sancto,
& omnium Apostolorum Principi Petro totius Ec-
clesiæ cura commissâ est. Ipsi quippe dicitur, Petre
amas me? Pascere oues meas, &c. & Tibi dabo
clauis regni calorum. Simili modo loquuntur
alii Patres. Notandum est autem diligenter,
quod antea diximus, verum Scripturæ sensum
fuisse cum litera traditum successoribus ab
Apostolis: alioqui Apostoli non Doctorum Ec-
clesiæ, sed Librariorum munere functi essent.
Nota denique, hunc semper sensum Eccle-
siæ fuisse de primatu Petri, & Successorum; vt
videre est ex plurimis eorum testimonijs fide-
liter relatis à Bellarm. lib. 1. de Rom. Pontifi-
ce cap. 25. Gaucherio in tabulis Chronogr. Ver-
rit. 11. Et nos alibi multa retulimus tom. 5.

39. Clauis
regni coe-
lorum
quid si-
gnificauit

Disp. 56. Sect. 1. i. & 3. & Disp. 68. Sect. 5. Neque potest ostendi ab Hæreticis, quando primum post Apostolos hæc persuasio in Ecclesiam inducenda sit, & quis Antiquorum eius initium notauerit, quod certum signum est manasse ab ipsis Apostolis: Est enim incredibile nullum huic primatui male præsumpto, & usurpato, se opposuisse: nullum sanctorum Patrum huic errore notasse, nec ullum alium Scriptorem Catholicum. Quæ autem in contrarium opponuntur à Nouatoribus, diluuntur Sect. sequenti.

Dico secundò, Infallibilitatem in fide Petro fuisse datam à Christo. Probatum ex verbis proximè relatis, *Super hæc petram ædificabo Ecclesiam meam, & porta inferi non præualebunt adversus eam.* Nam ut Ecclesia sit invincibilis portis inferi, adeoque infallibilis in fide; necesse est Petrum, cui ut Doctori nitor, infallibilem esse; subverso enim fundamento rueret ædificium. Deinde, cum Petro, ut Pastori universali, tota Ecclesia subiecta fuerit, ut supra ostendimus ex alio loco Ioan. 21. tenetur tota Ecclesia in dubijs fidei, ductum illius sequi. Ergo si Petrus potest errare in fide, ut Pastor universalis docens totam Ecclesiam, poterit etiam, imò & tenebitur errare tota Ecclesia, atque ita portæ inferi præualebunt. Præterea Christus Luc. 22. v. 31. sic alloquitur Petrum: *Simon, ecce Satanas expellitur vos, ut erubescas sicut triticum: ego autem vram pro te, ut non deficiat fides tua; & tu aliquando conversus confirma fratres tuos.* Vbi nota primò, compelli bis Simonem, ut attendat ad proprium privilegium. Secundò, Christum prius omnes Apostolos allocutum, dicere Petro specialiter, se ostasse pro ipsius fide. *Ego autem vram pro te ut non deficiat fides tua.* Indicat verò ostasse efficaciter, & fuisse exaudium, quia per illud: *Ego autem,* constituit oppositionem sui fauoris contra vim demonis tentaturi. Tertiò, per iussionem illam, *Confirma fratres tuos,* designare se loqui Petro, non ut priuato, sed ut Pastori paulò post constituendo, & confirmatori eorum omnium, qui fratres dici possent, nec exceptis Apostolis. Quarto, sicut Christus locutus est Petro, ut Pastori, per illud, *Confirma fratres tuos:* ita eidem locutum esse, ut Pastori, per priora illa, *ut non deficiat fides tua:* quia hæc sunt fundamenta confirmationis illius, id est, instructionis firmæ in rebus fidei; ita ut Petrus, quæ Pastor docens totam Ecclesiam, falli non possit.

Dico tertio, primariam, & universalem potestatem in Ecclesiam Petro concessam, & infallibilitatem in fide, non desisse cum ipso; sed transiisse ad successores, qui sunt Romani Pontifices. Prima pars probatur, quia Ecclesia Christi militans, perpetua est: Matth. 16. *Portæ inferi non præualebunt,* &c. Ergo eius fundamentum à Christo institutum, debet esse perpetuum, & semper infallibile. Neque enim staret ædificium sine fundamento: Vel ergo esset perpetua in persona Petri, vel in Successoribus. Non primum, quia per martyrium mox desijt ab exercicio Pastoris, clauigeri, & fundamenti. Ergo in Successoribus. Neque

dicat Petrum adhuc esse fundamentum, quia manent ipsius Epistolæ, quibus Ecclesiam instruxit in fide, & instruit vique ad finem mundi. Hoc enim non sufficit, præsertim cum Petrus tam pauca scripserit præ Paulo, & Evangelistis: sed necessarius est Pastor, & Doctor, qui in dubijs clarè definiat, & portis inferi, atque erroribus invincibiliter se opponat. Ac sicut Christus, qui est Summus Ecclesiæ Pastor & primum fundamentum, eamque iuvare non desinit; quia tamen discessurus de mundo non amplius erat visibiliter relictus illam, Vicarium habere voluit: sic Petro mortuo, eandem ob causam. Successorem dari oportuit. Secundò Christus, teste Apostolo Ephes. 4. v. 11. constituit in Ecclesia Pastores, & Doctores duraturos vsque ad mundi finem, *donec occurramus,* &c. Ne fluctemus in fide, & circumflectamur omni vento doctrinæ in astutia hominum. Ergo munus Pastoris est munus ordinarium, ut etiam stentur Hæretici; & perpetuò duratum; & quamdiu erunt oves Christi, tandiū erit qui eas pascat, quique infallibiliter regat. Quod si Pastores alios voluit Christus esse perpetuos, multò magis caput Pastorum. Nam supremus Pastor non esset minus necessarius post mortem Petri, quam antè: Imò magis, ad vitanda schismata ex conjunctione ad vnum: ad Concilia cõgenda, & dirigenda: ad curam propagandi Evangelium per totum orbem: ad Prælatos immediatos in officio continendos: ad leges ferendas; in quibus consentiamus, utpote vnum corpus mysticum: & ad alia officia Pastoris: maxime in tanto numero Christianorum. Cùmque Christus in tertis vivens Ecclesiam rexit, ut supremum caput Monarchiæ, & Petro eandem potestatem communicavit, ut supra vidimus: non est existimandum statum illud Hierarchicum, & Monarchicum, à Christo inceptum, & in Petro continuatum, cum ipso desisse; sed potius optimum illud genus regiminis in Petri Successoribus perpetuò durasse, secundum Christi intentionem, & institutionem. Confirmatur, quia in lege veteri fuit Summi Sacerdotum per continuam successionem; quamdiu lex illa duravit. Ergo à fortiori in lege nova, quæ perfectior est, nec minus eget Summorum Sacerdotum successionem perpetuam, ad bonum statum, & regimen. Iam verò, summum illum, & universalem Ecclesiæ Pastorem, esse in fide infallibilem, necessarium est, ne Ecclesia universa, quæ in dubijs fidei ipsum sequi tenetur, exponatur erroris periculo: Ergo non tantum primatia, & universalis potestas, sed & infallibilitas ad Successores transmissa est: Tertiò denique, pro eadem parte conclusionis asserti, possent innuere Sanctorum Patrum, & totius antiquitatis testimonia clarissima, quæ vide apud Bellarm. lib. 2. de Pontifice, cap. 11. & sequentibus, Gautierum Sæculo 1. & sequentibus, veritate 11. Canon. Sandetum, & alios supra citatos num. 36. in fine. Tantum aduerto, Patres non id solum ex suo sensu asserere, sed Scripturæ loca supra citata ex Matth. 16. Luc. 22. & Ioan. 21. ita interpretari. Verus autem sen-

Probatum
quod in
Petro oon
desiecit.

40.
Petrus
accepit
infallibi-
litatem
in fide.

41.
Potestas
Petri &
infallibi-
litas tran-
sferunt ad
successo-
res.

sus horum locorum sine dubio ille est, quem successores Apostolorum, à quibus eum cum litera acceperunt, constantissimè tradunt.

41. **Probatur transire ad Successores.** Secunda pars conclusionis, quod Romani Pontifices sint Petri successores in summa potestate, & infallibilitate, probatur primò: quia successio supremi Pastoris infallibilis, ex dictis, perpetua est à Christo huc vsque. Non est autem alibi, quàm in Ecclesia Romana: neque enim vlla alia Ecclesia Catholica, vel secta Hæreticorum, eam sibi vendicat. Secundò probatur ex continua successione Pontificum Romanorum in Petri Sede, descripta, & testata ab antiquissimis Scriptoris, Irenæo lib. 3. c. 3. Tertull. in carmine contra Marcionem lib. 3. in fine. Epiphano hæresi 27. Optato lib. 2. contra Parmenianum, Aug. rom. 6. libro contra Epistolam fundamenti c. 4. & tom. 7. Psalmo contra partem Donati, in fine, & plurimis Historicis, quibus non minùs credendum est, quàm referentibus continuam feriem Imperatorum, & Regum. Nec enim in oculis orbis scribi potuisset tam constanter singulis sæculis, eiusmodi successio, si labasset veritas. Illi verò enumerant determinatos homines successores Petri, non modò in regimine priuatæ Ecclesiæ, quæ est Romæ, sed etiam vniuersæ. Quorum seriem ex omnium sæculorum testimonio collectam, vide apud Coccium tom. 1. lib. 7. & 8.

Ex Concilio generali. Probatur secundò ex Concilij generalibus, in quibus aduerte non potuisse Ecclesiam infallibilem deferre falsò talem primatum, neque se submittere, nisi superiori, in rebus fidei, nec dissimulare iniquam vsurpationem supremæ potestatis. Atqui successionem in Petri Sede, & primatu, generalemque iurisdictionem in totam Ecclesiam, tribuunt Romano Pontifici Concilium Nicænum 1. Can. 39. iuxta translationem factam ex codice Arabico, de cuius auctoritate, & fide, vide Turrianum tom. 1. Concilium Chalcedon. Act. 16. in Epist. Synod. ad Leonem Papam: Generale VI. Act. 4. in Epist. Agathon: Papæ, quæ approbatur Act. 8. c. 18. vt omittam alia Concilia posteriora, quæ Hæretici, licet immeritò, non admittunt. Verba Conciliorum locis citatis, & plura alia antiquorum testimonia relata, vide apud Coccium lib. 7. de Hierarch. Ecclesiast. art. 4. Gauterium in tabulis Chron. Verit. 11. Cardinalem Perron. lib. 1. Replicæ c. 34. & Suar. Disp. 10. de fide, Sect. 2.

42. **Confirmatur testimonio Patrum.** Probatur tertio ex consensu, & testimonio Sanctorum Patrum, atque ipsorummet primorum, & antiquissimorum Pontificum Romanorum: qui, licet in propria causa, suspecti esse non debent, propter proximam sanctitatem: cum eorum plurimi fuerint sancti, & martyres, neque tantam dignitatem falsò sibi arrogare voluerint: Est enim notatu dignissimum, triginta tres primos, qui Pontificatum in Romana Ecclesia gesserunt, fuisse omnes martyres, qui pro sua eximia sanctitate non sibi falsò arrogant dignitatem Pastoris supremi, quam passim sibi tribuunt in suis Epistolis, & decretalibus, quæ habentur collectæ tom. 1. Conciliorum, inaleque in dubium vocantur à Noua-

toribus, cum pleraque (etsi non omnes,) sint certò certius antiquissima, & à multis iam sæculis admixta. Quia de re videri possunt Franciscus Turrian. in Epist. Pontific. & Baronius in Annalib. Ecclesiast. Eorumdem autem Pontificum, & Sanctorum Patrum testimonia diligenter collecta, videri possunt apud Coccium supra, Sanderum lib. 2. de visibili Monarchia, & Bellarm. lib. 2. de Pontifice c. 14. 15. & 16.

Probatur quartò ex multiplici vsu, & exercitio huius potestatis. Primo in recursum ad Romanos Pontifices ex toto orbe in causis hæresis: quippe ad quos vndique missi fuerunt hæretici, vt vel errores suos retractarent, vel eorum damnationem subirent. Quemadmodum videre est apud Baronium in Annalibus Ecclesiasticis: de Marcione quidem, anno 146. de Valentino, an. 155. de Origene, & eius fautoribus, an. 148. & 400. de Africanis, an. 254. de Vrsacio, & Valente, an. 350. de Vitali, an. 373. de Pelagio, & Celestio, anno 418. & 430. & de alijs deinceps, ipsèdem sæculis, & annis quibus eorum hæreses extoræ sunt. Secundò, in consultatione Romanæ Sedis, ex omni orbe Christiano in causis fidei, & morum. Sicut Anicetum Papam à Polycarpo, & Eleutherum ab Irenæo consultum fuisse scribit Hieron. in lib. de Viris illustribus: & Hieronymus ipse Damasum Papam consuluit super tribus hypostasibus, Epist. 57. & Cyprianus Corneium, vt constet ex varijs eius Epistolis ad eundem Pontificem: & Augustinus, cum alijs Episcopis Africæ, recurrit ad Innocentium I. in quæstionibus fidei, Epist. 90. & 91. Quod idem Innocentius initio Epistolæ 91. affirmat Sedi Apostolicæ debere. Tertio, in approbatione, vel reprobatione Conciliorum, etiam generalium. Nam omnia Concilia generalia legitima, fuerunt indicta, vel saltem confirmata à Romana Sede, & ipsam confirmationem postulant. Quæ verò Sedes Apostolica rejecit, fuerunt quoque ab Ecclesia rejecta. Qua de re vide Baronium ad singulos annos quibus habita sunt Concilia, & Bellarminum lib. 1. de Concilijs. Quartò, in exercitio supremæ iurisdictionis spiritualis summi Pontificis in totum orbem: cuius rei testimonia, & exempla antiquissima, videri possunt apud Concilium Sardicense Can. 3. 4. & 7. Athanasium Apologia 2. de sua fuga: Chrysostomum Epist. ad Innocentium: Hieronymum Epist. 16. Nicephorum lib. 11. cap. 48. & lib. 13. cap. 34. Leonem Papam Epist. 89. ad Episcopos Galliæ. Idemque patet ex plurimis alijs Decretalibus summorum Pontificum antiquissimorum, quæ habentur tom. 1. Conciliorum: & ex alijs quæ diximus in tractatu de Sacramento Ordinis, tom. 5. Disp. 68. Sect. 5. num. 48. & sequentibus.

Ex his autem omnibus euidenter conuincitur, Pontifices Romanos esse Petri successores, habereque iurisdictionem vniuersalem in totam Ecclesiam, non per tyrannicam inuasionem, aut vsurpationem, sed per Christi institutionem, in Scripturæ locis initio citatis expressim, & continuo vsu Ecclesiæ, ac perpetua traditione declaratam. Sequitur præterea, &

44. **Et ex vsu perpetuo.**

45. **Pontifices Rom. sunt Petri successores,**

conuincitur id quod initio Sectionis proposui-
mus, summi Pontificis definitionem etiam so-
lius, absque generali Concilio, esse Regulam
fidei infallibilem, quando loquitur ex Cathedra,
& vt Pastor vniuersalis, proponens ali-
quid authenticè, vniuersæ Ecclesiæ tanquam de
fide. Probat, quia Petro (& consequenter
Successoribus) soli, id est, vt præcisè sumpto
ab Ecclesia ei subiecta, & super ipsum extru-
cta, adeoque à Concilio generali Ecclesiam
repræsentante, dictum est, *Tu es Petrus, &c.*
Eidem soli, & vt distincto à fratribus, id est,
à reliquis, etiam ab Apostolis ipsis, & Epis-
copis (qui ad Concilium vocati debent) eo-
rumque confirmatori, & pastori dictum est,
Ego autem rogaui pro te vt non deficiat fides tua, &c.
Eidem soli data est cura generalis totius
ouis Christi, cum potestate pascendi, & re-
gendi totam Ecclesiam: & consequenter im-
posita est Ecclesiæ obligatio ipsum audiendi, &
sequendi, verbis illis, *Pasce agnos meos, pasce
oues meas.* Hæc, inquam, omnia dicta sunt
Petro singulariter, non Petro & Ecclesiæ; vel
Petro & Concilio generali. Ergo Petrus, &
successores, habent in seipsis præcisè sumptis
à reliquo corpore Ecclesiæ, potestatem, & in-
fallibilitatem, super quam reliqua Ecclesia
fundatur, & cui parète tenetur.

46.
§5. Patres
ad illos
recurre-
re.

Confirmatur primò auctoritate SS. Patrum,
qui hanc Summorum Pontificum infallibilita-
tem clarè agnoscunt, & ad illam in dubijs, vel
ad sacram anchoram, aut confugiant, aut
confugiendum esse docent. Vt S. Hieronymus
Epist. 57. ad Damasum Papam. *Hic in tres par-
tes, inquit, scissa est Ecclesia. Me ad se festinas
rapere Melesius: Ego vniuersim clamio: Si quis
Cathedra Petri iungitur, meus est. Quisquis extra
hanc domum agnum comederit, profanus est. Si
quis in arca Noe non fuerit, peribit regnante di-
luuio.* Et Bernard. Epist. 190. ad Innocentium
Papam de erroribus Abailardi, *Dignum arbi-
tror, inquit, ibi rescari fides damna, ubi non
possi fides sentire defectum. Cui enim alteri Sedi
aliquando dictum est, Ego rogaui pro te, vt non
deficiat fides tua? Et cap. Quoties, 14. q. 1.
sumpto ex Innocentio I. Epist. 26. ad Episcopos
Concilij Mileuitani, Quoties ratio fides venia-
tur, arbitror omnes fratres, & Coepiscopos nostros,
nonnisi ad Petrum, id est, sui nominis, & hono-
ris auctorem referre debere.* Et Agatho Papa in
Epistola approbata in VI. Synodo generali,
Act. 8. *Ecclesia Romana, inquit, nunquam er-
rat a tramite Apostolica traditionis: quia di-
ctum est Petro, Ego rogaui pro te, &c. Sic Do-
minus fidem Petri non destituit promissis, &
confirmare cum frater suos admonuit. Quod Apo-
stolicos mea exiguiusculi prædecessores fecisse semper
cunctis est agnium.* Et S. Lucius I. Papa, &
Martyr, in Epistola ad Episcopos Hispaniæ, &
Galliæ; *Ecclesia Romana Apostolica est, & ma-
ter omnium Ecclesiarum; quæ à tramite Aposto-
lica traditionis: nunquam errasse probant, nec he-
reticis deprauata nouitatibus succubunt, secundum
ipsius Domini pollicitationem, Ego rogaui pro te,
vt non deficiat fides tua.* Similia habet Felix I.
Papa, & Martyr, in Epistola ad Benignum.

47.

Propter quæ, & alia plurima id genus, me-

rito Schola Parisiensis in errorum Malefoni re-
futatione, quæ habetur in fine libri 4. Senten-
tiarum, ita pronuntiavit conclus. 1. *Ad sun-
dam Sedem Apostolicam pertinere auctoritate iu-
diciali supremam, circa ea quæ sunt fidei, indi-
cialiter definire: ex eo quod fides nunquam ex vi
promissionis Christi Petro saltem poteri deficere.* Et
vt refertur in Summa Conciliorum, in vita,
& gestis Sixti IV. damnatus fuit Petrus Oxo-
menfis Clericus secularis, & Doctor Parisien-
sis, in congregatione Doctorum 52. Compluti
habitæ, per Alphonsum Carillum Archiepiscopum
Toletanum, anno 1479. eò quod inter cætera
assereret Urbis Romæ Ecclesiam in fide errare
posse, id est, Sedem Apostolicam. Fuitque illa
condemnatio per specialem Extrauagantem
confirmata à Sixto IV. Et Doctor ille senten-
tiam suam retractare coactus, combustis pub-
licè eius libris, & cathedrâ in qua docuerat:
vt refertur post Mirandam in Summa Con-
ciliorum, loco supra citato, Bannez 2. 2. quæst. 1.
a. 10. disp. de Ecclesia, & Andreas Du Val in
Elencho libelli de Ecclesiastica, & Politica
potestate.

Confirmatur 2. ex sensu, & vñu Ecclesiæ,
quæ pro Hæreticis habuit, quos in fidei dubijs
Summus Pontifex sine Concilio generali con-
demnasset, vt Pelagium, Priscillianum, Iouini-
anum, Vigilant, & plures alios. Ergo tota Ec-
clesia credidit Summum Pontificem, etiam sine
Concilio generali, esse infallibilem, & posse
definire controuersias fidei. Et vero illi, qui
non soli Papæ, nec cum Concilio Prouinciali,
aut Nationali, vt potè fallibili, sed tantum
cum Concilio generali tribuunt infallibilita-
tem; tollunt sæpe viam decidendis controuer-
sijs fidei, in tam crebris hæresibus, & tanta
difficultate conuocandi totam Ecclesiam ad
Concilium generale. Et ex praxi antiquorum
Conciliorum, constat potestatem decidendi
non esse datam Summo Pontifici dependenter
à Concilio: sed potiùs Concilio dependenter
à Summo Pontifice: cum eius sententiam Con-
cilia sequantur, & ab eo petant approbatio-
nem suarum definitionum, sine qua non ha-
bent auctoritatem definitionis infallibilis; vt
videre est in Concilio Chalcedonensi, & Syno-
do VI. generali, locis suprâ citatis.

Neque obijcias, si Summus Pontifex, etiam
solus, est infallibilis, non fore opus Concilijs
Generalib. Respondeo enim, adhuc esse illis
opus multis de causis. Primò, vt grassantes
hæreses efficacius compescantur. Secundò, vt
Hæretici magis confundantur. Tertiò, vt Pon-
tifex meliùs instruat, & controuersias graui-
ores, maiori consilio, & maturiori terminentur.
Quartò, vt meliùs constet omnibus de consen-
su totius Ecclesiæ. Quintò, vt leges vniuersa-
les conuenientius ferantur, præsentibus ex to-
to orbe Christiano Episcopis, & quod expediat
proponentibus: Sextò denique, vt os clauda-
tur durioribus, qui putant definitionem solius
Pontificis non sufficere.

Dixi Summum Pontificem esse infallibilem,
cum loquitur ex Cathedra, vt Pastor vniuersa-
lis proponens vniuersæ, &c. Quia vt res-
pondens Ecclesiæ alicui particulati, vel non fallibili.

Contra-
lenien-
tes dam-
natus.

48.
Confir-
matur ex
sensu Ec-
clesiæ.

Non pro
pterea
Concilia
sunt fru-
stra.

49.
Pontifex
quomo-
do & quæ-
tenus in-
ponens

definiens, seu proponens authenticè, sed loquens tantum per Doctorem priuatum, & opinionem suam exponens, errare potest, ut ostendunt exempla nonnulla, quæ ab errore non possunt excusari, fatente ipso Bellarmino, lib. 4. de Pontifice cap. 12. in Pontifice XXVI. Nicolao I. asserente baptismum in nomine Christi tantum, validum esse. Et cap. 14. in Pontifice XXXII. Alexandro III. Capite *Licet*, de *Sponsa duorum*, declarante, & damnante aliquos predecessorum suorum, opinatos matrimonium de præsentis contractum, dissolui per aliud subsequens consummatum. Et in 33. Pontifice Cælestino III. affirmante matrimonium solui quoad vinculum per hæresim alterius coniugum, ut habebatur in c. *Laudabilem*, iam expuncto à Iure Canonico.

Addit Valentia Disp. 1. de Fide, qu. 1. p. 7. §. 40. probabile esse, posse Pontificem apertam hæresim Ecclesiæ obtrudere. Neque enim, inquit, id coniunctum est cum Ecclesiæ periculo, vtpote quæ iam agnoscat per hæresim manifestam, Pontificem huiusmodi de auctoritate suâ decidisse, & contra compertam in Ecclesiâ fidem docere; minimè tunc cum tanquam Pastorem audire, sed tanquam lupum manifestum fugere teneretur. Secus verò est de rebus aliis, quæ omnino controuersis, id est, non satis expressè in Ecclesiâ compertis & determinatis. Si enim posset in illis definire, ut persona publica, errorem contra fidem; teneretur Ecclesiâ vniuersâ Pontificem de re controuersâ docentem, ac nondum hæresi manifestâ notatam, pro Pastore suo agnoscere, & audire, adeoque errare: Hæc ille. Alij quoque sunt & Doctoribus Catholicis, qui Pontificis infallibilitatem restringunt ad res controuersas necessarias ad salutem, quasi aliquæ sint controuersæ, de quibus Pontifex possit non verè constituere.

Sed ad hæc dico primò, repugnare Christi promissioni, Petro factæ & Successoribus veluti Pastoribus vniuersalibus, Luc. 22. ut quamdiu sunt Pastores vniuersales, & quæ tales loquuntur authenticè toti Ecclesiæ, apertum errorem obtrudant tanquam de fide. Sic enim deficeret eorum fides, ut sunt Pastores vniuersales, & illud officium pleno iure exercent: Cum tamen Christus loco citato prædixisset fidem illorum non defecturam; quod de illis saltem ut talibus intelligendum est. Non decideret autem à Pontificatu, qui per ignorantiam laberetur in hæresim, & obtrudere eam vellet: imò nec qui tantum priuatim, & interius hæresi assentiretur culpabiliter.

Secundò dico, hætenus nunquam tale quid contigisse, ne quidem temporibus Ecclesiæ iniunctissimis, quibus vix possunt deteriora timeri. Vnde credendum est nunquam euenturum, nec euenire posse, Deo non permittente. Licet enim Liberius hæresi Arianiæ subscripserit, exilij radio *exactus*; Arianismum tamen non proposuit toti Ecclesiæ sequendum; sed peccauit, ut Petrus, in professione externa fidei. Vnde à Clero Romano depositus est, & alius substitutus. Honorius vero, si Monothelitis fuit; ut multi opinantur, nihil tamen circa

errorem illum toti Ecclesiæ præscripsit. Sed omnino non fuit, ut conuincunt efficacissimè argumenta, & testimonia antiquorum relata à Bellarmino lib. 4. de Pontifice c. 11. quem consulit. De Marcellino quoque, qui idolis sacrificale dicitur, vide Spondanum in eodem Pontifice, qui falsam id esse contendit. Ioannes quoque XXII. falso dicitur definisse animas non videre Deum ante corporum resurrectionem: cum, ut testatur Benedictus XII. eius Successor immediatus, Ioannes nihil definiuit, sed vitæ ereptus fuerit, dum adhuc in præparatione, & consultationibus versaretur. Omnino Ecclesiæ Sanctitati repugnare videtur talem habere Pontificem, qui quantum in se est, totam Ecclesiam ad errandum compellat; quemadmodum faceret, qui apertum errorem authenticè ipsi proponeret.

Tertiò, si alij per res necessarias ad salutem, intelligant eas tantum, quæ absolutè necessaria credi debent ab omnibus: Ita ut in alijs omnibus possit errare Pontifex: poterit Ecclesiâ plena esse erroribus; cum illa, omnibus necessaria proponenda, paucissima sint, ut alibi videbimus; cætera verò reuelata, sint longè plura. Si autem per res necessarias intelligant eas omnes, quæ postquam sufficienter proposita sunt, non possunt negari sine iactura salutis: hoc modo quidquid definit Pontifex tanquam de fide, necessarium est; & qui dissentiant, hæretici semper sunt habiti, ut ostendimus sect. præcedenti. Adde hanc limitationem priore sensu intellectam, dubias facere Pontificum definitiones, cum dubium esse possit in plurimis, num hoc aut illud credere sit illo priori modo necessarium ad salutem, adeoque tale, ut Pontifex in eo errare nequiebat.

Ant. errare circa. non necessarium ad salutem.

vide Diss. 12. sect. 13.

SECTIO V.

Solutio objectionis Hæreticorum contra doctrinam præcedentem.

Superioribus assertionibus multa opponunt Nouatores. Et primò, contra Petri primatum, obijciunt omnes Apostolos habuisse iurisdictionem vniuersalem in totam Ecclesiam: & fuisse inter se pares: iuxta illud Cypriani lib. de vnitatē Ecclesiæ, circa principium, *Hoc erant vique ceteri Apostoli, quod fuit Petrus, parī consortio præditi & honori, & potestati.* Nec vnquam Petrum exercuisse primatum & iurisdictionem in alios Apostolos: contra verò, missum fuisse cum Ioanne ad Samaritanos, Act. 8. Et reprehensum à Paulo, Galat. 2. qui ibidem affirmat Petrum nihil sibi contulisse, sed tantum dexteram societatis dedisse: & creditum sibi fuisse Euangelium præputij; sicut & Petro, Circumcisionis. Et 2. Cor. 11. ait ad se pertinere omnium Ecclesiarum sollicitudinem. Exaggerant etiam Nouatores illam Petri reprobationem iustam: *Quia*. ut Paulus ait, *reprehensibilis erat*: & trinam negationem, & hætitationem in ambulando super aquas, & similia, ad impugnandam supradictam infallibilitatem.

§2.

co. Pontifex obtrudere hæresim manifestam.

Apostoli
quomodo
pares!

Respondeo Apostolos quidem omnes habuisse iurisdictionem vniuersalem in totam Ecclesiam, eamque à Christo ipso immediatè accepisse: Sicut & Apostolicam dignitatem: Verbi scilicet illis, Ioannis 20. v. 21. *Sicut misit me Pater, & ego mitto vos, &c.* iuncto Matth. ultimo, & Marci ultimo, *Data est mihi omnis potestas in cælo, & in terra. Euntes ergo docete omnes Gentes, &c.* Et Matth. 18. v. 18. *Quicumque alligaueritis, &c.* Sed nihilominus Petrum triplici titulo superasse dignitate, & potestate cæteros Apostolos. Primò, quia dignitas, & iurisdictione vniuersalis fuit in eo, vt in Pastore ordinario totius Ecclesie, cui succedendum erat: In alijs verò non ira, sed eorum potestas vniuersalis, quodammodo delegata erat, & ex priuilegio. Secundò, quia iurisdictione Petri se extendebat ad ipsas personas Apostolorum directè; nimirum potestati illis, vt ouibus, præcipere, atque huc aut illuc mittere. Terriò, singulis Apostolis data est vniuersalis potestas in hunc sensum, vt vbique Gentium possent prædicare, absolvere, Episcopos instituere, & similia. Non tamen, vt possent singuli vniuersalem Ecclesie ordinem præscribere, aut leges condere, quæ totam obligarent. Nam si hoc possent singuli, magna confusio oriretur. Quare in hoc etiam Petri potestas (super alios eminebat. Ira Suar. Disp. 10. Sect. 1. num. 1. 2. 3. & 25. apud quem plura vide.

Exponitur
locus
Cypriani.

Cyprianus verò pares facit Apostolos in munere Apostolatus præcisè; sive in eo; quod acceperunt verbis illis ad omnes simul prolatis, *Sicut misit me Pater, & ego mitto vos, &c.* At non in eo, quod Petrus speciatim accepit, Ioan. 21. verbis illis, *Pasce oues meas*, quibus primatum Petro datum agnoscit idem, Cyprianus ibid. cuius locus citatus integer sic habet: *Loquitur Dominus ad Petrum, & ego tibi dico, inquit, quia tu es Petrus, & super istam petram ædificabo Ecclesiam meam, &c.* Et iterum eadem post resurrectionem suam dicit: *Pasce oues meas. Super istam vnam ædificabo Ecclesiam suam, & illi pastendus mandat oues suas. Et quamvis Apostolus omnibus, post resurrectionem suam, parem potestatem tribuat, & dicat: Sicut misit me Pater, &c. Si cui remisistis peccata, &c.* Tamen vt vniuersam manifestaret, vnam Cathedram constituit: & vniuersitatis eiusdem originem ab vno incipientem suam vniuersitate disposuit. Hoc etiam vniuersi & ceteri Apostoli, quod fuit Petrus, pars consortio præditi & honoris, & potestatis: (nimirum ante illa Christi verba ad Petrum: *Pasce oues meas*) Sed eorum ab vniuersitate proficiunt. Primatum Petro datur, vt vna Christi Ecclesia, & Cathedra vna monstreretur. Huc vsque Cyprianus. Simili modo loquitur Hieronymus lib. 1. in Iouinian. paulo post medium: *Vbi licet affirmet Apostolos omnes fuisse pares, in dignitate scilicet Apostolica; ait tamen vnum è duodecim fuisse electum; vt constituto capite omnis Schismatis tolleretur occasio.*

Quod si Petrus non legitur in Scripturis iurisdictionem exercuisse in alijs Apostolos: Primò non omnia, quæ fecit, scripta sunt. Deinde, cum omnes alij regerentur à Spiritu sancto, optimèque se gererent; non fuit opus

exercere: Non pauca tamen, nec leuia prius in Apostolis? Super Petri super ipsos apparent indicia. Vt, quod vnus loquitur in Concilio de substituendo Apostolo in locum Iudæ, Act. 1. v. 15. Quod nisi Petrus fecisset ex officio, petruisset potius ad aliquem alium, quàm ad Petrum trinae negationis reum, & Iudæ quodammodo socium. Quod post Pentecosten, stans cum vndecim Discipulis, vnus inchoat prædicandi munus, Act. 2. v. 14. Quod primus prædicat Gentibus, viso proprio, solus à Deo monitus, vt eas in sinum Ecclesie admitteret, Act. 10. v. 10. & cap. 15. v. 7. Quod in Disputatione de Legalibus, exurgens primus ad Seniores & Apostolos verba facit, ibidem. Quod in numerandis Apostolis dicitur primus, Matth. 10. v. 2. *Primus Simon qui dicitur Petrus Andreas, &c.* Et similiter licet inuerso aliorum ordine, tamen primus recensetur constanter, Marc. 3. v. 16. Luc. 6. v. 14. Act. 1. v. 13. Qui ordo nec seruatur ob prioritatem in vocatione, in qua prior Andreas: nec ob ætatem, Nam Andreas senior, ex Epiphanio: aut si Petrus senior, vt alij malunt, certè patet in numerandis Apostolis, non seruatum ordinem ætatis, cum alij interdum inuerso ordine numerentur; neque putandum est id casu factum, vt & quod Iudas proditor vbique numeretur postremus: nec alia ratio probabilis occurrat, nisi primatus explicatus. Imò quando numeratur Petrus, etiam cum duobus, aut tribus alijs, semper præponitur: Vnico loco excepto, ad Galat. 2. v. 9. Vbi Iacobo postponitur: quanquam Codices Hieronymi, & A. B. C. Aug. etiam præponunt. Denique interdum nominantur alij Apostoli, quasi Petro commissi, & aliquid illius; aut ipse solus velut præcipuus designatur: Luc. 9. v. 32. *Petrus, & qui cum illo erant*: Marc. 16. v. 7. *Dicite Discipulis, & Petro*, Act. 5. v. 29. *Petrus, & Apostoli dixerunt.*

Missio autem Petri ad Samaritanos non arguit inferioritatem: aliqui Filius, & Spiritus sanctus essent minores Patre, & quo mittuntur. Neque facta fuit imperando, sed communi consilio, iudicatum fuit à Petro ipso cum alijs, expedire vt iret. Potuit verò, quamvis superior Paulo, ab ipso reprehendi: quia licet inferiori reprehendere superiorem ex charitate, præcipue si peccat formaliter, aut materialiter eam aliorum scandalo. Quod autem Paulus ad Galat. 2. ait Petrum sibi nihil consulisse, intelligendum est in doctrina, aut etiam potestate Apostolica prædicandi, & alia munia exercendi, quam à Christo immediatè acceperat. Non negat tamen consulisse sibi multum auctoritatis communicationem illam, & communionem cum Petro, quam quæsiuit, ne forte alijs videretur in vanum currere, aut cucurrisset: Ob idque ascendit Ierosolymam videre nominatim Petrum, apud quem mansit dies quindecim, Galat. 1. v. 18. Creditum verò fuit Petro Euangelium Circumcisionis, non quasi Gentibus prædicandi potestatem non haberet, quam ipse primus exercuit, Act. 10. v. 11. & cap. 16. v. 7. Vbi ait Deum elevisse Gentibus Euangelium audire per os suum: Sed quia communi consilio Petrus præcipue curam sumpsit

Quomodo
missus
cum Iacobo?

Exercuit
ne Petrus
insultum
aliorum

Circumcisionis, quæ tunc erat pars Ecclesiæ præcipua. In qua Christo specialiter successit, qui fuit primò missus ad oves Israël, & Rom. 15. v. 8. dicitur minister Circumcisionis; id est, Evangelista, & Doctor Iudæorum. Habebat autem Paulus sollicitudinem omnium Ecclesiæ, quia pro omnibus strenuè laborabat ex charitate, plurimas fundabat, & obibat, atque in omnes iurisdictionem habebat, cum aliqua tamen subordinatione ad Petrum, modo superius explicato. Errata verò Petri, si quæ verè allegantur ab Hæreticis, eius dignitatis osoribus, non fuerunt in definiendo, & præscribendo toti Ecclesiæ de fide, vel de moribus: & præcesserunt constitutionem ipsius in caput, & fundamentum Ecclesiæ, factam Ioan. 21. post resurrectionem: excepto ultimo, Galat. 2. de quo longam Disputationem texerunt post Hieronymum, & August. Baronius tom. 1. Annalium ad annum Christi 51. Iustinianus: Euthius & Cornelius à Lapide in illum Pauli locum, & alij eius interpretes: Itemque Suar. Valq. & alij Scholastici in tract. de legib. vbi nos etiam hac de re disputaui-
mus.

13. Obiectio
ex Aug.
Obiiciunt secundò, D. Augustinum tom. 3. lib. de Agone Christiano c. 30. sic loqui: *Cum Petrus dicitur, ad omnes dicitur, amas me? Pasce oves meas.* Ergo falsum est quod diximus, primum eo loco singulariter Petro fuisse concessum. Idemque S. Doctor Serm. 13. de verbis Domini, & tract. ultimo in Ioannem, interpretans alterum locum pro primatu allatum, ex Matth. 16. per *Petram* Christum intelligit, *Tu es Petrus, & super hanc petram, id est, super me ipsum, quia petra sum, à qua tu Petrus denominaris, fundabo Ecclesiam meam.* Addunt, non posse aliud esse fundamentum Ecclesiæ, iuxta illud 1. Cor. 11. *Fundamentum aliud nemo potest ponere, præter id, quod posuit est, quod est Christus Iesus.* Sunt etiam qui per petram, intelligant fidem Petri. Alij dicunt quoscunque fideles, & omnes Christianos esse petram per fidei firmitatem. Alij omnes Apostolos, quorum omnium nomine Petrus locutus erat, respondens illi interrogationi Christi ad omnes directæ. *Vos autem quem me esse dicitis?* Addunt denique Nouatores, clauis ibi nihil aliud, quam potestatem prædicandi significare, per quam homines Deo reconciliantur, & ad regnum cælorum admittuntur.

Ad primum respondeo illud Augustini analogice intelligendum esse, quòd scilicet Christus ab omnibus similem amorem, & curam proximorum exegerit, licet non omnibus parem dederit potestatem cum Petro, cui primatum ibi concessum fuisse agnoscit idem S. Doctor tom. 9. lib. de Pastoribus, c. 13.

Ad secundum dico Augustinum lib. 1. Retract. c. 31. utramque dare explicationem, & lectori eligendam relinquere. Patet autem ex dictis nostram literalem esse, & communem Sanctorum Patrum, & textui planè accommodatam; cum omnia satis manifestè ad Petrum pertineant: *Tu es Petrus, & super hanc petram, vel ut habet Syriacus, Tu es rupes, & super hanc rupem edificabo Ecclesiam meam.*

Adde Christum idcirco nomen illius mutasse, Simonis in Petrum, ut significaret ipsum fore petram fundamentalem Ecclesiæ. Videtur etiam particula, &, habere hoc loco vim causalem, ut sepe habet in textu Hebraico. Sallet enim Deus mutando nomina, rationem reddere mutationis: ut pluribus exemplis ostendit Gordon: Huntæus Controver. 1. c. 23. num. 4. 5. & 6. Quasi dixerit Christus, *Tu es petra, quia super hanc petram, &c.*

Ad tertium respondeo Christum esse primum lapidem, primumque fundamentum Ecclesiæ, cui dupliciter nititur; Primò, ut Redemptori, & viuificatori; Secundò, ut Doctori, & Gubernatori. Priori modo Christus solus fundamentum est, à quo vitam supernaturalem in actu primo, & secundo trahit Ecclesia. Posteriori modo, cum Christus per se ipsum non semper doceat, & gubernet videlicet, Vicarium instituit, qui suo nomine id faceret: qui hoc sensu est secundarium fundamentum. Et quamvis alij quoque Apostoli fundamenta dicantur, Eph. 2. v. 20. & Apocal. 21. v. 23. Petrus tamen specialior, & potiori ratione, ut indicant mutatio nominis, & alia supra notata.

Ad quartum: Patres, qui explicant vocem *petram*, de Fide Petri, nobis non obfunt. Fatemur enim non supra Petrum purè consideratum, eiusque materiales humeros; sed super ipsum, ut credentem, & docentem, seu, quod idem est, supe. fidem Petri, ut intimam, fuisse fundatam Ecclesiam. Expositio verò petræ de quolibet fidei, ab Erasmo excogitata, occasione Origenis, allegoricè more suo locum illum exponentis, est aliena à sensu literali, ut ex dictis apparet; & ineptissima est. Si enim singuli fideles sunt Petra, supra quam Ecclesia fundatur: quiaam erunt lapides, qui super imponentur ad extruendum ædificium? Certe tota Ecclesia fidelium erit fundamentum: & Ecclesia extructa super fundamentum, constabit tantum ex infidelibus: quod absurdissimum est. Neque minùs clarum est verba illa Christi non ad omnes Apostolos, sed ad Petrum singulariter dirigi, *Beatus es Simon Bariona, &c. Es ego dico tibi, quia tu es Petrus, &c. Et tibi dabo claves regni cælorum, &c.* Quæ verba literaliter, ut sonant, & historicè intelligenda sunt. Solus etiam Petrus hinc Petri nomen assumpsit, quod nullus alius Apostolorum sibi usurpauit.

Quod autem D. Aug. c. 30. de Agone Christiano, & tract. ultimo in Ioannem ait, Petrum repræsentasse Ecclesiam: intelligendum est repræsentante in capite; & in eius commodum clauis accepisse, non sibi tantum, sed & suis Successoribus, atque etiam Prælati inferioribus communicandas ex intentione Christi, ad bonum regimen Ecclesiæ. Repræsentasse, inquam, non vt eius legatum, instar Proregis accipientis clauis nomine Principis: sed vt caput, & Principem totius Ecclesiæ: quemadmodum affirmat ipsemet Augustinus tract. ultimo in Ioan. His verbis: *Cuius Ecclesiæ Petrus Apostolus, propter Apostolorum sui primatum, gerebat signatâ generalitate personam.* Et in Psal. 108.

54. Quo sensu Christus solus fundamentum.

Expositio
Aug.

Quomodo Petrus repræsentauit Ecclesiam clauis accipiens.

Cuius, Ecclesie scilicet, ille agnoscitur gessisse personam, propter primatum, quem in discipulis habuit. Interpretatio verò clauium de sola potestate prædicandi, hæreticorum cerebro digna est. Facit enim, vt Christus tanquam fauorem magnum promiserit Petro Matth. 16. id, quod iam antè illi, & alijs Apostolis concesserat Matth. 10. v. 5. & sequentibus: repugnâtque expositioni Patrum, & metaphoricæ clauium in Scriptura vtitur ad significandam Pontificiam dignitatem, Isaiæ 22. v. 22. & Apocal. 3. v. 7. vbi Christus iam in cælum receptus, dicitur habere clauem David, & aperire, & claudere, cùm tamen amplius non prædicet.

Objiciunt tertio, Petrum nunquam Romæ fuisse. Ergo Romani Pontifices non sunt illius Successores. Secundo, Petrum Antiochiæ sedisse cuius tamen Episcopi non sunt Pastores vniuersales Ecclesie. Ergo neque Romani, quamvis Petrus Romæ sedisset. Tertio, alij Apostoli non habuerunt Successores in munere Apostolatus. Ergo nec Petrus. Quarto, Gregorius magnus lib. 4. Epist. 32. recusat dici vniuersalis Episcopus, & hoc nomen propheta esse affirmat. Et in Concilio Carthagin. III. can. 26. prohibuit esse ne Romanus Episcopus diceretur vniuersalis. Et can. 6. Concilij Nicæni I. dicitur Episcopus Alexandrinus habere parē potestatem cum Romano Episcopo.

Fueritne
Romæ?

Ad primum respondeo, vel hoc vno Nouatores satis offendere suorum dogmatum falsitatem, cùm ad ea tuenda coguntur toti antiquitati resistere, affirmanti Petrum Romæ fuisse, & martyrium ibidem consummâsse; ad quod probandum quid efficacius totā antiquitate in questione facti? Testimonia veterum vide apud Bellarm. lib. 2. de Rom. Pontif. c. 2. & sequentibus, & Coccium tom. 1. lib. 7. artic. 5. Sed & Caluinus hac in re sibi contradicere: cùm in 1. Petri c. 5. v. 15. scribit, Quod Petrus Romæ vnquam fuerit, errorem, & figmentum esse veterum, omni probabilitate destitutum; & in 2. Petri cap. 1. v. 14. negat similiter Petrum in Italia esse mortuum: Et tamen 4. Instit. c. 6. n. 15. sic ait, coactus Antiquorum Scriptorum id testantium multitudine: *Propter hunc scriptorum consensum non pugno quin Roma mortuus fuerit Petrus: sed Episcopum fuisse, præsertim longo tempore, præuaderi aequo.* In quo iterum sibi contradicit, cùm vtunque æque affirmant Scriptores antiqui per singula secula, apud Bellarm. & Cocc. supra citatos.

36.
Fuit Pa-
stor vni-
uersalis,
priusquā
particu-
laris An-
tiochie, &
Romæ.

Ad secundum respondeo Petrum fuisse aliquandiu Pastorem vniuersalem, sine regimine vilius Ecclesie priuatæ: postea verò suscepisse regimen Ecclesie Antiochenæ: eaque post relictā, Romam detulisse supremam potestatem, vt potè alligatam ad vitam personæ Petri, ex institutione Christi, quam Petrus mutare non poterat. Itā vt Romæ, post ipsius mortem ibidem obitam glorioso martyrio, sufficiens fuerit Petro aliquis quoad vtunque regimen; vniuersale scilicet totius Ecclesie, & priuatum Ecclesie vrbis Romanæ. Et quamvis absolute potuisset diuidi regimen immediatum Ecclesie, quæ erat Romæ, ab alio vniuersali: sicut diuisum fuerat regimen Antiochenum: tamen quia

Petrus immediatè ante mortem vtunque habuit, retinuerunt successores. An verò non tantum ex Petri, & successorum voluntate, sed Christi etiam iussu, debeat esse perpetuo coniunctum, non satis constat. Affirmat Suarez Disp. 10. Sect. 3. num. 10. sed nullum affert sufficiens argumentum quo id certò constat.

Ad tertium respondeo Episcopos successores Apostolis quoad ea, quæ pertinent ad ordinem hierarchicum Ecclesie, id est, quoad Episcopatum, eiusque munia, & officia Pastoris ordinarij: licet non quoad priuilegia propria Apostolatus: cuiusmodi erant iurisdicctio vniuersalis immediatè à Christo accepta, auctoritas scribendi libros Canonicos, confirmatio in gratia, &c. At verò quod in Ecclesia sit Pastor vniuersalis, & omnibus præpositus, pertinet ad ordinem hierarchicum Ecclesie, qui Monarchicus est, vt antea ostendimus: idque ad eandem in vnitatem conseruandam, & ad bonum ipsius regimen, necessarium est.

Ad quartum respondeo Gregorium reculare nomen Episcopi vniuersalis, tanquam prophetum, eo tantum sensu, quo quis ita dicatur Episcopus vniuersalis, vt ceteri non censeantur esse veri Episcopi, sed tantum illius Vicarij. Vt patet ex lib. 7. Epist. 70. Vbi sic habet: *Si vnus est vniuersalis, restat ut duo Episcopi non sint.* Vide Baron. tom. 6. anno Christi 595. num. 51. & Sander. lib. 7. in Gregorio. Concilium Carthaginense falso citatur. Nam ibi non loquitur de Romano Pontifice: Sed tantum de primæ sedis Africanæ Episcopo quem prohibet vocari Principem Sacerdotum, aut summum Sacerdotem, sed tantum primæ Sedis Episcopum. Nicanum verò vel non comparat Episcopum Alexandrinum cùm Romano Pontifice vt Pastore vniuersali, sed tantum vt Patriarchā Occidentis; & in eo ambos vt Patriarchas paritem dicit habere potestatem in Ecclesia variarum Præuinciarum, sibi vt Patriarchis subditas; vel potius statuit, vt Episcopo Alexandrino seruetur dignitas & potestas per Ægyptum, Lybiam, & Pentapolim; quia & vrbis Romæ parilis mos est, eam scilicet dignitatem illi conseruandi: Vt exponit Suarez Disp. 10. Sect. 2. num. 7.

Episcopi
quomo-
do succe-
dunt A-
postolis

37.
Cur S.
Grego-
rius no-
luit dici
Episco-
pos vni-
uersalis.

SECTIO VI.

Plura de Summo Pontifice.

Quæres, an Summus Pontifex debeat in definiendo adhibere aliquam diligentiam, quando sine Concilio generali definit. Respondeo affirmatiuè: Deus enim non vult, vt temerè iudicet, vel gubernet. Ad eius autem Providentiam pertinet, vt non permittat Summum Pontificem definire sine præmissa sufficienti diligentia. Ideoque quoties definit, credendum est præmissam fuisse, nisi esset euidentius nulla adhibuisse. Imò hoc ipso, quod Christus promissit, fidem Petri, & successorum non defecturam; hoc ipso promissit diligentiam, & cetera necessaria non defutura. Quare nec dubitandum est, nec relinquendum

38.
Debet in
definien-
do adhi-
bere dili-
gentiam.

Eriam
cum Co
cilio de
fiat.

subditorum arbitrio iudicandum an præmiserit sufficientem, & quanta sufficiat. Sed & quando definit cum Concilio generali, indiget diligentia, & attentione, & officiis pietatis: ut patet exemplo Apostolorum Act. 15. ubi magna inquisitio facta narratur: & omnium deinceps Conciliorum, in quibus preces, ieiunia, supplicationes, disputationes, & similia multa, ad consequendam Dei gratiam, & inuestigandas fidei veritates, semper adhibita sunt. Et quamvis Deus promiserit Ecclesie sue, & Summo Pontifici assistentiam: non tamen exclusit debitam ex parte ipsius diligentiam.

59.
Est infal
libilis in
generalib
bus mor
um præ
ceptis.

Quæres secundo, an Summus Pontifex sit quoque infallibilis in præceptis motum toti Ecclesie proponendis, in Sanctis Canonizandis, in institutis Religionum approbandis? Respondeo affirmatiue: quia valde repugnaret Ecclesie veritati, & sanctitati, ut Summus Pontifex, cui parere tenetur, quidquam, illi toti præscribat contra religionem, & bonos mores: ita ut turpia pro honestis proponat; vel honesta damnet ut turpia. Itemque ut salutar in Sanctorum Canonizatione, de quorum gloria non dubitare præcipiunt Summi Pontifices in ipsa Canonizatione. Valde enim est contra Ecclesie puritatem, & sanctitatem, ut hominem damnatum colat religiosè. Quare ad Providentiam diuinam pertinet id non permittere. Non est tamen Hæreticus, qui negat v. g. Carolum Borromæum esse sanctum. Quia non est de fide, quod asserimus, saltem clarè, aut certò: licet contrarium sit impium, aut temerarium. Idem puto dicendum de approbatione Religionum, quæ toti Ecclesie sequendæ proponuntur, ad consilia Christi sequenda, & perfectionem assequendam. Oportet enim ut Ecclesia secuta sit, non tantum in præceptis, sed & in consilijs à summo Pontifice vniuersaliter sibi propositis.

Et in ap
probatis
Ordinib.
Religio
sis.

Nec obest quòd Religiones quædam antea approbate, fuerunt postea extinctæ, ut ordo Templariorum; id enim factum est, non quòd illæ fuerint imprudenter institutæ; sed propter generale corruptionem eorum, qui tale vitæ genus specie externâ profitentes, pessimè tamen, & contra institutum vivebant in scandalum Ecclesie, & vitæ Religiosæ. Sicut tamen admittunt aliqui, inter quos est Suates, Disp. 5. Sect. 8. num. 7. errari posse in circumstantijs, vel multitudine præceptorum, aut rigore penarum, &c. ita potest error contingere in nimia multiplicatione, vel restrictione Religionum. Ut quando Lateranense magnum sub Innocentio III. c. 13. Nouas Religiones prohibuit, & antiquas ad pauciores consuit redigendas: cum tamen postea idem Innocentius III. Sanctorum Dominici, & Francisci, nouas Religiones approbaret in magnum Ecclesie bonum. Sed non potest quoad substantiam errare Pontifex vniuersaliter, approbando aliquod institutum, tanquam bonum, & ad perfectionem conducent; quod verè non sit tale. Sicut neque errare potest quoad substantiam rei in legibus, aut præceptis toti Ecclesie præscribendis. In particularibus autem errare potest fatetur de se ipso Bonifacius VIII. cap. 11. de

60.
Cur ali
qui extin
cti?

Potest er
rare in

Rescript. in 6. Cuius verba sunt: *Statutum præceptis quod circa indices à Sede Apostolica deputandos nuper edidimus, cum quadam contenta in eo, quæ pro communi utilitate credebantur indulta, sicut experientia docuit, rendere dignoscantur ad noxam: sanctione præsentis, quam irrefragabiliter obseruari mandamus, suadente utilitate, in melius duximus reformandum.* Quo non obstante, in dubijs parendum est, & sequenda opinio Summi Pontificis, non minus quàm aliorum Prælatorum, quorum iudicium subditi sequi debent in dubijs, propter quæ maximè superiorum regimen necessarium est: Nam in euidentibus ducimur ipsâ euentia.

Dices: Summi Pontifices, qui composuerunt, aut approbauerunt Ius canonicum, proposuerunt illud toti Ecclesie. Ergo si continet aliquem errorem, ut olim caput *Landabilem*, proposuerunt illum toti Ecclesie. Respondeo non approbasse Ius canonicum: neque proposuisse omnia in illo contenta, ut credenda de fide: sed, ut dixi alibi, non plus habet auctoritatis, quàm habent ij, quorum dicta referuntur: neque plus illi tribuerunt Summi Pontifices, huc Gregorius XIII. quando emendari iussit, siue alij.

Quæres tertio, an sit de fide hunc hominem, v. g. Alexandrum VII. esse Summum Pontificem. Respondeo cum Suare Disp. 10. Sect. 5. num. 1. esse de fide hunc hominem, v. g. Alexandrum VII. qui communi Ecclesie consensu receptus est ut Summus Pontifex, & caput Ecclesie, esse verum Ecclesie Pontificem, & Petri successorem. Probat ut primò ex Concilio Constantiensi in Bulla Martini V. Vbi statuit, ut ab hæreticis, qui volunt Ecclesie reconciliari, exigatur inter alia multa, fide diuinâ sine dubio tenenda, an credant Papam canonicè electum, qui pro tempore fuerit, esse successorem Petri, & habere supremam potestatem in Ecclesia Dei. Et Sess. 15. damnatur articulus 11. Ioannis Hus, qui sic habet: *Non oportet credere, quod iste, quicumque est particularis Romanus Pontifex, sit caput cuiusque particularis Ecclesie, nisi Deus eum prædestinauerit.* Secundò, de fide est Hierarchiam à Christo institutam manere vsque ad mundi consummationem, Ephes. 4. v. 11. & sequentibus. Ergo de fide est esse in Ecclesia caput aliquod visibile, quod maximè ad Hierarchiam pertinet. Nec dici potest quòd sit tantum de fide confusè, hoc aut illud; hic, aut prædecessor: potest enim Ecclesia carere aliquando visibili Capite, ut sit saltem in interregno. Hoc, inquam, dici nequit: quia nec Sancti Patres, nec Concilia generalia, distinguunt inter caput visibile in confuso aut in communi, & hoc determinatè, & particulariter: sed Pontificem, qui tunc sedet ab Ecclesia receptus, agnoscunt, & venerantur pro vero Ecclesie Capite visibili; ut Concilium Chalcedonense, Leonem Papam; & VI. Synodus, Agathonem; & sic de alijs. Tertiò nisi esset de fide hunc determinatè esse Summum Pontificem: Non esset de fide hoc Concilium esse æcumenicum. Quia Concilium æcumenicum includit essentialiter Summum Pontificem: atque ita Conciliorum æcumenicorum

et.
De fide
est hunc
esse Sum
mum Pon
tificem.

Vide su
pra Disp.
8. Sect. 4.
n. 18.

œcumenicorum definitiones non essent de fide. Sed neque Summi Pontifex posset nos obligare ad credendum de fide, id quod definit ut dictum à Deo; nisi de fide esset ipsum habere potestatem definiendi, & infallibilem assistentiam Spiritus sancti. Vtque necessarium est constare fide diuinâ Scripturam sacram esse verè diuinam, ut sit nobis Regula fidei diuinæ, & credamus eadem fide, quæ ab illa proponuntur, seu in ea continentur: Sic, &c. Neque enim minus id requiritur in Regula fidei viuæ, quàm in Regula mortua: Si autem est de fide hunc determinatè habere potestatem definiendi, & infallibilem assistentiam Spiritus sancti: de fide id esse verum Pontificem: quia huiusmodi potestas, & assistentia non datur Pontifici, nisi vero, cui soli est promissa in Petro. Christus enim non cūlibet, sed Petro tantum; & legitimis successoribus dixit, *Tu es Petrus, &c. Roganti pro te, &c. Pasci Oves meas, &c.* Matth. 16. Luc. 22. & Ioan. 21.

65. **Quomodo id à Deo, reuelatum?** Obijcies, non esse teuelatum à Deo quòd hic sit verus Pontifex; & id pendere à multis, quæ dubia sunt, aut moraliter tantum certa; ut quòd sit titè baptizatus, & ordinatus. Respondeo reuelatum esse quòd potestas summa Petro collata transeat ad successores legitimos. Quæ teuelatio generalis applicatur ad hunc particularem per vniuersalem Ecclesiæ testificationem, & approbationem, quæ exponitur reuelatæ, & applicatur, ostenditurque continere sub se illum particularem, tanquam legitimum successorem. Dixi, *vniuersalem Ecclesiæ approbationem*: quia licet sola electio Canonica sufficiat ad obligandum, ne quis sine periculo Schismatis illi se opponat, imò nec sine hæresi, illis, quibus euident est electio legitima; alijs tamen non sufficit ad fidei diuinæ assensum, donec constet de vniuersali Ecclesiæ consensione, & pacifica possessione primatus: quæ posita, tenetur vniuersa Ecclesia in dubijs fidei ipsi parere: Vnde non potest Ecclesia errare in huiusmodi approbatione: alioqui posset habere fidei Regulam falsam, atque fallibilem, ad còque in errore induci. Errare non minis perniciosum est Ecclesiam errare in viuâ Regula fidei, id est, in admittendo falso Pontifice pro vero: quàm decipi in agnoscendo aliquo libro pro Canonico, qui verè non sit talis. Cùm autem certum sit per Ecclesiæ vniuersæ approbationem, hunc esse verum Pontificem; certum pariter sit hunc esse legitime baptizatum, & alia, quæ includuntur necessario in ratione Summi Pontificis.

66. **Sint-oe hæretici qui hoc negant?** Instabis, quia qui negant hunc esse Summum Pontificem, non habentur pro Hæreticis, sed pro Schismaticis; & aliquando contigit admitti à tota Ecclesia Pseudo-pontificem, ut Ioannam Papissam. Respondere non haberi pro Hæreticis, qui id negant: quia non constat inter omnes Catholicos, id esse de fide. Contrarium enim docent Turcremata, Bannes, Ciceranus, Canus, à Castro, & alij locis citatis à Suare Disp. 10. Sect. 5. n. 1. Affirmantes morali tantum certitudine id constare, moti præcipue argumentis modò refutatis. Ioanna Pseudo-papissa mera fabula est, à Florimundo

Tonus III.

Ræmundo apertissimè refutata in lib. ea de re edito, & à Baronio tomo 10. ad annum Christi 833. ac pluribus alijs. Nec aliàs vnquam contigit totam Ecclesiam consentire in aliquem ut verum Pontificem, qui non esset. Caret quidem aliquo breui tempore, in interregno, Pastore vniuersali; & aliquando contigit electionem esse dubiam, ob plures contententes; ut tempore Concilij Constantiensis, in quo tres dubij Pontifices depositi sunt, & Martinus V. legitime creatus, & receptus ab Ecclesia. At ex hoc non sequitur aliud ab aduersarijs intentum. Minus enim incommodum est carere Pastore, aut certo Pastore per aliquod tempus; quàm consentire in falsum Pastorem. Nam in priori casu non est periculum ne Ecclesia inducatur in errorem, cùm nihil definiat sine Capite certo, neque recipiat vt valida, quæ decernuntur à Pastore incerto. At verò cùm certissima habeat quæ definiuntur ab eo, quem agnoscit vniuersaliter vt Pastorem: exponeret errori, si falsum Pastorem pro vero admitteret. Neque dicas Deum prouisorum ne falsus Pastor errorem proponat vniuersæ Ecclesiæ: Satiùs enim & conuenientius est, vt provideat ne Ecclesia falsum Pastorem admittat; quod aliunde ipsius puritati, & sanctitati valde repugnat.

Quæres vltimò, an Papa sit supra Concilium? Sermo est de Concilio præcisè sumpto à Papa. Neque enim dubium est, Papam non esse supra seipsum, nec supra Concilium prout ipsum includit. Negant Gerson, Cametacensis, Almainus, & alij pauci, qui volunt quidem Papam esse supra singulos fideles, etiam Episcopos, Patriarchas, Primates, &c. & supra singulas Ecclesias; at non supra totam Ecclesiam in Concilio representatam. Sicut Dux Venetorum est quidem supra singulos, etiam Senatores, & supra singulas ciuitates ditionis Venetæ: At non supra totum Senatum simul collectum, cui parere tenetur, & à quo iudicari, & condemnari potest. Sicut etiam Generales ordinum Religiosorum sunt quidem supra singulos, etiam Prouinciales, & supra domos, & Prouincias singulas: at non supra totum Capitulum Generale. Fundamentum eorum est, quia suprema potestas Ecclesiastica est in Concilio principaliter; in Papa verò tantum instrumentaliter. Fuit enim data ipsi Ecclesiæ principaliter, immediate, & immobiliter: quia verò Ecclesia non potest semper manere congregata, & per se exercere supremam illam potestatem; Christus instituit Summum Pontificem, velut instrumentum generale ad omnes actiones Ecclesiæ, & in eo posuit hanc summam potestatem, vt illam exerceat nomine Ecclesiæ.

Vera & communis sententia, contraria præcedenti, est D. Thomæ, D. Bonauent. Alberti, Richardi, Palud. & aliorum Veterum, & Recentium Theologorum, quorum plurimos citat Bellarminus lib. 2. de Concilijs cap. 14. Probatur primò, quia fundamentum Aduersariorum falsum est; constat enim ex Scripturæ locis suprâ expensis, non Ecclesiæ, vel Concilio, sed Petro singulariter, & successoribus esse dictum,

P

rots con-
sensit in
falsum
Pontifi-
cem.

64.
Sint-oe
Papa sit
supra Con-
cilium?

66.
Probatum
esse, ex
Script.

Nonquæ
Ecclesia

Tu es Petrus, & super hanc petram aedificabo Ecclesiam meam. Et tibi dabo claves regni Caelorum. Et, Pafce agnos meos, &c. Ergo fuprema potestas verbis illis promiffa, & collata, non est immediatè, & principaliter collata Ecclefie, vel Concilio præcisè fumpto à Petro: fed foli Petro, & Ecclefie tantum in Petro, quatenus Petrus in commodum Ecclefie potestatem illam accepit; neque est Vicarius Ecclefie, fed Chrifti. Secundo, ex iifdem Scripturæ locis conftat Petrum, & Succelfores, fe habere ad Ecclefiam vniuerfalem, vt fundamētum ad ædificium, vt Pastorem ad Ouile: idque ex iure diuino, & Chrifti institutione. At Pastor est fuprà totum Ouile, etiam fimul fumptum: & fundamētum fufficit totum ædificium ipfi iniuxum: neque ipfum pendet ab ædificio, fed ædificium ab ipfo. Adde Ecclefiam collectam, vel in Concilio, vel aliter, effe propriiffimè Ecclefiam. Chrifti autem verba funt propriiffimè, quoad fieri poteft, accipienda, cum ait: *Super hanc petram aedificabo Ecclefiam meam.*

Et ex Concilio antiquo.

Tertiò, Nicenum I. can. 39. ex Atabiciis (de quorum fide vide Turrianum tom. 1. Conciliorum) vocat Romanum Pontificem Vicarium Chrifti fuprà vniuerfam Ecclefiam: & quicumque, inquit, *contradixerit, à Synodo excommunicatur.* Ergo non tantum fuprà fingulos fideles, aut fuprà Ecclefias particulares. Adde quòd Concilium ait Romanum Pontificem effe Vicarium Chrifti fuprà vniuerfam Ecclefiam; eandem fcilicet, & eadē extensione potestatis, quā Chriftus, cuius Vicarius est. Nam Concilium non reftingit, vt neque Chriftus locis citatis Scripturæ. Non eft autem dubium quin Chriftus fuerit fuprà Ecclefiam vniuerfalem, & Concilium quodcumque, tanquam fupremus Ecclefie Monarcha. Quartò, Ephesinum I, quod fuit tertium generale, tom. 2. c. 15, & 16. Papam agnofcit vt Caput Concilij, adeoque vt fuperius ipfo. Chalcedonenfe, quod fuit generale quintum, Aétione 16. in Epift. Synodi ad Leonem Papam, agnofcit illum fibi præfidere tanquam Caput: confirmationem ab ipfo petit: eius fidem tanquam Regulam Religionis admittit. Romanum fub Silueftro, Aétione 2. can. 20. ait primam Sedem à nemine iudicari, neque ab omni Clero, &c. Florentinum, poftquam de primatu Romanæ Sedis fuprà Ecclefiam vniuerfalem, & fuprà Concilium (reuocato in Controuerfiam in Concilio Conftantiensi, & tunc etiam in Bafilienfi adhuc tenente fine Capite) litigatum fuit totis quindecim menfibus? fic tandem definit in literis vniõis: *Definimus fanctam Sedem Apoftolicam in vniuerfum orbem tenere primatum: & Romanum Pontificem & ipfum Succelforem effe B. Petri Principis Apoftolorum, Vicarium Chrifti, verum totius Ecclefie Caput, & omnium Chriftianorum Patrem, ac Doctorem: & ipfi, in B. Petro, pascendi, & gubernandi vniuerfalem Ecclefiam, à Chrifto plenam potestatem effe traditam: fic ut etiam in gelfis œcumenicorum Conciliorum, & facris Canonibus continetur.* Denique, Lateranenfè Generale fub Leone X. clariffimè rem definit Scff. 11. in Bulla Leonis, quæ fic incipit, *Pastor æternus gregem suum, approbatà mox à Conci-*

lio, vbi fic habet: *Salutem Romanam Pontificem, tanquam fuprà omnia Concilia habentem auctoritatem, Conciliorum indifcendorum, transferendorum, ac diffolutorum plenam ius, & potestatem habere, nouit effe ex facta Scripturæ testimonio, diuini fanctorum Patrum, ac aliorum Romanorum Pontificum: fed propria etiam eorundem Conciliorum confessione manifestè conftat.*

Notandum autem, cum hæc fuprema potestas fit iuris diuini, & institutionis Chrifti, non poffe mutari ab hominibus, ne quidem per celfionem Summi ipfius Pontificis, nec poffe ipfum Concilio fe fubmittere iuridicè. Nota fecundò, ad foluenda reliqua argumenta Aduerfariorum, Concilium Conftantienfè non effe receptum, nifi quoad ea, quæ in Bulla Martini V. approbantur. Cum autem approbat quæ ab illo fuerunt definita conciliariter, id eft, cum examine, & inquisitione diligenti; non approbat quod obiter (vt liquet ex gelfis) & non conciliariter dictum fuerat de primatū Concilij fuprà Papam. Bafilienfè verò Schismaticum, non eft approbatum à Nicolao V. nifi quoad ea, quæ ftatuit de Cenfuris. Si Papa foret scandalofus; poteft, ac debet ab Ecclefia admoneri cum reuerentia debita. Si Ecclefiam perdere conaretur; poteft Ecclefia vim vi repellere, naturali iute. Si fieret Hæreticus apertus, deponeretur ipfo iure diuino, poftitæ fætem Ecclefie declaratione. Falfum verò eft Summum Pontificem accipere ab Ecclefia fua potestatem. Nam Ecclefia ipfum eligens nominat tantum perfonam, cui Chriftus ipfe immediatè confert fupremam potestatem, poftit, tanquam conditione, electione legitimè Ecclefie. Sicut proportionaliter Rex Gallie nominat aliquos ad Epifcopatum, qui à Summo Pontifice inueftiantur fpirituali potestate, quam Rex conferre nequit. Denique caput cum reliquo corpore comparatum, effe minus quidem mole, fed maius dignitate, ac virtute influendi, & regendi. Plura de hac celeberrima Controuerfia vide apud Bellarm. lib. 2. de Concilij à cap. 13. & apud Caietanum, & Almainum in opusculis hac de re, contra fe inuicem fcriptis.

66. Papa non potest illi se subdicere iuridicè. Soluuntur arg. cœtaria.

SECTIO VII.

Utrum Concilium præcisè fumptum à Summo Pontifice fit Regula fidei?

QVæftio effe poteft de Concilio particulari, vel de generali. Particulare multiplex eft: Diocelfanum, ex Paftoribus vnius Diocelfis fub vno Epifcopo conuenientibus; Provinciale ex Epifcopis vnius Provincie, vel Archiepifcopatus, fub vno Archiepifcopo; Nationale, ex Prælatiis vnius Nationis fub vno Patriarcha, vel Primate. Generale verò eft propriè loquendo (nam aliquando particularia, vocantur etiam generalia refpectiue, vt videre eft apud Baronium tom. 4. anno 347. num. 8. quod conftat ex omnibus Epifcopis Catholicis totius Orbis Chriftiani, vel ex magna eorum parte, vniuerfam Ecclefiam fuffi-

67. Concilium particulare est multiplex. Generale quid sit.

cienter repræsentante. Vt autem sit legitimus requiritur primò, vt conuocetur auctoritate legitima, quæ auctoritas est penes solum Summum Pontificem, excepto casu, in quo Ecclesia summo Pastore destituta, debet iterum conuenire ad illum creandum, negligentibus Cardinalibus: vel ad schisma in dubio tollendum, vt in Concilio Constantiensi factum est. Probat, quia solus Summus Pontifex præest vniuersæ Ecclesiæ, potestque solus omnibus Episcopis præcipere, vt conueniant. Secundo, sic habetur in Epistola prima Marcelli Papæ ad Episcopos Antiochenæ Prouinciæ: *Simul Apostoli, & Successores, inspirante Domino instituerunt, vt nulla Synodus fieret præter Romanis Pontificis auctoritatem.* Tertiò, idem statuitur in canone quodam Concilij Nicæni I. qui quidem nunc non extat inter canones viginti huius Concilij sed eius meminerunt, Iulius I. in Epistola 1. Damasus Epist. 3. Nicephor. lib. 9. cap. 5. & 10. alijque antiquiores. Idem etiam docent septima Synodus generalis Aët. 6. Lateranensis sub Leone X. sess. 11. Pelagius Papa in Epist. Decretali, quæ habetur tom. 2. Concil. Veteris edit. Adrianus I. in capitib. collectis ex Synodis, & canonibus diuersis, quæ habentur tom. 3. Concil. post Concilium Francfordiense. Potest tamen Concilium illegitimè coactum, postea legitimari. Sicut Generale V. inuito Papâ Vigilio celebratum, postea factum est æcumenicum ex illius consensu. Et à contrario, legitimè coactum & inceprum, potest illegitimè procedere: vt si pergat, prohibente Pontifice pro summo iure in Concilia (quod ipsum habere probauimus Sect. 6.) vt contigit in Basileensi.

Secundò requiritur vt conuocentur vndique Episcopi Catholici, quoad moraliter fieri possit, & nullus arceatur, qui ius habet suffragij. Sicut enim in ciuili Republica bene instituta pertinet ad Primates, & Optimates eam regere, debentque omnes ad comita generalia conuocari, iidemque consentunt totam Rempublicam repræsentare: sic in Ecclesia, &c. Primates autem sunt Episcopi, Apostolorum successores; & Cardinales, qui ex iure Pontificio sunt maiores Episcopi quoad ea, quæ non fundantur essentialiter in ordinatione Episcopali, quique in suis titulis iurisdictionem Episcopalem habent. Debent ergo hi omnes conuocari, vt Synodus ipsa, siue conuocatio, sit generalis. Non est tamen necesse omnes omnino conuenire, imò neque maiorem partem. Nam in II. Generali conuenerunt tantum 150. Episcopi, inter quingentos, & amplius, qui tunc erant in Ecclesia. Et in Niceno 1. longè antè multò plures conuenerant, nempe Patres 318. In Ariminensi, sexcenti. In Chalcedon. verò ex Ecclesia Occidentali soli Legati summi Pontificis affuerant, vt patet ex Epist. 14. Leonis Papæ. Ratio est, quia Concilium generale non tamre, quàm repræsentatione, & auctoritate, dicitur totam Ecclesiam continere. Potest autem repræsentare, licet non omnes Primates conueniant; nec maior eorum pars; quod interdum est moraliter impossibile, propter bella, vel alia impedimenta. Quan-

tum autem sufficiat, pertinet ad iudicium ipsiusmet Concilij, & præcipuè Summi Pontificis, cuius est declarare an Congregatio sit generalis sufficienter, & an qui adsunt, teneant locum sufficienter omnium aliorum. Porro, licet non ex solis Prælati Ecclesia constet, sed ex singulis Catholicis: tamen quia communiter populus, vt pote indoctus, Pastorem sequitur: & quod maior pars Pastorum sequitur, id quoque sequitur pars maior populi, saltem implicite: & quod sequitur populus in materia Religionis, accipit à Pastoribus: Hinc fit à Prælati sufficienter repræsentari Ecclesiam quoad suffragia, de Religione. Tum quia est in vtriusque eadem professio Religionis, loquendo de Communitate: Tum etiam quia Ecclesia est consulenda, & audienda sub pœnâ anathematis, Matth. 18. v. 15. Non possunt verò ita audiri in materijs fidei singuli de populo, ob nimietatem, ob inscitiam, & implicitam tantum fidem: Quare ad Pastores recurrendum est: Tum denique, quia praxis Ecclesiæ vniuersalis in Concilijs generalibus ab initio hæc fuit, vt non populus, sed Prælati vocari debeant ad Concilia, per quæ repræsentari Ecclesiam vniuersalem, etiam sine populo, habetur in Generali VIII. Aët. 5. & in Bulla Martini V. quâ approbat Constantiense. Et in Decretis Gelasij, & Gregorij, distincte sanctorum Patrum, apud Bellarm. lib. 2. de Concilijs c. 2. & sequentibus.

Tertiò requiritur, vt celebretur saltem permissu Summi Pontificis; imò vt sit perfectum, debet ipse per se, vel per Legatos suos præesse, alioqui destituitur capite, & supremâ potestate in vniuersalem Ecclesiam. Idemque semper legitimis Concilijs vel interfuit ipsemet, vel Legatos. Papa orat illic debet per se, sui per Legatos. Innocentius III. Lateranensis: Eugenius IV. Florentino: & alij alij: Vel per Legatos, vt Syluester Nicæno I. per Hosium, Vincentium, & Victorem: Ephesino I. Cælestinus per Cyrillum Alexandriæ Episcopum; Chalcedonensi Leo I. per Paschasium, Lucentium, & Bonifacium: & alij similiter alij, vt videre est apud Baron. ad singulos annos quibus celebrata fuerunt. Ad rundemque pertinet gesta Concilij confirmare. Vnde Nicænum I. petit à Syluestro per Epistolam confirmationem. *Quicquid, constitutum, confirmatum, precamur ut vestri oris consensu confirmetur.* Et Chalcedonense à Leone, Aët. 3. Constantinopolitanum I. à Damaso, Ephesinum à Cælestino confirmatum est, & alia similiter ab alijs. Qua de re vide Turretrem. lib. 3. de Eccles. c. 32. 33. 34. Et Canum lib. 5. de Locis c. 5.

Præterea, vt legitimè procedatur, diligens inquisitio circa Scripturam, & traditiones diuinas, quæ sunt Regulæ definitionum, adhibenda est. Neque enim cognunt Concilia ad novas reuelationes faciendas; sed ad antiquas declarandas contentas in Scriptura, & traditione non-Scripta, quæ proinde diligenter, & attentè inspicere debent; vt patet ex praxi ipsorum Apostolorum, Aët. 15. & omnium deinceps Conciliorum legitimorum. Nimirum, quia Deus, qui promissit Ecclesiæ infallibilem assensum, non exclusit ex parte ipsius debi-

tam diligentiam. Ad eundem finem solent ex toto orbe Christiano vocari Doctores, & Theologi, qui de rebus definiendis disserant, & consulunt. Inter quos, & Prælatos, ea est differentia, quod hi vocem definitivam habent ut Iudices, pro iurisdictione, & auctoritate, quâ pollent, decernentes. Vnde etiam vtuntur vocibus auctoritatem iudiciariam significantibus, Decernimus, Statuimus, Damnamus, &c. Tamen tota cæterorum iurisdictione pender à Summo Pontifice, cui tota iurisdictione Ecclesiastica confertur à Christo immediate, & ab eo communicatur alijs. Doctores verò, & Theologi sunt tantum Consultores, & veluti Patroni veritatis, pro qua elucidanda laborant, & disputant. Potest tamen Summus Pontifex alijs, quàm Episcopis, ius suffragij dare; vt re ipsa dedit Generalibus ordinum Religiosorum.

His præmissis, Dico 1. Concilium particulare, præcisum ab approbatione Summi Pontificis, non esse Regulam fidei. Probatur, quia non est infallibile, sed plerumque re ipsa fallitur: vt patet ex Concilio Africano, & Carthaginensi duplici sub Cypriano, in quorum postremo interfuerunt 71. Episcopi tam ex Africa, quàm ex Numidia, & omnium consensu statutum fuit Hæreticorum baptisma esse inualidum & iterandum: vt refert Baronius tomo 2. an. 217. & 238. Et ex Concilio Antiocheno 90. Episcoporum, anno Christi 344. quod Arrianus fuit. Et Seleuciensi 160. Episcoporum, anno 359. in quo Arrii & Aëtij hæreses probatæ sunt. Et ex Constantinopolitano 50. Episcoporum, Arrio pariter fauentium, eodem anno. Et ex Concilio Palæstino, seu Diospolitano anno 415. in quo, qui conuenerant, 14. Episcopi non animaduertentes errores latentes sub ambiguitate verborum, quibus hæresim suam inuoluebat, & excusabat Pelagius. Et ex Concilio Ephesino, à Ioanne Antiocheno, pluribusque alijs Episcopis Nestorianæ factionis, in eius patrocinium celebrato, anno Christi 431. alijsque pluribus, quæ recensere longum esset.

Dixi autem, *Præcisum ab approbatione Summi Pontificis*: quia si Summus Pontifex approbet quæ à Concilio particulari tanquam de fide definita sunt, eaque toti Ecclesie credenda proponat; patet ex dictis superius Sect. 4. n. 45. iam esse Regulam fidei: non vi definitionis Concilij particularis, sed vi approbationis Summi Pontificis ex Cathedra loquentis. Si enim solus definiens errare non potest: multo minus eum aliquo Concilio. Et quidem multi Hæretici à Concilijs tantum particularibus approbatis damnati, statim à tota Ecclesia pro Hæreticis habiti fuerunt.

Dico 2. Concilium Generale illegitimum non esse Regulam fidei. Probatur, quia similiter errare potest: vt patet ex Ariminensi sexcentorum Episcoporum, non coacto auctoritate Summi Pontificis; in quo approbatus fuit Arrianismus: Ephesino II. auctoritate Theodosij iunioris à Dioscoro Alexandrino celebrato: quod spreuit Legatus Romani Pontificis, & fuit Eutychemi: Constantinopolitano in Trullo, quod can. 2. approbavit Synodum

Cypriani de rebaptizandis Hæreticis, aliisque multa perperam statuit: Altero Constantinopolitano sub Leone Armeno, anno 814. damnante cultum sacrarum imaginum, reluctanti-bus Nicolai Papæ Legatis: qui etiam cultus damnatus fuit ab altero Concilio 330. Episcoporum coacto à Constantino Copronymo: Constantiensis, reprobato à Martino V. quoad plurima, & inter alia statuente, Sess. 4. Concilium esse supra Pontificem. Idemque statuit Basileense Sess. 2. quod Concilium quamvis legitime inchoatum auctoritate Summi Pontificis Eugenij IV. discessit postea ab eius vnione, & obedientia: imo temerè & iniuste ipsum deposuit; sed sine effectu, Ecclesiam reclamante, Legatis prius depositioni, & iniquis eius statutis, interesse nolentibus: vt videre est apud Caiet. tract. 1. de auctoritate Pontificis, cap. 8. & Spondanum in continuatione Annal. Ecclesiasticæ ad annum Christi 1439. num. 30.

His, alijsque similibus exemplis, euidentibus fit Episcopos errare posse, & non raro errasse contra fidem, etiam in Concilijs, à capite suo Romano Pontifice, seu unctis. Errasse, inquam, & errores contra fidem approbasse, non modò Episcopos, qui iam antea hæretici erant, & ad conuenticula hæreticorum suarum partium conueniebant; cuiusmodi fuerunt duo Concilia Donatistarum Carthagine, vnum 70. Episcoporum, alterum 270. & Conuentus Episcoporum Arrianorum Philippopoli, Syrmij, Arelate, Nicææ in Thracia, Seleuciæ, Mediolani, alijsque locis: & Concilium Ephesinum ab Episcopis Nestorianis celebratum: alterumque ab Eutychanis, dictum *Latrocinium Ephesinum*: verum etiam eos, qui cum essent Catholici, fuerunt ab Hæreticis decepti, illorumque errores ex inaduertentia, vel aliter approbatur. Vt contigit Concilio Sardicensi, in causa Marcelli Ancyrtæ Episcopi, Marcellianorum auctoris: Antiocheno, & Ariminensi, in causa Arrii: Diospolitano, in causa Pelagij: & similibus. Vnde collige quid sentiendum sit de Episcopis seorsim sumptis, aut pluribus simul extra Concilium: quos nimis frequens experientia errare posse docuit, & errores contra fidem vel inducere per seipso, vel ab alijs inductos approbare. Norunt enim Ecclesiasticæ Historiæ petiti eorum aliquos fuisse Hæresiarchas, aut Hæreticorum & Schismaticorum primipilos: vt Nouatum, Marcellum Ancyranum, Macedonium, Meletium, Eusebium, vtrumque, Cæsariensem, & Nicomediensem, Vrsacium, Valentem, Donatum, Iulianum, Nestorium, Photium. Plurimos etiam à Fide Catholica ad Nouatianos, Macedonianos, Arrianos, Pelagianos, Nestorianos, & aliarum Sectarum Hæreticos olim defecisse: & sæculo præterito non paucos in Anglia, Scotia, Germania, Transsylvania, Gallia, alijsque locis, Lutheri & Caluini partes secutos esse. Et nunc etiam Græci Episcopi, ferè omnes, sunt Hæretici, & Schismatici. Recenset adhuc est memoria Marci Antonij de Dominis, Archiepiscopi Spalatensis, cuius in carcere mortui cadaver, cum libris hæreticis ab eo scriptis, manu car-

Episcopi possunt errare contra fidem.

71. Concilium particulare non est Regula fidei.

Nisi approbetur à Summo Pontifice.

72. Neque Concilium generale illegitimum.

nificis combustum fuit Romæ, in campo Flo-
ræ, anno 1614. vt refert Spondanus ad eundem
annum, tomo postremo Continuationis Anna-
lium Ecclef. Quare veteris & recentis historię
Ecclesiasticę planè ignaros esse oportet eos
omnes, qui putant sufficere ad vitandam suspi-
cionem hæresis, autorem libri alicuius fuisse
Episcopum, aut aliquot Episcoporum suffra-
gio munitum esse: neque contra illum fas esse
Theologis hircere, si quid suspecti dogmatis,
aut erroris fraudulentem intrudat. Coegit nos
eorum importunitas hæc omnia referre ex An-
nalibus, & historijs Ecclesiasticis, quæ alioqui
maluissimus tacito præterite, æternoque silen-
tio, si fieri posset, obuolueret. Tantâ enim
veneratione, sicut par est, prosequimur Epis-
copos; vt, quod de illis dixisse fertur Constan-
tinus Imperator in Nicæna Synodo, si quid à
nonnullis eorum perpetrat dictum, aut gestum
est, vel ipsâ purpurâ regiâ tectum esse velle-
mus.

73.
Concilium
generale
legitimum
est Regu-
la fidei.

Dico 3. Concilium Generale legitimum, cui
Summus Pontifex præfens adest, est infallibi-
lis Regula fidei, & non potest errare in ijs,
quæ definit esse tenenda fide diuinâ. Patet
ex dictis Sect. 4. Si enim solus Pontifex est in-
fallibilis in eiusmodi definitionibus: quantò
magis in Concilio Generali legitimum, quo nul-
la maior auctoritas, aut melior ratio delibe-
randi excogitari potest? Ad idem confirman-
dum valent rationes, & auctoritates allatæ
Sect. 3. num. 24. Quod scilicet vel Ecclesia
omni Regula viuâ, & iudice controuersiarum
sufficiens destituta est; (quod quàm sit absur-
dum, patet ex dictis Sect. 1.) vel id Concilio
Generali legitimum, id est, capiti, & præcipuis
membribus, sufficientem Ecclesiam totam repræ-
sentantibus concedi debet. Neque enim hæc
Regula potest esse totum corpus Ecclesię, vt
comprehendit omnes Catholicos: propter
impossibilitatem omnes cogendi, vel consulendi
;& propter alia multa, quæ diximus Sect. 2.
Patet etiam ex eo, quod tale Concilium habet
vim obligandi omnes fideles ad credenda,
quæ definit: cùm nulla maior in Ecclesia pos-
sit esse auctoritas ad fideles in officio fidei
continendos, & terminandas dissensiones subor-
tas. Ergo quæ definit tanquam de fide; de-
bent esse infallibiles: aut obligabitur Ecclesia
ad errandum. Patet denique ex eo, quod
Apostoli verbis illis, Act. 15. *Videtur esse Spiritus
sanctus, & nobis* etc. non obscure significauerunt
Conciliorum definitiones esse à Spiritu sancto,
ac proinde esse infallibiles: Quodque promissio
Christi Ioan. 15. *Cum venerit ille Spiritus veritatis,
docebit vos omnem veritatem*: & alijs
locis, ubi promittitur Ecclesię infallibilem assis-
tentiam Spiritus sancti, maximè locum habe-
re debet in eiusmodi Concilijs: itemque illud
Matth. 18. v. 20. *Vbi enim sunt duo, vel tres
congregati in nomine meo, ibi sum in medio eorum*:
quibus verbis (vt alibi expendimus) pollice-
tur Christus cuiuslibet congregationi legitimę,
in nomine suo coactę, auxilium muneris suo
necessarium: quod maximè verum esse debet
de congregatione totius Ecclesię in Concilio
generali legitimo ad quodiones vniuersales,

muneris suo necessarias. Est enim Concilij ge-
neralis, & Pastoris vniuersalis, definitio de re-
bus fidei: quia causâ fidei est causâ generalis,
& ad totam Ecclesiam pertinens. Sed hinc non
sequitur Concilia quoque particularia non
posse errare: quia tales definitiones ad illa
non pertinent, sed ad Summum Pontificem,
vel ad Concilium generale: cùm causâ fidei,
sit causâ generalis totius Ecclesię, & definitio
omnes obliget. Atque ille fuit perpetuò sen-
sus Ecclesię. Nam semper pro Hæreticis ha-
biti sunt, qui à talibus Concilijs damnati fue-
runt. Et ipsamet Concilia contradicentes suis
definitionibus damnarunt vt Hæreticos, & ana-
thematisarunt: ac demum Ecclesia vniuersa ta-
les definitiones vt indubitabiles, & diuinas
semper habuit.

Dico quattò, idem sentiendum esse de Con-
cilijs, quibus Papa non interfuit per se, sed
per Legatos, eorum tamen decisiones confir-
mauit, & approbavit. Probatur primò ex pra-
xi Ecclesię. Nam à Nicæno I. huc vsque multa
Concilia Generalia sunt ita celebrata, quæ
non minùs habita sunt pro Regula fidei in-
fallibili, quàm ea, quibus Papa ipse interfuit.
Secundò, quia tota Ecclesię auctoritas est in
huiusmodi Concilijs. Adest enim Summus Pon-
tifex, primò quidem repræsentatiue per Lega-
tos: & deinde per expressam confirmationem,
& approbationem, supplet quod deerat præ-
sentia Physicâ: quæ cùm sæpe sit moraliter
impossibilis, non est credibile ad infallibilitatem
Concilij necessariò requiri. Tertiò deni-
que, si solus Pontifex potest infallibiliter defi-
nere: multò magis præstare Concilio genera-
li. Vnde etiam fit, vt non tantùm Concilia legi-
tima, sed alia quoque illegitimè coacta, vel
continuata, si tamen eorum decisiones appro-
bentur à Summo Pontifice, habeant vim Re-
gulę infallibilis, vt in V. Generali contigit.

74.
Etiā
Papa adit
tantum
per Lega-
tos.

Sed aduerte primò, Concilia Generalia non
esse simpliciter & omni modo Regulam fidei,
sed vt decidentia, id est, vt definitia, fla-
tuentia, aut assentientia aliquid tanquam de fide:
quia scilicet possunt alia multa interficere; vt
rationes aliquas, vel testimonia, & discursus,
vel declarationes: atque etiam nonnulla falsa,
siue in materia facti, vt quando de personis iu-
dicant ex allegatis à paucis testibus, quos ab-
solutè, non implicat subornatos fuisse: siue
in alijs quæ non agitantur tunc ex Professo, sed
obiter, & non definitiue dicuntur. Sæpe enim
in Concilijs leguntur scripta particulatum ad
materiam agitatum facientia, quæ sunt per-
mixta digressionibus probabilibus, etiam in-
terdum falsis. Quæ scripta approbantur, sed
nimirum quoad caput præcipuum agitarum:
ita vt approbatio tantùm cadat definitiue in il-
lud, non in alia, si generaliter solum feratur.
Secus verò foret, si aliquid specialiter appro-
baret; vt certam propositionem, aut omnia,
& singula contenta in aliquo. Aduerte præte-
rea, huiusmodi decisiones debere esse à Ponti-
fice approbatas, secundum se: ita vt approba-
tio cadet in decisionem illam nominatim ex-
pressam, aut in generali formula satis inclu-
sam. Quia scilicet possunt Concilia approbati

75.
Sed non
nisi in ijs
quæ defi-
nit tan-
quam de
fide.

quoad partem tantum: ut Chalcedonense approbatum à Leone quoad decisiones fidei, non quoad primatum Ecclesie Constantinopolitane post Romanam. Et Constantiense approbatum à Martino V. quoad definita conciliariter in materijs fidei, non quoad alia. Aduerte tertio, approbationem Summi Pontificis absentis posse fieri antea decepte, & consequenter. Antecedenter quidem, si per Legatos præscribat Concilio quid statuendum sit: ut cum Leo I. præscripsit Generali IV. damnationem Eurythetis: & Agatho Generali VI. damnationem Monothelitarum: ut ex Actis constat. Consequenter verò, quando, ut frequentius fit, definitiones Conciliares ab Pontifice postea deferuntur, & ab eodem approbantur: ut in II. Generali, & pluribus alijs factum est.

Difficultas verò est, an aliunde sit infallibile Concilium, legitimè quoad omnia celebratum, præcisè spectatum ab approbatione, & confirmatione Summi Pontificis? Negant Valentia q. 1. de Fide. p. 7. §. 44. Caiet. tract. 1. de Autoritate Pontificis c. 9. §. *Ad aliam vero rationem*, Cantus lib. 5. de Locis Theolog. cap. 5. & Bellarminus lib. 2. de Concil. c. 11. Contrarium tamen probabilius censeo cum Suare Disp. 5. Sect. 7. n. 11. & pluribus alijs: Tum quia magnum foret scandalum in Ecclesia, si Papa, & Concilium legitimè & œcumenicum, dissentirent in rebus fidei. Tum etiam quia Concilium Generale legitimè repræsentat totam Ecclesiam, quæ infallibilis est, etiam præcisè à Summo Pontifice, ut ostendimus Sect. sequenti. Vnde saltem totum errare non potest; imò nec maior illius pars, si quidem maior pars Pastorum, & Doctorum Ecclesie conuenierit. Nam in suffragijs ferendis, quod maior pars sentit, imputatur toti. Vnde si maior pars Pastorum, & Doctorum Ecclesie erraret, error ille imputaretur toti Concilio, & consequenter toti Ecclesie, cuius pars maior conuenit: Populus enim idem credit quod Pastores, & Doctores, & in illis conuenit. Adde nunquam contigisse, ut Concilium legitimè errauerit in definitionibus fidei.

Dices, si Concilium legitimè est infallibile, Pontifex illud sequi tenebitur. Ergo non erit ipse Regula fidei, imò nec illo superior. Respondeo, tenebitur stare iudicio Concilij legitimi, non ut superioris, sed ut infallibiliter adherentis verbo Dei scripto, vel tradito: Sicut Petrus Apostolus tenebatur stare scriptis Pauli, & Christus Prophetarum, & Pontifex definitionibus Prædecessorum, aut Conciliorum præcedentium approbatorum. Est quidem obligatio in conscientia: non tamen obiectiua erga Concilium, sed erga Deum, ut per illud loquentem, respectu Pontificis. Manet verò ipse Regula fidei suprema, quia penes ipsum est suprema decisio iudiciaria: Esto, possit ac debeat Ecclesie sensui præuio conformari: Quia tamen talis Concilij infallibilitas est sub opinione: obligatio Summi Pontificis non est absoluta, & certa, neque Concilij definitio est sufficiens Regula fidei, & iudex Controuersiarum, donec à Summo Pontifice approbetur.

Vnde collige, Summum Pontificem, & Concilium, non esse duas vias Regulas; sed vnam, diuersis modis definitiuent: prout videlicet Summus Pontifex vel solus, vel cum Concilio definit, secundum quod opportunitas tulerit, aut Ecclesie expedire videbitur, ad maiorem ipsius satisfactionem, vel confusionem Hæreticorum. Quæ autem isti obijciunt contra Generalis Concilij, etiam approbati, infallibilitatem, videri possunt apud Canum libro 5. de Locis, c. 1. & vlt. & Bellarm. lib. 2. de Concil. c. 8. qui clarè ostendit ea omnia, vel esse falsa, vel non pertinere ad legitima Concilia Generalia definitiua in materia fidei. Eorum inconstantiam hac in parte alibi notauimus, cum suis Synodis tribuunt id, quod Concilij Generalibus negant; & generales aliquas eorum obiectiones diluimus supra Sect. 3. num. 30. 33. & sequentibus.

78.
Papa &
Concilium
non sunt
duæ Regu-
læ fidei,
sed
vnicæ.

SECTIO VIII.

Utrum Ecclesia universalis sit infallibilis in credendo, & certa Regula fidei?

Ecclesie nomine intelligimus Congregationem hominum, Christi fidem per baptismum acceptam profitentium sub vno Capite visibili, ipsius Vicario, iuxta illud Matth. 16. *Tu es Petrus, & super hanc petram ædificabo Ecclesiam meam*: quam perpetuam fore docet Christus ibidem, addens, *Et porta inferi non præualebit adversus eam*. Esse autem visibilem patet, quia Christus de eadem Ecclesia huc loquitur, quam Petro tradidit, & commendat, Ioan. 21. dicens: *Pasce Agnos meos, Pasce Oves meas*. Quomodo autem pasceret, id est, regeret inuisibilem Ecclesiam? Et de eadem dicitur Matth. 18. *Dixit Ecclesia: & si Ecclesiam non audieris, sit tibi sicut Ethnicus & Publicanus*. Quomodo autem diceret Ecclesie inuisibili? Quomodo eandem audiret; ipsiusque sententiæ parere teneretur iuste accusatus, & iuxta illius arbitrium satisfacere? Adde quòd Matth. 5. v. 14. comparatur ciuitati supra montem positæ, quæ abscondi non potest. Et Isaie 61. v. 8. Deus sic loquitur de Ecclesia Christi, *Factus perpetuum seruiam eam, & scient in gentibus semen eorum, & germen eorum in medio populorum. Omnes qui viderint illos, cognoscent illos, quia ipsi sunt semen, cui benedixit Dominus*. Et similia multa de visibilitate, & perpetuitate Ecclesie prædicta.

Eadem in Nicæno Symbolo, approbato à Veracibus Caluinistis art. 5. Confess. Rupell. Dicitur Vna, sancta, Catholica, & Apostolica. Vna, propter vnitatem eiusdem fidei, & adhesionem ad vnum Caput visibile, & Pastorem vniuersalem, veluti viuam Regulam fidei. Sancta, propter sanctitatem doctrinæ, quam proponit, & morum probitatem eorum omnium, qui huic doctrinæ conformiter viuunt. Catholica, quia toto orbe diffusa. Apostolica, quia à Christo, & Apostolis inchoata, ad nos usque continuâ, & perpetuâ successione propagata est. Atque eadem sunt præcipue notæ,

79.
Ecclesia
quid &
qualis sit

76.
Sic ne
infallibilis
sit ut præ-
dictum à
Pontifice
sit?

77.
Quomodo
Papa
teneatur
illud se-
qui?

quibus à Sectis Hæreticorum vera Ecclesia discernitur : quippe quæ nec sunt vna, sed quælibet solet in plures Sectas diuidi, vt hodie è Lutheranismò, & Calvinismò multe aliz pululauerunt : nec habet principium, aut vinculum unitatis in fide, id est, Regulam viuam infallibilem, cui teneantur omnes adherere : Sed humanum sensum, & Spiritum priuatum, seminatum discordiarum inter Hæreticos, vt docet experientia. Non sunt etiam sanctæ : quia multa docent bonis moribus repugnantia, vt de Calvinismo alibi notabimus. Nec Catholica, quia in aliqua tantum, vel paucis regionibus vigent. Nec Apostolica, cum perpetuum, & continuam ab Apostolis huc vsque successionem ostendere non possint : Contrà verò facile nobis fit ostendere quo tempore, & loco cæperint Hæreses, quæ nunc extant : quæ non minùs, quàm præcedentes, finem quoque habituræ sunt : cum tamen Ecclesia, à Christo instituta, vsque ad mundi consummationem sit duratura, vt affirmat Paulus Ephes. 4. *Domus constructa, &c.* Vltèrius, verà Ecclesia non destituitur, etiam nunc, & miraculis, & alijs argumentis credibilitatis, quibus, vel ipsi infidelibus, innotescit, si attendunt : vt ostendimus num. 190. Quæ omnia sectis Hæreticorum desunt.

Notæ verò, quas ipsi assignant, sincera scilicet Verbi diuini prædicatio, & legitima Sacramentorum administratio, tam sunt obscuræ, quàm ipsa vera Ecclesia : cum tamen nota debeat esse notior, quàm id, cuius est nota, vt per illam possit innotescere. Neque enim variz sectæ dispunt minùs quæ sit sincera Verbi diuini prædicatio, & legitima Sacramentorum administratio : quàm quænam sit vera Christi Ecclesia. Nec vlla est Hæreticorum secta, quæ sibi non arroget sinceram prædicationem, & legitimam Sacramentorum administrationem : verèque de illis affirmat S. Aug. lib. 3. de Baptismo contra Donatist. c. 19. Omnes Seductores non aliter populos scissellisse, nisi prætextu Sacramentorum, & Scripturarum, quæ tenent ad speciem, non ad salutem. Adde quod signum debet priùs esse notum, quàm illud, in cuius cognitionem nos ducit. Ergo si puritas, & veritas doctrinæ est nota veræ Ecclesie, debet priùs nota nobis esse puritas, & veritas doctrinæ, quàm ipsa vera Ecclesia. At hoc est omnino pervertere intentionem Christi, qui voluit Ecclesiam esse medium certum, & infallibile ad inueniendam veritatem doctrinæ : ad eumque finem fecit illam esse visibilem, & conspicuam, vt ad eam omnes Gentes confluerent, & ab illa discederent vias rite, Isaïæ 2. v. 2. alijsque locis. Probatum manifestè : quia illud medium est inuile ad finem obtinendum, quod necessariò præsupponit finem iam esse obtentum : sicut Ex. gr. medicina illa esset inutilis ad sanitatem recuperandam, quæ necessariò præsupponeret illam iam esse recuperatam. Sed notitia veræ Ecclesie necessariò præsupponeret notitiam veræ doctrinæ. Ergo notitia veræ Ecclesie esset inutilis ad inueniendam veram doctrinam. Ergo hæc assertio Hæreticorum de notis Eccle-

siæ, prorsus evertit intentionem Christi. Neque illis fauet quod ait S. Aug. lib. de Vnit. Ecclesie cap. 3. *Nolo humanis documentis, sed diuini oraculis sanctam Ecclesiam demonstrari.* Sensus enim illius est, Ecclesiam demonstrandam esse per notas, quibus illam Scriptura designat, visibilitatis, vniuersalitatís, perpetuæ durationis, &c. quod nos etiam in sequentibus sectionibus præstabitur, vbi ea omnia quæ paucis hic perstrinximus, fusius prosequemur. Nam res tanti momenti, digna est maiori confirmatione, & explicatione.

Porro Ecclesia suprà descripta duobus modis sumi potest. Primò, pro Toto ex capite & membris ; & sic includit intrinsecè Summum Pontificem. Secundo, pro corpore subditò capiti ; & sic non includit intrinsecè caput. Primo modo dicitur Ecclesia completa ; secundo, incompleta, & subiecta. Vltèrius, dupliciter intelligi potest Ecclesia errare in fide. Primò, culpabiliter incidendo in hæresim, vel errorem culpabilem. Secundo, inculpabiliter errando cum ignorantia inuincibili. Prior errandi modus prior est, & fidem planè destruit : idèque Ecclesie magis repugnat, quàm posterior, qui tamen ab illa planè remouendus est.

Dico igitur primò, Ecclesiam vniuersalem, etiam vt subiectam Pontifici, & sine illo acceptam, esse infallibilem ; ita vt heri non possit, vt solo Papæ rectè sentiente, reliqua Ecclesia tota erret in materia fidei : quasi verò infallibilitas promissa sit Ecclesie tantum completæ, & non etiam subiectæ : eaque infallibilitas tantum saluetur in vno capite, Toto corpore errante. Probatum primò ex Matth. 16. v. 18. *Tu es Petrus, & super hunc petram ædificabo Ecclesiam meam : &c. porta inferi non præualebit adversus eam.* Quibus verbis Christus aperè prædixit, & promissit Ecclesiam suam super Petrum extructam fore infallibilem in fide. Acqui Petrus, vel Summus Pontifex eius successor, non est Ecclesia super ipsum extructa : neque ipse solus est Ecclesia, quæ essentialiter est multorum congregatio : Ergo non illi soli promissa est infallibilitas. Secundo, Ecclesia, in qua est Hierarchia Pastorum, & Doctorum ne fluctet, debet manere, donec occurramus, &c. Ephes. 4. v. 11. At solus Papa non est talis Ecclesia : Item 1. Timoth. 3. v. 15. Ecclesia, quæ est domus Dei, dicitur esse columna, & firmamentum veritatis. At Papa solus non est Ecclesia, nec domus Dei. Neque dicas esse columnam, & firmamentum veritatis, si Papæ adhæreat, cui tamen possit non adherere : sicut Hæretici dicunt Ecclesiam esse columnam, & firmamentum veritatis, si adhæreat verbo Dei, à quo tamen potest recedere. Nam hoc pacto Ecclesia non magis esset columna, & firmamentum veritatis, quàm priuatus quisvis, qui non minùs est infallibilis, si adhæreat Summo Pontifici definiti, aut verbo Dei. Verùm columna est illa, quæ necessariò, & semper adhæret, & sustentat illud, cuius est columna, & firmamentum. Quare Ecclesia non esset columna, & firmamentum veritatis, nisi semper adhereret veritati, eam-

Dupliciter accipi potest Ecclesia.

80. Ecclesia vniuersalis, etiam præcise sumpta à Papa, est infallibilis.

80. Notæ ab hæreticis assignantur.

80. Notæ ab hæreticis assignantur.

que sustentaret. Adde tertiò promissiones in perpetuum factas Communitati, *Eccce ego vobiscum sum omnibus diebus usque ad consummationem sæculi*, Matth. 28. v. 20. *Alium Paraclerum dabit vobis, Spiritum veritatis, ut maneat vobiscum in æternum*, Ioan. 14. v. 16. Vbi nota promitti, & dari, vt in veritate contineat. Adde item illud Augustini lib. 4. de Baptismo, c. 24. *Quod vniuersa tenet Ecclesia, nec Concilys institutum, sed semper verum est, non nisi auctoritate Apostolica traditum rectissime creditur*.

81.
Non potest errare in rebus fidei, ne quidem per ignorantiam inuincibilem.

Dico secundò: Ecclesia vniuersalis non potest errare in ijs, quæ credit tanquam certa de fide, ne quidem per ignorantiam inuincibilem. Quare quidquid ipsa tota sentit esse de fide, est infallibiliter tale: adeoque ipsius consensus est infallibilis Regula fidei. Probatum primò ex dictis priori conclusione, quæ non tantum excludunt ab Ecclesia errorem culpabilem, sed etiam inculpabilem. Nam alioquin posset inferri aduersus eam præualerent, contra illud quod dicitur Matth. 16. Et Ecclesia circumneciretur errore, contra id quod habetur Ephes. 4. Et non esset columna, & firmamentum veritatis, si posset decipi credendo falsum, etiam per errorem inuincibilem: Neque enim tunc veritatem, sed errorem fulciret. Neque haberet infallibilem, & perpetuam Christi, & Spiritus sancti assistentiam, quæ doceatur omnem veritatem, vt dicitur Matth. 28. & Ioan. 14. & 16. Adde quòd, si Ecclesia Christi posset errare credendo aliquid falsum, tanquam fide certum, etiam per ignorantiam inuincibilem: tota, vel ferè tota eius fides dubia redderetur: quia in plurimis dubitare posset, & formidare, ne fortè per ignorantiam decipiatur: quæ ratio in ijs omnibus locum habet, quorum vltima resolutio credibilitatis sit ad traditionem, & consensum generalem Ecclesiarum.

82.
Tenebatur Papa sequi eius consensum?

Obijcies: Si consensus Ecclesiarum subiectæ est infallibilis: Ergo Papa tenebatur eum sequi. Respondeo non teneri sequi tanquam præuium: quasi verò Papa ignoret id quod tota Ecclesia subiecta scit. Nec etiam quasi superiorem: Nam potius Ecclesia ei vt Regulæ superiori subiecta est: sed tantum tenetur illum sequi, seu potius eundem sensum habere cum illo, velut infallibiliter adhærente Verbo Dei scripto, vel tradito: Sicut D. Petrus tenebatur habere sensum conformem scriptis Pauli, & Pontifices, ac Concilia posteriora, definitionibus priorum approbatorum. Et habet quidem Papa obligationem in conscientia, ad standum illi communi consensui: At non obiectiuam erga Ecclesiam subiectam: sed erga Deum loquentem infallibiliter per illum consensum: vt supra diximus de Summo Pontifice, respectu Concilij generalis.

84.
Non quæ tota errant, ne que errant.

Alia multa contra Ecclesiarum infallibilitatem obijciunt Nouatores, de quibus Vide Bellarm. lib. 3. de Ecclesia cap. 16. & 17. Suar. Disp. 9. Sect. 3. Et Canum lib. 4. de Locis cap. 1. & vlt. Breuiter dico primò, Ecclesiam Iudaicam nunquam totam errasse: neque, si errasset, valere consequentiam ad Ecclesiam Christi, cui aperte promissa est infallibilitas, & perpetuitas vt

quæ ad mundi finem: cum è contrario prædictum esset Ecclesiam Iudaicam defecturam, Christumque negaturam. Secundò, ne tempore quidem Antichristi defecturam omnino Christi Ecclesiam: cum etiam tunc Electi sint perseveraturi, Matth. 24. v. 12. Licet propter eorum paucitatem, in quibus fides perfecta tunc vigeat, dictum sit Luc. 18. v. 8. *Fidus hominum veniens putat inuenire fidem in terra?*

Tertiò, quod dicitur in Scriptura, *Omnes declinauerunt: Omnes derelinquistis me*, &c. Et ab Hieron. contra Luciferianos, *Ingeniuit Orbis terrarum, et Arrianum se esse miratus est*: Hæc, inquam, & similia moraliter intelligi debent, ita vt omnibus tribuatur, quod multis conuenit. Nam ex ijsdem locis patet exceptionem fieri debere, vt Canus supra rectè ostendit.

Quartò, ne tempore quidem Passionis Christi, omnes Apostolos, & Discipulos, præter B. Virginem, defecisse à fide: cum Petro Christus prædixit, non defecturam: Et scandalum, quod omnes sunt passi, non sit ad fidem referendum necessario, de cuius defectu Ioannes, & pater mulieres Christum secutæ in passione, non fuerunt vllibi reprehensi: De alijs non est certum, quod fidem omnes amiserint. Nam exprobratio facta Marc. 16. v. 14. potest moraliter, & accommodè intelligi, maxime verò cum sit indefinita. Quintò, Licet Ecclesia constet ex hominibus naturâ suâ fallibilibus: fieri tamen per assistentiam Spiritus sancti vt tota non fallatur: sicut Scriptores omnes Canonici, quamvis homines essent: fuerunt tamen per eandem assistentiam infallibiles in scribendo.

Perperam verò respondent ijdem Nouatores: conuicti euidentia testimoniorum Scripturarum pro infallibilitate, & perpetuitate Ecclesiarum, Ecclesiam quidem esse perpetuam, & infallibilem, sed inuisibilem illam, seu quam nequeamus ipsi discernere, quæque mille annis latuit inuisibilis vsque ad Lutherum: tum quia, inquit, forma Ecclesiarum est sanctitas, & fides, quæ, in quibus sint, nescimus, cum sint in solis prædestinatis, ex quibus solis constat vera Ecclesia: tum etiam quia nullum fide creditum est visibile: Ecclesia est fide credita: Ergo non visibilis. Nam contrà: primò, iuxta duobus argumentis probaretur Ecclesiam, etiam tempore Apostolorum, ac semper, fuisse inuisibilem: quia tunc etiam non videbatur interna fides, & prædestinatio: & tunc Ecclesia credebatur: semper enim in Symbolo Apostolorum dictum est, *Credo in Spiritum sanctum, & sanctam Ecclesiam Catholicam*. Secundò, licet fides interna, & sanctitas, quæ est præcipua forma Ecclesiarum, quæ est in multis Ecclesiarum membris, non videatur: videtur tamen Ecclesia per suas notas externas, illâ non visâ: sicut videtur homo per externa accidentia, non visâ animâ. Tertiò, Scripturæ aperte repugnant veram Ecclesiam militantem constare solis prædestinatis: quippe quæ comparatur Sægenæ, in qua sunt pisces boni, & mali: aræ, in qua palea, & triticum: agro, in quo bonum semen, & Zizania: Ouilis, in quo Oves, & Hædi, qui etiam in Christum

83.
Ecclesia vniuersalis est infallibilis.

crediderint, & in eius nomine miracula fecerint, vt habetur passim in Euangelijs: & magnæ domui, in quâ sunt diuersa vasa, quædam in honorem, alia in contumeliam, 2. Timoth. 2. v. 20.

86. Præterea, quod Christus promittens Ecclesiæ perpetuitatem; & infallibilitatem, loquatur de Ecclesia visibili, adque Ecclesia visibilis sit perpetua, & infallibilis, probatur, quia Christus Ioan. 21. implens quod Petro promiserat Matth. 16. & commendans illi Ecclesiam, quam super ipsum ædificandam prædixerat, commendat sine dubio Ecclesiam visibilem, quam agnoscat, & pascat. Ergo de illa intelligendum est, quod promittendo dixerat, *Foris Inferi non præualebunt aduersus eam.* Deinde, illæ promissiones sunt sine dubio intelligendæ de vera Christi Ecclesia. At vera Christi Ecclesia non est, nisi vna (sicut non est nisi vna vera Christi Religio) vt habetur Matth. 16. v. 18. Et 1. Timoth. 3. v. 15. Act. 2. v. 48. & alibi, vbi semper de Ecclesia in singulari, & vt vnâ sermo est. Et in Symbolo Nicæno, recepto ab Aduersarijs. art. 5. Confess. Gallic. expressè vocatur vna, id est, vnica. Et Cantic. 6. *Vna est amica mea, columba mea, formosa mea.* Quò supposito, insto, quia Ecclesia illa Christi vera, & vnica, habet successionem Hierarchicam Pastorum, & Doctorum perpetuam, Ephes. 4. v. 11. & sequentibus. Inuitur super vnum Pastorem supremum, Matth. 16. v. 18. & Ioan. 21. v. 15. Habet distinctionem Pastorum, & gregis, id est, subditorum qui iubeantur audire illos, Act. 20. 28. Habet ius condemnandi contumaces, & scandalosos, ad illam deferendos, ita vt qui Ecclesiam non audierit, sit habendus, velut Ethnicus, & Publicanus, Matth. 18. v. 17. Est ciuitas illa supra montem posita, quæ abscondi non potest, Matth. 5. v. 14. Debet docere omnes gentes; ita vt teneantur ei credere: Itemque conferre Sacramenta, Matth. 28. v. 19. & 20. Marc. 16. v. 15. & 16. Est ea, quæ cognosci debet à Gentibus, etiam palam, Isaie 61. v. 8. Ergo à primo ad vltimum Ecclesia vera est visibilis, id est, talis, vt prudenter attendenti innotescat: hæc enim omnia siue simul, siue etiam singula competere nequeunt, nisi Ecclesiæ visibili, vt patet: præsertim verò obligationes recipere docendi, & discendi; regendi; & obediendi; conferendi Sacramenta, & recipiendi, non possunt vigere, nisi satis innotescant: non innotescunt autem, nisi Ecclesia sit visibilis. Vltèrius, vera Ecclesia fuit à Christo instituta visibilis, vt fatentur Hæretici, & cum notis, ac muneribus visibilibus; quæ muneribus cum debeat perpetuò exercere, idque Christus ei præceperit, & ad id assistentiam suam perpetuam fore prædixerit, Matth. 16. v. 19. & 20. debuit necessario continuari visibilis; quia non potuit inuisibilis, & inuisibiliter munera illa exercere prædicandi, baptizandi, &c. Sed omnino periisset in ratione Ecclesiæ directio fidelium, & conuersio infidelium, & quoad sua munera fieret inutilis hominibus, quibus non posset innotescere. Nec enim haberent infideles, vnde possent ad illam accedere, & conuerti, vt saluentur: nec

fideles quò possent recurrere, vt dirigantur. Imò rueret certitudo fidelium circa Scripturam sacram, & alia, quæ non habemus certò, nisi per Ecclesiæ traditionem. Quomodo enim certa esset traditio Ecclesiæ inuisibilis? Quis certò sciret an per illius manus Scriptura ad nos deueniret, vel ad nostros prædecessores, quibus vera Ecclesia ignota fuit, si erat inuisibilis?

Denique dicere Ecclesiam quidem esse infallibilem, sed inuisibilem illam, & quæ est electorum, soli Deo notam: visibilem autem non esse immunem à periculo erroris; est planè pervertere intentionem Christi, qui voluit Ecclesiam esse medium certum, & infallibile inueniendi, & tenendi veritatem fidei, Isaie 2. Ephes. 4. alijsque locis supra relatis. Probatur, quia si Ecclesia sola inuisibilis, est extra periculum erroris, non potest nobis inferre illum finem, quia non videtur. Si autem Ecclesia visibilis est errori obnoxia, non potest esse medium certum, & infallibile inueniendi, & tenendi veritatem fidei; quia potest errare, & re ipsa errauit, in plurimis, & præcipuis fidei dogmatibus, & quidem etiam vsque ad idololatriam, vt calumniantur ijdem Hæretici. Neque plus proficiunt Recentiores quidam Ministri Caluini, qui dicunt Ecclesiam illam infallibilem, esse & fuisse semper visibilem, omnibus quidem in specie externa, quia constat ex hominibus qui sunt visibiles: solis autem fidelibus, inquantum est vera Ecclesia. Nam sicut inquit, omnes quidem Iudæi Christum videbant in specie externa, & humana: soli autem fideles cognoscebant illum esse Christum, & verum Messiam à Deo promissum: sic, &c.

Sed contrà: quia Ecclesia non est medium certum, & infallibile cognoscendi veritatem fidei, nisi prout est vera Ecclesia, habens infallibilem assistentiam Spiritus sancti ad non errandum. Ergo vt sit medium visibile, idoneum ad illum finem, debet esse visibilis prout est vera Ecclesia: id est, debet habere notas sensibiles, per quas à prudenter attendentibus cognosci possit esse vera Ecclesia. Et vt sit medium, etiam infidelibus ad inueniendam veram fidei doctrinam, debet illis esse visibilis, vt talis. Ergo non debuit esse tantum visibilis fidelibus. Essetque medium inutile ad inueniendam veritatem, si esset tantum visibilis fidelibus, id est, ijs solis, qui veritatem iam inuenerunt. Aliud autem est videri, & aliud esse visibile: quæ duo imperitè aduersarij confundunt. Christus, & vera Ecclesia non videntur actu, id est, non creduntur esse tales, nisi à fidelibus acquiescentibus illi veritati sufficienter proposita, *Christum est verum Messiam, Denobis: &, Hæc hominum societas est vera Ecclesia à Christo instituta. & habens infallibilem assistentiam Spiritus sancti.* Sed antequam hoc iudicium prudenter feratur, præcedit visibilitas Christi, & Ecclesiæ, non tantum materialis, quoad speciem solum externam, & humanam, quæ non sufficeret ad mouendum, & obligandum vt credamus: sed etiam quoad veritatem vtriusque: id est, præcedunt notæ sensibiles,

87. Hoc qui negant, perdetur intentio ne Christi.

89. Refutatio rerum rationes hæreticorum.

90.

& argumenta sufficientia, ad cognoscendum quod Christus sit Deus, & quod hæc hominum societas, sit vera Ecclesia. Et per has notas dicitur Ecclesia fuisse semper visibilis, quia ille semper hominibus fuerunt expositæ. Quamvis non fuerit visa, id est, completè cognita, & credita, nisi ab illis, qui has notas diligenter expendunt, & non obliuerunt veritati sufficienter proposuit. Plura aduersus hanc recentem Hæreticorum evasionem, videri possunt apud laubertum de Barroult tom. 1. Clupey, c. 10.

Dico tertio : Licet Ecclesia vniuersalis sit infallibilis in credendo, non est tamen secundum se totam sufficiens viua Regula fidei in docendo. Ratio est, quia non potest tota conuenire ad docendum, & definiendas Controversias; propter nimiam multitudinem : & plurimi ex illa non sunt idonei ad docendum, neque habent clauem scientiæ, & specialis potestatis regendi Ecclesiam. Et quamvis in Pastoribus repræsententur alij; impossibile tamen est, saltem moraliter, omnes Ecclesiæ Pastores conuenire. Vnde collige necessitatem decisionis Summi Pontificis, tanquam Regulæ viuæ, & primæ, tum superioritatis, quia præest toti Ecclesiæ : tum vniuersalitatis, & extensione ad singulas Controversias, in quibus certò & facile potest consuli Pontifex; non sic tota Ecclesia, ne quidem omnes illius Pastores : tum etiam tertio Directione; quia cum etiam Pastores ad Concilia Generalia conueniunt, vt definiant; dirigit illa conuocando, iubendo, approbando, reprobando, impediendo decisiones, & suspendendo totam ipsam Ecclesiam à decisione, eamque, dum vult, ferendo, aut confirmando, & publicando, interpretando in dubijs, ac denique stabiliendo legibus coadiuuus in totam Ecclesiam latis, quibus omnes & singuli obligentur ad decisionem recipiendam. Itaque est prima, & suprema Regula viua Controversiarum. Quanquam præit tempore auctoritas Ecclesiæ ad constituendum Summum Pontificem, & eius auctoritatem traditione certissimè stabilendam. Quare decisio Summi Pontificis non est prima Regula ordine temporis, sed tantum auctoritatis. Tenetur etiam Summus Pontifex in definiendo consulere, & sequi verbum diuinum Scriptum, & Non-scriptum, vt Regulam suarum definitionum : in quo verè assequendo dirigitur à Spiritu sancto. Quare verbum diuinum præit quoque ipsius decisionibus. Sed in dubijs primus, & supremus Iudex, & Regula viuens, & loquens respectu nostri, est Summus Pontifex definitus pro potestate, & infallibilitate sibi à Christo concessa.

SECTIO IX.

Quintum argumentum probetur efficaciter Romanam Ecclesiam esse veram Christi Ecclesiam, infallibilem in fide, & necessario sequendam?

Non est questio quomodo id probari possit infidelibus illis, qui Christum, eique

doctrinam veram esse non agnoscunt, nullasque Scripturas diuinas admittunt. Nam de illis sufficiens quæ diximus Disput. 5. Sect. 2. & sequentibus, vbi ostendimus quibus argumentis probetur efficaciter Christianissimum esse verum, & amplectendum. Sed questio est, quomodo possit id probari Hæreticis, qui Christum, eique doctrinam veram esse professantes, negant tamen Romanam esse veram Ecclesiam, quam Secta quæ vis se habere gloriatur. Existimo autem cum eruditis quibusdam recentioribus, qui hanc questionem accuratè tractarunt, non posse contra illos id efficacius conuinci, quam ostendendo notas omnes veræ Ecclesiæ in Scriptura traditas, illi soli cõuenire. Quemadmodum contra Iudeos non poterat efficacius ostendi Iesum Christum esse verum efficax id Messiam, quàm demonstrando notas veri Messie, & Prophetias de illo prædictas in Testamento veteri, esse in Iesu Christo impleas. Quæ de causa Christus ipse Iudeis sic dicebat Ioan. 5. v. 39. *Seruantini Scripturas, &c. & illa sunt quæ testimonium perhibent de me.* Et Petrus Apost. Epist. 2. c. 1. v. 16. & sequentibus, postquam narrauit mysterium Transfigurationis, cuius ipse testis oculatus extiterat, audieratque vocem illam de cælo delapsam à magnificè gloria, attestantem Christi diuinitati, & doctrinæ, *Hic est filius meus dilectus, in quo mihi complacui, ipsum audite* : addit, *Et habemus firmiorem Propheticum Sermonem, cui bene facitis attendentes tanquam lucernæ lucens in caliginoso loco.* Quod eo fine addit, vt rectè expendit D. Augustinus Serm. 17. de verbis Apostoli cap. 4. quia ad probandam Christi diuinitatem, & veritatem eius doctrinæ, firmius erat argumentum, quod ex Prophetijs de illo & vero Messia prædictis sumebatur. *Sunt enim, inquit, homines infideles, quæ sic deiecerunt Christo, vt dicant eum magicis artibus scisse, quæ fecit (vt Iudei illi qui dicebant, in Beelzebub principis demoniorum eiecit demonia, Luc. 11.) Possunt ergo infideles delatam de cælo vocem per illicitas curiositates ad magicas artes referre. Sed Prophetia antea fuerunt. Nondum erat homo Christus, quando missi Prophetæ. Si ergo magicis artibus fecit vt cohererent mortui, nunquid erat magus antequam natus?*

Vt autem questio proposita, quæ maximi est momenti, accuratius explicetur, tria prænotanda sunt, quæ supradicti recentiores prudentes obseruauerunt. Primum est, quod sicut Deus in Testamento veteri verum Messiam designauit per aliquas notas sensibiles, quibus posset humano, & sensibili modo innotescere hominibus, & discerni à Pseudochristis : vt, quod esset venturus deficiente sceptro de domo Iudæ; nasciturus ex Virgine in oppido Bethleem, de Tribu Iudæ, ex semine Dauid, &c. Ita in veroque Testamento designauit Ecclesiam notis quibusdam sensibilibus, vt per eas modo hominibus accommodato cognosci posset, & discerni à Sectis, nomen Ecclesiæ sibi falsò usurpantibus. Cum enim, vt rectè ait S. August. Epist. 56. in fine, *Tantum culmen auctoritatis, immenque rationis, in solo saluatore nomine Christi Iesu, & eius vniuersa Ecclesia; recreando, ac refo-*

91.
Ecclesia
vniuersa
lis sit ne
viua Re-
gula fi-
dei?

91.
Statue
questio-
nis.

92.
Vult
Deus vt
posset Ec-
clesia dis-
cerni fen-
ditur.

mando humano generi constitutum sit: oportuit Deum signis quibusdam diuinis reddere conspicuam, utriusque auctoritatem, & hominibus facile cognoscibilem. Quod utrumque quo modo fecerit in Scripturis diuinis, exponit idem S. Doctor Epist. 50. Et Concion. 2. in Psalm. 30. Super illa verba versus 11. Qui videbunt me, foras fugerunt à me, addit factum esse diuinam Providentiam, vt quia plures erant futuræ contentiones circa veram Ecclesiam, quàm circa Christum: Prophetæ magis exprellerint Ecclesiam, quàm Christum, notisque magis sensibilibus illam designauerint: nempe oraculis de perpetua eius visibilitate, diffusione per totum orbem, eminentia, &c. Quæ etiam de causa ait Epist. 170. ad Seuerinum, facile esse videre Christi Ecclesiam comparatam ciuitati supra montem posite, quæ abscondi non potest. Et lib. 2. de Vnit. Ecclesiæ cap. 16. dicit eos, qui non vident Ecclesiam, malle clausis oculis offendere in hunc montem, quàm ascendere. Et lib. 2. contra Parmenianum. cap. 3. commune esse ait omnibus Hæreticis, non videre rem omnium, quæ sunt in mundo, maximè visibilem, Ecclesiam in luce gentium constitutam. Plura eiusdem & aliorum veterum testimonio ad idem confirmandum, videri possunt apud Barlaam. tom. 2. Clypei cap. 19. & 20.

Alterum prænotandum est, quòd, vt rectè aiunt eruditi quidam recentiores, sicut Deus ideo Christum designauit per notas illas sensibiles de vero Messia prædictas, vt Iudei illi cognito adhererent, & veritatem fidei ab illo discerent; ita vt Christus, iam cognitus vt verus Messias, esset illi Regula fidei infallibilis, haberentque pro vero, & à Deo reuelato, quicquid ille doceret. Sic Ecclesiam certis notis visibilibus ideo designauit, & conspicuam fecit hominibus, vt illam amplectantur, & veritatem fidei ab illa velut fidei eius interprete accipiant, habeantque pro vero infallibiliter, & diuinitus reuelato, quicquid ipsa vt tale proposuerit. Id de Christo non negant Hæretici. De Ecclesia verò patet ex sequentibus testimonijs: Isaiæ 2. v. 2. *Et erit in nouissimis diebus preparatus mons domus Domini in vertice montium, & eleuabitur super omnes colles, & fluent ad eum omnes gentes. & ibunt populi multi, & dicent: Venite, & ascendamus ad montem Domini, & ad domum Dei Iacob, & docebit nos vias suas, & ambulabimus in semitis eius.* Et cap. 60. *Surge, illuminare Ierusalem, quia venit lumen tuum, & gloria Domini super te orta est: & ambulabunt gentes in lumine tuo, & Reges in splendore ortus tui.* Ex Ephes. 4. *Ipsè dedit quosdam quidem Apostolos, quosdam autem Pastores, & Doctores, &c. Vt non simus sicut paruuli fluctuantes, & circumferamur omni vento doctrinae.* Idem etiam docent Sancti Patres, Irenæus lib. 3. contra Hæres. cap. 4. *Non oportet apud alios querere veritatem, quam facile est ab Ecclesia sumere: cum Apostoli, quasi in depositarium diues, plenissimè in eam conuulerint omnia, quæ sunt veritatis, vt omnis quicumque velit, sumat ex ea potum vite. Hæc est enim visa introitus: omnes autem reliqui fures sunt, & latrones. Propter quod oportet deuorare quidem illos.* August.

enarrat: 3. in Psalm. 30. circa illa verba, *Proteges eos in tabernaculo tuo à contradictione linguarum:* sic idem affirmat: *Contradictione lingue multa, diuersa hæreses, diuersa schismata personarum: lingue multa contradicunt veracis doctrinae. Tu curre ad tabernaculum Dei, Ecclesiam Catholicam tene, à Regula veritatis nolis discedere: & protegeris in hoc tabernaculo à contradictione linguarum.* Et lib. 1. contra Crescon. cap. 33. *Quisquis ergo falsi mensus huius obstruituræ questionis, Ecclesiam confutat, quam sine vlla ambiguitate Scriptura demonstrat.* Hinc ampliùs confirmatur id, quod iam alibi notauimus, & iterum notare non erit inutile: intentionem Dei, & Christi omnino peruari ab Hæreticis huius temporis, affirmantibus notas veræ Ecclesiæ, per quas à nobis cognosci, & à falsis discerni possit, non esse alias, quàm veram predicationem verbi Dei, & sinceram administrationem Sacramentorum. Tum quia æquè obscurum, & ligiosum est vbi sit vera predicatione verbi Dei, & sincera administratio Sacramentorum; quàm vbi sit vera Ecclesia: de illo enim non minùs Sectæ inter se, & cum Ecclesia Romana litigant, & vnaquæque id apud se reperiri æquè gloriatur. Tum etiam quia si ita esset, oporteret priùs nosse quæ sit vera predicatione, seu professio verbi Dei, quàm cognoscamus veram Ecclesiam. Atque ita cognitio veræ Ecclesiæ esset medium inutile ad cognitionem veritatis fidei, quia supponeret illam iam esse cognitam: cum tamen Christus Ecclesiam, notis suis sensibilibus notam fecerit, eo fine vt homines ad illam recurrerent, fideique veritates ab illa discerent.

Obseruandum est tertio, notas Ecclesiæ in Scripturis expressas, plures à quibusdam Catholicis, ab alijs verò pauciores numerari: sed eas omnes facile reuocari posse ad quatuor illas, ab omnibus receptas, & in Symbolo Nicæno expressas, quod Concilium tanquam verum, & legitimum admittunt Caluistæ art. 5. Confessionis fux. Dicitur autem in illo Symbolo Ecclesia esse Vna, Sancta, Catholica, & Apostolica. Itaque nobis probandum incumbit has quatuor notas conuenire Romanæ Ecclesiæ: quo nomine non intelligimus solam fidelium societatem vrbe Romanæ inclusam, vt fingunt aliqui aduersariorum: sed totam illam multitudinem hominum, qui vbiq; terrarum vnam, & eandem fidem professentur, sub vno, eodémque Pastore vniuersali Pontifice Romano, cui tanquam Capiti Ecclesiæ visibili, Christi Vicario in terris, & legitimo Petri successori, adherent. Dupliciter autem valent hæ notæ ad argumentandum contra Hæreticos. Primò negatiue, inferendo nullam Sectam esse veram Ecclesiam, quæ non habet has notas. Secundo positiue, inferendo illam esse veram Ecclesiam, quæ his notis insignita est. Priori modo singulæ seorsim sufficiunt: & ex illis etiam singulis argumentantur sæpius sancti Patres contra hæreticos sui temporis, vt videbitur paulò pòst. Posteriori, singulæ etiam sufficiunt, eo modo, quo à nobis explicabuntur: sed multò magis omnes simul sumptæ.

94.
Vt fidei
veritas ab
illa acci-
peretur.

95.
Notæ il-
lus sen-
sibiles sunt
multæ.

SECTIO X.

Prima nota vera Ecclesie, VNITAS.

96.
Vera Ec-
clesia est
vniuersa.

Primò igitur veram Ecclesiam esse Vnam, id est vnicam, docet Scriptura pluribus locis. Cantic. 6. *Vna est anima mea, formosa mea, columba mea.* Ioan. 10. *Fiet vnum Ovis, & vnus Pastor.* Rom. 11. *Multis vnum corpus sumus: vnum scilicet corpus Ecclesie, de qua idem Apostolus Ephes. 1. in fine sic ait: Ipsum adus caput supra omnem Ecclesiam, qua est corpus ipsius, & pleniendo eius.* Et cap. 4. v. 15. *Crescamus in vno per omnia, qui est caput Christus, ex quo totum corpus compabatur, & conuincitur per omnem iuncturam submirationis, secundum operationem, &c.* alibique sæpius loquitur Apostolus de vera Christi Ecclesia vt de vna. Hæc autem vnitas consistit in professione vnica, eiusdemque fidei, non actuali solum, sed etiam fundamentali, & habituali quâdam dispositione: ita vt vera Ecclesia Christi habeat in seipsa principium indissolubilitatis, & vniuersionis in fide. Quod principium in eo consistit, quod iuxta Christi institutionem tenentur omnes fideles submittere proprium iudicium in dubijs, & controuersijs fidei, definitioni, & sententiæ illorum, quibus in persona Petri dictum est, *Tu es Petrus, & super hanc petram ædificabo Ecclesiam meam: & porta inferi non præualebit aduersus eam*, Matth. 16. & à quibus tota illa Ecclesia, semper duratura, & nunquam defectura in fide, pascenda est verbo Dei, & regenda; iuxta illud eiusdem Christi, Ioan. 21. *Pasce Agnos meos; pasce Oves meas.* De quibus etiam Pastoribus, & alijs legitime subordinatis dixit, Luc. 10. *Qui vos audit, me audit: Quique Christo dari sunt Ecclesie, vt firmiter illis adhæreamus, & non fluctemus, aut circumferamur omni vento doctrinæ, Ephes. 4. De quibus denique dictum est Matth. 18. Si Ecclesiam non audierit, sit tibi tanquam Ethnicus, & Publicanus. Amen dico vobis, quacumque alligaueritis super terram erunt ligati, & in celis: & quacumque solveritis super terram, erunt soluta & in celis.*

97.
Eius cau-
sa & ra-
dix.

Cum enim quisque fidelium proprio iudicio renuntiat, vt firmiter adhæreat illis, quos Christus in Ecclesia posuit, velut fidei duces, & infallibiles verbi sui interpretes: facile est inter eos vnitatem fidei conseruari. At verò, si (vt faciunt Hæretici) suprema Regula fidei cuiusque, sit priuatum eius iudicium; & quisqueumat licentiam interpretandi verbum Dei, prout ipsi melius videbitur, vspérque sibi ius examinandi ipsam Pastorum suorum doctrinam, Conciliorum definitiones, antiquitatis consensum, & cætera omnia, per verbum Dei intellectum eo modo, quo putat sibi interius suggeri à Spiritu sancto, id est (sicut docet experientia) proprio cuiusque spiritu, & iudicio: manifestum est, & experientiâ quodiandâ compertum, non esse illud firmum vniuersionis in fide principium, sed secundum discordiarum & hæreseon seminarium: vt videre est

in Hæreticis huius temporis, qui Lutheranam hæresim in centum, & amplius Sectas diuersas distaxerunt. Verissimum enim de illis est, id quod de alijs Hæreticis notauit Irenæus lib. 1. cap. 5. initio, Inconstantem esse illorum sententiam, cumque sunt duo vel tres, de eisdem non eadem dicere, sed & nominibus, & rebus contraria respondere. Et alibi sic de iisdem ait: Etiam qui recitantes eorum agnoscunt, afficiantur per singulos dies nouum aliquid inuenire, & fructificare quod nunquam quisquam excogitauit. Et Tertull. lib. de præscript. c. 42. *Mentior si non etiam à Regulis suis variari inter se: dum unusquisque proinde suo arbitrio modulatur quæ accepit, quemadmodum de suo arbitrio composuit ille qui tradidit. Agnoscit naturam suam, & originem suam morem, profectum vni.* Idem lucius Valentinianus, quod Valentinus. Idem Marcionis quod Marcioni, de arbitrio sua fidem innotare. Denique penitus infecta hæreses, omnes in multis cum auctoribus suis dissentientes deprehenduntur.

Porro hanc vnitatem, cuiusque principium, non esse in Sectis Hæreticorum, quæ nunc vigent, vt neque fuit in antiquioribus, manifestum est ex ipso eorum doctrina. Nullum enim agnoscunt Pastorem vniuersalem, aut Pastorum cætum, qui sit interpres infallibilis fidei, & cuius sententiæ necessariò adhærendum sit: sed pro suprema fidei Regula sumunt internam, vt sibi videtur, persuasionem Spiritus sancti, id est, priuatum cuiusque spiritum, quo Scripturæ diuinæ veritatem quoad litteram, & sensum, se præcipue cognoscere profitentur: ex qua, per eundem priuatum spiritum intellectâ, cætera omnia examinanda, & regulanda sunt, vt aiunt Caluiniſtæ art. 5. suæ Confess. Gallicanæ. Eademque est suprema Regula Lutheranorum, & aliorum Sectariorum huius temporis; priuatus scilicet cuiusque spiritus, & interna, vt putant, Spiritus sancti persuasio, per quam verum à falso ipsi discernunt in fidei controuersijs, & fidem sibi quisque format, sequens illam sententiam, quæ melior sibi videtur. Contrâ verò, hoc principium vnitatis in Ecclesia Romana reperiri manifestum est ipsâ expectantia. Quippe cuius dogma celeberrimum, nemini quænotum est, in omnibus fidei controuersijs sequendum esse iudicium Ecclesie loquentis per caput suum visibile, & per alios Pastores, ei legitime subordinatos, secundum Christi institutionem. Nec vllus est Catholicorum, qui non agnoscat esse in Ecclesia iudicem aliquem viuientem, & loquentem, cuius sententiæ in rebus fidei necessariò standum sit. Et quamvis Doctores Catholici dissentiant in quibusdam nondum satis clarè ab Ecclesia definitis, aut in Verbo Dei non satis expressis: tamen nullus eorum est, qui non suum circa hæc iudicium submittat definitioni, & sententiæ Ecclesie. Quæ, si expedit, & si quæritio potest ex Verbo Dei definiti, eam determinat. Sin minus; prohibet vtrique parti ne aliam condennet: & sic omnes in vnitatem fidei continent.

Eandem vnitatem in antiqua Ecclesia agnouerunt, & veluti notam eius illustrem commendarunt sancti Patres. Cyprianus lib. de

98.
Deest illa
nota hæ-
reticis.Est in Ec-
clesia
Rom.99.
Patres
hanc vo-
luntate

is agnos-
cunt, & ce
commen-
dant.

Vnitatem Ecclesie, cap. 5. *Ecclesia, Domini lu-*
cens, & ce persusa, per orbem totum radios suos porrigit:
unum tamen lumen est, quod ubique diffunditur:
nec unitas corporis separatur. Ramos suos in uni-
uersam terram copia uberitatis extendit. Profluen-
tes largitur rivos, latius expandit. Unum tamen
caput, & origo una, & una mater, fecunditatis
successibus copiosa. Illius facti nascimur: illius
lacte nutrimur: spiritum eius animamur. Adultera-
ri non potest sponsa Christi: incorrupta est, & pu-
dica: unam domum nouit: unius cubiculi sancti-
tatem casto pudore custodit, & inferius longe post
verba iam relata: Cum Harets, & Schismata
postmodum nata sint, dum conuenicula sibi diuersa
constituunt, veritatis caui, atque originem reli-
querunt. Hoc autem caput, & originem veri-
tatis esse Petri Cathedram, id est, Romanos
Pontifices, docet idem Cyprianus lib. 1. Epist.
3. alias Epist. 55. Vbi sic ait de Nouatianis.
Post ista, adhuc insuper Pseudopiscopo ius ad
Hæreticum constituto, nauigare audent & ad Pe-
tri Cathedram: atque ad Ecclesiam principalem,
unde unitas Sacerdotalis exorta est, a Schismati-
cis & prophanis literas ferre: nec cogitare eos
esse Romanos, ad quos perfidia habere non possit
accessum. Ibidemque addit, non aliunde natas
fuisse Hæreses, aut orta Schismata, quam
quod vni Sacerdoti Dei ab vniuersa Fraterni-
tate non obtemperatur. Ambrosius in Ora-
tione de obitu Saryri Fratris, sic de illo ait:
Adulauerit ad se Episcopum, percutitatusque est
ex eo, vitium cum Episcopo Catholicis, id est,
cum Ecclesia Romana conuenit. Hieronymus
Epist. 58. ad Damasum Papam, Hic in tres par-
ter scissa Ecclesia, me ad se rapere festinat. Ego
interim clamito: si quæ Cathedra Petri iungitur,
meum est, &c. Ego beatitudinis tue, id est, Cathedra
Petri conficior. Super illam petram, adificatam Ec-
clesiam scio, &c. Aug. Epist. 162. de Cæciliano
loquens, Qui posset, inquit, non curare consti-
tantem multitudine inanimatorum, cum se videret
Romane Ecclesie, in qua semper Apostolica Ca-
thedra vixit principatus, per Communicatorias
literas esse conuulsum.

SECTIO XI.

Secunda nota vera Ecclesie, SANCTITAS,
& gloria miraculorum.

100.
Vera Ec-
clesia est
Sancta.

Secundò, veram Christi Ecclesiam esse San-
ctam docet Scriptura Cantic. 6. v. 9. Vbi
de Sponsa Christi Ecclesia, sic dicitur: *Qua est*
ista, que progreditur, quasi aurora surgens,
pulchra ut Luna, electa ut Sol? Ephes. 5. v. 26.
Viri, diligite uxores vestras, sicut & Christus
dilexit Ecclesiam, & seipsum tradidit pro ea, ut
illam sanctificaret. Tit. 2. v. 14. Dedit semet-
ipsum pro nobis, ut nos redimeret ab omni iniqui-
tate, & mundaret sibi populum acceptabilem,
sectatorem honorum operum. 1. Petri 2. v. 9. Vos
autem genu electum, regale Sacerdotium, gens
sancta, populum acquisitionis, &c. Hæc autem
sanctitas Ecclesie in duobus consistit. Nempe
in sanctitate totius doctrinæ, quam proficitur:
& in sanctitate vitæ eorum, qui se illius do-

In quo
consistit
hec San-
ctitas?

Tomas II.

ctrinæ conformant: quippe quæ à licentia pec-
candi auerit, & ad probitatem morum, vi-
tæque sanctitatem impellit, ad illamque mul-
tos reipsa promouet. Hac verò notâ destitu-
tas esse Hæreticorum Sectas, quæ nunc vi-
gent, manifestum est ex multis earum dogma-
tibus. Nam docent multa sanctitati aduersa, Deest sc-
quæque hominibus peccandi licentiam dant. Aus hære-
ticorum.
Vt, non teneri homines ad legem Dei seruandam: illiusque obseruantiam esse impossibi-
lem, etiam cum gratia Dei. Omnia hominum
opera esse peccata. Liberum hominis arbi-
trium extinctum esse. Deum esse peccati au-
ctorem, & ad peccandum impellere, & co-
gere. Hominem solâ fide iustificari. Non im-
putari illi peccata vlla, dummodo credat omnia
sibi esse remissa propter Christum, illiusque
iustitiam ad se pertinere. Peccata non esse
necessariò aperienda in confessione, neque
vllâ satisfactione expianda. Quæ & similia
nemo non videt, ad sanctitatem morum non
conducere, sed potius ad peccandi licentiam
incitare. Ex quibus etiam tanta morum cor-
ruptio secuta est apud huius doctrinæ Sectato-
res, quantum ipsimet eius Auctores præcipui
agnoscunt, & deplorant, verbis fideliter rela-
tis à Tannero quæst. 3. de Fide, dub. 4. n. 132.
& sequentibus. Quare si qui inter illos bene
moraliter viuunt: id non est vi doctrinæ, quam
profitentur; sed bonæ indolis, quam à Deo
fortiti sunt, & quam adhuc falsa illa doctrina
non corrumpit.

Contrà verò, si qui in Ecclesia Catholica
male viuunt; id contingit ex ipsorum malitia,
non autem vi, & ductu principiorum fidei
Catholicæ, quæ potius ad licentiam peccandi
coercendam, vitæque probitatem gignendam
aptissima est. Nam ad morum sanctitatem ef-
ficaciter incitat: multosque etiam nunc, qui
ei se conformant, promouet ad præceptorum,
imò etiam consiliorum Euangelicorum obser-
uantiam, ad continentiam, abstinentiam, con-
cordiam, & charitatem eximiam erga omnes,
constantiam fidei vsque ad mortem pro Chri-
sto subeundam, aliasque virtutes heroicas. Vt
enim dicere omittam quotquot in Historijs,
& Martyrologijs recensentur Sancti, fuisse
Romanæ Ecclesie cultores, maximæque ex
parte Episcopos, Sacerdotes, Eremitas, Mo-
nachos, Sanctimoniales: vt Iræneum, Cy-
prianum, Basilium, Nazianzenum, Nyssenum,
Chrysost. Ambros. Hieronym. Augustinum,
Gregorium magnum, Bernardum, & alios,
quos ipsimet Aduersarij Sanctos passim appel-
lant, & fuisse non dissidentur, locis relatis à
Tannero suprà, num. 124. & 125. Vt, inquam,
illos omittam, & de Ecclesia Romana præsen-
tis temporis loquar: de illa verè dici potest id,
quod de Ecclesia sui temporis scribebat Aug.
lib. 1. de morib. Ecclesie c. 30. & 31. multos
per Dei gratiam in illa esse hospitales, multos
officiosos, multos misericordes, multos castos,
& sanctos, multos vsque adeo Dei amore fla-
grantes, vt eos in summa continentia, & huius
mundi incredibili contemptu, etiam solitudo
delectet; summæque continentie Christiano-
rum hominum multitudinem, per totum orbem

101.
Mala
quorun-
dam vita
obest.

Q

in dies magis magisque diffundi.

101.
Ad illam
pertinet
gloria
miracu-
lorum.

Ad eandem notam pertinet gloria miraculo-
rum, quibus Deus Sanctitati doctrinæ Romanæ
Ecclesiæ, & professorum illius attestatur.
Nam quod potestas edendi miracula sit nota
veræ Ecclesiæ, docet Christus ipse Marci ult.
Signa autem tui, qui crederis, hæc sequentur.

In nomine meo dæmonia ejiciunt, &c. Et quidem
negari non potest illam esse veram Ecclesiam,
cuius veritati, & sanctitati Deus olim testimo-
nium præbuit, & nunc etiam præbet per mi-
racula. Atqui Romanæ Ecclesiæ præbuisse
olim, & nunc etiam præbere liquet ex anti-
quorum scriptis, & ex ijs, quæ postremo etiam
seculo pluribus in locis, in conspectu populo-
rum, & vrbium gesta sunt: siue ad Dei, &
Sanctorum invocationem, præcipueque B.
Virginis, ijs in locis, in quibus specialiter co-
latur: siue ad confirmationem fidei, apud In-
dos, & Iaponios propagatæ per Franciscum
Xaverium, & alios fidei Romanæ alumnos:
cuius etiam corpus incorruptum, quamvis in
calce viua primò sepultum, centum iam an-
nos, & amplius permansit. Miracula singulis
seculis facta in fauorem Romanæ Ecclesiæ, ex
optimis, & fide dignis Auctoribus referunt
Bellarminus lib. 4. de Ecclesia c. 14. Bosius in
libris de notis Ecclesiæ, & Coccius lib. 3. art.
13. Speciarim verò notandum est pleraque il-
lorum facta esse in confirmationem eorum dog-
matum, quæ profiteretur Romana Ecclesia, quæ-
que nunc ab Hæreticis impugnantur. Ex. gr.
per Religiosam applicationem signi Crucis: vt
de sancto Gregorio Thaumaturgo refert Gre-
gorius Nyssenus in eius vita: & de sancto Hil-
lariione, Hieronymus; & de sancto Martino,
Sulpicius. Per contactum, aut præsentiam re-
liquiarum: vt de reliquijs sancti Stephani re-
fert Aug. lib. 22. de Ciuit. c. 8. & de S. Babyla
Chrysostomus in oratione de illo scripta. Ad
inuocationem Sanctorum: vt de S. Cypriano
scribit Gregor. Nazian. in oratione 18. de S.
Cypriano, prope finem: Ad præsentiam Eu-
charistiæ: vt refert idem Nazian. in oratione
de S. Gorgonia, Cyprian. in Sermone de lapsis,
& Chrysostomus lib. 6. de Sacerdotio cap. 4.
Notandum etiam quod sicut olim in Synagoga
erant aliqua continua miracula, quale erat il-
lud probatæ piscinæ Ioan. 5. sic in Ecclesia
Euangelica, præter frequentes dæmonum eie-
ctiones, & variorum morborum curationes:
aliqua sunt perpetua miracula, quale est illud
ampullæ sanguinis B. Iuanijs, qui Neapoli as-
seruatur, & perpetuò liquescit ad præsentiam
capitis eiusdem sancti: Et olei, quod ex cor-
pore S. Nicolai perpetuò fluit Barij in Apulia,
& morbis quibudam miraculose medetur: Et
curatio Strumarum per Reges Christianissi-
mos.

102.
Dress hæc
nota Se-
ctis hæ-
reticorū.

Hæc autem omnia, Sectis hereticorum de-
esse tam manifestum est vel ipsorum confes-
sione, vt probatione non egeat. Verissimum
enim est, quod Luthero, eiusque Sectarijs
exprobrauit Erasimus in Diatribæ de libero ar-
bitrio, *Apostolis, quoniam excubabant vipers,*
sanabant egrotos, excubabant morinos, imposita
manu dabant dona linguarum, ita demum credi-

*tum est, & vix credidum est illis paradoxa doceri-
ribus. Nunc cum (Lutherani, alijque Nouatores)*
iuxta communem opinionem afferant parado-
xiora: nullus illorum adhuc existit, quæ vel equum
claudum sanare poteris. Et si aliquando tenta-
rent miracula facere, aut fingere; infeliciter
illis successit; vt de Luthero scribit Staphylus,
& de Caluino Bolefcus cap. 13. lib. de vita Cal-
uini. Quod verò dicunt nullam iam fieri mira-
cula: ideo dicunt, quia nulla ipsi faciunt: im-
meritoque damnant fatuitatis omnes Prin-
cipes, Magistratus, & populos Catholicos, qui
non potuerint simulationes implas à veris mi-
raculis discernere, in rebus tam recentibus, &
tam multorum oculis expostis. Quasi verò Iap-
ponij & alij populi ingeniosi, & exculti, non
potuerint fraudes illas tam frequentes depre-
hendere, in omnium conspectu positas; & per
præstigias induci sine ad amplectendum fidem,
quam vsque ad sanguinis effusionem, & morte
acerbissimam constantissimè retinent. Om-
nino enim in Ecclesia Iaponica renouatur con-
stantia martyrum, quæ fuit primis Ecclesiæ
temporibus. Adde quod vitæ sanctitas Xau-
erij, & similibus per quos illa sunt edita, suffi-
cit ad huiusmodi suspensionem longè propulsa-
dam. Eius autem Sanctitati attestatur, non so-
lum totus orbis Catholicus; sed & ipsi Hære-
tici, vt alibi offendimus Disput. 5. Sect. 4.
num, 19.

Frustra quoque obijciunt illud Apostoli 1.
Cor. 14. v. 22. *Lingua in signum sunt, non fide-*
libus, sed infidelibus. Nam licet miracula non
dentur fidelibus, & iam credentibus, tanquam
illis necessaria ad credendum; sed infidelibus,
qui sine illis non credunt: Tamen non desunt
etiam nunc infideles ad Christum conuertendi,
Et profunt etiam illa confirmandis fidelibus.
Ac si antiqua Iudæorum Ecclesia, quamdiu
veram fidem retinuit, non caruit miraculis,
quamvis non adeo frequentibus, atque cum
fuit in Ægypto inchoata, & in deserto fundata:
sic neque illis destituitur Ecclesia Euangelica.
Si enim ministratio mortis, literis deformata in la-
pidibus, fuit in gloria, &c. quomodo non magis
ministratio Spiritus erit in gloria? vt ait Paulus
2. Cor. 3. v. 7. & 8.

104.
Soluun-
tur eorū
arg. con-
tra mira-
cula.

Frustra quoque opponunt illud Matth. 13.
Generatio praua, & adultera signum queris, &c.
Nam ibi reprehenduntur solum illi, qui cre-
dere reculant post signa sufficientia iam exhi-
bita: vt Scribæ illi & Pharisei, de quibus lo-
quitur Matthæus cap. cit. & quamvis Anti-
christus edet aliqua signa, & prodigia, & qui-
dem tam multa, & talia, vt in errorem indu-
cantur, si fieri potest, etiam electi, Matth. 24.
Deus tamen eorum falsitatem, & imposturam
deteget, & breui impium interficiet, spiritu
oris sui: atque virtute potentiori se illi oppo-
nent per Enoch, & Eliam: Ita vt non decli-
pantur nisi imprudentes, & non satis atten-
dentes ad Christi prædictiones, & præmoni-
ones, atque ad illa ipsa, quæ tunc fient per
veros Dei & Christi cultores, qui & illas im-
posturas detegent, & vera miracula fidei illis
prodigijs, & signis opponent: vt olim Deus
opposuit Magis Pharaonis in Ægypto per Mo-

105;

fen; & Romæ Simoni Mago per Petrum Apostolum; & Elime per Paulum. Specialiter verò notandum est, quòd sicut Deus spoliavit Synagogam gloriâ miraculorum, postquam à vera fide, & religione defecit: sic ad eius providentiam pertinuerit, ipsam priuare Romanam Ecclesiam, & non permittere tamdiu per illam illud homines, si à vera religione defecisset à mille iam annis, & amplius, vt volunt Sectarij. Alia, quæ opponunt, sunt planè similia ijs, quæ olim Iudæi opponebant Christi miraculis, & infideles miraculis Christianorum, apud D. Aug. lib. 22. de Ciuit. c. 8. quibus ipse plenissimè responderet.

106.
Conuer-
sio gen-
tiliū facta
est per
Ecclesiā.

Huc etiam pertinet conuersio Gentium à cultu idolorum ad Christum per homines miraculis illustres, quaquaversum à Sede Apostolica missos, & Ecclesiæ Romanæ alumnos: Qui, vt veri Successores Apostolorum, prædicauerunt vbique, Domino cooperante, & sermonem confirmante sequentibus signis. Nam sine dubio illa est vera Christi Ecclesia, per quam impleta est, & adhuc impletur prophetia, de vniuersi orbis conuersione à cultu idolorum ad fidem Christi. At hoc factum esse, & fieri adhuc per cultores Ecclesiæ Romanæ patet ex antiquis, & recentibus historijs. Qua de re vide Bosium lib. 4. de notis Ecclesiæ c. 2. vbi ex antiquorum testimonijs ostendit primis quatuor Ecclesiæ sæculis missos fuisse à Romano Pontifice, quotquot inter Gentiles varijs locis fundarunt Ecclesias: & Lessium in Consultatione, considerat. s. vbi ostendit per tredecim, aut quatuordecim sæcula Gentes omnes, quæ Christi fidem amplecti cœperunt, fuisse à filijs Romanæ Ecclesiæ conuersas. Et nouum orbem hoc postremò sæculo per eandem fuisse conuersum à Gentilismo ad Christum, adhucque conuerti, notissimum est. Contrà verò Hæretici, vt de illis iam pridem notauit Tertullianus lib. de præscript. cap. 42. nunquam Ethnicos ad fidem Christi conuertunt, sed Christianos iam factos peruertunt. Hoc enim illis negotium est, non Ethnicos conuertendi, sed nostros emendandi. Hanc magis gloriam captant, si stantibus ruinam, non si sacentibus eleuationem operentur: quoniam & ipsum opus eorum, non de suo proprio edificio venit, sed de veritatis destructione. Nostra suffodiunt, vt sua edificent. Qua de re vide Bellar. lib. 4. de Ecclesia, c. 12. & Bosium lib. 4. de Notis Ecclesiæ cap. 11. & lib. 6. cap. 3.

SECTIO XII.

Tertia nota vera Ecclesiæ, quòd sit CATHOLICA.

107.
Vera Ec-
clesia est
Catholi-
ca.

Terriò, veram Christi Ecclesiam esse Catholicam, id est, toto orbe noto & habitabili sensum diffusam, docet Scriptura Psal. 2. *Postula à me, & dabo tibi gentes hereditatem tuam, & possessionem tuam terminos terræ. Isaïa 2. In die illa erit preparatus mons domus Domini in vertice montium, & fluent ad eam omnes gentes, &c. Malach. 1. v. 11. Ab ortu Solis, vsque ad occasum, magnum est nomen meum in gentibus, &*

in omni loco sacrificatur, & offertur nomini meo oblatio munda: quia magnum est nomen meum in gentibus dicit Dominus exercituum. Matth. vlt. Euntes docete omnes gentes. Marc. 16. Ibi autem profecti prædicauerunt vbique Domino cooperante, & sermonem confirmante sequentibus signis. Luc. 24. Sic scriptum est, & sic oportebat Christum pati, & prædicari in nomine eius penitentiam, & remissionem peccatorum in omnes gentes, incipiendo à Ierusalem.

De hac eadem nota D. Aug. lib. contra Epist. Fundamenti c. 4. *Tenet me, inquit, in Ecclesia ipsum Catholicæ nomen, quod non sine causa inueni iam multas hereses, sic ipsa Ecclesia obtinuit, vt cum omnes Hæretici se Catholicos dici velint, querenti tamen peregrino alicui, vbi ad Ecclesiam Catholicam, conueniatur, nullus Hæreticorum vel basilicam suam, vel domum audeat ostendere. Et Epist. 170. ad Severinum, Ipsa enim Ecclesia Catholica, vnde Romana græce appellatur, quod per totum terrarum orbem diffunditur. Et lib. 2. contra literas Petilian, c. 38. Dicente ipso Domino, Non est vestrum iura tempora, vel momenta, quæ Pater posuit in sua potestate: sed accipietis virtutem. Spiritus sancti superuenientem in vos: & eritis mihi testes in Ierusalem, & totam Iudæam, & Samariam, & vsque in totam terram: Ecce vnde Catholici vocatur. Et Epist. 48. ad Vincentium, post medium: Sicut anathema erit, qui annuntiauerit Christum neque passum esse, neque tercia die resurrexisse: quoniam in Veritate euangelica accepimus, & oportebat Christum pati, & resurgere à mortuis tercia die: sic erit Anathema quisquis annuntiauerit Ecclesiam præter communionem omnium gentium: quia eadem veritate consequenter accepimus, & prædicari in nomine eius penitentiam, & remissionem peccatorum in omnes gentes, incipientibus ab Ierusalem: & inconcusso tenere debemus, quisquis vobis annuntiauerit, præterquam quòd accepistis, Anathema sit.*

Ex eademque notâ veræ Ecclesiæ sæpius argumentatur idem S. Doctor contra Donatistas, vt probet eorum Sectam non esse veram Christi Ecclesiam, quia solo angulo quodam Africæ continebatur: vt cap. 104. libri 1. contra Petilian. *Hac est, inquit, Ecclesia nota certissima, quòd non potest ascendi, sed omnibus gentibus est conspicua. Secta Donati multis gentibus est ignota: ergo non est vera Ecclesia. Et lib. 4. de Symbolo ad Catechumenos, cap. vlt. Audio, inquit, contractum nuptiarum vere Sponsæ, Postula à me, & dabo tibi gentes hereditatem tuam. Quacumque sedes in angulo (puta in Numidia) ancilla est, non domina. Et Epist. 50. Innumerabilia, inquit, sunt testimonia librorum Sanctorum, in quibus apparet Christi Ecclesia, non in sola Africa, sicut isti (Donatistæ) impudensissimè vanitate delirant, sed toto orbe terrarum diffusa. Et lib. de Vnit. Ecclesiæ cap. 5. Nolo humanis documentis, sed diuinis oraculis sanctam Ecclesiam demonstrari. Si enim sancta Scriptura in Africa solum designauerunt Ecclesiam, & in paucis Roma, Ruspianis, & Montensibus, & in domo, vel patrimonio vnius Hispæne mulieris: quidquid de charis alijs aliud proferatur, non tenens Ecclesiam nisi Donatistæ,*

Huius
notæ au-
dientior.

108.
Eiusdem
vis cõtra
hæreti-
cos.

Ecce Si autem Christi Ecclesia Canoniarum Scripturarum diuinitis, & certissimis testimonijs in omnibus gentibus designata est: quidquid attulerint, & vndeunque recitauerint, quod dicunt: Ecce hic est Christus, ecce illic: audiamus potius vocem Pastoris nostri dicentis, Nolite credere. Illa quippe singula, in multis gentibus vbi ista est, non inueniuntur. Hac autem, quae vbi-que est, etiam vbi illa sunt, inueniuntur. Similique argumento vsi sunt alij Patres, vt Athanasius in Epistola Synod. ad Iouinianum Imperat. quam refert. Theodoret. lib. 4. Historiae cap. 3. Basil. Epist. 72. in fine, Pacianus Epist. 1. ad Simpron. vbi eloquentissime id prosequitur.

Porro hanc notam soli Ecclesiae Romanae conuenire inter omnes Sectas, quae Christiano nomine hodie gloriantur, manifestum est experientia, & ipsa confessione Aduersariorum, qui etiam illi soli Catholicae nomen relinquunt, neque sibi hucvique illud tribuere ausi sunt. Vnus verò è ministris recentissimis, ad eludendum argumentum, quod ex hac nota sumitur, ait, nomine Ecclesiae Catholicae, non Romanam solum intelligendam esse, sed collectionem omnium Societatum, quae nomen Christianum profiteantur. At hoc effugium est manifestè contra mentem Scripturae, & Sanctorum Patrum. Nam primò, Scriptura de illa Ecclesia, quae est hereditas Christi, affirmat eam esse toto orbe diffusam, *Postula à me, & dabo tibi gentes hereditatem tuam*, &c. Haereticorum autem Sectae non sunt hereditas Christi. Quisquis enim Sectis Haereticorum iungitur, à promissis Ecclesiae separatur, vt ait Cyprianus lib. de Vnit. Ecclesiae. Secundò, si nomine Ecclesiae Catholicae intelligeretur, omnium illarum Sectarum collectio: nullum fuisset argumentum Augustini, Athanasij, Basilij, Paciani, & aliorum Patrum contra Haereticos affirmantium eorum Sectas non esse veram Ecclesiam, eò quòd non essent toto orbe diffusae. Tertiò Sancti Patres disertè affirmant nomen Catholicae non conuenire Sectis Haereticorum, sed soli verae Ecclesiae, vt patet ex verbis Aug. suprà relatis ex lib. contra Epist. Fundamenti, aliisque locis. Quibus adde quae sequuntur.

109.
Conueni-
t soli
Ecclesiae
Romanae.

110.
Non autē
Sectis
Haereti-
corum.

Cyprianus initio Epist. 73. ad Iubaian. *Neuatiarius simiarum more, inquit, quae cum homines non sint, homines tamen imitantur, vult Ecclesia Catholica auctoritatem sibi & veritatem vendicare, quando ipse in Ecclesia non sit. Optat, Mileuit. lib. 1. contra Parmenian. Praeter unam, quae est vera Catholica, caetera apud Haereticos putantur esse, sed non sunt. Pacianus Epist. 1. ad Simpron. Ego foris ingressus, inquit, populosam urbem hodie, cum Marcionitis, cum Apollinaris, Cataphrygais, Neuatiaris, huiusmodi (Haereticos) comperissem, qui se Christianos vocarent: quo nomine Congregationem meam plebis cognoscerem, nisi Catholica diceretur? Et infertur: Catholicum istud nec Marcionem, nec Apellem, nec Montanum sonat, nec Haereticos sumis auctores. Et paulò post: Ne a filius frater: Christianus mihi nomen est: Catholicus vero cognomen. Illud me nuncupat, istud ostendis. Hoc probat,*

inde significat. Et rursus: Ab Haeretico nomine noster populus hac appellatione diuiditur, dum Catholicus dicitur. Cyrillus Ierosol. Catechesi 18. Si inieris in aliquam urbem, non peias vbi sis Ecclesia, vel domus Dei. Nam etiam Haeretici dicunt se habere domum Dei, & Ecclesiam: sed peias vbi sis Catholica Ecclesia. Id enim nomen proprium sanctae Ecclesiae matris omnium nostrum, quae est Spans Domini nostri Iesu Christi. Ambrosius in Oratione de obitu Sartyri fratris, Aduocanti ad se Episcopum, percontatusque est ex eo, virumnam cum Episcopis Catholicis, hoc est, cum Romana Ecclesia conueniret. Hieron. in Apolog. aduersus Rufin. lib. 1. paulò post initium. Etiam suam, quam vocas? Eamne quae Romana possit Ecclesia? An illam, quae in Originis voluminibus conuenit? Si Romanam respondeas, Ergo Catholicus sumus, quod nihil de Originis errore transulimus, &c. Aug. lib. de Virilitate credendi cap. 7. Vna est Catholica Ecclesia, cui haereses a se diuersa nomina imponunt, cum ipsa singula proprijs vocabulis, quae negare non audeant, appellentur. Ex quo intelligi datur iudicantibus arbitris quos nulla impedit gratia, cui sit Catholicum nomen, quod omnes ambiunt irribuendum. Et lib. de vera Religione cap. 7. Tenenda est nobis Christiana Religio, & eius Ecclesia communis, quae Catholica est, & Catholica nominatur, non solum à suis, sed etiam ab omnibus inimicis. Velint enim, nolint, ipsi quoque Haeretici & Schismatici alumni, quando non cum suis, sed cum extraneis loquuntur, Catholicam nihil aliud, quam Catholicam vocant. Non enim possunt intelligi, nisi hoc nomine eam discernant, quo ab vniuerso orbe nuncupatur. Et denique lib. de Fide, & Symbolo, cap. 10. Credimus, inquit, & sanctam Ecclesiam, vtrique Catholicam. Nam & Haeretici, & Schismatici Congregationes suas Ecclesias vocant. Sed Haeretici, falsis de Deo sentiendo, ipsam fidem violant. Schismatici autem discissionibus iniquis à fraterna charitate disciunt, quamvis ea credant quae credimus. Quapropter nec Haeticus pertinens ad Ecclesiam Catholicam, quae diligit Deum; nec Schismaticus: quia diligit proximum.

Perperam verò obijciunt Nouatores, Ethnicismum latius patere, quam Romanam Ecclesiam, quae ferè aliquot Europae partibus tota continetur. Respondeo enim primò, non comparari hoc loco Ecclesiam veram, seu Romanam cum Ethnismo, sed cum alijs caetibus, qui Christi, & Ecclesiae nomine gloriantur. Secundò, falsum esse Romanam Ecclesiam solà Europà contineri: quia non modò in tota illa, sed & in plurimis Asiae, Africae, & Americae partibus plures habet cultores, & professores, etiam in locis vbi dominantur infideles: in ipsa Vrbe Constantinopolitana, quae Imperij Turcici sedes est, Babylone in Perside, Ierosolymis, & in Aethiopia, Sina, Iaponia, plurimisque alijs locis vtriusque Indiae Orientalis, & Occidentalis. Certè eo tempore, quo vivebant D. Aug. & alij Patres suprà citati, Ecclesia minùs erat diffusa, quam nunc sit. Et tamen ab illis verè dicebatur esse Catholica, & toto orbe moraliter diffusa: indē-

111.
Satisfit
obiectio-
al.

que sumebant argumentum sufficiens ad reijciendas Hæreticorum Sectas, defectu huius notæ veræ Ecclesiæ. Ergo multo magis debet nunc idem argumentum sufficere. Dicere verò non sufficere hanc vniuersalitatē, nisi constet de veritate doctrinæ, est peruertere intentionem sanctorum Patrum, qui volunt eiusmodi vniuersalitatē esse notā veræ Ecclesiæ, & consequenter veræ doctrinæ: vt videre est locis supra citatis. Adde ex D. Aug. lib. 13. contra Faust. c. 11. & lib. 1. de Symbolo ad Catechum. c. 5. tametsi fidei Christianæ professio defecerit in aliquibus regionibus, vbi infideles dominantur: tamen Ecclesiam, quæ nunquam fuit interrupta, & eadem est continuatione, retinere nomen & ius diffusæ per totum orbem, atque adeo Catholicæ: præsertim cum adhuc in illis ferè omnibus regionibus, sint Christiani in notabili multitudine. Atqui sola Romana Ecclesia est illa, quæ nunquam fuit interrupta, neque diuisa ab originali, seu matrice, & radicali societate Christiana, vt loquitur idem August. Est enim impossibile, ostendere quando primum facta sit eius auulso, sicut de omnibus alijs Sectis facili ostenditur.

S E C T I O XIII.

Quarta nota vera Ecclesiæ, quod sit APOSTOLICA.

111.
Vera Ecclesia est Apostolica.

Quartò denique veram Ecclesiam esse Apostolicam, id est, ab Apostolis fundatam, & ab illis ad nos vsque perpetuā successionē visibili continuatam, patet ex Scriptura, quæ affirmat portas inferi aduersus Ecclesiam supra Petrum fundatam, nunquam præaluturas, Matth. 16. & Christum posuisse in Ecclesia Apostolos, Pastores, & Doctores vsque ad consummationem sæculi, ad quos venturamus, vt non circumferamur omni vincto doctrinæ, Ephes. 4. & esse docturam omnes gentes, & baptizaturam; Christumque cum illa hoc munus exercente, futurum omnibus diebus vsque ad consummationem sæculi, Matth. vlt. Est autem manifestum hæc munia esse visibilia, & non posse nisi visibiliter exerceri per visibilem Ecclesiam. De eadem visibili perpetuitate prædixerat Deus per Isaiam, c. 59. quem locum citat pro Ecclesia, Paulus Roman. 11. Hoc fœdus meum cum eis, dicit Dominus: Spiritus meus, qui est in te, & verba mea, quæ posui in ore tuo, non recedent de ore tuo, & de ore seminis tui, & de ore seminis seminis tui, dicit Dominus, amodo, & vsque in sempiternum. Vbi nota, verba Domini nunquam esse recessura, non solum de corde, sed neque etiam de ore, id est, de publica confessione Ecclesiæ. Et c. 61. Fœdus perpetuum fecimus eis. Et sciens (id est scietur, phrasi Hebraicâ) in Genibus semen eorum, & germen eorum in medio populorum. Omnes qui viderint eos, cognoscens illos, quia isti sunt semen cui benedixit Dominus. Et Ierem. 31. quem locum etiam pro Ecclesia citat Paulus Hebr. 8. & 10. Ecce dies venturi, dicit Dominus, & feriam domus Israël fœdus nouum, non secundum

pactum cum Patribus eorum, in die quæ eduxi eos de terra Egypti, quod pactum irritum fecerunt. Sed hoc eris fœdus meum: Dabo legem meam in visceribus eorum, & in corde eorum scribam eam, & ero ipsis in Deum, & ipsi erunt mihi in populum. Hac dicit Dominus, qui dicit solum in lumine dei, ordinem luna, & stellarum in lumine noctis; si defecerint leges istæ coram me, dicit Dominus, iunc & semen Israël deficiet, vt non sit populus meus coram me cunctis diebus. Quibus verbis Deus promittit, prius defecturam vicissitudinem dei, & noctis, quam deficiat Ecclesia doctrinam Christi proficiens: Nam quòd de ea loquatur, indicant verba illa, fœdus nouum, & clarè docet Paulus locis supra citatis. Prædicatque Deus iisdem verbis Ecclesiam illam fore semper visibilem. Tum quia vocatur populus, qui non est sine aliqua confessione visibili: neque enim aliter ex multis constituitur vnus populus. Tum etiam quia oris confessio est necessaria ad salutem, Rom. 10. Oris autem confessio visibiliter fit. Eadem perpetuam Ecclesiæ Christianæ habetur prædicta Daniel. 2. Vbi de regno Christi, id est, Ecclesiæ sic dicitur: In æuon regnorum istorum suscitabit Deus cæli regnum, quod in æternum non dissipabitur, &c. Ex cap. 7. Dedit ei (Christo) Deus potestatem, & honorem, & regnum: & omne populi, tribus, & lingue seruient ei. Potestas eius potestas æterna, quæ non auferetur, & regnum eius quod non corrumpetur. Et Matth. 5. v. 14. & 15. eadem Ecclesia, comparatur ciuitati supra montem positæ, ad significandam perpetuam eius stabilitatem, & visibilitatem.

Ex eadem nota perpetuæ, & visibilis successionis ab Apostolis hucusque, argumentantur scripti Patres contra Hæreticos; vt Tertullianus lib. de præscript. c. 32. Eant ergo origenes Ecclesiarum suarum. Eloquent ordinem Episcoporum suorum, ita per successiones ab insio decurrentem, vt primus ille Episcopus aliquem ex Apostolis, vel Apostolicis viris, qui tamen cum Apostolis perseruauerint, haberint autorem, & antecessorem. Hoc enim modo Ecclesia Apostolica census suos deseruit: sicut Smyrneorum Ecclesia habens Polycarpum; ab Ioanne collocatum refert: sicut Romanorum, Clementem à Petro ordinatum eduxit. Et Optat. Mileuit. lib. 2. contra Parmenian. Vestra cathedra vos originem reddit, qui vobis vultis sanctam Ecclesiam vendicare. Et Aug. in Psal. contra partem Donati, Numeratis: accedentes vel ab ipsa Petri Sede, & in oratione illo Patrum, qui ab ipsa successu videtur: ipsa est Petra, quam non vincunt superbe inferorum porta. Et lib. contra Epist. Fundamenti c. 4. Tene me (in Ecclesia) ab ipsa Sede Petri Apostoli, cui passenda oues suas post resurrectionem Dominus commendauit, vsque ad presentem Episcopatum, successio Sacerdotum. Eandem successionem vsque ad Anastasium tunc sedentem enumerat Epist. 165. Et Hieronymus in fine dialogi contra Lucifer. In illa Ecclesia, inquit, permanendum est, quæ ab Apostolis fundata, vsque ad hanc diem durat. Sicubi audiueris eos, qui dicuntur Christi (seu Christiani), non à Domino Iesu Christo, sed à quoquam alio nuncupari, vitæ Marcionistæ, Valentinianæ, Montænæ, siue Campitiæ:

112.
Vltus huius notæ contra hæreticos.

Scito non esse Ecclesiam Christi, sed Anti-christi esse Synagoga. Ex hoc enim ipso quod postea in-
stitui sunt, eos se esse indicant quos futuros Apo-
stolos prænuntiavit, 1. Timoth. 4. Nec sibi blan-
diantur, si de Scripturarum caputulis videntur sibi
affirmare quod dicunt. Cum & Diabolus de Scri-
pturis aliqua sit locutus: & Scriptura non in le-
gendo consistant, sed in intelligendo. Et denique
Irenæus lib. 3. contra hæreses c. 3. sed quoniam
valde longum est omnium Ecclesiarum enumerare
successiones; maxima, & antiquissima, & omni-
bus cognita, à gloriosissimis duobus Apostolis Pe-
tro, & Paulo, Roma fundata, & constituta Ec-
clesia, eam quam habet ab Apostolis traditionem,
& annuatim hominibus fidem, per successiones
Episcoporum pervenientem usque ad nos indicantes,
confundimus omnes eos, qui quoquo modo vel per
suas placetiam, vel vanam gloriam, vel per ca-
ritatem, & malam sententiam, præterquam oportet
colligunt: id est, Sectas & conventicula faci-
unt. Ad hanc enim (Romanam) Ecclesiam
proprie potentioris principalitatem, necesse est om-
nem convenire Ecclesiam, hoc est, omnes, qui sunt
undique fideles, in qua semper ab his, qui sunt
indique, conservata est ea, quæ est ab Apostolis,
traditio. Et mox enumerat successione Sum-
morum Pontificum, qui continentem Sedem
Romanam tenebant usque ad Eleutherium, suo
tempore prædidentem, subiungit; Hæc ordina-
tione & successione, ea quæ est ab Apostolis tradi-
tio, & veritatis præconizatio, pervenit usque ad
nos. Et est plenissima hæc ostensio, unam, &
eandem vivificantem fidem esse, quæ in Ecclesia
ab Apostolis usque nunc sit conservata, & tradita
in veritate. Et lib. 4. c. 43. Quapropter, inquit,
eis, qui in Ecclesia sunt, Presbyteris obaudire
oportet: his qui successione habent ab Apostolis,
sicut ostendimus: qui cum Episcopatus successione
charisma veritatis certum, secundum placitum Pa-
tris acceperunt: Reliquos vero qui abstinunt à prin-
cipali successione, & quocumque loco colliguntur,
suspectos habere (supple, oportet) vel quasi hæ-
reticos, & mala sententia, vel quasi seindentes,
& elatos, & sibi placentes, aut rursus ut hypo-
critas, quæstus gratia, & vana gloria hac ope-
rantes. Omnes autem hi decidunt à veritate.

114.
Deest se-
ctis hære-
ticorum.

Hæc notâ, continuz & visibilis successionis
ab Apostolis huc usque, carete hæreticos huius
temporis, manifestum est vel ipsorum confes-
sionem, qui idcirco dicunt Ecclesiam mille an-
nis & amplius latuisse invisibilem; quosque
competitissimum est Summorum Pontificum
obedientiz, & Romanæ Ecclesiæ se subtra-
xisse, non multum ante centum & triginta an-
nos, Luthero & Caluino auctoribus. Contra
verò Romanam Ecclesiam huc usque ab
Apostolis durasse visibilitatem, continuâ suc-
cessionem Summorum Pontificum in Sede Petri,
& aliorum Episcoporum, & Pastorum illis su-
bordinatorum, populorumque illis palam, &
publicè adhaerentium, agnoscere coguntur,
vel ipsi Centuriatores, & testantur omnes
Christianorum historie. Concludo itaque,
cum vni, & soli Romanæ Ecclesiæ evidenter
convenienti singule, & omnes simul sumptæ,
veræ Ecclesiæ notæ, in Scriptura designatæ;
indubitatum esse debere, ipsam & nullam

aliam, esse veram Ecclesiam.

Leuia verò sunt quæcumque aduersus hanc
postremam notam obijciunt Hæretici. Dicunt
primò, argumentum sumptum à continua suc-
cessionem visibili Summorum Pontificum in Se-
de Romana, fuisse efficax tempore D. Augu-
stini, quia evidens erat omnibus nullam eò vl-
que factam esse in Ecclesia mutationem doctri-
næ. Quasi verò Hæretici illius temporis, &
eorum prædecesores non xque contenderent
factam fuisse mutationem veræ doctrinæ, sicut
nunc id contendunt Hæretici. Est enim hic
communis omnium Hæreticorum prætextus,
quo suam discessionem ab Ecclesia sui tempo-
ris excusant.

Dicunt secundò, successionem Cathedræ
non sufficere absque successione doctrinæ. Ve-
rùm si possent hæc duo separari in Romana
Ecclesia; & nisi successio non interrupta Sum-
morum Pontificum in Sede Petri, esset suffi-
ciens & efficax argumentum ad probandum
veræ doctrinæ successionem durare: non po-
tuerant sancti Patres suprâ citati, argumentari
efficaciter contra Hæreticos sui temporis à suc-
cessionem perpetua Cathedræ, ad probandum
veritatem doctrinæ. Quare hæc duæ evasiones
sunt friuolæ, & menti Sanctorum Patrum ma-
nifestè contrariæ.

Aliunt tertio, fuisse prædictam defectionem
Ecclesiæ visibilis sub Antichristo, quem vo-
lunt esse Romanos Pontifices, qui à Gregorio
I. hucusque tenent Sedem Romanam, quam
etiam dicunt esse Babylonem illam à Ioanne in
Apocalypsi descriptam. Sed hæc omnia futilia
sunt, & in obscuris allegorijs ineptæ, & malitio-
sè fundata, iamque à plurimis Catholicis Do-
ctoribus satis superque refutata; speciatimque
à Bellar. tom. 1. lib. 3. de Romano Pontifice c. 1.
in Apocalypsi descriptam. Sed hæc omnia futilia
sunt, & in obscuris allegorijs ineptæ, & malitio-
sè fundata, iamque à plurimis Catholicis Do-
ctoribus satis superque refutata; speciatimque
à Bellar. tom. 1. lib. 3. de Romano Pontifice c. 1.
& sequentibus. Læssio in opus. de Antichristo,
Suare lib. 5. Defensionis fidei contra errores An-
glicanos, Perronio lib. 1. Replicæ, c. 15. Tanne-
ro q. 4. de Fide, dub. 5. Longèquæ ante illos à
D. August. lib. de Vnit. Ecclesiæ c. 13. & sequen-
tibus, & lib. 20. de Ciuit. cap. 8. Et Epist. 80.

Breuitè dico primò, multa de Antichristo
prædicta, eiusque persecutione, ne apparenter
quidem posse summis illis Pontificibus applica-
ri. Nam ut euidenter ostendunt Auctores ci-
tati, erit ille vna peculiaris persona: breui re-
gnabit, nempe duos tantum annos cum dimi-
dio: dumque regnabit, crudelissimè sæuet
in Christianos, quorum sanguine inebriabitur:
resistit illi per Enoch, & Eliam, quos pri-
mum interficiet, postmodum verò ab illis re-
diuiuis occidetur Spiritu oris Dei: regnabit
Ierosolymis, & à Iudeis agnosceatur pro Mes-
sia. Quæ omnia quàm longè absint à Summis
Pontificibus, qui à Gregorio I. hucusque, id
est, per mille annos sederunt, & amplius, ne-
mo non videt. Dico secundò, esse manifestè
contra Christi promissiones, & prædictiones
diuinas Matth. 16. & 28. Ephes. 4. Isaïæ 61.
aliisque locis suprâ citatis & expensis, dicere
quod Ecclesia per mille annos, à Gregorio I.
ad Lutherum usque, vel omnino defecerit, vel
visibilis esse defecerit. Tertio, ne tempore qui-
dem Antichristi, quod breue erit, defecuram

115.
Solutio-
tur arg-
hæretico-
rum con-
tra illam.

116.
Figmen-
id quod
Papa sit
Anti-
christus;
refellit-
tur.

Ecclesia
non def-

ciet tem-
pore An-
ti-christi.

esse Ecclesiam visibilem, neque id esse à Christo prædictum: sed tantum quod multorum fides, & constantia deficiet in persecutione illa omnium grauissima, alijs tamen contra Antichristum luctantibus, & fidem Christi publicè vsque ad sanguinis effusionem profitentibus. Neque enim in errorem inducentur electi, ut dicitur Matth. 24. & multi fortiter vsque ad mortem illi resistent, præcipueque Enoch, & Elias, qui de illo tandem triumphabunt. Quarta, mulierem illam allegoricam fugientem in desertum, Apocal. 12. Multas habere interpretationes congruas, & Romanæ Ecclesiæ durationi, perpetuæque visibilitati non aduersantes, quas ex D. Aug. alijsque Patribus referunt Suar. lib. 5. supra cit. cap. 7. Petron. & alij paulo ante relati, & interpretes eiusdem loci. Et quamvis esset necessariò intelligenda de Ecclesiâ, deficientem aliquatenus quoad splendorem; non tamen ibi diceretur quòd planè defectura sit: sed potiùs asseritur quòd sit relicta semen, id est, posteritatem, pugnaturam cum Dracone, hoc est, se fortiter opponentem illius erroribus: quod certè fiet visibiliter. Quintò, Babylon illa, & mulier vestita purpura, meretrix magna, & mater fornicationum, Apocal. 17. & propinans calicem omnibus gentibus, plenum abominationis, quæ etiam dicitur ibidem ciuitas magna sedes super septem montes, & habens regnum super Reges terræ: quæ omnia contendunt Hæretici perfectissimè conuenire Summo Pontifici, & Vrbi Romæ, quæ sedes eius est: hæc, inquam, omnia allegoricè dicta sunt, & dupliciter exponuntur à Sanctis Patribus, ut videre est apud Interpretes capituli citati.

117.
Sit-ne
Romæ per
Babylonem,
designata?

Vna expositio est eorum, qui cum Hieronymo lib. 2. contra Iouin. per Babylonem illam, intelligunt quidem urbem Romam, non qualis nunc est, sed qualis erat antequam in Christum crederet, quando eius Imperatores Ethnicæ Ecclesiæ Christi toto orbe persequerantur, & vbique fundebant sanguinem Martyrum, & omnibus gentibus à se subactis propinabant calicem Ethnicæ superstitionis, quæ in illa residebat, maximèque vigeat, velut in capite Idololatriæ, æquè ac imperij, & ubi diligentissimè superstitione habebatur collectum, quicquid vsquam fuerat vanis erroribus insitum, inquit, S. Leo Serm. 1. de Sanctis Petro & Paulo. At verò quando Christo nomen dedit sub Constantino Imperatore, deleuit nominis Christi confessione, inscriptum sibi in fronte mysterium, siue nomen Babylonis, & blasphemiarum; ut ait Hieron. loco citato. Et verò iam Roma, non septem montibus tantum, vel olim, sed nouem imposita est. Maiorique apparenti Hæretici hanc allegoriam applicarent Constantinopoli, quæ nunc septem montibus insidet, & cuius Imperator pluribus Regibus dominatur, & Ecclesiam Christianam vastat, Regnaque illius occupat quantum potest, & purpurâ vestitur, & sanguinem Sanctorum fundit, id est, Christianorum contra quos bella gerit.

Altera expositio est D. Augustini in Psal. 64. & lib. 18. de Ciuitate Dei cap. 8. Vbi per Ba-

bylonem illam destruendam, intelligit vel malorum & reproborum omnium multitudinem, vel idololatriam, siue Ethnicisimam destruendam per Ierusalem nouam descendentem de cælo, id est, per Ecclesiam: Ita vt nomen Babylonis, & mulieris fornicariæ, & ciuitatis magnæ, septem montibus insidentis, & Regibus dominantis, non significet urbem aliquam peculiarem, aut Principes illi dominantes; sed vniuersam idololatriam: per purpuram, non designetur color specialis; sed Regia dignitas Principum Ethnicorum, aut dominatus Ethnicæ superstitionis toto ferè orbe: sicut è contrario, per Ierusalem, significatur ibi tota fidelium, & Christianorum societas vbicumque terrarum, diciturque de Ierusalem quòd sit vestita Byssino splendenti, id est, Sanctorum virtutibus: *Byssinum enim sunt inuiscationes Sanctorum*. Per septem montes, designentur septem Principes præcipui inter Ethnicos: Nam ibidem dicuntur septem montes esse septem Reges. Vel etiam septem illi Tyranni, qui varijs sæculis Ecclesiam maxime persecuti sunt. Vel denique septem vitia capitalia, quibus veluti montibus, diaboli regnum & superstitionis Ethnicæ dominatus, firmiter insidebat.

Absurdissimum verò est existimare, fore vt destructio veræ Ecclesiæ sit ab eo profectura, super quo promissit Christus eam tam firmiter stitutam, vt portæ inferi aduersus eam præuallere nunquam possint: id est, a Petri successoribus Romanis Pontificibus, vt sancti Patres exponunt, superius allegati Sect. 4. num. 41. & sequentibus: quòdque fideles sint inducendi in errorem, per eos quos Christus ipse in Ecclesia constituit veluti duces fidei infallibiles, vt non circumueniantur erroribus in astutia, & nequitia hominum, neque circumferantur omni vento doctrinæ, vt ait Paulus Ephes. 4. Præcipiè verò, non designato certo tempore, quò essent ipsi deficiuri à fide, quòve ab illis cauendum esset. Vanum quoque figmentum est, quòd dicunt hæretici huius temporis, fuisse semper aliquos qui eandem cum ipsis fidem, & Religionem teneant, sed inuisibiliter à tempore Gregorij I. vsque ad Lutherum. Nullum enim proferre possunt qui in omnibus fidei dogmatibus sibi consenserint ante illum hæresiarum, qui de seipso profiteretur nouam mundo doctrinam, & diu incognitam, à se fuisse allatam. Neque vetò fideles esse poterant, qui veram Religionem non publicè profitebantur, neque ore confitebantur ad salutem, neque opponebant fe corruptioni doctrinæ, & Ecclesiæ reformare conabantur, sed exterius illi consenteant, eiusque errores, & falsam Religionem exterius profitebantur. Quod certè longissimè abest à sensu & moribus Apostolorum; & primorum Christianorum, qui tam constanter, & fortiter fidem contra Ethnicisimam & hæreses, semper & vbique professi sunt, fideique professionem sanguine suo plerique obsignarunt. Adde quòd illi fideles inuisibiles (iuxta Aduersarios, quos impugnamus) nullum habebant inter fe commercium, alioquin eorum societas non fuisset

119.
Absurdi-
tas sen-
tentia
hæretico-
rum hæc
in se.

118.

inuifibilis: sed soli Deo noti erant. Neque uel-
los habebant Pastores, quibus subordinaren-
tur, & à quibus in fide, & uera Religione con-
tinerentur, ad quos denique recurrerent in
dubijs fidei: quos tamen Christus in Ecclesia
sua constituit, & per Apostolum prædixit fore
usque ad consummationem Sanctorum, id est,
usque ad diem iudicii. Si enim illos habuissent,
non fuisset illa Ecclesia inuifibilis, constans Pa-
storibus, & omnibus eos sequentibus: neque es-
sent illi Pastores planè incogniti, sed aliqua il-
lorum memoria extaret; possentque Hæretici
huius temporis, ex antiquis historijs texere il-
lorum successiōem, æquè ac Romana Eccle-
sia, quæ grauissimis licet persecutionibus, qui-
bus prioribus sæculis fuit oppressa, nouit ta-
men, & certissimè designat, quis cuique non
Romæ solum, sed & pluribus alijs in locis suc-
cesserit ab Apostolis hucusque, quive quolibet
sæculo præcipue floruerint uite sanctitate, &
miraculis, vel martyrij gloria, vel singulari
doctrinâ.

SECTIO XIV.

*Offenditur esse de fide Romanam Ecclesiam, qua
nunc est, esse ueram Ecclesiam; & quomodo
extra Ecclesiam non est salus.*

110.
Probat
efficaci-
ter.

Superest quærere, an sit de fide hanc nume-
ro Ecclesiam uisibilem, quæ nunc est sub
regimine Alexandri VII. &c. ueram Eccle-
siam? Respondeo affirmatiue, cum Suare Disp.
9. Sect. 9. Primò, quia de fide est, ueram
Christi Ecclesiam uisibilem esse perpetuam, ut
iam ostendimus. At nulla alia nunc extat præ-
ter hanc. Nulla enim est alia, cui conueniant
omnes Ecclesie notæ, Vna, Sancta, Catholica
& Apostolica: nulla, quæ fulgeat miraculis, &
alijs argumentis credibilitatis, quibus Deus suæ
Ecclesie attestatur. Secundò, constat ex Sym-
bolo Apostolico, & Nicæno, teneri nos cre-
dere Vnam, Sanctam, Catholicam & Apo-
stolicam Ecclesiam. Neque sufficit credere in
confuso, & indeterminatè. Tum quia sancti
Patres credebant unanimiter hanc numero Ec-
clesiam, quam uidebant suo tempore, ipsam
notis insignitam quibus nunc nostra est, esse
ueram Ecclesiam; & Hæreticum iudicabant,
quicumque ab illa recederet: tum etiam quia
nisi certa Ecclesia crederetur in particulari esse
uera; dubitabitur de doctrina cuiuslibet, &
tantum fide diuinâ certum erit indefinitè, ali-
quam esse ueram Christi doctrinam, ab aliqua
uera Christi Ecclesia propositam. Hoc autem
falsum est, quia determinatè, seu distinctè cre-
dere tenemur, hanc ipsam doctrinam ab hac
Ecclesia traditam, esse ueram & diuinam.

111.
Solutur
tur obie-
ctiones.

Obiicies primò, ueram Ecclesiam non esse
sine fide. Atqui non est de fide, eos qui nunc
sunt, habere ueram fidem. Nemo enim sine
speciali reuelatione, est certus certitudine fidei
diuinæ, se habere fidem, iuxta Trident. Sess. 6.
cap. 9. & Can. 15. Respondeo, de nemine de-
terminatè, & in particulari certum esse fide
diuinâ sine speciali reuelatione, ipsum ha-

bere fidem, & sanctitatem: confusè tamen,
& indeterminatè certum esse, ac de fide, ali-
quos ac multos eorum qui profitentur Chris-
tianismum, habere fidem; hunc, aut illum, &c.

Obiicies secundò, non esse à Christo reue-
latum, nec ab Apostolis traditum, Ecclesiam,
quæ nunc est, esse ueram Ecclesiam, sed tan-
tum Ecclesiam sui temporis. Respondeo cum
Suare suprà, num. 14. Ecclesiam Apostolorum,
& nostram, vnam esse continuatione: & quæ
sunt reuelata in Scriptura de Ecclesia perpetua,
non esse dicta de Ecclesia, ut restricta ad
tempus Apostolorum, sed propter continuam tem-
porum successiōem eadem perseuerat. Nostram
verò esse eandem continuatione cum Aposto-
lica, patet primò perpetuè & constanti tradi-
tione. Secundò, argumentis credibilitatis, qui-
bus illi nunc Christus, ut olim, attestatur,
quemadmodum alibi ostendimus. Terriò, pa-
tet etiam, ijs signis & notis, quibus Christus
suam Ecclesiam in Scriptura designauit, &
Apostoli in Symbolo. Sicut autem Iudæi te-
nebantur credere fide diuinâ, hominem illum
esse Messiam, cui conueniebant omnia de
Messia à Prophetis prædicta: sic nos tenemur
credere hanc numero Ecclesiam, cui conue-
niunt omnia de uera Ecclesia reuelata, esse
ueram Ecclesiam. Denique, Ecclesia ipsa cum
suis omnibus adiunctis & notis, bene per-
pensa, est per se sufficienter credibilis ut opus
diuinum, & verè talis quale se proficitur.

ride resp.
5. sect. 7.

Hinc collige, huic eidem Ecclesie uisibili
aggregari debere, quicumque uolunt æternam
consequi salutem, & mortis sempiternæ dam-
nationem euadere: iuxta celebre axioma San-
ctorum Patrum, *Extra Ecclesiam non est salus*:
Circa quod frustra cauillantur Hæretici recen-
tiores, intelligendum illud esse de Ecclesia
inuifibili prædestinatorum. Patet enim mani-
festissimè hanc expositionem esse ineptam, &
à mente Sanctorum Patrum prorsus alienam.
Primò, quia alioqui sensus illius dicti esset,
extra salutem non est salus. Quod est nuga-
torium, & in eo probando frustra Patres la-
borassent. Secundò, quia sancti Patres hoc
uerget contra Hæreticos, qui ab Ecclesia dis-
cedunt: & contra infideles, ut in Ecclesiam
intrare persuadeant. Ergo loquuntur de Ec-
clesia uisibili. Item, apertè per Ecclesiam in-
telligunt illam, cui præest Romanus Ponti-
fex, in qua sunt Episcopi, & Doctores uisibi-
les, & professio uisibilis Christianismi. Sen-
sus ergo est, quòd qui suâ culpâ negligit ag-
gregari Christi Ecclesie uisibili, non potest salu-
uari: licet in casu impotentia inculpabilis,
possit contritio, & fides uiua sufficere. Sed
qui suâ culpâ negligit aggregari Ecclesie,
ponunt impedimentum diuinæ gratiæ, & sunt
incapaces contritionis ueræ, & perfectæ.

112.
Extra Ec-
clesiam
uisibilem
non est
salus.

Neque minùs inepti sunt Ministri recentissi-
mi, qui uolunt celebre illud axioma sanctorum
Patrum, intelligendum esse de Ecclesia sumpta
pro collectione earum omnium Sectarum, quæ
Christi nomen, & fidem profitentur: ita ut
sensus sit, non posse consequi salutem quicum-
que ab illis omnibus se separat, aut extra illas
omnes uiuit, nulli adhærendo: ita tamen ut

113.
Contra-
rius error
refellit-
tur.

ad salutem sufficiat huic, aut illi adherere. Enimverò manifestum est ex doctrina SS. Patrum, sensum illorum fuisse, non esse salutem extra veram Ecclesiam: & qui Sectas Hæreticorum præ illa amplectuntur, non posse saluari. Indèque virgunt Sectarios, ut veræ illi Ecclesiæ se aggregent. Ad hoc probandum sufficit aliquot illustriora Patrum testimonia proferre:

114.
Confir-
matur ex
Patribus.

Augustinus lib. 2. contra Parmen. cap. 3. *Nonne isti palpati in meridie, quasi mediâ nocte? Quod quidem omnium Hæreticorum est, qui rem manifestissimam in lucem omnium gentium constitutam videre non possunt: extra cuius unitatem quidquid operantur, quamvis magna solertia fieri videantur, tamen nihil illis prodest adversus iram Dei, quos nec aranearum tela possunt defendere à frigore.* Hieronymus Epist. 57. ad Damasum Papam: *Ego, inquit, Beatitudinis tua, id est, Cathedra Petri communione confector. Super illam petram adificatam Ecclesiam scio. Quicumque extra hanc domum agnum comederit, profanus est. Si quis in æra Noë non fuerit, peribit regnante diluvio. Non novi Vitalem, Meletium respuo, Ignoro Paulinum. Quicumque tecum non colligit, spergit: id est, qui Christi non est, Anti-Christi est.* Cyprianus lib. de Unitate Ecclesiæ, postquam dixit Ecclesiam Christi esse unam Christi Sponsam, & ab Hæreticorum Sectis, adulterantibus Verbum Dei, discretam: hæc addit: *Adulterari non potest Sponsa Christi: Incorrupta est, & pudica.* Et paulo post: *Quisquis ab Ecclesia segregatus adultere iungitur, (id est, alicui Sectæ Hæreticorum) à promissis Ecclesiæ separatur. Nec pervenit ad Christi pramia,*

*qui relinquit Ecclesiam Christi. Alienus est, profanus est, hostis est. Habere iam non potest Deum patrem, qui Ecclesiam non habet matrem: Quæ postrema Verba ex illo repetit S. Augustinus tom. 9. lib. 4. de Symbolo ad Catechumenos, cap. vlt. Et Lactant. lib. 4. Divin. Institut. cap. vlt. loquens de illis, qui ab Hæresiarchis quibuscumque in errorem induciti fuerunt: *Illi omnes, inquit, Damascii fraudibus irreciti, quas prospicere & cauere debuerant, diuinum nomen, & cultum per imprudentiam perdidierunt. Cum enim Phryges, aut Novatiani, aut Valentiniani, aut Marcionite, aut Anthropiani, aut Arriani, seu quilibet alij nominantur: Christiani esse desierunt, quæ Christi nomine amisso, humana & externa vocabula induerunt. Sola igitur Catholica Ecclesia est, qua verum cultum retinet. Hic autem est fons veritatis. Hoc est domicilium fidei. Hoc templum Dei, quod si quis non intraverit, vel à quo si quis exierit: à se ipse vita, ac salus æternæ alienus est: Et quasi digitum intendens in eos, contra quos modò disputamus, eorundemque extimale persuasione damnans, addit immediatè post: Neminem sibi oportet pertinaci concertatione blandiri. Agitur enim de vita, & salute: cui nisi cauti, ac diligenter consulatur, amissa & extincta erit. Sed tamen quia singulè quique causæ Hæreticorum, se potissimum Christianos, & suam esse Catholicam Ecclesiam putant: Sciendum est illam esse veram, in qua est confessio, &c. Simili modo loquuntur alij: quorum Verba, ne longiores simus, referre præter mittimus. Hæc igitur de Ecclesiâ, deque Regulis fidei sufficiant.**





DISPUTATIO DECIMA.

De actu Fidei interno.

- Sectio I. *An & quomodo actus internus fidei Theologica sit supernaturalis?*
- Sectio II. *An circa idem obiectum, & motuum formale dari possit actus fidei naturalis, & supernaturalis?*
- Sectio III. *Soluntur obiectiones contra doctrinam præcedentem.*
- Sectio IV. *An qui dissentitur uni articulo fidei, possit simul alium credere ex puro fidei diuinae motu?*
- Sectio V. *An actus credendi, siue naturalis, siue supernaturalis, distinguatur realiter ab Intellectu?*
- Sectio VI. *Virum omnes actus fidei Theologica sint eiusdem speciei?*
- Sectio VII. *An actus fidei supernaturalis sit discursiuus?*
- Sectio VIII. *An actus fidei supernaturalis sit certior quolibet scientia naturali, seu quolibet assensu naturali euidenti?*
- Sectio IX. *Vndenam actus supernaturalis habeat suam differentiam specificam, quâ distinguitur à naturali?*
- Sectio X. *An, & quomodo actus fidei sit voluntarius, & liber, ac moralis?*
- Sectio XI. *Virum actus fidei sit necessarius ad salutem necessitate medij?*
- Sectio XII. *Circa quid fides versari debeat explicitè ex necessitate medij?*
- Sectio XIII. *An & quomodo fides sit necessaria ex precepto, & circa quid?*
- Sectio XIV. *Quotuplex sit præceptum fidei, & quando obliget?*



Væ huc vsque diximus, pertinent ad obiectum fidei, & à D. Thoma vnica quæst. i. partim explicantur, partim breuiter attinguntur. Sequitur dicendum de reliquis ad eandem virtutem pertinentibus. Ac prius de actu eius interno, de quo idem S. Doctor tota quæst. 2. hæc docet. Primò, credere idem esse, atque cum assensione cogitare, id est, firmiter assentiri ex consensu, & determinatione Voluntatis, post inquisitionem Intellectus deliberantis. Secundò, actus fidei conuenienter distingui per hæc tria, Credere Deo, Credere Deum, & Credere in Deum. Quoniam in actu fidei triplex considera-

tio reperitur. Vna, secundum ordinem ad obiectum materiale, quod est Deus, vt veritas reuelata. Alia, secundum ordinem ad obiectum formale, quod est Deus, vt veritas reuelans, & testificans. Tertia, secundum ordinem, quem ex motione voluntatis habet in Deum, vt finem. Primâ consideratione per actum fidei creditur Deus. Secundâ, creditur Deo dicenti, & testificanti. Tertiâ, creditur in Deum. Circa quam diuisionem nota primò, illam non tam esse diuersorum actuum fidei, quàm diuersarum considerationum eiusdem actus. Quippe quo, quatenus tendit in Deum, vt obiectum materiale, dicimur credere Deum: quatenus verò Deum respicit vt obiectum formale, propter cuius testimonium, & auctoritatem creditur, dicimur credere Deo: quatenus denique per voluntatem refertur in Deum vt finem vltimum, aut coniungitur actui charitatis erga Deum, dicimur credere in Deum. Nota secundò, non omnem actum fidei esse credere Deum: cum præter Deum multa alia obiecta materialia credi possint: neque etiam omnem actum fidei esse credere in Deum; cum & ipsemet Deus, & alia credi possint sine tendentia voluntatis in Deum vt finem vltimum, aut dilectum ex charitate. Item, non modò actum, quo credimus Deum, posse referri in Deum vt finem, aut exerceri ex charitate: sed & alios quosvis actus fidei, qui catenus erunt credere in Deum. Quæ nec omnis, nec solus actus credendi Deum, est credere in Deum. In omni tamen actu necesse est credere Deo, quatenus omnis actus fidei nritur Dei testimonio, vt obiecto formali; licet non omnis sit credere Deum, aut in Deum, modo superius explicato. Notandum tertio, tres hos loquendi modos aliter sumi interdum in Scriptura, & confundi: ita vt omnes eandem habitudinem significant, siue obiecti materialis, siue formalis, siue affectus voluntatis; vt pluribus exemplis ostendit Ægid. Coninck disp. 14. dub. 12. n. 235. Neque in eo rigore sumitur in art. 1. Symboli Apostolici particula illa, *Credo in Deum*. Alioquin omnes, qui charitatis affectu carent, aut Deum vt finem vltimum non respiciunt, falsò id profiterentur. Sed & Patres Græci simili modo dicunt credere in Ecclesiam, in baptismum, in resurrectionem mortuorum, vt videre est apud Epiphan. in Anchorato, & in Concilio Chalcedon. Actione. 2. in fidei Symbolo, & in Concilio Ephes. I. in Confess. Canisij Presbyteri; licet neque Ecclesia, neque baptismus, neque resurrectio mortuorum, sit noster finis vltimus. Et Ioan. 12. v. 42. dicuntur multi ex Principibus credidisse in Christum; qui tamen neque affectum charitatis habebant, neque in illum vt finem vltimum tendebant, sed diligebant magis gloriam hominum, quàm gloriam Dei, vt additur v. 43.

Docet tertio, ad salutem necessarium esse credere aliquid supra rationem naturalem: quia supernaturalis Dei visio est necessaria ad salutem vltimam, & ad hominis beatitudinem, quæ in illa consistit. Atqui credere est necessarium ad visionem illam obtinendam: quoniam homo secundum modum suæ naturæ non debet statim ad illam perfectionem scientiæ, & visionis peruenire, sed successiuè, & addiscendo: oportet verò addiscentem credere. Quarto, necessarium esse credere etiam ea, quæ per rationem naturalem, cognosci possunt. Tum vt citius homo

ad veritatis diuinæ cognitionem perueniat. Nam serius per rationem naturalem cognoscuntur Deus, & res diuinæ. Tum etiam ut cognitio Dei sit communior, & plures eum cognoscant. Multi enim in studio scientiæ proficere non possunt, vel propter hebetudinem ingenij, vel propter alias occupationes, & necessitates temporalis vitæ, vel etiam propter torporem addiscendi: qui omnino Dei cognitione fraudarentur, nisi proponerentur eis diuina per modum fidei. Tum denique ut certior sit cognitio. Nam multa sunt quæ per solam naturalem rationem non possunt certo cognosci in diuinis rebus; per fidem verò cognoscuntur certissimè. Quintò, teneri hominem explicitè credere ea, quæ per se pertinent ad obiectum fidei, scilicet ea, per quæ homo beatus efficitur: non autem ea, quæ per accidens. Nam actus omnium virtutum per se quidem sunt circa ea, quæ per se in obiecto illarum continentur. Circa alia verò quæ per accidens coniunguntur cum obiecto, versantur tantum per accidens. Sextò, non omnes æqualiter teneri ad habendam fidem explicitam. Nam cum secundum ordinem à Deo constitutum tam inter Angelos, quam inter homines, alij ab alijs erudiantur: superiores homines, ad quos pertinet alios erudire, tenentur habere plenioram notitiam de credendis, & magis explicitè credere. Septimò, mysterium Incarnationis Christi, debuisse omni tempore esse creditum apud omnes aliquo modo; non tamen vno, & eodem. Nam id, per quod homo beatitudinem consequitur, pertinet per se ad obiectum fidei, & necessariò credendum est. Christus autem est id, per quod homo beatitudinem consequitur. Verum quia illud mysterium non fuit omni tempore æqualiter reuelatum, sed diuersimodè secundum diuersitatem temporum, & personarum; & inæqualiter ante legem Moyse, in lege, & post legem: ideo non omni tempore debuit eodem modo, & æqualiter credi. Ac nequidem in lege gratiæ. Quamvis enim post Euangelij promulgationem debeant omnes credere explicitè Christi mysteria, quæ omnibus proponuntur: tamen quia non omnibus omnia mysteria sunt æqualiter proponenda, non debent omnes æqualiter habere fidem explicitam. Octauò, mysterium quoque Trinitatis debuisse semper credi: sed ante promulgationem Euangelij explicitè à maioribus; & implicitè, ac adumbratè à minoribus: sicut & mysterium Incarnationis, quod non potest cognosci sine mysterio Trinitatis personarum diuinarum. Post Euangelij verò promulgationem debet credi explicitè ab omnibus; cum explicitè proponatur omnibus in forma baptismi. Nonò, actum fidei esse posse meritorium, quia est actus intellectus assentientis veritati diuinæ, ex imperio voluntatis à Deo motæ per gratiam. Quid autem aliud requiratur, ut perficiatur in esse meritorij, diximus alibi in tract. de gratia, & merito. Certum autem est, posse illa omnia conuenire actui fidei. Potest enim liberè exerceri ab homine viatore, & iusto, seu viuo Christi membro, ut ex imperio charitatis erga Deum. Decimò, rationes humanas tollere, aut minuere fidei meritum, si antecedenter se habeant ad actum credendi; id est, si causant actum credendi, ita ut sine illis aut non haberet homo voluntatem credendi, aut non haberet promptam. Non minuere verò, sed

sed esse signum maioris meriti, si consequenter tantum se habent: id est, si causantur à voluntate credendi, & ex illa sequuntur: ita vt homo sine illis habeat promptam credendi voluntatem; sed ex amore fidei excogitat, & amplectitur rationes humanas, si quas inuenire potest, vt rationem trahat in obsequium fidei. Hæc D. Thom. Quorum aliqua facilia sunt, & obiter iam satis explicata: aliqua fuerunt alijs locis exposita: cætera sequentibus Sectionibus elucidabuntur.



SECTION I.

An ex quomodo actus internus fidei Theologica sit supernaturalis?

1. Status quo sitio nis.



Ota primò, per actum internum fidei intelligi actum intellectus, quo certò, sed obscurè, assentimur veritatibus à Deo reuelatis propter ipsius testimonium sufficienter propositum. Per fidem autem Theologicam intelligi eam, quæ ad salutem pertinet, quâ scilicet creditur sicut oportet ad salutem, vt loquuntur Concilia locis infra citandis.

Actus supernaturalis est duplex.

Nota secundò, dupliciter actum aliquem posse dici supernaturalem. Primò, quoad substantiam, id est, quoad entitatem, seu speciem, & essentiam propriam. Qui scilicet talis est, vt secundum suam entitatem, & essentiam propriam, superet vires causarum naturalium, & neque ipse, neque similis in specie produci possit solis viribus naturalibus cum Dei concursu generali. Quo pacto visio beatifica est supernaturalis. Angelis & hominibus, quippe quam sine ope Dei speciali, supra naturam eleuant, elicere non possunt. Secundò, quoad modum tantum: quando, licet actus in sua specie non superet vires naturales; sit tamen aliquo modo intrinseco, vel extrinseco superante vires naturæ. Vt si intellectio alioqui naturalis in sua specie, fiat tamen cum Dei auxilio speciali intensior, & clarior, quam viribus solis naturalibus elici posset. His præmissis,

2. Actus fidei est supernaturalis.

Dico primò actum credendi sicut oportet, esse supernaturalem. Probat, quia ad illum exercendum non modò necessaria est gratia reuelationis, seu propositionis obiecti reuelati, & credibilis: sed etiam gratia interna inspirationis, seu illuminationis intellectus, ad motuum credendi melius percipiendum, & iudicandum de credibilitate; itaque gratia pie motionis voluntatis, ad liberè volendum credere: ac denique gratia adiutorij concommitantis, & concurrentis cum intellectu ad credendum. Ergo ille actus est supernaturalis: quippe qui sine auxilio Dei gratuito, & supernaturali, seu naturæ vires & exigentiam superante, fieri nequit. Consequentia clara est. Antecedens probatur per partes.

3. Ad illum requiritur gratia reuelationis.

Primò igitur, quod ad actum credendi sicut oportet, necessaria sit gratia reuelationis, de fide est, definitum in Arausiano, can. 8. dicente, neminem posse sine reuelatione Dei mysterium salutis conquerere. Scipiusque id

insinuat in Scriptura: vt Matth. 11. v. 25. *Abcondisti hæc à sapientibus, & prudentibus, & reuelasti ea paruulis. Ita Pater, quoniam sic fuit placitum alicui. Nemo nouit Filium, nisi Pater: neque Pater quis nouit, nisi Filius, & cui voluerit Filius reuelare.* Ratio est, quia nihil potest credi fide Theologica, nisi sit à Deo reuelatum, & propositum sufficienter credibile. Hæc enim omnia sunt à Deo supra naturæ debitum. Et quamvis prædicatio, vel propositio obiecti, fiat interdum malo affectu à proximè proponente, ad quam Deus non conuenit specialiter: Illa tamen non sufficit ad credendum sine argumentis credibilitatis, vel tunc, vel olim factis: ac proinde reuelatio completa, & sufficiens, includit semper aliquid supernaturale, & gratuitum.

Secundò, quod ultra gratiam reuelationis, & propositionis obiecti, requiratur gratia interna inspirationis, & illustrationis intellectus, ad melius scilicet iudicandum de obiecti credibilitate, de fide est, definitum ab Arausiano Can. 7. affirmante *Neminem posse Evangelicæ prædicationi consentire absque illuminatione, & inspiratione Spiritus sancti, qui duntaxat suauitatem in consensiendo, & credendo veritati.* Vbi nota Concilium manifestè distinguere illuminationem, & inspirationem, à prædicatione. Alioqui sensus esset, neminem posse consentire prædicationi sine prædicatione: quod est nugatorium: neque negabatur id à Pelagianis ibi damnatis: qui vltro fatabantur requiri gratiam prædicationis ad fidem, vt patet ex D. Aug. lib. de Hæresibus, Hæresi 88. Et Epist. 106. & toto libro de gratia Christi. Definitur item à Trid. Sess. 6. Can. 3. *Si quis dixerit, inquit, sine præueniente Spiritus sancti inspiratione, atque eius adiutorio, hominem credere, sperare, diligere, aut penitere posse sicut oportet, vt et iustificari gratia conferunt. Anathema sit.* Ad idem confirmandum, adducit Arausius, Can. citato, illud Christi Ioan. 15. *Sine me nihil potestis facere*, id est, sine mea gratia, & influxu meritum meorum, nihil potestis operari pertinens ad salutem vitæ æternæ. Et 2. Cor. 3. v. 5. *Non quod simus sufficientes cognoscere aliquid à nobis, quasi ex nobis: sed sufficientia nostra ex Deo est.* Vbi similiter est sermo de cogitationibus ad salutem pertinentibus.

4. Et interna inspiratio.

tibus. Cogitatio autem de credibilitate, sufficiens ad fidem supernaturalem, est sine dubio cogitatio pertinet ad salutem, & valde ad illam conducent. Ergo non sumus ad illam sufficientes ex nobis, id est, viribus naturalibus; sed egemus auxilio speciali, quo intellectus iuuetur, & illustretur. Plura hac de re Scripturæ testimoniis, contra Pelagianos affert & virget D. Aug. in lib. de Prædest. Sanctorum. Et lib. 2. contra duas Epist. Pelagianorum, & lib. 1. de gratia Christi, & peccato origin. Tandem aduerte, contra mentem Arausici, & probationes eius, id est, contra sensum, quem dat Scripturæ testimonijs citatis, loqui eos, qui dicunt esse probabile, iustificatos non egere ad credendum tali excitatione, & directione Spiritus sancti per gratiam præuenientem, sed posse habitus infusus sine illa operari. Nam Arausicanum generaliter ait, neminem (adeoque nec baptizatum in infantia, & habentem fidei habitum) posse Euangelicæ prædicationi consentire, absque illuminatione & inspiratione Spiritus sancti. Illuminatio autem, & inspiratio est gratia præueniens, & transiens, excitans ad credendum prædicationi. Idemque dico de omnibus alijs, quibus prædicatur, seu proponitur aliquid fidei obiectum. Nam Concilium loquitur generaliter, dicitque neminem posse aliter credere. Et de gratia præueniente, & excitante, intelligit illud, *Sine me nihil potestis facere*; &, *Non quod sumus sufficientes cogitare aliquid à nobis, quasi ex nobis; sed sufficientia nostra ex Deo est*.

Joan. 15.
1. Cor. 3.

6.
Et pia
motio
volunta-
tia.

Tertio, quod item requiratur gratia piæ motionis voluntatis ad liberè volendum credere, sicut oportet, docet Arausic. Can. 5. definiens ipsum etiam initium fidei, ipsūque creditulatis affectum, nobis inesse per donum gratiæ: id est, inquit, *per inspirationem Spiritus sancti, corrigentem voluntatem nostram ab infidelitate ad fidem, ab impietate ad pietatem*. Quod confirmat ex Philipp. 1. v. 6. *Confidens hoc ipsum, quia qui cepit in vobis opus bonum, perficiet*; & ex alijs Scripturæ locis. Et Can. 6. pronunciat eos, qui negant, per infusionem, & inspirationem Spiritus sancti in nobis fieri, ut credamus, velimus, & alia sicut oportet agere valeamus, resistere Apostolo dicenti, *Quid habes quod non accepisti?* &, *Gratiâ Dei sum id, quod sum*, 1. Cor. 4. & 15. Idem definiuit Mileuitanum Can. 4. affirmans Dei gratiam non tantum nos iuare; quia per ipsam nobis reuelatur, & aperitur intelligentia mandatorum, ut sciamus quid appetere, quid vitare debeamus: Sed etiam per illam nobis præstari, ut quod faciendum cognouerimus, etiam facere diligamus, atque valeamus. Et Trid. Sess. 6. Can. 5. affirmans exordium iustificationis (quod fidem esse docet cap. 8.) à Dei per Iesum Christum præueniente gratia sumendum esse, *tangente Deo cor hominis per Spiritus sancti illuminationem*. Quippe qui sine gratia Dei mouere se ad iustitiam coram illo, liberâ suâ voluntate non potest. Et cap. 6. *Disponuntur autem ad ipsam infusionem, dum excitati diuinâ gratiâ, & adius, liberè mouentur in Deum, credentes vera esse, quæ diuinis reuelata, & pro-*

missa sunt. Ad idem confirmandum, valent Scripturæ loca superius adducta: *Sine me nihil potestis facere*, &, *non quod sumus sufficientes*. &c. Ratio verò est: quia voluntas non est minus impotens, sine Dei gratia, ad volendum sicut oportet: quam intellectus ad cogitandum sicut oportet.

Quarto denique, quod requiratur etiam gratia adiutorij concomitantis, & concurrentis cum intellectu ad credendum sicut oportet, patet ex Can. 4. Concilij Mileuitani, & Can. 6. Arausic. proximè relatis: Et clarius ex Trid. Sess. 6. Can. 3. *Si quis dixerit sine præueniente Spiritus sancti inspiratione, atque eius adiutorio, hominem credere posse sicut oportet, Anathema sit*. Vbi Concilium vel idem inutiliter repetit; vel apertè distinguit gratiam præuenientem, & mouentem tantum inspirando, & excitando; à cooperante, quæ iuuat aliter quam inspirando, seu excitando interius; nempe concurrendo cum intellectu ad assensum fidei. Ait enim ultra gratiam præuenientem requiri adiutorium Spiritus sancti, quod aliud esse non potest, quam gratia cooperans, distincta ab omni gratia præueniente, & præuia actui fidei, atque aliter iuuans quam inspirando, & excitando. Alioquin ultra inspirationem, & excitationem, falsò, vel inutiliter Concilium adderet, *adiutorium*. Neque dicas, eandem gratiam, quæ præuenit & excitat, iuuare ad actum quando fit: quia non propterea est alia gratia, neque aliter iuuat, quam quia præuenit, & excitat: Ita vt hæc non sint duo officia eiusdem gratiæ. Sicut qui consuluit homicidium, non aliter iuuat quando illud committitur, quam quia consuluit. Neque enim aliter illius est causa. Idem confirmant efficaciter Scripturæ loca, quibus prædicta Concilia, & Aug. suprâ, aliique Patres contra Pelagianos, nullum opus conducent ad salutem vitæ æternæ, fieri posse sine gratia. Actus enim fidei, valde ad salutem conducit. Neque minor est imbecillitas intellectus ad credendum reipsa sicut oportet, quam voluntatis ad volendum credere.

Dico secundò, actum credendi sicut oportet, esse supernaturalem in substantia, & non tantum in modo; ita vt nec ipse, nec alius similis in specie, possit elici solis viribus naturalibus. Ita communiter Recentiores, teste Suarez lib. 2. de gratia cap. 5. Licet autem plures contrarium senserint. Probat primò, quia habitus fidei infusus, ad quem proximè disponit, quique ad similes actus exercendos infunditur, est in substantia supernaturalis. Ergo & ille actus credendi est in substantia supernaturalis. Antecedens conceditur ab Aduersarijs, & probabitur Disp. 12. Sect. 1. Consequentia verò patet, tum quia dispositio proxima debet esse eiusdem ordinis cum forma, & illi debet proportionata: tum etiam quia nulla esset ratio, cur ad eliciendos actus naturales in substantia, infunderetur principium supernaturale in substantia. Neque valet euasio dicentium, habitum infusum non dari propter efficientiam, sed propter convenientiam subiecti dispositionem, ut actus eius in substantia natura-

7.
Est super-
naturalis
quoad
substan-
tiam.

les, sint acceptabiles, vel proportionati ad vitam æternam. Etenim contra rationem ipsam fidei, & cuiuscunque alterius habitus virtutis est, quod non sit operativus. Adde quod primus actus fidei, qui in adultis est dispositio necessaria ad primam iustificacionem, & infusionem habitus fidei, non habet ab illo acceptationem: quippe quem naturā præcedit, vt dispositio formam. Et Christus Ioan. 15. non dixit solum, *Sine me actus vestri non possunt acceptari*: sed, *Sine me nihil potestis facere*.

8. Probatur secundò, quia ille actus est in substantia supernaturalis, & non tantum in modo, qui quoad substantiam, seu speciem propriam, nature vires superat: & auxilium Dei speciale requirit, non tantum vt facilius fiat, sed vt simpliciter fiat: neque tantum quoad aliquem modum extrinsecum, vel intrinsecum actui; sed quoad propriam speciem, & essentiam. Talis autem est actus credendi sicut oportet. Ergo est actus in substantia supernaturalis. Maior est clara, Minor probatur per partes. Ac primò, quod auxilium gratiæ requiratur vt fiat simpliciter, & non tantum vt facilius, definitum est à Milevitano Can. 5. vbi damnatur Pelagiani affirmantes gratiam requiri solum, vt facilius operemur: quia Christus non dixit Ioan. 15. *Sine me difficilius potestis facere*: sed simpliciter, & absolute dixit, *Sine me nihil potestis facere*. Paulus quoque ait simpliciter, 1. Cor. 3. *Non quod sumus sufficientes cogitare aliquid à nobis, quasi ex nobis: sed sufficientia nostra ex Deo est*. Quibus verbis aperte declarat impotentiam nostram circa tales operationes simpliciter. Similiter Arausic. Can. 7. & Trident. Sess. 6. Can. 3. pronuntiant simpliciter, non posse hominem per nature vigorem, & sine interno gratiæ auxilio credere sicut oportet: & non tantum, non posse facile credere.

9. Deinde, dici nequit hunc actum esse supernaturalem tantum quoad modum extrinsecum in fieri, id est, eo solum quod fiat à causa supernaturali, & supernaturaliter operante, quamvis in se sit naturalis; & nihil habeat, quod excedat nature vires: sicut visus restitutus cæco nato, est naturalis in seipso, quamvis fiat modo supernaturali, quia cause naturales non possunt visum dare cæco nato: Idemque est de vita mortuo restituta. Contrà enim: primò, inde sequeretur hominem viribus naturalibus posse tam perfectos actus fidei, spei, & charitatis elicere, atque potest cum auxilio gratiæ: sicut tam perfectus visus, & tam perfecta vita fit per naturam; ac datur, vel restituitur per miraculum. Consequens autem est absurdum, & Pelagianum: & ex eo sequeretur posse hominem talibus actibus sufficienter disponi ad iustificacionem, & credere sicut oportet ad salutem. Nam ad hoc Deus tantum requirit vt credamus ex toto corde. Ille autem actus est actus credendi ex toto corde, & quidem tam perfectè, ac si fieret à causa supernaturali; iuxta sententiam, quam impugnamus.

10. Neque responderi potest, non acceptari à Deo, nisi fiat ex auxilio supernaturali. Nam si æquè est perfectus, debet acceptari. Et est

contra providentiæ diuinæ ordinem, dicere è duobus actibus æquè perfectis, vnum acceptari, vt dispositionem ad fidem iustificantem; alium non: acceptari actum credentis ex auxilio; & non acceptari credentis sine auxilio æquè perfectè: cum tamen iste plus laboret. Secundò, sequeretur definitiones Conciliorum contra Pelagianos esse ridiculas, & petere principium, cum definitum non posse credi sicut oportet sine gratiæ auxilio. Nam iuxta hanc sententiam, credere sicut oportet, est formaliter credere ex gratiæ auxilio; Ergo definire hominem non posse credere sicut oportet sine gratiæ auxilio, est formaliter definire, hominem non posse sine gratiæ auxilio, credere sine gratiæ auxilio. Potius ergo Concilia censuerunt perfectionem actus credendi sicut oportet, tantam esse, vt non possit per solas vires naturales exerceri; idèque auxilium gratiæ necessarium sit. Tertiò, iuxta hanc sententiam, auxilium gratiæ non esset aliter necessarium, quam vt credamus per gratiæ auxilium; cum alioqui æquè perfectè possumus credere viribus naturalibus; quod profectò nugatorium est, indignumque providentiæ diuinæ, vt actum credendi sicut oportet alligaverit ad hunc modum productionis, qui est illi per accidens, & præternaturalis; relicto modo connaturali, quo poterat produci à causis sui ordinis. Quartò denique, iuxta hanc sententiam sequeretur auxilium gratiæ non magis esse necessarium ad actus fidei, spei, & charitatis, quam ad quosvis naturales, per se loquendo, & ex natura rei. Nam nulli omnino actus possunt ex auxilio gratiæ fieri, sine gratiæ auxilio.

11. Tertiò, dici etiam nequit hunc actum esse tantum supernaturalem quoad extrinsecam denominationem acceptationis diuinæ ad vitam æternam, aut alium quempiam modum extrinsecum tantum. Nam id argumentis iam factis refutatur. Et hoc ipso, quod Concilia citata definiunt requiri necessariò gratiam, & auxilium speciale, vt adiuuans, & coëfficiens actum istum cum intellectu nostro: docent aperte actum hunc talem esse ex natura sua, vel conditione intrinseca, vt non possit fieri viribus nature, sine viribus gratiæ: adeoque actus istius supernaturalitatem non consistere solum in aliqua denominatione extrinseca, sed in ipsa actus natura, vel conditione intrinseca. Qua de re, plura Suares lib. 2. de Gratia toto cap. 7.

12. Quartò, dici pariter nequit hunc actum esse tantum supernaturalem in modo quodam intrinseco intensiōis, durationis, facilitatis, aut certitudinis, vt Scotus, Cabr. Durand. Capreol. & alij quidam variè imaginantur. Nam vt actus sint supernaturales, & sufficientes ad salutem, non requirunt certa intensio, vel duratio: sed sufficit quilibet gradus, & existentia quælibet, parum, aut nihil durans; vt suppono ex tract. de Iustificac. & de Pœnit. Non requiritur item, vt facile fiant: & vt suprà notauimus, Christus non dixit Ioan. 15. *Sine me non potestis facilius facere*: sed absolute, nihil potestis facere. Adde quod facilitas non est modus intrinsecus actui, sed est modus, quo po-

tentia operatur, minori scilicet conatu. Ideoque hallucinantur Philosophi illi, qui dicunt habitus naturales, & supernaturales producere in actu facilitatem, non substantiam actus. Adde item quod habitus acquisitus sufficeret ad illam facilitatem: inciditurque in errorem Pelagij, qui gratiam ad facilius tantum operandum admitteret. Certitudo verò formalis, & intrinseca actui, non est modus accidentalis actui, sed est ipsamet eius natura, & essentia. Sicut enim evidencia est essentialis actui scientiæ: ita & certitudo actui fidei, conueniens scilicet illi ex essentiali ordine, & modo tendendi in obiectum. Certitudo autem extrinseca, seu constantia vel pertinacia ex parte voluntatis, non est modus intrinsecus actui, sed extrinseca denominatio, ad quam hæc opinio non recurrit, quæque generaliter suprà fuit re-
futa. Manet ergo probatum quod intendimus, nempe actum credendi sicut oportet, esse supernaturalem quoad substantiam, & non quoad modum tantum.

17.
Satisfit
obiectio-
nibus.

Quæ autem in contrarium obijciuntur, non posse actum, qui elicitur à potentia naturali cum auxilio licet supernaturali, esse in substantia supernaturalem; aut non posse illi esse liberum; sufficereque ad Conciliorum, & Sanctorum Patrum explicationem, si sit quoad modum supernaturalis: vana sunt, & indigna longiori refutatione. Patet enim ex dictis Concilia plus dicere; & concursus specialis, ac supernaturalis non magis obest libertati, quam generalis, & naturalis: Neque repugnat potentiam naturalem, seu obedientialem, eleuari ad actus in substantia supernaturales, qui simpliciter excedant vires illius non adiutæ à principio supernaturali. Quod si dicas effectum sequi debiliorem partem suæ causæ; quare si vna è causis est naturalis, actus debet esse naturalis. Respondeo negando consequentiam. Adhuc enim habet effectus causam sufficientem cur sit supernaturalis, quamvis non tam perfectus, ac si veraque causa esset supernaturalis. Instabis, quia conclusio non potest esse evidens, si vna præmissa sit obscura, quamvis altera sit evidens. Respondeo id ideo esse; quia præmissa vna non dat maiorem evidentiam, aut certitudinem alteri; & conclusio non est certa vel evidens, si hæc non sit. Verum præmissæ aliter mouent ad assensum conclusionis; quam intellectus, & principium eleuans, concurrunt ad actum supernaturalem. Hic enim vna causa eleuatur, & corroboratur ab alia: illic non. Similiter, duo viribus impares, trahentes simul pondus, fortius trahunt, quam solus imbecillior traheret: imò & quam solus valentior; quia alter ab altero corroboratur, & constituunt vnā causam totalem potentiorē circa talem effectum.



SECTIO II.

Verum circa idem obiectum, & motuum formale, dari possit actus fidei naturalis, & supernaturalis?

Hæc difficultas, licet aliâ occasione tomo præcedenti explicata fuerit; adeo tamen huius loci propria est, vt non possit omitti im-
presens, aliòque remitti, sed potius accuratè tractari debeat. Respondeo igitur, positi Dei reuelatione sufficienter credibili, posse intellectum, absque alio gratiæ auxilio, elicere actum in substantia naturalem, circa idem obiectum materiale, circa quod exercetur actus supernaturalis: atque etiam circa, & propter idem motuum, & obiectum formale; id est, propter Dei testimonium sufficienter propositum: sed non æquè perfectè, atque fit actus supernaturali credendi sicut oportet ad salutem.

Prima responsi pars, est D. Thomæ q. 5. a. 3. ad 1. eiusque interpretum ibidem, & aliorum plurium, quos citant, & sequuntur Suares lib. 2. de gratia c. 10. num. 3. Molina in Concord. disp. 7. & Egid. Coninck disp. 14. dub. 2. Probat, quia intellectus viribus naturalibus potest percipere voces significantes Dei reuelationem, & earum significationem. Potest ter-
item cognoscere motiua, quibus credibile sit Deum reuelasse; & ijs moueri ad certò assentiendum. Quemadmodum passim moueri solet argumentis multò minoribus ad certò assentiendum, etiam falsis. Quod si sint difficultates in obiecto credendo; & potest eas non videre: & si videat, iudicare potest esse proponendas tot, & tantis argumentis credibilitatis. Certè Gentiles multa credunt difficillima, & falsa de suis Dijs, ex maiorum suorum traditione, vel alijs argumentis longè minoribus: & Iudæi, atque Hæretici credunt multa fidei mysteria, etiam difficillima, actum naturali, & sine alio auxilio speciali, quam reuelationis sufficienter factæ: perperam enim dice-
rentur iuuari specialiter ad actum inutilem ad salutem; neque habent actum fidei supernaturalem, quamdiu persistunt in affectu infidelitatis. Adde quòd multa falsò credunt bb præsumptas reuelationes, ad quos alius credendi falsos, & vitiosos, Deus non concurret specialiter: quia non potest esse causa specialis actus turpis. Si autem possunt credere falsa, & præsumptiuè reuelata; quidni vera?

Secunda pars est Egidij Coninck, & Molinæ locis suprà cit. quorum isto Disputat. 7. §. *Nostram sententiam*, affirmat idem sensisse Scotum, Durand. Capreolum, Gabr. Caiet. & plures alios. Probat, quia naturali lumine evidens est, testimonium Dei, propositum sufficienter, esse dignum fide, multò magis quam testimonium hominum: Ergo testimonium Dei propositum sufficienter, est motiuum sufficiens, vt intellectus moueatur naturaliter ad assentiendum propter illud. Potest autem cognosci propositum sufficienter per argumenta credibilitatis naturaliter cognita, vt antea pro-

14.
Conclu-
sio assen-
suum.

Probat
efficacia-
ter.

15.
Etiā
propter
idem
motiuū.

baumus: Ergo, &c. Secundò, Iudæi, & Hæretici multa credunt, quia à Deo reuelata: quæque non crederent omnino, vel non adeo firmiter, nisi putarent esse à Deo reuelata. Ergo mouentur Dei testimonio ad credendum, & propter illud credunt. Tertiò, testimonium Dei falsò præsumptum ab aliquo Catholico, potest euius mouere, vt aliquid credat, quod non aliter crederet. Putà, quia falsò existimat aliquid haberi in Scriptura, vel in Concilijs. Tunc autem credit actu naturali: Nam Deus non concurret specialiter ad talem actum falsum. Ergo & multò magis testimonium Dei verum, potest esse intellectui motiuum credendi actu naturali. Si enim actus naturalis falsus potest inniti Dei testimonio malè præsumpto, vt obiecto formali, & motiuo: quidni bene præsumpto, actus naturalis verus? Quartò, potentia, dum vbitur, & exercetur per actus supernaturales, acquirit habitum naturalem inclinantem & facilitantem ad similes actus eliciendos, & circa idem obiectum, ac motiuum. Ponamus ergo Catholicum, qui se diu multumque exercuerit circa mysterium Trinitatis credendum supernaturaliter, postea fieri Hæreticum Lutheranum: Ille sine dubio sentiet magnam facilitatem ad credendum mysterium Trinitatis propter Dei testimonium. Nam peccatum Hæresis circa aliud obiectum, non obstat, neque minuit habitum naturalem circa mysterium Trinitatis. Poterit ergo iam hoc mysterium credere propter Dei testimonium, quamvis non actu supernaturali, ob peccatum infidelitatis, cui culpabiliter adhæret.

Tertia pars sequitur ex dictis Sect. præcedenti: cum enim à Tridentino Sess. 6. Can. 3. definitum sit, non posse hominem credere sicut oportet, sine præueniente Spiritus sancti inspiratione, atque eius adiutorio; & ex Arausico Can. 7. necessaria sit inspiratio, & illuminatio Spiritus sancti, distincta ab externa prædicatione: sequitur actum credendi sicut oportet, perfectiorem esse, quam vt solis viribus naturalibus elici possit, etiam posita sufficienti propositione obiecti per reuelationem externam, & prædicationem sufficienter credibili. Sequitur præterea intellectum solis viribus naturalibus non posse tam clarè, & tam perfectè attingere credibilitatem, & obiectum credibile. Alioqui non egeret illustratione Spiritus sancti, si sine illa posset æquè clarè cognoscere. Vnde infero iudicium supernaturale de credibilitate, & assensum fidei supernaturalis, non modo esse perfectiorem in entitate, quia est ordinis superioris: sed & in claritate, ac modo assentiendi. Et quamvis sit difficile, imò naturaliter impossibile nobis, discernere, quousque possint naturæ vires, quid-vē sit illud, quod detegitur per illustrationem Spiritus sancti, ignotum naturaliter; aut in quo maior illa claritas præcisè consistat: quod si liquidò nobis constaret, constaret pariter, quando-nam credamus actu supernaturali, & quando non: Dicit tamen potest cognitionem, quam possumus habere solis viribus naturalibus de

tatis sufficienter propositis, non sufficere vt velimus & possumus credere cum ea infallibilitate, vniuersalitate, certitudine, adhesionē pura & absoluta, cum Dei testimonio amplissime, ac sine restrictione, pio & omnino sincero affectu erga primam veritatem, plenāque ad ipsam subiectione mentis, & societate quadam domestica cum Deo, vt loquitur Apostolus Ephes. 2. v. 10. Alijsque conditionibus, quæ actum fidei Christianæ, prout est nobis liber, reddunt magis laudabilem, & Deo acceptabilem: sed iuxta Concilia suprā citata necessariam esse illustrationem Spiritus sancti, quā fidei obiecta, sufficienter proposita exterius, reddantur nobis notiora, & magis amplectenda; eiusdemque motionem circa voluntatem, & auxilium cooperans, quo velimus credere, & reipsa credamus cum conditionibus supradictis, quibus fides supernaturalis excedit naturalem.

Confirmatur, quia vt rectè argumentantur eruditi quidam recentiores: actus supernaturalis non esset laudabilior naturali, si ab illo non aliter differret, quam entitate materiali. Hoc autem est falsum, & absurdum: Ergo & illud vnde sequitur. Maior probatur, quia actus pares rectitudine mentis, atque omni aliā conditione cadente in liberam electionem operantis, sunt æquè laudabiles, & imputabiles operanti. Atqui si actus naturalis, & supernaturalis, differunt tantum entitate materiali, sunt pares rectitudine mentis, & omni aliā conditione cadente in liberam electionem operantis. Neque enim cadit in electionem nostram, nisi id quod cognoscimus. Non cognoscimus autem differentiam illam entitatis, si alioquin actus sunt planè similes in omni modo tendendi in obiectum. Tantum enim possumus cognoscere firmitatem, subiectionem, reuerentiam, & obedientiam mentis: quæ supponuntur esse omnia paria, & similia in vtroque actu, adeoque non possunt à nobis dignosci. Minor vero eiusdem argumenti probatur primò, quia Scriptura, & Concilia ostendunt credentes Fide diuinā, esse laudabiliores credentibus fide tantum humanā, & acquisitione: eosque laudant, quod tendant modo quodam excellenti in obiectum, ex toto corde, id est, ex plena, & vniuersali subiectione mentis ad Deum, non obstantibus quibuscunque difficultatibus, quæ generosè per fidem contemuntur, aut vincuntur. Vnde Rom. 4. v. 19. Dicitur Abraham non considerasse corpus suum emortuum; & emortuam vuluam Saræ: & v. 18. dicitur credidisse in spem contra spem. Secundò, actus naturalis fidei non disponit ad iustificationem, sed solus supernaturalis, vt definitum est ab Arausico. Can. 6. & Trid. Sess. 6. Can. 3. Atqui si differret tantum entitate ab actu supernaturali, & par esset in omnibus conditionibus laudabilibus, deberet actus naturalis æquè disponere ad iustificationem. Nam qui æquè obedit, & ea præstat, ad quæ hortantur sacre literæ; æquè se disponit. Dicit tamen non hortatur, nisi ad conditiones liberas, ac proinde eligibiles, & cognoscibiles operanti. Tertiò, quando Concilia dicunt

17.
Actus supernaturalis non differt formalitatem à naturali.

non posse nos sine Spiritus sancti inspiratione, & adiutorio, credere sicut oportet, ut iustificacionis gratiam consequamur; non explicant illam particulam, *sicut oportet*. quòd fides dispensans ad iustificacionem, differat entitate à fide naturali, sed quòd modo quodam excellenti tendat in obiectum: nempe quòd Deo se perfectè submittat, credatque ex toto corde, & generosè difficultates, ac naturæ sensum superet: quæ significant conditionem peculiarem laudabilem, & modum specialem tendendi in obiectum. Quartò denique, Concilium Arausic. can. 5. & 7. definit, ad credendum sicut expedit ad salutem, necessariam esse gratiam Spiritus sancti, quæ nos corrigat ab infidelitate ad fidem: & Ioan. 6. Christus affirmat neminem posse per fidem ad ipsum venire, nisi Pater celestis eum traxerit: & 1. Petri 2. Fideles vocantur genus electum, gens sancta, populus acquisitionis, quem Deus de tenebris vocavit in admirabile lumen suum. Atqui si fides naturalis differret solà entitate materiali à fide supernaturali, æquè mentem nostram corrigeret ab infidelitate; quippe quam faceret æqualiter rectam. Et per eam equali cognitione, & affectu, veniremus ad Christum, si par esset in illa claritas, firmitas, amplitudo, submissio mentis, & aliæ conditiones laudabiles, idemque omnino tendendi modus, solà materiali entitate diuersus; eodem modo, quo putant nonnulli, visionem nostram ocularem, differre entitate, & specie à visione brutorum; quia nostra est ex parte spiritalis, & recepta in anima; alia verò est purè materialis: Cum tamen visio brutorum aliquorum fit nostræ par in modo tendendi, & percipiendi obiectum; imò etiam aliqua sit perfectior nostrâ, ut visio Lynx, aut Aquilæ.

SECTIO III.

Soluntur obiectiones contra doctrinam præcedentem.

19. **C**ontra primam partem responsi dati initio præcedentis Sectionis, non pugnant Canones Conciliorum relati num. 16. quippe qui loquuntur tantum de actu credendi sicut oportet ad iustificacionem; ut Trid. disertè significat Sess. 6. can. 3. & Arausic. can. 6. Adhuc enim expresse particulam, *sicut oportet*: quæ additio vel est frustra, vel nobis fauet, & innuit posse sine auxilio gratiæ dari aliquem actum credendi, sed non sicut oportet.

Obiici tamen potest, actum naturalem non posse ferri circa obiectum supernaturale; quia non potest ferri potentia naturalis circa rem ordinis superioris, nisi eleuetur ab agente superiori; & obiectum non esset supernaturale, si posset attingi viribus naturalibus. Confirmatur, quia actus specificantur ab obiectis, & illis proportionantur. Ergo actus, qui versantur circa obiectum supernaturale, debent esse supernaturales. Obiectum autem fidei Theologicæ est supernaturale. Ergo actus, qui circa illud versantur, debent esse supernaturales:

ideoque non potest attingi actu naturali.

Respondetur negando primum antecedens, intellectum de actu naturali in substantia: fate-mur enim actum, de quo hic loquimur, esse supernaturalem in modo extrinseco quo fit: quia fit concurrente auxilio gratuito externæ propositionis obiecti sufficienter credibilis. In quo est aliquid supernaturale, saltem quoad signa, siue argumenta sufficientis credibilitatis, quæ proponi debent, ut credatur Deum dixisse. Ad primam confirmationem Respondeo intellectum satis eleuari, seu iunari ad hunc actum, per propositionem sufficienter credibilem. Obiectum autem fidei, ideo est & dicitur supernaturale, quia non potest attingi solis viribus naturalibus, sine auxilio gratuito propositionis sufficienter credibilis per miracula, vel alia opera diuina, & supernaturalia. Ad secundam dico, sensum illius axiomatis esse, quòd actus intellectus habeant suam speciem, & essentiam in ordine ad obiecta, debeantque illis proportionari aliquo modo, & accommodari, quatenus debent illa repræsentare, & exprimere vitaliter. At non quòd debeant esse eiusdem speciei cum obiectis, vel eiusdem ordinis, & in omnibus illis proportionari, vel assimilari. Nam actus spiritalis versantur circa obiecta materialia: & manifestum est circa idem obiectum tendere actus specie diuersos: ut sunt visio, imaginatio, & intellectus, circa eandem albedinem.

Contra secundam partem opinantur Suares lib. 2. de Gratia cap. 11. & Mærat. Disp. 11. de Fide Sect. 3. Ac primò supponunt, scriptisque repetunt, motium siue obiectum formale fidei supernaturalis, esse purum & nudum Dei testimonium, sine argumentis credibilitatis. Quod alibi ostendimus esse à vero alienum, & impossibile. Quare per hoc malè distinguunt actum supernaturalem à naturali: & malè in eo fundant necessitatem, & rationem actus supernaturalis.

Secundò opponit Suares illud 1. Thessalonic. 2. *Gratiam agimus Deo sine intermissione: quia cum accepissetis à nobis verbum audimus Dei, accepistis illud, non ut verbum hominum, sed, sicut est verè, verbum Dei, qui operatur in vobis, què credidistis.* Vbi ponderat Suares primò, accipere verbum Dei, ut verbum Dei, nihil esse aliud, quàm sistere in puro Dei testimonio, non reducendo illud ad rationes humanas: id est, iuxta mentem Suariz, ad argumenta credibilitatis; quia iam acciperetur ut verbum hominum. Secundò, Paulum asserere hoc esse opus Dei, operantis scilicet per gratiam, pro qua ipse gratias agit sine intermissione. Tertiò, Paulum generaliter loqui, & nihil excipere. Quare nobis excipere non licet, sed generaliter asserendum est accipere verbum, ut verbum Dei, id est, propter nudum ipsius testimonium credere, esse opus Dei: & nunquam esse opus naturale, sed opus gratiæ.

Respondetur Paulum piè supponere (sicut piè præsumi solet de proximo, ac debet, nisi sit ratio in contrarium) Thessalonicenses accepisse verbum, ut verbum Dei, condignè, & sicut oportet illud accipere. Quemadmodum dicitur

Soluntur
ac-
tum. cō-
trariæ
opinio-
nē.

19.

10.

Quid sit
recipere
verbum
Dei sit
tale?

accipere Regem vt Regem, & Magistratum, vt Magistratum, qui excipit & tractat sue honorat vt talem. Hoc autem fatemur generaliter esse opus gratiæ. Sed negamus hoc esse sũtere in nudo Dei testimonio siue argumentis credibilitatis: (quæ non sunt rationes humanæ, sed opera diuina, & testimonia operis, à Deo exhibita, vt credibile reddat testimonium oris; id est, credibile reddat se dixisse id, quod ipſius nomine proponitur) sed est credere infallibiliũs, clariũs, certius, vniuersaliũs, &c. quàm fieri possit viribus naturalibus, sicut supra expositum fuit.

11. Tertiò opponit testimonia illa generalia pro gratiæ necessitate: *Non sumus sufficientes cogitare aliquid ex nobis. Sine me nihil potestis facere, &c.* Verũ quia responderi facili potest id quod ipſemet sapius respondet, sermonem ibi esse de actibus credendi sicut oportet, & de alijs operibus ad salutem conducenibus: addit, Concilium Trid. Sess. 6. cap. 6. & Arausic. can. 5. & 25. explicare illud, *sicut oportet*, non esse aliud, quàm credere Deo, aut credere in Deum, id est, credere ob purum Dei testimonium, tanquam vnicam rationem credendi. Confirmatur, quia si homo potest credere Deo, ex diuina tantũ auctoritate: potest ex sua virtute credere summã certitudine, & infallibiliter. Ergo quantum ad mores pertinet, iam habet perfectissimam fidem. Nam distinctio quasi materialis in entitate naturali, vel supernaturali, parum ad mores refert, si ad hæc ad obiectum eadem est, & ad bene operandum æquẽ conducere potest.

Nudum
Dei testi-
monium
non est
sufficiens
obiectum
fidei.

Respondeo negando talem esse mentem Conciliorum, cũ satis aperte impossibile sit credere Deo, vel in Deum, eo sensu, quo Suares Concilia exponit, id est, credere oris testimonio purẽ, sine argumentis credibilitatis, siue quibus non est credibile quoad esse, id est, non est credibile Deum esse testificatum; vt alibi ostendimus. Neque vrgent verba Conciliorum relata à Suare. Nam in illis omnibus facili potest, & debet subintelligi particula, *sicut oportet*, & ad omnia extendi; licet non semper, & vbique repetatur, quia sufficit alicubi exprimi. Nego præterea id quod in confirmationem assumit Suares. Nam ex dictis supra liquet actum fidei naturalem, non habere illam infallibilitatem, certitudinem, amplitudinem, & similes condiciones necessarias ad credendum sicut oportet, quas habet actus supernaturalis: quæ condiciones non oriuntur ex Dei testimonio quomodo- cumque cognitio, vel nudẽ cognitio siue argumentis credibilitatis; vt supponit Suares: sed ex modo, quo Spiritus sancti ope homo secundũ intellectum illustratus, & adiutus; & secundũ voluntatem pie morus, & affectus, attingit testimonium Dei credibile clariũs, firmiũs, vniuersaliũs & alijs conditionibus laudabilioribus. Quod non est actus per accidens, sed illi per se, & formaliter conuenit, multumque refert ad bene operandum.

12. Quartò opponit hoc argumentum: Si ratio formalis obiecti fidei talis est, vt viribus naturalibus attingi possit actu absoluto, & effica-

ti; non est de se supernaturalis, sed naturalis. Consequens est falsum: Ergo & antecedens. Probat sequelam: quia illud dicitur in præſenti supernaturalẽ, quod superat vires naturales. Et sicut dicitur habitus supernaturalis, ille qui acquiri non potest per vires naturales: & actus supernaturalis, ille qui non potest exerceri per solas vires naturales: sic obiectum supernaturale est illud, quod viribus naturalibus attingi non potest. Ergo si potest attingi viribus naturalibus, non est supernaturale. Consequens autem falsum esse, omnes admittunt, & meritò, quia destruit fundamentum necessitatis gratiæ ordinis supernaturalis. Nam si obiectum illud naturale est, & viribus naturalibus attingi potest; non erit ad illud attingendum necessaria gratia ordinis supernaturalis.

Respondeo rationem formalem obiecti fidei esse supernaturalem: quia constat argumentis supernaturalibus, quibus fit sufficiens ter credibile Deum dixisse: tum etiam quia non potest condignè attingi viribus solis naturalibus, sed cum ope speciali, & supernaturali Spiritus sancti: quamvis facta sufficienti propositione, possit attingi imperfecte sine alio gratiæ auxilio, vt supra explicatum fuit. Contra quam secundam partem nostræ responsionis, & integræ rationis, nihil faciunt quæ Suares subijcit, de errore Pelagij: quippe qui volebat obiectum fidei attingi posse solis naturæ viribus, etiam condignè, sicut oportet ad iustificationem: vt patet ex dictis in tractatu de Gratia, Disp. 34. Sect. 1.

Quintò opponit argumentum aliud ab inconuenienti: Si ex eodem motiuo, & ratione formalis obiecti sequi potest actus naturalis, & supernaturalis: numquam erit in potestate hominis elicere actum supernaturalem, neque ad illum conari quantum in se est, etiam conando operari ex perfectissimo motiuo sibi proposito: sed solum id pendebit à Dei voluntate, sicut determinatio causæ ad vnum indiuiduum præ alio æquẽ possibili. Atque ita è duobus hominibus circa idem obiectum operantibus æqualiter quantum liberè possunt, vnus saluabitur, alter non; eo solo, quod Deus vnum determinat ad actum supernaturalem, alterum non. Consequens est falsum, & absurdum. Ergo & antecedens.

Respondeo negando sequelam Antecedentis. Est enim in potestate hominis liberè conari ad modum illum perfectiorem cognoscendi illud formale, & assentiendi propter illud: ad quem modum per gratiam præuenientem, & cooperantem Spiritus sancti eleuatur. In eoque est differentia inter eum qui saluatur, & alium qui non saluatur: quod ille conatur liberè cooperari Dei gratiæ, alter non.

Sextò opponit, habitus ex actibus, & actus ex obiectis species sumerè: Ex quo sic argumentatur. Eadem potentia non potest habere actus specie distinctos circa idem obiectum materiale, ex eodem motiuo, seu obiecto formali: quia non possunt actus sumere species diuersas ab eodem obiecto. Atqui actus naturalis, & supernaturalis sunt distincti specie:

13:

14.
Quomodo
actus
specificatur
ab obiectis?

Ergo, &c. Respondeo habitus, & actus ipsius formaliter, & intrinsece esse id, quod sunt, & eius speciei, seu essentiae, cuius sunt. Specificari autem ab actibus & obiectis, hoc sensu, id est, habere speciem, & essentiam suam, seu naturam in ordine ad actus, & ad obiecta: quippe qui tendunt ad illa essentialiter. Arguitur etiam colligi speciem diversam habituum, & actuum, quando tendunt ad quatuor ad actus, & ad obiecta specie diversa. Sed non vice versa habere necessarium eandem speciem, seu essentiam, si tendunt ad eandem speciem actus, vel ad eandem speciem obiecta. Nam v. g. visio, imaginatio, & intellectio, tendunt ad eandem albedinem: Neque propterea sunt eiusdem speciei. Nego etiam quod assument Suares, non posse eandem potentiam habere actus specie diversos circa idem obiectum materiale, & formale. Nam si operetur circa idem obiectum adiuta ab alio perfectiori principio, & secundum illius perfectionem; poterit actus specie distinctus ab illa sic adiuta prodire. Quemadmodum, ut Suares non negat paulo post, eneruans ipsemet suum argumentum; intellectus per scientiam infusam potest elicere actum nobiliorem, & specie diversum circa idem obiectum, quod cognoscere potest scientia naturali, & acquisita. Sic etiam possumus amare Deum propter se amore naturali, aliquo modo longe imperfectiori, quam amore supernaturali: Et sperare, se desiderare vitam aeternam. Quod si non posset fieri nisi actibus supernaturalibus, experiremur nos exercere actus supernaturales. Quia evidens nobis est, nos credere aliquo modo, quia Deus dixit; & desiderare vitam aeternam; & Deum amare propter summam ipsius bonitatem.

Verum instat Meratius supra: Si ex eodem formali obiecto, ex quo elicitur aliquis actus naturalis fidei, spei, & charitatis, possit aliquis elici supernaturalis ex habitu supernaturali; sequitur posse etiam elici duplicem in specie supernaturalem, ex duplici secundum speciem supernaturali habitu possibili. Hoc autem est absurdum. Primo, quia sequeretur circa idem obiectum formale, circa quod versari potest unus actus supernaturalis possibilis, posse versari plures specie in infinitum; v. g. infinitas specie visiones circa Deum. Quod si ita est: cur docent communi consensu Theologi, omnes visiones beatificas, & omnia lumina gloriæ esse eiusdem speciei, non modo in hominibus, sed & in omnibus Angelis, quamvis quoad intelligentiam specie diversos, tum ab hominibus, tum inter se, pro ut alij alijs sunt essentia nobiliores? Secundo, nullum erit obiectum possibile materiale, & formale, naturalis actus intellectus, aut voluntatis, circa quod non possit esse actus supernaturalis ex principio supernaturali possibili. Tertiò, nullum erit obiectum sensuum suæ interiorum, suæ exteriorum, ex speciebus impressis naturalibus, circa quod non possint exerceri actus supernaturales ex speciebus impressis supernaturalibus. Quartò, nulla erit actio naturalis circa quodcumque subiectum; quæ non possit multiplicari specie in infinitum, ex multiplici

principio possibili merè naturali in entitate; v. g. possibilis erit multiplex specie in infinitum calcfactio, frigatectio, illuminatio: ac consequenter plures specie in infinitum calores, plura frigora, plura lumina, & plures in infinitum hominum species, leonum, equorum, & aliorum animalium: quorum indidua nunc sunt eiusdem speciei. Erunt etiam eadem ex causa possibles plures specie in infinitum animæ rationales, & leoninæ, &c. Ex quibus fient composita specie diversa.

Respondeo, non esse absurdum, sed omnino verum, ex principio specificè perfectiori, & perfectiori in infinitum, operante secundum suam maiorem perfectionem, oriri effectus specie diversos in infinitum: quemadmodum, ut fateretur expressè Meratius Sect. cit. §. Respondeo primo, intellectiones, & volitiones naturales hominum, & Angelorum circa idem obiectum materiale, & formale, specie differunt & perfectione essentiali, quia cognitiones & volitiones Angelorum oriuntur ex principijs perfectioribus, ut talibus.

Ad primam sequelam Respondeo, lumen gloriæ, & visionem beatificam esse eiusdem speciei in omnibus (si tamen hæc quoque sit eadem specie in omnibus) quia placuit Deo eandem specie mercedem, vel eundem finem ultimum formalem, æque ac obiectum, proponere, & constituere. Sicut eosdem specie habitus in iustificatione infundit omnibus: Et licet Angeli sint perfectioris intelligentiæ, quam homines; & alij alijs inter se; non concurrunt tamen ad visionem beatificam secundum suam maiorem perfectionem naturalem; sed tantum iuxta gradum, & elevationem luminis gloriæ: unde qui habent perfectiorem intellectum, non propterea plus Deum vident cum æquali lumine gloriæ, ut in tractatu de Deo exposuimus.

Ad secundam sequelam, Respondeo veram esse, loquendo de actibus non turpibus & indecentibus: Nam ad turpes, & ad obiecta vitiosa appetenda, non possunt dari principia supernaturalia; quia Deus non potest esse causa specialis actus turpis, & ad illum naturam eleuare. Ad tertiam Dico primò, species impressas non concurrere effectivè ad actus, sed tantum determinando, vice obiectorum. Secundò, nullam apparere contradictionem, quod sensus elevari possint ad actus nobiliores, quam elicere possint solis naturæ viribus circa obiecta naturalia. Existimo tamen hos actus sentiendi non fore supernaturales in substantia, propriè loquendo. Quia nihil puto esse propriè supernaturale in substantia, quod non sit spirituale, eiusdem ordinis cum gratia, & gloria, & forte nulli substantiæ creatæ possibili connaturale, quæ creatura est. Illi verò actus essent connaturales alijs animalibus perfectioribus, inferioribus naturæ Angelicæ, & clausis intra ordinem substantiarum naturalium.

Ad quartam Respondeo nomen caloris formaliter sumpti, frigoris, luminis materialis: itemque nomina hominis, equi, &c. esse determinata ad significandas res vnius speciei, quales nunc sunt. Et non posse multiplicari

26.
Ostenditur id posse fieri.

27.
Solvuntur reliqua argumenta.

28.

specie res illas sub iisdem nominibus, & conceptibus: sed tamen non implicare dari alias qualitates specie diversas, calori aliquo modo similes, & alio nomine communi significabiles. Itémque alias formas immateriales, aliquo modo similes animæ rationali, & cum ea convenientes in genere formæ immaterialis, seu spiritalis. Sicut enim sunt possibiles spiritus completi diversæ speciei, cuiusmodi sunt Angeli: quidni, & incompleti? Idem dico de formis alijs: ex quibus cum materia unitis, existent composita specie diversa ab ijs, quæ nunc sunt.

Cæterum Auctor, qui hæc objicit, non satis coherentem loqui mihi videtur, quando Diss. illa 11. Sect. 3. contendit non posse actum naturalem, & supernaturalem versari circa idem obiectum materiale, & formale. Et tamen Sect. 1. columna 3. n. 1. asserit actum voluntatis supernaturalem non prærequirere necessarium cognitionem supernaturalem circa obiectum, in quod tendit; sed sufficere præteriam naturalem. Nam cum id omne quod appetitur, & quatenus appetitur, cognoscatur: necesse est id omne, quod appetitur per actum voluntatis supernaturalem, quodque est illius obiectum materiale, & formale; cognosci quoque per actum illum naturalem, & esse illius obiectum. Ergo falsum est actum naturalem, & supernaturalem non posse versari circa idem obiectum materiale, & formale. Ac si potest intellectus attingere actu naturali obiectum illud supernaturale: quidni etiam cum Dei auxilio, actu supernaturali, magis ei proportionato & connaturali?

SECTIO IV.

An qui dissentit vni articulo fidei, possit simul alium credere ex puro fidei divine motivo?

29.
Status
quæstio-
nis.

Questio est de illo, qui scienter & libere dissentit vni articulo fidei sufficienter proposito, ut faciunt quicumque sunt formaliter Hæretici. Nam circa dubium est, posse assentientem vni articulo fidei, dissentire alteri non sufficienter proposito, propter ignorantiam inculpabilem.

Sententia
negans.

Sententiam negantem amplectuntur plerique Theologorum: quam aliqui recentiores probant primo ex communi hominum sensu, & experientia. Nam, inquit, constat vnicuique non esse possibilem hanc arbitriariam applicationem motui actu operantis, & æqualiter applicati. Rideretur enim ille, qui non dubitat furari à Ioanne, & diceret se abstinere à furto erga Petrum, quia Deus furtum prohibet; quasi non æqualiter prohibeatur quodlibet furtum, cæteris paribus. Item, rideretur qui diceret se amare Petrum, quia est imago Dei: & tamen Paulum odisset, in quo videt fortè magis resplendere imaginem Dei. Probant secundo ratione, quia motuum formale omnino dominatur in omni actu, siue intellectus, siue voluntatis: & materiale nul-

lam habet aëritatem, idèque dicitur materiale. Formale autem tantumdem excitat, per se, æqualiterque ad omnia materialia, quibus æqualiter convenit. Itaque implicat obiectum formale duobus materialibus æquè conveniens, in vno acceptari, & in altero respici. Probant tertio auctoritate D. Thomæ, 3. parte, quæst. 86. art. 3. in corpore, ubi probat dolentem de vno peccato mortali, quia est contra Deum, dolere de omnibus, quia omnia sunt contra Deum. Vbi autem (inquit) est eadem ratio, est idem effectus. Neque dicas hoc esse verum, quando id, in quod causa agit, recipit naturaliter, & necessariò effectum: secus autem si libere. Nam tamen causa libera possit recipere, aut non recipere vim motui: si tamen illud recipit, æqualiter recipit ea omnia, ad quæ vis illius applicatur. Confirmatur, quia nemo dubitabit vocare inconsistentem eum, qui heri Domino obediit, si hodie aliud opus omnino æquale iubenti, non obediit. Ita si quis heri auctoritate alicuius movebatur, ut ei dicenti aliquid crederet, & hodie nolit eidem credere aliud, cuius non minus testis idoneus est; dicitur amisisse reverentiam quam habebat erga eius auctoritatem, & inconsistentem circa illam esse. Inconsistentia autem est mutatio ab vno affectu ad alium incompatibilem. Ergo sunt affectus incompatibiles, velle obedire Præfato aliquid iubenti, propter eius præceptum: & nolle eidem obedire in alio pari. Vel alicuius testificantis auctoritati se submittere in aliqua propositione: & in altera non magis difficili nolle se submittere. Hæc illi.

Quibus non obstantibus existimo cum Aëgidio, Coninck disp. 14. de Fide, dub. 2. & Medina Codice de Pœnit. tract. 1. q. 11. a. 2. Voluntatem posse pro sua libertate, è duobus, quibus convenit mortuum propter quod agit, & vnum amplecti, & alterum respicere. Idemque probabile censet Tannerus quæst. 6. de Pœnitentia, dub. 2. & fauet Cardinalis de Lugo, disput. 5. de Pœnit. Sect. 6. num. 79. Quod ut melius explicetur, & probeatur, distinguendi sunt varij inodi, quibus id potest contingere. Primus est, si motuum inæqualiter conveniat obiectis materialibus, vni magis, alteri minus. Quo pacto motuum detestantur peccata, quia displicent Deo, magis convenit mortalibus, quam venialibus. Et hoc modo Adversarij, quorum argumenta retulimus, non negant posse voluntatem pro sua libertate tendere in obiecta materialia, quibus magis convenit motuum formale, relictis alijs, quibus minus. Ut v. g. conteri de solis mortalibus, quod fieri posse nemo negat. Secundus modus est, si inter obiecta materialia vnum sit altero difficilius. Sicut v. g. inter opera, quæ Deo placent, quæque ut talia appeti possunt, martyrium est difficilius eleemosyna. Et hoc etiam modo non negant iisdem Adversarij è diversis obiectis materialibus, eidem motui formali subiacentibus, posse respici difficultas: tamen æquè, atque etiam magis illi conveniat obiectum formale. Posse videlicet aliquem velle efficaciter dare eleemosynam v. g. quia Deo placet: & nolle subire martyrium, quamvis Deo magis

30.
Conclusio
affirmativa.

placeat. Tertius modus est tendendo solum diuini in motuum æque commune pluribus materialibus, & ex illis vnum præ alio liberè eligendo. Vt cum aliquis è duobus medijs æqualibus, & seorsim sufficientibus, vnum præ alio sumit. Quamvis enim non velit medium, nisi ex amore finis: quia tamen vnum sufficit, potest ad vnum ex illis se determinare. Aut cum aliquis vult dare elemosynam propter Deum, vni è duobus pauperibus; potest ad vnum illorum se determinare, quamvis Deo æque placeret si daret alteri, æque indigenti, & æque digno commiseratione. Atque hunc etiam modum non negant Aduersarij, sed diserte illum admittunt in responsione ad argumenta nostræ sententiæ.

17.
Probatur
efficaciter.

Ex his autem censeo peti posse argumentum efficax ad probandum, id quod intendimus, & in titulo Sectionis proposuimus: nempe fieri posse, vt qui dissentitur vni articulo fidei scienter, & liberè: tamen alteri assentiat actu naturali, ex puro fidei diuinæ motiuo. Actū, inquam, naturali: Nam supernaturalis, non ita restrictè, & imperfectè versatur circa Dei testimonium, sed cum plena, & vniuersali submissione, & reuerentia ad Dei auctoritatem, vbi cumque sufficienter appareat; vt patet ex dictis Sect. præcedenti. Probatur, quia si potest voluntas (vt fatentur aduersarij) vnum è pluribus obiectis materialibus eligere pro sua libertate, quando motiuum conuenit illis inæqualiter, vni magis, alteri minus: Ergo potest vnum credibile præ alijs eligere, quando magis illi conuenit testimonium diuinum sufficienter credibile: id est, quando magis appareat per argumenta credibilitatis Deum id reuelasse. Id autem non apparet æqualiter de omnibus: sed Deus specialiter de quibusdam id fecit illustrius per signa & miracula multò plura, vel illustriora, in eorum gratiam specialiter edita. Secundo, si (vt fatentur etiam aduersarij) quando inter obiecta materialia vnum est altero difficilius, potest istud respicere voluntas, quamvis æqualiter, atque etiam magis illi conueniat obiectum formale: certum est inter obiecta materialia fidei quædam esse alijs longè ad credendum difficiliora, vt mysterium Trinitatis, Incarnationis, Eucharistiæ. Poterunt ergo ista pro libertatis arbitrio respici, alijs licet acceptatis. Tertiò, si potest voluntas, pro sua libertate restringere motiuum de se æque commune, & generale, ad vnum è multis materialibus diuinum, vt fit in exemplis allatis, & concessis ab aduersarijs. Quidni similiter potest restringere motiuum fidei, & velle assentiri vni ex illis materialibus propter illud motiuum, non alteri? Et, si (vt aiunt ipsimet Aduersarij) omnia obiecta materialia, quibus conuenit obiectum formale actualiter amatum, non amantur necessariò, nisi pro mensura efficacitæ voluntatis, quæ motiuum cadit in illa materialia, siue gradum amoris, quo voluntas illud amplectitur: atque ita qui amat in elemosyna beneplacitum Dei, non necessariò vult eam dare pluribus pauperibus, quia est amor beneplaciti diuini ita limitatus: Quidni etiam potest amor & reue-

rentia erga diuinum testimonium simili modo limitari?

Respondent differentiam esse: quia motiuum reuerentiæ erga credibilitatem diuini testimonij, non est motiuum, quod etiam moderate amatum, cadat tantum diuinum in vnum articulum, sed cadit collectiue in omnes, saltem pariter credibiles ex se. Cum enim reueremur aliquem, etiam hominem, vt veracem; non dicimus, volo illi fidem habere, in vno tantum, sed in omnibus non excedentibus fidem. Itaque hæc reuerentia applicat collectiue ad omnes articulos. Verum licet ex se cadat in omnes, & prudenter agendo, debeat omnibus applicari, vbi nulla maior est difficultas applicandi omnibus, aut nulla ratio specialis interuenit non applicandi alijs, sed vni tantum: ratio differentie allata non ostendit, quòd non possit vni solum, aut quibusdam applicari præ alijs, à voluntate abutente sua libertate, & contra rationem operante. Non est autem questio proposita quid debeat, aut possit iure & rationabiliter fieri: sed quid de facto, & absolute. Præterea quamvis motiuum illud æque caderet in omnes articulos, pariter, & æqualiter credibiles, collectiue: neque posset vni eorum diuinum applicari præ alijs: non probat ratio allata, quòd saltem non possit applicari diuinum, quando inæqualis est credibilitas; vel articulo cuiuspiam faciliiori, præ alijs difficilioribus. Atque ita poterit aliquis ex. gr. credere Deum remittere offensas verè pœnitentibus: Et nolle credere Mysterium Trinitatis, Incarnationis, vel Eucharistiæ, propter Dei testimonium sufficienter propositum: quod sufficit ad probandum id quod intendimus in titulo Sectionis, & responso dato questioni propositæ.

Ad primum contrarie sententiæ argumentum respondeo, motiuum de se æqualiter conueniens pluribus obiectis materialibus, posse per liberam electionem voluntatis vni præ alijs applicari: interdum quidem insipienter & ridiculè, vt in exemplis allatis in obiectione: interdum verò cum recta ratione, vt quando è duobus medijs seorsim sufficientibus eligitur vnum: aut quando è decem pauperibus datur vni elemosyna ex determinatione libera voluntatis ad hunc præ alijs, quibus tamen motiuum æque conuenit de se.

Ad secundum dico, motiuum non dominari voluntati liberè in illud tendenti, nisi quantum ipsa vult, & acceptat. Potest autem acceptare inadæquatè, vt supra ostendimus, & in multis fatentur Aduersarij. Nec obest quod addunt, motiuum, & amorem voluntatis erga obiectum formale, esse pondus, quo fertur in omnia obiecta materialia sui motui, atque ita quando voluntas fe illius amore regi permittit; fertur eo amore in omnia, in que pariter inclinat illud pondus: Vnde si motiuum cadit æqualiter in omnia materialia, aut collectiue, aut diuinum; fertur in illa voluntas eadem proportionem. Respondeo enim amorem erga motiuum esse liberum voluntati: neque plus eam vi illius regi efficaciter, aut ferri ad obiecta materialia, quam ipsa liberè velit. Et quamvis

32.
Refellitur
eua-
gio.

33.
Solutio
arg.
contra-
ria.

Motiuum
potest ac-
ceptari
inadæ-
quatè.

motium ad omnia collectiue allicit, aut æqualiter ad singula diuifim: poffe tamen voluntatem pro fua naturali libertate, non fequi illius exigentiam, & contra illam agere. Frufta vero instant, voluntatem effe quidem liberam, fed non ad affectus fimul contrarios: funt autem affectus contrarij, nihil amare nifi motium formale, & ipfum habere æqualiter in duobus propofitum, alterum tamen prorfus refpuere. Refpondeo enim primò, hoc argumentum nihil probare de materialibus, quibus motium inæqualiter conuenit. Secundò, etiamfi motium illis æqualiter conueniat: non effe tamen affectus contrarios, amare motium contrariè ad vnum materiale, & non amare aut etiam refpuere contrarium ad aliud: vt fit etiam quando datur eleofyna vni è duobus pauperibus per omnia æqualibus: aut cum è duobus medijs æquè bonis, vnum præ alio eligitur: quod fieri poffe fatentur Aduerfarij, & per fe notum eft.

34.
Conditio
perfecta
deficitur
omni p. m.

Ad tertium refpondeo D. Thomam loqui de contritione perfecta, quæ peccatum detestatur, quatenus eft contra Deum super omnia dilectum; vt patet ex eius verbis immediate fequentibus loco citato, *Non potest esse verè penitens, qui de vno peccato penitet, & non de alio. Si enim displiceret ei illud peccatum, quia eft contra Deum super omnia dilectum (quod requiritur ad rationem verè penitentis) fequeretur quid de omnibus peccatis penitentes.* Loquitur, inquam, D. Thomas de contritione perfecta, & fupernaturali, vtilique ad remiffionem peccatorum obtinendam, tendente contra peccatum ex amore Dei super omnia dilecti. Quod motium comprehendit omnia peccata mortalia collectiue: imò etiam venialia: fi particula, *omnia*, intelligatur abfolutè & ampliffimè, de ijs etiam quæ leuiter Dei amori repugnant. Quinquam hoc non eft neceffarium ad habendam contritionem fufficientem remiffioni mortali. Sufficit enim dolere propter Deum de omnibus, quæ grauitur ipfius voluntati, & amori aduerfantur. Debet tamen neceffario contritio fupernaturalis, cadere in peccatum mortale, propter illud motium vniuerfaliter acceptum. Quia debet plenè fubjicere voluntatem illi motui, eamque auertere efficaciter ab omni alia re, grauitur Deo difplicente, eufque amicitie repugnante incompatibiliter: ficut fides fupernaturalis plenè fubjicit intellectum diuino testimonio, cum præparatione animi ad illud amplectendum, & reuerenter habendam, vbicumque apparebit fufficienter propofitum, auertitque intellectum ab omni infidelitate.

35.
Inconfiftas
quis di
calat?

Ad quartum refpondeo, inconfantem illum dici, non modò, qui affectum mutat ab vno in alium incompatibilem; verùm etiam qui non æqualiter fe habet, & fimili modo vult aut agit, in pari cafu omnino, & vbi nulla eft caufa rationalis aliter volendi, aut agendi, fed potius fecundum rectam rationem, & prudens iudicium, deberet in eodem volendi, aut agendi modo perffiftere. Qualis inconfantia reperitur in exemplis allatis in obiectione. Secus autem vbi eft caufa rationalis; vel propter

difficultatem maiorem, vel ob nouas alias circumftantias, aut propter rationabile exercitium libertatis. Nam qui v. g. dedit hodie pauperi eleofynam ex puro motui misericordie; potest non dare cras eidem, aut alteri petenti, quamvis æquè digno commiferatione: quia non tenetur dare eidem aut alteri quotiefcumque petit, & leuiter tantum indiger, potestque illius indigentie facilè ab alio fuccurri, vt folet. Et qui heri dedit aliquid filio, quia filius eft; potest cras eidem negare idem, vel æquale beneficium: quia non tenetur illi dare quidquid postulat.

SECTIO V.

An actus credendi fide naturalis, fide fupernaturalis, diftinguantur realiter ab intellectu?

Negant aliqui Recentiores, qui contendunt actus vitales intelligendi, & volendi, 36. effe tantum modos fe habendi indiftinctos, *Sententia negant.* Primò, quia fi cognofcens efflet aliquid conftitutum ex principio, & qualitate fupradaddita, illud conftitutum diftingueretur realiter à volente, quod etiam conftitueretur ex principio, & aliqua alia qualitate. Hoc autem eft impoffibile: quia impoffibile eft alterum cognofcere, feu effe actum & formaliter cognofcens, & alterum realiter ab illo diftinctum effe eligens, quod non eft cognofcens, & confequenter quod non potest liberè vnum obiectum alteri præferre. Neque fufficit dicere, principium effe idem. Quia id quod eligit, debet effe ipfummet, quod formaliter obiecta cognofcit. Sed principium vt diftinctum ab ea qualitate, quam vocat cognitionem, non eft formaliter, & intrinfece cognofcens; fed illud folum conftitutum. Ergo illud non vni aptum eft per fe eligere, quam materia prima hominis cognofcere, aut paries vifum difgregare pro vt diftinctus ab albedine. Secundò, actus vitalis, feu vita in actu fecundo, nequit effe qualitas mortua. Eftque contra rationem, dicere qualitatem mortuam, & fubiecto etiam non vitali vniuerfalem, conftituere formaliter viuens. Nec vlla efflet ratio, quare efflet, aut diceretur vitalis, & vita fecunda, potius quam quævis alia qualitas vniuerfalis animæ, & apta ab ea pendere, & produci, vt habitus, fpecies, &c. Tertiò, Deus eft contingenter cognitio, & volitio, fine tali qualitate producta: Ergo cognofcere & velle, non eft producere qualitatem. Hæc illi: quæ non funt tanti momenti, vt propterea communiffima fententia fit deferenda ab ijs, qui prudenter, & fine periculo nouitatis affectatione philofophari fatagunt.

Contrarium enim fentiunt omnes antiqui Theologi, etiam Nominales (quorum Sectam 37. Conclu- profiteantur Aduerfarij) & omnes recentiores; ficut affir- exceptis Durando in 2. dift. 3. quæft. 5. ad 1. man. Vbi ita fentit de cognitione Angelij, quæ naturaliter fcipfum intelligit; nam alias fatetur diftingui: & Malonio eadè dift. Difp. 5. Sect. 2. vbi generatim affert intelligendi, ac volendi actus, etiam in creaturis (de quibus hic loquitur

Probat
auctori-
tatem Pa-
trum.

mur) esse tantum modos fe habendi indistin-
ctos in re, atque alios idem docere, sed nul-
lum citat, neque ab alio citatum vllum reperi-
o. Eadem est communissima sententia San-
ctorum Patrum, qui productione diuinas Filij,
& Spiritus sancti, explicant per compara-
tionem ad productionem nostrorum actuum
intelligendi, & volendi: quod videlicet, quem-
admodum nos intelligendo, & volendo, produ-
cimus verbum mentis, siue actum intelli-
gendi, & amoreu realiter à nobis distinctos:
Ita Pater intelligendo producit Verbum perso-
nale, seu Filium realiter à se distinctum: & Pa-
ter ac Filius, amando producent amoreu perso-
nalem, siue Spiritum sanctum, ab ipsis quo-
que realiter distinctum. Verbum, inquam,
personale, & amoreu personale; quia Fili-
us, & Spiritus sanctus, non sunt Verbum, &
amor, quo essentialiter & formaliter Deus se-
ipsum, & alia cognoscit, & amat: sed sunt ter-
mini realiter producti per seculiditatem cogni-
tionis, & amoris essentialis, realiter distincti à
se inuicem, & à principio, à quo producun-
tur: sicut in nobis cognitio, & amor sunt actus
realiter distincti, tum à se inuicem, tum à prin-
cipio intelligendi & volendi, à quo producun-
tur. Atque hoc est primum & efficax huius
sententiæ argumentum, communissimum scilicet
Patrum consensus, cui fe opponere in re-
ram Theologicarum tractatione, & explicatio-
ne, magnæ est temeritatis, vt alibi probatum
fuit. Eorum verò testimonia plurima, legi pos-
sunt apud Didacum Ruys disp. 2. de Trinit.
Sect. 2. & disp. 55. Sect. 4. & disp. 57. Sect. 3.

vide Disp.
8. Sect. 3.

38.
Habitus
& actus
supernat.
distingui-
turaliter à
subiecto.

Secundum argumentum sit, quia de fide est,
vel fidei proximum, infundi habitus superna-
turales fidei, spei, & charitatis, ex Trid. Sess. 6.
cap. 7. & alijs infra dicendis, cum de habitu
fidei disputabitur. Idemque ante Tridentinum
erat in Ecclesia certissimum: Falluntur enim
qui putant tempore Concilij Viennensis sub
Clemente V. fuisse tantum id probabile, & ab
eodem Concilio receptum solum vt probabi-
lius. Nam controuersia Theologorum illius
temporis, vt Concilium refert, tantum in eo
erat, vtum paruulis in baptismo infunderentur
virtutes, æquæ ac adultis; quibusdam af-
ferentibus, paruulis tantum remitti peccatum,
sed non infundi habitus virtutum, qui essent
illis inutiles, cum non sint capaces exercendi
eorum actus: alijs verò è contrario affirman-
tibus infundi paruulis virtutes quoad habitum,
licet non illo tempore quoad vsum: Et
vtriusque, vt patet, supponentibus, & consen-
tientibus indubitanter, infundi habitus adultis:
quod etiam Concilium supponens, & appro-
bans, sic concludit: *Non attendentes generaliam
efficaciam vniuersi Christi, quæ per baptismum ap-
plicatur pariter omnibus baptizatis, opinionem se-
quendam, quæ dicit tam paruulis, quam adultis
conferri in baptismo informantem gratiam, & vir-
tutes, in vnum probabiliorum, & distis Saxo-
rum, & Doctorum modernorum Theologia magis
conformem, & concordem. sacro approbante Con-
cilio auximmo eligendum.* Hucusque Clemen-
tensi Concilio, vt refertur in Clementina
de sancta Trinitate, & fide Catholica. Que

verba hunc sensum apertè habent: Cum effi-
cacia mortis Christi pariter applicetur per ba-
ptismum omnibus baptizatis, id est, æquè par-
uulis, ac adultis: & adultis conferat virtutes
habituales, vt certum, & citra dubium est;
probabilius est illas quoque conferre paruulis,
vt sentit maior pars Theologorum, & confor-
mius est Sanctis Patribus. Sic igitur argumen-
tor: Certum est infundi virtutes, & habitus su-
pernaturales, realiter distinctos ab anima, cui
infunduntur, & cui inhaerent, vt Trident. su-
prà loquitur. Ergo pariter certum esse debet,
actus propter quos infunduntur, esse quoque
realiter distinctos ab anima. Nam habitus illi
infunduntur ad exercendos actus sibi propor-
tionatos. Ergo ad actus supernaturales, & rea-
liter distinctos à potentia naturali: quippe qui
sunt in substantia seu entitate supernaturales,
æquæ ac illi habitus, quorum entitas nullis vi-
ribus naturalibus acquiri potest, sed à Deo solo
infunduntur.

Tertium argumentum: Actus supernatura-
les beatifici distinguuntur à mente beata. Ergo
& actus supernaturales viz. Consequentia pro-
bat: tum quia nulla est sufficiens ratio dis-
criminis; tum quia argumenta Aduersariorum,
vel de omnibus probant indistinctionem, vel
de nullis. Antecedens verò probatur: quia
alioquin Angeli & animæ beatæ, solâ suâ sub-
stantiâ & entitate naturali essent formales
beatæ; & sola ipsorum entitas, illis sufficeret
ad totam formalem beatitudinem; quod est
absurdum, & alienum à sensu Catholicorum.
Quod argumentum maiorem vim habet con-
tra aliquos aduersarios, qui non verentur
dicere, neque etiam habitus supernaturales dis-
tingui: quod sine magno errore dici non posse,
affirmat Suares lib. 7. de Gratia, cap. 15. num. 8.
& merito, quia contrarium satis apertè
dicitur est à Trident. Sess. 6. cap. 7. Ex hoc au-
tem dogmate ab aduersarijs asserto, sequuntur
Angelos, & animas beatas, non plus habere
realiter in beatitudine, quam in pura natura:
nihil, inquam, illis superaddi, ac nihil intrin-
secum acquirere: sed se solis esse intrinsecè
beatos, & perfectos vsque ad consummationem;
quod est absurdum, & contra sensum
communem Ecclesiæ. Sed quamvis admittan-
tur habitus supernaturales distincti, lumen glori-
æ, & alij: certum est beatos non per illos
beati formaliter, sed per actus vitales. Nam
formalis beatitudo consistit in operatione.
Certum est quoque illos non esse simpliciter
necessarios ad beatitudinem: quia possunt
actus beatifici exerceri sine illis, Deo per se
solum eleuante, & suppleute concursum habi-
tuum. Quare si actus beatifici non distinguun-
tur à mente beatorum: mens illa erit per se-
ipsam, & per solam suam entitatem natura-
lem, beata formaliter: quod contendo esse ab-
surdum, planèque alienum à communissimo
consensu Patrum, & Theologorum, asseren-
tium visionem beatificam esse transformationem
mentis in Deum, & similitudinem eius
expressam, iuxta illud 2. Cor. 3. v. vltimo, *Nos
vero omnes reuelatâ suæ gloriæ à omni specu-
lantes, transformamur à claritate in claritatem,*
langham

39.
Actus
beatifici
distingui-
turaliter à
beato.

tanquam à Domini spiritu. Et 1. Ioan. 3. v. 2. *Similes ei erimus, quia videmus eum sicuti est.* Hæc enim transformatio, & similitudo non fit formaliter per simplicem, & indistinctum modum se habendi, quo mens Beati Deum videat, & amet, eique vnatur, & adhæreat intentionaliter, & moraliter: quia sic non magis nos transformaremur in Deum, quam Deus in nos; iuxta sententiam aduersariorum, nam, vt ipsi docent, Deus quoque per simplicem modum se habendi videt, & amat contingenter Beatos. Et illa vnio, & adhæsiō, ac possessio moralis, & intentionalis, est reciproca: quia Deus non minus adhæret vitaliter, & intentionaliter Beato per visionem, quā illum cognoscit; quā Beatus Deo, per eius visionem.

Atque hoc argumentum maiorem vim habet contra aliquos aduersarios, qui non venter dicere Deum de nouo cognoscere, & velle contingenter. Hinc enim sequitur Deum etiam de nouo transformari in Beatum, æquē ac Beatus transformatur in Deum. Illa ergo transformatio Beatorum non fit per simplicem modum se habendi, qui Deo æquē conuenit, secundum Aduersarios. Neque etiam fit formaliter per lumen gloriæ habituale: quia, vt iam dixi, posset mens Beatorum Deum videre sine illo, cum auxilio supernaturali eleuante, loco habitus infusi: sed fit formaliter per ipsam visionem beatificam, quæ scilicet est forma intrinseca Beatis, Deo similis, tanquam imago eius viua & expressa, ipsosque in Deum transformans, & assimilans, seipsā formaliter. Quare non est simplex se habendi modus, quasi anima seipsā solā realiter possit esse beata, seipsā solā fiat forma Deo simillima, & expressa eius imago: Sed potius forma tam excellens, est qualitas quedam, & forma perfecta, excelsus vires naturales animæ: adcoque habens propriam entitatem supernaturalem excellentissimam. Imò in naturalibus cognitionibus non apparet, neque verisimile est, quod anima, quæ seipsā nullius rei est essentialiter representatiua, sit seipsā solā, vt Deus, representatio, & imago expressa eorum, quæ intelligit; sed omnino exercitium animæ tam nobile, & excellens, plus requirit, & maiorem facit animæ immutationem, quā simplicem modificationem. Adde quod non apparet, cur aliqui tot organa forent necessaria in oculo, v.g. si visio esset simplex modus se habendi. Argumenta verò Aduersariorum æquē impugnant distinctionem actuum sentiendi, atque intelligendi: ita vt illi distingui non debeant, si hi non distinguuntur: vt patebit ex dicendis paulo post, num. 41. & sequentibus.

Quartum argumentum: Modus philosophandi Aduersariorum negando distinctiones in ijs, in quibus est nouitas in re, & fundamentum contradictionis, extendi non debet, nisi ad ea, in quibus distinctio est apertè superflua. Tum quia modus ille philosophandi est per se durus, & difficilis, atque alienus à communi sensu: tum etiam quia ducit aliqui ad errorem, & hæresim. Nam simili modo philosophandi, sequendo lumen naturale, negaretur distinctio quorumcumque habituum, æquē ac

actuum, & quorumcumque accidentium; cum tamen ex Trident. suprâ, sit certissimum distingui habitus supernaturales ab anima: & contra fidem apertè sit dicere accidentia Eucharistica non distingui à substantia panis & vini. Quare principium illud Okami, & Nominalium, non esse admittendam distinctionem realem, nisi vbi auctoritas irrefragabilis fidei, scilicet diuinæ, ad id cogit, vel ratio tam euidentis, vt ei responderi non possit, erroneum est, & periculosum, vt fusius ostendimus disputando de Eucharistia. Non ostenditur autem apertè superfluum esse distinctionem actuum vitalium à principio intelligendi & volendi, vt patebit ex solutione argumentorum. Quare modus philosophandi negando distinctionem à parte rei non debet aduersum eiusmodi actibus.

Ad primum contrariæ sententiæ argumentum Respondeo, cognoscens, & volens, distingui realiter inadæquatè; ex parte scilicet qualitatis productæ; sed non adæquatè; quia non ex parte principij vitalis producentis in seipso huiusmodi qualitatem, & attendentis per se ad obiectum, atque videntis vitaliter qualitate, quam producit. Notandum enim id quod alibi diximus, in tractatu de Angelis, disp. 37. Sect. 2. in fine, intellectionem vitalem non esse solam qualitatem productam ab intellectu: sed includere ipsum intellectum vitaliter se exercentem, producendo illam qualitatem in seipso, & attendendo ab obiectum quod per illam exprimit. Nam actus vitales non sunt mera accidentia; sed includunt vsum, & applicationem ipsius principij vitalis substantialis, seipsum exercentis. Qui vñs est identicè ipsum principium: sicut actio est identicè agens; & grauitatio est id quod grauitat. Quare sicut impossibile est vt aliquid agat nisi vim suam exercentem: ita est impossibile, vt mens cognoscat, vel appetat, nisi per se intendendo. Satisque vel ipsa experientia constare videtur principium substantiale intelligens, & volens, attendere per seipsum, vel affici ad obiectum, quod cognoscit, aut appetit. Ita vt cognoscere, vel appetere, non sit tantum producere, aut recipere qualitatem aliquam distinctam, quæ in obiectum tendat, & se solā formaliter subiectum cognoscens, vel appetens constituat: sed sit ipsummet viuens per se apprehendere, aut iudicare; aut discutere; vel appetere, afficiæ ad obiectum. Vnde cognitio, vel appetitio formaliter non est sola qualitas inherens principio substantiali viuienti sed includit ipsum principium tendens vitaliter per seipsum. Quod principium si aliquid in seipso producit intelligendo, & volendo, vt fit in Angelis, & hominibus; id tamen, quod producit, non est totum exercitium vitale: neque sufficit ad intelligendum, aut volendum, sine vitali attentione principij. Sique potest separari à subiecto de potentia absoluta, & lapidi, aut bruto communicari: non propterea lapis, aut bruto, intelligeret & veller. Neque enim quilibet est capax attendendi, & vtendi tali qualitate, atque cum illa constituendi viuens in actu secundo: sicut non quilibet res est capax

41.
Cognos-
cens &
volens
quomo-
do disti-
nguatur
realiter?

40.
Distin-
ctio vbi
admit-
tenda?

constituendi cum anima viuens in actu primo, id est, principium substantialium vitalium operationum sensitiuum, vt facit corpus organicum: Sed hoc est proprium mentis, quæ attendit producendo, & producit attendendo, virtutemque vitaliter qualitate à se productâ, & in se receptâ; quia est virtus viuâ, & vitalis. In quo etiam differt ab habitibus, speciebus, & alijs rebus mortuis, quæ concurrunt interdum, vel iuuant ad actus vitales: sed non vitaliter attendendo.

42. Ad replicam dico, id, quod eligit, debere esse ipsummet, quod formaliter obiecta cognoscit, ipsummet, inquam, ex parte principij cognoscentis, & per se attendentis: sed non ex parte qualitatis iuuantis ad vitalem attentionem, & intentionem in obiectum. Malè enim comparatur hoc principium cum materia prima respectu intellectus, aut cum pariete respectu effectus disgregandi visum. Nam materia prima nullo modo per se intelligit, sed mens sola, & homo per mentem. Pariet quoque, prout distinctus ab albedine, non disgregat visum per se, neque ad id vllò modo concurrat per seipsum: sed hoc facit albedo, & ipse solum per albedinem. At idem principium vitale cognoscens, & volens, per seipsum producit vttramque qualitatem, & per seipsum immediatè, & formaliter attendit producendo, ac recipiendo qualitatem, quâ virtutis viuâ & vitalis virtute. Addo hoc argumentum retorqueri posse in aduersarios. Nam cum agunt de potentia sensitiua interna, probant hoc argumentum sensum communem, phantasiam, æstimationem, & memoriam esse eandem potentiam: quia non alia potentia debet organis externis quiescentibus cognoscere (quod facit phantasia) quàm ea quæ ipsi operantibus percipit (quod facit sensus communis) quænam enim alia excogitari potest, cui hoc potius debeatur? Item, eius est recordari, quod prius percipit. Alioqui vnum prius perciperet; & aliud, quod non percipit, recordaretur se percipisse; in quo esset euidentis deceptio. Atqui per aduersarios hæc sensationes sunt modi se habendi, quippe animæ non essentielles. Et hi modi, iuxta eosdem aduersarios, differunt realiter inter se, saltem quando sunt impossibiles; vt iidem affirmant. Ergo anima vt sentiens præsentia, id est, anima taliter se habens, & quasi constitutum ex anima, & tali modo se habendi, differt realiter à seipsa vt recordante. Atque ita aliud realiter est sentiens primò, & aliud recordans: nisi dicant sufficere identitatem principij sic se habentis; vt nos diximus de intelligente, & volente. Respondent hos modos se habendi non esse impossibiles; & non omnes modos distingui realiter inter se, sed eos solum qui sunt impossibiles simul in eadem re, aut qui sunt rerum diuersarum. At insto, quia, per aliquos saltem aduersariorum, & speciatim eos, quorum argumentis modo respondemus: modus se habendi cognoscendo præsentia, vt talia, est planè impossibilis cum modo recordandi eadem vt præterita pro eadem differentia temporis, non modò in creaturis, sed etiam in Deo. Qua de causa volunt

(quod miror illis in mentem venisse) cognitionem Dei variari in tempore, & creaturis se accommodare, cum de futuris sint præsentis, & de præsentibus præterita. Volunt etiam Deum successiue modò amare, modò odisse Petrum v. g. pro varia ipsius dispositione bona, vel mala: quia putant esse impossibile Deum simul amare & odisse eundem: quæ dogmata Aduersariorum, quamvis sint planè falsa, valent tamen ad ostendendum ipsos vim sui argumenti supra propositi infringere, & hoc ipsum, quod respondemus, approbare.

Ad secundum, dico actum vitalem non esse solam illam qualitatem: neque solam constituere viuens formaliter, vt supra exposuimus. Dicitur autem vitalis, & vita secunda partialiter; tum quia cum principio substantiali viuente constituit viuens in actu secundo: sicut corpus organicum, (quamvis de se mortuum, id est, non-viuum, præcisè sumptum) constituit viuens in actu primo cum anima: Tum etiam quia producitur immediatè in seipso à principio viuente, & producitur attendendo. Quo modo habitus, & species non producantur: Nam habitus producantur à Deo solo, si sunt supernaturales; vel ab actibus, si naturales. Species quoque producantur ab actibus, vel ab obiectis, vel à Deo infunduntur. Et quando habitus, vel species producantur ab actibus nostris, producantur mortuo modo, id est, sine vlla vitali attentione in huiusmodi productione, simili ei, quâ calor calorem, aut albedo speciem sui producit.

Ad tertium respondeo, ineptum esse, ex eo solo quòd distinctio in Deo non sit quoad aliquid, velle inferre, neque esse in creaturis: quasi entitas creaturarum sit paris simplicitatis, & amplitudinis cum substantia diuina, quâ Deus est excellentissimè, & sufficientissimè quicquid est. Hoc sanè argumentum pugnat aperte contra communem sensum sanctorum Patrum, qui soli Deo tribuunt, vt sine vlla distinctione habeat esse, posse, & agere: creaturæ verò accidentarijs perfectionibus, & distinctis egeant. Estque naturaliter euidentis multò maiorem esse rationem, vt Deus, quippe absolutissimè infinitus, & perfectus, sit identicus, & realiter suâ essentia, seu substantia, quicquid est; & quamvis non sit essentialiter scientia contingentium, quæ sicut potuerunt non esse vt sunt, potuerunt nesciri ita esse, & contrario modo cognosci: tamen cum Deus sit essentialiter eorumdem cognitio, vt possibile; facilius intelligitur, quomodo, sicut idem obiectum de possibili sit existens; sic eadem Dei scientia essentialis, quasi modificata, ad illud extendatur, & fiat scientia contingens eiusdem obiecti existentis, per vsum, & applicationem indistinctam realiter, seu per talem habitudinem ad tale obiectum.

43. Actus vitalis non est sola qualitas producta.

44. Maior identitas est in Deo, quàm in creat.



SECTIO VI.

Utrum omnes actus fidei Theologicae sine eiusdem speciei?

45. **A**ffirmant Suarez Disp. 6. Sect. 3. num. 11. Egidius Coninck disp. 14. dub. 12. Meratius disp. 10. & alij plurimi. Probant verò præcipue: quia omnes actus fidei Theologicae habent idem obiectum formale, nempe diuinam reuelationem, & auctoritatem. Tota ergo diuersitas est tantum materialis, quæ non causat specificam diuersitatem in actibus. Confirmatur ex D. Thoma quæst. 2. art. 2. ad 1. ubi tacite concedit vnus habitus, & vnus virtutis vnus esse actum; vt patet conferendo responsionem cum argumento. Item, actus misericordie est idem specie, siue pauperi velis dare panem, siue pecuniam, vt subuenias eius indigentia. Et actus iustitie est idem specie, siue restituere velis equum alienum, siue pecuniam: Ergo similiter idem est species fidei actus, siue credas mysterium Trinitatis, siue Incarnationis, propter diuinam auctoritatem.

46. **Conclu-**
do negat. Contraria tamen sententia tenenda est, cum Valentino Hecicæ disp. 18. de voluntate Dei cap. 4. num. 31. De Lugo disp. 8. de Fide Sect. 1. n. 3. Hurtado disp. 56. Sect. 1. n. 4. Nam actus intellectus, qui tendunt ad obiecta essentialiter diuersa, percipiendi illa quæ diuersa, & attingendi proprias eorum differentias secundum se, sunt essentialiter diuersi. Sed actus fidei sunt eiusmodi: Ergo, &c. Maior patet, quia huiusmodi actus sunt expressiones vitales rerum essentialiter diuersarum, quæ talium, & tendunt essentialiter ad illas vt tales. Quare sicut duæ visiones albi, & nigri, vt talium, differunt essentialiter: sic, &c. Minor verò probatur, quia actus fidei Theologicae non tendunt solum in diuinam auctoritatem & reuelationem; sed & in ipsam rem reuelatam secundum se, & secundum propriam differentiam; v.g. in mysterium Trinitatis, Incarnationis, Eucharistiae, Remissionis peccatorum, Prædestinationis, Vitæ æternæ, &c. Hæc enim creduntur vt talia. Quare non tantum auctoritas diuina, vel reuelatio attingitur secundum se per actum fidei, sed etiam illud ipsum, quod reuelatum est, attingitur secundum se, propter quidem subest reuelationi, ar non tantum secundum reuelationem, sed etiam secundum se; sicut videtur albedo v.g. propter quidem subest luminis, ar non tantum secundum lumen, sed secundum propriam rationem propter albedinem. Licet ergo auctoritas diuina sit vna: licet etiam reuelatio diuina esset eadem essentialiter, non minus quam lumen, quo colores illustrantur, essentialiter idem est: nihilominus sicut visio albedinis est essentialiter diuersa à visione nigredinis; quia in obiecto habet aliquid diuersum essentialiter, quod attingit secundum se: sic etiam actus fidei sunt essentialiter diuersi, quia in obiecto attingunt aliquid secundum propriam rationem essentialiter diuersam, nempe diuersas veritates reuelatas.

Deinde, falsum est quod supponunt Aduersarij, totum formale obiectum fidei esse idem. Nam, vt alibi ostendimus, obiectum formale fidei non est sola Dei auctoritas, seu veracitas; sed auctoritas loquens, & reuelans credibiliter. Reuelatio autem non est vnica specie: sicut non est vnus veritatis, sed multorum essentialiter differentium. Etenim reuelatio est alicuius reuelatio: eius nempe totius quod reuelatur secundum se. Et cum res diuersæ quæ diuersæ reuelantur, reuelatio diuersa est; quia in suo conceptu importat aliquid diuersum, id nempe, cuius est reuelatio. Alique est propositio, quæ Deus asserit se esse Trinum, alia quæ dicit Verbum esse Incarnatum, aut Christum esse realiter sub speciebus Eucharisticis. Vltimus reuelatio diuina completæ sumpta, & sufficienter proposita, non est purum testimonium oris, sed coniunctum testimonio operis, id est, factum credibile per signa supernaturalia; quæ possunt esse specie diuersa. Quare reuelatio potest habere specificam diuersitatem, non tantum ex parte veritatum reuelatarum; sed etiam ex parte signorum intertenorum, vel extenorum, per quæ constituitur in esse credibilis, & sufficientis reuelationis: Cumque actus fidei illam, vt talem respiciat, velut obiectum formale: hinc etiam contrahit specificam diuersitatem, & non tantum ex rebus reuelatis.

Notandum autem, aliud esse cadere sub aliquem actum omnino per accidens, aut per aliud, neque in seipso attingi per illum; vt patres cadit sub visum, quia videtur eius albedo; & aliud, ita cadere sub actum ratione alterius, vt tamen id, quod ratione alterius cadit sub actum, attingatur in se per actum illum; quo modo color cadit sub visum cum lumine; & veritas, quæ reuelata est, cadit sub actum fidei. Inter quos modos est differentia: quoniam actus non habet ordinem essentialem ad id, quod in seipso per illum non attingitur; ideoque subtracto illo manet idem actus. Vnde v.g. eadem est visio albedinis Eucharisticæ ante, & post consecrationem. Sed ad id quod in seipso attingitur, habet actus ordinem essentialem, neque potest esse idem eo subtracto.

Ad fundamentum aduersariorum patet ex dictis, reuelationem non esse vnus speciei, neque obiectum formale adæquatè sumptum. Materiale verò duplex distinguendum est. Vnum, quod est purè materiale, & subest tantum alteri, quod per se attingitur, ipsum verò non attingitur per se, & secundum se, sed per aliud tantum, & secundum illud: quo modo se habet substantia lactis, respectu albedinis visæ. Et tale obiectum materiale non mutat speciem actus: quia diuersitas specifica illius non attingitur per actum. Vnde eadem est specie visio accidentium consecratorum, & non consecratorum: & albi huius, & illius vt talis. Aliud verò est non purè materiale, sed etiam formale aliquo sensu: quia scilicet quamvis per aliud attingatur, non tamen attingitur secundum illud tantum, sed etiam secundum se, ac per se vt subiectum alteri: quo pacto color videtur quidem per lumen, sed non tan-

tum secundum lumen, verum etiam secundum se, ac per propriam rationem coloris, ut luminis subiectum. Et tale obiectum materiale mutat speciem actus: quia per illum attingitur secundum propriam differentiam specificam, ad quam proinde actus habet ordinem essentialem, ut ad obiectum suum. Sic autem se habent veritates secundum se reuelatæ, & creditæ, respectu fidei, quæ ut subiectæ reuelationi attinguntur per actum fidei non tantum secundum reuelationem, sed etiam secundum se. Quare sicut alia est visio albedinis, alia nigredinis, licet nullus color sine lumine videatur: Ita licet nihil credatur fide Christianâ, nisi propter diuinam veritatem, & reuelationem: tamen aliud est credendi actus, quo creditur Deum esse Trinum, & aliud quo creditur Deum creasse omnia, aut esse Incarnatum, vel prædestinasse homines ad vitam æternam. Sunt, inquam, isti actus diuersi, si veritates illæ seorsim, diuisimque sumantur. Aliæ autem possunt plures huiusmodi veritates in vnum actum colligi: imò & omnia credibilia, confusè saltem, vno actu comprehendi, qui ex illa collectione confusa haberet suam speciem, diuersam ab actibus tendentibus in veritates particulares seorsim, & distinctè: sicut conceptus entis confusè & in communi, differt à conceptu distincto entium particularium.

48.
Quid sit
Credere
Deo,
Credere
Deum, &
credere
in Deum?

Ad confirmationem Respondeo, D. Thomam non concedere vnius virtutis vnicum esse actum: sed tantum dicere hanc diuisionem, *Credere Deo, & Credere Deum, & Credere in Deum*, non esse diuisionem in tres actus, sed diuersam considerationem, seu comparationem eiusdem actus, qui dicitur *Credere Deo*, per ordinem ad obiectum formale; quia scilicet assentimur Deo testificanti: *Credere Deum*, per ordinem ad obiectum materiale, quatenus scilicet assentimur Deum esse; & *Credere in Deum*, per extrinsecam denominationem ab actu voluntatis, quo noster assensus liberè refertur in Deum. Possè autem eiusdem virtutis esse plures actus specie diuersos docet aperte S. Thomas 1. 2. quæst. 113. art. 5. ad 1. Vbi affirmat ad eandem virtutem pertinere prosequi vnum oppositorum, & refugere aliud. Et parte 3. quæst. 35. a. 2. ad 1. Dicit eiusdem charitatis esse diligere bonum, gaudere de eo, & tristari de opposito. Differunt autem specie prosequi, & refugere; gaudere, & tristari; amare, & odisse.

Ad vltimum Respondeo, actum illum misericordiarum, vel iustitiarum, esse eundem specie, non Physicè, & in rigore Metaphysico: sed tantum moraliter, id est, secundum moralem æstimationem reputari pro eodem specificè: quo pacto fatemur omnes actus fidei censeri moraliter eiusdem speciei: Vnde peccata ipsis opposita posituè, non sunt speciatim distinguenda in confessione, quia pro eodem in specie reputantur.

SECTIO VII.

An actus fidei supernaturalis sit discursus?

PRO parte affirmante citantur Gabriel in 3. dist. 13. quæst. 2. art. 2. vbi probabilem esse sententiam dicit, Almain. ibid. quæst. 3. vbi eandem affirmat. probat, & Marsil. in 3. quæst. 14. art. 1. Hurtado disp. 39. de Fide. Ripalda tom. 2. de ente supernaturali. disp. 55. num. 31. Becanus cap. 8. quæst. 3. De Lugo Disp. 7. Sect. 1. vterque in Tract. de Fide, & Vasquez 1. parte disp. 1. cap. 3. num. 5. Vbi docet actum fidei diuinæ generari per discursum proximè, & immediatè deductum ex testimonio Dei in hunc modum: Quicquid Deus dixit verum est. Deus dixit se esse Trinum. Ergo Deus est Trinus. Differre autem discursum fidei à discursu qui vocatur Theologicus, in eo quòd Theologicus non sit immediatè, & proximè ex Dei testimonio, sed ex articulis creditis in hunc modum: Vbi sunt due naturæ intellectuales, sunt due voluntates. Sed in Christo sunt due naturæ intellectuales. Ergo & due voluntates. Amplius autem Vega lib. 9. in Trident. cap. 39. censet actum fidei esse discursuum, non tantum modo supra dicto: verum etiam adiungendo vni propositioni reuelatæ, alteram non reuelatam, & ex vtraque deducendo conclusionem. Vt, Omnis homo est visibilis. Christus est homo. Ergo Christus est visibilis.

Fundamenta huius sententiæ sunt, primò, quia Hebr. 11. v. 1. *Fides dicitur esse argumentum non apparensum*. Argumentum autem vel est discursus, vel ad discursum pertinet. Et in Græco est *ἄρτης*, quod est argumentandi genus. Secundò, quia ad discursum requiritur, & sufficit, ut sint plura iudicia, quorum vnum ex alio sequatur formaliter, aut virtualiter. At hoc reperitur in Fide. Credimus enim Deum esse Trinum, quia Deus dixit, & quia Deus est verax; id est, iudicamus assensu certo Deum esse Trinum, quia certò quoque iudicamus Deum dixisse, & esse veracem. Tertiò, assensus fidei humanæ seu naturalis, est discursiuus. Ergo & assensus fidei diuinæ & supernaturalis: Par enim est vtriusque ratio: quia simili modo assentimur actu naturali propter Dei, vel hominum testimonium, quo assecutimur actu supernaturali.

Contraria tamen sententia vera est, & communissima. Ratio eius est, quia fides supernaturalis non habet pro moriuo, & ratione formali obiectiua assentiendi bonitatem formæ syllogisticæ, seu Regulæ bene syllogizandi, quæ sunt inuentum artis humanæ, quæque tametsi certæ sunt, & infallibiles; in illis tamen applicandis sæpe contingit error, & deceptio. Nam vel ipsi doctissimi non rarò malè syllogizant, & sophisticè, ob terminorum æquiuocationem, vel multiplicationem virtualem, & alia id genus sophismata. Non deicit autem fidei supernaturalem, penitus infallibilem, tali Regulæ subijci. Item, non omnes norunt, aut nosse possunt euidenter vim bonæ illationis

49.
Cōclusio
negat.

sylogistica, & in quibus principijs fundetur. Cùm tamen fides omnibus etiam rusticis, & rudioribus, communis esse debeat, & in omnibus esse certissima. Quare assensus fidei supernaturalis non est assensus discursivus, in bonitate consequentiae fundatus; sed est solum assensus enuntiativus complexus, quo iudicatur de connexionem certa, & necessaria veritatis reuelatæ, cum Dei revelatione ab ipso facta, & sufficienter proposita: in hunc modum: *Quia Deus hoc dixit, ita est.* Quales sunt istæ enuntiationes complexæ Logicorum: *Quia sol lucet, dies est: Quia Deus est summum bonum, est summè amabile.* In quibus omnibus est quidem virtualis discursus, id est, materia sufficiens discursui, & actus discursus æquivalens: verum non est discursus formalis, & actualis, propter modum assentiendi magis simplicem, & minus artificiosum, magisque facilem, & obivum: cognoscendo solum enuntiativæ connexionem prædicati, & subiecti complexi, & existentiam vnius per aliud; quod vel rustici possunt facillimè facere, atque etiam infantes discursus incapaces, qui tamen sunt maximè creduli, & facillimè credunt parentibus aliquid affirmantibus. Non est autem discursus cognoscere quomodocumque vnum per aliud; alioquin etiam simplex apprehensio, quæ cognoscitur Rex per suam imaginem, & res significata per signum, esset discursus; sed discursus, præsertim syllogisticus (cuiusmodi deberet esse discursus fidei) plura requirit, & est magis artificiosus, magisque errori obnoxius, ut ostendunt plurimæ consequentiæ, quæ vel à Doctis interdum malè deducuntur. Et ut sit certus, debent certò cognosci Regulæ bene syllogizandi, aut discurrendi, quæ sunt inventum merè humanum Dialecticæ naturalis, vel artificialis. Cuius inventi notitiam evidentem non omnes assequuntur. Addi solet ad idem probandum, quod actus fidei supernaturalis debet esse certior quilibet scientiæ naturali: non esset autem certior, si esset discursivus; quia non esset certior, quàm sit illatio, quæ æquæ certa est in quacumque materia, & cui scientiæ naturales æquè nituntur, ut obiecto formalipartiali, & causæ assensus conclusionis. Verum antecedens illud habet difficultatem, quæ sequenti Sectione examinabitur.

Ad primum argumentum contrariæ opinionis respondeo, Paulum ibi sumere *argumentum*, pro conuictione, id est, certa persuasionem: & ut habet versio Syriaca, *Est autem fides certitudo de ijs rebus, quæ sunt in spe. ac si iam existerent actu.* Ad secundum respondeo, requiri ad discursum, ut assentiamur vi bonæ illationis, tanquam motui, & obiecti formalis partialis. Tam enim movet ad assentiendum conclusioni bonitas consequentiæ, quam ipsæ præmissæ, quæ non movent per se solas, sed per bonam illationem: nimirum quia conclusio cognoscitur esse cum præmissis conueta per bonam consequentiam, & non posse esse falsa, si præmissæ veræ sunt: quia contradictorium consequentis bene deducti, est contradictorium Antecedentis, ut fusiùs docent Dialectici: Non possunt autem duo contradictoria simul esse

vera. Ad tertium respondeo, motium illationis non esse indignum fide humanâ: idcirco posse illi inniti, ut formali obiecto partiali satis proportionato, & convenienti: Licet possit etiam simpliciori modo elici ad instar fidei supernaturalis. Ad id verò quod addit Vega, dico tamen si reuelatio mediata sufficiat ad assensum fidei supernaturalis, ut alibi ostendimus: illum tamen non elici discursivè, sed simpliciori quodam, & puriori modo, magisque accedente ad modum intelligendi ipsius Dei, qui simplici intuitu videt connexionem vnius cum alio, ubicumque illa est.

Obijciunt præterea quidam Recentiores, non omnem discursum infallibilem inniti notitiæ reflexæ Regularum bene syllogizandi: alioqui homines maxima ex parte vi homines essent, quippe quibus deesset perfectus usus facultatis, per quam distinguerentur à brutis: Sed contra potius, rectus usus discurrendi præcessit autem Logicæ. Quare non omnis forma rectè discurrendi innititur huic arti, quæ posterior est. Nec huius recititudinis discursus, præsertim in facilibus, incapax est rusticus. Quare ex hac parte nihil impedit quò minus fides supernaturalis possit esse discursiva. Non obest etiam periculum deceptionis; quia non minus est capax deceptionis assensus enuntiativus, quo rusticus credit aliquid, quia Deus reuelavit, quàm formalis discursus, qui in illo virtuali includitur. Sique non potest esse certus de formali discursu; non potest esse certus de virtuali, quo connectit has duas propositiones: *Credo hoc esse verum, quia Deus id revelavit.* In qua connexionem includitur virtualiter iste discursus, Quicquid Deus reuelavit, verum est. Deus hoc reuelavit, v. g. se esse Trinum: Ergo id verum est. Par enim lumen intellectuale ad utrumque requiritur.

Respondeo omnem discursum infallibilem vi formæ, & notum ut talem, includere notitiam, quod talis modus inferendi vnum ex alio sit infallibilis, ita ut in nulla materia possit malè discursu servando eandem figuram, & modum. Et hoc non potest sciri, id est, evidenter cognosci, nisi per causam, cur sit impossibile consequens ita deductum esse falsum, si totum antecedens verum est. Quæ causa non est alia, quàm Regula bene discurrendi, naturaliter quidem prius inventa, postea verò in artem Dialecticæ reducta. Quare omnis discursus evidens vi illationis, includit evidentem notitiam Regulæ bene discurrendi. Quamvis autem alicuius talis Regulæ facilitatis non sint incapaces rustici compotes rationis: certum tamen est non posse omnes ab illis evidenter percipi: & experientia docet, non modò rusticos, sed etiam ipsos Logicæ peritos, non raro falli in eorum vñ & applicatione. Porro, ut docent etiam alibi iidem Recentiores, rustici credunt magis impetu quodam Spiritus sancti, quàm discursu: vtque de illis dicit S. Augustinus lib. contra Epistolam Fundamenti cap. 4. non intelligendi viciatitas, sed credendi simplicitas, eos tutissimos facit. Equando virtualiter, aut formaliter discurrunt, assentiuntur potius vi materiæ, quàm vi formæ syllogi-

Quem requirit notitiam certitudinis discursus?

St. Soluuntur arg. contraria.

ficæ, in quam nesciunt resolvere suum discursum, & reddere rationem certitudinis, & infallibilitatis talis modi discurrendi.

Objicies tertio: Scientia supernaturalis, & per se infusa, discurret. Quidni ergo fides supernaturalis: aut cur morium illationis est magis disproportionatum, aut minus conveniens fidei supernaturali, quàm scientiæ supernaturali, quæ nobilior est? Respondeo differentiam esse: quia scientia supernaturalis est evidens, & attingit evidenter suum obiectum sicut est: unde evidenter novit bonam, & malam illationem, & obiectum illatum: adeoque non ita subest periculo deceptionis, propter difficultatem bene syllogizandi: neque regitur consequentiæ Regulis, sed potius sua luce excellentissimâ, & Regulas ipsas, & obiectum illustrat. At verò fides obscura est, subessetque periculo deceptionis, si niteretur formâ syllogizandi, & Regulis boni discursus formalis, in quarum applicatione sæpe contingit deceptio.

Dices fides per nos niteretur argumentis creditibilibus, quæ tamen sunt fallibilia. Respondeo repugnare providentiæ diuinæ, ut permittat nos falli in rebus fidei per tot motiua prudentissimè expensa, ut alibi ostendimus: neque esse fallibilia in ea mensura, quâ sufficiunt ad assensum fidei supernaturalis: quia repugnat providentiæ diuinæ permittere revelationem falsò præsumptam proponi cum paribus indicij. Urgebis: quia simili modo dici potest repugnare providentiæ diuinæ permittere nos falli discurrendo prudentissimè in materia fidei. Respondeo providentiam priorem esse planè necessariam, ad hoc ut certissimè credamus, & quantum Deus à nobis exigit; ut ibidem ostendimus; Quia non possumus credere sine argumentis creditibilibus; neque certò credere, & infallibiliter, nisi illa sint certa, & infallibilia. At verò posterius providentiæ genus non ostenditur esse necessarium, ac sine sufficienti fundamento asseritur; cùm sufficiat credere simpliciori modo sine discursu, idque possit à quovis faciliè fieri. Deus autem convenienter voluit fidem esse assensum faciliorem, quàm sit assensus discursivus, ipsisque etiam rusticis, ad credendum obligatis, magis proportionatum.

Cæterum, quando asserimus actum fidei supernaturalis non esse discursivum, non negamus posse ante ipsum præcedere aliquem discursum circa revelationem, & argumenta creditibilibus, cum prudenter expenduntur; ut sæpius necessarium est ad rectè iudicandum credibile esse quòd Deus revelaverit: sed tantum dicimus ipsum assensum fidei supernaturalis non esse discursivum secundum se; id est, fidem non assentiri vi illationis syllogisticæ, sed vi simplicis connexionis rei revelatæ cum Dei revelatione vera, & infallibili; putà, dicendo interius. Hoc est verum, vixit à Deo revelatum. Qualis autem sit actus, quo ante actum fidei iudicamus credibile esse quòd Deus revelaverit, aut quo absolute iudicamus Deum dixisse, nondum assentiendo ei quòd Deus dixit, explicabitur Sect. 10. Interea dico neutrum esse actum fidei supernaturalis: quia non

est assensus circa veritatem à Deo revelatam, propter ipsius testimonium; sed solum est iudicium experimentale de evidentia credibilitatis propter seipsum, vel de Dei testimonio propter eandem evidentiam. Sicut in fide humana strictè sumpta, provt est assensus ob humanum testimonium; iudicium, quo assentior Petrum esse dignum fide, vel Petrum mihi aliquid dicere, non est assensus fidei humanæ; sed assensus experimentalis ex probis eius moribus; vel ex auditu, quia ipsum dicentem audio; assensus verò fidei humanæ fertur in id, quod Petrus dicit; quia dicit, & verax est. Dixi, fidem strictè sumptam: quia latius sumptum fidei nomen significare potest, quemcumque assensum certum, sed obscurum, siue per testimonium, siue per aliud, aut etiam per se: sicut scientia latè sumitur pro quolibet assensu evidenti, per se, vel per aliud; principiorum, vel conclusionis; strictè verò est notitia conclusionis evidenter deductæ ex principiis evidenter evidentiis; ita ut iudicium de præmissis præcisè, & solitarie sumptis, ac per se notis, non sit assensus scientiæ strictè sumptæ; sed assensus intellectus, ut vocant, id est, intelligentiæ simplicis principiorum.

SECTIO VIII.

An actus fidei supernaturalis sit certior qualibet scientiâ naturali, seu qualibet assensu naturali evidenti?

NEgant Hugo de Sancto Victore lib. 1. de Sacramentis parte 10. cap. 1. Durandus in 3. dist. 23. q. 7. n. 10. Almainus eadem dist. q. 1. Caiet. 2. 2. quæst. 4. art. 8. Lorca ibidem disp. 28. Affirmant verò Alensis, Bonavent. Ricardus, & alij, quos sequuntur Valent. q. 4. de Fide, Pundæ 8. Suarez Disp. 6. Sect. 5. n. 10. Egidius Coninck disp. 14. dub. 4. num. 48. & Mæratius disp. 12. Pro resolutione difficultatis

Nota primò, quæstionem hîc esse de certitudine actus fidei, quæ appellatur formalis, vel subiectiva, & quoad nos. Duplex enim distinguitur certitudo. Vna dicitur obiectiva, siue ipsius obiecti; quæ est firma, & immutabilis veritas rerum, quæ sunt obiecta nostrorum actuum: alia est subiectiva, siue ex parte subiecti, cognoscentis scilicet; quæ etiam formalis dicitur, & certitudo adhesionis; consistens in eo, quòd cognoscentis assentiatur firmiter, & sine hæsitacione; siue in eo, quòd eius cognitio sit firma, & remota à dubitatione. Quod interdu fit imprudenter, & sine sufficienti fundamento: & hæc potius pertinacia est; ut in Hæreticis; quæ non possunt verè dici adhærere certò suis erroribus; sed tantum obstinatè, & pertinaciter; interdu verò fit prudenter, & cum fundamento rationabili; quando nempe obiectum est dignum tali assensu, eique proportionatum, & modus in illud tendendi est remotus à periculo falsitatis, vel deceptionis; Hæc est verè, & propriè certitudo; quæ potest iterum subdividi in moralem tantum,

13.
Cur scientia supernaturalis discurret, non 6. des?

14.
Fides cur infallibilis?

15.
Discursus potest fidem præcedere.

16.
Sententia negans.

17.
Sententia affirmans.

18.
Duplices obiectiva, & formalis.

quando obiectum, vel modus tendendi est tantum moraliter remotus à periculo falsitatis, vel deceptionis: & in simplicem, seu Metaphysicam, quando est simpliciter, & omnino remotus. Oportet autem hunc modum tendendi esse notum, & certum cognoscenti, ut eius assensus tali modo sit firmus, & certus prudenter: quia si non novit suum modum tendendi esse infallibilem, non habet sufficiens fundamentum prudentis certitudinis. Rursus formalis certitudo, vera, & propriè dicta, id est, fundata in merito obiecti, una est talis, ut propter summam evidentiam, & facilitatē, ac semper occurrentem intellectui, non pariatur vnam dubitationem vllam, ne quidem inuolutariam. Alia verò est, quae propter obscuritatem, vel difficultatem expendendi, & penetrandi vni argumentorum, & meritum obiecti, non excludit à subiecto dubitationes involuntarias. Et prior illa certitudo est eatenus maior, quam secunda: Licet fieri possit, ut minora habeat motiua assentiendi, sed facili occurrentia, faciliq̃ue evidenter penetrata, & possessa.

Nota secundò, ad certitudinem actus non sufficere, quòd obiectum sit certum secundum se, id est, immutabilis veritatis. Multa enim sunt certa secundum se, quibus tantum probabiliter, & cum formidine assentimur. Vnde non omnis propositio obiectiva, quae est certa secundum se, est etiam certa secundum nos, id est, à nobis certò cognita. At verò actus, si est certus secundum se, est quoque certus secundum nos; id est, nos certos reddit formaliter: quia tota illius certitudo in eo consistit, quòd per illum certò seu firmiter assentiamur obiecto. Quidquid enim actus est, subiecti est, cui se totum formaliter communicat. Quare non potest in illo distinguì, & separari certitudo secundum se, à certitudine secundum nos; ut fit in obiecto. Et aperte falluntur qui dicunt actum fidei esse quidem certiore scientià secundum se, sed non secundum nos. Implicat enim actum fidei esse certiore, & non reddere subiectum magis certum. Falluntur item, qui distinguunt certitudinem actus in obiectivam, & formalem. Nam obiectiva non est certitudo actus, sed obiecti. Sicut ex opposito incertitudo actus, non est incertitudo obiecti.

Nota tertio, obiectum, & actum fidei supernaturalis, simpliciter certum esse. Obiectum quidem, quia est immutabilis veritatis, & omnino remotum à periculo falsitatis, saltem ex hypothesi diuinæ revelationis. Quicquid enim à Deo revelatur, est infallibiliter, & necessariò prout revelatur, (saltem ex suppositione revelationis) atque ab omni periculo falsitatis remotum; adeoque est firmum, & certum obiectivè. Actus quoque fidei supernaturalis certissimus est: quia fidelis ex vi, & merito obiecti, ita credit, ut firmissimè adhaereat, neque vllum timeat periculum falsitatis, aut vllam voluntariam dubitationem admittat. Si enim admittit, destruitur fides, & definit esse fidelis, ut habetur in cap. 1. de Hæret. & probatur infra, ubi agitur de infidelitate.

Diuinum quoque testimonium, propositum sufficienter, est dignum tali adhesionē. Ac modus in illud tendendi per tot, & tanta argumenta credibilitatis, est remotus à periculo deceptionis. Quare nihil deest ad veram, & propriam certitudinem formalem actus supernaturalis, & quidem simplicem: quia & obiectum est certum, & modus tendendi est omnino infallibilis, planèque remotus à periculo deceptionis. Impossibile enim est Dei providentiam permittere nos falli per tot argumenta, & talia, quot & quilibet munita est fides Catholica.

Nota quartò, Si actus fidei supernaturalis, & actus naturales evidentes comparentur quoad certitudinem obiectivam; certum esse, & concessum communiter, fidem non excedere quemlibet actum scientiæ. Nam scientia quæ habetur naturaliter de existentia Dei, deque perfectionibus eius essentialibus; habet obiectum tam certum, & immutabile, quam sit vllum obiectum fidei. Nihil tamen existit extra Deum, quod sit tam certum, & infallibile, quam testimonium diuinum est infallibiliter verum: iuxta illud Christi Luc. 21. *Cæli, & terra transibunt, verba autem mea non transibunt*: atque ita certitudo fidel obiectiva superat certitudinem obiectivam cuiuscunque scientiæ circa res creatas. Si verò comparentur fides & scientia in formali certitudine, de qua quæstio est,

Dico primò, actum fidei supernaturalis non esse certiore formaliter, quantum est ex vi, & merito obiecti, quæcumque scientià naturali, aut quovis assensu naturaliter evidenti. Probat, quia maior certitudo formalis quantum est ex merito obiecti, in eo consistit, quòd vi motiui, propter quod assentimur vni propositioni, est minor ratio de illa dubitandi, quam de alia. Sed vis motiui, propter quod assentimur fidei supernaturali, non est huiusmodi, ut minor sit ratio dubitandi de propositionibus fidei, quam de quibuscunque naturaliter evidentibus. Nituntur enim aliqui iisdem motiuis, quibus fides ex parte innitur, aut paribus, & similibus. Non potest autem fides supernaturalis superare formali certitudine, sumptā ex merito obiecti, certitudinem earum veritatum, quæ includuntur in ipsius obiecto, & in quibus fundatur illius certitudo, vel quæ habent eadem, aut paria motiua assentiendi. Atque v. g. assensus naturaliter evidentes, qui attingunt Deum cuiusque providentiam, vel motiua credibilitatis, sunt huiusmodi: Ergo, &c. Maior est evidens. Minor probatur, quia in omni assensu fidei supernaturalis includitur quòd Deus sit, & ita providet rebus humanis, præcipueque saluti hominum, ut non possit permittere illos deludi tot, & talibus argumentis. Quòd autem Deus sit, & providet rebus humanis, attingitur assensu naturali evidenti, per eadem motiua, in quibus fides ipsa supernaturalis ex parte fundatur. Item, assensus, quo credimus actu supernaturali aliquid esse à Deo revelatum, quia Ecclesia sic docet, non est certior ex merito obiecti, quam sit certus assensus, quo cognoscimus Ecclesiam sic

17.
Certitudo obiecti non sufficit ut actus sit certus.

18.
Obiectum fidei non certum.

Actus fidei est certissimus.

19.
Certitudo fidei obiectiva sine maiori omni aliâ.

60.
Vtrum ex merito obiecti sit certior?

docere. Hoc autem nobis evidenti experientia notum est, & non ex revelatione. Item, assensus, quo credimus Ecclesiam Romanam esse veram Ecclesiam, quia est Catholica, & Apostolica, id est, ab Apostolis ad nos usque propagata, & toto orbe diffusa; non est certior, ex merito obiecti, assensus illo, quo certior & evidenti experientia, vel probatione evidenter infallibili cognoscimus Ecclesiam toto orbe diffusam esse, & ab Apostolis hucusque durasse per continuam successionem Summorum Pontificum, Episcoporum, & Populorum illis adherentium. Item, assensus supernaturalis, quo credimus Deum esse Trinum, quia Deus id revelavit, & credimus revelasse, quia per miracula, vel alia signa fecit id sufficienter credibile; non est certior ex merito obiecti, quam naturalis experientia miraculorum, & signorum coram exhibitum, aut relationis infallibilis, per quam ad nos perveniunt. Et quando aliquis elicit hunc assensum fidei supernaturalis, *Ego sum resurrecturus in carne mea*, vel illius propositionis generalis, *Omnes homines resurgent in corpore*, &c. non est ille assensus certior ex merito obiecti, quam experientia naturaliter evidens, quia novit se esse hominem. Idemque est de alijs motibus, aut obiectis inclusis in obiecto fidei supernaturalis. Idem etiam dicendum est de omnibus illis experientijs naturalibus, aut assensibus evidenter, qui parem habent ex vi obiecti certitudinem, aut evidentiam cum illis, quæ in fide includuntur: ut quod homines sine toto orbe diffusi, quod Roma sit, & similia, quæ, licet extra ordinem ad fidem supernaturalem considerata, par habent motuum assentiendi, atque ista, quod Ecclesia sit toto orbe diffusa, vel quod Ecclesia doceat Christum esse in Eucharistia. Quo autem sensu intelligi debeant Sancti Patres affirmantes fidem esse certiorē ipsâ naturali experientia evidenti, dicemus paulo post, in explicatione quartæ assertionis.

Dico secundò, actum fidei supernaturalis non esse certiorē formaliter quoad modum possidendi subiectum vi suâ Physicè considerata, & per se solam, quocumque actu scientiæ naturalis, vel evidenter experientia. Probatur, quia minus per se solum eximit subiectum à dubitatione. Nam actus fidei non eximit à dubitationibus involuntariis. At verò actus aliqui scientiæ eximunt proorsus ab omnibus, tam involuntariis, quam voluntariis: neque enim possum involuntariè dubitare, quin duo, & tria fiant quinque; quin totum maius sit quâlibet sui parte: quod sit impossibile idem esse, & non esse simul. Quod Sol luceat, ignis calefaciat, &c. Inter actus autem verè, & simpliciter certos, ille certior est, & firmior aliquatenus modo suprâ dicto, à quo subiectum potest minus dimoveri. Non potest autem dimoveri ab actibus illis tam evidenter, ita scilicet, ut dissentiat, vel ut assentiatur opposito; & potest dimoveri ab actu fidei, ut patet in ijs, qui sunt infideles culpabiliter, vel inculpabiliter, & ineliberatè assentiuntur opposito: Ergo, &c.

Dixi, aliquibus actibus scientiæ: quia non

omnes actus scientiæ, quamvis verè, & simpliciter evidentes, sunt eiusmodi, ut non patiantur dubitationes involuntarias. Nam v.g. quod Deus sit, & providcat rebus humanis, est naturaliter evidens: & tamen quia eiusmodi veritatum evidentia non tam facilis, & obvio discursu apparet, neque semper occurrit intellectui; patimur circa illas involuntarias dubitationes: & quædam aliæ naturales veritates, quamvis bene expendibiles sunt evidentes; patiuntur tamen apud aliquos dubitationem, etiam voluntariam. Porro non omnia, quæ apparent evidenter, sunt verè talia: sed multa falsò putantur evidenter, quibus suborta maiori luce derogatur, probanturque esse obscura, vel falsa; siue re melius in se inspectâ, siue per aliquod medium extrinsecum: quo pacto per rationem derogatur sensui iudicanti. Solem tam parvum esse; & per fidem derogamus iudicio sequenti experientiam sensum circa panem, & vinum Eucharisticum, & his Gentium Philosophorum axiomatis, quæ ipsi evidenter videbantur. Accidentis esse est inesse. Vnius suppositi unica est natura. Quæ sunt eadem vni tertio, sunt eadem inter se, in hunc sensum, impossibile est vni tertio realiter identificari ea, quæ sunt distincta realiter inter se. At verò ea, quæ sunt verè & simpliciter evidenter ex modo tendendi evidenter infallibili in obiectum verè tale, sunt eiusmodi, ut eis neque per medium extrinsecum, neque villa ratione derogari possit. Hæc verò naturaliter pauca sunt, præ alijs, quæ nos latent: quia lumen naturale valde pauca assequitur cum evidenti infallibilitate, & manifesta contradictione, siue impossibilitate oppositi. Sicut autem ad veram certitudinem dixi antea requiri modum tendendi certò infallibiliter, notum ut talem: sic ad evidentiam requiritur modus evidenter infallibilis, notus ut talis.

Dico tertio: si fides supernaturalis comparetur cum scientijs naturalibus integrè sumptis, Metaphysica, Physica, Astrologia & alijs, superat illas omnes formaliter certitudine, sumptâ ex merito obiecti; quatenus nullus est assensus fidei supernaturalis, qui non sit certissimus ex merito obiecti; At verò nulla est ex illis scientijs quæ integrè sumpta non contineant multos assensus probabiles, & incertos, ut patet experientia. Item quatenus fides supernaturalis in quocumque suo actu nititur illis motibus, de quibus minor est ratio iuste, & prudenter dubitandi; quàm de multis propositionibus, quæ habentur pro certis, & evidentibus in eiusmodi scientijs. Nititur enim quilibet assensus fidei, testimonio diuino, de cuius veritate minor est ratio dubitandi, quàm de illis propositionibus; & argumenta credibilitatis, per quæ nobis sufficienter proponitur testimonium diuino, tot & tanta, & talia sunt, ut de illis minus iuste, & prudenter dubitari possit, quàm de earundem propositionum veritatibus, earumque motibus.

Dico quarto, actum fidei supernaturalis esse voluntariè, & ex parte causæ, certiorē quâlibet scientia naturali, purè naturaliter considerata circa veritates ad fidem non pertinentes;

63.
Quomodo est certior scientijs actus fidei Theologica?

64.
Est magis certus ac firmus ratione voluntatis.

61.
Magisne firmet per se intellectus?

62.

quatenus voluntariè, & deliberatè (motiuis fidei rectè perpensis, cum speciali ope Spiritus sancti illuminantis intellectum, & voluntatem corroborantis ad fortiter, & constanter mouendum illum, vt diuinam auctoritatem vehementissimè apprehendat, eiusque testimonio firmissimè adhareat, cooperante eodem Spiritu sancto per habitum fidei, vel auxilium supernaturale) magis Dei testimonio adharemus, quàm ei, quod euidens esse potamus lumine naturali; altiorique, & firmiori assensu, quàm possit elici solis viribus naturalibus. Etsi Dei testimonium derogat euidentiæ apparenti; illam relinquimus, vt Deo adhareamus: quem admodum patet in mysterijs Trinitatis, Incarnationis, & Eucharistiæ. Si verò talis sit euidentiæ, vt ei neque fides derogat, neque possit derogare: quia contrarium reuelari est impossibile, cuiusmodi est vera, & simplex euidentiæ: tamen ob reuerentiam diuini testimonij parati sumus negare potius, si opus esset, alia ad fidem diuinam non pertinentia, præcisè sumpta, id est, pro vt illam non pertinent. Quod addo, quia si ad fidem pertinent, participant eatenus eandem fidei certitudinem. In hunc sensum intelligit quod ait Augustinus lib. 7. Confess. cap. 10. *Facilius dubitare me vnuere, etc.* Et Chrysost. in Epist. ad Hebr. homil. 11. *Fides est argumentum non apparentium, id est, maiorem certitudinem de illis faciens, quàm de ijs, quæ videntur. Non enim debes dici fides, nisi bono maiorem habeat certitudinem, quàm circa ea, quæ videntur.* Et Basilii in Psalm. 115. *Fides persuadet præ omnibus rationalibus methodis.* Eandem puto esse apertè mentem D. Thomæ quæst. 4. art. 8. in corp. vbi consentit in hanc conclusionem, & in præcedentem, cum Hugone Victorino, & alijs initio citatis, atque fidem esse scientiæ certiorē ex parte causæ; quia procedit à lumine supernaturali, quod certius est, & infallibilis; scientiæ verò à lumine naturali, quod est obnoxium deceptionij sed non esse certiorē quoad nos: quia propter imperfectionem nostræ intellectus minùs possidemus quod credimus, quàm quod sciimus. Cæterum loquimur de scientia naturali: neque enim est dubium, quin visio beatifica, vel scientia alia supernaturalis sit certior fidei supernaturali. Est enim à causâ æquè excellenti, imò perfectiori; & plenius, atque perfectius possidet obiectum.

^{65.} Soluitur obiectio. Dices, actum fidei supernaturalis, qui fundatur in experientia, vel auditione miraculorum, & perceptione aliorum argumentorum credibilitatis, non posse certiorē esse, quàm sit nobis certum nos viuere, experiri, audire, percipere; quod est notum naturaliter. Respondeo hæc etiam pro vt ad fidem pertinent, id est, pro vt sunt perceptio motiuorum fidei cum speciali ope Spiritus sancti, attingunturque aliquo modo per actum fidei supernaturalem, fieri voluntariè, & deliberatè certiora, modo suprà explicato: quàm pro vt tantum pertinent ad noticiam naturalem in rebus alijs. Similitérque illa propositio, *Deus est*, vt nota per testimonium diuinum sufficienter credibile actus supernaturalis, sit nobis deliberatè certior.

ob reuerentiam diuini testimonij, quàm vt tantum naturaliter nota per creaturas, magisque sumus ab illius dissensu remoti, quamvis per media naturalia sumus quoque remoti simpliciter.

SECTIO IX.

Vndenam actus supernaturalis habeat suam differentiam specificam, quæ distinguitur à naturali?

^{66.} **Q**uestio proposita duplicem sensum habere potest. Primus est, vndenam actus supernaturalis habeat formaliter & intrinsecè talem differentiam: siue, per quid intrinsecè, & formaliter distinguatur specificè ab actu naturali? Secundus sensus est, quænam sit causa extrinseca, à qua prouenit hæc differentia? luxa primum sensum, Dico primò, actum credendi supernaturalem differre essentialiter à naturali, ratione sui esse intrinseci, & propriæ perfectionis essentialis, quæ præcellit actum naturalem: sicut homo præcellit brutum, & Angelus animam rationalem, ratione sue perfectionis essentialis, quæ formaliter, & intrinsecè constituitur in tali specie. Quælibet enim res, sicut seipsa formaliter, & intrinsecè est id quod est: ita seipsa formaliter est talis speciei, atque etiam hæc numero, & distincta à qualibet alia. A quo enim res habet formaliter, & intrinsecè, vt sit ens, & tale ens; habet etiam vt sit talis speciei: & à quo habet formaliter vt sit hoc ens, habet etiam vt sit numericè distincta à qualibet alia: & denique vnumquodque eo ipso formaliter quo est tale essentialiter, & hoc numero; non est aliud.

^{67.} Hæc autem differentia, vt alibi monuimus, fusiùsque probauimus, non in eo solum consistit, quod actus supernaturalis sit altioris eiusdem entitatis, quàm naturalis, ita tamen vt de cætero sint pares in omnibus perfectionibus, & conditionibus, etiam moralibus, & laudabilibus, si sunt actus imputabiles, & pertinentes ad mores. Nam inde sequeretur quod si quis haberet actum fidei, spei, & charitatis, naturalem in substantia, sed parem pietate, & rectitudine morali cum actu supernaturali, non iustificaretur, eo solum quod ille esset naturalis in substantia. Quod est absurdum. Nam Deus promissit iustificationem actibus, fidei, spei, & charitatis, propter suam pietatem, & rectitudinem moralem. Ergo si actus naturales sunt æquè pii, & recti moraliter, & laudabiliter; debent illam æquè obtinere. Confirmatur, quia Deus promissit iustificationem credentibus, & contritis, aut diligentibus ex toto corde. Atqui per actum naturalem credit, & diligit ex toto corde, si æquali pietate, rectitudine, & affectu credit & diligit. Itaque agnoscenda est aliqua alia differentia intrinseca inter actus naturales & supernaturales: quod scilicet isti melius moraliter, & laudabilius attingant obiectum, ideòque sint Deo acceptabiliores. Nimirum quia actus supernaturales credendi, magis subijcit mentem auctoritati di-

uinz, illique adhæret cum maiori certitudine, vniuersalitate, siue amplitudine, formali, aut virtuali, maiorique pietate & reuerentiâ ex parte voluntatis. Et similiter omnes alij actus supernaturales perfectiori quodam modo attingunt suum obiectum, atque etiam laudabiliori, si sunt actus morales, id est, imputabiles; vt actus spei, charitatis, & similes. Cùm autem hæc differentia non oriatur semper ac necessariò ab obiecto formali, quia actus naturalis, & supernaturalis, possunt habere idem obiectum, etiam formale, vt ostendimus Sect. 1. Superest explicare quænam sit illius causa extrinseca. Atque hic est posterior sensus questionis propositæ: de qua

68.
Causa il-
lius dis-
cretæ.

Dico secundò, causam illius esse principium supernaturale habituale, vel actuale, quo potentia naturalis eleuatur, & iuuatur in genere causæ efficientis, ad eliciendum actum supernaturalem; quodque vnà cum potentia vitali constituit vnum integrum principium effectiuum, perfectius essentialiter in ratione principij effectiui, aptumque ad melius, & perfectius operandum, quàm possit naturalis potentia solis viribus naturalibus. Ita docet Ægidius Coninck disp. 5. de actibus supernaturalibus dub. 5. num. 32. & sequentibus, vbi eleganti comparatione rem explicat. Sicut enim, inquit, pictor habens meliorem artem pingendi, melius repræsentat prototypum, si pingat quàm apertissimè potest, præsertim verò si etiam melioribus, & aptioribus coloribus vtatur, quos, & quales melius nouit esse adhibendos: vnde imago ab illo picta, est intrinsecè melior, & perfectior, quàm altera, quæ ab artifice non adeo perito fuit depicta, quamvis vtraque idem prototypum exprimat: sic actus fidei, vel alius actus intellectus, cuius cognitio est viua quædam imago obiecti, melior est intrinsecè, & perfectior, etiam circa idem obiectum, quando procedit ab intellectu eleuato per principium supernaturale, & operante secundum perfectionem illius principij adequati, constituti ex potentia vitali, & ex habituali, vel actuali auxilio supernaturali. Dantur enim à Deo huiusmodi habitus, & auxilia, ad perfectius operandum moraliter, & laudabiliter; id est, ad exercendos actus, qui sint moraliter meliores, & acceptabiliores, quàm fieri possint solis naturæ viribus. Ergo valent ex natura sua ad efficiendos tales actus cum potentia vitali, ad eosque illam attollunt, & complent in ratione principij efficientis. Ergo si potentia vitalis operetur secundum perfectionem illius principij; actus, qui ab illa prodibit, erit perfectior, & melior, non solum Physicè, sed etiam moraliter, & laudabiliter.

69.

Quod dixi de actibus supernaturalibus intellectus, extendendum est cum proportionem ad actus supernaturales voluntatis. Nam etiam habitus, vel auxilia supernaturalia, quæ dantur voluntati, ad illum finem conceduntur, vt voluntas illis instructa possit perfectius sperare, diligere, pœnitere, &c. quàm possit solis naturæ viribus. Neque obijcias effectum seu debiliorem partem suæ causæ: ideòque actum non posse excedere perfectionem causæ

naturalis, à qua procedit: sicut conclusio deducta ex vna præmissa certa, & altera probabili, non excedit probabilitatem. Respondet Quomodo effectus sequitur partem debiliorem causæ? enim cum auctore citato, duplicem esse posse sensum illius axiomatis. Vnus est, quòd effectus prodians à duobus causis, quarum vna est debilior, readeo semper illius debilitatem: quatenus nunquam est tam perfectus, atque esset, si veræque causa esset perfecta, & operaretur secundum totam suam perfectionem. Et hic sensus est verus. Alter sensus est, quòd effectus nunquam superet perfectionem causæ debilioris, neque sit maior, quàm sit virtus ipsius. Et hic sensus est falsus quocienscumque duæ causæ ita vnâ integrum conueniunt, vt vna augeat virtutem agendi alterius, siue ita vt simul constituent virtutem agendi perfectiorem, quàm vna sola per se habeat. Tunc enim semper effectus est perfectior, quàm virtus causæ debilioris. Vt patet quando duo viribus impares concurrunt ad pondus trahendum longè grauius, quàm virtus motiua debilioris trahere posset. Quare prædictum axioma locum ferè habet tantummodo in syllogismis: in quibus vna præmissarum non augeat virtutem alterius, sed tantum iuuat ad ostendendam connexionem conclusionis cum altera præmissa. Neque enim vna præmissarum augeat probabilitatem, aut certitudinem alterius; neque cum illa constituit vnum antecedens certius, aut probabilius: sicut duæ virtutes motiue constituunt vnâ maiorem: sed tantum iuuat alteram, ad ostendendum conclusionem bene ex illa deduci.

Sunt qui existiment actum naturalem, & supernaturalem, generatim in eo differre, quòd actus naturalis tendit in obiectum modo quodam simplici, & inefficaci, ad instar cuiusdam velleitatis: supernaturalis verò tendit in obiectum modo quodam absoluto, & efficaci, ad instar intentionis absolute, & efficaci. Cuius sententia mentionem faciunt Ripalda tom. 1. lib. 3. de Ente supernat. disp. 46. Sect. 1. & Lorca disp. 9. de Gratia, qui eidem propè accedit, cùm ait actus illos in eo differre, quòd supernaturalis fertur in suum obiectum tam absolute, quàm efficaciter. Naturalis verò quavis ferri possit absolute, semper tamen ac necessariò fertur inefficaciter in obiectum supernaturale.

70.
Rejection-
tor alie
differe-
ntiæ malè
assignatæ.

Sed hæc doctrina displicet; primò quia multi actus naturales feruntur in suum obiectum absolute, & efficaciter: vt patet de plurimis actibus naturalibus circa obiecta merè naturalia. Secundò, quia licet intelligatur de solis obiectis supernaturalibus, vt intelligit Auctor postremò citatus; etiam actus naturalis ferri potest in obiectum supernaturale absolute, & efficaciter. Potest enim v. g. malus Sacerdos velle absolute, & efficaciter consecrare, vel absoluerè à peccatis, actu volendi naturali, & ex malo affectu, qui certè non est supernaturalis. Terriò, quia dantur etiam in voluntate actus supernaturales complacentiæ simplicis, qui non sunt absoluti, & efficaces. Quartiò denique, quia discrimen illud cadere tantum potest in actus voluntatis, quibus solis conue-

nit esse efficaces. At hic quæritur discrimen quod sit etiam inter actus naturales, & supernaturales intellectus. In quo præterea dari possunt actus supernaturales, qui sunt non modo iudicia absoluta de obiectis supernaturalibus, sed etiam conditionata, atque etiam simplices apprehensiones.

71. Alij verò censent actus naturales, & supernaturales, versantes circa idem obiectum supernaturale, in eo differre generatim, quod supernaturalis habeat connexionem entitativam cum obiecto supernaturali, siue existente, siue possibili: naturalis verò illum non habeat. Ita docet Ripalda disp. citata Sect. 1. num. 6. qui per connexionem entitativam actus cum obiecto, intelligit repugnantiam naturalem existendi, non existentem aut possibili obiecto. Actus enim supernaturalis sic comparatur, inquit, cum obiecto supernaturali; vt non existente, aut repugnante obiecto, non existeret, aut repugnaret actus supernaturalis. Naturalis verò sic cum illo comparatur; vt existeret posset actus, quamvis non existeret, aut repugnaret obiectum. Quare differunt in connexionem entitativam cum obiecto: licet non differant in connexionem intentionali, quæ nihil est aliud, quam tendentia vitalis in obiectum, quæ de se non postulat existentiam, aut possibilitatem obiecti, estque communis, & essentialis omnibus actibus intellectus & voluntatis, tam naturalibus, quam supernaturalibus. Probat autem talem connexionem entitativam cum obiecto supernaturali non posse convenire actibus naturalibus: quia connexio entitativa cum ente supernaturali est propria res supernaturalis: ergo non potest convenire actui naturali.

72. Sed contrà: primò, dari possunt actus naturales, qui habeant necessariam connexionem entitativam cum obiecto supernaturali modo suprà explicato. Ergo discrimen assignatum non est viquequaque verum. Antecedens probatur, quia si quis Deum clarè videns, non haberet concursum ad illum amandum supernaturaliter, & haberet concursum generalem ad amandum vt potest, amaret Deum clarè visum actu naturali toto conatu voluntatis, raptè ab obiecto tantæ bonitatis, & excellentiæ. At ille actus, cum sit experimentalis, & similis notitiæ intellectus intuitivæ, haberet necessariam connexionem entitativam cum obiecto, ita vt repugnaret naturaliter illum existeret, & non existeret obiectum. Secundò, si quis in transitu Deum videret, vt de Moyse, & Paulo hac in vita nonnulli existimant: ille postea meminisse posset evidenter & certissimè visionis suæ præteritæ, actu naturali, etsi non germanè, & secundùm eius supernaturalitatem expressè cognitam; similis modo, quo nos ipsi experimur actus nostros supernaturales, etsi non germanè cognitos vt tales; eorūque postea recordamur. At ille actus haberet connexionem entitativam cum obiecto, modo superiùs explicato. Cum enim sit evidentiſſimus, & experimentalis, & potentiæ nobilissimæ; non potest non esse verus, & necessariò connexus cum existentia obiecti. Maximè verò si loquamur

de Angelo nobilissimo, cui talis visio contingerit. Angeli enim non possunt falli circa ea, quæ evidentè, & experimentaliter per seipsa cognoscunt, vt alibi probauimus. Omitto dicere eundem Auctorem existimare actus supernaturales posse falli, & versari circa obiectum supernaturale apparens tantùm: non modò actus voluntatis (vt de illis plurimi sentiunt) ex. g. actus misericordiæ circa miseriam falsò præsumptam: verùm etiam actus intellectus, putà actus credendi circa revelationem tantùm apparentem. Quod si verum esset, dari posset actus supernaturales, qui non haberent connexionem entitativam cum obiecto supernaturali, tantum, vt repugnaret ipsos esse, non existentes, aut non possibili obiecto. Et si aliqui actus supernaturales intellectus possunt esse falsi; non repugnat ex parte supernaturalitatis alios esse falsos, & existeret non existente obiecto, aut non possibili absolute, vel eo modo, quo per actum attingitur. Quare doctrina auctoritatis citati non bene sibi coheret.

SECTIO X.

An & quomodo actus fidei sit voluntarius, & liber, ac moralis?

Prima conclusio: Omnis actus fidei supernaturalis est voluntarius, ac liber positivè. Ratio est, quia illum præcedit pius affectus credulitatis, id est, positivus actus voluntatis libere consentientis, & volentis credere; vt docet Arausic. cau. 5. Nimirum quia actus fidei supernaturalis non datur, nisi in ordine ad salutem, ad quam actus indeliberati non sufficiunt. Deus enim adultos non iustificat, nisi volentes, & liberè cooperantes, neque eos aliter ad salutem promovere decrevit. Quare Deus non concurret specialiter cum intellectu, nec illum eleuat ad credendum supernaturaliter, nisi modo libero fiat, qui ad salutem posset esse utilis. Dupliciter autem potest actus intellectus esse liber. Primò, negativè tantùm, voluntate ipsum non impedicente, cum posset impedire si vellet. Secundò, positivè, voluntate ipsum imperante, & actu positivè appetente: quo modo dicimus actum fidei esse liberum, voluntate non tantùm negativè se habente, seu non impedicente cum possit; sed positivè applicante intellectum ad fortiter, & firmiter adhærendum, & generaliter se submittente testimonio diuino propter ipsius reuerentiam, per piū affectum credulitatis, vt loquitur Arausic. can. citato. Qui affectus voluntatis necessarius est ad credendum sicut oportet, id est, cum ea vniuersalitate, certitudine, adhæsiōne pura, & absoluta, & alijs conditionibus fidei supernaturalis, vt diximus Sect. 1.

Alia ratio reddi solet ex D. Thoma q. 2. a. 1. ad 1. & q. 4. a. 2. & 5. Quia credibile, cum sit obscurum, non determinat sufficienter intellectum ad assensum, sed requiritur determinatio libera voluntatis. Verùm hæc ratio tantum locum habet quando credibile est ita obscurum,

73.
Et liber
positivè,

vt in contrarium appareant intellectui graues difficultates; alioqui enim possunt credibilia, iniò & probabilia quorundam, occurrere intellectui cum tanta apparentia, vt rapiant intellectum in assensum indeliberatum; quemadmodum patet experientià nos aliquando rapi in tales assensus indeliberatos, etiam contra fidem. Vera itaque adæquata, & integra ratio cur actus liber voluntatis, eiusque imperium requiratur ad actum fidei supernaturalis, est illa, quam diximus; quia scilicet actus ille non potest, nisi voluntatis consensu, & imperio, ac nisi cum auxilio Spiritus sancti exerceri cum tanta reuerentia erga Dei testimonium, tamque generali, plenâ, & absolutâ submissione, & adhesionem intellectus ad Dei reuelantis auctoritatem, proprijque iudicij abnegatione.

Secunda conclusio: Actus volendi efficaciter credere, qui fidei actum supernaturalem præcedit, liberumque constituit, est supernaturalis, & quidem quoad substantiam. Ita Suares disp. 6. Sect. 7. conclus. 1. & 2. Aegid. disp. 13. dub. 5. & alij communiter. Prima pars, quod videlicet sit supernaturalis aliquo modo, certa est, & definita ab Arauscano can. 5. vbi sic habet: *Si quis sicut augmentum, tractamentum initium fidei, ipsum credulitatis affectum, &c. non per gratia donum, id est, per inspirationem Spiritus sancti corrigentem voluntatem nostram ab infirmitate ad fidem, ab impietate ad pietatem, &c. naturaliter nobis inesse dicitur, Apostolicis dogmatibus aduersarius approbatur, B. Paulo dicente, Confidimus, quia qui capis in vobis bonum opus, perficit, &c.* Philipp. 2. Fauent etiam Mileuit. can. 4. & Trid. Sess. 6. cap. 5. & can. 4. Huc item faciunt quæ Scriptura, Patres, & Concilia docent generatim de necessitate gratiæ ad omnia, & singula opera ad salutem pertinentia: *Sine me nihil possumus facere*, Ioan. 15. & similia, quæ alibi retulimus contra Pelagianos asserentes posse homines consequi salutem sine gratia propriè dicta: & contra Semi-pelagianos affirmantes, saltem initium salutis esse ex nobis: vt videre est tom. 2. disp. 34. & seqq. & in Anti-Iansenio disp. 2. Sect. 2. 4. & 5.

Secunda pars, quod actus ille sit supernaturalis, etiam quoad substantiam, est minis certa, neque enim sequitur euidenter, aut necessariò ex præcedentibus Conciliorum definitionibus, & testimonijs allatis; cum ad actum entitatis naturalis possit esse necessarium auxilium speciale, & gratiæ donum, propter difficultatem. Probatur tamen, quia Arauscanum can. citato, aliâque Concilia simili modo requirere videntur auxilium gratiæ ad affectum istum, atque ad fidem ipsam; cum simili modo de vtroque loquantur. Atqui requiritur ad fidem propter ipsam actus substantiam, & non propter difficultatem accidentariam tantum, aut aliquid extrinsecum vt ostendimus Sect. 1. Ergo, &c. Secundò, talis actus est circa obiectum in substantia supernaturale, nempe circa actum fidei supernaturalem, quem imperat, illumque firmat in sua certitudine superante certitudinem naturalem: Ergo vt sit illi proportionatus, & causa effectui, ac media fini respondeant; debet ipse quoad substantiam

esse pariter supernaturalis. Omnino autem ad illum proximè & per se requiri auxilium speciale, & non tantum remotiè propter actum præcedentem intellectus, aut credibilitatem illi propositam, definit Mileuit. can. 4. citato, vbi distinguit gratiam, quæ intellectus illustratur ad cognoscendum quid agendum sit, à gratia, quæ voluntas confortatur, & corroboratur ad agendum.

Obijcies: Positâ, & cognitâ sufficienti credibilitate possumus velle credere viribus naturalibus. Ergo non est opus speciali auxilio, nec actu supernaturali. Respondeo posse quidem, sed non condignè, & sicut oportet: sicut etiam positâ sufficienti credibilitate possumus credere naturaliter, at non sicut oportet; vt habet Trid. Sess. 6. can. 3. & Arauscan. can. 6.

Tertia conclusio: Actus ille volendi credere, est specialiter honestus, sicut & ipse actus fidei; atque etiam meritorius, si adiunt aliæ conditiones ad merendum requisitæ. Ita Suares Sect. citata, concl. 3. & 4. Aegid. dub. 4. disp. 13. & plures alij. Probatur, quia omnis actus voluntatis, qui tendit conuenienter in obiectum specialiter honestum, quæ tale est, siue propter se; habet specialem honestatem. Atqui actus voluntatis, quo assensus fidei imperatur propter se, & sine vlla relatione ad finem extrinsecum, est talis: Ergo, &c. Maior est clara: minor autem probatur, quia ille actus est per se honestus specialiter, qui est per se conformis rectæ rationi. At talis est actus diuine fidei. Nam rectè rationi, tam naturali, quam supernaturali, consentaneum est, vt assentiamur diuinæ auctoritati sufficienter aliquid attestanti, vt sic. Quare hic assensus est specialiter honestus obiectiue. Vnde actus voluntatis liberè tendens in illum, vt talem, est honestus formaliter. Confirmatur, quia talis actus est per se laudabilis: Ergo per se honestus. Consequentia patet: nihil enim est per se laude dignum, nisi quod est honestum. Minor autem probatur primò ex Scriptura, in qua sæpe laudatur actus fidei: Matth. 8. 15. & 16. Luc. 7. Rom. 4. Hebr. 11. & alibi, vbi laudatur fides Centurionis, Cananæ, Petri, Magdalenæ, & Abrahæ, quæ dicitur illi reputata fuisse ad iustitiam (non reputatur autem ad iustitiam, nisi actus honesti;) & denique Patrum veteris Testamenti, quorum fidem extollit Apostolus loco postremò citato, vbi etiam affirmat sine fide impossibile esse placere Deo: non placet autem Deo, nisi quod est honestum.

Neque dicas hæc omnia intelligi de fide, non per se, sed vt relata ad aliquem finem extrinsecum honestum. Contrà enim si fides non est laudabilis, nisi propter finem extrinsecum honestum; non erit magis laudabilis, quàm deambulatio, & alia indifferentia: quod absurdum est; hæc enim non ita laudantur in Scriptura. Deinde, ex eo quod Scriptura laudet aliquem actum, vt virginitatem, ieiunium, &c. non licebit inferre illum esse honestum propria honestate; quod est falsum, & fauer Hæreticis. Probatur secundò, quia per se honestum est subijcere intellectum auctoritati diuinæ, & capitiare illum in obsequium fidei; sicut honestum

74.
Actus volendi credere est supernaturalis.

76.
Est honestus, & moraliter bonus.

71.
Etiam quoad substantiam.

hestum est subicere voluntatem diuinæ voluntati, & captiuare illam in ipsius obedientiam, etiam contra inclinationem propriam. Ac sicut honestum est homini adherere per voluntatem summo bono; ita & per intellectum summæ veritati. Vtque plurimum cedit in laudem & honorem Dei, quod eius præceptis deferamus obediendo; ita & quod deferamus ipsius auctoritati, & testimonio, firmissimè per fidem adherendo, & quidvis aliud illi postponendo, atque ita Deum esse summam veritatem testando, & proficundo in actu exercicio.

Potest esse meritorius.

Posito autem quod actus fidei sit honestus, sequitur esse meritorium, iunctis alijs conditionibus ad merendum requisitis. Et quidem si loquamur de merito de condigno, actus fidei qui præcedunt iustificationem, non sunt tales; quia ad tale meritum requiritur, vt actus fiat ab homine grato, & viuo Christi membro operante in charitate vt habet Trident. Sess. 6. cap. 16. & fusius exposuimus superiore Tractat. disp. 44. Sunt tamen illi meritorij de congruo; quatenus congruum est, vt Deus obtemperantem vocationi, & gratiæ cooperantem, præmoueat ad iustificationem, & statum gratiæ sanctificantis. Quo sensu D. Aug. Epist. 105. sic ait: *Sed nec ipsa remissio peccatorum sine merito est, si fides hanc impetrat: neque enim est nullum fidei meritum.* Quod etiam intelligo de actu proximè disponente, licet eodem instanti sit, quo remissio peccatorum, & infusio gratiæ. Nam cum etiam tunc non procedat ille actus ab homine iustificato, sed iustificatio naturæ posterior sit; non potest esse meritorius de condigno, ne quidem primæ gloriæ, vt contra Suarez, & plures alios ostendimus citatâ dissertatione, Sect. 19.

77.
ER vic-
tus spe-
cialis.

Quarta conclusio: Actus ille volendi credere est specialis virtus ab alijs distincta; ad quam etiam dari distinctum habitum supernaturalem valde probabile est. Prima pars probatur, quia talis actus fertur in obiectum honestum sub speciali ratione honestatis distincta à quouis alio formali obiecto aliarum virtutum; nempe in assensum fidei conuenienter præbendum testimonio diuino sufficienter proposito; quæ ratio, vt talis, ad nullam aliam virtutem pertinet: licet ad Religionem pertineat, vt facit ad cultum Dei: & ad obedientiam, vt per eam impletur præceptum credendi; & ad charitatem, vt Deo placeat, &c. Secunda pars probatur, quia cum voluntas non minus sit impotens ad istum actum, quam intellectus ad actum fidei supernaturalis; valde conueniens est, vt sicut Deus instruit intellectum habitum fidei, quo sit potens constanter, & permanenter ad eum exercendum: sic, &c. Fauet etiam S. Thomas quæst. 4. art. 1. vbi affirmat, cum actus fidei sit à voluntate vt imperante, & ab intellectu vt eliciente, necessarium esse in utraque potentia ponere aliquem habitum. Necessarium, inquam, ad hoc vt utraque potentia sit perfecta, & constitutur potens, intrinsecè constanter, & permanenter; non autem ad producendum simpliciter; possunt enim producere sine habitu, cum auxilio æquivalente & supplente habitum in genere

causæ efficientis: vt sit in actibus, qui præcedunt infusionem huiusmodi habituum, quique ad illos recipiendos disponunt. Hi enim non sunt ab habitibus, quos naturâ præcedunt; sed à potentia vitali cum speciali auxilio Dei supplentis habitum. Si autem conuenienter infunditur habitus ad actum volendi efficaciter credere sicut oportet; par est infundi ad iudicandum de credibilitate sicut oportet, ob eandem rationem.

Notandum autem hos habitus fidei præuios, qui toti ad illam referuntur, & propter illam sunt, confundi cum illa, censeri que vnum, & eundem habitum moraliter. Vnde etiam simul cum fidei habitu acquiruntur, vel perduntur. Acquiruntur quidem, cum aliquis iustificatur, aut credit sicut oportet: perduntur verò per solum peccatum infidelitatis, vt fides; quæ cum maneat in peccatore, etiam desperante de salute, neque amittitur nisi per infidelitatem, vt colligitur ex Trid. Sess. 6. cap. 15. manent similiter habitus supernaturales volendi credere, & iudicandi de credibilitate, pereunte licet spe, & charitate, alijsque virtutibus voluntatis. Quia peccator non minus debet manere potens ad credendum secundum voluntatem, quam secundum intellectum; neque propter alia peccata debet desinere esse complete potens habitualiter ad credendum.

Notandum præterea, actum illum voluntatis, ipsūque actum fidei, ita esse bonum, & honestum intrinsecè, vt malus esse non possit. Neuter enim potest esse malus intrinsecè, cum sit supernaturalis, & non fiat sine speciali Dei auxilio, & concursu: Deus autem non concurrat ad actum malum speciali auxilio: sed tantum generali per modum causæ primæ. Confirmatur, quia Deus est simpliciter, & absolute causa omnis actus procedentis à gratia cooperante, & quidem magis principalis. At non potest ita esse causa actus mali intrinsecè: Ergo actus illi, de quibus modo loquimur, quique non possunt fieri sine gratia cooperante, non possunt esse intrinsecè mali. Non tamen repugnat aliquem actum malum cum illis exerceri, vt & cum alijs supernaturalibus, puta actum vanæ gloriæ; atque etiam per huiusmodi actum possunt ad malum finem referri, autè, vel postquam elicit sunt. Sed nihilominus non possunt ab illo efficaciter imperari. Quia actus supernaturales non sequuntur tale imperium, quod est tantum ordinis naturalis, neque illi subordinantur: sed sequuntur gratiam præuenientem Spiritus sancti. Quare ex vi talis imperij non sequitur nisi fides naturalis. Si autem quis etiam tunc exerceat fidei supernaturalem; necessè est vt prius habeat actum supernaturalem, & honestum volendi credere, ex quo fides sequitur, non ex illo, ne remotè quidem; cum is ad illam non ducat vi suâ, neque illam exigit; sed si est, aliunde est, nempe à Dei gratia. Affectus enim efficax volendi credere sicut oportet, est donum gratiæ, & non potest haberi naturaliter; vt definitur Atracanicum can. 5. An verò actus supernaturales, coniuncti malis actibus naturalibus modo supra dicto, possint inde denominari ex-

78.

Possint male esse.

11.

trinfecè mali à circumstantiis, vel fine extrinsecò malo, pendet ex dictis in Tractatu de honestate, & malitia actuum humanorum, tomo 2. Disput. 13. Sect. 7.

79. *Iudicium de credibilitate illud præcedit.*
 Quinta conclusio: Actum illum supernaturalem volendi efficaciter credere sicut oportet, necessàriò præcedit in intellectu iudicium de credibilitate obiecti; quod etiam supernaturale est. Prima pars probatur, quia voluntas non fertur in incognitum; & nihil est liberè volitum, nisi præcognitum: Ergo vt voluntas liberè velit credere, debet necessàriò, saltem naturè priùs, præcedere cognitio obiecti credibilis. Et quia voluntas illa necessàriò recta est, & honesta; debet illam præcedere iudicium rectum de sufficienti credibilitate obiecti, quo nimirum cognoscatur obiectum esse secundum rectam rationem credibile. Secunda pars probatur, quia ad iudicium illud rectè formandum præcedere debent motiua credendi supernaturalia, quibus obiectum constituitur sufficienter credibile. Ergo saltem est supernaturale quoad modum, quo fit; ratione illius præsuppositionis, & auxilij extrinseci, atque obiectiui. At neque hoc sufficit; quia licet propositis motiuis sufficientibus possit intellectus solis naturæ viribus elicere iudicium de credibilitate: non tamen dignè, & sicut oportet, æstimat illa motiua supernaturalia; neque condignè proponit voluntati, & proportionatè ad liberum assensum supernaturalem elicendum, & volendum credere sicut oportet. Ideoque præter prædicationem, & motiuorum externorum propositionem, est necessaria interna gratia iuuans immediatè ad ipsum actum iudicij elicendum: quam D. Augustinus q. 1. ad Simplicianum, & alibi passim vocat altam, secretam, & interiorem doctrinam, atque esse necessariam præter externam doctrinam: quia hæc mouet sensum, illa interna accommodat assensum, vt ait Epist. 107. Et lib. de prædestinatione. Sanctorum cap. 2. affirmat gratiam esse necessariam simpliciter ad actum illum intellectus, quia voluntatem credendi antecedit; eimque vocat cogitare. Quia priùs, inquit, cogitandum est an sit credendum, quàm creditur. Et ad eum requiri gratiam probat ex 2. Cor. 3. *Non sumus sufficientes cogitare aliquid à nobis*, &c. Trident. quoque Sess. 6. can. 3. definit neminem posse credere sicut oportet sine præueniente Spiritus sancti inspiratione. Idemque docet Araucanum can. 7. & Mileuit. can. 4. vt Sect. 1. ostendimus.

80. *Etià in substantia.*

Hinc autem sequitur tale iudicium esse in substantia supernaturale. Tum quia ex similibus testimonijs probauimus ibid. fidem ipsam, & actum volendi credere sicut oportet, esse in substantia supernaturalem. Concilia autem de iudicio isto simili modo loquuntur. Tum etiam quia voluntas sequitur intellectum: Ergo non priùs debet eleuari ad statum supernaturalem, quàm intellectus. Tum denique quia iudicium illud dirigit necessàriò actum volendi credere supernaturalem in substantia. Ergo conueniens est vt sit in substantia supernaturale; sicut actus volendi credere, est supernaturalis, quia dirigit actum credendi supernaturalem; & actus

fidei est supernaturalis, quia dirigit spem, & charitatem supernaturalem.

Contrarium sentiunt Suares disp. 6. Sect. 8. *Cõtraria conclus. 1. & Aegid. Coninck disp. 13. dub. 3.* Primò, quia euidentia credibilitatis est tantum naturalis: Ergo iudicium in illa fundatum, est tantum naturale. Secundo, ratio, & medium, per quod habetur hæc euidentia, naturale est, & per discursum naturalem fieri potest. Ergo hoc iudicium non est supernaturale. Tertiò, si esset secundum substantiam supernaturale, per id formaliter tleuaremur ad statum supernaturalem, inchoando vitam supernaturalem; atque ita fides non esset fundamentum, & initium status vitæ supernaturalis: quod repugnat communi sententiae Doctorum, & Patrum, qui initium vitæ supernaturalis constituunt in fide. Nam ab ea omnis nostra iustitia sumit initium, vt ait 2. Aug. Epist. 103. paulò post initium. Quarto, ratio præcipua cur actus fidei, spei, & charitatis sint in substantia supernaturales, est, quia ordinantur ad meritum præmij omnino supernaturalis, tanquam media ad finem. At iudicium illud, cum non sit liberum, sed necessarium, quippe quod præcedit actum voluntatis, non ordinatur ad meritum: Ergo, &c. Quintò, est incredibile iudicium aliquod supernaturale esse in Hæreticis, & infidelibus culpabiliter: & non posse hominem culpabiliter esse infidelem, nisi priùs recipiat actum necessarium, & supernaturalem de credibilitate obiecti fidei; maxime verò si talis actus sit actus fidei, vt volunt aliqui: tunc enim non posset esse infidelis, nisi priùs, & quidem necessàriò habuisset actum fidei. Ad hoc sequitur ex nostra sententia. Ergo, &c.

Ad primum Respondeo, euidentiam illam obiectiuam esse supernaturalem: quippe fundatam in argumentis supernaturalibus. Ad secundum dico, iudicium illud de credibilitate non haberi per medium merè naturale, neque per solum discursum naturalem: sed per illuminationem Spiritus sancti, iuuantis intellectum ad dignè percipiendam, & expendendam media, & motiua supernaturalia. Ad tertiū dico, nomine Fidei Patres comprehendere quidquid ad illam pertinet, velut eius initium. Alioquin eodem argumento probaretur credendi voluntatem non esse supernaturalem; quod tamen est contra Auctores citatos, qui hac in parte non sentiunt. Ad quartum respondeo, non esse illam vnica rationem supernaturalitatis, sed vt condignè attingantur obiecta supernaturalia. Deinde, sicut actus ille ordinatur ad liberam credendi voluntatem, & ad fidem, & reliqua inde secutura: ita remotè saltem ordinatur ad meritum. Ad quintum; nego esse incredibile, sed dignum potius Dei misericordia, vt infideles præueniant sanctis cogitationibus, & pijs motibus indeliberatis, ac supernaturalibus, quibus eos vocat ad liberum consensum, & ad fidem ac iustificacionem. Non est tamen id necessarium vt possint esse culpabiliter infideles; sufficit enim ad peccatum infidelitatis agere contra iudicium naturale de credibilitate ptoposita sufficienter: item, rejicere imprudenter motiua sese offe-

81. *Satisficit eius argumentis.*

rentia, & nolle expendere an sint assensu digna: vt è contrario laudabile est ad illa bene affici, & diligenter explorare. Ad quod ipsum Deus excitare solet, iuxta illud Act. 6. v. 14. de Lydia purpuraria, *Cuius Dominus aperuit cor inuenire viam, qua dicebatur à Paulo.* Quare non assentior affirmantibus iudicium de credibilitate semper esse actum necessarium, id est, non-liberum. Potest enim præcessisse alia cognitio, & actus voluntatis circa inquisitionem moriuorum, secundum quam cognitionem voluntas moueat liberè intellectum ad iudicandum de credibilitate. Quia tamen in actibus liberis non potest abiri in infinitum: omnia tandem in potestatem aliquem intellectus non liberum refundenda sunt. Quare vel illud iudicium de credibilitate necessarium est; vel alia cognitio, quæ illud præcedit, & præsupponit actui libero voluntatis circa tale iudicium. Verum non est necesse, nec æquè conueniens, vt illa cognitio, & si quæ alia præeunt aliquando tali iudicio, sine supernaturalia quodam substantiam: cum actus fidei supernaturalis non subordinetur illis necessariò, & per se, atque vniuersaliter; sicut actui volendi efficaciter credere, & iudicio præuio de credibilitate. Falluntur verò qui putant iudicium de credibilitate esse actum fidei. Nam illud iudicium est actus simpliciter euidens, si loquamur de credibilitate simpliciter, id est, abstrahendo à supernaturali; vel de naturali solum. Si autem loquamur de supernaturali; est quidem obscurum illud iudicium, sed tamen non est fidei Theologicæ iudicium: quia non nititur Dei testimonio. Non enim credimus esse credibile, quia Deus dixit; sed est notitia quædam experimentalis testimonij diuini per signa, & indicia sufficientia.

SECTIO XI.

An actus fidei sit necessarius ad salutem necessitate medijs?

82. ^q
Duplex
necessitas: me-
dijs, & præcepti.

Suppono primò, duplicem esse necessitatem; vnam præcepti, alteram medijs. Prior est debitum & obligatio proueniens ex præcepto per se: posterior verò est eius, sine quo aliquid obtineri nequit; siue id sit ex natura ipsarum rerum, quæ sunt ita connexæ (quo modo alimentum est medium necessarium ad conferendam vitam animalis) siue ex institutione causæ alicuius dominantis, ex cuius voluntate non potest vnum sine alio obtineri. Ad quam necessitatem non requiritur præceptum, sed decretum sufficit: Si enim Rex statuerit, ne quis fiat Senator, qui non magnam legum peritiam asscuerit sit: non esset ideo præceptum cuiquam datum comparandi sibi illam notitiam: sed notitia illa esset medium necessarium ex decreto. Potest tamen cum necessitate medijs esse ex alia parte necessitas præcepti: Sed nihilominus vna differt ab alia, licet sapissime in eodem iunctæ reperiantur: vt, in vniuersum, quidquid est medium ad salutem necessarium, est etiam necessarium ex præcepto.

pro respectu adultorum: quia quisque tenetur grauiter procurare suam salutem, & adhibere omnia necessaria. Quia autem differentia inter illas necessitates: quæ præcepti necessitas non viget, nisi præceptum cognoscatur ab eo, qui parere tenetur, neque aliter illi est sacramentum parere. At verò medium siue ignoretur, siue non, est necessarium, & sine illo non potest finis obtineri.

Suppono secundò, duplicem esse medijs necessitatem. Vnam simplicem, & absolutam, quando inmedium tale est, vt sine ipso in re habito finis non possit obtineri. Aliam secundum quid, quando sufficit in re, vel in voto. Priori modo gratia finalis est necessaria ad salutem, quia sine ipsa habita in re, non potest salus obtineri. Posteriori baptismus, aut Sacramentum penitentiae, sine quibus contritio cum Sacramenti voto potest sufficere ad salutem, & Sacramenti defectum supplere, cum speciali tamen obligatione ad ipsum, veluti medium primarium, & per se quodammodo necessarium, cuius vicarium quodammodo agit contritio, & ad ipsum remittit, vt chiographum obligat ad pretij solutionem, cuius intuitu venditio facta est, & dominium rei translatum. His præmissis,

Dico primò, actum internum fidei supernaturalis non esse medium necessarium ad salutem respectu paruulorum, vel adultorum qui post baptismum sine peccato mortali decedunt. Patet, quia infantes iustificanti per baptismum sine proprio actu fidei, cuius non sunt capaces: & per iustificationem fiunt filij Dei, & heredes æternæ gloriæ, quam consequuntur, si cum gratia accepta decedunt. Cum autem illa non possit amitti, nisi per peccatum mortale; sequitur infantes, si moriantur in infanzia, imò & postquam adoleuerunt, priusquam incidant in peccatum mortale, consequi salutem æternam vi iustificationis per baptismum acceptæ, & non amissæ: licet tales adulti nullum fidei actum exercuerint defectu propositionis obiecti, & notitiæ obligationis ad credendum. Sed tunc illi saluantur vt infantes. Inter quos etiam computandi sunt amentes perpetui, qui moraliter sunt infantes, licet ætate senes, & quouis tempore baptizari possunt sine actu ipsorum proprio.

Dico secundò, actum internum fidei supernaturalis esse simpliciter necessarium necessitate medijs omnibus adultis in peccato mortali existentibus, ita vt sine illo in re habito iustificari, & saluari non possint secundum legem ordinariam: quamvis absolute aliter fieri poterit, neque hic ordo sit necessarius simpliciter ex natura rei, sed ex decreto diuino cum fundamento congruitatis in re. Prima pars est communis Catholicorum, nec sine errore in fide negari posse affirmant Suares disp. 12. Sect. 2. n. 5. Egid. disp. 14. dub. 8. & Canus in Relect. de Sacramento, parte 2. q. 2. concl. 1. Probatur ex Apostolo Hebr. 11. v. 6. *Sine fide impossibile est placere Deo, credere enim oportet accedentem ad Deum, cuius est, &c.* Vbi Paulus non loquitur de Christo, nec de Beatis, sed de puris viatoribus adultis, quales illi omnes,

83.
Necessitas medijs est duplex.

84.
Actus fidei non est necessarius paruulis.

87.
Est necessitas medijs adultis peccato mortali existentibus.

quos eodem capite laudat. Deinde loquitur aperte de fide propriè sumpta & specialiter: non autem confusè de illa, vel de cognitione æquivalenti: ut patet ex versu 1. Vbi fidem sic definit, *Est autem fides sperandarum substantiarum rerum, argumentum non apparentium*: quæ est definitio fidei propriè & specialiter sumptæ. Loquitur item de actu fidei, ut patet ex his verbis propriè sumptis, *Credere enim oportet accedentem ad Deum quia est: & quod inquirentibus se remuneratur sit*. Idem quoque patet ex Trident. Sess. 6. cap. 6. Vbi postquam docuit dispositionem ad iustificationem incipere ab actu fidei: ait de hac dispositione scriptum esse, Hebr. 11. *Accedentem ad Deum oportet credere, quia est, & quod inquirentibus se remuneratur sit*. Et can. 3. definit neminem sine præueniente Spiritus sancti inspiratione, atque eius adiutorio credere posse sicut oportet, ut ei iustificationis gratia conferatur. Ratio summa est institutio Dei, qui non iustificat adultos, nisi ut adultos, id est, liberè volentes, & quidem voluntate proportionata iustitiæ supernaturali, quæ voluntas fundatur in actu intellectus similiter proportionato, id est, in actu fidei supernaturalis, quo credimus vera esse, quæ diuinitus reuelata, & promissa sunt, atque illud in primis, à Deo iustificari impium per gratiam eius, per redemptionem, quæ est in Christo Iesu; ut ait Trid. cap. citato.

86.

Dices, hæc posse intelligi de necessitate præcepti, vel de necessitate in re, vel in voto. Nam similiter Ioan. 3. v. 5. dicitur, *Nisi quis renatus fuerit ex aqua, &c.* Et tamen sufficit baptisimus in voto. Et Luc. 13. v. 3. *Nisi pœnitentiam habueritis, omnes similiter peribitis*; & tamen neque formalis pœnitentia, neque Sacramentalis, est simpliciter necessaria; sed sufficere potest dilectio supernaturalis sine formalis pœnitentia, sicut & contritio cum voto Sacramentali, ex Trid. Sess. 14. cap. 4. Ergo ex supradictis testimonijs non bene inferitur simplex necessitas fidei actualis.

Refellitur eius-
do.

Respondeo, ex Trid. cap. 6. aperte constare fidei actum esse dispositionem necessariam ad iustificationem. Quod autem est necessarium per modum dispositionis, est necessarium per modum medijs, & non tantum per modum præcepti. Quod verò fides in voto sufficiat, nusquam significat Scriptura, ut facit de baptismo, & alijs propositis in obiectionibus; docet enim actus contritionis, & dilectionis supernaturalis ex charitate, vim iustificandi, quam olim habuerunt, non amisisse propter Sacramentorum institutionem, & obligationem ab illa ortam ex Christi institutione; ut in Cornelio patet A&T. 9. Dilectio verò ex charitate, cum æquiualeat contritioni & formali pœnitentia, non mirum est si vim illius habeat quoad iustificationem ex opere operantis, quæ confertur ex operis dignitate. At verò nunquam docet adultum sine actuali fide iustificatum fuisse, nec vllus alius nobis datur actus supernaturalis intellectus, qui illi æquiualeat, & vim illius habeat; ut magis declarat communis Doctorum, & Ecclesiæ sensus, cuius testes citauimus initio conclusionis.

Pars secunda, quod hæc necessitas non sit ex rei natura, sed ex decreto diuino, & absolute aliter fieri potuerit, probatur, quia Deus posset absolute tribuere salutem, & beatitudinem sine vlla dispositione, & sine vllò actu à nobis prærequisito; neque enim per illa finis potentes absolute, sed anima potest immediate attolli à Deo ad gratiam, & ad fruitionem beatitudinis. Deinde, licet id non posset; actus tamen fidei supernaturalis non esset necessarius: quia posset sufficere alius æquè nobilis, aut præstantior, puta euidentis cognitio supernaturalis vel reuelationis diuinæ, vel immediate ipsarum rerum reuelatarum, quæ non esset fides. Et quidem Christus sine fide beatus fuit ab initio. Et paruuli sine vllò actu fidei iustificantur, & beatantur. Poterat etiam Deus, si voluisset, esse contentus actibus naturalibus circa obiecta reuelata, quamvis imperfectioribus, & inproportionatis.

87.
Vnde sic
hæc ne-
cessitas?

Pars tertia, quod nihilominus conuenienter sic institutum sit, probatur, quia conueniens est, ut quælibet natura rationalis ducatur ad vltimum finem per liberum consensum, iuxta suam conditionem, & per actus proportionatos. Ad hoc autem necessaria fuit aliqua cognitio finis; quæ cum multiplex esse potuerit, Deus sapienter elegit fidem supernaturalem, quæ capriemus intellectum in obsequium Christi, priusquam clarum Dei visionem, velur fidei præmium consequamur: & discendum more credamus primò in via, quæ sumus clarè cognituri in patria, ut ait S. Thomas quæst. 2. art. 3. vbi, & art. 4. plures affert huius rei congruentias.

88.
Cōtraria
conuentia.

Contra primam partem senserunt aliqui Antiquorum, quos sequitur Vega lib. 6. in Trid. cap. 20. & 21. putantes fidem solum esse necessariam ex præcepto: ita ut qui ignorant inuincibiliter fuisse quidpiam à Deo reuelatum, possint saluari per naturalem cognitionem, quæ cognoscere possunt Deum esse, & esse amandum, peccatumque detestandum, atque secundum illam cognitionem agere. Probat primò ex Apostolo Rom. 2. v. 14. *Gentes, quæ legem non habent, naturaliter ea quæ legi sunt, faciunt*. Atqui factores legis iustificantur, ibidem v. 13. & Matth. 19. v. 17. *Si vis ad vitam ingredi, serua mandata*: quod est intelligendum de mandatis, quæ quisque nouerit. Alia enim non obligant. Deinde Rom. 10. v. 13. & Ioel. 2. v. 22. *Omni quicumque inuocauerit nomen Domini, saluus erit*. Ergo si quis inuocet Deum in extremis, naturaliter quantum potest, saluus erit; maxime quia facientem quod in se est, Deus non deserit in extremis. Tertiò, cum Deus velit omnes homines saluos fieri, 1. Timoth. 2. v. 4. debent media salutis sufficientia esse omnibus possibilis. Ad fides non est illis possibilis, qui ignorant inuincibiliter reuelationem; *Quomodo enim audiens sine predicante?* Rom. 10. v. 14. Quare quantumvis bene viuendo conuentur assequi salutem, hæc erit illis impossibilis; quod est absurdum. Neque dicas Deum procuraturum, ut tales veniant ad notitiam fidei. Hoc enim sine fundamento assertur: quia Deus non solet facere miracula.

Solu-
tur eius
argu-
menta.

Ad primum Respondeo, Paulum non asserere quod Gentēs sine fide totam legem naturalem seruauerint, sed indefinitē aliqua; quod ad intentum eius sufficiebat, ut scilicet ostenderet legem naturalem scriptam esse in cordibus. Contrā verō, cap. 3. eiusdem Epistolæ v. 9. sic ait: *Causari sumus Iudeos, & Græcos* (id est Gentiles) *omnes sub peccato esse* Matth. verō 19. sermo est, non de quacunque mandatorum obseruatione; sed de illa, cui ex pacto diuino debetur vita æterna; quæ scilicet est secundum fidem, spem, & charitatem: quæque insuper est integra. Nam qui offendit in vno, factus est omnium reus, ut ait Iacobus cap. 2. v. 10.

89.

Ad secundum Respondeo, non esse promissum omni innocenti Deum quacunque ratione, ipsum saluum fore; sed innocenti cum fide, & cum affectu spei, & charitatis. De illa enim inuocatione loquitur Paulus, idēque subdit, *Quomodo innocui in quem non crediderunt*? Eodēque modo intelligendus est Ioel: loquitur enim de ijs, qui acceperint Spiritum sanctum. Si quis autem, qui, quoad potest, seruauit legem naturæ, in extremis secundum cognitionem naturalem inuocaret Deum: ab illo illuminaretur quantum opus est ad fidem supernaturalem, necessariam ad salutem.

Ad tertium Respondeo, infideles habere lumen naturale, quod si sequantur quoad possunt, Deus per se, vel per alium eos illuminabit, & ad fidem deducet: idque non fiet miraculosè, sed secundum institutum ordinem diuine providentiæ, quæ non deest adultis non ponentibus obiectionem, pro sua misericordia, & voluntate saluandi omnes homines. Quare fides eatenus est illis possibilis, quatenus est illis possibile sequi ductum rationis, & lumen naturale. Sin autem non sequuntur lumen naturale; priuantur meritò, in pœnam peccati, tali illustratione; & damnantur, non ob infidelitatem, quia supponitur esse in se inculpabilis; sed ob peccatum originale, & peccata actualia, seu personalia, ab ipsismet contra lumen naturale commissa.

remunerator sit. Vbi præterea cum loquatur de remuneratione supernaturali, ut patet ex sequentibus versibus 10. 13. 16. 35. 39. & 40. videtur non sufficere Dei cognitio, ut auctoris, & finis naturalis; sed requiri eius noticiam ut boni cuiusdam supra naturam hominis, quod possit eam perficere supra naturalem eius capacitatem. Qua ratione concipitur Deus aliquo modo ut auctor & finis supernaturalis; eoque sensu remunerator vocatur ab Apostolo. Confirmatur, quia fides non est tantum necessaria propter se, sive ut instruat intellectus, & quæ credenda sunt agnoscat: sed etiam propter voluntatem, ad exercendos actus supernaturales spectandi, & amandi Deum; sicut adultis necessarium est ad obtinendam iustificationem. Necessarium autem est sperare in Deum, & amare, ut bonum supernaturale, spe, & amore supernaturali, ut ei coniungamur: quia non eleuantur adulti ad statum vite supernaturalis, nisi volentes, & libere consentientes. Ergo Deus debet ut talis cognosci, & proponi per fidem: quia voluntas non fertur in incognitum: & quoad actus sperandi, & amandi supernaturales, præsupponit necessariò fidei cognitionem: iuxta illud Hebr. 11. *Est autem fides sperandarum substantiarum rerum*, id est, sperandi fundamentum; proponens ea, quæ speranda, & similiter ea, quæ diligenda sunt.

Existimo autem prædictam cognitionem absolute sufficere; quia sufficienter proponit intellectui obiectum spei, & amoris necessarij per modum dispositionis ad iustificationem; & aliunde non constat Deum ex positiua ordinatione perfectiorem requirere, generaliter saltem loquendo, ut patebit ex solutione obiectionum.

Dico secundò, fidem implicitam Christi, ut mediatoris, fuisse omni tempore, & pro omni statu necessariam simpliciter ad iustificationem, & salutem: non autem fidem explicitam. Prima pars probatur, quia necessarium est credere Deum habere curam salutis nostræ supernaturalis, ut in prima conclusione ostendimus. In hac autem cognitione continentur implicitè omnia media, quibus eam curat, & promouet. Inter quæ præcipuum est Christus Dominus mediator salutis, & iustificationis omnium hominum quocumque tempore, & statu. Ut de tempore, & statu post lapsum Adami faterentur omnes Catholici. De statu verò innocentie id negant permulti. Cum enim sentiant Christum non fuisse decretum, nisi præiūso peccato; consequenter inferunt non fuisse mediatorem Angelorum, neque hominum in statu innocentie. Ac proinde primos Parentes in illo statu non fuisse iustificatos per Christum. Quæ doctrina licet D. Augustino, & D. Thome, alijsque multis placeat, suppono tamen ex dicendis in tractatu de Incarnat. probabilius esse Christum fuisse primò decretum, & ante cetera omnia, ut primogenitum omnis creature, ratione suæ perfectionis excellentissimæ ad Dei gloriam maximè pertinentis: & fuisse mediatorem gratiæ, & gloriæ Angelis, & hominibus, etiam ante peccatum.

Nam oppositum non bene colligitur ex

T 3

SECTIO XII.

Circa quid fides versari debeat explicitè ex necessitate medijs?

90
Quomodo debet versari circa Deum?

Dico primò, debere necessariò versari explicitè circa Deum. Iuxta illud Hebr. 11. v. 5. *Sine fide impossibile est placere Deo. Accedentem enim ad Deum oportet credere, quia est, & quod inquirentibus se remunerat sit.* Unde habetur ad gratiam Dei consequendam necessarium esse credere Deum esse, secundum conceptum scilicet veri Dei, concipiendo illum ut primum ens, & independens, ac supremum: itemque Deum esse Auctorem nostrum; & curam habere salutis nostræ: sine qua cognitione non possumus moueri liberè ut ad illum recurramus, & salutem ab eo expectamus, ac speremus. Quod ipsum Paulus significauit verbis illis, *Et quod inquirentibus se*

91.
Fides in Christum quomodo necessaria?

Enimvero in statu innocentie?

Vide tom. 4. Diss. 3.

LUC. 19. 1. Timoth. 1. & similibus Scripturæ locis ; quia licet verum sit Christum venisse ut saluum faceret quod perierat ; non tamen sequitur quod primò, vel quod tantum propter id venerit. Ratio quoque D. Thomæ non est certa ; videlicet, in Scriptura non reddi aliam rationem cur venerit Christus. Nam præterquam quod Incarnatio ipsa per se, redemptione, rebusque alijs omnibus melior est, & amabilius, & digna, ut tanquam apex totius possibilitatis sit per se expetita, & ad illam cætera ordinentur ; Scriptura satis ostendit Christum decretum fuisse non primò, & specialiter tantum ut Redemptorem, sed communius ut Mediatorem gratiæ, & gloriæ, & ut caput, & Regem, Pastoremque hominum, & Angelorum. *Ego veni, ut vitam habeant, & abundantius habeant* : inquit Christus de suis oibus Ioan. 10. Oves autem non significant idem quod peccatores. Nam intelliguntur etiam de Angelis bonis, communiter apud Sanctos Patres, & Scripturæ interpretes explicantes parabolum de nonaginta novem oibus, id est, de novem Angelorum Choris relictis, ut centesima errans, id est, natura humana, quæreretur. Paulus quoque Ephes. 5. v. 32. docet Christi, & Ecclesiæ coniunctionem secundum naturæ conformitatem significatam fuisse per Adamum & Evam ante peccatum. Ergo illa coniunctio per se considerata nihil habet cum peccati conceptu. Insinuatorem etiam frequentem in Scriptura Incarnatio Verbi in persona Christi, ut sponsi, & capitis totius Ecclesiæ ; quæ rationes per se nihil habent cum peccato, ut neque vita spiritalis simpliciter sumpta ; neque enim illa mortem præsupposuit in Angelis, vel in primis Parentibus, quos, etiam si peccato carent, fuisse tamen liberè iustificatos propter Christi fidem saltem implicitam probabilius est. Quod si frequentius in Scriptura insinuat ratio Redemptoris ; id rectè fit, ut hinc maximè commendetur diuina misericordia, & moueantur homines ad ipsius amorem, & odium peccati. Non tamen sequitur illam, aut primam fuisse, aut solam : Sed quemadmodum licet Deus Christum dederit in Redemptorem, ipsum tamen magis dilexit, quàm redemptionem : Sic non decrevit Incarnationem sub ratione redemptionis tantum, aut primò ; sed propter se, & propter suam gloriam : Secundariò verò, ut esset Mediator gratiæ & gloriæ, caputque Ecclesiæ completentis homines, & Angelos ; ad quod opus redemptio est tantum particulare medium ex suppositione peccati. Absolutè verò sicut homines, & Angeli, etiam sine peccato spectati,arent debita proportionem ad gratiam, & gloriam ; conueniens est, ut per Christum Mediatorum eam sint assecuti, ut nunc etiam sit.

De alijs verò statibus naturæ humanæ post lapsum, res lege naturæ, vel Moysi, vel gratiæ, res certissima est, & apertè tradita in Scriptura, Rom. 3. v. 13. *Omnem enim peccaverunt, & egent gloria Dei. Iustificati gratia per gratiam ipsam, per redemptionem, quæ est in Christo Iesu, quem proposuit Deus propitiationem per*

fidem in sanguine ipsius, &c. Hebr. 9. v. 15. *In redemptionem earum prævaricationum, quæ erant sub priori Testamento.* 1. Ioan. 1. *Motus est propter peccata nostra, non solum autem nostra, sed etiam totius mundi.* Act. 4. v. 11. & 12. *Non est in alio aliquo salus. Nec enim aliud nomen est sub calo datum hominibus, in quo oporteat nos salvos fieri.* Et Ioan. 3. *Sic Deus dilexit mundum, ut filium suum unigenitum daret. Vt omnis qui credit in ipsum non pereat, sed habeat vitam æternam. Qui credit in eum, non indicatur ; qui autem non credit, iam iudicatus est, quia non credit in nomine Vnigeniti filij Dei.* Idem clarissimè definit Trid. Sess. 3. can. 3. Vbi affirmat peccatum originale non posse expiari per aliud remedium, quàm per meritum Iesu Christi. Et sancti Patres idem expresse tradunt : Augustinus præcipuè, lib. 2. de gratia Christi cap. 24. vbi sic habet : *Sine fide ergo Incarnationis, & Mortis, & Resurrectionis Christi, nec antiquos iustos, ut iusti essent, à peccatis potuisse mundari, & Dei gratia iustificari, veritas Christiana non dubitat : siue in hi iusti, quos sancta Scriptura commemorat, siue in hi iusti, quos quidem illa non commemorat, sed tamen fuisse credendi sunt, vel ante diluvium, vel inde vsque ad datam legem, vel ipsius legis tempore, non solum in filijs Israel, sicut fuerunt Propheta ; sed etiam extra eundem populum, siui fuit Iob.*

Secunda pars conclusionis, quod nihilominus fides Christi explicita non sit, nec fuerit simpliciter necessaria, est plurimorum Theologorum. De lege enim ante Christum, id docent communiter Scholastici cum Magistro in 3. dist. 25. & D. Thomas cum Interpretibus 2. 2. q. 2. art. 7. De lege verò noua sic sentiunt D. Thomas 3. p. q. 69. art. 4. ad 2. Hugo Victorinus, Alensis, Albert. Ricard. Scotus, Gabr. Sotus, Medina, Corduba, Maldonat. locis à Suare citatis Disp. 12. Sect. 4. n. 10. quibus ipse subscribit n. 11. affirmans non esse tam necessariam hoc tempore fidem explicitam Christi, ut sine illa reapse obtenta nullus possit iustificari. Ratio præcipua est : quia posito actu fidei explicite de Deo vt Deo, & Auctore ac fine nostro supernaturali, habente curam salutis nostræ, potest voluntas ad Deum conuertere specialis eius auxilio, ad illum amandum efficaciter, & absolutè propter se, & ad sperandam ab illo salutem, & remissionem peccatorum. Hoc autem sufficit ad iustificationem : Ergo, &c. Minor constat ex dictis de gratia, & iustificatione, romo 2. Maior probatur ; quia illa cognitio sufficit, & est proportionata ad excitandum talem affectum. Quod verò is dari possit sine fide Christi explicita, patet quia non habet connexionem necessariam cum illa : ut ostendit experientia in puero vel Catechumeno, qui primo id tantum doceatur explicite per motiva sufficientia. Ille enim assensientis doctrinæ fidei, id prius credit, & quidem assensu supernaturali, ad quem Deus non negat concursum necessariarium ei, qui consentit vocationi ad fidem. Dicere verò quod Deus neget illi auxilium necessarium ad fidem supernaturalem, vel ad actum charitatis, antequam credat explicite in Chri-

rum, non est conueniens Dei bonitati; qui sicut non est Auctor peccati; ita neque causa est ut quis maneat in infidelitate, vel alijs peccatis, si à Deo vocatus faciat quod in se est, & conetur refurgere, credendo, & amando quantum potest. Quod argumentum magis urget, si supponamus Catechumenum esse in articulo mortis, & non posse de Christo explicite instrui, ac nihilominus conari toto affectu ad Deum se convertere secundum cognitionem, quam de illo accepit. Adde quod, cum fides Christi explicita non sit per se ex natura rei necessaria, sed ex Dei ordinatione; nullum apparet fundamentum sufficiens asserendi talem ordinationem, ut patebit ex solutione argumentorum contrarie opinionis. Restringere autem misericordiam diuinam, & supra id, quod illa postulat, inducere necessitates sine testimonio sufficienti, non est conueniens, sed potius est eorum qui plus sapiunt, quam oportet sapere.

96. *Opinio contraria non bene in- fertur ex Script.*
 Contrarium sentiunt Aegidius Coninck disp. 14. dub. 9. concl. 2. & alij affirmantes, post lapsum Adami fuisse semper ad salutem necessarium medium Credere explicite in Christum: non quidem distinctè, ut Deum & hominem, vel ut moriturum pro salute hominum, & resurrecturum, quod paucis in lege veteri, & præcipuum tantum innotecebat; sed confusè, ut Mediatorem, cuius meritis gratiam consequamur, & gloriam. Citant primò Scripturæ loca, quibus asseritur homines per Christum, aut per eius fidem iustificari, & saluari. Ad quæ respondeo, fidem Christi non solum esse explicitam, sed etiam implicitam: quocirca licet requiratur fides in Christum, non ideo sequitur explicitam requiri, ut medium simpliciter necessarium; licet requiratur ex præcepto in ijs, quibus proponitur sufficere; ut sic communiter in lege noua.

96. *Neque factis probatur ex Patrib.*
 Secundò obijciunt varia Patrum testimonia, quæ longum esset referre. Præcipua sunt ex Aug. lib. 2. de Gratia cap. 24. & lib. 18. de Ciuit. cap. 47. & lib. de Natura, & Gratia cap. 44. Ad quæ similiter dico, nullum illorum Patrum asserere fidem Christi explicitam, esse omnino necessariam ad salutem, sine vlla exceptione, & ut medium simpliciter necessarium. Pos- sunt verò intelligi vel de fide generatim, abstrahendo ab implicita, vel explicata; vel secundum legem communem, & de necessitate præcepti. Et quidem D. Augustinus, locis ab Aegidio allatis, si est intelligendus de fide explicata, plus probat, quam auctor ille intendat: cum aperte loquatur de fide Incarnationis, Mortis, & Resurrectionis. Quod si respondeat Aegidius, Augustinum tantum requirere, ut hæc vtrumque, & confusè aliquo modo intelligantur. Dico pariter Christum ut mediatorem cognosci vtrumque per fidem Christi implicitam.

97. *Sed instat, quia si Christi fides implicita tantum requiritur; non magis requiritur fides Christi, quam fides de septem Sacramentis, vel de duodecim Apostolis totum in orbem mittendis, & alijs medijs prouidentia diuinæ circa salutem nostram, quæ non minus con-*

tinetur, & creduntur implicitè, quàm Christus ipse, in illa generali cognitione, quod Deus curam nostræ salutis habeat, modis ab ipso cognitis. At perspicuum est Scripturam & Patres magis requirere, & specialius fidem Christi, quam huiusmodi rerum: Ergo, &c. Urget etiam illam Christi comparationem, Ioan. 3. *Sicut Moyses exalauit serpentem, &c.* Nimicum, inquit, sicut percussus à serpentibus peribant, nisi serpentem æneum intuerentur: ita omnes peccato insecti pereunt, nisi per fidem Christum aspiciant, & quidem secundum se, ac non tantum confusè, & implicitè, secundum aliquid aliud.

Respondeo fidem implicitam mediorem, licet non magis expressè in vnum tendat, quam in aliud; magis tamen principaliter tendere in primum, & præcipuum medium, cuiusmodi est Christus respectu nostræ salutis. Virtutes enim magis tendunt in id, quod in obiecto suo magis præcipuum est: cum tendant ordinatè secundum rectam rationem. Comparatio verò serpentis, & Christi, si in rigore lumenda est, probaret ipsam Christi personam esse per fidem agnoscendam explicite, id est, secundum se imò etiam suspensam in ligno, sicut serpens in seipso videndus erat de ligno pendens: quod tamen Aegidius non putat esse necessarium, sed sufficere posse consilium illius noticiam ut Mediatoris. Intencio ergo Christi tantum fuit ostendere, quod sicut exaltatio serpentis ænei valuit ad sanandum omnes in eum aspicientes: sic Christi passio ad sanandos credentes.

Obijciunt tertio, constare ex Scriptura, & ex Concilijs, Tridentino præcipuè Sess. 6. cap. 7. & 16. neminem posse iustificari nisi per merita Christi, secundum legem ordinariam. At ille qui in Christum non credit, non potest eius merita participare: quia non est illius membrum. Dicunt enim per fidem venire ad Christum, Ioan. 6. & accipere vniuersum Christo per fidem, ut ait Tridentinum Sess. 6. cap. 7. Deinde, sicut Deus est causa vniuersalis effectiua nostræ iustificationis, & salutis ita Christus respectu omnium omnino hominum est eiusdem causa vniuersalis auctoritaria; ut docet Trident. cap. citato. Ergo sicut nemo potest iustificari, aut Deo placere, nisi per fidem accesserit ad Deum, Hebr. 11. v. 5. ita nemo potest iustificari, nisi per fidem ad Christum accedat in eum credendo. Videatur enim omnino eadem conuenientia, & necessitas: unde Christus Ioan. 15. æquè fidem vtramque requirit, dicens: *Hæc est vita æterna, ut cognoscant se solum Deum verum, & quem misisti Iesum Christum:*

Respondeo primò, paruulos iustificari per merita Christi, & esse illius membra, sine fide actuali in ipsum. Secundò, fidem Christi implicitam sufficere adultis ad participanda ipsius merita; imò & ante illam participari; cum vel ipsa vocatio ad fidem meritis Christi tribuenda sit, ex Trid. Sess. 6. cap. 5. & 6. Differentia verò est inter Deum, & Christum, respectu nostræ iustificationis. Deus enim est causa per se connexa ex natura rei, & abso-

Fides
secundu
æqualit
in sua
lectia.

98.

Fides i
plicita
sufficit
partici
panda
Christi
merita

lutē necessaria : Christus autem , non nisi ex Dei ordinatione , quæ non omnibus innotescit. Vnde non mirum est , si Dei fides magis explicita requiratur , quam Christi , qui tamen inuoluitur in cognitione Dei , ut prouisoris salutis nostræ.

Dices , plus debuisse exigī ab hominibus in hoc statu perfectæ fidei ; quam in lege Mosāica , & naturali. Atqui tunc requirebatur fides Christi implicita : Ergo nunc debet requiri explicita. Item , hæc fides est necessaria ante baptismum : sed baptismus est medium necessarium : Ergo & hæc fides. Confirmatur , quia Tridentinum Sess. 6. cap. 6. loquens de fide necessaria velut dispositione ad iustificationem , ait credendum esse iustificari hominem per redemptionem , quæ est in Christo Iesu. Augustinus quoque . Ambros. Hieronym. & alij Patres vocant fidem Christi , fundamentum , & initium salutis.

Ad primum respondeo , plus fidei in hoc statu debuisse requiri ex præcepti necessitate , sed non medijs simpliciter : maximè cum status ille perfectæ fidei perinde se habeat , ac si non esset , respectu eorum , qui illum ignorant. Ad secundum Dico primo , baptismum in re non esse simpliciter necessarium : Ergo neque fidem Christi explicitam propter illum. Secundo respondeo , fidem explicitam Christi non esse simpliciter necessariam ante baptismum necessitate medijs , etiam ut utiliter recipiatur ; sed tantum necessitate præcepti : & posse ac debere conferri Catechumeno , qui morte instante non possit edoceri mysterium Incarnationis , & Trinitatis ; modo confusè crederet hoc remedium esse vile ad salutem , & iustificationem.

Ad tertium respondeo , sufficere id credi implicitè. Ideo autem Augustinus , & alij Patres dicunt fidem Christi esse initium salutis : quia nemo potest iustificari , nisi ex Christi meritis ; quod æquè conuenit iustis veteris legis , ac præsentis. Quare sicut tunc sufficiebat Christi fides implicita : ita & nunc simpliciter sufficit ; & est credibile illum actum non amisisse vim & sufficientiam , quam tunc habuit : cum nulla sit ratio sufficiens id asserendi. Per hæc , Valentiz , & Suari , qui aliquatenus nobis contradicunt , responsum sit.

Dico tertio , de mysterio Trinitatis idem esse sentiendum , ac de fide Incarnationis : nec aliam fidem explicitam videti simpliciter necessariam ad salutem , præter eam , quæ in prima conclusione fuit exposita : siue loquamur de prima fide , id est , de iustificatione & gratia : siue loquamur de secunda , id est , de gloria , & beatitudine. Fides enim quæ sufficit ad iustificationem , sufficit etiam ad vitam æternam consequendam , per modum medijs simpliciter necessarij.

Prima pars est Suaris Sect. citata , num. 29. Ægidij Coninck dub. 9. num. 185. & aliorum : Sequiturque ex dictis. Quicumque enim requirunt fidem Trinitatis explicitam , ideo requirunt , quia sine illa fides Incarnationis haberi nequit explicita , & distincta. Et quicumque hanc non requirunt necessarīo ad iustifica-

tionem , aut salutem , non requirunt etiam illam. Et quidem mysterium Trinitatis non prius cæpi palam omnibus proponi , quàm mysterium Incarnationis. Vnde colligitur necessitatem illius esse coniunctam cum necessitate istius. Nec obest illud Athanasij , in Symbolo , post explicata mysteria Trinitatis , & Incarnationis , *Hæc est fides Catholica , quam nisi quisque fideliter , firmiterque crediderit , saluus esse non poterit*. Respondeo enim Athanasium non requirere in omnibus ex simplici necessitate tantam fidem Incarnationis , & Trinitatis , quantum in symbolo exprimit : sed tantum dicere perituros , qui eam non habent implicitè ; vel non credunt explicitè post propositionem sufficientem , saltem ita ut eius opposito assentiantur culpabiliter ; vel dubitant de veritate illius ; ita ut non credant , implicitè saltem , quod Ecclesia credit de utroque mysterio.

Secunda pars est etiam Suaris Disput. 11. Sect. 3. num. 19. ubi affirmat non esse necessariam fidem explicitam , & distinctam immortalitatis animæ , peccati originalis , quòdque Deus offendatur peccatis , & aliorum quorundam , quæ nonnulli necessaria existimant in re , & actualiter ; sed sufficere ea cognoscere inquantum continentur in cognitione Dei , ut Remuneratoris supernaturali remuneratione , in qua implicitè continentur. Et quidem cum hæc fides sufficiat ad sperandum , & amandum Deum ex charitate , ut supra ostendimus ; consequens est eam sufficere ad iustificationem , sine notitia explicita , quòd Deus peccatis offendatur. Respondeo contritionem non esse simpliciter necessariam , cum actus amoris sufficiat.

Tertia pars est quoque Suaris Sect. 4. num. 14. & Ægidij supra , qui testatur esse communem Theologorum , quòd scilicet , loquendo præcisè de necessitate medijs , non requiritur maior fides , siue magis explicita ad consequendam vitam æternam , quàm ad iustificationem. Probat , quia Scipitura , & Patres simili modo de utraque loquuntur ; nec plus ad vnā exigunt , quàm ad aliam. Secundo , quia ad consequendam vitam æternam , tantum requiritur ut quis moriatur in gratia accepta per iustificationem. Hoc autem fit , si moritur absque nouo peccato mortali : Non peccat autem mortaliter , licet non credat explicitè mysteria Trinitatis , vel Incarnationis , & alia , si non sint ei sufficienter propostia. Facile verò fieri potest ut moriatur sine nouo peccato mortali post iustificationem antequam hæc sufficienter proponantur : ut si Catechumenus statim post illam moriatur , vel in amentiam perpetuam incidat. Dicere verò Deum minimè passurum esse ut moriatur ante acceptam fidem explicitam , diuine est , & petere principium. Fieri potest ut Catechumenus instructus de fide Dei , & Ecclesiæ in comuni , nondum accepta fide Christi , vel Trinitatis explicita , velit , & exoptet Ecclesiæ aggregari , illiusque medijs vi ad salutem , & remissionem peccatorum. Qui si posita tali uoluntate , & voluntate , & dolore peccatorum , ac desiderio salutis æternæ , incidat in phrenesim ; baptizari potest , ac debet ; & sic baptizatus mori potest sine

Soluntur alia argumeta.

101. Et aliud articulum ?

100.

Fides Trinitatis quomodo necessaria ?

101. Fides sufficientes ut medium ad iustificationem ad salutem.

101.

usu libertatis non recuperat: adeoque sine peccato mortali, quo perdat gratiam in baptismo acceptam. Hinc collige aduulrum in infantia baptizatum, sicut mori potest, antequam de fide instruat, nondum admissio villo peccato mortali, cuius committendi occasio, vel tentatio tam breui tempore se non obtulit: ita etiam posse saluari sine vlla fide actuali, quam propter ignorantiam inculpabilem exercere nec potuit, nec debuit.

104.

Cōtraria
sentētia.

Contrarium sentiunt Canus in relectione de Sacramentis in communi, part. 2. quæst. 2. & Bannes ad 2. 2. quæst. 2. post articulum 8. dub. 2. quæstionem, vlt. affirmantes fidem Christi explicitam requiri ad secundam salutem, quæ est gloria: licet non requiratur ad primam, quæ est iustificatio. Probant quia Act. 11. Cornelius iam iustificatus (vocat enim cap. 10. v. 2. vir Religiosus, & Timens Deum) iubetur ab Angelo accersere Simonem, qui loquatur ei verba, in quibus ipse saluus futurus sit, & domus eius vniuersa: nimirum Christi prædicationem explicitam, quam à Simone Petro audiuit. Ergo eius cognitio explicita ad secundam salutem necessaria est. Vnde D. Aug. lib. 1. ad Simplicianum quæst. 2. circa initium, sic ait: *In quibusdam tanta est gratia fidei, quanta non sufficit ad obtinendum regnum celorum. Sicut in Catechumeno, sicut in Cornelio antequam Sacramentorum participatione incorporaretur Ecclesie.* Et lib. de prædestinatione Sanctorum, cap. 7. loquens de eodem Cornelio: *Si potuisset (inquit) sine fide Christi esse saluus, non ad alium adificandum mitteretur Architectus Petrus Apostolus.* Deinde, Christus sic præcipit Apostolis, Marci ultimo, in fine: *Prædicat Evangelium omni creature. Qui crediderit, & baptizatus fuerit saluus erit. Qui vero non crediderit, condemnabitur.* Vbi sine dubio sermo est de fide Evangelij Evangelium autem continet explicitam prædicationem Christi, & sanctissimæ Trinitatis, atque baptismi in eius nomine conferendi: Ergo sine fide illius explicita nemo saluari potest.

105.
Satisfit
eius ar-
gumētum.

Ad primum respondeo, Illationem non valere: quia quod Cornelio dictum fuit, non est intelligendum de secunda salute simpliciter, sed de tali, qualem & quantam Cornelius per Sacramenta, & Ecclesiæ præsidia consecutus erat. Neque verò quidquam ibi dicitur, quo satis affirmetur talem fidem explicitam esse medium simpliciter necessarium, etiam respectu Cornelij, quasi sine illa saluus omnino esse non posset: sed tantum asseritur, ipsum & eius vniuersam domum saluandos esse reipsa, per ea, quæ à Petro audiuitur, & accepturus erat. Quæ aliunde poterant esse necessaria ad vitandam culpabilem infidelitatem, & alia peccata, longo vitæ tempore, quo Deus ipsos conseruare decreuerat: vel ad resurgendum, & decedendum in gratia finali. Augustinus verò loquitur de Catechumenis fidem adhuc informem habentibus, id est, sine charitate, & gratia: qualem Cornelium fuisse tunc putat, cum Chrysostomo, & alijs quibusdam. Alioquin enim saluari omnes, qui moriuntur in gratia, etiam sine fide Christi explicita, supponit

apertè idem S. Doctor, lib. de natura, & gratia cap. 2. *Non enim, inquit, iniustus Deus, qui iustos fraudet mercede iustitie, si is non est annuntiatum Sacramentum dimittatis, & humanitatis Christi.* Quomodo autem fuerit Cornelio necessaria ad salutem fides Christi explicita, diximus paulo antè: nempe ad salutem, qualem, & quam reipsa consequutus est: non autem ad salutem simpliciter, & quocumque modo possibili adipiscibilem.

Ad secundum respondeo, illud esse intelligendum de ijs, qui non credunt post sufficientem Euangelij prædicationem, & mysteriorum expositionem. Quales illi non sunt, quibus nulla facta est prædicatione mysteriorum Incarnationis, & Trinitatis. Loquitur enim Christus de illis, quibus Apostoli, eorumque successores in ministerio prædicationis, iuxta ipsius præceptum, annuntiauerint Euangelium, & præcipua saltem mysteria in eo contenta, atque ex præcepto saltem necessario credenda: cuiusmodi sunt mysteria Incarnationis, & Sanctissimæ Trinitatis.

Obijci potest vterius, quòd sicut adulti non recipiunt primam salutem, nisi per consensum proprium: ita neque debent recipere secundam. Ergo illi adulti, quibus nulla omnino facta est prædicatione, licet in infantia per baptismum iustificati fuerint, & non amiserint iustitiam, non possunt consequi vitam æternam. Ergo plus fidei requiritur in illis ad secundam salutem, quam ad primam. Respondeo tales non saluari per modum adultorum, & per medium adultorum: sed vt parulos, & per medium parulorum. Licet enim sint adulti, non debent propter defectum actus inculpabilem priuari gratiâ acceptâ in infantia, & gloriâ illi debitâ. Quia non peccant carendo actu, quem non possunt habere. Et gratia semel data non perditur, nisi per peccatum mortale. Gratia verò finali respondet infallibiliter gloria.

S E C T I O XIII.

An, & quomodo fides sit necessaria ex præcepto, & circa quid?

Deo primò, actum internum fidei diuinæ esse necessarium ex præcepto diuino. Patet ex Scriptura. *Hoc est mandatum eius, vt credamus in nomine filij eius.* 1. Ioan. 3. *Qui non crediderit, condemnabitur.* Marc. vlt. v. 16. vbi sermo est de non credentibus culpabiliter post Euangelij prædicationem: vt paulò antè diximus. Adde quòd, quidquid pendet ab actu nostro libero, & ad salutem necessarium est, est grauius præceptum. Ergo actus fidei oppositus incredulitati est in graui præcepto; teneatur enim grauius vitare damnationem, & facere quidquid ad salutem necessarium est. Hinc collige primò, præceptum credendi fuisse in omni lege, naturali, Mosaica, & Evangelica: quia in omni lege fuit obligatio procurandæ salutis. Secundò, in omni lege fuisse ex præcepto credenda ea saltem, quæ simpliciter

ad salutem necessaria sunt de Dei existentia, & eminentia supra res omnes creatas, & de remuneratione inquirentibus se.

108.
Quomodo potest
præcipi?

Dices, neminem posse obligari ex præcepto, qui non prius cognoscat ius præcipiendi in superiore, & debitum parendi, ac subiectionem in seipso; quia non potest obligari moraliter, nisi mediante illâ cognitione; imò prius præceptum ipsum debet cognosci, quam obliget, quia non obligat nisi cognitum. At præceptum credendi fide diuinâ non potest cognosci nisi per ipsam fidem: cum sit præceptum positivum diuinum supernaturale, notum dumtaxat ex revelatione diuina. Ergo nunquam potest incipere obligare: quia deberet obligare hominem nondum habentem fidem; quod nequit fieri, cum necessariò fidem præsupponat, ut obliget. Respondeo neminem quidem obligari posse ex præcepto diuino reipsa, & in actu secundo, nisi prius, ratione saltem, cognoscat Deum, ut superiorem, & præceptum ab ipso legitime esse positum. Ideoque D. Thomas quaest. 16. art. 1. in corp. rectè affirmat primam Dei cognitionem non posse cadere sub præcepto diuinum, cum præsupponatur omni præcepto diuino, ut obliget. Verùm hæc cognitio potest aliter haberi, quam per fidem: idcirco potest fidei omnino præsupponi. Possumus enim naturali ratione cognoscere nos Deo subesse iure creationis, tanquam supremo Domino; factâque sufficienti propositione revelationis, & præcepti diuini de credendo, possumus iudicare tum id esse credibile, quod proponitur tanquam dictum à Deo; tum etiam credendum esse: quia de Dei voluntate satis constat. Possumus, inquam, id iudicare actu naturali, & solo lumine naturali. Possumus etiam actu supernaturali, adiuti Spiritus sancti ope, & illuminatione. Hoc autem iudicium non est actus fidei, sed præcedit liberam credendi voluntatem, ipsumque actum fidei. Neque est necessarium cognosci esse credendum actu supernaturali, sed simpliciter conandum esse ad credendum ut exigit obiectum, & obligatio proposita, firmâ scilicet, & certâ fide. Possumus denique habere aliquem actum fidei de Deo, & de rebus alijs ante noticiam præcepti fidei, id est, antequam cognoscamus Deum pro suo iure nos obligare, vt credamus.

109.
Prima subiectio
non est
per fidem.

Obijcies ex D. Thoma q. 16. art. 1. in corp. primam subiectionem hominis ad Deum esse per fidem; idcirco non posse præcipi fidem, quâ credatur Deum esse, licet actus credendi alia obiecta possint præcipi, suppositâ Dei cognitione per fidem iam habitâ, & subiectionis nostræ noticiâ. Respondeo primam subiectionem hominis ad Deum inesse ab ipsa natura; est enim ordo naturalis consequens creationem, quo creatura subest Deo, & subiacet eius iuri ac potestati legitimæ. Hæc autem subiectio non fit per fidem, ac cognitionem nostram, cui potius præsupponitur; sed non obligat re ipsa sine cognitione, quæ cognitio non necessariò per fidem incipit, sed naturali lumine haberi potest; ac licet tantum per fidem haberi posset, sequeretur dumtaxat primum actum fidei circa Deum non posse præ-

cipi; secus verò alios, ad quos Deus, primo actu sat cognitus, obligaret, vt & ad cætera credibilia. Porro, præter ius illud, quod Deus habet obligandi nos ad credendum per præceptum nobis denuntiatum, in modum superioris iure suo vtentis, & altringentis subditum, aliud habet generalius & independens à præcepto. Sicut enim in quolibet, etsi non superiore, ius est, vt nullus sibi inferat quiddam mali absque legitima, & sufficienti potestate; sic in Deo ius naturale est, vt eius testimonio sufficienter proposito fides non denegetur, neve ei falsitas tribuatur, aut dubitetur verumne sit quod affirmat. Quod esset eius honori valde contrarium; cum ne quidem homini graui, & fide digno, sine ipsius iniuria ita tribui possit. Quare licet præceptum positivum non esset, aut non innotesceret; peccaret tamen peccato iuri naturali opposito contra Dei maiestatem, qui fidem eius dictis scienter, & libere negaret veluti fide indignis. Sed præter hoc ius naturale, aliud esse positivum ex præcepto diuino iam ostendimus.

110.
Præceptum
credendi
est iuris
diuini.

Dico secundo, præceptum illud esse iuris diuini, & simpliciter supernaturale; sed tamen conforme rationi naturali, & connaturale ipsi gratiæ. Prima pars probatur, quia est de actu maximè interno & supernaturali, ad quem Deus solus potest obligare, agendo supra naturæ ordinem, quæ alioqui posset tantum obligari ad naturales actus, nisi per Dei ordinationem altius eueheretur ad supernaturalem ordinem. Ius enim naturale, & obligatio naturalis respicit ea tantum, quæ naturalia sunt. Sed nihilominus quoddam sit conforme rationi naturali, patet, quia lumen naturale dicitur non esse repugnandum testimonio diuino sufficienter proposito, nec respondendum eius propositionem sufficienter credibilem, quod sine Dei iniuria fieri nequit: sed potius certâ fide, & sine dubitatione, aut formidine, assentiendum esse illi vt supremæ veritati sufficienter testificanti: maximè cum ipsius testimonium proponatur vt necessariò credendum ex necessitate salutis, & obligatio credendi sit evidens, facta obiecti, & præcepti diuini propositione euidenter credibili. Hæc autem supponunt propositionem illam esse factam; nam ante illam, saltem inchoatam, non potest homo intelligere ad fidem obligari. Potest tamen, auditâ famâ fidei Christianæ, obligari lumine naturali ad maiorem illius noticiam querendam. Qui autem nihil penitus de illa audierunt, obligantur dumtaxat ad querendam veritatem circa obiecta naturalia moralia, in quibus sentiunt conscientie remorsum, & suspicionem erroris. Quod si faciunt, vt possunt cum Dei gratia auxiliante (sine qua nullus non errat aliquando in naturalibus) credibile est, certoque tenendum, fore vt à Deo illuminentur de rebus fidei necessarijs simpliciter ad salutem, nisi ipsi ponant impedimentum peccati. Atque ita dici potest obligationem ad fidem remotè incipere ab illa naturali obligatione, quam habent de inquirendis veritatibus moralibus naturalibus, secundum quas vitam rectè insistant ad honestè viuendum, & finem vltimum consequendum.

Ita fere Suares Disp. 13. Sect. 1. Assertionem 2.

111.
Est con-
naturale
statui
gratie.

Tertia pars assertionis, quod huiusmodi præceptum sit connaturale ipsi statui gratiæ, patet, quia ius connaturale statui gratiæ obligat hominem eleuatum ad illum statum, vt Deum cognoscat modo huic statui proportionato, ad illum colendum, & amandum sicut oportet iuxta conditionem, & gradum eiusdem status. Sicut ius naturale obligat hominem spectatum in esse naturali, ac solo lumine naturali, ad querendam, & habendam naturalem Dei cognitionem, vt illum colat & diligat, atque ad illum, vt finem vltimum, se, suæque omnia referat; ad quod lege naturali tenetur. Ideoque sicut præceptum istud naturalis cognitionis de Deo, est iuris naturæ, & naturale homini naturaliter spectato: Sic illud est iuris gratiæ, & connaturale homini vt eleuato, vel ordinato ad finem supernaturalem, & statum gratiæ. Vnde etiam præceptum illud fuit in lege naturæ, quæ sic vocatur, quia non habebat vniuersaliter specialia præcepta diuina positiua, præter ea, quæ erant connaturalia, vel naturæ vel gratiæ.

Porro licet præceptum fidei sit non tantum iuris diuini positiui, sed etiam remotè, & mediè iuris naturalis, vt diximus; non propterea fit duplex peccatum, quando peccatur per infidelitatem; quia hæc duo præcepta per modum vnius se habent, cum vnum sit confirmatiuum alterius, & ambo ad idem tendant. Cum autem idem formaliter præcipitur, non multiplicantur peccata, licet præcepta multiplicentur. Neque id fidei præcepto peculiare est, sed omnibus alijs legitimis præceptis commune, quod in iure naturali fundentur, quatenus ratio naturalis dicit ius cuique suum reddendum esse, & parendum superioribus pro suo iure aliqd exigentibus.

112.
Fides est
præceptum
etiam per
se.

Dico tertio, Actum fidei non tantum esse in præcepto propter alia, ad quæ est necessarius; sed etiam propter se ob ipsam fidei honestatem. Ita Valentia, Suares, & alij communiter. Probatur: quia fides habet secundum se specialem honestatem, propter quam est expectabilis. Sicut enim est honestum amare Deum vt bonum nostrum, per spem: & vt summè bonum in seipso, per charitatem: & eundem colere, vt Dominum supremum, & ens excellentissimum, per Religionem: sic est honestum adhzere Deo per intellectum, velut supremæ veritati. Quare sicut dantur specialia præcepta de spe, charitate, religione: sic & de fide, id est, de assensu firmo præbendo diuinis testimonijs propter supremam Dei auctoritatem. Confirmatur: quia datur speciale peccatum contra fidem, nempe peccatum infidelitatis, distinctum ab alijs peccatis contra alia præcepta commissis. Ergo datur speciale præceptum fidei distinctum à præceptis aliarum virtutum. Consequentia patet, quia peccatum speciale supponit speciale præceptum, contra quod peccetur. Antecedens verò probatur ex communi consensu, & ex Trid. Sess. 6. cap. 15. affirmante fidem non amitti per quodlibet peccatum mortale, sed per peccatum infidelitatis. Confirmatur secundo, quia Marc. ult. v. 16.

minatur Christus damnationem præcisè ijs, qui post Euangelij prædicationem non crediderint. Et Apocal. 21. v. 8. Stagnum ignis, & sulphuris datur incredulis, æquè ac timidis, execratis, homicidis, &c. Quod signum est incredulitatem esse per se prohibitam æquè, ac alia vitia ibi enumerata. Quod non tantum verum est de fide, quatenus versatur circa veritates morales & practicas; sed etiam circa speculatiuas. Nam in vtrisque tenemur Deo subicere intellectum; & peccatur in vtrisque per infidelitatem, quando non subijcitur. Vnde collige fidem non tantum præcipi, etiam in moralibus, propter alias virtutes, & officia Christiana ad salutem necessaria; quia ratione præceptum fidei pertinet ad virtutes illas, ratione quarum præcipitur; sed etiam per se, & propter se; quod est propriè & specialiter præceptum virtutis fidei. Sicut actus temperantiæ circa cibum & potum non tantum præcipitur propter castitatem, propter quam aliquando necessarius est, quæ ratione pertinet ad præceptum castitatis: sed etiam per se, quo pacto fit ex speciali præcepto temperantiæ.

Dices: non posse præcipi per se, nisi quod per se liberum est. Atqui actus fidei non est per se liber, sed tantum denominatiue per actum voluntatis. Respondeo, vt præcipiatur per se, id est, ratione propriæ honestatis, sufficere quod sit liber denominatiue ab actu voluntatis, à quo liberè imperatur. Quemadmodum actus externi temperantiæ, & iustitiæ præcipiuntur secundum se ob propriam honestatem, licet non sint per se liberi, sed per denominationem ab actu libero voluntatis.

Dico quarto, præceptum fidei non fuisse æquale in omni lege, neque æqualiter obligasse, vel obligare omnes sub eadem lege viuentes. Prima pars probatur, quia non tot credibilia propolita fuerunt, vt necessaria ex præcepto ad credendum, in lege naturæ, quot in lege Mosaica: neque tot in lege Mosaica, quot in lege Evangelica. Nam in lege naturæ fuit tantum necessarium credere explicitè ea, quæ erant de necessitate salutis, de Deo remuneratore, & pauca alia tunc reuelata, ad vitam rectè instituendam pertinentia, statui gratiæ, vel ipsi hominum naturæ connaturalia: quia in pura lege naturæ non erant communiter alia præcepta diuina. In Mosaica verò necessarium fuit vltius credere legem illam scriptam, esse diuinam. Item habere noticiam circumcisionis, sacrificiorum, & festiuitatum, & aliorum Dei beneficiorum, propter quæ recolenda celebrabantur. Item multorum præceptorum merè positiuorum, sine quibus non poterat conuenienter secundum illam legem vita institui, & plurimorum, quæ per Scriptores sacros, & Prophetas reuelabantur. In lege autem noua multò plura credi debent de personis diuinis, de Christi mysterijs, de Sacramentis, & alijs, quæ non omnia fuerunt in lege veteri expressè reuelata. Ac denique præter ea omnia, quæ in veteri Testamento continentur, quæque adhuc credenda sunt, multa sunt alia in Euangelio, & scriptis Apostolicis tradita, præter traditiones non scriptas, & Ecclesiæ determinationes.

113.
Præceptum
fidei non
fuit sem-
per æqua-
le.

114.
Neque
omnes
æqualiter
obligat.

Secunda pars conclusionis, quod non omnes sub eadem lege viuentis, sint, aut fuerint æqualiter obligari, probatur: quia in lege nature, & Mosaica satis erat plebi communi fidelium ea credere, quæ per modum medijs sunt necessaria ad salutem, & pauca alia necessaria ad vitam rectè intrinsecam secundum legem vtramque: idque rudi, & vulgari modo. Vltra quæ Principes, & Maiores Ecclesiæ, vt Sacerdotes, & Doctores, multò plura credere tenebantur, & illa ipsa melius, ac distinctius, vt alios instruerent: vt patet ex Malachie 2. v. 7. Deuteronomio 17. v. 18. Et Iosue 1. v. 8. & 9. Quorumdam etiam rerum, quamvis præcipuarum, reuelatio explicita illis tantum tradebatur, & per eos conseruabatur; vt de mysterijs Trinitatis & Incarnationis docent communiter Theologi cum D. Thoma q. 2. art. 6. 7. & 8. Quorum tamen noticiam, etiam apud legis Doctores persosque exiguum, aut nullam fuisse Christi tempore, patet ex Ioan. 3. de Nicodemus, & Matth. 12. de Phariseis à Christo sic interrogatis: *Quid vobis videtur de Christo, cuius filius est?* Cui interrogationi, defectu notitiæ Incarnationis, & Trinitatis, non poruerunt satisfacere. In lege autem Noua tenetur quidem plebs communis fidelium explicitè credere ex præcepto partim diuino, & partim Ecclesiastico Apostolico quoad determinationem, ea ferè omnia, quæ continentur in Symbolo Apostolorum, saltem quoad substantiam eorum; vt docent Theologi communiter cum D. Thoma articulis suprà citatis, sumiturque ex D. Aug. vel alio auctore antiquo Serm. 181. de tempore, alijsque Patribus affirmantibus Symbolum illud fuisse ab Apostolis editum, vt haberent fideles certam fidei Regulam, quam scire, & credere debent. Sumitur item ex Concilijs Agathensi, Braccarensi, & Cabilonensi locis allatis dist. 4. de Consecrat. c. 2. & sequentibus. Et can. *Ante viginti dies*, can. *Baptizandos*, can. *Non liceat*, eadem distinctione, præcipit Ecclesiæ, ne illi adulti ad baptismum admittantur, qui symbolum ignorant. Et can. *Symbolum*, præcipitur vt id octo diebus ante Pascha competenter in Ecclesiâ prædicetur. Et denique initio Catechismi Pij V. asseritur omnes Christianos scire debere, & credere ea, quæ Apostoli certis articulis comprehenderunt.

Ad quid
credendū
teneatur
plebs fi-
delium.

115:

Dixi, omnia ferè, & quoad substantiam saltem: quia non tenentur v. g. scire Christum esse passum sub Pontio Pilato, nec mundum fuisse creatum in tempore, nec articulum communionis Sanctorum, qui sufficienter creditur in articulo Ecclesiæ Catholice. Neque scire verba ipsa, & ordinem verborum, dummodò res crasse intelligant. Imò non sufficit verba nōsse, si ea non intelligant, & res ipsas ignorent. Idemque dico de fide, quæ tenentur scire quædam alia ad mores pertinentia. Nimirum præcepta Decalogi, & communia Ecclesiæ præcepta, id est, ad omnes pertinentia, & Sacramenta ab omnibus vsurpanda, Baptismi, Pœnitentiæ, & Eucharistiæ. Addunt aliqui teneri quoque omnes scire orationem Dominicam, quia id grauiter præcipitur in Concilio Rhe-

mensi cap. 2. & Moguntino cap. 45. Sed melius Suares Disp. 13. Sect. 4. num. 12. post Nauartum, Paludanum, & alios, affirmat non satis constare tale præceptum. Licet probabile sit non excusari à culpa veniali eos, qui propter negligentiam orationem illam ignorant. Hinc collige eos omnes, quibus animarum cura incumbit, teneri grauiter omnia supradicta docere suos, & curare efficaciter vt addiscant. Subditi verò, si de suo debito non moneantur, neque illud per se aduertant, excusantur ob ignorantiam inculpabilem; sed vbi debitum suum aduertunt, peccant, si scire negligant.

At verò Ecclesiastici, Sacerdotes, Concionatores, Confessarii, Parochi, tenentur vltra ad quid prædicta, ea scire de Sacramentis, deque alijs teneantur rebus, vel officijs fidei Christianæ, quæ ad alij? ipsorum munus ritè præstandum necessaria sunt. Tenentur, inquam, si non ratione fidei præcisè, saltem ratione officij, & iustitiæ. Episcopi verò tenentur adhuc ad multò maiorem cognitionem rerum fidei, & morum; vt colligitur ex Tit. 1. v. 9. & 1. Timoth. 3. v. 2. & clariùs ex Concilio Carthaginiensi IV. cap. 1. Generali VIII. Sess. vlt. can. 2. Lateran. sub Innocentio III. can. 10. & ex ipsa forma ordinationis, in qua Episcopus interrogatur, num teneat vtrumque Testamentum? Ratio est, quia Episcopi tenentur in Concilijs de rebus fidei iudicare. Ergo tenentur eas bene intelligere. Item sunt Pastores populi, in suo ordine præcipui. Ergo tenentur posse oves pascere, & contra lupos defendere. Vnde Lateranense can. cit. ait esse omnino intolerandum, si Episcopus ob defectum scientiæ non possit alios docere. Item, sunt Apostolorum successores, quibus dictum est, *Docete omnes gentes*: Et, *Vos estis sal terra: Vos estis lux mundi*: per quos nimirum ceteri illuminandi, & condocendi sunt, & per quos error cæterorum cauere, vel auferri debet, resistendo hæresibus. Denique necesse fuit in Ecclesiâ esse aliquos, qui ex officio teneantur exactam rerum fidei noticiam habere, vt sine errore conseruari possit. Ergo id maximè pertinet ad gradum Episcoporum. Notandum tamen cum Agidio Coninck disp. 14. dub. 10. num. 202. & sequentibus, non esse damnandos vel Episcopos, qui promouentur, vel eos, à quibus promouentur sine tanta doctrina. Dummodo suppleant hunc defectum per viros doctos, & habeant quædam alia magis sæpe necessaria ad dignitatem, & munus Episcopale; vt sunt prudentia, & dexteritas gubernandi, nobilitas, & potentia ad resistendum inuasoribus Ecclesiæ, &c. Non possunt tamen excusari ab illa cognitione, quæ secundum locorum, & temporum opportunitatem necessaria illis est ad munus suum rectè implendum. Quam si non habent, tenentur acquirere. Et filij nobilium, qui aspirant ad Episcopatus, tenentur priùs illam sibi comparare.



SECTIO XIV.

Quotuplex sit præceptum fidei, & quando obliget?

117.
Vnum est
negatiuū.

Alterum
est. posi-
tiuū.

Ad quid,
& quo-
modo
obliget?

Respondeo præceptum fidei duplex esse generatim. Negatiuum scilicet, & positiuum. Negatiuum est, de non repugnando rebus fidei propositis sufficienter, dissentiendo, vel dubitando: & istud omnes obligat pro semper: nunquam enim licet dissentire rebus fidei, aut de illis dubitare; sicut nunquam peierandum est, nunquam furandum aut mentiendum. Positiuum est de assentiendo positiue facta sufficienti propositione: & hoc obligat non pro semper, sed ad assentiendum sine mora vituperabili post primam propositionem, & ad recolendas identidem res fidei; sicut præceptum amandi Deum, honorandi parentes, & similia indefinitè lata, obligant ad exercendos illos actus sine mora vituperabili; quæ mora prudenti iudicio discernenda est. Postquam igitur prima propositio credibilium facta sufficienter est de rebus necessarijs, debet statim credi, si non sit ratio differendi: tum ob reuerentiam diuinæ Majestatis; tum quia qui sine causa tardior est, meretur vt à Deo negligatur, & minùs adiuuetur. Quod præceptum magis vtget in proficiente falsam religionem, quam teneret abijcere, & amplecti veram, statim atque illius falsitatem, & istius veritatem agnoscat, sicque à caltris diaboli ad Christi castra transire. Si quis tamen cum ratione spatium sumat ad colligendum se, & conandum vt maiori attentione, & intentione assensum præbeat, non est in mora vituperabili. Dixi, de rebus necessarijs: quia in alijs non tenemur positiue assentiri, sed existimare possumus eas ad nos non pertinere, & in medio relinquere, contenti fide implicità, credendo quidquid credit Ecclesia. Deinde post assensum semel datum, quia non satis est semel Deo assensisse, vt neque semel parentes honorasse, semel Deum dilexisse, & similia: tenetur quisque fidem sapienter exercere circa credibilia, tum speculatiua, tum practica. Idque vi proprij, & specialis præcepti ipsius fidei, nisi aliunde occurrat necessitas exercendi sufficienter, ob tentationum pericula, vel alia officia vitæ Christianæ; vt vsum Sacramentorum, quæ sine fide non possunt recipi ab adultis; vel exercitium spei, & charitatis, & alia eiusmodi quæ similiter fidenti præsupponunt. Sufficit autem frequenter actus fidei exercere propter alias virtutes; quemadmodum sufficit virtutum aliarum officia exercere ex charitate, qui nobilissimus est operandi modus. Dantur tamen virtutes infusæ ad illa, vt seorsim per se possint exerceri, & ex proprio motu formalis. Qui verò nunquam fidem exerceret, nec propter se, nec propter alias virtutes; ille non tantum peccaret contra huiusmodi virtutes; sed etiam contra fidem ipsam specialiter, quæ si non propter aliud exerceatur, saltem propter seipsam suis temporibus exerceri debet. Idemque dico de alijs virtutibus respectu charitatis.

Tomus III.

Vt autem fidei mysteria creditu necessaria, possint temporibus necessarijs recoli, tenetur quisque laborare vt ea memoriæ commendet; quia debet esse paratus ad exercendam & profitendam fidem, quando, & quantum oportuerit; vt docent Concilia Rhemenſe cap. 1. & 1. Moguninum cap. 45. & Augustinus tom. 4. lib. de Fide, & operibus cap. 6. & 9. & initio libri de Fide, & Symbolo. Sed hoc est intelligendum præcipue de memoriâ rerum: Nam circa memoriâ ipsorum verborum non est grauis obligatio, cum de illa non satis constet in vilo Concilio generali, vel decreto Pontificum. Imò ab omni culpa excusari debent, qui propter incapacitatem verba retinere non possunt, vt contingit valde rudibus. Ita Suarez Disp. 13. Sect. 5. num. 8. post Nauar. & alios.

Meminisse quoque oportet quod supra meminimus, contra præceptum fidei non peccari, nisi præceptum illud aliquo modo cognoscatur: quia quod non est cognitum, non est liberum, adeoque nec peccatum culpabile. Contingere autem potest vt quis inuincibiliter ignoret tale præceptum circa res scitu necessarias, vel omnes, vel aliquas. Quod non tantum verum est de hominibus educatis in media infidelitate, & barbarie, vbi nulla est Evangelicæ prædicationis memoria, vel suspicio; sed etiam de quibusdam rusticis, inter Christianos licet degentibus, sed in pecoribus alendis occupatis, & raro Ecclesiam adire permixtis, conciones nunquam, & alioquin à nullo edoctis omnia necessaria, sed tantum Deum esse, & Ecclesiam, & pauca alia. Cæterorum verò addiscendum necessitas & obligatio ipsis in mentem non venit. Sed & alij circa quædam sibi necessaria ad statum suum, vel officium, ignorantiam inuincibilem pati possunt, & inculpabilem; si similiter neque de illis instruantur, neque ipsi vnam cogitent. Qui autem aduertit se teneri aliquid scire; debet ad id discendum suis temporibus, & datâ occasione incumbere; ac si non facit, peccat, non quidem continuo, sed quoties culpabiliter omittit, id est, quoties potest, & debet discere. Contingere verò potest, vt talis in ea negligentia perseverans, peccet non solum peccato omissionis, tum per illam negligentiam, tum non credendo suo tempore id quod ignorat (quod tamen peccatum non est aliud ab omissione ipsa culpabili, in qua sola aduertitur, & committitur) sed etiam peccato materiali commissionis, adhaerendo opposito, vel dissentiendo veritati credibili. Neque propterea fidem perdit, quia non peccat peccato infidelitatis culpabili in seipso, sed tantum ignorantia culpabili, ob quam non est infidelis formaliter, sed tantum materialiter.

Qua de re plura inferius, Disp. 14. Sect. 1. Præterea leuitas negligentia potest excusare à peccato mortali. Patetque ex supra dictis num. 115. non esse damnandos peccati mortalis eos, qui vel Symbolum memoriter nesciunt, vel ordinem articulorum, dummodo res sciant, vel orationem Dominicam; vel præcepta decalogi, quæ quisque communiter lumine naturali facit nouit; vel articulum aliquem minoris momenti, vt descensum ad inferos. Addunt San-

119.
Debet
cognosci
vt actu
obliget.

120.
Ignoran-
tia potest
ab illo
excusare.

ches lib. 2. in Decalogum cap. 3. Azor tom. 1. Moralium lib. 8. cap. 8. q. vii. & Aegidius Cornick Disp. 14. dub. 11. num. 231. non esse semper negandam absolutionem, ut malè quidam affirmant, penitentibus, qui res scitu necessariae ignorant; quia fieri potest ut laborant ignorantia inuincibili; aut si culpabili laborauerunt, monendi sunt de culpa ut doleant, & proponant diligenter addiscere: & interim absoluedi. Quod si sæpius moniti, in eadem negligentia persisterent; tractandi sunt ut illi, qui sæpius in eadem peccata grauia relabuntur. Sæpius verò maior est culpa parentum, Patrochorum, & aliorum, quibus incumbit cura eos instruendi. Ante absolutionem tamen docendi sunt ea, quæ sunt de necessitate salutis, si ignorent. Ac si fieri potest, bonum est de alijs rebus præcipuis eos instruere, non tamen necessarium, cum id in aliud tempus, & alium locum, atque ad alium instructorem rejici possit. Videantur Aegidius dub. citato, & Suares Disp. 13. Sect. 5. à numero 7. & tota Disp. 13. Vbi de his futuris disputant, solidèque refel-

lunt Adrianum, Bonauenturam, & quosdam alios contententes non posse dari ignorantiam inuincibilem in rebus fidei. Res ipsa videtur satis constare experientia. Ad illud verò quod præcipue obijciunt, *Faciens quod in se est, Deus non denegat gratiam*; Vide inferunt neminem nisi culpabiliter carere fide, quia si faceret quod in se est, Deus ad fidem illum adduceret: Respondeo, licet quis suâ culpâ impedimentum ponat vocationi ad fidem, non propterea peccat culpabiliter contra ipsam fidem, de qua non cogitat; neque illius ignorantia, ut est fidei, est ipsi imputabilis in seipsa; sed tantum in causa, id est, in culpa contra aliud commissâ, ex qua, ipso penitus ignorante, secuta est subtractio vocationis ad fidem. Deinde, licet facienti quod in se est cum Dei gratia, Deus non denegat gratiam vltiorem; non propterea consequens est, ut eum omnia doceat ex præcepto necessaria; sed sufficienter illi prouidet, si eum saluet per fidem solam eorum, quæ sunt de necessitate medijs.

111.
Solutur
argumē-
tum con-
trarie 16-
tione.

DISPUTATIO VNDECIMA.

De actu Fidei externo.

- Sectio I. *Utrum professio externa fidei sit actus virtutis fidei?*
 Sectio II. *An professio fidei sit necessaria ex præcepto?*
 Sectio III. *An liceat aliquando non profiteri fidem, ad vitandum aliquod malum?*
 Sectio IV. *An liceat aliquando veram religionem dissimulare, & simulare falsam?*

DE actu fidei externo, id est, de confessione, seu professione fidei disputat, S. Thom. q. 3. Docetque 1. illam esse propriè actum fidei: quia actus exteriores illius virtutis propriè sunt actus, ad cuius finem secundum suas species referuntur: sicut ieiunare secundum suam speciem refertur ad finem abstinentiæ, qui est compescere carnem: & ideo est actus abstinentiæ. Confessio autem eorum quæ sunt fidei, secundum suam speciem ordinatur, sicut ad finem, ad id quod est fidei; iuxta illud 2. ad Corinth. 4. *Habentes eundem spiritum fidei credimus, propter quod & loquimur*. Exterior enim locutio ordinatur ad significandum id, quod in corde concipitur. Vnde sicut conceptus interior eorum, quæ sunt fidei, est propriè actus fidei: ita etiam & exterior confessio.

Docet 2. Confiteri fidem non semper, neque in quolibet loco esse de

necessitate salutis; quia cadit sub præceptum affirmatiuum: præcepta autem affirmatiua non obligant pro semper, sed in aliquo loco, & tempore; quando scilicet per omissionem huius confessionis subtraheretur honor debitus Deo, & utilitas proximis impendenda: putà, si aliquis interrogatus de fide, taceret, & ex hoc crederetur vel quòd non haberet fidem, vel quòd fides non esset vera, vel alij per eius taciturnitatem auerterentur à fide. In huiusmodi enim casibus confessio fidei est de necessitate salutis. Hæc D. Thomas, fusiùs exponenda sequentibus Sectionibus.

SECTIO I.

*Vtrum professio externa fidei sit actus
vrius fidei?*

1.
Cōclusio
vrius.

Respondeo, exteriorem professionem fidei esse actum virtutis fidei, quando sit ex motiuo adherendi exterius veritati diuinæ propter ipsius auctoritatem: & non tantum sentiendi, vt ipsa dicit; sed etiam loquendi, aut aliter significandi ipsam esse fide dignam. Ita D. Thomas q. 3. art. 1. & alij communiter. Sic autem declaratur. Primo, exterior fidei professio refertur ad duo; nempe ad internum fidei actum, cuius est signum; & ad veritatem reuelatam, quæ est actus interni obiectum. Nam qui fidem proficitur exterius, testatur se interius assentiri illi veritati, tanquam diuinitus reuelatæ. Quæ attestatio falsa & ficta esse potest, quatenus respicit actum internum, cuius falsum est signum, si non sit: non autem respectu veritatis obiectivæ, quæ non potest non esse vt reuelata est. Loquimur autem in præsentī questione, de professione vera, quæ sit signum veri assensus interni, quem profitemur, & cum illo coniuncta sit.

2.
Potest
fieri ex
varijs
motiuis.

Secundò, huiusmodi professio multipliciter fieri potest, ex motiuis diuersis. Nimirum, vel ex motiuo Charitatis, ad Deo placendum: vel etiam Spei, ad vitam æternam consequendam: vel Religionis, ad Deum colendum, & protestandam ipsius excellentiam: vel Iustitiæ, & Obedientiæ, ad obtemperandum Deo ita iubenti, & reddendum quod exigit: vel Charitatis erga proximum, ad ipsum in Fide confirmandum, & periculum neizationis propulsandum, & sic de alijs. Sed potest etiam exerceri ex motiuo ipso Fidei: scilicet ex motiuo diuinæ Veracitatis propter seipsam, quæ dignissima est vt non tantum sentiamus interius id, quod ipsa dixit: verum etiam loquamur, & profiteamur exterius; atque illi tum assensu interno, tum locutione & signo externo adherereamus, quoad fieri potest. Hic autem actus est per se bonus obiectivus, & honestus: quia congruit obiecto, nempe actui interno Fidei, cuius professio, & signum est; & veritati reuelatæ, ad quam etiam refertur, vt ad obiectum. Conuenit enim actui interno vt per tale signum manifestetur, velut dignus professione. Conueniens quoque, & decens est, vt testimonium diuinum verbis, vel alijs signis externis acce-

pretetur, & enuntietur esse verum, atque dignum assensu illo interno. Quare hic actus est per se honestus obiectivus, & amabilis, vt talis; licet ad alios fines bonos referri possit. Cum autem exercetur propter alias virtutes, pertinet ad illas, ex quarum motiuo exercetur, tanquam actus ab illis imperatus. Sed quando fit ex motiuo fidei, pertinet ad virtutem fidei, sitque immediatè quidem, & Physicè, à potentia executiua, seu motiua: remotè verò, ab intellectu fide instructo, vt dirigente; & à pio affectu voluntatis erga fidem, applicante potentiam externam; qui affectus non tantum mouet ad assentiendum interius: sed etiam ad profitendas exterius veritates à Deo reuelatas, velut assensu interno dignissimas, ob excellentiam diuinæ veracitatis, quæ postulat vt sentiamus, & loquamur sicut ipsa dicit: iuxta illud 2. Cor. 4. v. 13. *Habentes eundem spiritum fidei, sicut scriptum est, Crediatis, propter quod locutus sum: & nos credimus, propter quod & loquimur.* Et Rom. 10. *Corde creditur ad iustitiam, ore autem confessio fit ad salutem.* Et August. initio lib. de Fide, & Symbolo, *Fides officium à nobis exigit cordis, & iugena.*

Tertiò igitur, sicut actus externi, qui exercantur ex motiuo aliarum virtutum propter ipsarum honestatem, pertinent ad huiusmodi virtutes, tanquam illarum actus: generatim enim actus externi pertinent ad eas virtutes, ex quarum motiuo exercantur; quia scilicet habent eandem cum illis honestatem; sic professio externa fidei ad fidem pertinet, quatenus sit ex illius motiuo, & ob ipsam fidei honestatem: nimirum ad profitendum diuinam veritatem esse assensu dignissimam. Tunc enim externa professio fidei habet eundem finem, siue honestatem, quam habet actus internus fidei. Quæ enim ratione per se honestum est credere veritates à Deo reuelatas, propter ipsius auctoritatem: eadem ratione honestum est profiteri illas veritates esse fide dignas, propter eandem Dei auctoritatem. Sicut ergo actus internus, & actus externus temperantur, sunt actus eiusdem virtutis, quatenus tendunt ad eandem honestatem: sic, &c. Neque dicas esse tantum actum virtutis Veracitatis; quia professio fidei, de qua loquimur, non fit solum propter conformitatem locutionis cum assensu interno: sed ob excellentiam diuinæ auctoritatis, tanquam assensu firmo, & confessione externâ per se dignam. Notandum autem nos hic loqui de professione externa iuncta cum actui interno fidei, cum quo vnum moraliter

3.
Quomodo
est
propria
virtutis
fidei?

V 2

facit. Sicut enim locutio non est propriè locutio sine interno conceptu, quem manifestat, quique illius est quodammodo forma: sic externa professio fidei non est verè, & propriè talis sine interno actu fidei, cum quo tendit ad illius obiectum propter eandem ipsius honestatem. Vnde ex opposito, negatio externa fidei facta ex timore, vel aliter, sine negatione interna, non est propriè actus infidelitatis: alioquin fidem expelleret: quod est falsum, ut patet ex Apostolo Petro, qui licet fidem exterius negauerit, eam tamen non perdidit; iuxta illud Luc. 22. *Ego autem rogam pro te, ut non deficiat fides tua*. Similiterque non sunt Hæretici, neque incurrant Censuras contra hæresim latus, qui fidem animo retinentes, peccant tantum exterius contra fidei professionem.

4.
Et pro-
pria spe-
cialiter?

Addo quarrò, professionem fidei esse actum virtutis fidei, non tantum eà generali ratione, quā omnes actus ab aliqua virtute imperati, censentur esse illius actus: quo pacto actus reliquarum omnium virtutum possunt esse, & dici actus fidei, quando sunt ex imperio virtutis fidei: sed eà propriā, & speciali ratione, quā actus externus dicitur esse illius virtutis, cuius est proprius, & specialis; quatenus ab illa propriè, & per se exercetur, neque ullam aliam virtutem requirit, ut exerceatur, habetque propriam bonitatem, seu honestatem eandem cum illa virtute. Nam professio fidei externa fit propriè ab habitu duplici fidei: altero, qui est in intellectu ad assentiendum, dirigente per assensum: altero, qui est in voluntate ad piè volendum credere, & profiteri exterius, applicante linguam, vel aliam potentiam corpoream ad edendum signum externum. Neque ad hoc requirit aliam virtutem: sicut Fides requirit Spei, & Charitatem, aut Temperantiam, ad exercendos actus Spei, charitatis, aut temperantiae, quos imperat. Nec denique alia est honestas professionis externæ, quàm subiectio ad diuinam auctoritatem, ut fide dignissimam, & summè veracem. Quæ eadem est bonitas actus interni fidei. Legatur D. Thomas q. 3. art. 1. ad 3. Vbi hanc doctrinam insinuat.

5. Obijcies, professionem fidei non fieri ab ipso habitu fidei, qui non valet, nisi ad credendum per assensum internum (profiteri autem non est credere) neque postulat actum illum externum, qui non est illi necessarius. Non fit etiam à pio voluntatis affectu erga fidem, qui vocatur affectus credulitatis; quia huiusmodi affectus est tantum ad credendum. Nec denique habet idem obiectum, quod fides, & secundum eandem honestatem. Quia obiectum fidei est veritas à Deo reuelata, ut assensu digna propter ipsius auctoritatem summam: Professio autem respicit primò, & immediatè actum internum, cuius est signum, & professio; tum veritatem reuelatam, non ut materiam assensus propter se, quemadmodum actus internus, sed tantum ut remotum significatum, nimirum velut obiectum creditum actu interno, quem immediatè significat. Ergo professio fidei non est actus virtutis fidei, sed aliarum virtutum, à quibus imperatur; vel amoris cuiusdam veritatis in genere; aut specialiter ve-

ritatis diuinæ, si ab illo procedat. Quemadmodum enim profiteri res alias, sicut eas intelligimus, per se pertinet ad veracitatem: Sic & profiteri veritates fidei.

Respondéo, professionem externam fidei elicitur fieri à potentia externa: ab habitu verò fidei procedere quatenus actus internus fidei, ab habitu productus, iuvat intellectum ad dirigendam potentiam externam, ut secundum illam profiteatur; siue ut exterius significet id, quod in ipso actu interno est. A pio autem voluntatis affectu erga fidem procedit imperatiue, quatenus voluntas per illum affectum applicat potentiam externam ad profitendum. Hic enim affectus non est tantum credulitatis, siue ad credendum interius duntaxat; sed etiam ad præbendum fidei testimonium, itaque ad illam propugandam, etiam sanguinis profusione: Non tantum ob charitatem erga Deum, vel ob religionem, & alias virtutes; sed & propter ipsam Fidei honestatem, & auctoritatem Veracitatis diuinæ. Et denique pius affectus voluntatis erga fidem integrè sumptus valet ad id omne, quod fidei per se consentaneum est. Licet autem externa professio respiciat immediatè aliquid, quod non respicit actus internus, nempe ipsum actum internum, qui non est veritatis reuelata, sed cognitio certa veritatis reuelatæ; non propterea desinit habere idem obiectum formale, & eandem honestatem; cum sit professio assensus interni propter eandem rationem, ob quam datur assensus interius. nimirum propter auctoritatem diuinæ veracitatis, ad profitendum illam esse fide dignissimam; quod sicut interius profitemur in actu exercitio, quando illi assentimur ut tali: Ita etiam exterius, quando significamus nos illi assentiri propter eandem rationem, & illam esse dignam, ut propter se actu interno, & externo ipsi adhæreamus. Nec obest quod professio externa non est assensus. Quia neque actus externus temperantiæ v. g. est affectus; sed quia refertur suo modo ad eandem honestatem, pertinet ad eandem virtutem. Non est quoque id solum actus veracitatis; quia non respicit solum conformitatem locutionis cum conceptu, & assensu interno; sed excellentiam diuinæ auctoritatis, tanquam assensu firmo per se dignam; quæ est propria ratio fidei.

SECTIO II.

An professio fidei sit necessaria ex præcepto?

Respondéo, duplex esse præceptum professionis externæ fidei. Vnum affirmatiuum, de fide exterius profitenda, quando id necessarium est. Alterum negatiuum, de fide non neganda, & nihil vnquam agendo exterius, quod fidei repugnet. Declaratur, & probatur conclusio. Primò, externam fidei professionem esse præceptam patet ex Matth. 10. *Omnia ergo quæ me confitebitur coram hominibus, confitebor & ego cum coram Patre meo, qui in calis est. Qui autem negauerit me coram hominibus, negabo & ego cum coram Patre meo*. Et Luc. 9. v. 26.

Qui me erubuerit, & sermones meos: hunc filius hominis erubescet, cum venerit in maiestate sua. Paulus quoque Rom. 10. v. 10. significat professionem fidei ad salutem necessariam esse, cum sic ait: *Corde creditur ad iustitiam, ore autem confessio fit ad salutem.* Et 1. Timoth. 2. v. 12. *Si negaverimus eum, & ille negabis nos.* Eadem est Conciliorum, & Sanctorum Patrum doctrina, infirmorum martyrum exemplo, & vrsu Ecclesie perpetuo confirmata, de qua specialim videri potest Nicenum primum Canone 10. 11. & 12. & Cyprianus Epist. ad martyres, alijsque locis.

Secundò, ad huiusmodi professionem duo pertinent, & necessaria sunt. Primum est, edere signum externum sue fidei quando id necessarium est. Et quidem si necessarium illud sit ratione ipsius honestatis fidei, puta, quia aliter ipsius honor periclitatur; pertinet propriè ad præceptum fidei. Sin autem ratione aliorum virtutum, & spectat ad illas, ob quarum honestatem præcipitur. Potest autem utroque modo necessaria esse. Ratione quidem ipsius fidei, quando illius amor, & honor id exigit; vt si aliqui periclitetur honor Dei, velut auctoris fidei; quia existimabitur falsum dixisse, vel religio Christiana falsa putabitur; vel si non-proficiens incurrit periculum dandi locum timori nimio, vnde sequatur inconstantia, vel negatio fidei: Aut si externa professio sit necessaria ad aliorum conversionem ad fidem, vel ad titubantium confirmationem. Tunc enim tenemur non tantum propter charitatem, sed etiam propter fidem ipsam, cuius amor exigit, vt non modò in nobis, sed & in alijs ipsam promoueamus, & conseruemus. Item, quando necessarium est illam defendere coram alijs iridentibus, aut blasphemantibus. Vel quando fidem non profitendo, videtetur moraliter eam negasse. Sed hic vltimus casus ad præceptum negatium magis pertinet. Ratione verò aliorum virtutum, fidei professio multipliciter necessaria est; tum propter charitatem, quando amor Deo debitus, vel vtilitas proximi id exigit; tum propter religionem, ad susceptionem Sacramentorum, & cultum externum Deo reddendum, audiendo sacrum, vel celebrandum, &c. tum propter obedientiam erga Deum, vel Ecclesiam id quouis fine præcipientem. Vbi nota Trident. Sess. 14. cap. 12. de reformatione, & Sess. 25. cap. 2. de reformat. & Pium V. in Motu proprio, qui incipit *In sacro-sancta*, præscribere vt omnes ij, qui promouentur ad beneficia curam animarum habentia, & ad Canonicatus, vel dignitates in Ecclesijs Cathedralibus, ac professores in Academicis publicis, aut Vniuersitatibus, siue Clerici, siue Laici, fidei professionem edant. Denique, siue ob fidem ipsam, siue ob aliud, necessarium est profiteri fidem exterius, cum primum Ecclesie aggregamur, & subinde deinceps, vt fideles appareamus alijs Ecclesie membris. Imò si nulla aliunde occasio se offerat, amor ipse fidei diuinæ id exigit, vt nimirum aliquando eam profiteamur propter ipsius honestatem: sicut tenemur ad orandum aliquando exterius oratione vocali; & ad Deum colendum cor-

pore, & animo. Hæc tamen obligatio non videtur esse grauis vltra occasiones supradictas. Quia etiam satis frequenter occurrunt communiter occasiones profitendi alijs de causis, satisfaciunt communiter huic præcepto affirmatiuo, qui profitentur quando illi exigunt. Peccaret tamen, non tantum contra virtutes alias, sed etiam contra fidem ipsam, qui nunquam profiteretur: vt de actu interno supra diximus.

Aterum quod ad professionem fidei necessario pertinet, est vt fides nunquam negetur, neque fiat quidquam ipsi repugnans. In quo consistit præceptum fidei negatiuum, prohibens simpliciter, & absolute; adeoque pro semper obligans. De quo præcepto præcipue loquitur Scripturæ loca supra citata, in quibus Christus aperte significat, ne metum quidem mortis excusare, cum addit v. 14. eiusdem capitis Luc. 9. *Qui enim voluerit animam: (id est, vitam) suam saluam facere (negando fidem, vel erubescendo) perdet eam.* Quod item docent exempla Machabæorum, & aliorum martyrum, & sensus vniuersæ Ecclesie, quæ grauissimi peccati semper damnauit eos, qui metu mortis, vel tormentis victi, fidem negarent exterius, licet animo retinerent; vel qui eius oppositum profiterentur: & Hellesetas, ac Priscillianistas pro Hæreticis habuit, quòd dicerent licere in persecutione negare exterius fidem, ad vitam conseruandam, dummodò interius retineretur; vt testatur D. Augustinus tom. 6. in lib. de hæresib. hæresi 70. Ratio est, quia negare fidem, vel profiteri oppositum, est per se malum ab intrinseco, & ex natura rei: Ergo non potest licite fieri: sicut neque dissentire reuelationi diuinæ sufficienter proposita, aut assentiri opposito.

Neque dicas professionem externam esse tantum necessariam respectu hominum, cum Deo satisfiat per actum internum: Non tenemur autem propter homines cum tanto periculo, vel nostro malo, fidem profiteri, ita vt non possimus decipere vtendo æquiuocatione, & simulando nos negare exterius. Respondeo enim aliud esse verè negare exterius, & aliud tantum simulare negationem per aliquid æquiuocum. Primum, cum apertum mendacium contineat, non potest vnquam esse licitum; quia mendacium est intrinsecè malum, & turpe, nullaque de causa licitum, vt fusè probat D. Augustinus cap. 20. libri contra mendacium. Secundum verò si non est simplex occultatio religionis, quæ aliquando licita est, vt infra dicemus, sed apparens negatio, & reprobatio, ita vt alijs prudenter videaris verè negare, vel abicere, est etiam intrinsecè malum: quia est contra diuinum honorem, & contumeliosum Christianæ religioni, & Ecclesie Christi, cuius honor vitæ propriæ præferri debet.

Duobus autem modis potest negari fides exterius. Primò, per negationem formalem, & directam; negando veritates reuelatas in genere, vel in particulari: v. g. Christum esse Deum, baptismum esse Sacramentum, &c. vel negando se esse Christianum, Papistam,

Romanensem, Pontificium, & alia huiusmodi, quibus veri Catholici designantur, licet per contumeliam hæc illis nomina sint ab Hæreticis imposita. Notandum tamen ex Suare Disput. 14. Sect. 1. num. 10. hoc esse intelligendum, quando mens interrogantis est designare per hæc nomina professionem Religionis: Secus si gentem, aut aliquam aliam conditionem intelligat: Vt si in bello inter Regem, & Pontificem, qui tenent partes Pontificis, Pontificij vocentur. Aut si Infideles Christianis Europæis malè affecti, de religione nihil solliciti, sed genti iniussu, quarant ab aliquo an Christianus sit, id est, de illis Europæis, quibus non ob religionem, sed ob iniuriam sunt infensi. Item, qui negat se esse Clericum, aut Sacerdotem, aut Religiosum, non propterea fidem negat: quia potest esse fidelis, licet Clericus non sit, vel Sacerdos, aut Religiosus. Secus autem qui negat se esse Christianum, vel Pontificium religione, & similia, in quibus includitur negatio fidei. Quia qui negat se esse Christianum, negat se credere in Christum: hoc enim est quod intelligimus per, esse Christianum. Et qui negat se esse Pontificium religione, negat se adherere religione Summo Pontifici. Secus autem, si nomen illud strictius sumeretur pro adhesionem sola voluntatis & obedientie, quæ deest meris Schismaticis; in quo casu non negaretur fides, sed vnio voluntatis, & obedientie. Secundo, fides negari potest per contrariam affirmationem; vt si quis affirmet se esse Mahumetanum, vel Calvinistam, vel alterius falsæ religionis; quam cum asserit, negat veram oppositam, & incomparabilem. Hic tamen etiam distinguendum est nomen religionis, à simplici nomine gentis, aut alterius conditionis. Nam qui Turcam se esse diceret, non propterea fidem negaret apud intelligentes non religionem, sed gentem, quam Turcæ nomen significat.

11. Peccans tantum contra professionem fidei, non eam perdit.

Porto quia peccatum contra solum præceptum professionis fidei, seu positivum, seu negativum, non opponitur incomparabiliter principali actui fidei, id est, assensui interno, qui in animo retinetur: neque facit verè, & propriè infidelem: hinc est quod fides per illud non amittitur, licet aliquin grauissimum sit. De pænis verò Ecclesiasticis contra huiusmodi transgressores videri potest Suarez Disput. 14. Sect. 6. vbi affirmat primò, Clericos Promotos ad beneficia curam animarum habentia, vel ad Canonicatus, aut dignitates in Ecclesijs Cathedralibus, priuari fructibus beneficij sui, ipso facto, nisi intra duos menses professionem fidei edant. Priuari, inquam, donec illam ediderint; ex Trid. Sess. 24. cap. 12. de reformat. Secundo, nisi Prælati in prima Synodo post suam Promotionem fidem profiteatur, teneri Episcopos Comprouinciales monere Pontificem, & interim ab eius communione abstinere; ex Trid. Sess. 25. cap. 2. decreti vltimi de reformat. Tertiò, Pium V. proprio Motu, qui incipit, *In sacro-sancta*, excommunicare ipso facto tam promoventes, quam Promotos ad beneficia, absque fidei professione. Sed hæc censura non est vsu recepta. Quarto, licet

Caietanus 2. 2. q. 12. art. 1. affirmet lapsus exterius sine interna infidelitate incurrere pœnas, seu censuras latas simpliciter contra Hæreticos, vel Apostatas: verius tamen esse oppositum docent Syluester, Angelus, Nauarrus, Toletus, Azor, S. Antoninus, & alij. Quia lex pœnalis est stricti iuris, & restringenda ad delictum perfectum, & consummatum, quatenus per verba legis significatur: At verò leges illæ puniunt simpliciter Hæreticos, & Apostatas; quales illi non sunt, qui metu tormentorum, vel propter cupiditatem honorum, vel honorum temporalium, si cō animo fidem negant, vel oppositam profiteri se simulant. Cum enim primum, & præcipuum actum fidei retineant in mente; neque Hæretici sunt, neque Apostatæ à fide, sed dissimulatores. Quare tale peccatum nullam censuram inducit, neque Pontifici reservatur: licet grauissimum & turpissimum sit.

SECTIO III.

An liceat aliquando non profiteri fidem ad vitandum aliquod malum?

12. Non scilicet per ad id tenetur.

Disco primò, non semper obligari fidelem ad professionem fidei, datà quavis proficendi occasione: imò interdum profiteri, malum esse, & illicitum, propter circumstantias. Prima pars est communis Doctorem: & patet: quia præceptum professionis est affirmativum, non obligans pro semper, sed solum quando bonum necessarium, diuinum, aut proprium, vel alienum, id exigit; id est, bonum, quod est tanti momenti, vt teneat illud procurare cum tanto meo periculo, vel incommodo; vel quando malum aliquod Dei, proximi, vel proprium, aliter auerti non potest; Et nimirum spes aliqua est boni illius assequendi, aut mali auertendi; aliqui nemo tenetur sine spe fructus se periculis exponere; atque ita qui videt frangi ab infidelibus imagines, conculcari sacra, &c. non tenetur se illis opponere, si non possit impedire iniurias illas, vel lesum Dei honorem aliquo modo reparare. Secunda pars probatur: quia malum est & illicitum sine spe fructus profiteri cum periculo excitandæ persecutionis, vel amittendæ propriæ vitæ aliorum bono necessariæ, eoque minus prodigendæ, sed ad maiorem Dei gloriam, proximæ bonum seruandæ; vel etiam si iure timeatur periculum inconstantiæ in tormentis, & negationis fidei: tunc enim malum est sponte se tali periculo exponere, nulla necessitate id exigente. Denique Christus Matth. 7. v. 6. sic admonet: *Nolite dare sanctum canibus, neque mittis margaritas vestras ante porcos, ne forte conculcent eas pedibus suis, & conuersi discurrant vos*. Et D. Thomas q. 3. art. 2. ad 3. sic ait: *Si turbatio infidelium oritur de confessione fidei manifesta, absque aliqua vtilitate fidei, vel fidelium: non est laudabile in tali casu publicè fidem confiteri. Sed si vtilitas aliqua fidei speretur, aut necessitas adfuit; contempta perturbatio infidelium, debet homo publicè fidem profiteri*.

Quod præterea intelligendum est de utilitate maiori, quam sit malum turbationis. Nam è duobus malis minus est eligendum. Et bonum, ex quo plus malis sequitur, vitari debet, ratione maioris mali.

13.
Licetne
fugere in
persecu-
tione?

Dico secundò, per se loquendo licitum esse, etiam Pastoribus, & Prælatibus, fugere, vel aliter se occultare in persecutione; nisi aliunde sequatur incommodum, aut præiudicium boni alicuius necessarii. Prima pars probatur primò ex Scriptura, Matth. 10. v. 33. ubi Christus Apostolos ipso sic docet, *Cum autem persequerentur vos in civitate illa, fugite in aliam.* Et 2. Cor. 11. v. 32. Paulus de seipso sic ait: *Damasci præpositum Genus Aræa Regu voluit me comprehendere: & à fratribus per murum demissus sum in porta, & sic evasi manus eius.* Probat per secundò, exemplo Sanctorum Athanasij, Cæsarij, Maximiani, & similium, qui fugerunt quamvis essent Episcopi, & Pastores. Ratio verò est, quia huiusmodi fuga non est per se mala, cum non sit negatio fidei, sed potius quædam ipsius professio, & pars quædam martyrij, cum exilium pro fide suscipitur. Aliunde verò necessaria esse potest ad maius bonum, vel ad vitandum maius malum; puta ad consulendum suæ fragilitati: vel ad vitam pro aliorum salute conferendam: quæ utilitas, vel fragilitas tanta interdum est, vt fuga sit non modò licita, sed & moraliter necessaria. Neque virget ratio, quæ Tertullianus in libro de fuga in persecutione, contendit probare oppositum: quia nimirum persecutio non fit sine Dei ordinatione, aut permissione: Non potest autem quisquam licite niti contra providentiam Dei. Respondendum enim non esse contra, sed secundum providentiam Dei, providere sibi convenienter in persecutione, æquè ac in fame, morbo, & alijs incommodis, quæ similiter non eveniunt sine Dei providentia ordinante, aut permitte.

14.

Secunda pars probatur: quia non licet fugere, si fuga verat in contrarietatem Dei, cuiusmodi fortè fuit Apostolorum fuga Christum deserentium, non sine aliqua ipsius ignominia; aut si fuga censetur esse negatio fidei, cuiusmodi fuit secessio vnius ex quadraginta martyribus, è stagno frigido in calidum; obtemperando Tyranno, qui pro deficientibus à fide calidam aquam propè apponi iusserat: vel si fuga noceat aliorum salutem: vt si alicuius presentia necessaria sit alijs in fide confirmandis, quorum salus spiritualis propriæ vitæ periculo anteposenda est: Debemus enim pro fratribus animam ponere, 1. Ioan. 3. v. 16. Et hoc maxime locum habet in Prælatibus, & Pastoribus, qui non possunt licite oves deferere in necessitate: & non tantùm ex charitate, sed etiam ex iustitia tenentur illis assistere. In dubio autem talis necessitatis debent stare arbitrio aliorum, vt caueatur periculo amoris proprii, & scandalo eorum, qui existimare possent fugisse sine causa sufficienti, aut non fuisse paratos ad manendum, si opus esset. Item, si possunt occultè agere inter suos, non possunt licetè fugere; quia tunc possent sine periculo, & debent, suis adesse. Videantur caput *Sisicuri*, 7. quæst. 1. & D. Aug. Epist. 180.

Iuxta superiora interpretandum est quod ait Christus Ioanni 10. vers. 11. *Bonus Pastor animam suam ponit pro ovibus suis. Mercenarius autem videt lupum venientem, & dimittit oves, & fugit.* Hoc enim debet intelligi, quando Pastoris presentia ad tuendas oves utilis, & necessaria est. Non dimittit autem oves, qui citra talem utilitatem, & necessitatem fugit, non vt seipsum custodiat, sed vt providet gregis utilitati. Porro, non tantùm licet fugere liberis, sed etiam comprehensis, & carcere detentis, quamvis fidei postulatio cæpta iam sit. Licitum etiam est se redimere pecunijs, aut aliter; vt patet ex Sanctorum historijs. Qua de re Baronius ad annum Christi 205. num. 17. Modò tamen absit scandalum, cuiusmodi esset, si ille qui se redimit, videretur fidem negasse, & alijs esset occasio negandi; aut si alij redderentur, inde timidiore, propter magnam eius auctoritatem, incurrentque periculum deficiendi, & succumbendi persecutoribus.

Dico tertio: Interrogatus de fide sua, tenetur respondere, quando is, qui interrogat, ius habet interrogandi; vel quando ex eius silentio sequitur aliquod malum: Alioqui per se loquendo non tenetur; siue publicè auctoritate, siue priuatè interrogetur. Nunquam tamen potest ita respondere vtendo verbis ambiguis, aut mentis restrictione, vt iure videatur alijs fidem negasse. Prima pars est clara: quia ius habens interrogandi, ius habet obligandi ad respondendum, si interroget. Aut tales non sunt Tyranni infideles, respectu fidelium. Secunda pars liquet; quia malum, & scandalum vitandum est. Tertia probatur; quia si licetè potest fugiendo vitare responsum, vt iam ostendimus; potest & coram declinare, si commodè id fieri queat sine cuiusquam malo: quod quidem in priuaris interrogationibus contingere potest: dicendo familiariter, Quid ad te? vel discursum mutando. In publicis autem vi: quia potius irritabitur Iudex, aut Tyrannus tali modo respondendi, aut silentio, quæ se contumni existimabit; & per tormenta grauiora confessionem extorqueat conabitur. Ideoque communiter teneat Theologi teneri Christianum publicè interrogatum respondere de fide. Per se tamen huiusmodi silentium, etiam in publica interrogatione, non est nialum; quia non est negatio fidei, sed potius tacita confessio. Nam si Christianus non esset, hoc libenter affirmaret Iudici, vel Tyranno, torquere propter fidem parato. Aliquando tamen ratione circumstantiarum potest præsumi esse tacita negatio fidei: vt si adstantes longè absint, & putent ipsum, quia dimittitur liber, fidem negasse: cum viderint alios teneri, & in carcerem conjici. Vel si Tyrannus multos confusè interroget, & negare paratos iubet nihil dicere in signum negationis: tunc enim alijs se prodentibus, non possunt alij silere; aut si è multis simul interrogatis aliqui negent nomine omnium, & alij nihil dicant, & videantur illis consentire. Aut si alius pro interrogato respondeat ipsum esse paratum ad fidem negandam, & ipse nihil dicat. Quo modo peccabant olim Libellatici, ementes libellos à Magistratibus

Ethnicis, quibus testabantur eos idolis sacrificasse. Vel etiam, vt alij volunt, negantes priuatiū fidem per se, vel per alios apud Magistratum, & datā pecuniā impetrantes liberos, quibus essent immunes à maiori vexatione, & coactione negandi publicē.

17. Quarta pars conclusionis, non licere scilicet vi tali ambiguitate, vel modo loquendi, vt videatis fidem negare prudenter iudicantibus, Probatur, quia id malum est: & Dei maiestas obligat ad vitandam omnem eius negationem, etiam apparentem, vt ex sequenti Sectione amplius constabit. Neque excusat quoddam interrogatū iuridicū. Hoc enim tantum excusat à non respondendo, si nihil aliud obliget: ne non taliter respondendo, vt hinc sequatur Dei contumelia; sicut Iudici, licet non iuridicē interroganti, non possum ita respondere, vt videar crimen innocenti imponere.

SECTIO IV.

An liceat veram religionem dissimulare, & simulare falsam?

18. PERTINET hæc quæstio ad meliūs explicandum præceptum negatiuum professionis fidei, quo tenemur nunquam fidem negare; aut quicquam agere ipsi contrarium, id est, quo contrariam fidem profiteamur. Notandum autem primò, sermonem esse de illis, qui seriò simulant, vel dissimulant; non autem qui ioco, vel representationis causā, vt in comœdijs, vel tragœdijs fit. Secundò, quæstionem non esse de tempore, quo præceptum affirmatiuum professionis fidei obligat: tunc enim non licet occultare, vel dissimulare, sed opus est expresse profiteri. Tertiò, eum propriè simulare falsam religionem, qui dicit, aut facit aliquid, quod ex se natum est significare ipsum falsam religionem sequi. Veram autem religionem dissimulare, est tantum dicere, aut facere aliquid, quo ipsius religio occultatur, ita vt alij nequeant colligere ipsum esse Christianum: licet nihil dicatur, aut fiat, quod natum sit significare ipsum non esse talem. Quartò, simulationem esse duplicem: vnā materialē, quā quis tantum intendit occultare id, quod est: Alteram formalem; quā aliorum deceptio intenditur: Siue, vt alij explicant, formalis est, quæ fit ex intentione fingendi: Materialis, quæ non fit animo fingendi quidpiam, sed quā aliquid, quod apud alios præferebat speciem talis significationis, non vitatur, aut adhibetur tantum ad tegendum verum. Quintò, ea quæ adhibentur ad tegendum, duplicia esse possunt: quædam quæ ex natura sua, vel ex vñ, & institutione sunt tantum ordinata ad falsam religionem significandam: vt genuflexio, vel thuris incensio coram idolo, & similia, quæ vñum alium non habent, quā ad deferendum falsum cultum. Alia vero, licet interdum ex circumstantijs, & modo quo fiunt, referantur ad significationem falsæ religionis: per se tamen habent alium vñum ad vñum, aut vestitum, aut aliquid simile pertinentem. Cuius-

modi est esus ciborum prohibitorum, non in indicium religionis, sed vt fami satisfiat: vñum vestium Turcicarum in signum Gentis, non religionis, &c. Sextò denique, hæc quæstio locum non habet, nisi quando graue incommodum vitandum, aut alia iusta causa exigat vt vera religio simuletur; quemadmodum sæpe contingit fidelibus versantibus inter infideles. Alioquin enim non licet quicquam facere, vnde quis, licet per accidens, infidelis existimari possit. His præmissis,

Dico primò, illicitum esse falsam religionem seriò, & propriè simulare vñlo verbo, aut facto, quod vel ex natura sua, vel lege, & consuetudine, sit tantum institutum ad significandam, aut prostendendam falsam religionem. Ita Valentia quæst. 3. Punct. 2. dub. 4. Suarez disp. 14. Sect. 4. num. 4. Egidijs Coninck disp. 15. dub. 3. num. 38. & sequentibus, Turrianus disp. 35. dub. 5. Vasques 1.2. disp. 182. cap. 5. num. 35. & sequentibus, post Alensium, Antonin. Syluest. & alios antiquiores. Probatur primò, quia talis simulatio continet intrinsicè cultum superstitiosum: cum id quod fit, sit tantum institutum, aut de se aptum ad vñum religionis, & ad prostendendam falsam religionem: idcirco non possit exerceri, quin contineat falsam significationem, & professionem; adeoque superstitiosam; quia talis significatio ex natura vel vñu inseparabilis est. At omnis actus superstitiosus est intrinsicè malus: Ergo, &c. Secundò, talis simulatio est professio externa falsæ religionis, & consequenter externa negatio veræ. At negare exterius veram religionem, est intrinsicè malum: Ergo, &c. Tertiò, alioqui possent recens conuersi ad fidem, & ignoti, thus adolere idolis, eisdemque sacrificare, vt Parentibus condescendant, aut Tyrannis fidem suam occultent; quod in Ecclesia intolerabile semper visum est, & exemplo plurimorum martyrum refutari potest.

Contrarium senserunt D. Hieronymus Epist. 89. ad Augustinum, & Adrianus in 4. sentent. in tract. de Baptis. q. 1. art. 1. ad 5. Primò; quia Apostoli Iudaismum simularunt post eius abrogationem, licet huius legis ceremoniæ post Christi mortem fuerint mortuæ, & mortificæ. Nam vt Petrum ommittamus, cuius simulatio reprehensa est à Paulo, Galat. 1. Paulus ipse Timotheum circumcidit propter Iudeos, Aët. 16. v. 3. & à nemine reprehensus est: Imò Iacob Apostoli, & seniorum hortatu purificauit seipsum Iudaicè, & voluit offerre sacrificium, vt ostenderet se legem custodire, Aët. 21. v. 18. & sequentibus, quamvis illæ ceremoniæ iam essent abrogatæ, Aët. 15. v. 20. & 19. Secundò, Eliseus permisit Naaman Syrum adorare cum Rege in templo Remmon, & fingere se adorare idolum, 4. Regum 5. Tertiò, Iesu finit se velle adorare Baal, & sacrificare cum eius Sacerdotibus, quos, per speciem sacrificandi cum illis, conuocauit, vt eos interficeret. Et hoc eius factum laudatur à Domino, 4. Regum 10. Quartò denique, ratio est, quia hæc simulatio non est formalis, quæ est semper illicita, cum falsitatem, & mendacium intendat: sed tantum materialis, quia non fit animo

19. Simulatio est illicita in certis casibus.

20. Contraria sententia.

Sciret quæstio.

Simulatio duplex: materialis, & formalis.

proftendi falſum, aut ſignificandi; ſed animo tantum occultandi aliquid verum, cuius patefaciendi non eſt neceſſitas. Licet aliquis inde falli poſſit, & exiſtimare eſſe aliquid, quod non eſt; aut non eſſe id, quod eſt.

27.
Ceremonie
Iudaice non
ſtatim fuerunt
illicite
poſt Chriſti
mortem.

Ad primum reſpondeo, ceremonias Iudaicas non fuiſſe ceremonias falſe religionis, neque malas & mortiferas, ſtatim poſt Chriſti mortem: neque enim religio Iudaica tunc penitus deſiit, ſed ſenſim cum honore ſepulta eſt: Et licet ſtatim poſt Euangelij promulgationem mortuæ fuerint, quatenus neminem amplius obligabant, niſi vitandi ſcandali cauſa, vel aliquæ etiam ex præcepto Apoſtolico ad tempus lato, A& 15. Viſus tamen earum, Iudeis præſertim conuerſis, fuit aliquandiu licitus, vt lex vetus non ſtatim tanquam mala damnaretur, ſed paulatim abrogaretur. Cum enim ille ceremoniarum non fuerint inſtitutæ ad aliquem cultum falſum, ſed ad verum cultum Deo exhibendum; conueniebat eas non ſtatim dampnari penitus tanquam malas, ſed aliquandiu adhuc tolerari, quatenus præciſe erant ceremoniarum in Dei cultum inſtitutæ, & præſcindendo ab eo, quod eſſent futurorum ſignificatiuæ; idque donec legem veterem, iam omnino completam, atque in poſterum inutilem eſſe, clare omnibus probaretur. Ita poſt D. Aug. & S. Thomam, docet Egidius Coninck diſp. 15. num. 42. Quibus non obſunt quæ A& 15. & in Epiſt. Pauli ad Galat. & ad Hebræos dicuntur contra exiſtimantes legalium obſeruationem fuiſſe adhuc neceſſariam poſt ſufficientem Euangelij promulgationem. Aliud enim eſt fuiſſe non neceſſariam, quod nos quoque dicimus; & aliud, fuiſſe illicitam, & ſuperſtitioſam, ac notam falſe religionis, quod negamus.

28.
Quid
permiſiſſe
Eliaſum
Naamano?

Ad ſecundum reſpondet Valentia, Eliſum non permiſiſſe Naamano Syro id quod petebat, ſed texiſſe veritatem, quam ſine maiori eius damno aperire non poterat. Tantum enim reſpondit, *Vale in pace*. Quæ reſponſio ambigua eſt, & ſignificare poteſt, vel quod Propheta conceſſerit Naamano id quod petebat ſibi licere; vel quod tantum eum dimiſerit ſine expreſſa negatione, contra quam grauiter peccaret: cum aliqui bonâ fide conceptionem præſumens ex verbis Eliſæ, in meliorem partem acceptis, non peccauerit. Sed melius alij reſpondent Naamanum tantum petiſſe, vt ſibi liceret fungi erga Regem obſequio ſolito: nempe vt Rex ſibi ſemper inniteretur, ſue in templo, ſue alibi, orans, ſacrificans, aut aliquid aliud agens: vtque ſibi liceret officiij cauſa, adorare, id eſt, iuxta vocem Hebræicam, inclinare ſe ad ſuſtentandum Regem genu ſtudentem: quod non minus potuit illi perſuadere, quam permiſſum famulis, comitari ſine ſcandalo, vel periculo ſubuerſionis, hetos infideles, vel hæreticos ad templum ſua, ibique illis officia ſolita exhibere: quod per ſe nullam profeſſionem religionis falſe continet, cum ſit merum miniſterium politice obſeruantia; & non ſacræ ceremoniarum: licet hinc aliqui decipi poſſint per accidens exiſtimantes religioſe id fieri.

29.

Ad tertium reſpondent aliqui, Iehu ironice locutum eſſe, vt Machabæorum mater, Ana-

tiocho promittens ſe ſuſcitum filio id quod ipſe deſiderabat, 2. Machab. 7. Atanien Iehu non tantum ironice locutus eſt: ſed etiam ad ſacrificandum induxit, & holocauſtum compleri permiſit; vt patet ex verſu 35. capitis cit. 4. Regum 10. Ideo factum illius non poteſt omnino à peccato ſaltem materiali excuſari. Dico, *materiali*: quia ignorantia in homine militari, zelo religionis, accenſo, & bona fides, poterunt eum excuſare à peccato formali, ſeu culpabili. Neque hæc eius actio laudatur à Domino; ſed tantum quod domum Achab extinxerit; vt patet ex verſu 30. Quæ extinctio facta prius narratur ibidem; quam Sacerdotum Baal occiſio.

Ad quartum reſpondeo, ſimulationem materialeni licitam eſſe, quando fit ex iuſta cauſa, & debito modo, per aliquid non nialum, ſed indiſferens. At ſimulatio, de qua loquimur, quamve negamus eſſe licitam, fit per cultum ſuperſtitioſum, & profeſſionem falſe religionis; quam licet ſimulas non intendat; non poteſt tamen eius dictum, aut factum exterius, ab ea ſignificatione ſeparari, cum ex natura ſua, vel vſu id tantum ſignificet.

Dico ſecundo, extra caſus, in quibus exterior fidei confeſſio neceſſaria eſt, licitum eſſe non modo non patefacere fidem, & religionem propriam; ſed etiam, ſi opus eſt ad vitandum aliquid malum, aut bonum aliquid aſſequendum, occultare poſitiue, & procurare vt non cognoscatur; retinendo, aut aſſumendo, vel agendo aliquid aliis indiſferens, aut non malum. Ratio eſt, quia ſi fiat profeſſio fidei bene cuiuſquam, & non ſine proprio patefacientis malo, aut incommodo; non eſt per ſe laudabilis, ſed abſolute melius eſt vt eius fides tunc ignoretur. Quare retinere, vel aſſumere, aut agere aliquid exterius, aliis indiſferens, vel non malum, ex quo ſequatur talis ignorantia, non eſt malum propter illam; quia ipſa tunc non eſt mala, ſed bona, & expediens ad vitandum malum imminens ſine bono cuiuſquam. Sic D. Sebaſtianus diu fidem occultauit ſub militari baltheo retento, cuius occasione infidelis eſſe credebatur: quam poſtea, occurrente neceſſitate, cum diſpendio vitæ profeſſus eſt: ſanè antea profeſſurus per abiectiorem balthei, ſi neceſſe fuiſſet. Sic Catholicis, ad occultandam fidem inter Hæreticos, ob graue periculum, licitum eſt comedere carnes diebus prohibitis, modo ſine cuiuſquam ſcandalo, & ſine Eccleſiæ contumelia id fiat, aut legis contemptu. Nam neque præceptum Eccleſiæ obligat cum tanto incommodo; neque eſt profeſſio falſe religionis, cum res per ſe indiſferens ſit. Item, licet ſimili de cauſa adire templum Hæreticorum, & intereſſe eorum concionibus, nuptijs, ſunctibus, modo eorum ceremonijs, & precibus non communicetur, ſed ea omnia tanquam nihil ad nos pertinentia, & prophana ſpectentur, & abſite ſubuerſionis, & ſcandali periculum. Addunt nonnulli alia quædam, quæ in praxi tuta eſſe non puto. Omnium autem conſenſu illicitum eſt, cœnam hæreticam ſumere, offerre illis infantes ritu hæretico baptizandos, matrimonium cum

24.
Fidelis
ſimulatio
quando
licita?

Hæreticis ritu hæretico contrahere : quia hoc est participare eorum ritibus, quæ participatio continet professionem quandam falsæ religionis. Dixi autem, *hæretico ritu* : quia alioqui (ut fufius diximus in tract. de Matrim.) licitum est graubus de causis matrimonium cum Hæretica contrahere ritu Catholico.

Vide tom. 5. Disput. 75. sect. I.

25.
Licetne
sumere
vestes in-
fidelium?

● Sic tercio licet Christianis inter infideles transeuntibus, vel agentibus, vti vestibus infidelium proprijs, quarum occasione eandem religionem profiteri videantur. Quæ vestes, si non sint institutæ in signum religionis, sed Gentis, ita ut ferrentur ab ea Gente, quamvis conuerteretur, cuiusmodi sunt vestes Turcarum, Persarum, Indorum; res caret difficultate. Quia cum vestes illæ non sint institutæ ad significandam falsam religionem, ut dixi, vti illis non significat falsam religionem ex vi eorum. Quod si infideles inde colligunt, eum esse eiusdem religionis; hoc est per accidens, ex eorum discursu, qui colligunt eum talem esse, quales communiter sunt illi, qui eiusmodi vestes gerunt; quam eorum deceptionem non tenetur Christianus cum suo tanto malo euitare: præsertim cum infidelibus non aliter noceat. Ultra verò id genus vestium ex sua institutione indifferentium, vel ad Gentem tantum denotandam institutum, aliæ sunt, de quibus difficultas & controuersia est.

26.
De illis
illis, per
quas dis-
cernun-
tur à fide-
libus?

Quædam enim licet primario referantur ad corpus regendum ob naturæ necessitatem; & specialiter tamen imponuntur ad significandos homines infideles, & discernendos à fidelibus; ut si Princeps infidelis iubeat omnes suæ Sectæ professores vti tali genere vestium: siue id iubeat ob solum finem politicum, sicut iubentur Iudæi flauum pileum gestare, ut appareant quales sint: (quod non est malum, quia est tantum patrefacere veritatem, non autem profiteri falsam religionem; idèque legitime iubetur à Summo Pontifice) siue ob finem religiosum, ut nimirum profiteantur suam religionem; quæ professio mala est, & illicita, secus quam simplex manifestatio veritatis: qui enim solum ad veritatem manifestandam dicit se esse Iudæum, aut Mahometanum, non plus peccat, quam qui affirmat se esse Gallum, aut Italum: vterque enim actus est æquè conformis suo obiecto. Vel si Rex infidelis habens subditos fideles, & infideles, iubeat omnes fideles tali veste vti, ut discernantur ab alijs, quæ lex iam vfu communiter recepta sit: siue propter solum finem politicum, siue ob finem religiosum inducta fuerit. Item aliæ sunt vestes, quæ per se primò deputantur ad cultum superstitiosum alius Sectæ, neque habent communem, & corporalem vsum, sed tantum sacrum, & religiosum in tali Secta; cuiusmodi sunt vestes, quibus vtuntur sacrificuli Idolorum in sacrificando.

26.
Resolu-
tio diffi-
cultatis.

Huius secundi generis vestes licet propter necessitatem assumi posse affirmant aliqui. Quia licet deputentur ad cultum superstitiosum, retinent tamen apertitudinem, quam de se habent ad communem vsum tegendi corpus: idèque possunt assumi propter finem illum intrinsecum, & naturalem, contemptu hominum institutione, & permixta deceptione hinc secu-

turâ. Sed oppositum tenendum est cum communi sententia: quia talium vestium gestatio, serio facta, habet moraliter inseparabilem significationem falsæ religionis; sicut incensio thuris, licet per se indifferens, facta tamen tali modo, instituto ad cultum religionis, habet significationem illius moraliter inseparabilem, neque potest vtrumpari ad fidem occultandam. Deinde, huiusmodi vestes, cum sint tantum institutæ ad falsum cultum, neque habeant vsum alium, quam religiosum; æquivalent verbis & actionibus sacris. Quare sicut non licet vti verbis significantibus falsam religionem, nec actionibus sacris illius; ita neque sacris vestibus. Dixi autem, *via gestatio, siue religioso modo facta*. Nam si fieret modo prophano, vel ridiculo, non esset signum cultus falsi, sed potius contemptus falsæ religionis.

Prioris quoque generis vestium vsum esse semper illicitum docent S. Antonius, Syluester, Angelus, Caiet. Nauar. Tolet. alique plures: quia vsum talium vestium est quædam fidei abnegatio, & professio infidelitatis; cum assumatur proprium signum religionis falsæ: & assumens ipso facto significat, se esse Iudæum, vel Mahometanum: quod non minus illicitum est, quam verbo idem significare. Factum enim verbo æquiualeat, cum sit æquè impossibile ad significandum.

Contrarium tamen probabilius docent Suarez disp. 14. Sect. 5. num. 7. & Agidius Coninck disp. 15. num. 66. & sequentibus, cum plurimis alijs ibidem citatis. Ratio est: quia significatio religiosa est moraliter separabilis ab huiusmodi vestibus, etiam serio gestatis. Et licet propter impositionem communi vsum superadditam censentur communiter significare falsam religionem: id tamen non significat moraliter in ijs circumstantijs, in quibus propter necessitatem assumuntur ad fidem occultandam. Cuius rei signum est, quod si quis Christianus sub tali veste euadat, nemo censerebit eam induisse, ut fidem negaret, vel negare videretur, sed ut se occultaret. Adde, Principem infidelem non habere ius transferendi vsum naturalem vestium ad talem significationem, in his circumstantijs, cum tanto incommodo Christianorum: neque ius exigendi ab ipsis professionem fidei, vel ut ab alijs se discernant per vsum vestium, quas designat pro fidelibus, vel infidelibus, ob finem religiosum, vel politicum. Et quamvis lex sit iam vfu recepta, non propterea obligat in illis circumstantijs. Vel enim est iusta, vel iniusta? si iusta? non obligat cum tanto incommodo: si iniusta? non est illi parandum, quia non obligat.

Hinc patet solutio fundamenti Aduersariorum: neque enim tunc assumitur signum falsæ religionis; cum talis vestis in talibus circumstantijs non sit signum falsæ religionis; neque fidelis assumens eam significat; sed tantum se occultet. Neque est par ratio verborum, & vestium: quia verba non habent alium vsum, quam significandi: Secus autem vestes, de quibus loquimur. Cauendum tamen ne in illis sit aliquid, quo ex natura sua cultus superstitiosus deserti videatur, vel ex significatione

27.

28.
Solutio-
tur arg.
contra.

mortaliter inseparabili. Ut si in veste feratur picta imago Mahometis, vel Idoli, specie venerabili, capite radijs illustrato, vel picto, alio toram adorante. Talis enim signi vsum puto esse illicitum, æquæ ac vestium, & actionum sacrarum, seu potius sacrilegarum: licet id quoque permittere videatur Suares num. 8. modo, inquit, occultetur signum illud, vel alio modo caueatur, ne talis demonstratio cultus, & honoris deferatur.

29. Sed instat Caietanus: quia si Princeps infidelis imperio suo, vel lege iubeat Christianos ab alijs tali veste discerni, interrogat eos virtualiter de sua religione: Ergo tenentur respondere, & profiteri. Respondeo primò, non esse eandem rationem legis, vel imperij generalis; & interrogationis: quia is, qui interrogatur, non potest facillè vitare, quin vel tacendo affirmet, vel dissimulando neget veram religionem. Qui verò legi non paret, non est in illo periculo: quia lex est communis, & confusa; & non ita attingit personam singularem, sicut interrogatio. Et quamvis lex sit recepta; non obligat in malum fidelium, ne, cum fuerit opus, possint suam occultare religionem. Respondeo secundo, eum qui interrogatur, non teneti fidem suam patefacere cum suo incom-

modo, si ad Dei, vel proximi, vel proprium bonum ipsius non sit necesse; sed posse callidè sermonem aliò detorquere, aut non directè respondere; modò tamen falsum non dicat, neque neget se esse id quod est.

Porro in his omnibus seu vestibus, seu alijs, supponimus casum necessitatis exigentis tale Non li-
genus vestium, & similem. Nam si vestes in-
differentes, aut Gentis tantum, sufficiunt; non
sunt sumendæ aliæ specialiter destinatæ in si-
gnum religionis. Et si potest prætendi dolor
stomachi ad vitandum esum prohibitum; de-
bet prætendi. Supponimus etiam abesse scan-
dalum: ut esset, si quis eiusmodi vestibus ve-
retur coram illis, quibus notus est, & qui
ignorantes causam mutationis, putarent ipsum
negasse fidem, elusque exemplo incitarentur
ad idem faciendum. Vel si quis notus ut Chri-
stianus, & Catholicus, videretur cibis prohi-
bitis, vel idolothytis cum scandalo intuen-
tium: quod est cauendum in hac materia.
Secus verò, talem esum licitum esse affirmat
Paulus 1. Cor. 10. v. 27. Supponimus denique
abesse participationem cum sacris & alijs su-
ppositionibus infidelium, quas olim martyres,
& veri fideles, tanto studio, etiam cum vitæ
dispendio, semper vitarunt.



DISPUTATIO DVODECIMA.

De habitu Fidei.

- Sectio I. *An deus habitus fidei infusus, & supernaturalis, realitèrque distinctus ab intellectu?*
- Sectio II. *Utrum habitus fidei supernaturalis sit unus, vel multiplex? & an præter habitum fidei dentur species infusæ, vel alij habitus qui per se iuvant ad credendum?*
- Sectio III. *Utrum habitus fidei sit virtus intellectualis, & Theologica? & sine practicus, an speculativus? quemve ordinem seruet inter virtutes Theologicas?*
- Sectio IV. *An, & quomodo habitus fidei pendeat à charitate?*
- Sectio V. *Quomodo habitus fidei acquiratur, vel augeatur?*
- Sectio VI. *Quomodo amittatur, & in quo subiecto sit?*



E virtute fidei habituali, eiusque subiecto disputat S. Thom. q. 4. & 5. In quarum priore docet 1. fidem rectè à Paulo definiri, *Substantiam rerum sperandarum, argumentum non apparentium, Hebræorum 17. Cuius sensus est, Fides est habitus mentis, quo inchoa-*

tur vita æterna in nobis, faciens intellectum assentiri non apparentibus. Et per hoc quod dicitur *argumentum*, id est, conuictio, & firma adhesio intellectus, distinguitur fides ab opinione, suspitione, & dubitatione. Per hoc autem quod dicitur, *non apparentium*, distinguitur fides à scientia, & intellectu, per quæ fit aliquid apparens. Per hoc denique quod dicitur *substantia verum sperandarum*, distinguitur virtus fidei à fide communiter sumpta, quæ non ordinatur ad beatitudinem speratam. 2. Fidem esse in intellectu, tanquam in subiecto: quia est proprium principium actus credendi, qui actus est immediatè intellectus; & versatur circa verum, quod obiectum propriè pertinet ad intellectum. Ultra hunc autem habitum intellectus, requiritur alius in voluntate, ut actus credendi sit perfectus. Quia credere est actus intellectus secundum quod mouetur à voluntate ad assentiendum. 3. Charitatem dici formam fidei, quatenus per charitatem actus fidei perficitur, & formatur. Nam actus ille ordinatur ad bonum diuinum, quod est obiectum proprium charitatis. Actus autem sortiuntur speciem à fine, ad quem ordinantur: & id, à quo aliquid speciem sortitur, se habet in modum formæ. 4. Fidem informem, & fidem formatam esse vnum, eundemque habitum, his diuersis nominibus appellatum ab absentia, vel præsentia charitatis, quæ est illius forma. 5. Fidem informem non esse virtutem: quia licet actus fidei informis habeat perfectionem debitam, ex parte intellectus: non tamen ex parte voluntatis, nisi per eam referatur infallibiliter ad vltimum finem, propter quem voluntas assentitur vero, ut fit per fidem formatam. 6. Fidem esse vnam specie virtutem, & differentem solo numero in diuersis subiectis: quia habet vnam formalem rationem obiecti, nempe veritatem primam. 7. Licet per accidens aliqua alia virtus possit esse prior fide, inquantum remouet impedimentum credendi: sicut fortitudo remouet inordinatum timorem impediens fidem, & humilitas superbiam, per quam intellectus recusat se submittere veritati: tamen per se loquendo fides est prima virtutum. Quia cum in agibilibus finis sit principium agendi: necesse est virtutes Theologicas, quarum obiectum est vltimus finis, esse priores cæteris virtutibus. Ipse autem vltimus finis debet prius in intellectu esse, quàm in voluntate: quia voluntas non fertur in aliquid, nisi prout est intellectu apprehensum. Vnde oportet finem vltimum prius esse in intellectu per fidem, quàm sit in voluntate per spem, & charitatem. 8. Denique, fidem esse certiores alijs virtutibus intellectualibus: Arte quidem, & prudentiâ; ratione materiæ: quia est de æternis, quæ non contingit aliter se habere. Sapientiâ verò, scientiâ, & intellectu naturaliter sumptis; ex parte causæ certitudinis: quia fides innititur veritati diuinæ: & tria prædicta innituntur rationi humanæ. Tamen non est certior illis ex parte subiecti: quia intellectus hominis minùs plenè consequitur obiectum fidei, quàm illarum obiecta. Si autem sumantur, ut sunt dona supernaturalia præsentis vitæ, cooperantur ad fidem, sicut ad principium, quod præsupponunt: vnde etiam secundum hoc fides est certior.

In posteriori questione affirmat Angelos, & homines ante peccatum, habuisse fidem. Quia per gratiam tunc inceptam, & nondum consummatam,

matam, fuit in illis inchoatio quædam speratæ beatitudinis : quæ quidem inchoatur in voluntate per spem, & charitatem : in intellectu vero per fidem. In Dæmonibus autem non esse fidem illam, quæ ex imperio voluntatis in bonum tendentis mouetur intellectus ad assentiendum veritatibus à Deo reuelatis : sed tantum fidem exactam, quæ ex naturali sua perspicacitate, & signorum euidentia, doctrinam Ecclesiæ à Deo profectam esse credere coguntur. Addit, in Hæretico discrepante vel vnicum articulum fidei, non manere fidem neque formatam, neque informem : quia tollit rationem formalem obiecti fidei : quæ sublatâ, non potest habitus remanere. Possêque fidem esse maiorem in vno, quàm in alio ; non tantum propter maiorem certitudinem, & firmitatem, ac deuotionis feruorem : sed etiam secundum quod plura quis explicitè credit, quàm alius. Hucusque D. Thomas.

SECTIO I.

An deus habitus fidei infusus, & supernaturalis, realisque distinctus ab intellectu?

v.
Respon-
detur af-
firmati-
ue.



Conclusio affirmatiua tam certa est ex Trid. Sess. 6. cap. 7. vt sine magno errore contra fidem non possit in dubium vocari : vt bene ait Suares lib. 7. de gratia cap. 15. n. 8. Tridentinum enim ibi definit infundi in iustificatione fidem, spem, & charitatem, iustisque inherere ; vt de charitate expressè asserit, de fide verò, & spe par est ratio. Infusio autem rei inherentis ei, cui infunditur, apertè sonat distinctionem realem. Nam idem sibi ipsi non inheret. Additque ibidem Trident. per easdem qualitates nos renouari spiritu mentis nostræ, *infusam in nobis recipientes* (maiores, aut minorem, seu magis, aut minus intentam) *secundum mensuram, quam Spiritus sanctus partitur singulis ; prout vult, & secundum propriam cuiusque dispositionem, & cooperationem.* Et paulò post : *In ipsa iustificatione cum remissione peccatorum hac omnia simul infusa accipit, homo per Iesum Christum, cui inseritur, fidem, spem, & charitatem. Nam fides, nisi ad eam spes accedat, & charitas, neque vnus perfectè cum Christo, neque vnum eius membrum efficit.* Ibidem ait hanc iustitiam esse primam stolum, *quam iubemur conseruare, vt eam perferamus ante tribunal Christi* : quibus verbis designat eius permanentiam, quam nomine habitus Theologi significat. Et cap. 15. definit charitatem amitti quouis peccato mortali ; non fidem, quæ amittitur solum per infidelitatem. Et can. 28. anathematizat asserentes, amissâ per peccatum gratiâ, simul & fidem semper amitti : aut fidem, quæ remanet, non esse veram fidem, licet non sit vniua ; aut eum, qui fidem habet sine charitate, non esse Christianum. Quibus verbis propriè, vt debent, acceptis, apertè docet, fidem, spem, & charitatem, de quibus loquitur, & esse permanentes, donec per peccatum expellantur : & distingui inter se, quia ait esse plures, & posse

vnam esse sine alia ; & distingui ab anima, cui infunduntur, & inherere. Quod qui non vident, non satis attentè, & sincerè verba Concilij expendunt.

Loquitur autem Concilium de habitu, non de actu. Primò quia initio capitis 7. dicit hanc infusionem sequi post nostram cooperationem, & dispositionem, consistentem in actibus fidei, & aliarum virtutum, quos actus cap. 6. enumerauit. Vbi expressè actum fidei prærequirit in adultis, velut dispositionem ad huiusmodi infusionem. Secundo, quia de fide est infunditur fidem, spem, & charitatem, etiam infantibus, eo instanti, quo baptizantur, ex Trid. Sess. 5. can. 3. & 5. & Sess. 7. can. 7. *de Sacramentis in genere.* At infantibus non infunduntur actus, quorum sunt incapaces. Adultis quoque, cùm baptizantur, & iustificantur per baptismum, vel alia Sacramenta, non sentiunt sibi infundi huiusmodi actus (qui eos latere non possent, cùm sint actus vitales) eo instanti, quo Sacramenta recipiunt ; & tamen eodem instanti iustificantur per infusionem fidei, spei, & charitatis, ex Trident. Sess. 7. can. 7. *de Sacramentis in genere,* iuncto cap. 7. Sess. 6. Ergo infunduntur habitus, non actus. Tertiò, quia Concilium eodem cap. dicit iustitiam in illa fide, spe, & charitate infusa consistentem, esse stolum perferendam ante tribunal Christi, & vsque ad finem vitæ ex Dei præcepto seruandam esse ; quod non potest actui conuenire. Quartò, idem Concilium Sess. 6. cap. 15. affirmat, fidem non amitti quouis peccato mortali, sed tantum peccato infidelitatis : Ergo agnosce fidem in nobis permanere, etiam dum nullum fidei actum exercemus, imò etiam dum peccamus mortaliter, excepto peccato infidelitatis directè fidei opposito. Hanc autem permanentiam nomine habitus significamus, quo etiam nomine virtutis Concilium Viennense, vt refertur in Clementina de Summa Trinitate : iam verò illa qualitas permanens, & habitualis non potest aptè significari, & intelligi nomine fidei, nisi sit habitus operatiuus, & cognoscitiuus, valens ad credendum. Fides enim propriè vel est actus credendi, vel principium habituale talis actus ; & Concilium Viennense

2.
Probat
ex Tri-
dent.

suprà non obscurè supponit hos habitus virtutum infundi ad vsum, id est, ad actus proportionatos, quos infantes non possunt exercere: propter quod aliqui Theologi illius temporis existimabant non infundi illis habitus; vt ibidem refertur.

Dici etiam nequit hunc habitum esse naturalem in substantia. Primò, quia est infusus per se, & non tantùm per accidens. Ergo per se superat vires naturales, à quibus acquiri non potest, sed debet necessariò à Deo infundi gratuitò, & supernaturaliter: Consequentia patet: Antecedens probatur, quia si esset infusus tantùm per accidens, posset acquiri naturaliter, & haberet modum alium productionis sibi connaturalē. Quod enim fit per accidens vno modo, potest fieri per se alio modo: Et nihil est, quod non habeat connaturalem aliquem modum, quo produci possit: At habitus fidei, spei, & charitatis iustificantis non possunt acquiri naturaliter, neque aliter haberi, quàm per infusionem Spiritus sancti: cùm ne quidem possimus folis viribus naturalibus sufficienter ad illos disponi, ex Trident. Sess. 6. cap. 5. 6. & 7. & can. 3. Deinde habitus naturales non dant posse simpliciter, sed dant facili posse, & inclinant ad operandum. At hi habitus infusi dant posse simpliciter: quia potentia sine illis, vel auxilio æquivalenti suppleante habitum, nihil potest; & non inclinant ad operandum; nam baptizatus non plus sentit facilitatis, & inclinationis, quàm antea. Terriò, habitus naturales pelluntur naturaliter per habitus contrarios. At hi habitus infusi, neque pellunt malos habitus contrarios: (iustificati enim sentiunt eandem inclinationem ad vitia, quàm antea, donec habitus acquisitos contrarios acquirant) neque ab illis pelluntur; sed tantùm amittuntur per actus contrarios, si culpabiliter exerceantur, & sint peccata mortalia. Quod signum est non physicè ab illis, sed tantùm meritorie pelli: Eadem enim est natura, & entitas physica actus infidelitatis culpabilis, & actus inculpabilis ob defectum libertatis: Et tamen inculpabilis ob pellit habitum fidei infusum: Ergo neque culpabilis illum pellit naturà suà, & ex natura rei. Alioquin vbi est eadem natura, esset eadem vis, eadēque expulso.

Vltra hunc habitum fidei infusum, & supernaturalem, datur alius naturalis, & acquisitus, qui per actus producit, non tantùm per naturales (quos circa fidei obiectum dari posse ostendimus alibi) sed etiam per supernaturales. Ratio enim cur potentia acquirant habitus naturales, & facilitatem ad operandum, est quia operando sese exercent. Atqui non minùs se exercent concurrēdo ad actus supernaturales, quibus non minùs se impendunt, quique nullo experimento à naturalibus discerni possunt. Ergo, &c. Confirmatur experientia ipsà, quanta in rebus supernaturalibus esse potest. Videmus enim fideles, qui actus fidei crebrò, & intensè exercent, magnam facilitatem credendi acquirere; quam non amittunt, licet per aliquod peccatum infidelitatis totam fidem supernaturalem amit-

tant; sentiunt enim eandem facilitatem, quàm antè, ad alia obiecta; à quibus non dissentiant. Ad hunc habitum est referenda facilitas, quam sentimus ad credendum supernaturaliter; quamquam interdum aliunde provenit, nempe à copia, & præstantia auxiliorum intellectum illuminantium, & mouentium voluntatem; vt fit, cùm primi actus fidei promptè, & facili eliciuntur. Neque enim id oriri potest ab habitu nondum acquisito, neque per accidens infuso, vt supponimus.

Dices cum Suare lib. 6. de Gratia cap. 14. n. 6. talem habitum non posse inclinare ad actus supernaturales, quia qualitas naturalis non habet naturalem appetitum ad supernaturalia: Item, quia naturalis inclinatio habitus fundatur in ipsius naturali virtute actiua, seu potius est ipsa virtus actiua. At non habet virtutem actiuam naturalem circa actus supernaturales: Ergo, &c. Respondeo talem habitum inclinare tantùm naturaliter ad actus naturales, quos circa idem obiectum potest cum causis naturalibus exercere; obedientialiter verò, ad supernaturales, posito quòd naturalis potentia ad eos eleuetur. Ad quos licet non possit ipse concurrere, nisi eleuante principio supernaturali: facit tamen vt potentia eleuata se facilius in illis producendis exercent.

Instabis: quia habitus non faciliat sen inclinat obedientialiter ad id, ad quod faciliat naturà suà: atqui faciliat naturà suà ad actus supernaturales similes ijs, à quibus fuit productus. Respondeo distinguendo Maiorem: Ad id, ad quod faciliat naturà suà naturaliter spectatà, seu comparatà cum causis naturalibus, quibuscum possit facili id operari: Concedo. Naturà suà spectatà supernaturaliter, id est, coniunctà cum principio eleuante: Nego. Ad minorem respondeo distinguendo similiter, & nego consequentiam. Simile argumentum fieri posset contra ipsam potentiam obedientialem, quæ in sua entitate formaliter naturalis est, constituitque formaliter subiectum potens operari actus supernaturales, non quidem naturaliter, sed tantùm obedientialiter, ob indigentiam causæ eleuantis.

Porro hic habitus acquisitus est quoque distinctus realiter à potentia, vt suppono ex vera, & communi sententia Philosophorum. Nam est nouitas in re, id est, noua facilitas, & inclinatio potentia: Non ostenditur autem superflua esse distinctio formæ, à qua talis facilitas, & inclinatio provenit: & principium Nominalium tollendi distinctiones, nisi limitetur ad superfluum, est importunum, periculosum, & ad errorem ducens, vt alibi ostendimus. Quod autem non probetur distinctio esse superflua, patebit examinando argumenta quorundam recentiorum, qui contrarium sentiunt.

Aiunt primò, esse quidem experientia evidens, dari habitus; quia experimur potentias aliquas reliquis omnibus dispositionibus paribus, ex solo vfu facilius operari: sed hanc facilitatem non esse aliud, quàm ipsammet potentiam, quæ posita conditione, quòd aliàs operata sit, potest per se solam facilius operari, quamvis ex priori operatione nihil relictum

3.
Habitus ille est supernaturalis in substantia.

5.
Ad quod actus inclinetur & quomodo ad supernaturales?

6.
Differt realiter à potentia.

4.
Vltra illud datur alius naturalis.

7.
Contraria sententia.

fit. Sicut (inquiunt) anima potest recordari ex eo solum, quod antea obiectum cognouit, absque vlla specie relicta. Sicut etiam lapis, posita percussione, semetipsum in altum agit, sine cuiusquam productione. Nam de illo productio quaereretur, cur ipsum moueat in vnam partem, cum posset in aliam; & vel dabitur processus in infinitum, vel omnino fatendum erit posita tali applicatione lapidem natum esse in eam partem sese agere.

Soluitur
prima
eius ob-
iectio.

Respondeo nullo modo apparere, neque esse probabile quod operatio, quae iam non est, neque quidquam reliquit, possit physice iuuare ad facilius operandum, vel ad recordandum, quemadmodum experimur nos physice, id est, non moraliter tantum, & aestimatiue, iuari per habitus, & species. Nam quod physice iuuat, debet esse physice, vt physice iuuat: sicut quod physice agit, debet esse physice, vt physice agat: At nihil physice iam est, sed operatio praeterita perinde physice se habet, ac si nunquam fuisset. Exemplum vero illud de motu lapidis, & aliorum proiectorum nouum figmentum est, absurdum, & incredibile, vt ostendimus disp. 37. de Eucharistia, Sect. 4. quam consule. Cur autem virtus impressa proiectis moueat potius in vnam partem, quam in aliam, prouenit à concursu causae primae cum virtute impressa, iuxta exigentiam projectantis, & modum, quo res proiectur. Id enim puto probabilius esse, quam quod post Aristotelem fuisse docet Hieronymus Dandinus in 2. de anima digress. 40. proiecta moueri solum ab aëre, vel aqua impellente ob commotionem initio factam à projectante ad eam partem, versus quam facta est commotio.

8.

Obijciunt secundo, distinctionem habituum non probari, nisi hoc argumentum: Potentia potest esse, & non esse habitus: Ergo distinguitur ad habitum: quod argumentum non plus valet, quam si quis dicat, Res poterat esse, & non esse extensio: Ergo extensio est aliqua forma superaddita rei; aut si quis dicat, Per motum res alibi est, quam antea erat: Ergo per motum producta est aliqua forma. Ante approximationem ignis non poterat comburere, sed post approximationem id potest: Ergo per approximationem acquisiuit aliquam formam.

Satisfit
secunda.

Respondeo argumentum distinctionis male, & tantum ex parte referri; addenda enim erat propositio alia, quod nimirum vbi est nouitas in re, & fundamentum contradictionis, non est distinctio neganda, nisi appareat manifestè superflua: quia modus philosophandi negando distinctiones, nisi ita restringatur, ducit aperte ad errorem, & haeresim: Valet enim per se loquendo, & quantum est ex vi materiae, & formae, argumentandi, ad probandum accidentia quoque panis & vini non distinguí realiter à substantia: quod est falsum & haereticum. Hac autem restrictione posita, non sunt ad rem instantiae propositae de extensione, & motu locali, in quibus distinctio manifestè apparet superflua; cum res seipsa formaliter, sublato quouis alio distincto, sit extensa, eo solo quod partes eius sunt aliae extra alias, seu non sunt in eodem loco; & res quaelibet seipsa formali-

ter impleat spatium, in quo est, eo solo quod eius partes est ab illo indistans; sitque euidenter æquè impossibile rem implere spatium formaliter per aliud à se diuersum, quam existere formaliter, seu esse in rerum natura, per aliud à se diuersum; quidquid enim aliud ponatur, si ipsamet non est in spatio, non illud implet. Et si ipsamet est, seipsa implet, sublato quouis alio re, & ratione. Ad vltimam vero instantiam de propinquitate ignis ad passum. Respondeo illam non requiri, vt vim agendi, sed vt conditionem necessariam, quae tamen vt iunet ad agendum, debet actu esse. Nam licet ignis fuerit antea propinquus; si iam non est, non agit, neque magis iuuatur à propinquitate praeterita, quam si non fuisset. Quare male proferunt aduersarij hoc exemplum, ex quo potius inferendum est potentiam non posse iuari physice ab operatione praeterita, quae iam physice non est, si nihil sit ex ea relictum, quod ad operandum iuuare possit physice, siue, vt conditio, siue vt principium operationis.

Obijciunt tertio: Ista qualitates pro diuersitate actuum essent diuersae, & inclinarent ad eos solos actus, à quibus essent productae. Hoc autem est contra experientiam; liquet enim, animum assuetum speculandis difficilibus, ad quaecumque difficilia peruestiganda fieri promptiorem. Respondeo, habitus naturales primo, & praecipue inclinare, & iuuare ad eam speciem actuum, per quos producti sunt; secundario verò, & minus efficaciter, ad alios, quorum exercitium habet cum illis magnam affinitatem, & similitudinem. Interdum etiam, facilitas illa ad alios actus prouenit ex organici dispositione, quae cum aptior sit ad intelligendum, aut recordandum vnum aliquid, inferuire potest alijs intelligendis, aut recordandis, quibus eadem dispositio est æquè commoda.

9.
Tertia
re-
spon-
sio.

Obijciunt quarto: Sequeretur posse animam habere habitum, & non posse facilius operari. Sint enim duo huiusmodi habitus contrarij in anima, intensi vt quatuor. Alter tantum impedit, quantum alter iuuat. Ergo anima habebit facilitatem, & non poterit facilius operari, quod est ridiculum. Respondeo primo, retorquendo argumentum in sententiam Aduersariorum: Ponamus animam quater exercuisse actus contrarios, v. g. quatuor actus amoris, & postea quatuor actus odij eiusdem obiecti. Anima per quatuor priores actus facta erit facilitas, vt ipsi loquuntur. Et tamen quia quatuor posteriores tantum impediunt, quantum priores iuuant, non poterit facilius operari. Ridiculum ergo est non id quod inferunt Aduersarij, sed quod tam leuiter sibi contradicunt. Secundo, respondeo directè, animam in eo casu habere facilitatem in actu primo, id est, principium quo iuari possit ad operandum facilius, si non impediatur; sed non habere facilitatem in actu secundo, propter impedimentum; id est, reipsa non facilius operari, & principium illud non facilitare. Sicut cum duo æquè graui in balance mutuo se impediunt, ne descendant; habent vim ad descendendum, sed impeditam.

10.
Quarta
re-
spon-
sio.

Obijciunt quinto: Actio motiua est tantum

X 2

11.

Quinta
diluitur.

ad motum localem. Atqui motitando manus artificiosè, comparatur facilitas ad motum artificialem: Ergo comparatur sine vlla actione; quod est falsum, & impossibile. Neque dicas fieri actione motus. Nam motus nihil est præter rem motam: vel si hic terminus sumatur verbaliter, est complexè significabile: quod certè nequit esse principium alicuius entitatis. Respondeo, habitum artificiosè mouendi non comparari in manu, in qua si quæ facilitas vsu acquiritur, prouenit ex Organi dispositionibus, quæ aptiores ad motum euadunt: neque in potentia loco motiua; sed in cognoscitiua, & appetitiua, dirigente, & applicante ad motum. Cuius rei signum est, quod res inanimæ, & carentes cognitionè, & appetitu, nullam vsu acquirunt facilitatem ad motum, nisi fortè mutant dispositionem, aut figuram: v. g. lapis etiamsi millies descendat, non descendit facilius, aut celerius. Quare habitus, qui acquiritur à mobilibus cognoscitiuis, acquiritur solum à potentia cognoscente, & appetente, per actus practicos dirigendi, & applicandi potentiam loco-motiui; qui actus non perfectè exercentur, nisi in ipso vsu: ideòque sine illo non acquiritur perfectè habitus. Respondeo secundò, posito quòd habitus acquireretur in manu, & in potentia loco-motiua; causam illius facillè assignari posse; nimirum ipsam potentiam, posita motione, seu exercitio se mouendi, vt conditione sine qua non. Nam licet communis sententia sit habitus produci per actus; est tamen etiam probabile habitus produci physicè, non ab ipsis actibus, sed à potentijs se exercentibus, posito illo exercitio vt conditione sine qua non. Quod autem addunt, motum nihil esse præter rem motam, & esse tantum complexè significabile, alibi fuit refutatum, in hoc ipso tractatu, disp. 2. Sect. 2. & seqq.

VI.
Sexta re-
ijcitur.

Obijciunt sextò: Illi habitus debent semper perseverare, donec contrarijs habitibus cedant. At hoc est falsum: quia experientia constat, deficere solà desuetudine: v. g. vt quis dedicat Philosophiam, non est opus vt habeat ignorantiam prauæ dispositionis, assentiendo contrarijs enunciabilibus: sed sufficit sola cessatio à contemplantis huiusmodi obiectis. Respondeo primo retorquendo argumentum; si enim habitus seu facilitas definit desuetudine: Ergo non est sola potentia, quæ posita conditione, quod aliàs sit operata, possit per se solam facilius operari; vt volunt Aduersarij. Nam semper manet, quòd potentia aliàs operata sit; estque impossibile id definire esse verum. Quare facilitas semper maneret, si potentia ex eo solo, quòd aliàs operata sit, posset per se solam facilius operari. Similitèrque si species intelligibilis nihil est aliud quàm potentia, quæ potest recordari eius quod antè cognouit, posita solum conditione, quòd antea cognouerit: Impossibile est species intelligibilis vnquam definire: quia impossibile est potentiam non cognouisse quod cognouit. Quare possemus in perpetuum recordari eorum omnium, quæ vnquam cognouimus; quod est contra experientiam. Neque dicas posse

quidem ad tempus, & non semper: quia si nihil reale perijt, nulla est ratio, cur non semper possimus, & cur vix illa physica perierit.

Respondeo secundò, Negando Antecedens: definit enim habitus ipsa desuetudine, nisi per actus subinde foueantur, Deo suum concursum subducente; quia sunt naturæ labilis, & fluxæ, vt sonus, & virtus projectis impressa, & species intelligibiles, aut sensibiles sensus interni. Quare falsum est quod addunt Aduersarij, id de habitibus dici sine exemplo, & Deum non solere concursum suum subducere, nisi vt aliqua causa non priuaret suam actiuitate. Priuat enim etiam, quando finis, & officium, ad quos res quædam sunt institutæ naturæ suæ, id exigit; vt patet in sono, qui si semper duraret, vt durat aliquandiu sine influxu causæ secundæ; mirabilis, & importunissima sonorum, ac vocum confusio semper existeret.

Obijciunt septimò: Tales habitus si distinguerentur, à Deo infundi possent; & ita, si aliunde deessent species, nullo modo faciliterent; & consequenter non essent facilitates. Imò cum comparantur habitus etiam ad facilius recordandum, & pronuntiandum totam aliquam orationem; tot erunt diuersi habitus, quot animæ operationes. Cur ergo post vnā operationem vnus potius, quàm alius facilitabit ad actum sibi proprium? Erit certè opus, vt moneatur instare tempus, in quo ipse præ alio agere debeat. Quod cum sit absurdo loqui; fatendum est hanc esse solius animæ vim, quæ potest eo ordine plura reddere, quo accepit; itaque recurrendum est ad vim animæ, quæ talis est, vt posita aliquâ dispositione plura possit præstare, quàm sine illa.

Ad primum Respondeo, In eo casu faciliteret in actu primo, sed non in actu secundo, defectu specierum quoad obiecta absentia, quæ sine illis cognosci non possunt; id est, Esset principium, sed non esset vsus, & exercitium, defectu obiecti, vel conditionis necessariæ ad cognoscendum. Licet autem difficile sit intelligere, & explicare, quomodo species, vel habitus iuuent ad recordandum eodem ordine id quod antea didicimus: multò tamen difficilius est, & omnino in-intelligibile, id quod physicè nullo modo est, iuuare physicè ad operandum, vt dicunt Aduersarij planè gratis, & sine vilo exemplo. Quamvis enim tum anima, tum aliæ causæ, possint præsentè, & actu existente aliquâ dispositione, plura præstare, quàm sine ea; nulla tamen est, quæ physicè iuuert à dispositione absente, & præterita, quæque physicè omnino nihil est: neque id magis potest intelligi, quàm quod aliquis possit iuuari physicè à chimæra: aut quòd physicè agere valeat id quod physicè non est; quod esse impossibile fatentur Aduersarij. Cum autem memoriter addiscimus, acquirimus species, & habitus non tantum verborum singulorum, aut periodorum; sed etiam ordinis, & connexionis eiusdem, quâ didicimus; à quibus speciebus, habitibusque iunamur, vt eodem ordine repetamus: indèque etiam fit, vt post vnā operationem, vnus habitus potius, & prius quàm alius, facilius ad actum sibi proprium; quia

13.
Respon-
detur 7.
obiectio.
ni.

ratione obiecti habet cum illo connexionem immediatam: tendit enim ad suum obiectum, ut connexionem cum obiecto illius, id est, ad cognitionem veriūque obiecti ita ordinati. Mirum reliqua aduersarij obiecta, quia leuiora sunt, & minus digna refutatione: vel iam alibi soluta; ut quod aiunt de indistinctione actuum vitalium à potentia vitali, ipsèque viuente & substantiali principio: quod falsum esse demonstrauimus Disput. 10. Sect. 5.

SECTIO II.

Vtrum habitus fidei supernaturalis sit vnus, vel multiplex: & an præter habitum fidei denur species infusæ, vel alij habitus, qui per se inueniunt ad credendum?

14.
Probat
esse vñ.

Prima conclusio: Habitus fidei supernaturalis est vnus, & simplex in quolibet subiecto. Prima pars est D. Thomæ quest. 4. art. 6. affirmantis fidem habitalem esse vnā specie, & differentem numero in diuersis. Vbi cum ait differre numero in diuersis, significat non differre numero in eodem. Idemque docent communiter Theologi, vnicum scilicet in quolibet fidei esse habitum fidei supernaturalis, quo elicit omnes assensus fidei. Paulus quoque Heb. 11. de fide velut vnā loquitur, eique tribuit plurimos, & diuersissimos assensus, speculatiuos, & practicos. Eodēque modo de fide velut vnica loquitur Trid. Sess. 6. cap. 7. & 15. Ad idem confirmandum adduci solet illud Ephes. 4. v. 5. *Vnus Dominus, vna fides, vnum Baptisma*: quod in hunc sensum exponit S. Augustinus 13. de Trinit. cap. 2. Vnde Valentia quest. 4. Punct. 6. initio, contendit rem esse de fide: Sed non est manifestum illum esse sensum Apostoli. Hortatur enim ibi ad pacem, & vniōnem; assumitque in argumentum vnā spem vocationis, vnum Dominum, & vnā fidem. Quamvis autem essent multi specie habitus fidei, sufficeret ad intentionem Pauli vnitas conformitatis; si omnes illi essent pariter in vnoquoque. Præterquam quod intelligi potest de fide obiectiua, id est, de fide obiecto, cuiusque vnitate; quatenus omnes idem credimus, sicut idem speramus. Idem etiam solet probari, quia omnes actus fidei sunt eiusdem speciei, propter vnitatem formalis obiecti. Sed hæc ratio falsum supponit, ut ostendimus alibi: neque in hunc sensum ratio D. Thomæ attic. cit. explicanda est: sed potius, quod cum fidei obiectum sit vnum aliquo modo, propter eandem auctoritatem Dei reuelantis, quæ est ratio formalis obiecti: vnus & idem specie habitus supernaturalis valere potest ad totum illud obiectum, & complecti quidquid credibile est propter Dei auctoritatem: Licet enim id fiat per actus specie diuersos: vniuntur tamen omnes, seu conueniunt in illo mortuo, & ratione formalis assentiendi, potestque dari vnum specie principium supernaturale, valens ad omnia diuinitus reuelata, & ad multos actus specie differentes: sicut vnus idemque intellectus valet ad omnia intelligibi-

vide Disput.
10. Sect. 6.

lia: & vnus vnus ad omnia visibilia, omneque actus videndi, quantumvis specie diuersos. Habitus enim supernaturales se habent per modum potentie: quia dant posse simpliciter, & non facile posse: idcirco non mirum est, si, ut potentie, valere possunt ad multos actus specie differentes; idque eorum excellentie valde conuenit. Adde quod non producantur physice per actus, sicut habitus naturales, seu acquisiti, qui idcirco multiplicentur specie iuxta specificam diuersitatem actuum, à quibus producantur, & quibus proportionantur, ut suppono ex Philosophia: sed producantur à Deo solo, qui facile potest infundere principia supernaturalia vniuersalia, id est, quæ valeant ad plurimos actus specie diuersos. Vnde collige discrimen esse inter habitum fidei supernaturalis, & habitum fidei acquisitæ: quod ille vnus numero valeat ad omnes veritates à Deo reuelatas: iste autem multiplicetur pro varia specie actuum, per quos producitur sitque vnus tantum moraliter per quandam aggregationem; ut Physica, Metaphysica, & aliz scientiz totales.

Secunda pars conclusionis, quod habitus fidei infusæ sit simplex, intelligenda est primo de ipso habitu fidei præcise sumpto, prout est proximum principium actuum fidei; non autem de aggregato ex habitu illo, & alijs quibusdam habitibus intellectum, & voluntatem ad credendum iuuantibus, ut explicabimus conclusionibus sequentibus. Secundo, intelligenda est de simplicitate opposita aggregationi, seu compositioni morali ex multis habitibus partialibus specie diuersis, qualem esse iam diximus in habitu totali fidei acquisitæ; & compositioni extensivæ partium diuersarum, qualis est in albedine, & similibus qualitatibus corporeis: Neutra enim compositio conuenit fidei infusæ, quæ per eandem entitatem vniam, & indiuisibilem, valet ad omnia credibilia, sicut idem intellectus ad omnia intelligibilia. At non debet intelligi de simplicitate opposita compositioni ex partibus intensiuis, quibus fides intendi possit, & augeri in eodem subiecto. Certum enim est habitus supernaturales Fidei, Spei, & Charitatis, intendi posse, & augeri, iuxta illud Luc. 17. v. 5. *Dominus adauge nobis fidem*: Et in oratione Dominicæ 13. post Pentecosten Ecclesia sic orat, *Da nobis Fidei, Spei, & Charitatis augmentum*. Et Trident. Sess. 6. cap. 10. Et can. 32. affirmat iustos in iustitia crescere, & mereri augmentum gratiæ. Intensio autem qualitatum fit per additionem gradus ad gradum, & inductionem partium intensiuarum, ut ostendimus Disput. 17. Sect. 4.

Secunda conclusio: Præter habitum fidei non infunduntur nobis communiter aliquæ species intellectuales supernaturales circa illius obiectum. Probat: quia non apprehendimus res fidei, nisi modo naturali, per Analogiam ad res sensibiles, si sunt spirituales, & propter illis instrumur aliorum hominum ministerio: eoque melius, quod melius instrumur, vel quod magis valeamus ingenio: acquirendo earum species eodem planè modo, quo acquirimus species rerum aliarum per viam disci-

15.
Probat
esse am-
plex ha-
bitus.

16.
Non in-
fundun-
tur spe-
cies sicut
habitus
fidel.

plinae. Experimur quoque infantes, & adultos, quamvis baptizatos, non posse magis, quam infideles apprehendere obiecta fidei, de quibus nihil audierunt, aut quorum species modo naturali non acquisuerunt. Atqui si species eorum accepissent in iustificatione, possent ea apprehendere, sicut possumus alia cognoscere, quorum species impressas habemus. Experimur, inquam, infantes baptizatos, postquam adoleuerunt, æquè ignaros esse mysteriorum fidei, nisi de illis instruantur, atque alios non baptizatos. Quod non esset, si haberent species infusus. Neque enim egemus instrui de ijs, quorum species iam habemus, sed earum interuentu possumus illa cognoscere, ut patet in rebus alijs. Experimur etiam Hæretici se æquè perfectè apprehendere res fidei, ac antè; & æquè perfectè, imò perfectius, si doctrinà, & ingenio valent, quam fideles indoctos, & rudes. Et alioquin experimento illis posset constare se species aliquas infusus amittere per hæresim: sicut iustificati experientur sibi infundi per iustificationem; quod est falsum. Inuat quidem Deus ut melius, & fortius obiecta fidei apprehendamus ad credendum sicut oportet: at hoc non fit per species infusus, sed per opem diuinam iuantem intellectum, ut per obiecti præsentis determinationem, aut per species naturaliter acquisitas, illud melius, & vehementius apprehendat: sicut oculi, & alij sensus iuantur aliquibus medijs, ut cum huiusmodi obiectis, vel speciebus melius operentur.

17. Species supernat. non sunt necessariae ad credendum.

Vnde collige species impressas supernaturales non esse necessarias ad eliciendum actum fidei supernaturalis; ut communiter docent Theologi, quorum plurimos citat, & sequitur Ripalda lib. 3. de Ente supernat. Disp. 54. Sect. 3. Si enim tales species essent necessariae ad actum fidei supernaturalem, infunderentur nobis in iustificatione, simul cum habitu fidei. Atqui non infunduntur. Ergo non sunt necessariae. Minor patet ex dictis. Maior verò probatur, quia par esset ut utroque principio necessario ad credendum supernaturaliter, habitu scilicet, & speciebus impressis supernaturalibus, effemus intrinsecè, & permanenter instructi, & constituti in actu primo completo. Item quia, si species illæ essent necessariae, non minùs esset conueniens, ut actus fidei eliceretur cum illarum concursu, quam ut eliciatur à principio vitali intrinseco completo per habitum. Itaque licet primus actus credendi, quo disponimur ad iustificationem, fieret sine concursu speciei nondum infusæ, sicut fit absque concursu habitus nondum infusi, & naturæ posterioris: par tamen esset ratio ut alij actus fidei, qui post iustificationem exercentur, procederent à vitali potentia, instructa specie impressa, æquè ac habitus.

18. Satisfit arg. contrarij.

Obijcies speciem concurrere ad cognitionem obiecti. Ergo ut connaturaliter concurrat ad cognitionem fidei supernaturalem, & de obiecto supernaturali, debet ipsa esse supernaturalis. Item si Deus videretur concurrente specie impressa; deberet illa necessario esse supernaturalis: & concursus Dei obiectivus, seu

determinativus, vice speciei, ad sui visionem, est supernaturalis. Ergo species concurrentes ad actum fidei supernaturalis debent pariter esse supernaturales.

Ad primum Respondeo, species impressas non concurrere effectivè ad cognitionem, sed determinativè tantum, ut alibi diximus. Et quamvis concurrerent effectivè; possent elevari, æquè ac potentia naturalis, per habitum fidei, vel auxilium æquivalens, ad efficiendum actum fidei supernaturalem. Sicut autem potentia naturalis eleuata non concurrat naturaliter, sed obediencialiter: sic & species impressa obiecti fidei: siue concurrat efficiendo, siue potiùs determinando tantum vice obiecti. Ipsi verò actui fidei non magis est præternaturale fieri mediante specie naturali impressa, sufficiente ad determinandum; quam fieri mediante naturali potentia sufficiente ad intellegendum & concurrendum cum principio eleuante.

Ad secundum Respondeo, disparatem esse rationem visionis Dei, & cognitionis fidei. Nam visio Dei repræsentat Deum sicuti est, germanè, & intuitivè. Cognitio autem fidei non repræsentat revelationem diuinam, & obiecta supernaturalia germanè, & intuitivè, sed abstractivè, & analogicè ad modum naturalium, & materialium. Quamvis autem non possint repræsentari germanè, & intuitivè, ac propriè, supernaturalia, nisi per species supernaturales, aut per determinationem obiecti supernaturalem: secus tamen abstractivè, improprie, & analogicè tantum. Quemadmodum, licet non possit Deus videri sicuti est, sine tali specie, vel concursu obiectivo: naturaliter tamen cognoscitur tantum. Quemadmodum, per creaturas, absque ullo concursu supernaturali.

Porro, sicut alibi diximus actus supernaturales intellectus, & voluntatis producere habitus naturales: quia potentia æquè per illos actus se exercet: ab exercitio autem oritur facilitas, & inclinatio. Sic in præsentì dicendum est, actus fidei supernaturales relinquere species impressas naturales, quæ valeant ad recordationem; neque alias, aut alterius naturæ imprimere, quàm si essent actus merè naturales circa idem obiectum. Ratio est, quia ideo actus nostri imprimunt speciem sui, quia à nobis percipiuntur vitaliter: vnde si leviter percipiuntur, leuem speciem imprimunt. Atqui non minùs percipiuntur supernaturales, quam naturales; imò supernaturalitas ipsa ad perceptionem nihil facit; neque enim ipsa percipitur ut talis, ita ut distinguamus actus supernaturales à naturalibus: Ergo non imprimunt quæ supernaturales, sed quatenus vitaliter percipiuntur eodem modo, quo actus naturales. Ergo non est vnde species illæ differant, multoquè minùs, vnde sint supernaturales. Quod autem actus supernaturales relinquunt aliquam sui speciem, patet experientià: quia non minùs recordamur actum supernaturalem, quàm naturalium: Ergo non minùs relinquunt sui speciem, quàm actus naturales: hoc enim est indicium, ex quo Philosophi colligunt actus relinquere speciem sui.

19. Actus supernat. relinquunt speciem sui.

Dixi in conclusione, communiter non infundi species, &c. quia non est negandum, quin Deus, si velit, possit extraordinarie illas infundere, sicut primo Parenti, & Angelis multas infudit initio creationis.

Conclusio tertia: Præter habitum fidei non infunditur aliquod lumen supernaturale circa res fidei, nisi per lumen illud intelligatur habitus ad rectè iudicandum de credibilitate, quem infundi probabile est, æquè ac habitum pij affectus credulitatis in voluntate. Prima pars huius conclusionis est contra nonnullos affirmantes in fide habituali distinguì debere duas qualitates; vnam, quæ sit lumen fidei; alteram, quæ sit habitus fidei; sicut in naturalibus lumen intellectus distinguitur ab habitu scientiæ. Ad quod probandum adducunt illud 1. Petri 2.

Vocavit nos in admirabile lumen suum: & 2. Cor. 4. v. 6. Qui dixit de tenebris lucem splendescere, ipse illuxit in cordibus nostris ad illuminationem scientiæ claritatis Dei in facie Christi Iesu. Sed hæc distinctio sic intellecta planè superflua est. Alia enim est ratio luminis intellectus, quod idem est cum ipsa potentia; ideòque distinguitur ab habitu superaddito, & subiectivè ad illum se habet; & alia, de lumine fidei, quod nulla necessitas exigit distinguì ab habitu fidei. Quidquid enim illi tribuitur, convenit vni eidemque fidei habituali, quæ & habitus est, quatenus est qualitas permanens, valens ad actus fidei producendos; & lumen quoddam supernaturale habituale, quatenus facit cognoscere res fidei: Omnis quim cognitio, illuminatio quædam est; & omne quod manifestatur, in lumine manifestatur: atque ita Deus vocatus ad fidem, vocat ad lumen admirabile, quo manifestat objecta reuelata: & illuxit in cordibus nostris, quando per habitum, vel per auxilia æquivalentia dat notitiam rerum reuelatarum, ad illuminationem scientiæ claritatis Dei, vel imperfectam huius vitæ, qualem habemus formaliter per fidem; vel perfectam, & plenam; vt in patria, ad quam fides, velut ad finem ordinatur.

Pars secunda conclusionis de duplici habitu, altero infuso intellectui ad iudicandum de credibilitate; altero voluntati, ad volendum liberè credere, & vt bene afficiatur circa fidei honestatem, probatur: quia cum actum fidei supernaturalem, & liberum præcedat necessariò actus voluntatis, qui est supernaturalis; & huic actui voluntatis necessariò præcat similis actus intellectus, quo cognoscitur credibilitas, & vt veta, atque evidens; dignaque assensu proponitur: probabile est infundi duplicem habitum supernaturalem vtique actui respondentem, quo intellectus, & voluntas constituantur permanentem, & completè potentes intrinsecè ad illum eliciendum, vt fidelis sit perfectè & omni ex parte instructus habitualiter ad exercendos actus fidei, qui nunquam producantur liberè sine aliquo actu præiò intellectus, & voluntatis. Confirmatur, quia voluntas non est minùs impotens ad actum volendi efficaciter credere, sicut oportet; quàm intellectus ad actum fidei supernaturalis. Ergo valde conueniens est vt sicut Deus instruit intel-

ctum habitu fidei, quo sit potens intrinsecè constanter, & permanenter ad eum exercendum: sic & voluntatem instruat habitu, quo iuvetur vt efficaciter velit credere. Porro hi duo habitus, fidei præiij, quia toti ad illam referuntur, & propter illam sunt, confunduntur cum illa, sententurque vnus & idem habitus moraliter: vnde etiam simul cum fidei habitu acquiruntur, & perduntur, vt alibi notauimus, Disp. 10. Sect. 10. num. 77.

Obijcies Tridentinum Sess. 6. cap. 7. nullam facere mentionem huiusmodi habituum, sed solum Fidei, Spei, & Charitatis. Et cap. 8. dicit fidem esse radicem, & fundamentum totius iustificationis; quod non esset verum, si ante fidem præiret illi habitus.

Respondeo Tridentinum noluissè id definire, sed nihilominus probabile esse infundi, æquè ac virtutes morales, iuxta D. Thomam, & communem sententiam, quarum tamen virtutum Tridentinum non magis meminit. Cum autem ait cap. 8. fidem esse radicem, & fundamentum iustificationis, loquitur de actu fidei, vt voluntario, & liberè ac prudenter elicitio. Quo pacto iudicium de credibilitate, & actum voluntatis liberum comprehendit.

Conclusio quarta: Habitus prædicti sunt virtutes speciales, ab alijs distinctæ. Ratio est, quia sunt ad bonum determinati, & habent objecta formalia ab alijs diuersa: habitus quidem intellectus, diuinam credibilitatem propositam sufficienter: habitus autem voluntatis, honestatem, quæ est in assentiendo Dei testimonio sufficienter propositio, summeque credibili, propter supremam Dei auctoritatem. Vnde collige priorem habitum esse virtutem intellectualem, quia ad verum determinat: posteriorem esse virtutem voluntatis, quia determinat ad bonum honestum. Collige præterea, hanc virtutem voluntatis non esse ipsam charitatem, vel religionem, vel obedientiam, & similes virtutes. Quia licet illæ omnes possint imperare actum fidei: non tamen imperant formaliter propter ipsammet fidei honestatem: sed charitas, quia Deo placet: religio, quia facit ad cultum Dei: obedientia, quia præceptus est; & sic de reliquis, quarum quilibet respicit suum obiectum formale. At verò hic habitus pij affectus circa res fidei, respicit formaliter, & præcisè, ipsam honestatem, quæ est in adherendo Dei testimonio, & subiuciendo intellectum eius auctoritati; quod nulla alia virtus respicit.

Quod si dicas id pertinere per se ad religionem, quia est actus quidam reuerentiæ, & cultus erga Deum, vt summam veritatem. Respondeo esse quidem aliquem Dei cultum generalius sumptum, qui etiam inest actibus Spei, & Charitatis, alijsque officijs, erga Deum, vt Deum, exhibitis: at non idcirco pertinere ad religionem; quia non fit ex alio seu motivo protestandi excellentiam diuinam, vt summo honore dignam, sicut adoratio, sacrificium, &c. sed ex honestate speciali adherendi per fidem, seu firmum assensum ei, qui fide dignissimus est, quia nec falli potest, nec fallere. Sed neque etiam id pertinet ad virtutem studiositatis,

30.

Vltra habitum fidei non infunditur lumen supernaturale.

11.

Soluitur obiectio.

12.

Habitus illi sunt virtutes speciales.

14.

Differunt à Religione.

vt malè aliqui putant. Aliud enim est moderari studium sciendi, id est, efficere ne homo, aut plus, aut plura scire velit, quàm debeat rectam rationem: aut quæ scienda sunt negligat propter laborem; quod facit studiositas: & aliud, piè velle assentiri Dei testimonio proposito sufficienter, propter honestatem, quæ est in tali assensu dato diuinæ auctoritati tanquam fide dignissimæ.

Supereſt querere, vtrum isti duo habitus, iudicandi de credibilitate, & piè volendi credere, sint virtutes Theologicæ, an potius morales? Respondeo esse quidem reductiue Theologicas, quatenus pertinent ad fidem Theologicam, & vnum moraliter habitum cum illa constituunt: ar non propriè, & per se; quia non respiciunt Deum immediate velut obiectum suum materiale, & formale, sed aliquod creatum: habitus quidem iudicandi de credibilitate, moriua siue argumenta credibilitatis per se euidentiæ: habitus autem volendi credere, ipsum assensum fidei, quem expetit propter ipsum honestatem, quémque immediate respicit vt talem, mediatè verò duntaxat Deum, & eius auctoritatem; quod ad virtutes Theologicas non sufficit; quippe quæ debet immediate versari circa Deum, velut obiectum suum materiale, & formale. Hinc enim vocatur Theologica. Sed quamvis illi habitus essent virtutes Theologicæ, non esset propterea multiplicandus ternarius numerus vulgò datus: tum quia, vt dixi, faciunt vnum moraliter cum fide Theologica; tum & maxime quia numerus ille intelligendus est de virtutibus Theologicis infusis, & reuelatis huius vitæ, vltra quas datur in patria lumen gloriæ; & hic in via datur habitus naturalis scientiæ Theologicæ, & Fidei acquisitæ, Spei, & Charitatis naturalis circa Deum.

SECTIO III.

Vtrum habitus fidei sit virtus intellectualis, & Theologica: & sine practico an speculativo: quémque ordinem seruet inter virtutes Theologicas?

26. **R**espondeo, fidem infusam esse virtutem intellectuales, supernaturalem, & Theologicam, eminenter speculatiuam & practicam, primamque ordine naturæ, seu generationis inter virtutes Theologicas. Prima pars responsi, quòd scilicet habitus fidei Theologicæ sit virtus, traditur communiter à Recentioribus, vt à Banne q. 4. art. 5. concl. 1. in commentar. Suare Disp. 7. Sect. 1. num. 8. Egid. Coninck disp. 16. dub. 3. num. 16. Turrianò disp. 40. dub. 1. Maldero ad quæst. 4. art. 5. dub. 3. & alijs, qui docent habitum fidei diuinæ, etiam præcisè sumptum ab habitu voluntatis, esse per se & essentialiter virtutem intellectualem. Ratio est, quia est per se, & essentialiter determinatus ad rectam operationem, nempe ad assentiendum vero. Atqui omnis talis habitus est essentialiter virtus: Ergo, &c. Maior probata fuit Disp. 3. Sect. 1. & sequenti-

bus. Minor autem sumitur ex D. Thoma 1. 2. quæst. 55. art. 1. Vbi docet virtutem esse habitum determinantem potentiam ad bonum: & ex Arist. 6. Ethic. c. 3. Vbi affirmat habitus illos esse in intellectu virtutes, quibus intellectus perficitur ad proprium opus, quod est veritatem dicere. Pro quo nota nomen virtutis sumi dupliciter. Primò latius, pro quouis principio determinato ad rectè operandum circa obiectum proprium cuiusque potentie: quo modo habitus intellectum determinantes ad verum assensum, sunt virtutes intellectuales. Secundò strictius, pro principio determinato operationis honeste, & bonæ specialiter, tendentis ad bonum honestum vt tale, quod solis competit voluntatis habitibus: & hanc virtutem D. Thomas 1. 2. q. 56. art. 3. vocat virtutem simpliciter, eamque distinguit à virtutibus intellectualibus, quæ versantur circa verum vt tale. Nos hic virtutem priori sensu accipimus cum Arist. loco supra citato; qui si enumerans quinque virtutes intellectuales non meminit fidei; sed tantum intellectus, sapiemtiæ, scientiæ, prudentiæ, & artis; causa est, quia fides diuina erat illi ignota; humana verò non est ad verum determinata, cum falso æquè, ac vero credere possit.

Oppositum sentire videtur D. Thomas q. 4. art. 5. Vbi docet fidem formatam charitate, esse virtutem, quia vt sic est semper principium actus boni: informem verò, id est, præcisè sumptam, & sine charitate, non esse virtutem: quia vt sic non est principium actus boni, & perfecti, siquidem illius actui deest semper bonitas debita ex parte voluntatis. At fides informis, est fides essentialiter; cum sit vera fides, nec quicquam sine sua essentia esse possit: Ergo fides non est virtus essentialiter, sed per accedens tantum ratione charitatis. Addi potest ex Durando in 3. dist. 23. q. 6. quòd virtus sit habitus ad perfectè operandum, vltimà perfectione, quam potentia habere potest: quia est dispositio perfecti ad optimum, vt ait S. Thomas 2. 2. q. 23. art. 7. in corp. post Aristotelem 7. Physic. c. 3. text. 18. At fides non est per se essentialiter talis habitus, imò nec potest constitui talis per charitatem, neque per aliquid aliud. Optimum enim intellectus, & vltima perfectio, est euidens & clara cognitio, quam fides non attingit.

Ad primum respondeo cum Egidio Coninck, Solutur Disp. 16. num. 29. & alijs supra citatis, mentem D. Thomæ esse non negare quin fides sit essentialiter virtus in sensu antea explicato; sed tantum dicere quòd fides informis non sit virtus secundum accidentariam quendam perfectionem, ei conuenientem, ac debitam, vt proſit ad vltimum finem, ad quem refertur; id est, ad vitam æternam; quæ perfectio appellatur status virtutis. Quo sensu D. Augustinus lib. 4. contra Iulianum cap. 3. docet nullam virtutem habere rationem, & statum perfectæ virtutis, nisi possit esse fructuosa, & meritoria vitæ æternæ; contendique nullam veram, & perfectam virtutem nisi in iusto reperiri posse. Quo etiam sensu dicitur Iacob. 2. *Fides sine operibus mortua est.* Sensus ergo D. Thomæ est,

fidem informem, licet sit virtus in suo genere, & gradu non habere statum conuenientem virtuti supernaturali, ad vitam æternam ordinatæ: atque ita non habere rationem perfectæ virtutis. Confirmatur ex eodem D. Thoma quæst. 13. art. 7. in corp. Vbi dicit, aliquo modo nullam esse veram virtutem sine charitate; & alio modo esse virtutes quasdam sine charitate. Cùm enim (inquit) virtus ordinetur ad bonum: & bonum sit principaliter finis: istæque sit duplex: vnus vltimus, & alius proximus. Si virtus sumatur, prout ordinat ad principale bonum hominis, quod est vltimus finis; sic nulla vera virtus potest esse sine charitate. Si verò accipitur virtus secundum quod est in ordine ad aliquem finem particularem; sic potest aliqua virtus dici sine charitate, inquantum ordinatur ad aliquod particulare bonum.

Ad secundum respondeo primò, definitionem illam D. Thomæ, sumptam ex Arist. posse hoc sensu intelligi, quòd virtus sit dispositio perfecti, id est, supremæ partis animæ, intellectus scilicet, & voluntatis, ad optimam operationem circa suum obiectum, verum scilicet, & bonum honestum. Secundò respondeo, illam definitionem non esse virtutis in communi; sed esse virtutis summæ, & tendentis ad vltimum finem; vt exponit D. Thom. verbis modò relatis: eandemque non rectè tribui Aristoteli, quasi per eam definierit virtutem generatim. Aristoteles enim tantum asserit virtutem esse perfectionem quandam: idque probat, quoniam vnumquodque tunc maximè perfectum est, quando est adeptum propriam virtutem, & maximè secundum naturam. Quibus posterioribus verbis significat posse esse varios virtutum gradus. Quare id tantum rectè ex illo colligitur; quòd cùm vnumquodque sit maximè perfectum, quando adeptum est propriam virtutem, & maximè secundum naturam; sequitur maximam virtutem esse maximam perfectionem: ita tamen vt virtutes non-maximæ, sint etiam perfectiones, licet non maximæ, sed singulæ in suo ordine. Neque vniuersum est de ratione virtutis vt inclinet ad summum bonum potentie, aut illud attingat summà perfectione: alioquin vna tantum esset virtus in qualibet potentia: sed sufficit vt tendat determinatè ad bonum & perfectionem potentie.

Secunda pars responsi initio Sectionis dati, quòd scilicet habitus fidei sit virtus intellectualis, probatur, quia valet per se primò ad intelligendum, daturque vt compleat intellectum, & eleuet ad actum credendi supernaturalem, qui est actus intellectus, vt patet ex dictis Disput. 10. Sect. 1. præcipueque ex Apost. qui postquam dixit Hebr. 10. v. penult. *Insuper autem meus ex fide vivis*, vbi sine dubio sermo est de fide diuina & iustificante; subdit, loquens de eadem fide cap. 11. v. 3. *Fide intelligimus aptari esse sacula verbo Dei*: & paulò post, v. 6. *Sine fide impossibile est placere Deo. Credere enim oportet accedentem ad Deum quia est, & quòd inquirentibus se remuneratore sit*. Intelligite autem est manifestè actus intellectus. Credere quoque Deum esse, & esse remuneratorem, non

est actus voluntatis appetentis aliquam bonitatem, sed intellectus cognoscentis aliquam veritatem. Patet etiam ex Trid. Sess. 6. cap. 6. & can. 9. vbi actum fidei constituit in actu intellectus, credentis vera esse, quæ diuinitus reuelata, & promissa sunt; eumque distinguit ab alijs actibus, & dispositionibus, quæ sunt in voluntate. Similique modo loquuntur alia Concilia, & Sancti Patres: vt Atracianum can. 7. & Aug. lib. de Prædest. Sanctorum cap. 1. vbi definit credere esse *cum assensione cogitare*. Ratio verò est, quia cognitio intellectus est fundamentum operationum voluntatis: amor enim pendet à cognitione: & firmitas spei, à firmitate cognitionis obiecti quod speratur. Ergo sicut voluntas per spem, & charitatem supernaturalem perficitur: sic intellectus per fidem, à qua vita supernaturalis debet incipere. Sicut etiam voluntas in Dei obsequium per Spem, & Charitatem impenditur: Sic intellectus, quando fidei subijcitur, & in capituitatem redigitur in obsequium Christi, vt loquitur Apostolus 2. Cor. 10. v. 5.

Tertia pars eiusdem responsi, quòd scilicet habitus fidei sit supernaturalis, patet ex dictis Disput. 10. Sect. 1. vbi ostendimus actum fidei, quo credimus sicut oportet ad iustificationem, esse supernaturalem, & quidem in substantia: talémque, vt neque ipse, nec similis in specie, possit fieri solis viribus naturalibus, & sine concursu alicuius causæ supernaturalis eleuantis. Ex quo sequitur habitum fidei, qui est huiusmodi actui proportionatus, quique est illius principium connaturale, debere esse supernaturalem in substantia. Confirmatur, quia à solo Deo infunditur gratuito; & dispositio ad illum prærequisita in adultis, est huiusmodi, vt sine præueniente Spiritus sancti inspiratione, & eius adiutorio, haberi nequeat; vt docet Trid. Sess. 6. can. 3. & cap. 5. 6. & 7. post Atracianum. can. 6. & 7. & Mileuit. can. 4.

Quarta pars, quòd habitus fidei sit virtus Theologica, patet similiter ex dictis Disput. 1. de obiecto materiali & formali fidei. Ostendimus enim obiectum materiale principale fidei, esse Deum, tum secundum quod in seipso est, tum vt est principium, & finis creaturarum, præcipueque rationalium: Formale verò esse quoque Deum, vt primam veritatem reuelantem, propter cuius auctoritatem credimus quicquid ab illo reuelatum est, & sufficienter propositum. Omnis autem habitus, qui habet Deum pro obiecto formali, atque etiam pro materiali principali, est virtus Theologica. Eademque de causa habitus Spei, & Charitatis, sunt virtutes Theologicae, quia versantur circa Deum, vt obiectum, quod amant; & vt motum formale, propter quod amant: Spes quidem, prout Deus est summum bonum nostrum: Charitas verò, prout est in seipso bonus, & summo amore propter se dignus.

Porro non sufficit ad virtutem Theologicam, respicere Deum quocumque modo: aliqui religio, & iustitia erga Deum, & obedientia, vel gratitudo erga eundem, essent virtutes Theologicae. Nam religio Deum attingit, cui honorem, & cultum, propter summam ipsius

29.
Fides est
virtus intel-
lectualis.

30.
Est super-
naturalis
in sub-
stantia.

31.
Est vir-
tus Theo-
logica.

excellentiā exhibet: & iustitia similiter, obedientia; & gratitudo erga Deum, versantur circa Deum, vt obiectum cui debitum iustitiæ, vel obseruantia, vel gratitudinis exhibent. Non sufficit, inquam, quod virtutes, quæ Theologicæ vocantur, quomodocumque Deum respiciant: sed requiritur, vt illum attingant directè, & immediatè, tanquam obiectum quod, principale inter materialia, atque etiam formale. Quemadmodum Fides, Spes, & Charitas illum respiciunt: at non religio, quæ immediatè versatur circa cultum, & honorem Dei, id est, circa signa, interna, vel externa diuinæ excellentiæ, quæ signa vult, & imperat potentijs, à quibus exhibentur, quia recta ratio postulat exhiberi. Iustitia verò versatur immediatè circa debitum, & indebitum ex iure: & obedientia vel gratitudo, circa debitum ex obseruantia, vel ex gratitudine.

Notandum tamen est ternarium virtutum Theologicarum esse intelligendum de virtutibus supernaturalibus huius viæ, & certò reuelatis. Ultra quas tamen lumen gloriæ in patria non minùs est virtus Theologica, quàm Fides: & habitus naturales Fidei, Spei, & Charitatis circa idem obiectum, sunt virtutes Theologicæ, quamvis inferiores supernaturalibus: sed excludantur ab illo ternario ob rationem allatam: propter quam etiam donum sapientiæ, vel intellectus, aut scientiæ, & similia, ab eodem numero excludenda sunt, quia non certò constat dari tales habitus supernaturales à fide distinctos. Ob eandem causam excluditur ab hoc ternario habitus Theologiæ, quamvis immediatè Deum attingat, vt obiectum materiale principale, atque etiam formale, discurrendo ex principijs reuelatis, quibus propter auctoritatem Dei assentiunt: & propter illa, conclusionibus legitimè deductis.

Quinta pars eiusdem responsi, quod habitus fidei infusæ sit eminenter speculatiuus, & practicus, est Caietani, & Bannez ad art. 2. q. 4. Valentis q. 4. p. 2. Suarez Disp. 7. Sect. 1. num. 7. Neque dissentiant in re ipsa Egidius Coninck disp. 16. dub. 2. num. 16. & alij, quos citat, cum aiunt esse formaliter speculatiuum, & practicum, quia elicit aliquas cognitiones formaliter speculatiuas, & alias formaliter practicas. Fateor enim hac ratione dici posse formaliter speculatiuum, & practicum. Quia tamen in vna simplici entitate vim vtramque continet, dicitur non immeritò eminenter speculatiuus, & practicus, quatenus vtrique rationi seorsum sumptæ supereminet, magisque se extendit: sicut intellectus ipse est eminenter speculatiuus, & practicus. Ratio verò huius partis est, quia inter assensus fidei, quidam sunt speculatiui, vt Deum esse trinum; & quidam practici, vt Deum esse summè amandum: Sicut inter obiecta reuelata quædam sunt purè speculabilia, & quædam practica. Nec immeritò, quia homines non tantum egent reuelatione diuinā ad cognoscendas veritates speculabiles; sed etiam ad cognoscendas quasdam practicas, & practiæ sunt; cum intellectus, se solo, non possit eas vel omnino, vel tam perfectè attingere. Habitus autem fidei infusæ ad

hæc omnia valet: Ergo est simul speculatiuus, & practicus.

Contrarium videtur sentire D. Thomas q. 4. a. 2. ad 3. vbi ait fidem esse in intellectu speculatiuo tanquam in subiecto; & fieri extensione practicam, quia per charitatem operatur. Contrà verò Scotus q. 4. Prologi, §. *ad questionem*, affirmat fidem esse simpliciter practicam, quia omnis cognitio apta mouere ad rectum affectum voluntatis est practica. At fides, etiam quatenus per eam credimus ea, quæ de Deo, eiusque natura reuelata sunt, mouet affectum voluntatis; quia incitat ad Deum amandum, & colendum. Ergo etiam quæ talis est practica. Sed D. Thomas intelligendus est, vt exponitur à Caietano, de fide non adæquatè sumpta, sed prout respicit suum primarium obiectum, & magis principale, quod est Deus vt in seipso est. Ad Scotum verò respondeo cum Egidio Coninck num. 17. vt cognitio aliqua sit practica, non sufficere quod apta sit mouere affectum aliquo modo; sed requiri, vt per se, & immediatè respiciat operationem, præscribendo agendum esse, vel non esse agendum; aut docendo modum, quo agendum, vel non agendum est. Cuiusmodi sunt istæ, Diliges Dominum Deum tuum ex toto corde tuo, &c. Oportet vos nasci denuo: Pœnitentiam agere, & baptizetur vnusquisque vestrum, &c. Secus autem istæ, Spiritus est Deus; In principio erat verbum: Tres sunt qui testimonium dant in cælo, &c.

Sextò denique, quod fides sit prima, generationis seu naturæ ordine, inter virtutes Theologicas, probatur, quia Trid. Sess. 6. cap. 7. fidem primo loco ponit inter habitus, quibus perficitur iustificatio: atque fidem infusam inchoare nostram vnionem cum Christo, fed non perfectè illi vnire, neque corporis eius viuum membrum efficere, nisi ad eam Spes accedat, & Charitas. Loquitur autem de Fide, Spe, & Charitate, deque vnione habituali & permanente cum Christo, vt patet ex verbis antecedentibus & consequentibus. Et cap. 6. ait dispositionem ad iustificationem incipere ab actu fidei, ex quo sequuntur actus Spei, Timoris, Pœnitentiæ, & Dilectionis. Eundemque ordinem Paulus obseruat 1. Cor. 13. v. 13. Et Hebr. 11. v. 1. dicit fidem esse substantiam, id est, basim, & fundamentum rerum sperandarum, & consequenter Spei; quia proponit certò quæ speranda sunt. Estque par ratio, vt sit etiam fundamentum Charitatis, quia proponit quæ diligenda sunt. Atque inde sumitur ratio assertionis: quia scilicet fides est in intellectu ad assentiendum doctrinæ diuinæ, per quam nobis offeruntur quæ speranda, vel diligenda sunt. Priùs autem est intellectum instrui ad assentiendum, quàm voluntatem ad sperandum, vel amandum. Item, nunquam infunduntur aliæ sine Fide: Fides autem sine illis infunditur interdum, atque etiam remanet; vt de Charitate affirmat Trid. Sess. 6. cap. 15. Fides etiam sepe operatur sine alijs; aliæ verò non operantur in statu viæ sine præuia cognitione Fidei. Ex quo colligitur fidem habere aliquam prioritatem ordine naturæ, seu generationis, respectu Spei,

33.
Contra-
riva as-
tutus.

34.
Sine pri-
ma vir-
tutum.

Est emi-
nenter
specula-
tiuus, &
practica.

& Charitatis, atque etiam virtutum moralium supernaturalium cum Charitate infusarum, non modo quoad actum, verum etiam quoad habitum, qui propter actum infunditur, illique proportionatur. Licet etiam non sit naturalis & necessaria subordinatio inter habitus, sicut est inter actus: est tamen conveniens prius infundi habitum illius virtutis, cuius actus præsupponitur aliarum actibus: atque ita est quædam subordinatio moralis inter habitus illos. Idem etiam sancti Patres affirmant, cum adiungunt fidem esse fundamentum ædificij spiritualis consistentis in Fide, Spe, & Charitate. Vt D. August. Serm. 10. de verbis Apostoli, ubi dicit *Domum Dei credendo fundari, sperando erigi, Charitate perfici*. Et Origen. in cap. 4. Epist. ad Roman. longè post medium, *Prima salus initiata, & ipsa fundamenta, ipsa fides est: profectus verò, & augmenta ædificij, Spes est: perfectio autem, & culmen totius operis, Charitas*. Et Clemens Alexandr. lib. 2. Stromat. *Fides*, inquit, *est prima in Deum inclinatio: post quam amor, & spes, & penitentia*. Et inferius: *Præcessit fides, sumor autem ædificat, perficitur autem dilectio*.

Dixi fidem esse primam naturæ ordine, seu generationis: quia non est prima ordine dignitatis, seu perfectionis: sic enim maior est Charitas, ut dicitur 1. Corinth. 13. v. ult. & fides accipit à Charitate statum, & perfectionem virtutis, ac sine illa non prodest ad salutem, ut Sect. sequenti exponemus, & Paulus ibidem confirmat v. 2. Quare non est prima perfectione, sed inferior Charitate, à qua summè perficitur. Dixi præterea, esse primam inter virtutes Theologicas; quia si comparatur cum virtutibus naturalibus, non est illis prior generatione: Nam ante fidem infusam, & ante revelationes diuinas cognitæ, possunt esse actus aliqui recti in intellectu, & in voluntate, per quos acquirantur habitus. Quod etiam docet S. Thomas q. 4. art. 7. neque repugnat D. August. lib. 4. contra Iulian. cap. 3. ubi quod ait, fortitudinem, & humilitatem, aliasque virtutes naturales non esse veras virtutes, intelligendum est, non de veritate essentiarum virtutis, sed de veritate perfectionis accidentariorum, congruentis, & conducentis ad vitam æternam: iuxta ea, quæ diximus suprà n. 27. de Fide sine Charitate. Fides insuper non est prior scientiæ, & alijs virtutibus intellectualibus naturalibus, quæ sine illa esse possunt; neque cum illis hic comparatur fides supernaturalis, sed cum alijs Theologicis, vel etiam, cum moralibus infusis, quæ pariter fidei cognitionem ad operandum præsupponunt: sequuntur enim lumen fidei, non lumen purum rationis naturalis; sicut voluntas sequitur cognitionem intellectus, & non sensus, ut facit appetitus inferior.

Notandum tamen est Charitatem, & Spem, aliasque virtutes supernaturales non ita necessario præsupponere Fidem, & eius actus; quin sine illa operari possint ex alia æquivalenti, vel nobiliori notitia; ut in Christo, & in Beatis. Illa ergo dependentia non est ex mera rei natura, sed ex diuina ordinatione, quæ puris viatoribus lumen fidei dedit ad dirigendos actus supernaturales voluntatis. Præterea, ut fides

simpliciter prima censetur ordine generationis inter omnes alias supernaturales, nomine Fidei intelligendi sunt, tum habitus assentiendi veritatibus à Deo reuelatis, tum etiam habitus volendi credere, & iudicandi de credibilitate. Hoc enim totum præcedit reliquas virtutes, & pertinet per se ad fidem. Inter hos verò tres habitus non constat habitum assentiendi prius naturâ infundi, quàm habitum volendi credere, vel habitum iudicandi de credibilitate: Qui quemadmodum quoad actum præsupponuntur actui fidei naturæ ordine, possunt etiam præcedere quoad generationem. Prius enim est iudicium de credibilitate; quàm actus volendi prudenter, & efficaciter credere, qui per iudicium tale dirigitur. Et prius est actus volendi credere, quàm assensus credendi ex imperio, & consensu voluntatis.

SECTIO IV.

An, & quomodo habitus Fidei pendeat à Charitate?

Conclusio prima: Habitus fidei supernaturalis non pendet simpliciter à Charitate in fieri, sed potest ante illam infundi, & probabiliter infunditur, quoties quis ad fidem committitur per actum fidei supernaturalem, antequam sufficienter disponatur ad iustificationem: simulque cum illo infunduntur habitus piè volendi credere, & iudicandi de credibilitate, velut accessorium iunctum principali. Prima pars huius conclusionis est D. Thomæ q. 6. a. 2. ad 3. ubi expressè docet fidem aliquando dari sine Charitate: idemque tenent Caietanus, Bannes, Valentia, Suares, Aggidius, Turrianus, & plures alij. Ratio præcipua est, quia talis dependentia Fidei à Charitate neque ex Scriptura, neque ex Concilijs, aut aliunde constat; & alioquin convenientius est fidem prædicto modo infundi: Ergo probabilius est Deum ita infundere. Pars prima antecedens parebit ex solutione argumentorum. Secunda Et sæpe verò probatur, quia Deus paratus est conferre dona sua sufficienter dispositis, & non ponentibus obicem. At ille qui exercet actum fidei supernaturalem, est dispositus sufficienter ad fidem habitualement: cum actus ille sit eiusdem ordinis, & perfectionis, & ad illam se habeat ut contritio ad charitatem; neque aliunde ponit obicem, quia non peccat per infidelitatem, cum è contrario credat actui quod autem sit in peccato habituali, nondum remisso, non obest; quia fides habitualis esse potest, & manere in peccatore; neque enim annuitur per quodvis peccatum mortale, ut dicemus inferius. Confirmatur, quia potest quis baptismum recipere cum sufficienti dispositione ad fidem, & sine sufficiente dispositione ad Charitatem. Baptismus autem dat illum omnem effectum secum, cui non ponitur obex; sicut semper imprimit characterem, quia character non habet obicem.

Contrarium sentiunt aliqui veterum Scholasticorum in 3. dist. 23. ant. 36. Vega lib. 1. in

35.
Saltem
naturæ
ordine,
& genera-
tionis
prima est
inter
Theologi-
cas.

36.
Potest in-
fundi pri-
us chari-
tate.

Et sæpe
infunditur
prius rei-
t.

Quomo-
do alijs
præsup-
ponatur?

Contra-
ria se-
ctot.

Trident. cap. 28. & Sotus ex parte, lib. 2. de Gratia, cap. 8. Probant primò, quia ex nostra sententia sequeretur fidem nunquam infundi adultis in baptismo. Nam actus fidei supernaturalis ad baptismum prærequiritur velut dispositio necessaria ad illius effectum: posito autem actu infunditur habitus ante baptismum. At hoc repugnat Concilio Viennensi, supponenti ut certum, fidem adultis in baptismo infundi. Secundò, Trid. Sess. 6. cap. 7. ait in iustificatione cum remissione peccatorum simul accipi Fidem, Spem, & Charitatem. Ergo fides non infunditur ante charitatem. Tertiò, cum ante iustificationem homo sit in peccato mortali, & inimicus Dei, non convenit fidem illi infundi, quæ tam excellens, donum est. Et si est in peccato habituali infidelitatis, quomodo potest illi fides infundi non remisso peccato repugnante incompatibiliter? Quod enim repugnet, patet ex eo quòd fides præexistens destruitur per peccatum infidelitatis. Atqui peccatum hoc non minùs illi repugnat in fieri, quam in conservari; & aliunde, plura requiri solent ad fieri, quam ad conservari. Quartò, Deus non dat salutem dimidiatam, & imperfectam, ex August. lib. de Vera, & falsa Penitentia cap. 9. Et D. Thomas 1. 2. q. 62. art. 4. docet actus quidem fidei esse priores ordine generationis actu Charitatis; habitus tamen simul infundi. Quintò, sequeretur habitus infusus non esse æquales in iusto. Si enim habitus fidei infunditur sine Charitate; potest etiam intendi, non intensà Charitate. Sextò, licet peccator exerceat actus supernaturales virtutum moralium; non propterea illas recipit, sed infunduntur simul cum gratia, & Charitate; Ergo fides similiter.

Ad primum respondeo, Concilium Viennense docere tantum infundi nobis habitus Fidei, Spei, & Charitatis in baptismo, quantum est ex vi illius, id est, si non ponatur obex, infunduntur in baptismo, vel primò, vel quoad augmentum. Infundit enim baptismus aliquid ex opere operato, supra id quod præcessit ex opere operantis: quemadmodum si quis confitetur Sacramentaliter, & absoluitur, præviâ contritione perfectâ; recipit aliquid gratiæ virtute Sacramenti, ultra id quod præcisè respondet contritioni, ut operi operantis, id est, spectatæ sine Sacramento. Et qui per contritionem Charitate perfectâ iustificatur ante susceptionem baptismi, accipit vi illius augmentum gratiæ seu Charitatis.

Ad secundum respondeo Tridentinum eodem modo, quo Viennense intelligendum esse: & addo particulam, *simul*, non semper significare temporis simultaneitatem, sed intermedium connexionem solam, & idem esse, ac *pariter*, *equè*, *perinde*: ut Psalm. 13. *Omnes declinaverunt, simul inuicem falsi sunt*. Et Ecclesiast. 18. *Qui vivit in aeternum, creavit omnia simul*. Et mens Tridentini erat tantum definire hæc tria haberi per iustificationem perfectam, quia sine his tribus perfectâ vniò cum Deo esse non potest, ut addit immediatè post; quicquid sit de prioritare, vel simultate infusionis, quæ ad vniòis illius perfectionem imperiens est. Denique Cou-

cilium loquitur vniuersim de iustificatione tam infidelis, quam fidelis lapsi in peccatum mortale, cui tamen fides non primùm infunditur, cum eam non auiserit, si non peccauit peccato infidelitatis: iuxta doctrinam eiusdem Concilij Sess. 6. cap. 15. de qua plura dicemus paulò post.

Ad tertium respondeo, non haberi rationem indignitatis, sed dispositionis sufficientis. Nam etiam qui peccat mortaliter alio peccato, quam infidelitatis, est indignus tanto Dei dono; & tamen ei non auferitur. Peccatum verò actuale infidelitatis, id est, dum actu committitur, repugnat quidem incompatibiliter fidei habituali secundum præsentem Dei ordinationem; at non ita peccatum habitualiter tantum morali modo remanens; ad cuius destructionem fides illa utilis erit, concurrente ad vnam è dispositionibus necessariò præuijs remissioni illius peccati.

Ad quartum: auctor libri citati, qui non est Augustinus, loquitur de remissione vnius mortalis sine alio. Absolutè verò, & generalis loquendo, Deus dat quidem salutem perfectam sufficienter disposito; imperfectè verò disposito, imperfectam. D. Thomas autem affirmat tantum non esse necessariò naturæ ordinem inter habitus illos infusos per se sumptos, sicut est inter actus, sed quantum est ex se, simul infundi posse.

Ad quintum: non est incommodum quod sequitur; habitus scilicet infusus fore inæquales in homine iusto. Lumen autem gloriæ respondebit in cælo intensiōni gratiæ, & charitatis. Ad sextum: non est quoque inconueniens prius infundi virtutes morales, si prius earum actus supernaturales exerceantur. Neque verum est quod Suares, & alij quidam affirmant, has virtutes manare à gratia, ideoque non infundi ante illam, sed ab ipsa profluere. Nam gratia non distinguitur à charitate, ut alibi probauimus: vna autem virtus supernaturalis non est principium efficiens alterius; sed omnes immediatè à Deo solo physicè efficiuntur, Sacramentis, & Christi meritis moraliter tantum concurrentibus, vel actibus nostris, per modum dispositionum moraliter prærequitarum. Quòd si, ut docent communiter Theologi, & ego non diffiteor, virtutes illæ morales non infunduntur, nisi cum charitate, & amissâ illâ, simul pereunt; alia causa huius rei assignari debet; nimirum, quia non dantur nisi in gratiam charitatis, ad illius comitarum, & ornatum, suntque veluti accessorium quid sequens principale, sicut diximus de habitibus fidei præuijs, in secunda parte conclusionis, quæ ex dictis Sectione superiori clara est.

Conclusio secunda: Habitibus fidei supernaturalis non pendet simpliciter in conservari à charitate, sed sæpius manet illà destructâ. Est de fide, ex Trident. Sess. 6. can. 28. *Siquis dixerit amissâ per peccatum gratiâ, simul & fidem amitti: aut fidem, quæ remansit, non esse veram fidem, licet non sit vniò: aut eum, qui fidem sine charitate habet, non esse Christianum, anathema sit*. Et cap. 15. docet fidem non amitti, nisi per peccatum infidelitatis: Gratiam verò, quovis

394

vide
mus: 2. Dis-
po. Sect. 4.

40.
Fides ma-
nere po-
test sine
charita-
te.

quovis peccato mortali. Paulus quoque 1. Cor. 13. dicens, *Si habuero omnem fidem, & charitatem autem non habuero, nihil mihi prodest*: si de habitibus loquitur, significat vnum sine alio esse posse. Ex eodemque loco D. Augustinus 15. de Trinitate cap. 187 rectè infert sine charitate fidem esse posse, sed non & prodesse; quia ipsam fidem non facit vtilem, nisi charitas. Idem alij Patres, de quibus vide Bellarminum lib. 1. de Iustificacione cap. 15. Ratio verò est, quia si fides non potest conservari sine charitate; vel hoc est ex Dei ordinatione, quia Deus statuit non conservare sine illa; vel ex ipsa rei natura. Non primum: quia de tali ordinatione non constat per revelationem, aut testimonium fide dignum; imò potius constat oppositum ex Trid. & alijs infra citandis. Non etiam secundum: quia fides est virtus distincta à charitate, & prior illà, veluti eius fundamentum; fundamentum autem potest esse sine reliquo edificio; licet non vice versa.

41.
Error co-
trarius
Caluini-
starum.

Disput. 1.
Sect. 1.

Contrarium sentiunt Calvinistæ, affirmantes veram fidem nunquam esse sine charitate, & nunquam amitti: fidem verò sine charitate, & ad tempus, esse fictam, & falsam; vt videre est apud Molinæum in clypeo fidei, ad art. 21. & 22. Per fidem autem intelligunt actum credendi certissimè peccata sibi esse remissa, & diuinas promissiones generales ad se pertinere, quam vocant fidem iustificantem. Sed hæc fides alibi fuit refutata, velut imaginaria, & male fundata, cum nusquam reuelatum sit peccata mihi, vel tibi in particulari esse remissa. Neque minus falsum est fidem veram amitti non posse: cum de fidelibus, Christo per fidem veram insertis, dictum sit Ioan. 15. v. 2. *Omnem palmis in me non ferent: in fructum, tollet eum.* Et v. 6. *Si quis in me non manserit, mittitur foras, sicut palme, & aestet, & colligunt eum, & in ignem mittunt, & ardet.* Et 1. Timoth. 1. v. 6. *A quibus, scilicet corde puro, conscientia bona, & fide non ficta, quidam aberrantes, conuersi sunt in vaniloquium;* Et v. 19. *Quam quidam repellentes, circa fidem naufragauerunt.* Et cap. 4. v. 1. *In nouissimis temporibus discedent quidam à fide, verà scilicet, in qua prius erant.* Denique nisi vera fides amitti posset, frustra diceret Paulus Rom. 11. v. 20. *Fracti sunt rami, vt ego inserar. Bene propter incredulitatem fracti sunt.* Tu autem fide stas, noli alium sapere, sed time: *st enim Deus naturalibus ramis non pepercit, ne forte nec tibi parcat.* Frustra etiam Paulus moneret fideles, vt caueant ab Hæreticis, ne amittant fidem; quia sermo eorum serpit vt cancer, 2. Timoth. 2. v. 17. Denique fides pendet à libertate nostra in conservari, æquè ac in fieri: vt Scriptura docet locis modo citatis. Quare sicut aliqui liberè eam initio reijciunt; ita & liberè perdunt. Nusquam verò Deus promissit se non passurum, vt qui fidem semel accepit, nunquam eam perdat: Sed potius 2. Timoth. 2. v. 12. dicitur, *Si negauerimus, & ille negabis nos.*

41.
Refelli-
tur ex
Scriptu-
ra, & pro-

Posse autem manere fidem amissa charitate, patet ex Iacob. 2. v. 14. *Quid proderit, fratres mei, si fidem quis dicat se habere, opera autem non habeat, numquid poteris fides saluare illum?*

Tomus III.

Fidem enim esse sine charitate; idem est in baror 6-
adultis, atque esse sine operibus; quia chari-
dem ma-
tatem operatur, si est. Maximè in sententia Cal-
uini starum, qui non agnoscent charitatem ha-
bitualem, sed tantum actualem, consistentem
in actibus, seu operibus dilectionis. Neque
respondeant Iacobum non loqui de fide vera.
Nam fides non vera, non est fides. Quare po-
tius dixisset Iacobus, si quis dicat se fidem ha-
bere sine operibus, mentitur, aut fallitur:
quia illa non est vera fides. At hoc non dixit
Sanctus ille Apostolus: sed potius supponens
esse veram fidem, subiungit, *Nunquid poteris
fides saluare illum?* Deinde, Iacobus de eadem
fide loquitur, cum dicit, sine operibus mor-
tuam esse; & cum operibus iustificare, seu ex
operibus consummari, vt mox subdit de fide
Abrahæ. Atqui fides iustificans ex operibus,
est vera fides: Ergo & fides illa que sine operi-
bus mortua est, vera tamen fides est. Adde il-
lud 1. Cor. 13. v. 2. *Si habuero omnem fidem, &c.*
Vbi non loquitur Paulus de fide ficta, sed de
verà; & plenà, & valde mirabili: ait enim, *Si
habuero omnem fidem, ita vt maner iustificatus.*
Item, de fide illa loquitur, de qua in fine ca-
pituli concludit, *Nunc autem n. anent Fides, Spei,
Charitas, ita hæc maior autem horum est Charitas.*
Loquitur autem hic sine dubio de vera
Fide, Spe, & Charitate. Deinde Paulus non
hoc dixit per exaggerationem, ex hypothesi
impossibili: sed potius alludit ad illud Christi
Matth. 7. v. 11. *Non omnis qui dicit mihi, Domine,
Domine, intrabis in regnum celorum, &c.*
Et Ioan. 12. v. 43. *Multis ex Principibus crediderunt in eum, sed non confitebantur: Timebant enim magis gloriam hominum, quam gloriam Dei.*
Credabant ergo per fidem, & non diligebant
per charitatem; vt rectè exponit S. Augustinus
tract. 53. & 54. in Ioan. Et credebant verà fide,
sicut de alijs dicitur quod non credebant. Ergo
fides vera in illis erat sine charitate, propter
timorem hominum. Ergo simili modo esse po-
test in peccatoribus, qui, credentes licet, ab
eadem charitate, propter timorem, aut alium
malum affectum, deficiunt.

Obiectiones Calvinistarum solutas vide Error co-
apud Bellar. cap. cit. & Sæmæ lib. 11. de Gra-
tia cap. 5. Breuitè dico, falsò eos supponere
fidem solam iustificare: & nunquam posse per-
di iustitiam, quin fides perdat, quia qui si-
dem habet, hoc ipso iustus est, ac proinde in
charitate. Nam id apertè repugnat verbis Iacobi
Apost. cap. 2. v. 24. *Videris quoniam, ex
operibus iustificatur homo, & non ex fide tantum.*
Et v. 26. *Sicut enim corpus sine spiritu mortuum
est, ita & fides sine operibus mortua est.* Et 1. Cor.
13. *Si habuero omnem fidem, &c. Charitatem au-
tem non habeam, nihil mihi prodest.* Et Galat. 5.
v. 6. *In Christo Iesu neque circumcisio aliqua va-
let, neque p. apertum, sed fides qua per charita-
tem operatur.*

Frustra etiam contendunt veram fidem sine
charitate & sine operibus esse non posse: quia
iniqui, vera fides proponit Christum vt me-
dium, & Saluatorem; simulque nostram mi-
seriam nobis ostendit: vnde necessariò sequi-
tur amor erga Christum. Deinde, qui confidit

42.
Falsò di-
cant fidem
esse non
posse sine
operibus.

Y

in Deo, ad ipsum confugit: qui autem peccat contra charitatem, ab illo recedit. Implet autem confugere simul ad Christum, & ab eo recedere. Item, Paulus ad Galat. 5. dicit, fidem, veram scilicet, operari per charitatem. Et 1. Ioan. 2. v. 3. *In hoc scimus quoniam cognovimus eum, si mandata eius observemus.* Ergo vera fides non est sine observantia mandatorum. Et Actor. 15. v. 9. *Fide purificans corda eorum.* Ergo quisquis habet fidem, est iustus, & purus. Et 1. Ioan. 5. v. 18. *Omnis qui natus est ex Deo, non peccat, sed generatio Dei conservat eum.* Nascimur autem ex Deo per fidem; Ioan. 1. v. 12. & 13. Ergo qui fidem habet, non est sine charitate: neque potest illam perdere, quia non peccat.

44.
Respon-
detur co-
rum ar-
gume-
ntis.

Ad primum respondeo, amorem illum esse liberum: idque posse libere & culpabiliter amitti; vt de Iudeis dicitur Ioan. 12. v. 43. Aliud autem est credere simpliciter; & aliud, considerare in Deum, quod ad spei virtutem pertinet. Deinde, qui confidit in Deum habitua- liter, non semper actu confidit: neque est opus vt quando peccat, actu confidat: actus enim peccati potest esse sine tali fiducia. Tertiò, potest quis simul peccare & considerare Deum fore sibi propitium aut non imputaturum: vt faciunt Hæretici: Imò potest eo liberius peccare. Ad secundum respondeo, Paulum non dicere, veram fidem semper, aut necessario per charitatem operari; sed tantum affirmare nihil valere fidem; nisi per charitatem operetur. Quare hic locus Scripturæ magis nocet aduersariis, quam fauere. Ad tertium dico, Ioan- nem loqui priori loco de cognitione non nuda, & simplici; sed affectiua, & approbatiua, iuncta scilicet affectui, & obedientiæ, quam non habent, qui peccant. Sicut interdum dicuntur in Scriptura peccatores *negare fidem* peccando, aut non *nosse Deum*, 1. Timoth. 5. v. 8. Et 1. Ioan. 2. v. 4. aliisque locis: qui perinde faciunt, ac si Deum non cognoscerent, & fidem non haberent. *Confitemur enim se nosse Deum, falsum autem negant.* Tit. 1. v. 16. Sic etiam dicitur Deus nescire, & non nosse, quos non amat, Math. 7. v. 27. & cap. 23. v. 12.

45. Ad quartum, Scriptura loco cit. non dicit fidem solâ purificari hominem: sed tantum ait fide cor purificari, partialiter scilicet, quatenus habitus fidei est vna de partibus iustificacionis, in qua cum remissione peccatorum hæc omnia simul infusa accipit homo, per Iesum Christum, cui inferitur, fidem, Spem, & Charitatem, vt ait Trident. Sess. 6. cap. 7. vel etiam disposiciõe quatenus actus fidei est vna de dispositionibus prærequisitis in adultis ad iustificacionem, vt sæpius docet Scriptura, & Trident. cap. 6. & can. 3. Sess. citatæ. Ad quintum respondeo, Ioannem loqui de iusto, Dei filio adoptiuo, operante quatenus talis est, & secundum id quod habet ex generatione diuina; quæ illum conseruat, si eius ductum sequi velit, & auxilijs vi illius concessis cooperari libere ad perseuerandum in gratia: sed non affirmat non posse omnino non peccare; Imò contrarium satis manifestè supponit ibid. v. 15. & 16. fideles sic admonens: *Nobis diligere mundum, no-*

que ea que in mundo sunt. Quod ergo ait, non peccare illum qui natus est ex Deo, sed generatio Dei conseruat illum; hunc habet sensum: quod natus ex Deo, quantum est ex vi illius natiuitatis (que per fidem inchoatur, & per charitatem perficitur) non peccat: quia gratia de se peccato resistit, & ita conseruat illum. Ac si diceretur (inquit D. Thom. 4. contra Gentes cap. 7.) iustus non committit iniuriam: vel sicut vulgari Sermone dicitur, virum nobilem nihil abiectum aut humile cogitare.

Conclusio tertia: Fides in esse viuæ ^{46.} seu formatæ & meritorie, ac status perfectæ virtutis, pendet à charitate, vt à forma extrinseca, & morali. Ita D. Thom. q. 4. art. 3. 4. & 5. & ceteri communiter; sumiturque ex Iacobi 2. v. ultimo, vbi ait fidem sine charitate mortuam esse, sicut corpus sine spiritu mortuum est. Dupliciter autem Charitas est forma Fidei, & aliorum habituum supernaturalium. Nimirum tum quoad actum primum, quatenus per suam præsentiam tribuit illis vt possint meritorie operari: atque etiam sub præsentia excellentiori cohonestat, & Sanctitatem cum illis consummat, cuius ipsa suprema perfectio est. Tum deinde, quoad actum secundum, quatenus refert eorum actus ad finem suum excellentiorem, eisque tribuit moralem quandam bonitatem nobiliorum, ratione finis extrinseci excellentioris, Dei scilicet propter se dilecti, ad quem eos ordinat: sicque illos quodammodo perficit, redditque meritorios viæ æternæ; sed neutro modo charitas est forma intrinseca, & physica fidei: tum quia non est in ipsa vt in subiecto, neque illam componit intrinsece: tum etiam quia id, sine quo aliquid esse potest, non est forma essentialis, & intrinseca illius. At fides, tam quoad actum, quam quoad habitum, potest esse sine charitate, vt supra ostendimus: Ergo, &c. Est ergo forma tantum extrinseca, & moralis, cohonestando ipsam moraliter, & eius actus; eisque statum perfectionem conferendo. Deinde collige fidem habitua- lem, quæ de informi fit formata, vel de formata, fit informis, per accessum, aut abscissum charitatis, eandem numero esse. Primum, quia fides non pendet intrinsece à charitate, neque mutatur per illam in esse physico. Ergo eadem est, siue charitas accedat, siue abscedat. Secundò, fides non semper amittitur, amissa charitate, ex Trident. Sess. 6. cap. 15. & can. 28. Ergo eadem numero fides, quæ erat formata, fit informis; si enim eadem non manet, amittitur; cum tamen Concilium affirmet non amitti, & esse veram fidem sine charitate. Quorum verborum proprietates simplex non patitur expositionem Gregorii de Valentia q. 4. punct. 4. §. *Est autem observandum*, affirmantis non esse certum ex Trident. quod eadem numero fides remaneat, amissa charitate. Si enim non est eadem numero, non remanet fides, sed re verà amittitur, licet alia succedat. Ac si fides succedens solo numero differt, nonne vana & inutilis est illa commutatio! Quis autem dicat Tridentinum de illa loqui? Siquè dicitur non esse speciem eadem, nec vera fides; nonne id aperte repugnat Tridentino assenti

Fides in
esse viuæ
pendet à
charitate.

fidem, quæ remanet amissa charitate, esse veram fidem? Quod si qui Patrum, & Catholicorum negant esse veram fidem, intelligendi sunt, non de veritate ipsiusmet fidei essentiali, seu substantiali; sed de accidentalibus, consistente in perfectione, quam habet à charitate, ut sit viva, & meritoria vitæ æternæ.

47. Neque minus improbabile est quod ait Vasques 1. 2. disp. 91. cap. 4. Tridentinum posse sufficienter explicari de actibus fidei, seu de statu quodam morali, in quo, ratione actuum non interruptorum per actus contrarios, denominatur quis fidelis. Etenim Trid. ibi loquitur de ea fide, & charitate, quam cap. 7. dixerat infundi in iustificatione. Infunduntur autem habitus, non actus. Item, quando cap. 15. dicit amitti gratiam quovis peccato mortali, loquitur de gratia habituali sanctificante, non autem de statu quodam morali solum. Ergo quando ibidem ait in eadem periodo, amitti fidem per peccatum infidelitatis, loquitur de habituali. Id enim postulat sermonis proprietates, & sinceritas.

Certum est infunditur habitus fidei, Spei, & Charitatis, in iustificatione. Porro, in iustificatione infundi habitus Fidei, Spei, & Charitatis, tam certum est ex Trid. Sess. 6. cap. 7. ut sine magno errore in dubium vocari non possit, inquit meritò Suares lib. 7. de Gratia, cap. 15. num. 8. & sine ingentissima temeritate non possit negari, inquit, Dominicus Sotus lib. 2. de Gratia, cap. 19. in fine; imò nec sine hæresi, inquitur Curiel, Lorca, & Malderus, locis citatis ab Egidio Coninck disp. 6. de habitibus supernaturalibus dub. 1. n. 10. quod ipse quoque probabilis esse iudicat n. 32. necnon Valentia, tom. 2. disp. 4. q. 3. punct. 4. §. *Quoad questionem*, Pefantius 1. 2. quest. 10. art. 1. disp. 2. conclusionem 4. Vega lib. 7. in Trident. cap. 24. Granado 1. 2. controverfia 4. de habitibus, disp. 2. n. 4. & Bellarminus lib. 1. de Gratia, & libero arbitrio, cap. 3. §. *conclusionem etiam*, ubi ait contrarium satis aperte videri definitum à Tridentino. Idque de infantibus certum esse ex Trid. fatetur etiam Vasques. Sed negat de iustificatione adultorum: in quo reliqui ferè omnes Theologi ab illo dissentiant, ut ostendimus in tract. de gratia, & iustificatione.

liter autem fides, & alij habitus infusi intenduntur, & augentur, vel ex opere operato per Sacramenta, vel ex opere operantis per actus proportionatos. Semper autem causa physice efficiens, siue primò producens, siue intendens habitus supernaturales, est solum Deus: nam Sacramenta sunt tantum instrumenta moralia, ut suo loco ostendimus. Actus quoque nostri supernaturales, qui ex opere operantis illos acquirunt, vel intendunt, concurrunt tantum moraliter per modum dispositionis morales, aut meriti mouentis Deum ut physice producat, vel intendat. Nam habitus supernaturales sunt similes potentij, pluresque habent de ratione potentie, quam de ratione habitus; quia dant posse simpliciter, & non facile posse: licet vocentur habitus, ad distinctionem potentie naturalis. Atqui potentie nec producantur, nec intenduntur physice per actus, quibus potius præsupponi debent ad hoc, ut vel simpliciter, vel modo magis connaturali fiant. Item, habitus supernaturales latissime patent, valentque in simplici entitate, non ad unam tantum speciem actuum, sed ad plurimas. At actus, qui sigillatim exercentur, & sunt limitati ad suam speciem, non habent vim efficiendi habitum tam vniuersalem, tamque excellentem, & ample entitatis, ac virtutis. Sicut autem probabiliter infunditur fides ante charitatem per actus fidei, velut dispositionem si scientem: ita probabile est augeri per similes actus fidei informis, ut dispositus ad augmentum, vel meritorios de congruo. Atque omnino certum est augeri saltem per actus fidei vitæ operantis per charitatem, siue per meritum de condigno, ex Trid. Sess. 6. cap. 10. & 16. & can. 24. ubi dicit Iustus crescere in iustitia per bona opera facta in charitate à viuis Christi membris: iustitia autem consistit in remissione peccatorum, & habitibus permanentibus fidei, Spei, & Charitatis; ut idem docet cap. 7. Sess. citatæ.

Dico secundò, habitum fidei supernaturalem non creari proprie, sed educi de potentia obedientiali animæ. Cum enim fides, & alij habitus supernaturales sint formæ accidentales, quæ naturâ suâ postulant educi ex subiecto, ipsique inhærere; conuenientius est eorum naturæ, ut educantur de potentia obedientiali animæ, si id fieri possit. Possent autem ostenditur ex eo, quod actus vitales supernaturales, qui sunt eiusdem ordinis cum habitibus, ex illa educuntur; quippe qui sunt concurrentes vitali principio, & efficiente ex seipso, cum auxilio eleuante. Atque ita sentiant Suares lib. 8. de gratia, cap. 2. Et alij Moderni communiter. Dissentiant verò plerique antiquorum, affirmantes habitus supernaturales proprie creari. Primò, quia Scriptura sic loquitur Psalmo 50. *Cor mundum crea in me Deus, & spiritum rektum innoua in visceribus meis*. Secundò, quia Concilia dicunt habitus illos infundi. Atqui non dicerentur proprie infundi, si educerentur de potentia subiecti. Terriò, quia non sunt in potentia subiecti, cum sint supernaturales, ac supra potentiam animæ rationalis, æquè aut multò magis quam anima ipsa sit

Augetur
& intenditur
ipsa
dis.

49.
Nō creatur
sed educitur
de subiecto.

SECTIO V.

Quomodo habitus fidei acquirantur, vel augentur?

48. **D**ico primò, fidem, sicut & reliquos habitus infusos, acquiri, vel per Sacramenta ex opere operato, id est, virtute ipsius Sacramenti; vel per actus proportionatos, tantquam dispositiones, ex opere operantis; qui actus non procedunt ab habitu; siquidem ei præsupponuntur naturâ prius, suntque illius causæ dispositiue; sed à potentia naturali, Deo illam iuuante specialiter, & eleuante, atque habitum supplente quoad concursum, & vim efficiendi. Reliqui verò actus, qui post infusionem habitus exercentur, sunt cum eius concursu, & auxilio Dei proportionato. Simi-

Acquiruntur dupliciter.

supra materiam, & corpus: Nam formæ infusæ sunt præstantiores substantiæ Angelicæ; multoque magis animâ humanâ.

Satisfit
argum.
cōtrarijs.

Ad primum respondeo, *Create sæpe in Scriptura sumi pro iucere*, & ipsis actibus vitalibus tribui; vt Ephes. 2. v. 10. *Creati in operibus bonis*. Secundo dico, Scripturam hic fortè vt nomine creationis, vt significet iustificacionem à peccato (de qua David loquebatur) fieri ex nihilo moraliter, id est, ex nullo nostro merito.

50.

Ad secundum respondeo, habitus supernaturales dici infundi: quia causa physicè efficiens, tota extrinseca est, Deus scilicet operans supra vires & exigentiam subiecti. Vel etiam nomine infusionis significatur solum, quòd fiant supra ordinem, & debitum naturæ. Nam actus quoque vitales dicuntur infundi, qui tamen certè eliciuntur à vitali potentia ex seipsis. Dicuntur, inquam, infundi illuminationes, inspirationes, & pij affectus voluntatis: Et Ecclesia sic orat in Hymno de Spiritu sancto, *Accende lumen sensibus, Infunde amorem cordibus: & alibi Deum precatur vt infundat cordibus nostris inuiolabilem suæ charitatis affectum*.

Ad tertium respondeo, Si actus supernaturales, quantumvis nobilissimi, & eiusdem ordinis cum habitibus, sunt nihilominus in potentia obedienciali subiecti, è quo educuntur, imò vitaliter ab ipso eliciuntur; quod etiam de visione beatifica, & alijs actibus beatificis verum est; sic habitus, &c. Neque verum est tantam esse distantiam, & disproportionem causalem inter intellectum, & fidem; quanta est inter corpus, & animam rationalem: plus enim distant materialia à spiritualibus; quàm spiritualia à spiritualibus, quoad causalem proportionem; sicut de obieciua docent communiter omnes cum D. Thoma part. 1. q. 12. art. 1. Neque enim est tanta distantia in ratione obieci cognoscibilis inter Deum, & intellectum creatum, à quo clarè videri potest; quanta inter animam rationalem, vel Angelum, & oculum corporeum, à quo nullo modo videri potest.

51.
Potest esse maior in vno, quàm in alio.

Dico tertio, fidem supernaturalem posse esse maiorem in vno, quàm in alio intensiue, & extensiue quoad actus: quoad habitum verò, tantum intensiue. Prima pars probatur; quia potest vnus intensiue credere, quàm alius. Potest & plura obiecta distinctè, & expressè credere: Item, potest cum maiori certitudine, & firmitate, eumque maiori deuotionis, & voluntatis affectu credere, vt experientiâ patet, & affirmat S. Thom. quest. 5. a. 4. Ratio secundæ partis est, quia fides habitualis est extensiue simplex, & indiuisibilis, valens per se ad omnia obiecta credibilia. Ergo non potest crescere neque extensiue; neque secundum essentiam, quæ in omnibus eadem est. Potest tamen esse intensior in vno, quàm in alio; quia est capax augmenti intensiui: iuxta illud Luc. 17. v. 5. *Domine adauge nobis fidem*: quod incrementum à Deo postulat Ecclesia; quando sic orat, *Da nobis Domine Fidei, Spei, & Charitatis augmentum*: vt ait Trident. Sess. 6. cap. 10. vbi loquitur de habitibus in iustificatione

acceptis, vt patet ex verbis præcedentibus. Et cap. 7. eiusd. Sess. affirmat Fidem, Spem, & Charitatem infundi secundum præcedentem dispositionem. Sæpe autem contingit, vt vnus alio melius disponatur, & intensius: atque ita fidem, aliisque habitus supernaturales in gradu intensiori, & perfectiori recipiat. Item, constat ex Trid. cap. 16. & can. 32. eiusdem Sessionis, iustos per opera meritoria crescere in gratia, & iustitia accepta. Potest autem vnus plus alio mereri: ergo & plus crescere in fide, cæterisque virtutibus, in quibus consistit iustitia supernaturalis. Norandum verò est fidem aliter cadere sub meritum condignum, & aliter sub imperationem. Nam sub imperationem cadit per orationes, vota & sacrificia; sub meritum verò, per opera facta in charitate, cum promissione Dei, & alijs conditionibus ad merendum requisitis; qui modus infallibilis est, non autem prior modus imperationis. Vltèrius etiam potest augeri fides per Sacramenta ex opere operato, sicut & vltima iustitia. Neque enim habent vim minorem ad augendum, quàm ad primò infundendum. An verò fides informis augeatur meritorie de congruo per actus proprios, patet ex dictis in fine Sectionis præcedentis.

SECTIO VI.

Quomodo fides amittitur: & quodnam sit eius subiectum adequatum?

Prima conclusio: Habitus fidei supernaturalis non manet in peccantibus mortaliter peccato infidelitatis, adeoque non est in Hæreticis, vel alijs Infidelibus, qui vel vnum fidei articulum scienter, & libere discredunt, quamvis alijs adhæreant; sed cum peccant circa vnum, fidem circa omnes amittunt. Hæc conclusio traditur à D. Thoma q. 3. art. 3. alijsque Theologis ibid. vel in 3. dist. 23. Probaturque efficaciter ex Trid. Sess. 6. cap. 15. affirmante fidem peccato infidelitatis amitti, sicut charitatem quouis peccato mortali; nimirum totam fidem quouis peccato infidelitatis: sicut tota charitas perditur quouis peccato mortali. Deinde Paulus 1. Timoth. 1. v. 19. ait Hæreticos circa fidem naufragari. Naufragari autem est, amissa naui nudum, omnibusque destitutum euadere, vt notat S. Chrysost. ibidem. Et 2. Corinth. 6. v. 14. dicit non esse participationem luci cum tenebris, nec fidei cum infidei. Indèque probat non debere fideles inire matrimonium cum infidelibus: quia congruè fieri nequit vt fidelis habens lucem fidei, in idem iugum conueniat cum infidei, qui versatur in tenebris infidelitatis. Vltèrius, quisquis grauiter peccat peccato infidelitatis, meretur efficaciter vt fide supernaturali priuetur, & spoliatur à Deo. Fides autem illa est indiuisibilis extensiue, quia per eandem simplicem entitatem extendit se ad omnia obiecta: vt supra ostendimus. Ergo quando amittitur circa vnum obiectum, amittitur pariter circa omnia. Item, qui peccat peccato infidelitatis, reddit se in-

52.
Perditur
fides per
peccatū
infidelita-
tis.

habilem ad exercendum vltim actum fidei supernaturalis : quippe qui exerceri nequit sine generali, & plena subiectione intellectus ad diuinum testimonium sufficienter propofitum circa quodcunque obiectum. Ergo conuenienter priuatur toto illius habitu, cuius nullum actum exercere potest, quamdiu hæret scienter & liberè in peccato infidelitatis. Confirmatur, quia aliqui illi qui tantum discedit vnum articulum, effert simpliciter fidelis, & membrum Ecclesiæ; quod non conuenit verbis Apostoli proxime relatis, nec communi sensui fidelium, & iudicio ipsius Ecclesiæ. Ad fidem ergo retinendam, quæ inest omnibus Viatoribus, qui per Sacramentum, aut per propriam dispositionem illam adepti sunt, necessarium est, vt ab omni peccato mortali infidelitatis abstineant.

33. Contrarium sentit Durandus in 3. dist. 23. q. 9. num. 8. Sed eius argumenta nullius sunt momenti. Malè enim comparat fidem supernaturalem cum habitibus naturalibus, qui & compositi sunt ex multis partialibus realiter distinctis, & physicè per actus destruuntur; secus ac fides supernaturalis. Nec obest quòd Hæretici eadè facilitate, quæ prius, assentiuntur alijs articulis. Id enim faciunt actu naturali, & per habitum acquisitum, qui non perit per infidelitatem circa alium articulum. Quare hinc malè Durandus infert eos non amisisse fidem supernaturalem, à quâ non provenit posse facile credere, sed posse simpliciter credere actu supernaturali, & sicut oportet ad iustificacionem.

NonPhy.
sic, sed
merito-
rie, ab
illo de-
struitur.

Amittitur autem habitus fidei supernaturalis per peccatum mortale infidelitatis, non quod physicè ab illo pellatur, sed moraliter, & meritorie, ob peccantis indignitatem; iunctam cum speciali, & directâ oppositione peccati infidelitatis ad actum internum fidei, qui est assensus firmus circa res reuelatas, propter infallibilem Dei auctoritatem. Quæ oppositio, quia in quolibet peccato mortali infidelitatis reperitur, ideo tollit fidem; ad eum modum, quo desperatio tollit spem, & quodvis peccatum mortale charitatem. Quod enim physicè non tollat, patet, quia qualitas, quæ physicè destruit aliam; vel effectiue id facit, inducendo contrariam, & impossibilem in eodem subiecto, vt calor ignis pellit frigus ab aqua per calorem, quem in aquam inducit: vel formaliter, id est, per formalem impossibilitatem, quatenus ipsamet est physicè contraria, & incompatibilis cum illa, suaque præsentia est causa deficionis alterius in eodem subiecto. At peccatum infidelitatis neutrum habet respectu habitus fidei. Non quidem primum; quia nihil physicum inducit in intellectum, præter speciem sui impressam, & habitum vitiosum; neutrum autem repugnat physicè fidei, & vtrumque manet in Hæretico quando ad fidem conuertitur. Non etiam secundum; quia idem actus erroris, & infidelitatis, secundum omnia physica effert, quamvis non liberè fieret; in quo casu non expelleret fidem habitualem; quia non esset peccatum mortale infidelitatis. Ergo non expellit physicè, & secundum physi-

cum, quòd habet : aliqui vbi esset idem physicum, esset eadem expulso formalis, quia esset eadem physica impossibilitas. Indèque confirmatur id, quod iam diximus de specie, vel habitu per actum inducto. Nam iste actus non liber, produceret speciem sui, & habitum vitiosum, non minùs quàm si liber esset; & tamen non expelleret fidem. Ergo non expellit physicè, neque per se formaliter, neque effectiue per speciem, vel per habitum, seu quid aliud physicum à se physicè productum. Adde quòd actus peccati, & habitus fidei supernaturalis, non sunt eiusdem generis, & ordinis; quòdque actus non opponitur immediatè, & formaliter habitui, sed actui: quòd denique peccatum infidelitatis formaliter consistit interdum in priuatione, seu carentia actus fidei; quæ priuatio non est physicè contraria fidei habituali, nec physicè quidquam producit fidei oppositum, à quo physicè pellatur. Neque dicas pelli physicè per peccatum habituale: quia peccatum habituale, cum non sit physicè, non potest physicè pellere. Nihil enim aliud est peccatum habituale, quàm ipsummet peccatum actuale moraliter manens, donec remittatur: vt alibi probauimus, tom. 2. Disput. 19. Sect. 2.

Idem argumentis probatur neque habitum pij affectus erga fidem, neque alios habitus infusos pelli physicè per peccata opposita; sed moraliter, ob malum meritum, iunctum cum speciali oppositione ad actum eorum internum. Quod addo, quia infidelitas non pellit fidem solùm ratione mali meriti; aliqui deberet etiam pelli per odium Dei, aliaque peccata grauiora infidelitæ: Item, qui suis falsis prædicationibus totam aliquam prouinciam peruerteret, & in hæresim induceret; grauius peccaret, etiam contra fidem, quàm si solus ipse discredere: & tamen ipse non amittit fidem, neque est verè Hæreticus, nisi assentiatur erroribus, quos prædicat, vel statuat nunquam credere oppositum. Quæ de re plura in sequenti disputatione.

Secunda conclusio: Fides habitualis non manet in Beatis, neque in damnatis: secus autem in animabus existentibus in Purgatorio. Prima pars est D. Thomæ quest. 5. art. 1. & communis veterum Scholasticorum, quos sequuntur Suares, Malderus, Vasq. Valent. Aëgid. Coni. Turrian. Mærat. & alij recentiores. Probatur ex 1. Corinth. 13. v. 9. *Ex parte cognoscimus, & ex parte prophætamur; cum autem venerit quod perfectum est, euacuabitur quod ex parte est.* Id est, cum venerit visio, fides euacuabitur. Et v. 12. *Videmus nunc per speculum, & in angustia: tunc autem facie ad faciem. Nunc cognosco ex parte, id est obscure, & imperfectè: tunc autem cognoscam, sicut & cognui iam; id est, clarè, & intuitiue, videndo Deum sicuti est.* Nunc autem manent Fides, Spes, Charitas, ista hæc. Quibus verbis innuit Paulus hæc eadem non mansura omnia in patria, quamvis neque omnia excident: quia vt ait ibid. v. 8. *Charitas nunquam excidit; sine prophæta euacuabitur, sine lingua cessabunt, sine scientia destruetur.* Si autem quidquam horum trium debet excidere,

34.

35.
Fides nō
manet in
Beatis.

maxime fides, cuius nullus potest esse vñs in patria; cùm Beati sint indipositi in perpetuum ad actum fidei, neque possint vnquam illum exercere. Quidquid enim Deus illis reuelat, clarè reuelat, ob perfectionem illius status: siue reuelat in Verbo, id est, in seipso clarè viso, siue aliter. Estque illis evidens se non falli sed vacare errore in omni assensu, quem eliciunt. Error enim, cùm sit malum intellectus, repugnat statui beatitudinis; sicut & peccatum, quod est malum voluntatis. Quare Beati non habent fidem reuelatorum, sed claram cognitionem; cùm illis constet euidenter Deum reuelare, & nec falli, nec fallere. Manet tamen in Beatis habitus piæ credulitatis, quo Beati amant fidei honestatem, & parati sunt credere, si opus esset. Idemque dico de habitu iudicandi de credibilitate euidentia. Iudicant enim Beati, & quidem euidentissimè, credibilia esse quæcunque Deus reuelauit; & debere credi à viatoribus, licet istis sit obscurum aliquatenus Deum reuelasse.

Contrarium sentiant aliqui probabiliter, pro quibus obijci potest fidem habitualem non dedecere Beatos; & multa mansura in Beatitudine, quorum nullus erit vñs; vt potentiam generatiuam, & nutritiuam: esseque conueniens vt Beati triumphent cum armis, quibus vicerunt. Respondeo fidem habitualement minùs dedecere Beatos licet eos non dedecet; & in aliud multò melius mutari, nempe in lumen gloriæ; vt si vestes vilissimæ mutarentur in triumpho in vestes pretiosissimas, vel arma in meliora. Potentia verò generatiua, & nutritiua ideo manebunt, quia sunt de integritate corporis humani, & perfecta hominis constitutione naturali. At fides habitualis est accedens naturæ indebtedum. Quare non est par ratio vt manere debeat.

Secunda pars conclusionis de damnatis; est D. Thomæ q. 5. a. 2. & communis Theologorum. Probatur autem, quia damnati, siue homines, siue Dæmones, sunt in statu desperationis, & incapaces iustitiæ supernaturalis: quare habitualis fides non eis conuenit, sed conuenienter illà priuantur, si priùs illam habuerunt. Sunt enim tanto dono indigni, & rationi consentaneum est vt cùm sint penitus à salute exclusi, ne quidem primum fundamentum salutis, & spiritalis vitæ retineant. Loquor autem de fide supernaturali: naturalem enim habitualement, & actualement circa mysteria fidei illis inesse non nego, vt neque D. Thomas cod. artic.

Alia verò est ratio de animabus existentibus in Purgatorio: nam animæ illæ sunt adhuc in via salutis, & ad patriam tendunt, ad quam nondum perueniunt: cùmque nondum acceperint quod perfectum est, non debuit euacuari quod ex parte est. Item, amant Deum ex charitate supernaturali, & per spem summum suum bonum vehementer desiderant præuiā cognitione fidei supernaturalis, quæ non repugnat earum statui. Licet enim aliquid experimento clarè didicerint; manet adhuc sufficiens obscuritas testimonij diuini, & rerum reuelatarum quoad alia plurima; & euidentia

per vnum medium, non impedit fidem per aliud medium.

Contrarium sentit de damnatis Durand. in 3. dist. 23. q. 9. num. 9. pro quo obijci potest primò, fidem non repugnare statui damnatorum, imò necessariam esse vt per illam cognoscant felicitatem, quam amiserunt, vt de illa crucientur. Secundo, non habent actum fidei contrarium: ergo non merentur illà priuari. Tertiò, retinent baptismi characterem, vt discernantur ab alijs. Ergo & fidem. Addi potest ad idem probandum de Dæmonibus, illud Iacob. 2. v. 19. *Tu credis quoniam vnus est Deus. Bene facis. Et Dæmones credunt, & contremiscunt.* Vbi si non sit sermo de fide supernaturali, argumentum Iacobi nullum est. Vult enim probare solam fidem supernaturalem non sufficere ad salutem. Quod probat exemplo dæmonum, qui credunt, & damnati sunt.

Ad hæc respondeo primò, fidem, quæ est initium salutis, non conuenire statui eorum, qui sunt penitus exclusi à salute. Secundo, siue habeant actum contrarium, siue non, (vtrumque enim coningere potest) priuari fide propter indignitatem, & prædictam disconuenientiam. Norunt verò aliunde, partim experimento, partim fide naturali, statum suum miserimum, & amissionem felicitatis. Tertiò, non esse certum quòd maneat character, quòdque sit indelebilis etiam post hanc vitam; ac si manet, non discernit apud damnatos, & dæmones, qui non possunt naturaliter cognoscere qualitates in substantia supernaturales. Sed licet maneret character, maior esset ratio, vt fides non remaneat. Cæterùm non est necesse, vt damnati intelligant qualis quisque fuerit, & qua de causa quisque puniatur: sed si sentiunt se iuste puniri, pro qualitate, & grauitate suorum peccatorum; intelligunt alios quoque iuste puniri. Si autem id non sentiunt, quid interest sciàntne qua de causa quisque puniatur, an non? Quartò denique, ad S. Iacobi testimonium respondent aliqui particulam, *Credunt*, habere vim præteriti, & respectum ad statum, quo fuerunt in via, fidemque supernaturalem habuerunt. Sed expositio coacta est, neque satis coheret cum sequenti verbo, & *contremiscunt*, quod de præseuti dicitur. Respondeo igitur Iacobum loqui de fide naturali, & coacta, vt exponunt D. Augustinus, & S. Thomas, alijque communiter: vel de notitia euidenti, quæ latè fides, id est, certa persuasio vocatur. Dæmones enim multis certissimis argumentis sciunt vnum esse Deum, cuius potentiam, & iustitiam tot iam sæculis experti sunt. Neque propterea nullum est D. Iacobi argumentum: quia Hæretici, qui iam tunc asserabant fidem sine operibus sufficere ad salutem, non faciebant vim in modo credendi, sed in obiecto credito, firmòque illius assensu, quomocunque haberetur; vt ait Suar. Disp. 6. Sect. 9. n. 10. Vel potius Iacobus non probat eo argumento fidem supernaturalem solam non sufficere ad salutem; sed sine operibus non minùs esse mortuam, & orisum, quam fidem dæmonum: quia nullos fructus bonos proferit, & quæ ac fides dæmonum, qualiscunque ista sit. Possunt

17:

st.
Solutio-
tur arg.
cōtraria.

36.
Neque in
damnatis.

Secus in
Purgat.

autem demones credere fide naturali Deum esse, licet id sciant euidenter per aliud medium: iuxta ea quæ diximus. Porro licet quæ diximus de damnatis, non omnia conueniant Catechumenis, si qui post fidem acceptam decedunt cum solo peccato originali, nondum obrentur iustificatione: cùm tamen illi quoque sint penitus extra viam salutis, conuenientius est vt fidem non retineant.

19.
Subiectū
adequatū
fidei.

Ex his collige primò habitum fidei tripliciter amitti. Nimirum vel per peccatum infidelitatis, vel per aduentum luminis gloriæ, vel per decessum in peccato mortali, æternamque damnationem. Collige secundò, subiectum adequatum fidei non esse aliud, quàm Angelos & homines in via qui vel ex opere operantis, id est, præuia dispositione sufficienti, aliquo scilicet actu fidei; vel ex opere operato, id est, virtute alicuius Sacramenti; vel aliter, vt fortasse B. Virgo, habitum fidei acceperunt, aut deinceps accipient, quamdiu status viæ durabit. Suppono autem tanquam probatum tomo 1. disp. 43. Angelos ante beatificationem iustificatos fuisse vt adultos, id est, præuia cognitione, & libero consensu. Neque enim poterant ipsi viribus solis naturalibus cognoscere statum supernaturalem, ad quem erant vocati, & media supernaturalia, quibus Deus statuerat eos iustificare, & ad gloriam perducere. Quare opus fuit reuelatione diuinà: quæ licet clara esse potuerit, absolute loquendo, inferior qui-

dem visione beatificā, sed superior fide: potuit tamen esse quoque obscura, Deo tantum credibilitet proponente per media interna, vel externa. Atque omnino probabilius est talem fuisse: tum quia ad fidei obedientiam, vel meritum, id magis conueniens est: tum etiam quia Trid. Sess. 6. cap. 7. affirmat, sine fide nulli vquam contigisse iustificationem: vbi non loquitur tantum de habitu; sed de actu, vt patet ex cap. 6. & Paulus Hebr. 11. affirmat sine fide impossibile esse placere Deo; non ex mera rei impossibilitate, quia Christus, & Beati, sine illa placent Deo; sed ex Dei ordinatione circa puros viatores, quos Deus statuit non promouere ad gratiam per aliam cognitionem, quàm fidei: Angeli autem, & homines ante lapsum erant puri viatores, per actus liberos perducendi ad terminum. Denique probabilius est primam illam iustificationem hominum, & Angelorum, fuisse similem alijs, quam deinceps consequuti sunt. Quare sicut adulti deinceps non fuerunt iustificati nisi per fidem, ex Trid. & Apost. sup. citatis, & cum fide actuali acceperunt habitualem permanentem iustificantem, & iuantem ad actus deinceps exercendos: Sic Angeli, & primi parentes; qui ceteris imperfectius iustificati fuissent, nisi habitus permanentes accepissent. Quod autem objicit Dur. in 3. d. 23. q. 9. num. 12. non potuisse Angelis reuelationem diuinam esse obscuram, alibi refutatum fuit.

DISPUTATIO TERTIADECIMA.

De effectibus Fidei, & donis cum ea connexis.

- Sectio I. *Quinam sint effectus fidei?*
Sectio II. *De Donis Spiritus sancti cum fide connexis.*
Sectio III. *Probaturs Dona Spiritus sancti non distingui à fide, & alijs virtutibus.*
Sectio IV. *Quomodo fides differat à gratijs gratis datis, & præcipue à Prophetia?*
Sectio V. *Quale sit lumen, quod ultra fidem infunditur Prophetis ad futura præoscenda?*
Sectio VI. *Notantur aliqua circa differentiam fidei Theologica à fide miraculorum.*



Væ de causa efficiente fidei docet S. Thom. quæst. 6. vel facilia sunt, vel alibi exposita. De effectibus verò, & Donis fidei connexis disputat. q. 7. 8. & 9. In quarum prima docet timorem, &

puritatem cordis esse effectum fidei, propter rationem paulò post referendam. In 2. & 3. disputat de donis Intellectus, & Scientiæ, velut fidei connexis. Docetque Intellectum esse donum Spiritus sancti quo, tanquam lumine supernaturali, iuuamur ad ea intelligenda, quæ naturalem cognitionem excedunt: esseque donum illud simul cum fide permanens: ac principaliter quidem speculatiuum, sed tamen etiam practicum, & ad quædam operabilia se extendens; existens in omnibus, & solis habentibus gratiam, distinctumque ab alijs donis Spiritus sancti. Scientiam autem esse donum Dei, quo homo certum, & rectum iudicium habet de rebus diuinis, discernendo credenda à non credendis: sicut Intellectus donum Dei est, quo eadem sibi proposita sanè capit. Versarique donum illud circa res humanas: sicut Sapiencia est circa diuinas, vel circa res creatas, quatenus de illis per primam, & altissimam causam iudicatur, scilicet Deum. Addit donum illud primò quidem, & principaliter respicere speculationem, inquantum scilicet homo scit quid fide tenere debeat: secundariò autem extendere se ad operationem: secundum quod per scientiam credibilium, & eorum, quæ ad credibilia consequantur, dirigimur in agendis.

SECTIO I.

Quinam sint effectus Fidei?

1.
Timor
est effe-
ctus fi-
dei.

Inus Thomas q. 7. duos effectus fidei tribuit. Primus est timor cum seruilibus, & filialis. Nam, inquit, timor seruilibus est effectus apprehensionis alicuius mali per diuinum iudicium in pœnam inferendi; quæ apprehensio generatur per fidem. Timor autem filialis est ille, quo aliquis timet separari à Deo; vel quo aliquis refugit comparare se Deo: & sequitur ex apprehensione, quâ Deus existimatur esse summum bonum, à quo separari, & cui se æquare velle, malum sit. Quam existimationem fides quoque producit. Ideoque vterque timor est effectus fidei. Prior quidem, fidei informis: posterior verò fidei formate, quæ per charitatem facit hominem Deo adhærere, eique subijci. Alter effectus est purificatio cordis, iuxta illud Actuum 15. *Fide purificans corda eorum*: non perfectâ quidem, quæ non sit sine charitate; sed imperfectâ & inchoatiuâ; nam impuritas vniuscuiusque rei consistit in hoc, quòd rebus vilioribus miscetur. Non enim dicitur argentum esse impurum, ex permixtione auri, per quam melius redditur; sed ex permixtione stanni, vel plumbi. Est autem manifestum quòd anima est nobilior omnibus temporalibus & corporalibus creaturis. Ideoque impura redditur, quando se illis subijcit per amorem. Perficitur autem per contrarium motum, cùm scilicet tendit in id, quod est supra se, nimirum in Deum. In quo motu primum principium est fides: *Accedent enim ad Deum oportet credere quia est*, Hebr. 11. Et ideo primum principium purificationis cordis est fides, quâ purificatur impunitas et

Et purifi-
catio cor-
dis.

roris. Quæ si perficiatur per charitatem, tunc perfectam purificationem causat. Hæc D. Thomas.

Circa quæ nota primò, timorem ab alijs triplicem poni: seruilem, filialem, & reuerentialem, quem postremum aliqui definiunt esse resiliionem, id est, effectum resiliendi à Diuina Maiestate, consideratione propriæ paruitatis: qui timor ad virtutem humilitatis pertinet; primus verò ad spem; & secundus ad charitatem elicituè, & proximè; remotè verò omnes ad fidem pertinent, quatenus sunt ex illius dictamine de pœnis peccatorum, deque summa bonitate, & excellentia Dei infinita, quâ rebus omnibus supereminet. Porro, quod ait S. Thomas timorem seruilem esse effectum fidei informis, filialem verò esse effectum fidei formate, non est vniuersaliter & in rigore intelligendum quasi fides informis non possit etiam excitare ad timorem filialem, & fides formata ad seruilem: sed quòd fideles existentes in peccato mortali, & destituti charitate, soleant timere seruiliter, iusti verò filialiter.

Nota secundò, multos alios esse effectus fidei, partim physicos, partim morales. Namin genere causæ finalis effectus fidei est quidquid ipsius gratiâ fit: cuiusmodi est vocatio, id est, obiecti fidei propositio; & interior inspiratio, id est, illustratio intellectus; & pia motio voluntatis ad credendum. In genere causæ formalis, effectus eius physicus, immediatus & adæquatus, est fidelis vt talis, in actu primo per habitum, & in actu secundo per actum. Extrinsecè verò & moraliter fides ornatur alias virtutes infusas, vt ornatur ab ipsis. In genere causæ materialis, actus fidei est dispositio moralis ad habitum acquirendum: & habitus fidei præsuppositiue habet ad habitus spei, & charitatis, per modum fundamenti iustificacionis: quod ad causalitatem materialem reducit. Item, actus

2.
Timor
triplex.

3.
Alij effe-
ctus fidei.

fidei prærit actibus spei, & charitatis, aliarumque virtutum supernaturalium: qua de causa Paulus Hebr. 11. affirmat fidem esse substantiam, id est, basim, & fundamentum rerum sperandarum, loquiturque de actu fidei, ut patet ex verbis immediatè sequentibus, *Credere enim oportet accedentem ad Deum quia est, & quòd inquirentibus se remuneratur sit*. Denique in genere causæ efficientis, actus est effectus physicus, immediatus, & adequatus ipsius habitus fidei: mediatur verò; & remotè illi tribuuntur quæcumque fiunt ab actibus. Actus autem physicus quidem producit habitum naturalem, & speciem sui impressam, quæ iuvat ad recordationem, more actuum naturalium, ut alibi diximus. Ultra quam causalitatem physicam effectivam, actus intellectus, qui immanentes sunt, nullam aliam habent. Moraliter verò est causa meritoria habitus supernaturalis fidei, siue de congruo, ut primò infunditur: siue de condigno, ut sæpe fit quando augetur. Est etiam causa moraliter efficiens eorum omnium, ad quæ per se inducit, aut quæ vi illius fiunt: cuiusmodi sunt actus omnes aliarum virtutum infusarum, ad quos fidei cognitio non minùs iuvat, & inducit, quàm ad timorem seruilem, & filialem, de quo suprâ D. Thomas. Sicut enim per fidem cognoscimus pœnas à Deo constitutas peccatoribus, & Deum esse summè bonum: sic & Deum esse summè amandum propter se per charitatem; & sperandum, ut summum bonum nostrum; & colendum per religionem, & sic de cæteris virtutum officiis. Valet etiam cognitio fidei, non tantùm ad actus voluntatis, sed etiam ad aliquos actus ipsiusmet intellectus, ut ad actus prudentiæ; & ad actus potentiæ executivæ, qui secundum fidem normam diriguntur. Est enim fides fundamentum bene operandi, & bene viuendi secundum doctrinam diuinam. Præterea effectus huiusmodi actuum pertinent remotè ad fidem. Atque ita præmia meritorum, & beneficia impetrata per orationem, & similia, sunt remotè effectus fidei, sine qua nullus actus est meritorius de condigno, nec de congruo, quoad bona supernaturalia: & sine qua per orationes, & similes actus non possunt impetrari beneficia supernaturalia. Loquor autem de puris viatoribus, carentibus lumine altiori supernaturali, quale in Christo fuit.

Nota tertio, sicut fides iuvat & excitat ad actus aliarum virtutum exercendos, quorum idcirco dicitur esse causa: sic ab illis vicissim iuvatur & excitatur ad suos. Virtutes enim mutuum sibi operam præstant, & vicissim se iuvant. Atque ita charitas v. g. potest fidei actum expetere, & imperare, ut Deo gratum: spes, ut expedit ad bonum supernaturale sperantis, vel ad vitandum malum oppositum: Religio, ut faciat cultum Dei: & sic de alijs virtutibus. Quo sensu dicitur Eccles. 2. *Qui timetis Deum, credite illi*. Et 1. Cor. 13. *Charitas patiens est, benigna est, &c. Omnia credit, omnia sperat, omnia sustinet*.

Nota quartò, purificationem, seu purgationem fieri propriè per remotionem alicuius disconuenientis, aut minùs conuenientis: idque tam in intellectu, quàm in voluntate, & alijs

potentijs, aut subiectis. Sic enim Angeli superiores dicuntur purgare inferiores, cum eos liberant ab obscuritate, & ignorantia circa res eas, quas illis reuelant. Fides ergo tam actualis, quàm habitualis purificat quidem formaliter, & immediatè; quatenus liberat formaliter intellectum ab errore, vel ignorantia opposita: hæc verò liberat formaliter a priuatione opposita, seu carentia talis formæ supernaturalis. Verumtamen neutra cor perfectè purificat: se solà: quia non tollit maculam peccatorum, neque priuationem aliorum habituum supernaturalium, quibus formaliter constat integra, & perfecta iustificatio. Dixi, se solà: quia dispositiue, & partialiter actus fidei concurret ad perfectam iustificationem, cum alijs actibus necessarijs ex parte voluntatis: & habitus fidei concurret formaliter cum spe, & charitate, ad formam integram iustificationis: ut patet ex Trid. sess. 6. cap. 6. & 7. & confirmabitur ampliùs ex sequentibus.

Contrarium sentiunt Calvinistæ, qui art. 18. Confess. Gallic. aiunt Iustitiam consistere formaliter in remissione peccatorum, seu non imputatione, cui coniungunt imputationem obedientiæ Christi. Illus verò iustitiæ participes se fieri per fidem affirmant art. 20. Et art. 22. addunt fidem necessariò producere bona opera; sed negant opera valere ad iustitiam, vel ad meritum. Primum errorem probant his Scripturæ locis citatis in margine articuli 18. *Beati, quorum remissa sunt iniquitates, & quorum scelera sine peccata*. Beatus vir, cui non imputauit Dominus peccatum. Psalm. 32. v. 1. Rom. 4. v. 7. & 8. Deus erat in Christo mundum reconcilians sibi, non reputans illis delicta ipsorum: & posuit in nobis verbum reconciliationis &c. 2. Cor. 5. v. 19. & 20. Non est aliud nomen sub celo datum, in quo oporteat nos saluos fieri. Act. 4. v. 12. Sicut per inobedientiam vnius hominis peccatores constituti sunt multi: ita & per vnius obediẽtionem iusti constituentur multi. Rom. 5. v. 19. Ad secundum verò errorem confirmandum proferunt hæc Scripturæ testimonia in margine articuli 20. *Vbi est gloria tua? Exclusa est. Per quam legem? subleuatum? non: sed per legem fides*. Arbitramur enim iustificari hominem per fidem sine operibus legis. Rom. 3. v. 27. & 28. Non iustificatur homo ex operibus legis, nisi per fidem Iesu Christi. Galat. 2. v. 10. & cap. 3. v. 24. Lex pedagogs noster fuit in Christo, ut ex fide iustificemur. Et Ioan. 3. v. 15. & 16. *Vi omnis qui credit in ipsum non periret, sed habeat vitam æternam*. Tertium denique errorem stabiliunt sequentibus Scripturæ locis citatis in margine articuli 22. *Quid proderit, fratres mei, si quis dicat se fidem habere, opera autem non habeat: nunquid poteris fides saluare eum?* Iacob 2. v. 14. *In Christo Iesu fides quæ circumcisio aliquid valet, neque præputium, sed fides, quæ per charitatem operatur*. Galat. 5. v. 6. *Filioli mei hæc scribo vobis, ut non peccetis: & in hoc scimus, quia cognouimus eum, si mandata eius seruiamus*. 1. Ioan. 2. v. 1. & 3. Et cap. 3. v. 5. *Quicumque habet hanc spem, sanctificat se, sicut & ipse sanctus est*. Et cap. 5. v. 18. *Scimus quia quicumque ex Deo natus est, non peccat*. Nasceretur autem ex Deo per fidem, ut ait idem Apostolus cap. 1. Euangelij, v. 12.

5.
Error
Calui-
nistæ.

4.
Fides iu-
uat, & iu-
uatur ab
alijs vir-
tutibus.

Quomo-
do fides
purificat?

& Iacobus cap. 1. epistolæ suæ catholicæ, ver-
tu 18.

6. <sup>Solutio-
tur coru
argumē-
ta.</sup> Sed hæc omnia, & alia æquè inutilia, quæ
breuitatis causa prætereo, ineptè proferuntur.
Licet enim Scriptura beatum prædicet eum, cui
remissa sunt peccata (quæ remissio in quo con-
sistat, alibi exposuimus) non propterea affirmat
per id solum, & præcisè beatum esse, quod pec-
cata sint ei remissa: neque alias partes iustifica-
tionis excludit, quibus simul sumptis, semperq;
& necessariò cum remissione connexis, homo
perfectè beatus constituitur beatitudine huius
vitæ, quæ est æternæ inchoatio. Neque ait re-
missionem solum esse totam beatitudinem homi-
nis, licet sit aliqua partialis, vt sunt aliz multæ,
quæ prædicantur alibi in Scriptura. *Beatus vir,
qui non abiit in concilio impiorum &c.* Psal. 1. *Beati
pauperes spiritu, beati mites, beati pacifici, beati,
qui persecutionem patiuntur propter iustitiam.*
Matth. 5. Quod autem peccata remittantur
propter Christum eiusque merita, & obedientiam,
nihil facit contra nos, qui illi veluti causæ
meritoriz, totam nostram iustificationem tribuimus,
quod Trid. sess. 6, cap. 7. Paulus verò,
quando negat nos iustificari per legem factō-
rum, aut ex operibus legis, loquitur de lege
& operibus legis Mosaicæ, cui hinc Christi opo-
nit, per quam iustificatio querenda est, non
per opera legis Mosaicæ: vel etiam de operibus
naturalibus sine fide: sed non ait per eam solum
nos iustificari seclusâ charitate, & alijs, quæ
idem Apostolus, alijque Scriptores sacri requi-
runt varijs locis, vt paulò post videbimus. Non
ait etiam fidem solum sufficere ad vitam æternam:
sed quod dicitur Ioan. 3 & similibus locis,
intelligendum est de eo, qui credit fide vi-
dâ, quique habet alia ad salutem alibi requisita,
vt locus Iacobi subiunctus apertè significat.
Qui tantum abest vt profit Nonatoribus ad
probandum oppositum. Non enim dicit, quod
si fidem quis dicat se habere, opera autem non
habeat, fallitur: quia verè non habet fidem: sed
dicit fidem non illi sufficere vt saluetur, esseque
sine operibus mortuum. Paulus quoque loco
citato ad Galat. non dicit fidem semper ac ne-
cessariò per charitatem operari: sed tantum as-
serit eam fidem valere apud Deum, quæ per
charitatem operatur. Alibi verò 1. Cor. 13. v. 8.
Significat fidem sine charitate esse posse, ac
nihil valere. Ioannes autem loquitur de notitiâ,
non simplici, sed approbatiua, & affectiua: de
qua etiam Sermo est Sapientiz 15. v. 3. vbi Deo
sic dicitur, *Nosse te consummata iustitia est: &
scire iustitiam, & virtutem tuam, radix est immor-
talitatis*: quâ notitiâ scilicet non tantum credi-
tur, sed & amatur, & viuunt secundum dicta-
men fidei: quo etiam sensu dicuntur, fidem ne-
gare, & non credere, qui contra fidem viuunt:
*Qui dicit se nosse Deum, & mandata eius non custo-
dit, mendax est*. 1. Ioan. 2. v. 4. *Confitemur se
nosse Deum, falsi autem negant*. Tit. 1. v. 16. De-
nique, qui viuunt secundum fidem, & spem diui-
nam, sanctificat se, & non peccat vt sic, neque
in quantum ex Deo natus est: & ideo nascitur,
ac per fidem instruitur, vt non peccet, & sequè
sanctificet in actu secundo per bona opera. Po-
test tamen ex propria libertate peccare, & con-

tra fidem agere vt patet exemplo Moyſis;
Aaronis, Davidis, Salomonis, Petri Apostoli, &
similium, qui licet fideles, grauitur tamen pec-
carent contra dictam fidem.

Hic tribus erroribus Hæreticorum oppono^{7.}
hæc Scripturæ testimonia. Primò, quod iusti-
ficatio non consistat in sola peccatorum remis-
sione, patet ex Rom. 8. v. 9. *Si quis spiritum
Christi non habet, hic non est eius*. Et Ioan. 3. v. 5.
*Nisi quis renatus fuerit ex aqua, & Spiritu sancto,
non potest introire in regnum Dei*. Renasci autem
non est solum remitti, aut non imputari, sed
aliquid positum. Et ad Galat. 5. v. 6. *In Chri-
sto Iesu neque circumcisio aliquid valet, neque pra-
putium, sed fides, quæ per charitatem operatur*.
Et 1. Cor. 13. v. 2. *Si habuero omnem fidem &c. cha-
ritatem autem non habuero, nihil sum*. At iustus
est aliquid, esseque Deo charus & amicus. Ergo
licet quis habeat omnem fidem, adeoque fidem
remissionis peccatorum, non est iustus sine
charitate, de qua dicitur Rom. 5. v. 5. *Charitas
Dei diffusa est in cordibus nostris, per Spiritum
Sanctum qui datus est nobis*.

Secundò, quod non sola fides participes nos
faciat iustitiz, patet quia Christus, Marci ultimo,
cum fide iunxit baptismum, quando dixit. *Qui
crediderit, & baptizatus fuerit, saluus erit*. Et Pe-
trus Act. 2. v. 38. ad remissionem peccatorum re-
quisiuit penitentiam, & baptismum. Et Luc 13.
v. 3. & 5. *Si penitentiam non egeritis, omnes similiter
peribitis*. Et 1. Petri 4. v. 8. *Charitas operis multi-
tudinem peccatorum*. Et Ioan. 14. v. 23. *Si quis
diligit me, sermonem meum seruabit, & Pater meus
diliget eum, & ad eum veniemus, & mansionem
apud eum faciemus*. Tertiò, quod fides non
producat necessariò bona opera, neque fit
semper iuncta cum charitate, patet exemplo
Davidis adulterantis, & Viram occidentis:
qui certè non arguitur de infidelitate, sed de
adulterio, & homicidio, 2. Reg. 12. v. 7. &
sequentibus. Item exemplo Petri Apostoli, in
quo, Christum negante, cum iuramento, Marc.
14. v. 71. non erant bona opera, neque charitas;
& tamen non defecerat fides, iuxta illud Christi
Luc 22. *Rogavi pro te, vt non deficiat fides tua*:
quæ rogatio non fuerat sine effectû; alioquin
Christus non illam commendasset. Deus quo-
que in Testamento veteri sæpissime per pro-
phetas exprobat peccata populo suo, quamuis
fidei: pluribus enim locis non illum arguit in-
fidelitatis, sed auaritiæ, iniustitiæ, luxuriæ, ino-
bedientiæ, contumaciæ, impenitentiz: signifi-
câtque se loqui fideles, Et in Apocalyp. An-
gelo, id est, Episcopo Pergami sic dicitur, *Scio
ubi habitas, ubi sedes est, Satana, & tenes nomen
meum, & non negasti fidem meam &c.* Sed habeo
aduersus te pauca &c. *Penitentiam age*, cap. 2. v.
13. & sequentibus. Ibidemque v. 4. Episcopus
Ecclesiz Ephesine, de fidei puritate, & constan-
tia laudatus, arguitur quod primam charitatem
suam reliquerit, moneturque vt videat vnde
excederit, & agat penitentiam, & prima ope-
ra faciat.

Denique, quod opera bona valeant ad iusti-
tiam, & ad vitam æternam, docet apertè Scriptura
Roman. 2. v. 13. *Non audientes legis iusti sunt
apud Deum, sed factores legis iustificabuntur*. Ius-
ticia
Christi
non sola
fide participatur.
Bona
opera va-
lent ad
vitam æ-
ternam.

Job. 1. v. 24. *Videtur quoniam ex operibus iustificatur homo, & non ex fide tantum.* Ibidemque v. 21. affirmat Abraham ex operibus iustificatum esse, offerendo filium suum super altare, & non ex fide tantum: quod quomodo conveniat cum Pauli verbis Rom. 4. v. 2. & sequentibus, exposuimus in tract. precedenti, fusiúsque explicatum videri potest apud Suarem lib. 8. de Gratia cap. 22. vbi hac de re longam textu disputationem. Summa responsionis est Iacobum affirmantem nos ex operibus iustificari, loqui de operibus ex fide procedentibus: Paulum verò negantem nos ex operibus iustificari, loqui de illis quæ fide antecedunt, aut sine illa fiunt: vt ait S. Augustinus lib. 83. quæst. q. 76. Adde innumera Scripturæ loca, quibus vita æterna promittitur propter bona opera, Matth. 25. *Venite benedicti Patris mei, possideite paratum vobis regnum &c.* Esauus enim, & deditis mihi manducare. Ioan. 14. *Qui diligit me, diligitur à Patre meo: & ego diligam eum, & manifestabo ei meipsum.* Rom. 8. Spiritus reddit testimonium spiritui nostro quod sumus filij Dei. Si autem filij, & heredes: Si tamen compatimur, vt & conglorificemur. Iacob 1. *Accipiet coronam vitam, quam repromisit Deus diligensibus se.* Ex quibus omnibus liquet totam illam doctrinam Hæreticorum à veritate longè abesse.

SECTIO II.

De Donis Spiritus sancti cum fide connexis.

Donilla
distin-
guuntur
à virtuti-
bus ex mul-
torum sen-
tentia.

SENTENTIA multorum Theologorum est, præter virtutes infusas Theologicas, & morales, dari omnibus iustis septem alios habitus supernaturales, qui specialiter Dona Spiritus sancti appellantur, & partim ad fidem, partim ad alias virtutes reuocantur: à quibus tamen distinguuntur realiter, neque infunduntur, nisi cum gratia, & charitate; destruanturque illa sublatà per quodlibet peccatum mortale: ita vt dona illa sint status gratiæ, & iustitiæ propria. In hac sententia sunt D. Thomas 1. 2. quæst. 68. & 1. 2. q. 8. & 9. alijque locis. Richardus in 3. dist. 34. art. 1. q. 1. vbi affirmat esse communem, licet oppositum aliqui sequantur, Bonauentura, Albertus, Antonin & alij quos refert & sequitur Suares. lib. 2. de gratia cap. 17. h. 9.

Eorum
argumē-
ta.

Fundamenta eorum præcipua hæc sunt. Primo, quia Scriptura, Isaia 11. v. 2. affirmat Spiritum sanctum iustis infundi cum his septem donis, *Requiescet super eum spiritus Domini, spiritus sapientiæ, & intellectus, spiritus consilij, & fortitudinis, spiritus scientiæ, & pietatis, & replebit eum spiritus timoris Domini.* Quæ licet de Christo sint dicta, extenduntur tamen à sanctis Patribus ad omnes iustos; quia de eius plenitudine omnes accipiunt. & Christus ea non sibi soli, sed illis quoque accepit: vt videre est præcipue apud Chrysost. in psalm. 44. Cyrillum lib. 2. in Isaia, non longè ab initio vtriusque, Cyprianum lib. de Cardinalibus Christi operibus, cap. de vñct. Chrismatis Ambros. lib. 3. de Sacrament. cap. 2. August. lib. 1. de sermone Domini in monte cap. 4. Gregor. lib. 1. Moral. cap.

12. alias 28. & homil. 19. in Ezechiel. Ecclesia quodæ Latina vniuersa in hymno Spiritus sancti sic cum alloquitur, *Tu sepius formis munere, alludens ad illa septem dona, quæ iustis infundit.* Quare negari non potest hæc dona iustis reipsa dari. Quod verò distinguantur realiter à virtutibus probant quia Scriptura loquitur de his donis, tanquam de septem actibus, vel habitibus proprijs Spiritus sancti: idèoque vocat eos spiritus, vel certè Spiritum sanctum specialiter ab illis denominat, verbis relatis ex Isaia 11. Ergo significat eos esse distinctos ab actibus, vel habitibus virtutum. Secundo, Patres loquuntur de illis vt distinctis; præcipue S. Gregor. 1. Moral. cap. 28. alias 11. vbi per septem filios Iob, intelligit septem illa dona Spiritus sancti: per tres autem filias, intelligit tres virtutes Theologicas, Fidem, Spem, & Charitatem. Et lib. 2. Moral. cap. 16. alias 16. distinguit septem dona Spiritus sancti à quatuor virtutibus cardinalibus. Nam eas comparat quatuor angulis, quibus vnto concussis, & dirutis, corruit tota domus, & septem filios Iob oppressit, id est, septem dona Spiritus sancti extinxit. Tertiò, licet late loquendo virtutes infuse dona vocari possint, quatenus à Deo donantur; nisi tamen, loquendo strictius, distinguantur à virtutibus illa, quæ specialiter dona vocantur, non potest reddi ratio, cur aliquæ virtutes dicantur dona, & non omnes; & cur aliqua computentur inter dona, quæ non computantur inter virtutes, vt pater de timore; inquit D. Thomas dicta quæst. 68. art. 1.

9.
Modus
operandi
huius-
modi
donorū.

Adde quartò, quòd habent diuersum principium, eique proportionantur. Nam virtutes infusæ sequuntur principium internum, id est, rationem supernaturalem lumine adiutam: dona verò sequuntur principium externum, id est, Deum, & motionem Spiritus sancti: vnde specialiter Spiritus appellantur, Spiritus Sapientiæ, & Intellectus, Spiritus Consilij, & Fortitudinis, Spiritus Scientiæ, & Pietatis, & Timoris Domini. Quæ duo principia in actibus humanis agnouit aliquo modo Philosophus lib. 7. Moral. ad Eudemum, cap. 18. dicens, eos, qui Dei instinctu impelluntur, non debere consolere humanam rationem, quia mouentur à meliori principio, quàm sit ratio humana. Et lib. 7. Ethic. ad Nicomach. cap. 1. ait, præter communes virtutes, alius esse heroicæ, quæ homines efficiunt quadam ratione diuinos, ad singulasta quædam opera suscipienda. Quintò denique, non potest dici hæc dona nihil esse aliud, quam ipsas virtutes infusas. Nam quod aliqui dicunt, sapientiam, intellectum, & scientiam, non esse aliud, quàm si se ipsum ipsam, sub diuersa ratione, & respectu conceptam, vel secundum diuersos actus: consilium verò non differre à prudentia infusa: nec fortitudinem, à virtute infusa fortitudinis: nec pietatem à iustitia, cuius actus præcipuus est pietas. Timorem verò reuerentialem pertinere ad humilitatem, quæ in temperantia infusa continetur: feruilem, ad spem: & filialem, ad charitatem: atque ita nullum esse horum septem donorum, quod non pertineat ad aliquam de septem virtutibus infusis Theologicis & moralibus seu cardinalibus.

Hoc, inquam, refutat, quia illa dona intellectus Sapientie, Intellectus, & Scientie, fuerunt in Christo, qui tamen fidem non habuit. Ergo sunt aliquid diuersum à fide. Item, manent in Beatis, & sunt in sanctis Angelis, in quibus non est fides. Item, hæc dona sunt propria iustorum. Ergo non manent in peccatoribus, licet in illis fides maneat. Ergo sunt habitus distincti. Vltius, Scriptura de illis loquitur vt distinctis tam inter se, quam à fide. Nam Salomon iam fidem habebat, quando inuocauit, & obtinuit Spiritum Sapientie, Sap. 7. v. 7. & David, licet iam fidelis, sic orabat, Psal. 118. v. 73. *Da mihi intellectum, & discam mandata tua.* Et Ecclesiast. 15. de iustis dicitur, *Implebit eum Spiritus Sapientie, & Intellectus.* Et cap. 24. de primis Parentibus dicitur, *Creati illi scientiam Spiritus.* Quæ omnia & similia, quæ in Scriptura de his donis leguntur, non est probabile dici de sola fide vel de illius augmento: maxime cum distinctio rationum, vel actuum ipsius fidei, non possit apte conuenire nominibus Sapientie, Scientie, & intellectus. Et Isaïæ 1. v. 9. iuxta xxx. fides distinguitur ab intellectu, cum sic dicitur, *Nisi credideritis, non intelligitis.* Alia verò quatuor dona, quæ alijs virtutibus conuenire dicuntur, non habent eundem operandi modum: cum non sequantur rationem, & legem communem, vt virtutes: sed morum extraordinarium, & instinctum specialem Spiritus sancti supra legem communem, vt videbitur paulo post. Ergo differunt à virtutibus. Adde quod ad maiorem gratie perfectionem, & amplitudinem pertinet, vt præter virtutes infundantur dona distincta: vtque iustus habitualiter reddatur bene mobilis, non solum à ratione, & lege communis per virtutes: sed etiam à motione extraordinaria Spiritus sancti, per dona. Ita precipue D. Thomas 1. 2. q. 68. art. 1. & Suarez lib. 2. de gratia, cap. 17. n. 9. & sequentibus.

10.
Quomodo
distingui-
antur à
virtuti-
bus?

Quia verò difficile est rationem distinctionis assignare tum inter dona, & virtutes, tum inter ipsa dona inter se: magna in eo est dissensio inter Auctores opinionis relax: quorum nonnullas explanationes refert & refutat D. Thomas art. cit. Ipse verò ibidem ait differentiam donorum à virtutibus in eo consistere, quod virtutes nos bene disponunt, vt bene moueamur à ratione; dona verò, vt bene moueamur ab inspiratione & motione Spiritus sancti. Et art. 4. Dona sic inter se distinguunt, vt velut quatuor ad intellectum pertineant, tria ad appetitum. Homo enim, inquit vtique sui parte moueri potest ab instinctu diuino, sicut à quadam superiori potentia. Cum autem duo sint in intellectu; apprehensio scilicet, & iudicium: & iterum vtrumque esse possit speculationum, vel practicum: perficitur quoad apprehensionem speculatiua ratio per intellectum: practica verò, per consilium: ad recte autem iudicandum perficitur speculatiua ratio per sapientiam; practica verò, per scientiam. Appetitus denique in his quidem quæ sunt ad alterum, perficitur per pietatem: in his autem quæ sunt ad se ipsum; perficitur per Fortitudinem contra Timorem periculo-

rum: contra concupiscentiam verò inordinatam delectabilem, per timorem, iuxta illud Psalm. 118. *Confige timore tuo carnes meas, a iudicij enim tuis timui.* Hæc ibi S. Thomas.

At 1. 2. q. 8. art. 6. aliter circa illam distinctionem Philosophatur, corrigique id quod supra dixerat, donum intellectus versari tantum circa speculatiua; donum verò Scientie, tantum circa practica. At enim vtrumque donum circa vtraque ferri. Sed ea inter se, & ab alijs duobus ad cognitionem pertinentibus sic distinguit, vt velut quatuor illa dona referri ad supernaturalem cognitionem, quæ per fidem in nobis fundatur. Fides autem veritatem primò, & principaliter circa primam veritatem: secundariò circa creaturas: & vltius se extendit etiam ad directionem humanorum operum, secundum quod per charitatem operatur. Duo verò (vltia scilicet assensum fidei) recipiuntur ex parte nostra circa ea, quæ fidei proponuntur credenda. Primò quidem, vt intellectu penetrarent, vel capiantur: & hoc pertinet ad donum intellectus. Secundò autem, oportet vt de illis homo habeat iudicium rectum, vt æstimet eis esse inhærendum, & ab eorum oppositis recedendum. Hoc ergo iudicium quantum ad res diuinas pertinet ad donum Sapientie; quantum vero ad res creatas, ad donum scientie: quantum denique ad applicationem ad singularia opera, pertinet ad donum consilij. Huc vltique S. Thomas.

Altera explicatio
huius distinctionis.

Suares verò lib. 2. de gratia, cap. 18. & sequentibus doctrinam illam D. Thomæ partim exponens, partim in alium sensum accommodans, ait donum Sapientie à fide differre, quia fides iudicat simpliciter verum esse id, quod reuelatum est, & quia reuelatum est: Sapientia verò non iudicat de veritate ipsa reuelata, quod vera, vel falsa sit; sed iudicat de rebus diuinis, quatenus conuenientiam habent, & dignæ sunt vt credantur, vel amentur. Sicut in mysterio Incarnationis. v. g. aliud est iudicare ita esse: aliud, esse conueniens, & decens diuinam bonitatem, & sapientiam. Primò, ad fidem pertinet. Secundum, ad sapientiam, quodam fit ex peculiari instinctu, & motione Spiritus sancti: est iudicium quodammodo reflexum supra rem directè creditam per fidem, attentius illam contemplando, & ponderando, ac tandem iudicando, esse illi adhærendum, velut dignissimæ fide, vel dilectione. Quod si obijcias, etiam fidem indicare res fidei esse dignas assensu, & mysteria supernaturalia esse conuenientia. Respondet fidem non habere directè hæc iudicia: & quando illa habet; solum esse sub ea ratione, quæ proponuntur velut à Deo dicta. Sapientia verò de his iudicat ex contemplatione ipsarum per fidem reuelatarum, quasi intruendo in illis; vel ex earum effectibus agnoscendo rationes conuenientie, aut amabilitatis; vel alias, de quibus iudicat.

11.
Tertia
giulden
expositio.

Donum
sapientie
quid sit?

Intellectum verò dicit esse donum, quo penetramus veritates fidei, solum quoad sensum loquentis, ita vt iudicemus hunc esse sensum reuelationis. Cum enim veritates fidei, verbis obscuris proponantur, suntque supernaturales, spirituales, & captum nostrum excedentes; ege-

Donum
intellectus.

mus auxilio Spiritus sancti, non tantum ut assentiamur, sed etiam ut intelligamus quid proponatur. Hoc ergo iudicium de sensu reuelationis, & forte etiam de credibilitate, pertinet ad donum Intellectus, qui in eo sistit: nam iudicare de veritate reuelata pertinet ad fidem. Sapientia verò utrumque actum supponit, & iudicat de convenientia rei iam creditæ, modo superius explicato. Ad idem donum Intellectus pertinere ait illustriorem, & explicatiorem conceptionem rerum diuinarum, quas fides reuelat. Itemque varios modos explicandi mysteria fidei, per plures similitudines, vel exempla: necnon penetrationem, & inuentionem plurium rationum, quæ res fidei illustrent, ut magis intelligibiles reddantur, vel ut non apparent impossibiles, & rationi repugnantes. Item veram locorum Scripturæ intelligentiam: iuxta illud Luc. ultimum. *Et aperuit illis sensum, ut intelligerent Scripturas: & Matth. 13. Adhuc & vos sine intellectu estis?*

Scientiam verò affirmat esse donum simile Sapientiæ, quatenus indicat de convenientia rei reuelatæ: differre autem ab illa, quatenus Sapientia iudicat in materia supernaturali, de convenientia eius, per æternas, & diuinas rationes, ad Deum ipsum, eiusque attributa, & honorem pertinentes. Scientia verò, per rationes inferiores & creatas, vel humanas, de ipsdem rebus iudicium profert. Ex. gr. Scientia iudicat permissionem peccatorum fuisse convenientem ad seruandam libertatem, & ad complementum vniuersi. Sapientia verò iudicat id fuisse conueniens ad ostensionem diuinæ Iustitiæ, & Sapientiæ, quæ nouit ex malis bona facere.

Consilium autem esse iudicium omnino practicum, & per applicationem ad particularia, cum circumstantiis hic & nunc determinatis. In quo differt ab actu fidei, & à tribus donis prioribus speculatiuis, vel in materia, vel in modo vniuersali. A Prudentia verò tam naturali quam infusa differt, quia fundatur solum in instinctu Spiritus sancti, qui sæpe est præter ordinarias Regulas tam naturales, quam supernaturales. Et quævis inuentionem possit illis esse conformis; tamen homo, qui sic mouetur, non alias Regulas attendit, nec discursu quasi proprio mouetur, sed agit ut potius, quam agat. Tale fuit iudicium Samsonis de seipso cum Philisteis ruinâ domus opprimendo, Iudic. 16. Eleazari sub elephantem ingressi, & suo triumpho sepulti, 1. Machab. 6. Apollonit in ignem seipsam conicientis, apud Eusebium lib. 6. hist. c. 31. & similia, quæ secundum prudentiam iudicari non poterant esse actus virtutis Fortitudinis, sed tantum ex peculiari instinctu Spiritus sancti.

Sicut autem donum Consilij rationem perficit ad iudicandum ex instinctu Spiritus sancti in materia Prudentiæ, id est, in singularibus agilibus: sic Fortitudinem autem esse donum, quo voluntas in materia Fortitudinis mouetur similiter ex peculiari instinctu Spiritus sancti; & Pietatem, in materia Iustitiæ: & Timorem Domini, in materia Temperantiæ. Nam Pietatis nomine, velut præcipue partis, compre-

henditur per synecdochē tota Iustitiæ materia, siue omnis actio quæ est ad alterum, quatenus per instinctum Spiritus sancti singulariter perficitur, & propriâ eius motione fieri potest. Timor verò Domini significat timorem reuerentialem, seu timorem reuerentiæ magnitudinis diuinæ maiestatis; qui est actus humilitatis: humilitas enim est præcipua pars temperantiæ: & ideo sub nomine præcipue partis tota Temperantia intellecta est, sicut de Pietate respectu Iustitiæ diximus. Atque ita in omni materia virtutum moralium dona possunt operari altiori modo. Consilium, in materia Prudentiæ; Fortitudo, in materia Fortitudinis; pietas, in materia Iustitiæ: & Timor Domini, in materia Temperantiæ. Reliqua tria ad fidem spectant: Intellectus, ad sensum reuelationum penetrandum; Sapientia, ad iudicandum de convenientia rerum creditarum per rationes diuinas: Scientia verò, per rationes inferiores, creatas vel humanas. Hæc Suares, cuius opinio probabiliter non caret, præcipue propter auctoritatem S. Thomæ, & S. Gregorij magni, superius citati.

Donum
Timoris;

SECTIO III.

Probaturs Dona Spiritus sancti non distinguuntur à Fide, & ab alijs virtutibus.

EXistimo tamen hanc distinctionem Donorum à virtutibus neque sufficienti fundamento niti, neque satis commodè explicari: quam ideo recipiunt, vel non omnino approbant Scotus in 3. dist. 34. q. unica, §. *Ad istam questionem*, Gabriel dist. 34. quæst. unica, art. 2. concl. 1. Durandus ibidem quæst. 1. n. 9. Maior quæst. 1. Rubro quæst. 1. art. 1. Alciator. lib. 3. Summæ, tract. 8. quæst. 1. in fine, Almain. in Moral. tract. 3. cap. 23. Vasq. 1. 2. disp. 89. cap. 2. Ratio est, quia licet Isaias affirmet spiritum Domini quieturum in Christo, idque cum proportionem ad iustos extendendum sit: non propterea asserit daturum illis septem Dona distincta à virtutibus infusis, sed potius Spiritum sanctum illis nominibus nuncupari, quia facit sapere, intelligere, scire, timere, &c. siue quia cunctarum virtutum fons est, atque principium; ut exponit Hieronymus in cap. 11. Isaiæ, v. 2. vel ut ait Cyrillus lib. 1. Isaiam aliquantò post inieciū, *In hoc flore*, Christo scilicet, *acquiescentiam aut spiritum Dei, multis virtutibus, & virtutibus potestatem*. Spiritum enim ipsum nominat consilij, & intelligentiæ, & cognitionis, & sapientiæ, & fortitudinis, & religionis, & timoris Dei. Et paulo post addit, hos non esse diuersos spiritus, sed vnum, & eundem hæc omnia operantem. Et Ambrosius lib. 1. de Spiritu sancto dicit illo numero significari plenitudinem virtutum, quas scilicet Spiritus sanctus operatur in nobis; ita ut numerus definitus ponatur pro indefinito, neque sit necesse intelligere ibi enumerari omnia dona; vel omnes effectus Spiritus sancti, sed aliquos illustres, multisque minus hæc à virtutibus distinguere. Augustinus quoque lib. 1. de Sermone

41
Illa distinctione non bene colligitur ex Isaiâ.

12.
Donum
Scientiæ.

Donum
Consilij.

11.
Donum
Fortitudinis.

Donum
Pietatis.

Domini in monte, cap. 4. sic ait, *Videatur ergo mihi etiam sepius operatio Spiritus sancti, de qua Isaias loquitur. his gradibus. sententiisque congruere, id est, octo beatitudinibus, de quibus Matth. 5. v. 3. & sequentibus. Et lib. 1. questionum Evangelicarum, q. 8. subindicit septem spiritus malos quos immundus spiritus cum exierit ab homine secum assumit, opponi septem illis spiritualibus virtutibus ab Isaiā enumeratis. Alijque Patres simpliciter dona illa virtutes vocant, neque à virtutibus Theologicis, vel Cardinalibus distingui significant, excepto Gregorio, de quo paulo post.*

Secundò, quā facilitate asseritur dona distinguì à virtutibus, propter verba Isaiā citata; eadē posset quis suspicari distinguì ab ipsē octo beatitudines, de quibus Christus Matth. 5. Et Duodecim Fructus Spiritus sancti, de quibus Apostolus ad Galat. 5. qui fructus sunt etiam dona quædam Spiritus sancti. Et tamen neque D. Thomas, neque alij Theologi volunt distinguì; notantque neque omnes beatitudines illic enumerari; neque hic omnes fructus Spiritus sancti; ergo similiter, &c. Tertiò in textu Hebræico Isaiæ vnicum nomen est, *מַרְאָה* *grā*, quæ pietas, & timor significantur iuxta versionem LXX. & iuxta Vulgatam: vnde aliqui, vt Adamus in eum locum, sex tantum dona numerari ab Isaiā volunt. Propter quod tamen non est recedendum à Vulgata, & à communi versione Sanctorum Patrum. Potuit enim Spiritus sanctus vtrumque donum eadē voce comprehendere: & vox illa *מַרְאָה* *grā*, significat duo: Primò timorem, & reuerentiam; Secundò, pietatem, quæ naturaliter sequitur reuerentiam erga Deum: vt notat Carnel. à lapide in eundem locum. Potuit etiam altera vox ex Hebræo textu excidisse, post versionem LXX. interpretum, qui correctissimo exemplari vsi sunt: vel etiam post versionem Vulgatæ, quæ cum LXX. interpretibus hac in parte consentit.

Quartò, nullum est ex his donis, quod ad virtutem aliquam pertinere facili non possit: Ac primò quidem virtutes ipsæ dona sunt Spiritus sancti, quatenus gratis ab ipso infunduntur. Sicque Paulus Ephes. 2. v. 8. ait fidem esse donum Dei. Et Rom. 5. v. 5. dicit charitatem Dei diffusam esse in cordibus nostris per Spiritum sanctum, qui datus est nobis. Sunt, inquam, dona, quatenus gratis donantur: & virtutes, quatenus valent determinatè ad bene operandum. Illa quoque dona Spiritus sancti, quæ alij contendunt esse à virtutibus distincta, sunt etiam virtutes, quatenus sunt habitus boni, & ad bene operandum determinati: neque potest vera vlla definitio virtutis assignari, quæ illis non conueniat. Quare ex vi huius appellationis nulla est ratio distinguendi generatim hæc dona, & virtutes. Speciatim verò cognitio diuinarum traditionum, siue scriptæ sint, siue non scriptæ, est nobis reuera quædam Sapientia, scientia, intellectus, & consilium, seu prudentia. Sicque vocatur in Scriptura, Deuter. 4. v. 4. *Hæc est vestra Sapientia, & intellectus coram populo, vt audientes vniuersa præcepta hæc, dicant: En populus Sapiens, & in-*

telligens. Et Psalm. 118. v. 98. *Super inimicos meos prudentem me fecisti manduo tuo:* & v. 105. *Lucerna pedibus meis verbum tuum, & lumen semitis meis,* id est, scientia quodammodo, & clara cognitio: de qua etiam intelligi potest, quod ait ibidem, v. 66. *Bonitatem, & disciplinam, & scientiam doce me: quia mandata tua credidi.* Est, inquam, Sapientia, id est, altissimarum rerum per indicia altissima cognitio: nempe Dei vnus in essentia, & trini in personis, ipsiusque attributorum, & actuum, & institutorum, per ipsius testimonium certissimum, miraculis, & signis illustribus confirmatum. Est præterea intellectus, id est, simplex assensus sine discursu, circa res à Deo reuelatas, propter ipsius testimonium immediatè illis applicatum: vel etiam quatenus per habitum & actum præuium voluntati credendi, est iudicium simplex de credibilitate propter ipsius euentiam immediatam. Est etiam scientia, id est, supereminens humanæ scientiæ intelligentia verissima & certissima rerum inferiorum, quā Christiani melius, quàm Philosophi, cognoscunt hunc mundum, eiusque creationem, conseruationem, gubernationem, & res alias Deo inferiores. Est denique consilium, seu prudentia, quatenus valet ad discernendum, & iudicandum melius, quàm soleant homines per rationem naturalem; estque rectissima agendi, atque viuendi ratio. Et quamvis ultra fidem versantem circa reuelationes diuinas possit Deus dare lumen infusum, & notitiam infusam, quæ habeat vim intelligentiæ, & Sapientiæ, & scientiæ, & prudentiæ, & artis; sicut dedit olim Adamo, Salomoni, Bezeleeli, & alijs: non tamen satis constat talem notitiam dari ijs omnibus, quibus dona dicuntur dari, id est, omnibus iustificatis.

Fortitudo verò, & pietas, & timor, possunt ad Spem, & Charitatem pertinere. Nam fortis est, vt mors, dilectio: & ambæ valent ad audendum, ad timendum, & ad Deum honorandum. Quòd si præter virtutes Theologicas infunduntur quoque morales, vt fert communis Theologorum sententia; quicquid dicitur de consilio, fortitudine, pietate, & timore Domini, potest illis facili tribui. Valent enim ad bene agendum, & decenter, tam erga alios, quàm erga se: & tam secundum communes Regulas, quàm secundum speciales reuelationes, aut motiones diuinas. Et vt aliquid speciatim his donis tribuatur, sufficit dicere esse actus illustres virtutum, cum speciali auxilio Spiritus sancti elicitos: siue ad credendum, & cognoscendum melius reuelationes diuinas ex meliori propositione obiecti, maioriique Spiritus sancti illustratione: siue ad agendum extraordinario quodammodo, ex instinctu peculiari Spiritus sancti, circa virtutum aliarum materiam, extraordinariè propositam. Etenim omnes virtutes infusæ valent ad hominem mouendum circa suam materiam à quacumque inspiratione diuina propositam, cuius diuersitas non mutat obiectum formale. Ex. gr. fortitudo valet ad periculorum, & mortis contemptum, quocienscumque id expedire, aut necessarium esse constabit: siue per leges communes con-

17.
Alia cum spe, & charitate, aut virtutibus moralibus.

16.
Dona sunt potius ipsa virtutes.

Quædam cum fide identificantur.

Act, siue per inspirationem extraordinariam.

19.
Soluatur
arg.
contrarie
sententie.

Neque multum videntur argumenta contrarie sententie. Ad primum enim, constat ex dictis quo sensu Spiritus sanctus dicatur Spiritus Sapientie, & Intellectus, &c. & Spiritus septiformis munere: quia scilicet septem illos actus in nobis operatur: siue per totidem principia habitualia, siue non; & siue illi actus distinguantur ab actibus virtutum, siue non: quod Scriptura non asserit: & alibi æquè tribuit Spiritui sancto Fidem, & Charitatem, aliarumque virtutum actus. Ad secundum respondeo, Patres non loqui de his donis, ut distinctis à virtutibus, excepto Gregorio, qui etiam ibidem vocat eadem dona, *virtutum sensus*, id est, ipsarum virtutum opera, & effectus. Ita ut loqui videatur de actibus, & distinguere septem dona Spiritus sancti ab alijs actibus virtutum Theologicarum, & Cardinalium, veluti septem actus illustriores: quos ideo septem fratribus comparat, id est, septem filijs Iob, masculis scilicet, & fortibus: fidem verò, Spem, & Charitatem quoad reliquos actus, comparat tribus eorum sororibus: virtutes autem Cardinales, quatuor angelus domus, quibus eueris domus corruit, & septem fratres oppressit, id est, ut ipse allegoricè interpretatur, septem dona Spiritus sancti: quia qui deficit in actibus minoribus, multò magis deficit in actibus illustrioribus, & fortioribus. At verò alij Patres dona ista, & virtutes pro eodem sumunt, vt ex Hieronymo, Cyrillo, Ambrosio, & August. suprà ostendimus. Tridentinum quoque Sess. 6. cap. 7. cum initio dixisset iustificacionem fieri per suscepcionem gratie, & donorum: paulò post, dona illa explicans, ait, *In iustificatione cum remissione peccatorum, hæc omnia simul infusa accipit homo, Fidem, Spem, & Charitatem*: neque aliorum donorum meminit.

19.
Ad tertium: Nulla est virtus infusa, quæ donum Spiritus sancti dici non possit: nullum etiam ex his septem donis, quod virtus non dicatur; vt patet ex Patribus suprà citatis. Quamvis loquendo generalius, donum latius pateat, quàm virtus. Nam remissio peccatorum est donum, & tamen non est virtus, quia non valet ad operandum: auxilia quoque transseuntia, vt illustrationes, & pie motiones, Spiritus sancti dona sunt, non virtutes, sumendo virtutem pro habitu. Ad quartum, iam suprà respondimus diuersitatem illam principij non mutare obiectum formale virtutum infusarum, quæ valent ad sequendam quamcumque motionem diuinam circa suam materiam. Philosophus verò non dicit esse diuersos habitus; alterum virtutis simpliciter, & alterum virtutis Heroicæ: sed esse eundem habitum magis perfectum; vel à virtutis habitu aliquando fieri opus aliquod Heroicum ex instinctu diuino.

10.
Ad quintum: Sicut Christus habuit per lumen excellentius quicquid nobis præstat fides, sine ipsius imperfectione: sepeper idem lumen, siue gloriæ, siue aliud multiplex, habuit Sapientiam, Scientiam, &c. multò perfectiorem, & diuersæ rationis à nostra: qualis etiam est in Beatis, & in sanctis Angelis, siue in illis ma-

neat habitus fidei, siue non. In peccatoribus verò retinentibus fidem, remanent quoad habitum dona cum fide identificata, quæ falsum est esse iustorum propria. Salomon autem Sapientiam postulat, & obtinuit, peculiarem, a fide diuersam, & paucis communicatam, vt Adamo, Christo, B. Virgini: omnibus verò iustis eandem dari nullum indicium, vel argumentum probat. Davidis verba, & Ecclesiastici, possunt facillè intelligi de maiori illustratione intellectus, & meliori propositione, & explicatione obiecti fidei. Fides enim habitualis non operatur sine propositione obiecti, & inspiratione Spiritus sancti: eoque melius operatur, quò melius obiectum proponitur, aut quò magis intellectus illustratur: vtque sit Sapientia, Intellectus, & Scientia in actu secundo, oportet proponi obiecta fidei altissima, vel alia inferiora: quæ quo distinctius proponuntur, eò melius percipiuntur, cæteris paribus. Hæc autem propositio fieri solet ab extrinseco; neque ad illam necessarius est internus habitus, sed sufficiunt externa adiumenta à Deo posita, Ecclesia, Doctores & alia media externa, internaque illuminatio Spiritus sancti, quæ interdum sine medijs externis operatur.

Potest etiam hoc ipsum, quod obijciunt Aduersarij de Salomone, Davide, & Ecclesiastico, in ipsos retorqueri. Nam illi non tantum fideles erant, sed etiam iusti, quibus omnibus hæc dona dicuntur esse infusa. Quomodo ergo eadem petuntur ab illis, aut eis promittuntur, siquidem iam habebantur? Quæ verò ratione conueniant fidei, nomina, Sapientie, Scientie, Intellectus, & Consilij, superius ostendimus. Illud denique scire, si non crediderit, non intellexerit, potest similiter in Aduersarios retorqueri. Nam secundum illos, Intellectus, qui est iudicium de sensu reuelationis, debet præcedere fidem, quæ est iudicium de re reuelata secundum sensum reuelantis iam cognitum: & tamen istas Fidem præponit Intelligentie. Verus autem sensus illius loci est, quod qui non humiliter captiuant intellectum in obsequium fidei, non possunt intelligere mysteria diuina, quæ humanæ rationi sunt impenetrabilia. De reliquis virtutibus iam diximus valere ad vtrumque modum operandi: & secundum legem communem, & secundum motionem extraordinariam. Idque non minus gratiæ perfectionem, & amplitudinem commendat, quàm distinctio illa virtutum, & donorum: quæ cum sine sufficienti fundamento inducitur, res fidei minus credibiles reddit, & multiplicat habitus supernaturales absque necessitate.

Ratio verò differentie à D. Thoma primo loco assignata, illud habet incommodi, quòd Refellunt dona Intellectus, & Consilij sunt valde imperfecta, si tantum valent ad apprehensionem credibilem, quam alioqui constat fieri communi naturali modo ad propositionem obiecti. Deinde, Sapientia, & Scientia iudicare non possunt, nisi apprehendant illud ipsum, de quo iudicant. Quid ergo est opus donis distinctis, & supernaturalibus ad apprehendendum illud ipsum, quod ipsæ debent necessariò apprehendere? Tertiò, cum de rebus diuinis cogni-

tis per altissimas causas, quædam sint practicæ, vt de Deo summe diligendo propter se: & de rebus inferioribus quædam sint speculatiuæ, vt de natura, & proprietatibus hominum, & Angelorum, & mundi creatione, & similibus: malè restringitur Sapientia, quæ est de rebus altissimis, ad iudicium speculatiuum: & Scientia, quæ est de rebus inferioribus, ad iudicium practicum: cum vtraque valeat ad speculationem, & praxim.

21.
Dona illa
distincta
sunt su-
perflua.

Ad posteriorem rationem differentie, quæ D. Thomas priorem correxit, & ad totam Suariz expositionem, dico, ad penetrandum sensum reuelationis, qualem habemus communiter, sufficere distinctam, & debitam propositionem, cum interno auxilio Spiritus sancti: ad iudicium verò supernaturale de conuenientia rerum reuelatarum cum rationibus superioribus, vel inferioribus, quale communiter habetur, sufficere ipsam fidem. Nam in diuinis reuelationibus non continetur quomodocumque mysterium Incarnationis v. g. sed etiam eius conuenientia cum Dei Sapientia, Bonitate, & Amore, cunctique utilitate, & necessitate hominum, atque aliarum rationes, secundum quas æstimari debet, in quas etiam fides tendit. Si verò interdum homines sunt languidiores ad sentiendum, & æstimandum, propter aliquem defectum, aut impedimentum; non est mirum, cum etiam ad credendum actu patiantur interdum similia incommoda. Possunt & ultra conuenientias reuelatas alie excogitari humanâ industriâ, præsertim speciali Dei ope adiutâ: ad quas tamen non constat dari communiter habitus. Possunt etiam ultra fidem dari alij habitus in intellectu: sed inde non sequitur infundi iustis omnibus dona distincta à virtutibus.

22.

Præterea, non est necesse vt ad omnes actus ponantur habitus infusi. Deus enim quosdam sibi reservare potest: præcipue verò actus illos extraordinarios supra legem communem; qui rarissimi sunt; quia nunquam recedere licet à lege naturali, & diuina positua, nisi certissime impellente Spiritu sancto ad aliter agendum: Quod rarissime contingit; & tunc fortè magis patitur homo, quàm agit: Sique liberè agit, accipit à Deo mirabiliter intelligentiam, quæ cognoscat licere sibi, Auctore Deo, sic agere. Deus autem, vt moueat ad extraordinaria, & rarissima, non debet habitus infundere; sed potest sine habitibus mouere. Adde, fidem habitualemente valere ad omnem cognitionem, Dei reuelatione interna, vel externa habitam: & reliquas virtutes valere similiter ad prosequendam bonitatem sui obiecti, quomodocumque notam. Ac si Suares præter quatuor virtutes Cardinales, ponit quatuor dona realiter distincta ad operandum altiori modo, in eiusmodi virtutum materia, secundum motionem extraordinariam Spiritus sancti: debet pari ratione, alia duo ponere ad operandum simili modo in materia Spei, & Charitatis; nam in illa potest non minus dari motio extraordinaria Spiritus sancti. Atque ita nouem dona constituenda erunt, quod Suares non admittit. Si verò, iuxta Suarem, Spes, & Charitas sufficiunt ad operandum circa suum

obiectum formale, quomodocumque propositum, ordinariè, vel extraordinariè: sic & alie virtutes infuse non egent donis superadditis, sed possunt sine illis extraordinariè operari. Et hæc tenet de septem donis Spiritus sancti.

SECTIO IV.

Quomodo Fides, differt à gratiâ Gratia datæ; & præcipue à Prophetia?

GRATIA gratis datæ nouem à D. Thoma numerantur, 1. 2. q. 111. art. 4. & ab alijs communiter, colligunturque ex illis Pauli verbis 1. Corinth. 12. *Alij per spiritum datur sermo Sapientiæ: alij sermo Scientiæ secundum eundem Spiritum, alij Fides in eodem Spiritu, alij Gratia sanctorum, alij Operatio virtutum, alij Prophetia, alij Discretio spirituum, alij Genera linguarum, alij Interpretatio sermonum.* Ex quibus tres sunt, nempe fides, prophetia, & operatio virtutum, quarum differentia à virtute dei Theologicæ, eget aliqua explicatione. Debent autem ab illa differre aliquo modo. Nam ex omnium consensu, gratia gratis datæ iuxta aliquam Dei beneficium collata per se primò ad bonum, & utilitatem aliorum; virtutes verò supernaturales, & alie gratiæ gratum facientes, dantur per se primò ad bonum, & utilitatem ipsius recipientis, vt illum Deo gratum reddant.

24.
Quoniam sunt
illæ gra-
tiae?

Circa primum: existimant aliqui, cum S. Chrysostomo in locum Pauli citatum, fidem gratis datam, de qua ibi loquitur Apostolus, nihil aliud esse, quàm fidem miraculorum, quæ ultra fidem Theologicam, includit fiduciam quandam magnam, atque constantem impetrandi, vel operandi miracula, vt dicemus Sectione 6. Sed hæc sententia non placet: quia fides miraculorum significatur potius à Paulo per operationem virtutum, quæ significat donum patrandi, vel obtinendi maiora quædam miracula, quàm sit curatio morborum, ibidem significata per gratiam sanctorum; vt agnoscat S. Chrysostomus loco, supra citato. Quare fides gratis data aliquid aliud significare debet.

Quid sit
fides gra-
tis data?

Alij verò, vt Ambrosius, Anselmus, & Caiet. per fidem hoc loco intelligunt donum constanter, & intrepide profutendi, & prædicandi fidem, ad utilitatem aliorum: qualis fuit data martyribus, præcipue illis, qui sexu, vel ætate, aut complexione erant imbecilliores. Sed hæc gratia spectat potius ad virtutem fortitudinis, vel ad auxilia gratiæ gratum facientis, quibus Deus nos iuuat, & corroborat ad conueniens exercitium virtutum supernaturalium. Alij terriò, & melius, intelligunt peculiarem quandam, & magis excellentem noticiam rerum fidei, datam ad utilitatem aliorum, cum facilitate, & energia explicandi eius mysteria: quæ à D. Thoma 2. 2. q. 4. art. 5. ad 4. vocatur Sermo fidei: & differt à duabus alijs gratiis, prius ab Apostolo enumeratis; nempe à sermone Sapientiæ, & à sermone Scientiæ, in eo, quod sermo Sapientiæ est donum ad ex-

25.

Quomodo differt
à fide
Theologica?

plicandas res fidei per causas altissimas, & ad veritates reconditas ex illius principiis eliciendas, alijsque persuadendas: sermo scientiæ est donum ad explicanda, & confirmanda fidei mysteria per effectus, & rationes naturales: sermo verò fidei est donum ad illa simpliciter, & sine illo ornatu sapientie, vel scientiæ, propriè tamen, & valde appositè explicanda. Ita ferè D. Thomas 1. 2. q. 111. art. 4. in corpore, vbi tres illas gratias exponit in hunc modum: Gratia gratis data, inquit, ordinatur ad hoc, quòd homo alteri cooperetur, vt reducat ad Deum. Homo autem ad hoc operari non potest interius mouendo (hoc enim solius Dei est:) sed solam exterius docendo, vel persuadendo. Et ideo gratia gratis data, illa sub se continet, quibus homo indiget, vt alterum instruat in rebus diuinis, quæ sunt supra rationem. Ad hoc autem tria requiruntur. Primò quidem, quòd homo sit fortis plenitudinem cognitionis diuinorum, vt ex hoc alios instruere possit. Secundò, vt possit confirmare, vel probare ea, quæ dicit; aliàs non esset efficax eius doctrina. Tertiò, vt ea, quæ concipit, possit conuenienter auditoribus referre. Ad primum istorum tria sunt necessaria. Primò enim necessarium est, vt qui alium debet instruere de rebus supernaturalibus, optimè nòriscit, & excellenti quodam modo, principia fidei; illaque possit optimè proponere. Et ad hoc datur fides, siue sermo fidei. Secundò, oportet vt rectè se habeat circa principales conclusiones, quæ ex principiis fidei deduci possunt, illas scilicet eliciendo, & explicando per altissimas causas; & sic ponitur sermo Sapientie, quæ est cognitio rerum per causas supremas. Tertiò, oportet vt etiam abundet exemplis, & cognitione effectuum, per quos interdum oportet manifestare causas. Et ad hoc ponitur sermo Scientiæ, quæ est cognitio rerum humanarum inferiours cognitionis supernaturalium: quia *Inuisibilia Dei per ea, quæ facta sunt, intellecta conspiciuntur.* Hæc D. Thomas. Qui tamen paulò seciùs easdem gratias explicare videtur 2. 2. q. 177. art. 1. vbi significat sermonem fidei pertinere simpliciter ad docendum, & instruendum intellectum aliorum de rebus fidei. Sermonem Sapientie dari ad delectandos auditores, & alliciendos, vt suauiter, & libenter audiant verbum Dei. Sermonem verò scientiæ ad hoc valere, vt auditores flectat, moueât, quæ efficaciter ad amandum, & volendum exequi ea, quæ verbis proponuntur. Quocumque autem modo ex his duobus explicetur Fidès gratis data, patet illam differre à Fide gratiarum faciente, seu virtute Theologica: quatenus illi addit facultatem explicandi valde propriè, facile, & appositè fidei mysteria: quod interdum experimur fieri multò meliùs, & efficacius à quibusdam simplicioribus, pijs & Sanctis, quàm à Doctis Theologis dono illo carentibus.

Circa secundum, de differentia virtutis Fidei à Prophetia, dicendum est Prophetiam, ex vi vocis, idem esse propriè, ac prædictionem futurorum. Deriuatur enim vox illa à *pro* & *phui*, id est, prædico, prænuntio. Extenditur tamen ad cognitionem quoruncumque occultissimorum,

quæ non possunt cognosci naturaliter; siue illa futura sint, siue præterita, siue præterita; vt rectè docet S. Gregorius Homil. 1. in Ezechiel. Quo sensu dicuntur Prophetæ, qui *Multipli-* secreta cordis aperiunt, 1. Cor. 14. & Moy- *cia* ses prophetauit, quando mundi creationem *sa-* Spiritu Dei reuelante descripsit. Sumitur etiam in Scriptura pro quacumque cognitione habita per diuinam reuelationem vt alijs enuntiat; & pro tota Scriptura diuina, quia fuit diuino Spiritu tradita: & pro illius interpretatione, vel interpretandi dono: & pro ministerio canendi laudes diuinas: & pro operatione miraculorum factorum in confirmationem aliuicuius Prophetiæ, vel Sanctitatis aliuicuius Prophetæ: & denique pro detectione oculorum facta per Angelos bonos, vel malos, ex spiritu proprio, vel fundata in sola ipsorum reuelatione, aut locutione, vt quando Pithones, & Pithonissæ dicuntur prophetare: quæmadmodum rectè notarunt Cornelius à Lapide in Præmio in Isaiam, & alios Prophetas; & Suarez disp. 8. de Fide, Sect. 3. vbi has omnes prophetiæ acceptiones confirmat varijs Scripturæ testimonijs, & exemplis, partim certis, partim tantum probabilibus, & incertis. Cuiusmodi est illud, quod ait de Saule 1. Reg. 11. non aliter ipsum prophetasse, quàm quia fuit motus à Spiritu sancto, vt cum alijs Prophetis caneret laudes diuinas. Hoc enim solum si fecisset, non fuisset adeo mirabile, vel locum daret Proverbio in Israël, *Saul inter Prophetas.* Cuiusmodi est etiam quòd putat illud 2. Petr. 1. *Habemus firmiorem prophetici sermonem.* &c. dictum esse de tota Scriptura diuina: probabilis enim est quod diximus alibi cum D. Aug. sermonem specialiter ibi esse de prophetijs Christum prænuntiantibus in Testamento veteri, quas Petrus ait certius esse de Christi diuinitate testimonium, quàm vocem de cælo super ipsum delapsam in monte Thabor, à magnifica gloria.

Hic autem sumimus prophetiam in primo, & proprio sensu, quo significat prædictionem certam, & infallibilem futurorum contingentium, pendentium à Dei, vel à creaturam libertate: siue donum illa prædicendi certò, & infallibiliter, ex Dei reuelatione: neque enim possunt aliter certò, & infallibiliter prædicari, vt ostendimus disp. 4. Sect. 4. n. 31. Huius itaque gratiæ obiectum materiale sunt futura libera, quæ à Deo reuelantur Prophetis. Formale verò est ipsa reuelatio diuina, quæ dupliciter fieri potest: obscurè scilicet, aut euidenter. Neutrum enim repugnat prophetiæ. In quo differt à fide, quæ semper nititur obscura reuelatione, & tantum euidenter credibilis. Actus verò illius proprius est prænotio in mente Prophetæ, eorum quæ ipsi reuelantur, & eorumdem exterior prædictio, seu significatio per voces, scripta, vel alla signa. Quæ sola exterior prædictio, sine interiori cognitione, & assensu, non est verè, & propriè, & perfectè prophetia: sed insinuat quidam propheticus, & directio linguæ hominis, vt intentioni Spiritus sancti inserviat, ipso non intelligente: perinde ac si Deus statua, vel bestia videretur ad idem enuntiandum: in quo casu

bestia, vel statua non esset Propheta. Ideo quæ nec Caiphas fuit verè Propheta, quando Ioan. 11. affirmavit expedire Christum mori, vt non tota gens periret: quia sensum propheticum suæ assertionis non intellexit: vt rectè ait S. Thomas 1. 2. q. 173. art. 4. post D. Aug. lib. 2. ad Simplicianum quæst. 1. Neque etiam Pharaon, & Nabuchodonosor, præomnians futura, quæ non intelligebant, Genes. 41. & Daniel. 2. Nec enim propterea illi Prophetae fuerunt; sed Ioseph, & Daniel, qui Dei reuelatione, id, quod per omniam illa præsignificabatur intellexerunt. Rectè tamen notat ibidem D. Thomas, fieri posse vt Propheta non assequatur omnem sensum quem Spiritus sanctus intendit significare per eius locutionem: quia est instrumentum inadæquatum virtutis Spiritus sancti. Sed Prophetæ denominatio non conuenit illi propriè, nisi respectu eorum, quæ intelligit.

Porro, illam prænotionem certam, & infallibilem futurorum liberorum esse supernaturalem certissimum est: quia est huiusmodi, vt solis viribus naturalibus sine Dei reuelatione haberi non possit, quemadmodum patet ex dictis sect. citata. Et si reuelatio facta sit obscure, est actus fidei Theologicæ; cnius obiectum materiale adæquatum est quicquid à Deo obscure, & credibiliter reuelatur: formale verò, reuelatio obscura, & credibilis: comprehenditque non modo illa, quæ publicè credenda proponuntur, sed etiam primatas reuelationes cuiuscumque factas, vt suo loco ostendimus. Quare ex hac parte propheta coincidit cum fide. Differt tamen ab illa ex fine extrinseco. Quia vt dicitur specialiter prophetia, & gratia gratis data, debet dari specialiter & per se primò ad aliorum utilitatem: vt illis enuntiatur, & profit eorum saluti. Tales autem fuerunt communiter reuelationes factæ Prophetis, circa quas velut obscure sibi factas exercuisse ipsos actum fidei docet Scriptura: vt Abrahamum, Genes. 15. & Rom. 3. circa reuelationem de filio sibi nato: de qua dicit Apostolus. *Credidit Abraham Deo, & reputatum est illi ad iustitiam.* Et de Isaac, Iacob, aliisque multis significat idem Apostolus. Hebr. 11. Eademque de causa 1. Corinth. 13. cognitionem prophetica vocat *imperfectam, & cognitionem ex parte*, euacuandam in cælo, propter imperfectionem obscuritatis. Et ad assentiendum huiusmodi reuelationibus non est opus alio habitu, quàm ipso habitu fidei supernaturalis: Vel si deest habitus, potest elici cum auxilio actuali æquivalente habui æquæ ac qui liber actus fidei.

Sed nihilominus quoddam prophetica reuelatio possit euidenter fieri, & interdum fiat, patet exemplo Christi, qui fuit verè propheta, tamen nullam reuelationem obscuram habuerit. Talis etiam probabiliter fuit illa reuelatio, de qua dicebat Dauid, 1. Reg. 15. Deum sibi loquantem esse, *Sicut lux aurora, oriente sole, mane absque nubibus rutila.* Et tunc manifestum est assensum illum propheticum euidentem, differre intrinsecè, & specificè ab assensu fidei: & non elici per eius habitum, neque per auxilium illi tantum æquiualens, sed per lumen superius atque perfectius: de quo dubitari potest, sit ne

tantum actuale, & datum per modum illustrationis, & actus transeuntis. An verò etiam habituale, & permanens? Quæ difficultas tota sectione sequenti explicabitur.

SECTIO V.

Qualis sit lumen, quod ultra Fidem, infunditur Prophetis ad futura prænotanda.

Respondedo, & dico primò, nunquam infundi lumen habituale Prophetis, quo res liberè futuras in seipsis immediatè cognoscant certò, & infallibiliter, absque vilo medio cognito, vel incognito. Ratio est, quia tale lumen est impossibile. Solius enim Dei, propter illimitatam eius perfectionem intelligendi, proprium est posse attingere directè per se primò, & immediatè futura libera in seipsis euidenter & infallibiliter, illaque cognoscere absque vilo medio, eo solo quòd verum est illa esse futura. Quæ independentia in cognoscendo arguit necessaribz independentiam in essendo, vt ostendimus suprà, disput. 4. sect. 4. num. 31. & 1. p. disp. 11. sect. 1. num. 2. & sequentibus. Dixi autem, *absque vilo medio cognito, vel incognito*, quia non repugnat infundi lumen habituale, quo mediantibus speciebus futurorum, vt talium, & temporis, ac loci, aliarumque circumstantiarum, in quibus liberè futura sunt, cognoscantur: quale lumen fuisse Christo reipsa infusum dicemus in tractatu de Incarnat. disp. 10. sect. 4. num. 45. & 46. Idemque docent Monceus disp. 5. cap. 7. num. 3. & Metarius disp. 30. de Angelis sect. 1. 2. & 3. affirmantes tale lumen; & modum prævidendi futura libera directè in seipsis, fuisse datum animæ Christi per species rerum futurarum eius animæ infusas.

Contra quod frustra opponunt quidam Recentiores, species, infusas esse medium incognitum, valens tantum ad formandam apprehensionem rerum, quas representant: vt de ipsis etiam speciebus, quæ prophetis imprimuntur, affirmat D. Thom. 2. 2. quæst. 173. art. 2. in corp. Ergo non sufficiunt ad formandum iudicium certum, & euident, quòd res illæ futuræ sint: estque impossibile intellectum id indicare sine aliqua euidentia obiecti, vel per se immediatè præsentis, & euidenter apparentis vel per medium aliquod cognitum, id est, per aliquod argumentum infallibile, vi cuius sit certus de illius existentia. Solæ autem species impressæ non sunt tale medium. Neque etiam res futuræ sunt per seipsas præsentis menti Prophetarum: neque euidenter illi apparent ex simplici apprehensione terminorum, quibus significancur esse futuræ. Quare Prophetæ non possunt indicare certò, & euidenter, vi sola specierum, illas esse futuras infallibiliter. Constat, quia Prophetæ pendebant à Dei locutione interna, vel externa, illamque petebant aut expectabant, vt futura prædicarent: neque poterant quæcunque prænuntiare; sed ea solum, quæ Deus ipsis reuelabat: vt apparet ex multis Scripturæ exemplis 1. Reg. 16. & 4. Reg. 3. & 4. & Isaia 40. alijsque locis. Atqui si Prophetæ habuissent lumen habituale, quo eu-

Non sufficit habituale sine medio cognoscendi futura.

Possunt species infusæ esse medium sufficiens.

decenter cognoscerent futura in seipsis immediata, non eguissent Dei locutione interna; vel externa; sed sine illa potuissent futura prædicere.

Ad primum respondeo, quemadmodum species rerum ut præsentium, aut præteritarum, ut talium, & cum ijs circumstantijs, in quibus præteritis sunt, non valent tantum ad formandam apprehensionem, sed etiam ad iudicandum quod extiterint: ita species à Deo impressas intellectui de rebus liberè futuris ut talibus, & cum omnibus circumstantijs, in quibus liberè futuræ sunt, non valere solum ad apprehendendum; sed etiam ad iudicandum quod sint liberæ futuræ: Non repugnat autem tales à Deo species infundi, quæ habeant respectu liberè futurorum, id quod species naturaliter acquisite habent respectu liberè præteritorum. Patetque experientia in somniantibus, & in phreneticis, & in illis, quorum imaginatio à Dæmone turbatur per magiam? species certo modo coordinatas, aut excitatas valere non solum ad simpliciter apprehendendum; sed etiam ad assentiendum obiectis per eas representatis, interdum ut præsentibus, aut præteritis, interdum etiam ut futuris.

Ad secundum: D. Thomas art. cit. non negat tales species posse à Deo imprimi menti Prophetarum: sed tantum affirmat, vitra species à Deo impressas, vel de nouo, speciali modo coordinatas ad representandas veritates intelligibiles, quæ hominism mentem excedunt, requiri lumen intellectuale, quo cognoscatur veritas rei intelligibilis, per species illas representatæ: Et hoc lumen esse partem prophetiæ præcipuam: imò propheticam revelationem quandoque fieri per solum huius luminis influentiam: idque sufficere ut dicatur homo Propheta; quemadmodum probat exemplo Ioseph explicantis somnium Pharaonis: quandoque autem etiam fieri per species de nouo impressas, vel aliter ordinatas, id est, per lumen intellectuale, & species simul: & in eo maiorem esse excellentiam & plenitudinem prophetiæ: quia, ut ait S. August. lib. 12. de Genes. ad lit. cap. 9. *Maximi propheta est, qui utroque præcelsus, ut videat in spiritu corporalium rerum significatas similitudines, & eas vivacitate mentis intelligat.* Possunt autem species tales à Deo imprimi, id est, tam viuz & efficaces, de rebus liberè futuris ut talibus, vel modo tam mirabili coordinari ad illas representandas, quatenus tales; ut per illas evidenter representetur obiectum menti Prophetarum, perinde fere, ac si coram exhiberetur. Estque probabile interdum ita fieri, & eaque de causa Prophetas loqui aliquando de rebus futuris, ut de præsentibus, & à se visis. Præsertim ope luminis intellectualis, quo vis, & natura huiusmodi specierum bene percipitur, certoque, aut evidenter intelligitur illas esse effectum Dei specialem & proprium: adeoque non fallere. Ad quod etiam iurare potest experientia euentus infallibiliter iam sæpe secuti post similes specierum impressiones, & prænotiones ex illis habitas.

Ad confirmationem respondeo, eam probare solum non habuisse Prophetas lumen habituale, & species impressas, aut coordinatas ad cognoscenda pro libito quæcumque vellent, &

quandocunque vellent, futura libera: sed eguisset vel luminis intellectualis infusione, vel specierum impressione, aut noua & speciali coordinatione: quod non diffitemur. Illa verò specierum impressio, aut coordinatio à Deo facta luminis intellectualis infusio, loquutio quædam mentalis est, & reuelatio prophetica; ut affirmat S. Thom. art. citato. Illaque sicut Deus interdum utebatur erga Prophetas. Sic enim loquimur adinuicem per diuersam ordinationem earundem literarum, & syllabarum, voce aut scripto formatam secundum quam accipitur diuersus intellectus: Ita Deus potest loqui Prophetis interius per varium specierum impressionem, aut diuersam specierum earundem coordinationem, factam in mente Prophetæ, secundum quam representat illi diuersas veritates intelligibiles.

Dico secundo, infundi posse lumen habituale Prophetis, quo cognoscant quæcumque futura libera ipsis evidenter reuelantur à Deo: fundi lumen ipsis evidenter reuelantur à Deo: fundi lumen habituale propheti- cum ad eundem ter reue- lata cognosce- da. probabile tamen est nulli eorum infusum fuisse hac in vita, præterquam Christo Domino. Prima pars probatur, quia si potest infundi, & recipi infunditur, principium habituale valens ad assentiendum certo & infallibiliter omnibus Dei reuelationibus obscuris circa res liberè futuras, qui est ipse habitus virtutis fidei supernaturalis, quidni etiam infundi queat principium habituale, & supernaturale, valens ad assentiendum evidenter omnibus diuinis reuelationibus evidenter factis circa eadem futura libera? Certè nulla ratio differtentiz sufficiens affertur potestati. Si autem potest tale lumen infundi, non est negandum fuisse infusum Christo Domino, ad cuius perfectionem plurimum conducebat, eratque vel pars nobilissima scientiæ illius infusa, à beatifica distinctæ; vel ipsum lumen gloriæ, quod valet ad cognoscendum Deum immediate, & ad cognoscendum, saltem mediâ in Verbo, quidquid Beatis à Deo reuelatur de liberè futuris, manifestando illis immediatè suam de illis cognitionem, aut decretum liberum.

Secunda pars eiusdem assertionis, quod sit probabile non fuisse infusum tale lumen Prophetis hac in vita, probatur, quia hæc est communis sententia Theologorum, ut testatur Suarez prolegom. 3. de gratia c. 5. n. 30. contra quam nihil afferitur magni momenti. Nam quæcumque dicuntur in Scriptura de Prophetis, potuerunt facili fieri per lumen actuale, id est, per auxilium transiens, & supernaturale, quo cognoscerent Deum sibi reuelare futura: & in eius reuelatione, veluti medio cognito, infallibiliter cum illis connexo, cognoscerent ipsa futura. Quid verò id non sit plus quam probabile, sed planè incertum, rectè affirmat idem Auctor cap. citato. n. 28. quia, inquit, nihil est, quo id certò probari possit. Si quid enim: maxime quia verum est ex Scriptura, & sanctis Patribus, non habuisse Prophetas (præter Christum quem semper excipimus) habituale vim prophetandi quicquid vellent, & quando- cumque vellent pro suo arbitrio; ut patet ex Scripturæ locis paulò antè ab eodem Doctore relatis: sed tantum ea, de quibus reuelationem à Deo accipiebant, & non autè quam ac-

31.
Satisfit
argumen-
tis con-
trarijs.

32.
Non con-
tradicit
D. Tho-
mas.

34.
Potest in-
fundi lumen
habitua-
le propheti-
cum ad eundem
ter reue-
lata cognosce-
da.

36.
Non in-
funditur
recepta.

33.

ciperent. Ar inde non potest inferri certò quòd non habuerint lumen habituale infusum ad ea cognoscenda, posita sufficienti revelatione. Nam sicut ex eo quòd fideles in infantia baptizati non possunt cognoscere res à Deo revelatas, nisi quando reuelatio illis proponitur sufficienter, inferri nequit non habere illos habituale principium ad illas cognoscendas, quociescunque sufficienter proponuntur: sic, &c.

Dico tertio, ex revelatione facta Prophetis remanere species permanentes, siue tunc illis infusas, siue naturaliter acquisitas per actum assentiendi: atque etiam habitum, qui ex illo actu naturaliter gignitur: quorum ope possunt Prophetæ recordari postea revelationis; & idem, quod ante, prædicare. Ratio primæ partis est: quia reuelatio prophetica tripliciter fit, vt docent Gregor. Magnus lib. 23. Moral. c. 2. & D. Thomas q. 173. art. 1. Nimirum, vel primò per aliqua obiecta externa sensibus oblata: siue sit locutio, siue aliquid aliud. Vel secundò per imaginariam visionem, seu representationem. Vel tertio per visionem, seu representationem intellectualem. Qui tres modi possunt non solum in vigilia, sed & in somno contingere, vt interdum accidisse docet Scriptura: Deo sensus externos confortante ad percipiendum obiecta externa sensibilia & intellectum ad iudicandum, & assentiendum propositæ reuelationi, ligatis licet sensibus per somnum: aut etiam in extasi, & abstractione ab illorum operatione. In primo modo reuelationis propheticæ, qui fit per obiecta sensibilia externis oblata, non est necessarium infundi species à Deo, iuxta probabilem sententiam illorum, qui dicunt sensum non egere speciebus in præsentia obiectorum, sed ab ipsis sufficienter determinari, seu moueri obiectiue: & ab eorum sensatione determinari sensum internum ad idem simul percipiendum: & à sensu interno, intellectum. In secundo vero necessario est infundi species, nisi phantasmata, præ-existentia in imaginatione, sufficiant ad representandum id quod Deus intendit reuelare, addita solum coordinatione alioque eiusmodi phantasmatum, quam Deus faciat per seipsum immediate, vel per Angelos, per quos interdum reuelat Prophetis. Idemque dico de tertio modo purè intellectualem: in quo tunc solum necessariū est imprimi à Deo species intellectui, quando non præexistunt aliæ, quæ cum aliqua coordinatione de nouo adueniente sufficiant. Quia verò Deus interdum aliqua reuelat secundò, & tertio modo, quorum species sufficientes non præexistunt: tunc saltem species imprimi, natura sua permanentes, & similes illis, quas naturaliter acquirimus quævis colligimus esse permanentes, ex diuturna recordatione eorundem obiectorum sensibiliū, aut intelligibilium, antea perceptorū.

Secundò verò pars probatur, quia siue ex actibus naturalibus intelligendi relinquatur species in intellectu, iuuant ad illorum, atque ad obiecti, per eos cogniti recordationem, vt suppono ex communi sententia Philosophorum, (quam satis confirmat experientia) & ex dictis prima parte disp. 38. Sect. 5. num. 45. & sequentibus: atque etiam habitus acquisitus iuuant

potentiam ad eliciendum facilius similes actus, saltem circa obiecta, in quibus cognoscendis laborat difficultate aliqua: iuxta ea, quæ diximus disp. 12. Sect. 1. n. 4. & sequentibus: Ita etiam ex actibus illis, quibus Prophetæ percipiunt reuelationes sibi à Deo factas, illisque assentiuntur, relinquuntur communiter eorum species, & habitus acquisiti: vt patet ex eo, quòd non minùs possunt istorum actuum facile recordari deinceps; quàm aliorum. Nec obest quòd actus illi sunt supernaturales. Nam per illos non minùs vñtatur potentia naturalis, quàm per actus naturales: cum in illis eliciendis potentia non se minùs vitaliter exerceat. Ab illa verò vñtatione, & exercitio vitali paritur facilitas. Actus quoque supernaturales possunt relinquere aliquid sui vestigium valens ad recordationem: vt experimur ex eo, quòd non minùs eorum recordamur, quàm actuum naturalium. Confirmatur, quia aliqui possemus euidenti experientia discernere actus supernaturales à naturalibus. Nam experiremur nos operando supernaturaliter, non posse amplius eorum actuum recordari; & sæpius atque intensè operando nullam tamen facilitatem acquirere. Neque enim hæc facilitas haberi posset per habitum naturalem, qui non acquiritur, ex suppositione: neque per habitum supernaturalem, aut eius augmentum: quia habitus supernaturales non dant posse facile, sed posse simpliciter operari. Qua de re plura diximus 1. 2. disputat. 36. Sect. 4. num. 38. Et hæc tenus de distinctione inter Fidem, & Prophetiam.

SECTIO VI.

Notatur aliqua circa differentiam fidei Theologicæ à Fide miraculorum, & Operatione virtutum?

Circa tertium suprâ propositum, de differentia Fidei Theologicæ à Fide miraculorum, & Operatione virtutum, nota primò Operationem, virtutum huc sumi non in actu se-^{38.} quid sit. Operatio virtutum
sed in actu primo, pro facultate operandi, aut impetrandi miracula, tenente se ex parte hominis operantis, aut impetrantis: quæ facultas non est physicum aliquid principium, efficiens vi sua miracula: sed morale, consistens in quibusdam actibus, quos Deus requirit ab illis, per quos, aut in quibus operatur miracula, id est, opera naturæ vires superantia, & Omnipotentia ipsius propria. Huiusmodi verò actuū primus est persuasio viuā, & firma, miracula quòd Deus possit facere miraculum, quod petimus, sique illud facturus hic, & nunc, si expedit, & petatur sicut oportet. Et hæc persuasio est actus Fidei Theologicæ, quæ versatur circa ea omnia, quæ à Deo reuelata sunt: Est autem reuelatum omnia esse Deo possibilia: & daturum esse petentibus quicquid petierint sicut oportet. Hunc actum Fidei exigebat Christus in operaturis miracula, quando dicebat, Marc. 11. v. 23. *Habete fidem Dei. Amen dico vobis, quia quicumque dixerit huic monti, tollere, & mittere in mare, &c.* Et Matth. 17. v. 19. *Amen dico vobis, Si habueritis fidem sicut gra-*

36.
Actus prophetie relinquitur speciem sui.

37.
Species illa iuuant ad recordationem actus prophetici.

38.
Operatio virtutum
quid sit.
Ad partem
tranda
miracula
requirit
vires &
firma
des omnipotentia Dei.

num sinapis, dicens monti huic, transi hinc illuc: & transibis. & nihil impossibile erit vobis. Vbi per fidem Dei intelligitur phrasi Hebraica fides magna, & excellens: & per fidem sicut granum sinapis, intelligitur fidei virtus magna, & viuida: nam granum illud, licet mole paruum, tamen virtute magnum, & viuidum est: vt exponunt Hieronymus, Beda, & Strabus in locum Matthæi citatum. De eademque Paulus dicebat 1. Cor. 13. *Si habuero omnem fidem, ita vt montes transferam.* Eandem etiam Christus requirebat ab illis, in quibus miraculum operaturus erat Matth. 9. quando scilicet cæcis visum petentibus dicebat, *Credidistis quia hoc possum facere vobis?* & illis respondentibus, *Vtique Domine:* subiunxit tangens eorum oculos, *Secundum fidem vestram fiat vobis.* Et cap. 13. de Christo dicitur, *Non fecit ibi virtutes multas, propter incredulitatem eorum.*

39.
Ex fiducia voluntatis.

Secundus actus, quem Deus requirit ad operandum, vel impetrandum miraculum, est magna quædam fiducia voluntatis, seu confidentia de Omnipotentia diuina, & de eius promissione applicata hic, & nunc: quæ fiducia est viua quædam, & generosa voluntatis erectio, & spes obtinendi bonum quod desideratur, quantumvis arduum, & difficile, innitendo Omnipotentie Dei, eiusque promissioni, fidelitati, & misericordie. Quem actum Christus sæpe exigit ab, quando petentibus miracula dicebat vt confiderent. Vt quando dicit paralytico, *Confide fili, remittuntur tibi peccata tua, &c. Surge, tolle lectum tuum, & vade in domum tuam.* Matth. 9. Hic autem non est propriè actus fidei, sed spei Theologicæ, vel alterius virtutis pertinentis ad voluntatem. Vocatur tamen aliquando fides metonymicè, nomine causæ translato ad effectum: propterea quod nascitur ex actu fidei viuo, & firmo, de omnipotentia Dei, eiusque promissione, & in illo fundatur. Vnde scilicet actus ille fidei non est iudicium absolutum quod miraculum fiet hic & nunc, sed tantum conditionatum, quod fiet si expedit, & petatur sicut oportet; ita fiducia illa voluntatis non est absoluta, sed affecta eadem conditione.

40.
Quæ ali- quando est absoluta.

vide supra
Disp. 11.
sect. 13.

Notandum tamen est secundò, posse operantem, aut impetrantem miraculum, habere iudicium absolutum, & fiduciam absolutam, quod hic, & nunc fiet miraculum. Quod iudicium si fundatur in reuelatione, sufficienter facta, est actus fidei Theologicæ, quæ completur quascumque reuelationes diuinas, siue publicæ, siue priuatim factas, vt alibi probauimus. Potest autem in illa fundari. Nam Deus, qui mouere solet specialiter & extraordinariè ad petendum miraculum, eos, per quos vult illud operari: potest illis sufficienter reuelare quod sint infallibiliter impetraturi. Et tunc etiam fiducia voluntatis absoluta, fundata in illo actu fidei, est actus spei Theologicæ, aut alterius virtutis supernaturalis. Aliquando verò iudicium illud absolutum fundatur tantum in coniecturis moraliter certis, aut probabilibus, quod hic & nunc expedit miraculum fieri, & petatur sicut oportet, adeoque futurum sit. Et tunc non est actus fidei Theologicæ,

sed iudicium prudentiæ: & similiter fiducia in illo fundata non est actus spei Theologicæ, & supernaturalis, quæ sequitur iudicium fidei, & in illo veluti basi fundatur, vt docet Apostolus Hebr. 11. v. 1. Dixi, moraliter certis: quia si euidenter constaret hic, & nunc expedire fieri miraculum, & peti sicut oportet: iudicium illud absolutum, esset actus fidei, tendens in reuelationem generalem, applicatam euidenter huic propositioni particulari: iuxta ea, quæ diximus de reuelatis mediâtè Disp. 6. Sect. 6. & sequentibus.

Hinc collige, fidem propriè dictam, quæ interuenit, & requiritur ad patrandam miracula, non esse aliam, quam actum virtutis fidei Theologicæ circa reuelationem Dei generalem, aut particularem: ita vt fides miraculorum sit eadem substantialiter cum fide Theologica. Quod efficaciter confirmari potest ex Apostolo 1. Cor. 13. vbi postquam dixit, *Si habuero omnem fidem, ita vt montes transferam:* addit paulò post, de eadem sine dubio loquens, *Nunc autem manent Fides, Spes, Charitas, tria hæc: maior autem horum est Charitas.* Vbi omnino loquitur de fide Theologica. Et Hebr. 10. v. ultimo, postquam dixit, *Infusum autem meum ex fide vini,* quod nemo dubitat intelligendum esse de fide Theologica, seu iustificante; addit immediatè post, cap. 11. vers. 1. *Est autem fides sperandarum substantiarum rerum, argumentum non apparentium:* quæ est definitio fidei Theologicæ. Et v. 4. *Sine fide impossibile est placere Deo. Accedentem enim ad Deum, oportet credere quia est, & quod inquirentibus se remuneratur sit.* Et paulò post, loquens de eadem fide, ait sanctos per illam obturasse ora leonum, extinxisse impetum ignis, effugisse aciem gladij. Differt tamen fides Theologica simpliciter dicta à fide miraculorum, penes quandam firmitatem, & intentionem, ac vigorem, fiduciamque illi coniunctam, quam non omnes fideles habent, ideòque non dicuntur habere fidem miraculorum: quamque habere hic, & nunc in particulari, quando miraculum est patrandum, aut obtinendum, difficile est, ob maiorem apprehensionem difficultatis, & operis præsentis. Differt etiam penes illud iudicium prudentiale absolutum, & fiduciam in ea fundatam; quod tamen non semper interuenit in operatione miraculorum; multòque minus actus fidei, & spei Theologicæ absolutus de miraculo impetrandum. Neque illud Christus postulabat, cum diceret Marc. 11. v. 23. *Quicumque dixerit huic monti, Tollere, & mittere in mare, & non hesitauerit in corde suo, sed crediderit, quia quodcumque dixerit fiat, fiet ei.* Aut Iacobus cap. 1. dicens, *Postulet autem in fide nihil hesitans.* Nam, vt Glossa, & interpretes ibid. aduertunt, non loquitur Christus, aut Iacobus Apost. de hesitatione orta ex consideratione nostre infirmitatis, aut indignitatis, & defectus alicuius, ex parte nostra in petendo sicut oportet; sed de illa quæ esset circa Dei omnipotentiam, vel promissionem; circa quam multi, licet aliqui fideles, non satis viuide, & firmiter, atque generosè se habent per fidem, & spem, quando miracula hæc, & nunc operanda, vel impe-

41.
miraculorum differentia à theologia?

tranda sunt : vt patet exemplo Moſis, & Aaronis, Numer. 10. v. 10.

41.
Deus non
ſemper
tot adus
requirit
ad mira-
cula
quos ſo-
let com-
muniter
require-
re.

Nota tertio, id quod diximus, Deum requirere actus ſuperius enumeratos, ab illis, per quos, aut in quibus operatur miracula, eſſe communiter intelligendum ; non autem ſemper, & ſine exceptione. Nam aliquando Deus operatur miracula in infidelibus, aut caren- bus actu fidei ſupradicto, ad preces aliorum ; vt patet ex Sanctorum hiſtorijs. Interdum

etiam operatur miracula per infideles & indi- gnos, non in fauorem infidelitatis, aut in con- firmationem erroris ; ſed in fauorem virtutis alicuius, & ad maiorem commendationem vir- tutis Chriſti, aut Sanctorum aliorum, quo- rum nomine interpoſito ſunt : cuius rei exem- plum habetur Marc. 9. v. 38. iuxta expoſitio- nem Bedæ, & Theophyl. in eum locum, & D. Auguſt. lib. 4. de conſenſu Euangelist. cap. 5.



DISPUTATIO

QUARTA-DECIMA.

De Infidelitate, & varijs eius ſpeciebus.

- Sectio I. *Virum Infidelitas ſit peccatum, & quale, & in quo ſub- iecto ſit?*
- Sectio II. *De varijs ſpeciebus Infidelitatis.*
- Sectio III. *De Hæreſi, Apoſtaſia, & Blaſphemia.*
- Sectio IV. *Soluuntur variaæ quaſtiones de Hæreſi.*
- Sectio V. *An liceat cum Infidelibus diſputare, libros eorum legere, vel cum ipſis communicare?*
- Sectio VI. *Virum Infideles poſſint habere dominium ſupra fideles?*
- Sectio VII. *Virum Infideles ſint compellendi ad fidem?*
- Sectio VIII. *De poteſtate, & modo coercendi, vel puniendi Hæreticos, & Apoſtaſas.*
- Sectio IX. *Virum errores, & ritus Infidelium ſint tolerandi?*
- Sectio X. *Virum fides data Hæreticis ſeruanda ſit, iia vt nequeat ſine peccato violari?*

DE Infidelitate, & varijs eius ſpeciebus diſputat S. Thomas quaſt. 10. & quinque ſequentibus. In quarum prima docet Infidelita- tem, non purè negatiuè ſumptam, (quæ magis eſt pœna pec- cati) ſed contrariè, quâ ſcilicet aliquis Fidei repugnat, aut eam contem- nit, eſſe peccatum, exiſtens in intellectu, velut in proximo ſubiecto ; in voluntate autem, ſicut in proximo motiuo. Eſſeque grauiffimum peccatorum illorum, quæ contingunt in morum peruerſitate ; quia magis à Deo ſeparat. Poſſe tamen Infideles aliquid boni operari : quia Infidelitas non corrumpit totum naturæ bonum. Addit plures eſſe ſpe- cies Infidelitatis conſideratæ per comparationem ad Fidem ; Paganifmum ſcilicet, Hæreſim, & Iudaifmum : quarum grauiffima eſt Hæreſis, ſuſci- piens, & proficiens Euangelium, illudque corrumpens. Eſſeque pecca- tum diſputare cum Infidelibus, niſi prudenter id fiat. Et ex Infidelibus

non esse cogendos ad fidem, nisi Hæreticos, & Apostatas, vt adimpleant quod promiserunt. Horum etiam dumtaxat commercium esse interdictum. Infideles quoque non esse præficiendos fidelibus: præfectos tamen posse tolerari. Sicut & Infidelium ritus licite tolerantur à fidelibus, boni alicuius consequendi, aut mali vitandi causâ. Denique liberos infidelium ante vsum iudicij, & rationis non esse baptizandos inuitis parentibus quia Ecclesiæ consuetudo id numquam probauit, & iustitiæ naturali repugnat, & fidem in periculum adducit.

In secunda quæstione, quæ est speciatim de hæresi, docet hæresim esse speciem Infidelitatis, pertinentem ad eos, qui fidem Christi recipiunt in re ipsa, & tamen eius dogmata corrumpunt: versarique, circa ea, quæ ad fidem pertinent, id est, circa articulos fidei, & ea, quæ ex ipsis sequuntur. Quæ qui infecti sunt, si post vnâ, aut alteram monitionem obstinatè veritati resistunt, anathematis primum, deinde mortis supplicio iure puniuntur. Et quamvis Hæretici resipiscentes, semper recipiendi sint ad pœnitentiam, quotiescumque relapsi fuerint: non tamen semper sunt recipiendi, & restituendi ad bonorum huius vitæ participationem, neque liberandi à sententia mortis. Tum quia sunt inconstantes in fide: & si iterum relaberentur, alios inficerent: tum etiam quia si absque pœna euaderent, liberiùs in hæresin laberentur.

In tertia, quæ est de Apostasia, affirmat Apostasiam non ab ordine, vel à religiosa professione, sed à fide iam suscepta, esse speciem Infidelitatis. Cùmque aliquis per sententiam denuntiatur propter Apostasiam excommunicatus, ipso facto liberari eius subditos ab eius dominio, & à iuramento fidelitatis, quo ei tenebantur.

In quarta, quæ est de Blasphemia in genere, asserit illam esse peccatum confessioni fidei oppositum: quatenus per illam homo corde, vel ore, & intellectu, vel affectu, Deo tribuit, quæ ei non conueniunt; vel negat quæ illi conueniunt. Esseque peccatum mortale ex suo genere, quia derogat diuinæ bonitati, quæ est obiectum charitatis: adeoque repugnat Charitati diuinæ. Esse præterea grauissimum peccatorum ex suo genere, ipsam etiam Infidelitatem, quæ maximum est peccatorum, agrauans; & omnibus, qui apud inferos suorum scelerum pœnas luunt, commune.

In quinta, quæ est de Blasphemia in Spiritum sanctum, docet Blasphemum esse in Spiritum sanctum non modò eum, qui Blasphemum aliquid dicit contra Deum, & Tres personas diuinas: vel qui vsque ad mortem in peccato mortali perseverat, ac nequidem in extremo vitæ spiritu pœnitentiam agit: sed etiam qui peccat ex certa malitia, ea repellendo, atque contemnendo, quæ possent illum à peccato retrahere. Et sex esse species Blasphemix in Spiritum sanctum: Desperationem, Præsumptionem, Impœnitentiam, Obstinationem, Impugnationem, veritatis agnitæ, & Inuidehtiam fraterna gratiæ. Quæ omnes licet ex se veniâ indignissimæ sint: Dei tamen bonitate, atque misericordia nonnunquam remittuntur, excepta finali Impœnitentia. Et quamvis possit aliquis primò peccare in Spiritum sanctum, abijciendo per contemptum ea, per quæ retrahitur à peccato: secus tamen si per peccatum in Spiritum

sanctum intelligatur finalis impenitentia: quippe quæ est continuatio peccatorum usque ad finem vitæ. Hactenus D. Thomas.

SECTIO I.

Primum Infidelitas sit peccatum, & quale, & in quo subiecto sit?

1. Non omnis Infidelitas est culpabilis.

Prima conclusio: Non omnis Infidelitas est peccatum, sed ea solum; quæ scienter & libere admittitur contra debitum. Ita D. Thom. q. 10. a. 1. & alij communiter. Ratio est, quia nihil est peccatum, propriè dictum scilicet, & culpabile, nisi sit voluntarium, & liberum, & contra debitum morale. Ergo neque Infidelitas est peccatum nisi sit talis. Quod Christus aperte significavit Ioan. 15. v. 22. cum de Iudeis in se non credentibus dixit: *Si non venissem, & locum fuisset eis, peccatum non haberent*: excusati scilicet ob ignorantiam inculpabilem: *nunc autem*, post prædicationem scilicet tot miraculis confirmatam, & obligantem ad credendum, *excusationem, non habent de peccato suo*. Et v. 24. *Si opera non fecissem in eis, quæ nemo alius fecit, peccatum non haberent*.

Confirmatur ex D. Thom. art. cit. ubi duplicem Infidelitatem distinguit. Vnam merè negatiuam, quæ consistit in simplici carentia fidei, sine debito morali credendi: cuiusmodi est in ijs, qui nihil vniquam de fide audierunt, nec vniquam credere debuerunt; & hos affirmat sine culpa illos credere, ac proinde non committere peccatum Infidelitatis. Alteram eorum, qui fidei auditui repugnant, vel ipsam etiam contemnant, post sufficientem scilicet propositionem. Et hi peccant per Infidelitatem, siue repugnant possidè, exercendo actum contrarium: siue priuatiuè, omitiendo credere ex affectu reiiciendi fidem. Alij verò, qui nihil de fide audierunt, non peccant, siue tantum negatiuè se habeant, non credendo; siue etiam positiuè contrarijs erroribus per ignorantiam inculpabilem adhaereant. Vtrumque autem contingere potest, saltem circa illa fidei mysteria, quæ lumen naturale rationis excedunt. Imò non modò possunt sine culpa ignorari mysteria fidei supernaturalia: sed etiam plurima naturalia: quæ non sunt per se nota, & non sine doctrina aliqua vel studio addiscuntur. Et horum aliqua in perpetuum, alia saltem ad tempus. Cuiusmodi etiam est illud, Deum esse, quod saltem ad tempus potest inculpabiliter ignorari ab aliquibus, qui neque sensu habent ingenij; vt id statim ex rebus creatis intelligant, neque ab alijs docentur: Nullus tamen est hominum sensus & ratione vtiuntur, qui longo tempore, instinctu naturali, & creaturarum aspectu, atque diuina inspiratione, non moueatur immediate ad agnitionem diuini numinis, adeo vt illius ignorantia non diu sit sine aliqua culpa. Quæ de re plura videri possunt apud Egid. Coninck. d. 13. dub. 2. & Suar. Disput. 17. Sect. 2. n. 6. & 7. Vbi obiecta fidei naturalia speculatiua, & practica in tres ordines distin-

guit. Primum eorum, quæ per se notissima sunt quæque ideo inuincibiliter ignorari non possunt: vt, quod tibi fieri non vis alteri ne feceris. Secundum eorum, quæ ex illis faciliè deducuntur; quæ etiam non possunt ignorari, ob facilitatem illationis: posuit tamen magis quam illa prima, defectu notitiæ bene inferendi. Tertium eorum, quæ sunt obscuriora, quosque multo lumine, vel discursu indigent vt cognoscantur: & in istis potest faciliè contingere inuincibilis ignorantia, etiam diuturna, atque perpetua.

Obijcies primò: Si Infidelitas non est peccatum, nisi scienter, & libere admittatur, id est, nisi sit voluntaria, & libera; impossibile est vltimam Infidelitatem esse peccatum. Nam quidquid est voluntarium, & liberum, est cognitum: sed Infidelitas non potest esse cognita: ergo nec esse voluntaria, & libera. Maior patet, quia voluntas non potest ferri in cognitum. Minor verò probatur, quia si Infidelis cognosceret suam Infidelitatem: ergo adhereret errori cognito: quod est impossibile: cum intellectus non possit assentiri ei, quod nouit esse falsum; aut dissentire ei, quod nouit esse verum.

Respondeo primò, non omne peccatum Infidelitatis consistere in assensu, vel dissensu positiuo, quæ Infidelitas positiua est: sed interdum consistere in libera carentia assensus debiti circa fideli veritatem, quæ est Infidelitas priuatiua, & faciliè potest reperiri in aduercente credibilitatem, & debitum credendi: neque enim minis possumus liberè, & cum aduerterentia abstinere à credendo; quam ab alijs officijs debitis.

Respondeo secundò, Infidelem positiuè non posse quidem reuera dissentire alicui propositioni, & simul iudicare illam esse veram: quoniam hæc aperte repugnant: sed posse cum scrupulo dissentire, & cum formidine, per malam affectationem, contra remorsum conscientie dictantis potius credendum esse. Et licet videat sufficienter debitum credendi: tamen secundum aliam considerationem, spectando aliquid aliud, potest reipsa liberè deserere rationes credibilitatis, & ad aliud se convertere in oppositum: potestque reipsa mentem ab illis rationibus auertere, & nolle ad illas attendere, vt aliud quippiam pro suo affectu sequatur, eique per assensum adhaereat contra stimulum conscientie remurmurantis, & ad credibilitatem malè reiectam subinde respectantis. Atque ita non simul dissentit, & iudicat propositionem fidei esse veram: sed postquam reiecit credibilitatem, dissentit.

In contrarium verò obijci potest 2. cum Alensi 2. p. q. 112. alijs 129. memb. 8. & Alti-siodorensi lib. 3. Summe, tract. 2. quart. 3. culpabilis. Nullam esse Infidelitatem, quæ non sit peccatum & aliquo modo voluntaria, & culpabilis: omnes tenentur credere, & possunt, si velint. Si enim velint viuere secundum rectam rationem, illuminabuntur à Deo, iuxta vulgatum axioma, Facienti quod in se est, Deus non denegat gratiam. Si autem non illuminantur, causa est,

3. Soluitur obiectio.

4.

5. Dicitur possit inculpabilis.

est, quia ponunt voluntarium impedimentum, viuendo contra rationem. Ergo carentia fidei est illis imputabilis: quia qui potest, & tenetur facere, & non facit; hoc ipso omittit voluntarie, saltem indirecte.

Respondeo, præter ea, quæ alibi de eodem argumento dicta sunt; licet Infideles peccando contra rationem naturalem, ponant impedimentum illuminationi diuinæ: hoc tamen non possit illis ad culpam imputari, si planè sit incognitum, vt est illis, qui nihil vnquam audiuerunt de reuelationibus diuinis. Quia quod non est cognitum, non est voluntarium. At est planè incognitum ijs, qui nihil de fide audiuerunt: quare fides carentia, licet ex talibus peccatis sequatur, non est illis voluntaria, & culpabilis: sicut & alia nouimenta non præuisa, ex peccato secuta, non sunt imputabilia. Addo, non sequi statim illuminatum iri infideles, si secundum rectam rationem viuerent: Sat enim esset si in extremis illuminarentur. Neque opus esse vt de omnibus illuminentur: sufficit enim si ea doceantur diuinitus, quæ ad salutem planè necessaria sunt. Addo vltèriùs, non modo non peccare per infidelitatem eos, qui nihil de fide audiuerunt; sed neque eos, quibus nondum sufficiens propositio facta est: iuxta illud Christi Ioan. 15. *Si opera non fecissem in eis, quæ nemo alius fecit, peccatum non haberent.* Quia præceptum credendi non obligat, nisi ad credendum prudenter, & cum recta ratione. Credere autem sine sufficienti propositione, non est prudenter credere. Peccant tamen, si audita propositione fidei, negligant adhibere diligentiam sufficientem ad rem tanti momenti, consulendo peritos, implorando opem supremi Numinis ad cognoscendam veritatem, & expendendo sincerè, & diligenter motiua credibilitatis fidei proposita. Sed si his omnibus adhibitis, iuxta iudicium, quod habent, non assequantur sufficientem propositionem; non peccant non credendo.

Secunda conclusio: Non omne peccatum contra fidem admissum est peccatum infidelitatis simpliciter dictum, & denominans infidelitatem: sed illud tantum, quo actus internus fidei circa idem obiectum omnino rejicitur, cum quis statuit nihil vnquam credere, aut nunquam omnino credere aliquid, quod credere tenetur; saltem si sic statuit propter credendi difficultatem, contemnendo motiua velur insufficientia; & negando reuerentiam testimonio diuino, quamvis sufficienter propositio. Qualls fuisse videtur infidelitas Thomæ Apostoli, Ioan. 20. cum dixit, *Nisi videro fixuram clauorum, &c. non credam.* Cui Christus, *Mitte manum tuam, &c. & noli esse incredulus, sed fidelis.* Vbi pro incredulus, in textu Græco est, *ἀπιστος*, id est, infidelis. Itaque Christus significauit illum fuisse infidelem, eo quod statuisset non credere, propter rei difficultatem, propositio licet sufficienter diuino testimonio de Christi resurrectione. Tale etiam est peccatum, quo error positius scienter & liberè admittitur, oppositus actui interno fidei: quando aliquis scienter, & liberè dissentit reuelationi sufficienter propositæ,

Tomus III.

aut eius opposito assentitur. Tale est denique dubium voluntarium de fidei doctrina sufficienter exhibita vt diuina.

Prima pars conclusionis est Suaris Disp. 16. Sect. 1. n. 2. & lib. 11. de gratia cap. 7. *Ægidij* Probatur. Coninck disp. 18. dub. 4. n. 15. & aliorum Re- centiorum. Probatur, quia peccatum infidelitatis simpliciter dictum, destruit fidem, & constituit hominem infidelem, vt colligitur ex Trid. Sess. 6. c. 15. At non omne peccatum contra fidem admissum destruit fidem, & infidelem reddit. Nam peccatum contra solam fidei professionem externam admissum non tollit fidem: vt patet ex Apostolo Petro, qui licet ter Christum negando, grauiter peccauerit contra fidei professionem; fidem tamen non amisit, iuxta illud Luc. 22. v. 32. *Rogavi pro te, vt non deficiat fides tua: quæ rogatio, nisi efficax fuisset, & cum effectu, non fuisset à Christo commendata.* Item, qui legendo libros, vel audiendo conciones hæreticorum, exponit se periculo subuersionis; peccat contra fidem. Et tamen illam non amittit, neque censetur Hæreticus, donec veram fidem abiciat, aut opposito assentiat. Item, qui liberè omittit credere tempore debito, non propterea fit infidelis, nisi credendi voluntatem in perpetuum abiciat, vel credere recuset propter difficultatem acceptandi motiua sufficientia, & captiuandè reuerenter intellectum in obsequium fidei. Neque etiam qui peccat priuatiuè, aut positiuè, contra fidem, voluntariè tantum in causa, ex ignorantia vincibili: quantum præiudic periculum omittendi actum fidei necessarium, vel errandi, nisi inquirendi studium adliberet, quod tamen non adhibuit. Constat enim tales non censeri infideles, vel Hæreticos; vt testantur *Ægidij* supra, & Suares lib. 11. de Gratia, cap. 7. n. 3. 4. & 5. vbi dicit hoc esse certum, & extra controuersiam.

Secunda pars conclusionis est eiusdem *Ægidij* dub. cit. n. 26. vbi docet infidelitatem simpliciter dictam, quæ fides expellitur, esse tantum quadruplicem. 1. quando quis dissentit rebus fidei sufficienter propositis. 2. quando assentitur oppositis, notis vt fidei repugnantibus: quia tunc fides negat implicite. 3. quando quis voluntariè dubitat de rebus fidei sufficienter propositis. 4. quando quis deliberatè statuit nunquam credere res fidei, aut omnes, aut aliquas quas credere tenetur; licet illis positiuè non dissentiat, neque assentiat opposito. Addit Suares Disp. 16. Sect. 1. n. 3. peccatum infidelitatis simpliciter esse quoque in eo, qui totam fidel materiam ignorat, etiamsi nihil de reuelatione audierit. Quia enim tanta est ignorantia, vt omnino fidem excludat, illa est vera infidelitas: & vt culpabilis sit, sufficit, quod illi ignorantes totam fidem, habeant aliquam noticiam professionis, seu prædicationis illius, & negligentes sint in querenda, & inuestiganda sufficienti propositione fidei, idèque carentia eis voluntaria, & ad peccatum imputetur. Verum si nihil penitus audierunt de fide, non peccant propriè, & culpabiliter, quia non scienter, & liberè. Si autem audiuerunt, peccant tantum secundum quid; & voluntariè

A a

Non omne peccatum contra fidem admissum est infidelitas.

Peccatum infidelitatis est quadruplex.

solum in causa, contra fidem, quatenus negligunt inquirere: donec post sufficientem propositionem vel fidem penitus rejiciunt, vel adherent adhuc fidei erroribus, aut dubitationibus fidei oppositis: tunc enim incipiunt esse simpliciter infideles culpabiliter, & fidem perdunt, si in baptismo antea acceperunt.

9. *Quomodo distinguuntur?*
Ex his quatuor modis infidelitatis tres primi positi sunt. Quartus vero licet actum positum adiunctum habeat ex parte voluntatis (propter quod a quibusdam vocatur infidelitas positiua, vt ab Agidio supra citato) ex parte tamen intellectus, in quo formaliter est infidelitas, priuatius est. Vnde collige peccatum infidelitatis generatim loquendo esse duplex. Priuatiuum scilicet, consistens in omissione prædicta; & positiuum, consistens in actu fidei opposito. Ratio vero cur hæc duo genera peccatorum contra fidem admissorum sint infidelitas simpliciter, & fidem excludant, non alia, est, quam quia ex natura sua repugnant specialiter actui interno fidei, ita vt illum omnino excludant ab eodem subiecto, & cum illo nequeant omnino consistere, ac vi sua neque tunc, neque vnquam aliis, esse patiantur. Nam voluntas deliberata nunquam credendi, excludit in perpetuum fidei actum supernaturalem, qui elici non potest sine absoluto, & vniuersali affectu ad Dei testimonium. Error quoque fidei oppositus, aut dubitatio voluntaria, repugnat ex natura sua assensui firmo, & certo propter Dei testimonium, absolutum & vniuersaliter acceptatum; neque potest illum compati. Talis autem affectus absolutus, & vniuersalis circa Dei testimonium, plenaque submissio intellectus, ad omnem actum fidei supernaturalis necessitarius requiritur, vt alibi ostendimus. Quare qui errat v.g. circa vnicum fidei articulum sufficienter propositum, reddit se incapacem, vi illius actus, credendi quicquam aliud fide supernaturali; quia destruit obiectum formale fidei, aut modum credendi supernaturaliter. Ideoque infidelis peccans voluntarie circa vnum dogma fidei, non potest fidem retinere circa alia; vt de hæretico affirmat D. Thomas quest. 5. art. 3. quia destruit vniuersum obiectum formale fidei, vel modum assentiendi supernaturaliter. Neque enim iam præcisè quicquam credit, ex puro, integro, & sincero affectu erga Dei testimonium sufficienter propositum; sed adiuncta limitatione voluntaria, siue ex suo sensu humano, siue ex sensu hæresiarcharum, quorum iudicium sequitur in rebus fidei. Similiterque alij infideles culpabiliter, nihil credunt ex pura, sincera, & vniuersali adhesionem ad Dei testimonium, sed adiuncta aliqua modificatione, & affectu humano.

10. Alia verò peccata, sicut possunt consistere cum actu fidei, cui non penitus, & vniuersaliter opponuntur: ita multo magis cum eius habitu. Ex.gr. omisso voluntaria credendi hic & nunc, non excludit actum fidei pro alio tempore, nisi fir voluntas deliberata nunquam credendi, vel voluntas non credendi propter difficultatem submitendi plenè intellectum testimonio diuino sufficienter proposito. Affectatio quoque ignorantie non excludit assensum fidei

circa propositionem factam sufficienter, cum de ea constabit, que potest etiam non inquirere, & ignorantiam affectanti, occurrere. Multoque minus læsio librorum hæreticorum, vel negatio merè externa, excludit actum internum fidei; quippe qui potest esse, & vigere, cum simul quis legendo, vel negando exterius, peccat.

11. Tertia conclusio: Peccatum infidelitatis, prout est infidelitas, formaliter est in intellectu: prout verò est morale, & culpabile, est in voluntate. Ita D. Thomas q. 10. art. 2. Bannes & alij Thomistæ ibid. Sinar. Disp. 16. Sect. 3. Agid. Coninck disp. 18. dub. 3. & alij communiter. Ratio primæ partis est, quia contraria, vel priuatiue opposita, sunt in eodem subiecto. Fides autem, & infidelitas opponuntur priuatiue, vel contrariè. Ergo sunt in eodem subiecto, nempe in intellectu. Secunda pars probatur, quia peccatum inde est morale, & culpabile, quod liberè admittitur. At libertas, & eius exercitium est formaliter in sola voluntate: in alijs verò potentijs, & actibus, denominatiue solum ab actu voluntatis. Ergo, &c. Vnde collige primò, actum infidelitatis, præcisum ab actu voluntatis, & prout est in intellectu, habere quidem malitiam obiectiuam, quatenus turpis est, & dissentaneus rectæ rationi: moralem tamen malitiam, & formalem rationem peccati non habere, nisi à libero exercitio voluntatis, in quo est tota ratio culpabilis, & imputabilis; & à quo actus accipit denominationem liberi, & moralis. Vnde etiam fit, vt actus externus obiectiue malus nihil addat malitiæ moralis & culpabilis actui interno: sed tantum sit malitiæ moralis dumtaxat, quantum est exercitij libertatis circa obiectum peccati: vt in tract. de actibus humanis explicatum fuit.

12. Collige secundò, peccatum infidelitatis formaliter nunquam committi in sola voluntate, sed consummari semper in intellectu: quia tale est, vt ex natura sua excludat actum credendi ab intellectu, vel priuatiue, vel contrariè: contraria autem, & priuatiue opposita versantur circa idem subiectum: & tam omisso actus credendi, quam actus erroneus, pertinet formaliter ad intellectum. Neque potest quisquam velle deliberatè nunquam credere, quin hoc ipso omitat credere, omissione culpabilis, saltem quatenus est ex tali voluntate, & quatenus est pars, & inchoatio omissionis totalis: & tunc peccatum infidelitatis consummatur in tali omissione. Si autem quis velit dubitare, vel dissentire, vel assentiri contra fidem; peccatum infidelitatis non consummatur, seu constituitur formaliter in esse infidelitatis, nisi quando actu, & re ipsa dubitat, vel dissentit, aut assentitur contra fidem: dubitatio autem & dissensus, atque assensus pertinent ad intellectum: ac proinde verum est quod supra diximus, peccatum infidelitatis consummari semper in intellectu.

13. Quarta conclusio: Infidelitas est peccatum ex genere suo grauissimum: sed non simpliciter maximum peccatorum: neque facit vt quicumque sunt ab infidelibus, sint peccata. Prima pars conclusio est D. Thomæ quest. 10. grauē.

Peccatū infidelit. est partim in intellectu, partim in voluntate.

Consummatur in intellectu.

Est peccatum valde graue.

art. 3. ubi docet peccatum infidelitatis ex suo genere grauius esse illis, quæ committuntur contra virtutes morales, licet non sit grauius ijs, quæ committuntur contra alias virtutes Theologicas. Ratio est, quia infidelitas opponitur fidei, quæ vna est è maximis virtutibus. In moralibus autem illud ex genere suo pessimum est, quod optimo contrariatur; vt rectè dicunt Aristoteles 8. Ethic. cap. 10. & D. Thomas 1. 2. q. 73. art. 4. §. Sed contra, Quate peccatum infidelitatis ex suo genere pessimum, & grauiissimum est. Confirmatur, quia peccatum infidelitatis destruit fidem, quæ est fundamentum salutis, & sine qua Deo placere impossibile est, quæque initium est coniunctionis habitualis cum Deo, & radix vitæ spiritualis, & veluti principium intrinsecum obtinendi auxilia & remedia contra peccata. Ergo infidelitas ex eo capite grauiissimum peccatum est, & radix quodammodo aliorum. Quia tamen fides non est virtus simpliciter maxima, maior enim est caritas, 1. Cor. 13. v. 13. Hinc est quod infidelitas non est simpliciter maximum peccatorum ex genere suo: maius enim est odium Dei, caritatis oppositum. An verò desperatio maior sit infidelitate, dicemus alibi Disp. 16. Sect. 7. n. 63. Quia tamen virtutes Theologice, quæ circa Deum versantur, sunt nobiliores moralibus: peccata contra fidem commissæ, sunt grauiora ex suo genere illis, quæ committuntur contra virtutes morales. Dico autem, *ex suo genere*: quia id non est verum de qualibet specie, vel de quolibet indiuiduo. Multa enim peccata contra virtutem ignobiliorem commissæ, possunt esse grauiora plurimis contra nobiliorem commissis. Atque ita homicidium v. g. est grauius peccatum aliquo actu erroris, vel dubitationis contra sufficientem reuelationem alicuius veritatis fidei, non adeo necessærie, & per se non magni momenti. Dicitur verò peccatum grauius ex genere suo, quando maxima species illius generis superat grauiissimam alterius, licet non singulæ species vnius generis, comparatæ ad singulas alterius generis, sint illis grauiiores; neque singula indiuidua istius, singulis indiuiduis alterius: vt bene ait Suares disp. cit. Sect. 2. n. 6.

14. Soluitur obiectio. Obijcies, eos grauius peccare, qui grauius puniuntur. Sed fideles puniuntur grauius, quàm infideles, iuxta illud, *Seruus sciens voluntatem Domini, & non faciens, &c.* Luc. 12.

v. 47. Respondeo fidelem comparatum cum infideli in eadem specie peccati moralis, ab vtroque commissi, peccare grauius: siquidem peccat ex maiori cognitione Dei. At hoc non obest quin infidelitas comparata cum peccatis morali virtuti oppositis, sit maius peccatum ex genere suo, propter rationes superius allatas: licet fideles in quibusdam peccent grauius, quàm infideles; & ob maiorem peccatorum multitudinem, & grauitatem in specie, vel in indiuiduo, possint esse magis Deo inuisi, & maioris pænæ rei.

16. Non omnia opera infidelium sunt peccata. Secunda pars eiusdem conclusionis est D. Thomæ 2. 2. q. 10. art. 4. affirmantis non omnia opera infidelium esse peccata: quia licet per peccatum infidelitatis priuentur gratia san-

ctificante, atque etiam tota fide supernaturali, quæ quolibet peccato mortali infidelitatis tota destruitur: & consequenter spe, & reliquis virtutibus supernaturalibus, quarum basis, & fundamentum fides est, quæque illà amissà desinunt: non tamen destruitur totum bonum naturæ, per quod potest aliquid fieri quod non sit peccatum. Et quemadmodum fidelis non quicquid operatur, refert ad finem fidei: sic infidelis non quicquid operatur, refert ad finem infidelitatis, neque ex eius affectu semper agit. Confirmatur ex Apost. Rom. 2. v. 14. *Gentes, quæ legem non habent, naturaliter ea, quæ leges sunt, faciunt*, bene scilicet operando secundum rectam rationem, naturali lumine cognitam. Et alibi Scriptura hortatur infideles ad aliqua opera bona, & quædam eorum opera laudat, quæ non laudaret, nisi essent bona, Daniël. 4. v. 24. Exod. 1. v. 20. & 21. alijsque locis. Trid. quoque Sess. 6. can. 7. damnat asserentes omnia opera, quæ fiunt ante iustificationem, esse peccata: & cap. 8. insinuat, posse ante fidem præcedere bona opera, licet non meritoria. Et in Bulla Pij V. & Gregorij XIII. contra errores Michaëlis Baij, & altera Vrbanij VIII. contra Iansenium, damnatur hic inter alios, quod in nullo infideli possint esse bona opera. Confirmatur secundo, quia in infideli manet lumen naturale, quo bona quædam cognoscere potest; & manet liberum arbitrium, quo potest secundum rectam cognitionem operari, saltem ubi non magna difficultas operandi occurrat: imò etiam potest Dei auxilio iuari contra difficultatem. Neque carentia fidei influit in eiusmodi opera, vt inde mala reddantur, si omnino per accidens se habet, atquæ ac carentia gratiæ in eo qui est in peccato mortali: alioqui omnia opera facta à non iustificato, essent peccata, contra expressam definitionem Tridentini Sess. 6. can. 7. & Sess. 14. cap. 4. Consentiunt Patres, & Theologi communiter, vt alibi ostendimus in tract. de gratia.

Contrarium tamen docent Gregorius in 1. dist. 39. q. 1. art. 2. corollar. 3. & Catharin. in cap. 2. Genesios. Primò, quia *Omne quod non est ex fide, peccatum est*; Rom. 14. v. 23. quem locum D. Aug. tom. 4. lib. de Continent. c. 12. citat in hunc sensum, quod ea omnia, quæ non sunt ex fide diuina, & Theologica, sunt peccata. Item, *Omnia munda mundis: conuincuntur autem, & infidelibus nihil est mundum*, Tit. 1. v. 15. &, *Sine fide impossibile est placere Deo*, Hebr. 11. 8., *Non potest arbor mala bonos fructus facere*, Matth. 7. Infidelis autem est arbor mala: ergo non potest facere fructum boni operis. Præterea, D. Aug. varijs locis, præcipue lib. 4. contra Iulianum cap. 3. dicit omnes actus Gentilium, quamvis laudabiles videantur, esse vitia & peccata: idemque dicunt Fulgentius lib. de Lucarnat. c. 25. & Prosper lib. 1. de vocatione Gentium, c. 7. Denique bonitas operis pendet ex obiecto, fine, & circumstantijs. Sed infidelis, qui Deum ignorat, vel non vult de illo cogitare, & illi credere, peccat in circumstantia finis, quia non omnia refert ad Deum vt debet; imò se, suæque omnia refert in falsum Deum, quem

colit, & pro ultimo fine habet.

Ad primum Scripturæ testimonium, respondeo, fidem ibi sumi pro dictamine conscientie indicantis bonum, aut licitum esse id, quod fit; ut patet ex verbis immediate præcedentibus.

Auctor verò libri citati non est D. Augustinus, & aperte abertat à vero sensu Apostoli. Quo autem sensu benignè exponi possit Augustinus ipse qui lib. 4. contra Iulian. cap. 3. hisque locis, idem sentire videtur, dicemus paulo post. Secundus verò locus, ex Tit. 1. relatus, debet intelligi de coinquinatis, & infidelibus formaliter vt tales sunt. Vel potius loquitur ibi Apostolus de Christianis, quibus mundum habentibus, & rectam conscientiam, nulli cibi erant immundi: quippe qui sciebant legalem ciborum discretionem, non amplius obligare. Coinquinatis verò, & immundis hærentibus, aut Iudæis, vel alijs infidelibus, cibos ex illa discretionem, vt obligante, sumentibus, & hanc obligationem introducere volentibus, nulli cibi sunt mundi: quia omnes prava illa existimatione, & intentione immundi sunt, & illiciti. Ad tertium: Nemo potest placere Deo simpliciter sine fide: potest tamen placere secundum quid per aliqua bona opera, quæ pro sua conditione sunt Deo grata, sed longè infra gradum sanctitatis, & iustitiæ supernaturalis, quæ sine fide non consistit. Ad quartum: Verum illud est, & à Christo dictum, de arbore mala, quæ mala est. Sed infidelis non agit omnia quæ infidelis.

17. Ad D. Augustinum, & alios Patres, Respondeo eos negare solum opera infidelium habere perfectam rationem virtutis valentem ad vitam æternam: ita vt operans, ab illis possit denominari absolute iustus, & vi illorum euadere damnationem, & beatitudinem assequatur. Quæ etiam quatenus deficiunt à perfecta illa ratione virtutis, eatenus esse mala, negatiue scilicet, & defectiuosa, licet aliqui sint bona in suo genere vel etiam quatenus faciunt moraliter ab infidelitate, & mala conscientia; sicut bona iustorum opera cohonestantur moraliter à gratia, licet non influente, sed tantum concomitantia se habente. Quæ de re plura diximus in Anti-Iansenio, Disp. 19. Sect. 1. & sex consequentibus.

Et ex ratione. Ad vltimum respondeo opus iustitiæ, misericordiz, temperantiæ, & similia opera virtutum, esse bona ex fine intrinseco, licet ad Deum non referantur, quod ad virtutem superiorem pertinet. Quamuis autè infidelis aliquo actu se ipsum, & sua omnia referat ad idolum, quod pro Deo & vltimo fine habet (tamen id necesse non est, neque semper contingit, cum non omnes infideles errent circa Dei notitiam) hæc tamen intentio non inficit omnes illius actus, sed eos tantum, qui virtute illius fiunt, ita vt talis intentio nondum fuerit retractata, maneatque adhuc moraliter, & virtualiter in aliquo ex illa secuto, quod ad præsentem actionem pertineat: alioqui non potest dici fieri ex illa intentione, si neque per se, neque per virtutem rectam influat. Videantur quæ diximus de intentione virtuali. tom. 4. disp. 22. sect. 4.

SECTIO II.

De varijs speciebus infidelitatis.

Species infidelitatis generatim loquendo dux sunt: omisso actus credendi ex affectu reijciendi fidem; & actus positivus, qui triplex esse potest: nimirum dubitatio, vel dissensus circa obiectum fidei sufficienter propositum, aut assensus circa eius oppositum notum vt tale. Sed hic assensus non est infidelitas, nisi quatenus est implicitus dissensus fidei: de quo formaliter in ratione infidelitatis non constituit speciem diuersam, sicut non est diuersa infidelitas, siue quis abducatur à fide propter amorem pecuniæ, siue propter honorem, aut voluptatem: neque solum specie differt in ratione furti, siue qui furatur, velit donare, siue aliter infumere. Rursus tam omisso, quàm dubitatio, aut dissensus, multiplex specie esse potest, iuxta diuersitatem obiectorum fidei, quibus opponuntur. Nam omnis infidelitas versatur circa obiectum fidei: eò quod fides, & infidelitas repugnant inter se: actus autem repugnantes, debent esse repugnantes circa idem, aut circa repugnata; cum aliter secundum se non repugnent. Debent inquam, esse repugnantes vel circa idem, ad quod diuerso & opposito modo tendunt: vel circa repugnantia ad quæ tendant eodem modo. Ergo credere, & non credere, aut dissentire, aut dubitare, debent esse circa idem obiectum, vt repugnent. Multiplex autem est obiectum fidei: formale scilicet, & materiale, quod iterum variè diuiditur in plurimas veritates reuelatas. In formali quoque multa continentur: nempe testificatio diuina verbalis; sufficiens eius propositio, per testimonium operis; & veracitas Dei sufficienter testificantis. Circa quæ diuisim infidelitas committi potest. Nam potest aliquis, contra debitum, post sufficientem propositionem, non credere Deum dixisse, quamvis habeat affectum credendi testimonio diuino, si crederet Deum testificatum esse. Quales erant Discipuli, & Iudæi, Ioan. 6. qui tamen non dubitarent Deum esse veracem, neque recusarent credere ipsius testimonio, si crederent testificatum; non credebant tamen, contra debitum, doctrinam Christi esse diuinam, & Deum illi attestati. Talis etiam fuit Thomas Apostolus, Ioan. 20. v. 27. & alij Discipuli, Marc. vii. v. 14. quibus Christus infidelitatem, & incredulitatem merito exprobrauit, eò quod non credidissent sufficientibus testimonijs, de ipsius resurrectione datis: quique habitis maioribus indicijs assensuerunt, sine vlla dubitatione circa veracitatem diuinam. Potest etiam quis ita desipere, vt peccet circa ipsam veracitatem, non credendo Deum esse veracem, potestque fallere, vel mentiri, siue absolute, siue de lege ordinaria. Attamen vt ille sit propriè infidelis, eo sensu, quo hic loquimur, debet scire, & liberè ita sentire contra debitum credendi opportunum. Alioqui non peccabit contra fidem formaliter, sed tantum contra lumen naturale, & contra bonum sensum, quo communiter homines non inijs, Deum cognoscentes, sciunt, aut certissi-

mè persuasum habent, Deum esse veracem omnino, & nec posse falli, nec fallere. Si quis autem persuasum habeat Deum esse veracem, & propositionem reuelationis diuinæ, sufficienter factam esse: non potest stante tali assensu, dissentire, ei, quod reuelatum est, aut assentiri opposito cognito, vt tali. Potest tamen intellectum aliò auertere, & credibilitatem mala fide rejicere, atque ita dissentire, vel adherere opposito.

Ex parte vero obiecti materialis fidei possunt multo magis specie variari actus illi oppositi. Nam sicut assensus fidei specie differunt, prout habent obiecta adæquata diuersa, quæ agunt prout sunt diuersa: sic pariter dissensus fidei oppositi. Vnde tam multæ possunt existere eorum species, quàm multa sunt obiecta reuelata essentialiter diuersa. Moraliter tamen, & in ordine ad confessionem sacramentalem, censentur omnes omissiones contra fidem, esse eiusdem speciei: itémque omnes dubitationes, & similiter omnes assensus, aut dissensus oppositi fidei: nisi fortè contineant specialem Dei contumeliam, sicut peccatum blasphemiz, de quo dicemus paulò post.

D. Thomas q. 10. art. 5. aliter distinguit species infidelitatis in Paganismum, Iudaismum, & Hæresim. Ait enim, si infidelitas attendatur secundum habitudinem diuersam ad fidem, species infidelitatis esse numero determinatas; quia infidelitas secundum diuersam habitudinem ad fidem, triplex est. Aut enim renuitur fidei non dum susceptæ; & paganismus est. Aut fidei iam susceptæ in figura; & Iudaismus est. Aut fidei iam susceptæ in propria specie; & hæresis est. Si verò consideretur infidelitas secundum diuersam, ad quæ infidelis conuertitur; non sunt, inquit, determinatæ species infidelitatis: quia errores in infinitum multiplicari possunt, vnde infidelitas potest ex ea parte multiplicari in infinitum. Hæc ibi D. Thomas: & quæst. 12. art. 1. ad 3. addit Apostasiam non importare determinatam speciem infidelitatis, sed tantum quandam circumstantiam aggravantem, iuxta illud 2. Petri 2. *Melius erat illis veritatem non cognoscere, quàm post cognitam retrò ire.*

Circa quæ nota primò, non omnes modos infidelitatis enumerari à D. Thoma. Nam inter Iudæos olim aliqui erant infideles, similes nostris Hæreticis; qui ad nullum ex his modis pertinent. Turcismus etiam, qui de singulis aliquid credit, aut saltem multa de lege Moïsa, aliud membrum constituit. Apostasia quoque, quæ est totalis defectio à fide suscepta, non est hæresis, quæ deficit tantum ex parte: neque est Iudaismus, aut paganismus; quia deficit à fide suscepta in propria specie. Non fuit autem D. Thomæ intentio omnes enumerare, sed modos præcipuos assignare infidelitatis, qualis nunc est: ad quos alij faciliè reuocari possunt ex toto, vel ex parte. Nam infidelitas illa Iudæorum, hæresis quædam erat, licet diuersæ rationis ab ea quæ nunc est, circa fidem Christi susceptam in propria specie, de qua loquitur S. Doctor. Turcismus ex parte ad Iudaismum, & ex parte ad Paganismum pertinet, vel ad hæresim, si aliquid noui Testamenti admittit. Apostasia verò differt ab hæresi secundum magis & minus. Quanquam ad hære-

sim aliæ quædam conditiones præter defectionē à fide requiruntur, vt dicemus inferius: sed quæ deficiunt ab eius perfectione, possunt nihilominus ad illam reuocari, quatenus ad illam accedunt.

Nota secundò, ad Iudaismum, vel ad hæresim, non requiri vt tales infideles veram fidem susceperint actus, vel habitu supernaturali: sed tantum obiectionē: id est, crediderint, aut credant aliquid, quod ad veram fidem pertinet, & prout ad illam pertinet, nimirum propter reuelationem. Nam Iudæi hodierni, licet nunquam actum, vel habitum supernaturalem fidei susceperint, sunt nihilominus infideles, speciali infidelitate Iudaismi: & filij hæreticorum, quousque non ritè baptizati, ac proinde nunquam fidem adepti, sunt nihilominus infideles, & hæretici, latè loquendo, cum pertractant parentum erroribus contra sufficientem propositionem veritatis, & quibusdam alijs fidei Euan gelicæ veritatibus adherent.

Nota tertio, tres illas infidelitates non esse proprias, & rigorosas species; sed lato modo ita vocari, ob occidentalem & moralem diuersitatem, quæ status quasi diuersos constituunt. Nam infidelitas non est diuersæ speciei ex eo quod sit contra fidem susceptam, aut contra fidem non susceptam; quoniam fides suscepta, vel non suscepta, non differt specie in ratione fidei sed circumstantiâ tantum accidentali. Quare infidelitas in ratione oppositi fidei non est diuersæ speciei, ex eo quod sit contra fidem iam susceptam, aut contra fidem non susceptam, licet in ratione peccati possit esse deterior ex illa circumstantia: vt de apostasia docet ipsemet D. Thomas loco posterius cit. Neque ista est prima, & præcipua consideratio infidelitatis, secundum diuersam habitudinem ad fidem: sed potius illa, secundum quam repugnat ipsius actui, vel obiecto, vt supra expoluimus: ex quo etiam sumitur differentia illius specifica.

Obijcies cum Banne ad articulum q. 10. aliud esse speciem peccatum contra castitatem, quam is, qui peccat, professus est: & aliud peccatum, simpliciter fornicationis. Item, aliud peccatum esse adulterium, etiam citra rationem iniustitiæ, si maritus consentiat; & aliud peccatum soluti cum soluta. Etgo similiter alia specie est infidelitas eius, qui fidem professus est: & alia eius, qui fidem non suscepit. Respondent Suares, Agid: Conink, & gaudam alij, huiusmodi peccata non differre in ratione intemperantiæ contra castitatem: sed quatenus habent adiunctam circumstantiam sacrilegij, aut iniustitiæ, cui non potest maritus derogare. Secundò, & melius respondens, alij disparem esse rationem: quia ex voto solemnium castitatis, vel ex coniugio, etiam citra rationem sacrilegij, vel iniustitiæ, oritur specialis disconuenientia ad copulam, & impedimentum irritans matrimonium; idèque ratio specialis peccati contra castitatem, cui aduersatur per se omnis copula inter personas, quæ legitime copulari non possunt: ita vt tales personæ sint diuersæ speciei ab alijs, intra ambitum luxurie. At professio fidei præcedens, & eius negatio, nihil tale constituunt, quod per se spectet ad fidem. Sed sicut in Intemperantia idem species peccatum

17.
Quid requiritur ad Iudaismum & hæresim.

Differantur species propriæ.

22.
Solutur obiectus.

19.
Ei ex parte materialis.

Dispositio Paganismum Iudaismum & hæresim.

20.
Non est adæquata.

est, siue quis peccet contra temperantiam prius exercitiam, siue non: sic idem est specie peccatū, si quis recedat à fide suscepta, vel à non suscepta.

33. Obijces secundò ex D. Thoma q. 10. art. 5. in corp. Species infidelitatis non esse determinatas per habitudinem ad ea, ad quæ infidelis conuertitur: & in solutione primi argumenti, addidit infidelitatem, quâ parte est recessus à diuina veritate, non habet speciem, sed esse priuationem speciei. Respondeo, primum illud D. Thomæ pronuntiatum intelligendum esse de erroribus, quibus infidelis adheret, recedendo à fide; qui errores in infinitum multiplicari possunt; & à quibus vt talibus non sumuntur species infidelitatis: sed à repugnantia cum actu, vel obiecto fidei, quæ formaliter determinata est, sicut actus, & obiecta reuelata, quibus repugnat, sunt determinata. Nam veritates reuelatæ sunt determinatæ, præsertim illæ, quæ per se pertinent ad fidem Christianam: & ratio credendi illas est determinata, nempe diuina reuelatio. Quare ex ea parte species infidelitatis sunt determinatæ, siue consistant in non assentiendo, siue in dissentiendo posituè, aut in dubitando. Neque id negat D. Thomas, sed ait tantum non esse determinatas ex parte errorum, ad quos possunt conuerti infideles recedendo à veritate fidei. Secundum verò illius dictum debet intelligi de specie perfecta, & positua, & de recessu negatiuè sumpto, vel priuatiuè. Nam huiusmodi recessus, vt sic, non habet speciem, nisi latè sumendo speciem pro quauis ratione communi quo modo etiam priuatiuè habet speciem suam, & de rationem propriam, aut significationem nominis, seu conceptum illi respondentem. At verò recessus posituius per contrarietatem cum fide, habet vt talis veram speciem posituiam, consistentem in speciali tendentia actus oppositi fidei. Dissensus enim posituius non minus habet speciem posituiam atque perfectam, quam assensus contrarius.

34. Quæres quænam ex his infidelitatibus grauior sit? Respondeo, Hæresim ex genere suo esse maiorem intensiuè quoad modum repugnandi fidei: quia scilicet maiori cum notitia ei repugnat. Extensiuè autem, maiorem esse Paganismum, quia plures fidei articulos negat. Iudaismus quoque maior est Hæresi extensiuè: quia ad plura extenditur, quam ab Hæreticis negari soleant. Dixi autem, ex genere suo: quia in specie, & in individuo, multiplex alius excessus intensiuus, & extensiuus, contingere potest. Fieri enim potest vt aliquis maiori cum notitia adhaereat Iudaismo, vel Paganismo, quam alius Hæresi. Potest etiam Hæreticus aliquis plures articulos negare, quàm Iudeus. Quare in particulari non potest certa mensura statui. Hæretici verò specialiter eo nomine pessimi sunt, quod fideles se esse similes, sunt proditores & hostes domesticæ fidei, eiusque armis, Scripturis scilicet, & alijs, ad ipsius perniciem vtuntur. Maiorem autem nobis facit iniuriam, cæteris panibus, qui amicum se esse simulant, nos occultè impugnat, quàm qui se hostem apertum proficitur. Præterea, qui se dem antea susceptam negant per Hæresim, vel Apostasiam; peccant eo nomine grauius, & in-

tensius: licet extensiuè minus peccent, si non tam multos articulos negent.

Quæres secundò, an huiusmodi species infidelitatis possint in eodem subiecto reperiri. Respondeo posse successiue, sed non simul, integrè eodem & perfectè. Prima pars liquet, quia potest alii reperiri, quis à Pagano Iudeus fieri, tum Christianus, posteaque hæreticus. Secunda probatur, quia species illæ perfectè sumptæ continent aliquam repugnantiam, propter quam non possunt in eodem reperiri. Est enim repugnantia inter fidem susceptam, & non susceptam, vt sic: Ergo & inter Paganismum, qui repugnat fidei non susceptæ; & Iudaismum, ac hæresim, quæ repugnant fidei susceptæ. Est quoque repugnantia inter fidem susceptam in figura tantum, & susceptam in propria specie: Ergo & inter Iudaismum repugnantem fidei susceptæ tantum in figura, & Hæresim repugnantem fidei susceptæ in propria specie. Dixi autem, perfectè, & integrè: quia imperfectè misceri possunt. Nam potest aliquis secundum quid esse Iudeus, & secundum quid hæreticus; admittendo aliquid ex lege noua, non omnia; & simul adhaerendo legibus, & ceremonijs Moisaicis, vel omnibus, vel quibusdam.

SECTIO III.

De Hæresi, Apostasia, & Blasphemia.

35. QVæ D. Thom. q. 10. art. 7. & sequentibus disputat, an liceat cum infidelibus disputare, vel eos ad fidem cogere, aut eorum ritus, & errores tolerare, partim in textu perspicua sunt, partim commodius explicabuntur inferius, sect. 5. & seq. Prius verò exponendi sunt tres illi modi infidelitatis, de quibus idem disputat, q. 11. & tribus consequentibus. Vt ergo à postremo incipiamus, Blasphemia, ex vi vocis, idem est, ac blasphemare: à *blasphemo*, id est, lædo, & quædam id est, fama: significatque maledictum, seu conuiuium, & obprobrium, quo videlicet alicui turpe aliquid malum, vel indecens, per vituperationem tribuitur; aut simili affectu detrahitur aliquid, quo carere turpe sit, atque ita fama ipsius læditur: aut etiam alio modo, aliquid ei per contemptum, aut vituperium exprobat. Potestque ex vi suæ significationis, non solum circa Deum, sed etiam circa creaturas versari. Per appropriationem tamen significat maledictum, quod in Deū coniicitur, quodque est blasphemia per excellentiam, & sic definitur potest: *Est verbum maledicti, seu conuiuii, aut contumeliæ in Deum*. Huiusmodi autem maledictum non magis oritur ab infidelitate, quam ab odio, & mala in Deum voluntate. Imò etiam cum fide potest esse blasphemia. Quia tamen vel formaliter, vel virtualiter, continet semper aliquid falsum de Deo, idcirco D. Thomas q. 13. art. 1. in corp. & ad 3. posuit blasphemiam inter alios modos negandi fidem verbis, atque opponi confessioni fidei: vt Caietanus ibidem notat.

Aduertendum tamen est prius, blasphemiam magis opponi religioni, quam fidei. Nam fides respicit veritatem diuinam. Religio verò cultum, & honorem Dei, cui directè, & for-

fidei op-
ponitur.

maliter opponitur blaſphemia, quæ eſt Dei vi-
ruperatio, potèſtque conſiſtere, licet blaſphemus
fidem in animo retineat, ac ne quidem ſpe-
culatiue quicquam fidei oppoſitum enunciet.
Vt ſi quis verè credens Chriſtum Dominum
paſſum, & mortuum eſſe, mortem eius derideat;
vel illi exprobet; aut eius membra per contu-
meliam nomen. In quo tamen continetur vir-
tuallyter error practicus contra fidem, quatenus
eius mors, & paſſio, vel membra, ipſi turpiter
eſſe indecora, & exprobranda, practice iudi-
cantur. Verumtamen blaſphemia non eſt ſem-
per, & neceſſario coniuncta cum errore intel-
lectus, neque in illo conſiſtit formaliter; ſed in
verbis contumelioſis, quæ ex indignatione in
Deum, vel contemptu, proferri poſſunt; quam-
vis, proferens non ita credat, neque vllum erro-
rem fidei oppoſitum habeat: ſicut homines
frequenter iactant in alios verba contumelioſa,
iræ explende gratiã; licet talem de illis opinio-
nem non habeant. Vnde oritur diuiſio blaſphemiz
in hereticalem, & in ſimplicem, ſeu non
hereticalem: quarum prior iuncta eſt cum erro-
re contra fidem; ſecus autem poſterior, quæ
non procedit ex falſa de Deo exiſtimatione;
ſed ex affectu iræ, contemptus, odij contra
Deum, vel alia paſſione inordinata, & diabolica:
ac ne quidem exterius continet vllum erro-
rem contra fidem. Quod addo, quia ipſe iure
canonico (in quo non indicatur de errore potè
interno, ſed de eo quod exterius apparet) blaſ-
phemia hereticis vocatur omnis illa, quæ vir-
tuallyter, aut formaliter continet exterius, & ſig-
nificat falſitatem contra fidem. Cuiusmodi eſt
omnis illa, quæ de Deo affirmat, aut negat ali-
quid contrarium fidei: vel etiam de illo dubitat:
aut tribuit creaturæ id, quod ſecundum fidem
ſoli Deo conuenit. Idque vel enunciatione for-
mali, vel virtuali tantum, vt ſi Deum vocet in-
iuſtum, improuidum, crudelem, &c. quibus no-
minibus implicite affirmatur id, quod ſignifi-
cat. Huiusmodi etiam eſt vulgaris illa, & peſ-
ſima blaſphemia, *Abnego*, vel vt dici ſolet, *Re-
nego Deum*. Quia hic loquendi modus, & ſi-
milis, ſpeciem quandam infidelitatis præ ſe fe-
runt. Si nplex autem blaſphemia, ſeu non hæ-
reucalis, ſecundum ius canonicum, dicitur om-
nis illa, quæ neque formaliter, neque virtuali-
ter continet exterius falſitatem, quaſi ſpecula-
tiam contra fidei veritatem (ſpeculatiuam, in-
quam; nam practica continetur quodammodo
in omni blaſphemia, ſicut in odio Dei, & alijs
affectibus inordinatis contra Deum) vt ſunt il-
læ, quibus Deo tribuitur aliquid, quod verè
ipſi competit, aut negatur quod non competit,
ſed irratione, & contumelioſe: & illæ, quibus
Deo optatur aliquid malum per imprecationem,
maledictionem, aut aliud genus contu-
meliz: vt cum dicitur, Inuito Deo, In deſpectum
Dei, &c.

Aduerte ſecundo, blaſphemiam non ſolùm
verbis exterius ore prolatis, ſed etiam ſcriptis,
imò & mente, ſeu cogitatione, & verbo mentis
ſolo committi poſſe. Sicut enim Deus poteſt
aut mente ſolùm, aut etiam voce laudari: ita
poteſt viroque modo blaſphemari. Vnde ori-
tur alia diuiſio blaſphemiz in internam, & ex-

ternam: ſiue in eam, quæ fit verbo tantum men-
tali: diciturque blaſphemia cordis; & in eam,
quæ fit verbo ſenſibili. Illa verò non conſiſtit
formaliter in affectu voluntatis, ſed in locutio-
ne mentali, quæ eſt actus intellectus, ſeu ver-
bum mentis: ſicut blaſphemia externa conſiſtit
formaliter in verbo ſenſibili contumelioſo.
Quocirca in vtraque affectus internus blaſphem-
mandi diſtinguitur ab ipſa blaſphemia formaliter
ſumpta. Sicut affectus fornicandi, aut occide-
dendi, diſtinguitur à fornicatione, vel ab homicidio,
quod formaliter conſiſtit in ipſa executione
operis. Non eſt tamen blaſphemia peccatum
formale, id eſt, culpabile, ſine illo affectu
libero voluntatis: imò ab illo ſumit totam ſuam
malitiam formalem, & imputabilem, vt patet
ex dictis in tract. de actibus humanis. Item licet
Deus poſſit exterius tractari contumelioſe,
non ſolùm verbis propriè dictis, ore, aut ſcripto
formatis, verum etiam factis, & geſtibus Deum
inhonorantibus: vt ſi quis in celum expuat
contra Deum, vel Euchariftiam tractet vt cibum
communem, aut brutis animalibus edendam
præbeat, vt fecerunt heretici: non eſt tamen prop-
riè in huiusmodi factis blaſphemia, niſi quando
verbis, & ſignis expreſſe ſignificantibus æqui-
valent, & quatenus illis æquivalent, ita vt diſſe-
rentia huiusmodi ſignorum, aut geſtuum ſit purè
materialis. Nam blaſphemia propriè oppo-
nitur laudi. Laus verò diuina propriè & forma-
liter conſiſtit in verbis, non in alijs modis, quibus
Deus poteſt exterius coli, & adorari: vt
docet S. Thomas q. 103. art. 1. ad 3. vbi air lau-
dem, & honorem in eo diſtingui, quod laus prop-
riè conſiſtit in verbis; honor, in quibuslibet
ſignis externis. Neque omnes actus externi,
quibus Deus inhonoratur, ſunt Blaſphemia
propriè loquendo, vt patet de idololatria, ſuper-
ſtitione, perituro, & ſimilibus vitijs, religioni
oppoſitis.

Aduerte tertio, Blaſphemiam eſſe quadrupli-
cem, generatim loquendo. Prima eſt, quæ Deo
attribuitur aliquid turpe, & indecens, cuiusque ho-
noti repugnans: vt quòd Deus ſit auſtor pec-
cati: quòd Chriſtus in cruce deſperauerit: quòd
in Beelzebub principe demoniorum elegerit dæ-
monia; de quo genere Blaſphemiz in Spiritum
ſanctum plura videri poſſunt apud D. Tho-
mam tota quæſt. 14. Altera eſt quæ Deo negat
aliquid, quod verè illi conuenit, nec ſine il-
lius contumelia negari poteſt: vt Deum eſſe
omnipotentem, veracem, & ſummè bonum:
Chriſtum eſſe Dei filium & verum Deum: aut
etiam ſi in dubium reuocetur aliquid, pertinens
ad Dei perfectionem, vt ad Omnipotentiam,
ſapientiam, & Providentiam: iuxta illud Pſal-
mi 77. v. 19. *Et malè locuti ſunt de Deo: di-
xerunt: Numquid poterit Deus parare men-
ſam in deſerto?* Eodemque pertinet dubitare
num Deo poſſit conueniri aliquid contumelioſum.
Tertia eſt, quæ exprobratur aliquid
Deo, quod verè ipſi ineſt: aut exprobratur
quod non habeat aliquid, quod re ipſa non ha-
bet: vt ſi quis Deo exprobet decretum, quod
habet circa hominum ſalutem procurandam
per Chriſti paſſionem: vel exprobet quòd non
omnes homines ſaluare velit efficaciter, ſed plu-

18.
Multipli-
citer
committitur.

rimos damhari patiat: vel Christo expro-
bret humanitatem assumptam, & infirmita-
tes humanas, vel quod morti, & passioni se
non subtraxerit: vel ignominiosè nomet ali-
quid Deo conveniens, præsertim secundum eius
humanitatem, & secundum partes eius igno-
biliores. Hæc enim omnia cedunt in Dei contumeliam. Quarta denique sit per verba optandi
vel impetrandi Deo malum aliquid, aut caren-
tiam alicuius boni: ut cum dicitur, *Inuito Deo, Ad despectum Dei, Displiceat Deo, &c.* quod qui enuntiant, significant se desiderare
facere aliquid contra Dei voluntatem efficacem
ipsique prevalere: aut esse aliquid quod Deum
angar, & male habeat.

30. Excedit-
tur ad re-
divinas.

Aduerte quartò, Blasphemiam extendi etiam
ad res divinas, & ad Sanctos, quatenus verba
contumeliosa, in eos prolata, redundant in
Deum, qui in eiusmodi rebus laudatur, aut vi-
tuperatur: ut si quis Scripturam divinam at-
quat falsitatis, vel irrideat ob styli simplicitatem:
vel affirmet Dei Matrem Sanctissimam non
fuisse semper virginem. Vnde sumitur alia diu-
sio Blasphemiz in eam, quæ directè, & im-
mediatè est contra Deum: & illam, quæ immedia-
tè est contra sanctos, vel alias res specialiter
Deo deuinçis. Quæ tripliciter committi po-
test, ut bene docet Suares tom. 1. de Religione,
tract. 3. lib. 1. c. 5. n. 6. Primò scilicet, cogitando
simul expressè de Deo, & intendendo eius ho-
nori detrudere per contumeliam illatam Sanctis,
aut alijs rebus Deo deuinçis: & tunc est for-
malissima Dei Blasphemia. Secundò, cogitan-
do de Sanctis, ut de amicis Dei peculiaribus, vel
de alijs rebus diuinis, ut diuinis, aut specialiter
Deo, deuinçis; & nihilominus eas tractando
contumeliosè. Et tunc etiam est formalis Blas-
phemia: quia talis contumelia transit in Deum,
ratione coniunctionis, quæ expressè considera-
tur inter Deum, & talem personam, aut rem
aliam ad Deum specialiter pertinentem: licet
hoc formaliter non intendatur. Nam ad mali-
tiam formalem actus non est necesse intendere
malum quò tale, sed sufficit illud scienter, & li-
berè admittere, vel permittere contra debitum.
Tertiò, non cogitando expressè de Sancto, aut
alia re, cum respectu ad Deum: sed tantum de
excellencia sanctitatis; in qua talis respectus
fundatur. Et hoc sufficit ad participandam ali-
quo modo, quamvis imperfectiori, malitiam
Blasphemiz in Deum: quia est contumelia ce-
dens per se in opprobrium ipsius Dei: ut bene
docet ibidem Suares, contra Vasquez lib. 1. de
adorat. disp. 6. c. 4. & valent. tom. 3. disputat.
1. quæst. 13. punct. 2. §. Sed dicitur ante aliquis.

31. Blaspho-
mia for-
malis
quid re-
quirit?

Quintò denique, addunt aliqui, ut sit Blas-
phemia formaliter, & non materialiter tantum;
debet omnia suprà dicta cogitari, vel dici &
significati exterius per vituperationem, ex odio,
indignatione, desentione, vel contemptu aliquo,
quali Deus idcirco sit contemnendus. Alioqui
Blasphemia tantum materialis est. Quare qui
ex ira in proximum, vel leuitate, aut perturbat-
ione animi, iurat per Dei caput, ventrem, fan-
guinem, & similia, non per modum convitiij,
irrisuonis, aut exprobrationis, impropereando
Deo quòd carnem assumpserit, non peccat for-

mali peccato Blasphemiz. Verum, ut melius
docet Suares lib. cit. cap. 6. n. 11. quando
verba ipsa de se Blasphemia sunt non sunt illi
excusandi à peccato Blasphemiz: quia ad illam
non est necessaria formalis indignatio in Deum,
sive in actu signato: sed sufficit quod in actu
exercito ex ira, vel ex indignatione in hominem,
protumpat aliquis voluntariè in verba contumel-
iæ contra Deum. Ad contrahendum enim
malitiam formalem alicuius peccati, non est
necessarium illam directè, formaliter & ex-
presse intendere, sed sufficit indirectè, & inter-
pretatiuè in eam consentire. Omnino tamen
certum est non esse Blasphemiz peccatum pro-
ferre tantum materialiter, & recitatiuè verba
Blasphemiz, non autem serib, & significatiuè,
seu assertiuè. Est quoque certum hoc peccatum
esse mortale, & grauissimum, nisi inadvertentia,
vel imperfectio deliberationis excuset: quo
pacto excusantur qui aliqua verba de se Blasph-
ema proferunt, non intelligendo ipsorum mali-
tiam. Estque grauius hoc peccatum, quando
cum hæresi, vel cum iuramento, aut periurio
coniunctum est, ut sæpe contingit. Non est ta-
men absolute grauissimum peccatorum. Nam
odium Dei grauius est: imò etiam hæresis, &
desperatio est grauius Blasphemiz præcise sum-
ptà. Grauiora enim sunt ex genere suo peccata
illa, quæ præstantioribus virtutibus opponun-
tur. Virtutes autem Theologicæ sunt nobiliores
religione, cui Blasphemia opponitur. Quare
cum aliqua exaggeratione accipiendum est illud
Hieronymi in caput 18. Isaie, *Nihil horribi-
lius Blasphemiz, quæ ponit in Excelsum os
suum, &c. Omne quippe peccatum compara-
tum Blasphemiz, leuius est.* Huc vique de
Blasphemia.

Apostasia verò, ex vi vocis, defectionem
significat: à Græco ἀποστα, id est, abstituto, ab-
scendo, deficio: potestque esse multiplex pro-
ut sunt multa, à quibus deficiunt. Alia enim
est ab obedientia, alia ab ordine religio, alia
à statu clericali, alia à fide: & hæc sola est
peccatum infidelitatis, & propria huius loci:
estque defectio à fide iam suscepta, saltem ob-
iectiue, quatenus definit aliquis credere id,
quod antea credidit, siue fide supernaturali,
siue naturali tantum. Licet autem vox de se
indifferens sit ad significandam quamcumque
defectionem, siue totalem, siue partialem:
restringitur tamen ad totalem, ut distinguatur
ab hæresi. Nam qui deficiunt penitus à fide,
non vocantur Hæretici, sed Apostatz, ut Ju-
lianus Imperator, ex Christiano factus Paga-
nus, & Ethnicus: & qui tantum ex parte de-
ficiunt, non vocantur Apostatz, sed Hæretici;
ut Atriani, Nestoriani, Lutherani, Calvinistæ,
& similes. Vnde collige Apostasiam differre
tantum ab hæresi secundum magis & minus.
Ideoque D. Thomas q. 10. art. 5. numerat so-
lum tres species infidelitatis: Paganismum, Iu-
daismum, & Hæresim, sub qua Apostasiam
comprehendit, aiens Hæreticorum nomine
comprehendi omnes, qui renuntiant fidei Chris-
tianæ iam receptæ in propria specie, siue in
ipsa veritatis manifestatione: & q. 12. art. 1. ad
3. dicit Apostasiam non consistere nouam spe-

32. Apostasia
quid, &
quomodo
plex sit?

ciem infidelitatis : sed tantum addere nonam circumstantiam grauitatis. Hinc etiam in iure Canonico non sunt diuersi Tituli de Hæreticis, & de Apostatis à fide, sed tantum de Hæreticis, sub quibus Apostate comprehenduntur, & ad quos leges, & pœnæ illæ æquæ pertinent. Et quamvis lib. 5. Decretal. tit. 9. agatur de Apostatis ab ordine, & à religione : non tamen de Apostatis à fide : quia scilicet intelliguntur comprehensi sub titulo de Hæreticis : de quibus alioqui statuendum aliquid fuisset, cum non minus subsint Ecclesiæ, quam Hæretici, si baptizati sunt. Cætera de Apostasia intelliguntur ex dicendis de Hæresi, quæ illi erunt applicanda cum proportionibus, cum ut iam diximus, tantum differant penes magis & minus, eò quod Hæresis sit partialis tantum defectio ; Apostasia verò, totalis.

37. Hæresis ergo, ex vi vocis, electionem sonat : *Quid sit hæresis?* à Græco *aisis*, id est, eligo : significatque electionem intellectus, & voluntatis, quæ quis adheret quibusdam credibilibus, reiectis alijs. Et si fiat sine aduertentia, & libertate, est Hæresis tantum materialiter. Sin autem cum sufficienti aduertentia, & libertate, est Hæresis formaliter, & peccatum culpabile consistens partim & formaliter in intellectu ; partim & denominatiuè quoad esse moralis, seu liberi, & culpabilis, in voluntate : sicut fidei virtus consistit aliquo modo in utroque. Porro licet omne tale peccatum, siue internum tantum, siue etiam externum, id est, exterius prolitum, & siue cum pertinacia, siue sine illa, sit coram Deo Hæresis aliqua : tamen ad Hæresim perfectam (ut & ad Apostasiam) quæ attenditur in foro externo, subestque legibus, & pœnis Ecclesiasticis, multa alia requiruntur : ideoque Hæresis perfecta non tam latè patet.

34. *Quænam ad illam requirantur?* Primò requiritur, ut defectio illa sit non modo voluntaria, & contra debitum, adeoque post sufficientem propositionem obiecti credibilis ; sed etiam sit pertinax. Qui enim errant sine pertinacia, non censentur Hæretici : ut patet ex Concilio Lateranensi sub Innocentio III. cap. *Damnanus*, de *Summa Trinit.* ubi referens errorem quendam Abbatis Ioa- chim, illum ab Hæresi excusat, eo quod sine pertinacia errauerit. Et D. August. initio Epist. 162. *Qui sententiam*, inquit, *suam, quamvis falsam, atque peruersam, nulla pertinaci animositate defendunt, &c. Parati corrigi cum inuenerint*, (veritatem scilicet) *nequam sunt inter Hæreticos computandi*. Secundo requiritur, ut sit defectio hominis Christiani, & baptizati. Quod intellige de baptismo vero, & valido. Nam Ecclesia non exercet iudicium in illos, qui per baptismum in eam non sunt ingressi ; ut ait Trid. Sess. 14. cap. 2. eoque sensu explicat illud Apostoli 1. Cor. 5. *Quid enim mihi de ijs, qui foris sunt, iudicare?* Idemque habetur in cap. *Gaudemus, de diuortijs*. Quare qui per verum baptismum non sunt ingressi in Ecclesiam, eique subiecti, non sunt Hæretici in foro externo, qui subiaceant legibus, & pœnis Ecclesiæ. Teritiò requiritur, ut non deficiat tantum ab aliqua reuelatione priuata, sed à fide publica, commu-

ni, & Catholica. Quia Ecclesia non punit, nisi recedentes à sua fide, id est, à doctrina per ipsam proposita, & probata, quam, propter vniuersalitatem, Catholicam vocamus. Neque Ecclesia iudicat de internis & priuatis reuelationibus, nisi interdum examinando an sine veræ, vel falsæ, & discrepantes à veritate Catholica, à qua si non discrepent, liberum relinquit fidelibus, ut prudenter examinent quales sint. Quartò requiritur, ut prodatur actu externo, qui cum vera defectione interna sit coniunctus. Nam Ecclesia non iudicat de actibus internis ; neque etiam punit solum actum externum, sine interna Hæresi, pœnâ excommunicationis, & alijs in iure statutis : quia iura loquuntur de Hæresi vera, & non tantum simulata, quæ verè Hæresis non est : neque illi Hæreticorum nomine intelligendi sunt, ut docent communiter Theologi, & Canonistæ. Quod autem ait D. Thomas 1. p. quæst. 1. art. 2. & 2. 2. q. 11. art. 2. ad 2. *Et verbum inordinatè prolatum incurritur Hæresis*, intelligendum est vel præsumptiuè, quia in foro externo præsumitur esse Hæreticus, ille qui profert eiusmodi verba : vel occasionaliter, quia qui loquitur inordinatè de rebus fidei, occasionem alijs præbet concipiendi Hæresim, & in illam incidendi : vel etiam quia ille, qui loquitur inordinatè, versatur in periculo incidendi in Hæresim : qui enim spernit modica, paulatim decedit, *Ecclesiast.* 19. v. 1. Ex his collige perfectam Hæresim definiri sic posse : Est voluntaria, & pertinax, & exterius manifestata defectio ab aliqua parte fidei Catholice, in homine Christiano & baptizato. Quæ definitio, ut melius intelligatur, multa circa illam querenda, & explicanda sunt.

Definitio hæreticos.

S E C T I O I V.

Soluuntur variae quæstiones de Hæresi.

36. *Quæritur primò, quæ pertinacia requiratur ad Hæresim perfectam? Respondeo* Quæritur primò virtuale, aut formale propositum fixum, & firmum dissentendi, aut nunquam assentiendi, contra debitum scienter & liberè, post sufficientem propositionem. Nam pertinacia est tenacitas quedam, & firmitas in malo : sicut constantia est tenacitas & firmitas in bono. Potestque esse sine mora temporis, statim atque concipitur firmum & absolutum propositum ; licet aliunde contingat ut illud cito mutetur : etenim pertinacia quæ non cedit vni, cedit alteri : ut aliquis est pertinax contra argumenta, qui non est contra verbera, vel contra periculum mortis. Qui autem ad pertinaciam requirunt temporis durationem, & persistentiam, ut Syluester *Verbo Hæresis* 1. dub. 2. loquuntur Canonistæ, in ordine ad iudicium ferendum in foro externo, in quo solet expectari fluxus aliquis temporis, ad iudicandum an aliquis sit pertinax. Secundo, requiritur ut pertinacia illa sit contra debitum perfectum credendum : quod debitum sufficientem propositionem requirit. Ideoque non suf-

fit quod aliqui Theologi, vel Episcopi, sentiant oppositum esse credendum; sed aliquid amplius necessarium est, quod sufficientem credibilitatem diuinam constituat. Tertiò, licet ad Hæresim latè sumptam, & coram Deo, sufficiat minor pertinacia; ad eam tamen quæ subest pœnis Ecclesiæ, & cuius in iure Canonico habetur ratio, requiritur voluntas expressa, vel interpretatiua resistendi Catholice doctrinæ, siue Ecclesiæ illam docenti; quæ resistentia fit per voluntatem non submittendi suum iudicium auctoritati Ecclesiæ. Ita cum D. Thomas sentiant omnes Scholastici, teste Suare disp. 19. Sect. 3. n. 10. Idemque docent SS. Patres ab eodem citati: & speciatim D. August. lib. 4. de baptismo contra Donat. c. 16. vbi affirmat errantem in fide non esse Hæreticum, donec instruat quid Ecclesiæ teneat, malique illi resistere, quàm suam mutare sententiam. Fauter etiam communis vsus. Nam ille non censetur Hæreticus, qui paratus est submittere se iudicio Ecclesiæ.

36. Dupliciter autem potest quis resistere auctoritati Ecclesiæ. Primò expresse, quando aduerit Ecclesiæ docere contrarium. Secundò virtualiter, quando licet id non aduertat, habet tamen eiusmodi affectum, vt etiam si Ecclesiæ contrarium doceat, non sit paratus mutare sententiam. Et hoc secundum sufficit: Licet D. Augustinus verbis suprà relatis plus requirere videatur. Non excusat verò ab Hæresi, quod errans non credat Ecclesiæ, quæ docet oppositum, esse veram Ecclesiæ: sed sufficit, quod teneatur credere Ecclesiæ, quæ sic definit, esse veram. Alioqui vix vlli essent Hæretici: imò qui credunt, veram Ecclesiæ docere oppositum, & veram Ecclesiæ non errare in fide; non possunt dissentire, aut tenere contrarium eius quod sciunt doceri à tali Ecclesiæ: Non excusat etiam quod errans sit paratus credere, si conuincatur ad credendum rationibus naturalibus, aut postquam illi, quantum volet, consisterit Deum id reuelasse: sufficit enim quod post sufficientem propositionem, non credat pertinaciter, modo suprà exposito. Omnino tamen propositio sufficiens necessaria est, sine qua non esset debitum credendi, & consequenter nec peccatum Infidelitatis, nec Hæresis, quæ est Infidelitas culpabilis. Quare Hæreticorum filij, vel rustici quidam, & ignari, si illis nondum facta est propositio sufficiens euidens credibilis, non sunt verè Hæretici, neque vt tales habendi; adeoque neque excommunicati, & alijs pœnis Ecclesiasticis obnoxij: neque opus est superiori potestate ad eos absoluedos in foro interno: cum referuatio casuum, & censuræ Ecclesiasticæ de illis non loquantur, sed de verè & culpabiliter Hæreticis. Item non excusat paratum esse ad credendum Ecclesiæ, si magis constiterit de ipsius definitione. Postquam enim definitio Ecclesiæ est sufficienter proposita, Hæreticus est qui illam respuit. Et hoc notent qui circa Conciliorum definitiones perperam cavillantur, aut circa Bullas & censuras Pontificias in materia fidei.

37. Queritur secundò, vtrum ignorantia affe-

ctata, vel ex crassa negligentia proveniens, excuset ab Hæresi? Respondeo, præter ignorantiam inculpabilem, quæ sine dubio excusat ab Hæresi, sicut ab omni alio peccato, cum nulum sit peccatum, nisi voluntariè & liberè fiat, adeoque cum cognitione eius, quod malè admittitur: ignorantiam culpabilem, & affectatam, vel crassam, dupliciter se habere posse, ad actum Infidelitatis, qui ob talem ignorantiam contingit. Primò antecedenter, ita vt sit illius causa, quatenus is qui contra fidem agit, non ageret, nisi ignoraret; nam si sciret esse de fide, crederet. Secundò concomitanter: quatenus non magis crederet, aut non minùs discrederet, etiam si sciret rem esse de fide, quamvis de eo non cogitet, sed tantum habitualiter ita sit affectus. Verque modus excusat ab Hæresi, defectu pertinaciæ actualis post sufficientem propositionem. Nam in primo nulla est pertinacia, cum sit paratus credere, si res sufficienter proponatur. In secundo est quidem pertinacia habitualis, quia non crederet quamvis proponeretur. Quia tamen non proponitur re ipsa, vt supponimus, neque libere resistit sufficienti propositioni; non est pertinax re ipsa in actu secundo contra sufficientem propositionem, sicut ad Hæresim necessarium est. Nec obest quod resisteret etiam si proponeretur: quia quod re ipsa esset, non est, neque imputatur. Et hoc intelligendum est siue ignorantia affectetur, aut eius expulsio negligatur, ex affectu Infidelitatis, siue ex alio affectu malo. In quo quidem peccatur grauiter contra studium, & obligationem sciendi ea, quæ sunt fidei: & contra fidem aliquatenus, cum quis præuidet fore vt ea occasione incidat in actum Infidelitatis. Atamen Hæresis non committitur, & peccatum Infidelitatis non consummatur in intellectu, nisi quando re ipsa resistitur pertinaciter propositioni sufficienter factæ.

38. Consentiunt quoad primam partem responsi Aragonius 2. 2. q. 11. art. 2. §. *Ad hæc argu- Contra- menta*, Bannes ibidem §. *Sed queritur quis?* Azor tom. 1. Moral. lib. 1. c. 14. q. 9. Suar. suprà n. 15. & sequentib. Egid. Cornick disp. 18. dub. 7. n. 94. & 97. Vasques 1. 2. disp. 116. n. 8. & Turrian. 2. 2. disp. 55. dub. 2. §. *Item ex doct- trina*. Aliqui tamen illorum dissentiant à nobis, quoad secundam partem responsi, id est, quoad posteriorem modum ignorantie: quia putant pertinaciæ deesse quidem in prima, non autem in secunda. Verùm ex dictis patet deesse in vtroque modo pertinaciæ Infidelitatis propriè dictæ, & consequenter Hæresis, quæ requirit sufficientem propositionem, sine qua non fit contra debitum credendi, vt tale, ac per se proximè, cum aduertentia, & libertate. Atque ita docent Egidius suprà, n. 94. & Vasq. & Turrian. locis suprà citatis. Frustra verò obijciunt aliqui, in alijs peccatis ea, quæ committuntur ex ignorantia crassa, vel affectata, esse eiusdem speciei cum ijs, quæ committuntur scienter: quia priuant eadem honestate: & qui ex tali ignorantia committit homicidium, vel adulterium, esse verè homicidam, vel adulterum. Respondeo enim id quidem verum

Ignoran-
tia ex-
sa ab hæ-
resis.

esse, quando ignorancia non tollit aliquid necessarium ad rationem talis peccati, ut in exemplis propositis. At ignorancia, de qua loquimur, tollit pertinaciam actuale, quæ necessaria est ad rationem Hæresis. Supponimus enim in utroque casu responsi abesse pertinaciam actuale: quia in priori nulla penitus est in posteriori est tantum habitualis cum ignorantia concomitante. Quod si quis actu cogitaret de propositione Ecclesiæ, statueretque pertinaciter non credere, aut discredere contra debitum, quamvis ab Ecclesia proponeretur; esset Hæreticus. Quia haberet actualem pertinaciam contra aliquod dogma fidei, nempe, credendum esse quicquid Ecclesiæ tanquam de fide proponit.

39. **Dubitans pertinaciter est hæreticus.** Quæritur tertio, an qui dubitat pertinaciter de rebus fidei post sufficientem propositionem, sit Hæreticus? Respondeo affirmatiue, cum Caletan. 2. 2. q. 11. art. 2. circa responsionem ad 3. Valentia quæst. 11. punct. 1. §. *Sed verior et communior*, Suarez Disp. 19. Sect. 4. n. 10. *Ægidio Coninck* disp. 18. dub. 7. n. 101. Syluestro, Azor, Toledo, à Castro, & alijs. Probat per efficaciter ex cap. 1. de Hæreticis, sic affirmante, *Dubius in fide, infidelis est*: & ex Concil. Vienn. in Clement. *de Summa Trinit.* §. Porro, ubi dicitur, doctrinam verentem in dubium, an anima rationalis sit forma corporis humani, esse inimicam fidei Catholice: eique pertinaciter adherentem, censendum esse Hæreticum. Idemque in Concilio Lateran. sub Leone X. statuitur de asserentibus, aut vocantibus in dubium, an anima rationalis sit immortalis, & diuersa in singulis hominibus. Probat per secundum, quia in casu proposito reuocare in dubium pertinaciter, est scienter, & liberè non credere per propositum fixum, contra credendi debitum. Hoc verò est peccatum infidelitatis: & si non sit Apostasia totalis, est Hæresis: si nimirum de quibusdam, non de omnibus dubitetur.

40. Contrarium sentit Canus lib. 11. de locis c. 9. Primò, quia Hæresis est error Catholice veritati contrarius. Sed dubitatio non est error. Ergo non est Hæresis. Secundò, Hæresis est extremè contraria professioni Catholice veritatis. Sed dubitatio non est extremè contraria: Ergo, &c. Tertiò, Hæresis est electio, & firma adhesio. Sed dubitatio non eligit, nec vili adheret. Quartò, si dubitatio est Hæresis, sequeretur Apostolos, qui dubitarunt de Christi resurrectione, fuisse Hæreticos; quod est impium dicere.

Solutio. Ad primum respondeo primò, non omnem Hæresim esse errorem, ut ostendimus paulò pòst. Secundò, dubitantem non vacare errore; quia qui dubitat de aliqua propositione, iudicat practicè illam esse dubiam. At qui iudicat aliquem fidei articulum sufficienter propositum, esse dubium, habet errorem fidei repugnantem, cum fides doceat certissimum esse quemcumque articulum fidei sufficienter propositum. Ad secundum, nego maiorem sumptam vniuersaliter. Ad tertiū respondeo electionem esse voluntatis. Qui autem dubitat voluntariè, eligit dubitare potius, quam certo

assentire; & dubitare de his potius, quam de alijs; in quo Hæreticus est. Ad quartum dico, Apostolos non fuisse pertinaces. Quòd si quis illorum fuit aliquandiu pertinax; non magis impium est dicere fuisse pro eo tempore Hæreticum, & in tali gradu; quam peccasse grauius, & pertinaciter per infidelitatem contra sufficientem propositionem; ut de Thoma Apostolo fatendum est: hoc ipsum illi exprobrante Christo, Ioan. 10. versu 17. *Noli esse incredulus, Græcè amos, sed fidelis.*

Quæritur quartò, vtrum ad Hæresim necessarius sit error in intellectu, vel actus positius in voluntate? Respondeo primò, non requiri generaliter ad Hæresim, ut voluntas physice, & positius actum aliquem exerceat; sed sufficere, ut infidelitas intellectus sit voluntaria interpretatiue, quatenus voluntas eam aduerit, & non impedit, cum liberè possit. Ita *Ægidius Coninck* disp. 18. dub. 7. n. 96. ubi hanc sententiam iam communem videri format. Probat, quia ille qui scienter, & liberè admittit aliquem errorem, quem videt repugnare fidei Catholice, & doctrinæ Ecclesiæ, est vere pertinax, eò quod resistit auctoritati Ecclesiæ, contra quam errori adhæret scienter, & liberè. A hoc fieri potest sine actu positius voluntatis. Hoc enim ipso quòd voluntas aduertit, & non impedit; error fit liber, & voluntarius, & voluntas interpretatiue, & tacite vult illi adherere contra auctoritatem Ecclesiæ: in quo est sufficiens pertinacia.

Respondeo secundò, licet communiter non sit Hæresis sine errore intellectus: simpliciter tamen consistere posse sine actu intellectus, in omissione libera, & totali, ex affectu pertinacis nunquam credendi, & resistendi semper auctoritati Ecclesiæ. In quo est quidem actus aliquis positius voluntatis, non tamen intellectus. Atque ita potest committi quidem Hæresis sine actu intellectus, & sine actu voluntatis diuini; non tamen coniunctim, & sine alterutro. Prima pars patebit ex sequenti obiectione, & eius solutione. Secunda verò probatur, quia ex D. Thoma q. 10. art. 5. Ille est Hæreticus, qui renititur fidei iam susceptæ in propria specie, seu veritatis manifestatione. At ille, qui post sufficientem propositionem non credit pertinaciter modo superius explicato, renititur fidei iam susceptæ: Ergo est Hæreticus, posito quòd non renitatur in omnibus, & non deficiat totaliter à fide Christiana; iam suscepta, ut supponimus. Et quidem negari non potest quin ille peccet peccato aliquo infidelitatis repugnante fidei, & excludente ipsius actum, & habitum. Quòd autem peccet peccato hæresis, probatur, quia non deest pertinacia in affectu illo non credendi: neque electio vitiosa, cum eligat non credere, & quibusdam credibilibus assentiri velit dumtaxat, alijs non. Consentit *Ægidius* disput. 18. dub. 4. n. 16. ubi inter quatuor modos infidelitatis, quibus fides expellitur, quique in homine baptizato dicuntur Hæresis, vel Apostasia, hunc ponit, Quando aliquis secum deliberatè statuit nunquam credere articulos nostræ fidei, aut omnes, aut aliquos; quamvis ob euiden-

41. Potest esse hæresis sine actu positius voluntatis.

42. Et sine errore intellectu.

ideoque vel per se debent id præstare, vel alijs committere.

49.
Lectio li-
brorum
Hæret.
prohibi-
ta.

Circa secundum: Tenetur quisque iure naturali abstinere à lectione Librorum, à quibus ipsi periculum imminet. Iure verò Ecclesiastico prohibitum est omnibus sub pœna Excommunicationis, legere libros Hæreticorum de Religione tractantes, vel eos apud se retinere, imprimere, aut defendere. Quæ prohibitio non habebatur satis expressè in iure veteri, sed lata est in Bulla cœnæ, clausulâ 1. Vbi excommunicantur qui legunt, retinent, imprimunt, aut defendunt libros Hæreticorum. Circa quam prohibitionem legendi libros Hæreticorum. Nota primò, illam attingere omnes Christianos Summo Pontifice inferiores, cuiuscumque sint dignitatis, & status: adeoque etiam Doctos, & firmos in fide; ita vt nemo eos legere possit sine venia Sedis Apostolicæ, quam solus Papa potest concedere, vel alijs ab illo commissi. Probatur, quia verba ipsa Bullæ id sonant; & debent accipi vt sonant: alioquin non satis occurreret periculo, quod vitare intendit, cum possent multi facillè præsumere se in ea non comprehendendi, quippe satis Doctos, & firmos in fide, aut quid simile. Grauid tamē peccant indocti, & infirmi, si legant. Nota secundò, libros ibi prohibitos esse libros Hæreticorum, id est, scriptos ab Hæreticis, tractantes de hæresi, aut de Religione, quam impugnent. In indice tamen librorum prohibitorum, Regula 1. prohibentur vltimi libri Hæresiarcharum de quacumque materia scripti. Hæreticorum quoque nomine comprehendendi debent Catholici simulati, & veri Hæretici, qui libros suos hæresibus inferciunt: at non illi, qui per ignorantiam, vnam, aut paucas libris suis inferciunt.

An etiam
audire?

Nota tertio, eos qui tantum audiunt lectionem libri Hæretici, non incurrrere hanc Excommunicationem, licet ad legendum impulerint; quia verba legis pœnalis sunt strictè & præcisè sumenda: loquuntur autem de legentibus, & non de audientibus. Item, ab illa incurrenda exculare materiz leuitatem: vt si quis paginam tantum legat. Quod enim excusat à peccato mortali, excusat pariter ab Excommunicatione maiori, quæ non incurritur, nisi ob peccatum mortale. Aut si quis bona fide retineat apud se librum Hæreticum aliquandiu, donec oblata commoditate tradat Episcopo, vel Inquisitoribus. Excusat etiam ignorantia, quamvis crassa; vt rectè docet *Ægid. disp. 18. dub. 11. num. 178.* quia non incurritur Excommunicatio sine contumacia. Sufficit tamen ad censuram incurrendam, quodlibet singillatim ex illis quatuor, legere, retinere, imprimere, defendere: adeo licet quis non legat, nec animo legendi retineat; subiacet tamen Excommunicationi isti, quæ incurritur ipso facto, à iure, non ab homine, saltem, vbi Bulla cœnæ recepta est. Nota quarto, Ecclesiasticam iure, & sapienter huiusmodi libros prohibuisse, exemplo Apostolorum, qui Act. 19. libros prauos, magni licet pretij, comburi iusserunt: & Concilij Nicæni I. quod libros Arii comburi præcepit, teste Nicephoro lib. 8.

Censura
innotata
huic pec-
cato quo-
modo in-
curritur?

Instituta
prohibi-
tionis.

cap. 18. Habetur etiam prohibitio similis in VI. Synodo can. 63. Trullano, vbi impij quidam libri prohibentur, & cremari iubentur. Ratio verò prohibitionis est, detestatio infidelitatis, & defensio cauta fidelium, ne venenum latius serpat, & multi incautè decipiantur.

Perperam autem obijciunt Nouatores illud 1. Thessalonicensium, *g. Omnia probate, quod bonum est tenete.* Loquuntur enim ibi Apostoli de Prophetijs, siue interpretationibus nondum damnatis, aut nondum examinatis quales essent: non autem de libris Hæreticorum iam damnatis ab Ecclesia. Neque ait examen illud esse cuiusque priuati; sed ipsius Ecclesiæ, ad quam scribit, & Pastorum, ac Præsidum. Quod si qui Patrum, hæreticorum libros legerunt, vt Dionysius Alexandrinus, Hieronymus, Aug. & alij, vel specialiter instinctu diuino id fecerunt, vt Dionysius; vel quia prohibitio illis facta non erat (est enim recens tam vniuersalis prohibitio) & aliunde id exigebat necessitas, vel vtilitas Ecclesiæ.

Circa tertium, de quo D. Thomas q. 10. art. 9. Communicatio quævis cum infidelibus perniciofa, vel periculosa nobis, aut alijs, iure ipso naturali illicita est. Item, iure nature, & diuino prohibitum est communicare cum illis in sacris, ita vt sacrificiorum ipsorum, vel aliorum rituum simus aliquo modo participes. Non debet etiam ipsis permitti nostris interesse, nisi spes sit fore vt inde conuertantur, aut alia vtilitas magni momenti sequatur. Imò ne tunc quidem, si nominatim sunt Excommunicati, iure autem Ecclesiastico matrimonium baptizati cum non baptizata, vel contrà, nullum est. Baptizati verò cum baptizata infidelis, aut contrà, validum quidem est, sed communiter illicitum, ob incommoda, quæ inde sequuntur. Potest tamen iustus ob causas fieri licite: vt si spes certa sit infidelem conuersum iri. In rebus autem ciuilibus communicatio non est prohibita generaliter iure Ecclesiastico, nisi cum ijs solis, qui sunt Excommunicati in particulari, & nominatim denunciati: idque extra casum necessitatis, aut magnæ vtilitatis. Sic enim vetus prohibitio, quæ latius patebat ad omnes Excommunicatos notos, restricta fuit in Extrauag. *Ad euitanda Concilij Constantiensis.* Vltèrius in constitutione Gregorij XIII. editâ anno 1581. quæ incipit, *Alias pia memoria*, prohibetur grauius Christianis vti medico Iudæo, vel Pagano, siue Saraceno: à quo tamen excusat grauis necessitas, sicut ab alijs præceptis posituius. Et cap. *Ad hæc, de Iudæis*, prohibetur Christianis obstricticibus, aut nutricibus, Iudæorum liberos in ipsorum domibus nutrire. Ibidem etiam prohibetur Christianis famulari Iudæis: famulatu scilicet propriè dicto, qui propriè est, cum aliquis in eorum domibus tanquam famulus habitat. Quia ius expressè hunc solum famulatum prohibet, vt docent Andreas, & Osiensis in cap. cit. Quare non prohibet operam eis suam locare ad agrum excolendum, ad domum ædificandam, aut pro illis in domo propria laborare: quia hæc non sunt propriè famulari. Prohibetur etiam Episcopis, cap. *Si quis Epif.*

co.
Solutum
argu-
constr.

cc.
Quæ cõ-
municatio cum
Hæret.
illicita?

copus de Hæreticis, ne non confanguineos, aut confanguineos Hæreticos, vel Paganos, hæredes instituunt. Ex lege 1. Cod. de Iudeis, statuitur inualidum esse legatum factum vniuersitari Iudeorum. De prohibitione verò quâ vetantur Christiani subijcere se Iudeorum seruituri, aut permittere vt apud se fungantur publicis officiis, dicam sect. sequenti. Alia quædam à nonnullis censentur esse eum Iudeis prohibita iure Ecclesiastico; sed non satis probantur, vt bene ostendit Egidius Coninck disp. 18. dub. 11. num. 165. & sequent. Ultra hos verò casus, & alios iure ipso naturali, & diuino prohibitos ob periculum, vel scandalum, propter quod olim ipsimet Apostoli Hæreticos accuratè vitarunt, teste Irenæo lib. 3. c. 3. & virari iusserunt, Tit. 3. v. 9. & 10. & vitandos esse docent Cyprianus. lib. 1. Epist. 3. aliàs 55. ad Cornelium, in fine: Athanasius in vita S. Antonij: Euseb. lib. 4. histor. cap. 14. Aug. Epist. 161. initio: alijque Patres: præter, inquam, hos casus iure Ecclesiastico, vel naturali prohibitos, licita est communicatio cum infidelibus; imò interdum utilis, & necessaria, vt ab erroribus reuocentur ab ijs, quorum communicatione iuari possunt: cuiusmodi sunt docti, & firmi in fide: vt rectè docet S. Thomas q. 10. art. 9.

SECTIO VI.

Vtrum Infideles possint habere dominium supra Fideles.

12.
Doctrina
D. Tho-
mæ.

HAc de re D. Thomas q. 10. art. 10. vbi docet primò, non esse permittendum, vt prælati, vel dominium Infidelium supra Fideles de nouo instituantur: quia id cederet in scandalum, & periculum fidei, cum subditi facili immutentur ab ijs, quibus subsunt. Ideòque Ecclesia nullo modo permittit, vt infideles acquirant dominium super fideles, vel qualitercumque eis præstentur in aliquo officio. Secundò, dominium præstans infidelium super fideles, posse ab illis retineri; Quia dominium, vel prælatum introducta sunt ex iure humano. Distinctio autem fidelium, & infidelium est ex iure diuino. Ius autem diuinum, quod est ex gratia, non tollit ius humanum, quod est ex naturali ratione. Ideòque distinctio fidelium, & infidelium, secundum se considerata, non tollit dominium, & prælationem infidelium super fideles. Tertiò, posse tamen iuste per sententiam, vel ordinationem Ecclesiæ, auctoritatem Dei habentis, tale ius domini, vel prælationis tolli; quia infideles, merito suæ infidelitatis, merentur amittere potestatem super fideles, qui transferuntur in filios Dei. Quartò, Ecclesiam quandoque illud tollere quibuscumque infidelibus, qui temporali subiectione subsunt Ecclesiæ, & membris eius: sicut Iudeis sibi subditis tollit dominium in seruos Christianos. Alijs verò infidelibus, non subiectis temporaliter Ecclesiæ, aut membris eius, non tollere, ad vitandum Scandalum, licet de iure tollere possit. Hæc D. Thomas. Quæ vt melius intelligantur.

13.
Domi-
nium du-
plex des-

Nota primò, dominium hominis in hominem esse duplex: Desporicum scilicet, quale Dominus habet in sua mancipia: & Politicum,

quale Princeps habet in subditos. De vtroque hic sermo est. Secundò, infideles esse in quadam duplici differentia. Quidam enim Ecclesiæ, vel eius membris sunt subiecti spiritualiter, & temporaliter: vt sunt infideles baptizati, & subiecti temporaliter summo Pontifici, aut alijs Principibus Christianis. Alij sunt spiritualiter tantum subiecti: vt Hæretici, vel Apostatæ, qui subsunt Regibus Ethnicis. Alij tertio sunt temporaliter tantum subiecti: vt Iudei Romæ degentes. Et alij infideles non baptizati, subiecti Principibus Christianis. Alij quarto sunt, qui nec spiritualiter, nec temporaliter Ecclesiæ subiecti sunt: vt Turcæ, Tartari, Sineses, Iaponij, & similes infideles, neque baptizati, neque Principibus Christianis subiecti.

His præmissis, dico primò, quoscumque infideles iure naturæ esse capaces domini in fideles; Pater, quia siue dominium oritur ex voluntaria subiectione, siue ex victoria in bello iusto; & similibus causis; Infideles sunt capaces iure naturæ, vt fideles illis se voluntarie subijciant, vel vt subiectionem olim factam conseruent: possunt etiam in bello iusto eos sibi subijcere: possunt emere mancipia Christianorum; & similibus modis dominium in illos acquirere spectato præciso solo iure naturæ.

Dico secundò, Infideles non lubditos Christianis licetè retinere dominium politicum, quod habent in Fideles neque posse illo per se, & directè priuari. Prima pars est D. Thomæ art. cit. & communis Theologorum. Probatur ex Scriptura, quæ iubet tales pro veris Dominis agnoscere: Rom. 13. *Omnis anima potestatibus sublimioribus subdita sit*, &c. & Tit. 3. *Admones illos vt Principibus obediant*. Principes autem, & potestates erant tunc infideles. Et 1. Petr. 2. *Subiecti estote omni humane creaturæ: siue Regi, quasi præcellenti: siue Ducibus, tanquam ab eo missis*, &c. Probatur secundo exemplo Christi, & veterum Christianorum. Nam Christus Matth. 22. iubet reddi Cæsari quæ sunt Cæsaris: quamvis Cæsar esset infidelis, & Iudei fideles. Christiani verò, Imperatores & Principes Ethnicos agnouerunt pro veris Dominis, & debitum illis honorem tribuerunt, vt patet ex Iustino martyre in Apolog. pro Christianis. Tertulliano in lib. ad Scapulam; At nobis contra Gen. Eusebio lib. 4. histor. c. 14. alias 15. Vbi refert Polycarpum ita locutum esse paulò ante martyrium, *Docemur Principibus, & potestatibus ijs, quæ à Deo sunt, honorem deferre; eum scilicet qui religioni non sit contrarius*. Ratio quoque à D. Thoma allata, optima est: quia scilicet ius diuinum, ex quo oritur distinctio fidelium, & infidelium, non destruitur, neque perturbatur ius naturæ, vel ius humanum, ex quo dominium oritur est.

Secunda pars cõclusionis, quod tales infideles non possunt hoc dominium per se, & directè priuari, est Suariz disp. 18. sect. 5. n. 3. aliorumque plurimorum, quos citat. Probatur, quia nemo potest priuari iuris bonis sine titulo iusto. Hoc autem dominium est inter præcipua bona infidelium. Ergo non possunt eo priuari sine titulo iusto. At infidelitas sola non est titulus iustus.

Bb a

est, siue quis peccet contra temperantiam prius exercitam, siue non: sic idem est specie peccati, si quis recedat a fide suscepta, vel a non suscepta.

33. Obijcies secundum ex D. Thoma q. 10. art. 5. in corp. Species infidelitatis non esse determinatas per habitudinem ad ea, ad quae infidelis conuertitur: & in solutione primi argumenti, addit infidelitatem, quā parte est recessus à diuina veritate, non habere speciem, sed esse priuationem speciei. Respondeo, primum illud D. Thomae pronuntiatum intelligendum esse de erroribus, quibus infidelis adhæret, recedendo à fide; qui errores in infinitum multiplicari possunt; & à quibus vt talibus non sumuntur species infidelitatis: sed à repugnantia cum actu, vel obiecto fidei, quæ formaliter determinata est, sicut actus, & obiecta reuelata, quibus repugnat, sunt determinata. Nam veritates reuelatae sunt determinatae, præsertim illæ, quæ per se pertinent ad fidem Christianam: & ratio credendi illas est determinata, nempe diuina reuelatio. Quare ex ea parte species infidelitatis sunt determinatae, siue consistant in non assentiendo, siue in dissentiendo posituæ, aut in dubitando. Neque id negat D. Thomas, sed ait tantum non esse determinatas ex parte errorum, ad quos possunt conuerti infideles recedendo à veritate fidei. Secundum verò illius dictum debet intelligi de specie perfecta, & positua, & de recessu negatiue sumpto, vel priuatiue. Nam huiusmodi recessus, vt sic, non habet speciem, nisi latè sumendo speciem pro quauis ratione communi quo modo etiam priuatio habet speciem suam, vt & rationem propriam, aut significationem nominis, seu conceptum illi respondentem. At verò recessus posituius per contrarietatem cum fide, habet vt talis veram speciem posituam, consistentem in speciali tendentia actus oppositi fidei. Dissensum enim posituius non minus habet speciem posituam atque perfectam, quam assensus contrarius.

24. Quæritur grauior haereticum infidelitatem. Quæritur quænam ex his infidelitatibus grauior sit? Respondeo, Hæresim ex genere suo esse maiorem intensiue quoad modum repugnandi fidei: quia scilicet maiori cum notitia ei repugnat. Extensiue autem maiorem esse Paganismum, quia plures fidei articulos negat. Iudaismum quoque maior est Hæresis intensiue: quia ad plura extenditur, quam ab Hæreticis negari soleant. Dixi autem, *ex genere suo*: quia in specie, & in indiuiduo, multiplex alius excessus intensiuus, & extensiuus, contingere potest. Fieri enim potest vt aliquis maiori cum notitia adhæreat Iudaismo, vel Paganismo, quam alius Hæresi. Potest etiam Hæreticus aliquis plures articulos negare, quam Iudeus. Quare in particulari non potest certa mensura statui. Hæretici verò specialiter eo nomine pessimi sunt, quod fideles se esse similes, sunt proditores & hostes domestici fidei, eiusque armis, Scripturis scilicet, & alijs, ad ipsius perniciem vtuntur. Maiorem autem nobis facit iniuriam, cæteris paribus, qui amicum se esse simulant, non occultè impugnat, quam qui se hostem apertum proficitur. Præterea, qui fidem antea susceptam negant per Hæresim, vel Apostasiam; peccant eo nomine grauius, & in-

tensius: licet extensiue minus peccent, si non tam multos articulos negent.

Quæres secundo, an huiusmodi species infidelitatis possint in eodem subiecto reperiri. Respondeo posse successiue, sed non simul, integrè & perfectè. Prima pars liquet, quia potest aliquis à Pagano Iudeus fieri, tum Christianus, posteaque hæreticus. Secunda probatur, quia species illæ perfectè sumptæ continent aliquam repugnantiam, propter quam non possunt in eodem reperiri. Est enim repugnantia inter fidem susceptam, & non susceptam, vt sic: Ergo & inter Paganismum, qui repugnat fidei non susceptæ; & Iudaismum, ac hæresim, quæ repugnant fidei susceptæ. Est quoque repugnantia inter fidem susceptam in figura tantum, & susceptam in propria specie: Ergo & inter Iudaismum repugnantem fidei susceptæ tantum in figura, & Hæresim repugnantem fidei susceptæ in propria specie. Dixi autem, *perfectè*, & *integrè*: quia imperfectè misceri possunt. Nam potest aliquis secundum quid esse Iudeus, & secundum quid hæreticus; admittendo aliquid ex lege noua, non omnia; & simul adhærendo legibus, & ceremonijs Moisaicis, vel omnibus, vel quibusdam.

SECTIO III.

De Hæresi, Apostasia, & Blasphemia.

Q Væ D. Thom. q. 10. art. 7. & sequentibus disputat, an liceat cum infidelibus disputare, vel eos ad fidem cogere, aut eorum ritus, & errores tolerare, partim in textu perspicua sunt, partim commodius explicabuntur inferius, sect. 5. & seq. Prius verò exponendi sunt tres illi modi infidelitatis, de quibus idem disputat. q. 11. & tribus consequentibus. Vt ergo à postremo incipiamus, Blasphemia, ex vi vocis, idem est, ac læsio famæ: à *βλαττω*, id est, lædo, & *φama* id est, fama: significatque maledictum, seu conuiuium, & probrum; quod videlicet alicui turpe aliquod malum, vel indecens, per vituperationē tribuitur, aut simili affectu detrahatur aliquid, quo carere turpe sit, atque ita fama ipsius læditur: aut etiam alio modo, aliquid ei per contemptum, aut vituperium exprobratur. Potestque ex vi suæ significationis, non solum circa Deum, sed etiam circa creaturas versari. Per appropriationem tamen significat maledictum, quod in Deū conijcitur, quodque est blasphemia per excellentiam, & sic definitur potest: *Est verbum maledicti, seu conuiuii, aut contumelie in Deum*. Huiusmodi autem maledictum non magis oritur ab infidelitate, quam ab odio, & mala in Deum voluntate. Imò etiam cum fide potest esse blasphemia. Quia tamen vel formaliter, vel virtualiter, continet semper aliquid falsum de Deo, idcirco D. Thomas q. 13. art. 1. in corp. & ad 3. posuit blasphemiam inter alios modos negandi fidem verbis, atque opponi confessioni fidei: vt Caietanus ibidem notat.

Aduertendum tamen est primo, blasphemiam magis opponi religioni, quam fidei. Nam fides Religio respicit veritatem diuinam. Religio verò cultum, & honorem Dei, cui directè, & for-

fidei op-
ponitur.

maliter opponitur blasphemia, quæ est Dei vituperatio, potestque consistere, licet blasphemus fidem in animo retineat, ac ne quidem speculatione quicquam fidei oppositum enunciet. Vt si quis verè credens Christum Dominum passum, & mortuum esse, mortem eius detideat; vel illi exprobet; aut eius membra per contumeliam nominet. In quo tamen continetur virtualiter error practicus contra fidem, quatenus eius mors, & passio, vel membra, ipsi turpiter esse indecora, & exprobranda, practice iudicantur. Verumtamen blasphemia non est semper, & necessariò coniuncta cum errore intellectus, neque in illo consistit formaliter; sed in verbis contumeliosis, quæ ex indignatione in Deum, vel contemptu, proferri possunt; quamvis, proferens non ita credat, neque vllum errorem fidei oppositum habeat: sicut homines frequenter iactant in alios verba contumeliosa, iræ explende gratiâ; licet talem de illis opinionem non habeant. Vnde oritur diuisio blasphemie in hæreticalem, & in simplicem, seu non hæreticalem: quarum prior iuncta est cum errore contra fidem; secus autem posterior, quæ non procedit ex falsa de Deo existimatione; sed ex affectu iræ, contemptus, odij contra Deum, vel alia passione inordinata, & diabolica: ac ne quidem exterius continet vllum errorem contra fidem. Quod addo, quia ipi iure canonico (in quo non iudicatur de errore purè interno, sed de eo quod exterius apparet) blasphemia hæreticalis vocatur omnis illa, quæ virtualiter, aut formaliter continet exterius, & significat falsitatem contra fidem. Cuiusmodi est omnis illa, quæ de Deo affirmat, aut negat aliquid contrarium fidei: vel etiam de illo dubitat: aut tribuit creaturæ rei, quod secundum fidem soli Deo convenit. Idque vel enuntiatione formali, vel virtuali tantum, vt si Deum vocet iniustum, improvidum, crudelem, &c. quibus nominibus implicite affirmatur id, quod significatur. Huiusmodi etiam est vulgatis illa, & pessima blasphemia, *Ahnego*, vt dei dici solet, *Renego Deum*. Quia hic loquendi modus, & similes, speciem quandam infidelitatis præ se ferunt. Si simplex autem blasphemia, seu non hæreticalis, secundum ius canonicum, dicitur omnis illa, quæ neque formaliter, neque virtualiter continet exterius falsitatem, quasi speculationem contra fidei veritatem (speculationem, inquam; nam practica continet quodammodo in omni blasphemia, sicut in odio Dei, & alijs affectibus inordinatis contra Deum) vt sunt illæ, quibus Deo tribuitur aliquid, quod verè ipsi competit, aut negatur quod non competit, sed itisori, & contumeliosè illæ, quibus Deo optatur aliquid malum per imprecationem, maledictionem, aut aliud genus contumeliæ: vt cum dicitur, Inuito Deo, In despectum Dei, &c.

Aduerte secundò, blasphemiam non solum verbis exterius ore prolatis, sed etiam scriptis, imò & mente, seu cogitatione, & verbo mentis solo committi posse. Sicut enim Deus potest aut mente solum, aut etiam voce laudari: ita potest utroque modo blasphemari. Vnde ostenditur alia diuisio blasphemie in internam, & ex-

ternam: siue in eam, quæ fit verbo tantum mentali: diciturque blasphemia cordis; & in eam, quæ fit verbo sensibili. Illa verò non consistit formaliter in affectu voluntatis, sed in locutione mentali, quæ est actus intellectus, seu verbum mentis: sicut blasphemia externa consistit formaliter in verbo sensibili contumelioso. Quocirca in vtraque affectus internus blasphemandi distinguitur ab ipsa blasphemia formaliter sumpta. Sicut affectus fornicandi, aut occidendi, distinguitur à fornicatione, vel ab homicidio, quod formaliter consistit in ipsa executione operis. Non est tamen blasphemia peccatum formale, id est, culpabile, sine illo affectu libero voluntatis: inio ab illo sumit totam suam malitiam formalem, & imputabilem, vt patet ex dictis in tract. de actibus humanis. Item licet Deus possit exterius tractari contumeliosè, non solum verbis propriè dictis, ore, aut scripto formati, verum etiam factis, & gestibus Deum inhonorantibus: vt si quis in cælum expat contra Deum, vel Eucharistiam tractet vt cibum communem, aut brutis animantibus edendam præbeat, vt fecerunt hæretici: non est tamen propriè in huiusmodi factis blasphemia, nisi quando verbis, & signis expressè significantibus æquivalent, & quatenus illis æquivalent; ita vt differentia huiusmodi signorum, aut gestuum sit purè materialis. Nam blasphemia propriè opponitur laudi. Laus verb diuina propriè & formaliter consistit in verbis, non in alijs modis, quibus Deus potest exterius coli, & adorari: vt docet S. Thomas q. 103. art. 1. ad 3. vbi ait laudem, & honorem in eo distingui, quod laus propriè consistit in verbis; honor, in quibuslibet signis externis. Neque omnes actus externi, quibus Deus inhonoratur, sunt Blasphemia propriè loquendo, vt patet de idololatria, superstitione, perituri, & similibus vitij, religioni oppositis.

Aduerte tertio, Blasphemiam esse quadruplicem, generatim loquendo. Prima est, quæ Deo tribuitur aliquid turpe, & indecens, cuiusque hodie notis repugnans: vt quod Deus sit auctor peccati: quod Christus in cruce desperauerit: quod in Beelzebub principe demoniorum elegerit dæmonia; de quo genere Blasphemie in Spiritum sanctum plura videri possunt apud D. Thomam tota quæst. 14. Altera est quæ Deo negatur aliquid, quod verè illi conuenit, nec sine illius contumelia negari potest: vt Deum esse omnipotentem, veracem, & summè bonum; Christum esse Dei filium & verum Deum: aut etiam si in dubium tenocetur aliquid, pertinet ad Dei perfectionem, vt ad Omnipotentiam, Sapientiam, & Providentiam: iuxta illud Psalmi 77. v. 19. *Et male locuti sunt de Deo: dixerunt: Numquid poterit Deus parare mentem in deserto?* Eodemque pertinet dubitare num Deo possit conueniat aliquid consummationis. Tertia est, quæ exprobratur aliquid Deo, quod verè ipsi inest: aut exprobratur quod non habeat aliquid, quod recipi non habet: vt si quis Deo exprobet decretum, quod habuit circa hominum salutem procurandam per Christi passionem: vel exprobet quod non omnes homines saluare velit efficaciter, sed plu-

39.
Est quadruplex generatim.

39.
Multipli-
citer
committitur.

rimos damnari patiat: vel Christo expro-
bret humanitatem assumptam, & infirmita-
tes humanas, vel quod mori, & passioni se
non subtraxerit: vel ignominiose nominet ali-
quid Deo conueniens, præsertim secundum eius
humanitatem, & secundum partes eius ignobi-
liores. Hæc enim omnia cedunt in Dei contumeli-
am. Quarta denique fit per verba optandi
vel imprecati Deo malum aliquod, aut ceten-
um alicuius boni: vt cum dicitur, *Inuito Deo,*
Ad despectum Dei, Dissplicat Deo, &c.
quod qui enuntiant, significant se desiderare
facere aliquid contra Dei voluntatem efficacem
ipsique preualere: aut esse aliquid quod Deum
angst, & male habeat.

30. **Extendi-**
tur ad res
diuinas.
Aduerte quartò, Blasphemiam extendi etiam
ad res diuinas, & ad Sanctos, quatenus verba
contumeliosa, in eos prolata, redundant in
Deum, qui in eiusmodi rebus laudatur, aut vi-
tuperatur: vt si quis Scripturam diuinam ar-
guat falsitatis, vel irideat ob styli simplicitatem:
vel affirmet Dei Matrem Sanctissimam non
fuisse semper virginem. Vnde sumitur alia diui-
ni Blasphemiz in eam, quæ directè, & immē-
diatè est contra Deum: & illam, quæ immē-
diatè est contra sanctos, vel alias res specialiter
Deo deuinctas. Quæ tripliciter committi po-
test, vt bene docet Suares tom. 1. de Religione,
tract. 3. lib. 1. c. 3. n. 6. Primò scilicet, cogitando
simul expresse de Deo, & intendendo eius ho-
nori detrachere per contumeliā illatam Sanctis,
aut alijs rebus Deo deuinctis: & tunc est for-
malissima Dei Blasphemia. Secundo, cogitan-
do de Sanctis, vt de amicis Dei peculiaribus, vel
de alijs rebus diuinis, vt diuinis, aut specialiter
Deo deuinctis; & nihilominus eas tractando
contumeliose. Et tunc etiam est formalis Blas-
phemia: quia talis contumelia transit in Deum,
ratione coniunctionis, quæ expresse considera-
tur inter Deum, & talem personam, aut rem
aliā ad Deum specialiter pertinentem: licet
hoc formaliter non intendatur. Nam ad mali-
tiam formalem actus non est necesse intendere
malum quæ tale, sed sufficit illud scienter, & li-
berè admittere, vel permittere contra debitum.
Tertiò, non cogitando expresse de Sancto, aut
alia re, cum respectu ad Deum: sed tantum de
excellencia sanctitatis; in qua talis respectus
fundatur. Et hoc sufficit ad participandam ali-
quo modo, quamuis imperfectiori, malitiam
Blasphemiz in Deum: quia est contumelia cedens
per se in opprobrium ipsius Dei: vt bene
docet ibidem Suares, contra Vasquez lib. 1. de
adorat. disp. 6. c. 4. & valent. tom. 3. disputat.
1. quæst. 13. punct. 2. §. *Sed dicitur aunc aliquis:*

37. **Blasphemia for-**
malis
quid re-
quirat?
Quintò denique, addunt aliqui, vt sit Blas-
phemia formaliter, & non materialiter tantum;
debet omnia suprà dicta cogitari, vel dici &
significati exterius per vituperationem, ex odio,
indignatione, desitione, vel contemptu aliquo,
quasi Deus idcirco sit contemendus. Alioqui
Blasphemia tantum materialis est. Quare qui
ex ira in proximum, vel leuitate, aut perturbatio-
ne animi, iurat per Dei caput, ventrem, san-
guinem, & similia, non per modum conuiitij,
irritationis, aut exprobrationis, improprieando
Deo quod carnem assumpsit, non peccat for-

mali peccato Blasphemiz. Verum, vt melius
docet Suares lib. cit. cap. 6. n. 11. quando
verba ipsa de se Blasphemica sunt non sunt illi
exculandi à peccato Blasphemiz: quia ad illam
non est necessaria formalis indignatio in Deum,
sive in actu signato: sed sufficit quod in actu
exercito ex ira, vel ex indignatione in hominem,
prorumpat aliquis voluntariè in verba contumeli-
æ contra Deum. Ad contrahendam enim
malitiam formalem alicuius peccati, non est
necessarium illam directè, formaliter & ex-
presse intendere; sed sufficit indirectè, & inter-
pretatiue in eam consentire. Omnino tamen
certum est non esse Blasphemiz peccatum pro-
ferre tantum materialiter, & reatiue verba
Blasphemiz, non autem serio, & significatiue,
seu assertiue. Est quoque certum hoc peccatum
esse mortale, & grauissimum, nisi inaduertentia,
vel imperfectio deliberationis excuset: quo
pacto excusantur qui aliqua verba de se Blasphe-
ma proferunt, non intelligendo ipsorum mali-
tiam. Estque grauius hoc peccatum, quando
cum hæresi, vel cum iuramento, aut periu-
rio coniunctum est, vt sæpe contingit. Non est ta-
men absolute grauissimum peccatorum. Nam
odium Dei grauius est: imò etiam hæresis, &
desperatio est grauior Blasphemiz præciè sum-
pta. Grauiora enim sunt ex genere suo peccata
illa, quæ præstantioribus virtutibus opponuntur.
Virtutes autem Theologicæ sunt nobiliores
religione, cui Blasphemia opponitur. Quate-
cum aliqua exaggeratione accipiendum est illud
Hieronymi in caput 18. Isaie, *Nihil horribi-*
lius Blasphemiz, quæ ponit in Excelsis os
suum, &c. Omne quippe peccatum compara-
tum Blasphemiz, leuius est. Huc vique de
Blasphemia.

Apostasia verò, ex vi vocis, defectionem^{38.}
significat: à Græco ἀποστα, id est, abstituto, ab-
scedo, deficio: potestque esse multiplex pro-
ptè sunt multa, à quibus deficitur. Alia enim
est ab obedientia, alia ab ordine religioso, alia
à statu clericali, alia à fide: & hæc sola est
peccatum infidelitatis, & propria huius loci:
estque defectio à fide iam suscepta, saltem ob-
iectiue, quatenus definit aliquis credere id,
quod antea credidit, siue fide supernaturali,
siue naturali tantum. Licet autem vox de se
indifferens sit ad significandam quamcumque
defectionem, siue totalem, siue partialem: re-
stringitur tamen ad totalem, vt distinguitur
ab hæresi. Nam qui deficiunt penitus à fide,
non vocantur Hæretici, sed Apostatæ, vt In-
dianus Imperator, ex Christiano factus Paga-
nus, & Ethnicus: & qui tantum ex parte de-
ficiunt, non vocantur Apostatæ, sed Hæretici;
vt Arriani, Nestoriani, Lutherani, Caluinisti,
& similes. Vnde collige Apostasiam differre
tantum ab hæresi secundum magis & minus.
Idèque D. Thomas q. 10. art. 5. numerat so-
lùm tres species infidelitatis: Paganismum, Iu-
daismum, & Hæresim, sub qua Apostasiam
comprehendit, aiens Hæreticorum pomine
comprehendi omnes, qui renuntiant fidei Chri-
stianæ iam receptæ in propria specie, siue in
ipsa veritatis manifestatione: & q. 12. art. 1. ad
3. dicit Apostasiam non consistere nouam spe-

ciem infidelitatis : sed tantum addere nouam circumstantiam grauitatis. Hinc etiam in iure Canonico non sunt diuersi Tituli de Hæreticis, & de Apostatis à fide, sed tantum de Hæreticis, sub quibus Apostata comprehenduntur, & ad quos leges, & pœnæ illæ æquæ pertinent. Et quamvis lib. 5. Decretal. titul. 9. agatur de Apostatis ab ordine, & à religione : non tamen de Apostatis à fide : quia scilicet intelliguntur comprehensi sub titulo de Hæreticis : de quibus aliqui statuendum aliquid fuisset, cum non minus subsint Ecclesie, quàm Hæretici, si baptizati sunt. Cetera de Apostasia intelliguntur ex dicendis de Hæresi, quæ illi erunt applicanda cum proportionem : cum ut iam diximus, tantum differant penes magis & minus, eò quod Hæresis sit partialis tantum defectio ; Apostasia verò, totalis.

37. Hæresis ergo, ex vi vocis, electionem sonat : Quid sit hæresis? à Græco *αἵρεσις*, id est, eligo : significatque electionem intellectus, & voluntatis, quæ quis adheret quibusdam credibilibus, reiectis alijs. Et si fiat sine aduertentia, & libertate, est Hæresis tantum materialiter. Sin autem cum sufficienti aduertentia, & libertate, est Hæresis formaliter, & peccatum culpabile consistens partim & formaliter in intellectu ; partim & denominatiue quoad esse moralis, seu liberi, & culpabilis, in voluntate : sicut fidei virtus consistit aliquo modo in utroque. Porro licet omne tale peccatum, siue internum tantum, siue etiam externum, id est, exterius proditum, & siue cum pertinacia, siue sine illa, sit contra Deo Hæresis aliqua : tamen ad Hæresim perfectam (vt & ad Apostasiam) quæ attenditur in foro externo, subestque legibus, & pœnis Ecclesiasticis, multa alia requiruntur : ideoque Hæresis perfecta non tam latè patet.

34. Primò requiritur, vt defectio illa sit non ad illam modò voluntaria, & contra debitum, adeoque post sufficientem propositionem obiecti credibilis ; sed etiam sit pertinax. Qui enim errant sine pertinacia, non censentur Hæretici : vt patet ex Concilio Lateranensi sub Innocentio III. cap. *Damnatus*, de *Summa Trinit.* vbi referens errorem quendam Abbatis Ioa- chim, illum ab Hæresi excusat, eo quod sine pertinacia errauerit. Et D. August. initio Epist. 162. *Qui sententiam*, inquit, *suam, quamvis falsam, atque peruersam, nulla pertinacis animositate defendunt, &c. Parati corrigi cum inuenerint*, (veritatem scilicet) *negu- quam sunt inter Hæreticos computandi.* Secundo requiritur, vt sit defectio hominis Christiani, & baptizati. Quod intellige de baptismo vero, & valido. Nam Ecclesia non exercet iudicium in illos, qui per baptismum in eam non sunt ingressi ; vt ait Trid. Sess. 14. cap. 2. eoque sensu explicat illud Apostoli 1. Cor. 5. *Quid enim mihi de ijs, qui foris sunt, iudicare ?* Idemque habetur in cap. *Gaudemus, de diuortijs.* Quare qui per verum baptismum non sunt ingressi in Ecclesiam, eique subiecti, non sunt Hæretici in foro externo, qui subiaceant legibus, & pœnis Ecclesie. Tertiò requiritur, vt non deficiat tantum ab aliqua reuelatione priuata, sed à fide publica, commu-

ni, & Catholica. Quia Ecclesia non punit, nisi recedentes à sua fide, id est, à doctrina per ipsam proposita, & probata, quam, propter vniuersalitatem, Catholicam vocamus. Neque Ecclesia iudicat de internis & priuatis reuelationibus, nisi interdum examinando an sint veræ, vel falsæ, & discrepantes à veritate Catholica, à qua si non discrepent, liberum relinquitur fidelibus, vt prudenter examinent quales sint. Quarto requiritur, vt prodatur actu externo, qui cum vera defectione interna sit coniunctus. Nam Ecclesia non iudicat de actibus internis ; neque etiam punit solum actum externum, siue interna Hæresis, pœnâ excommunicationis, & alijs in iure statutis : quia iura loquuntur de Hæresi vera, & non tantum simulata, quæ verè Hæresis non est : neque illi Hæreticorum nomine intelligendi sunt, vt docent communiter Theologi, & Canonistæ. Quod autem ait D. Thomas 1. p. quest. 1. art. 2. & 2. 2. q. 11. art. 2. ad 2. *Ex verbis inordinatè prolatis incurritur Hæresis*, intelligendum est vel præsumptiue, quia in foro externo præsumitur esse Hæreticus, ille qui proferit eiusmodi verba : vel occasionaliter, quia qui loquitur inordinatè de rebus fidei, occasionem alijs præbet concipiendi Hæresim, & in illam incidendi : vel etiam quia ille, qui loquitur inordinatè, versatur in periculo incidendi in Hæresim : qui enim spernit modica, paulatim deciderit, *Ecclesiast.* 19. v. 1. Ex his collige perfectam Hæresim definiti sic posse : Est voluntaria, & pertinax, & exterius manifestata defectio ab aliqua parte fidei Catholice, in homine Christiano & baptizato. Quæ definitio, vt melius intelligatur, multa circa illam querenda, & explicanda sunt.

Definitio hæresicos.

SECTIO IV.

Soluntur varia quæstiones de Hæresi.

Q Væritur primò, quæ pertinacia requiratur ad Hæresim perfectam ? Respondeo Quam requirit primò virtuale, aut formale propositum fixum, & firmum dissentienti, aut nunquam assentiendi, contra debitum scienter & libere, post sufficientem propositionem. Nam pertinacia est tenacitas quædam, & firmitas in malo : sicut constantia est tenacitas & firmitas in bono. Porro esse sine mora temporis, statim atque concipitur firmum & absolutum propositum ; licet aliunde contingat vt illud cito mutetur : etenim pertinacia quæ non cedit vni, cedit alteri : vt aliquis est pertinax contra argumenta, qui non est contra verbera, vel contra periculum mortis. Qui autem ad pertinaciam requiritur temporis durationem, & persistentiam, vt Syluester *Verbo Hæresis* 1. dub. 2. loquuntur Canonistæ, in ordine ad iudicium ferendum in foro externo, in quo solet expectari fluxus aliquis temporis, ad iudicandum an aliquis sit pertinax. Secundo, requiritur vt pertinacia illa sit contra debitum perfectum crediti : quod debitum sufficientem propositionem requirit. Ideoque non suf-

36. Quam pertinaciam requirit ?

facit quòd aliqui Theologi, vel Episcopi, sentiant oppositum esse credendum; sed aliquid amplius necessarium est, quod sufficientem credibilitatem diuinam constituat. Tetriò, licet ad Hæresim latè sumptam, & coram Deo, sufficiat minor pertinacia; ad eam tamen quæ subest pœnis Ecclesiæ, & cuius in iure Canonico habetur ratio, requiritur voluntas expressa, vel interpretatiua resistendi Catholicæ doctrinæ, siue Ecclesiæ illam docenti; quæ resistentia sit per voluntatem non submittendi suum iudicium auctoritati Ecclesiæ. Ita cum D. Thoma sentiunt omnes Scholastici, teste Suare disp. 19. Sect. 3. n. 10. Idemque docent SS. Patres ab eodem citati: & speciatim D. August. lib. 4. de baptismo contra Donat. c. 16. ubi affirmat errantem in fide non esse Hæreticum, donec instruat quid Ecclesiæ teneat, malique illi resistere, quàm suam mutare sententiam. Faut etiam communis usus. Nam ille non censetur Hæreticus, qui paratus est submittere se iudicio Ecclesiæ.

36. Dupliciter autem potest quis resistere auctoritati Ecclesiæ. Primò expressè, quando aduertit Ecclesiæ docere contrarium. Secundò virtualiter, quando licet id non aduertat, habet tamen eiusmodi affectum, ut etiam si Ecclesiæ contrarium doceat, non sit paratus mutare sententiam. Et hoc secundum sufficit: Licet D. Augustinus verbis suprà relatis plus requirere videatur. Non excusat verò ab Hæresi, quòd errans non credat Ecclesiæ, quæ docet oppositum, esse veram Ecclesiæ: sed sufficit, quòd teneatur credere Ecclesiæ, quæ sic definit, esse veram. Alioqui vix vlli essent Hæretici: imò qui credunt, veram Ecclesiæ docere oppositum, & veram Ecclesiæ non errare in fide; non possunt dissentire, aut tenere contrarium eius quod sciunt doceri à tali Ecclesiæ. Non excusat etiam quòd errans sit paratus credere, si coniungatur ad credendum rationibus naturalibus, aut postquam illi, quantum volet, constiterit Deum id reuelasse: sufficit enim quòd post sufficientem propositionem, non credat pertinaciter, modo suprà exposito. Omnino tamen propositio sufficiens necessaria est, sine qua non est debitum credendi, & consequenter nec peccatum Infidelitatis, nec Hæresis, quæ est Infidelitas culpabilis. Quare Hæreticorum filij, vel rustici quidam, & ignari, si illis nondum facta est propositio sufficiens evidenter credibilis, non sunt verè Hæretici, neque vt tales habendi; adeoque neque excommunicati, & alijs pœnis Ecclesiasticis obnoxij: neque opus est superiori potestate ad eos absolvendos in foro interno: cum reservatio casuum, & censuræ Ecclesiasticæ de illis non loquantur, sed de verè & culpabiliter Hæreticis. Item non excusat patatum esse ad credendum Ecclesiæ, si magis constiterit de ipsius definitione. Postquam enim definitio Ecclesiæ est sufficienter proposita, Hæreticus est qui illam respuit. Et hoc notent qui circa Conciliorum definitiones perperam cavillantur, aut circa Bullas & censuras Pontificias in materia fidei.

37. Queritur secundo, vtrum ignorantia affe-

ctata, vel ex crassa negligentia proveniens, excuset ab Hæresi? Respondeo, præter ignorantiam inculpabilem, quæ sine dubio excusat ab Hæresi, sicut ab omni alio peccato, cum nullum sit peccatum, nisi voluntariè & libere fiat, adeoque cum cognitione eius, quod male admittitur: ignorantiam culpabilem, & affectatam, vel crassam, dupliciter se habere posse, ad actum Infidelitatis, qui eo talem ignorantiam contingit. Primò antecedenter, ita vt sit illius causa, quatenus is qui contra fidem agit, non ageret, nisi ignoraret; nam si sciret esse de fide, crederet. Secundò concomitanter: quatenus non magis cederet, aut non minus discrederet, etiam si sciret non esse de fide, quamvis de eo non cogitet, sed tantum habitualiter ita sit affectus. Vterque modus excusat ab Hæresi, defectu pertinaciæ actualis post sufficientem propositionem. Nam in primo nulla est pertinacia, cum sit paratus credere, si res sufficienter proponatur. In secundo est quidem pertinacia habitualis, quia non crederet quamvis proponeretur. Quia tamen non proponitur re ipsa, vt supponimus, neque libere resistit sufficienti propositioni; non est peccata re ipsa in actu secundo contra sufficientem propositionem, sicut ad Hæresim necessarium est. Nec obest quòd resisteret etiam si proponeretur: quia quod re ipsa esset, non est, neque imputatur. Et hoc intelligendum est siue ignorantia affectetur, aut eius expulsio negligatur, ex affectu Infidelitatis, siue ex alio affectu malo. In quo quidem peccatur grauius contra studium, & obligationem sciendi ea, quæ sunt fidei: & contra fidem aliquatenus, cum quis præuidet fore vt ea occasione incidat in actum Infidelitatis. Attamen Hæresis non committitur, & peccatum Infidelitatis non consummatur in intellectu, nisi quando re ipsa resistitur pertinaciter propositioni sufficienter factæ.

38. Consentiunt quoad primam partem responsi Atagonius 2. 2. q. 11. att. 2. §. *Ad hæc argumenta*, Bannes ibidem §. *Sed queret quis*, Azor tom. 1. Moral. lib. 1. c. 14. q. 9. Suarez suprà n. 15. & sequentibus. Egid. Coninck disp. 18. dub. 7. n. 94. & 97. Vasquez 1. 2. disp. 116. n. 8. & Turrian. 2. 2. disp. 55. dub. 2. §. *Item ex doctrina*. Aliqui tamen illorum dissentiant à nobis, quoad secundam partem responsi, id est, quoad posteriorem modum ignorantie: quia putant pertinaciam deesse quidem in prima, non autem in secunda. Verum ex dictis patet deesse in utroque modo pertinaciam Infidelitatis propriè dictæ, & consequenter Hæresis, quæ requirit sufficientem propositionem, sine qua non fit contra debitum credendi, vt tale, ac per se proximè, cum aduertentia, & libertate. Atque ita docent Egidius suprà, n. 94. & Vasq. & Turrian. locis suprà citatis. Frustra verò obijciunt aliqui, in alijs peccatis ea, quæ committuntur ex ignorantia crassa, vel affectata, esse eiusdem speciei cum ijs, quæ committuntur scienter: quia priuant eadem honestate: & qui ex tali ignorantia committit homicidium, vel adulterium, esse verè homicidam, vel adulterum. Respondeo enim id quidem verum

esse, quando ignorantia non tollit aliquid necessarium ad rationem talis peccati, ut in exemplis propositis. At ignorantia, de qua loquimur, tollit pertinaciam actuale, quæ necessaria est ad rationem Hæresis. Supponimus enim in utroque casu responsi abesse pertinaciam actuale: quia in priori nulla penitus est: in posteriori est tantum habitualis cum ignorantia concomitante. Quod si quis actu cogitaret de propositione Ecclesiæ, statueretque pertinaciter non credere, aut discredere contra debitum, quamvis ab Ecclesia proponeretur; esset Hæreticus. Quia haberet actualem pertinaciam contra aliquod dogma fidei, nempe, credendum esse quicquid Ecclesiæ tanquam de fide proponit.

39.
Dubitans
pertinaciter est
hæreticus.

Queritur tertio, an qui dubitat pertinaciter de rebus fidei post sufficientem propositionem, sit Hæreticus? Respondeo affirmatiue, cum Caietan. 2. 2. q. 11. art. 2. circa responsionem ad 3. Valentia quæst. 11. punct. 1. §. *Sed verior est communior*, Suarez Disp. 19. Sect. 4. n. 10. Egidio Coninck disp. 18. dub. 7. n. 96. Syluestro, Azor, Tolet, à Castro, & alijs. Probat ut efficax ex cap. 1. de Hæreticis, sic affirmante, *Dubius in fide, infidelis est*: & ex Concil. Vienn. in Clement. de Summa Trinit. §. Porro, ubi dicitur, doctrinam veritatem in dubium, an anima rationalis sit forma corporis humani, esse inimicam fidei Catholice: eique pertinaciter adhaerentem, censendum esse Hæreticum. Idemque in Concilio Lateran. sub Leone X. statuitur de asserentibus, aut vocantibus in dubium, an anima rationalis sit immortalis, & diuersa in singulis hominibus. Probat ut secundò, quia in casu proposito reuocare in dubium pertinaciter, est scienter, & liberè non credere per propositum fixum, contra credendi debitum. Hoc verò est peccatum infidelitatis: & si non sit Apostasia totalis, est Hæresis: si nimirum de quibusdam, non de omnibus dubitetur.

40.

Contrarium sentit Canus lib. 11. de locis c. 9. Primò, quia Hæresis est error Catholice veritati contrarius. Sed dubitatio non est error. Ergo non est Hæresis. Secundò, Hæresis est extremè contraria professioni Catholice veritatis. Sed dubitatio non est extremè contraria: Ergo, &c. Tertiò, Hæresis est electio, & firma adhesio. Sed dubitatio non eligit, nec vlli adhaeret. Quartò, si dubitatio est Hæresis, sequeretur Apostolos, qui dubitauerunt de Christi resurrectione, fuisse Hæreticos; quod est impium dicere.

Solutur
tur arg.
contra-
ria.

Ad primum respondeo primò, non omnem Hæresim esse errorem, ut ostendemus paulò post. Secundò, dubitantem non vacare errore; quia qui dubitat de aliqua propositione, iudicat practicè illam esse dubiam. At qui iudicat aliquem fidei articulum sufficienter propositum, esse dubium, habet errorem fidei repugnantem, cum fides doceat certissimum esse quemeunque articulum fidei sufficienter propositum. Ad secundum, nego maiorem sumptam vniuersaliter. Ad tertium respondeo, electionem esse voluntatis. Qui autem dubitat voluntariè, eligit dubitare potius, quam certò

assentire; & dubitare de his potius, quam de alijs; in quo Hæreticus est. Ad quartum dico, Apostolos non fuisse pertinaces. Quòd si quis illorum fuit aliquandiu pertinax; non magis impium est dicere fuisse pro eo tempore Hæreticum, & in tali gradu; quam peccasse grauius, & pertinaciter per Infidelitatem contra sufficientem propositionem: ut de Thoma Apostolo fatendum est: hoc ipsum illi exprobrante Christo, Ioan. 10. versu 17. *Noli esse incredulus*, Græcè *amos*, sed *fideli*.

Queritur quartò, utrum ad Hæresim necessarius sit error in intellectu, vel actus positius in voluntate? Respondeo primò, non requiri generaliter ad Hæresim, ut voluntas physice, & positius actum aliquem exerceat; sed sufficere, ut Infidelitas intellectus sit voluntaria interpretatiue, quatenus voluntas eam aduerit, & non impedit, cum liberè possit. Ita Egidius Coninck disp. 18. dub. 7. n. 96. ubi hanc sententiam iam communem videri affirmat. Probat ut, quia ille qui scienter, & liberè admittit aliquem errorem, quem videt repugnare fidei Catholice, & doctrinæ Ecclesiæ, est vere pertinax, eò quod resistit auctoritati Ecclesiæ, contra quam errori adhaeret scienter, & liberè. A hoc fieri potest sine actu positius voluntatis. Hoc enim ipso quòd voluntas aduerit, & non impedit; error fit liber, & voluntarius, & voluntas interpretatiue, & tacite vult illi adhaerere contra auctoritatem Ecclesiæ: in quo est sufficiens pertinacia.

Respondeo secundò, licet communiter non sit Hæresis sine errore intellectus: simpliciter tamen consistere posse sine actu intellectus, in omissione libera, & totali, ex affectu pertinacis nunquam credendi, & resistendi semper auctoritati Ecclesiæ. In quo est quidem actus aliquis positius voluntatis, non tamen intellectus. Atque ita potest committi quidem Hæresis sine actu intellectus, & sine actu voluntatis diuini; non tamen coniunctum, & sine alterutro. Prima pars patebit ex sequenti obiectione, & eius solutione. Secunda verò probatur, quia ex D. Thoma q. 10. art. 5. Ille est Hæreticus, qui renititur fidei iam susceptæ in propria specie, seu veritatis manifestatione. At ille, qui post sufficientem propositionem non credit pertinaciter modo superius explicato, renititur fidei iam susceptæ: Ergo est Hæreticus, posito quòd non renitatur in omnibus, & non deficiat totaliter à fide Christiana, iam suscepta, ut supponimus. Et quidem negari non potest quin ille peccet peccato aliquo infidelitatis repugnante fidei, & excludente ipsius actum, & habitum. Quòd autem peccet peccato hæresis, probatur, quia non deest pertinacia in affectu illo non credendi: neque electio vitiosa, cum eligat non credere, & quibusdam credibilibus assentiri velit dumtaxat, alijs non. Consentit Egidius disp. 18. dub. 4. n. 16. ubi inter quatuor modos infidelitatis, quibus fides expellitur, quæ in homine baptizato dicuntur Hæresis, vel Apostasia, hunc ponit, Quando aliquis fecit deliberatè statuit nunquam credere articulos nostræ fidei, aut omnes, aut aliquos; quamvis ob euiden-

41.
Potest esse
hæresis sine
actu
positius
voluntatis.

42.
Et hoc
error in
intellectus.

tiam rationum, siue argumentorum, quibus fidei veritas ei probatur, illis articulis positivè non dissentiat, iudicando eos non esse veros.

43. <sup>Contra-
ria le-
ctio.</sup> Contrarium verò docet Suares Disp. 19. Sect. 4. n. 2. post multos Scholasticos in 4. dist. 13. & Canonistas in cap. *Firmiter*, de *Summa Tri-
nit.* Quorum auctoritas facit esse probabile, quòd non sine perfectè hæretici, adeoque non sine subiecti pœnis Ecclesiasticis contra hæresim statutus, quicumque non errant positivè. Argumenta Suaris in favorem huius sententiæ sunt, primò quia D. Thomas q. 11. art. 1. & 2. docet Hæreticum esse eum, qui cum profiteatur se credere in Christum, eius dogmata corrumpit: quod non fit sine iudicio erroneo. Ergo sentit hoc esse necessarium ad hæresim. Secundò, D. Augustinus initio libri de utilitate credendi, ait Hæreticum esse, qui temporalis commodi gratiâ, novas & falsas opiniones gignit, vel sequitur, quod refertur in cap. *Hæreticum*, 24. q. 3. Et lib. 4. de Baptismo, cap. 16. ad hæresim postulat, ut contradicatur doctrinæ Ecclesiæ cognitæ: quod sine iudicio erroneo non fit. Et cap. *Hæc est fides*, q. cit. Hæreticus dicitur qui corrumpit dogmata fidei: quod etiam docent Gregorius Magnus, Hieronymus, Cyprianus, Tertull. Origen. & Irenæus, dicentes hæresim loqui peruersa dogmata, continere peruersum dogma, esse fictionem contra veritatem, & deserto quod prius erat, id sibi eligere, quod antea non erat. Tertiò, hæresis non consummatur in sola voluntate, sed sumitur ex actu intellectus, quem habet pro obiecto, & pro effectu: Ergo non est sine actu intellectus. Confirmatur, quia hæresis opponitur fidei contrariè, & non tantum privatiuè: & pro materia propria habet propositionem Hæreticam, quæ est obiectum illius iudicii, in quo hæresis consummatur. Ac sicut aliæ infidelitates Paganismi, vel Iudaismi, consistunt in erroribus intellectus: ita etiam hæresis: nam continetur sub eodem genere positivo infidelitatis.

44. <sup>Satis-
eius ac-
gumen-
tus.</sup> Ad primum respondeo dogmata fidei corrumpi etiam cùm detrahitur eorum integritati: ut fit ab eo qui pertinaciter, & ex affectu rejicte fidem, non vult credere aliquid esse revelatum, & esse dogma fidei, esseque verum, ut tale: licet positivum dissensum non eliciat, vel assensum contrarium. Ad secundum respondeo, D. Augustinum priori loco non intendisse definire exactè Hæreticum, quando dixit Hæreticum esse qui temporalls commodi gratiâ, novas opiniones gignit, vel sequitur: sed Hæreticum describere qualis communiter esse solet. Neque enim negabit Suares Hæreticum esse eum, qui, licet non temporalis commodi gratiâ, novas opiniones gigneret, aut sequeretur contra fidem, quocumque alio modo, vel affectu id faceret, pertinaciter, & liberè. Posteriori autem loco D. Augustinus comprehendit eum, de quo loquimur. Ille enim contradicte doctrinæ Ecclesiæ, qui ex affectu rejicte fidem, & resistente auctoritati Ecclesiæ, non vult credere, quod credendum est. Nam doctrina fidei est, Ecclesiæ auctoritatem sequendam esse. Cæteri Patres à Suare relati, lo-

quuntur similiter de Hæretico, vel de hæresi, qualis solet esse communiter, & secundum partem illius præcipuam. Et quidem illa omnia, quæ de hæresi dicuntur à Patribus, non possunt soli dubitationi convenire propriè: quam tamen Suares fatetur esse hæresim, ut nos supra retulimus. Quare ipsi quoque fatendum est non intendisse Patres hæresim exactè, & Metaphysicè definire. Ad tertium respondeo hæresim quidem non esse sine actu intellectus, sed vel positivo, vel privativo. Ad confirmationem, nego hæresim univèrsaliter opponi fidei contrariè ex parte intellectus. Interdum enim privatiuè solum ei opponitur: ut probavimus num. 41. Aliæ quoque infidelitates consistunt similiter partim in actu positivo, partim in privativo. Nam quæ nullam penitus revelationem admittit, neque vnumquam admittit, Paganus est hoc ipso, quamvis non haberet errores fidei contrarios. Et infidelitas Iudaismi non in eo solum consistit, quòd Iudæus adhæreat suis erroribus: sed etiam in eo, quòd pertinaciter non vult credere impleta iam esse in lege nova, quæ in veteri promittebantur, aut prænu-
45. <sup>Credant-
ne abso-
lutè in
Christum
hæretici?</sup> tiabantur.

Quæritur quintò, vtrum ad rationem hæresis necessarium sit, ut qui Hæreticus est, intendat assentiri Christo, & testimonio diuino? Respondeo primò, impossibile esse ut Hæreticus intendat univèrsim, & absolutè assentiri Christo, & testimonio diuino sufficienter proposito. Si enim id intenderet, assentiretur quicumque revelationi diuinæ sufficienter proposita: adeoque non esset Hæreticus: neque enim pertinaciter dissentiret, aut negaret assensum. Confirmatur ex D. Thoma, q. 5. art. 3. in corp. vbi docet Hæreticum tollere formale fidei, & non tenere per fidem ea, quæ sunt fidei: sed aliter: intelligi, tollere aliquatenus, quia restringit pro libito: & non tenere ea, quæ sunt fidei per motium formale fidei univèrsaliter acceptatum, cum plena submissione, & reuerentia ad Dei testimonium sufficienter apparet: sed adiuncta propria electione. Confirmatur secundò, quia ille, qui suo arbitratu eligit ex sacra doctrina quod credat, non relinquit re vera fundamentum fidei integrum, sed tollit aliquatenus: quia pro mensura credendorum non accipit diuinum testimonium, sed suum iudicium. Est autem possibilis hic modus infidelitatis: & est quedam hæresis, cùm non vsquequoque deseritur doctrina diuina, neque etiam simpliciter recipitur secundum se, sed iuxta arbitratum, & electionem recipientis. Hinc collige falli eos, qui dicunt nullum Hæreticum habere voluntatem ponere credendi Deo. Nam potius nullus Hæreticus habet absolutè voluntatem credendi Deo. Ut enim sit Hæreticus, & Infidelis, debet culpabiliter non assentire, aut dissentire alicui sufficienter proposito, velut dicto à Deo. Qui autem talis est, non habet absolutè voluntatem credendi Deo.

Respondeo secundò, dari posse hæresim, quæ erret circa Christum ipsum, ita ut Hæreticus non intendat illi assentiri. Probat, quia ad hæresim sufficit, ut quis recedat à fide re-
46. <sup>Postest
multi-
plier
citer
ca illam
erroris</sup> cepta

SECTIO V.

An licent cum Infidelibus disputare, libros eorum legere, vel cum ipsis communicare?

Circa primum, D. Thomas q. 10. art. 7. & ceteri communiter affirmant licitum esse cum Infidelibus disputare, etiam publicè, mo-^{do} do seruentur debitæ conditiones. Vt patet exemplo Apostolorum, & Discipulorum disputantium cum varijs Infidelibus, Act. 6. 7. & 9. & Christi cum Phariseis, Ioan. 8. & Athanasij, Hilarij, Augustini, Hieronymi, Cyrilli Alexand. aliorumque Patrum, & Conciliorum Generalium, in quibus publicè cum Hæreticis, vel Paganis disputatum fuit. Conditiones verò debitæ sunt, intentio bona in disputante fidem propagandi, & errores destruendi: sufficiens doctrina, & loquendi gratia: necessitas, vel utilitas audientium, sine periculo scandali infirmiorum. Vnde, ut sapienter monet D. Thomas, non est disputandum de fide coram simplicioribus, qui facilius capiunt argumenta, quàm solutiones; nisi prius cœperint ipsi Hæreticorum argumentis moueri, & disputatio ad eos confirmandos necessaria, vel utilis futura sit. Disputationes quoque, ex quibus nullus speratur fructus ob duritiem infidelium, vitandæ sunt, iuxta illud Apostoli, *Hæreticum hominem post primam, & secundam correptionem deuita*, Tit. 3. v. 9. quo etiam sensu intelligendi sunt Patres, qui eas improbant. Item, in cap. *Quicumque*, §. *Inhibemus*, de Hæreticis in 6. Sub pena excommunicationis ferendæ prohibetur omnibus Laicis, ne cum Hæreticis de fide disceptent. Vbi per Laicos intelligendi sunt omnes, qui non sunt Clerici, vel Religiosi studijs literarum vacantes: non autem soli Laici indocti, ut Glossa ibidem male, quamvis dubitanter, exponit. Nam si hi soli intelligerentur, non vitaretur incommodum, quod lex vitare intendit: facili enim multi Laici se satis Doctos esse præsumerent. Excipiendus tamen est casus necessitatis, aut evidentis utilitatis, ut ait Valentia q. 101. punct. 4. aut quando non est disputatio formalis, seriò nempe facta ad conuincendos errantes in fide; sed materialis tantum, exercitij causa, ut fit in Scholis: ut ait Caietanus ad art. 7. quæstionis 10. Et in Locis, ubi Catholici permixti cum Hæreticis habitant, censetur illa lex contrario vsu sublata, ob frequentes occurrentias. Passim enim, Prælati tacitè consentientibus, disputant priuatim Catholici Laici cum Hæreticis: & non peccant, si ad id satis idonei sunt, aliasque debitas conditiones seruant. Addo non licere, etiam Clericis, disputationem publicam instituire cum Infidelibus, nisi de consensu, & licentia Superiorum, præcipuè Episcoporum: ut colligitur ex Concilio Chalcedon. Act. 3. & refertur in Codice de Summa Trinit. leg. 4. *Nemo Clericus*, & Codice de Hæreticis leg. 6. *Damnato*. Nimirum quia hoc est proprium munus Episcoporum, æque ac verbum Dei prædicare

Condi-
tiones ad
disput.
requisite.

Prohibetur
Laicis.

Et Clericis
sine
consensu
Prælati.

cepta in veritatis manifestatione, id est, à veritate Evangelica, non totaliter, sed ex parte, ut colligitur ex D. Thomas q. 10. art. 5. Potest autem quis à Christo recedere, & alia quedam in Evangelica lege contenta retinere, quæ habentur de rebus alijs in Apocalypsi, in Epistolis Pauli, in Actibus Apostolorum. Non potest tamen penitus recedere à diuino testimonio: quia si nihil propter illud admitteat, non est Hæreticus, sed Apostata, vel Paganus. Iam enim non ex parte credit, & ex parte non credit: sed omnino nihil credit. Quod autem ait D. Thomas q. 11. art. 1. Hæresim esse speciem infidelitatis pertinentem ad eum, qui Christi fidem profitetur, sed eius dogmata corrumpit: intelligendum est de hæresi, non qualis absolute esse potest, sed qualis communiter est, & fuit huc vsque: nulla enim penitus Christum negauit, licet in multis circa ipsum errauerint plerique Hæretici.

47.
Proposi-
tionum
qualifica-
tiones.

Quæritur sexto, quomodo differat propositio Hæretica ab erronea, scandalosa, temeraria, & similibus qualificationibus, quæ in Bullis Pontificum, Concilijs, & libris Theologorum habentur? Respondeo propositionem Hæreticam esse illam, quæ aperte opposita est, siue contrariè, siue contradicitoriè, alicui veritati, quam certò constat esse de fide. Erronea verò, siue error in fide, dicitur illa, quæ directè contradicet, non ipsi fidei, sed conclusioni Theologicæ, deductæ ex aliquo principio fidei, & alio saltem moraliter certo, vel etiam evidenti, iuxta sententiam multorum qui putant non esse de fide propositionem, licet evidentè deductam ex vna de fide, & altera naturaliter evidenti. Errori verò proxima illa est, quæ valde probabiliter tali modo deducitur. Temeraria in materia religionis est illa, quæ in rebus ad fidem aliquo modo, aut etiam ad bonos mores pertinentibus, sine sufficienti fundamento contra communem Doctorum sententiam asseritur. Scandalosa, quæ præbet occasionem peccati, aut deceptionis perniciosæ, circa rem non paræ sequelæ, pertinentem ad religionem. Blasphemia, quæ Deo contumeliosa est. Seditiosa, vel Schismatica, quæ vim habet commouendi seditionem, vel Schisma. Ambigua, & incerti sensus, vel malè sonans, vocantur illæ, quæ in aliquo sensu sunt vitiosæ, & malæ, vel aliquid mali præ se ferunt: intellige semper in materia religionis, de qua hic tantum sermo est: neque enim loquimur de propositionibus Philosophicis, aut purè moralibus. Piarum denique aurium offensiva dicitur illa, quæ verè piarum, & deuotarum mentium sensibus aduerfatur. Vera autem pietas, & deuotio, ac religiositas, non est citra Regulam rectæ rationis, & Scientiæ. Ceterum huiusmodi propositiones tales sunt per se, siue proferantur ex malo affectu ipsi proportionato, siue non: ut rectè contra Caietanum docet Suarez Disp. 19. Sect. 2. apud quæ plura de his videri possunt, & apud Agid. Conineck disp. 18. dñb. 8. Canon lib. 11. de Locis c. 11. & Bannem q. 11. art. 2.

ideoque vel per se debent id præstare, vel alijs committere.

49.
Lectio li-
brorum
Hæret.
prohibi-
ta.

Circa secundum: Tenetur quisque iure naturali abstinere à lectione Librorum, à quibus ipsi periculum imminet. Iure verò Ecclesiastico prohibetur esse omnibus sub pœna Excommunicationis, legere libros Hæreticorum de Religione tractantes, vel eos apud se retinere, imprimere, aut defendere. Quæ prohibitio non habebatur satis expressè in iure veteri, sed lata est in Bulla cœnæ, clausulâ 1. Vbi excommunicantur qui legunt, retinent, imprimunt, aut defendunt libros Hæreticorum. Circa quam prohibitionem legendi libros Hæreticorum. Nota primò, illam attingere omnes Christianos Summo Pontifice inferiores, cuiuscunque sint dignitatis, & status: adeoque etiam Doctos, & firmos in fide; ita vt nemo eos legere possit sine venia Sedis Apostolicæ, quam solus Papa potest concedere, vel alij ab illo commissi. Probatur, quia verba ipsa Bullæ id sonant; & debent accipi vt sonant: alioquin non satis occurreret periculo, quod vitare intendit, cum possent multi facillè præsumere se in ea non comprehendendi, quippe satis Doctos, & firmos in fide, aut quid simile. Grauius tamen peccant indocti, & infirmi, si legant. Nota secundo, libros ibi prohibitos esse libros Hæreticorum, id est, scriptos ab Hæreticis, tractantes de hæresi, aut de Religione, quam impugnent. In indice tamen librorum prohibitorum, Regula 1. prohibentur vltierius libri Hæresiarcharum de quacunque materia scripti. Hæreticorum quoque nomine comprehendunt debent Catholici simulati, & veri Hæretici, qui libros suos hæresibus inferciunt: At non illi, qui per ignorantiam, vnam, aut paucas libris suis inferuerint.

Ad etiam
audire?

Nota tertio, eos qui tantum audiunt lectionem libri Hæretici, non incurrere hanc Excommunicationem, licet ad legendum impulerint; quia verba legis pœnalis sunt strictè & præcisè sumenda: loquuntur autem de legentibus, & non de audientibus. Item, ab illa incurrenda excusare materiz leuitatem: vt si quis paginam tantum legat. Quod enim excusat à peccato mortali, excusat pariter ab Excommunicatione maiori, quæ non incurritur, nisi ob peccatum mortale. Aut si quis bona fide retineat apud se librum Hæreticum aliquandiu, donec oblata commoditate tradat Episcopo, vel Inquisitoribus. Excusat etiam ignorantia, quamvis crassa; vt rectè docet Agid. disp. 18. dub. n. num. 178. quia non incurritur Excommunicatio sine contumacia. Sufficit tamen ad censuram incurrendam, quod libet singillatim ex illis quatuor, legere, retinere, imprimere, defendere: adeo licet quis non legat, nec animo legendi retineat; subiacet tamen Excommunicationi isti, quæ incurritur ipso facto, à iure, non ab homine, saltem, vbi Bulla cœnæ recepta est. Nota quarto, Ecclesiam iure, & sapienter huiusmodi libros prohibuisse, exemplo Apostolorum, qui Act. 19. libros prauos, magni licet pretij, comburi iusserunt: & Concilij Nicæni 1. quod libros Arii comburi præcepit, teste Nicephoro lib. 8.

Censura
in iudicio
huius peccati
quomodo in-
curratur?

Instituta
prohibi-
tionis.

cap. 18. Habebatur etiam prohibitio similis in VI. Synodo can. 63. Trullano, vbi impij quidam libri prohibentur, & cremari iubentur. Ratio verò prohibitionis est, detestatio infidelitatis, & defensio cauta fidelium, ne venenum latius serpat, & multi incaute decipiantur.

Perperam autem obijciunt Nouatores illud 1. Thessalonic. 5. *Omnia probate, quod bonum est tenere.* Loquitur enim ibi Apostolus de Prophetijs, siue interpretationibus nondum damnatis, aut nondum examinatis quales essent: non autem de libris Hæreticorum iam damnatis ab Ecclesia. Neque ait examen illud esse cuiusque priuati; sed ipsius Ecclesiæ, ad quam scribit, & Pastorum, ac Præsidum. Quid si qui Patrum, hæreticorum libros legerunt, vt Dionysius Alexandrinus, Hieronymus, Aug. & alij, vel specialiter instinctu diuino id fecerunt, vt Dionysius; vel quia prohibitio illis facta non erat (est enim recens tam vniuersalis prohibitio) & aliunde id exigebat necessitas, vel vtilitas Ecclesiæ.

Circa tertium, de quo D. Thomas q. 10. art. 9. Communicatio quævis cum infidelibus perniciofa, vel periculosa nobis, aut alijs, iure ipso naturali illicita est. Item, iure naturæ, & diuino prohibitum est communicare cum illis in sacris, ita vt sacrificiorum ipsorum, vel aliorum rituum simul aliquo modo participes. Non debet etiam ipsis permitti nostris interesse, nisi spes sit fore vt inde conuertantur, aut alia vtilitas magni momenti sequatur. Imò ne tunc quidem, si nominatim sunt Excommunicati. Ipse autem Ecclesiastico matrimonium baptizati cum non baptizata, vel contrâ, nullum est. Baptizati verò cum baptizata Infideli, aut contra, validum quidem est, sed communiter illicitum, ob incommoda, quæ inde sequuntur. Potest tamen iustas ob causas fieri licite: vt si spes certa sit infidelem conuersum iri. In rebus autem ciuilibus communicatio non est prohibita generaliter iure Ecclesiastico, nisi cum ijs solis, qui sunt Excommunicati in particulari, & nominatim denunciati: idque extra casum necessitatis, aut magnæ vtilitatis. Sic enim vetus prohibitio, quæ latius patebat ad omnes Excommunicatos notos, restricta fuit in Extrauag. *Ad euitanda* Concilij Constantiensis. Vltierius in constitutione Gregorij XIII. editâ anno 1581. quæ incipit, *Alia pia memoria*, prohibetur grauius Christianis vt medico Iudæo, vel Pagano, siue Saraceno: à quo tamen excusat grauis necessitas, sicut ab alijs præceptis positius. Et cap. *Ad hæc, de Iudæis*, prohibetur Christianis obstricticibus, aut nutricibus, Iudæorum liberos in ipsorum domibus nutrire. Ibidem etiam prohibetur Christianis famulari Iudæis: famulatu scilicet propriè dicto, qui propriè est, cum aliquis in eorum domibus tanquam famulus habitat. Quia ius expressè hunc solum famulatum prohibet, vt docent Andreas, & Ostiensis in cap. cit. Quare non prohibet operam eis suam locare ad agrum excolendum, ad domum ædificandam, aut pro illis in domo propriâ laborare: quia hæc non sunt propriè famulari. Prohibetur etiam Episcopis, cap. *Si quis Epi*,

et.
Quæ cœ-
munica-
tio cum
Hæret.
illicita?

copus de Hereticis, ne non consanguineos, aut consanguineos Hæreticos, vel Paganos, hæredes instituant. Et lege 1. Cod. de Iudæis, statuitur inualidum esse legatum factum vniuersitati Iudæorum. De prohibitione verò quâ vetantur Christiani subijcere se Iudæorum seruituti, aut permittere vt apud se fungantur publicis officijs, dicam sect. sequenti. Alia quædam à nonnullis censentur esse eum Iudæis prohibita iure Ecclesiastico; sed non satis probantur, vt bene ostendit *Ægidius Conineck* disp. 18. dub. 11. num. 165. & sequent. Vltra hos verò casus, & alios iure ipso naturali, & diuino prohibitos ob periculum, vel scandalum, propter quod olim ipsimet Apostoli Hæreticos accuratè vitabant, teste *Irenæo* lib. 3. c. 3. & vitari iusserunt, *Tit. 3. v. 9. & 1b.* & vitandos esse docent *Cyprianus* lib. 1. Epist. 3. alijs 55. ad *Cornelium*, in fine: *Athanasius* in vita *S. Antonij*: *Euseb.* lib. 4. histor. cap. 14. Aug. Epist. 161. initio: aliquæ Patres: præter, inquam, hos casus iure Ecclesiastico, vel naturali prohibitos, licita est communicatio cum infidelibus; imò interdum utilis, & necessaria, vt ab erroneis reuocentur ab ijs, quorum communicatione iuuari possunt: cuiusmodi sunt docti, & firmi in fide: vt rectè docet *S. Thomas* q. 10. art. 9.

SECTIO VI.

Vtrum Infideles possint habere dominium supra Fideles.

^{51.} ^{Doctrina} ^{D. Tho-} ^{ma.} **H**Ac de re *D. Thomas* q. 10. art. 10. vbi docet primò, non esse permittendum, vt prælatio, vel dominium Infidelium supra Fideles de nouo instituat: quia id cederet in scandalum, & periculum fidei, cum subditi faciliè immuentur ab ijs, quibus subsunt. Ideòque Ecclesia nullo modo permittit, vt infideles acquirant dominium super fideles, vel qualitercumque eis præfiantur in aliquo officio. Secundò, dominium præexistens infidelium super fideles, posse ab illis reineri: Quia dominium, vel prælatio introducta sunt ex iure humano. Distinctio autem fidelium, & infidelium est ex iure diuino. Ius autem diuinum, quod est ex gratia, non tollit ius humanum, quod est ex naturali ratione. Ideòque distinctio fidelium, & infidelium, secundum se considerata, non tollit dominium, & prælationem infidelium super fideles. Tertio, posse tamen iustè per sententiam, vel ordinationem Ecclesiæ, auctoritatem Dei habentis, tale ius dominij, vel prælationis tolli: quia infideles, merito sine infidelitatis, merentur amittere potestatem super fideles, qui transferuntur in filios Dei. Quartò, Ecclesiam quandoque illud tollere quibuscumque infidelibus, qui temporali subiectione subsunt Ecclesiæ, & membris eius: sicut Iudæis sibi subditi tollit dominium in seruos Christianos. Alijs verò infidelibus, non subiectis temporaliter Ecclesiæ, aut membris eius, non tollit, ad vitandum Scandalum, licet de iure tollere possit. Hæc *D. Thomas*. Quæ vt melius intelligantur.

^{51.} ^{Dominium} ^{du-} ^{plex} ^{def-} Nota primò, Dominium hominis in hominem esse duplex: Desporicum scilicet, quale Dominus habet in sua mancipia: & Politicum,

quale Princeps habet in subditis. De vtroque poticum hic sermo est. Secundò, infideles esse in qua- & politi-
druplici differentia. Quidam enim Ecclesiæ, vel cum:
eius membris sunt subiecti spiritualiter, & temporaliter: vt sunt infideles baptizati, & subiecti temporaliter summo Pontifici, aut alijs Principibus Christianis. Alij sunt spiritualiter tantum subiecti: vt Hæretici, vel Apostata, qui subsunt Regibus Ethnicis. Alij tertio sunt temporaliter tantum subiecti: vt Iudæi Romæ degentes. Et alij infideles non baptizati, subiecti Principibus Christianis. Alij quarto sunt, qui nec spiritualiter, nec temporaliter Ecclesiæ subiecti sunt: vt Turcæ, Tartari, Sineses, Iaponij, & similes infideles, neque baptizati, neque Principibus Christianis subiecti.

His præmissis, dico primò, quocumque infideles iure naturæ esse capaces dominij in fideles. Pater, quia siue dominium oriatur ex voluntaria subiectione, siue ex victoria in bello iusto; & similibus causis; Infideles sunt capaces iure naturæ, vt fideles illis se voluntariè subijciant, vel vt subiectionem olim factam consequerentur: possunt etiam in bello iusto eos sibi subijcere: possunt emere mancipia Christianorum; & similibus modis dominium in illos acquirere spectato præciso solo iure naturæ.

Dico secundò, Infideles non subditos Christianis licitè retinere dominium politicum, quod habent in Fideles neque posse illo per se, & directè priuari. Prima pars est *D. Thomæ* art. cit. & communis Theologorum. Probatur ex Scriptura, quæ iubet tales pro vetis Dominis agros: *Rom. 13. Omnis anima potestatibus sublimioribus subdita sit, &c.* & *Tit. 3. Admone illos vt Principibus obediant.* Principes autem, & potestates erant tunc infideles. Et 1. *Petr. 14. Subiecti estote omni humane creature: siue Regi, quasi præcellenti: siue Ducibus, tanquam ab eo missis, &c.* Probatur secundo exemplo Christi, & veterum Christianorum. Nam Christus *Matth. 22.* iubet reddi Cæsari quæ sunt Cæsaris: quamvis Cæsar esset infidelis, & Iudæi fideles. Christiani verò, Imperatores & Principes Ethnicos agnouerunt pro veris Dominis, & debitum illis honorem tribuerunt, vt pateret *Iustino* martyre in *Apollog.* pro Christianis, *Tertulliano* in lib. ad *Scapulam*; & nobis contra *Cen. Eusebio* lib. 4. histor. c. 14. alias 15. Vbi refert *Polycarpum* ita locutum esse paulò ante martyrium. *Docemur Principibus, & potestatibus ijs, quæ à Deo sunt, honorem deferre, cum scilicet qui religioni non sit contrarius.* Ratio quoque à *D. Thoma* allata, optima est: quia scilicet ius diuinum, ex quo oritur distinctio fidelium, & infidelium, non destruit, neque perturbat ius naturæ, vel ius humanum, ex quo dominium ortum est.

Secunda pars conclusionis, quod tales infideles non possint hoc dominium per se, & directè priuari, est *Suaris* disp. 18. sect. 5. n. 3. aliorumque plurimorum, quos citat. Probatur, quia nemo potest priuari suis bonis sine titulo iusto. Hoc autem dominium est inter præcipua bona infidelium. Ergo non possunt eo priuari sine titulo iusto. At infidelitas sola non est titulus iustus.

B b a

Infideles.
sunt
capaces
dominij
in
Fideles.

54.
Retinent
hoc
dominium
politicum.

51.
Possint
illo
priuari.

Quia si præcisè consideretur, ut est privatio fidei; non tollit fundamentum politicæ potestatis, quæ non fundatur in fide, sed in iure humano. Si verò spectetur ut peccatum, & pœnâ dignum; non pertinet ad Ecclesiam vel ad Christianos Principes eos punire, quibus nec spiritaliter, nec temporaliter subiecti sunt, ut supponimus. Dixi autem, *per se, & directe*: quia per accidens, & indirectè, si fidelibus molesti, & iniurij sunt, possunt isti fugere, & sequi illorum dominio subtrahere. Potest etiam Ecclesia, si ad bonum fidelium necessarium fuerit, eos subtrahere infidelium iurisdictioni; & si expediat, per Principes Christianos illos eripere. Possunt denique ipsi Principes Christiani fidelium iniurias auertere, & viciis, pro sua suprema potestate, & iure naturæ, quo quisque potest innocentem iniuste oppressum, defendere.

Dico tertiò, idem sentiendum esse de dominio despotico huiusmodi infidelium supra fideles; licetè scilicet illud habere posse; neque posse directè illud privari, sed indirectè solum. Patet ex 1. Petr. 2. v. 18. ubi iubentur servi fideles parere Dominis infidelibus, etiam discipulis, & Gentilibus. Et cap. *Si quis servum*, 17. q. 4. quod ex Concilio Gangrensi sumptum est, iubetur gravissimè argui, & anathematizatur qui sub prætextu religionis, servum fugam suaserit. Denique hoc dominium non fundatur in fide; & Ecclesia nullum ius habet in tales infideles. Si tamen sint iniurij fidelibus, possunt hi licetè fugere: idque non modo si ipsismet iniurij sunt, sed etiam si tantum alijs Christianis. Atque ita servi, & mancipia Turcarum possunt licetè fugere, ob iniurias communes, quas illi inferunt Christianis, de quorum numero illos esse supponimus. Possunt etiam Principes Christiani, & Ecclesia illis succurrere modo supraddicto.

Dico quartò, infideles, licet non baptizatos, subditos tamen temporaliter Ecclesie, vel Principibus Christianis, posse tum directè, tum indirectè, privari dominio, quod habent in fideles. Probatur quoad potestatem directam, quia Princeps fidelis, habens iurisdictionem in huiusmodi infideles, potest in illis requirere, ad hoc ut alijs præstint, qualitates necessarias ad iustam distributionem, vel ad honorem, & pacem, & securitatem Reipublicæ, bonumque subditorum. Ergo potest infideles hoc titulo excludere. Potestas verò indirecta patet à fortiori ex dictis in 2. & 3. conclusione. Probatur secundo ex multiplici usu talis potestatis in iure canonico, & civili. Nam cap. *Cum sit nimis, de Iudeis*, & *Saracenis*, Innocentius III. præcipit, ut per Concilium provinciale graviter arguantur illi, qui Iudeos, aut Paganos, publicis officijs præferant. Et leg. *ultima cod. de Iudeis Iustinianus* prohibet ne Iudej publica officia gerant respectu fidelium. Et L. *Hac valitura, cod. de Iudeis*, & *Celicolis*, privantur Iudej iurisdictione in Christianos, & prohibentur admitti vlla ratione ad similem iurisdictionem. Et L. *vlt. Cod. de Iudeis*, & *Cod. de Episcopis & Clericis*, statuitur, ut si infidelis, servus huiusmodi infidelium, convertatur ad fidem, statim fiat liber: Et si fidelis ematur ab infidelibus, & servitutem, hoc ipso fit liber. Si verò ematur,

ad mercaturam, intra tres menses vendatur fidelibus, alioqui libertatem consequatur.

Ratio istarum omnium constitutionum est honor fidei, & periculum subversionis fidelium, si sub Dominis infidelibus sint, aut infideles magistratui subiaceant. An verò possint infantes huiusmodi infidelium, qui subsunt tantum temporaliter Ecclesie, baptizari invidis parentibus, vide apud D. Thomam q. 10. art. 12. Communis sententia est posse validè, sed non licetè; quandiu parvuli sunt, & baptismum non expetunt cum discretionem sufficienti: excepto casu necessitatis, citra periculum scandalum: ut si infans sit in mortis articulo, & occultè baptizari possit. Expropterea etiam casu, quo infideles essent mancipia Christianorum: quæ de re plura diximus in tract. de Baptismo, tom. 4. disput. 24. sect. 4.

Contra secundam, & tertiam conclusionem existimant aliqui Ecclesiam posse absolutè infideles sibi nullo modo subditos privare dominio, quod habent in fideles, licet ad scandala vitanda id non faciat. Atque ita videtur sentire D. Thomas q. cit. art. 10. Sicque illum exponunt, & sequuntur Bannes, & Lorca ibidem. Probat primo quia Apostolus 1. Cor. 6. v. 1. reprehendit fideles, quod apud Iudices infideles iudicio contendunt. Ergo supponit esse liberos ab eorum iurisdictione. Secundo, quia iure Ecclesiastico licet coniugi fideles deferere infidelem, si nolit converti. 1. Cor. 7. v. 12. & sequentibus. Ergo multò magis licet servo fidei, vel subdito, Dominum, vel Principem deferere. Tertiò, indignum est, & periculolum, fidelem subijci, vel servire infidei. Ergo Ecclesia nomine Dei potest cum privare tali dominio. Maxime cum infidelis mereatur privari vita: Ergo multò magis tali dominio. Addi quartò potest exemplum Alexandri vi. qui Indos Orientales, & Occidentales subiecit Regibus Lusitanie, & Hispanie.

Ad hæc respondeo primò, D. Thomam loqui indistinctè, & explicandum esse de privatione indirecta, iuxta ea, quæ suprâ diximus. Secundo, Paulum loci ante relatis manifestè docere fideles manere subditos Dominis infidelibus, & debere illis parère. Loco autem illo proximè citato ab aduersarijs ex 1. Cor. 7. reprehendit tantum Christianos quod contra charitatè, & cum scandalo infidelium contendunt inter se: cum deberent potius iniuriam pati, ad scandalum vitandum, & charitatem conservandam. Tertiò, quòd matrimonium infidelium non baptizatorum possit dissolvi vno ex illis convertito ad fidem, & altero manente pertinaciter in infidelitate, non esse à iure Ecclesie, quæ circa dissolutionem matrimonij consummari nihil potest: sed à iure diuino, declarato per Apostolum loco citato in obiectione. Docet enim fidelem convertum, tametsi melius facit, si persistit in matrimonio cum coniuge infidei, dummodo iste velit cohabitare pacificè sine iniuria Creatoris: in gratiam tamen baptismi, & Christianissimi suscepti, non obligari ad continuandum tam arctum vinculum cum coniuge infidei pertinaci: sed Deum, qui multis alijs de causis permiserat Iudeis dare libellum repudij, dedisse etiam huiusmodi infidelibus convertis facultatem relinquendi coniugem in infidelitate persistentem. At neque idem

56.
Idem dicendum de dominio despotico.

57.
Possunt eo privari si subducat Ecclesie, vel Principibus Christianis.

Contra-
sententia.

59.
Satisfit eius argumentum.

Apostolus, neque alij Scriptores diuini significant subditos, ad baptismum, & ad fidem Christianam conuersos, accepisse à Deo patrem libertatem excutiendi iugum Dominorum, aut Principum infidelium: sed è contrario affirmant Christianos debere illis esse subiectos, non tantum propter iram, sed etiam propter conscientiam, Rom. 13. v. 5. & 1. Petr. 2. v. 17. 18. & 19. quia scilicet peccant, nisi illi subiaceant, & obsequantur. Quartò, indignitas illa, de qua in tertio argumento sermo est, non est tanti momenti, vt propterea infideles possint priuari dominio. Alioquin eodem argumento probaretur, fideles quoque grauibz peccatis obstrictos posse illo priuari. Nam indignum etiam est infideles bonos, & Deo gratos, subijci, vel seruire Dominis vitiosis, & diaboli mancipijs. Quòd autem attinet ad periculum, quod in eodem argumento obijciunt, respondeo illud nullum esse si Dominus infidelis permittit fidei vt pacifice Deum colat, nec illi propter fidem molestus est. Si verò tale periculum est, potest priuari indirecè, vt diximus. Et quamuis infidelis culpabiliter, peccatum mereatur: non potest tamen puniri ab Ecclesia, nec à Principibus Christianis, quibus neque temporaliter, neque spiritualiter subiaceat, vt supponimus. Quintò denique, Alexander VI. non subiecit Indos Regibus illis Christianis, neque dominium proprijs eorum Regibus etipuit, sed tantum Regibus Hispaniz, & Lusitaniz, ius dedit prædicatores ad illos mittendi, eoque, & fideles conuersos protegendis, aut etiam aliquid ibi acquirendi modo licito. Paulus verò III. in Bulla quadam, teste Bannez ad quæst. 10. art. 10. dub. 3. concl. 5. ad 3. obiecit, definiuit Indos infideles esse veros rerum suarum dominos, necijs spoliari posse, nisi per iniuriam darent iustam causam, ob quam spoliarentur. Quod si Hispani, aut Lusitani plus sibi interdum licere existimant, Ecclesia iniustam illam vsurpationem non approbat.

SECTIO VII.

Utrum Infideles sint compellendi ad Fidem?

60. D. Thomæ Doctrina. **D**Octrina D. Thomæ hac de re, q. 10. art. 8. est, Infideles illos, qui nunquam susceperunt fidem, sicut Gentiles, & Iudæos, nullo modo compellendos esse, vt credant: quia credere voluntas est: esse tamen compellendos à fidelibus, si ad sit facultas, vt fidem non impediunt blasphemijs, vel malis persuasionibus, vel apertis persecutionibus: propter quod etiam fideles iuste interdum contra eos bellum mouent. Alios autem infideles, qui quandòque fidem susceperunt, vel eam profitentur, sicut Hæretici, & Apostatæ, compellendos esse, etiam corporaliter, vt impleant quod promiserunt, & teneant quod semel susceperunt.

Quæ Doctrina vt melius declaratur, repetenda est distinctio infidelium in infideles baptizatos, qui per baptismum subiecti sunt spiritualiter Ecclesie, cuiusmodi sunt hæretici, & apostatæ; & in infideles non baptizatos, circa quos Ecclesia spirituales iurisdictionem non

habet, siue temporaliter sint illi subiecti, aut eius membris, vt Iudæi Romæ degentes, & Pagani viuentes sub ditione Principum fidelium: siue etiam neque temporaliter subiecti sint, vt Turcæ, Sineses, Iaponij, & similes.

Hoc supposito, quod attinet ad infideles non baptizatos, dico primò Ecclesiam non modò habere potestatem, sed etiam verum ius fidem vbique prædicandi omnibus infidelibus. Prima pars, quod habeat potestatem simpliciter, & veluti licentiam facti, patet, ex Matth. 28. vbiquit. *Euntes docete omnes Gentes, &c.* & Marci 16. *Euntes in mundum vniuersum, prædicare Euangelium omni creature.* Christus enim, qui sic præcepit, & insinuit dedit Apostolis, & eorum successoribus potestatem id exequendi. Secunda pars, quod etiam verum ius habeat, & potestatem specialem, cui sine iniuria obfisti nequit, probatur, quia Christus habet ius in vniuersos homines, tanquam in suam hereditatem, mediante fidei prædicatione acquirendam: iuxta illud Psal. 2. *Postula à me, & dabo tibi Gentes hereditatem tuam:* & Matth. vlt. *Data est mihi omnis potestas in celo, & in terra: Euntes ergo docete omnes gentes, &c.* Hoc autem ius Christus non exercuit per seipsum; sed Apostolis, & successoribus exercendum commisit, velut ipsius Legatis, iuxta illud 2. Cor. 5. *Pro Christo legatione fungimur:* & Ephel. 4. *Quosdam dedit Apostolos, &c. alios autem Pastores, & Doctores, ad consummationem sanctorum, in opus ministrerij, in edificationem corporis Christi, id est, Ecclesie ex omnibus gentibus congregandæ.* Hinc sequitur Ecclesiam habere ius tuendi suos Prædicatores contra eos, qui per vim impediunt prædicationem. Habet enim ius propulsiu, & viciendi iniuriam sibi factam: sit autem ipsi iniuria, quando impeditur prædicatio fidei, cuius prædicandus ius habet. Confirmatur ex D. Thomæ q. 10. art. 8. affirmante posse infideles conpelli, vt fidem non impediunt, & propter hoc bellum à fidelibus interdum iuste in eos moueri.

Ius mittendi Prædicatores ad infideles in totum orbem terrarum, pertinet ad Summum Pontificem, Pastorem vniuersalem, & Christianæ Religionis supremum Monarcham. Prelati verò inferiores possunt ordinare ad eos mittere, qui intra limites suæ Diocesis aut Iurisdictionis continentur: ad alios autem non nisi extraordinariè, si necessitas exigit, & Summus Pontifex consuli nequit. Ius verò tuendi fidei Prædicatores per coactionem, & bellum, si fuerit necessarium, pertinet ad solum Summum Pontificem, saltem quoad bellum: quia requirit specialem quandam supremam potestatem, quæ non conuenit Principibus reipublicis, quia manat ex potestate spirituali Ecclesie, illis non concessa: nimirum ex iure quod habet Ecclesia fidem vbique prædicandi, & propulsiu iniuriam factam illis, qui volunt doctrinam fidei audire, & conuerti. Porro ante coactionem, & bellum, tentanda sunt omnia pacis media; tum quia id fidei honor, & progressui magis expedit; tum etiam quia dura illa belli remedia non sunt adhibenda, nisi

61. Habet Ecclesia ius prædicandi fidem vbique.

62. Quibusnam hoc ius competit.

quando clarè constat nihil posse aliter profici, vt bene ait Agidius Coninck disp. 18. n. 118. Cauenda sunt etiam deteriores perturbatio- nes, & incommoda; maximè si cedant in in- famiam, & iniuriam ipsius fidei: vt si inde magis sunt auertendi à fide infidelium animi, & exultanturi fidem nostram sibi vſurpare li- centiam violandi iura gentium, & naturæ ipsius, inuadendo iniuste aliena. Ideoque olim, etiam tempore Christianorum Imperatorum, fides magis patientiâ, quàm armis apud Infide- les propagata est. Quod etiam nunc imi- tandum videtur, nisi clarè constet expedire magis oppositum. Tunc autem non conuenit Summum Pontificem per se id exequi, sed per Principes seculares, quibus Ecclesiæ ius tuendum vi, & armis committat; vt Alexan- der VI. commisit apud Indos, Regibus Hispa- niæ, & Lusitaniz.

63. Dico secundo, Infideles non baptizatos, & Non-bap- Principibus Christianis non temporaliter sub- tizati, & iectos, non posse cogi, vt fidei prædicationem audiant, vel vt fidem ipsam suscipiant. Ratio est, quia omnis coactio, cum fiat inferendo aliquid mali, requirit in cogente Iurisdic- tionem in huiusmodi Infideles. Non enim habent temporalem, vt supponimus: nec spiritalem, quia non sunt baptizati. Vnde collige quòd si verè omnes incolæ alicuius regni infideles nolent audire Prædicatores fidei; non possent cogi licitè ad eos admittendos, aut tolerandos; nisi spes effet fore vt aliqui mutata voluntate audirent: alioqui frustra, & sine ratione coge- rentur per alicuius mali illationem ad aliquid inutile.

64. Dico tertio, Infideles non baptizatos, licet Neque ad temporaliter subiectos Ecclesiæ, vel Principi- audien- dam eius prædica- tionem. bus Christianis, non posse ab ipsis directè cogi vt audiant fidei prædicationem, vel baptismum suscipiant: sed indirectè solum. Prima pars quoad fidei prædicationem audiendam, est contra Suarem Disp. 18. Sect. 2. n. 3. affirman- tem posse huiusmodi Infideles directè cogi ad audiendam prædicationem: quod probat pri- mo exemplo Summi Pontificis, qui cogit Iu- deos sibi subditos audire semel in Hebdomada fidei prædicationem, & recusantibus penam imponit. Secundo, quia ille actus est honestus, & non est supernaturalis, potèstque referri ad vtilitatem Reipublicæ, quam Princeps tempo- ralis procurare potest, & debet. Ergo potest ab illo præcipi. Sed contrà, quia factum Sum- mi Pontificis referri potest ad coactionem indi- rectam, vt ostendemus paulò post. Iurisdic- tio verò temporalis non videtur posse illum actum præcipere, vel directè ad illum cogere. Quia est actus pertinet ad Fidem, & Reli- gionem, secundum quam Infideles illi non sub- sunt Principibus temporalibus, vt patebit ex sequentibus. Item quia, qui non potest præci- pere finem, vel ad illum cogere; non potest præcipere, vel cogere ad exercendum actum, qui est medium necessarium. Sed Iurisdic- tio temporalis non potest præcipere, vel cogere

ad finem, neque ad fidei suscepcionem: Ergo neque ad actum audiendi prædicationem, qui est medium necessarium. Maior patet, quia tota vtilitas, & necessitas medijs est propter finem: quare si finis non potest reddi necessa- rius; ergo nec actus, qui ad illum requiritur, & ad eum refertur vt ad finem. Minor autem admittitur à Suare Sect. 3. post D. Thomam q. 10. art. 8. & alios communiter: & probatur primò ex Can. *Sicut Iudei, de Iuden, & Saraceni*, & ex Concilio Toletano IV. can. 55. vbi disertè prohibetur tales Infideles sic ad fidem compelli: & additur ratio, quâ signifi- catur id non tantum iure Ecclesiastico, sed & diuino vetitum esse, tanquam per se illicitum, & contrarium Christi institutioni, qui omnes quidem ad fidem suscipiendam allici, nemi- nem verò cogi voluit. Secundo probatur ex vſu perpetuo Ecclesiæ, quæ nunquam tali coactione vſa est, sed potius illam prohibuit. Quod signum est illicitam esse per se, & ex in- stitutione Christi, non autem propter aliquod accidens extrinsecum: alioquin incredibile est nunquam à tam longo tempore contigisse ca- sum, in quo expedire videri posset. Tertio, huiusmodi Infideles non sunt Ecclesiæ subiecti spiritualiter, iuxta illud 1. Cor. 5. *Quid mihi de ijs, qui foris sunt iudicare?* Nam eos Deus iudicabit: Ex Trid. Sess. 14. c. 2. *Eccle- sia in neminem iudicium exercet, qui prius per Baptismum non fuerit ingressus.* Idemque docet Innocentius III. in cap. *Maiores, de Ba- ptismo*, & cap. *Gaudemus, de iurorijis.* Ergo non possunt ad id compelli per potestatem, & Iurisdictionem spiritalem Ecclesiæ. Potestas verò temporalis ad id non habet vllam vim: quia ad eam non pertinet de rebus fidei, & Religionis iudicare, & præcipere; quæ sunt res supernaturales, & requirunt maiorem au- thoritatem vt teneantur tanquam diuinitus reuelatæ, & veræ infallibiliter; atque omnino transcendunt temporalem potestatem, quippe quæ tota est naturalis, & politica, & ad finem naturalem instituta, illique accommodata. Neque dicas, id quidem verum esse spectando ius naturæ, quod exurgit ex ipsa institutione Reipublicæ: Principes verò Christianos plus posse ex auctoritate, & concessione diuina, in fauorem Religionis Christianæ. Nam hæc au- thoritas, & concessio non constat: & sine fun- damento sufficienti non debet vſurpari.

Atque ex his probata manet secunda pars 65. assertionis propositz, non posse scilicet huius- modi Infideles directè cogi vt baptismum sus- cipiant. Tertia verò pars, quòd nimirum pos- sint indirectè cogi, ad audiendam fidei præ- dicationem, & ad baptismum recipiendum, pro- batur, quia possunt v. g. Principes Christiani punire hos subditos Infideles ob alia delicta; vel tributa aliunde iuste imposita seuerius exi- gere, ea intentione, vt tali modo agendi eos inducant ad audiendam prædicationem; vel amplectendam fidem. Possunt etiam ritus eo- rum publicos prohibere, si rempublicam tur- bent, aut rationi naturali aduersentur, vt di- cemus Sect. 9. atque ita inducere indirectè, & conſequentur, vt fidem suam deserant, cuius

Neque vt baptismum recipiant.

Possunt tamen cogi indi- rectè.

exercitio priuantur. Possunt etiam iusta ex causa non permittere Infidelibus, vt in suo regno habitent, nisi ea conditione, vt fidei prædicationem audiant, vel fidem amplectantur: quam habitationem non tenentur alioqui concedere. Atque ita Summi Pontifices non permittunt Iudeis habitare in sua ditione, nisi ea lege, vt fidei prædicationem semel singulis hebdomadis audiant: quam conditionem si non seruent, pecuniâ mulctantur. Sic etiam S. Gregorius lib. 3. Registri, Epist. 16. præcipit Episcopo Calaritano, vt sibi subditos Infideles tributis (iustis tamen aliunde) sic premat, vt cogat fidem amplecti. Possunt etiam negare illis officia, ad quæ non tenentur eos admittere, & privilegia gratiæ alijs concessa; vt ad fidem inducant spe participandi officijs, & privilegijs. Verum hæc non est propriè coactio, sed suavis inductio, quæ etiam erga non subditos licita est. Possunt denique inducere alijs modis non per se malis, seruatis tamen semper debitis circumstantijs: nimirum vt finis conuersionis prudenter intendatur, vtque coactio non excedat causam iustam, ob quam potest aliunde inferri: sique sit illatio mali, & pœna, non excedat causam aliam, vel culpam, pro qua imponitur. Dicitur autem coactio indirecta, quando ius, vel pœna illata vno titulo, secundariò ab operante ordinatur ad finem inducendi ad aliud. Qui finis si est bonus, & debite intenditur, coactio non est mala: imò superior bene agit, si ius agendi, aut puniendi, quod aliunde habet, refert ad bonum illum finem.

66. Contra primam, & secundam partem huius conclusionis, obijci potest primò illud Christi Luc. 14. v. 23. *Compelle eos intrare, vt impleatur domus mea.* Secundò, tales Infideles tenentur audire, & suscipere fidem; grauius peccant non suscipiendo post sufficientem propositionem: Ergo possunt ab Ecclesia ad id compelli. Item, possunt cogi ad non blasphemandum contra Deum, & Religionem Christianam. Atqui hoc ipso quòd contrariam profitentur, & falsam istam reputant, continuo blasphemant. Addi tertio possunt exempla Principum Christianorum, qui laudabiliter sic fecerunt, approbante Ecclesia. Nam Sisebutus Rex Hispaniæ laudatur à Concilio Toletano IV. can. 55. quòd Iudeos sibi subditos ad fidem compulerit, & L. *Calicularum, Cod. de Iudeis, & Calicolas, ibi* iumentur Calicolas, qui Pagani fuisse videntur, iisdem pœnis astringi, quibus Hæretici. Et L. *Qui post Sanctum, Cod. de Pagani.* §. Si vero, statuitur pœna confiscationis bonorum in Paganos, qui nolunt baptizari; & Manichæi, qui non erant baptizati, astringuntur iisdem pœnis cum Hæreticis.

Quomodo compelliendi intrare?

Ad primum respondet D. Augustinus Epist. 50. intelligendum id esse, de compulsionem Infidelium baptizatorum. Secundò, & melius dici potest sermonem ibi esse de compulsionem, quæ fit vi, & vehemènti doctrinæ, instando opportunè importunè, vt ait Paulus 1. Timot. 4. Ad secundum respondeo, Ecclesiasticam, & humanam potestatem non posse omnia præci-

pere, neque omnia delicta punire. Deus enim quædam sibi referuauit, quia non poterat aliter genus humanum suauiter, & pacificè gubernari, neque omnia sunt humane potestati proportionata. De Blasphemijs autem dicemus paulò post. Ad tertium, nego factum illud Sisebuti laudari, sed tantum propter bonam eius intentionem, & alia pia opera, vocatur à Concilio, Princeps Religiosissimus. Calicolas verò baptizati erant, vt constat ex D. Aug. Epist. 163. sub finem. Pagani autem & Manichæi non-baptizati afficiuntur pœnis illis, non directè propter Infidelitatem, sed propter alia scelera, quibus turbabant Rempublicam, propter quæ merito poterant astringi, & affici pœnis. Poterat etiam pœna illis remitti, si vellent resipiscere, & ad fidem conuerti. Quod si leges illæ ciuiles plus intendunt, excedunt humanam potestatem, vt Sisebutus suprâ commemoratus excessi ex zelo quidem pietatis, sed non secundum scientiam. Et hæc de Infidelibus non baptizatis.

Iam quod attinet ad baptizatos, Dico quartò, omnes Infideles baptizatos posse puniri ab Ecclesia, & compelli tum pœnis spiritualibus, tum etiam corporalibus, vt relictis erroribus veram fidem profiteantur. Prima pars, quòd puniri possint ob Infidelitatem culpabilem, probatur primò, quia potestas puniendi Infideles, sibi subditos, erat in Ecclesia Iudaica: ergo est etiam in Ecclesia Christiana. Consequentia patet, quia Ecclesia Christi non minùs bene, ac perfectè est instituta, quàm Ecclesia Iudaica: & hæc potestas ad bonum eius regimen non est minùs necessaria. Antecedens verò probatur ex Deuteronomio. 13. v. 5. vbi iubentur falsi Prophetæ interfici; & versibus sequentibus iubentur lapidari, etiam fratres, alijque consanguinei, & amici, qui voluerint fideles ad Infidelitatem pertrahere. Et cap. 17. v. 12. *Qui autem superbiuit, nolens obedire Sacerdotis imperio, &c. morietur homo ille, & auferes malum de Israël.* Probatum secundum ex Ioan. 21. v. 16. & 17. *Pasce oues meas, pasce agnos meos:* vbi iuxta sententiam omnium Patrum, & Catholicorum, Christus dedit Petro, & Successoribus potestatem regendi omnes fideles, tam Prælatos, quàm subditos: pascerenim sumitur pro regere, quando tribuitur Regibus, & Prælati. Ad bonum autem regimen cuiuscumque Reipublicæ pertinet corrigere, & punire delinquentes, etiam pœnis corporalibus, si opus sit. Ergo Christus hanc ipsam potestatem dedit Petro, & Successoribus, adeoque Ecclesia illam habet iure diuino.

Probatum tertio ex vñ perpetuo huius potestatis, quam Ecclesia tyrannicè usurpare non potuit; maxime cum & Apostoli ipsi sint illa vñ, & Concilia œcumenica, & nullus Sanctorum illi vnquam contradixit: Nam Petrus Act. 5. Ananiam, & Sapphiram ob mendacium morte puniuit: & Paulus 1. Cor. 5. Satanæ tradidit Corinthium incestuosum, in interitum carnis. Poterat autem simili modo punire Infidelitatem, quæ non minùs graue peccatum est, multoque magis perniciosum, Eua. Cor. 10. v. 6. Paulus de se, & alijs Apo-

67. Infideles baptizati possunt cogi & puniri ab Ecclesia.

68. Probatum ex vñ Ecclesiæ.

quando clarè constat nihil posse aliter profici; ut bene ait Aegidius Coninck disp. 18. n. 228. Cauendæ sunt etiam deteriores perturbatio- nes, & incommoda; maximè si cedant in infamiam, & iniuriam ipsius fidei: ut si inde magis sunt auertendi à fide infidelium animi, & existimatur fidem nostram sibi usurpare licentiam violandi iura gentium, & naturæ ipsius, inuadendo iniustitiam alienam. Ideoque olim, etiam tempore Christianorum Imperatorum, fides magis patientiâ, quàm armis apud Infideles propagata est. Quod etiam nunc imitandum videtur, nisi clarè constet expedire magis oppositum. Tunc autem non conuenit Summum Pontificem per se id exequi, sed per Principes seculares, quibus Ecclesiæ ius tuendum vi, & armis committitur; ut Alexander VI. commisit apud Indos, Regibus Hispaniæ, & Lusitaniz.

63. Dico secundo, Infideles non baptizatos, & Principibus Christianis non temporaliter subiectos, non posse cogi, ut fidei prædicationem audiant, vel ut fidem ipsam suscipiant. Ratio est, quia omnis coactio, cùm fiat inferendo aliquid mali, requirit in cogente Iurisdictionem non aliquam, & superiorem potestatem in eum, quem cogit. At neque Ecclesia, neque Principes Christiani habent vllam Iurisdictionem in huiusmodi Infideles. Non enim habent temporalem, ut supponimus: nec spiritalem, quia non sunt baptizati. Vnde collige quòd si verè omnes incolæ alicuius regni infidelis nolent audire Prædicatores fidei; non possent cogi licitè ad eos admittendos, aut tolerandos; nisi spes esset fore ut aliqui mutata voluntate audirent: aliqui frustra, & sine ratione cogentur per alicuius mali illationem ad aliquid inutile.

64. Dico tertio, Infideles non baptizatos, licet temporaliter subiectos Ecclesiæ, vel Principibus Christianis, non posse ab ipsis directè cogi ut audiant fidei prædicationem, vel baptismum suscipiant: sed indirectè solum. Prima pars quoad fidei prædicationem audiendam, est contra Suarem Disp. 18. Sect. 2. n. 3. affirmantem posse huiusmodi Infideles directè cogi ad audiendam prædicationem: quod probat primò exemplo Summi Pontificis, qui cogit ludæos sibi subditos audire semel in Hebdomada fidei prædicationem, & recusantibus penam imponit. Secundo, quia ille actus est honestus, & non est supernaturalis, potestque referri ad vilitatem Reipublicæ, quam Princeps temporalis procurare potest, & debet. Ergo potest ab illo præcipi. Sed contra; quia factum Summi Pontificis referri potest ad coactionem indirectam, ut ostendimus paulò pòst. Iurisdic- tio verò temporalis non videtur posse illum actum præcipere, vel directè ad illum cogere. Quia est actus pertinetens ad Fidem, & Religionem, secundum quàm Infideles illi non sunt Principibus temporalibus, ut patet ex frequentibus. Item quia, qui non potest præcipere finem, vel ad illum cogere; non potest præcipere, vel cogere ad exercendum actum, qui est medium necessarium. Sed Iurisdic- tio temporalis non potest præcipere, vel cogere

ad finem, nempe ad fidei susceptionem: Ergo neque ad actum audiendi prædicationem, qui est medium necessarium. Maior patet, quia tota vilitas, & necessitas mediæ est propter finem: quare si finis non potest reddi necessarius; ergo nec actus, qui ad illum requiritur, & ad eum refertur ut ad finem. Minor autem admittitur à Suare Sect. 3. pòst D. Thomam q. 10. art. 8. & alios communiter: & probatur primò ex Can. *Sicut Iudæi, de Iudæis, c. Saraceni*, & ex Concilio Toletano IV. can. 55. vbi disertè prohibetur tales Infideles sic ad fidem compelli: & additur ratio, quæ significatur id non tantum iure Ecclesiastico, sed & diuino vetitum esse, tanquam per se illicitum, & contrarium Christi institutioni, qui omnes quidem ad fidem suscipiendam allici, neminem verò cogi voluit. Secundo probatur ex vñ perpetuo Ecclesiæ, quæ nunquam tali coactione vsa est, sed potius illam prohibuit. Quod signum est illicitam esse per se, & ex institutione Christi, non autem propter aliquod accidens extrinsecum: alioquin incredibile est nunquam à tam longo tempore contigisse casum, in quo expedire videri posset. Tertio, huiusmodi Infideles non sunt Ecclesiæ subiecti spiritualiter, iuxta illud 1. Cor. 5. *Quid mihi de ijs, qui foris sunt iudicare? Nam eos Deus iudicabit*: Ex Trid. Sess. 14. c. 2. *Ecclesia in neminem iudicium exercet, qui prius per Baptismum non fuerit ingressus*. Idemque docet Innocentius III. in cap. *Maiores, de Baptismo*, & cap. *Gaudemus, de diuorij*. Ergo non possunt ad id compelli per potestatem, & Iurisdictionem spiritalem Ecclesiæ. Potestas verò temporalis ad id non habet vllam vim: quia ad eam non pertinet de rebus fidei, & Religionis iudicare, & præcipere; quæ sunt res supernaturales, & requirunt maiorem auctoritatem ut teneantur tanquam diuinitus reuelatæ, & verè infallibiliter; atque omnino transcendunt temporalem potestatem, quippe quæ tota est naturalis, & politica, & ad finem naturalem instituta, illique accommodata. Neque dicas, id quidem verum esse spectando ius naturæ, quod exurgit ex ipsa institutione Reipublicæ: Principes verò Christianos plus posse ex auctoritate, & concessione diuina, in fauorem Religionis Christianæ. Nam hæc auctoritas, & concessio non constat: & sine fundamento sufficienti non debet vsurpari.

Atque ex his probata manet secunda pars assertio- nis propositæ, non posse scilicet huiusmodi Infideles directè cogi ut baptismum suscipiant. Tertia pars, quòd nimirum possint indirectè cogi, ad audiendam fidei prædicationem, & ad baptismum recipiendum, probatur, quia possunt v. g. Principes Christiani punire hos subditos Infideles ob alia delicta; vel tributa aliunde iuste imposita seuerius exigere, ea intentione, ut tali modo agendi eos inducant ad audiendam prædicationem; vel amplectendam fidem. Possunt etiam ritus eorum publicos prohibere, si tempublicam turbent, aut rationi naturali aduersentur, ut dicemus Sect. 9. atque ita inducere indirectè, & consequenter, ut fidem suam deferant, cuius

Non-baptizati, & non-subiecti Ecclesiæ non possunt cogi ad fidem directè.

Neque ad audiendam eius prædicationem.

65. Neque ut baptismum recipiant.

Possunt tamen cogi indirectè.

exercitio priuantur. Possunt etiam iusta ex causa non permittere Infidelibus, vt in suo regno habitent, nisi ea conditione, vt fidei predicationem audiant, vel fidem amplectantur: quam habitationem non tenentur aliqui concedere. Atque ita Summi Pontifices non permittunt Iudeis habitare in sua ditione, nisi ea lege, vt fidei predicationem semel singulis hebdomadis audiant: quam conditionem si non seruent, pecuniā multantur. Sic etiam S. Gregorius lib. 3. Registri, Epist. 26. præcipit Episcopo Calaritano, vt sibi subditos Infideles tributis (iustis tamen aliunde) sic premat, vt cogat fidem amplecti. Possunt etiam negare illis officia, ad quæ non tenentur eos admittere, & priuilegia gratiæ alijs concessa; vt ad fidem inducant spe participandi officijs, & priuilegijs. Verum hæc non est propriè coactio, sed suavis inductio, quæ estam erga non subditos licita est. Possunt denique inducere alijs modis non per se malis, seruatis tamen semper debitis circumstantijs: nimirum vt finis conuersionis prudenter intendatur, vtque coactio non excedat causam iustam, ob quam potest aliunde inferri: sique sit illatio mali, & pœna, non excedat causam aliam, vel culpam, pro qua imponitur. Dicitur autem coactio indirecta, quando ius, vel pœna illata vno titulo, secundariò ab operante ordinatur ad finem inducendi ad aliud. Qui finis si est bonus, & debet intenditur, coactio non est mala: imò superior bene agit, si ius agendi, aut puniendi, quod aliunde habet, refert ad bonum illum finem.

66. Contra primam, & secundam partem huius conclusionis, obijci potest primò illud Christi Luc. 14. v. 23. *Compelle eos intrare, vt impleatur domus mea.* Secundò, tales Infideles tenentur audire, & suscipere fidem; grauius peccant non suscipiente post sufficientem propositionem: Ergo possunt ab Ecclesia ad id compelli. Item, possunt cogi ad non blasphemandum contra Deum, & Religionem Christianam. Atqui hoc ipsum quòd contrariam profitentur, & falsam istam reputant, continuò blasphemant. Addi tertio possunt exempla Principum Christianorum, qui laudabiliter sic fecerunt, approbante Ecclesia. Nam Sisebutus Rex Hispaniæ laudatur à Concilio Toletano IV. can. 55. quòd Iudeos sibi subditos ad fidem compulerit, & L. *Calicolarum, Cod. de Iudeis, & Calicolis*, iubentur Calicolar, qui Pagani fuisse videntur, iisdem pœnis astringi, quibus Hæretici. Et L. *Qui post Sanctum, Cod. de Pagani.* §. *Si vero*, statuitur pœna confiscationis bonorum in Paganos, qui nolunt baptizari; & Manichæi, qui non erant baptizati, astringuntur iisdem pœnis cum Hæreticis.

Ad primum respondet D. Augustinus Epist. 70. intelligendum id esse, de compulsionem Infidelium baptizatorum. Secundò, & melius dici potest sermonem ibi esse de compulsionem, quæ fit vi, & vehementia doctrinæ, instando opportunè importunè, vt ait Paulus 1. Timot. 4. Ad secundum respondeo, Ecclesiasticam, & humanam potestatem non posse omnia præci-

pere, neque omnia delicta punire. Deus enim quædam sibi reseruauit, quia non poterat aliter genus humanum suauiter, & pacificè gubernari, neque omnia sunt humanæ potestati proportionata. De Blasphemijs autem dicemus paulò post. Ad tertium, nego factum illud Sisebuti laudari, sed tantum propter bonam eius intentionem, & alia pia opera, vocatur à Concilio, Princeps Religiosissimus. Calicolar verò baptizati erant, vt constat ex D. Aug. Epist. 163. sub finem. Pagani autem & Manichæi non-baptizati afficiuntur pœnis illis, non directè propter Infidelitatem, sed propter alia scelera, quibus turbabant Rempublicam, propter quæ meritò poterant astringi, & affici pœnis. Poterat etiam pœna illis remitti, si vellent resipiscere, & ad fidem conuerteri. Quod si leges illæ ciuiles plus intendunt; excedunt humanam potestatem, vt Sisebutus suprâ commemoratus excessu ex zelo quidem pietatis, sed non secundum scientiam. Et hæc tenus de Infidelibus non baptizatis.

Iam quod attinet ad baptizatos, Dico quartò, omnes Infideles baptizatos posse puniri ab Ecclesia, & compelli tum pœnis spiritualibus, baptizati tum etiam corporalibus, vt relictis erroribus veram fidem profiteantur. Prima pars, quòd puniri possint ob Infidelitatem culpabilem, ab Ecclesia, probatur primò, quia potestas puniendi Infideles, sibi subditos, erat in Ecclesia Iudaica: ergo est etiam in Ecclesia Christiana. Consequentiā patet, quia Ecclesia Christi non minùs bene, ac perfectè est instituta, quàm Ecclesia Iudaica: & hæc potestas ad bonum eius regimen non est minùs necessaria. Antecedens verò probatur ex Deuteron. 13. v. 5. vbi iubentur falsi Prophetæ interfici; & veribus sequentibus iubentur lapidari, etiam fratres, alijque consanguinei, & amici, qui voluerint fideles ad Infidelitatem pertrahere. Et cap. 17. v. 12. *Qui autem superbiebit, nolens obedire Sacerdoti imperio, &c. morietur homo ille, & auferes malum de Israël.* Probatur secundò ex Ioan. 21. v. 16. & 17. *Pasce oues meas, pasce agnos meos:* vbi iuxta sententiam omnium Patrum, & Catholicorum, Christus dedit Petro, & Successoribus potestatem regendi omnes fideles, tam Prælatos, quàm subditos: pascere enim sumitur pro regere, quando tribuitur Regibus, & Prælati. Ad bonum autem regimen cuiuscumque Reipublicæ pertinet corrigere, & punire delinquentes, etiam pœnis corporalibus, si opus sit. Ergo Christus hanc ipsam potestatem dedit Petro, & Successoribus, adeoque Ecclesia illam habere iure diuino.

Probatur tertio ex vso perpetuo huius potestatis, quam Ecclesia tyrannicè usurpare non potuit; maxime cum à Apostoli exi sint illa vti, & Concilia œcumenica, & nullus Sacerdotum illi vnquam contradixerit. Nam Petrus Act. 5. Ananiam, & Sapphiram ob mendacium mortè puniuit: & Paulus 1. Cor. 5. Sathanæ tradidit Corinthinum incestuosum, in interitum carnis. Poterant autem simili modo punire Infidelitatem, quæ non minùs graue peccatum est, multoque magis perniciosum. Etc. 1. Cor. 10. v. 6. Paulus de sc, & alijs Apo-

67. Infideles baptizati possunt cogi & puniri ab Ecclesia.

68. Probatur ex vso Ecclesiæ.

Quomodo compellendi intrare?

istis generatim sic ait, *In promptu habentes vobis omnem inobedientiam*: ergo & inobedientiam infidelitatis, quæ maximè rebellis est Ecclesie. Extant quoque permulta huius potestatis exempla in decretis antiquorū Pontificum: præsertim in Epist. Lucij I. ad Episcopos Gallie, in fine, vbi dicit hæreticos seuerè extirpandos esse: & Leonis I. Epist. 2. ad Episcopos Italie, vbi de Manichæis sic loquitur: *Quos vigilantia nostra reperit, vigilantia diuulgauit, auctoritas, censura coercuit*, &c. Pertinaces autem vt addit paulo post, *per publicos indices perpetuo sunt exilio relegati*. Et cap. *Ad Apostolica*, de sententia, & re iudicata, in 6. Innocentius IV. cum Concilio Generali Lugdunensi, declarat se habere potestatem puniendi, etiam temporaliter, seu corporaliter quoscumque hæreticos. Eandemque Concilium Constantinense contra Wicleffum, & Ioannem Hus, & Hieronymum de Praga exercuit.

69.
Ex ratio-
ne natu-
rali.

Probatur quartò ratione manifesta, quia in omni Republica bene instituta, punitio malefactorum ad Reipublicæ conseruationem, & bonum regimen maximè necessaria est: tum ad vindictam, & ad satisfactionem Reipublicæ, cui malefactores magnam iniuriam irrogant: tum ad exemplum aliorum, vt timeant, & à similibus criminibus metu pœnæ arceantur: tum denique ad ipsorum malefactorum correctionem, & emendationem, vt pœnis compulsi resipiscant. Atqui infideles Apostatæ, vel hæretici, sunt graues malefactores, iniuriosi, & perniciosi Ecclesie, quam maximè perturbant. Ergo, Minor patet experientia, & confirmatur ex Scriptura, Matth. 7. v. 15. & Act. 20. v. 29. vbi vocantur lupi rapaces: & fures, & latrones, Ioan. 10. v. 1. quorum sermo vt cancer serpit, 2. Timot. 2. v. 17. idèque sunt compescendi, ne alijs noceant: itemque Contemptores dominationis, & blasphemii maiestatis, fluctus ferimaris, desuperantes suas confusiones, & sydera errantia, quibus procella tenebrarum seruata est in æternum, Iudæ 8. & 13. Maior autem lumine ipso naturali notissima est, & omnium gentium vsu recepta, quæ vi rationis ipsius intelligunt hanc potestatem esse conaturalē, & datam ab ipso naturæ Auctore, eo ipso quod homines in vnum corpus mysticum, & morale conueniunt. Christus autem instituit Ecclesiam vt corpus vnum mysticum, perducendum per fidem, & alia media communia, ad vnum finem supernaturalem; cuius corporis membra sunt omnes baptizati. Ergo dedit illi potestatem coercendi, & puniendi malefactores, qui maximè illi nocere possunt, & à fine consequendo impedire; cuiusmodi maximè sunt hæretici. Atque hoc ipsi Nouatores sequuntur in praxi, suoque vsu confirmant: Licet enim contra Catholicos, qui hæreticos puniunt, vt contra Tyrannos declamant: ipsi tamen dissentientes à sua secta grauius puniunt: vt Caluinus Seruetum, quem comburi iussit: & nuper Synodus Dordracensis alios exulare coëgit, vt Daniaelem Tilenum, alios morte multauit, vt Barnauellum: & nemo nescit, quantum sœuiant in Catholicos, vbi dominium penes se habent: vt in Anglia, vbi professio Christianæ religio-

nis pro crimine læsæ maiestatis diu habita fuit, & tum alijs pœnis, tum extremo supplicio punita.

Secunda pars conclusionis, quod infideles baptizati possint ab Ecclesia compelli vt resipiscant, pœnis tum spiritualibus, tum etiam corporalibus, sequitur ex præcedenti. Si enim possunt puniri ob infidelitatem; Ergo punitio potest eo referri, vt resipiscant: Nam hæc intentio bona est; & iuncta punitio, non eam malam reddit, sed potius meliorem. Probatur secundò ex Christi verbis Ioan. 21. *Pascite oues meas*. Nam ad officium Pastoris pertinet oues errantes reducere; & ad ouile, etiam virgæ, vel baculo, si opus sit, compellere, hoc est, vi, & pœna corporali, percutiendo, & affligendo, vt resipiscant. Probatur tertio exemplo, & vsu Sanctorum Patrum, & antiquæ Ecclesie, quæ huiusmodi compulsionē vsa est, non solum pœnis spiritualibus, sed etiam corporalibus. Et quidem pœnæ spirituales per excommunicationem, & alias censuras, fundamentum speciale habent in Christi verbis Matth. 18. v. 17. *Dic Ecclesie, Si Ecclesiam non audierit, sit tibi tanquam Ethnicus, & publicanus*. Et Tit. 2. v. 10. *Hæreticum hominem post primam, & secundam correctionem deuita*. Sûntque huiusmodi pœnæ valde accommodatæ malefactoribus huius generis, qui cum peccent maximè contra bona spiritualia, & periculum sit ne fidelibus in illis noceant: conuenienter priuantur bonis Ecclesie spiritualibus, & à fidelium communione arceantur. Atque illæ quidem ab initio Ecclesie fuerunt communiter vsitatæ; secus ac corporales, ob defectum potestatis, quando Ecclesia suberat Principibus, & Magistratibus fidelibus. Deinceps verò etiam illæ in vsu comuni fuerunt, vt necessarium fuit ad coercendos, & efficaciter mouendos hæreticos, carnales homines, qui parum mouentur bonis, aut malis spiritualibus, & Ecclesiasticis censuras contemnunt. Vnde S. Leo Papa Epist. 4. alias 93. paulo post initium. *Profitur*, inquit, *ista districtio Ecclesiastica lenitati, dum ad spirituale remedium nonnunquam recurrit, qui timent temporale supplicium*. Et D. August. lib. 2. Retract. c. 3. retractans id quod alibi scripserat, non sibi placere huiusmodi compulsionem schismaticorum, *Non placebat*, inquit, *quia nondum expertus eram, vel quantum malicorum auderet impunitas, vel quantum eis in melius mutandis conferre posset diligentia discipline*. Et Epist. 50. ad Bonifacium loquens de legibus Imperatorum contra hæreticos, ait huiusmodi leges magis pro illis esse, licet eis videantur aduersæ: quoniam multi per illas correcti sunt, & quotidie corriguntur. Ibidemque, & pluribus alijs locis, vt Epist. 48. & 54. & in Psalmum 59. & Tract. 11. in Ioannem tueretur morem Ecclesie puniendi, & compellendi hæreticos, pœnis etiam corporalibus, Quamvis à pœna mortis temperet, vel quia tunc non erat in vsu, vel quia pro Ecclesiastica, & Episcopali pietate atque mansuetudine, noluit eam persequi, licet illam non improbet.

Nec obest quod opponunt Sectarij, fidem liberam esse debere. Nam debet quidem esse li-

70.
Possunt
compelli
vt resipiscant.

71.
Fid-
quomo-

bera à necessitate Physica: Sed non à coactione, respectu eorum, qui per baptismum illi & Ecclesie astricti, & subiecti sunt, qui possunt iure compelli ad id, quod debent ratione talis subiectionis, & obligationis. Sicut etiam alia bona opera, quæ propter bonum Reipublice necessaria sunt, libera quidem sunt à necessitate Physica, quia liberè fieri debent sicut malefacta opposita liberè sunt: & tamen potest Respublica ad illa cogere, tanquam moraliter necessaria, & delinquentes punire. Sic in bello milites, quamvis liberè militent Physica libertate: postquam tamen fidem imperatori dederunt, & militie ascripti sunt, possunt iure cogi ad militis officium: & si castra deserant, possunt per vim compelli ut redeant, & puniri tanquam fugitivi.

74. Etiam baptizati in infania possunt compelli.

Atque hæc non tantum vera sunt de illis, qui liberè, & sponte baptizati sunt: verum etiam de baptizatis in infania, deque illis qui per iniuriam ad baptismum compulsi sunt, modo tamen consenserint, verèque fuerint baptizati: ut patet ex Concilio Toletano IV. can. 55. & Ecclesie praxi. Nam illi verè sunt Ecclesie subditi, quæ iniuriam illis non facit, cum eos sibi iam subiectos compellit ad id, ad quod iure naturæ, & diuino, etiam ante baptismum tenebantur, & ad quod etiam ante baptismum potuissent eos compellere si ei subditi fuissent spiritaliter. Sic Agid. disp. 18. dub. 14. n. 214.

SECTIO VIII.

De potestate, & modo coercendi, vel puniendi Hæreticos, & Apostatos.

73. AD maiorem præcedentis conclusionis declarationem, quæritur primò, ad quem pertineat potestas puniendi, & compellendi penis corporalibus Infideles baptizatos? Respondéo illam primò, & per se pertinere ad Pastores Ecclesie, præcipuèque ad Summum Pontificem; quibus competit iure diuino: secundario verò, & per commissionem, ac iuxta determinationem Ecclesie, pertinere ad Principes Catholicos, ut Ecclesie protectores. Ita Suares disp. 10. Sect. 3. n. 21. post Bellar. & alios Catholicos, contra Marfilium Patauinum, Barclaium, & Anglos aliquos Pseudo-catholicos. Probat, quia potestas illa continetur in illis Christi verbis Ioan. 21. *Pascite oves meas, pascite agnos meos*; tanquam planè necessaria ad regimen animarum, ad quod potestas coerciticia per pœnas corporales, necessaria est respectu plurimorum, qui non satis mouentur pœnis spiritalibus, ut paulò antè diximus. Ergo est à Christo ipso data Petro, & Successoribus; non autem Principibus temporalibus, ad quos illa Christi verba non pertinent. Secundò, Patres, Pontifices, & Concilia, hanc potestatem tribuunt Ecclesie, illamque fundant in prædictis Christi verbis, aliisque similibus, Matth. 16. *Quodcumque ligaueris*, & Matth. 18. *Quodcumque alligaueris*, &c. dictis similiter ad Pastores Ecclesie: Nec vnquam significant datam fuisse à Christo immediatè Principibus

Cuius sit illa potestas puniendi & coercendi?

Probat, pertinere ad Principes Ecclesiasticos.

temporalibus, & ab istis Ecclesie concessam, vel permissam. Quinimò in Principes ipsos hanc potestatem habere se affirmat Innocentius IV. in Concilio Generali Lugdun. ut habetur in cap. *Ad Apostolica*, de sententia, & re iudicata, in 6. Tantum ergo abest ut ab illis se accepisse agnoscat. Et in Extrauag. *Unam sanctam*, Bonifacius VIII. post S. Bernardum lib. 4. de Considerat. c. 3. cuius verba usurpat, declarat Ecclesiam, spiritalem, & corporalem gladium habere; neque obesse, imò apertè fauere illud Christi, *Conuerite gladium tuum in vaginam*. Tuum enim ait (ut ponderat rectè Bernardus loquens Eugenio Papæ) *quia ipse tuus, tuo nutu, est non tua manu euaginandum, quoties necesse fuerit*. Probat tertio ratione: quia potestas ista fundatur in fide. Fides autem non ad Principes temporales, sed ad Ecclesiam pertinet. Quia tamen non decet Ecclesiam, ut per seipsam pœnas corporales aliquas exequatur, vitetur auxilio Principum, & Magistratum secularium: atque ita extenditur hæc potestas per commissionem ad Principes temporales.

Neque magni momenti sunt argumenta, quæ in contrarium proponunt Aduersarij. Aiunt primò, Scripturam Regibus quidem, & Principibus temporalibus tribuere gladium temporalem, Rom. 13. v. 4. Ecclesie verò non nisi gladium Spiritus, quod est verbum Dei, Ephes. 6. Et Christum verbis illis, *Mitte gladium tuum in vaginam*, in sensu tropologico acceptis, interdixisse Petro, & Successoribus vsum gladij temporalis, Ioann. 18. Et 1. Cor. 10. Paulum sic dicere, *Arma militie nostre non carnalia sunt, sed potentia Deo*, &c. in promptu habentes: *ut scilicet omnem inobedientiam*: quibus verbis significat Ecclesiam non posse armis carnalibus seu temporalibus, sed tantum spiritalibus se vlcisci contra inobedientes Schismaticos, vel Hæreticos. Et Christum Matth. 18. significare Ecclesiam non posse aliud circa contumaces, quàm eos excommunicare, cum dixit, *Si Ecclesiam non audierit, sit tibi tanquam Ethnicus, & Publicanus*: de cætero autem non magis posse illos punire temporaliter, quàm Ethnicos, & Publicanos, id est, ipsos Infideles non baptizatos. Secundò, Augustinum Epist. 50. & Leonem Epist. 4. alias 99. aliisque Patres, quando loquuntur de penis temporalibus contra Hæreticos, significare, non per Ecclesiam, sed per Principes temporales debere inferri: illumque fuisse vsum antiquæ Ecclesie: Ac denique Iurisdictionem in corpus, & in bona temporalia hominum, pertinere per se ad eosdem Principes: Ergo ad eosdem quoque pertinere per se, illa tunc sicut oportet; vel auferre quando necessarium est in pœnam alicuius criminis.

Sed ad primum respondeo Apostolos ipsos interdum pœnis temporalibus contra inobedientes vfos esse; ut Petrum Apostolum aduersus Ananiam, & Sapphiram; & Paulum aduersus Corinthium incestuosum, quem tradidit Sathanæ, in interitum carnis, ut spiritus saluus fieret: quamvis non nisi extraordinariè, & miraculoso modo sint illis vsi, ob coactionem

74. Non ad Principes temporales.

75. Fuerint vsu pœnis tempor. antiquæ Ecclesiæ.

illius temporis, in quo Ecclesia, Principibus Infidelibus temporaliter subiecta, non poterat vti tota sua potestate ordinaria, propter subiectionem Christianorum, & potentiam Infidelium; vel propter scandala, quæ tunc ex eius usu potuissent facile oriri. Neque postea sub Principibus Christianis statim tota sua potestate coercitiua vsa est, sed, vt bene notauit S. Augustinus Epist. 30. ad Bonificium, sensim, & lentè in illius vi progressa est. Et prius quidem vsa est monitionibus, & correptionibus, aut separatione quadam, iuxta illud Tit. 2. *Hæreticum bonum post primam, & secundam correptionem deuota*: Deinde pœnâ exilij: ac postea supplicij grauioribus, quando maior necessitas ad illa cœgit, crescente rebellionum contumacia, & contemptu. Quando autem Scriptura tribuit Principibus secularibus gladium temporalem, & Ecclesie gladium spiritus: considerat, & tribuit illis id, quod eis principaliter, & directè conuenit: sed non negat Ecclesiam habere ius, & potestatem vtendi gladio, id est, animaduertendi corporaliter in rebelles, & pacis Ecclesiasticæ perturbatores: quæ potestas est illi necessaria, vt se tueri, & conseruare possit, suumque finem assequi. Christus quoque Ioan. 18. non negauit tropologicè gladium temporalem pertinere ad Petrum: sed potius id affirmauit his verbis, *Mitte gladium tuum in vaginam*, vt supra cum Bernardo notauimus. Tantùm ergo noluit ipsius manu exeri, sed Principibus temporalibus Ecclesie filijs, & defensoribus, quando erit necessarium, ad eius defensionem, aut vltionem committi. Paulus verò 2. Cor. 10. tantùm significat se per eadem arma spiritualia, quibus Infidelitatem debellabat, & mundum ad Christi fidem conuertebat, hoc est, per verba efficaciz diuinæ plena, & miraculis frequentibus munita, posse facillè destruere rationes humanas, & consilia Aduersariorum Infidelium, atque vlcis inobedientiam fidelium, siue pœnis spiritualibus, siue etiam corporalibus, sicut incestuosos Corinthij peccatum, & contumaciam miraculosè vltus est: sèquē non vti armis carnalibus, id est, quæ seruunt militiæ, aut vitæ carnali, & corporali, vt honoribus, voluptatibus, & potentia huius sæculi, vt mundum expugnet, Christoquē subiciat. Vel potius, vt Cornel. exponit ibidem, per arma carnalia intelligit scientias, rationes, praxes, & artes humanas, quibus vtuntur homines, vt alij persuadeant, vel apud illos auctoritatem, & reuerentiam sibi conciliant: conformiter ad id, quod dixerat 1. Cor. 4. v. 4. *Sermo meus, & predicatio mea, non in persuasibilibus humane Sapientie verbis, sed in offensione Spiritus, & virtutis: vt fides vestra non sit in Sapientia, sed in virtute Dei*. Denique Matth. 18. sermo tantùm est de correptione fraternâ, quæ in illa censura Ecclesiastica terminatur: non negatur autem posse aliter Ecclesiam in rebelles, & perniciosos bono publico fidelium animaduertere.

Ad secundum respondeo, Patres citatos dicere tantùm Ecclesiam non debere manu propria vibrare gladium temporalem; sed vti ope-

râ Magistratus secularis ad Infideles rebelles puniendos, quando id necesse fuerit: & aduocare Principes Christianos ad iustam sui defensionem, & ad frangendam audaciam contumacium: illumque semper fuisse vsum Ecclesie, ex quo cœpit vti pœnis temporalibus. Ad tertium dico, iurisdictionem in corpus, & in bona temporalia directè quidem pertinere ad Principes sæculares, & ad regimen politicum: indirectè tamen, & eminenter pertinere quoque ad Principes Ecclesiasticos, quantum necessarium est ad regimen spirituale, & pacem, atque conseruationem Ecclesie: cuius potestas debet esse perfecta, & sufficiens ad bonum regimen fidelium: non esset autem sufficiens, nisi pœnis etiam corporalibus posset subditos rebelles, & perniciosos coercere.

Queritur secundo, an quisque teneatur statim denuntiare Hæreticos Prælati Ecclesie, vel Iudicibus fidel, vt corrigantur, aut puniantur? Respondeo talem obligationem non esse, vbi Hæresis toleratur, & respectu eorum, in quibus, & circa quæ toleratur: quia frustra denuntiatio fieret. Dixi autem respectu eorum, in quibus, & circa quæ toleratur: quia v.g. si Patrochus aliquis, vel Prælati esset occultus Hæreticus, debet denuntiari, vt malo, quod ab ipso imminet, occurratur. Item, vbi toleratur quidem aliqua hæresis, sed non omnes, neque Atheismus, aut Apostasia ad Iudaismum, vel Paganismum, hæc questio locum habet respectu eorum, quæ non tolerantur: de quibus, vt de Hæresi non tolerata, sentiendum est.

In locis ergo, vbi non toleratur Hæresis, non est dubium quin possint, & debeant denuntiare qui sciunt, quando hæresis non est quomodo occulta, sed publica, id est, multis nota. Quando verò occulta est, & spes est emendationis, si moneatur, existimant aliqui correctionem fraternam posse, ac debere præcedere denuntiationem: propter illud Christi, Matth. 18. *Si peccaueris in te frater tuum, &c.* & Clement. *Nolentes, de Hæreticis*: quæ id statuere videtur. Probabilius tamen est quod alij docent, Hæreticum posse, & debere statim denuntiari: tum ratione periculi, tum etiam quia Hæreticus hoc ipso quod est verè, & formaliter talis, id est, pertinax contra iudicium Ecclesie, transcendit ordinem correptionis: cùm iam Ecclesiam ipsam contra temnat, adeoque monitio priuata foret illi inutilis. Non est tamen prior sententia probabilis in eo casu, in quo spes foret emendationis, & abesset periculum subuersionis aliorum; licet plures oppositum sentiant, quos refert, & sequitur Suares Disp. 20. Sect. 4. n. 7. Nam quæ affert ex Scriptura, & Patribus de non occultandis Infidelibus, & Hæreticis, intelligi possunt, de illis qui non resipiscunt per correptionem fraternam. Ratio verò quam addit, talem denuntiationem, etiam de peccato occulto, necessariam esse ad bonum commune Reipublice Christiane, & vtilem de se illi, qui denuntiat: non conuincit. Quia si corrigitur, & per efficaciam argumentorum corripitibus, ad frugem reducitur, nihil amplius necessarium est ad bonum Reipublice Christiane, vel ad vti-

Hæretic. argumen-
ta.

77.
Obligatio denuntiandi Hæreticos.

78.
Vbi, & quomodo occulta, sed publica, id est, multis nota.

Sintne prius fratres moneantur?

76.
Solutio.
tur alia

litarum errantis. Quod autem addit Suares, ita magis compesci Hæreticos ne venenum suum alijs communicent, si intelligant se posse, ac debere denunciari, quamvis secretò vni tantum communicent: æquè probaret alia crimina infectiua posse similiter, & debere denunciari; quod tamen ipse non admittit, sed vult esse speciale peccatò Hæresis. Quod tertio ait, rarisimè posse remedium Hæresi adhiberi per correctionem fraternam; & magnà prudentià opus esse ad cognoscendum an Hæreticus verè corrigatur, vel fingat: ideòque meritò potius se Ecclesiam non relinquere illud priuatorum iudicio, sed sibi referuare: maximè cum ad publicam correctionem, & securitatem aliorum fidelium, non sit remedium sufficiens secreta monitio. Hoc, inquam, non probat Ecclesiam de facto id sibi referuasse, nec aliunde referuatio satis probatur. Qui autem de vera correctione dubitabit, vel satis prudentiæ ad discernendum non habebit; debet potius saluti communi, & Ecclesie bono, quam illius priuari consilere. Correctio verò publica non est necessaria, vbi priuata sufficit: & fidelium securitati satis consulitur, modò errans secretò verè corrigatur. Quod denique addit, Hæreticum occultum, quamvis emendatum, esse denunciandum: Ergo multò magis ante emendationem sine monitione præuia; negatur etiam à nonnullis, qui de cætero cum Suare sentiunt, vt à Dominico Soto lib. 3. de Iustitia q. 5. art. 1. & à pluribus alijs relatis à Suare citata disp. 20. Sect. 4. num. 6.

Sed his nonobstantibus, non modò licitum est in praxi denunciare occultum Hæreticum, siue emendatum, siue non, propter huius sententiae probabilitatem: verum etiam tutius, quia sic magis cauetur periculum, & occurrit malo communi. Porro obligatio denunciandi extenditur ad omnes, præterquam ad seipsum directè, vel consequenter: nemo enim tenetur seipsum denunciare, vel complices, ex quo sequeretur suisipsum denunciatio. Teneri verò denunciare quoscumque alios docent communiter Theologi, rectèque probant ex Deuter. 13. v. 6. *Si tibi persuadere voluerit frater tuus, filium matris tuæ, aut filium tuum, vel filia, siue vxor, &c. non miserereis vt occultes eum.* Quod tamen intellige de denuntiatione faciendi illis, quibus denunciati subduntur. Quia non omnes subduntur omnibus, etiam in causa fidei. Nam Episcopi consecrati, & Prælati illis superiores, vt Archiepiscopi, Patriarchæ, & Cardinales, subiungunt soli Summo Pontifici, ob dignitatem illius status; & alij quidam eximuntur à iudicibus ordinarijs, vt videtur est apud Suares Sect. cir. n. 25. & sequentibus. Si tamen immineret periculum inter moras denunciandi ad Superiorem, cui subiacent, & alij possent impedire; monendi essent qui possunt, & debent.

Queritur tertio, quæ pænæ spirituales, vel corporales statutz sint contra Hæreticos, & Apostatas baptizatos: Respondeo primò, incurrere pœnam excommunicationis ipso facto: non quidem iure diuino, quod tantum præcipit fidelibus vitare Hæreticos, & Apostatas:

sed iure Ecclesiastico, cui subiacent, & per quod Excommunicantur, cap. *Abbatius* 24. q. 1. & cap. *Ad abolendam*, cap. *Excommunicamus*, Extra, de Hæreticis, & cap. *Quicumque*, de Hæreticis in 6. & cap. *Noverris*, de sententia Excommunicationis. Ad eam verò incurrendam requiritur peccatum mortale Infidelitatis, non purè mentale, & internum, sed in actum externum prodians, quo sufficienter per modum signi completi ex natura sua, vel ex impositione, significetur; vt rectè docet Suares Disp. 21. Sect. 2. Ratio est, quia hæc Excommunicatio, cum sit maior, non incurritur nisi per peccatum mortale. Et cum Ecclesia non iudicet de occultis per se, non punit peccatum merè internum, & per se occultum. Secus autem si per accidens tantum occultum est, quia nemo alius actum externum vidit. Nam talis actus, eò quòd externus, & per se sensibilis est, cadit sub iurisdictionem Ecclesie quoad pœnam ipso facto incurrendam; vt fusius ibidem n. 6. probat Auctor cir. contra nonnullos, qui generatim de censuris, & irregularitatibus oppositum sentiunt. Absolutio verò à tali Excommunicatione referuatur Summo Pontifici per Bullam cœnæ. In iure autem communi, & antiquo, non inuenitur talis referuatio. Et in Trid. Sess. 24. cap. 6. de Reformat. datur Episcopis potestas absoluendi in foro interno ab Hæresi: quam potestatem, iuxta multorum sententiam, possunt alijs delegare: licet contrarium videatur nonnullis, quia verba Concilij id negare videntur. Vtrum autem per Bullam cœnæ derogetur huic concessioni Tridentini; dicemus alibi, disputando de Excommunicatione, tom. 5. disp. 59. Sect. 18.

Respondeo secundò, incurrere etiam ipso iure, siue ipso facto irregularitatem; vt patet ex Concilio Eliber. can. 51. & infamiam, cap. *Infames* 6. q. 1. cap. *Alieni*, 2. q. 7. cap. *Excommunicamus* 1. de Hæreticis §. *Credentes*, vbi etiam fautores Hæreticorum, nisi intra annum resipiscant, declarantur infames: & cap. *Statutum*, 2. de Hæreticis in 6. vbi hæc infamia extenditur in filios vsque ad secundam generationem in linea paterna: in materna verò ad primam tantum, si parentes in Hæresi moriantur. Consistit autem hæc infamia in eo quòd infamibus portæ clauduntur ad omnes dignitates; vt habetur in Regula, *Infamibus*, 87. de Regula iuris in 6. Caput autem illud, *Statutum*, licet infamie nomine non vtratur, reddit inhabiles eorum filios ad omnia beneficia Ecclesiastica, & officia publica.

Tertio, priuantur etiam vsu potestatis ordinis licito, & legitimo: quod ex ipsa Excommunicatione consequens est, quatenus virtute includit suspensionem ordinis, adeòque ipso facto priuantur illo vsu. Potestate autem ipsius ordinis priuari nequeunt per Ecclesiam; quia indelebilis est, & à solo Deo pendet. At verò potestate iurisdictionis priuantur omnino, præsertim Ecclesiastice, in vtroque foro, pœnitentiæ, & iudiciali: non quidem vi iuris diuini, vel solius Excommunicationis; sed accedente sententia declaratoria, quando Hæreticus nominatim Excommunicatur, & denunciatur;

Vide iura
5. Disp. 59
Sect. 18.
n. 207. &
seq.

87.
Sunt irreg.
cap. *Infames*.

82.
Priuatur
vsu ordi-
nis.

79.

Quam
deoon-
ciandi;
sui?

to.
Excom-
munica-
tio lata
contra
Hæret.

Vnde absolutio data ab Hæretico, & à quolibet alio Excommunicato non-denuntiato, valida est, quamvis illicita ex parte Hæretici, propter Excommunicationem priuantem vsu licito vtriusque potestatis, ordinis, & iurisdictionis: vt rectè docet Suares Disp. 21. Sect. 5. n. 15. sumitque ex Extrauag. *Ad euitanda*, edità in Concilio Constantiensis, aut Basileensis.

Quartò, priuantur etiam beneficijs Ecclesiasticis. Non tamen ipso iure, seu facto, donec per iudicem priuentur: quia nihil proferitur ex iure Canonico, vnde constet hanc pœnam incurrì ipso facto. Notandum tamen est primò, ex cap. *Cum secundum leges*, de *Hæreticis in 6*, constare fructus ab Hæretico perceptos ex beneficio, esse confiscatos à die ipso criminis commissi, & pœnam posse eò vsque retraheri. Secundò, beneficium ab eodem die impetrari posse, & resignationem ab illo tempore factam, inualidam esse; vt constat ex vsu, & stylo Curie Romanæ. Tertio, collationem noui beneficij factam Hæretico, nullam esse ipso iure: ita vt etiam post conuersionem non possit illud retinere, sine noua concessione: vt constat ex cap. 2. §. *Hæretici*, de *Hæreticis in 6*.

Quintò, puniuntur etiam per ius Ecclesiasticum, & ciuile confiscatione bonorum, cap. *Cum secundum leges*, de *Hæreticis in 6*, & L. *vitima*, cod. de bonorum proscriptis. & L. *Quisquis*, & L. *vl.* ff. ad legem Iuliam Maiestatis. Quæ pœna ipso facto imponitur, & incurritur: ita vt bona Hæretici à die commissi criminis maneat obligata Fisco, quatenus sententia spoliationis, eò vsque retrahatur. Non tenetur tamen Hæreticus ea Fisco tradere, vel se illis priuare, & spoliare, donec accedat sententia, & condemnatio Iudicis, eiusque executio: sed potest illa licitè retinere, & insumere in proprios vsus: imò etiam probabiliter potest donare, & vendere; quamquam donatio, & venditio postea irritabitur per sententiam Iudicis. Porro hæc pœna ad omnia bona, quæ sint verè ipsius Hæretici, se extendit; quæ de re videri potest Suares tota disp. 22.

Sextò, in iure ciuili statuitur pœna mortis contra Hæreticos, L. *Ariani C.* de *Hæreticis*, & L. *Quicumque*, eodem titulo, & L. *Inconsuetum*, & L. *Commissi*, quæ in fine Directorij Inquisitorum referuntur. Hæc verò leges confirmantur à iure Canonico cap. *Ad abolendam*, de *Hæreticis*, §. *Præsenti*, & alijs locis in Directorio citato relatis. Ab hac tamen pœna excipiuntur Hæretici non relapsi, qui ante sententiam sponte conuertuntur, & verè pœnitentes se offendunt, citato cap. *Ad abolendam*, & cap. *Pro officium*, & sequentibus, de *Hæreticis in 6*. Aliquando etiam pœna mortis mutatur in aliam mitiorem, exilij, vel carceris, de quibus item mentio fit in legibus ciuilibus, & in Concilijs, alijsque Scripioribus, vt videre est apud Farinacium de Hæresi, q. 193. n. 80. & sequentibus. Exemplum exilij olim magis vsitati suprâ retulimus ex Leone Papa Episc. 2. ad Episcopos Italici. Possunt etiam aliæ pœnæ conuenientes arbitrarie imponi.

Septimò, aliquæ ex his pœnis extenduntur ad complices Hæreticorum. Nam fautores Hæreticorum vt talium, incurrunt Excommunicationem ipso facto, latam in cap. *Excommunicamus* 1. de *Hæreticis*, Et cap. *Nouerit*, de *sententia Excommunicationis*, & in Bulla Cœnæ, vbi etiam referatur Summo Pontifici. Item priuantur sepultura sacra, & oblationibus tam actiue, quàm passiuè; ita vt neque ab illis offerri possint, neque recipi: c. *Sicut ait*, Et cap. *Excommunicamus* 1. §. *Credentes*, de *Hæreticis*, & in Bulla Martini V. contra Wicleffam in fine Concilij Constantiensis. Priuantur etiam beneficijs prius habitis, non ipso iure, sed per hominem, §. *Credentes*, suprâ citato, Et cap. *Commissi* §. *Primadep*, de *Hæreticis*, in 6. Beneficijs verò deinceps obtentis priuantur ipso iure: quia ipso iure sunt inhabiles; vnde irrita sit receptio, c. 2. §. *Hæretici*, de *Hæreticis*, in 6. Denique sunt infames ipso iure, si per annum obdurescant; & incapaces testandi, aliorumque multorum; vt videre est in §. *Credentes*, suprâ citato.

Dixi autem; Fautores Hæreticorum vt talium, ita vt fauor ad Hæresim pertineat: siue particula, *vt*, sumatur reduplicatiue, & significet motum fauendi, ita vt fauor præstetur Hæretico ex affectu Hæresis, quia Hæreticus est: siue etiam specificatiue, ita vt obiectum volitum significet, et si non rationem volendi: vt quando aliquis fauet Hæretico, quâ Hæretico, id est, in causâ Hæresis, ex affectu consanguinitatis: vt rectè contra Sanchez, & quosdam alios probat Suares Disp. 24. Sect. 1. n. 9. colligiturque ex cap. *Accusatus*, §. *Sacerdotes*, de *Hæreticis*, & ex Bulla Martini V. suprâ citata, vbi damnantur fautores, quamvis faueant ex affectu consanguinitatis. Item intelligendum est de fautoribus, siue per omissionem, omittendo aliquid necessarium; vt quando Iudices & Inquisitores fidei omittunt inquirere quando debent: siue per commissionem; vt qui Hæreticos facto in loco sepeliunt, qui resistunt iustis illorum punitioni, qui eorum conuersioni se opponunt, qui errores eorum defendunt, vel laudant. Denique pœnæ spirituales, quæ ad forum internum pertinent, non incurruntur, nisi illi, quibus fauetur, sint verè Hæretici: Quia in foro interno veritas tantum locum habet, non præsumptio: & lex pœnalis iuxta verborum rigorem, & proprietatem interpretanda est quoad peccatum, propter quod pœna imponitur. Eademque de causâ suspecti tantum de Hæresi, in eodem foro non incurrunt pœnas Hæreticorum, nisi peccauerint etiam peccato externo.

Octauò denique, aliquæ pœnæ extenduntur etiam ad filios Hæreticorum, & fautorum. Nam si moriantur contumaces, & impœnitentes, eorum filij vsque ad secundum gradum in serie masculina, sunt irregulares ipso facto, & inhabiles ad Ecclesiastica beneficia recipienda; vt sumitur ex cap. 2. de *Hæreticis*, in 6. & cap. *Statutum* 1. eodem titulo, iuncta consuetudine, quæ sic ius interpretatur. Vnde consultatio talibus facta, est irrita. Beneficia verò obventa ante crimen parentum commissum, & publicatum

86.
Alique ex-
tenduntur ad
complices,

83.
Et beneficijs Ec-
clesiasticis.

84.
Bona eorum fisco
addicuntur.

85.
Pœna mortis
eos ratum.

87.
Et ad fau-
tores, vt
talica.

88.
Et ad filios Hæ-
retic. &
fauorū.

publicatum notorietate facti, vel iuris, non amittuntur ipso facto: imò neque debent auferri per hominem, quia ius non præcipit ut priuenter beneficijs iam habitis. Item reddunt inhabiles ad omnia officia publica, non modò Ecclesiastica, verùm etiam secularia, cap. 2. citato, §. *Hæretici*, & cap. *Statutum 2. de Hæreticis*, & in Bulla Clementis IV. Alexandri IV. & Innocentij IV. quæ incipit. *Ad extirpanda*, habeturque in fine Directioij huiusmodi. Denique poena infamiae ipso iure, redundat etiam in filios vsque ad secundam generationem in linea paterna, in materna verò vsque ad primam. Quod intellige si parentes in errore peritantes moriantur, ut paulò antè probauimus ex cap. *Statutum 2. de Hæreticis*, in 6.

SECTIO IX.

1. *Verum errores, & ritus Infidelium sint tolerandi?*

89.
Doctrina
D. Tho-
mae.

HAc de re S. Thomas q. 10. art. 11. vbi docet humanum regimen, quod diuinum imitatur, posse ac debere tolerare aliqua mala, ne aliqua bona impediatur, vel etiam ne aliqua mala peiora incurrantur. Atque ita, quia Iudeorum ritus præfigurabant olim veritatem, quam credimus, vnde fit, vt habemus fidei nostræ testimonium ab eius hostibus; ideo rectè tolerantur. Aliorum verò Infidelium ritus, qui nihil veritatis, aut vtilitatis afferunt, non sunt tolerandi, nisi fortè ad vitandum aliquod malum, puta scandalum, vel dissidium, quod inde proueniret, vel impedimentum salutis eorum, qui paulatim sic tolerati conuertuntur ad fidem. Propter hoc enim etiam Hæreticorum, & Paganorum ritus aliquando Ecclesia tolerauit, quando erat magna Infidelium multitudo: Hæc D. Thomas.

90. *Quæ ut melius intelligantur, distinguendum est primò de Infidelibus baptizatis, adeoque spiritualiter Ecclesiæ subiectis, & de non baptizatis, nec spiritualiter subiectis. De prioribus patet ex dictis Sect. præcedenti, non esse per se tolerandos, sed corrigendos, vel puniendos poenis in iure statutis, velut oues errantes, & desertores, rebelles, ac perniciosos Christianæ Reipublicæ: vt in iure Canonico, & ciuili præscribitur, locis ibi citatis, præcipue verò in cap. *Ad abolendam, de Hæreticis*. Ratio est, quia cum sint Ecclesiæ subiecti per baptismum, eiusque curæ commissi; debet ipsa eos errantes ad fidem reducere, & à peccando arcere, ipsorumque salutem æternam procurare. Debet etiam consulere securitati, & concordie fidei; quæque ipsi nocent, auertere quantum potest. Hæreses autem; & Schismata, illi præcipue aduersantur. Dixi, per se loquendo: quia per accidens possunt licet, ac debent interdum tolerari, ne impediatur maiora bona, vel eueniant maiora mala; vt ait S. Thomas, & confirmari potest ex Matth. 13. Ne forte colligentes zizania, eradiceis simul & triticum, finite utraq; cres-*

Tomus III.

cere. Ratio est, quia ex duobus malis minus eligendum est, quando vtrumque vitari nequit.

De non baptizatis, distinguendum rursus est. Nam vel Ecclesiæ, aut eius membris, sunt temporaliter subiecti, vel non. Item, vel eorum errores, & ritus repugnant directè luminis, & rationi naturali, præcisè ijs, quæ ad fidem pertinent: Vel indirectè solum, & consequenter, ratione fidei, cui contra euidenter rationem credibilitatis reluctari, à ratione alienum est.

His præmissis, Dico primò, Ecclesiæ, & Principes Christianos posse, ac debere prohibere Infidelibus sibi subiectis errores, & ritus, qui repugnant directè luminis naturali, cuiusmodi est cultus idolorum, & falorum Deorum. Ita cum D. Thomas art. supra cit. sentiant alij Doctores Theologi communiter. Probatur primò ex Deuter. 13. v. 12. & sequentibus, vbi iubentur tales interficere. Probatur secundò ex vfu Principum Christianorum, à Sanctis Patribus, & à Concilijs laudato, & approbato. Nam Constantinus iussit claudi templa Idolorum, & idololatriæ cultum cessare, teste Eusebio lib. 2. de vita Constantini, & Theodosius omnia Tempia idolorum destruxit, teste Rufino lib. 2. Historiæ cap. 21. multasque leges tulit contra cultores idolorum, quæ habentur in codice Theodosiano, tit. de Paganis, & approbantur à D. Ambrosio Epist. 30. & à D. Aug. Epist. 48. & 50. post medium. Concilium quoque Eliberit. can. 41. iubet Dominis fidelibus, vt ne permittant famulis domi suæ idola habere. Et Carthaginense V. can. 13. & Africanum sub Bonifacio, cap. 25. decernit petendum esse ab Imperatore, vt idololatriæ reliquie deleantur. Probatur tertio ratione. Nam Principes possunt, ac debent subditis suis præcipere; vt viuant secundum rectam rationem naturalem, & prohibere vitia opposita: id enim ad Rempublicam in pace, & iustitia continendam necessarium est, neque superat ciuilem, & humanam potestatem, quantum sinitur intra limites rationis naturalis. Quare sicut prohibent laudabiler, & puniunt alla peccata rationi naturali opposita: sic & huiusmodi errores, & ritus luminis naturali aduersos. Vnde collige non tantum Principes Christianos id posse, ac debere: sed etiam Infideles, si habent notitiam veri Dei, posse ac debere cultum falorum Deorum prohibere. Habent enim etiam illi totam potestatem, quæ secundum rationem naturalem conuenit humane Reipublice, tenenturque subditos bene regere in ordine ad finem sui potestatis. Priuati tamen non possunt alios sibi notis subditos cogere ad tollenda idola, propria auctoritate, vt innuitur in L. *Sicut*, & in L. *Christianis Cod. de Paganis*, lib. 1. tit. 11. & can. 60. Concilij Eliberit. Ratio conclusiouis eadem est, quæ de Infidelibus non subditis, de quibus infra.

Dico secundò, Principem non tantum posse prohibere errores illos, & ritus Infidelium sibi subditorum: sed etiam punire: prius tamen debere prohibere, quam eos puniat. Ratio primæ partis est, quia potestas directiua esset inefficax, & insufficiens sine coercitiua. Idemque

91.
Neque in non-baptizatis si repugnat directè luminis natur. & si illi sub sunt temporaliter Ecclesiæ.

92.
Possunt etiam puniri.

Cc

patet ex Scriptura Deuter. 13. v. 11. & alij auctoritatis paulo antè relatis, ibi non solum prohibitionis, sed etiam punitionis & coercionis fit mentio.

Secunda verò pars, quod scilicet prius debeat prohibere quam punire, probatur quia communi hominum sensu Princeps aut Respublica censetur permittere ea peccata, quæ non prohibet, ideoque censetur non posse consequenter ea punire; sicut non punit re ipsa fornicationem v. g. & alia quedam vitia, quæ non prohibet. Confirmatur, quia modus ille prohibendi prius, quam puniendi, est magis accommodatus fini humani regiminis, qui est, ut homines melius, & commodius viuant humano more, mutuis auxilijs, & Superiorum directione, ac potestate adiuti: ita tamen ut id efficaci suauitate, & modo moribus humanis magis accommodato procuretur. Imò etiam debent prius instrui Infideles de falsitate errorum, quam cogi ut eos deserant. Hinc etiam fit, ut si Principes non possint huiusmodi errores, & ritus prohibere, vel punire, & impedire sine maioribus incommodis; possint eos licite tolerare: ut patet ex dictis initio de Infidelibus baptizatis, & confirmatur vsu Principum laudatissimorum, qui ad vitandam rebellionem Infidelium nimis potentium, & ad alios bonos fines, tolerarunt Paganos sibi subditos. Idemque docet D. Thomas art. 11. q. 10.

91.
Non sub-
diti cogi
nequeunt
ritus suos
deserere.

Dico tertio, Ecclesiam, & Principes Christianos non posse cogere Infideles temporaliter tantum sibi subditos, ad deserendos errores, & ritus, qui fidei tantum, & non rationi naturali directè repugnant, sed eos tolerare debere per se loquendo. Ita Suares Disp. 18. Sect. 4. n. 10. & Egidius Coninck disp. 18. n. 194. Probatur primo ex D. Gregorio lib. 1. Epist. 34. & lib. 11. Epist. 15. vbi prohibet ne Iudæi priuentur suis Synagogis, vel ritus suos exercere impediuntur. Secundo, quia cum non repugnent rationi naturali, non possunt per se prohiberi, nisi ratione fidei. Atqui potestas temporalis non extendit ad fidem, ut suprà ostendimus: Ergo, &c. Possunt tamen prohiberi, & impediri per accidens, si exerceantur cum iniuria fidei, vel scandalo Christianorum, vel quatenus cedere possint in damnum Reipublicæ. Vnde Ecclesia ritus Iudæorum permittens, multa circa illos statuit. Mirum, ut ne fiant cum scandalo fidelium, ne novas Synagogas ædificent, ne habeant vicinas Ecclesijs Christianorum, & alia, de quibus vide Suarem suprà, n. 11.

94.

Dices ritus Iudæorum esse iniuriosos fidei, quia Iudæi in illis exercendis protestantur Christum non esse Messiam, & Christianam Religionem esse falsam. Ergo non debent tolerari. Respondeo, ritus illos id per se non significare, neque protestari falsam Religionem. Non enim significant Christum adhuc esse venturum, sed tantum venturum pro tempore, quo verè fuit venturus: Habent enim per se eam significationem, quam Deus eorum institutor illis imposuit, & non aliam. Deus autem non imposuit ad significandum falsum: sicut neque aliud quidpiam rationi naturali repugnans instituit. Quare ritus illi non sunt mali, nec iniuriosi per se.

Verum tamen esse Iudæos, dum illos adhuc exercent, significare veterem legem adhuc vigere, & Christum non venisse. Quod est falsum, & contra fidem: sed non est contra rationem naturalem. Lex autem fidei non pertinet ad Iurisdictionem temporalem, cum sit supernaturalis; sed ad spirituales Ecclesiæ, cui non sunt subiecti: ideoque non possunt ab illa per se prohiberi, vel puniri. Nec sufficit quod errando inducant fidem nostram esse falsam, & eatenus sint illi, & Christo iniuriosi. Id enim omni Infidelitati commune, & intrinsecum est: Neque est iniuria sufficiens ad prohibitionem, & pœnam; sed aliqua magis specialis necessaria est.

Dico quarto, Ecclesiam, & Principes Christianos non posse, per se loquendo, cogere Infideles, ne temporaliter quidem sibi subditos, ad suos errores, & ritus deserendos; licet repugnent directè lumini, & rationi naturali. Ita Valentia q. 10. punct. 7. §. *Nihilominus contraria sententia*, Suares Disp. 18. Sect. 4. n. 3. Egidius Disp. 18. dub. 12. n. 196. Probatur, quia potestas coactiva, & punitiva, competunt tantum superiori habenti Iurisdictionem, & potestatem iuris: neque possunt exerceri nisi circa subditos. At huiusmodi Infideles non sunt subditi Ecclesiæ, neque Principum Christianorum, ut supponimus: Ergo, &c. Quare sicut vnus priuatus non potest cogi, vel puniri ab alio priuato: neque Rex fidelis, ab alio fidelis, cui non subest: aut Infidelis ab alio Infideli. Ita neque Respublica Infidelis in suo ordine suprema, vel independens ab Ecclesia, & à Principibus Christianis, potest ab illis cogi, vel puniri.

2. 96.
Ac ne
quidem
subditi;
per se lo-
quendo,

Dixi, per se loquendo: quia per accidens, si Christianis inferant iniuriam; ut si blasphemant in contemptum Ecclesiæ, & iniuriam Religionis Christianæ, si Christianis sint infestis, si conentur eos in errorem inducere, vel fidem deserere cogant; possunt ab illis puniri. Licet enim vni vi repellere, & iniuriosos punire. Item, si infantes, vel alios innocentes, Dijs suis sacrificent; possunt, ac debent impedi, si commodè fieri possit. Quia quisque potest, ac debet pro facultate, innocenti succurrere. Innocentes, inquam: Secus enim est, si tantum reos mortis, Dijs sacrificarent: tunc enim nihil mali agerent, nisi quatenus peccarent contra fidem. Neque est opus ut innocentes, se liberari postulent, ut malè putat Egidius suprà, n. 197. Nam quamvis non postulent, imò etiam si consentiant, possunt eripi morti: quia non sunt domini propriæ vitæ; propter quod etiam potest quilibet ab alio cogi, & impediri ne seipsum interficiat, ut melius docet Suares n. 4. Sect. citata. Inter hos duos modos cogendi, vel impediendi Infideles per accidens, id discriminis est, quod primus fit per modum punitionis: Secundus verò tantum per modum ~~ultra~~ defensionis innocentium, aut per modum auxilij necessarii, ac proinde non potest exerceri circa peccata præterita, quibus iam non potest occurrere. Potest autem propter vitiumque etiam bellum inferri Infidelibus, si opus sit. Si tamen iniuria illata id non mereatur, aut si desistant nocere innocentibus, non possent iuste

98.
Possunt
tamen
per acci-
dens.

regnum illis auferri, & retineri.

97.
Contra-
ria sen-
tentia.

Contra hanc conclusionem sentiunt Maior in 2. dist. 44. q. 3. S. Antonin. 3. parte, titulo 22. cap. 1. Syluester Verbo *Papa*, q. 7. & alij pauci, existimantes posse infideles non subditos, peccantes contra clarum lumen naturæ, per idololatriam, & alia quædam vitia, puniri per Ecclesiam, vel per Imperatorem: & si corrigi nolint, posse libertate, & regnis spoliari. Primò, quia Ecclesiast. 19. v. 8. sic dicitur, *Regnum à Gente in Gentem transfertur propter iniustitias, & iniurias, & contumelias, & diuersos dolos*. Secundò, Israëlites gentes multas ob idololatriam deliquerunt, & terras earum possederunt. Tertio, Romani laudantur à D. Aug. lib. 5. de Ciuit. cap. 12. & 17. & à D. Thoma lib. 3. De regimine Princip. cap. 4. & sequentibus, quòd Gentes Barbaras debellarint, vt ad mores meliores reducerent: & Gennadius Exarchus Africæ laudatur à Gregorio magno, lib. 1. registri, Epist. 73. quòd contra infideles bellum gerens, fidem dilataret. Quarto, Respublica Christiana potest defendere diuinum honorem, & impedire, atque vlcisci blasphemias contra Deum. Ac si licitè potest alicui genti bellum inferri ad vlciscendas iniurias homini cuiusdam illatas: multò magis ad vindicandas iniurias Deo factas. Idololatria verò est grauis Dei iniuria, & blasphemia: Ergo, &c. Confirmatur, quia aliqui nullus hominum punire posset grauissima scelerata istorum infidelium, contra lumen naturale palam commissa: quod videtur absurdum.

98.
Solutur
tur eius
signi-
ficatio.

Ad primum respondeo, ibi tantum affirmari, quòd propter iniustitias, & alia peccata, regnum de facto transferatur à gente in gentem, siue iustè, siue iniustè; pertinente Deo in pœnam, siue ob iniurias humanas, siue ob diuinas, quod Scriptura non exprimit, ac proinde nihil ad rem potest ex ea concludi. Ad secundum respondeo, colligi potius ex cap. 20. Numer. vt notauit S. Aug. q. 44. in Números, & q. 10. in Iosue, Deum volentem dare terram promissionis Israëlitis, noluisse tamen incolas debellari propter solam idololatriam; sed propter injuriam negandi sibi transiitum pacificum, & alias similes. Quòd si Deus pro suo supremo iure alter illis aliquando præcepit, aut concessit: non potest hinc concludi, quòd idem possint homines propria auctoritate. Ad tertium: Non laudantur Romani, quasi absolute bene fecerint; sed quia minùs malè, propter intentionem boni finis. Inò potius D. August. loco citato in obiectione affirmat tantum, Romanos propter gloriæ cupiditatem gentes alias subingasse. Gennadius verò pugnabat contra infideles, & præcipue Wandalos Hæreticos, qui Romani Imperij terras iniuste inuasérant, vel ab ipso defecerant. Ad quartum: Deus non constituit homines viroses suarum iniuriarum in omnibus, respectu omnium hominum: sed voluit ordinem in eo seruari, vt inferiores subiacerentur à superioribus: Supremos verò, & independentes suo iudicio referauit: neque absurdum est illos non posse puniri ab alio: si tamen sunt ita superui, vt nullum ius communis sibi referant ad eos in officio continendos.

Falsum verò est quòd assumitur, licere bellum inferre ad vlciscendum iniurias homini illatas, Hoc enim non licet erga non subditos, sed tantum ad illas auertendas, & ad impediendum ne fiant, vt supra diximus. Addo, Deum, qui potest, si velit, suas omnes iniurias facillimè impedire, non dedisse par ius hominibus ad illas auertendas, atque ad iniurias hominum, qui impotentes, & imprudentes sunt.

SECTIO X.

Vtrum Fides data Hæreticis seruanda sit, ita vt nequeat sine peccato violari?

Sensus questionis est, vtrum inter pœnas Hæreticorum ista sit, quòd non teneantur Catholicis fidem illis datam seruare in promissis, pactis, & conuentionibus, quæ licitè cum illis, & honestè fieri possunt. Calumniamur Hæretici huius temporis Doctores Catholicos id affirmare, ipsamque Romanam Ecclesiam sic statuisse in Concilio Constantiensi Sess. 19. indeque sumunt interdum occasionem non seruandi fidem à se datam Catholicis, quasi vicissim liceat ipsis pacta cum Catholicis iniuste violare; pariq[ue] iure erga illos vti, iuxta vulgare prouerbum, *Frangenti fidem, &c.* Sed hanc esse meram calumniam patebit ex sequentibus.

Vt autem clariùs procedamus, obseruandum est primò, pacta cum hæreticis iniuste esse posse duplicia. Quædam priuata; alia publica auctoritate facta. Priui generis sunt emptiones, donationes, locationes, contractus mutui, commodati, pignoris, Matrimonij, & similes, qui à priuatis inter se iniuri solent. Posterioris generis sunt pacta à Principibus, vel à communitatibus iniusta cum hæreticis, & publica auctoritate firmata: siue circa Religionem, siue circa bellum, vel alia negotia ciuilia.

Obseruandum secundò, statum questionis non esse, possit-ne licitè non seruari fides data hæreticis in ijs casibus, in quibus potest licitè non seruari Catholicis: puta, si res promissa sit impossibilis physice, vel moraliter; id est, vel omnino, vel sine peccato fieri nequeat: si statum rerum ita mutetur, vt secundum prudens iudicium contrahens noluerit, neque debuierit talem euentum promissionis suæ comprehendere: si alter contrahentium non seruet fidem, &c. Sed questio est, vtrum fides data hæreticis non habeat vim obligandi in conscientia, ex eo præcisè quòd hæreticis data est; ita vt non obliget, stantibus licet omnibus alijs conditionibus, in quibus deberet seruari Catholicis. Hoc supposito, communis doctrina Catholicorum his duabus propositionibus continetur.

Prima propositiò: Tametsi pacta, & contractus priuati non debent facillè iniuri cum hæreticis: posito tamen quòd ineanitur, fides illis seruanda est iisdem in casibus, in quibus debet seruari Catholicis: ita vt hæresis sola non sit iniusta & sufficiens causa violandi. Idemque sentiendum est de pactis publicis, circa bella, & alia negotia ciuilia. Prima pars liquet ex Scriptura, affirmante hæreticos potius esse vitandos

quoad fieri potest, 2. Ioan. v. 10. *Si quis venerit ad vos, & hanc doctrinam non afferit, nolite recipere eum in domum, nec Aue ei dixeritis. Qui enim dicit illi Aue, communicat operibus eius malignis.* Et Tit. 3. v. 10. *Hæreticum hominem postquam & secundam correptionem deiecit.* Et 2. Timoth. 2. v. 16. *Prophana, & vaniloquia (hæreticorum) deiecit: multum enim proficiunt ad impietatem: & sermo eorum ut cancer serpit.* Et Rom. 16. v. 17. *Rogo vos, fratres, ut obseruetis eos qui dissensiones & offendicula, præter doctrinam, quam vos didicistis, faciunt: & declinate ab illis. Huiusmodi enim Christo Domino nostro non serviunt, sed suo ventri: & per dulces sermones, & benedictiones seducunt corda innocentium.*

101.

Probatur secundo exemplo, & doctrina Sanctorum, qui hæreticorum commercium vitandum esse verbo & exemplo docuerunt: ut de Ioanne Apostolo, & de Polycarpo testatur Irenæus lib. 3. cap. 5. de Antonio Athanasius in eius vita, de alijs alijs. Fuitque semper vus Ecclesiarum, & Conciliorum anathematizandi & excommunicandi hæreticos, id est, communi fidelium consorcio eos privandi. Cuius rei ratio duplex est. Prima, ut confundantur hæretici cum vident se vitari à Catholicis, & hac pena moveantur ad resipiscendum: iuxta illud 2. Thessalon. 3. v. 14. *Ne commisceamini cum illo, ut confundatur.* Secunda, ut Catholici eis eorum commercio & consuetudine non capiant detrimentum in fide, & bonis moribus: sermo enim eorum serpit ut cancer: & qui dicunt illis Aue, communicant operibus eorum malignis, etiam per imitationem, ut aiunt Paulus, & Ioan. locis supra citatis. Qua etiam de causa Deus olim seuerè interdixerat Iudæis commercium cum infidelibus, Exod. 34. v. 12. *Cave ne inquam cum habitatoribus terre illius (populi infidelis) iungas amicitias, quæ sunt tibi in ruinam: sed aras eorum destrue, confinge statuas, lucosque succide, &c. Ne in eas pactum cum hominibus illarum regionum, ne cum fornicari fuerint cum Dijs suis, & adorauerint simulacra eorum, vocet te quispiam ut comedas de immolatis. Nec uxorem de filiabus eorum accipies filijs tuis: ne postquam ipse fuerint fornicatæ, fornicari faciant, & filios tuos in Deos suos.* Similis prohibitio habetur Deuter. 7. v. 2. & sequentibus. Quantum verò scandalum & detrimentum in fide & moribus afferre soleat conversatio cum hæreticis, notum est experientiâ.

101.

Secunda pars eiusdem propositionis traditur à Doctores Catholicis infra citandis, & speciatim à Becano in tractatu de fide seruanda Hæreticis, & 2. in tract. de fide, cap. 16. Ratio eius est, quia omnes eadem causæ quæ nos obligant ad seruandam fidem Catholicis in eiusmodi conuentionibus, obligant pariter ad seruandam Hæreticis, stantibus iisdem conditionibus. Tria enim sunt quæ ad fidem seruandam obligant in pactis, & contractibus legitimis: veritas, fidelitas, & iustitia. Obligat veritas ut sincerè loquamur pacificando, ne aliqui mendaces simus, si aliud in ore, quàm in mente

habeamus. Fidelitas obligat ut faciamus quod promissimus, ne perfidia crimen incurramus. Iustitia obligat ut ius suum cuique tribuamus, ac proinde seruemus ius, quod alter vi pacti & contractus legitimi acquisiuit, ne aliqui simus illi iniuriosi. At hæc obligant respectu cuiuscumque. Neque enim licet erga quemquam esse mendacem aut perfidum, aut iniuriosum: Ergo, si contractus aliquis fuit legitime initus cum hæreticis, debet illis seruari fides, non minus quàm Catholicis.

104.

Tertia pars assertionis, de pactis publicis circa negotia civilia, sequitur ex duabus præcedentibus. Amplius verò confirmari potest ex Scriptura, quæ grauius reprehendit violationem huiusmodi pactorum. Nam Gen. 34. Iacob Patriarcha seuerè increpat Simeonem, & Leui, propter violationem fidei datæ Sichimitis, prætextu iniuriæ sibi factæ ob raptum Dinæ sororis suæ: *Simeon, & Leui, vasa iniquitatis Bellantia. In consilium eorum non veniat anima mea, & in cætu illorum non sit gloria mea. Quia in furore suo occiderunt virum, & in voluntate sua suffoderunt murum. Maledictus furor eorum, &c.* Et 2. Reg. 21. immisit Deus famem tribus annis in terram Israël, propterea quod Saül occiderat Gabaonitas, contra fidem à Iosue illis datam, & pactum cum eis initum, Iosue 9. & lib. 2. Paralip. cap. 36. puniuit à Deo Sedecias regni amissione, & extremis calamitatibus, eo quod fidem datam Nabuchodonozori, quamvis infideli, & hosti, quodammodo violasset.

Secunda propositio: Non licet Principibus, aut Rebus publicis, inire cum Hæreticis pactum circa Religionem de Hæresi toleranda, & de libertate conscientie illis permittenda, nisi quando ad vitandum maius malum id omnino necessarium est. Si tamen necessitas cogat inire, seruari debet. Prima pars probatur primò ex Scriptura, quæ iubet potius hæresim excindere quoad fieri potest, & reprehendit eos, à quibus toleratur sine necessitate. Galat. 5. *Vtinam abscindatur qui vos conturbant, &c.* Vbi de Hæreticis Sermonem esse Patet ex præcedentibus. Et Apoc. 2. v. 14. *Habuo aduersus te pauca, quia habes illic tenentes doctrinam Balaam, qui docebat Balac mittere scandalum coram Filijs Israël, edere, & fornicari: ita habes & tu tenentes doctrinam Nicolaitarum. Similiter penitentiam age.* Et inferius: *Habeo aduersus te pauca, quia permittis mulierem Iezabel, quæ se dicit Propheten, docere eos seducere seruos meos, &c.*

102.
Licet de
pacito de
Hæresi
toleranda

Probatur secundo ratione, quia non potest Magistratus Ecclesiasticus, aut civilis, per se loquendo, & sine cogente necessitate, permittere malum, quo pax Reipublice valde perturbatur, & Deus grauius offenditur, & multorum ruina spiritalis causatur. Huiusmodi verò esse Hæresim in Christiana Republica, per se notum est, & euident experientiâ. Item, cum Deus tantopere velit vnam fidem esse, & vitari dissensiones, & Schismata, & cauere falsos Prophetas, doctrinæque, varias & Pægimas, Matth. 23. Hebr. 13. Ephes. 4. & 1. Cor. 1. & 14. alijsque locis; non potest licitè permitti, sine

106.
Non licet
abique
necessitate

cogente necessitate, diuersitas Religionum, quæ non est sine diuersitate in fide, sine dissensionibus, & Schismatibus, nec sine varijs & peregrinis doctrinis quatum auctores falsos esse Prophetas necessarium est, id est, Doctores mendacij, falsò asserentes se à Deo missos, ipsūque suis erroribus attestati.

107. Tunc autem seruandum est pactū. Secunda pars, quod tamen si cogente necessitate huiusmodi pactum inear, debeat seruari, probatur: quia potest & debet Princeps, aur Respublica seruare fidem datam in quouis pacto honesto, & licito. Huiusmodi autem est pactum de quo loquimur: nam licitum & honestum est permittere, seu tolerare minus malum, ad maius impediendum. Et vetò, si in pactis & contractibus priuatis, veritas, fidelitas, & iustitia, obligant ad fidem seruandam erga quoslibet, vt patet ex dictis in prima propositione: multò magis in illis quæ publica auctoritate firmantur, cuius fides magis tuta, & facta, & inuolabilis esse debet.

Occurritur obiectioni. Nec obest quòd huiusmodi pactum fuit à Principe, necessitate cogente, initum cum subditis rebellibus, ad hanc necessitatem iniuste adigentibus. Nam, vt rectè ait Tannerus cōm. 3. Disp. 1. quæst. 9. Dub. 4. Num. 118. Licet rebelles subditi nullà huiusmodi fœderis, aut pacti societate digni sint, possintque citra pactum quibuscumque modis conuenientibus compelli ad iustam Principis voluntatem, debitūque obsequium: Princeps tamen hoc ipso quòd, re ita postulante, cum illis pacisci in animum inducit, cedit quoad hoc, iure suo, ipsosque subditos in ea conditione constituit, & habet, quā cum illis, velut hac in re sui iuris, pacisci possit.

108. Altera obiectio diluatur. Non obest etiam quòd Princeps, aur Respublica patiatur deinde incommodum ex hac conuentione, mutatis rerum circumstantijs. Nam paciscentes mutuo se exponunt tali periculo: & aliqui aperietur via frangendi fidem quorumcumque pactorum: nulla enim sunt, quæ non pateant aliquibus incommodis. Atque ita nulla esset in pactis securitas, neque per illa possent lites terminari: quod valde pugnat contra bonum pacis, & societatis humanæ: adeoque grauissimum malum est. Confirmatur exemplo emptionum, & aliorum contractuum priuatorum, qui non possunt infringi voluntate vnus contrahentis, licet inde patiatur incommodum; modò aliunde contractus fuerint legitimi. Imò quamvis in tali pacto inuendo Princeps minùs prudenter & inconsideratè processerit: id non sufficit ad fidem violandam, pòtò sola obsecratio, vt sola inconsideratio, per se, vel imprudentià alterius contrahentis, ea non reddat irrita: licet ob illam inconsiderationem peccauerit promittens & contrahens: dummodo res ipsa, quæ promittitur, non sit per se mala. Non est autem per se malum promittere tolerantiam falsæ Religionis, in eo casu, quo necessaria est ad euitandum maius malum. Notandum vetò est interdum hanc necessitatem

contingere culpā ministrorum Principis, qui Hæreticis fauent, aut negligentes sunt, neque vtuntur auctoritate & potestate sibi concessa, ad compescendam & extinguendam Hæresim. Et tunc Princeps excusatur quidem à peccato, vnde cumque inducatur illi necessitas, cui aliter mederi nequit. Sed grauitèr peccant ministri, & Prouinciarum Præfecti, vel iudices, qui desunt suo officio. Notandum etiam, non posse tale pactum iniri, nisi quantum postulat necessitas maioris mali vitandi: alioqui enim non obligat, quia est de remala & illicita: vt si inear de toleranda in perpetuum falsà Religione, quiddam contingat. Ideoque Princeps Christiani ad certum tempus limitant eiulmodi pacta.

Porro, doctrinam his duabus propositionibus explicatam communem esse Catholicorum patet ex Molano in libris quos accuratè scripsit de fide seruanda Hæreticis, Becano in Oculculo de eadem re, & 2.1. in Tract. de Fide, cap. 16. Tannero quæst. 9. de Fide dub. 3. & 4. & alijs quos iste citat. Superest vt respondeamus argumentis præcipuis quibus sectarij demonstrare contendunt aliam esse Catholicorum sententiam.

Obijciunt primò, Concilium Constantiense violasse fidem publicè datam, Ioanni Hus, & Hieronymo Pragensi, quos contra saluum conductum comburi iussit: posseque licitè non seruari fidem datam Hæreticis declarauit Sessione 19. His Verbis: *Præfens Sancta Synodus ex quoniam saluoductum per Imperatores, Reges, & alios seculi Principes, Hæreticis, vel de Hæresi diffamatis concessio, nullum fidei Catholica, vel Iurisdictioni Ecclesiastica præiudicium generari, vel impedimentum præstari posse sen debere declarat, quò minus dicto saluo conductu nonobstante, liceat iudici competenti, & Ecclesiastico, de huiusmodi personarum erroribus inquirere & alijs contra eos procedere, eosdemque punire, quantum iustitia suadebit, si suos errores renouare pertinaciter recusauerint: etiam si de saluo conductu confisi ad locum iudicij venerint, alijs non venturi: nec sic promittentem, cum fecerit quod in ipso est, ex hoc in aliquo remansisse obligatum.*

Respondeo primò, quod attinet ad Ioannem Hus, fidem non fuisse illi datam à Concilio Constantiensi, sed à Sigismundo Imperatore, per saluum conductum, datum in forma communis duntaxat, id est, iustitiā semper saluā, & prohibentem illi fugam sub pœna capitis. Ille autem contra huiusmodi prohibitionem fugā se proripuit: & à fuga retractus, nolens quæ hæresim abjurare, combustus est, sine violatione fidei datæ à Sigismundo, cuius saluum conductum enervauerat, violata per fugam apposita conditione: vt testantur Nauclerus, & alij Historici: multoque magis sine violatione fidei datæ à Concilio, quippe quod nullam illi dederat. Neque eum excusat, quod respondit Hæretici, meritò eum fugisse, quia tres Pontifices fugerunt eodem tempore: & ipse videbat se à Concilij Patribus obseruari. Nam culpa trium Pontificum fugitiuorum, quorum

109.

110. Obiectio de Concilio Constantiensi.

111. Ostenditur non violasse fidem datam Hæreticis.

causa erat planè diuersa, non excusat Hussium: & iure prudentèrque obseruabatur à Patribus, Hæresiarcha qui cæperat in Bohemia suos errores disseminare, ne illos quæ apud Constantiensis spargeret.

112. Secundo, quod attinet ad Hieronymum Pragensem, ille quidem fidem & saluum conductum ab ipso Concilio acceperat in forma communi tantum, & additè expressè hac clausulâ, *Saluâ semper iustitiâ*, vt videre est Sessione 6. eiusdem Concilij: sed ille pariter æfugit postquam publicè conuictus Hæresim abjurasset; vt habetur Sessione 19. & per fugam quidem enervauit saluum conductum: per relapsum verò in hæresim, & pertinaciam in ea defendenda, dignus fuit supplicio, quo affectus est. Itaque fides salui conductus non fuit illi violata magis, quàm Hussio: sed utrèque potius fidem publicam violauit per fugam.

113. Tertiò, quoad definitionem aut declarationem Concilij, relatum in obiectione, Respondeo non ibi asserti, vel declarati, posse fidem Hæreticis datam violari, vt falsò obijciunt aduersarij: sed tantum, Imperatores, Reges, & Principes seculares, non posse per saluum conductum à se datum, impedire quò minùs Ecclesia, quæ in causis Religionis ius & tribunal superius habet, possit agere suo iure. Sicut in omnibus alijs causis tribunal inferius non derogat iuri superioris, neque impedit quò minùs Iudex, aut Princeps superior, possit officio suo fungi. Ideòque securitas, quam inferior promittit alicui, non ligat auctoritatem & Iurisdictionem superioris. Plura de hac obiectione videri possunt apud Becanum, cap. suprâ citato.

114. Obijciunt secundo decreta quædam Concilij Romani IV. sub Gregorio VII. Lateranensis sub Innocentio III. & Gregorij IX. Cap. *Ab solutos*, de *Hæreticis*; quibus subditi absoluentur à Sacramento fidelitatis erga Dominum excommunicatum, aut lapsum manifestè in Hæresim. Respondeo, abstrahendo à Disputatione de valore & effectu huiusmodi constitutionum; Non inde sequi fidem datam hæreticis non esse seruandam in ipsâ conditionibus, in quibus esset seruanda Catholicis, de quo solo est præsens Disputatio: quamvis verum sit quòd postquam per superiorem & legitimam potestatem aliquis fuit priuatus Iurisdictione, in penam criminis; subditi manent liberi à iuramento fidelitatis, quo illi erant obstricti. Quæ pœna locum habere potest respectu Catholicorum, æquè ac Hæreticorum: imò iura citata loquuntur de Catholicis, & pactis initis cum illis: neque magis subditi tenentur illis obedire, in casu, quo verè & efficaciter priuati fuerint iurisdictione, & deserint esse superiores legidmi. Ac si hæretici priuantur illo iure interdum, non priuantur vi solius Hæresis: sed propter adiunctam excommuni-

cationem: imò neque vi solius excommunicationis, nisi accedat sententia, quâ talis pœna imponitur.

Obijciunt tertiò, Hæreticos priuari omni iure & dominio bonorum temporalium, cap. *Cum secundam leges, de Hæreticis*, in 6. vbi dicitur bona Hæreticorum esse ipso iure confiscata. Ergo conuentiones quæ cum illis fiunt circa bona temporalia, non obligant secundum nos. Respondeo, Hæreticos non priuari bonis suis temporalibus præcisè vi hæresis: sed in penam criminis puniri per leges Ecclesiasticas pœnâ confiscationis; sicut per ciuiles puniuntur pœnâ mortis: quæ pœna confiscationis non incurritur ante sententiam declaratoriam criminis, & executoriam: ante quam possunt licitè bona sua retinere: quique cum illis circa ea contraxerunt, debent fidem seruare: Post sententiam verò, tenentur tradere fisco id quod debebant Hæreticis, quia ad illum bona Hæreticorum iam deuoluta sunt. Nec obest particula, *ipso facto*, apposta Canonici citato. Neque enim facit vt pœna illa incurrat absque vlla sententia; sed solum vt pœna retrahri possit vsque ad diem criminis commissi, vt diximus in tractatu de legibus.

Obijciunt quartò, Hæreticos quoscumque excommunicari ipso facto, Cap. *Ad Abolendam*, Cap. *Excommunicantur*, Extra, de Hæreticis, Cap. *Nouerit*, de sententia excommunicationis, Cap. *Acatium*, 24. q. 1. & Cap. *Quicumque*, de Hæreticis in 6. Et iuxta doctrinam Romanæ Ecclesiæ, omne commercium cum excommunicatis interdictum esse. Ergo non tenentur Catholici, neque licitè possunt fidem illis seruare: quippe quæ sine aliquo commercio cum illis seruari nequit. Respondeo primò, non interdicti Catholicis commercium cum excommunicatis nisi sint nominatim excommunicati, aut notorij percussores Clericorum, vt habetur in Extraug. *Ad vitandæ scandala*. Hæretici autem non sunt nominatim excommunicati; & vix, aut rarò eorum aliqui nominatim excommunicantur. Respondeo secundo, ne quidem erga nominatim excommunicatos, aut notorios Clericorum percussores, prohiberi commercium necessarium ad reddenda officia illis debita, & necessaria ex charitate, vel ex iustitia: cuiusmodi est, fidem illis seruare in pactis, & contractibus licitis ac legitimis. Et quamvis aliqui existiment posse differri restitutionem eorum quæ illis debentur, donec è cæno excommunicationis emerlerint: probabilius tamen nobis videtur oppositum, cum multis alijs: vt dicemus inferiùs Disp. 28. Sect. 12. Nec vilis est Doctorum Catholicorum, qui existimet excommunicationem esse causam sufficientem ad liberandum per se à tali debito, quamvis aliqui putent illam sufficere ad differendam solutionem. Et hætenus de hæresi.

114. Non priuantur iure per pacta acquisita.

116. Nec obest quod sint excommunicati.





TRACTATUS

SECUNDVS.

DE SPE, ET CHARITATE.

EXPLICATIS *ijs, quæ ad Fidem Theologicam pertinent, dicendum sequitur de Spe, cuius hypostasis, siue basis & fundamentum est Fides, ut ait Apostolus Hebr. 11. v. 1. quæque ab eodem inter virtutes Theologicas secunda numeratur 1. Corinth. 13. v. ult. Nimirum quia, ut verè dixit Origenes in cap. 4. Epist. ad Rom. Prima salutis initia, & ipsa fundamenta Fides est: profectus verò, & augmenta ædificij Spes est: perfectio autem, & culmen totius operis, Charitas. Et D. Augustinus eadem utens similitudine, Serm. 20. de verbis Apost. A Fide, inquit, domus Dei credendo fundatur; sperando erigitur; Diligendo perficitur. Quibus conformiter Trident. Sess. 6. cap. 7. pronuntiat nostram cum Christo unionem Fide inchoari, Spe augeri, Charitate perfici, per eamque nos viuæ eius membra constitui. Nam Fides, inquit, nisi ad eam Spes accedat, & Charitas, neque vnit perfecte cum Christo, neque viuum eius membrum efficit. Et denique, ut ait D. Thom. 2. 2. quest. 17. art. 7. & 8. Fides præcedit Spem, quia per illam cognoscimus posse nos vitam æternam adipisci, & ad hoc paratum nobis esse Dei auxilium. Spes autem introducit ad Charitatem, quatenus sperantes tantum à Deo bonum, accendimur ad ipsius amorem.*

Quæcunque autem de Spe dicuntur à Theologis cum D. Thoma quest. citata, & pluribus sequentibus, vel cum Magistro in 3. dist. 26. his septem capitibus continentur. 1. Sit-ne propriè virtus, & virtus Theologica? 2. Quodnam sit eius obiectum? 3. Qui, quor-ue sint illius actus? 4. Quis habitus? 5. Quod subiectum? 6. Quæ præcepta? 7. Quæ vitia sint illi opposita? Eademque omnia de Charitate, sed non eodem ordine, inquiruntur à D. Thoma, & à nobis in præsentì Tractatu, Deo fauente, explicanda sunt.



DISPUTATIO

QVINTA-DECIMA.

De obiecto Spei.

- Sectio I. *Premittuntur nonnulla de voluntate, & appetitu: eius-
que varijs affectibus, & tendendi modis.*
 Sectio II. *Quid sit Spes Theologica?*
 Sectio III. *Quodnam sit obiectum formale virtutis Spei?*
 Sectio IV. *Refertur secunda sententia de obiecto formali eiusdem
virtutis?*
 Sectio V. *Tertia opinio refertur, & refellitur?*
 Sectio VI. *Vera sententia, & solutio argumentorum.*
 Sectio VII. *Respondetur alijs argumentis.*
 Sectio VIII. *Quodnam sit obiectum materiale Spei?*
 Sectio IX. *Virum Spes refertur immediate circa Deum?*

DE argumento proposito disputat S. Thomas quæst. 17. Et art. 1. docet Spem esse virtutem : quia facit actum hominis bonum, & debitam Regulam attingentem ; Deum scilicet ipsum, quatenus facit vt speremus aliquid tanquam possibile nobis per diuinum auxilium. 2. Proprium & principale obiectum Spei esse beatitudinem æternam : quia cum Spes, de qua loquimur, attingat Deum, innitens eius auxilio ad consequendum bonum speratum : oportet bonum illud esse causæ proportionatum. Et ideo bonum, quod propriè & principaliter à Deo sperare debemus, est bonum infinitum, quod proportionatur virtuti Dei adiuvantis. Nam infinitæ virtutis est proprium ad infinitum bonum perducere. Hoc autem bonum est vita æterna, quæ in fruitione ipsius Dei consistit. Non enim minus aliquid ab eo sperandum est, quàm sit ipse : cum non sit minor eius bonitas, per quam bona creaturæ communicat, quàm eius essentia. 3. Tamen si Spes directè respicit proprium bonum, non autem, quod ad alium pertinet : ideoque non posset vnus sperare absolute alteri vitam æternam, sed tantum sibi ipse : Secus tamen præsuppositâ vnione per amorem, & charitatem. Tunc enim potest vnus alteri sperare, & desiderare vitam æternam, velut sibi coniuncto per affectum. Et sicut eadem est virtus charitatis, quâ quis diligit Deum, & seipsum, & proximum : ita est eadem virtus Spei, quâ quis sperat sibi-ipsi & alijs. 4. In solo Deo, velut in causa principali beatitudinis sperandum est : licere tamen sperare de aliquo homine, vel de alia aliquâ creatura, sicut de agente secundariò,

& instrumentali, per quod iuuari possumus ad consequenda bona in æternam beatitudinem ordinata. 5. Spem esse virtutem Theologicam; quia eius obiectum principale est Deus. Attingit enim Deum, & sicut causam primam efficientem, in quantum eius auxilio immititur: Et sicut vltimam causam finalem, in quantum in eius fruitione beatitudinem exoptat. 6. Spem esse virtutem distinctam ab alijs Theologicis: quia facit Deo inhærere aliter, quàm fides, & charitas. Nam charitas, facit hominem Deo adhærere propter seipsum, mentem vnicens Deo vt summè dilecto propter se: fides hominem Deo adhærere facit in quantum est nobis principium cognoscendi veritatem: Spes autem facit Deo adhærere provt est in nobis principium perfectæ bonitatis: In quantum scilicet per Spem diuino auxilio nitimur ad beatitudinem obtinendam. 7. Fidem præire Spei, quia per illam cognoscimus posse nos vitam æternam adipisci, & ad hoc paratum nobis esse diuinum auxilium. 8. Spem naturæ ordine, siue generationis esse priorem charitate: posteriorem vero, ordine perfectionis, & quia Spes ducit ad charitatem, in quantum aliquis sperans remunerari à Deo, accenditur ad amandum Deum, & ad seruanda eius præcepta. Charitas autem perfectior est, & Spem ipsam perfectiorem reddit, quia de amicis maximè speramus. Hucusque D. Thomas.

SECTIO I.

Premittuntur nonnulla de voluntate, & appetitu, eiusque varijs affectibus, & tendendi modis.

PRIUS QUAM de Spe, & alijs virtutibus voluntatis, disputemus, operæ pretium fuerit nonnulla præmittere de natura voluntatis, & appetitus, eiusque varijs affectibus & tendendi modis: ex quorum ignorantia, vel inaduertentia magnæ & frequentes oriuntur in disputatione de virtutibus hallucinationes, aut æquiuationes, vt in progressu patebit.

Nota igitur primò, appetitum distingui in sensitium, & in rationale, qui dicitur voluntas. Inter quos quadruplex discrimen est. Primum, quòd sensitiuus sequitur cognitionem sensus, illique subordinatur: vt scilicet prosequatur bona, vel fugiat mala; quæ per sensum percipiuntur, ipsique proponuntur vt appetenda, vel fugienda. Frustra enim cognoscerent animalia, quæ sibi sunt bona, vel mala; conuenientia, vel disconuenientia; vtilia, aut necessaria; vel noxia, & perniciofa; nisi possent illa prosequi, & ista fugere per appetitum applicantem seipsum, & alias potentias ad obtinendum, aut retinendum bonum; fugiendumque, aut expellendum malum. Appetitus vero rationalis sequitur lumen rationis, & cognitionis intellectus circa bona, vel mala, per ipsam proposita. Secundum discrimen est, quòd appetitus sensitiuus versatur tantùm circa bona sensibilia, & mala illis contraria: Ratio-

nalis autem versatur etiam circa bona insensibilia, & purè spiritualia; malæque illis contrariæ, aut priuatiuè opposita. Tertium est, quòd sensitiuus versatur tantùm circa bona delectabilia, vel commoda sensui, & naturæ animalis; vel circa mala illis opposita. Rationalis vero aliud assurgit, & versatur etiam circa bona honesta, id est, quæ decent naturam rationalem, vt talem; & circa turpia, seu dedecentia talem naturam: quam conuenientiam, & disconuenientiam solus intellectus & cognitio rationalis attingit. Sensus enim non allurgit supra sensibilia, & naturam animale, vt talem. Quartum est, quòd appetitus rationalis est liber, & habet dominium suorum actuum circa bonum, & malum, debito modo propositum ab intellectu: vnde etiam capax est virtutis, & vitij; actionumque imputabilium ad laudem, vel ad vituperium; & ad præmium, vel ad pœnam. At verò sensitiuus naturaliter sequitur cognitionem sensus, nisi à voluntate cohibeatur: nihilque habet per se libertatis, & dominij in suis actus: sed solum quandam subiectionem politicam ad regimen voluntatis, à quâ potest applicari, vel cohiberi: ab illoque regimine actus illius denominantur extrinsecè liberi, quando sunt voluntate liberè applicante, aut permitte, vel consentiente.

Nota secundò, appetitum distingui communiter à Philosophis in concupiscibilem, & irascibilem. Quotum ille versari dicitur circa bonum, & malum carens arduitate, seu difficultate: iste verò circa bonum & malum arduum & difficile. Vterque habet varios affectus. Nam in appetitu concupiscibili ponuntur tres actus circa bonum carens arduitate: &

Appetitus duplex est: sensitiuus, & rationalis.

Discrimen quadruplex in-

2. Diuiditur in concupiscibilem, & irascibilem.

Affectus
cupiscibilis.

totidem circa malum illi oppositum. Nimirum amor, seu complacentia circa bonum illud simpliciter spectatur: desiderium circa idem, si est absens: & gaudium, si est praesens. Odium vero versatur circa malum oppositum, simpliciter spectatum: & timor circa illud idem, si est futurum: & tristitia, si est praesens. Qui omnes affectus sunt inter se connexi, & unus ex alio sequitur. Nam ex amore, & complacentia boni, oritur illius desiderium, si est absens: & gaudium de eodem, quando est praesens. Est enim gaudium suavis quies voluntatis in bono amato & desiderato, iam obtento. Item, ex amore & complacentia boni, sequitur odium & displicentia circa malum oppositum. Et ex odio timor, si malum apprehenditur ut futurum & imminens: & dolor si est praesens.

Affectus
irascibilis.

In appetitu autem irascibili ponuntur quinque motus circa bonum, & malum arduum, id est, quod non nisi difficulter obtineri; aut vitari, vel expelli potest. Nimirum Spes, id est erectio animi, & confidentia voluntatis circa bonum arduum, tanquam possibile obtineri viribus propriis, aut ope alterius, cuius auxilio innititur. Desperatio, id est, abiectio animi, & diffidentia circa idem bonum tanquam impossibile obtineri, vel nimis difficile; abijciendo animum & desiderium prosequendi, propter difficultatem, aut impossibilitatem, veram, aut praesumptam. Audacia, id est, affectus generosus, & vehemens ad vincendas causas mali, vel impedimenta boni. Metus, id est, timor vehemens, & succumbens causis mali, vel impedimentis boni, velut insuperabilibus, & inevitabilibus: qui duo motus sunt inter se contrarii, æque ac duo priores. Et Ira denique, id est, cupiditas viciendi, aut leniendi suum dolorem, destruendo causas mali, vel impedimenta boni.

3.
Omnes
isti motus
sunt
indifferentes
de se.

Nota tertio, hos omnes motus appetitus esse de se indifferentes ad bonum, vel ad malum vsum. Possumus enim bene & convenienter recte rationi amare, & odire; desiderare, & timere; gaudere, & dolere; sperare, vel desperare, id est, abjicere animum circa aliquid ut impossibile, aut nimis difficile, & viribus nostris improportionatum: audere, & metuere; ac denique irasci. Possumus etiam vitiose & inordinate, contrarie recte rationem hæc omnia præstare. Nullus enim est illorum motuum, qui ex natura sua, vel ex modo tendendi in obiectum, sit determinatus ad vsum honestum. Imò natura corrupta plerumque nos inclinatur, & impellit ad malum vsum. Propter quam inclinationem corrigendam, & ad appetitum in officio, rectoque motuum suorum exercitio continendum, est opus virtutibus, & auxilijs gratiæ.

4.
Obiectum
eorum, &
modus
tendendi
differt.

Nota quarto, in omnibus eiusmodi motibus distinguendum esse id, in quod tendunt, velut in obiectum materiale, aut formale: & modum quo specialiter tendunt, causamque cur sic tendant. Exempli gratia: id quod desideramus, est aliquod bonum, sub tali ratione formalis amandi: puta quia est bonum Dei, vel bonum proximi, aut bonum nostrum, vel quia iustum, temperatum, &c. Causa vero cur desideremus

potius, quàm gaudeamus, est quia tale bonum est absens. Similiter, id quod speramus, id est, circa quod erigimur animo, & confidimus, est aliquod bonum: causa vero cur confidamus, est quia habemus vires idoneas, vel auxilium sufficiens ad illud, quamvis arduum, assequendum. Contrà vero: causa, cur desperemus, id est, cadamus animo circa idem bonum, est quia caremus viribus, vel auxilio sufficienti, quantum nobis esset opus ad superandam aut leniendam difficultatem assequendi. Sicut autem affectus illi sunt indifferentes de se, ut bene, vel malè exerceantur; & vel in hac materia & specie virtutis, vel in illa: quippe qui omnibus communes sunt: Ita & illi modi tendendi sunt pariter ad bonum & malum vsum indifferentes, & ad hæc vel illam materiam speciemque virtutis. Quilibet enim virtus desiderat bonum suum obiectum, si est absens; ideo quia est absens; & gaudet, si est praesens; idcirco quia praesens est: & sic de alijs. Et qui desiderant voluptatem illicitam, aut de illa gaudent; desiderant similiter, quia est absens, & gaudent quia est praesens; sperant, si habent vires sufficientes ad obtinendum: si contrà, desperant.

Nota quinto, non esse necessarium propter hanc multitudinem, & diversitatem affectuum distinguere realiter hos appetitus: præsertim in voluntate. Non esse, inquam, distinguendum realiter appetitum concupiscibilem ab irascibili, propter arduam, & vel plerique opinantur. Idem enim appetitus, qui fertur in bonum; valet contra arduam, modo se contra illam erigat, & generosè, intensè, vehementerque feratur in bonum. Potest autem vnus idemque appetitus ferri intensius, & remissius; præsertim si liber est: neque intensio & remissio variant speciem actus. Estque multò probabilius, & convenientius, ut idem appetitus, qui fertur desiderio circa bonum; erigat se, atque corroboret contra arduam illius assequendi, generoseque contra illam laetetur. Quæ erectio animi circa bonum arduum, dicitur Spes; & contra malum, Audacia. Desiderium quoque boni, quod tribuitur appetitui concupiscibili, dummodo sit vehemens, & generosum, valere potest ad eluctandam difficultatem illius assequendi, si superabilis videatur proprijs viribus, vel alieno auxilio, cui mens confusa, contra illam assurgat; quo modo dicitur sperare. Et timor vehemens valet ad superandam difficultatem, si contra illam sese attollit & corroboret, fretus proprijs viribus, vel alieno auxilio; per quod credit eundi posse: qui motus animi contra malum, vocatur audacia. Sicut enim amor vehemens est audax ad bonum arduum prosequendum; ita vehemens odium est audax ad vincendam difficultatem, quæ est in fuga alicuius mali. Circa malum vero præsens non est, nisi dolor maior, vel minor. Sed circa mali durationem potest esse timor audax: & contra mali causas, est ira, quæ est cupiditas viciendi, & destruendi causas mali, aut obices boni; oriturque ex vehementi amore boni, aut ingenti odio mali; vel ex speciali inclinatione leniendi suum

1.
Appetit-
us conc.
& irasc.
non dif-
ferunt
realiter.

dolorem, & molestiam circa causas mali, vel impedimenta boni, per eorum destructionem. Sed non debet idcirco pertinere ad potentiam realiter distinctam. Satiū enim est, vt eadem potentia appetitiua, quæ amat bonum, & odit malum; velit destruere causas mali, & impedimenta boni. Desperatio verò provenit ex eo, quòd difficultas atsequendi bonum, videatur insuperabilis, defectu virium sufficientium, vel alieni auxilij necessarii. Nam, vt ait D. Thomas 1. 2. quæst. 40. art. 4. ad 3. Desperatio importat quandam recessum à re desiderata, propter æstimationem impossibilitatem adipiscendi. Idemque de metu circa malum arduum dicendum est. Provenit enim ex eo, quòd difficultas illud euadendi videtur insuperabilis; atque ita metu concidit animus, propter arduam, & impossibilitatem. Quare nullus affectus tribuitur appetitui irascibili circa bonum, vel malum arduum, qui non iure conveniatur appetitui concupiscibili. Ita vt solum opus sit maiori vehementia, & conatu voluntatis circa bonum, vel malum arduum; aut diuerso tendendi modo. Idem autem appetitus, eademque virtus potest diuersis modis tendere in obiectum suum, & maiore, aut minore conatu, & vehementia. Neque propter conatum, & intensiorem mutat speciem virtutis, vel species actus circa idem obiectum; si nihil aliud sit, propter quod specie distinguantur.

6.
Eadem
virtus
versatur
circa bo-
num, &
malum
ipò op-
positum.

Nota sexto, virtutem quamlibet voluntatis, siue supernaturalis, siue etiam naturalem adæquatè sumptam versari circa bonum aliquod ex speciali quodam motivo; & circa malum illi oppositum: perferreque integrè voluntatem circa tale obiectum, non solum quoad vnum aut alterum affectum; sed quoad omnes actus, siue appetitus concupiscibilis, siue etiam irascibilis, qui conveniunt circa tale obiectum & motum exerceri possunt. Ex. gr. ad eandem virtutem Charitatis supernaturalis pertinet amare Deum propter se, & quicquid illi placet; detestarique oppositum, & de illo dolere in quantum Deo displicet: vt rectè docet S. Thom. 1. 2. q. 113. art. 5. ad 1. Vbi ait eiusdem esse Charitatis velle bonum Dei, & auersari malum illi contrarium. Et iustitia, tam generaliter sumpta pro quacunque virtute, aut pro omnium virtutum complexione; quam particulariter pro illa, quæ peculiariter iustitia vocatur, vna de quatuor Cardinalibus, & præcipua inter morales: omnis inquam iustitia duabus constat partibus, quarum vna est, declinare à malo: & altera, facere bonum: vt docet idem S. Doctor 2. 2. q. 79. art. 1. c. Nimirum quia sicut eiusdem est potentie motiue recedere à termino à quo, & accedere ad terminum ad quem: prosequi vitia, & fugere noxia; & vna eademque potentia appetitiua fertur in bonum prosequitiue, detestaturque, & odit malum oppositum: Sic quilibet virtus quæ potentiam appetitiuam perficit, tendit primò in aliquod bonum honestum, eiusque amore odit & detestatur oppositum. Ex amore autem illius boni sequitur naturaliter eiusdem desiderium, si est abfens: & gaudium, si est præfens. Itaque ex odio mali oppositi, sequi-

Et exer-
cet om-
nes af-
fectus su-
periores

tur naturaliter amor, si est futurum: & tristitia, si præfens est. Qui omnes actus sunt convenientes tali obiecto, & motui formali, sub quo virtus in illud tendit. Quare illi omnes affectus appetitus concupiscibilis ad eandem virtutem pertinent, instruunt perfectè voluntatem circa suum obiectum. Ad alios verò actus, qui tribuuntur appetitui irascibili, exercendos circa idem bonum, & malum, si est arduum, est tantum opus intensiōe, & maiori conatu, vt supra diximus. Potest autem eadem virtus valere ad actus intensos. Nam intensio graduum qualitatis non variat speciem, sicut nec extensio partium quantitatis. Hinc collige actum amoris non conuenire soli Charitati, quæ ab illo nomen accepit: Neque actum sperandi, soli virtuti Spei: neque actum audendi generosè, soli virtuti Fortitudinis: sed vnamquamque virtutem valere ad hos actus, & ad quoscunque alios, qui conueniunt circa suum obiectum exerceri possunt ex motiuo formali, sub quo in illud tendit.

Nota septimò, differentiam esse inter virtutes voluntatis naturales, & supernaturales: quòd habitus virtutis naturalis, siue acquisitus, non est vna, simplex qualitas valens ad omnes actus convenientes suo obiecto: sed collectio multorum habituum partialium, & constitutionem vnum totalem per quandam coordinationem, & ordinem ad vnum obiectum adæquatam virtutis. Cum enim illi habitus pariantur per actus, sintque illis commensuri & proportionati: neque excedant vim suæ causæ: & multi actus realiter, ac specificè diuersi, exerceantur circa obiectum eiusdem virtutis: hinc est quòd etiam multi, & diuersi specie gignuntur habitus inclinantes, & faciliantes ad exercendos similes actus. At verò habitus cuiuslibet virtutis supernaturalis integrè sumptæ, & adæquatæ, est vnus realiter, valens ad omnes illius actus. Quippe qui non generatur Physice per actus: sed à Deo infunditur: neque dat solum facillè posse; sed posse simpliciter operari actus supernaturales: Estque similis potentie naturali, tum in eo quòd dat posse simpliciter: tum etiam in eo, quòd idem realiter, & indiuisibiliter valet ad plurimos actus specie diuersos: tot scilicet, quot honestè exerceri possunt circa obiectum adæquatam talis virtutis: sicut idem intellectus v. g. valet ad omnes actus intelligendi: & eadem voluntas ad omnes actus volendi, aut nolendi: & eadem potentia visiva, vel auditiva, ad omnes actus videndi, vel audiendi. Similique modo vnus & idem realiter habitus fidei supernaturalis valet ad omnes actus fidei, & ad omnia obiecta sufficientia à Deo reuelata: habitus verò fidei acquisitus, & scientie naturales adæquatæ sumptæ, non sunt vnus simplex habitus, sed multorum collectio: vt docent qui melius philosophantur.

Secus au-
tem su-
pernatu-
ralis.

Nota vltimò, quando de obiecto formali alicuius virtutis disputatur, loquendo de virtutibus voluntatis, sensum questionis esse: Quenam sit ratio boni, quam virtus illa ratione suipsius vult, & propter quam vult quidquid illi subijcitur, detestaturque oppositum: id est, quanam sit ratio boni, quam virtus illa

8.
Obiectū
formale
virtutis
quodam-
modo
est!

propter seipsam amat; & desiderat obtinere, si abest; & sperat, erigiturque animo circa illam, si potest obtinere; & audet contra difficultates, vel pericula; & ita scit contra impedimenta; & gaudet, si obtineat. Non est autem sensus questionis, quâ de causa hunc potius affectum voluntatis, quàm illum exerceat circa obiectum: id est, cur potius desideret, quàm gaudeat; speret potius, quàm desperet illud assequi; & audeat potius, quàm metuat circa illius prosequendi difficultates, labores, & pericula. Quæ causa, cùm sit communis omnibus illis affectibus, in quacunque specie virtutis, aut vitij exerceantur; non potest esse obiectum formale, & specificarium alicuius virtutis, sub eadem ratione quâ communis est omnibus: id est, nisi sub speciali quadam consideratione attingatur, & ad talem virtutem, tanquam proprium illius motivum, restringatur.

SECTION II.

Quid sit Spes Theologica?

^{9.} **S**pei nomen variè sumitur. Primò pro actu intellectus, quo existimamus aliquid even-
turum esse. Quo sensu Clemens Alexandr.
lib. 2. Strogmat. initio, dicit Spem esse expectationem boni accipiendi. Expectationem verò ait esse firmam apprehensionem, quod nimirum aliquid euenturum sit. Secundò, pro affectu appetitus circa id quod expectatur, sue bonum, sue malum: quo sensu Poëta 4. *Aeneidos*,

*Hunc ego si potui tantum sperare dolorem;
Et perferre, foror, potero.*

Tertiò frequentius, & magis propriè, sumitur pro erectione animi, & affectu generoso circa bonum arduum, & difficile obtentu: quo sensu Spes dicitur esse affectus appetitus irascibilis: iuxta divisionem supra traditam num. 2. Quartò denique usurpatur pro secunda virtute Theologica, de qua in præsentī tractatu Sermo est, & de qua loquitur Apostolus 1. Cor. 13. ver. ult. cùm sic ait: *Nunc autem manent Fides, Spes, Caritas, tria hæc: maior autem bonum est Caritas.* Et Rom. 8. *Spe salvi facti sumus.* Sicut autem fidei nomen, quamvis propriè virtutem ipsam significet, extenditur tamen metaphoricè ad ipsius obiectum, ut suo loco notauimus: Ita nomen Spei aliquando tribuitur eius obiecto: ut Rom. 8. *Spes quæ videtur, non est Spes.* Et Tit. 3. *Expectantes beatam Spem, & aduentum gloriæ magni Dei.* Dicitur etiam interdum de illo, in quem speramus, id est, cuius auxilio confidimus nos assecuturos esse id, quod desideramus: ut Psal. 60. *Falsus est Spes mea, turris fortitudinis à facie inimici.* Et Ieremias 17. ver. 17. *Spes mea tu in die afflictionis:* qui loquendi modus in familiari sermone vltimissimus est.

^{10.} His præmissis de nomine, ut ad rem veniamus: Dico primò Spem Christianam & diui-

nam, de qua nunc disputamus, esse veram & Spes esse propriè dictam virtutem: vnamque ex illis, ^{vera virtus} quæ Theologicæ appellantur, eò quod circa Deum ut obiectum suum immediatè versentur. Ratio primæ partis est, quia Spes versatur conuenienter circa obiectum suum, & conformiter ad Regulam rectæ rationis. Siue enim illius obiectum sit diuina omnipotentia, & misericordia, cuius ope, & promissione freti speramus bona supernaturalia, id est, erigimur animo, & fiduciam concipimus illa assequendi, contempta nostra infirmitate præ Dei omnipotentia operi suam misericorditer promittentis; atque ad illa profectura excitamur, fugiendæque mala illis opposita: siue sint ipsa bona supernaturalia, quæ speramus, id est, desideramus assequi; præcipueque Deus ipse, ut nostrum summum bonum, & beatitudo obiectiua: rectæ rationi conueniens est inniti Dei ope misericorditer oblata ad tantum bonum assequendum: proptèrque illam animo erigi, & audere, nostramque infirmitatem præ Dei ope despiciere sicut rectæ rationi conueniens est, pertinetque ad honestatem fidei Theologicæ, inniri Dei reuelaptis veracitati, & præ illius reuerentia, & autoritate, contemnere difficultates quæ in credendo possunt occurrere, captiuando generosè intellectum in obsequium fidei. Sicut etiam rectæ rationi conuenit, pertinetque ad honestatem fortitudinis, erigi animo contra pericula, & audere moderatè: neque nimium cedendo timori periculorum, per pusillanimitatem; neque etiam nimis de suis viribus præsumendo, per audaciam vitiosam, seu temeritatem. Conuenit etiam rectæ rationi desiderare assequi bona supernaturalia nobis à Deo proposita, & conari efficaciter ad illa obtinenda cum Dei ope: præcipueque Deum ipsum, summum nostrum bonum, & summo amore dignissimum. Quod adeo per se notum est, ut superuacaneum foret in eo probando diutius immorari.

Neque video quo iure Durandus in 3. dist. 26. quæst. 1. num. 7. dicere potuerit Spem non Refectur esse virtutem, nisi largo modo sumptam. Cùm ^{11.} ad virtutem propriè, & strictè acceptam nihil aliud requiratur ex Aristotele 2. Ethic. cap. 6. nisi fit habitus cum recta ratione electiuis: quod Spei diuinæ & Christianæ conuenire manifestum est. Neque ipsæ quicquam in contrarium assert magni momenti. Nam quod alibi ait, virtutem, ex eodem Philosopho, esse dispositionem perfecti ad optimum: Spes autem, cùm versetur circa bonum arduum, absens, & nondum possessum, non est dispositio perfecti ad optimum: ut neque fides, quæ versatur circa Deum obscuro tantummodo cognitur: Hoc, inquam, nullius est momenti. Sensus enim Aristotelis est, quod virtus sit dispositio perfecti, id est, partis animæ rationalis, ad optimum, id est, ad honestum, quod est optimum è tribus bonorum generibus, quia est melius vtili, & iucundo. Sic autem Spes, & Fides disponunt ad optimum, id est, ad actum honestum & conuenientem rectæ rationi; quamvis non disponant ad actum perfectissimum, qui circa obiectum illarum dari potest. Præ-
terquam

terquam quòd Spes valet etiam ad actus perfectos, & beatificos circa Deum clarè visum & possessum, vt proprium bonum sperantis; sicut dicemus alibi.

12. ^{Est virtus Theologica.} Secunda pars conclusionis, quòd nimirum Spes sit virtus Theologica, probatur, quia habet ipsam Deum pro obiecto formali, & immediato, saltem principali: vel tanquam id, quod præcipuè speramus, & desideramus assequi: vel tanquam id, à quo speramus, & cuius ope inixi confidimus. Nam illud quod speramus, sed desideramus assequi, est præcipuè Deus ipse, qui seipsum clarè videndum, & fruendum proposuit, estque futurus obiectum formalis nostræ beatitudinis: iuxta illud Genes. 15. *Noli timere Abram, ego protektor tuus sum*, in quem speras: & merces tua magna nimis, quam speras. Illud etiam, cuius ope inixi speramus, id est, erigimur animo, & fiduciam habemus adipiscendi bona supernaturalia, licet viribus nostris naturalibus improporcionata, est præcipuè Deus: cuius benignitas, & misericordia, tanta nobis bona proponit: omnipotentia verò iuvat, & suppediat media, quibus omnino futurum est vt illa consequamur, si velimus cooperari. Quare iuxta quancunque sententiam Theologorum de obiecto formali Spei (quorum aliqui primum, alij secundum, alij vtrumque coniunctim illi assignant) negari non potest illam esse virtutem Theologicam. Vera verò sententia probabilior sit, dicemus infra Sect. 6.

13. ^{Quo respectu id ei conueniat?} Notandum autem est discrimen inter has tres sententias. Quia iuxta primam, dicendum est Spem esse virtutem Theologicam, non ex eo præcisè, quòd Dei ope nitatur (quod commune esse potest fortitudini, & alijs virtutibus non Theologicis; quodque in obiecto Spei materialiter se habet, iuxta illam sententiam) sed ex eo quòd tendit in Deum formaliter, vt nostrum summum bonum, illudque amat, & desiderat, prout est tale; atque alijs modis conuenienter circa illud bene afficitur. Quemadmodum Charitas est virtus Theologica, ex eo quòd formaliter & immediatè attingit Deum, vt motiuum amandi, ratione suæ summæ bonitatis propter se amabilis. Iuxta secundam verò sententiam, Spes non ideo est virtus Theologica, quia versatur circa Deum, vt circa obiectum, & bonum quod speramus (hoc enim vult esse purè materiale in obiecto Spei: virtutes autem non dicuntur Theologicæ, ex obiecto materiali, sed ex formali, seu motiuo, si pro illo Deum ipsum habent) sed quia versatur circa Deum, vt illum à quo speramus, & cuius potentie, & bonitati inixi confidimus. Quemadmodum fides, quæ pro obiecto formali habet Deum reuelantem, non dicitur diuina, & Theologica ex eo dumtaxat quòd credimus Deum: sed ex eo quòd credimus Deo dicenti hoc aut illud. Quare si speraremus consequi Dei visionem, & beatitudinem ab aliquo homine, qui eam posset nobis dare: non diceretur Spes Theologica & diuina, sed humana: quia non Deo, sed homini inmitteretur ad obtinendum ipsum Deum. Veluti si quis credat Deum, & diuina mysteria, quia homo

aliquis dicit; non est diuina fides, sed humana. Iuxta tertiam denique sententiam, quam probabiliorē esse affirmant aliqui recentiores, & ego alijs præferendam existimo, dicendum est Spem esse virtutem Theologicam ex vtroque respectu, & ea omni consideratione, quā Deum attingit immediatè vt motiuum, & obiectum formale. Quemadmodum enim, vt Charitas dicatur diuina & Theologica, sufficit quòd attingat Deum immediatè vt motiuum amandi ratione suæ summæ bonitatis propter se amabilis: sic vt Spes dicatur Theologica, sufficit quòd feratur immediatè in Deum, vt bonum nostrum, amando illum & desiderando, vt talem. Quare non est solum Theologica per respectum ad Deum, velut ad id, à quo speramus: vt vult secunda sententia: sed etiam per respectum ad eundem, veluti obiectum quod speramus, amabile tanquam bonum nostrum.

Ad argumentum verò allatum in contrarium, respondeo disparē esse rationem de Fide, & Spe. Nam totum obiectum formale & motiuum fidei est testimonium & veracitas dictis. Quare in eo casu, quo credere Deum & mysteria fidei, eo quòd homo aliter dicit; motiuum esset purè humanum. At Spes habet pro motiuo & obiecto formali, non solum id à quo quispiam aliquid sperat, & cuius ope fretus erigitur animo, & audet, atque confidit: verum etiam bonum ipsum quod sperat, & cuius bonitate, ac suauitate ad illud desiderandum, & consequendum allicitur, vt ostendimus Sectione sequenti.

Dico secundo, Spem non esse virtutem intellectus, sed voluntatis, distinctam realiter à Fide, & à Charitate. Hæc conclusio est contra nonnullos huius temporis Hæreticos, qui Spem cum fide confundunt, & in intellectu constituent: nihilque aliud illam esse volunt, quam certam & firmam persuasionem futuræ salutis iuxta illud Apostoli Rom. 8. *Certe sum quia neque mors, neque vita, &c. Græce conueniens, id est, persuasus sum, vel confido*, vt vertunt Ambrosius ibid. & Hieron. Epist. 151. ad Algasiam, quæst. 9. Et Rom. 4. postquam dixit Apostolus v. 3. *Credidit Abraham Deo, & reputatum est illi ad iustitiam*: subiungit paulo post, v. 18. *Qui contra Spem, in Spem credidit*: id est, credidit contra quam naturaliter credere debebat, fore vt filius sibi iam seni, de Sara sterili vetulaque nasceretur, sicut Deus promiserat: nam attentis viribus naturalibus id expectandum, & credendum non erat. Confirmatur, quia desperatio non est affectus voluntatis contra beatitudinem, quo habeatur odio, aut respuatur: potest enim intensè amari ab eo, qui desperat se posse illam assequi: sed est iudicium de impossibilitate illam consequendi, ob nimiam difficultatem: aut firma persuasio, quòd propter arduitatem non sumus eam consequuturi: quod iudicium potest stare cum amore, & desiderio intenso beatitudinis, vehementique dolore de illius carentiâ. Ergo ex opposito Spes non est amor, aut desiderium beatitudinis: sed iudicium firmum de futura illius adeptione.

Sed hic error manifestè repugnat Apostolo

16. Dd

Contra-
rius error
repatnat
Script. &
Patrib.

1. Cor. 13. ver. ult. ubi Spem à fide distinguere, cum sic ait: *Nunc autem manent Fides, Spes, Charitas, tria hæc; maior autem horum est Charitas.* Neque enim tria essent, si non distinguerentur. Et Hebr. 11. ver. 1. affirmat fidem esse *substantiam rerum sperandarum*, Græcè *ὄψιν*, id est, basim, & fundamentum Spei: ideo enim speramus bona supernaturalia consequi, licet viribus nostris naturalibus disproportionata, quia fides nobis illa proponit tanquam per Dei gratiam possibile, certoque ab illo promissa. Est autem manifestum basim & fundamentum distinguere ab eo, cuius basis & fundamentum est. Similique modo Sancti Patres illas virtutes distinguunt: ut Origenes, in cap. 4. Epistolæ ad Romanos, ubi salutis nostræ initium & fundamentum dicitur esse fidem, profectum verò Spem, culmen denique & perfectionem esse Charitatem. Et Augustinus in Enchirid. cap. 8. ubi affirmat Fidem, & Spem non tantum vocabulo, sed & rationali differentia, id est, re ipsa per voces significatâ distinguere. Quod probat ibidem ex multiplici discrimine inter obiecta utriusque virtutis. Tridentinum quoque Sess. 6. cap. 6. eandem distinctionem supponit, quando enumerans actus quibus disponimur ad iustificationem, affirmat nos à fide incipere, credendo vera esse quæ divinitus revelata, & promissa sunt; speciatimque Deum nobis per Christum propitium fore, & locum esse reconciliationi. Tum ex illa consideratione diuinæ misericordie, erigi in Spem & fiduciam obtinendi reconciliationem. Quæ fiducia, & animi erectio, est robur quoddam virale voluntatis circa rem desideratam, ut sibi possibilem; & affectus generosus, non cedens rei difficultati, neque nimium timens de imbecillitate virium naturalium; sed contra illam sese erigens, iuvando fidelitatem, & omnipotentiam Dei suum auxilium pollicentis.

17.
Probatur
ratione.

Confirmatur primo, quia Spes, secundum omnes Philosophos morales, si propriè & strictè sumatur, non est actus intellectus (ut fides) sed appetitus irascibilis generosè assurgens contra arduitate boni; contrarièque opponitur desperationi, & nimio timoti difficultatis, velut insuperabilis. Scriptura verò, quando loquitur de Spe, loquitur sine dubio accommodatè ad sensum inter homines visitatum. Ergo loquitur de aliquo affectu supernaturali voluntatis, simili illi affectui naturali, qui à Sapientibus vocatur Spes. Cumque contraria pertineant ad idem subiectum, ut ait Philosophus in Categor. cap. de oppositis: sicut nimius timor pertinet ad voluntatem; ita & Spes. Confirmatur secundò, quia ultra certam persuasionem intellectus (quæ ad fidem pertinet) circa beatitudinem, & alia bona supernaturalia, nobis à Deo revelata, & proposita, ut illa prosequamur; debet esse conveniens affectus voluntatis innitentis Dei omnipotentie, & promissioni; aspirantisque generosè ad eandem bona, ut sibi possibile per auxilium divinum; qui affectus pertinet ad Spem, estque necessarius ad efficaciam eorumdem bonorum prosecutionem. Debet etiam voluntas concipere amorem, & desiderium efficax eorumdem bo-

norum: quod desiderium ad eandem virtutem pertinet, ut patet ex dictis Sect. præcedenti. Ergo ut affectu convenienti, & proportionato fidei, & tali obiecto id faciamus, necessarium est ultra virtutem fidei infundi nobis virtutem supernaturalem Spem.

Ad primum fundamentum erroris contrarij respondeo, firmam illam, & certam persuasionem futuræ salutis, vel esse conditionatam, si nimirum ex parte nostra ea præstemus, quæ Deus requirit ut saluemur: vel esse absolutam, id est, quod re ipsa saluabimur. Si primum: illa persuasio pertinet ad fidem Theologicam, quæ firmiter credimus Deum esse veracem, & fidelem ad præstandum quicquid promissit: sed ultra illam requiritur conveniens affectus voluntatis circa salutem nobis propositam; & animi fiducia circa Dei potentiam, & misericordiam tantum bonum promittentis, & auxilium necessarium ad illud consequendum. Si verò secundum dicatur, quod nimirum illa persuasio sit absoluta: non est fides diuina (si desit revelatio specialis huius rei) neque alia virtus Theologica; sed humana persuasio, falsitatis exposita, & ad summum moraliter tantum in aliquibus certa; ut alibi offendimus, tom. 2. Disput. 43. Sect. 1. & 2.

Paulus autem Roman. 8. cum ait, *Certe sum, &c.* potest intelligi vel de certa persuasionem conditionatam solum, & fundatam in promissione & revelatione Dei generali, quod non esset per ullam creaturam potentiam separandus à Deo, nisi ipse vellet liberè separari: aut etiam de persuasionem absolutam, fundatam in speciali revelatione sibi facta, quod nunquam esset re ipsa separandus à Charitate Dei: quæ veraque persuasio ad fidem Theologicam pertinet. Vel etiam potest intelligi de generoso affectu voluntatis ad adherendum Deo, non obstantibus quibuscunque difficultatibus; simili modo, quo miles generosus, urbem aliquam inuasurus, Imperatori suo diceret: Certe sum quod hodie me aut victorem, aut mortuum videbis: nihil enim me vinum rememorabitur ab urbe ingressi: id est, paratus sum secundum præsentem affectum mori potius, quam cedere difficultati. Vel denique potest intelligi de morali certitudine, & persuasionem, fundatâ partim in affectu præsentis generoso, partim in experientia vitæ antea, & abundantia auxiliorum divinorum, quorum ope confusus dicebat alibi: *Omnia possum in eo, qui me confortat.* Quocunque autem ex his modis intelligatur Apostolus, nullus eorum probat fidem non distinguere à Spe, aut Spem non esse affectum voluntatis.

Ad secundum respondeo, illud eiusdem Apostoli Rom. 4. *Qui contra Spem, in Spem cre- didit*, nihil aliud sibi velle, quam Abrahamum innoxium diuinæ veracitati, & fidelitati, credidisse futurum, & sperasse id, quod secundum humanam apparentiam, & vires naturales credere, & sperare non poterat. Credidisse, inquam, diuinæ promissioni, & in certa illius persuasionem fundasse Spem suam: non obstante difficultate sperandi fore rem adeo difficilem, & contra Spem quæ in solis viribus naturalibus,

18.
Spes non
est per-
sualio.

19.
Exponi-
tur illud
Apost.
Certe sum
quia me-
re mori
Certe.

20.
Et illud,
Qui con-
tra Spem,
in Spem
credidit.

& naturali cognitione fundari poterat. Sed non significat Abrahama eodem actu credidisse, & sperasse: aut idem in illo fuisse sperare, & credere, vt volunt aduersarij.

21.
Desperatio quid sit?

Ad tertium dico, desperationem propriè dictam esse animi deiectionem circa bonum arduum, propter difficultatem illius assequendi, diffidendo suis viribus, vel auxilijs ad assequendum necessarijs: quæ animi deiectione est actus voluntatis: æquè ac metus, id est, timor mali ardui tanquam inuitabilis. Et quidem nullus est moralium Philosophorum, qui non dicat desperationem, & metum esse affectum appetitus irascibilis: æquè ac iram, & audaciam circa impedimenta boni, vel causas mali. Nec obest quod, vt aliquem abducamus à desperatione, solemus illi possibilitatem boni proponere. Hoc enim fit, non ideo quia Spes consistit in illa persuasionem: sed ideo quia huiusmodi persuasio inuadit voluntatem vt erigat sese, & audeat, neque patiatur se vinci difficultate, aut cadere animo propter malè præsumptam impossibilitatem, aut nimiam difficultatem.

22.
Desolatio Spei Theologice.

Dico tertio, Spem Theologicam esse virtutem, quæ voluntas, innixa Dei potentie, & misericordie, sese erigit circa bonum arduum, tanquam sibi possibile per auxilium Dei: illudque generose desiderat tanquam proprium sperantis bonum, vel ad ipsum aliquo modo pertinens, atque alijs modis conuenienter circa illud quæ tale afficitur, & circa malum oppositum; præcipuèque circa Deum ipsum, vt summum bonum sperantis; & circa totam beatitudinem supernaturalem, eiusque causas, & media; nec non circa illorum opposita. Hæc assertio, quæ assignat propriam rationem Spei Theologicæ; & differentiam ab alijs virtutibus, per obiectum ipsius proprium, modumque ad illud tendendi, maiori eget explicatione, quam duæ præcedentes; quæ sequentibus Sectionibus exhibebitur.

SECTIO III.

Quodnam sit obiectum formale virtutis Spei?

23.
Virtus sententiæ.

Proponitur prima.

Deus est obiectum Spei, vt amabilis amoris cōcupiscentie.

Hæc de re quatuor sunt Theologorum sententiæ. Prima est eorum, qui volunt Deum vt summum bonum nostrum, & alia bona supernaturalia sperantis, considerata prout sunt ipsius bona, vel ad ipsum aliquo modo pertinentia, eorumque opposita, esse obiectum adæquatam Spei Theologicæ. In quo obiecto materiale est Deus, & alia bona supernaturalia, circa quæ Spes versatur persecutiue; & mala ipsi opposita, contra quæ tendit auersatiue: formale verò, seu motiuum, sub quo tendit, est quod hæc bona, vel mala spectentur vt propria ipsius sperantis, in ordine ad affectum qui dicitur concupiscentiæ. Prima pars huius sententiæ, quod Deus sit obiectum Spei, est communis omnium Theolog. & speciatim D. Thomæ quæst. 17. art. 2. & 3. vbi affirmat Deum esse principale obiectum Spei. Ratio est primò, quia Spes est virtus Theologica. Ergo

debet habere Deum pro obiecto, & quidem primario & principali; atque etiam formali & motiuo. Secundò, Deus per fidem nobis proponitur amandus non solum propter se, vt summè bonus in seipso, & ratione sui; sed etiam vt summum bonum nostrum, fruendum per beatitudinem, & consequendum per media ab ipso constituta. Ergo præter Charitatem, quæ Deum amat propter se, debet dari alia virtus, quæ illum amet vt bonum nostrum, ad illumque tendat vt finem nostrum vltimum, & secundum alias rationes, secundum quas ad nos quodammodo pertinet, & bonum nostrum supernaturale est. Est autem huiusmodi non tantum quatenus est principium nostrum, & causa efficiens nostræ formalis beatitudinis; & adiutor, cuius ope per media ab ipso constituta ad illam tendimus, & auctor gratiæ, aliorumque mediorum salutis: verum etiam prout est finis noster vltimus, & obiectum nostræ formalis beatitudinis, per seipsum nos beatus, & appetitum nostrum seipso implens & satians.

Secunda pars, de alijs bonis supernaturalibus, & eorum oppositis, probatur quia eiusdem est virtutis tendere in finem, & in media necessaria. Deinde, alia quoque bona supernaturalia sunt digna amore conuenienti, & proportionato. Inter illa verò bona quædam sunt nobis intrinseca, vt gratia, & gloria; quædam extrinseca, vt merita Christi, Sacramenta, & alia media externa. Item, quædam sunt in seipsis supernaturalia: quædam respectiue tantum, & per ordinem ad aliud: vt sunt ea omnia, quæ ad finem supernaturalem conducunt, secundum illum respectum considerata, licet in seipsis naturalia sint. Et quia eiusdem est virtutis prosequi bonum, & auersari malum oppositum, iuxta ea quæ diximus num. 6. idcirco Spes quæ versatur persecutiue circa bonum supernaturale sperantis, tendit etiam auersatiue contra ipsius oppositum. Duplex autem est generatim illud malum. Vnum est extremum: nempe æterna damnatio, beatitudini opposita. Aliud, medium, aut non extremum: cuiusmodi sunt peccata, & peccandi occasiones, priuatio gratiæ, & similia, quæ ad æternam damnationem disponent. Deo quidem summo bono nihil respondet veluti summum malum obiectiuum, ipsi directè & perfectè contrarium: sed formali beatitudini opponitur extrema miseria: & alijs bonis supernaturalibus opponuntur alia mala, priuatiue, aut contrariè repugnantia.

Tertia pars eiusdem sententiæ, quod scilicet hæc omnia cadant sub Spem prout sunt bona vel mala sperantis, ipsi commoda, vel incommoda, in ordine ad affectum, qui dicitur concupiscentiæ, est D. Thomæ quæst. 17. art. 3. Vbi affirmat Spem directè respicere proprium bonum, non autem quod ad alium pertinet. Eademque de causa negat ibidem, posse aliquem sperare alteri beatitudinem æternam, nisi tanquam sibi coniuncto. Et art. 8. eiusdem quæst. dicit Spem esse amorem imperfectum (id est, imperfectiorem amore Charitatis) quia ille qui sperat, aliquid sibi obtinere intendit. Indèque infert Spem esse priorem Cha-

24.
Et alia bona ipsius sperantis (superbia).

25.
Spes est affectus amoris cōcupiscentie.

ritate, secundum ordinem generationis: quia natura, seu generationis ordo est, ab imperfectis progredi ad perfectiora. Verba D. Thomæ art. cit. in corp. hæc sunt: *Duplex est ordo: unus quidem secundum viam generationis & naturæ: secundum quem imperfectum est prius perfectio. Alius autem ordo est perfectionis & formæ, secundum quem perfectum naturaliter prius est imperfecto. Secundum ergo primum ordinem Spes est prior Charitate: quia Spes, & omnis motus appetitus ex amore derivatur. Amor autem quidem est perfectus, quidem imperfectus. Perfectus quidem amor est, quo aliquid secundum se amatur: ut puta, cum aliquis secundum se vult alicui bonum, sicut homo amat amicum. Imperfectus amor est, quo amat aliquid non secundum ipsum, sed ut illud bonum sibi ipsi proveniat: sicut homo amat rem quam concupiscit. Primus autem amor pertinet ad Charitatem, quæ inhaeret Deo secundum seipsum. Sed spes pertinet ad secundum amorem: quia ille qui sperat, aliquid sibi obtinere intendit. Et ideo in via generationis Spes est prior Charitate.* Hucque D. Thomas.

Eadem est sententia Caietani ad art. 5. eiusdem questionis 17. Scoti in 3. dist. 16. §. *Hæc est igitur prima conclusio*, Gabr. dist. 16. quæst. unica, lit. M. Almaini in Moral. tract. 2. cap. 7. Suaris Disp. 1. de Spe, Sect. 3. num. 4. Agidij Coninck disp. 19. dub. 2. num. 26. & dub. 4. num. 52. aliorumque recentiorum. Ratio illius est, quia duæ sunt in nobis naturaliter inclinationes; nempe ad bonum proprium, & ad bonum aliorum. Hic amor dicitur amicitiae; Ille concupiscentiae. Sicut autem Deus intellectum perficit per fidem in ordine ad obiectum utroque modo amabile: ita & voluntatem in ordine ad utrumque amorem. Posterioriorem quidem, per Charitatem, quæ Deum, & proximum diligimus propter se: & quæ sunt bona ipsorum, ut talia: priorem autem, per Spem, quæ nobis ipsis bene volumus, & bona nostra supernaturalia diligimus, ut nostra sunt; detestamurque opposita, ut talia.

Confirmatur: quia Spes non versatur circa Deum, vi generose amandum ratione sui: nam hoc est proprium Charitatis. Quocirca superest ut Spes tendat in Deum, tanquam in bonum supernaturale ipsius sperantis. Deus enim in Scripturis, & in divina revelatione proponitur ut merces, & ut nostra beatitudo: quo modo dicitur bonum acquirantis. Sed in Deum iuxta illam considerationem non tendit Charitas, quæ non est mercenaria, nec querit quæ sua sunt: ut dicitur 1. Corint. 13. Superest ergo ut alia sit virtus, quæ in Deum ut mercedem, & ut bonum nostrum tendat: quæ virtus appellatur Spes. Ac sicut in Deum tendit formaliter ut bonum nostrum est: sic & in alia bona supernaturalia, eorumque opposita, tendit ut nostra sunt, & propterea sunt termini affectus concupiscentiae.

Pro quo nota affectum concupiscentiae sumi tripliciter. Primo, pro vitioso affectu circa propria delectabilia, vel vtilia: ut circa sensibiles voluptates, divitias, honores, &c. Se-

cundo, pro amore eius, quod alicui volumus. Idem enim amor, quo bonum alicui expetitur, vocatur amor concupiscentiae respectu eius quod expetitur: & amor amicitiae respectu eius, cui expetitur, ut docent S. Thom. 1. 2. quæst. 26. art. 4. & alij communiter. Tertiò, specialiter amor concupiscentiae dicitur, quo aliquis sibi vult bonum. Alius enim est amor, quo aliquis sibi amat: & alius, quo amat alteri. Quorum prior adhuc specialius vocatur amor concupiscentiae: & posterior vocatur amor amicitiae. Quam distinctionem insinuat D. Thomas 1. 2. quæst. 26. art. 4. ad 1. his verbis: *Ille propriè dicitur amicus, cui aliquod bonum volumus. Illud autem dicimus concupiscere, quod volumus nobis.* Iuxta hanc tertiam acceptionem sumitur in præsentia affectus concupiscentiae, quando dicitur esse proprius Spei; quia versatur circa proprium bonum sperantis, ut tale; vel circa malum, propterea ipsum malum est.

Aliter de illa distinctione Philosophatur Agid. Coninck disp. 19. dub. 1. num. 13. affirmans amorem amicitiae per hoc propriè & generatim differre ab amore concupiscentiae: quod hic pro ultimo suo obiecto formali habeat bonitatem rei concupiscit; ille verò, bonitatem, seu dignitatem personæ amare, suæ, cui bonum volumus. Et superius num. 6. ait nos longè alia ratione amare alios, quam nos ipsos. Nunquam enim alios verè amamus, nisi prius in eis apprehendamus bonum aliquod amabile. Ut autem nos ipsos amemus, naturaliter omnino inclinamur: ita ut non sit opus ut in nobis apprehendamus aliquod eiusmodi bonum, ut reddamur nobis amabiles; sed sine eiusmodi consideratione, naturali impetu ferimur in amorem nostrum, omne bonum nobis optando, præcisè quia nobis bonum est. Hæc ille.

Contra quæ oppono primò, non posse voluntatem amare aliquid, nisi sub aliqua ratione boni: quia bonum est obiectum adæquatam amoris: sicut & malum odij. Ergo non possumus amare nos ipsos, nisi sub aliqua ratione boni. Cumque amor elicitur supponat cognitionem obiecti; debet necessariò talem amorem præcedere apprehensio aliqua boni, propter quam simus nobis ipsis amabiles. Secundo, hinc sequitur in amore concupiscentiae, quo bonum nobis volumus, non tantum amari bonum ipsum, quod volumus: sed & nos ipsos, quibus volumus. Tertiò, sequitur ultimum obiectum formale huius amoris non esse bonitatem rei concupiscit, secundum se, quæ ut sic est indifferens ut diversimodè ametur, per Spem, aut per Charitatem, aliasque virtutes: sed bonitatem rei ut nobis commodam, suæ ut nos bene afficientem; quæ est ultima ratio, propter quam nobis eam volumus, & sine qua non volumus; ideo enim multa sunt in se bona & excellentia, quæ nobis non appetimus, quia non apprehendimus illa esse nobis commoda, & proportionata; ut Regiam dignitatem, vel Pontificiam.



28. Quomodo differt ab amicitiae?

30. Refertur prædicta distinctio.

26. Nō amicitia, ut Charitas.

27. Amor concupiscentiae triplex est.

SECTIO IV.

Refertur secunda sententia de obiecto
formali Spei Theologica.

30.
Altera
sententia,
omnipo-
tentiam
esse ob-
iectum for-
male
Spei.

Probatur
ex D.
Thoma.

Secunda sententia est eorum, qui volunt
Sobiectum materiale adæquatum Spei Theo-
logicæ esse quiddam à Deo speramus: formale
verò esse omnipotentiam, & fidelitatem, seu
misericordiam Dei, cuius ope innixi speramus.
Sicut obiectum adæquatum materiale fidei est
quiddam à Deo reuelatum est: formale verò
est veracitas & testimonium Dei. Ita docent è
recentioribus Vsq. 1. p. disp. 84. cap. 1. Mal-
der. 2. 2. quæst. 17. art. 1. Turrian. ibid. disp. 60.
dub. 2. & Mærat. disp. 30. Iuxta quam sententiam
tres virtutes Theologicæ ita differunt, vt
fides formaliter tendat in diuinam veritatem;
Spes in omnipotentiam; Charitas in bonita-
tem. Probatur autem primò ex D. Thoma 2. 2.
quæst. 17. art. 6. in corp. Vbi loquens de differe-
ntia inter Spem, & alias virtutes Theologi-
cas, sic ait: *Virtus aliqua dicitur esse Theo-
logica ex hoc, quòd habet Deum pro obiecto,
cui inhaeret. Potest autem aliquis alicui rei
inhaerere dupliciter. Vno modo, propter se-
ipsam. Alio modo, in quantum ex ea in
aliud deuenitur. Charitas ergo facit homi-
nem Deo inhaerere propter seipsam, mentem
vniens Deo per affectum amoris. Spes autem,
& Fides faciunt hominem inhaerere Deo, si-
cut cuidam principio, ex quo aliqua nobis
proveniunt. De Deo autem provenit nobis
cognitio veritatis, & adeptio perfectæ
bonitatis. Fides ergo facit hominem Deo ad-
herere in quantum nobis est principium co-
gnoscendi veritatem. Credimus enim vera esse,
quæ nobis à Deo dicuntur. Spes autem facit
Deo adherere proptèr est in nobis principium
perfectæ bonitatis, in quantum scilicet per
Spem diuino auxilio innititur ad beatitu-
dinem obtinendam. Hæc D. Thoin. Quibus
verbis significat auxilium diuinum, id est, Dei
omnipotentiam nobis paratam auxiliari ad af-
sequendam beatitudinem, se habere ad Spem;
sicut testimonium diuinum id est, veritas pri-
ma testificans, se habet ad fidem: ac proinde
esse formale illius obiectum, & motium spe-
randi; sicut Dei testimonium est motium cre-
dendi.*

31.
Cob-
matur
amplius.

Quod adhuc clarius idem S. Doctor expref-
sit quæst. 7. de spiritualibus creaturis quæ est
vnica de Spe art. 1. c. Vbi postquam dixit Spem
veritari circa bonum possibile: dupliciter au-
tem aliquid esse possibile: nimirum vel per vi-
res proprias, vel per alienum auxilium: sub-
iungit: *Sic ergo quandoque sperat homo ali-
quid adipisci per propriam potestatem: quan-
doque verò per auxilium alienum: Et tunc
necesse est quòd spes feratur in duo obiecta:
videlicet in bonum adipiscendum, & in cum
cuius auxilio innititur; Summum autem bo-
num, quod est beatitudo æterna, homo adi-
pisci non potest, nisi per auxilium diuinum.
Et ideo spes adipiscendi vitam æternam ha-
bet duo obiecta: Videlicet ipsam vitam æter-*

nam, quam quis sperat, & auxilium diui-
num à quo sperat. Sicut etiam fides habet duo
obiecta: videlicet rem quam credit, & veri-
tatem primam cui correspondet. Fides autem
non habet rationem virtutis, nisi in quantum
inhaeret testimonio primæ veritatis, vt credat
quod ab ea manifestatur. Vnde & Spes ha-
bet rationem virtutis ex hoc ipso, quòd homo
inhaeret auxilio diuine potestatis ad con-
sequendam vitam æternam, &c. Sic igitur,
sicut obiectum formale fidei est veritas prima,
per quam, sicut per quoddam medium, af-
fentit ijs quæ creduntur, quæ sunt obiectum
materiale fidei: ita etiam obiectum formale
Spei est auxilium diuine potestatis, & pie-
tatis, propter quod motus Spei tendit in bona
sperata, quæ sunt materiale obiectum Spei.
Et paulò post, in solutione quarti argumenti,
hæc addit: *Spes secundum quod refertur ad
materiale obiectum, imperfecta est: quia
quod speratur, nondum habetur: sed secun-
dum quod respicit obiectum formale, videli-
cet auxilium diuinum, sic est dispositio per-
fecta. In hoc enim consistit perfectio hominû,
vt Deo inhaereat. Et simile est etiam de fide,
quæ habet imperfectionem eò quòd nondum
videt ea, quæ credit: habet autem perfectio-
nem ex eo quòd inhaeret testimonio primæ
veritatis: & ex hoc est virtus. Hæc D. Tho-
mas: quibus nihil clarius dici potest ad affir-
mandum formale obiectum Spei Theologicæ
esse Dei potentiam nobis auxiliantem.*

Probatur secundò ex Trident. Sess. 6. cap. 6.
Vbi loquens de dispositionibus, & modo præ-
parationis ad iustificacionem, affirmat pecca-
tores, excitatos, & adiutos diuinâ gratiâ, pri-
mum quidem fidem ex auditu concipere, &
liberè moueri in Deum, credendo vera esse
quæ diuinitus reuelata, & promissa sunt,
atque illud in primis, à Deo iustificari im-
pium per gratiam eius, per redemptionem,
quæ est in Christo Iesu: tunc deinde vt liter
conuulsos à diuina iustitia timore, ad consi-
derandum Dei misericordiam se conuertendo,
in Spem erigi, fidentes Deum sibi propter
Christum propitium fore. Ex quibus verbis
Concilij sic argumentor: Illud, ex cuius obie-
ctiua consideratione mouetur & excitatur Spes,
est obiectum formale, & motium actus spe-
randi. Sed misericordia Dei, potentis & vo-
lentis iustificare impium, est id, ex cuius con-
sideratione obiectiua Spes illius excitatur, vt
docet Trident. verbis relatis: ergo, &c. Et
quidem negari non potest quin sicut veracitas
Dei testificantis mouet & excitat laudabiliter
ad credendum & assentiendum rebus ab ipso
reuelatis: Ita potentia, & fidelitas Dei pro-
mittentis aliquod bonum, & vires ad illud af-
sequendum præbere parati, mouere possit lau-
dabiliter ad erigendum animum in Spem, &
fiduciam voluntatis de illo assequendo. Vtque
diuina veracitas, ita mouens, est obiectum
formale vnus virtutis Theologicæ, nempe fi-
dei: sic diuina potentia, & benignitas, potest
esse motium, & obiectum formale alterius
virtutis Theologicæ. Non potest autem dici
cuiusnam alterius, nisi Spei.

32.
Probatur
ex Tri-
dent.

Dd 3

37.
Confir-
matur
ratione.

Probatur tertio his duabus rationibus, quas fufius prosequitur M. rat. Sect. 2. disp. cit. quia scilicet illud est motium & obiectum formale Spei, in quod resolvitur actus sperandi, & quod aptè responderetur interroganti cur speremus. Atqui tale motium non est bonitas rei speratæ, sed illud vi cuius speramus eam consequi. Si enim interrogeris, cur amas & desideras æternam beatitudinem? Aptè quidem respondebis, quia bona est, & summè delectabilis. At si rogeris, cur speres, id est, confidas te illam assecuturum, & erigaris animo in Spem & fiduciam assequendi? Congruè respondebis, Quia Deus opem suam necessariam mihi pollicetur ad illam assequendam. Simili modo ægrotus, qui sperat sanitatem, non illam sperat quia bona est; sed quia Medici peritiæ confidit. Et qui navigationis bonum exitum sperat; non id facit, quia portus suavis est; sed quia confidit peritiæ naucleri, vel syderum & ventorum fautori. Neque verò cùm dicimus nos sperare sanitatem, fretos peritiæ Medici; aut prosperum navigationis exitum, fretos peritiæ naucleri; significamus tantum certam persuasionem intellectus de tali euentu futuro: sed fiduciam voluntatis, & erectionem animi. Sicut peccator, quando ex misericordiæ diuinæ consideratione erigit se in Spem & fiduciam reconciliationis; exercet actum voluntatis, distinctum ab actu fidei, quo firmiter & certè credit Deum velle reconciliari, propter Christum, verè penitentibus: qui actus prior est, & causa cur peccator erigatur in Spem, vt ait Trident. verbis suprâ relatis ex cap. 6. Sess. 6.

34.
Altera ratio.

Præterea vt idem auctor ait, De motu actus sperandi philosophandum est proportionatè vt de motu desperationis, quæ directè illi opponitur. Motium autem desperationis non est bonitas rei, vel aliqua malitia obiecti de quo desperatur; sed infirmitas virium, vel defectus auxilij alieni ad bonum illud assequendum necessarij. Vt enim rectè affirmat D. Thomas 1. 2. quæst. 40. art. 4. ad 3. desperatio est recessus à bono desiderato, propter æstimationem impossibilitatem adipiscendi. Vnde si quis alia de causa abijcit desiderium alicuius boni, putà, quia illud parui æstimat, vel quia ad melius aspirat: non dicitur desperare illud assequi: sed tantum, si diffisus suis viribus, & industria, vel opi alienæ, despondet animo propter arduum, & impossibilitatem assequendi. Ergo è contrario, motium actus sperandi non est bonitas rei speratæ; sed id, cuius ope speramus illam assequi; quod respectu beatitudinis, & aliorum bonorum supernaturalium, est præcipuè omnipotentia, & misericordia Dei. Præcipuè, inquam: nam præter Deum quædam alia sunt auxilia, vel principia creata, quibus ad nostram beatitudinem assequendam iuvamur, velut principijs effectivis, & quorum consideratione, licet minùs principaliter, possumus in Spem erigi. Huiusmodi sunt merita Christi, & auxilia gratiæ propter illum nobis collata, Sacramenta, bona opera, Sanctorum preces, & similia.

SECTIO V.

Tertia sententia refertur, & refellitur.

Tertio, sunt qui existimant Spem tendere in Deum, vel in beatitudinem, vt bonum arduum est: ita vt ratio formalis obiecti Spei sit arduitas boni; neque alius sit actus virtutis Spei, quàm desiderium vehemens, & generosum illius boni ardui, vel erectio animi circa illud, quæ specialiter Spes appellari solet, pertinetque ad partem irascibilem. Ita videntur sentire Durandus in 3. dist. 16. quæst. 3. Paludan. quæst. 2. Ricard. art. 3. quæst. 1. Hentici. quodlib. 18. quæst. 15. ad 2. qui dicunt Deum sub absoluta consideratione boni incepti, & supernaturalis, esse obiectum Charitatis: sub ratione verò ardui esse obiectum Spei. Ideoque pertinet ad Charitatem amare, & desiderare illud bonum, & quæ ad illud conferunt: ad Spem verò, tantum sperare. Fundamentum eorum præcipuum est acceptio vocis *Spes*, pro desiderio boni ardui; & illud Apostoli Rom. 8. *Quod videt quis, quid sperat?* Et 1. Corinth. 13. ver. vltimo, significat idem Apost. proprium esse Charitatis quòd nunquam excidat, id est, maneat etiam in patria; cum aliæ duæ virtutes Theologicæ maneant tantum hac in vita. Non est autem ratio cur Spes non maneat, nisi quia cessat arduitas, quando Deus & beatitudo nostra supernaturalis iam possidentur; & Spes non habet locum vbi non est bonum arduum, quod est proprium illius obiectum.

Hæc opinio si tantum vellet arduum esse conditionem obiecti, propter quam opus est illà erectione animi, quæ specialiter Spes appellatur, & generositate ad victoriam obtinendam contra difficultatem, innitendo Dei auxilio; vera esset, vt patet ex dicendis inferius. Sed si vult ipsam arduum boni esse rationem formalem obiecti Spei, & per illam distingui Spem à Charitate, nullumque alium actum tribui illi virtuti, nisi Spem strictè sumptam; impugnatur primò quia Charitas etiam, quæ generosa est, tendit contra arduum boni Deo placentis, vt talis: *Fortis enim est vt mors dilectio, dura scilicet infernus emulatio*, non dicitur Græcè *Zelus*: Can. 8. v. 6. Estque parata stinguere mortem ipsam pro Deo perferre, iuxta illud Ioan. 15. *Maiorem hac dilectionem nemo habet, vt animam suam ponat quis pro amicis suis*. Charitas, inquam, tendit in bonum supernaturale, etiam absens, & non minùs de se excedens vires naturales, difficilè que ad consequendum, proptè illud bonum ad Deum pertinet, vel ad proximum; prosequiturque illud per desiderium efficacem, & perumpens difficultates. Quare ex hac parte non potest distingui Spes à Charitate.

Adde secundo, quòd arduitas non potest esse ratio formalis obiecti actus sperandi: cùm nullo modo sit ratio amandi, & appetendi; sed potius fugiendi, vel negligendi; quia dura, & molestia est. Nam sicut inter rationes, propter

35.
Tertia opinio, obiectum Spei esse arduum.

36.
Arduitas non dicitur Græcè *Zelus*.

Arduitas non dicitur Græcè *Zelus*.

37.
Neque est ratio amandi.



quas aliquid prosequimur, est facilitas: sic inter rationes ob quas vel fugimus, vel negligimus, est difficultas, & arduitas. Quare arduitas non terminat obiectivè actum sperandi, sed est conditio obiecti, propter quam opus est ad illud absolute & efficaciter prosequendum, ut sublimiter & ardentè concupiscatur, ne persecutionem retardet vel impediat horum difficultatis, & arduitatis. Tertiò, quamvis affectio summi boni supernaturalis soleat esse ardua ex parte mediorum, quæ sunt admodum difficilia: si tamen Deus alicui revelaret, se ei complanatum viam beatitudinis; posset ille nihilominus eam desiderare actu vehementer, & generoso, qui per se valeret ad superandam gravem difficultatem, si occurreret.

38.
Bonum
superat.
est amabile
præ
cilia ar-
duitate.

Quartò, non modò bonum naturale, quatenus futurum, & arduum, est dignum amore proportionato: sed etiam quia præsens, & quatenus bonum nostrum simpliciter, præcisè arduitate, quæ non est illi ratio amandi, sed odiendi potius, ut paulò ante diximus. Quare licet Spei nomen sumptum sit ab actu eius præcipuo in statu huius vitæ, qui est erectio animi, & affectus generosus circa beatitudinem, ut proprium bonum absens & arduum, de quo etiam loquitur Apostolus specialiter loco supra citato: latius tamen extenditur virtus Spei adæquatè sumpta, ad amandum simpliciter bonum nostrum supernaturale, & desiderandum, si est absens, & gaudendum de illo ut præsentè, & ad auerandum convenienter quicquid est illi oppositum. Quenadmodum Charitas, licet ita nominetur à præcipuo eius actu, qui est amare, & charum habere: valet tamen non solum ad amandum; sed etiam ad gaudendum, & ad desiderandum bonum, in quod tendit: atque ad detestandum, fugiendum, & dolendum de opposito: ut docet S. Thomas 1. 2. quæst. 113. art. 5. ad 1. & 2. 2. quæst. 11. art. 2. c. & 3. p. q. 85. art. 2. ad 1.

39.
Spes amat
suum ob-
iectum
etiam
præsens
& posses-
sum.

Confirmatur, quia bonum obtentum, quamvis amiserit arduitatem, non amisit amabilitatem; quæ non existit ex arduitate, cum illa potius deterreat per se; sed ex magna boni æstimatione, quæ adhuc manet. Item, Beati gaudent de suo bono supernaturali præsentè, ut tali. Non per Charitatem, quæ non versatur circa proprium bonum diligentis, ut tale: Ergo per Spem. Denique, connaturale est, ut idem principium in eo præsentè quiescat, ad quod absens tendebat. Item, connaturale est ut idem principium, quod fertur in aliquod bonum profectivè; auerferetur malum ipsi oppositum, quò tale. Vnum enim ex alio sequitur, & vnum in alio includitur virtualiter. Connaturale etiam est ut eadem virtus, quæ amat aliquod bonum; desideret illud, si est absens; & gaudeat de illo, si est præsens; & quæ odit aliquod malum; doleat de illo, si est præsens; & timeat, si est imminens. Illi enim omnes affectus sunt affines, & vnus ex alio sequitur. Ergo debent iidem convenire Spei circa proprium eius obiectum; ac proinde non solum illud amat & desiderat generosè, si est absens, & arduum; sed etiam gaudet, & in

eo suaviter quiescit, si est præsens, & possesum.

Neque verò Paulus 1. Corinth. 13. affirmat habitum Spei desertum esse post hanc vitam: neque Charitatem illi præsert in eo, quòd in patria. 40.
Manebit
in patria.
Nam eo loco non comparat, quoad hoc, Charitatem cum Spe; sed cum fide, & alijs quæ recenset, cum ait, *Sine Prophetia evacuabuntur, sine lingua cessabunt, sine scientia destruetur. Ex parte enim cognoscimus, & ex parte Prophetamur. Cum autem venerit quod perfectum est, evacuabitur quod ex parte est*: id est, cum venerit visio, fides evacuabitur. Et quamvis Spes non possit post hanc vitam exercere actum sperandi strictè sumptum pro affectu desiderij circa bonum arduum: quia tamen valet ad alios actus nobilissimos, quos in patria exercere potest circa Deum ut summum bonum nostrum, præsupposità visione beatificà; non debet cessare, ut fides, quæ nullos actus, nisi obscuros, & imperfectos exercere potest.

SECTIO VI.

Vera sententia, & solutio argumentorum.

Superest quarta & postrema sententia, quæ probabilior esse mihi videtur, affirmans obiectum formale Spei Theologicæ adæquatè sumptæ duo complecti partialia, quæ vnum integrum & totale constituunt. Vnum, in quo speramus; videlicet Deum quatenus omnipotentem, & fidelem in promissis: & aliud, quod speramus, & amamus; nempe eundem Deum ut summum bonum nostrum, & alia bona nostra supernaturalia, ut nostra sunt: circa quæ versatur Spes profectivè; & auerfariè circa mala opposita. Ita sentire inter alios Petrum de Lorca 2. 2. Sect. 1. Disput. 5. memb. 1. affirmant, & approbant aliqui Theologicæ professores eruditissimi. Ratio præcipua illorum est, quia duæ primæ sententiæ, quæ solæ habent aliquid probabilitatis: Nam tertia satis evidenter falsitatis convicta fuit Sect. præcedenti: Duæ, inquam, illæ sententiæ, nimis restrictè sentiunt de obiecto formali Spei Theologicæ. Si enim solum bonum supernaturale proprium sperantis, ut tale, est obiectum eius formale adæquatè; admittenda erit quarta virtus Theologica, quæ versetur circa omnipotentiam Dei, ut dignam cui confidamus, & cuius ope confisi erigamur animo, generosèque nitamur ad assequenda bona supernaturalia: sicut fides versatur circa veracitatem Dei, ut motuum credendi, eiusque reverentiæ assentitur rebus à Deo revelatis. Et similiter, si sola Dei omnipotentia est obiectum formale, & motuum Spei Theologicæ, admittenda erit quarta virtus Theologica, quæ versetur circa Deum ut summum bonum nostrum. Nam Deus, ut sic, est conveniens obiectum alicuius virtutis supernaturalis, & Theologicæ, quippe habentis Deum pro obiecto formali. Quare utraque sententia nimis strictè & diminutè loquitur de obiecto virtutis Spei. Illa verò, quia conve-

41.
Obiectū
Spei for-
male
quodam
modo
est?

32.
Confir-
matur
ratione.

Probatum tertiò his duabus rationibus, quas
fufius prosequitur Mazar. Sect. 2. disp. cit.
quia scilicet illud est motuum & obiectum for-
male Spei, in quod resolvitur actus sperandi,
& quod aptè responderetur interroganti cur spe-
remus. Atqui tale motuum non est bonitas
rei speratz, sed illud vi cuius speramus eam
consequi. Si enim interrogeris, cur amas &
desideras æternam beatitudinem? Aptè quidem
respondebis, quia bona est, & summe delecta-
bilis. At si rogeris, cur speres, id est, confidas
te illam assecuturum, & erigaris animo in Spem
& fiduciam assequendi? Congruè respondebis,
quia Deus opem suam necessariam mihi polli-
cet ad illam assequendum. Simili modo agros-
tus, qui sperat sanitatem, non illam sperat
quia bona est; sed quia Medici peritiæ confi-
dit. Et qui navigationis bonum exitum sperat;
non id facit, quia portus suavis est; sed quia
confidit peritiæ naucletæ, vel syderum & ven-
torum fautori. Neque verò cum dicimus nos
sperare sanitatem, fretos peritiâ Medici; aut
prosperum navigationis exitum, fretos peritiâ
naucletæ; significamus tantum certam persua-
sionem intellectus de tali euentu futuro: sed
fiduciam voluntatis, & erectionem animi. Si-
cut peccator, quando ex misericordiæ diuinæ
consideratione erigit se in Spem & fiduciam re-
conciliationis; exercet actum voluntatis, di-
stinctum ab actu fidei, quo firmiter & certò
credit Deum velle reconciliari, propter Chri-
stum, verè penitentibus: qui actus prior est,
& causa cur peccator erigatur in Spem, vt ait
Trident. verbis suprà relatis ex cap. 6. Sess. 6.

34.
Altera ra-
tio.

Præterea vt idem auctor ait, De motu
actus sperandi philosophandum est proportio-
natè vt de motu desperationis, quæ directè
illi opponitur. Motuum autem desperationis
non est bonitas rei, vel aliqua malitia obiecti
de quo desperatur; sed infirmitas virium, vel
defectus auxilij alieni ad bonum illud assequen-
dum necessarij. Vt enim rectè affirmat D. Tho-
mas 1. 2. quæst. 40. art. 4. ad 3. desperatio est
recessus à bono desiderato, propter æstima-
tam impossibilitatem adipiscendi. Vnde si quis
alia de causa abijcit desiderium alicuius boni,
putà, quia illud parui æstimat, vel quia ad me-
lius aspirat: non dicitur desperare illud asse-
qui: sed tantum, si diffusus suis viribus, & in-
dustria, vel opi alienæ, despondet animo pro-
pter arduum, & impossibilitatem assequen-
di. Ergo è contrario, motuum actus sperandi
non est bonitas rei speratz; sed id, cuius ope
speramus illam assequi; quod respectu beati-
tudinis, & aliorum bonorum supernaturalium,
est præcipuè omnipotentia, & misericordia Dei.
Præcipuè, inquam: nam præter Deum quæ-
dam alia sunt auxilia, vel principia creata, qui-
bus ad nostram beatitudinem assequendam iu-
uamur, velut principij effectiui, & quorum
consideratione, licet minus principaliter, pos-
sumus in Spem erigi. Huiusmodi sunt merita
Christi, & auxilia gratiæ propter illum nobis
collata, Sacramenta, bona opera, Sanctorum
preces, & similia.

SECTIO V.

Tertia sententia refertur, & refellitur.

Tertiò, sunt qui existimant Spem tendere
in Deum, vel in beatitudinem, vt bonum
arduum est: ita vt ratio formalis obiecti Spei
sit arduitas boni: neque alius sit actus virtutis
Spei, quàm desiderium vehemens, & gene-
rosus illius boni ardori, vel erectio animi cir-
ca illud, quæ specialiter Spes appellari solet,
pertinetque ad partem irascibilem. Ita videtur
sentire Durandus in 3. dist. 16. quæst. 3. Palu-
dan. quæst. 2. Ricard. art. 3. quæst. 1. Henric.
quodlib. 18. quæst. 15. ad 2. qui dicunt Deum
sub absoluta consideratione boni increati, &
supernaturalis, esse obiectum Charitatis: sub
ratione verò ardui esse obiectum Spei. Ideoque
pertinet ad Charitatem amare, & desiderare
illud bonum, & quæ ad illud conferunt: ad
Spem verò, tantum sperare. Fundamentum
eorum præcipuum est acceptio vocis *Spes*, pro
desiderio boni ardui; & illud Apostolus Rom. 8.
Quod vider quæ, quid sperat? Et 1. Co-
rinth. 13. ver. ultimo, significat idem Aposto-
lus proprium esse Charitatis quòd nunquam exci-
dat, id est, maneat etiam in patria; cum aliæ
duz virtutes Theologicæ maneat tantum in hac
in vita. Non est autem ratio cur Spes non man-
eat, nisi quia cessat arduitas, quando Deus
& beatitudo nostra supernaturalis iam posside-
tur; & Spes non habet locum vbi non est bonum
arduum, quod est proprium illius obiectum.

Hæc opinio si tantum vellet arduum esse
conditionem obiecti, propter quam opus est
illà erectione animi, quæ specialiter Spes ap-
pellatur, & generositate ad victoriam obten-
dam contra difficultatem, innitendo Dei auxi-
lio; vera esset, vt patebit ex dicendis inferius.
Sed si vult ipsam arduum boni esse rationem
formalem obiecti Spei, & per illam distingui
Spem à Charitate, nullumque alium actum
tribui illi virtuti, nisi Spem strictè sumptam:
impugnatur primò quia Charitas etiam, quæ
generosa est, tendit contra arduum boni
Deo placentis, vt talis: *Fortis enim est vt
mors dilectio, dura sicut infernus emulatio*, non di-
Græcè *Zelus*: Can. 8. v. 6. Estque parata
mortem ipsam pro Deo perferre, iuxta illud
Ioan. 15. *Maiorem hac dilectionem nemo ha-
bet, vt animam suam ponat quæ pro amicis
suis*. Charitas, inquam, tendit in bonum su-
pernaturale, etiam absens, & non minus de se
excedens vires naturales, difficilique ad conse-
quendum, proptè illud bonum ad Deum perti-
net, vel ad proximum; prosequiturque illud
per desiderium efficacem, & pertrumpens difficul-
tates. Quare ex hac parte non potest distingui
Spes à Charitate.

Adde secundo, quòd arduitas non potest
esse ratio formalis obiecti actus sperandi: cum
nullo modo sit ratio amandi, & appetendi; sed
potius fugiendi, vel negligendi; quia dura, &
molesta est. Nam sicut inter rationes, propter

35.
Tertia
opinio,
obiectum
formale
Spei esse
arduum

36.
Refuta-
tur.

Arduitas
non di-
stinguit
Spem à
Charita-
te.

37.
Neque est
ratio
amandi.



quas aliquid prosequimur, est facilitas: sic inter rationes ob quas vel fugimus, vel negligimus, est difficultas, & arduitas. Quare arduitas non terminat obiectum actum sperandi, sed est conditio obiecti, propter quam opus est ad illud absolute & efficaciter prosequendum, ut sublimiter & ardentius concupiscatur, ne prosecutionem retrahat vel impediatur horrore difficultatis, & arduitatis. Tertiò, quamvis affectus summi boni supernaturalis soleat esse ardua ex parte mediorum, quæ sunt admodum difficilia: si tamen Deus alicui revelaret, se ei complanatum viam beatitudinis; posset ille nihilominus eam desiderate actu vehementi, & generoso, qui per se valeret ad superandam grauem difficultatem, si occurreret.

38.
Bonum
superat.
est amabile
pax
cia arduitate.

Quartò, non modò bonum supernaturale, quatenus futurum, & arduum, est dignum amore proportionato: sed etiam quia præsens, & quatenus bonum nostrum simpliciter, præcisè arduitate, quæ non est illi ratio amandi, sed odiendi potius, ut paulò ante diximus. Quare licet Spei nomen sumptum sit ab actu eius præcipuo in statu huius vitæ, qui est erectio animi, & affectus generosus circa beatitudinem, ut proprium bonum absens & arduum, de quo etiam loquitur Apostolus specialiter loco suprâ citato: latius tamen extenditur virtus Spei adæquatè sumpta, ad amandum simpliciter bonum nostrum supernaturale, & desiderandum, si est absens, & gaudendum de illo ut præsentè, & ad auersandum conuenienter quicquid est illi oppositum. Quemadmodum Charitas, licet ita nominetur à præcipuo eius actu, qui est amare, & charum habere: valet tamen non solum ad amandum; sed etiam ad gaudendum, & ad desiderandum bonum, in quod tendit: atque ad detestandum, fugiendum, & dolendum de opposito: ut docet S. Thomas 1. 2. quæst. 113. art. 5. ad 1. & 2. 2. quæst. 51. art. 2. c. & 3. p. q. 85. art. 2. ad 1.

39.
Spes amat
suum obiectum
etiam
præsens
& possesum.

Confirmatur, quia bonum obrentum, quamvis amiserit arduitatem, non amiserit amabilitatem; quæ non existit ex arduitate, cum illa potius deterreat per se; sed ex magna boni æstimatione, quæ adhuc manet. Item, Beati gaudent de suo bono supernaturali præsentè, ut tali. Non per Charitatem, quæ non versatur circa proprium bonum diligentis, ut tale: Ergo per Spem. Denique, connaturale est, ut idem principium in eo præsentè quiescat, ad quod absens tendebat. Item, connaturale est ut idem principium, quod fertur in aliquod bonum profectiuè; auersetur malum ipsi oppositum, quia tale. Vnum enim ex alio sequitur, & vnum in alio includitur virtualiter. Connaturale etiam est ut eandem virtutem, quæ amat aliquod bonum; desideret illud, si est absens; & gaudeat de illo, si est præsens: & quæ odit aliquod malum; doleat de illo, si est præsens; & timeat, si est imminens. Illi enim omnes affectus sunt affines, & vnus ex alio sequitur. Ergo debent iidem conuenire Spei circa proprium eius obiectum; ac proinde non solum illud amat & desiderat generosè, si est absens, & arduum; sed etiam gaudet, & in

eo suauiter quiescit, si est præsens, & possesum.

Neque verò Paulus 1. Corinth. 13. affirmat habitum Spei desitutum esse post hanc vitam: neque Charitatem illi præsert in eo, quòd nunquam excidat. Nam eo loco non comparat, quoad hoc, Charitatem cum Spe; sed cum fide, & alijs quæ recenset, cum ait, *Sine Prophetia euacuabuntur, siue lingue cessabunt, siue scientia destruetur. Ex parte enim cognoscimus, & ex parte Prophetamus. Cum autem venerit quod perfectum est, euacuabitur quod ex parte est*: id est, cum venerit visio, fides euacuabitur. Et quamvis Spes non possit post hanc vitam exercere actum sperandi strictè sumptum pro affectu desiderij circa bonum arduum: quia tamen valet ad alios actus nobilissimos, quos in patria exercere potest circa Deum ut summum bonum nostrum, præsupposita visione beatificâ; non debet cessare, ut fides, quæ nullos actus, nisi obscuros, & imperfectos exercere potest.

40.
Mauebit
in patria.

SECTIO VI.

Vera sententia, & solutio argumentorum.

Sperest quarta & postrema sententia, quæ probabilior esse mihi videtur, affirmans obiectum formale Spei Theologicæ adæquatè sumptæ duo complecti partialia, quæ vnum integrum & totale constituunt. Vnum, in quo speramus; videlicet Deum quatenus omnipotentem, & fidelem in promissis: & aliud, quod speramus, & amamus; nempe eundem Deum ut summum bonum nostrum, & alia bona nostra supernaturalia, ut nostra sunt: circa quæ versatur Spes profectiuè; & auersatur circa mala opposita. Ita sentire inter alios Petrum de Lorca 1. 2. Sect. 2. Disp. 3. memb. 1. affirmant, & approbant aliqui Theologicæ professores eruditissimi. Ratio præcipua illorum est, quia duæ primæ sententiæ, quæ solæ habent aliquid probabilitatis: Nam tertia satis euidenter falsitatis conuicta fuit Sect. præcedenti: Duæ, inquam, illæ sententiæ, nimis restrictè sentiunt de obiecto formali Spei Theologicæ. Si enim solum bonum supernaturale proprium sperantis, ut tale, est obiectum eius formale adæquaturn; admittenda erit quarta virtus Theologica, quæ versetur circa omnipotentiam Dei, ut dignam cui confidamus, & cuius ope consili erigamur animo, generosèque nitamur ad assequenda bona supernaturalia: sic ut fides versatur circa veracitatem Dei, ut morium credendi, eiusque reuerentiæ assensuere rebus à Deo reuelatis. Et similiter, si sola Dei omnipotentia est obiectum formale, & morium Spei Theologicæ, admittenda erit quarta virtus Theologica, quæ versetur circa Deum ut summum bonum nostrum. Nam Deus, ut sic, est conueniens obiectum alicuius virtutis supernaturalis, & Theologicæ, quippe habentis Deum pro obiecto formali. Quare veraque sententia nimis strictè & diminutè loquitur de obiecto virtutis Spei. Ista verò, quia conue-

41.
Obiectū
Spei for-
male
quodnam
sit?

nienter obiectum illius adequatum assignat, ceteris preferenda est.

43.

Ad eandem confirmandam valent argumenta, quibus due primæ sententiæ probant efficaciter obiectum formale Spei esse tum omnipotentiam, & fidelitatem, seu misericordiam Dei, cui Spes innititur: tum bona sperantis supernaturalia, ut sunt ipsius propria: exceptis illis, quibus viraque contendit alterum ex his duobus motibus excludere: quibus impræfens satisfaciendum est, & alijs quæ præcipue nobis obijci possunt. Ex eorumque solutione veritas huius sententiæ magis elucescet.

Virtus
supernat.
valere
potest ad
plura ob-
iecta for-
malia
partialia.

Primum ergo obijcitur, vnius virtutis vnicum debere esse obiectum formale, à quo specificetur. Spes autem Theologica, vnica virtus est. Ergo non duplex, sed vnicum obiectum formale illi assignandum est. Respondent aliqui antecessens verum esse de virtutibus naturalibus, quæ per actus acquiruntur, & illis commensurantur. At supernaturalis latius patet, & similiores sunt potentijs, quam habitibus naturalibus. Vnde valere possunt ad plura obiecta formalia, sicut voluntas v.g. valet ad obiecta formalia quarumcunque virtutum. Atque ita (inquiunt) Charitas supernaturalis duplex habet obiectum formale: nimirum Deum, ut propter se amandum, eiusque bonum, quæ tale: & proximum, ut amandum propter se vero amore amicitiz, quæque sunt illi bona, ut talia, saltem in ordine supernaturali. Et eadem virtus supernaturalis Religionis honorat Deum propter supremam ipsius excellentiam increatam, & Sanctos propter creatam, qua ratione vocatur Dulcia.

Secundò & melius respondetur, vnius virtutis vnicum debere esse obiectum formale, vel simplex, vel totale, & ex multis partialibus compositum; cuiusmodi est obiectum formale Spei, tendentis in bona supernaturalia sperantis, ut sunt ipsius bona, & per Dei omnipotentiam, cui innititur, possibilia obtineri. Sicut vnicum est totale obiectum formale Charitatis; bonum scilicet Dei, & cuiusvis alterius personæ, ut amandum amore amicitiz supernaturalis, illique amor proportionatum: & vnicum est obiectum formale Religionis: nempe cultus sacer, exhibendus personis, aut rebus, quas ita convenit honorari: siue propter se, ut Deus: siue propter aliud, ut personæ creatæ. Ut enim ait S. Thom. q. 17. a. 5. c. *Spei attingit Deum, & sicut primam causam efficientem, in quantum eius auxilio innititur: & sicut ultimam causam finalem, in quantum in eius fruitione beatitudinem expectat. Et sic patet quod Spei, in quantum est virtus, principale eius obiectum est Deus: adeoque est virtus Theologica.*

43.

Obijcitur secundò: Cum Charitas & aliz virtutes supernaturales possint à Dei omnipotentia sperare auxilium sibi conveniens in ordine ad obiectum proprium: non est ratio cur potius Spes dicatur habere duplex obiectum parziale, nempe bonum proprium supernaturale, & omnipotentiam Dei à quo sperat tale bonum: Non est, inquam, ratio cur omnipotentia Dei, ut digna cui consideramus, vel cuius

ope freti erigamur ad audendum circa bonum proprium supernaturale, pertineat ad Spem Theologicam, tanquam pars eius obiecti formalis, potius quam ad Charitatem, quatenus eadem omnipotentia digna est ut erigamus animum ad audendum circa obiectum ipsius Charitatis.

Respondetur, rationem cur id potius Spei tribuatur, quam Charitati, hanc esse, sumptam ex D. Thoma, quæst. 17. a. 6. c. quia cum sint tria præcipue Dei attributa: veritas, siue intelligentia rerum perfectissima, bonitas, & Spei ut omnipotentia, quæ per tres virtutes Theologicas attinguntur: & prima ad fidem pertineat, secunda ad Charitatem: superest ut tertia pertineat ad Spem. Et ut rectè ait idem S. Doctor art. citato, cum dupliciter Deo adherere possimus per virtutes Theologicas: vno modo propter seipsum: altero in quantum ex eo in aliud deuenitur. Charitas facit hominem Deo inhærere propter seipsum, mentem hominis vniens Deo per affectum amoris. Spes autem, & fides faciunt hominem illi inhærere, tanquam cuidam principio, ex quo aliqua nobis proueniunt: nempe cognitio veritatis, & adeptio perfectæ bonitatis: quatenus innititur eius reuelationi, ad cognitionem veri; & omnipotentiz, ad ademptionem boni: ut dicere pergit ibidem D. Thomas.

Obijcitur tertio, pro prima opinione relata, & explicata tota Sect. 3. quæ vult obiectum formale adequatum Spei non esse aliud, quam bonum supernaturale sperantis, propter quod est ipse bonus; non autem in illud ingredi omnipotentiam Dei, cui Spes innititur: obijcitur, inquam, auctoritas D. Thomæ 2. 2. q. 17. a. 4. & 5. Vbi videtur excludere auxilium Dei à ratione formali obiecti Spei, cum sic ait: *Bonum, quod quis sperat, habet rationem cause finalis: auxilium autem, per quod aliquis sperat bonum illud obtinere, habet rationem cause efficientis.* Atqui causa finalis intrinseca sub ratione formali, coincidit cum obiecto sub ratione etiam formali, iuxta doctrinam eiusdem D. Thomæ 1. 2. q. 8. a. 2. quia nimirum est id, quod mouet obiectiue voluntatem. Ergo obiectum formale Spei non est auxilium Dei, per quod speramus; sed bonum ipsum quod speramus obtinere: Deus scilicet, & alia bona supernaturalia, ut bona nostra sunt. Quare quod ait S. Thomas alijs locis pro contraria sententia relatis, debet intelligi in hunc sensum, quod Spes, ut conuenienter tendat in Deum veluti nostram beatitudinem supernaturalem, presupponit auxilium Dei, sine quo illa nequit obtineri; neque conuenienter sperari. Quemadmodum fides supponit reuelationem, sine qua non potest credi. Et ita auxilium diuinum pertinet aliquo modo ad obiectum Spei, quasi illud constituens in ratione possibilis, & sperabilis: sed nihilominus non est propriè ratio formalis obiecti.

Respondetur sensum D. Thomæ esse, quod bonum speratum habeat rationem cause finalis, respectu virtutis Spei, ut prosequentis, & enitentis illud assequi: auxilium vero diuinum habeat rationem cause efficientis, respectu af-

44.
Quæ
omnipotentia tri-
butur
Spei ut
formale

45.

46.
Explica-
tur D.
Thomas.

secutionis eiusdem boni. Sed non negat Diu. Thomas id, quod alijs locis perspicue docet, auxilium illud esse id, ex cuius consideratione mouetur voluntas, vt sese erigat in spem, & fiduciam assequendi boni ardui, & non animo concidat victa difficultate: sicut testimonium Dei, seu reuelatio diuina est motiuum, & causa cur credamus, spreis naturalibus credendi difficultatibus, esseque obiectum formale fidei.

47.

Opponit quarto Aegidius Conink Disp. 19. Dub. 4. Num. 51. Rationem formalem obiectiuam voluntatis illam esse, quæ eam mouet ad aliquid appetendum, aut fugiendum. Ratio autem quæ nos mouet vt Deum tanquam bonum nostrum, sed beatitudinem appetamus, non est omnipotentia, vel auxilium Dei: sed bonitas ipsa obiecti, quæ nos allicit. Nam (inquit n. 55.) Licet Dei auxilium, siue omnipotentia Dei parata mihi dare auxilium sufficiens, sit ratio necessaria vt beatitudo sit mihi possibilis, & vt eam possim prudenter sperare: hæc tamen non se habent per modum finis, & obiecti motiui, sed instar mediorum. Sunt enim hæc media necessaria, vt possimus beatitudinem, sicut oportet sperare, & consequi. Arqui media non sunt ratio appetendi finem: neque enim appetimus finem propter media, sed contrā. Illud autem est ratio, siue obiectum formale aliud appetendi, propter quod hoc appetimus. Ergo Dei omnipotentia, vt parata nobis conferre auxilium, nequit esse formalis ratio mouens voluntatem ad appetendam beatitudinem: sed solum quodam conditio requisita vt possimus illam, propter quod sperare: sicut etiam cognitio beatitudinis est talis conditio.

48.
Spes va-
de excita-
tur!

Respondeo aliud esse desiderium boni supernaturalis; & aliud, affectum illum voluntatis, qui specialiter, & proprie dicitur, Spes, id est, erectio animi, & fiducia voluntatis innixæ Dei omnipotentis circa bonum arduum, & sibi naturaliter impossibile: illique innitendis, quia digna est vt ei confidatur. Et desiderium quidem excitatur ab ipsa bonitate obiecti. At verò illa erectio animi, & fiducia voluntatis circa bonum arduum, vt possibile obrineri, excitatur à consideratione omnipotentis & misericordis Dei. Sicut ex opposito, desperatio, quæ est dejectio animi cedentis difficultati, non excitatur ex aliqua ratione mali, quæ sit in obiecto: sed ex consideratione impossibilitatis, aut nimis difficultatis: quæ nihil aliud est, nisi quod sibi desint vires propriæ sufficientes, vel externum auxilium, quantum esset opus ad obtinendum bonum. Nec obest quod auxilium diuinum se habet per modum medijs respectu beatitudinis supernaturalis, & desiderij illam assequendi. Nam quod est medium respectu vnus, potest esse motiuum, & obiectum formale respectu alterius. Sicut honestas, quæ est in resistendo difficultatibus boni, aut periculis mali, & in moderando passionibus, vt medium teneant inter reuerentem, & pusillanimitatem, est motiuum fortitudinis: tamen eadem honestas & resistentia est medium respectu alterius virtutis, bonum illud difficile prosequens: puta fidei, vel charitatis, si tormenta subeantur ad tuendam fidem, vel ad seruandam charitatem

erga Deum, aut proximum.

Obijciunt quintò: sperare in aliquem duo importat, aut includit. Vnum est, existimare & credere illum futurum mihi auxiliatorem, & sine illo me non posse consequi, vel habere id, quod spero. Alterum est, affectu voluntatis tendere in illud bonum, & in auctorem eius. Et vtrumque eorum concurret in Spe Christiana. Sed primum illorum pertinet ad fidem. Secundum verò est quidem proprium ipsius Spei: tamen respectu illius Deus se habet solum vel vt vnus ex bonis speratis, quia videlicet spero auxilium eius, & gratiam mihi futuram: vel vt causa extrinseca horum bonorum. Primà autem ratio est poris materiale, quàm formale obiectum. Secundà verò consideratione est etiam causa extrinseca tantum, non ratio formalis. Ergo, &c.

Respondeo affectum virtutis Spei, adæquate sumptæ, non esse solum tendere prosecutione in bonum, veluti finem consequendum; & in auctorem eius, veluti medium necessarium: sed habere alium actum, qui magis proprie dicitur Spes, consistentem formaliter in erectione animi, & vitali quodam robore, quo voluntas sese erigit contra boni arduum, freta eius auxilio, cuius ope confidit bonum illud, quantumvis de se arduum & difficile, esse sibi possibile. Qui affectus non est amor, & desiderium eiusdem boni. Nam qui desperat, id est, animo concidit propter boni arduum, potest nihilominus habere magnum & vehementem illius desiderium, ægerimque ferre quod nequeat illud obtinere, defectu virtutis, vel auxilij necessarij: sed est erectio animi contra boni arduum, opposita dejectioni animi propter eandem; quos affectus simul esse in eodem subiecto impossibile est. Et quamvis auxilium sit causa extrinseca, & efficiens respectu boni sperati: est tamen motiuum, & obiectum formale respectu erectionis animi, & actus Spei strictè sumpti. Sicut testimonium, & veracitas Dei, est motiuum, & obiectum formale cur credamus res à Deo reuelatas: quamvis sit illis extrinseca.

49.

60.
Actus
Spei pro-
priè quid
sit?

Opponitur sextò: Vel intendit contraria sententia virtutem Spei Theologicæ habere pro motiuo & obiecto formali omnipotentiam Dei, cuius ope confidit, quomodoocunque potest, & quacumque de causa, rationabiliter in ea confidit: vel specialiter vult Spem in ea confidere propter honestatem quæ est in tali modo confidendi, & moderandi affectum nostrum inter præsumptionem, & viciosam dejectionem animi propter difficultatem: ita vt honestas huius moderationis sit propria & specialis ratio virtutis Spei: sicut fortitudo moderatur passionibus, seruando mediocritatem rationis inter temeritatem, & pusillanimitatem: & hæc moderatio est propria ratio & specialis, per quam virtus fortitudinis distinguitur ab alijs. Si primum: non assignatur obiectum formale, seu motiuum speciale virtutis Spei, quo distinguitur ab alijs virtutibus. Nam etiam charitas v. g. innititur Dei potentia, & illi confisa, erigit animum circa ea, quæ Deo placent: ipsiusque amore aggreditur ardua, & difficilia. Fortitudo

51.

quoque innititur Dei potentia, cuius auxilio confusa, aggreditur pericula, forti animo superanda, provt recte rationi consentaneum est. Si autem secundum dicatur: Spes non est virtus Theologica: quia pro formali obiecto habet aliquid creatum: nempe illam honestatem, seu mediocritatem rationis inter presumptionem, & vitiosam dejectionem animi: quæ non minus est aliquid creatum, quam mediocritas rationis inter temeritatem, & ignaviam, seu pusillanimitatem, pertinet ad virtutem fortitudinis. Est enim conformitas talis modi tendendi voluntatis cum præscripto rectæ rationis. Porro estque merito tribui virtuti fortitudinis supernaturalis, quæ valet ad moderandam voluntatem circa quæcunque ardua, & difficilia.

31. Respondeo, neutrum ex illis duobus verum esse: sed Spem versari circa omnipotentiam Dei, vt dignam cui confidatur: Sicut fides versatur circa veritatem Dei, vt dignam cui credatur: & charitas circa bonitatem Dei, vt dignam quæ ametur propter se. Illudque obiectum formale æquè diuinum est, & æquè speciale: neque vlli alteri virtuti Theologicæ, præterquam Spei, tribui debet: ut superius ostensum fuit.

32. Opponitur septimò, virtutem Spei specialiter dictam, & distinctam ab alijs pertinere ad affectum concupiscentiæ, qui est circa proprium cuiusque bonum: & circa illud solum versari profecturæ: vt docent communiter Theologi cum D. Thomas quæst. 17. art. 6. vbi idcirco affirmat non posse aliquem sperare alteri, nisi tanquam vnito ipsi speranti: & D. August. cap. 8. Enchirid. vbi sic ait: *Spes autem non nisi bonarum rerum est, & ad eam pertinentium, qui earum curam gerere perhibetur.* Nimirum quia actus Spei est actus amoris concupiscentiæ: idcirco respicit bonum, vt proprium ipsius sperantis, vel vt ad ipsum aliquo modo pertinet. Quod clariùs affirmat S. Thomas eadem quæst. 17. art. 8. vbi dicit duplicem esse amorem: vnum perfectum, quo aliquis secundum se amat: vt pote cui aliquis vult bonum: sicut homo amat amicum. Alterum vero imperfectum, quo quis amat aliquid, non secundum ipsum, sed vt bonum illud sibi ipsi proveniat: sicut homo amat rem, quæst concupiscit. Primus autem amor pertinet ad charitatem, quæ inhæret Deo secundum seipsum. Sed Spes pertinet ad secundum amorem: quia ille qui sperat, aliquid sibi obtinere intendit. Huc vsque D. Thomas. Atqui iuxta sententiam contrariam, virtus Spei esset indifferens ad bonum proprium, vel ad alienum. Possumus enim considerare Dei omnipotentiam, & auxilio eius inniti tam circa bonum Deo placens, & vt tale prosequendum; vel vt proximo commodum, aut Reipublice: quàm circa bonum proprium, vt tale. Et mediocritas rationis inter presumptionem, & vitiosam dejectionem animi, vel inter temeritatem, & pusillanimitatem, æquè seruanda est in affectibus charitatis, aut fortitudinis, quibus aggredimur ardua propter Deum, aut bonum Reipublicæ; vel quia rectam rationem id decet.

34. Respondeo doctrinam illam D. Thomæ, &

D. August. intelligendam esse de Spe sumpta strictè & inadæquatè pro desiderio boni ardui, & absentis: quod desiderium, quando virtutis Spei proprium est, non versatur circa bonum alterius, vt sic, siue Dei, siue proximi: id enim pertinet ad charitatem: sed circa bonum proprium sperantis, vel ad ipsum aliquo modo pertinet propter aliquam coniunctionem cum eo cui desideratur, ratione cuius coniunctionis tale bonum consideratur aliquo modo vt nostrum; adeoque vt pertinet ad desiderium affectus concupiscentiæ. Sed non est sensus quòd Spes secundum alios actus, & præcipuè quoad actum confidendi Dei omnipotentiam circa bona ardua, non possit versari, nisi circa propria sperantis bona, vt talia. Quemadmodum etiam non est sensus, quòd Spes secundum aliquos alios actus non possit esse nisi circa bonum absens, & arduum: quod falsum esse ostendimus Sect. 5. Num. 38. Et hæcenus de argumentis in fauorem primæ sententiæ obiectis.

S E C T I O VII.

Respondetur alijs argumentis.

Ad argumenta verò in confirmationem secundæ sententiæ allata, Sect. 4. Num. 30. & sequentibus; ita respondendum est. Prius testimonium D. Thomæ, sumptum ex 2. 2. quæst. 17. art. 6. affirmat quidem omnipotentiam Dei, cui Spes adhæret, & innititur, esse obiectum illius formale: sed non negat Deum deum. quoque vt bonum sperantis, ad illud pertinere: imò potius nobis fauet art. 5. eiusdem quæstionis, vt ostendimus num. 41. in fine. Ad posterius eiusdem S. Doctoris testimonium respondeo, ita quidem illum sensisse in quæstione illa de spiritualibus creaturis; sed in Summa hanc sententiam, sicut & quasdam alias, correxisset: vt patet ex alijs eius locis suprâ relatis in fauorem primæ sententiæ, num. 25. Quod autem opponitur ex Trident. sess. 6. cap. 7. nobis non obest. Neque enim obiectum formale Spei est solum illud, cui innititur, vt bonum assequatur: sed & bonum sperantis, quod assequi desiderat, quodque est pars motiui, quò excitatur & mouetur ad illius prosecutionem. Alia duo argumenta sumpta ex ratione, diluentur inferius, num. 56.

Vtentiùs verò pro eadem secunda sententia, opponunt eius assertores addendam esse quartam virtutem Theologicam tribus communiter receptis, nisi velimus omnipotentiam, & fidelitatem, seu misericordiam Dei, cui sperans confidit & innititur, esse vnica rationem formalem obiecti Spei. Quia sicut prima veritas est ratio sufficiens specificatiua fidei: ita Dei omnipotentia modo prædicto poterit specificare aliquem affectum voluntatis. Si ergo præter hanc rationem formalem, assignetur aliud obiectum formale Spei, nempe Deus vt bonum nostrum, necesse erit admitti quartam virtutem Theologicam.

Respondeo hoc argumentum retorqueri posse in aduersarios, & ex illo maxime confirmari propterea

Spes respiciens
Deum et
bonum
nostrum,
est virtus
Theolo-
gica.

57.
In quid
reducitur
actus
Spiri?

rem duobus ad assequendum propositam, & utriusque bonam & convenientem; atque etiam ipsa possibilem, vnius aliquando speret: alter de ea desperet, victus difficultate. Quo modo non se habet cadem bonitas respectu amoris, desiderij, vel gaudij: cum indifferens non sit ut quis eam amet, aut oderit; desideret, aut fugiat; de illa gaudeat, aut tristetur. Quate bonitas obiecti potest quidem esse obiectum formale actuum amoris, desiderij, & gaudij, ad quos determinat: At non adus Spei. Probat tertio ex motiui formali actus desperatio- nis: quod non est bonitas, vel malitia rei, de qua desperatur: sed vel infirmitas vitij, vel defectus alieni auxilij: quando nimirum aliquis, diffidit proprijs viribus, vel alieno auxilio, cadit animo circa bonum arduum. Ergo à contrario bonitas rei speratæ, non est motiuium formale Spei; sed vel propria sperantis indu- stria, vel alienæ potestatis auxilium, quo freta voluntas non despondit animum, sed erigit se in Spem illius assequendæ.

Respondere primò, a^{ctus} amoris, desiderij, & gaudij circa proprium bonum, quà tale, pertinere ad virtutem Spei adæquate sumptam, contra quos a^{ctus} aduersarij nihil probant, quò fauentur posse habere obiectum formale, quale nos assignamus. Secundò, si s^{ermo} sit de a^{ctu} Spei strictè sumpto, de quo solo procedit argumentum, id est, pro erectione animi circa bonum arduum: dico a^{ctum} illum considerari posse, vel provt tendit in obiectum; vel provt tali modo tendit. Priori modo tendit in bonum arduum, sub aliqua speciali ratione motiva, sub qua illud vult. Et hæc ratio potest aptè responderi quærenti cur speret? id est, cur velit assequi tale bonum? Posteriori verò, si quæzatur ratio cur tali modo tendat, id est, cur erigatur animo, concipiatque fiduciam bonum illud assequendi, quamvis arduum & difficile? respondendum est, quia vires habet sufficiens, vel auxilium necessarium ad assequendum. Atque ita speciatim loquendo de a^{ctu} illo Spei Theologicæ, si quæzatur cur tendamus ad Dei visionem illam appetendo? aptè responderetur, quia est summum bonum nostrum. Si autem quæzatur cur tali modo tendamus, per erectionem animi, & fiduciam illius assequendæ? Respondetur, quia Deus paratus est nobis auxilium dare quantum sufficit ut eam assequamur. Nec obest quòd bonitas rei speratæ est de se indifferens ad Spem, aut desperationem. Nam ex eo tantum sequitur posse voluntatem diversimodè se habere circa idem obiectum formale, diversimodè apprehensum, vt possibile, vel vt impossibile, aut nimis difficile: nempe circa illud audendo, & etigendo animum, atque tendendo profectivè; si apprehenditur vt possibile, aut non nimis difficile: vel contrà, abigendo animum, & dissidendo, & tendendo auertivè; si apprehenditur vt impossibile, aut nimis difficile. Itaque obiectum formale, circa quòd desperamus per a^{ctum} oppositum Spei Theologicæ, est bonum proprium supernaturalè, apprehensum vt impossibile, aut nimis difficile. Causa verò cur tali modo tendamus in illud obiectum, potius quàm modo

contrario, est infirmitas virium, vel defectus alieni auxilij.

59.

Obijciunt ultimum, ex nostra sententia sequi Spem non amitti solo peccato desperationis, sicut fides amittitur solo peccato infidelitatis, ex Trident. Sess. 6. cap. 15. Verum etiam quocunque alio peccato mortali, commisso cum aduerterentia quiddam aduersetur bono nostro supernaturali; cuiusmodi sunt omnia fere peccata mortalia commissa à Christianis, quibus id nonissimum est, & ferè semper occurrit memoriz quando grauitur peccant. Probatur sequela: quia tale peccatum opponitur directè amoris & desiderio boni supernaturalis, non minus quàm quodvis peccatum mortale opponitur directè charitati, & amicitiz erga Deum.

60.

Quibusnam peccatis amittitur Spes?

Respondeo, de modo quo amittitur habitus Spei supernaturalis, alibi disputandum esse. Nunc breuiter dico probabilis mihi videri Spem amitti, non modo per peccatum desperationis, oppositum directè, & specialiter illi actui, qui est præcipuus eius actus hac in vita, & propter quem præcipuè infunditur, quique specialiter Spes appellatur, vnde rota virtutis nomen accepit: id est, per dejectionem animi, & desistentiam à desiderio efficaci, & prosecutione æternæ beatitudinis, propter arduitatem, aut impossibilitatem malè præsumptam: verum etiam per quodcunque aliud peccatum mortale repugnans incompatibiliter affectibus virtutis Spei, illisque prorsus excludens à subiecto. Cuiusmodi est, præter desperationem, voluntas deliberata nunquam sperandi, contemptus, aut neglectus absolutus proprii boni supernaturalis, & peccatum mortale admissum cum aduerterentia, quod tali bono grauitur aduersetur, aut quod nos illo priuet, præsertim irreuocabiler. At huiusmodi non est quodcunque peccatum mortale. Neque enim omnia mortalia admittuntur cum tali aduerterentia, ne quidem à Christianis: sed inter illos etiam non pauci, præsertim, de fidei rebus mali instructi, dum grauitur peccant, de bono supernaturali non cogitant: Ideoque Spes non amittitur per quodcunque peccatum mortale: secus atque Charitas, quæ ideo quouis peccato mortali destruitur, quia omne peccatum mortale includit Dei contemptum, & grauis offensa illius est: vt alibi probauimus: cum graui autem offensa, & contemptu, stare nequit amicitia. Et hæcenus de obiecto formali Spei. Nunc de materiali addendum aliquid superest.

SECTIO VIII.

Quodnam sit obiectum materiale Spei?

61.
Prima opinio de obiecto materiali Spei.

HAc de re, tres sunt Theologorum sententiz. Prima est eorum, qui volunt obiectum formale virtutis Spei Theologicæ non esse aliud, quàm omnipotentiam, & bonitatem Dei, vt dignam cui confidatur, & propter quam erigamus animum circa res arduas & difficiles, nobis cum eius auxilio possibiles: qui coherenter Philosophando dicunt obiectum illius materiale esse, non solum Deum, & beatitudi-

nem supernaturalem, mediæque ad illam consequendam necessaria, vel vilia, aut alia quævis bona supernaturalia: verum etiam quæcunque bona ardua purè naturalia, quæ à Dei omnipotentia, & benignitate, secundum fidei dictamen sperari possunt; idque etiam sine ullo respectu ad beatitudinem supernaturalem, sufficeretque vt per fidem proponantur, velut ab omnipotentia & bonitate Dei speranda.

62.
Probatur extendi ad bona naturalia

Probatur primò ex Scriptura, quæ aliquos laudat specialiter, eò quod sperauerint bona quædam naturalia: neque villo modo significat eos sperasse huiusmodi bona in ordine ad finem supernaturalem. Nam Rom. 4. ver. 18. & Genes. 15. ver. 5. laudatur Abraham quod sperauerit filium sibi nasciturum de Sata, *non confidens corpus suum emortuum, cum iam fere centum esset annorum: nec emortuum vulnam Sate.* Et Danielis 13. laudatur Susanna, quod haberet cor eius fiduciam in Domino: id est, quod eius ope speraret euadere mortem iniustam, & infamem, sibi imminentem. Et Iudith cap. 13. suæ Historiz, commendatur eò quod cor suum confortauerit, speraueritque fore vt morte Holophernis populum suum ab obsidione, & captiuitate liberaret. Scriptura verò non commendat actus purè naturales, & ad salutem inuitiles. Et sine dubio loquitur Apostolus de Spe supernaturali Abrahæ, æquè ac de fide, de qua paulo ante dixerat, reputam illi fuisse ad iustitiam, alludens ad caput 15. Genes. ver. 6. vbi tantum de filio, & posteris Abrahæ dandis sermo est: neque aliud ipse à Deo postulauerat, quàm habere liberos, & non habere Vernaculum suum pro hærede, de fectu liberorum.

63.
Comparatur cū obiecto materiali fidei.

Secundò, sicut quidquid est à Deo reuelatum, cadit sub fidem Theologicam, credique potest virtute illa supernaturali, eò quod à Deo reuelatum est: siue aliqui naturalia sit, siue supernaturalia; & siue credatur per respectum ad finem supernaturalem, siue sine illo; Ita quodcunque bonum arduum fuit à Deo propositum, vt possibile obtineri per eius auxilium & misericordiam, potest sperari innitendo eius potentiz & benignitati. Possumus enim ab illa sperare laudabiliter, non tantum bona ardua supernaturalia, sed etiam naturalia: ex. gr. liberationem à morbo graui & incurabili, à præfensi naufragio, & similibus. Sicut propter Dei veracitatem, & testimonium sufficienter propositum, credere possumus veritates purè naturales. Debètque ille actus sperandi pertinere ad Spem Theologicam, & supernaturalem: sicut iste actus credendi est actus fidei Theologicæ. Nam ille non minus innititur Dei omnipotentiz & bonitati; quàm iste veritati: neque minus debet esse supernaturalis, vt sit proportionatus suo obiecto formali, quod est æquè supernaturale, & dignum affectu supernaturali. Est etiam ille actus æquè Theologicus, cum habeat aliquam perfectionem diuinam pro obiecto immediato, & formali, æquè ac fides. Denique, sicut per virtutem Religionis possumus à Deo petere bona; non modo supernaturalia, vt beatitudinem, iustificationem, eiusque augmentum, & similia; verum etiam naturalia,

turalia, sine vlllo respectu actuali & formali ad supernaturalia: sic per Spem inniti possumus Dei potentia, & bonitati, ad illa assequenda. Ratio à priori est, quia illud omne est obiectum materiale Spei, cui potest applicari obiectum illius formale. Ergo sicut illud omne est obiectum materiale fidei Theologicæ, quòd à Deo reuelatum est, & credi potest propter diuinam reuelationem: sic illud omne bonum arduum, est obiectum Spei, quòd à Deo nobis propositum, aut promissum fuit, ita vt eius auxilium habeamus paratum, illiusque intuitu possimus confidere, & animum erigere contra arduitatem.

Notanter autem dicit hæc sententia, *bona quæ à Dei omnipotentia, & benignitate secundum fidei dictamen sperari possunt*: quia cum Spe Theologicæ sequatur lumen supernaturale fidei Theologicæ, illicque subordinetur, sicut voluntas in actibus naturalibus sequitur lumen naturale intellectus, non cognitionem sensus; ita vt quilibet actus Spei necessitatio præsupponat in viâ aliquem actum fidei: inde fit vt non possimus sperare virtute illa supernaturali, nisi ea obiecta, quæ secundum dictamen fidei Theologicæ proponuntur speranda. Qua de causâ dixit Apostolus Hebr. 11. fidem esse substantiam rerum sperandarum, id est, basim, & fundamentum sperandi.

Notanter etiam dicit, *bonum arduum, &c.* quia, vt ait probatque ex D. Thoma 1. 2. quæst. 40. art. 1. c. Circa obiectum materiale Spei quatuor condiciones attenduntur. Primò quidem, quòd sit bonum: non enim, propriè loquendo, Spes est nisi de bono, & per hoc differt Spes à timore, qui est de malo. Secundò, vt bonum illud sit futurum: non enim Spes est de præsentiam habito: & per hoc differt Spes à gaudio, quod est de bono præsentiam. Tertiò, quòd sit aliquid arduum, cum difficultate adipiscibile. Non enim aliquis dicitur aliquid sperare minimum, quod statim est in sua potestate vt habeat. Et per hoc differt Spes à desiderio vt cupiditate, quæ est de bono futuro absolute; vnde pertinet ad appetitum concupiscibilem; Spes autem ad irascibilem. Quartò, quòd illud arduum sit possibile adipisci: non enim aliquis sperat id, quod omnino adipisci non potest: & secundum hoc differt Spes à desperatione. Hucvque D. Thomas.

Secunda sententia est eorum, qui censent obiectum formale Spei Theologicæ non esse aliud, quam bonum supernaturale proprium sperantis, vt tale. Qui consequenter dicunt obiectum illius materiale non esse nisi Deum, & alia bona supernaturalia, saltem respectiue; quæ prosequitur Spes in quantum sunt bona ipsius sperantis, aucturaturque eorum opposita, vt talia. Ratio est, quia nullum bonum est obiectum alicuius virtutis, nisi prout subest obiecto illius formali. Obiectum autem formale Spei Theologicæ non est aliud, quam bonum proprium, ad nos pertiens vt spectatos in ordine supernaturali. Virtutum enim Theologicarum motium, & obiectum formale, debet esse diuinum & supernaturale; vt propter illud fuerit infundenda virtus supernaturalis, illi

proportionata. Quare bona purè naturalia, vt talia, non sunt obiectum Spei, sine vlllo respectu ad ordinem supernaturalem, ad quem aliquo modo pertineant. Quemadmodum bona proximi purè naturalia non sunt obiectum materiale Charitatis Theologicæ & supernaturalis, nisi spectentur vel prout pertinent ad Deum, tanquam illi grata; vel ad proximum spectatum in ordine supernaturali; vt dicemus Disp. 18. Sect. 1. num. 4. Et veritates purè naturales non pertinent ad fidem Theologicam, nisi prout subsunt diuinæ reuelationi, & veracitati testificant: quod motium est diuinum & supernaturale, estque formale obiectum fidei Theologicæ.

Similiterque, vt mala sint obiectum materiale Spei, debent considerari quatenus nocent aliquo modo, bono nostro supernaturali, nosque ab illo retardant, vel impediunt: quo pacto solent viri pij & sancti mala naturalia considerare, & hanc præcipuè ob causam illa fugere. Circa bona verò, & mala purè naturaliter spectata sufficit affectus naturalis illis conueniens, & satis proportionatus, propter quem non fuit opus habitum supernaturalem Spei, vel alterius virtutis infundi.

Atque ita (inquiunt) viri illi sancti in Scripturâ laudati cò quòd sperauerint Dei ope bona quædam naturalia consequi, aut vitare mala: spectarunt illa in ordine ad aliquid supernaturale; puta ad seipsos vt constitutos in statu supernaturali, vel ad illum ordinatos; vel prout ad finem illum conducere possunt; qua ratione solent viri Sancti naturalia bona considerare. Nam ex sacro Textu facillè colligitur Abrahamum seipsum in ordine illo considerasse: quippe quem Deus sic alloquitur, Genes. 15. ver. 2. *Noli timere Abram: Ego protector tuus sum, & merces tua magna nimis*: quæ verba de æterna & supernaturali mercede visionis diuinæ intelligenda esse nemo dubitat. Tum consequenter petit Abram filium à Deo, & obtinet illius promissionem. Facile quoque ex Danielis 13. colligitur Salsanum seipsum considerasse vt filium Israel, hoc est, vt Dei filium, & partem populi illius Sancti, & ad Deo electi. Iudith quoque manifestè dicitur cap. 8. considerasse populum, quem suo periculo liberauit, vt populum Dei, verà Religione sibi coniunctum. Et de alijs similiter in Scriptura laudatis, idem censendum est, potestque ex ipsa id facillè colligi.

Tertia & vera sententia, quæ affirmat Spem Theologicam habere in suo obiecto formali adæquato duo illa, quæ diuini assignant duas præcedentes sententiæ; consequenter asserit eam versari non solum circa Deum ipsum, & beatitudinem supernaturalem, eiusque media, & alia bona supernaturalia sperantis propria: verum etiam circa bona ardua purè naturalia, quæ à Dei omnipotentia, & benignitate, secundum fidei dictamen sperari possunt: idque etiam sine respectu ad beatitudinem supernaturalem: sufficeretque vt per fidem proponantur, velut ab omnipotentia & bonitate Dei speranda. Quæ sententia satis probata manet ijs argumentis, quæ pro duabus præcedentibus

67.

64.
Spes loquitur
cognitio
nem fi-
dei.

65.
Condi-
tiones
obiecti
materi-
alis Spei,
ex D.
Thoma.

66.
Altera
epinio de
obiecto
mater.
Spei.

68.
Quomodo
sancti
spectant
bona, vel
mala natu-
ralia?

69.
Vera sen-
tentia.

adducta fuerunt: & ex dictis Sect. 6. de obiecto formali Spei, ubi ostendimus illud ad duplicem illam considerationem extendi: ex quo sequitur, quicquid subest huic aut illi considerationi, esse obiectum materiale Spei: ac proinde tum bona nostra supernaturalia, vt talia; tum etiam quæcunque alia bona ardua possunt secundum fidem à Deo sperari; comprehendunt intra ambitum obiecti materialis huius virtutis.

70.
Quomodo bona nostra pertinent ad Speciem?

Sequitur præterea, nullum bonum naturale esse obiectum materiale Spei Theologicæ, nisi vel per respectum ad omnipotentiam & misericordiam Dei, à quo illud speramus, & cuius fiduciâ erigimur contra arduitate, secundum fidei Regulam: vel ad bonum nostrum supernaturale, quâ tale, quod per amorem, desiderium, & alios affectus voluntatis prosequimur. Ratio est, quia nullum bonum est obiectum materiale alicuius virtutis, nisi prout subest obiecto illius formali. Obiectum autem formale Spei Theologicæ non est aliud, nisi vel omnipotentia & bonitas diuina, à qua speratur bonum, quamvis arduum, secundum fidei Regulam: vel bonum supernaturale quatenus proprium sperantis; id est, bonum ad nos aliquo modo pertinens, vt spectatos in ordine supernaturali. Nam, vt supra diximus, motuum & obiectum formale virtutum Theologicarum debet esse supernaturale & diuinum, propter quod opus fuerit infundi virtutem supernaturalem illi proportionatam. Ideoque bona naturalia non sunt obiectum Spei sine vlllo respectu vel ad omnipotentiam, & bonitatem Dei, à quo sperantur; vel ad ordinem supernaturalem, ad quem aliquo modo pertineant. Sicut bona proximi purè naturalia, non sunt obiectum materiale Charitatis Theologicæ, nisi considerentur vel vt Deo grata, & ad ipsum aliquo modo pertinentia; vel ad proximum spectatum in ordine supernaturali: quæ vtraque consideratio est obiectum formale adæquatum Charitatis infusæ. Et veritates purè naturales non sunt obiectum materiale fidei diuinæ, nisi quatenus attinguntur propter reuelationem Dei, quæ est motiuum, & obiectum formale, ac supernaturale, fidei Theologicæ.

71.
Spes non tantum desiderat, & audit: sed amat, gaudet, &c.

Aduersus hanc sententiam, nihil obijci video, quod ex dictis faciliè solui nequeat. Notandum tamen est quòd sicut possumus sperare bona naturalia in ordine ad omnipotentiam Dei iuvantem contra arduitate: ita possumus eadem amare, & desiderare sub eodem respectu, & gaudere de illis adeptis per Dei auxilium. Nam illi actus sunt affines, & vnus ex alio sequitur, rectèque vni eisdemque virtuti supernaturali conuenient perficienti subiectum suum in ordine ad omnem actum suo obiecto formali consentaneum. Idemque dico cum proportionem de malis naturalibus arduis, in ordine ad Dei omnipotentiam spectatis, eiusque ope vitandis, aut iam vitatis: deque affectibus voluntatis, qui conuenienter exerceri possunt circa eiusmodi mala, tali modo spectata.



SECTIO IX.

Vtrum Spes versetur immediatè circa Deum?

Vera & communis sententia Theologorum affirmat cum D. Thoma quæst. 17. art. 2. c. Vbi asserit bonum quod propriè à Deo speramus, esse infinitum. *Non enim minus aliquid ab eo sperandum est, quam sit ipse.* Nimirum quia est ipsemet Deus, qui seipsum nobis proposuit videndum, & fruendum, perpetuoque possidendum in mercèdem bonorum operum, aut veluti fructum iustitiæ supernaturalis hac in vita acquisitæ: iuxta illud Genes. 15. *Ego prorektor tuus sum, & merces tua magna nimis:* Et D. August. 22. de Ciuit. cap. 30. *Premium virtutis erit, qui virtutem dedit: ei que seipsum, quo nihil maius esse potest, promissit.* Ratio præcipua huius assertionis est, quia Spes Theologica versatur immediatè tum circa id, à quo sperat, & cuius ope innititur: erigendo se circa bonum: tum etiam circa bonum ipsum, quod sperat, ratione sui, & non solum mediante aliquo alio materiali, aut formali, ratione cuius solum amet & desideret illud bonum: Sed illud à quo præcipue speramus, & cuius ope freti præcipue confidimus nos posse assequi propria bona supernaturalia, est Dei bonitas, & omnipotentia. Illud etiam quod speramus ratione sui, est præcipue Deus, qui est bonum nostrum, non tantum ratione formalis beatitudinis; sed etiam per se immediatè, quatenus est obiectum beatitudinis nostræ formalis, & eius causa; & quatenus alijs modis prodest nobis, vel ad nos aliquo modo pertinet. Et secundum easdem considerationes est obiectum amoris, desiderij, gaudij, aliorumque affectuum Spei supernaturalis.

73.
Constitutur.

Neque enim solum amamus formalem nostram beatitudinem, aut de illa gaudemus: sed etiam de Deo ipso. Sicut non tantum placeat tactus rei suavis, aut aspectus rei delectabilis: sed & res ipsa suavis, aut delectabilis, & pulchra. Et cum desideramus pecunias v. g. non desideramus solum possessionem pecuniarum immediatè, quasi præcisam à pecunijs; sed & pecunias ipsas. Imò est potius impossibile possessionem præcindi à pecunijs in tali affectu. Quando enim aliquid supposito distinctum, est bonum nostrum; non est tale formaliter, id est, per modum causæ formalis nos bene afficiens, nisi vt nobis vnium, aut possessum; vel vniendum, aut possidendum. Vnde fit vt finis *qui*, & finis *quo*, vt vocant, id est, res quæ amatur, & ipsius possessio, non sint propriè duo fines. Quia neque possessio amator sine re, neque res sine possessione aut vniione, sine qua non habet rationem boni nostri.

Hinc etiam fit vt Deus, quatenus bonum nostrum, non sit propriè obiectum mediatum materiale, aut formale respectu talis amoris. Quia non amatur mediante alio materiali, aut alio formali. Siquidem possessio, id est, Deus vt possidendus, aut possessus, non est realiter, aut formaliter aliud, quam Deus ipse vt bonum nostrum est formaliter quodammodo.

74.
Deus est obiectum immediatum Spei.

Quod addo, quia non loquor iam de Deo considerato ut bono nostro effectivè, id est, ut principio efficiente multorum bonorum, quæ nos bene efficiunt formaliter: iuxta quam considerationem distinguitur à bonis creatis, quorum causa est. Et tamen Deus etiam secundum illam considerationem attingitur immediate per Spem: quatenus ipse secundum se est bonum nostrum, ut auctor ejusmodi bonorum creatorum, quibus formaliter bene afficitur.

75.
Contra-
ria sen-
tentia.

Contrarium sentit Durand. in 3. dist. 26. quæst. 2. Vbi docet Spem non attingere Deum ipsum immediate secundum se, sed secundum actus nostros, id est, secundum formalem nostram beatitudinem: Atque ipso obiectum immediatum Spei non esse ipsum Deum; sed beatitudinem formalem, quæ est aliquid creatum. Est tamen Deus, inquit, obiectum principale Spei, quamvis mediante beatitudine: quia totam bonitatem, & arduitatem, quam Spes attendit in obiecto suo, habet beatitudo ex hoc quod est circa Deum, sicut circa proximum obiectum. Monet autem idem auctor hoc esse intelligendum de obiecto, quod est res sperata: quia si obiectum Spei dicatur id, à quo speramus beatitudinem; tunc ipse Deus est immediatum obiectum Spei. Hinc verò sequitur, iuxta sententiam Durandi, Spem non esse virtutem Theologicam respectu rei speratæ, sed tantum respectu eius à quo speratur: quia secundum priorem respectum non fertur immediate in Deum.

76.
Præcipua
eius ar-
gumenta.

Argumenta huius Doctoris hæc sunt: Primò, quia Spes, inquit, pertinet ad amorem concupiscentiæ, quo volumus nobis aliquid bonum. Sed proximum & immediatum obiectum amoris concupiscentiæ non est Deus secundum se: Deus enim amandus est propter se, & amore amicitie. Ergo est aliquid aliud. Sed non est aliud nisi beatitudo creata, ut patet ex ipsa descriptione Spei, scilicet, quod est expectatio futuræ beatitudinis. Secundò, Idem est obiectum Spei, & gaudij seu delectationis; nec differunt, nisi secundum præsens, & futurum. At obiectum proximum gaudij seu delectationis in patria, non est Deus secundum se, sed beatitudo creata. Maior est clara. Minorem verò ait sufficienter à se probatam fuisse in 1. dist. 1. quæst. 2. eandemque rursus probare conatur in 4. dist. 49. quæst. 5. Sed quæ utroque loco affert, nos iam alibi refutavimus, loco mox citando. In his duobus argumentis Durandi tertium addi potest, quia si Deus per Spem expetitur speranti, tanquam illius bonum: ergo sperans est finis, & magis amatur per Spem, quam Deus ipse. Nam si cui aliquid expetitur, est finis eius, quod ipsi expetitur; & magis amatur, quam illud. Consequens autem est absurdum, & contra rectum ordinem quem virtus Spei, vt & quælibet alia, servare debet circa suum obiectum. Ergo, &c.

77.
Deus est
mabilis
& bonus
iobis.

Ad primum respondeo, concessa maiore, nego minorem. Deus enim potest amari convenienter à creatura, non tantum provt absolute in se bonus est: sed etiam provt respectivè est bonus ipsi creaturæ. Est enim convenienter amabilis secundum omnem considerationem, quæ bonus est. Ergo quatenus est sum-

mum bonum nostrum supernaturale, est amabilis amore proportionato & supernaturali, qui est amor concupiscentiæ circa Deum, ut bonum proprium amamus.

Ad secundum respondeo similiter, negando minorem. Nam etiam Deus ipse secundum se immediate, ut summi bonum nostrum, est proximum & immediatum obiectum gaudij beatifici, ut ostendimus tom. 8. disp. 5. Sect. 2. Vbi omnibus Durandi argumentis in contrarium, abundè, ut puto, satisfecimus. Enimvero Beati non gaudent tantum immediate de sua visione; sed etiam de Deo ipso clarè viso. Sicut qui solem intuetur, aut picturam; delectatur immediate sole ipsa, vel pictura, ut obiecto delectabili. Neque enim delectatur immediate sola visio, ut præcisè ab obiecto; sed & ipsum obiectum secundum se, mediante visione, non vt obiecto, sed vt causa delectationis moraliter efficiente, vel vt conditione sine qua non. Similiterque gustus, aut tactus rei suavis, non delectatur immediate solus, & præcisè ab ipso obiecto: sed res ipsa suavis per seipsam delectat ut grata gustui, vel tactui, beneque sensui proportionata, & conveniens. Quamvis non delectetur nisi mediante sensatione, ut causa proxima efficiente delectationis, vel vt conditione sine qua non. Quemadmodum bonum cognitum non amatur nisi mediante cognitione, quamvis ipsismet secundum se sit obiectum immediatum amoris.

Ad tertium respondeo, non quidquid expetitur alteri, expeti illi ut fini qui magis ametur. Potest enim expeti illi, ut subiecto, quod potius ad ipsum velut ad finem ordinatur, quodque in intentione minus præcipuum sit. Et ita Deus, quando nobis expetitur, amatur quidem secundum illam modificationem, quatenus bonus nobis est, & obstruuntur summi bonum: sed non propter illud ad nos referimus, velut ad finem magis intentum, & præcipuum. Nam potius ipsum nobis amamus, ut nostrum finem ultimum, & summum bonum, præcipuè ac summè expetendum.

79.
Spes non
refert
Deum ad
nos, ut ad
finem.

Virgebis, quia ille, cui bonum aliquid volumus, est finis cui eius boni: iuxta communem distinctionem Philosophorum in finem cui, & finem qui, seu cuius gratia. Ergo ille cui Deum amamus, est finis qui ipsius Dei. Respondent aliqui id posse sine incommodo admitti, & admittitur à Maximo disput. 33. Sect. 2. num. 7. modò maneat, in tali affectu Deum esse finem qui, seu cuius gratia, præcipuè expetitur, & ad quem nos ipsos, & nostra omnia referimus, velut ad finem ultimum. Secundò & melius dicendum est, doctrinam illam Philosophorum non esse accipiendam universalsimè, sed cum restrictione proximè tradita: excepto scilicet casu, in quo ille cui bonum expetimus, non potest convenienter habere rationem finis, sed tantum subiecti, respectu tanti boni, quod ipsi expetimus, & ad quod ipse potius velut ad finem suum ultimum referri debet. Tunc enim virtus, cuius omnes affectus debent esse bene ordinati (neque enim aliter essent actus virtutis) non expetit illi tale bonum, tanquam fini eiusdem boni; sed solummodo tanquam illius subiecto.

E e 2



DISPUTATIO

SEXTA-DECIMA.

De Actibus virtutis Spei, & alijs ad eam
pertinentibus.

- Seçtio I. *Quinam sint actus Spei Theologica: & cuinam sperandum sit?*
- Seçtio II. *Liceat-ne sperare mercedem æternam, aut temporalem: & sperare de homine?*
- Seçtio III. *Soluntur aliæ duæ quæstiones de actu Spei, & de timore ad ipsam pertinente.*
- Seçtio IV. *Diluntur obiectiones contra doctrinam præcedentem de timore Spei proprio.*
- Seçtio V. *De habitu Spei.*
- Seçtio VI. *De subiecto Spei quoad actum, & habitum.*
- Seçtio VII. *De præceptis Spei.*
- Seçtio VIII. *Vtrum si Deus revelaret alicui ipsum esse reprobaturum, teneretur ille nihilominus ad sperandum?*
- Seçtio IX. *De vitijs Spei oppositis, desperatione præsertim, & præsumptione.*

DE materiâ huius disputationis agit S. Thom. q. 18. & quatuor sequentibus. In quarum prima docet Spem esse in voluntate, tanquam in subiecto proprio: non autem in appetitu inferiori: quia eius obiectum non est aliquod bonum sensibile, sed bonum divinum. Et non esse in beatis, sicut neque fidem: quia bonum arduum possibile non cadit sub rationem Spei, nisi quatenus est futurum. Beatitudo autem non est illis amplius futura, sed præsens. Neque etiam esse in damnatis: cum non possint apprehendere beatitudinem vt bonum possibile: certique sint se nunquam ex æterna damnatione evasuros. Denique Spem habere certitudinem participatam à fide, certò illi proponente obiectum, in quod tendit, & media, modumque tendendi.

In secunda affirmat Deum timeri posse, ac debere, in quantum potest aliquod malum, pænæ scilicet, nobis ab ipso imminere. Timoremque diuidi in seruilem, filialem, & initialem. Quorum primo conuertimur ad Deum, ob timorem pænæ. Secundo, propter timorem offensæ: nam filiorum est timere offensam patris. Tertius est medius inter vtrumque timorem, per vtriusque participationem: quando sci-

licet timetur partim ob pœnam, partim ob offensam. Vltra hos verò timores, qui boni sunt, alium esse malum, qui dicitur mundanus, & nascitur ex amore, quo quis mundo innititur tanquam fini, ideoque timet illum amittere. Differunt autem specie timor seruilis, & filialis, propter diuersa obiecta, in quæ tendunt. Et vterque est initium Sapientię: quia cùm ad Sapientiam pertineat quòd humana vita reguletur secundùm rationes diuinas: hinc oportet sumere principium, vt homo Deum reueretur, & se illi subiciat.

In tertia asserit desperationem esse peccatum: quia nascitur ex falsa opinione quòd Deus denegat gratiam pœnitenti, vel quòd peccatores ad se non conuertat per gratiam iustificantem. Posse tamen esse sine Infidelitate, sicut & alia peccata mortalia. Quia potest aliquis retinendo in vniuersali veram æstimationem fidei, quòd scilicet est remissio peccatorum in Ecclesia: pati tamen motum desperationis, quòd nimirum sibi in tali statu existenti non sit speranda venia, corruptâ eius æstimatione circa particulare. Tametsi autem non est maximum peccatum, quia Infidelitās, & odium Dei, magis ab eo auertunt, quàm desperatio: periculosior nobis tamen est, quia magis à bonis operibus retrahit, & ad mala inducit. Eius denique originem; seu causam interdum esse luxuriam, quæ facit vt homo fastidiat bona spiritualia, carnalibus irretitus; & interdum acediam, quæ animum dejicit, impeditque ne ad bonum arduum prosequendum generosè feratur.

In quarta dicit præsumptionem esse quandam immoderantiam Spei: quâ quis tendit in aliquod bonum vt sibi possibile, quod tamen eius virtutem excedit: vel tendit in aliquod bonum vt possibile per virtutem, & misericordiam diuinam, quod tamen non est tale: sicut cùm aliquis sperat veniam obtinere sine pœnitentia, vel gloriam sine meritis. Et hæc est quæ opponitur virtuti Spei Theologicæ. Estque peccatum: quia conformatur intellectui falso, quòd Deus in peccato perseverantibus veniam concedat, vel bona opera negligentibus gloriam largiatur. Minus tamen peccatum est, quàm desperatio: quia Dei magis proprium est misereri & parcere, quàm punire, ob infinitam eius bonitatem. Directiusque opponitur Spei, quàm timori: quia importat quandam Spem inordinatam de Deo, respicitque idem obiectum, cui innititur: sed Spes ordinatè; præsumptio inordinatè. Oritur autem à superbia, quâ homo se tanti æstimat, vt eum Deus etiam peccantem non puniat, vel à gloria non excludat.

In quinta docet oportuisse dari præceptum Spei, vt homines inducerentur ad obseruantiam præceptorum: atque etiam præceptum timoris seruilis: quia timor quoque pœnarum inducit ad legis obseruantiam. Timor autem filialis, qui reuerentiam exhibet Deo, est quasi quoddam genus ad dilectionem Dei, vt principium quoddam omnium eorum, quæ in Dei reuerentiam obseruantur. Ideoque de timore filiali dantur præcepta in lege, sicut & de dilectione: quia vtrumque est præambulum ad exteriores actus qui præcipiuntur, in lege, ad quos pertinent præcepta Decalogi: Timor enim requiritur ab homine, & vt ambulet in via Dei colendo ipsum, & vt eundem diligit.

Ec 3

SECTIO I.

*Quinam sint actus Spei Theologicae?*1.
Qui affectus
conueniant
Spei?

Constat ex dictis præcedenti disputatione virtutem Spei Theologicæ ad quæ sumptam, non valere solum ad mentis erectionem, & fiduciam de omnipotentia & bonitate Dei, eiusque auxilio nobis parato conceptam circa bonum arduum; qui actus specialiter vocatur Spes, & à quo virtus tota nomen accepit: sed etiam ad audaciam contra malum arduum, conceptam ex eodem motiuo, & ad omnem affectum conuenientem circa bonum nostrum supernaturale, quæ tale; & circa malum ipsi oppositum. Ita ut valeat ad amorem, desiderium, & gaudium eiusdem boni: & ad odium, timorem, & tristitiam de malo opposito: atque etiam ad iram contra causas eiusdem mali, vel impedimenta boni. Alij verò duo affectus, qui vitra Spem, audaciam, & iram, tribuuntur parti irascibili, nempe metus, & desperatio, non conueniunt virtuti Spei, saltem circa beatitudinem: quia decentes & honesti non sunt. Procedunt enim ex iudicio erroneo, quod difficultas assequendi bonum conuenienter desiderandum secundum fidei dictamen, aut vitandi malum conuenienter fugiendum, & insuperabilis. Vel consistunt in prauo affectu voluntatis abijcientis desiderium boni propter arduitatem, aut succumbentis malo, nec conantis effugere, propter illius vitandi difficultatem.

2. Valet igitur Spes ad volendum, & amandum bonum nostrum Supernaturale, quæ tale: ex quo amore sequitur naturaliter desiderium eiusdem boni, quando abfens est, & quidem etiam generosum & vehemens, valensque ad vincendam difficultatem, contra quam mens se erigit innixa Dei auxilio. Ex eodemque amore sequitur connaturaliter gaudium de bono eodem obtento & possessio. Item, ex amore boni sequitur naturaliter auersio & odium mali oppositi; & ex odio timor eiusdem mali imminenti: qui timor fit audacia, si sit generosus contra arduitatem & difficultatem mali vitandi, cum fiducia concepta ex auxilio Dei parato. Sin contra, turpiter animo cadimus, vel desiderium boni abijcimus, propter arduitatem assequendi bonum, aut vitandi malum; & desperatio, vel metus: qui affectus non conueniunt virtuti Spei, ut paulo ante diximus. Ad eandem tamen pertinet ira contra causas mali, vel impedimenta boni nostri. Itémque dolor de amissione gratiæ, & de alijs malis bono nostro supernaturali oppositis.

3. Quod si obijcias, Charitati quoque, & alijs virtutibus conuenire omnes actus, quibus voluntas potest decenter tendere in cuiuslibet obiectum, amando, desiderando, gaudento, tendendo etiam generosè contra arduitatem cum erectione mentis, & desiderio generosè circa bonum, vel audacià circa malum, & irà contra causas mali, vel obices boni. Quænam ergo

est ratio cur secunda virtus Theologica vocetur Spes, potius quàm tertia, vel alie virtutes voluntatis: quandoquidem illæ quoque se generosè erigunt circa bonum sibi propositum abfens, & arduum, illudque generosè desiderant, & prosequuntur efficaciter contra difficultatem?

Respondeo, rationem specialem cur secunda virtus Theologica vocetur Spes, esse quia Spes propriè, secundum Philosophos morales, est affectus voluntatis circa proprium bonum sperantis, abfens, & arduum, erigentis se contra arduitatem, & innitens proprijs viribus & industriæ, vel alieno auxilio sibi parato. Qui affectus soli secundæ virtuti Theologicæ conuenit inter supernaturales, estque præcipuus illius actus, & propter quem maxime infunditur, pro statu huius vitæ: ideòque ab illo tota virtus denominatur. Confirmatur ex D. Thoma 1. 2. quæst. 25. art. 1. in c. Vbi de passione Spei loquens, ait passionem Spei supra desiderium addere quandam conatum & eleuationem ad consequendum bonum arduum: proprium scilicet, ut addit loco mox citando ex 2. 2. q. 17. a. 3. Actus autem supernaturalis Spei, tamen non est passio, idcirco tamen sortitur idem nomen, quia est actus appetitus circa proprium bonum arduum, habens talem quandam eleuationem. Itaque actus Spei propriè dictus, & strictè sumptus, est eleuatio voluntatis circa proprium bonum arduum, præcipueque circa Deum ipsum ut obiectum nostræ beatitudinis supernaturalis.

Constat etiam ex dictis de fide, actum Spei Theologicæ esse supernaturalem, & enitatis Actus longè excellentioris, maiorisque perfectionis Spei est moralis, quàm sint actus naturales, qui circa bonum nostrum supernaturale sufficienter cognoscunt, aut circa Dei omnipotentiam, & misericordiam iuuantem nos ad consequendum bonum arduum, exerceri possunt solis viribus naturalibus. Ut nimirum sit proportionatus obiecto supernaturali, in quod tendit, eiusque merito & dignitati respondeat, & cognitioni fidei supernaturalis, per quam dirigitur, & fini supernaturali iustificationis, & glorificationis, ad quem refertur: iuxta illud Trident. Sess. 6. can. 3. *Si quis dixerit sine preueniente Spiritus sancti inspiratione, atque eius adiutorio hominem credere, sperare, diligere, aut peruenire posse sicut oportet, ut ei iustificationis gratia conferatur, anathema sit.*

Superest quærere 1. Possit ne vnus sperare alteri beatitudinem, aliavè bona supernaturalia: vel tantum sibiipsi? Respondeo non posse illa sperare, seu desiderare alteri, ut alteri: sed tantum se sibi coniuncto, & ad se pertinenti. Ita D. Thomas quæst. 17. art. 3. Vbi affirmat non posse quemquam sperare alteri beatitudinem, nisi tanquam vnito ipsi speranti. Idque probat ibid. 6. *Sed contra*, ex D. August. in Enchiridio cap. 8. vbi sic ait: *Spes autem non est nisi rerum ad eum pertinentium, qui earum spem gerere perhibetur.* Ratio est, quia bonum supernaturale potest alteri amari, & procurari per Charitatem: adeo ut non sit opus alia virtute. Spes autem

4.
Spes cur
ita vocetur?5.
Actus
Spei est
supernaturalis.6.
Spes est
circa bonum
proprium
sperantis.

est virtus distincta à Charitate : iuxta illud 1. Cor. 13. *Manent Fides, Spes, Charitas, et hæc.* Quare vt prædictum bonum procurare, & promoueri, sit actus Spei, debet addi aliqua differentia; nimirum consideratio illius boni, vt aliquatenus pertinentis ad ipsum sperantem. Quocirca Spes non desiderat bonum alterius, vt alterius, sed vt coniuncti sibi aliquatenus; quo modo qui bonum aliquod alteri desiderat, illud ipsum quodammodo sibi metipsum desiderat in alio sibi coniuncto; quia vnio, & coniunctio facit vt bonum coniuncti sit quodammodo bonum eius, cui ille coniunctus est.

7. **Bonum nostrum, & alienum valde differunt moraliter.** Obijcies: Deus vt bonum nostrum, non est diuersæ rationis, quàm consideratus pro vt bonum cuiusque aliorum: neque etiam quilibet nostrum est diuersæ rationis à quolibet aliorum. Ergo Spes, quæ tendit in Deum vt bonum nostrum, potest & debet tendere in Deum vt est bonum cuiusque aliorum. Idemque dico de alijs bonis supernaturalibus, quæ non differunt specie, vt nostra sunt, vel vt sunt aliorum. Quare per hoc Spes non potest distinguì à Charitate. Respondeo, antecedens quoad vtramque partem esse falsum. Quia quilibet nostrum, vt idem sibiipsum, in ordine ad amorem, est diuersæ rationis moraliter, ab alio, vt alio: & bonum proprium, & alienum, vt sic, tam differunt inter se, quàm idem, & diuersum, vt sic. Quare licet quilibet nostrum Physicè sit eiusdem speciei cum alio quolibet homine: moraliter tamen secundùm relationem ad amorem, vnusquisque vt idem sibiipsum, est diuersæ rationis ab alio, vt distincto & diuerso. Similiterque Deus non habet eandem rationem, secundùm relationem ad amorem, pro vt cuique proprium bonum; & pro vt est bonum alterius. Identitas enim, & proprietates ipsæ, est ratio diuersæ sufficiens ad distinguendum amorem, quo quis amat suum vt tale, ab amore quo quis amat alterius bonum, pro vt alterius est.

8. **Differentia moralis speciei quid sit?** Pro quo nota, id quod rectè aduertit Delugo disp. 3. de Pœnit. Sect. 2. nu. 30. differentiam moralem specificam inter aliqua duo, nihil aliud esse, quàm differentiam notabilem, quam prudens existimatio inuenit inter illa. Possèque contingere, vt aliqua prudenter existimentur differre notabiliter in ordine ad aliquem finem, aut vsum humanum: quæ tamen Physicè non differunt notabiliter, eiusdemque sunt speciei: & è contrariò, aliqua existimentur non differre notabiliter in ordine ad aliquem finem, aut considerationem moralem: quæ tamen Physicè spectata differunt specie. Sic voluntas furandi anrum propter specialem ipsius bonitatem, differt specie Physicè à voluntate furandi argentum: & tamen secundùm moralem æstimationem non differunt specie, neque debet hæc differentia explicari in confessione. Contrà verò, consanguineus non differt specie Physicè à non consanguineo: vel affinis à non affine. Et tamen copula carnalis cum consanguineo, vel affine, differt specie secundùm moralem considerationem, constituitque peccatum in alia specie necessariò expri-

menda in confessione.

Similiter ergo, licet amor, quo aliquis amat seipsum, & Deum sibi ipsi non differat specie Physicè ex parte obiecti, ab amore, quo amat alium hominem, & Deum ipsi experit: quia vnus homo non differt specie ab altero: Tamen secundùm moralem æstimationem magna & notabilis est differentia inter amorem quo diligit seipsum, suæque bona, vt talia: & inter amorem quo diligit alium, & quæ sunt ipsi bona. Quia morium amandi seipsum, procurandique sibi bonum, longè aliter mouet: & obligatio illa, siue potius necessitas moralis, quam quisque habet erga seipsum, est secundùm prudentem æstimationem valde diuersa ab obligatione amandi alium. Idèque in ordine ad moralem considerationem illi duo actus differunt specie, sicut & illorum motiua. Quamvis Physicè loquendo non differant specie obiecta, neque moralis honestas obiectiua Physicè spectata; ac proinde actus non accipiant ab illis Physicè & præcisè sumptis differentiam specificam.

SECTIO II.

Liceatne sperare æternam, aut temporalem retributionem: & sperare de homine?

101. **Q**UÆRITUR secundo, vtrum operari intuitu æternæ retributionis sit actus bonus & honestus, qualis debet esse actus virtutis Spei: & vtrum Spes ad eam tendat per sola Christi merita; an verò etiam per merita ipsius sperantis, & per intercessionem Sanctorum? Respondeo, & dico primò, non esse malum, sed honestum operari intuitu æternæ retributionis. Probatur primò ex Trident. Sess. 6. cap. 11. in fine, & can. 31. Vbi contra Hæreticos huius temporis sic pronuntiat: *Si quis dixerit insufficientem peccare, dum intuitu æternæ mercedis bene operatur, anathema sit.* Secundò, Scriptura passim hortatur nos ad bene operandum intuitu retributionis, Deuteron. 12. ver. 18. *Obserua, & audi omnia, quæ ego præcipio tibi: vt bene sit tibi, & filiis tuis post te in sempiternum.* Et ad Galat. 6. ver. 9. *Bonum autem facientes non deficiamus: tempore enim suo metemus non deficientes.* Et Coloss. 3. ver. 23. & 24. *Quodcumque facitis, ex animo operamini, &c. Scientes quòd à Domino accipietis retributionem hereditatim.* Et Apoc. 2. ver. 10. *Esse fidelis vsque ad mortem, & dabo tibi coronam vitæ.* Sancti quoque in Scriptura proponuntur passim operantes ex eodem motiua. Vt Dauid Psal. 118. ver. 112. *Inclinaui illam cor meum ad faciendas iniquitates tuas in spe dñi æternum, propter retributionem.* Et Hebræor. sancti 11. ver. 24. & 25. dieitur Moyses elegisse affligi cum populo Dei, quia aspiciebat in remunerationem. Et ver. 9. & 10. dicitur Abraham, patriâ suâ desertâ, habitatâ in terra aliena, quia *Expectabat fundamenta habentem ciuitatem, cuius artifex & conditor est Deus.* Ex his & similibus conficitur hæc ratio: Honestum est operari ex mortuo, quod Deus ipse

nobis proponit, & cuius intuitu Sancti, in Scriptura laudati, operati sunt. Atqui Deus Ipse proponit nobis motuum retributionis, & Sancti eius intuitu operati sunt: Ergo, &c. Quod si Scriptura Ioan. 10. & alibi reprehendit mercenarios: intelligi eos, qui vitiose excludunt alia motiva, & sine mercede nollent operari quod debent: vel etiam mercedem magis diligunt, quam Deum ipsum: vel comoda sua præferunt Dei obsequio, & saluti proximo: quales illi Pastores, de quibus Ioan. 10. sermo est.

11.
Licet sperare etiam temporalem.

Addo, non quidem malum esse operari intuitu mercedis temporalis, & humanæ: siue illud bonum temporale aliò referatur, siue non. Quia licitum est sperare à Deo per bona opera, eam mercedem, quam ipse promissit bene operantibus. At Deus illis non modò promissit bona aeterna, & spiritalia: sed etiam temporalia, & humana, Deuter. 12. 18. 30. & alibi. Neque obijcias esse contra rectam rationem ordinare orationem v. g. aut alium actum virtutis, tanquam medium ad obtinendam rem viliorum. Id enim verum tantum est, quando maius ordinatur solum ad lucrandum minus cum interitu maioris: vt si vitam quis exponat & perdat ad obtinendam solum aculeam. Secus autem, quando maius ordinatur ad lucrandum minus absque iactura ipsius maioris: sicut in exemplo proposito, bonum orationis non amittitur ex eo quòd per illam temporale aliquid prosequamur. Licet autem melius, & nobilior sit referre orationem, aliàque bona opera, ad finem supernaturalem, & non sistere in bono temporali: non tamen propterea hoc illicitum est. Tum quia non tenemur quolibet actu perfectissimè operari. Tum etiam, quia non est necessarium, vt quidquid expetitur tanquam bonum ipsum expetentis, sit vel finis supernaturalis, vel ad illum ordinetur. Nullum enim tale præceptum ostenditur, quo homo, etiam Christianus, teneatur semper omnia referre ad finem supernaturalem, & nihil aliud velle, nisi propter illum, sine quo multa alia sunt per se, expetibilia, licetque expeterentur, quamvis Deus nullum ordinem supernaturalem instituisse: vt vita, sanitas, comoda necessaria, virtutes naturales intellectus & voluntatis, alique id genus.

12.
Error contrarius refellitur.

Ex his collige quam falsò scripserit Iansen. lib. 5. de Gratia Christi Saluat. cap. 9. amorem concupiscentie respectu Dei esse vitiosum; eo quod semper quicquid amor ille concupiscit, hoc vltimo ad ipsum amantem refert: & Spem Christianam deprimi ab illis, qui eam subtrahunt Charitati, & in concupiscentie amorem, aut in mercenarie cupiditatis fœditatem vertunt. Et sequenti cap. 10. Absit, inquit, vt ica Christianam propter retributionem operetur: ipsum scilicet Deum mercedem tanquam sibi vilem expectando, & expetendo, vt paulo ante dixerat. Quæ doctrina prius tradita à Luthero in assertione articuli 6. ex damnatis à Leone X. & à Caluino in Antidoto Trident. ad Session. 6. can. 31. manifestè repugnat testimonijs Scripturæ relatis num. 8. Quibus adde, Deum ipsum se in mercedem Abrahamo pro-

ponere, Genes. 15. ver. 1. *Noli timere Abram; ego protector tuus sum, & merces tua magna nimis.* De eademque mercede loquebatur Apost. 1. Cor. 9. ver. 25. sic dicens: *Omni qui in agone contendit, ab omnibus se abstinet. Et illi quidem vt corruptibilem coronam accipiant; nos autem incorruptam.* Et Coloss. 3. ver. 24. *Quodcumque facitis, ex animo operamini, sicut Domino, & non hominibus: scientes quòd à Domino accipietis retributionem hereditatè.* Et Petrus Epist. 1. cap. 5. ver. 4. Pastores animarum sic exhortans ad suum munus ritè obeundum: *Pascite, qui in vobis est, gregem Dei, &c.* Et cum apparuerit Princeps Pastorum, percipietis immarcescibilem gloria coronam. Repugnat etiam communissimæ doctrinæ SS. Patrum, quorum plurima testimonia collecta, vide apud Andream de Vega lib. 11. in Trident. cap. 40. Et denique damnatur expressè ab eodem Concilio Sess. 6. can. 31. verbis, supra relatis num. 10. Quomodo autem Deus per amorem concupiscentie refertur ad ipsum amantem, non velut ad finem vltimum, sed velut ad subiectum, cui amatur, tanquam finis eius vltimus (quod non satis intellexit Iansenius) exposuimus superiori disput. Sect. 9. num. 78. & 79. Cùmque Spes Christiana sit distincta virtus à Charitate, illàque inferior, vt docet Apost. 1. Cor. 13. ver. vlt. non eam deprimunt, sed intra sui obiecti limites definiunt, qui dicunt illam habere obiectum diuersum à Charitate, & modum tendendi inferiorem: neque vlla eam fœditate inficiunt, sed genuinam eius naturam & perfectionem expriment, qui affirmant verari convenienti modo circa Deum, tanquam summum bonum, & finem vltimum ipsius sperantis. Plura hac de re videri possunt in Selectis contra Iansenium, disp. 29.

13.

Dico secundo, actum, quo operamur intuitu æternæ retributionis, vt boni nostri supernaturalis, esse actum Spei Theologicæ: quæ licet tendat ad beatitudinem per Dei gratiam, & per Christi merita, vt per causam præcipuam consequendi: licet tamen ad eam tendit etiam per propria ipsius sperantis opera, & merita, cum gratia Dei facta, & propter Christum ad vitam æternam acceptata. Prima pars liquet ex dictis Disput. 15. Sect. 6. de obiecto Spei. Secunda probatur ex Trident. Sess. 6. can. 26. *Si quis dixerit iustos non debere pro bonis operibus, quæ in Deo faciunt salutem, expectare, & sperare æternam retributionem, &c. anathema sit.* Et cap. 16. initio sic ait: *Bene operantibus vsque in finem, & in Deo sperantibus proponenda est vita æterna, & tanquam gratia filijs Dei per Christum Iesum misericorditer promissa, & tanquam merces eis ipsius Dei promissione boni ipsorum operibus & meritis fideliter reddenda.* Idem fatis expressè docent multa Scripturæ loca à Trident. ibidem allegata. Quibus adde illud Rom. 5. ver. 3. *Gloriamur in tribulationibus, scientes quòd tribulatio patientiam operatur: patientia autem probationem, probatio vero Spem.* Et cap. 8. ver. 17. *Sic, & heredes, &c. si tamen compatimur, vt, & conglorifi-*

Spes nititur etiam meritis sperantis.

capit preces nostras, &c. Et ex August. tract. 84. in Ioan. Vbi sic loquitur: *Ideo quippe ad ipsam mensam non sic eos (Martyres) commemoramus, quemadmodum alios, qui in pace requiescant; ut etiam pro eis oremur: sed magis ut ipsi pro nobis orant.* Et Seren. 71. de Verbis Apost. initio, *Habet, inquit, Ecclesiastica disciplina; quod fideles hauerunt, cum Martyres eo loco recitarent ad altare Dei, ut non pro ipsis oreretur, pro ceteris autem defunctis oratur.* Iniuria est enim pro martyre orare, cuius nos debemus orationibus commendari. Concludo itaque verbis Innocentij III. lib. 3. de mysticis Missæ, cap. 9. *Communicamus igitur, & memoriam veneramus Apostolorum, & Martyrum, & præcipui gloriose Dei genitricis Virginis Mariæ, ut eorum suffragia de fide perducamur ad speciem, de studio veniamus ad brauium, de via transeamus ad patriam.* In hac quidem commemoratione Sanctorum illud obseruat Ecclesia, quod antiquitas consuevit agere, ut in orationibus recolat patrum memoriam, quatenus eorum meritis suffragantibus, facilius obtineat, quod implorat. Plura in hanc sententiam Sanctorum Patrum testimonia, videri possunt apud Gauer, in tab. Chronogr. veritate 2. Bellarm. lib. 1. de Sanctis cap. 18. 19. & 10. Iaubert. de Barraute rom. 2. Clypei cap. 1. & tribus sequentibus: qui etiam præcipuis Hæreticorum argumentis in contrarium tam copiose & erudite satisfaciunt, ut non sit opus in illis refutandis diutius immorari.

SECTIO III.

Soluntur alia due quæstiones de actu Spei, & de timore ad ipsam pertinentem.

18.
Actus
Spei est
certus ex-
tralesce.

QUæritur tertio, an Spes nostra sit certa? id est, an actus, quo speramus beatitudinem æternam, certus sit? Respondeo cum D. Thoma quæst. 18. art. 4. non esse quidem certam formaliter & intrinsecè: quia formalis certitudo conuenit tantum intrinsecè actui intellectus, estque firma adhesio iudicij cum obiecto, vel auersio ab illo; siue firmus & indubitatus assensus, vel dissensus: sed tamen certam esse participatiuè, & denominatiuè ab actu intellectus, in quo fundatur: quatenus sequitur certum & infallibile iudicium fidei supernaturalis, quo beatitudo proponitur nobis ut possibilis, & ut consequenda per hæc & illa media à Deo instituta, si ritè adhibeantur. Quemadmodum enim Spes dicitur vana, incerta, & fallax, quando nitor iudicio, & estimationi vane, incertæ, aut fallaci, de veritate aut possibilitate finis, vel de efficacia mediorum: Sic è contrariò, &c.

19.
Non ex-
cludit
omnem
timorem
oppositi.

Notandum tamen Spem eiusmodi non esse certam absolute fide diuina, citra specialem reuelationem, sed tantum hypotheticè, quantum ad actusalem consequentem beatitudinis. Nemo enim citra specialem reuelationem est certus infallibiliter se absolute consequuturum esse vitam æternam, & media omnia ne-

cessaria vel adhibuisse, vel adhibitorum esse: ut contra stultam Hæreticorum præsumptionem definit Trident. Sess. 6. cap. 9. & can. 12. 13. 14. 15. & 16. Ideoque monet Scriptura, ut cum metu & tremore operemur salutem nostram, Philip. 2. ver. 12. &, *Seruite Domino cum timore, & exultate ei cum tremore, Psal. 2. ver. 11.* quia *Nemo scit, an odio, vel amore dignus sit, sed omnia in futurum seruantur incerti*, Ecclesiast. 9. ver. 1. & 2. & *Castigo corpus meum, & in seruitutem redigo: ne forte cum alijs predicauero, ipse reprobus efficiar*, 1. Cor. 9. ver. 27. Hinc licitum est suspicari, & timere ne excidamus ab æterna beatitudine: eoque magis quo propter frequentiam, & magnitudinem peccatorum, vel propter maiora damnationis pericula, maior est timendi occasio. Nunquam tamen Spes omnis abijcienda est, quandiu vita suppetit, ne quidem in casu reuelationis propriæ damnationis, de quo dicam inferius Sect. 8. Contrà verò, quò aliquis purius viuat, magisque abest à peccatis petiulis, dique abstinet à peccato mortali, à quo etiam abhorret quantum potest; maiorem habet certitudinem moralem, de sua perseverantia, & bono statu finali, atque ipsius beatitudinis assecutione. Quo sensu potest intelligi illud 1. Ioan. 4. ver. 18. *Perfecta Charitas foras mittit timorem: quia quò magis crescit, & operatur in nobis amor diuinus, eò magis timor iste minuitur.*

Potest etiam aliquo modo Spes dici intrinsecè & formaliter certa, id est, firma: quatenus voluntas firmiter innititur, & adhæret omnipotentæ & bonitati diuinæ, à qua sperat bonum arduum: iuxta illud Psal. 124. *Qui confidunt in Domino, sicut mons Sion: non commouebitur in æternum, &c.* Et Rom 8. *Certe sum quia neque mors, neque vita, &c.* Aliam certitudinem tribuit Spei Agid. Coninck disp. 19. dub. 7. num. 87. & 94. quatenus voluntas omnino firmiter atque constanter statuit finem prosequi: ita ut parata sit quidvis potius agere, aut pati, quam ab ea intentione dimoueri. Sed hoc potius ad animositatem & constantiam desiderij pertinet: conuenit tamen cum certitudine, quatenus est firma adhesio voluntatis, sicut illa est firma adhesio iudicij.

Dices, omnem actum voluntatis esse intrinsecè & formaliter actum cognitionis. Ergo nulla est ratio, quâ initio probauimus actum Spei non esse certum formaliter, & intrinsecè. Probatur antecedens, primò quia aliqui nulla esset contradictio quòd volitio possit esse sine cognitione. Nam non-existentia, & negatio vnius, non erit negatio, & non-existentia alterius. Item, quæ distinguunt realiter, possunt separatim conseruari & esse diuinitus. Secundo, omnis actus impossibilis elici à potentia alia, quàm cognoscitiua, est actus cognitionis. Sed omnis volitio libera est huiusmodi. Nam volitio libera debet esse actus potentie electiue. Sed omnis potentia electiua, quâ talis, est formaliter cognoscitiua. Eius enim est eligere, quod cognoscit opposita, circa quæ electio versatur: non autem eius quod formaliter certum est. Nam ineptum est fingere non idem for-

10.
Est etiam
aliquatenus
certus in-
trinsecè;

17.
Sicut idè
actus quo
cognoscimus,
& amamus;

maliter eligere, quod eligenda cognoscit, sed aliquid quomodocunque ab eo diuerfum. Quasi vero id quod est formaliter ignarum obiectum, quia tale, sit principium magis aptum per se ad eligendum, quam illud, quod obiecta cognoscit.

12. **Probat**ur non esse. Respondeo hanc opinionem improbabilem esse: primo, quia repugnat communissimæ Philosophorum & Theologorum doctrinæ: & quod grauius est, vnanimi Sanctorum Patrum consensui, explicanti mysterium Trinitatis per analogiam ad nostrum verbum mentis, & amorem: ita scilicet vt Filius, & Spiritus sanctus distinguantur mutuo à se inuicem, & neuter alterum includat, aut sit alter formaliter: sicut nostrum verbum mentis, & noster amor ita distinguuntur, vt vnum non sit aliud intrinsecè & formaliter: ac productio vnus sit prior productione alterius. Sicut in diuinis productio Verbi est prior productione amoris personalis. Vt videre est apud Basilium homil. 16. in illa Verba, *In principio erat Verbum*, Gregor. Nyssen. Epist. contra Apollinarem post med. Cyrillum Alex. lib. 2. Dialogi de Trinit. longè post medium, Anselmum in Monolog. cap. 31. Secundò etiam repugnat aperte experientie. Multa enim amamus intensè, quæ remissè tantum cognoscimus: sicut vice versa multa intensè cognoscimus quæ remissè tantum amamus. Atqui iuxta sententiam aduersariorum, quilibet magis & intensius veller & amaret, deberet magis & intensius cognoscere. Quia quò plures essent gradus formales, aut virtuales volitionis: essent & plures cognitionis: cum quilibet gradus volitionis, sit etiam gradus cognitionis, & volitio illa sit tota cognitio.

13. **Solutur** arg. cõtraria. Ad primum autem illorum argumentum respondeo, non posse vnum esse sine alio, quando est dependentia essentialis vnus ab alio. Sicut enim dantur dependentie naturales vnus ab alio, sine quo non potest naturaliter esse: vt accidentis à subiecto, & formæ materialis à materia: ita dantur dependentie essentielles vnus ab alio sine quo absolute esse nequit: vt creaturæ à Deo: modi vnionis ab altero extremo: volitionis à cognitione, &c. Sanè non esse creaturæ, non est formaliter non-esse Dei. Et tamen implicat creaturam esse sine Deo, propter dependentiam essentialem ab illo.

14. Ad secundum respondeo, probare tantum idem esse formaliter realiter principium cognoscens, & eligens: quod fateatur. In forma verò distinguo maiorem: Omnis actus impossibilis elici ab alia potentia, quam cognoscitua tantum, est actus cognitionis: concedo. Cognoscitua non tantum, sed etiam volitiua, & electiua, nego. Potest enim esse vel cognitio, vel volitio. Et omnis quidem potentia electiua, est realiter & formaliter à parte rei, id est, per seipsum, cognoscitua. Quamvis possit ratio præcingere, cogitando de illa expressè, vt cognoscitua: non cogitando de eadem expressè, vt electiua, & volitiua. Videantur quæ diximus 1. p. disp. 37. de Angelis Sect. 1. vbi probauimus intellectum & voluntatem esse eandem realiter potentiam indistinctam ab animæ substantia.

Quæritur quarto, an & quis timor sit actus Spei Theologicæ? Respondeo primò, timorem esse multiplicem, vt videre est apud S. Thomam quæst. 19. art. 2. vbi cum diuidit in filialem, initialem, seruilem, & mundanum. Quam diuisionem totà illà questione exponit. De eademque fusiùs disputant Valent. tom. 3. disp. 2. quæst. 2. Suarez disp. 1. de Spe, Sect. 4. & Agid. Conineck disp. 20. dub. 2. & frequentibus. Mundanus, qui & humanus, & timor huius sæculi dicitur, ille est, quo quis homines timeret, vel mala quæ ab hominibus inferri possunt. Et quia plerumque ad peccandum impellit, incitando ad malum, vel retrahendo à bono; ideo solet in malam partem accipi, & generatim definitur à D. Thoma, timor, quo aliquis, propter mala quæ timeret, à Deo recedit. Filialis est, quo peccatum, & alia timeamus in quantum Deo displicent. Seruilis, quo peccatum propter penam timeamus, vel peccata, & penas, & alia metuitur in quantum sunt nobis mala, vel bono nostro aduersa. Initialis non differt specie à prioribus: sed est timor inchoatus, & imperfectus, quatenus est initium maioris perfectionis; vel intrinsecè, nempe eiusdem timoris, vt intensi & perfecti; vel extrinsecè, quatenus ad alias virtutes acquirendas viam facit: iuxta illud Ecclesiastici 1. ver. 16. *Initium sapientie timor Domini*: ex quo loco Magister & alij occasionem sumperunt assignandi hoc membrum diuisionis. Licet alius esse videatur sensus Ecclesiastici, quòd nimirum timor Domini sit initium, id est, summitas, & apex, & caput Sapientie: iuxta vim vocis Hebraicæ *תַּיִר רֹאשׁ*, & *תַּיִר רֵגִל*: & conformiter ad id quod additur ibidem paulò post, ver. 20. *Plenitudo sapientie est timere Deum*: & versu 23. *Corona sapientie timor Domini, replens pacem, & salutis fructum*.

Ultra hos timores, est alius qui dicitur reuerentialis: quo aliquem non propter malum ab ipso inferendum, sed propter ipsius excellentiam & maiestatem, nostramque vilitatem timeamus, & reueremur cum formidine. Quo pacto Angeli beati Deum timeant, iuxta illud Iob. 26. *Columnæ cæli contremiscunt, & paueant ad nutum eius*. Et simili timore erga Christum, ob eius potentiam, & maiestatem, sæpè afficiebantur, qui videbant eius miracula: iuxta illud Luc. 5. *Repleti sunt timore dicentes, quia vidimus mirabilia hodie*. Et cap. 7. *Accepit autem omnes timor, & magnificabant Deum dicentes, quia propheta magnus surrexit in nobis, & quia Deus visitauit plebem suam*. Sed iste timor differt à priori, qui est circa malum. Generatim autem loquendo de timore mali: cum nulla sit virtus quæ non exerceat actum odij, & fugæ circa malum proprio ipsius bono oppositum: nulla etiam est cui non conueniat aliquis actus timoris. Quare tot sunt timores honesti & boni, quot sunt virtutes.

Notandum etiam ad timorem propriè dictum requiri apprehensionem mali, vt imminentis, vel saltem vt possibilis. Additque D. Thomas 1. 2. quæst. 42. art. 3. debere malum apprehendi vt arduum, & quod difficulter po-

25. Multi-plex ti-mor.

Mundanus.

Filialis. Seruilis.

Initialis.

26. Reuerentialis.

Quid requiratur ad timorem?

testi vitari. Sed hoc de timore vel metu strictè sumpto, provt est passio appetitus irascibilis, aut illi respondens, intelligendum est. Nam iuxta vñtatum loquendi modum, dicimur aliqua mala timere, possibilia quidem, sed tamen sine difficultate vitabilia, & de quibus nullum est periculum. Sic enim qui ex loco edito horrendum quoddam præcipitium despicunt, dicuntur timere calum, quem cum horrore refugiant; quamvis casus non imminet, neque sit illius periculum, aut vitandi difficultas. Non est etiam de ratione timoris generatim loquendum anxietas, & angor. Vnde licet in Beatis hæc esse non possint, quippe quæ repugnant statui beatitudinis: est tamen timor honestus, & sine vlla imperfectione: nimirum fuga peccati cum horrore, & damnationis, naturæ suæ possibilis; similis illi timori, & horrori circa ingens præcipitium, quem dixi paulò antè. In Christo autem, pro statu huius vitæ passibilis, fuit multiplex timor, etiam cum angore, & difficultate circa malum vt imminens. Vt quando instante morte *capit pavere, & cadere, & mañus esse*. Matc. 14. ver. 34. Timor verò reuerentialis erga Deum, siue qui ad virtutem Religionis pertinet, siue qui ad humilitatem, sine dubio Christo & Angelis tribuendus est. Porro timor generaliter & quomodocunque sumptus importat quandam imperfectionem, aut imbecillitatem, saltem naturalem, timentis: propter quod Deo non conuenit: multòque minùs metus, qui est timor mali ardui, & inevitabilis.

18. Timor peccati, & detestatio peccati propter illas, est actus bonus.

Dico secundò, timorem quo peccatum detestatur, quatenus per se, aut propter pœnas quarum est causa, opponitur bono nostro supernaturali, vel alia mala nostra metuimus similiter cum aliquo respectu ad bonum nostrum naturale, cui repugnant, esse actum honestum, si conuenienter exerceatur, & actum Spei Theologicæ. Prima pars, quòd sit honestus, liquet ex Tridentino Sess. 6. cap. 6. & Sess. 14. cap. 4. vbi contra Lutheranos affirmat attritionem conceptam ex metu pœnarum, & gehennæ, esse donum Dei, & Spiritus sancti impulsus. Ratio verò est, quia talis timor tendit in obiectum quod conuenienter secundum rectam rationem timendum est. Nam pœnæ, & alia mala bonis supernaturalibus opposita, sunt odio & timore digna: & peccatum est detestabile in quantum est causa huiusmodi malorum, vel per se ipsum aduerfatur bono nostro supernaturali. Confirmatur: quia sicut honestum est amare, & desiderare beatitudinem, & alia bona supernaturalia: Sic & odire, & metuere mala quæ ipsis opponuntur. Confirmatur secundò ex Scriptura, quæ ad huiusmodi timorem hortatur, eumque commendat, Luc. 12. ver. 5. *Time te eum qui postquam occiderit, habet potestatem mittere in gehennam*: Job. 9. ver. 28. *Verebar omnia opera mea, sciens quòd non parceres delinquenti*. Psal. 118. ver. 120. *Confite timore tuo carnes meas, & iudicij enim tui timui*.

29. Quomodo con-

Dixi autem, si conuenienter exerceatur: nimirum sine vitiosa exclusione alterius motiui: vt si quis diceret, Nisi peccato adiuncta esset

pœna, non vitarem illud: & sine vitiosa comparatione, & praelatione illius motiui alijs maioribus; vt si quis pœnas detestaretur tanquam maximum malum; præferendo illas peccato; & malum suum, offensæ Dei. Quo sensu intelligendus est D. August. cuius autoritate Lutherani abutuntur, quando aliquoties negare videtur eiusmodi timorem esse bonum, quia non abstrahit perfectè mentem à peccato, aut à vitioso amore sui.

Hinc facile est respondere Lutheri argumentis, de quibus fufus Bellarmin. lib. 2. de Pœnitentia, cap. 18. Falsum enim est quod ille ait, talem retinere voluntatem peccandi conditionatam, si posset id impunè facere. Falsum item, plus eum detestari pœnam, quàm culpam appetitui: licet ratione pœnæ moueatur ad culpam detestandam. Potest enim quis moueri ab eo, quod minùs estimat: & quod nobilius est, potest referri ad id quod est ignobilius, dummodo id fiat sine illius iactura. Ad hunc autem errorem Lutheri mirum est accedere aliquos, qui Catholici & Theologi audire volunt, post tam expressam definitionem Concilij Trident. Sess. 14. cap. 4. contra quos plura dicimus Sect. sequenti.

Secunda pars responsi, quòd ille timor sit actus Spei Theologicæ, patet ex dictis de eius obiecto adæquato, quod comprehendit bonum nostrum supernaturale, vt tale; & malum illi oppositum. Dicitur autem hic timor seruilis, quia est timor peccati propter pœnam; vel timor peccati, & pœnarum, aliorumque malorum, propterea sunt mala nostra. Alij verò timores honesti: pertinent ad eas virtutes, quarum est prosequi bonum oppositum malo sub ea ratione quâ timetur. Vt v. g. timor filialis, id est, timor displicendi Deo, pertinet ad Charitatem; timor reuerentialis, ad Religionem; vel ad humilitatem: & sic de cæteris. Plura de timore videri possunt apud autores suprâ citatos.

SECTIO IV.

Diluuntur obiectiones contra doctrinam præcedentem, de timore Spei proprio.

31.

Contra id quod diximus de timore pœnarum, deque attritione concepta ex metu illo, multa opponunt noui Dogmatistæ cum errorum suorum Architecto Iansenio lib. 5. de gratia Christi Saluati. cap. 13. seu per errorem Typographi, 21. & sequentibus vsque ad finem libri: quorum præcipuis argumentis satisfaciendum est. Opponunt igitur primò, timorem pœnæ non abstrahere animum ab affectu peccati, sed compati secum voluntatem peccandi, quæ traderetur executioni, nisi pœnæ metus ostaret. Nam, vt rectè docent Philosophi, ea quæ purè aguntur ex metu, sunt inuoluntaria secundum quid, seu mixta ex voluntario, & inuoluntario; ita vt operans sentiat animi repugnantiam ad id, quod metu facit: habeatque hunc actum voluntatis coniunctum,

ctum, Nollem hoc facere, vel nollem abstinere, nisi mali independentis metu cogerer.

31. Respondeo primò, erroneum esse dicere nullum timorem pœnarum abstrahere animum ab affectu peccati. Nam Concilium Tridentinum satis manifestè supponit, timorem aliquem peccati, & dolorem de illo propter metum pœnarum, talem esse, ut planè abstrahat animum ab affectu peccandi: cùm de attritione ex tali metu conceptâ pronuntiat contra Lutherum, Sess. 14. cap. 4. *Si voluntatem peccandi excludat, cum Spe venie, donum Dei esse, & Spiritus sancti impulsus non ad hoc quidem inhabitantis, sed tantum mouentis, quo penitens adiutus viam sibi ad iustitiam parat. Et quamvis sine Sacramento Pœnitentie, per se ad iustificacionem perducere peccatorem nequeat: tamen cum ad Dei gratiam in Sacramento Pœnitentie impetrandam disponere.* Quibus verbis, ut perspicuum est, Concilium loquitur de attritione quæ reipsa detur, & ad quam Spiritus sanctus reipsa peccatorem moueat, quæque talem effectum habeat in Sacramento Pœnitentie: non autem de figmento impossibili, qualis esset attritio ex timore pœnarum concepta, si (ut dicunt aduersarij) esset impossibile timorem pœnarum abstrahere voluntatem ab affectu peccandi.

33. Secundò, ad confirmationem respondeo, dupliciter nos velle, aut nolle aliquid ex metu, ut iam alibi diximus. Primò, simpliciter & absolute: ita ut toto affectu in illud feramur, non autem diuiso partim ad hoc, & partim ad eius oppositum. Quo pacto dicimus veram attritionem ex timore gehennæ, detestari peccatum absolute, & efficaciter. Secundò, diminitè solum, & secundùm quid: volendo scilicet, aut nolendo ex parte tantum, & cum affectu diuiso ad oppositum: Ut quando aliquis metu naufragij merces in mare projicit, quas amat etiam tunc, & argè ac cum iacturæ dolore, mauult projicere, quàm naufragium pati: vellèque retinere, nisi metus abjicere cogeret. Et de illo volendi, aut nolendi modo, verum est quod obijciunt, mixtum esse inuoluntario, id est, inuoluntate quandam affectum repugnantiam; neque negamus talem peccatum detestandi modum, vitiosum esse, ob adiunctum illius affectum præsentem, & vigentem: sed negamus talem esse detestationem de qua loquitur cum Tridentino, & communi Catholicorum doctrina. Iuxta hanc verò distinctionem facile possunt conciliari varia D. Augustini testimonia, apparente contraria: quorum aliquibus affirmat timorem peccati propter pœnas, bonum & salutarem esse; conceptum scilicet priori modo ex duobus suprâ dictis; ut videre est Serm. 18. de verbis Apostoli, cap. 7. & libro de catechizandis rudibus cap. 5. & concione in Psalmum 127. In alijs affirmat timorem pœnarum, & fugam peccati propter illum, vitiosa esse: quando scilicet timor posteriori modo, diminitè solum & secundùm quid, à peccando auertit: ut lib. de Spiritu & lit. cap. 32. & ult. & lib. de natura & gratia cap. 37. & Serm. 19. de verbis Apostoli,

Tomus III.

cap. 9. alijsque locis, quibus abutuntur aduersarij.

Opponunt secundò, affectum qui planè abstrahit voluntatem à peccato, debere talem esse, ut vi illius detestemur peccatum supra omne aliud, paratque simus subire potius quodcunque aliud malum, atque ipsam etiam gehennam ignis æterni, quàm peccare, si alterius eligendi necessitas incumberet. Talis autem affectus detestans peccatum supra omne aliud, non potest esse nisi affectus Charitatis, cuius est amare Deum super omnia, & detestari super omnia quidquid illi displicet. Estque manifestum talem actum non posse esse timorem pœnarum, etiam æternarum: cùm sit impossibile ut vi eiusmodi timoris parati simus gehennam potius subire, quàm peccare. Confirmatur, quia affectus planè abstrahens voluntatem à peccato, est affectus formalis, aut virtualis, de se absolutus & efficax, implendi omnia Dei mandata: inter quæ primum & præcipuum est, diligere Deum super omnia propter se. Ergo talis actus est saltem virtualis affectus amandi Deum super omnia propter se: adeoque est actus Charitatis, æque ac contritio includens virtualiter amorem Dei super omnia, detestansque peccatum propter illum.

Respondeo primò, si timor aliquis pœnarum non esset affectus planè abstrahens voluntatem à peccato, non diceret Scriptura, Exodi 20. ver. 10. *Ut probaret vos venit Deus, & ut terror illius esset in vobis, & non peccaretis.* Et Proverb. 14. ver. 27. *Timor Domini fons vite, ut declinet à ruina mortis.* Neque Tridentinum verbis supra relatis ex cap. 4. Sess. 14. supponeret attritionem ex gehennæ & pœnarum metu conceptam, propterea communitè concipitur, excludere voluntatem peccandi. Nec denique S. Augustinus (cujus præcipuè auctoritate abutuntur aduersarij) de eodem timore pronuntiaret, Serm. 124. de tempore, *Cum timeat pœna, quam Deus minatur, discitur amari premium, quod pollicetur: ac sic per timorem pœna, bona vita retinetur: per vitam bonam bona conscientia comparatur: & per bonam conscientiam nulla pœna timeatur.* Quapropter discat timere, qui non vult timere: discat ad tempus esse sollicitus, qui semper vult esse securus. Quæ manifestum est non posse per timorem præstari, nisi planè voluntatem à peccato abstraheret. Et in Psal. 127. *Vermis eorum non morietur, & ignis eorum non extinguetur. Audiunt hec homines, & quia verè futura sunt impijs, timeant, & continent se à peccato.* Non se autem continent à peccato, quia timeant, nisi timor ille voluntatem peccandi excluderet.

Respondeo secundò, ut affectus timoris planè abstrahat voluntatem à peccato, debere talem esse, ut vi illius detestemur peccatum, quatenus est causa pœnæ à Deo infligendæ, supra omne aliud malum, quod reipsa necessarium esset incurrere nisi peccaretur, cuiusmodi non est gehenna ignis æterni, quæ in nullo casu necessario incurrenda est, nisi peccetur: non autem necessarium esse ut vi illius parati simus ad quæcunque casum imaginarij, &

F f

Aliquis timor pœnarum abstrahit animum ab affectu peccati.

34.

35. Aliquis timor pœnarum planè abstrahit voluntatem à peccato.

Non omnia quæ sunt ex metu sūt inuoluntaria secundum quid.

36. Quis sit ille timor?

impossibile: cuiusmodi ille est, quo supponitur necessarium esse incurtere gehennam ignis æterni, nisi peccetur. Ad affectum autem Charitatis non sufficit detestari peccatum supra omne aliud detestabile, nisi mortuum detestandi sit quia displicet Deo summè dilecto propter se; cuiusmodi non est mortuum timoris gehennæ, quo illam auerſamur, & peccatum propter ipsam, quatenus malum nostrum est, bonoque nostro naturali & supernaturali aduersatur.

37.

Tertiò, ad confirmationem Dico similiter, non omnem actum, quo volumus efficaciter & absolute seruare Dei mandata, adeoque præceptum diligendi Deum super omnia propter se, esse actum Charitatis: sed eum solum, quo id volumus ex motiuo Charitatis, quia sic placet Deo summè amabili propter se. Et licet vi illius actus, parati simus amare Deum super omnia, sique virtuale aut formale propositum implendi præceptum Charitatis erga Deum, sicut & cætera virtutum aliarum præcepta; non tamen propterea est formalis, aut virtualis actus Charitatis; sicut neque Fortitudinis, aut Temperantiæ, vel Iustitiæ, vel Religionis, &c. Sed illius solius, ex cuius motiuo peccatum detestamur efficaciter & absolute, proponimusque non peccare in posterum. Atque ita specialiter affectus ille timoris gehennæ, de quo loquimur in præfenti, est tantum actus virtutis Spei, cuius proprium morium est auerſari peccatum vt causam gehennæ, tanquam nobis malæ, nostroque bono supernaturali oppositæ. Neque verò contritio est actus Charitatis ex eo solo, quod est propositum absolutum & efficax seruandi omnia Dei præcepta; sed ex eo quòd ita proponit ex motiuo proprio Charitatis erga Deum; quia scilicet hoc illi propter seipsum dilecto gratum est.

38.

Opponunt tertiò, timorem pænæ ab amore Dei seu iustitiæ distinctum, nasci ex amore vitioso suiplus amoris: & ita timentem non de Deo, sed de se tantummodo sollicitum esse, atque in creatura vltimò quiescere, non in Deo; cuius malum ita timere, & contrarium bonum sic appetere quisque debet, vt in vitioque tam amoris, quam timoris affectu seipsum referat in Deum, & peccet nisi referat.

39.
Non nascitur ex vitioso amore suiplus.

Respondeo primò, si timor ille non ex motiuo Charitatis erga Deum conceptus, ex vitioso suiplus amore nasceretur, malusque & vitiosus illius scetus esset; & suaderet, vt facit Lucæ 12. ver. 5. Ecclesiastici 25. ver. 15. Psal. n8. ver. 120. Exod. 20. ver. 10. alijsque locis. Neque Trident. Sess. 14. cap. 4. diceret timorem illum, & attentionem ex illo conceptam, distinctamque à contritione quæ concipitur ex motiuo Charitatis, esse actum bonum, & Spiritus sancti impulsu elicium; ab eodemque timore, præuia fide, & præueniente atque excitante Dei gratiâ, incipere dispositionem peccatoris ad iustificationem, post illumque sequi actum Spei & fiduciæ de Dei misericordia, & actum amoris Dei tanquam fontis omnis iustitiæ; vt affirmat Sess. 6. cap. 6. Augustinus quoque de eodem timore non diceret concione in Psal. 127.

Ille timor, nondum castus, præsentiam Domini, & pænas timet: timore facit quidquid boni facit, non timore amittendi bonum illud, sed timore patiendi illud malum. Non timet ne perdat amplexus pulcherrimi sponsi, sed timet ne mittatur in gehennam. Bonus est & iste timor, utilis est. Et Serm. 18. de verbis Apostoli, cap. 8. *Modo cum dixi mihi, gehennam timeo, ardere timeo, in æternum puniri timeo: quid disturus sum? Male times, vanè times? Non audeo: quandoquidem ipse Dominus, ablato timore, subiecit timorem, & ait, vbi dixit, Nolite timere eos qui corpus occidunt, & postea non habent quid faciant; sed eum timeat qui habet potestatem & corpus & animam occidere in gehennam æternam. Ita dico vobis hunc timere. Cum ergo Dominus timorem incusserit, & vehementer incusserit, & repetendo verbum, comminationem geminauerit; disturus ego sum; Male times? Ista non dicam. Plane time, nihil melius times, nihil est quod magis timere debeas.* Et lib. 1. contra aduers. Legis & Prophet. cap. 16. *Salubriter non solum bonitatem, verum etiam severitatem Dei sacra Scriptura commendat: quoniam & amatur Deum veliter, & timetur.* Quodque loquatur de timore distincto à Charitate erga Deum, clarissimè liquet ex Serm. 13. de verbis Apostoli, vbi sic ait: *Timor seruus est: Charitas libera est. Et, vt sic dicamus, timor seruus est Charitatis. Ne possideat diabolus cor tuum, præcedat seruus in corde tuo, & seruet domina ventura locum. Fac vel timore pæna, si nondum potes amore iustitiæ.*

Respondeo secundò, falsum esse quod opponitur, ita timentem scilicet in suiplus amore requiescere, nihilque de Deo satagere. Nam qui Deum vindicem, & pænas æternas suiplus minantem timet absolute & efficaciter; atque ne Dei ultionem experiatur, gehennamque incurrat, detestatur eum offendere, & cupit ei reconciliari: ille sine dubio de Deo cogitat, atque ad illum se conuertit, cuius cum vindictam refugit, misericordiam exoptat: & detestando gehennam æternam, in pæna sensus, id est, ignis æterni combustionem consistentem, & in pæna damni, id est, in carentia fruitionis Dei: ad eundem etiam per talem actum, velut ad finem suum vltimum, & suum summum bonum, se tacitè conuertit: non quidem affectu Charitatis, quæ fertur in Deum vti propter se diligendum absolute ratione sui ipsius: sed affectu proprio Spei, quæ in Deum tendit vt summum bonum ipsius sperantis. Dicere autem omnes affectus bonos debere in Deum reſecti vt propter se dilectum, & alioquin esse vitiosos; est omnes virtutes confundere cum Charitate; aut negare vllam aliam esse virtutem præter Charitatem: contra doctrinam Scripturæ, & Sanctorum Patrum, omniumque Theologorum consensum; & apertè repugnat Tridentino Sess. 14. cap. 4. docenti attritionem non ex motiuo Charitatis, sed ex timore gehennæ conceptam, vel ex turpitudinis peccati consideratione, esse motum huiusmodi bonum; vt paulò ante diximus. Cætera quæ

40.
Neque qui sic timet, in suiplus amore requiescit.

opponunt, præcipue ad eludendam auctoritatem Concilij Tridentini supra relatam, sunt minoris momenti, foliisque facile possunt ex dictis Disp. 48. de Pœnitentiâ Sect. 7. Hæc igitur sufficiunt de actibus virtutis Spei.

S E C T I O V.

De habitu Spei Theologica.

41. **O**missis ijs, quæ ex dictis de habitu fidei nota sunt, & cum proportionem habitui Spei applicari debent: ut quod Spes sit virtus Theologica, supernaturalis in substantia, & simplex, atque unica numero in quolibet subiecto, de cuius potentia obedienciali educitur: superest quærere utrum habitus Spei præcedat fidem, aut Charitatem, ordine temporis, naturæ, vel dignitatis.

42. Respondet ad dico primò, non esse necessarium ordinem temporis, siue generationis, inter habitus fidei, Spei, & Charitatis: naturæ tamen ordine habitum fidei præire habitui Spei: & habitum Spei, habitui Charitatis. Ratio primæ partis est, quia possunt illi tres habitus simul eodem instanti temporis infundi: sicut reipsa fit in parvulis per baptismum iustificatis.

Secunda verò pars, quod scilicet habitus fidei præcedat ordine naturæ habitum Spei, probatur, quia actus Spei præsupponit, naturæ saltem ordine, actum fidei. Nihil enim speramus, nisi quod fide cognoscimus. Vnde Apostolus Hebræorum 11. vers. 1. ait Fidem esse substantiam, id est, basim & fundamentum rerum sperandarum. Et Romanorum 10. Quomodo invocabunt per Spem, in quem non crediderunt? Et Tridentinum Sess. 6. cap. 6. 7. & 8. enumerans actus, & habitus, qui concurrunt ad iustificationem, semper à fide incipit, quam dicit esse salutis initium, & fundamentum atque radicem iustificationis. Sicut ergo est naturalis subordinatio actus Spei ad actum fidei: ita est quædam subordinatio habitus ad habitum. Habitus enim est propter operationem, & convenienter præsupponit alium habitum, à cuius actu pender in operari.

43. Dices actum cognitionis naturalis de bono nostro supernaturali sufficere posse ad affectum voluntatis circa idem bonum: ideòque fidem non esse necessariam. Respondet, non repugnare quidem ut Deus eleuet voluntatem ad actum supernaturalem, præià solùm cognitione naturali de bono supernaturali: verumtamen id non fieri, neque esse conveniens, tum propter disproportionem inter cognitionem naturalem, & affectum supernaturalem, tum etiam quia cognitio naturalis non satis perfectæ, atque ut par est, attingit obiectum supernaturale. Ideòque Spes non sequitur talem cognitionem, neque ab illa pender, sed à fide infusa, & supernaturali. Non quia non possit simpliciter illam sequi: bonum enim proponitur voluntati per utrumque actum: sed quia Deus statuit debitum ordinem & proportionem servare.

Instabis, quia actus Spei supponit hoc iudicium in intellectu, Ergo saluabor: sicut desperatio supponit istud, Ego non saluabor. At illud iudicium non est fidei, cum id non sit reuelatum. Ergo Spes non sequitur semper iudicium fidei. Respondet Spem, etiam strictè sumptam pro erectione animi, vel pro actu desiderij vitæ æternæ, de se efficacia, & absoluti, non præsupponere illud iudicium absolutum, sed conditionatum: Ego saluabor, si in gratia decessero: iuxta id quod ait Trident. Sess. 6. cap. 16. & Cass. 32. Iustus debet vitam æternam, si perseverauerint, aut in gratia decesserint. Et Matth. 8. Si vñ ad vitam ingredi, serva mandata. & cap. 24. ver. 13. Qui perseveraverit usque in finem, hic saluus erit. Cui iudicio fidei addendum est aliud, de fide patietur, ut actus ille Spei exerceatur: nempe istud, Gratia Dei mihi non deerit, ut ego salvet, si velim cooperari: & Gratia Dei potens est me saluare, nihilque potest impedire salutem meam, si ego velim: velle autem possum cum Dei gratia, quæ mihi præsto est: iuxta illud Trident. Sess. 6. cap. 13. Nemo sibi certi aliquid absolutè certitudine pollicetur, tamen si in Dei auxilio firmissimam Spem collocare, & repone omnes debent. Deum enim, nisi ipsi illius gratia defuerint, sicut capis opus bonum, ita perficiet.

Tertia pars responsi, quod habitus Spei præcedat naturæ ordine habitum Charitatis, est D. Thomæ quest. 17. art. 8. & communis Theologorum. Ratio sumenda est, non ex naturali subordinatione inter actus, vel habitus utrinque virtutis. Potest enim homo per fidem, primò cognoscere Deum ut summè amabilem propter se, & ut talem amare primò & immediate amore charitatis, non interjecto amore Spei, vel consideratione Dei ut boni nostri, sine qua Deus per se amabilis & cognoscibilis est. Habitus quoque charitatis potest de se infundi, & vñci voluntati, non interjecta Spe: quia ex natura rei non magis pender habitus ab habitu, quàm actus ab actu; & voluntas est virtutis quæ capax immediatè. Ratio, inquam, sumenda est ex morali subordinatione, quam habent Spes, & Charitas in ordine ad componendam iustificationem perfectam, secundum Dei decretum, & institutionem, in natura rei fundatam. Quia enim voluntas imperfectius vñtur Deo per Spem, quàm per Charitatem, quæ est coniunctio perfectissima cum Deo: ideò Deus vñtionem illam habituale inchoat prius per Spem, quàm perficiat per Charitatem: & in edificio iustificationis fides fundamentum est, Spes erectio parietum, Charitas tectum, & consummatio ædificij: ut aiunt Origenes in cap. 4. Epist. ad Rom. Et D. Augustinus serm. 20. de Verbis Apost. quorum Verba retulimus initio huius tractatus, in ipsa præfatione, Prius ergo naturâ Deus instituit intellectum Fide habituali, & voluntatem Spe, tum Charitate, & alijs virtutibus infusus moralibus, quæ infunduntur ut Charitatis affectu, & ab illa pender in fieri, & conservari, iuxta probabilem multorum sententiam, de qua plura diximus in tractatu de gratia, Disp. 40. Sect. 2. & Disp. 43. Sect. 6.

44. Qualis sit ille actus Fidei?

45. Habitus Spei primus naturæ ordine habitum Charitatis.

46.
Actus
Spei spe
precedit
infusio-
nem ha-
bitus.

Quare etiam in eo casu, quo aliquis eleatur ad actum Charitatis, non premissio actus Spei, eo quod actus iustificationem consequitur: Deus nihilominus Spem infundit cum Charitate, sicut & virtutes morales, licet eorum actus tunc non exercentur. Ordinariè verò, cum disponuntur homines ad iustificationem, exercent prius actum Spei, quam Charitatis: & à timore pœnæ, ac consideratione misericordiæ Dei, eriguntur in Spem veniæ, & reconciliationis; tumque Deum, tanquam fontem omnis iustitiæ, diligere incipiunt: vt docet Tridentinum sess. 6. cap. 6. Vnde sicut ordinatiè actus Spei precedit, etiam tempore, actum Charitatis: ita & habitus Spei, habitum Charitatis: quippe qui statim infunditur posito actui proportionato, vt sufficiente dispositione: non expectato habitu Charitatis, à quo non pendet necessariò in fieri, & conservari: vt patet ex eo quod sine illo manet in peccatore non-infideli, neque peccante directè, & specialiter contra Spem peccato desperationis, vel alio cum ipsa incompatibili; vt dicemus in fine sequentis sectionis: eodem modo quo fides manet in eo qui non committit peccatum infidelitatis. Aliquando tamen simul tempore infunduntur; vt fit in iustificatione paruulorum, & eorum, qui non prius exercent actum proprium Spei, quam actum contritionis: vel qui iustificuntur per vsum Sacramenti, in quo licet Spes veniæ, & desiderium reconciliationis & amicitie diuinæ in adultis necessaria sint: non tamen ex motu proprio Spei: nam potest aliud motuum honestum sufficere. Quare in eo non assentior Egidio Coninck Disp. 19. dub. 8. num. 104. affirmanti adultos, qui iustificuntur susceptione Sacramenti, necessariò prius quam Sacramentum suscipiant, elicere actum Spei, quo sperant reconciliationem cum Deo, & ferè communiter liberationem à pœnis æternis. Nam vt omittam fidetis suspicentes, id est, cum obice; qui possunt tali intentione omnino carere: alij qui rectè & cum fructu recipiunt, possunt expectare Dei reconciliationem, non vt suum bonum, sed vt Deo gratam: & velle similiter liberari à pœnis æternis, quia id Deo gratum est: quâ ratione non exercent actum Spei, sed Charitatis.

47.
Cur habi-
tus Spei
semper
naturâ
præit ha-
bitui
Charita-
tis?

Dices: cur peccator, sicut interdum exercent prius actus Charitatis, quam Spei; non etiam prius interdum recipit habitum Charitatis, quam Spei? Respondeo Deum in exercitio actuum habere rationem nostræ libertatis, quæ ex varijs motibus se determinat liberè ad id quod vult. In infusione verò habituum, quæ ab ipso solo fit, habere rationem perfectionis ipsius operis, & subordinationis moralis, quæ est inter Spem, & Charitatem, in ordine ad perfectam iustificationem, & vniionem habitualem cum Deo. Quare non infundit Charitatem sine præiua Spe, cuius actus licet tunc non exercentur, continetur tamen eminentè in actu Charitatis, quo posito, velut dispositione sufficienti ad formam nobilissimam iustificationis, debet ipsa statim infundi, & cum illa cæteræ omnes virtutes, quæ vel moraliter illi præsupponuntur, vt Spes: vel sunt illius affectus, vt vir-

tutes morales infusæ. Porro moralis subordinationis inter Fidem & Spem respectu Charitatis, iuxta Dei ordinationem, signum est quod Fides & Spes possunt quidem esse, & sæpè sunt reipsa sine Charitate: at verò Charitas non est, neque potest esse sine Fide & Spe in putis viatoribus. Vnde colligitur moralis quædam dependentia Charitatis à Fide, & Spe, sine quibus esse nequit: secus ac Fides, & Spes, sine Charitate, quæ idcirco ab illa non pendunt.

Dico secundò, habitum Spei tenere similiter medium locum perfectionis inter Fidem, & Charitatem: ita vt Charitas sit inferior, & Fide nobilior. Prima pars, quod sit inferior Charitate, patet ex 1. Corinth. 13. ver. vlt. *Nunc autem manent Fides, Spes, Charitas, tria hæc: maior autem horum est Charitas.* Secunda, quod sit Fide nobilior, probabilis tantum est, tum autoritate D. Thomæ quæst. 7. de Verit. art. 3. & aliorum plurimorum, quos sequuntur Suares Disp. 1. de Spe, Sect. 6. num. 4. & Egid. Coninck Disp. 19. dub. 3. num. 110. Tum etiam ratione: quia Spes vnit perfecti cum Deo; & fini nostro supernaturali propinquior est: valetque ad actus, qui nullam includunt imperfectionem, nempe ad gaudium & fruitionem beatificam: secus ac Fides, quæ in omnibus suis actibus includit essentialiter imperfectionem obscuritatis: idcirco cessat eius exercitium in patria.

Obijcies, intellectum esse potentiam nobiliorem voluntate; ergo illius actus & habitus sunt nobiliores actibus, & habitibus voluntatis. Ergo Fides, quæ est in intellectu, est nobilior Spe, quæ est in voluntate. Respondeo primò indirectè, hinc sequi Fidem esse quoque nobiliorem Charitate: quod est contra Apostolum supra citatum. Secundò directè respondeo, dato quod intellectus sit potentia nobilior, non inde sequi quod quilibet eius actus, vel habitus sit nobilior quouis actu, vel habitu voluntatis: sed tantum quod nobilissimus actus, vel habitus intellectus, debet esse nobilior actu, vel habitu nobilissimæ voluntatis. Quo pacto admitti potest lumen gloriæ, & vniionem beatificam esse nobiliora habitu, & actu Charitatis, etiam qualis est in patria.

SECTIO VI.

De subiecto Spei.

QVæstio est tam de actu, quam de habitu. Ac primò, constar habitum, & actum Spei esse in voluntate: illius enim est amare, & in voluntate desiderare bonum supernaturali affectu spirituali, & supernaturali in substantia. An verò sit in parte irascibili, vel in concupiscibili, non est hic disputandum: cum hæc diuisione supra rejecta fuerit, ostensumque hos appetitus non distingui realiter, præsertim in voluntate, sed eandem voluntatem realiter indiuisibilem, atque eundem habitum valere ad vtriusque actus, intentionem solum, aut vehementiâ differentes propter obiecti arduitatem. Hoc ergo supposito, quaritur primò, vtrum habitus, vel

50.

51.

52.

53.

54.

actus Spei sit non tantum in viatoribus, sed etiam in Beatis? Secundò, an fuerit in Christo? Tertiò, an sit in animabus existentibus in Purgatorio? Quartò, an maneat habitus Spei in peccatoribus, vel in Hæreticis, vel in damnatis: & quomodo in illis corrumpatur?

^{51.} Dico primò, non esse quidem in Beatis actum Spei strictè sumptum pro erectione animi innitenti Dei potentie & fidelitati circa bonum supernaturale, ac difficile sibi ad consequendum: neque in illis manere habitum Spei ad exercitum talis actus, vel ad desiderium eiusdem boni absenti, & ardui: manere tamen simpliciter, & valere ad alios actus, quos Beati res ipsa exercent. Prima pars est communis Theologorum. Ratio eius est, quia Beati nullam laborant difficultate circa proprium bonum supernaturale, quod maxima ex parte iam obtinent, quod superest verò adsequuntur sine molestia & difficultate propria, quippe quæ repugnat statui perfectæ beatitudinis. In quem sensum intelligo quod ait D. Thomas quæst. 18. art. 2. Spem non manere in Beatis: & illud Apostoli Rom. 8. *Nam quod videt quis, quid sperat?* Ob eandem causam, quia Deo nihil est arduum & difficile, non convenit illi actus Spei strictè sumptus: licet ei conveniant multiplex desiderium & multiplex alius affectus circa proprium ipsius bonum, vt tale: vt quòd ab omnibus illi fideliter feruiatur, ab omnibus ametur, & glorificetur, &c.

^{52.} Secunda pars conclusionis, quòd habitus Spei maneat in Beatis, est Suaris Disp. 1. de Spe, Sect. 8. num. 5. & sequent. Agidij Coninek Disp. 19. dub. 10. num. 131. & aliorum. Ratio est, quia habitus Spei non tantum valet ad actum Spei prædictum, sed etiam ad amorem simplicem boni supernaturalis, & desiderium illius absenti, etiam citra arduitatem, & gaudium de illo vt præsentis: vt ostendimus Disp. 15. Sect. 3. & 6. Atque Beati amant bonum supernaturale, vt tale, & gaudent de Deo clarè viso & possessio, vt de proprio bono, & de felicitate iam adepta, cuius etiam durationem æternam expetunt. Desiderant etiam gloriam sui corporis, ac possunt alia bona supernaturalia desiderare, tum propria (vt reuelationes aliquas, vel gloriam accidentalem) tum aliena, tanquam aliquo modo pertinentia ad se, vt suorum conversionem, & salutem: possunt denique auersari & abhorreere quæ sunt his omnibus opposita. Ergo Beati exercent multos actus virtutis Spei. Cumque eos exercent perfectissimo modo, maximèque connaturali; sequitur vt exercent ex principio permanente intrinseco, id est, habitu Spei: quia hic modus operandi connaturalior & perfectior est, eo sensu, quo diximus in tractatu de Gratia.

Respondent aliqui, Beatos quidem summè gaudere de Deo clarè viso, & possessio, vt de proprio bono, quia hic actus nullam includit imperfectiorem, & maximè connaturale est gaudere de possessione boni antea summopere expetiit; gratia verò, & gloria non destruit naturam, sed perficit. Sed aiunt voluntatem ad illum amorem eleuari sufficienter per alia dona supernaturalia, speciatim verò per habitum

Charitatis: quia Beati amant suam felicitatem, & de illa gaudent, propter Deum, ad quem omnia alia, & omnes suos actus referunt. Unde illi actus non sunt actus Spei, sed Charitatis. Voluntas enim ibi absorpta in Deum, nihil amant nisi propter Deum. Ita Petrus Lorca 2. 2. Sect.

2. Disp. 6. & 7.

Sed contra: quia *Charitas non querit que sua sunt*: 1. Corinth. 13. Ergo non eleuari voluntatem ad amandum suum bonum supernaturale, vt tale: neque valet ad amorem concupiscentiæ circa seipsum, aut circa bonum proprium, vt sic: sed tantum ad amorem amicitie circa alterum, vel circa illius bonum, vt tale. Quamvis autem Beati per actus supremos Charitatis se & sua omnia, adeoque, suos omnes alios actus ad Deum referant: non tamen quolibet actu amant Deum propter seipsum, aut de illo gaudent vt summe bono in seipso, deque alijs ipsius bonis: sed illum quoque amant, atque de illo gaudent, vt de suo summo bono, suæque suprema & perfectissima beatitudine obiectiua. Qui actus, cùm sit supernaturalis, circa obiectum valde supernaturale; & honestissimus, quippe circa obiectum tali amore gaudique dignissimum; & nihil habeat imperfectiōis, aut indecentiæ, quia conveniendi modo circa tale obiectum veratur; & sit maximè connaturalis, quia valde connaturale est naturam intellectualem consequescere in fine ultimo iam obtento, & gaudere de bono quod summopere expetiuit: nulla potest reddi ratio cur Beati talem actum non exercent. Imò non possunt cessare à tali amore, & gaudio: non magis quàm ab amore, & gaudio Charitatis, ob rationem paulò antè allatam. Adde quòd, si non gauderent Beati de proprio bono, non satiaretur tam perfectè appetitus, per quem, dum essent in via, tendebant ad finem. Etenim tendebant non solum ad finem Charitatis, qui est Deus vt in se bonus: sed etiam ad finem Spei, qui est Deus vt bonum sperantis.

Neque dicas voluntatem non posse simul exercere duos actus non subordinatos. Nam quemadmodum sensus ipsi multa simul, diversis actibus, minimèque subordinatis, percipere possunt: vt quando videnti iam colores aliquos, obijciuntur alij, & alij successivè, qui videntur simul cum prioribus, quos videre non destitit, ac proinde præcedentem actum non mutant, sed alium, & alium addidit circa novum obiectum, ad quod prior actus extendi non potest, saltem si obiecta sint specie diversa. Sicut etiam sensus internus multa simul percipit, diversis sensibus externis simul percepta, sine ulla subordinatione; vt colores, & sonos, & odores, vel sapores: sic multò magis intellectus, & voluntas, quæ sunt potentie uniuersaliores & nobiliores, possunt simul habere actus non subordinatos. Et quidem Beati multa cognoscunt intuitu præter Deum, siue vlla subordinatione ad visionem beatificam; vt cùm seipsos, vel alios Beatos, vel nos etiam vident.

Dico secundò, in Christo Domino fuisse actum Spei etiam strictè sumptæ, pro erectione animi contra arduitatem circa proprium bonum absens, innitendo Dei potentie: & desiderio.

Ff 3

^{51.} Aliqui actus Spei manent in Beatis.

^{52.} Manet etiam habitus.

^{53.} Illi actus non pertinent ad Charitatem.

^{54.} Voluntas potest habere simul plures actus non subordinatos.

^{55.} Actus Spei fuit in Christo.

derium eiusdem boni : non quidem circa gloriam animæ, quam ab instanti conceptionis sine ulla difficultate adeptus est : sed circa gloriam corporis, & alia bona, quæ non sine labore atque difficultate erat assecutus. Nunc verò licet talem actum non habeat, quia perfectè Beatus est, & nihil amplius est illi difficile : Alium tamen actum virtutis Spei multiplicem habet, atque eiusdem virtutis habitum. Prima pars est D. Thomæ 3. p. quæst. 7. art. 4. c. & ad 2. Suar. in Comment. eiusdem artic. Vasc. tom. 1. in 3. p. Disput. 43. cap. 2. Egid. Coninck Disput. 19. dub. 11. Ratio eiusdem, & rotius conclusionis satis liquet ex dictis de Beatis nunt. 51. & sequentibus. fusiusque à nobis probata fuit Disput. 9. de Incarnat. Sect. 4. num. 29. quò malumus Lectorem remittere, quàm eadem hoc loco repetere.

De animabus verò existentibus in Purgatorio dico tertio, eas non tantum retinere habitum Spei, & eius exercitum circa alios actus; sed etiam circa actum Spei, strictè sumptæ, etiam quoad gloriam animæ, & essentialem suam beatitudinem. Ratio est, quia cum hæc sit adhuc absens, & assequenda per graues cruciatus & pœnas Purgatorij, habet rationem boni absentis, & ardui: adeoque est materia Spei: vt docent merito S. Thom. 2. 1. quæst. 18. art. 3. in fine c. & alij communiter. Nec obest quòd certissimè sunt de illius assecutione. Nam certitudo non obest actui Spei.

Dico quarto, habitum Spei supernaturalis, non manere in damnatis, qui etiam nullum eius actum exercere possunt: In viatoribus verò manere, donec meritò per peccatum infidelitatis, aut desperationis expellatur, aut per alia peccata mortalia Spei directè & incompatibiliter opposita. Prima pars de damnatis, patet ex dictis de habitu fidei, Disput. 12. Sect. 5. Par enim est vtriusque ratio: Cùm damnati sint penitus extra viam salutis, & priuentur beneficiis supernaturalibus, per subtractionem conseruationis diuinæ, neque in æternum sint vnumquam eleuandi ad vllum actum supernaturalem: quare si quem alium exercent circa proprium bonum, vel malum, ille tantum naturalis est.

Secunda pars, quòd non maneat in infidelibus & hæreticis, est certa, & communis, teste Egidio Coninck Disput. 19. dub. 12. conclus. 2. Ratio eius est, quia Fides est fundamentum iustificationis nostræ, & status supernaturalis huius viæ, vt significat Trident. Sess. 6. cap. 7. & 8. Vnde quomodòdum sublato fundamento, ruit totum ædificium superextructum: ita sublata fide, tollitur Spes, & Charitas, totaque iustificatio. Atqui fides tollitur per peccatum infidelitatis, ex eodem Tridentino, Sess. cit. cap. 13. Ergo, &c. Causa itaque cur pereat Spes, sublata fide, est moralis eius dependentia & subordinatio, de qua diximus præcedenti sect. cuius Deus rationem habet in iustificatione sue inchoanda, sue conseruanda; & propter quam desinit conseruare Spem, amissa fide. Neque Obicias, Spem manere in pœnia, vbi non manet fides: ergo non pendet necessitatò à fide, etiam secundum Dei ordinationem. Ref-

pondeo enim, fidei succedere lumen gloriæ, quòd est fundamentum iustitiæ & status supernaturalis illius viæ, sicut fides est fundamentum status viæ: atque ita Spes, nunquam manet sine fundamento proportionato.

Tertia pars, quòd destruat etiam meritò per peccatum desperationis, & per alia peccata mortalia Spei directè & incompatibiliter opposita, sequitur ex dictis alibi de fide, Disput. 14. Sect. 1. conclus. 2. Nam de vtraque simili modo Philosophandum est. Ita vt, sicut fides non pellitur nisi per peccatum infidelitatis simpliciter dictum, quòd non est quodcumque peccatum contra fidem commissum, sed illud tantum, quòd ex natura sua repugnat specialiter, directè & immediatè, actui interno fidei, ita vt illum omnino excludat ab eodem subiecto, & cum illo nequear omnino consistere, ac vi sua neque tunc, neque vnquam aliàs esse patitur; cuiusmodi est voluntas deliberata nunquam credendi; & error, aut dubitatio contraria fidei: Ita Spes non excludatur nisi per actus directè & incompatibiliter ipsi oppositos, quique vi suà omnino excludunt illius actus. Cuiusmodi sunt desperatio proptiè & specialiter dicta, id est, defectio animi, & diffidentia propter arduitatem; voluntas deliberata nunquam sperandi; & totalis ac perpetua desertio boni supernaturalis, vel illius odium, aut contemptus, vel quodvis aliud peccatum mortale admissum cum, aduerteria quòd grauius noceat bono nostro supernaturali, præcipue verò si priuet illo irrevocabiliter, vt peccatum impenitentiae finalis. Quisquis enim vult efficiter aliquid grauius repugnans bono supernaturali, habet affectum directè oppositum amoris & desiderio boni supernaturalis, & repugnantem illi incompatibiliter. Sed non omnia peccata mortalia admittuntur cum tali aduerteria, quòd aduersentur grauius bono nostro supernaturali. Ideoque non tollitur Spes meritò per quodvis peccatum mortale.

Quin etiam plerique existimant non tolli meritò Spem, nisi per peccatum desperationis strictè sumptæ circa beatitudinem supernaturalem: quippe quæ sola directè opponitur præcipuo actui Spei in via, propter quem Spei habitus supernaturalis infunditur, & à quo tota virtus denominatur, quique maximè inter actus Spei est supernaturalis. Vel, vt aliqui addunt, per omnimodam defectionem à Spe, & defectionem seu neglectum boni supernaturalis, siue finis, siue mediorum necessitatorum, siue vtrorumque: neglectum, inquam, non qualemcumque, sed absolutum, id est, cum proposito absolute & vniuersaliter, non sperandi: ita vt sit totalis & perpetua abiectione boni proptij supernaturalis, aut adhæsiò ad malum oppositum; vel actus voluntatis quod expresse statui-mus nunquam amplius prosequi bonum supernaturale, siue beatitudinem, siue rem aliam necessariò sperandam; aut non vitare oppositum. Pro quo notant tripliciter posse deficere quempiam ab amore vel prosecutione boni. Primò, quiescendo tantum: vt quando viator in itinere interdum quiescit. Secundò, deflectione, vel retrocedendo, sed ~~nam~~ cum vq.

59.
Quibus
peccatis
amittatur
Spes?

56.
Est in ani-
mabus
quæ Pur-
gantur.

58.
Neque in
infideli-
bus & hæ-
reticis.

60.
Alia sen-
tentia.

luntate postea prosequendi; ut cum viator aliquo diuerit. Tertiò, prosecutionem penitus deferendo. Primus modus sine peccato esse potest; quia non semper tenemur amare actum, & sperare bonum supernaturale. Secundus reperitur in quouis peccato mortali, quo tamen Spes non expellitur. Tertius verò, vel est desperation, vel ad illam accedit, quatenus est totalis desertio, & abiectio boni supernaturalis, aut prosecutionis huius boni; & quia locum non relinquit actui Spei; ideo eius habitum meritorie pellit. Nec obest, inquit, quòd alia peccata aduersantur grauitur Spei. Quia non quodlibet peccatum illi grauitur repugnans, eam meritorie destruit: sicut neque quodlibet peccatum repugnans grauitur Fidei, destruit fidem, sed solum peccatum Infidelitatis, ex Trident. Sess. 6. cap. 15. Neque par est ratio Spei, & Charitatis. Quia cum omne peccatum mortale sit Dei contemptus formalis, aut virtualis, & grauis eius offensa; ideo destruit Charitatem, & amicitiam cum Deo, quæ cum graui eius offensa & contemptu stare nequit: sicut inter homines dissoluitur amicitia per quamlibet offensam grauem. Sed si per impossibile peccatum mortale esset tantum grauis offensa contra Charitatem proximi, non autem contra Deum: non esset dignum priuatione gratiæ, & æternæ beatitudinis, quæ pœna damni infinita est, excedens meritum & proportionem offensæ finitæ, cuiusmodi esset in eo casu offensa grauius contra solam Charitatem proximi.

61.
Confirma-
tur
vera
se-
tentia.

His tamen non obstantibus probabilius mihi videtur quod dixi: quia de Spe, ut de Fide philosophandum est, quoad peccata, quibus moraliter destruitur. Ita vt, sicut fides perditur per quodvis peccatum directè illi repugnans, & excludens vi sua omnem illius actum à subiecto: ita & Spes. Hæc autem repugnancia reperitur in alijs peccatis, quàm desperationis propriè & strictè sumptæ, aut in totali defectione à Spe, seu neglectu absoluto boni supernaturalis. Sicut enim repugnat incompatibiliter Charitati erga proximum, offendere illum grauitur, & notabiliter nocere illius bono, licet non statuas nunquam cum illo reconciliari, vel in perpetuum eius amorem abicere: similiterque repugnat incompatibiliter misericordie, deferere proximum in graui necessitate, quamvis non statuas abstinere in perpetuum ab operibus misericordie, neque pauperum curam absolute & vniuersaliter negligas: Sic affectui boni proprii repugnat incompatibiliter nocere sibi grauitur, scienter & libere, in bonis supernaturalibus; licet habeas animum respiciendi, & reparandi per penitentiam eorum iacturam.

Ex dictis collige primò, Spem manere aliquando sine Charitate, quia non omni & quodlibet peccato mortali destruitur, vt Charitas: quamvis non solà desperatione; sed multis alijs amittitur. Secundò, habitum Spei supernaturalis duobus modis amitti posse. Nimirum vel per se, id est, non per aliud, siue propter amissionem alterius: quo modo amittitur per peccatum desperationis, & alià sibi specialiter

& directè opposita. Vel secundò, per aliud, & propter illius amissionem: quo pacto amittitur per peccatum Infidelitatis: quia sublatò habitu fidei definit Spes, cuius basis & fundamentum est Fides.

S E C T I O VII.

De Præceptis Spei.

Q Væritur primò, vtrum Spes sit in præcepto? Respondeo affirmatiue. Probatur ex 1. Timothi. 6. ver. 17. & alijs pluribus Scripturæ locis, quibus iubemur sperare in Deo viuò & vero, & satagere vt apprehendamus vitam æternam. Et 1. Cor. 13. ver. vlt. tria proponit Apostolus vt necessaria in presenti; Fidem, Spem, & Charitatem. Fides autem ita necessaria est, vt non sit liberum credere aut non credere, sed qui non crediderit, condemnabitur, Marc. vlt. Ergo Spes similiter. Ideoque Tit. 2. expectationem beatitudinis coniungit alijs quæ iubentur sub pœna æternæ damnationis, cum sic ait. *Apparuit gratia Dei omnibus hominibus, erudiens nos vt abnegantes impietatem, & secularia desideria, sobrii, & iusti, & pie viuamus in hoc sæculo, expectantes beatam Spem.* Nam pro secularibus desiderijs substituit inter alia expectationem beatæ Spei, & eam coniungit cum alijs necessarijs, quæ sunt sobrii, iusti, & pie viuere: hæc enim sunt penitus necessaria, & iubentur sub pœna æterni supplicij. Item 1. Paralip. 10. in fine, inter alia peccata, & causas reprobationis Regis Saül, numeratur illud, quòd non sperauerit in Domino. Et Sapient. 2. ver. 21. exprobratur impijs quòd non sperauerint mercedem iustitiæ. Quapropter merito D. August. Tract. 83. in Ioan. affirmat multa nobis mandata esse de Fide, & multa etiam de Spe. Accedit præterea ratio manifestata, quia contra decentiam, & rectam rationem est non considerare de Dei potentia, & misericordia; & negligere, aut non efficaciter prosequi tantum bonum, quantum est vita æterna, cum certa promissione oblatum: aut non velle subire laborem, illius assequendi gratiæ necessarium. Atqui præceptum naturale est, & diuinum, vt nihil fiat contra decentiam, & rectam rationem: ergo, &c. Confirmatur, quia quisque obligatur ad gerendam sui curam in minoribus, & ad conseruandum se. Ergo multò magis in maioribus. Obligatur etiam vnusquisque ad diligendum proximum sicut seipsum. Quæ Regula non esset conueniens, si non teneretur optare nobis & procurare beatitudinem: tenemur enim illam optare & procurare proximo.

Porro non modò præceptum datum est sperandi & prosequendi bona supernaturalia; sed etiam timendi & vitandi mala opposita, eorumque causas: vt docet S. Thomas quæst. 22. art. 2. Deque illo timore intelligendum est illud Christi Luc. 12. *Ne timeamini ab his qui occidunt corpus, & post hæc non habent amplius quid faciant. Timeate eum, qui post-*

63.
Spes est
in præ-
cepto;

64.

quam occideris, habet potestatem mittere in gehennam. Ita dico vobis, hunc timere. Et Ierem. 5. v. 16. Me ergo non timebitis, & a facie mea non dolebitis, qui posui arenam terminum maris, præceptum sempiternum, quod non præteribit. Quæ verba, cum tali assertionem, & indignationem, vel conminationem asserta, præceptum satis significant, & obligationem. Ratio eadem est, quæ supra. Tenentur enim homines, ex amore sui bene ordinato, minora mala vitare. Ergo multò magis mortem æternam. Item, tenentur, quando possunt, ad procurandum ne alij peccent. Ergo tenentur ad proprium malum & periculum propriæ damnationis vitandum. Alioquin præceptum diligendi proximum non haberet convenientem Regulam eum diligendi sicut nos ipsos. Denique ex obligatione prosequendi proprium bonum supernaturale, sequitur obligatio fugiendi malum oppositum.

65. **Locus D. Thomæ difficilis.** Dicitur Thomas quest. 22. art. 1. & 2. ait præcepta Fidei, Spei, & timoris, esse præambula ad legem, non autem de ipsa substantia legis. Præcepta enim de substantia legis vocat illa, quæ homini iam subiecto, & ad obediendum parato, imponuntur, pertinentia ad rectitudinem vitæ. Præambula verò ad legem vocat ea, quibus non existentibus lex non potest habere locum: cuiusmodi, inquit, sunt præcepta de actu Fidei, & de actu Spei: Quia nisi homo iam crederet, & speraret, frustra ei lex proponeretur. Et idem est de timore penarum. Sicut enim inducuntur homines ad observantiam legis per Spem præmiiorum: ita & per timorem penarum. Ideoque initio legislationis huiusmodi præcepta non fuerunt statim proponenda per modum præceptorum: sed Fides quidem, per modum denuntiationis: Spes, per modum promissionis; & timor, per modum conminationis. Lege verò iam impositâ, pertinet ad Sapientes viros, scriptores librorum Canonicorum, inducere homines ad observandum legis fundamentum, id est, ad prædictos actus, etiam per modum præcepti: vt Psal. 61. *Sperate in eo omnis congregatio popululi*, & in alijs multis Scripturæ locis. Hæc D. Thom.

66. Circa quæ advertendum est, quòd licet aliqua Dei cognitio, & iuris diuini, ac subiectionis nostræ, necessariò præsupponatur actuali obligationi parendi Deo præcipienti aliquid: non tamen actus Fidei, qui potest totus & universaliter præcipi, suppositâ naturali cognitione Dei, & iuris diuini, atque sufficientis propositionis obiecti Fidei, & voluntatis diuinæ obligantis ad credendum: quemadmodum ostendimus Disp. 10. Sect. 13. paulò post initium. Ideoque ipso initio legislationis potuit Deus actum Fidei præcipere: similiterque actum Spei, & timoris, qui vt præcipi possit, non aliud requirit, ex parte nostri, quàm notitia iuris Dei supremi, & obligationis nostræ ad exequendum quicquid præceperit. Verum tamen est in ipsa prima legislatione solemni, cuius Scriptura meminit Exod. 20. non fuisse datum expressum præceptum Fidei, Spei, & timoris. Ad neque etiam Charitatis, neque

multorum aliorum quæ de substantia legis sine dubio sunt: sed quorundam duntaxat, ad quæ alia possunt faciliè reuocari, & sub illis comprehendì. Neque est dubitandum quin ante legislationem illam intelligerent homines, in lege ipsa naturali, ante & post diluuium, se teneri ad credendum, sperandum, timendum, & amandum, supposita reuelatione diuina de Deo, eiusque bonitate singulari, cum in seipso, tum erga nos: deque mercede æterna credentibus & bonis, vel pœna incredulis & impijs proposita: quæ ab ipso initio hominibus innouerunt, vt colligi potest ex Apostolo Hebr. 11. ver. 4. & sequentibus, alijsque Scripturæ locis.

Queritur secundo, quo tempore obliget præceptum sperandi, & circa quid? Respondeo præceptum Spei duplex esse generatim. Vnum est positium, de eliciendo actu Spei: alterum negatiuum, de non exercendo actu contrario. Illud pro semper obligat: quia nunquam licet exercere actum contrarium virtuti Spei. Illud autem obligat solum eo tempore, quo actus Spei propter ipsius honestatem necessarius est. Quod tempus non potest ab hominibus exactè definiti: sed generatim dicendum est, positum sufficiens propositio præcepti facta est, teneri hominem exercere subinde actus Spei sine mora vituperabili: vt dicitur de alijs præceptis positius amandi Deum, honorandi parentes, & similibus: quæ mora prudenti iudicio discerni debet. Præcipue verò in extremis debet quisque seriò cogitare de propria salute, & conari æternam damnationem euadere.

Ultra hæc tempora quibus præceptum Spei obligat per se, & ratione propriæ honestatis, interdum occurrit potest alia multiplex obligatio per accidens, & propter aliud, quæ videlicet non est ex ipso præcepto Spei, sed ex præceptis aliarum virtutum, propter quas actus Spei necessarius est: puta ad vincendum aliquid tentationem contra castitatem, vel contra iustitiam, & alias virtutes ad Spe distinctas. Si enim tentatio sit contra Spem ipsam: tunc eius actus necessarius est ratione propriæ honestatis virtutis Spei: ideoque tunc per se obligat: licet præceptum positium non obliget pro tunc, nisi propter negatiuum. Vt si actus sperandi necessarius sit ad vitandum periculum desperationis, non autem quia ipse per se alioquin exigeretur. Satis autem est ad seruandum præceptum sperandi, si quis propter suam salutem, sibi in omnibus attendens, declinet à malo; & quando instat necessitas, faciat bonum. Quemadmodum sufficit ad seruandum præceptum dilectionis, si quis seruet reliqua præcepta suis temporibus propter Deum. Satis enim frequenter occurrit illi occasio amandi Deum, si propter illum faciat quicquid aliunde necessarium est; aut vitet eius amore, quicquid vitandum est ex præceptis aliarum virtutum. Vltariùs, potest sperandi præceptum impleri per actus eminentiores, si quis propter Deum salutem propriam desideret, & satagat; atque à contrarijs abhorreat: Quemadmodum præcepta aliarum virtutum possunt impleri operando ex motiuo Charitatis diuinæ, quod no-

67.
Quandò obliget præceptum Spei?

Obligat interdum per accidens.

bilissimum est. Verum si omittantur, non propterea peccatur specialiter contra Charitatem, sed contra eas virtutes, quarum præcepta tunc obligant, & quarum actus debent tunc exerceri ex proprio motu, si non exercentur ex alio sufficienti. An autem, & quomodo actus Spei sit necessarius ad iustificacionem, diximus tomo præcedenti, Disput. 41. Sect. 1.

^{68.} *Augetur peccatum ex advertentia mali quod in curritur.* Queritur tertio, utrum ille qui aliunde peccat, peccet etiam eo nomine, quod scienter & liberè bono supernaturali se priuet, aut malum oppositum non vitet: quando scilicet peccando id futurum animaduertit? Respondeo non propterea esse plura peccata, sed plures consideraciones eiusdem peccati, & idem peccatum illo etiam nomine, seu consideratione esse peccatum, quod fiat cum negligentia libera proprij mali. Probat, quia sicut vnusquisque tenetur procurare proprium bonum supernaturale: ita & vitare malum illi oppositum, siue priuatiuè, siue contrariè. Quare peccatum cum illa advertentia commissum, quod priuet tali bono, & subiiciat malo contrario, hoc etiam nomine peccatum est: licet non fiat ex contemptu formalis boni supernaturalis, aut contemptu pœnæ. Item, non minus tenetur vnusquisque ex recto sui ipsius amore vitare malum proprium, quam tenetur ex Charitate, quando commodè potest, vitare alienum, cæteris paribus: siue illud malum consistat in amissione boni, siue in perpeffione alicuius incommodi positiui. Ergo peccatum commissum cum advertentia quod per illud amittatur vita æterna, & incuratur pœna ignis perpetua, est eo titulo grauius. Confirmatur, quia est manifestè contra rationem, & studium proprij boni, priuare se vita supernaturali & æterna beatitudine, mortemque & miseriã sempiternam sibi consciscere. Ergo peccat hoc etiam nomine, qui scienter & liberè id facit. Item, in eo est aliqua ratio peccati, quod iustè & rationabiliter exprobratur. Atqui iustè & rationabiliter exprobratur, quod aliquis Deum offendens, tot tantisque malis se sponte subiiciat, quibus Deus peccata vlciscitur; vel præuidens aliud graue damnum inde sibi euenturum, illi sese exponat. Neque negari potest iure exprobrari latroni v.g. quod præuidens se deprehensum iri, ac suspensio moriturum, furatus tamen sit: Vel ebrioso, quod se vino ingurgitet, præuidens fore vt in graui morbum incurrat: Vel duellum ineunti, quod se exponat evidenti periculo moriendi in flagranti delicto, sine spatio & loco penitentia.

Quamvis autem omne peccatum sit per se dignum pœnâ, possunt tamen hæc separari consideratione. Possent enim aliquis, dum peccat, cogitare de peccato solum vt dedecet rationem, vel provt Deo displicet; non cogitando de pœnâ, quod scilicet eâ se dignum præbeat, vel illam subiurus sit. Et quamvis non sit malum moraliter, & culpabile, subire pœnam, quam meruit peccatum; malum tamen est, & culpabile, eâ se dignum reddere, eique scienter & liberè se exponere sine causa, & ratione sufficienti, imò contra omnem rationem. Quomodo non est quidem malum velle

pati abscessionem brachij, posita iustâ causâ, putâ quia ad mortem vitandam id necessarium est: sed est malum committere peccatum, ex quo sequatur illa necessitas.

Dices: Non est contra rationem velle malum ex iustâ causâ. Ergo non est contra rationem velle & acceptare pœnam debitam peccato, supposito peccato. Ergo malum tantummodo est in eo, quod peccatur: at non in eo, quod acceptatur pœna conueniens peccato. Respondeo antecedens esse verum de malo quod vofum iam suppositâ iustâ causâ: sed tamen esse contra rationem velle scienter & liberè causam mali, notam vt talem: quemadmodum sit, quando aliquis admittit peccatum cum advertentia pœnæ subeundæ. Quod euident est si pœna imposita est extraordinaria, vt excommunicatio, interdictum, irregularitas: neque dubitandum est peccata fidelium, aduertentium quanto bono priuet peccatum mortale, & quantis malis addicar, vt docet fides Catholica; grauiora esse, quam peccata Infidelium, qui hæc ignorant, ac fortè nesciunt peccata puniri à Deo post hanc vitam: possunt enim eorum aliqui, saltem aliquandiu id ignorare.

Obijcies secundò, hinc sequi vnumquemque peccantem cum tali advertentia peccare infinitis rationibus: & vltra quamlibet pœnam fieri reum vterioris pœnæ. Probat, quia si malum, cuius causa metitoria est peccatum, debet imputari ad peccatum. Ergo pœna æterna cuius causa metitoria est peccatum, imputatur ad nouam culpæ rationem. Et rursum, quia grauiori culpæ debetur pœna grauior; imputaretur hæc grauior pœna ad culpam maiorem: & sic deinceps in infinitum: quod est absurdum.

Respondeo, peccantem cum tali advertentia mereri quidem paulò grauiorem pœnam, quatenus turpiter negligit vitare pœnam æternam, & scienter ac liberè se reum constituit vtriusque pœnæ: sed vltra illud augmentum non exurgere aliud: sicut nec vltra illam peccati rationem est alia; sed peccatum in eo sistit quod scienter & liberè incurrat peccator malum proprium; & pœnam eo ipso maiorem, quod scienter & liberè illam non vitat. Et non vitare istud augmentum non est alia ratio peccati, sed illa ipsa quæ primò iuncta est cum peccato, quo se scienter & liberè priuat bono supernaturali, exponitque malo opposito. In forma igitur respondeo negando sequelam primi argumenti. Ad cuius probationem, siue ad secundum argumentum, dico, malum, quod per peccatum mereatur, imputari ad peccatum, non in se, sed in admissione libera. Atque ita pœna æterna imputatur ad nouam culpæ rationem ei qui aduertit se illam incurrere. Augmentum veto pœnæ respondens illi rationi nouæ, imputatur eidem; si aduertitur: & præcisè respondet actui, quo aliquis se liberè reum facit pœnæ æternæ, paulò grauioris ratione siue plenè aduertentia. Si verò non aduertitur, vt si quis ignoret se eo nomine grauius peccare quod malum proprium non vitet; non imputatur, neque inde crescit pœna, vel ratio peccati.

^{69.} *Soluitur obiectio.*

^{70.} *Altera obiectio diluitur.*

71.
Pœna
peccati
venialis
est levis.

Instabis quia, si ita est, nullum peccatum erit veniale, si fiat cum aduerentia mali quod incurritur. Nam pœna debita venialibus in alia vita, est grauior pœna mortis, & omnis pœnis huius vitæ. At si quis præuideret se tali peccato fore causam suæ mortis, peccaret grauius sine dubio: v.g. si quis furans vnum assem, præuideret ex illo furto suspendium securitum. Respondendo, cum peccatum veniale, etiam apud Deum, leue sit, pœnam illi iustè debitam apud Deum non posse esse grauem, sed leuem & proportionatam. Nego itaque esse grauiorem pœnam mortis. Præterquam quod veniale, nisi committatur in extremo vitæ articulo, potest faciliè expiari per pœnas leues huius vitæ.

72.
Non omnis
pœna
Purgato-
rij est
grauis.

Vgebis, quia pœna Purgatorij grauis est. Respondeo esse grauem eam quæ residua est ex peccatis mortalibus hac in vita remissis: at non eam quæ præcisè respondet venialibus. Nec obest, quod sit pœna ignis. Nam ignis ille non urit Physicè animas, sed aliter torquet pro mensura delicti. Quanquam neque certum est omnia peccata puniri pœna ignis in Purgatorio. Quæ de re videri potest Bellarm. lib. 2. de Purgat. cap. 14. ubi refert & approbat sententiam D. Bonauent. in 4. distinct. 20. parte 1. art. 1. quæst. 2. afferentis Purgatorij pœnas esse grauiiores pœnis huius vitæ, solum hoc sensu, quia maxima pœna Purgatorij est maior maxima pœna huius vitæ. Additque Bellarminus, consistere certis reuelationibus, aliquorum pœnam esse tam exiguam, ut nihil pati videantur: & esse incredibile aliquem propter vnum verbum otiosum pati debere supplicia grauiora omnibus pœnis huius vitæ. Notandum etiam, postquam peccatum commissum fuit, non esse grauem obligationem sponte effugiendi pœnas temporales post illius abolitionem restantes, siue illud veniale fuerit siue mortale. Imò ex amore iustitiæ diuinæ, & generoso sui ipsius odio propter offensam Dei, posse vnumquemque velle rationabiliter eas Deo persolvere in Purgatorio.

SECTIO VIII.

Utrum, si Deus alicui reuelaret ipsum esse reprobatum, teneretur ille nihilominus ad sperandum?

73.
Respon-
detur af-
firmati-
uè.

R. Espondeo, admissio casu illò non impossibili, quippe qui neque Omnipotentis Dei repugnat, neque eius Sapientis, vel Bonitatis, ut perperam nonnulli existimant; admissio, inquam, quod Deus alicui, siue iusto, siue iniusto, reuelaret non comminatorie tantum, sed etiam absolute, & assertiuè, fore ut damnetur suà culpà, illius reuelatio clarè perspecta sit: non ideo illum liberari ab obligatione amandi, & prosequendi bonum proprium & supernaturale, fugiendique oppositum, atque etiam specialiter sperandi, id est, erigendi animum innitendo omnipotentis & misericordis Dei: vehementerque & efficaciter desiderandi vitam æternam, iuxta diuinam promissionem

generaliter factam sub conditione, si nimirum non desit nostra cooperatio eius auxilijs sufficienter suppediendis. Ita Victoria, & alij quidam, testè Turriano disp. 67. dub. 2. & Lorca 2. 2. Sect. 2. Disp. 18. Ratio est, quia illa reuelatio non facit ut is, cui sit, non possit sperare, & consequi finem, quem sua tantum culpà amissurus est. Neque enim tollit obiectum Spei: quod non est res absolute futura, vel credita ut talis: sed credita futura sub conditione, si fecerit homo quod potest cum auxilio gratiæ, quæ certissimè non deerit. Hoc enim solum de Fide est. Fides autem præit necessariò Spei, & illam regit. Atqui posita tali reuelatione, potest adhuc homo credere se posse consequi vitam æternam, quia auxilia sufficientia non deerunt: & consecuturum se ipsa, si voluerit auxilijs cooperari. Ergo talis reuelatio non facit ut ille, cui sit, non possit sperare, id est, erigere animum circa tale bonum arduum, tanquam sibi possibile per Dei potentiam, & misericordiam, si velit ipse cooperari, & conari ad consequendum finem, quem non nisi suà culpà amissurus est. Vterius, illa reuelatio non est remissio obligationis communis ad sperandum, sed tantum indicatio euentus futuri, non necessarij, sed pendentis à libertate eius, cui fuerit facta reuelatio. Quemadmodum ergo Christus, quando prædixit Petro, *Ter me negabis*, non remisit illi obligationem non negandi, & faciendi, quidquid erat necessarium ad non negandum: quod heri non poterat nisi sub aliqua Spe non negandi: ita quamvis reuelaret alicui fore ut damnetur nullam ei propterea obligationem remitteret, neque aliquid ageret, ex quo obligatio deberet intelligi cessare. Maneret enim adhuc liber ille qui reuelationem acciperet, & ob suam tantum culpam periturus esset. Nam Deus re ipsa neminem reprobauit, nisi secundum præuisionem peccati, & mali status finalis, ut suppono ex tractatu de predestinatione.

Probatur
ratione.

74.
Occurrit
obiec-
tioni.

Falsum verò est quod aliqui obijciunt, neminem intendere aut conari posse ad bonum, quod certò scit non obtinendum. Nam Deus intendit & conatur ad salutem reprobatorum, quos tamen certò scit nunquam salutem consecuturos. Et hoc scit etiam dum conatur. Quare actualis consideratò euentus non futuri, non omnino impedit conatum in contrarium. Christus quoque multis modis conatus est Iudam auertere à prodicione: & ter enixissimè Patrem rogauit ut transiret Calix passionis: quæ tamen certissimè sciebat non euentura. Neque dubium est quin orauerit, prædicauerit, laborauerit, & tandem sanguinem fuderit pro ijs, quos damnaturus iri præuidebat, etiam tunc cum hæc pro ipsis subibat, & Patri offerebat. Denique satis est quod bonum possit obtineri si velimus, aut malum vitari, si possimus, ac velimus conari vehementer & efficaciter ad illud obtinendum, vel ad illud vitandum. Quod enim re ipsa defecturi simus, non impedit omnino quò minus possimus velle non deficere, & velle conari ad non deficientium. Ommino, inquam: quia non nego considerationem actualem euentus certissimè fu-

turi contra voluntatē desiderium, soletē minuire vigorem voluntatis nostræ.

76.
Contra
ria sen-
tentia.

Contrarium sentiunt Suares disp. 2. de Spe, Sect. 2. num. 7. & 8. Egid. Coninck disp. 10. dub. 11. Turrian. disp. 65. dub. 2. Valent. quest. 4. de Spe, p. 1. in Fine, & alij plurimi: qui inde inferunt licitum fore tali homini desperare de propria salute, neque fieri posse ut quis damnetur ob peccatum desperationis, posita tali reuelatione: quia eā posita, desperatio non esset illi peccatum. Fundamentum eorum est, primò quia voluntas sequitur iudicium rationis. Ergo non potest absoluto & efficaci actu tendere in id, quod simpliciter iudicat non esse futurum. Secundò, Spes fertur in bonum desideratum, non solum tanquam possibile, sed tanquam saltem probabiliter acquirendum: neque enim tantum boni possibilitatem, sed realem ipsius affectionem & possessionem nobis desideramus. At is qui habet huiusmodi reuelationem, nequit in illud ita ferri. Ergo talis nullo modo potest huiusmodi bonum sperare. Confirmatur, quia Spes non est tantum velitas aliqua, vel qualescunque desiderium alicuius boni; sed verè efficax, & seria eiusdem prosecutio, & consequenter inclinans efficaciter voluntatem ut eligat media ad illius actualē consecutionem vitia, quatenus talia sunt. Atqui ille, qui nullo modo credit esse probabile se bonum desideratum esse consecuturum, nequit seriò intendere ipsius consecutionem, aut iudicare vlla media ad illud re ipsa obtinendum esse verè vitia (quia nullum medium apprehendi potest vitale ad finis consecutionem, per quod certò scimus nos illum non consecuturos, & per hoc præcisè aliquid medium est vitale hic & nunc ad finem consequendum, quia finis per ipsum de facto consequendus est.) Ergo ad Spem requiritur ut iudicemus bonum desideratum nobis probabiliter eventutum, & ipsa in hoc tanquam tale fertur. Ita Egid. supra num. 106. Addit Suares auctoritatem D. Augustini, & D. Anselmi, & alia quædam minus efficacia.

76.
Quem
actum
Fidei se-
quitur
Spes?

Ad primum respondeo, voluntatem in sperando supernaturaliter, sequi iudicium Fidei, quo credimus auxilia ad consequendam beatitudinem nobis non defutura, & nos re ipsa esse consecuturos si velimus auxilijs cooperari, ut possumus. Spes verò est desiderium absolutum, & vehemens beatitudinis, ut nobis possibilis, & re ipsa futuræ, si strenuè cooperemur. Cui actui non repugnat simpliciter iudicium quòd bonum illud non sit re ipsa futurum nostræ culpæ. Sufficit enim ad desiderandum absolutè & efficaciter, quòd sit possibile, atque futurum re ipsa, si velimus, & nisi per nos stet.

77.
Quomo-
do fertur
in bonū
desidera-
tum?

Ad secundum respondeo, Spem ferri in bonum non tantum possibile, sed etiam ut acquirendum, non modò probabiliter, sed certissimè, & secundum certum Fidei diuinæ iudicium, cui Spes subijcitur, non autem soli probabilitati: acquirendum, inquam, certissimè, non absolutè, sed conditionatè, per auxilia quæ non deerunt, si velimus strenuè cooperari. Quod iudicium non tollitur per reue-

lationem entis oppositi, culpæ nostræ futuri.

Ad confirmationem dico, Spem esse desiderium efficax, id est, vehemens: non autem efficax omni modo, id est, tale ut re ipsa effectum consequatur. Alioquin reprobi nunquam sperarent. Esse item vehementem, & seriam prosecutionem boni; vehementerque inclinare voluntatem ad eligenda media vitia ad eius consecutionem. Sed falsum est non posse seriò intendi boni consecutionem ab eo, qui scit se suā culpā non consecuturum, tamen certò credat se posse consequi, & consecuturum si velit. Falsum pariter est nullum medium apprehendi posse vitale, per quod scimus nos finem non affecturos culpā nostrā. Ut enim vitale iudicaret, sufficit quòd sciamus posse per illud obtineri finem, si velimus: & per hoc præcisè vitale est, quòd valet de se ad finem obrinendum, atque re ipsa obtinebit si adhibeatur: licet de facto non obtineat, quia non adhibetur. Aliud enim est, vitalitas medij in actu primo: & aliud, effectus & actus secundus. Quod autem aiunt S. Augustinus & Anselmus, non posse nos otare pro salute reprobis, si sciremus quinam illi sint: & primum Angelum non potuisse sperare perseverantiam, si præciseret casum suum: intelligendum est, ut verum sit, de oratione vel Spe rei tanquam absolute futuræ: quæ persuasio manifestè repugnat reuelationi, & cognitioni certæ oppositi eventus absolute futuri. Vel de absoluta confidentia bonum illud consequendi: quæ confidentia non est necessaria ad sperandum: sufficit enim erectio animi circa bonum illud aduam, tanquam possibile per Dei potentiam & misericordiam, & futurum re ipsa si velimus vi auxilijs oblati.

79.
Peccaret,
qui sic
desperaret.

Ex his collige contra Egid. & alios, desperationem fore peccatum, cum obstante tali reuelatione: si rectè possit ut quis damnetur propter solum peccatum desperationis, quod peccatum & damnationem Deus ipsi reuelaret. Quia reuelatio non tollit obligationem sperandi, neque libertatem vitandi peccatum illud, sicut & alia, quæ Deus potest reuelare, antequam fiant. Quod argumentum valde torquet Egid. toto dub. 14. disp. cit. illudque tandem insolutum relinquere, cum nihil audeat statuere, sed tem alijs definiendam relinquat, ut ait num. 139.

Suares verò, loco supra citato, non loquitur satis coherenter cum ijs quæ tradit disp. 37. de Incarnat. Sect. 5. in fine, præscientiam Christi de suis actibus non magis obtinisse libero eorum exercitio, quam præscientiam Dei: quia vtraque merè speculatiue se habebat, & voluntatem non prædeterminabat, sed liberam eius determinationem sequebatur & præsupponebat. Etenim similiter præscientia reprobi de sua damnatione non magis obest ipsius libertati, neque magis eum prædeterminat, quam præscientia Dei: quia præsupponit & sequitur futuritionem peccati liberi. Ergo relinquit integram peccandi post libertatem. Ergo potest reprobis antecedenter abstinere à peccato. Ergo tenetur abstinere, & velle atque conari efficaciter ut abstinere. Ergo & tollere illud

80.

impedimentum beatitudinis consequendæ: atque ita prosequi efficaciter eius assentionem, non permittendo impedimentum illius assentionis, quod est peccatum.

81. Instabis, quia ille, qui certus est de sua salute, non potest timere oppositum. Ergo is qui certus est de sua damnatione, non potest sperare oppositum. Probatur antecedens: quia ille qui est securus, non timet. Quisquis autem est certus, est securus. Ergo non timet. Item, certitudo excludit formidinem oppositi: & Concilia, Patres, & Theologi, probant nos non esse certos de propria salute, ex illo loco Scripturæ, *Cum timore, & tremore operamini salutem vestram*. Quæ probatio nulla esset, si certus timere posset. Christus etiam ex timore Petri, arguit ipsum dubitasse: *Moderate Fidei, quare dubitasti?* Denique nemo potest timere, quod scit non esse futurum: sicut nemo potest amare, quod scit non esse bonum.

Math. 14.
7. 31.

82. Respondeo consequentiam non valere. Quamvis enim ille, qui certus est per divinam revelationem de sua salute, non possit timere rationabiliter oppositum esse futurum, id est, fore ut damnetur: quia timor non versatur nisi circa malum apprehensum ut imminens, & ut possibile evenire: est autem impossibile damnationem evenire, posita revelatione divina de opposito: Nihilominus ille qui similiter certus est de sua damnatione, potest sperare, id est, desiderare, seu velle ut non ita eveniat sua culpa; conarique ad illam vitandam per media de se efficacia ad illum finem, à Deo suppeditanda, quorum ope saluaretur reipsa, si vellet strenuè illis cooperari. Quemadmodum Petrus, supposita revelatione trinæ negationis, poterat nihilominus desiderare oppositum, debebatque vitare occasiones, & conari ad non negandum. Spes enim, ut in salutem velut obiectum tendat, non supponit illam esse absolute futuram: sed esse possibilem, & reipsa obtinendam per media à Deo exhibita, si non desit libera nostra cooperatio. Neque cognitio prædictæ revelationis omnino impedit quin ille possit velle saluari, seu desiderare beatitudinem, & conari ut illam assequatur per media de se efficacia, sibi à Deo suppeditata, & habitura effectum si ipse velit cooperari: sicut Dei præscientia de damnatione reproborum, non impedit quin Deus serio velit eos saluare, iuvetque medijs sufficientibus, per quæ conatur eos saluare, & reipsa saluaret, nisi obstaret eorum malitia vel negligentia.

SECTIO IX.

De viis Spei oppositis, desperatione præsertim, & præsumptione.

83.
Multa vitia opponuntur Spei.

Vitia, seu peccata Spei opposita multa sunt. Quædam consistunt in libera omissione actus Spei necessarij: Quædam in actu positivo contrario. Quæ omisso, vel commissio actus contrarij tam multiplex est, quam multi sunt actus Spei necessarij, amorisque de-

siderij, & gaudij, circa proprium bonum supernaturalis: & odij, metus, ac tristitiæ, circa inale oppositum: per quorum omissionem peccatur: & quàm multi sunt actus positivi, quibus voluntas malè affici potest modo Spei contrario, circa proprium bonum, & circa malum oppositum. Aliter verò dividi possunt peccata Spei opposita in ea quæ opponuntur per defectum, cuiusmodi est desperatio: & in ea quæ per excessum, ut præsumptio: de quibus solis disputat S. Thom. q. 20. & 21.

Est autem desperatio propriè sumpta, deiectio animi circa bonum arduum, nobis propositum ad sperandum secundum Regulam Fidei. Deiectio, inquam, animi circa tale bonum velut impossibile, aut nimis arduum, diffidendo de Dei potentia & misericordia, vel de proprijs viribus ad cooperandum divini auxilio. Hunc esse verum conceptum desperationis, probatur primò ex Scriptura, quæ talen affectum exprimit in illis, quos commemorat peccasse per desperationem. Ut Cain Genes. 4. *Maior est iniquitas mea, quàm ut veniam merear*: Et Iudas proditor ideo desperavit, quia poenitentiam tam gravis sceleris impossibilem, aut inutilem sibi fore existimans, laqueo se suspendit, Matth. 27. Probatur secundo, quia desperatio propriè dicta est affectus contrarij actui Spei propriè & strictè sumpto. Atqui actus Spei propriè & strictè sumptus, est erectio animi circa bonum arduum tanquam sibi possibile, innitens Dei omnipotentis, & misericordis patatæ ad auxiliandum. Ergo desperatio est animi deiectio opposita.

84.
Desperatio quid sit?

Hinc collige non esse propriè peccatum desperationis, quando aliquis abijcit studium salutis, etiam totaliter & in perpetuum, alia de causa, quàm propter arduumque modo supra dicto. Atque ita ille v.g. qui salutem æternam negligit, quia illam minùs æstimat, vel quia totus est in voluptatibus huius vitæ, & affectu rerum terrenarum, non propriè desperat. Neque Scriptura, vel Sancti Patres significant divitem epulonem v.g. periisse per peccatum desperationis, quamvis in tali affectu fuerit, & propter illum perierit. Et inter homines non dicitur desperare circa honores, aut divitias, qui illas negligit, aut earum affectum & desiderium potius abijcit, quia contemnit, vel ut meliora assequatur: sed ille solum qui diffidit se suâ industria vel auxilio alieno posse assequi honores mundanos, & magistratus, aut divitias; eaque de causa definit efficaciter desiderare, & prosequi huiuscemodi bona temporalia.

85.

Porro actus desperationis, Spei Theologicæ oppositus, provenit interdum ex iudicio erroneo: ut si quis credat viam salutis sibi esse impossibilem: unde animum deiciat, illiusque studium abijciat: aut Deum noluisse sibi dare vitam æternam quicquid agat: aut se penitus esse derelictum à Deo: vel peccata sua maiora esse, quàm ut veniam consequi possit: quod iudicium vocatur interdum desperatio. Sicut enim Spei sumitur aliquando pro iudicio intellectus, seu expectatione & persuasione boni futuri, ut alibi notavimus: ita desperatio fu-

86.
Vnde oritur?

mitur

mitur interdum pro iudicio opposito. Proprie tamen Spes, & desperatio sunt actus voluntatis. Interdum etiam iudicium illud est peccatum contra Fidem: interdum non. Nam v. g. iudicium, quo aliquis existimaret se penitus esse derelictum à Deo, non est contra Fidem: cum sit in opinione an Deus aliquos penitus deserat post grauissima & frequentissima peccata: & contrarium satis expresse definitum non sit, vel traditum vel dogma Fidei. Potest etiam desperatio concipi sine iudicio erroneo, ex alio multiplici motivo. Vt si quis credat quidem beatitudinem sibi esse possibilem per Dei auxilium: sed tamen eius studium planè abijciat propter difficultatem, & quia multum rebus sensibilibus inhære, & voluptatibus, quibus nimis adductus est; quàm tantopere conari, & cum tanta difficultate illis renuntiare, falsitque æternæ studium illis antepone.

Quod autem ait D. Thomas quæst. 20. art. 1. desperatorem esse secundum falsam æstimationem de Deo, idèque vitiosam esse, quia est secundum falsum iudicium, & sequitur Regulam tortuosam: non est intelligendum de iudicio ipsius desperantis, quasi semper falsum iudicium habere debeat: sed absolute: quia est conformis alicui falso iudicio, siue existenti in desperante, quando iudicat prosecutionem boni supernaturalis sibi abijciendam esse propter arduitatem: siue non; & quando iudicat oppositum, & contra rectum iudicium agit. Et verò idem S. Doctor art. 2. quæst. cit. affirmat peccatum desperatio posse committi sine Infidelitate. Et art. 4. dicit oriri posse ex Luxuria, & aecidia; id est, ex amore carnalium voluptatum, & tristitia quadam deiectionis spiritus, animique socordia contra laborem, & difficultatem, vel ex radio laboris, & luctu. Vtrumque autem cum recta peccantis æstimatione stare potest quòd bona spiritalia sunt carnalibus præferenda, quòdque propter difficultatem non esset desistendum à prosecutione tanti boni. Quare falsa æstimatione non est simpliciter necessaria ad desperandum, in eo qui desperat: licet plerumque sit coniuncta cum desperatione.

De comparatione verò huius peccati cum alijs, D. Thomas quæst. 20. art. 5. docet desperationem esse quidem maius peccatum ijs quæ sunt contra virtutes morales: minus autem peccato Infidelitatis, & odij Dei, Charitatis oppositi. Existimo tamen cum Suarez disp. 2. de Spe, Sect. 2. num. 5. odium Dei, quod opponitur amoris concupiscentie eiusdem, esse ex suo genere grauius peccatum Infidelitate, vel Hæresi. Ratio est, quia sicut Spes est virtus nobilior Fide; ita maximum peccatum ei oppositum debet esse maius maximo peccato contra Fidem: Tale autem est odium prædictum, simile odio Charitatis opposito. Quare desperatio cum tali odio concepta, est peccatum grauius Infidelitate. Dico autem, cum tali odio: quia desperatio non ex odio Dei, sed solum propter difficultatem, aut impossibilitatem præsumptam, deijcentis animum diffidentis se posse assequi bonum tam arduum (quod esse diximus motuum proprium despe-

Tomus III.

rationis prope est talis modus tendendi circa bonum proprium) non est peccatum grauius, sed minus Atheismo, vel Hæresi; vt rectè docet Suarez loco citato. Quin etiam talis abiectio animi, & desperatio, quamvis non possit licitè concipi in statu legis à Deo positæ, vt præcedenti Sect. ostendimus, num. 74. & seq. posito tamen alio decrero non impossibili, quo Deus aliquem non ordinasset ad statum & beatitudinem supernaturalem, idque illi revelaret: ille facta revelatione sufficienti, licitè desperaret, seu diffideret se posse illam assequi, & efficax illius desiderium abijceret, quippe sibi impossibilis, & non pendens à sua libertate. Hucusque de desperatione.

Præsumptio verò, prope hic sumitur, & Spei opponitur, significat actum voluntatis tendentem in bona supernaturalia, supra moderationem & Regulam Spei. Vt si quis speret se consecuturum remissionem peccatorum, & gratiam & gloriam proprijs viribus, vt Pelagiani: vel sola Fide, sine penitentia & bonis operibus, vt Lutherani: vel si statuât in peccatis perseverare quamdiu bene valet, sperans in fine se à Deo efficaciter vocatum iri ad penitentiam: atque ita Dei misericordiam abvtur ad peccandum, nimiumque de illa præsumat. Vel si speret à Deo bona supernaturalia præter ordinem à Deo positum: v. gr. sanctitatem, & gloriam, quantam habet Beata Virgo. Vel si absque Dei vocatione ingerat se ad ardua quadam, quæ specialem Dei vocationem, & auxilia postulant non omnibus communia, neque omnibus etiam omnibz petentibus destinata: cuiusmodi sunt martyrium, status Religiosus, Sacerdotalis, Episcopalis, & similes. Etenim auxilia specialia, quæ ad hæc, & similia, non simpliciter necessaria ad vitam æternam consequendam, requiruntur vt aptè succedant, non sunt eiusmodi, vt omnibus exhibeantur: sed *diuisiones gratiarum sunt*, quemadmodum ait Apostolus 1. Corinth. 12. *Nec quisquam sumit sibi honorem Sacerdotij, sed qui vocatur à Deo tanquam Aaron*, Hebr. 5. v. 4. Quibus locis, & similibus significatur non omnes à Deo vocari ad eiusmodi: quæ cum requirant auxilium speciale, & vocationem singularem; non sunt suscipienda sine iudicio sufficienti diuinæ voluntatis.

Negue obest quod ait D. Thomas quæst. 17. art. 5. ad 2. Spem non habere medium ex parte principalis obiecti, quia diuino auxilio nullus potest nimis inniti: Ergo potest quisvis inniti, quantum volet, diuino auxilio, & per illud tendere ad quodcumque bonum. Respondeo enim consequentiam non valere, neque bene deduci ex assertionem D. Thomæ, qui ibidem adiungit, quantum ad ea, quæ confidit aliquis se adepturum; posse reperiri excessum. Quare quod ait nullum posse nimis inniti Deo, intelligendum est intensiue, non extensiue: Vel intelligendum est de Deo quantum est ex parte ipsius, quatenus est per se infinitè desiderabilis, & eius auxilium valet ad omnia possibilia: secus autem in ordine ad nos, & ad mensuram nobis ab eo positam, qui ne quidem totam nostram capacitatem implere decreuit; nec

Gg

89.
Præsum-
ptio quid
sit?90.
Spes ha-
bet me-
dium, quod ex-
cedere
potest.87.
Semper-
ne sequi-
tur fal-
sum iu-
diciū?Est pec-
catum
grauius
infideli-
tate.

villum vnquam euehet ad Sanctitatem, & gloriam Christi Sanctitati & gloriæ æqualem, nec ad illam auxilia parauit. Non est igitur innitendum diuino auxilio sine Regula, quamvis per se consideratum valeat ad omnia possibilia: quia non est paratum omnibus ad omnia, sed iuxta determinationem diuinæ voluntatis.

Ex his collige præsumptionem aliquando oriri ex Infidelitate; vt Pelagianam, & Lutheranam, de quibus supra: aliquando ex alia falsa æstimatione, licet non contra Fidem: vt quando quis temerè existimat Deum sibi ad futurum ad ardua quædam, seque à Deo vocari ad illa, cum tamen non ita sit. Aliquando etiam potest esse sine falsa æstimatione: Vt si quis præsumat de Dei misericordia ad liberius peccandum totâ vitâ, sperans Deum in fine sibi assuturum, quod interdum contingit. Quamvis autem omnis præsumptio opponatur aliquo modo Spei, quæ circa bonum supernaturale debito modo versatur, secundum Regulam à Deo positam: Plerique tamen existimant eam non tollere habitum Spei supernaturalis, quia non tollit obiectum formale Spei propriè dictæ; quod sit solum dissidendo propter arduitatem, & non satis innitendo Dei potentie & misericordie: sed duntaxat sperat aliquid alia ratione quàm sit promissum: sicut qui imprudenter crederet aliquid tanquam à Deo reuelatum, quod non est tale, non perderet habitum Fidei, modò aliàs nihil asseteret Fidei repugnans. Sicut etiam habitus liberalitatis non destruitur per prodigalitatem, sed per auaritiam: quia hæc directè destruit obiectum eius formale, subuenire scilicet alienæ indigentie: secus autem illa, quæ peccat per

excessum, plus dando quàm par sit. Atque ita sentiunt Suar. lib. 11. de Gratia, cap. 7. Agid. Coninck disp. 10. dub. 15. num. 149. Luthus Turrian. quæst. 21. art. 1. & plures alij: quorum sententiâ licet probabilis sit: probabilius tamen videtur non solum desperationem, sed quodvis aliud peccatum mortale commissum cum aduertentia quod grauiter noceat bono nostro supernaturali, tollere Spem: atque adeo præsumptionem etiam, si cum tali aduertentia committatur: iuxta ea quæ diximus Sect. 6. prope finem.

Ultra præsumptionem ita sumptam, & huius loci propriam, alia est huius vocis acceptio pro nimia sui æstimatione, vel affectu voluntatis illi conformi: quod ad superbiam pertinet. Item pro iudicio ex coniecturis, vel pro coniecturis ipsis, vt sumitur in titulo iuris de præsumptionibus. Item pro transgressione legis, aut præcepti, factâ scienter & liberè, sine metu, aut vi quo sensu sæpe dicitur in iure positiuo, *Si quis præsumpserit hoc aut illud, &c.* Item pro affectu voluntatis ad aggrediendum aliquid quod vires suas excedit, siue in materia Spei, siue in quavis alia: aut pro iudicio conformi huic affectui. Ac denique sumitur aliquando in bonam partem, pro alto sensu & affectu, inspirationi diuinæ innixo ad aliquid magnum aggrediendum, qualis ille Iudith cap. 6. ver. 15. *Non derelinquis præsumentes de te*: & cap. 9. ver. 17. *Exaudi me miseram deprecantem, & de tua misericordia præsumentem*: ad aggrediendum scilicet facinus audax occidendi Holofernem, quod sine Dei instinctu temerè suscepisset.

91.
Vnde
occurrit
præsum-
ptio!

91.
Præsum-
ptio mul-
tipliciter
sumitur.






DISPUTATIO

SEPTIMA-DECIMA.

De habitu Charitatis.

- Sectio I. *Vtrum Charitas sit amicitia?*
 Sectio II. *An Charitas habitualis sit aliquid creatum in anima?*
 Sectio III. *De infusione habitus Charitatis.*
 Sectio IV. *De augmento habitus Charitatis.*
 Sectio V. *An per singulos actus Charitatis augeatur habitus, & quomodo?*
 Sectio VI. *Refutatur alia sententia.*
 Sectio VII. *Vtrum Charitas in via possit semper, & in infinitum augeri?*
 Sectio VIII. *Vtrum habitus Charitatis sit intensior in patria, quàm in via?*
 Sectio IX. *An, & quomodo Charitas minuatur, vel amittatur?*
 Sectio X. *Refutantur contrarie sententia.*


 Onueniens fuisse, quod in prioribus virtutibus fecimus, Charitatis explicationem ordiri ab eius obiecto. Sed ut adhæreamus ordini præscripto à D. Thoma, dicemus 1. de Habitu. 2. de Obiecto : 3. de Actibus, & Effectibus : 4. de Vitijs oppositis : 5. de Præceptis. De primo disputat S. Doctor q. 23. & 24. quarum priore docet Charitatem esse amicitiam quandam hominis ad Deum, fundatam super communicatione beatitudinis æternæ : & esse habitum in anima creatum, inclinantem ad amorem Dei. Esse quoque virtutem specialem, & vnam : quia habet diuinam bonitatem propter se amabilem pro obiecto sibi proprio specialiter : & denique omnium virtutum esse excellentissimam : quia sic Deum attingit, ut in ipso sistat propter se, & non ut ex eo nobis aliquid proveniat. Cùmque per Charitatem dirigatur homo in suum finem vltimum, nullam posse sine illa esse virtutem simpliciter veram. Eandemque esse formam cæterarum omnium virtutum : quia per ipsam omnium virtutum actus in debitum, & vltimum finem ordinantur.

Posteriori quæstione affirmat Charitatem esse in voluntate, tanquam in subiecto : quia non respicit bonum sensibile, sed diuinum. Et esse virtutem infusam, ac supernaturalem : quia cùm sit amicitia quædam hominis ad Deum, fundata super communicatione beatitudinis æternæ : & hæc communicatio non sit secundum bona naturalia, sed secundum

Gg 2.

dona gratuita : Charitas quoque ipsa facultatem naturæ excedit : unde non potest naturaliter nobis inesse, neque per vires naturales acquiritur, sed per infusionem Spiritus sancti, cuius participatio quædam est. Quantitas etiam Charitatis non pender ex conditione naturæ, vel ex capacitate naturali virtutis ; sed ex voluntate Spiritus sancti distribuentis sua dona prout vult. Potest autem augeri vsque ad terminum vitæ, seu finem vitæ præsentis : quia quandiu viatores sumus, possumus Deo magis, ac magis propinquare, non passibus corporis, sed affectibus mentis : quam propinquitatem facit Charitas, quia per ipsam mens Deo vnitur. Hoc verò augmentum non fit per extensionem, neque per additionem Charitatis ad Charitatem : sed solum per hoc, quod subiectum magis, ac magis participat Charitatem ; id est, secundum quod magis reducitur in actum illius, ac magis subditur illi. Sed non augetur quolibet actu, nisi dispositiue, quatenus ex vno ipsius actu redditur homo promptior ad agendum iterum secundum Charitatem : & habilitate crescente, homo prorumpit in actum feruentiorem dilectionis, quo conetur ad Charitatis profectum : & tunc Charitas augetur in actu. Nullus eius augmento potest præfigi terminus hac in vita : quia ipsa de se potest crescere in infinitum, cum sit participatio quædam infinitæ Charitatis, quæ est Spiritus sanctus : & illius causa efficiens sit infinitæ virtutis, scilicet Deus : & subiectum illius possit magis, ac magis recipere : quia semper Charitate crescente, crescit habilitas ad vltius augmentum. Quamvis autem non possit in nobis esse perfecta ex parte diligibilis, quia nulla creatura potest Deum diligere quantum diligibilis est : secus tamen ex parte diligentis, quando quis diligit quantum potest : vel semper actu toto corde amando, vt fit in patria : vel quantum patitur necessitas, & fragilitas huius vitæ : aut saltem nihil cogitando, aut volendo, quod diuinæ dilectioni sit contrarium. Triplex est illius gradus. Primus incipientium, consistens in recessu à peccato. Secundus proficientium, consistens in virtutum exercitatione. Tertius perfectiorum, consistens in Dei adhæensione, & fruitione. Potest diminui dispositiue, & indirectè per peccata venialia, & cessationem ab exercitio operum Charitatis ; per quæ duo disponitur ad corruptionem, quatenus illorum occasione labitur homo, sensim in aliquod peccatum mortale, vi cuius, tanquam sibi contrarij, pellitur Charitas ab eodem subiecto. Quodlibet enim peccatum mortale ponit obstaculum infusioni, & conseruationi gratiæ. Hucusque D. Thomas, cuius doctrina sequentibus Sectionibus expenditur.

SECTIO I.

Vtrum Charitas sit amicitia ?

i.
Amicitia
sumitur
duplicit.
ter.



Dupliciter sumitur amicitia. Primò, pro amore beneuolentiæ, quo alium propter se diligimus, & quæ sunt ipsi bona, quatenus talia. Secundò, pro mutua Beneuolentia, partim fundata in aliqua communicatione, & partim aliquam afferente.

Duplex enim est communicatio coniuncta cum mutua beneuolentia. Vna antecedens, quæ mutua beneuolentiam generat : vt consanguinitas, societas, similitudo morum, officiorum, virtutum, &c. Alia est consequens, quæ sequitur beneuolentiam mutua in priori communicatione fundatam, cuiusmodi est communicatio bonorum, consiliorum, actionum, &c. iuxta vulgare Proverbum, *Amicum omnia communia*. Hoc supposito, certum est Charitatem hominis ad Deum esse amicitiam priori sensu, quatenus est amor be-

nevolentia erga Deum, dilectum propter se. De posteriori

1. Dico primò, solam Charitatem hominis ad Deum non esse amicitiam. Probat, quia non est amor mutus, seu mutua benevolentia; imò neque supponit per se quòd Deus nos amet, neque Deum respicit formaliter & præciè ut nos amantem. Non enim Deum diligimus ex Charitate quia diligit nos; sed quia sumus bonus est, & amore dignissimus; cumque ut talem amaremus, licet nos non amaret. Sicuti cum inimici essemus, ipse prior dilexit nos; & nos ipsi diligimus ex Charitate inimicos, à quibus non amamus: & pater filiolum, licet non redamantem, nec agnoscentem, ex Charitate diligit. Quare Charitas sola, & simplex, neque est amicitia, neque intrinsecè & essentialiter illam infert, sed potest sine illa concipi, & existere.

3. Dico secundò, mutuam Charitatem inter Deum, & homines iustos, habere rationem veræ amicitie: & Charitatem hominis ad Deum esse partem illius amicitie, quæ reciprocam Dei Charitatem complectitur, & in mutua utriusque benevolentia consistit. Probat primò ex Scriptura, Sapient. 7. ver. 14. *Participes facti sunt amicitia Dei.* Psalm. 138. *Nimis honorati sunt amici tui Deus.* Ioannis 14. *Iam non dicam vos servos, sed amicos.* Quæ, & similia Scripturæ verba sæpius repetita, in proprio significato accipienda sunt, cum nihil ex illis sequatur aperte absurdum: iuxta Regulam Interpretandi Scripturas divinas, traditam à D. August. lib. 3. de doctrina Christiana cap. 10. Probat secundò ex conditionibus veræ amicitie, quæ sunt omnino quatuor. Prima, ut sit amor benevolentie; non concupiscentie, quæ quis se amat, aut sua. Secunda, ut sit amor mutus, non occultus & latens, sed utrinque notus; ut docet Philosophus 8. Ethic. cap. 4. & lib. 9. cap. 5. ubi dicit amicitiam esse benevolentiam cum redamatione. Tertia, ut fundetur in aliqua communione, quæ reddantur amantes aliquo modo similes, ut idem ait cap. 7. lib. 8. supra citati. Quarta, ut afferat communicationem bonorum, & consiliorum, unionemque animorum, & voluntatum.

4. Hæc autem omnia reperiuntur in motua Charitate inter Deum, & iustos. Primò enim, Charitas hominis erga Deum est amor benevolentie, Deum diligens propter se. Charitas quoque Dei ipsius erga homines, diligit homines propter ipsos, & ipsorum bona, ut talia: non autem duntaxat quatenus sunt aliquo modo ipsius Dei; qui amor non est Charitatis, sed similis nostro amorì concupiscentie, quo nos ipsos, & nostra amamus, ut nostra. Nec obest quòd Deus omnia propter semetipsum operatur, Prouerb. 16. Neque enim propterea nihil aliud amat nisi seipsum, aut non nisi propter seipsum: sed eius amor infinitus, & virtualiter multiplex, æquivalet multis actibus nostris, quorum vno quedam amamus propter se: alio, eadem referimus ad Deum, velut ad finem ultimum, & propter ipsum illa diligimus. Secundò, ille amor mu-

tus est: iuxta illud Prouerb. 8. *Ego diligentes me diligo.* Et Ioan. 14. *Si quis diligit me, sermonem meum seruabit, & Pater meus diligit eum.* Est etiam notus utrinque: quia licet non simus certi Fide diuina quòd Deum verè, sicut oportet, diligamus, & ab eo diligamur reciprocè: id tamen iustus, ex coniecturis probabilibus & moraliter certis, notum est: quod ad veram amicitiam sufficit: & inter homines plerumque non est notior amor mutus. Tertiò, amor iste mutus fundatur in communione gratiæ & iustitiæ supernaturalis, per quam homines sunt diuinæ consortes nature; ut ait Petrus Epist. 2. cap. 1. ver. 4. & sunt filij Dei, ut dicitur 1. Ioan. 3. v. 1. Quæ coniunctio cum Deo sanè maxima est, plurimumque valens ad mutuam amorem. Neque deest quartò communicatio bonorum, & consiliorum, vniò animorum, & coniunctio voluntatum: iuxta illud 1. Cor. 6. ver. 17. *Qui adheret Domino, unus spiritus est.* Et Ioan. 15. ver. 15. *Iam non dicam vos seruos, sed amicos, &c. quia omnia, quæcumque audiuisti à Patre meo, nota feci vobis.*

Obijcies ex Arist. 8. Ethic. cap. 7. non posse amicitiam esse cum Deo, aut cum regibus, ob conditionis inæqualitatem. Respondeo cum Egidio Coninck disp. 21. dub. 3. quod ad reges attinet, Aristotelem loqui de amicitia æqualitatis, qualis est inter pares. Nam ibidem, & cap. 12. fatetur esse posse cum regibus amicitiam supereminentiæ. Et experientià satis liquet reges solere aliquos è subditis habere, quos ament singulariter, & honoribus, opibus, ac potentià mirabiliter augeant, suæque amicitia & familiaritate dignos reddant. Quoad Deum verò, ignorauit Aristoteles posse hominem supernaturaliter eleuari ad statum quandam diuinum, per gratiam sanctificantem: in quo statu fundatur amicitia cum Deo, quatenus homo supra naturam & conditionem serui, seu mancipij (in qua sola fundari nequit amicitia vera, ut neque est inter seruum & Dominum, nisi ille supra conditionem seruilem eleuetur) attollitur ad status diuini participationem, & ex seruo fit filius adoptiuus, & hæres, ut ait Apostolus Rom. 8. ver. 16. & 17.

Instabis, quia maior est inæqualitas inter Deum, & hominem, quamvis eleuatum per dona supernaturalia; quàm inter Regem & vilissimum mancipium, inter quos nequit esse vera amicitia. Respondeo, Physicè quidem maiorem esse inæqualitatem in natura, & perfectione naturalium donorum, Physicè tantùm spectata: secus autem si spectetur moraliter in participatione status diuini, ad quem homo per adoptionem prouehitur, quando per gratiam sanctificantem fit iustus, & consors nature diuinæ, filiusque adoptiuus, & hæres futurus & particeps illius gloriæ, & beatitudinis. Seruus autem manens in statu mancipij nullo modo participat excellentiam Regis: locus verò si ab eo adoptaretur in filium, vel si ad statum nobilium eleuaretur: ut nos à Deo adoptamur, & eleuamur per gratiam: iuxta illud 1. Ioan. 3. *Videte qualem Charitatem; dedit nobis Pater, ut Filij Dei nominemur;*

Gg 3

¶ *simus.* Aliter huic difficultati respondent Lessius & pauci illum secuti, adoptionem nostram non fieri per sola dona creata, sed per ipsummet Spiritum diuinum, iustis communicationem, & per ipsius naturæ diuinæ participationem, in qua formaliter consistit adoptio. Sed nos hanc modum explicandi adoptionem diuinam reieciimus tomo præcedenti disputatione 40. Sect. 7. num. 59. & sequentibus, & Sect. sequenti iterum refutabitur.

SECTIO II.

Verum Charitas habitualis sit aliquid creatum in anima?

7.
Magistri
sententia
negans.

Circa questionem propositam Magister in 1. dist. 17. lit. B. & sequent. existimauit Charitatem, quæ Deum diligimus, esse Spiritum sanctum, seu tertiam personam diuinam, in iustis manentem: quæ licet alios actus per proprias eorum virtutes producat; actum Fidei, per Fidem; & actum Spei, per Spem; ut Magister fatetur ibidem lit. S. circa medium: nihilominus actum dilectionis per ipsam operetur. Fundatur Magister in quibusdam locis D. Augusti, quibus videtur id affirmare. Qui etiam lib. 8. de Trinit. cap. 7. videtur dicere ipsum actum dilectionis esse Deum, sic enim ait: *Qui proximum diligit, consequens est ut ipse præcipue dilectionem diligit: Deus autem dilectio est.* Et paulo post; initio capitis 8. *Nemo dicat, Non noui quid diligam. Diligat fratrem, & diligat eandem dilectionem. Magis enim nouit dilectionem, quæ diligit; quam fratrem, quem diligit. Ecce iam potest notiorum habere Deum, quam fratrem.* Adde illud 1. Ioan. 4. ver. 16. *Deus Charitas est: & qui manet in Charitate, in Deo manet, & Deus in eo.* Et ver. 8. *Qui non diligit, non nouit Deum, quia Deus Charitas est.* Quæ verba expendens D. Augustinus lib. 15. de Trinit. cap. 17. dicit, Quando Deus in Scriptura dicitur Charitas, id non esse accipiendum, sicut cum aliqua alia dicuntur Deus; ut quando Vates Regius Deo dicit, *Tu es patientia mea, misericordia mea, fortitudo mea,* &c. quando enim hæc de Deo affirmamus, sensus tantum est quod Deus sit causa, à qua nobis hæc proueniunt. At verò ita dictum est, *Deus Charitas est, sicut dictum est, Deus Spiritus est:* id est, non in sensu tantum casuali, & metonymico, ut illa priora: sed in sensu proprio, & formali.

8.
Contra-
ria & ve-
ra sen-
tentia.

Contraria sententia est D. Thomæ, quæst. 23. art. 2. & cæterorum communiter, qui sententiam Magistri ut errorem auerlantur. Nec immerito: quia Scripturæ, & Concilij satis aperte repugnat. Dico igitur primò, Charitatem habituales, quæ Deum diligimus, esse aliquid creatum in anima, & distinctum à Spiritu sancto. Probat ex Scriptura, Rom. 5. *Charitas Dei diffusa est in cordibus nostris per Spiritum sanctum, qui datus est nobis.* Quibus verbis significatur Charitatem esse effectum Spiritus sancti, & ab illo distin-

Probat
ex Script.

gui. Alioqui nihil aliud esset Charitatem diffundi, quam Spiritum sanctum diffundi: & dicere Charitatem diffundi per Spiritum sanctum, nihil aliud esset quam dicere Charitatem diffundi per Charitatem, quod absurdum est. Ibi autem sermonem esse de Charitate habituali affirmat Trident. Sess. 6. cap. 7. Simili modo Arausic. can. 25. affirmat Spiritum sanctum diffundere Charitatem in cordibus nostris: & Tridentinum supra citatum dicit per Spiritum sanctum Charitatem Dei diffundi in cordibus eorum qui iustificantur, atque ipsis inherere. At Spiritus sanctus non inheret, sed adest, & est in iustis substantialiter, assistendo, non inherendo. Idem Concilium ibidem affirmat causam formalem nostræ iustificationis esse iustitiam Dei, non quæ ipse iustus est, sed quæ nos iustos facit. Ergo Charitas, in qua præcipue iustitia nostra consistit, non est Charitas ipsa quæ Deus est, & quæ Deus iustus & Sanctus est. Neque respondeat Magister, sufficere diuersam considerationem, vel respectum diuersum: & Charitatem Dei esse Charitatem nostram, non quatenus Charitas Dei est, sed quatenus nos inuat ad amandum. Nam Trident. aliter loquitur, significatque realem distinctionem esse, cum ait, iustitiam nostram esse iustitiam Dei, non quæ, id est, per quam, ipse iustus est; sed quæ nos iustos facit, quæque nobis inheret, ut addit paulò post: Non verò dicit iustitiam nostram esse iustitiam Dei, non quatenus ipse iustus est, sed quatenus nos iustos facit. Qui loquendi modus à priori longè diuersus est. Adde, Tridentinum sic definire contra Nouatores, affirmantes nos iustificari non per iustitiam intrinsecam, & infusam; sed per iustitiam Christi nobis imputatam, & per fauorem extrinsecum Dei nos amantis propter Christum. Denique, cum actus dilectionis sint actus nostri vitales, æquæ ac actus Fidei, & Spei; convenientius est, ut sicut Deus infundit nobis habitus Fidei, & Spei, veluti principia proportionata, quibus continuamur permanenter & habitualiter potentes intrinsecè ad hos actus eliciendos, ut fatetur Magister lit. S. circa medium: ita pariter infundat habitum Charitatis proportionatum dilectioni supernaturali erga Deum, & proximum.

Probat
ratione.

Ad fundamentum Magistri respondeo D. Augustinum lib. de Spiritu & littera cap. 31. in fine, & alibi satis aperte distinguere Charitatem à Spiritu sancto, & affirmare esse aliquid creatum & inherens, ut Fidem, & iustitiam; quod cum Augustino alij quoque Patres affirmant: ut videre est apud Valent. disp. 3. quæst. 1. p. 1. Verba D. Augusti, cap. cit. hæc sunt: *Charitas quippe Dei diffusa est diffundi in cordibus nostris, non quæ nos ipse diligit, sed quæ nos facit dilectores suos: sicut dicitur iustitia Dei, quæ iusti eius munere efficiuntur: & Domini salus, quæ nos saluos facit: & Fides Iesu Christi, quæ nos Fideles facit.* Quibus verbis significat Charitatem, quæ Deum diligimus actu, vel habitu, non esse illam ipsam, quæ Deus nos diligit: sed distingui à Deo, non minus quam Fidem, quæ in illum credimus: & utramque esse nobis æquæ intrin-

9.
Exponi-
tur D. Au-
gust.

secundam, & inhaerentem. Duplex autem Charitas est. Una increata, quā Deus nos diligit, quare est Deus ipse: de qua loquitur Ioannes cap. cit. Alia creata, quā nos Deum, & proximum diligimus: quare quia increate participatio quædam & similitudo est, confunditur interdum à D. August. cum increata: vt cap. illo 8. libri 8. de Trinit. Cuius sensus est, quod qui dilectionem suam cognoscit, Deum cognoscit, non in se, sed tanquam in imagine: quia Deus etiam est dilectio, non illa quā diligimus, sed alia. Etenim dilectio quā diligimus, à nobis est, & est actus noster vitalis, nostraque operatio. Dilectio autem quæ est Deus, non est à nobis, neque est noster actus secundus & operatio vitalis. Legatur D. Thom. q. 25. a. 2. ad 1. vbi S. Augustinus sic exponit, qui tamen sine dubio obscurè & minùs propriè locutus est hac in parte, vt & in multis alijs, egerque benigna explicatione. Ioannis verò Apostoli sensus est verbis relatis ex Epist. 1. cap. 4. v. 8. & 16. quod qui manet in Charitate, manet in Deo qui est Caritas increata, & cui nos Caritas creata vniit, veluti summa eius participatio. Et qui non diligit proximum, non nouit Deum sicut oportet; quia Deus Caritas est, tanto amore nostri flagrans, vt ad nos inuicem diligendos mirabiliter prouocet. Qui sensus verbis præcedentibus & sequentibus congruit multo meliùs, quàm qui solet ab interpretibus afferri. Quod autem notat D. Augustinus circa illa verba, nihil aliud sibi vult, quàm Charitatem esse virtutem adeo perfectam, vt in suo conceptu nullam inuoluat imperfectionem, ideòque possit absolute de Deo in sensu proprio & formali enuntiari, æque ac attributum Spiritus, & alia quædam quæ in suo conceptu nullam inuoluunt imperfectionem Deo repugnantem, sub eodemque nomine, & ratione gratiæ, Deo & creaturis conueniunt. Secus verò patientia, misericordia strictius sumpta, & fortitudo, quæ non possunt de Deo in sensu proprio formali enuntiari, sed causaliter tantum & metonymicè. Quia patientia, & fortitudo connotant imperfectionem aliquam in subiecto, de quo enuntiantur, cui scilicet aliquid derum sit, & difficile perferri, aut aggredi: & misericordia strictius sumpta, non est sine dolore & compassione aliqua: dicitur enim misericors, quasi habens miserum cor.

10.

Dices, Scripturam nusquam facere mentionem huiusmodi qualitarum mortuorum, propter quia Deus nos diligit: sed tantum affirmare quod Deus nos diligit quia eum diligimus, quia credimus, quia sumus naturæ intellectualis, liberè eum amantes, & bene operantes. Addo quod illæ qualitates non sunt amabiles, ex D. Thoma. Ergo non possunt nos reddere amabiles: quia propter quod vnum quodque tale, & illud magis. Denique, cum sit opus Spiritu sancto dirigente huiusmodi habitus, satis esset dicere eas non dari, sed Spiritum sanctum per se solum nos eleuare ad operandum supernaturaliter.

Certum Respondet falsum esse antecedens, vt constat ex Scripturæ locis supra citatis, & ex

penlis, *Charitas Dei diffusa est in cordibus nostris*, &c. Rom. 5. & 1. Ioan. 3. *Videte qualem Charitatem dedit nobis Pater, vt Filij Dei nominemur, & simus*: ideòque valde amabiles: & *Omni qui natus est ex Deo, peccatum non facit: quia semen eius in eo manet*: alijsque pluribus locis, quæ alibi expendimus in tract. de Iustificat. Propter quæ iuncta Patrum expositione, & traditione, certum semper & indubitatum in Ecclesia fuit huiusmodi habitus saltem adultis infundi, vt rectè ostendit Suarez lib. 6. de Gratia cap. 3. Post Tridentinum verò tam certum est infundi habitus iustificantes; vt iam intolerabilis sit temeritatis velle in dubium id vocare; vt ostendimus tomo 2. disp. 39. Sect. 2. & sequenti Sectione confirmabimus ampliùs. D. Thomas falsò citatur, cum expressè contrarium dicat quæst. illa 25. art. 2. Nec obest quòd illi habitus sunt mortuæ qualitates, id est, non sunt ipsum viuens, & principium vitale. Nam reas Physicæ, vel Morales, quamvis mortuæ, sunt amabiles & æstimabiles, si sint per se bonæ & excellentes: vt v. g. corporis pulchritudo consistens in figura, & proportionē artuum, & colorum, opes, honores, scientia eximia, dignitas Regia vel Pontificia, & similia: quæ si quis negat valere plurimùm ad amorem conciliandum, experientia aperte refutatur. Euidens item est ea quæ sunt à personis excellentibus, multò plus æstimari, quàm quæ à vulgaribus. Quamvis autem Spiritus sanctus possit per se solum nos eleuare ad omnes actus supernaturales: multum tamen est habere in nobis principium permanens & intrinsecum, quo optimè afficiamur formaliter, & simus completè potentes ad operandum supernaturaliter cum solo concursu generali, & debito respectu habitus supernaturalis. Denique, posse aliquid mortuum, id est, quod non sit principium viuens, iuuare ad vitales operationes conijci facile potest ex ipsa sensuum experientia: Iuuamur enim v. g. siue speciebus melioribus, siue perspicillijs, siue spiritibus animalibus, ad meliùs videndum: Iuuamur quoque habitibus naturalibus, quos alibi ostendimus distingui à principio vitali, & concurrere ad substantiam actus vitalis.

Dico secundò, Charitatem esse virtutem supernaturalem, infusam voluntati, omnium hac in vita infusarum præstantissimam, cæterarumque quodammodo formam & perfectionem, quatenus illas summè cohonestat, & ad finem supremum attollit, atque in esse meritorio constituit. Hæc conclusio satis patet ex dictis de Fide, & Spe: plura verò de illa videri possunt apud D. Thomam quæst. 25. art. 3. & sequentibus, Suarez disp. 3. de Charitate Sect. 1. & Aegid. Coninck disp. 21. dub. 4. 5. & 6. Tantum aduerto, supremam hanc eminentiam Charitati competere quatenus in Deum perfectissimè tendit, vt ratione suæ summæ & infinite bonitatis propter se diligibilem: non autem quatenus proximum diligit ratione sui tantum. Cuius etiam consideratione non dicitur virtus Theologica, sed quatenus Deum attingit, illumque amat propter se & cætera pro-

di habi-
tus super-
naturali-
es.

11.
Descrip-
tio Cha-
ritatis.

per ipsum. Dicitur enim aliqua virtus esse Theologica, ex eo quod Deum attingit vel obiectum *quod*, & quidem formale. Dixi autem, *quatenus proximum diligit ratione sui tantum*: quia duobus modis potest diligi proximus ex Charitate. Primò, propter Deum, vt & cetera quæ ad Deum aliquo modo pertinent, & propter ipsum amari possunt. Et hic actus, cum Deum respiciat vt rationem formalem obiecti, pertinet ad Charitatem Theologicam, vt talem. Secundò, potest diligi proximus propter se, sine respectu ad Deum, ratione suæ bonitatis creatæ, & intrinsecæ, vel naturalis, vel supernaturalis. Et hic actus, cum nullo modo Deum habeat pro obiecto, non est actus Theologicus, siue actus Charitatis provt est virtus Theologica: tamen est actus eiusdem virtutis supernaturalis quæ Deum etiam propter se diligit, & proximum propter Deum, vt ostendimus disp. sequenti Sect. i.

SECTIO III.

De infusione habitus Charitatis.

11. **Q** Vinque in præsentī breuiter explicanda sunt. Primò, An certum sit, & de Fide, infundi habitum Charitatis? Secundò, cui subiecto proximè infundatur? Tertiò, an creetur, vel educatur de potentia subiecti? Quartò, an infundatur secundum capacitatem naturalem? Quintò, an infusio habitus præcedat semper, ac necessario, omnem actum Charitatis? Circa primum,

Certum est infundī habitum Charitatis.

Probat ex Trident.

Dico primò, quidquid sit de nomine habitus, certum esse, & de Fide, dari Charitatem infusam, ab actibus distinctam, & permanentem, quam nomine habitus significamus. Probat ex efficaciter ex Trident. Sess. 6. cap. 6. & 7. Nam post enumeratos cap. 6. actus, quibus disponimur ad iustificationem, subdit cap. 7. initio, *Hanc dispositionem, seu preparationem, iustificatio ipsa consequitur, quæ non est sola peccatorum remissio, sed & sanctificatio, & renouatio interiorū hominū, per voluntariam susceptionem gratiæ, & donorum.* Et paulo post, circa medium capituli, sic ait: *In ipsa iustificatione, cum remissione peccatorum, hæc omnia simul infusa accipit homo, Fidem, Spem, & Charitatem.* Quam Charitatem ibidem asserit iustificatis inherere: Et in fine asserit iuberi nos iustitiam illam conferuare, ceu stolam primam, vt eam perferamus ante tribunal Domini nostri Iesu Christi, & habeamus vitam æternam. Atqui non iubemur conferuare eo vsque, & perferre actum, sed habitum: neque in iustificatione infunduntur actus Fidei, Spei, & Charitatis. Quis enim illos infundi experitur? Caderent autem fidei experientiam cuiusque, cum sint actus vitales. Nec denique actus Fidei, Spei, & Charitatis sunt dispositiones ad seipsos, vel ad alios sibi similes, & eiusdem naturæ. Quare forma iustificationis, ad quam disponunt, ex Tridentino, quæque illos consequitur, & consistit in Fide, Spe, & Charitate, vt

Trident. ibidem ait, forma, inquam, illa non est actus, sed habitus.

Secundò, idem Concil. Sess. 7. can. 6. 7. & 8. *de Sacram. in genere*, affirmat generatim Sacramenta conferre gratiam non ponentibus obicem. Gratia verò, quam baptismus confert paruulis (qui certe non ponunt obicem) non est actus, cuius non sunt capaces. Ergo est gratia quædam habitualis, qualem nos asserimus. Quare licet Concilium Viennense Clement. vnicā de Sum. Trinit. statuat, aut supponat tantum de solis adultis tanquam certum, eos informantem gratiam & virtutes in baptismo recipere; de paruulis autem probabilius tantum id esse dicat: de vtriusque tamen post Tridentinam declarationem citatam res certissima est: licet primum sufficeret ad probationem nostræ conclusionis.

Tertiò, idem Concil. Sess. 14. cap. 4. dicit actum contritionis Charitate perfectæ hominem Deo reconciliare: ita tamen vt reconciliatio ipsi contritioni sine Sacramenti voto, quod in illa includitur, adscribenda non sit. Ergo manifestè distinguit reconciliacionem ab ipsa contritione, quæ tamen actus Charitatis est. Itaque ex mente Concilij Trident. iustificatio non fit formaliter per actum Charitatis, sed per habitum, vt actus tanquam dispositio- nis infusum. Ibidemque Concilium ponit discrimen inter contritionem, perfectam, & attritionem: quòd illa, etiam sine Sacramento actu suscepto, perducit hominem ad iustificationem, velut sufficiens dispositio: ista verò, non nisi cum Sacramento. Et denique Sess. 6. cap. 10. affirmat iustos, Fide cooperante bonis operibus, crescere in iustitia; & hoc augmentum ab Ecclesia peti, cum sic orat, *Da nobis Domine Fidei, Spei, & Charitatis augmentum*: & can. 32. definit iustos per bona opera mereri augmentum gratiæ: quod augmentum statim dari, & hac in vita, ostendimus inferius Sect. 5. num. 40. vt nimirum per illud crescant iusti in accepta iustitia, & sit eorum semita quasi lux splendens, quæ procedit & crescit vsque ad perfectam diem, vt ait Scriptura Prouerb. 4. v. 18. & vt magis vsque ad mortem iustificentur, & renouentur de die in diem, vt ait Trident. Sess. 6. cap. 10. post Ecclesiast. cap. 18. v. 21. & Apostolum 1. Corinth. 4. v. 16. Hoc verò augmentum non potest intelligi de actibus ipsis per quos iusti merentur, neque provt Physicè & actu existunt, neque provt manent postea moraliter, donec retractentur. Etenim meritum & merces debent esse distincta, & correlatiua: & merces debet acquiri per meritum. Ergo merces non est ipsemet actus meritorius, qui est vnus & idem, siue vt Physicè existens, siue vt moraliter manens; & non acquiritur per se ipsum. Sed neque meretur alium actum: quia cum per omne bonum opus factum in statu gratiæ, ex Charitate, mereamur augmentum gratiæ, quo crescimus in via; consequens est vt per vltimum bonum opus ita factum, quamvis exerceatur in extremo instanti vita, vt contigit in B. V. plurimisque Martyribus, & alijs Sanctis eximij, & nobis quoque speciali

Confirmatur ex eodem.

Dei beneficio contingere potest, mereamur illud augmentum. Atqui per illum actum qui exercetur in ultimo instanti vite, non mereamur alium actum per quem ita crescimus. Ergo augmentum gratiæ quod meremur per bona opera, non consistit in actu. Adde quod Trident. nomine gratiæ, & iustitiæ intelligit illam eandem, de qua loquitur cap. 7. & per quam dicit nos iustos & gratos constitui; vt patet ex serie, & contextu titulorum & capitulum. Ista autem non est actus, sed habitus, vt antea ostendimus: quare crescere in actibus tantum, non esset crescere in gratia, & iustitia, de qua loquitur. Quæ autem Vasques in contrarium obijcit, refutata sunt alibi tractando de gratia & iustificatione, vbi etiam fusius hac de re disputauimus.

*Vide tom.
2. Diss. 39.
Sect. 5.*

13. Circa secundum, dico secundò, habitum Charitatis infundi voluntati, velut subiecto proximo, & immediato. Ita D. Thomas quæst. 24. art. 1. & ceteri communiter. Ratio est, quia est habitus valens ad appetendum, non autem ad cognoscendum. Ergo debet infundi appetitui. Cumque sit qualitas merè spiritalis, & valens ad obiecta immaterialia, ad Deum scilicet, & alia plurima bona spiritalia diligenda, veluti Deo grata; debet esse in appetitu superiori & spiritali, qui est voluntas. Notandum tamen est, quòd sicut quando cogitamus per intellectum de rebus spiritalibus (quas pro statu huius vite non apprehendimus nisi ad modum rerum corporearum) phantasia operatur, simul cum intellectu, circa eadem obiecta, & acquirit habitum, & speciem materialem valentem ad eorum recordationem: quod etiam in rebus Fidei locum habet: ita dum voluntas fertur in res spirituales apprehensas per modum boni sensibilis, appetitus sensibilis solet habere actum ei correspondentem, quo ipse facilitatur, quique sensibilem delectationem aliquando parit, iuxta illud Psal. 83. *Cor meum, & caro mea exultauerunt in Deum vivum: vt rectè docet S. Thomas 1. 2. quæst. 30. art. 1. ad 1. vbi affirmat ex appetitu superiore fieri redundantiam in appetitum inferioriorem, vt simul etiam ipse inferior appetitus suo modo tendat in spirituale bonum, consequens appetitum superiorem: & etiam ipsum corpus spiritalibus deferuiat, sicut in Psal. 83. dicitur, verbis suprà relatis.*

14. Circa tertium, dico tertio, habitum Charitatis non creari, sed educi de potentia voluntatis, quæ est realiter ipsa substantia animæ rationalis. Probat, quia cum sit accidens; connaturalis illi est vt educatur, si fieri possit, de potentia subiecti cui inhaeret. Posse autem educi de potentia voluntatis verosimilis est: quia actus Charitatis, qui sunt eiusdem ordinis cum habitu, educuntur ex illa. Cum enim sint actus vitales, debent necessariò fieri concurrente voluntate, & anima ipsa rationali, vt principio vitali: non potest autem ad creandum concurrere. Similiter actus visionis beatificæ, quamvis nobilissimus, educitur tamen de potentia intellectus. Adde quòd idem actus, cum sint vitales, debent fieri concurrente efficienter ipso principio vitali, seipsum exer-

cente, & mouente vitaliter cum auxilio supernaturali. Si autem potest concurrere in genere causæ efficientis, quod nobilius est: multo magis in genere causæ materialis. Præterea, Trident. Sess. 6. cap. 7. & can. 11. definit Charitatem & gratiam inherere. Quod autem inheret, sicut existit dependenter à subiecto, sic producit dependenter ab illo: in quo consistit ratio educationis, opposita creationi.

Contrarium sentiunt D. Bonaventura in 4. dist. 1. quæst. 1. literali, §. *Item, gratia ex nihilo & subitò creatur*: Scotus ibid. quæst. 3. Gabriel quæst. 1. art. 2. conclus. 3. §. *Tertia pars minoris*. Mouentur autem his præcipue argumentis. Primò, quia id quod educitur, non infunditur propriè. Charitas autem dicitur infundi. Secundò, Charitas non est minus extra potentiam animæ rationalis, quàm anima rationalis sit extra potentiam materiæ. Ergo non potest ex illa educi. Consequentia patet. Anteced. probatur, quia Charitas est forma supernaturalis: potentia verò animæ est purè naturalis. Atqui forma supernaturalis non minus est extra spheram potentiæ naturalis, quàm forma spiritalis sit extra spheram potentiæ materialis. Tertio, habitus infusi dicuntur esse noua creatura, Galat. 6. ver. 15. *In Christo Iesu neque circumciso aliquid uales, neque præputium, sed noua creatura*. Hoc est, vt exponit cap. 5. ver. 6. *In Christo Iesu neque circumciso aliquid uales; neque præputium, sed Fides quæ per Charitatem operatur*.

Ad primum respondeo, illa etiam quæ educuntur, dici infundi, quando proueniunt ab extrinseco. Sic enim dicitur lumen infundi: & illuminationes, atque inspirationes diuinæ dicuntur mentibus nostris infundi, atque etiam ipse actus liber amoris diuini; vt quando Ecclesia sic orat, *Infunde amorem cordibus: Infunde cordibus nostris tui amoris affectum*: licet è nobis educatur, imò etiam nobis efficienter concurrentibus fiant, quia sunt actus nostri vitales. Dicuntur tamen infundi, quia à Deo peculiariter procurante & excitante fiunt, & immittuntur quodammodo. Parique iure Charitas, licet ex animæ substantia educatur, dicitur infundi, quia non inest nobis naturaliter, neque per vires naturales acquiritur, sed habetur per infusionem, id est, per specialem & supernaturalem operationem Spiritus sancti, quoniam excedit facultatem naturæ, vt rectè ait sanctus Thomas quæst. 24. art. 2. c.

Ad secundum: nego antecedens. Anima enim rationalis, tam secundum se, quàm secundum suas operationes spirituales, excedit capacitatem materiæ, non modò naturalem, verum etiam, vt probabilius est, obedientialem. Neque enim existimo posse ad illius productionem eleuari. Vt neque potest quilibet eleuari ad quodlibet, sed ad aliquid viribus suis proportionatum: ad quod scilicet res illa, quæ eleuatur, habeat potentiam inchoatam, quæ per adiunctionem causæ superioris, & supernaturaliter concurrentis eleuari possit. Quam vim non habet quælibet res ad quodlibet; purè oculus corporeus ad Deum videndum. At verò Charitas secundum actus suos supernaturales,

15. Contra-
ria sen-
tentia.

Quo sen-
su dicitur
infundi?

16. Non est
extra po-
tentiam
obedient,
animæ.

& eiusdem ordinis cum habitu, non excedit potentiam obedientialem animæ rationalis: unde colligitur valde probabiliter quod neque excedat secundum habitum, qui est eiusdem ordinis. Ad probationem antecedentis, dico formam supernaturalem non minùs esse extra sphæram potentia naturalis, naturaliter spectatæ, quam sit forma spiritualis extra potentiam materię. Secus autem si spectetur obedientialiter, id est, in ordine ad causas supernaturales, quibus potest coniungi, & cum illis concurrere ad productionem & educationem formæ supernaturalis, ad quod habet vim inchoatam, & imperfectam: vt de anima nostra respectu actuum supernaturalium Fidei, Spei, Charitatis, & similium, colligimus ex eo, quod naturaliter potest operari circa eadem obiecta, cognoscendo, & amando Deum modo imperfectiori: Vnde fit credibile posse per omnipotentiam Dei eleuari, ad actus cognoscendi, & amandi nobiliores in eritate, & perfectione, quam possit ipsa solis viribus naturalibus producere. At potentia materialis nullos actus spirituales, quantumvis imperfectos, producit naturaliter, neque producere potest.

17.
Creare
sumitur
interdum
pro, edu-
cere,

Ad tertium respondeo, creaturæ nomen in Scriptura vsurpari pro quacunque re à Deo condita, sicut & creandi verbum pro quacunque effectione vel actione Dei. Sic Sapientia 1. ver. 14. dicitur Deus creasse omnia. Et Ecclesiastici 17. ver. 6. creasse homini scientiam spiritus. Et Isaia 45. ver. 7. formare lucem, & creare tenebras; facere pacem, & creare malum: & cap. 65. ver. 18. *Ece ego creo Ierusalem exultationem, & populum eius gaudium.* Exultatio verò, & gaudium, cum sint actus vitales, non possunt propriè creari, sed educi. Præterquam quòd Fides, & alij habitus infusi, possunt dici creati, sensu quodam morali, quia primò infunduntur ex nihilo meriti: id est, nullis præexistentibus meritis eius, cui infunduntur; vt rectè ait S. Thomas in caput 1. Epistolæ ad Ephes. circa illa verba, *Creasti in operibus bonis.*

18.
Infunditur
iuxta
mensuram
Spiritus
sancti.

Dico quartò, habitum Charitatis non infunditur secundum capacitatem naturalem, ita vt tanta unicuique infundatur, quantum capere potest: sed iuxta mensuram Spiritus sancti, quam partitur singulis prout vult, & secundum propriam cuiusque dispositionem, ac cooperationem. Ita D. Thom. quæst. 24. art. 3. & clarè patet ex Trident. Sess. 6. cap. 7. paulò ante medium, ubi iisdem verbis traditur; & Ephes. 4. ver. 7. *Vnicuique nostrum data est gratia secundum mensuram donationis Christi.* Tribus verò modis infunditur Charitas habitualis. Primò, per Sacramenta, sine propria cooperatione; vt fit in paruulis. Secundò, per Sacramenta cum propria cooperatione & dispositione, vt fit in adultis. Tertiò, sine Sacramentis, ex opere operantis, id est, mediante aliquo actu de se sufficiente ad gratiæ infusionem. Primo modo certum est Charitatem non infundi subiecto secundum totam illius capacitatem obedientialem, sed secundum mensuram Sacramento positam. Si enim infans, cum baptizatur, reciperet Charitatem quantæ capacitæ est; vel non posset augeri Charitas totà

vitâ per alia Sacramenta, & per actus bonos & meritorios: quod est Hæreticum, & damnatum à Trident. Sess. 6. cap. 10. & can. 32. & Sess. 7. can. 6. & 7. de Sacramentis in genere: Vel capacitas animæ rationalis augeri deberet: quod falsum est: quia cum nihil fit aliud, quam ipsa animæ substantia, quantum potest habitum Charitatis à Deo recipere: sicut non crearetur substantia animæ, ita nec illa capacitas obedientialis. Secundò autem, & tertio modo fit, quod quidem infusio Charitatis mensuratur dispositionis, & cooperationis: ita vt maior infundatur, tam in Sacramento, quam extra, quò maior illa est; vt colligitur ex Trident. Sess. 6. cap. 7. affirmante iustitiam in vnoquoque recipi secundum suam mensuram, non naturalem, sed quam Spiritus sanctus partitur, singulis prout vult, & secundum propriam cuiusque dispositionem, & cooperationem. At dispositio nostra, & cooperatio, tanta non est, quantum requirit gratiæ plenitudo, quâ tota capacitas animæ impleatur. Imò quidquid agant iusti post primam gratiæ infusionem, & quantumvis in ea crescant, semper longe abunt à gratia Christi, de cuius plenitudine ceteri omnes accipiunt. Quamvis eorum capacitatis sit æqualis capacitati animæ Christi, supposito quòd omnes animæ sint æquales substantialiter, quòdque diuersitas ingeniorum proueniat ex diuersitate organorum, vt probabilis esse arbitror.

Et secunda
dum me-
sura pos-
sit dif-
ferentia,

Hinc etiam fit, vt quia diuersa & inæqualis est hominum cooperatio ad gratiam; & alia: causæ inæquales, aut inæqualiter applicatæ: diuersa etiam sit & inæqualis mensura gratiæ, & gloriæ, ad quam perueniunt: iuxta illud. 1. Cor. 15. *Stella differt à stella in claritate, sic erit resurrectio mortuorum.* Et Ioan. 14. *In domo Patris mei mansiones multe sunt.* Et 2. Corinth. 9. *Qui parat seminat, & parcat & metet: & qui seminat in benedictionibus, de benedictionibus & metet.* Hinc denique fit, vt quò iusti melius aut sapius bene operantur; crescant magis magisque in gratia & Charitate: iuxta illud Apoc. vlt. *Qui iustus est, iustificetur adhuc.* Et Philip. 1. *Hoc oro vt Charitas vestra magis ac magis abundet.* Et Psal. 91. v. 13. *Iustus vt palma florebit, sicut cedrus libani multiplicabitur:* vel, vt est in textu græco, *in altum succrescet,* id est, sensum magis magisque fiet iustus, sicut arbor sensim crescit, & procerior fit. Et Eccles. 18. *Nō verearū vsque ad mortem iustificari,* id est, magis ac magis fieri iustus, quandiu viuīs. Nec obest quòd in Græco est, *iū uiuūt,* id est, *ne expectet.* Nam quæ præcedunt, & sequuntur immediate, ostendunt versionem vulgatam, quæ sola authentica est, melius expresse sensum verbi Hebraici & originalis. Si enim habet locum integer: *Nō impediarū orare semper: & ne verearū vsque ad mortem iustificari:* Quia merces Dei manet in æternum. Quasi dicat: Nihil te remoretur à continuo exercitio orationis, aliorumque bonorum operum, quibus possis magis ac magis iustificari, dum viuīs. Quoniam pro tali exercitio, & labore continuo, ingens te manet in celo merces nunquam

Hinc est
inæqualitas
gratiæ
& gloriæ.

interitura, laborémque tuum abundè compen-
satura.

19. Dubitari potest, an sicut quisque libe-
rè assentitur Spiritui sancto excitanti ad disposi-
tionem & cooperationem liberam, iuxta Tri-
dent. Sess. 6. cap. 5. & Can. 4. ita possit liberè
magis & minùs assentire? Respondeo affirmati-
uè. Quia sicut potest dissentire, si velit: ita
potest magis aut minùs, si velit, assentire &
cooperari vocationi diuinæ. Quia propter differ-
entia augmenti Charitatis potest existere non
tantùm ex Deo, sed etiam ex eo, qui recipit
Charitatem, proptèr liberè magis aut minùs coo-
peratur auxilijs gratiæ sibi oblatis. Quòdque
vnius recipiat minus Charitatis, quam alius, ex
eo quòd minùs ille cooperetur, potest accidere
per liberum defectum recipientis, qui liberè
cooperatur remissius cum æquali auxilio gratiæ.
Idèoque Tridentinum Sess. 6. cap. 7. mensuram
Charitatis partim refert ad Spiritum sanctum di-
uidendum singulis proptèr vult, vt ait Apost. 1.
Corinth. 12. partim ad propriam cuiusque dis-
positionem, & cooperationem.

10. Adde, posse voluntatem eidem vocationi to-
to conatu assentiri si velit, & non tantùm in-
tra certum gradum: ex. gr. posse toto conatu,
totàque vi concurrere cum auxilio præue-
niente & concomitante, intento vt quatuor.
Tuncque licet maior futurus sit effectus, & in-
tensior, quam si potentia remissius operaretur,
& minori conatu cum eodem auxilio: non ta-
men erit maior effectus, quàm ferat vis & ele-
uatio principij supernaturalis. Nam actus super-
naturalis non potest excedere principium super-
naturale, neque esse supra illius eleuationem,
ita vt potentia obedientialis plus agat, quàm
eleuetur. Atque ita v. g. per nullum conatum
fieri potest vt quisquam Beatorum videat Deum
perfectiùs, quàm ferat lumen gloriæ quod ha-
bet ad Deum videndum. Et quavis possit natu-
ralis potentia operari infra gradum formæ su-
pernaturalis, quam habet (neque enim semper
operatur secundùm totam intentionem habi-
tus supernaturalis; quem habemus) & possit
quoque operari infra gradum auxiliij actualis,
& assistentiæ sibi præparatæ, atque excitationis
præcedentis, dum liberè operatur: non tamen
potest operari supra formam aut principium su-
pernaturale, & totam virtutem eleuandi, quam
habet. Quia non potest operari supra, vel vi-
tra id, ad quod habet potentiam. Non habet
autem potentiam supra quàm ferat auxilium, à
quo eleuatur. Quod auxilium habet virtutem
finitam & limitatam ad eleuandum. Neque
enim eleuat & complet potentiam obedientia-
lem ad quemlibet, aut quantumlibet effectum.
Quare licet auxilium æquale meliùs operetur
cum principio meliori, aut fortius se applicante:
non tamen potest ad quemcunque effectum ele-
uare potentiam naturalem, quantumvis conan-
tem; sed intra certum gradum, quem non po-
test excedere.

11. Dico quintò, infusionem habitus Charitatis
non semper præcedere omnem actum Charita-
tis, sed sapissime aliquem subsequi. Probatur,
quia cum aliquis ex opere operantis, per actum
contritionis, aut amoris Dei super omnia, con-

sequitur iustificationem; actus ille Charitatis
non est ab habitu, sed potius illum naturà præ-
cedit, veluti sufficiens dispositio ad iustitiam, &
Charitatem habitualem, quæ vi illius introdu-
citur. Etenim iustificatio sequitur dispositio-
nem, quæ fit per actus credendi, sperandi, di-
ligendi, & penitendi, vt docet Trident. Sess. 6.
cap. 6. & 7. iuncto Can. 3. Quare habitus Fidei;
Spei, & Charitatis, in quibus consistit iustifi-
catio positiua, ex eodem Tridentino cap. 7.
Sessionis citatæ, non præcedunt huiusmodi
actus, sed potius eos sequuntur naturà poste-
rioris, & actus illis præsupponuntur, veluti præ-
uiz dispositiones, naturà priores in genere cau-
sæ materialis.

Neque respondeant Thomistæ, habitus esse
priores huiusmodi actibus in genere causæ effi-
cientis, licet sint illis posteriores in genere cau-
sæ materialis: & non repugnare idem esse prius
& posterius alio in diuerso genere causæ. Con-
trà enim: fieri non potest vt actus accipiat esse
ab habitu, cui præsupponitur cum illo ipso esse
reali & actuali quod habet. Si enim ab illo ac-
ciperet esse, deberet habitus esse prior, &
præsupponi. Quia quod dat esse alteri, est illo
prius. Implicat autem vt id quod totaliter præ-
supponitur alteri secundum suum esse reale &
actuale, ipsum præsupponat secundum illud
esse. Quia sequeretur esse seipso posterius.
Quod enim est prius alio, est etiam prius illo,
quo illud aliud prius esse dicitur. Et similiter
illud est posterius alio, quod est posterius ali-
quo posteriori illi. Ergo si actus præsuppone-
ret habitum vt causam efficientem; & simul
illi præsupponeretur vt dispositio: actus præ-
supponeret seipsum, & esset seipso posterior.
Quod si est incommodum & impossibile in eo-
dem genere causæ, vt fatentur Thomistæ; est
etiam in diuerso: quia cur v. g. non possint duo
se mutuò efficere primà effectiue, non inde
oritur, quòd in eodem genere essent priora seip-
sis; sed quòd simpliciter vnus debet supponi
esse, vt aliud efficiat; ac proinde non potuit ab
illo accipere esse. Atqui etiam in diuerso genere
causæ, si vnus dat physicè esse alteri, præsup-
ponitur illi secundum suum esse actuale: ac
proinde non potest ab illo accipere esse quod
præsupponitur vt illud sit, & habeat vim phy-
sicè efficiendi. Confirmatur, quia id quod est
naturà prius altero, est tale, vt alterum ab ipso
pendeat: nam prioritas naturæ nihil est aliud,
quàm vera & realis dependentia vnius ab alio:
ergo si aliquid est naturà prius altero, oportet
ratione eius quo prius est, nullo modo pendere
ab altero quod posterius dicitur: aliqui secun-
dum idem esset prius & posterius, & penderet
à seipso. Sed actus secundum totum suum esse
Physicum & actuale, est prior habitu qui vt il-
lius tanquam dispositionis sufficientis introdu-
citur, atque ab illo pendet. Ergo non potest
esse posterior eodem habitu secundum idem
esse.

Obijcies cum Banne, dub. 2. ad art. 2. quæst.
21. amorem supernaturalem non esse actionem
diligentis, tanquam causæ instrumentalis, sed
tanquam causæ principalis: quia nimirum est
actus vitalis: & actus vitalis est ab eo cui vita-

22.
Resoluitur
con-
tra.

33.

lis est, tanquam à causa principali. Sed causa principalis debet habere in se formam quæ sit principium agendi: quoniam causa, quæ non habet in se formam & actum primum ad agendum, non est causa principalis. Forma verò & principium actus dilectionis supernaturalis, est Charitas habitualis: Ergo, &c. Neque dicas Deum supplere defectum formæ. Quia Deus est causa adiuvans extrinseca, quæ non constituit causam principalem id quod adiuvatur. Quo modo, licet Deus per aliquod calefaceret, non constitueret illud causam principalem, nisi daret illi calorem, vel formam aliquam, per quam posset calefacere.

Soluitur
altera ob-
iectio.

Respondet, in nostra voluntate esse vim obediencialem vitalem, & minus principalem ad diligendum supernaturaliter, Deo specialiter iuvante, siue per formam adiunctam, siue per seipsum implendo concursum effectuum illius formæ: & eum qui diligit dilectione supernaturali, esse causam vitalem & principalem eius dilectionis; non autem causam instrumentalem, propriè & strictè sumptam: sed non esse causam totalem, neque causare sine auxilio speciali, intrinseco; vel extrinseco. Sufficit autem auxilium extrinsecum. Nam siue voluntas potest & debet concurrere vitaliter & partialiter cum habitibus infusis, quando illos habet, & ab illis iuvatur ad producendos vitales actus supernaturales: ita non minus potest concurrere cum auxilio speciali, æquivalente habitibus quoad agendi vim: quippe qui non concurrunt per modum causæ formalis, nec quatenus informant; sed per modum principij effectivi. Neque constituunt voluntatem in esse potentie vitalis: sed supponunt esse talem, & iuvant per modum adiuncti non vitalis, nec vitaliter operantis. Quare concursus, quem præstant voluntati, non requirit necessariò informationem, & adiunctionem intrinsecam.

In forma igitur, concessa maiore distinguo minorem, causâ principalis debet habere in se formam quæ sit principium agendi, totale, negò: partiale saltem, concedo: Qui autem amat supernaturaliter, licet nondum habeat habitum infusum; habet tamen innatum sibi principium vitale ad talem amorem: nempe voluntatem, quæ est principium partiale, egens tantum elevatione, siue adiunctione causæ alterius supernaturalis, intrinsecæ, vel extrinsecæ. Dico itaque actum dilectionis, qui præcedit infusionem habitus Charitatis, non esse ab ipso habitu, qui naturâ posterior est: sed esse à voluntate, quæ debet illum vitaliter elicere; & à Deo elevante, & concurrente supernaturaliter per auxilium speciale, supplens defectum habitus. Quo actu posito vi auxilij divini specialis, & voluntatis liberè cooperantis, Deus infundit, seu producit habitum principaliter & Physicè, veluti formam consequentem ad sufficientem dispositionem moralem. Nam habitus supernaturales pendunt solèi moraliter ab actibus nostris, siue vt dispositionibus, siue vt meritis. Et à Deo solo Physicè producuntur; à Sacramentis verb, vt instrumentis moralibus; & à Christo, velut à causa morali & meritoria: vt colligitur ex Tridentino Sess. 6. cap. 7. & pater,

ex dictis alibi de gratia, & de Sacramentis in genere.

SECTIO IV.

De augmento habitus Charitatis.

Charitatem augeri posse certum est, & de Fide, ex Trident. Sess. 6. cap. 10. & Can. 31. Idemque patet ex pluribus Scripturæ locis, habetis suprà, num. 18. Quibus adde illud D. Augustini Tract. 5. in 1. Epist. Ioan. Charitas, ut perficiatur, nascitur. Cum fuerit nata, nutritur. Cum fuerit nutrita, roboratur. Cum fuerit roborata, perficitur. Vbi tamen de actuali Charitate magis loqui videtur. Et Prosper in libro Sentent. D. Augustini, Sent. 102. In hac vita, quæ tota tentatio est, etiam in subtilissimè Sanctis non apprehenditur illa perfectio, cui non superest ascensio. Perfectio autem consistit in Charitate, ex Sententia eiusdem D. August. Serm. 20. de Verbis Apostoli, vbi sic loquitur: Domus Dei credendo fundatur, sperando erigitur, diligendo perficitur. Consultò prætereo alium locum huius Sancti Doctoris ab alijs asserti solitum ex Epist. 106. Gratia Dei meretur augeri, ut aucta mereatur & perfici: quia non ibi loquitur de augmento Charitatis & gratiæ Sanctificantis, sed de progressu ab actu Fidei (per quem ait nos mereri de congruo Fidem) ad ipsam Fidem habitualem, & reliquam iustificationem, vt patebit legenti locum integrum. Similia verò præcedentibus habent Hieronymus in Psal. 83. citata illa verba, Ascensiones in corde suo disposuit: & S. Leo Serm. 2. de Quadragesima, cap. 1. & Athanas. in vita S. Antonij, quorum verba referemus inferius. Accedit etiam ratio congrua. Quia de ratione viæ est, vt quanto aliquis magis per eam progreditur, tanto magis ad terminum accedat. Via autem, quæ ad Deum tendimus, est Charitas, iuxta illud Apost. 1. Cor. 12. Adhuc excellentiorem viam vobis demonstro, &c. Ergo de ratione Charitatis viæ est vt possit augeri; vt quò magis augetur, eò magis procedamus, & accedamus ad Deum, cui non appropinquamus passibus corporis, sed affectibus mentis. Si enim Charitas non posset augeri, cessaret iam viæ processus. Idem denique constat ex omnibus alibi dictis de augmento gratiæ Sanctificantis, quam non distingui realiter à Charitate probabilis existimamus, alibique probauimus. Hoc igitur vt constanti præsupposito, quatuor sunt difficultates hæc sectæ. & sequentibus examinandæ. Prima, vtrum Charitas augetur per additionem graduum? Secunda, vtrum augetur per singulos actus? Tertia, an Charitas in via possit lemper, & in infinitum augeri? Quarta, an habitus Charitatis sit intensior in patria, quàm in via?

Circa primum, D. Thomas quest. 24. art. 5. affirmat Charitatem non augeri per additionem Charitatis ad Charitatem: sed augeri secundum essentiam, per hoc, quòd magis participetur, & magis insit eidem subiecto. Secundum probat, quòd accidentis esse esse inefficacis.

ergo

16.
Probat
Charita-
tem ha-
bitum augeri.

Confir-
matur ra-
tione.

Vide tom.
2. Disp.
24. sect.
16.
Ibid. Disp.
40. Sect. 1.

ergo quò magis inest & magis participatur, tantò magis dicitur augeri. Primum verò confirmat, quia si Charitas adderetur Charitati, vel esset specie distincta, vel numero. Non potest dici specie distincta: quia si specie distingueretur, deberet habere diuersum obiectum. At Charitas quolibet valet ad omnia, quæ possunt diligi per Charitatem. Non potest etiam differre numero: quia accidentia distinguuntur numero per subiectum. At Charitas prior, & posterior ei superaddita, haberent idem subiectum, nempe eandem voluntatem indiuisibilem: ergo, &c. Simili modo de intensiōe Charitatis, & ceterarum qualitarum philosophantur Caiet. ibidem, & alij Thomistæ, existimantes Charitatem non intendi sue augeri secundum se, & secundum propriam entitatem: sed tantum quatenus eadem qualitas indiuisibilis magis inest, seu magis inhæret, & magis educitur è potentia subiecti.

Hic tamen modus philosophandi de intensiōe qualitarum, à multis alijs rejicitur, tanquam minus probabilis, vt videre est apud Suarem Disput. 46. Metaphys. Sect. 2. Valq. 1. 2. Disput. 82. cap. 3. Hurtad. disp. 5. de Generat. Sect. 4. & Agid. Cóninck disp. 22. de Fide, Spe, & Charitate, dub. 3. Num. 31. Nec immerito: quia experimur qualitate fieri maiorem & crescere secundum se, siue secundum propriam entitatem: ex. gr. maius lumen fieri in aëre, deficiente sensum aurora, & sole magis accedente: maioremque calorem in manu, quò magis calefit: & sic de cæteris. Non fit autem maior secundum entitatem, si tantum magis inhæret, inhæsiōe distincta ab entitate, vt putant aduersarij. Secundò, inhæsiō non videtur, neque sentitur, vt patet ex accidentibus Eucharisticis, quæ non possunt sensu discerni ab alijs: neque enim visu, vel vllò alio sensu, discerni queunt species consecratæ à non consecratæ. Atqui sentimus euidenter aliquid maius & intensius. Ergo id quod fit maius & intensius, non est tantum inhæsiō, sed aliquid aliud, nimirum entitas ipsa accidentis, quæ sentitur per se. Tertiò, crescente qualitate per intensiōem, crescit euidenter vis agendi. Vis autem agendi est entitas ipsa accidentis, & non inhæsiō, quæ sublata, æquè remanet vis, & æqualiter agit, vt patet ex accidentibus Eucharisticis, quæ æqualiter agunt, siue auulsa à subiecto, siue cum illo coniuncta. Quartò, si qualitates sunt in se indiuisibiles, & tantum intenduntur quia magis inhærent: ergo auulsa à subiecto per miraculum, essent æquales inter se: atque ita gratia habitualis Christi, non esset maior gratiâ infantis baptizati: neque lux solis, luce candelæ aut noctulæ: Quintò, qualitas illa, si est indiuisibilis, quando primum fit, tota educitur ex subiecto, & tota inhæret. Quomodo ergo potest magis ac magis educi, & inhæret? Quomodo argumentum multò magis vrget si loquamur de subiecto spiritali, cuius entitas est planè indiuisibilis: cuiusmodi est anima rationalis, cuiusque intellectus, & voluntas: ideòque quidquid illi inhæret, toti intimè inhæret. Sextò, vel inhæsiō est similiter indiuisibilis: vel ipsa partes habet & gradus inten-

Tomus III.

sionis in eodem subiecto. Si secundum: incurrit hæc opinio incommodum, quod vitare intendit: & sine ratione negat ipsi entitati formæ diuisibilitatem, quam tribuit inhæsiōi: cum tamen experientia clariùs ostendat augeri formam, quàm inhæsiōem. Si primum: ergo quando intensiō continuè & successiue fit, pereunt continuè innumere inhæsiōes indiuisibiles, alijs alijs succedentibus: & quando accidens incipit remitti vi agentis contrarij, vt calor vi frigoris, pereunt infinitæ inhæsiōes totales & indiuisibiles, alijs alijs succedentes. Quæro igitur, à quo fiat posterior inhæsiō pereunte priori? Non à frigore contrario; quòd potius vim habet destruendi calorem, quàm dandi illi inhæsiōem. Non ab ipso calore: quippe qui vim non habet educendi seipsum ex subiecto, vel dandi sibi inhæsiōem. Non à priori inhæsiōe: quæ non est, quando posterior fit, ideòque non potest illam causare Physicè: quia quod causat Physicè, existit Physicè quando causat. Si igitur inhæsiō causat inhæsiōem, sunt simul duæ inhæsiōes: prior, quæ causat: & posterior, quæ causatur & fit: quod enim fit, est quando fit: quia productio terminatur ad esse rei productæ: & quo instanti est actio, est terminus actionis: cum actio nihil sit aliud, quàm positio effectus vi causæ, seu causæ vt agens & ponens effectum vi suæ. At non potest dici ab aduersarijs quòd simul sint duæ inhæsiōes. Tum quia supponunt ipsi alias, alijs succedere. Tum etiam quia essent simul duæ accidentia in eodem subiecto, numero tantum diuersa, vt ipsi argumentantur contra diuisibilitatem partium qualitatis in eodem subiecto. Ergo non potest dici quòd posterior inhæsiō causetur à priori. Adde, nullo constare indicio quòd inhæsiō fit actiua: esseque probabilius illam non distingui realiter aut modaliter ab ipsa entitate accidentis, quod inhæret formaliter & immediatè per seipsum, & non tantum per entitatem aut modulum distinctum: imò neque per illum potest formaliter inhæret, non magis quàm existere; sed per seipsum, quatenus innititur subiecto, & ex illo educitur secundum se. His igitur reiectis, non potest alia excitari causa posterioris inhæsiōis, nisi fortasse Deus, qui ne qualitas pereat vno instanti, det illi successiue inhæsiōnes innumeras. Sed hoc effugium miserum & gratuitum est. Quid enim refert vt habitus virtuosus v.g. toti simul non pereant? Et si contrarium vim habet destruendi simul totum accidens, vt facit quando illud priuat tota inhæsiōne, debet potius Deus per modum causæ primæ, accommodare se illi exigentiæ agentis contrarij, quàm miraculosè quodammodo impedire ne perant habitus virtuosus, & dare illis inhæsiōem non debitam. Idemque dico de alijs qualitatibus.

Propter hæc ergo, & similia, quæ Philosophi fusius persequuntur, existimo Charitatem, & alias qualitates, intendi per additionem gradus ad gradum, & multiplicationem partium entitatis in eadem parte subiecti. Hoc enim argumenta facta conuincunt: & alij quorundam modi Philosophandi, qui apud auctores supra

28.
Refo-
ratur alim
Senten-
tia.

Hb

27.
Rejicitur
commu-
niter.

Inten-
duor
qualita-
tes per
additi-
onem gra-
dum.

Confir-
matur ef-
ficaciter.

362 Disput. XVII. de Charitate, Sect. IV.

citatos videri possunt, non plus habent probabilitatis, quam prædicta Thomistarum opinio, ipsæque argumentis sufficienter refutantur. Nam quod ait Durandus, produci innumeras qualitates indivisibiles, alias alijs succedentes in intensione successiva: eodem modo refellitur, quo successio inhesionum indivisibilium. Quod verò ait Alsted illo, augeri existentiam, sed non essentiam & entitatem qualitatis, aperte falsum est: cum existentia nihil sit aliud, quam ipsa entitas & essentia actualis, quæ seipsa formaliter & immediate existit quatenus est extra nihil posita. Quod item ait Egidi. Roman. tolli tantum impedimentum, vel contrarium qualitatis quæ intenditur, falsum est: quia lumen v. g. caret contrario, neque apparet quodam eius impedimentum tollatur in cælo, vel in aëre sereno: & tamen ibi intenditur, ut patet experientia. Deinde, quomodo tollitur successivè impedimentum, aut contrarium; si non est divisibile? Si autem est divisibile: quidni etiam forma contraria, quæ dicitur intendi, divisibilis esse affirmatur, cum experientia id magis ostendat?

39. Accidentia seipsa formaliter indivisibilia sunt.

Nec obest argumentum allatum in contrarium à Thomistis. Nam accidentis non individuatur à subiecto, sed seipso formaliter est hoc, & non aliud: sicut quælibet alia res seipsa formaliter est id quod est, tum specie, tum numero: quia seipsa differt à quælibet alia: & eo ipso quod est hæc, non est illa alia. Sanè accidentia eucharistica numero differunt, licet extra subiectum existant. Deinde, gradus illi non sunt simpliciter diversa numero accidentia: sed sunt partes vnius numero accidentis, ex multis gradibus compositi. Tertiò, experientiæ satis constat diversa numero accidentia recipi in eodem subiecto, tum successivè, tum simul. Nam lumen quod hodie producit in aëre, non est idem quod fuit heri: & cum multa lucida eiusdem speciei simul videntur, species eorum visibiles simul effunduntur in aëre: sicut & multi soni, quando auditur harmonia ex multis vocibus composita. Quanquam eiusmodi accidentia habent aliquid differentie præter purè numericam, ut de gradibus intensiois dicemus paulo post. Quod verò alijs obijciunt, Essentie sunt fieri numeri, quibus si aliquid addatur, variatur essentia. Ergo variatur essentia qualitatis, si ei additur aliquid, dum intenditur. Quod est contra commune axioma Philosophorum, *Intensio non variat speciem*: Hoc, inquam, debet intelligi de additione, non qualicunque, quasi verò essentie rerum constant planè in indivisibili, nec ullam partium multiplicationem & additionem pati possunt: alioquin extensio quoque in linea v. g. speciem variaret: sed debet intelligi de additione rei dissimilis, & conceptum dissimilem exigentis. Quæ enim habent conceptum similem, dicuntur habere similem & eandem essentiam: eandem, inquam, identitate rationis, & similitudinis vniuocæ, quamvis re differentem partialiter, aut totaliter. Atque ita quando v. g. Charitas crescit, additur nouus gradus prioris, à quo differt quidem realiter, & est diversa numero essentia partialis, Physicè loquendo:

at non Logicè, seu Metaphysicè; quia est similis priori, & similem habet conceptum essentialem, eademque prædicata essentialia. Vnde non variatur essentia.

Cum autem quaeritur, an huiusmodi gradus sint subordinati inter se ex natura sua, & alijs alijs perfectiores: Respondeo cum Suarez Disp. 46. Metaphys. Sect. 1. num. 38. Hurtado Disp. 5. de Generat. Sect. 6. Lorca 2. 1. Sect. 3. Disp. 12. in Appendice, Monacho Disp. 8. cap. 11. Egidi. Conink Disp. 21. dub. 3. num. 34. alijsque multis, probabilius esse tum gradus singulos inter se, tum singulorum graduum partes in quas diuidi possunt, esse subordinatas naturaliter, & alias alijs perfectiores. Primò, quia aliqui non essent propriè gradus perfectionis, nisi vnus alio alius ad perfectionem qualitatis ascendat: sicut non sunt gradus materiales in scala, nisi alius alio sit altior. Nec vlla esset ratio cur vnus primus diceretur, potius quam alius, generatim loquendo. Nam si quis dicat primum dici eum, qui primò producit: contingit aliquando qualitatem intensam totam simul produci, ut lumen v. g. quare tunc nullus est primus potius, quam secundus. Dici etiam nequit illum esse secundum qui perficit priorem. Neuter enim potius alium perficit, quam ad eo perficiatur, si omnes sunt æqualis inter se perfectionis. Secundò, quia difficile est reddere rationem cur formæ omnes capaces extensionis, non sint quoque capaces intensiois ex natura sua, si partes intensiois sunt planè eadem cum partibus extensionis, solùmque differunt quia sunt in eadem parte subiecti. Item, cur octo calida sit vnum, simul applicata eidem passo, non possint producere calorem per octo (quod tamen est contra experientiam) cum habeant tantam perfectionem, quanta est in vno calido per octo, iuxta contrariam sententiam, excepta coniunctione in eodem subiecto, à qua non est vis agendi, sed ab ipsa entitate caloris. Et hoc argumentum magis vrget, si supponamus illa octo calida poni simul penetratiue: aut calores ab illis abstrahi, & simul poni. In quo modo se habendi incredibile est non posse illos idem facere, quod possunt quando simul existunt in eodem subiecto: cum inhesionis non det agendi vim: & calores illi positi extra subiectum non minorem vim habeant, quam si essent in subiecto: quia non minorem habent entitatem, quæ est ipsamet agendi vis. At incredibile etiam est quòd possint ita abstracti efficere quod non poterant antea existentes in subiectis: cum non habeant vim maiorem, quam prius quando inhærebant.

Nec valet quod respondent aliqui: calidum vt vnum non posse efficere calidum vt duo, Resellitur agens intendit tantum assimilare sibi passum. Quamvis enim in agentibus saltem vniuocis, natura in agendo intendit aliquid sibi assimilare: falsum est tamen eam præcisè tantum intendere vt aliquid sibi sit simile. Alioqui productio vno sibi simili, quiesceret ab omni alia actione, & nihil amplius ageret, quasi obren-to fine. At è contrario, intendit potius se communicare quantum potest, siue aliquid

30. Grados intensiois sunt subordinati.

31. Resellitur agens intendit tantum assimilare sibi passum.

sibi simile producere in quocunque capaci. Quare si subiectum est capax alterius gradus similis ei qui est in agente, intendit quoque illum producere. Non item satisfactum quod alij respondent, operosius esse, ac difficilius educere secundum gradum caloris ex subiecto, in quo est primus, licet non aliunde dissimilis: quia subiectum magis conari debet, illique magis dominandum est ad talem concursum exigendum. Enimvero non apparet quomodo non sufficiat ad vincendam illam difficultatem multiplicatio agentis eiusdem virtutis, nempe adiunctio alterius calidi vt vnum: sicut ex parte materię exigitur tantum alter concursus eiusdem virtutis cum priori, & plane illi similis. Sanè causa cause repellet, & conatus conatus: neque apparet quomodo magis dominaretur secundum calorem, si primo adderetur in eodem subiecto; quia cum est in subiecto diuerso, sed tamen æque applicatur passo. Tertiò, nulla est ratio cur in remissione successiva vnus gradus prius expellatur, quam quilibet alius. Nam cum gradus forme contrarię, qui introducit, æque repugnet omnibus gradibus forme intensę; non est cur potius vnum expellat, quam alium: sicut neque est ratio cur vnus gradus forme introducat potius, quam quilibet alius. At verò in sententia nostra ratio facile redditur: quia cum gradus posteriores supponant naturaliter priores, non possunt magis sine illis induci, aut consistere, quam rectum sine fundamento. Cumque posteriores sint perfectiores prioribus, minus possunt compati formam sibi oppositam. Vnde fit vt gradus intensi, siue posteriores, præsertim in subiectis quibus non insunt naturaliter, difficilius & producantur, & conseruentur; quam gradus remissi, siue priores; quemadmodum patet experientiã. Nimirum quia, vt rectè ait *Egid.* sup. num. 47. res quælibet extra locum suum, siue subiectum naturale, facilis consistit in infimo gradu perfectionis, quàm in summo: quia hic longè facilis læditur, quam ille. Inde etiam fit vt primus gradus frigoris non sit incompossibilis cum primo gradu caloris, sed solum cum octauo: & hunc, non autem alios, expellat: Quia solus octauus gradus constituit calorem in summa sua perfectione naturali; ideòque huic soli quævis forma contraria, quantumvis remissa, repugnat: non autem alijs gradibus: Vnde etiam ille ante alios expellitur.

Objicies primò, gradum secundum fore diuersum specie à priori: quia est illi dissimilis, & plus quàm solo numero differens: plus enim differunt, quàm duo calores vt vnum. Respondeo primò, hoc argumentum retorqueri posse in aduersarios. Nam etiam calidum vt vnum, & calidum vt duo, magis differunt inter se, quàm duo calida vt vnum: adeòque plusquam solo numero differunt. Secundò, inter differentiam specificam, & purè numericam, admittendum esse mediam quandam differentiam entitatiuam, quæ est quidem aliqua dissimilitudo, non tamen perfecta, & sufficiens ad diuersitatem essentialem. Nam vt aliqua species differant, non sufficit quòd differant per-

fectionem essentialiter valde diuersæ rationis, quæque sit principium proprietatum, aut effectuum valde differentium, ex quibus essentia diuersitatem colligimus. Quod non conuenit diuersis gradibus eiusdem qualitatıs, qui differunt tantum secundum magis & minus in eadem ratione perfectionis vniuoca. Sic etiam species visibiles Petri, & Pauli, magis differunt inter se, quàm duæ species Petri. Et sonus acutus, ac sonus grauis, magis differunt, quàm duo acuti: & tamen sunt eiusdem speciei, quia rationem similem habent, & tam parum diuersam, vt non sufficiat ad differentiam specificam.

Objicies secundò, constare experientiã habitus intendi per actus multò imperfectiores ijs, qui generantur primas partes intensiõis, seu primos illius gradus: ex. gr. confirmari habitum memorię repetitione parum attenta, & multò minus efficaci, quàm fuerit prima cogitatio. At non est probabile quòd actus perfectiores produxerint imperfectas partes habitus, & actus imperfectiores producant partes magis perfectas: sed cum omnes actus indifferenter habeant vim intendendi habitum, probabilius est omnes partes habitus esse vniiformes. Respondeo antecessed negari communis à Philosophis: qui ad experientiam in contrarium allatam respondere possunt primò, habitum memorię nihil esse aliud, quàm specierum conseruationem. Species autem sunt naturę fluxæ, ita vt seipsis sensim & facile desinant, nisi foueantur actibus iteratis, qui licet non sint prioribus intensiores, neque speciem intendunt; eam tamen fouent, & impediunt ne effluat, aut reparent si quid effluerit: atque ita vinam, vegetamque, & facile obuiam memorię faciunt: Adde quòd, vt docet experientia, specierum vigor, & conseruatio iuuatur somno, spiritibusque, & humoribus, qui simili modo frequentet operando excitantur. Vnde secundo responderet Monachus disp. 8. cap. 8. sæpe quidem accidere vt frequenti exercitatione actuum similium, aut remissorum eo qui habitum peperit, promptiores videamur ad eosdem actus postea exercendos: sed hoc non fieri eò quòd ab illis actus fuerit præcedens habitus, sed quia multa per eos remouentur ex parte corporis, quæ reuocare possunt ab exercitio actus, neque potuerunt omnino per primum actum tolli. Vt exemplum habemus manifestum in dispositione corporis quæ ad facilem temperantię vsum necessaria est: & in illa complexionem posterioris partis cerebri, & spirituum animalium, quæ similiter ad facilem memorię vsum plurimum conducit, nec acquiri subito potest ob resistentiam contrarię dispositionis, aliorumque eiusmodi; licet species, quibus intellectus ad reminiscendum vitur, statim acquiri possint. Addit Monachus ibidem, vix fieri posse vt is, qui frequentet exercet actus aequales illis per quos acquisiuit habitum, non prorumpat aliquando in intensiores, quibus reipsa augeatur ille habitus: quàmvis hæc intentio maior actus non aduertatur; quia potentia, ob facilitatem iam par-

33.

Intenditur habitus per actus remissos?

32. Non propterea differunt species

tam, facilis & minore conatu operatur actum intensiorem.

34.
Alius re-
pondendi
modus.

Alij verò qui admittunt maiorem propositionem huius obiectionis, nempe habitus naturalem posse intendi per actus remissiores illis à quibus fuerunt producti (in qua sententia sunt Durandus in 1. dist. 17. quest. 8. num. 6. Gabriel in 3. dist. 23. quest. 1. art. 3. dub. 4. Valent. tom. 2. quest. 4. de habitibus, p. 3. & Vasq. 1. 2. dist. 80. cap. 1.) respondere possunt ad maiorem propositionem eiusdem argumenti, actus naturales esse causas æquiuocas habituum, quorum quilibet perfectior est essentialiter, tota intensio habitus, licet non quilibet solus totum producat, quia non superat totam difficultatem & resistentiam potentie, quæ cum per vnum actum minuitur, disponitur ut per alium, quamvis æqualem, aut maiorem, cum proportionem minuat: ad eum modum, quo priores aquæ guttæ disponunt lapidem ut posterioribus, licet æqualibus, aut minoribus, excavetur magis ac magis, superatâ sensim ipsius duritie. Quod si potentia circa aliquid caret difficultate, & resistentiâ, circa quod tamen habitum acquirat, ut ad gulam, & voluptates, ad quas natura corrupta per se potius inclinât: habet nihilominus quoddam veluti pondus, quod magis ac magis actibus iteratis impellitur eò, quò vergit ut paries ad ruinam inclinans, ictibus iteratis, licet æqualibus, tandem penitus corruit. Scio aduersus hunc postremum respondendi modum multa solere obijci: sed in re purè Philosophicâ nolo diutius immorari, & importunè à proposito longius digredi: præsertim cum argumento proposito, quantum ad rem nostram facit, possit aliter satisfieri. De illis autem videri poterit Monacæ disp. illa 8. cap. 8. vbi alia quædam addit notatu digna de habitibus naturalibus, & eorum comparatione cum actibus.

35.
Actus
meritorij
remissi
quomo-
do augēt
gratiam?

Obijcies tertio, gratiam intendi quolibet actu meritorio. Sed actus meritorij sunt indifferenter perfectiores, aut imperfectiores, ita ut frequenter posterior non attingat perfectionem præcedentis. Ergo intenditur etiam per actus remissiores. Quomodo ergo præcedentibus actibus tributa fuit gratia imperfecta, & subsequenter gradus perfectior? Et quamvis isti actus non producant Physicè gratiam, sed obtineant meritoriè: tamen æquè absurdum est perfectis tribui meritum imperfectum, & perfectum imperfectis: causamque imperfectam producere effectum perfectiorem, & perfectam imperfectiorem. Huic argumento respondebitur Sect. seq. num. 45. & Sect. 6. num. 47. & 49.

36.
Solutur
aut alia
obiectiones.

Obijcitur quartò, intensiorem qualitatam posse explicari sine tali graduum differentia. Ergo frustra inducitur, & sine sufficienti fundamento, contra veterem, & communiorē sententiam. Antecedens probatur, quia simpliciter potest augeri qualitas, & crescere in eadem parte subiecti, tum in actiuitate sua, tum in specie & apparentia, ex coniunctione multorum graduum similium. Quemadmodum virtus motiva duorum hominum est maior, quàm vnus; licet vna non sit altera perfe-

ctior, sed vtraque æqualis. Quare non est necesse propter apparentiam augmenti intensius formatum, existimare gradum superuenientem superare priorem perfectione. Obijci etiam potest sequi ex nostra opinione intensiorem fieri per gradus indiuisibiles. Quia sicut gradus singuli differunt inter se perfectione entitativa: ita & singulæ partes quomodocunque diuisibiles eiusdem gradus differunt inter se: neque est possibile dari duas non entitativè inæquales, & quarum vna non aliam præsupponat naturaliter, quò magis accedit ad perfectionem intensiuam qualitatis.

Sed posterior hæc obiectio fieri æquè potest in aduersariorum sententia contra intensiorem vniuniformiter difforem; & contra productionem successiuam qualitatam, quæ secundum nullam sui partem æquè primò producentur, idèque videntur produci, & intendi per partes indiuisibiles; & contra motum localem successiuum, in quo nulla pars diuisibilis spatij æquè primò acquiritur idèque videtur fieri per indiuisibilia. Ad priorem verò obiectionem. Respondeo, liquere ex suprà dictis antecedens non esse admodum probabile. Ad cuius confirmationem dico, virtutem motiuam duorum hominum esse maiorem quidem extensiuè, per multiplicationem agentium: sicut & virtutem calefactiuam duorum ignium, quamvis summè intensiorum, & posse fortius, ac facilius, atque ad maiorem distantiam operari, vel contra maiorem resistentiam. Sed hoc non sufficit ad saluandum, & declarandum quidquid apparet in intensioe, in qua virtus non ea tantum ratione crescit, verum qualitas ipsa in se maior apparet. Magna enim cernitur differentia inter octo lucernas simul iunctas, & lucem vnâ valde intensam, ut lucem Solis. v. g. aut inter octo alba remissa, & vnum intensissimum. Neque præstant illæ qualitates remissæ simul applicatæ, quod præstare potest vnica intensa, ut in secundo argumento contra aduersam opinionem ostendimus.

SECTIO V.

An per singulos actus Charitatis augeatur habitus, & quomodo?

Dico primò, quemlibet actum Charitatis, productum ab habitu, mereri ipsius augmentum. Probatur ex D. Thoma quest. 24. art. 6. ad 1. vbi ait quemlibet actum Charitatis mereri Charitatis augmentum. Quod non produci est intelligendum de actibus præcedentibus primam infusionem habitus, qui meritorij propriè non sunt, cum non fiant à viuo Christi membro: neque simpliciter illum augent, sed primò producent per modum sufficientis dispositionis: licet eum non producant in indiuisibili, sed in aliquo gradu diuisibili, vno, aut multiplici, eò maiore, quò actus melior est, duratione, intensioe, extensione, appretiatione, & similibus modis paulò post explicandis: atque ita extenus aliquo modo augent, quatenus successiuè vel instantaneè plus pro-

37.
Augeretur
per quem-
libet actum
ab habitu
datum.

ducunt Charitatis, quam simpliciter produci possent.

Probatur secundò ex Trident. Sess. 6. cap. 16. & can. 32. Nam Canone illo definitur, iustificatum, bonis operibus, quæ ab eo, per Dei gratiam, & Iesu Christi meritum, cuius viuum est membrum, sunt, mereri augmentum gratiæ, & gloriæ. Capite verò 16. ad merendum requirit tantum vt opera bona fiant in Deo, ab homine iustificato, & viuò Christi membro: quod conuenit omnibus actibus procedentibus ab habitu Charitatis iam existente in subiecto iustificato. Porro Concilium, quamvis notam vniuersalem non apponat; loquitur tamen doctrinaliter & vniuersaliter de omnibus huiusmodi operibus, sicut & de omni iustificato: alioquin eius doctrina esset incerta & dubia, atque huic aut illi ad libitum applicari posset.

38.
Probatur
ex Scri-
ptura.

Probatur tertio ex Scriptura. Christus enim Matth. 10. ver. vlt. minimis etiam Charitatis operibus, cuiusmodi est dare calicem aquæ frigidi in ipsius considerationem, mercedem promittit, cùm sic ait: *Quicumque dederit calicem aquæ frigide, tantum in nomine discipuli, amen dico vobis, non perdet mercedem suam.* Vbi nota particulam exdusiuam, *tantum*: quasi dicat, non requiri aliam circumstantiam ex parte actus. Quod Concilium Trident. rectè ponderauit cap. 16. Sess. 6. dicens, *In sacra Scripturâ vsque adeo tribui bonis operibus, vt etiam qui vni ex minimis potum aquæ frigide dederit, promittat Christus eum non esse suâ mercede cariturum.* Quæ particulæ, *vsque ad eò*, & *vt etiam*, &c. ostendunt paritatem operis, & liberalitatem atque amplitudinem promissionis. Quare contra intentionem Christi, & Concilij mentem, loquuntur illi, qui dicunt requiri magnam quandam intentionem affectus interni: ita vt non mereamur nisi per actus intensiores habitu gratiæ præexistentis, vel actibus Charitatis antè elicitis. Quod si ita esset, Deus non adeo liberalis præmiator, sed valde seuerus exactor esset: Et sequeretur iustos operantes totâ vitâ in minori aut æquali intentione cum habitu vel actû intensio & feruenti, habito ab initio, nihil vnquam mereri. Certè quidem mirum esset Tridentinum illius conditionis tam necessariæ nunquam meminisse, de qua tamen nos admonere fuisset valde vtile, & prudenter necessarium: sed absolutè de bonis iustorum operibus in Deo factis loqui, & ad illa solum hortari, dum ad merendum hortatur: imò, quod amplius est, dixisse nihil aliud ad merendum requiri, quam tria illa, quæ paulò antea ex eodem Concilio commemorauimus. Neque dici potest Christum loco citato non loqui de mercede gratiæ, & gloriæ. Nam contrarium patet ex verbis procedentibus, aliisque Scripturæ locis, vbi mercedis nomine intelligi solet vita æterna, & gloria essentialis, cui gratia respondet: quemadmodum rectè offendit Monæus disp. 8. cap. 9. & confirmat Trident. verbis supra relatis ex Sess. 6. cap. 16.

39.
Confir-
matur

Quartò denique, idem etiam docent SS. Patres, quorum aliquot illustriora testimonia refert Monæ. cap. 10. disput. citatæ. Cuiusmodi

est illud Ambrosij in fine Prologi libri 2. de Spiritu sancto, vbi hæc Christi verba Matth. 10. & Luc. 12. *Sed & capilli capitis vestri omnes numerati sunt*, explicans allegoricè de bonis iustorum operibus, sic ait: *Quid mihi prodest, si Deus ipse omnes meos nonit capillos? Illud mihi redundans, & proficit, si bonorum operum peruigil testis remunerationem gloriæ docet æternæ:* Nimirum si docet illam esse promissam etiam minimis operibus bonis, per capillos significatis, qui minimum aliquid in homine sunt: vnde Christus ad exaggerandam Dei providentiam circa hos, affirmat tantam esse, vt ne capillos quidem capitis nostri prætermittat, sed omnium singillatim curam habeat.

Dico secundò, probabilius esse augmentum illud dari ad quemlibet huiusmodi actum, & non tantum ad actus intensiores, vel in fine vitæ. Probatur, quia Trident. Sess. 6. can. 24. definit iustitiam acceptam conservari, atque etiam augeri coram Deo, per bona opera: Intelligit autem augeri, æquè ac conservari, in statu vitæ præsentis: nam in ipso fine vitæ non amplius conservatur per opera. Et cap. 10. sic habet: *Iustificati, per observationem mandatorum Dei, & Ecclesiæ, in ipsa iustitia per Christi gratiam accepta, cooperante Fide bonis operibus crescent, atque magis iustificatur, sicut scriptum est. Qui iustus est, iustificetur adhuc. Et iterum: Ne recedatis vsque ad mortem iustificari.* Hæc Trident. Ex quibus sic arguuntur: Augmentum gratiæ, seu iustitiæ supernaturalis, consentiens præcipuè in Charitate habituali, fit hac in vita: quandoquidem iustificati crescent in accepta iustitia, atque magis iustificatur, euntesque de virtute in virtutem, renouantur, id est crescent de die in diem, vt ait Trident. cap. proximè citato. Atqui quilibet actus Charitatis hominis iustificati mereatur augmentum iustitiæ, vt probavi in prima conclusione. Ergo illud augmentum fit per quoslibet tales actus.

Confirmatur, quia Trident. Sess. 6. cap. 10. affirmat iustificatum crescere in iustitia accepta, per observationem mandatorum Dei: nempe eo ipso quòd plenè obseruat Dei mandata: quorum vnum, & primum, maximumque est diligendi Deum super omnia: quod facere potest sine actu intensiore procedentibus: & neque ibi, neque alijs locis supra citatis, vbi quique loquitur Tridentinum de merito augmenti gratiæ, significat requiri ad consequendum augmentum gratiæ, actum intensiorem actibus præcedentibus, aut habitu præexistente. Capite verò 16. eiusdem Sess. affirmat, bonis iustorum operibus, habentibus eas conditiones quas ibi enumerat, nulla facta mentione intensiōis, nihil deesse quo minus diuinæ legi pro huius vitæ statu satisfecisse, & vitam æternam suo etiam tempore, si tamen in gratia decesserint, consequendam verè promeruisse censentur. Vbi nota Concilium apponere quidem conditionem ad consequendam et ipsa vitam æternam, si tamen, &c. nullam verò apponere ad consequendum augmentum gratiæ, quod augmentum nos mereri per ea-

dem opera definit cap. 10. & can. 31. eiusdem Sessionis.

47.
Refutatur
effugium.

Confirmatur secundò, refutando varia aduersariorum effugia, quibus relata Tridentini definitionem, & argumentum ex illa desumptum, eludere conantur. Primò enim, dici nequit iustificatum crescere operibus remissis dispositiue tantum, id est, disponi ad maiorem iustitiam consequendam quando intensus operabitur. Hoc enim verè non est crescere, & magis iustificari, vt loquitur Tridentin. sed tantum esse in via ad maiorem iustificationem, nunquam tamen consequendam, si nunquam intensus operetur. Secundò, dici etiam nequit iustum operibus remissis crescere quatenus nouo titulo meretur gratiam aliunde habitam, licet eam non augeat Physicè. Id enim non est verè & realiter crescere in iustitia accepta, & ire de virtute in virtutem, ac renouari de die in diem, vt Trident. affirmat cap. cit. additque incrementum illud peti à sancta Ecclesia, cum sic orat, *Da nobis Domine Fidei, Spei, & Charitatis augmentum.* Ecclesia autem perit verum & reale augmentum, & non tantum quòd nouo titulo conferantur, vel consequentur huiusmodi virtutes. Adde quòd, si ita liceat Concilium interpretari, ex nullo eius loco constare poterit gratiam Physicè & realiter augeri. Simili enim modo responderi poterit augeri per actus intensiores, solum quatenus alio & nobiliori titulo confertur: & Sacramenta augere gratiam nouo titulo tantum: & inæqualitatem inter iustos & beatos, esse tantum quoad titulos: quod perabsurdum est.

48.
Nulla est
ratio cur
augmentum
diffusetur.

Tertio, dici præterea nequit, mereri quidem actus remissiores augmentum reale; sed tamen illud tunc non dari; sed post, vel in fine vitæ, vel quando exercebuntur actus intensiores. Etenim nulla huius dilationis ratio reddi potest: cum neque Trident. locis citatis, neque vlla alia traditio diuina significauerit hanc conditionem requiri ad consequendum augmentum Charitatis. Contrà verò, Trident. Sess. 6. can. 31. affirmat iustificatum, & bonis operibus, quæ ab eo per Dei gratiam, & Iesu Christi meritum, cuius viuum membrum est, sunt, verè mereri augmentum gratiæ, vitam æternam, & ipsius vitæ æternæ, si tamen in gratia decesserit, consecutionem. Ex quo sic argumentor: Concilium nullam apponit conditionem augmento gratiæ respectu meriti, sicut apponit consecutioni vitæ æternæ. Ergo temerè ponitur ab aduersarijs, & contra mentem Concilij, quod non minus vni, quàm alteri apposuerit, si esset necessaria. Secundò, omnis promissio humana, facta sub conditione, de re aliqua danda, posito aliquo opere, censetur transire in absolutam, & obligare ad dandum statim, nisi vel ex materia ipsa seu natura rei promissæ, vel aliunde constet promissionem factam esse pro alio tempore, aut dilationem mercedis magis expedire. Ergo idem censendum est de promissione diuina, facta sub simili conditione: Deus enim hominibus humano modo loquitur, præsertim in promissionibus, alijsve contractibus. Atqui Deus promittit ho-

nis operibus iustorum, factis in Charitate, augmentum gratiæ, ex Trident. can. cit. & cap. 16. Sess. 6. Neque constat ex illo capite id promitti pro alio tempore vel statu; aut dilationem magis expedire. Ergo, &c.

Confirmatur exemplo contritionis, quæ statim iustificat peccatorem: & exemplo Sacramentorum, quæ statim gratiam infundunt, quia iustificatio, & gratiæ infusio, contritio, & dignæ susceptionis Sacramentorum promissa fuit: idèmq; est de alijs promissionibus similibus. Ratio eiusdem rei est, quia quando ad mercedem recipiendam non alia ponitur conditio, quàm executio operis: tunc ipsa operis appositio est designatio temporis, pro quo merces reddenda est, ita vt pro illo tempore intelligatur facta esse promissio. Cum ergo Deus promittat iustis augmentum gratiæ, appositâ solum conditione operis meritorij; debet censeri promittere pro illo ipso tempore, quo exhibetur opus meritorium; ita vt statim, eo posito, reddatur merces: quia tale augmentum de se non postulat dilationem: neque aliunde est ratio differendi: sed potius magna est ratio statim conferendi, quia valde conuenit statui huius vitæ, & conditioni merentis, cui plurimum expedit vt per tale augmentum Deo gratio fiat, possitque per principium intrinsecum elicere actus intensiores, & magis Deo gratos, regaturque à Deo magis speciali prouidentia, tanquam magis dilectus, & præstantioribus atque frequentioribus iuuetur gratiæ auxilijs. Certè Deus, qui Leuit. 19. præcepit ne merces operarij differretur vsque ad manè sequentis diei, multò promptior est, quàm nos esse velit. Cum igitur, posito merito, ponatur ex parte nostra quidquid ad mercedem augmenti necessarium est, & nos statim eam habere possimus, idque nobis vtilissimum sit; malè asseritur non dari donec intensus operemur.

Præterea, quando intensus operatur; vel datur solummodo augmentum pro excessu intentionis, vt Bannes & alij quidam opinantur: & sic non plus datur, quàm si opera remissa non præcessissent, adeoque hæc non augent gratiam: cuius tamen contrarium supra ostendimus ex Tridentino. Vel si datur aliquid amplius respondens meritis præcedentibus: vnde habetur illa necessaria dependentia, vel connexio inter id quod respondet excessui intentionis, & id quod respondet meritis prioribus, ita vt vnum sine alio dari nequirit: Denique ratio congrua diuinæ ordinationis est, quia valde conuenit vt merces respondeat operi Charitatis, ratione suæ dignitatis substantialis, & difficultatis, aut impensæ hominis liberè operantis: ideo enim quis mercede dignus est, quia bene & laudabiliter operatur, sèquæ in obsequium alterius impendit, vt de illo bene mereatur. Opus autem supernaturale non est minus excellens & laboriosum, siue præcesserint actus tantum remissiores, siue non: aut siue habitus supernaturalis præexistat intensior, siue remissior: de quo putò parè esse rationem, ac de ipso actu: cum Tridentinum loco supra cit. non magis ad merendum requirat

Confirmatur
exemplo,
& ratione.

49.
Altera ratio
effugium.

Promissio
Dei
exigit vt
statim
datur.

hanc conditionem ut actus sit intensior habitu iam infuso & præexistente, quam ut sit intensior actibus præcedentibus. Denique parum credibile, & minus rationi consentaneum est, actum intensum ut quatuor mereri quidem augmentum gratiæ in eo, qui prius habuerit actus vel habitum; dumtaxat intensus ut duo: actum verò intensum ut septem nullum mereri augmentum in eo, qui prius actum intensum ut octo exercuerit, vel qui habitum tantæ intensiōis habet; quamvis actus iste sit multò nobilior alio, & plus labore operans in eo exercendo. Durum etiam est, & incredibile, iustum exercentem mille & mille actus meritorios eiusdem intensiōis, non plus mereri, quam si vnum tantum exercuisset. Consentiant Gabriel, Maior, Almaini, & alij veteres, quos refert & sequitur Suares lib. 9. de Gratia cap. 3. num. 14. Vasq. 1. 2. disp. 120. cap. 5. Moncaeus disp. 8. cap. 9. & sequent. alijque plures recentiores.

44.
Refellitur prima opinio contraria.

Contrarium verò sentit Durand. in 1. dist. 17. quæst. 8. affirmans habitum Charitatis non intendi per actus ipso remissiores. Fundamentum eius est, quia ille solus est dignus maioribus accipiendis, qui bene vitur iam acceptis. Sed habens habitum iam intensum, & remissè operans, non vitur debito modo, suo habitu: quia actus non proportionatur intensiōi habitus. Ergo per tales actus non meremur augmentum Charitatis; sed solum per illos, qui excedunt, vel adæquant ipsum habitum. Respondeo minorem non esse veram. Vñs enim remissus formæ bonus est, licet melior sit intensus. Et quilibet actus Charitatis est per se bonus & laudabilis: neque fit malus per accidens, ex eo quòd non sit formæ adæquatus; quia nemo tenetur vi adæquare tota sua vi, præsertim in quolibet actu; aut summo conatu semper operari.

45.
Altera opinio contraria.

Contrarium etiam sentit Valentia disp. 3. quæst. 1. p. 3. assert. 8. & 9. vbi facit quidem quemlibet actum Charitatis mereri ipsius augmentum: sed negat illud dari, nisi vel actus sit intensior quam habitus præcedens, vel sit post plures alios actus, per quos potentia sit sufficienter exercita ad recipiendum augmentum. Ratio eius est, quia Deus in augendis habitibus supernaturalibus se habet proportionaliter, quemadmodum se habet, velut causa prima, in augendis habitibus naturalibus. Sed habitus naturales non augentur per actus nisi modo prædicto: ergo, &c. Minor supponitur ex vera Philosophia. Maior autem probatur, quia Philosophandum est de supernaturalibus cum proportionem ad naturalia.

Satisfit eius argumentum.

Respondeo, quidquid sit de minori, Deum per modum causæ primæ se habere in producendis & augendis habitibus naturalibus, secundum exigentiam naturalem actuum à quibus generantur: cui exigentiæ Deus se accommodat: In producendis autem vel augendis habitibus supernaturalibus, Deum sequi moralem exigentiam actuum supernaturalium, quorum intuitu, veluti simplicis dispositionis moralis, aut meriti, infundit habitus supernaturales. Si autem quilibet actus Charitatis me-

retur ipsius augmentum, ut facit Valentia: exigit illud augmentum quod meretur: & consequenter statim illud obinet, cum sit conveniens præsentī statui, & statim dari possit, nullaque sit ratio differendi, ac Deus mercedem, quæ statim dari potest, non differat sine necessitate. Sanè Trident. affirmans iustificatum crescere in gratia & Charitate per observationem mandatorum Dei, non apponit has condiciones, quando potentia est sufficienter exercita, vel, quando exercet actum intensiores, quæ addi non debent ob tam leue fundamentum, ad servandam proportionem inter habitus naturales, & supernaturales, quorum producendorum longè diuersa est ratio; cum illi Physicè producantur ab actibus ex natura rei: isti tantum moraliter ex aliqua congruitate, vel ex merito pendente à libera Dei institutione, quæ convenienter potuit esse qualem esse ipsa ex Trident. deducimus. In forma itaque, distinguo maiorem. Vel enim habitus naturales augentur etiam per actus remissiores præcedentibus, ut multi sentiunt: & ita minor est neganda. Vel, si iuxta aliorum sententiam minor conceditur; neganda est maior. Ad cuius confirmationem dico philosophandum esse de supernaturalibus per analogiam ad naturalia, in illis, in quibus non est manifestum discrimen, vel certa auctoritas, aut ratio cogens aliter Philosophari. Cuiusmodi est circa modum quo habitus supernaturales, & naturales produciuntur, aut intenduntur per actus: Illi, moraliter tantum & meritorie: isti, Physicè. Adeoque licet habitus naturales non possint intendi nisi per actus intensiores, quia æquales, aut remissiores non habent vim Physicam maiorem præcedentibus: non sequitur quòd actus supernaturales non possint moraliter augere habitum supernaturalem, merendo aliquid propter laborem bene operandi.

SECTIO VI.

Refutatur alia sententia contraria.

Contradicit etiam præcedenti doctrinæ 46.
Dominic. Bannes quæst. 24. art. 6. dub. 1. Tertia sententia contraria.
vbi contendit habitum Charitatis non augeri vllò modo, nec vllò tempore, nisi per actus ipso intensiores. Primò, quia aliqui fieret augmentum incredibile, si per actum quemlibet remissum intendetur. Secundò, non esset proportio inter habitum, & actus qui exercerentur post primam infusionem; sed habitus semper esset intensior actu, quia semper cresceret supra ipsius mensuram. Tertiò, non foret etiam proportio inter actum, & habitum huius viæ, & inter lumen gloriæ in patria: quia cum actus, & habitus huius viæ non sint inter se proportionati quoad intensiōem; non possunt vni tertio proportionari quoad illam, nempe luminī gloriæ. Quartò, non esset proportio inter augmentum respondentis actui meritorio instantaneo, & augmentum respondentis actui meritorio continuato: sicut non est

proportio inter instans, & tempus. Ac si merito instantaneo responderet augmentum certæ & determinatæ quantitatis, eidem continuato respondere deberet augmentum infinitum, ratione instantium infinitorum, quibus continuatur, & æquivaleret infinitis actibus momentaneis ad singula instantia exercitis. Quinto, sententia nostra inducit teporem bene operandi. Et ex ea sequeretur hominem remissè operantem longo tempore, posse plus gratiæ & sanctitatis consequi, quam alium brevi, actus licet excellentissimos, ut martyrij v. g. exercentem. Atque ita brevitatis temporis non posset diligentia & seruiore compensari: quod est contra Scripturam, & à ratione alienum.

47. Non potest fieri augmentum incredibile
 Ad primum respondeo non fieri augmentum incredibile; quia per singulos actus remissos non multum acquiritur, neque per illos valde intenditur habitus præcedens. Seruatur enim proportio moralis inter augmentum quod fit per modum mercedis, & inter actum, per modum meriti: ita ut non plus detur, quam ipse mereatur. Ad secundum respondeo, frustra requiri proportionem Physicam inter actus, & habitus supernaturales, inter quos non est causalitas Physica, sed moralis dumtaxat, dispositiua, vel meritoria. Et quidem licet habitus sit intensior actu remisso, de quo est quæstio, ratione causarum præcedentium, à quibus ille fuit productus: seruatur tamen proportio moralis inter id quod illi additur per modum mercedis respondentis actui remisso, & inter actum ipsum meritorium talis augmenti. Ad tertium dico, fore proportionem inter lumen gloriæ, & statum iustitiæ huius vitæ: ita ut quisque tantum gloriæ sit habiturus, quantum habuit gratiæ. Gloria verò illa tanta erit, sicut & gratia, quanti sunt rituli quibus adæquatè respondet; qui non sunt dumtaxat actus meritorij; sed etiam Sacramenta, & dispositiones sufficientes ex opere operantis.

Neque inueniuntur
 Ad quartum respondeo primò, retorqueri posse contra Bannem, qui fateretur augeri habitum per actus intensiores. Nam actus intensior habitu, potest continuè magis ac magis intendi supra excessum habitus: non minùs quam potest intendi continuè calefactio. Et tunc continuè augetur pariter habitus Charitatis. Respondeo secundo, augmentum continuatione actus acquisitum non esse exigendum secundum proportionem Physicam inter instans, & tempus, quæ nulla est, iuxta opinionem componentem continuum ex semper diuisibilibus: sed secundum proportionem moralem, ita ut continuationi respondeat etiam aliquid retributionis, pro ratione maioris laboris & impensæ, ac bonitatis extensius: quam rationem, & proportionem Deus optinè nouit, licet nos eam determinare nequeamus. Sicut autem vnus actus continuatus breui tempore, non æquiualeat moraliter infinitis instantaneis, in quibus exercendis multò plus esset laboris: ita neque tantum meretur retributionis. Nam libertas, & determinatio voluntatis, multò magis, & longè difficilior exerceretur in eliciendis tot actibus: longèque aliud est elicere nouos & nouos actus, etiam remissos: quam

peristere aliquo tempore in eodem actu. Quia in priori casu fit noua & distincta substantia actus, vincendo nouam difficultatem, sequè iterum per nouam determinationem applicando ad bene operandum. In priori autem casu continuatur solum idem actus & eadem determinatio voluntatis: quod sine tam magna, & ut puto, pro perexiguo tempore sine vlla difficultate fit. Porro valde durum est, & incredibile, cum qui longo tempore exercet continuè actum amoris Dei, non plus mereri, cæteris paribus, quam si amaret tantum vnico instanti. Plura de hac difficultate diximus disp. 44. de Gratia Sect. 14. quæ nolumus hoc loco repetere.

Ad quintum respondeo sententiam nostram magis excitare vniuersaliter, & extensius studiū bene operandi. Feruor autem satis ex eo excitatur, quòd uislerimus tantum dari mercedis operibus intensioribus, imò etiam plus, quam illis tribuant aduersarij (quorum aliqui, & inter eos Bannes ipse, ut videbimus paulò post, volunt augere tantum secundum excessum intentionis, & non secundum totam latitudinem actus) quòdque asserimus multò plus nos per illos mereri, quam per actus remissos: nec vnuquam posse compensari iacturam magni illius augmenti, quod acquireretur, si loco actuum remissorum ponerentur intensi. Quamvis autem nobis ignotum sit quid præcisè, & quantum respondeat multitudini actuum remissorum, & actibus excellentibus & heroicis, ut martyrio, tam ratione dignitatis, quam specialis privilegij: non videtur tamen inconueniens dari posse tantam multitudinem actuum remissorum, ut adæquent, vel excedant meritum vnus actus, vel paucorum excellentissimorum, ad còque ipsius martyrij. Licet enim plus valeat vnus actus intensus, quam multi remissi, tametsi in illis, simul sumptis, tor sint, vel plures gradus, quam in actu intenso: quia scilicet difficilior est operari simul vnum actum perfectum, quam paulatim & successiue plures remissos: atque ita possit quis magnà diligentia, & seruiore eximio defectum longioris temporis compensare, iuxta illud Sapient. 4. *Consummatur in breui, explentur tempora multa*: tamen etiam vice versa, potest feruor eximius vnus actus, aut paucorum, & brevis temporis, compensare maximam multitudinem actuum remissorum, & longissimo tempore. Hæc enim duo reciproca sunt: & sicut potest primum secundo adæquare: potest similiter secundum primum. Siquis, inquam, potest vnus actus intensio adæquare, vel superare multitudinem plurium actuum remissorum: sic multitudo actuum remissorum tanta esse potest, ut adæquet, aut superet intentionem vnus actus excellentissimus.

Idem auctor dub. 4. ad art. cit. putat habitum Charitatis augeri tantum secundum excessum graduum actus supra se, non autem secundum totam latitudinem actus: ita ut solus excessus actus mereatur propriè & obtineat augmentum reale habitus. Verum ex dictis satis liquet actus tum intensiores, tum alios, mereri augmentum secundum totam latitudi-

48. Non nocet feruori bene operandi.

49. Actus mereatur secundum totam suam latitudinem.

nem suam & bonitatem moralem, quæ tota est digna mercede. Ita vt omnes, & singulæ illius partes, vel gradus concurrant ad tale præmium, quod tantum non esset, si aliqua pars aut gradus illi actui deesset: quia non esset æqualis labor, & æquale opus meritorium. Quemadmodum quando calor intensus producit alium calorem, omnes & singulæ illius partes & gradus concurrunt ad illam effectiorem, quæ aliqui non tanta esset, vel non tam citò & tam facili fieret. Quare non est intelligendum quòd singuli gradus actus producant singulos gradus habitus. Ac neque etiam, quòd producantur tot gradus habitus, quot sunt in actu. Hoc enim non est necessarium, neque probabile. Imò neque in primis gradibus actus, & habitus, constat habere proportionem æqualitatis Physicæ seruari inter res specie diuersas; & à diuina ordinatione pendentes: sed ita, vt augmentum, qualecunque illud sit, detur secundum mensuram totius actus, & propter omnes illius gradus, iuxta moralem proportionem laboris ad mercedem, quam Deus nouit: & non solum iuxta mensuram excessus, & propter solos gradus intensiores. Qua de re plura videri possunt apud Suarem in Opusc. disp. 2. de reuulscntia meritorium, Sect. 3. num. 43. & 44. & Agid. Coninck disp. 22. de Charitate, dub. 4. vbi post Malderum, & alios quosdam, rectè docet multò probabilius esse elicientem actum Charitatis, nunquam pro eo recipere tot gradus gratiæ habitualis, quot ipse actus habet. Primò, quia tunc solum dicitur augeri habitus secundum proportionem Physicam actuum, quando actus respondent habitui in perfectione. At nostri actus Charitatis, propter imperfectionem præsentis status, semper hic à nobis eliciuntur longè imperfectiores, quam perfectio ipsius habitus requirit, etiam in eo casu, quo actus elicitur tam intensus, quam sit ipse habitus: nam actus Charitatis in patria, procedens ab eodem habitu, prænia visione beatifica, erit longè perfectior substantialiter, quam quilibet actus viæ procedens ex cognitione Fidei. Secundò, quia vel talis eliciens actum Charitatis, nunc primò iustificatur, vel iam erat aut fuit antea iustus. Si primum: ergo eius actus non est tantæ dignitatis, atque esset si procederet ab homine iusto, & Filio Dei adoptiuo, qui status ad meriti dignitatem plurimum facit. Ergo ille actus non est dignus tot gradibus, quot in eo casu dignus esset. Atqui si esset ab homine iusto, non acquireret ad summum nisi gradus sibi pates, vt fateatur omnes: nemo enim affirmat actum meritorium dare plures gradus habitus, quam ipse habeat: ergo, &c. Si secundum: ergo cum gradus, qui acquiruntur vi talis actus meritorij, intendunt habitum Charitatis iam antè acceptum: & gradus intensioris sint entitatiuè perfectiores, ita vt secundus sit perfectior primo, & secundo tertius, & sic deinceps, vt ostendimus Sect. 4. Sequitur gradus augmenti addendos habitui Charitatis, iam præexistenti, esse perfectiores totidem gradibus actus meritorij. Ergo isti non habent proportionem æqualitatis Physicæ cum totidem gradibus su-

perioribus formæ intendendæ. Actus enim v. g. intensus vt sex, non habet sex gradus æquales in perfectione sex alijs gradibus habitus Charitatis præsupponentibus vnum aut plures priores, quos intendat: sed ad summum habet tantum proportionem (si tamen habet) cum sex primis gradibus habitus, & non cum alijs vltioribus & perfectioribus. Quare non potest addere sex alios gradus Charitati præexistenti.

Hinc etiam fit, vt quò aliquis habet intensiorem habitum; cò, ceteris paribus, minus augmenti acquirat. Quia gradus, quò sunt superiores & perfectiores, minus habent proportionis cum actibus aliunde æqualibus, & secundum aliquid minus respondent illis proportionem morali. Ita vt actus intensus vt quatuor v. g. non tantum Physicè acquirat augmenti in habente Charitatem vt octo, quam in habente tantum vt quatuor: quia id quod addendum est octo gradibus, perfectius est in minori entitate Physica, quam id quod quatuor gradibus addi debet. Nec obest quòd actus habentis maiorem gratiam, est eò gratior & dignior ex parte subiecti, magisque meritorius. Licet enim meriti inde aliquantum crescat: non tamen eo excessu, quo gradus gratiæ superiores excedunt inferiores. Quare iustus habens gratiam vt octo, merebitur quidem per actum vt sex, plus quam alius habens habitum vt quatuor: sed nihilominus non tantum addet augmenti Physici octo gradibus, quam alius quatuor præexistentibus.

Superest querere, vtrum habitus Charitatis augeatur non tantum per actus ipsius Charitatis, sed etiam per actus aliarum virtutum, siue imperatos à Charitate, siue non? Respondeo non esse huius loci, sed pertinere ad tract. de merito, definire an illi actus sint etiam meritorij de condigno. Tantum dico in præsentia, habitum Charitatis augeri etiam per singulos alios actus, si qui alijs meritorij sint: cuiusmodi certò esse putò actus hominis iusti imperatos à Charitate erga Deum, propter ea quæ diximus in tract. de Gratia, disp. 44. Sect. 12. num. 100. Tribus autem modis possunt actus imperati esse Charitatis. Primò, quatenus imperantur per actum Charitatis applicantis principium ad eos exercendos, ita tamen vt dum exerceantur, vel continuantur, actus ille Charitatis maneat in illis virtualiter, simili modo, quo intentio actualis sacrificandi v. g. manet virtualiter in Sacerdote, qui ex illa se disponit continuo ad celebrandum, & præstat ea, quæ ad sacrificium peragendum necessaria sunt. Secundò, quatenus per actum Charitatis non longe antea præcedentem fuerunt voliti, & ad Deum relati, quamvis ille actus non fuerit moraliter continuatus in alijs, qui continua successione, & concatenatione, vnus ab alio, virtute illius primi actus, sequuti sint. Vt cum aliquis manè offert Deo per actum Charitatis quidquid boni agendum tota die suscepit, & actum illum subinde renouat, ita vt semper sit moraliter præsens, id est, non multo tempore distans, dum alij exerceant. Tertio, quatenus actus Charitatis, quo imperantur, manet

Habitus intensus
minus augeatur ceteris paribus.

Nunquid meretur totidem gradus habitus.

50.
Augeri de Charitate per actus aliarum virtutum?

formaliter præfens, illisque Physicè coniunctus, difficultatem operandi vincens, & omnia ad Deum continuè referens. Et hic modus perfectior est, valèque ad maius augmentum, cæteris paribus; alij tamen duo modi sufficiunt, vt ibidem ostendimus.

Præterea, quoad actus imperatos notandum est, posse actum Charitatis versari inæqualiter, & magis meritorie, non modò circa actus inæquales imperatos; sed etiam circa æquales; non solum intensiue, verum etiam extensiue; afficiendo illos secundum plures aut pauciores considerationes, & maiores aut minores, secundum quas possunt illi actus referri ad finem Charitatis. Ex. gr. potest versari Charitas actum elemosynæ referendo illum ad Deum & quia ipsi placet ratione suæ honestatis, & quia eidem placet propter aliorum ædificationem, & quia etiam illi placet propter commodum quod præstat ipsi indigenti, aut largienti, vel tanquam relatus ad cultum & honorem Dei, si propter eius reuerentiam fiat: quæ omnes relationes meritorie sunt. Item, vt rectè aduertit Agid. Coninck disp. 22. dub. 4. num. 57. actus Charitatis potest esse perfectior intrinsecè, & magis meritorius, non tantum ratione suæ intensiōis, ita vt quo est intensior, sit perfectior cæteris paribus: sed etiam ratione maioris appetitionis. Quo enim Deum magis amamus appetitiue, eò noster amor perfectior est. Amatorem autem Deum magis appetitiue, quando amatur secundum excellentiores rationes, aut quando vi illius actus parati sumus longè plura, vel maiora, & difficiliora pro Deo suscipere: vt abstinere non tantum à mortalibus, verum etiam ab omnibus peccatis venialibus: aut se quò non modò præcepta omnia, sed & consilia: subire martyrium, ingredi arduissimam Religionem, & similia. Qui enim Deum sic amat, longè perfectiùs eum diligit, quam ille, qui vi sui amoris paratus solum est seruare grauia mandata, & quædam leuia subire: licet actus intensio in vtroque sit æqualis, sicut esse potest. Non enim necessariò actus maior appetitiue; est etiam maior intensiue: sed contra, sæpe fit vt qui est maior appetitiue, sit minor intensiue: quemadmodum patet vulgari exemplo matris diligentis intensiùs & teneriùs filium natu minimu, magis verò appetitiue filium natu maximum.

SECTIO VII.

Utrum Charitas in via possit semper, & in infinitum augeri?

Respondeo Charitatem viatorum non posse augeri in infinitum simpliciter: posse tamen secundum legem ordinariam crescere quandiu durat via. Prima pars huius responsi est D. Bonauent. in 1. dist. 17. Secunda parte distinctionis, quæd. vlt. Ricardi, ibidem art. 2. quæst. 4. Durandi in 3. dist. 13. quæst. 1. Ratio illius sumenda est non ex parte gratiæ, quippe quæ, quantum est ex se, potest augeri magis

ac magis in infinitum: numquam enim accedit ad tantam Dei participationem creatam, quin possit dari maior: cum Deus sit in infinitum participabilis, visibilis, amabilis, fruibilis: Sed sumenda est ex parte capacitatis hominum via-
Capacitas
nolita est
torum, quæ cum sit finita, non est capax gratiæ simpliciter infinitæ. Quod enim sit finita, probatur quia capacitatis animæ ad gratiam, seu Charitatem habitualem recipiendam, non est aliud, quàm ipsa entitas & substantia animæ, & voluntatis. Entitas autem animæ & voluntatis est finita simpliciter. Ergo & capacitatis. Probatum maius, quia capacitatis rei cuiuslibet nihil est aliud, quàm vis ipsius, & aptitudo ad aliquid: magis verò propriè significat vim recipiendi: quæ si sit ad aliquid quod obtinere possit per causas naturales, dicitur capacitatis naturalis: sin autem solum per causas supernaturales, dicitur obedientialis. Neutro autem modo spectata distinguitur à re. Naturalis enim non est distincta à re ipsa, siue à subiecto recipiente, aut potente recipere: sed est ipsa eius entitas per se immediatè potens recipere: alioquin abiretur in infinitum. Nam si capacitatis est distincta à subiecto: ergo subiectum recipit illam. Ergo habet vim recipiendi. Per se igitur, an per aliud? Si per se: idem prius dici poterat. Si per aliud: itur in infinitum, aut sistendum est in aliqua capacitate, quæ immediatè recipiat. Poterat autem subiectum eodem modo id recipere ad quod ponitur capacitatis distincta: quæ idcirco superflue ponitur, & sine vlla necessitate.

Capacitas quoque obedientialis non est distincta ab entitate subiecti recipientis, vt probatur simili argumento. Nam si entitas naturalis non potest per se immediatè recipere formam supernaturalem: ergo debet præhabere aliquid, quo mediante recipiat. Vel ergo illud naturale est: & hoc non, quia est contra suppositionem, quod scilicet naturale non possit recipere formam supernaturalem immediatè. Vel est supernaturale: At neque etiam id dici potest, iuxta illam suppositionem aduersariarum. Quia id immediatè recipitur ab entitate naturali: ergo naturale recipit immediatè supernaturale. Ergo non erat opus hoc supernaturali ad reddendam entitatem capacem recipiendi supernaturale. Ergo potentia obedientialis non est aliud ab entitate naturali. Ergo finita est, si entitas est finita; & non crescit, nisi entitas ipsa crescat. Atque inde fit vt capacitatis obedientialis non sit æqualis in omnibus, sed maior in creaturis perfectioribus; possintque aliquæ eleuari ad quosdam effectus, ad quos non possunt aliæ: vt intellectus v. g. potest eleuari ad Dei visionem, quod oculus non potest: ac denique quodlibet non possit ad quidlibet eleuari, sed tantum iuxta certam sphaeram capacitatis obedientialis, Deo notam.

Confirmatur ex D. Thoma, 3. p. quæst. 7. art. 11. c. vbi sic habet: *Anima Christi est creatura quadam, habens capacitatem finitam: unde est gratia, cum non excedat suum subiectum, non potest esse infinitum.* Hæc D. Thom. Cuius verbis & sensui non apud quadrat interpretatio Agidij Coninck disp. 22.

57.
Idē actus
potest ef-
fe multi-
pliciter
merito-
rius.

Charitas
potest
amare
Deū ma-
gis aut
minus
appetia-
tiue.

Capacitas
rei quid
sit?

58.
Capacitas
obedien-
tialis non
distingui-
tur à re.

59.
Non po-
test augeri
in infini-
tum.

59.
Confir-
matur ex
D. Tho-
ma.

dub. 5. num. 72. affirmantis eum loqui de capacitate & potentia non absolute sumpta, sed prout suberat ordinationi Dei, qui statuerat ei dare tantam gratiam, & non maiorem. Nam D. Thomas aperte loquitur de anima Christi secundum se, & prout creatura quædam est: neque vllam facit mentionem ordinationis diuinæ, sed ait, ideo non habere gratiam simpliciter infinitam, quia est creatura capacitatis finitæ. Quæ ratio nulla esset, si haberet quidem capacitate infinitam: ex eo verò solum non haberet gratiam infinitam, quia Deus dare noluit.

Secunda pars responsi, quod scilicet Charitas possit crescere quandiu sumus in via, probatur primò ex Scriptura, Ecclesiast. 18. *Ne veregru visque ad mortem iustificari, quam merces Dei manet in æternum*: id est, Ne verearis quandiu viuisti crescere: magis ac magis in accepta iustitia: quod enim de illa loquatur docet Trident. Sess. 6. cap. 10. Et Psal. 8. *Ibunt de virtute in virtute: videbitur Deus Deorum in Sion*: id est, crescent donec ad illam visionem perueniant. Et ad Galat. 6. ver. 9. & 10. *Bonum autem facientes non desiciamus: tempore enim suo metemur non deficientes. Ergo dum tempus habemus, operemur bonum.* Quibus verbis significat Apostolus totum huius vitæ tempus aptum esse ad bene operandum, & ferendum quod metamus in altera. Et Apocli. ult. *Qui iustus est, iustificetur adhuc: & sanctus sanctificetur adhuc*: quod generaliter ad omnes, & pro quocunque tempore vitæ dictum est.

Probatur secundò ex Patribus: *In hac vita* (inquit Prosper in libi. sententiarum Augustini, Sent. 102.) *que vita tentatio est, in sublimissimum Sanctorum non apprehenditur illa perfectio, cui non superest ascensio.* Hieron. super Psal. 83. *Quicunque sanctum quotidie in priora extenditur, & præteritorum obliuiscitur.* Athanas. in vita S. Antonij refert illum paulò ante mortem discipulis sic præcepisse: *Hoc sit primum cunctis in commune mandatum, nullum in arrepti propofiti vigore lassescere, sed quasi incipientem debere semper augere quod coeperit.* Et Sanctus Leo Sermone 2. de Quadragesima: *Hæc est, inquit, perfectiorum vera iustitia, ut nunquam presumant se esse perfectos: ne ab icineris nondum finiti intentione cessantes, incidant in deficiendi periculum, ubi proficiendi deposuerint appetitum.*

Tertiò, idem definitum fuit à Concilio Viennensi in Clement. *Ad nostrum, de Hæreticis*, ubi damnantur Beguardi asserentes nos hac in vita posse ad tantam Charitatem peruenire, ut amplius augeri non possit. Et à Trident. Sess. 6. cap. 10. affirmante iustos tenoueri de die in diem, hoc est, in ipsa iustitia per Christi gratiam accepta, cooperante Fide bonis operibus, crescere, atque magis iustificari, sicut scriptum est, *Qui iustus est, iustificetur adhuc, &c.* Adidit cap. 16. Bene operantibus visque in finem, & in Deo sperantibus, proponendam esse vitam æternam, tanquam mercedem promerendam, & ipsorum

meritis fideliter reddendam.

Quartò denique probatur hac ratione: quia non possunt homines crescere in gratia, nisi vel per Sacramenta, quorum virtus finita est & limitata: vel per actus meritorios, qui fieri nequeunt sine speciali Dei auxilio præueniente, & cooperante. Deus autem ita res disposuit, ut nemo, siue per Sacramenta, siue per auxilia quibus præuenitur & iuuatur, perueniat toto vitæ tempore, à Deo constituto, ad tantam gratiam, quantæ omnino capax est, vel quantæ in Christo fuit: imò ne quidem ad tantam, quanta est in Beata Virgine, quicquam alius perueniret: licet natura in alijs non sit minus capax, quam in Christo, & in Beata Virgine. Vnde fit vt maiores nunquam ad tantam Charitatem perueniant, quin vltieris crescere possint nouis actibus meritorijs, vel alijs causis augmenti toto vitæ tempore applicatis.

Contra primam responsi partem opinantur Gabriel in 1. dist. 17. quest. 8. art. 2. conclusio- ne 3. & 5. Bannes, & plures alij Thomistæ. 1. 2. quest. 14. art. 7. Suar. lib. 9. de Gratia cap. 9. Vasq. in 3. p. disp. 47. cap. 3. Coninck disp. 22. dub. 5. quibusvis sentire videtur D. Thomas quest. 14. art. 7. in c. Vbi ait nullum terminum præfixi hac in vita Charitatis augmento: quia terminus præfixitur alicui formæ, vel ratione ipsius formæ, quæ non potest vltieris crescere: vel ratione agentis, quod non potest vltieris augere; vel ratione subiecti, quod non potest amplius recipere. At Charitas per se non habet terminum. Causa etiam illius est infinitæ virtutis, nempe Deus. Subiectum autem quantum plus recipit, tanto habilis redditur ad plus recipiendum. Ergo, &c. Deinde, vt Suares & alij supra citati argumentantur, Nulla potest vel apparens ostendi implicitantia in huiusmodi augmento. Atqui potentia obediens animæ, & cuiusvis alterius creature, extenditur de se ad omne id, quod non implicat contradictionem: & respondet quodammodo adæquatè omnipotentæ diuinæ ad id omne, quod in illa, vel ex illa facere potest. Tertiò, ex opposita doctrina sequeretur hominem, aut Angelum valde diu existendo in via, posse tandem mereri maiorem gloriam, aut penam, quam Deus posset ei rependere: quod videtur omnino absurdum. Addi quartò potest, animam Christi fuisse capacem hypostasis diuinæ, quæ infinita est. Ergo est capax gratiæ & Charitatis infinitæ, quamvis sit creatura finitæ entitatis.

Ad primum respondeo; D. Thomam intelligendum esse iuxta sensum secundæ partis responsi; ita nimirum vt secundum Dei ordinationem nullus sit terminus præfixus augmento Charitatis, vita quem crescere non possit quandiu illa suppetit: quia Charitas, quantum est de se, potest semper & in infinitum crescere: Deus quoque potest semper illam augere: & subiectum, quò plus recipit, fit habilior moraliter ad plus recipiendum: quia quò Deo charius & gratius est, facilius obinet auxilia, & media, quibus amplius mereatur, & plus recipiat; maiorèque dat valorem suis operibus meritorijs, ratione maioris di-

57.
Consi-
deratur 12-
tione.

58.
Contra-
ria sen-
tentia.

59.
Explicat-
ur beni-
gnè D.
Thomas.

55.
Potest
crescere
Charitas
quandiu
sumus in
via.

Probatur
ex Scri-
ptura.

Et ex Pa-
tribus.

56.
Et ex
Cõcilijs.

gnitatis personæ operantis : opera enim , quæ a persona gratiore , & nobiliore proueniunt , sunt eò gratiore , & pluris æstimantur , cæteris paribus . Physicè verò capacitas illa non crescit , sed eadem semper manet , cùm sit ipsamet entitas animæ : neque per Charitatem acquiritur , sed illi præsupponitur .

60. **Subiecta**
finitum
non po-
test reci-
pere gra-
tiam infi-
nitam.

Ad secundum respondeo , implicare contradiccionem quòd subiectum finitæ capacitatis recipiat gratiam simpliciter infinitam , aut quancunque datâ maiorem . Neque verum est capacitatem obedientialem animæ , vel cuiusvis alterius creaturæ , extendi absolute & vniuersaliter ad id omne , quod non implicat contradiccionem , & adæquari omnipotentie diuinæ . Alioqui posset creare , & eleuari ad quilibet : Quod ramen D. Thomas , & ipsimet aduersarij alijs locis negant ; pro certoque habent non posse v.g. oculum corporeum eleuari ad Deum videndum . Sed tantum extenditur ad ea , quæ non repugnant fieri concurrente tali creatura actiue , vel passiuè , vel alio concurrenti modo : quæ si finita est , non habet vim infinitam concurrenti . Esse autem finitam patet ex dictis num. 52. & 53.

Ad tertium dico , Deum ita disposuisse statum viæ , vt nullus plus gratiæ , vel pænæ sit promeriturus , quam possit ipse recipere , & Deus possit illi rependere . Ad quartum respondeo , animam Christi nullam exercere causalitatem circa hypostasim Verbi ; sicut exercet erga gratiam , quæ ex ipsa educitur , in eâque subiectatur . Verumtamen neque anima Christi recipit adæquatè hypostasim diuinam , ita vt ab ea terminetur infinite ; sed inadæquatè , iuxta mensuram suæ capacitatis . Quo etiam modo posset gratiam infinitam recipere , inadæquatè , & quoad aliquos gradus finitos , sibi proportionatos ; alijs infinitis quodammodo supereminentibus , & non illi inhærentibus .

61. **Alterius**
sententie
argu-
menta.

Contra secundam quoque partem responsi , & in fauorem erroris Beguardorum supra relatum obijci potest primò , quòd nisi possit hac in vita perueniri ad tantam Charitatem , quâ maior haberi nequeat , sequeretur posse aliquem tantam Charitatem acquirere , quantum in Christo fuit , præsertim si loquamur de illis , quorum vita extendebatur , ultra nouem sæcula : vel de Enoch , & Elia , qui hucusque viui seruantur post multa annorum milia , merenturque adhuc , cùm sint in statu viæ , & nondum adepti terminum beatitudinis , ad quem tota præsens vita viæ loco est . Secundò , D. Augustinus in Enchiridio cap. 111. & lib. 1. Retract. cap. 7. docet veniri hic ad tantam magnitudinem Charitatis , quâ maior esse non possit : & plenam Charitatem illam dici , quâ maior esse non potest quandiu ambulamus per fidem . Tertio , si Charitas potest semper crescere : ergo posset aliquis in via peruenire ad tantam Charitatem , quantum alius haberet in patria , & ad maiorem : quod D. Thomas negat fieri posse , quæst. 24. art. 7. ad 3. vbi dicit Charitatem patriæ habere quantitatem alterius rationis , quæ non potest attingi per Charitatem viæ .

Quare possumus Ad primum iam responsum esse , viæ tempus

secundum Dei ordinationem tam breue esse , & media , vel auxilia gratiæ talia , vt nullus , quamvis in via semper crescat , æquare possit Charitatem Christi excellentissimam . Nec obest quòd homines in prima ætate mundi , ante diluuium , multis sæculis viuerent . Nam spatium illud nimis adhuc angustum erat ad hoc vt homines , per auxilia gratiæ tunc oblata , ad tantam gratiam peruenire possent . Idemque dico de Enoch , & Elia , si possent adhuc in statu merendi . Quod addo , quia probabilius est esse extra illum statum , æquè ac extra conditionem viæ mortalis , vt diximus in disp. de merito , tom. 2. disp. 44. Sect. 7. Ad secundum : D. August. non loquitur de Charitate secundum intentionem habitus , sed secundum executionem externi operis ex genere suo maximi : cuiusmodi est , omnia propter Deum continere , & mortem pro illo subire : iuxta illud Ioan. 15. *Maiorem hac dilectionem nemo habet , vt animam suam ponat quis pro amico suis* : quo loco vitur August. ad probandum id quod supra ex illo retulimus ex Enchirid. cap. 111. Alibi verò perspicue affirmat posse nos semper in via crescere : vt cùm ait Serm. 15. de verbis Apost. in fine , *Semper adde , semper ambula , semper profice , noli in via remanere , noli retrò redire , noli deuiare* . Et sententiâ 101. ex relatis à Prospero , affirmat nullum hac in vita tantam apprehendere perfectionem , vt illi non supersit alacchisio . Ad tertium , patebit ex Sect. sequenti .

SECTIO VIII.

Utrum habitus Charitatis sit intensior in patria , quam in via ?

61. **Habitus**
Charitatis
idem
in patria,
qui in 6.
de vitæ.

Dico primò , vnumquemque in patria habere Charitatem habitualem eiusdem planè intensiōis , cuius habet in via : ita vt habitus Charitatis , quem habet vnusquisque dum moritur , sit æqualis quoad intensiōem , ei quem postea beatus habet , imò sit planè idem . Quod enim sit idem substantialiter , docet Apost. 1. Cor. 13. ver. 8. *Charitas nunquam excidit* . Quod autem non sit futurus intensior docent Vega lib. 15. in Trident. cap. 15. Caiet. 2. 2. quæst. 24. art. 7. §. *Ad cuius euidentiā* , Bannes ibid. dub. 3. Malden. dub. 4. conclus. 3. vbi Almainum , & Scotum citat , Suar. disp. 3. de Charitate Sect. 4. num. 5. & Agid. Conineck disp. 22. dub. 6. num. 85. Ratio præcipue quia quidquid habemus gratiæ & Charitatis in patria , respondet Sacramentis , vel operibus meritorijs , & alijs titulis , quibus in via comparata fuit . Plus enim dari in cælo , quam illis respondeat , planè sine fundamento asseritur : & è contrario Paulus 1. Corint. 5. ver. 10. sic pronuntiat , *Omnes nos manifestari oportet ante tribunal Christi , vt referat vnusquisque propria corporis prouersus , siue bonum , siue malum* . Et cap. 9. ver. 6. *Qui parèt seminat , parèt & metet : & qui seminat in benedictionibus , de benedictionibus & metet* . At quidquid intensiōis respondet huiusmodi titulis ,

circulus, datur hac in vita; cum sumus illius capaces, non minus quam aliquorum graduum; & multum expedit nobis statim dari; neque sit ratio differendi ex parte Dei, qui etiam talem conditionem non apponit, neque promittit dare tantum post vitam: vt offendimus Sect. 5. Ergo non plus erit gratiæ & Charitatis habitualis in patria, quam fuerit in vita.

Neque obest quòd dicitur Deus præmiare supra condignum. Sensus enim est, non quòd Deus aliquid addat supra gratiam viæ: sed quòd opera nostra, seclusa Dei promissione, & ordinatione, non sint digna tanto præmio, quantum eis Deus constituit: imò neque ad perfectam æqualitatem illi respondeant: vt exposuimus tom. 1. disp. 44. Sect. 4. Ex dictis autem colligere est plurimos viatores habere Charitatis habitum intensiorem, quam plurimos Beatos: vt patet in Sanctis eximij, qui longo viæ tempore Sacramenta cum magna deuotione creberrimè frequentant, plurimèque pro Deo parantur & agunt, & continuo fere in intensis actibus amoris diuini occupantur. Qui certè longè superant habitum Charitatis existentem in infantibus cum sola gratia baptismali deceduntibus: vel in illis, qui breui post conuersionem, & primam iustificationem moriuntur, aut diu quidem viuunt, sed remissè operantur.

Aduersus hanc conclusionem sentit Lorca 2. 2. Sect. 3. disp. 18. num. 7. vbi docet vnumquemque Beatorum ipso initio suæ beatitudinis, tam intensum habitum Charitatis accipere, vt superet habitus omnium viatorum, excepta fortè Beata Virgine. Ad quod probandum adducit primò aliqua Scripturæ, Patrum, & D. Thomæ testimonia. Sed parum efficaciter. Nam illa facillè possunt ac debent intelligi de Charitate actuali, non de habituali: vel de ratione modi operandi nobilius & perfectius in patria, supposita Dei visione: vt consulenti loca patebit, & clarè ostendit Agid. Coninck disp. 12. dub. 6. num. 77. & sequentibus. Deinde opponit hanc rationem: Deus tanto magis excitat voluntatem ad sui amorem, quanto perfectius cognoscitur. Atqui longè perfectius cognoscitur in patria, quam ab vllò viatore. Ergo excitat ad amorem longè perfectiorem. Et consequenter voluntas opus habet intensiore habitu, vt amorem tam intensum eliciat. Confirmatur, quia Deus est obiectum amoris: & quòd clariùs cognoscitur, eò magis excedit naturam. Ergo voluntas eget maiori auxilio vt illum amet proportionatè ad visionem.

Respondeo primò indirectè, si hoc argumentum valeret, probaret minimum Beatorum habere intensiorem habitum Charitatis, quam habuerit ipsa Beata Virgo in hac vita mortali: de qua tamen aduersarij non audent id asserere, & per se satis absurdum apparet. Probatu sequela: nam quilibet Beatorum habet perfectiorem Dei cognitionem, quam Beata Virgo haberet hac in vita. Visio enim est perfectior quacunque cognitione Fidei obscurà & ænigmatica. Secundo respondeo directè, eundem habitum Charitatis supernaturalis, qui est in vita, sufficere absque sui augmento, ad

longè perfectius & intensius amandum in patria, supposita clara Dei visione, vt explicabitur conclusione sequenti. Priùs verò addendum est, ex sententia aduersarij sequi absurdum: quòd scilicet infantes, qui cum sola gratia baptismali decedunt, vel adulti, qui breui post primam iustificationem & pauca bona opera moriuntur, debeant in celo accipere valde ingens augmentum gratiæ, quo superent intensiorem gratiæ Sanctorum omnium huius viæ, quorum aliqui diu viuunt in continuo bonorum operum exercitio valde feruenti, & frequentissimo vsu Sacramentorum Pœnitentiæ, & Eucharistiæ: qui certè ita diu viuendo magnum gratiæ cumulum acquirunt, qui non potest excedi ab infantibus, & adultis supradictis, nisi isti vltra gratiam, in qua decedunt, ingens eius augmentum in celo recipient. Et iam, vel tale augmentum datur omnibus & singulis Beatis cum proportionè: vel illis solis qui cum exigua gratia decedunt. Si primum: ergo quilibet iustus quolibet opere meritorio acquirit in celo ingentem gratiæ & gloriæ intentionem, habendam supra gradum hac in vita redditum pro eodem actu meritorio: quod est inauditum & incredibile. Et vel augmentum illud tam magnum datur ex iustitia pro tam exiguo opere: quod est falsum, cum ad illud remunerandum satis superque sufficiat gradus augmenti gratiæ datus in hac vita, & gloria illi respondens. Vel datur ex pura misericordia: & sic gloria Beatorum non poterit iure dici corona iustitiæ, & merces: cum ex longè maiore sui parte, ac fere tota, sit ex pura misericordia. Denominario enim à longè maiori parte sumi debet: & in moralibus id quod minimum est, censetur esse nihil præ longè maiori. Atqui Scriptura gloriam Beatis reddendam vocat absolutè mercedem; & coronam iustitiæ: affirmatque Deum vnique reddidurum esse secundum opera eius, & parèe mersurum esse illum, qui parèe seminauerit: quia quæ quisque in carne seminauerit, hæc & metet, & nimirum nihil amplius gratiæ, vel gloriæ, quam quod meritis, & dispositionibus huius viæ respondet. Si autem dicatur secundum, non dari scilicet augmentum ingens, nisi illis qui patum gratiæ hac in vita acquisuerunt: sequitur omnes beatos esse futuros pene æquales, & Deum fore minis liberalem erga magis amicos, & magis eius gratiam promeritos: illisque suam Sanctitatem & gratiam tantam, hac in vita acquisitam, fore nocituram: alijs verò profuturum quòd parum laborauerint pro gratia hic acquirenda; quia sine vllò labore parem fere gratiam, & gloriam in celo recipient.

Dico secundò, Charitatem patriæ excedere in statu, & in modo operandi, quancunque Charitatem viæ: quia ratione Charitatis habitualis patriæ potest dici esse maior aliquo modo, & perfectior, Charitate viæ. Probatu primò ex Scripturâ, quæ statum viæ longè postponit statui patriæ in perfectione cognoscendi, & amandi Deum: 1. Cor. 13. *Videmus nunc per speculum, & in enigmate: tunc autem facie ad faciem. Nunc cognosco ex parte: tunc au-*

Abfurditas contraria sentent.

65. Charitas perfectius operatur in patria, quam in vlla viatorum.

61. Quo sensu Deus præmiat supra condignum?

Habitus Charitatis in quibusdam viatoribus maior est, quam in aliquibus Beatis.

Contraria sententia.

64. Non augeretur habitus Charitatis in patria.

374 Disput. XVII. de Charitate, Sect. VIII.

Probatur
ex Script.
& Patri-
bus.

tem cognoscam sicut & cognitus sum. Modus autem diligendi, sequetur modum cognoscendi, eritque illi commensus. Et Philipp. 1. *Non quodd iam acceperim, aut iam perficulus sum: sequor autem si quo modo comprehendam, &c.* Et Matth. 11. *Inter natos mulierum non surrexit maior Ioanne Baptista: qui autem minor est in regno Caelorum, maior est illo.* Ex quibus verbis, D. August. lib. 2. contra aduersarium legis & Prophetar. cap. 3. colligit minimum Sanctorum Angelorum maiorem esse viro quolibet sancto porrantem corpus quod corrumptur & aggrauat animam: & S. Hieronymus in locum Matthi cit. reiecta eorum opinione, qui per minorem in regno Caelorum, Christum intelligunt, *Nos, inquit, simpliciter intelligamus quodd omnia Sanctus, qui iam cum Deo est, maior sit illo, qui adhuc consistit in praelio.* Maior scilicet in principibus etiam perfectionibus beatificis, consistentibus in visione, & amore Dei, secundum quas maxime iudicandum est de excessu proportionis Beatorum.

Probatur
ratione.

Probatur secundò ratione, quia Charitas patriæ est coniuncta lumini gloriæ, & visioni beatificæ, secundum quam operatur, eique proportionatur. Tantum enim amant Deum Beati, quantum vident, & tantum gaudent de illo viso, quantum amant. Vnde quantum differt perfectione visio clara Dei à cognitione Fidei: tantum differt dilectio patriæ à dilectione viæ. Quocirca merito D. Thomas quest. 24. art. 7. ad 3. affirmat Charitatem patriæ habere quantitatem alterius rationis, quæ non potest attingi per Charitatem viæ, actuale scilicet. Quia hæc sequitur cognitionem Fidei: illa verò, claram visionem, quæ præsupposita, Charitas Beatorum toto conatu fertur in Deum necessariò, sine vlla interruptione, sine amissionis periculo, sine vllius repugnantis admixtione, cum summo gaudio, & communicatione cum Deo, longè maiori, quàm fuerit in viâ.

66.
Operatur
intelligit,
quoniam in
viâ.

Quæres, in quo consistat differentia intrinseca inter amorem patriæ, & viæ? Respondeo primò, probabile esse quemvis amorem patriæ circa Deum, esse intensiorem quovis amore viæ. Ratio est, quia Charitas sequitur cognitionem, & pro ratione cognitionis habet vim diuersam: ita vt hic intensissima non habeat vim, quam habet in cælo remississima. Cùm autem dicitur Charitatem hæc in vita elicere actum sibi æqualem, imò etiam in eternum maiorem, cum maiore auxilio diuino: intellige, sibi, comparatæ cum cognitione viæ, quæ nunquam attingit ad perfectionem eiusdem comparatæ cum cognitione patriæ. Consentiant Malderus, Bannes, & Caiet. supra citari: contra Suarem disp. 3. de Charitate, Sect. 4. num. 5. & Egidium Coninck disp. 22. dub. 6. num. 90. & disp. 23. dub. 4. quorum rationes ex dictis facile solui possunt.

67.
Amor
patriæ
differt
specie ab
amore
viæ.

Respondeo secundò, amorem patriæ secundum visionem, differe etiam specie ab amore viæ, qui est secundum fidem. Ita D. Thomas quest. 24. art. 7. ad 3. vbi docet actum Charitatis viæ non posse attingere perfectionem Cha-

ritatis patriæ, quia habent quantitatem diuersæ rationis, sicut linea & superficies: quod malè assereretur, si secundum substantiam essent eiusdem speciei. Idem clariùs docent Capreolus, Caietanus, Ferrar. Almain. & alij quos refert & sequitur Egidius Coninck disp. 23. dub. 3. num. 13. Ratio eiusdem præcipua est, quia cognitio altioris ordinis inducit amorem altioris ordinis. Atqui cognitio patriæ est altioris ordinis, & inducit amorem sibi proportionatum. Neque est tantum altior intensiùs, sed etiam specificè: cùm sit cognitio propria & intuitiva Dei sicuti est; cognitio autem viæ sit æigmatica tantum, & aliena, seu per speciem alienam & impropria. Confirmatur, quia idem perceptum in propria specie, differt in ratione obiecti, à seipso involutè concepto sub aliena specie. Charitas autem fertur in obiectum mediante cognitione, & secundum illam. Item, in Deo clarè viso multa percipiuntur, in quæ secundum seipsa fertur actus Charitatis; quæ per solam fidem non percipiuntur. Quare licet obiectum Charitatis in viâ, & in patria, sit idem aliquatenus; nempe confusè, & implicitè: distinctè tamen secundum plures rationes occurrat in patria.

Vterius, vt rectè addit idem auctor ibidem num. 18. quoad illa ipsa, quæ eadem occurrunt in viâ, & in patria, quivis Beatus incomparabiliter Deum melius cognoscit, & perfectiùs æstimat; quàm vlla creatura in statu viæ puro cognoscere, aut æstimare possit. Quare cùm perfectio amoris beatifici exactè sequatur perfectionem cognitionis; inde colligitur quemvis Beatum incomparabiliter magis appetitiuè, siue perfectiùs, amare Deum, quàm vllus viator possit eum amare: adeoque magis non tantum intensiùs, verum etiam æstimatiùs, secundum meliorem & perfectiorem cognitionem obiecti, quod longè alia ratione repræsentatur per visionem, quàm per fidem. Sicut igitur cognitio in Beatis est altioris ordinis, & perfectioris speciei: ita & amor, cuius perfectio sequitur perfectionem appetitiuam ipsius cognitionis: tamque differt à actuali Dei amor in patria, ab amore qui est in viâ: quàm differt amor rei præstantissimæ per tenuem imaginationem apprehensæ, ab amore eiusdem perfectè cognitæ, & æstimatæ. Hinc etiam fit vt Beatorum quilibet, ex vi amoris beatifici, sit tanta necessitate Deo deuinctus, & determinatus ad cætera omnia Deo postponenda; vt sit impossibile illi sit vllum bonum, quantumvis magnum, appetere contra Dei voluntatem: & quodcunque malum, quantumvis ingens, non subire potius, quàm Deum leuiter offendere. Quòd viatores non habent vi sui amoris: quippe qui non ita firmat & plenè possidet voluntatem, neque ita promptam, & constantem eam reddit, ne quidem in Beata Virgine, quæ aliunde, quàm ex vi amoris sui, fuit impeccabilis; nempe ex speciali providentia Dei, & assistentia Spiritus sancti contra peccandi occasionem & periculum.

Est etiam
maior
æstimat;
ut.

Firmissi-
mè Deo
adtriali-

Contrarium opinatur Suares disp. 3. de Charitate Sect. 3. num. 2. affirmans Charitatem viæ, & patriæ, vnâ & eandem esse, non solum tenia.

68.
Cor tra-
ria lea-
tenia.

quoad habitum, sed etiam quoad actum. Quam sententiam communem esse dicit Theologorum cum Magistro in 3. dist. 31. & D. Thomas 1. 2. quest. 67. art. 6. Probat primò ex Apost. 1. Cor. 13. & ex Patribus affirmantibus Charitatem eandem manere in via, & in patria: nam potius de actibus, quàm de habitibus loquuntur. Secundò, quia ratio formalis obiecti in via, & in patria, est eadem, nempe diuina bonitas supernaturalis: & differunt solum hi amores in cognitione talis obiecti; ergo solum in conditione sine qua non, & applicatione obiecti amabilis. Addi tertio potest viatores amare Deum super omnia, & vt bonum super omnia. Ergo lumine amant Deum appetitiuè. Ergo non potest à Beatis amari magis appetitiuè, vt nos asserimus.

Ad primum respondeo, id quod ait Apost. Charitatem nunquam excidere, propriè verum esse de habitu Charitatis, qui per mortem non excidit. Si autem ad actum extendatur, debet intelligi moraliter, non quòd idem actus specie & numero maneat, sed quòd tam in patria, quàm in via, exerceatur verus actus Charitatis erga Deum, siue eiusdem speciei, siue diuersæ. In quo differt Charitas à Fide, & Spe, illique excellentior est: quia Fides simpliciter & adæquatè inuoluit imperfectionem, nempe obscuritatem, statui patriæ repugnantem: ideòque nullus eius actus manet in patria. Spes verò quoad actum viæ præcipuum, à quo nomen accepit, inuoluit similiter imperfectionem absentia summæ boni desiderati, quæ repugnat statui beatitudinis. Similique sensu intelligendi sunt Sancti Patres relati à Suare, qui nihil aliud volunt, quàm ex eo commendare excellentiam Charitatis supra Fidem, & Spem.

Ad secundum respondeo obiectum illud formaliter diuersum esse formaliter, quatenus longè aliud repræsentatur per visionem patriæ, quàm per cognitionem viæ. Argitur autem per actum amoris, quale repræsentatur. Hinc est quòd vim mirabilem excitandi amorem, & longè maiorem habet in patria, quàm in via, & modo eminentiori voluntatem ad se rapit.

Ad tertium respondeo viatores minùs percipere excellentiam Dei super omnia, ideòque formaliter minùs eam æstimare in via, quàm in patria. Vnde etiam fit vt vi lux cognitionis, & amoris, minùs sint parati cetera omnia pro Deo contemnerè. Hinc collige Charitatem actualem viæ, nunquam posse ascendere ad perfectionem patriæ. Quomodo autem Charitas hac in vita possit aliquo sensu dici perfecta, & qua ratione distinguatur in Charitatem incipientium, proficientium, & perfectorum, videri potest apud D. Thomam quest. 14. art. 8. & 9. vbi hæc clarè prosequitur, & fusius exponit Egid. Coninck disp. 22. dub. 7.

SECTIO IX.

An, & quomodo Charitas minuat, vel amittatur?

70. P Rima conclusio: Habitus Charitatis non minuitur secundum se. Ita D. Thomas

quest. 14. art. 10. interpretes ibidem communiter, & Scholasti. cum Magistro in primo dist. 17. contra Dionysium Chartus. dist. cit. quest. 9. Ricardum ibid. quest. ult. Altiſiod. lib. 3. Summæ, Tract. 5. cap. 5. & Victor. in relect. de augmento Charitatis, parte 2. Probat, quia vel minueretur à Deo solo, nulla data occasione ex parte creature: & hoc non, quia *sine penitentia sunt dona Dei*, Rom. 11. ver. 29. Vel data occasione aliqua, peccati scilicet venialis, aut mortalis. Secundum dici nequit, quia quodlibet peccatum mortale non minuit gratiam seu Charitatem, sed planè destruit, vt probabitur conclusione sequenti. Primum etiam dici non potest quia peccatum veniale vel Physicè Charitatem minueret, vel meritorie. Non Physicè: quia peccatum veniale, cum sit actus, aut quasi actus; id est, commissio, vel omisso libera; non est contrarium Physicè habitui Charitatis per se immediatè: actus enim non contrariatur per se immediatè habitibus, sed actibus; & habitus habitibus. Sed neque etiam habitus per peccatum veniale inductus opponitur Physicè & contrariè habitui Charitatis: experimur enim post iustificacionem, & infusionem Charitatis, eosdem habitus malos, & æquè intensos remanere, licet magna Charitas prioribus titulis acquisita, tota recuperetur: vt alibi probauimus. Quod si- gnum est huiusmodi habitus non opponi Physicè & incompatibiliter habitui Charitatis, à quo etiam differunt genere, & ordine. Restat ergo vt si peccatum veniale minuit habitum Charitatis, minuat meritorie. At hoc etiam dici nequit: quia Deus non punit peccata leuia tantæ grauæ pænæ, quanta esset amissio partis gratiæ habitualis, siue Charitatis. Sic enim homo priuaretur parte æternæ beatitudinis, & per totam æternitatem foret minùs beatus in pænâ peccati venialis: quod damnum grauissimum est, & quodammodo infinitum. Confirmatur, quia ex eo sequeretur sola peccata venialia posse tota Charitate & gratia priuare. Cum enim Charitas finita sit; & peccata venialia possint augeri, & valde multiplicari: possent eorūque augeri vel multiplicari, & eo usque minuire Charitatem, vt tota denique exhaureretur. Supponamus enim aliquem v.g. habere decem gradus Charitatis, & vno peccato veniali amittere vnum gradum: sequeretur nouem alijs peccatis venialibus additis, æquè aut aliquantò magis demeritorijs, amissurum totam Charitatem quam habet: atque ita ob sola peccata venialia priuatum iri vitæ æternæ, & gratiæ Dei ac gloriæ: quod absurdum est.

Respondent aliqui, peccatum vltimum fore mortale, quia priuat omni gratia & vita ani- 77. Refellit: tur cus- 60. mæ. Sed hoc est contra suppositionem. Deinde, licet adiunctio talis pænæ efficeret de veniali mortale: inaduerterit tamen huius adiunctionis excusaret à mortali: & tamen non excusaret à pænâ. Tertio, sequeretur iustos sapissime efficere de venialibus mortalia: quia exponerent se periculo amittendi totam gratiam. Quid enim sciunt an tantum gratiæ superſit, vt post tot peccata venialia non possit hoc & illo ex- hauiri?

376 Disput. XVII. de Charitate, Sect. IX.

Altera
casus re-
solvatur.

Respondent alij, vltimum gradum non posse tolli per vllum peccatum veniale: quia illius ablatio, cum absolute priuet amicitia Dei & vita spiritali, est sine comparatione maior pena, priuatione omnium graduum superiorum: & consequenter respondere non potest meritis peccatorum venialium. Sed contra: quia per accidens est quod ille gradus sit vltimus, & consequenter peccator priuetur omni gratia. Quantitas autem pœnæ consistentis in priuatione, non spectatur ex damno, siue incommodo quod punitur ex ea patitur per accidens: sed præcisè ex magnitudine boni, quo priuat: Alioqui pro iisdem peccatis deberent diuersæ multæ pecuniariæ imponi & aliæ diuitibus, aliæ pauperibus; & pro conditione peccantium deberent variari: quod est contra communem legum praxim. Gradus autem vltimus vel non est nobilior alijs superioribus: ideoque si alia peccata venialia priuant gradibus superioribus, potest aliud illis æquale priuare vltimo gradu. Vel, si est nobilior, potest id præstare aliud peccatum veniale aliquantò grauius, aut plurimum collectio.

72.

Respondent alij tertio, per peccata venialia, licet æqualia, non tolli semper æqualem partem gratiæ, sed eò minorem, quod Charitas in peccante minor est. Cùmque Charitas sit diuisibilis in infinitum, nunquam tollitur tota per peccata venialia. Probat, quia tanta est pœna si auferatur vnus gradus habenti tantum duos: quanta, si habenti decem, auferantur quinque. Sicut pauper habens tantum duos aureos, magis læditur ablatione vnus, quàm diues ablatione quinque. Deinde, quò plus est gratiæ, peccator magis ingratus est. Et consequenter peccatum veniale, alioquin æquale, grauius est, & maiori pœnâ dignum, cùm sit ab eo, qui plus habet Charitatis.

Tertium
effugium
reijcitur.

Sed contra: quia frequenter quò aliquis plus habet Charitatis, eò plus amittere per peccatum veniale alioquin æquale. Atque ita per furtum v. g. vnus assis, iustus habens duos gradus, amitteret tantum vnum: alius vero habens mille, amitteret quingentos: quia per aduersarios pœna vtræque respectiue æqualis est. Hoc autem est absurdum. Imò idem iustus, qui mille gradus habuit, postquam totam fere gratiam perdidisset, nihil fere perderet per peccata similia præcedentibus. Falsum verò est quod assumitur in prima probatione, pœnam esse æqualem in vtroque magis & minus priuato. Nam per se maior est in eo, qui maiori bono priuatur: licet per accidens minor priuatio plus aut æquè vni nocere possit, quàm maior alteri. Falsum etiam est quò plus est gratiæ, peccatorem magis ingratus esse, vniuersum loquendo. Potest enim aliunde, ratione aliorum beneficiorum, maior esse ingratitudo in eo, in quo minus est gratia, seu Charitatis habitualis. Deinde illa circumspecta ingratitudinis non est tanta, vt mereatur tantum excessum pœnæ. Tertio, peccata venialia sunt alia alijs maiora: & commissum à iusto habente minimam gratiam, potest aliunde esse multò grauius, quàm sit commissum à iusto gratiore, tuncdà licet circumspecta ingratitudinis: vnde

merebitur pœnam maiorem. Quarto denique, qui peccant venialiter, sæpissime non cogitant de gratia quam habent, eiusque intentione: vnde non sunt ex ea parte ingratius culpabiles.

Dixi in conclusione, habitum Charitatis non minui secundum se: quia extrinsecè, quoad feruorem operandi, & constantiam in operando, & actualem extensionem ad obiecta propter Deum dilecta, vel amoris eius postposita, certum est minui Charitatem per peccata venialia, & habitus ab illis contractos: quatenus peccata venialia reddunt hominem minus dignum vt à Deo præueniatur, & iuuetur maioribus atque frequentioribus gratiæ auxilijs: & inclinant habitualiter ad amorem inordinatum rerum temporalium: ac si infrequentius & liberius iterentur, disponunt ad peccandum mortaliter: iuxta illud Ecclesiæ. *Qui spernit modicam, paulatim decidet.* Quo sensu intellige quod aiunt Sancti Patres, August. Serm. 41. de Sanctis, paulo ante medium, & tract. 12. in Ioan. in fine, & tract. 1. in Epistolam Ioan. circa med. & Epist. 108. in fine, & Gregor. lib. 3. Pastor. admonit. 34. Sicut naui, aqua paulatim subintrante, tandem mergitur: sic, &c.

Secunda conclusio: Charitas habitualis corrumpitur per quodvis peccatum mortale; non Physicè quidem, sed moraliter & meritorie. Prima pars est D. Thomæ quest. 24. art. 12. & omnium Catholicorum, apertèque definitur à Tridentin. Sess. 6. cap. 15. vbi rectè id probat ex 1. Cor. 6. ver. 10. *Nolite errare: neque fornicari, neque idolis seruientes, neque adulteri, neque molles, &c. regnum Dei possidebunt.* Et Iacob. 1. *Nemo cum tentatur, dicat quoniam à Deo tentatur. Deus enim neminem tentat* (tentatione scilicet non facta solum ad probandum, sed ex animo inducendi ad peccandum) *Vnusquisque verò tentatur à concupiscentia sua abstractum, & illectum. Deinde concupiscentia, cum conceperit, parit peccatum: peccatum verò, cum consummatum fuerit, generat mortem.* Vbi nomine peccati, intelligit mortale, quod simpliciter & absolute solet dici peccatum in Scriptura. Per mortem verò, intelligit spiritalem, quæ est priuatio gratiæ. Neque enim omne peccatum mortale generat mortem corporis statim atque consummatum est. Et Roman. 6. *Stipendia peccati mors: gratia autem Dei vita æterna.* Atque hinc dicitur peccatum mortale, quòd tollat vitam animæ, quæ consistit in gratia, seu Charitate.

Secunda pars conclusionis, quòd peccatum mortale non corrumpit Charitatem habitua-lem per modum causæ Physicæ, sed per modum causæ moralis & meritorie, est plurimorum Theologorum, quos citant & sequuntur Suares lib. 11. de Gratia cap. 4. & Aegid. Coninck disp. 22. de actib. supernat. dub. 10. num. 135. Neque repugnat D. Thomas quest. 24. art. 12. Quod enim ait, peccatum mortale ponere impedimentum actioni Dei gratiam conferentis: potest faciliè intelligi de impedimento morali. Probarur, quia peccatum mortale vel est pura commissio, vel commissio contra

73.
Peccata
ven. mi-
nuunt
Charita-
tis habi-
tus extrinsecè.

74.
Destruitur
quodlibet
peccatum
mortale.

75.
Peccatum
mortale
est
tantum
causa
moralis
destructi-
onis.

grauē Dei præceptum. Si primum: cū pura omisso sit mera priuatio actus debiti; non potest esse causa Physica destruens vi sua Charitatem: Adde quod eadem omisso, si non esset libera, non destrueret Charitatem, quia non esset peccatum culpabile. Quod autem sit libera, est tantū denominatio extrinseca à statu voluntatis, potētis agere si vellet: quæ denominatio nihil ponit in actu, vel in omissione, quod possit esse causa Physica destructionis Charitatis. Si autem peccatum mortale sit commissio: idem actus quoad omnia Physica esse potest non destructio Charitatis: vt si fieret sine aduertentia & libertate, vel ex motu repentino; & semideliberato. Ergo non destruit Charitatem, per id solum quod Physicum est, quod ne quidem moraliter illi repugnat. Quod autem liberè & culpabiliter fiat, est tantū extrinseca denominatio, quæ non potest Physicè agere ad destructionem Charitatis, vt supra diximus de omissione.

Confirmatur, quia actus non destrunt Physicè immediatè habitus, sed mediātibz habitibus contrariis à se productis. Ergo peccatum mortale, quod est actus, aut quali actus, non destruit Physicè immediatè habitum Charitatis: sed si destruit, debet id facere mediāte habitu à se producto. Atqui peccatum puræ omissionis non producit habitum. Peccata verò commissionis, licet producant habitus vitiosos; illi tamen non destrunt Charitatem, vt neque per illam destruntur: neque repugnant illi incompatibiliter, ne quidem de lege ordinari: vt patet, quia iustificati experiuntur eosdem habitus vitiosos, quos ante contraxerunt. Superest ergo vt peccatum mortale meritorie solum destruat Charitatem, quatenus ob grauiem Dei offensam & contemptum, meretur rescissionem amicitie diuinæ, & graue odium Dei, ac priuationem æternæ hereditatis, ponitque morale impedimentum actioni Dei gratiam conseruanti: tum ratione decreti, quo statuit non eam conseruari in peccante mortaliter: tum ratione indecentiæ, & indignitatis, quia peccator se indignum reddit tam nobili forma, neque decet tantum Dei donum in peccatore conseruari.

SECTIO X.

Refutantur contraria sententia.

77.
Non sola
Infidelitas
destruit
Charitatem.

Contra primam partem conclusionis senserunt aliqui huius temporis Hæretici, affirmantes gratiam (quam tamen potius fauorem extrinsecum esse putant, non autem habitum infusum) solo peccato Infidelitatis amitti. Quem errorem damnat Tridentina Synodus Sess. 6. cap. 15. & can. 27. Caluinus verò lib. 3. Institut. cap. 2. num. 11. sequutus Iouinianum apud Hieron. lib. 1. contra eundem cap. 2. & lib. 2. cap. 1. affirmat fidem & iustitiam esse propriam electorum, & semel habitam non posse amitti: neque fuisse verè Fideles qui eam videntur amittere. Sed hic error repugnat aperte Scripturæ, Ezech. 18. Si

auerit se iustus à iustitia sua, & fecerit iniquitatem: morietur in illa. Vbi nota eodem modo dici, Si auerit se iustus, & quo ibidem dicitur paulo ante, Si impius egerit penitentiam, &c. vita viuet, & non morietur. Atqui hoc secundum non dicitur per hypothefim impossibilem, sed quæ sæpe recedat ad actum: ergo & illud primum assertum tanquam sæpe contingens. Et Lucæ 8. Ad tempus credunt, & in tempore tentationis recedunt. Et Ioan. 15. Si quis in me non manserit, mittetur foras sicut palmes, & arcescet, & colligent eum, & in ignem mittent, & ardet. Et Rom. 11. ver. 22. Vide ergo bonitatem, & seueritatem Dei. In eos quidem qui ceciderunt, seueritatem: in te autem bonitatem Dei, si permanseris in bonitate: alioquin & tu excideris. Et ver. 20. Tu autem Fide stas: noli altum sapere, sed time, casum scilicet à Fide, qui reipia contigit alijs, & tibi similiter contingere potest. Et Apoc. 2. ver. 4. & 5. Hæbeo aduersum te, quod Charitatem tuam primam reliquisti. Memor esto itaque unde excideris, & age penitentiam, & prima opera fac. Sin autem, venio tibi, & mouebo candelabrum tuum de loco suo, nisi penitentiam egeris. Vt omittam exempla Saulis, Dauidis, Salomonis, & aliorum, qui de statu iustitiæ deciderunt; & plura alia Scripturæ loca præcedentibus similia.

Quæ autem in contrarium opponit Caluinus loco supra citato, videri possunt solura apud Bellar. lib. 3. de Iustificat. cap. 15. & Agid. Coninck disp. 22. dub. 9. Breuiter dico, illud 1. Ioan. 3. ver. 6. Omnis qui peccat, non vidit Deum, nec cognouit eum, intelligendum esse, quod non cognouerit sicut debuit, cum affectu voluntatis sequente dictamen Fidei. Quo pacto dicitur Deus eos nescire, quos non amat; quia non eos nouit scientiæ affectu, siue approbationis, Matth. 7. ver. 27. & cap. 25. ver. 12. Et peccatores dicuntur negare fidem peccando, aut non nosse Deum, 1. Timoth. 5. & 1. Ioan. 2. quia perinde faciunt, ac si non crederent, neque cognoscerent Deum: Confitentur enim se nosse Deum, falsis autem negant. Similiter, Omnis qui natus est ex Deo, peccatum non facit, quia semen ipsum in eo manet: & non potest peccare, quoniam ex Deo natus est: 1. Ioan. 3. ver. 9. Non peccat, inquam, inquantum natus est ex Deo, neque potest peccare vt talis: ac si diceretur (inquit S. Thom. 4. contra Gentes cap. 70.) Iustus non committit iniustitiam: vt sicut vulgari sermone dicitur virum nobilem nihil abiectum vel humile cogitare; licet aliunde nobilis, vt homo est, possit humiliter cogitare: & iustus, vt homo peccare possit, iuxta illud, Qui se estimat stare, videat ne cadat: 1. Corint. 10. ver. 12. & alia supra relata.

Item, quod ait Christus Ioan. 10. de ouibus suis, Non peribunt in æternum, & nemo rapiet eas de manu mea, intelligendum est de prædestinatis, vt aliqui volunt; vel potius quod non peribunt, si velint; nec poterit nequam eas rapere, nisi ipse liberè rapi se sinant. Tanta enim est Christi potentia, vt nemo ei

Refellit:
tur error
Caluioi,
fidem &
iustitiam
non posse
amitti.

78.
Solutio
cras
argu-
menta.

378 Disput. XVII. de Charitate, Sect. X.

prævalere possit, & subtrahere oves illi adhzere volentes. Quod verò dicitur 1. Ioan. 2. versu 19. de deficientibus ad hæresim, *Si quis sent ex nobis, mansissent utique nobiscum*, sensum hunc habet: si fuissent veri, firmi, & constantes Chritiani, quales nos sumus per Dei gratiam, mansissent utique nobiscum, neque fuissent deieci à Fide, nescio quibus occasionibus: vt sútilis exponit & probat Cornelius à Lapide in Epist. Canonic. ad versum Ioannis citatum.

80.
Habit
Charita
tis non
destrui
tur Phy
sicè per
P. M.

Contra secundam quoque partem sentiunt Caietanus, Bannes, & alij Thomistæ ad art. 12. quæst. 24. Valent. quæst. 2. de Charitate, p. 4. & quidam alij, affirmantes habitum Charitatis supernaturalis expelli Physicè per quodlibet peccatum mortale. Primò, quia D. Thom. art. cit. ait peccatum mortale destruere Charitatem non tantum demeritoriè, sed etiam effectiue, eò quòd omne peccatum mortale contrariatur Charitati. Atqui si tantum moraliter expelleret, destrueret tantum meritoriè: nimirum quia solummodo esset causa moralis, per modum mali meriti, cur Deus non conferuet amplius habitum Charitatis in peccante mortaliter. Secundò, per peccatum mortale ponitur in subiecto dispositio Physicè contraria Charitati: sicut per ignem in corpore humano ponitur dispositio animæ contraria, propter quam anima definit esse in corpore, & expellitur Physicè: ergo, &c. Probatur antecedens, quia per peccatum mortale ponitur in subiecto auersio habitualis à Deo. Ergo ponitur in subiecto dispositio contraria Charitati, quæ est conuersio habitualis ad Deum. Quare quàm est impossibile aliquem esse simul auersum à Deo, & conuersum ad Deum: tam est impossibile simul esse peccatum mortale, & Charitatem habitualem. Atqui non moraliter solum, sed etiam Physicè, & ex ipsa natura rei, est impossibile auersionem, & conuersionem ad idem simul esse. Ergo etiam Physicè, & ex natura rei impossibile est simul esse Charitatem habitualem, & peccatum mortale: atque ita vnum illorum expellit aliud Physicè. Addunt aliqui peccatum mortale, & Charitatem, seu gratiam sanctificantem, opponi priuatiue. Vnde consequens est, vt Physicè & ex natura rei repugnent, ac ne quidem per vllam potentiam simul esse possint.

81.
Exposit
tur D.
Thomas.

Ad primum respondeo D. Thomam seipsum explicare art. 12. eiusdem quæst. 24. cum ait, Charitatem statim definire esse in anima per peccatum mortale, eò quòd ponitur obstaculum influentiæ Dei conseruantis Charitatem in anima. Quale verò sit hoc obstaculum exponit his verbis: *Manifestum est autem quòd per quodlibet peccatum mortale, quod diuini præcepti contrariatur, ponitur prædictæ infusioni obstaculum: quia ex hoc ipso quòd homo eligendo præfert peccatum diuinæ amicitie, quæ requiritur vt Dei voluntatem sequamur, consequens est vt statim per vnum actum peccati mortalis habitum Charitatis perdatur*. Hæc D. Thomas: ex quibus liquet mentem ipsius esse, Charitatem non aliter opposi peccato mortali, quàm quia Charitas re-

quirit vt Dei voluntatem sequamur, peccatum verò eam violat; scienter videlicet & liberè; Quæ ratio tantum moralis est, vel extrinseca denominatio, non inducens Physicam oppositionem, vt antea probauimus. Et nihilominus peccatum mortale non tantum meritoriè quomodocunque, sed etiam effectiue gratiam destruit, vt ait D. Thomas art. 10. quæst. cit. quatenus non est solummodo meritum malum, dignum priuatione gratiæ quomodocunque: sed etiam ponit obstaculum morale conseruationi gratiæ: nempe indecentiam moralem, propter disconuenientiam, & contrarietatem moralem Charitatis habitualis cum peccato mortali, quæ contrarietas aliquid addit supra puram rationem mali meriti: quippe quæ sine vlla contrarietate & oppositione morali esse potest, vt patet in peccato respectu pænæ. Pænà enim non contrariatur peccato, licet illi respondeat vt malo merito. Non decet, inquam, neque bene conuenit Charitatem inclinantem ad sequendam Dei voluntatem, & ad Deum amandum super omnia, esse cum peccato mortali, quo voluntas Dei liberè desinitur, postponiturque rebus creatis: adeoque est forma moraliter contraria Charitati.

Ad secundum respondeo, per peccatum non poni necessariò & vniuersim aliam dispositionem, præter ipsum peccatum, & indecentiam moralem supradictam, vt patet in peccato puræ omissionis. Peccatum autem per se solum non habet Physicam contrarietatem cum gratia, vt supra ostendimus. Et si est peccatum puræ omissionis, nihil aliud inducit in subiectum. Sin autem est commissio: licet vltèriùs inducat habitus viciosos, qui plus videntur habere oppositionem cum habitu Charitatis: illi tamen non repugnant Physicè & incompatibiliter: alioqui manerent miraculosè in iustificatis. In forma igitur, nego antecedens. Ad cuius probationem respondeo Charitatis habitum esse conuersionem habitualem ad Deum. Peccatum verò mortale esse auersionem actuaalem, id est, consistentem in aliquo actu Physicè vel moraliter præsentem. Sed non propterea peccatum est dispositio Physicè contraria, & ex sola rei natura impossibilis cum habitu Charitatis: quia non repugnat ex natura rei esse conuersum per habitum, & auersum per actum. Imò ne moraliter quidem repugnat esse conuersum habitum per ad Deum per habitum Charitatis supernaturalem, & simul esse auersum habitualiter per habitus viciosos peccando contrarios, qui sunt habituales inclinationes ad peccatum mortale. Nam huiusmodi habitus manent in iustificatis, vt experientià liquet. Sentiant enim easdem inclinationes viciosas, quas antea contraxerunt. Dico igitur Charitatem habituaalem non omni modo conuerrere ad Deum, neque repugnare omni auersioni, ne habituali quidem, quia non tollit habitus viciosos peccando acquisitos. Ac sicut habitus acquisiti conuertunt quidem per se ad suum obiectum, sed tamen compatiuntur Physicè actum dissentantem, imò & habitum in certo gradu: sic ex eo quòd Charitas habitualis per se ad Deum conuertat, colligi nequit quòd

81.
P. M. solum
inducit
dispositi
onem
Physicè
contraria
tam.

Physicè, & ex natura rei nullam ab eo autionem actualē pati possit in eodem subiecto.

83.
P. M. non
est priua-
tio gra-
tiæ.

Falsum verò est quod additur, peccatum mortale esse formaliter priuationem gratiæ, seu priuationē opponi gratiæ. Potius enim est causa priuationis, seu mortis animæ, iuxta illud Iacob. 1. ver. 15. *Concupiscentia cum conceperit, parit peccatum: peccatum verò, cum consummatum fuerit, generat mortem.* Si autem est causa priuationis, non est ipsa priuatio, sed est prior illa: quemadmodum etiam affirmat S. Thom. quest. 24. art. 10. & 12. Cum ait peccatum mortale destruere effectiue Charitatem, ponendo obstaculum, &c. Priuatio enim non destruit effectiue formam, cuius est priuatio; sed est mera eius absentia in subiecto apto, Trident. quoque Sess. 5. can. 1. *de peccato originali*, docet peccatum mortale esse causam cur amittatur gratia: affirmans *primum hominem Adam, cum mandatum Dei in paradiso fuisset transgressus, statim sanctitatem & iustitiam, in qua constitutus fuerat, amisisse*: id est, propter transgressionem incurrisse amissionem sanctitatis & iustitiæ. Quod si transgressio ipsa esset formaliter amissio sanctitatis, seu priuatio gratiæ; sensus Tridentini esset, Adamum, cum transgressus esset, id est, cum sanctitatem amisisset, statim sanctitatem amisisse. Qui sensus foret ineptus. Adde præterea quòd, quamvis nullus esset ordo gratiæ institutus à Deo: posset tamen offendi Deus grauiter & mortaliter: in quo casu esset peccatum mortale, & non esset priuatio gratiæ. Plura aduersus hanc sententiam diximus tomo 2. in tract. de peccatis.

84.
Definit
habitus
Charit.
eodem
instanti
quo pec-
catum mor-
taliter.

Cæterum, eodem instanti quo fit peccatum mortale, definit habitus Charitatis conservari, & esse; propter peccatum, vt causam & meritum malum. Ideoque definit quidem simul tempore, eodem instanti quo peccatum mortale esse incipit: sed tamen naturā posterius, quatenus definit dependenter à peccato, vt à causa morali. Hæc enim posterioritas definitio- nis respectu peccati, nihil est aliud, quàm dependentia ab ipso. Sicut peccatum esse prius, quàm designat Charitas, non est aliud, quàm peccatum esse causam definitionis, quæ tamen

simul est, & debet concipi esse toto instanti, quo primò est peccatum. Neque enim est prioritas in quo fit vnum, & non aliud: sed tantum est prioritas à quo, in eo solum consistens, quòd gratiæ, seu Charitatis desitio sit dependenter à peccato. Ita vt vtrumque reipsa simul sit, peccatum scilicet, & desitio: sed vnum dependenter ab alio: desitio videlicet dependenter à peccato. Et similiter prioritas naturæ inter quæcunque alia, in eo solum consistit, quòd quamvis vtrumque simul tempore sit; attamen vnum est dependenter ab alio: & id quod pendet, dicitur esse naturā posterius: id verò à quo pendet, dicitur esse naturā prius.

85.
Refuta-
tor
nisi
quarta.

Quare fallit Lorca 2. 1. Sect. 3. disp. 22. & si qui alij cum illo existimant peccatum mortale, & Charitatem esse simul aliquo instanti temporis, siue continui, siue discreti: Id ex eo inferentes, quòd cum peccatum sit causa priuationis gratiæ, & naturā prius: ergo in illo priori naturæ, quo concipitur peccatum fieri, siue consummari, gratia adhuc est. Quæ illatio nulla est, & procedit ex peruersa intelligentia prioritatis naturæ. Nam cum, vt iam diximus, esse prius naturā aliquo, nihil sit aliud, quàm esse id à quo illud pendet: dicere gratiam esse in illo priori naturæ in quo fit peccatum mortale, est dicere gratiam pendere à peccato mortali. Quod perperam inferitur ex eo quòd peccatum mortale sit causa & prior naturā priuatione gratiæ, id est, sit id à quo pendet priuatio, seu propter quod subiectum gratiæ priuatur. Plura aduersus hanc falsam imaginationem videri possunt apud Coninck disp. 22. dub. 11. qui tamen argumento non satisfaciunt, neque verum conceptum prioritatis naturæ assequitur, cum ait num. 169. ex illo argumento sequi tantum quòd gratia & peccatum mortale sint simul secundum quid, & secundum modum nostrum concipiendi: sicut ex eo quòd Æthiops sit albus secundum dentes, non sequitur esse absolute albus, sed tantum secundum quid. Quasi verò gratia sit verè secundum quid eo instanti, quo tota esse definit, & quo verum est dicere quòd nihil illius sit; aut debeat & iure possit concipi esse, cum non est.



DISPUTATIO

OCTAVA-DECIMA.

De obiecto Charitatis.

- Sectio I. *Quodnam sit obiectum adequatum Charitatis?*
 Sectio II. *Refutantur sententiæ contrariæ.*
 Sectio III. *De obiectis materialibus Charitatis.*
 Sectio IV. *De ordine inter obiecta Charitatis: & primò quomodo teneamur diligere Deum super omnia?*
 Sectio V. *An, & quomodo in bonis spiritualibus teneamur nos ipsos magis diligere, quàm proximum?*
 Sectio VI. *Utrum in bonis temporalibus teneamur nos magis diligere, quàm alios; & inter istos quinam sint præferendi?*

DE obiecto Charitatis, eiusque ordine disputat S. Thomas q. 25. & 26. quarum priore docet Charitatem ad Dei, & ad proximi dilectionem se extendere: arque etiam ad Charitatem ipsam; tanquam bonum quod volumus illis, quos ex Charitate diligimus. Itemque ad creaturas irracionales, non tanquam ad id, cui bonum velimus, sed velut ad bonum, quod volumus personis ex Charitate dilectis. Posse quoque hominem per illam diligere seipsum, tanquam aliquid ad Deum pertinens: & corpus secundum naturam spectatum, provt illo possumus vti ad obsequium Dei: & peccatores, provt diuinæ beatitudinis sunt capaces: & inimicos, secundum naturam, non secundum culpam: & Angelos: at non Dæmones, vt tales; quia id culpæ nomen est: posse tamen ex Charitate in Deum velle vt ad ipsius gloriam conseruentur hi spiritus in suis naturalibus.

Posteriori affirmat ordinem Charitatis postulare, vt quisque Deum magis amet, quàm seipsum: & seipsum magis, quàm proximum: ita tamen vt quantum ad salutem animæ, magis proximum diligit, quàm proprium corpus. Inter proximos autem, magis diligendos esse eos, qui vel Deo, vel nobis propinquiore sunt: & illos præcipue, qui secundum carnis originem sunt nobis coniuncti, vt parentes, & liberi, & coniuges. Inter quos etiam ordo seruandus est. Nam parentes sunt magis diligendi, quàm liberi: & inter parentes, pater matri præferri debet: & vterque vxori. Benefactor quoque præferendus est beneficiato; quia cum sit principium boni beneficiato collati, habet excellentioris boni rationem; sicut & pater, eandem ob causam, liberis præponendus est secundum rectum ordinem Charitatis. Hucusque D. Thom.

SECTIO I.

*Quodnam sit obiectum adequatum
Charitatis?*

1. **R**espondeo Deum ut per se & ratione
sui amandum; itemque creaturas ut
amabiles amore amicitiae in ordine
supernaturali; atque tam Dei, quam prae-
dictarum creaturarum bona, cum oppositis malis,
esse obiectum totale & adequatum Charitatis.
Prima pars, de Deo, patet: Charitas enim est
virtus Theologica. Ergo debet habere Deum pro
obiecto, & quidem primario & principali. Vnde
frequenter vocatur in Scriptura *Charitas Dei*, non
tantum quia a Deo est, sed etiam quia Deum respicit
ut obiectum: *Quis nos separabit a Charitate Dei?*
Rom. 8. *Charitas Dei diffusa est in cordibus
nostris*, Rom. 5. Deus autem duobus modis
amabilis est. Nimirum per se & ratione sui,
propter summam ipsius bonitatem, seu perfectio-
nem absolutam spectatam; qui dicitur amor
amicitiae: & propterea est summum bonum
nostrum, vel ad nos pertinens aliquo modo;
qui dicitur amor concupiscentiae. Posterior
modus Spei proprius est. Superest ergo ut
prior sit proprius Charitatis?

2. Secunda pars responsi, de creaturis rationa-
libus, probatur efficaciter ex Matth. 22. ver. 37.
& sequentibus, ubi Christus affirmat duo esse
praecepta Charitatis. Primum & maximum esse
istud, *Diliges Dominum Deum tuum ex toto
corde tuo, &c.* Secundum autem simile huic,
Diliges proximum tuum, sicut teipsum. Vnde
sic argumentor: Praeceptum primum diligendi
Deum, est non tantum diligendi Deum propter
se, aut amandi & desiderandi Deo bonum quod
ipse est; sed & alia quaecunque eius bona, ut
sic, gaudendique de illis, ac dolendi de oppo-
sitis. Atqui amare proximum Deo tantum,
aut propter Deum, & non per se, ac ratione
sui, amore amicitiae, est amare illum ut bonum
Dei. Ergo id continetur in primo praecepto
Charitatis. Ergo praeter hoc aliquid aliud prae-
cipitur in secundo praecepto, quod similiter
pertinet ad Charitatem, licet minus principa-
liter. Nimirum sicut in primo praecepto iube-
mur amare Deum secundum se, & velle illi
bona convenientia, ac detestari opposita: sic
in secundo iubetur amare proximum secundum
se, velleque illi tum bonum quod ipse est,
tum alia bona convenientia, propterea sunt ipsius
bona; auersarique opposita, propterea sunt ipsius
mala; quod est amare amore amicitiae. Nomen
autem proximi intelligenda est per se omnis
creatura rationalis quae est capax beatitudinis;
ut docent S. Augustinus. lib. 1. de doctrina
Christiana cap. 26. & 30. alijque Patres: Angelis
etiam in eo comprehensis, ut recte
ait Augustinus. ibid. & D. Thomas quaest. 25. art. 10.
atque etiam Christo Domino, qui, ut homo,
est eiusdem naturae nobiscum, & consors eius-
dem beatitudinis: quemadmodum notant in-

terpretes Scripturae Luc. 10. ver. 33. & Schola-
stici initio libri 4. Sentent. explicantes para-
bolam Samaritani; & illud Christi, *Ite &
nuntiate fratribus meis*, Matth. 28. v. 10.

Confirmatur & declaratur amplius, ratio
proposita; quia diligere aliquid propter Deum,
est diligere Deum. Quare dilectio Dei gene-
ralis & perfecta, quae in primo praecepto com-
prehenditur, includit illam dilectionem proxi-
mi quae propter Deum est, sicut & dilectionem
aliorum omnium quae propter Deum
amantur. Ergo aliquid aliud iubetur in secun-
do praecepto, nempe ut proximum etiam dili-
gamus propter se, amore amicitiae. Deinde
Christus ait duo esse praecepta Charitatis: unum
erga Deum, alterum erga proximum: & affir-
mat illud esse primum & maximum; alterum
autem esse secundum & simile huic. Atqui si
esset praeceptum diligendi proximum tantum
propter Deum, non essent duo praecepta, sed
unum dumtaxat; quia diligere propter Deum,
est diligere Deum, Doctore ipso D. Thoma,
quaest. 27. art. 8. Ergo diligere proximum pro-
pter Deum continetur in primo illo praecepto,
sicut & diligere quidvis aliud propter Deum:
alioqui praecepta Charitatis non essent duo tan-
tum, sed paene innumera, quot scilicet sint res
aliae quae debent diligere propter Deum. Item,
praeceptum diligendi Deum, sumptum praecise
ut ab altero praecepto distinctum, non esset
primum & maximum, quemadmodum Chris-
tus affirmat: quia dilectio proximi propter
Deum, est perfectior, quam dilectio Dei tan-
tum, ut docet S. Thomas art. cit. & nos infe-
rius ostendimus, Disput. 19. Sect. 1. num. 4.

Dixi, in ordine supernaturali, &c. quia
duobus potest modis spectari proximus, seu
creatura rationalis. Primum, secundum meram
naturalem perfectionem, essentialem, vel ac-
cidentallem; intrinsicam, vel extrinsecam. Se-
cundo, in ordine ad perfectionem supernatu-
ralem, cuius est capax secundum Dei ordina-
tionem, vel quam assequuta est. Prior con-
sideratio non pertinet ad Charitatem Theologi-
cam & supernaturalem; sed ad aliquam aliam
virtutem moralem inferiorem. Sicut enim Spes
Theologica non versatur circa bonum nostrum
merè naturale, sine villo respectu ad Dei om-
nipotentiam, vel ad bonum nostrum superna-
turale: sic Charitas non versatur circa proxi-
mum, nisi vel propter Deum, vel ut conside-
ratur aliquatenus in ordine supernaturali. Ra-
tio est, quia utraque virtus infunditur homini
ut illum innet & perficiat in ordine ad Deum,
& in esse supernaturali circa finem & obiectum
supernaturale, dignum affectu supernaturali,
cuiusmodi sunt affectus Spei, & Charitatis.
Sic etiam Fides, tertia virtus Theologica, non
fertur in obiectum nisi aliqua saltem ex parte
supernaturale, ratione revelationis completè
per sufficientem credibilitatem, quod sine ali-
quo argumento diuino & supernaturali non fit:
& propter Deum ut testificantem, & ut veracem,
qui semper includitur in obiecto formali
Fidei. Deus autem est aliquid in se supernatu-
rale omni ratione quia Deus est, & dignus con-
gruione & affectu supernaturali. Licet enim

3. Confir-
matur ef-
ficaciter
proximi
diligere
propter
se.

4. Proxi-
mus
est spe-
ctandus
in ordine
supernat.

Qui no-
mine pro-
ximi in-
telligan-
tur?

secundum aliquas rationes, secundum quas cum creaturis naturaliter spectatis est connexus, ut creator, conservator, provisor, causa prima concurrent cum secundis, & denique ut finis naturalis creaturarum: licet, inquam, secundum has, & similes consideraciones dici possit quippiam naturale respectu, propter illam habitudinem: absolut. tamen, & secundum se, est ens totius naturae creatae & creabili supereminens, secundum omnem rationem divinam, ut talem, ac longe superius ipsa gratia, & gloria creatae, magisque illis supereminens; quam gratia, & gloria superemineant perfectionibus naturalibus. Unde secundum omnem rationem divinam est obiectum Spei, & Charitatis, spectatam ut ad nos, vel ut ad Deum absolute pertinet. Est tamen opus has rationes divinas altiori quodam modo concipi per Fidem supernaturalem, ad excitandos affectus supernaturales Spei, & Charitatis: propter quod illuminatio, & motio Spiritus sancti nobis est necessaria ut credamus, speremus, & diligamus, sicut oportet; ut ait Trident. Sess. 6. cau. 3. & Arausic. **¶** 7.

5. Tertia pars responsi, de bonis & malis, tum Dei, tum creaturae rationalis, probatur, quia Charitatis est bene velle ei, quem diligit amore amicitiae. Consequens autem est ut qui bene vult, non male veli; & qui vult bonum, nolit malum oppositum. Porro bonum, quod tam Deo, quam proximo volumus, multiplex est: partim intrinsecum, partim extrinsecum. Quamvis enim Deus sua essentia perfectus sit, ac beatus: tamen eorum, quae extra ipsum esse possunt, quaedam sunt illi grata, & quaedam displicentia: quae eo nomine vocantur Dei bona, vel mala. Velle igitur Deo quod ei placitum est, ad benevolentiam erga illum spectat: cui coniunctum est nolle quod ei displicet. Similiterque velle proximo finem supernaturalem, & media ad illum pertinentia, aliaque bona supernaturalia, spectat ad benevolentiam supernaturalem erga proximum, quae Charitas dicitur; ad eandemque pertinet nolle malum oppositum.

6. Tria vero sunt distinguenda in obiecto Charitatis: Videlicet, id quod volumus, aut nolumus; id cui volumus, aut nolumus: & ratio formalis propter quam volumus, aut nolumus. Id quod volumus, aut nolumus, est aliquid bonum, vel malum. Id cui volumus bonum, aut nolumus malum; est Deus, & proximus; seu natura intellectualis, creata vel increata. Et ratio formalis propter quam illi volumus bonum, aut nolumus malum, est perfectio illius naturae, ut propter se amabilis amore amicitiae. Sed non semper haec tria sunt realiter distincta. Possimus enim velle Deo bonum quod ipse est substantialiter & essentialiter. Et hoc maxime vult Deo Charitas, nempe ut Deus sit quidquid est; & quidem affectu tam absoluto, & efficaci, ut vellet Deo totum illud conferre, si posset. Ratio etiam qua Deus est summe bonus, atque perfectus, & propter se amabilis, est ipsa ratio Dei, ab ipso indistincta. Quare id quod volumus per Charitatem, & id cui volumus, & id propter quod

volumus, non distinguuntur semper in re.

Quarto denique, quod nihil aliud, praeter supradicta, sit obiectum Charitatis, atque adeo obiectum eius totale & adequatum in illis consistat, probatur, quia nihil aliud est dignum amore illo amicitiae supernaturalis, neque convenienter in eius obiectum assignari potest: ut ex refutatione contrariorum opinionum apparebit, & ex dicendis Sect. 3. de obiecto materiali Charitatis.

SECTIO II.

Refutantur sententiae contrariae.

7. Contrarium sentiunt plures Theologi, quorum aliqui pauciores, alij plura pertinere contendunt ad obiectum Charitatis. Ac primo Suares disp. 1. de Charitate Sect. 2. num. 5. asserit Deum non esse obiectum Charitatis secundum eas rationes, quibus habet connectionem cum natura intellectuali creata, per modum principij, & finis proportionati; sed tantum secundum rationes quibus naturam omnem superat. Quia Deus secundum priores rationes potest amari amore naturali. Obiectum autem amoris supernaturalis Charitatis debet esse diversum ab obiecto amoris naturalis, neque potest aliquatenus ab eo attingi. Verum ex dictis de Fide, disp. 10. Sect. 2. constat hanc propositionem non esse veram, quod scilicet obiectum actus supernaturalis non possit attingi aliquo actu naturali; imperfectius tamen, & minus ample, firmiter, & reverenter, dignique obiecti maiestate, ut loco cit. exposuimus.

8. Secundo, videtur etiam nobis adversari D. Thomas quaest. 25. art. 1. ubi licet fateatur habitum Charitatis extendere se ad dilectionem Dei, & proximi: ait tamen rationem diligendi proximum esse Deum: nam hoc debemus in proximo diligere ut in Deo sit. Quocirca Caiet. ad eundem art. in annot. docet solum Deum esse obiectum formale Charitatis, quia ratione eius diliguntur quaecunque ex Charitate diliguntur. Et Valentia disp. 3. quaest. 1. p. 2. affirmat proximum non esse obiectum formale vltius actus Charitatis, sed tantum materiale, quatenus diligitur ut aliquid Dei, scilicet ut effectus illius, & ut particeps divinae naturae per dona gratiae. Confirmatur, quia Charitas infusa est participatio divinae Charitatis, qua Deus diligit se, & cetera amabilia. Atqui Deus diligit se propter se, & propter id quod ipse est: cetera vero diligit propter seipsum. Ergo similiter Charitas infusa valet tantum ad diligendum Deum propter se; & cetera propter Deum, ut ad ipsum aliquo modo pertinent.

9. Ad primum respondeo, rationem diligendi proximum esse Deum aliquo modo, & proxime, vel remote: quatenus proximum vel propter Deum amamus, vel propter se non absolute, sed ut pacem bonorum supernaturalium, quae illum ordinant ad Deum, & ad hoc tendunt ut proximus in Deo sit. Quare locus citatus D. Thomae nobis non adversatur.

5. Bona & mala Dei & proximi pertinent ad obiectum Charit.

6. Tria in obiecto Charitatis.

7. Deus sub omni ratione sui pertinet ad Charitatem.

8.

9. Quomodo Deus est ratio amandi proximum.

Eodemque sensu accipi debet interpretatio Caiet. & Valentiz, vt vera sit. Ad secundum, seu præcedentes confirmationem, dico Deum quidem cetera diligere propter se, sed non tantum: nam illa amat etiam secundum alias considerationes, secundum quas rectè & convenienter amabilia sunt. Quia diuinus amor continet omnem gradum & perfectionem amoris. At creaturæ intellectuales rectè amari possunt, etiam ratione sui: quia obiectum illud bonum est in seipso, & talis amor versatur circa illud congruenter, & secundum rectam rationem: ergo, &c. Adde quòd aliqui non esset in Deo amicitia respectu hominum, neque liberalitas & munificencia, neque misericordia, aut vlla alia virtus, præter amorem proprii boni, qui dicitur amor concupiscentiæ: quia hoc tantum amore, & propter solum bonum ipsius proprium nos amaret, aut nobis bene faceret. Et tamen Deus 4. Reg. 20. v. 6. de seipso sic loquitur: *Protegam urbem hanc propter me, & propter Dauid seruum meum.* Et Psal. 138. *Nimis honorati sunt amici tui Deus.* Et Isa. 41. *Semen Abrahæ amici mei.* Quibus, & alijs similibus locis testatur Deus se diligere homines amore amicitie, atque illos vt amicos habere. Amicus autem diligit amicum propter ipsum.

10. Tertiò, ex opposito contendunt aliqui recentiores, creaturas intellectuales, non tantum in ordine supernaturali, sed etiam purè naturaliter spectatas, & quoad bona merè naturalia, sine vilo respectu ad supernaturalia, pertinere ad obiectum Charitatis. Primò, quia Charitas valet ad seruandum integrè mandatum diligendi Deum, & proximum. Atqui mandatum diligendi proximum est etiam volendi illi naturalia bona, & non tantum vt æternam beatitudinem consequatur, sed etiam vt naturaliter illi bene sit. Alioqui non esset iuandus vir sanctus, qui ex summa egestate, vel afflictione non esset passurus detrimentum in bonis supernaturalibus, sed potius maiorem gloriam consecuturus. Christus etiam Matth. 25. nullam facit mentionem bonorum supernaturalium, sed damnat propter opera Charitatis necessaria, simpliciter omnia, *Esuriui enim, & non dedistis mihi manducare, &c.* Et Luc. 10. declarat præceptum diligendi proximum, ostendit proximum esse alterum alteri, quemlibet cuiuslibet, Samaritanum Iudæo: licet beatitudinem nulla adit consideratio, sed tantum boni corporalis. Secundò, D. Thomas quest. 59. art. 4. c. affirmat omne nocumentum alteri illatum, ex se repugnare Charitati, quæ mouet ad volendum bonum alterius. Ex quo sic argumentor: Virtus quæ aliquod malum auerfatur, prosequitur bonum ipsi oppositum. Sed Charitas auerfatur omne proximi nocumentum. Ergo prosequitur, & vult eius bonum omni nocumento oppositum. At nocumento naturali tantum, non opponitur nisi bonum naturale: ergo Charitas prosequitur etiam bonum naturale proximi: Vtremus, ea quæ repugnant, vel sunt circa idem, vel circa repugnantia. Sed Charitas, & quodlibet nocumentum repugnant, secundum

D. Thomam: Ergo Charitas, & quodlibet nocumentum vel sunt circa idem, vel circa repugnantia. Atqui Charitas, & nocumentum merè naturale, nec sunt circa idem, nec circa repugnantia, nisi Charitas versetur circa bonum & malum merè naturale: ergo, &c. Confirmatur, quia recta ratio dicitur volendum esse proximo bonum naturale. Ad illud autem rectè, & constanter volendum natura per se infirma est: idèoque per Charitatem iuari debuit.

Ad hæc respondeo, Charitatem valere ad seruandum integrè mandatum diligendi Deum, & proximum, imò & ad quævis alia præcepta, & virtutum officia, non quidem omni ratione, sed sub aliqua generali, quæ ad omnia pertinet. Nimirum quatenus valet ad volendum quiddam Deo placet, & nolendum quiddam illi displicet. Atque ita valet etiam ad naturalia bona volenda proximo, & procuranda, quia id Deo placet: atque vltius, quia sunt illi bona, spectato in ordine supernaturali. Meritoque Christus exprobat omnia Charitatis & misericordie opera necessaria: quæ saltem quia Deo placent, & ab ipso grauiter expetuntur, exercenda fuerunt. Eandemque ob causam Charitas exigit vt quisque cuiuslibet bene velit, & bene faciat, Samaritanum Iudæo, Infidelis Fidei, Hæreticus Catholico. Et omne nocumentum iniustum, siue in naturalibus, siue in supernaturalibus, repugnat Charitati, quatenus Deo displicet. Denique Charitas iuuat naturæ infirmitatem, quatenus iuuat ad volenda etiam bona naturalia quia Deo placent. Sed non debet iuuare omni alia consideratione. Quemadmodum, vt fatentur illi ipsi quos impugnamus, Spes non iuuat ad volendum bonum nostrum merè naturale, quia tale, sine respectu ad Deum, vel ad bonum nostrum supernaturale: licet ad illud quoque rectè, moderate, & constanter volendum valde infirmus sumus. Cùmque multe dentur à Deo virtutes Theologicæ, vel morales; non debet quælibet iuuare omni modo, sed vnæquæque pro sua ratione succurrit alicui naturæ infirmitati.

Quartò denique, Vasq. tom. 1. in 3. p. disp. 98. cap. 2. Turrian. disp. 73. in 2. dub. 3. Lesc. sius lib. 2. de Iustit. cap. 36. num. 23. & Agid. Coninck disp. 24. de actib. supernat. dubit. 1. num. 19. censent proximum non amari propter se per Charitatem Theologicam, sed per aliquam virtutem moralem inferiorem, quæ Charitas iue amicitia proximi dici potest. Primò, quia ex D. Thoma quest. 103. art. 3. ad 2. Sicut Sancti ob propriam excellentiam coluntur cultu distincto à latia: ita proximus ob proprias, sibi quæ intrinsecas perfectiones amat ut virtute distincta à Charitate Theologica; nimirum virtute morali quæ sit amor amicitie erga proximum. Secundò, quia hic amor habet obiectum planè distinctum à virtute Theologica. Ergo debet necessariò à distincta virtute proficisci. Consequentia pater, quia habitus nequit ferri extra suum obiectum. Antecedens verò probatur, quia obiectum virtutis Theologicæ non est aliud nisi Deus: obiectum autem huius virtutis non est Deus, sed proximus. Tertiò, sicut præter virtutes Theologicas, qui-

11. solun-
tur aug-
mentum
sentient.

12. Diligenti-
ter
Charitas
proximi
propter
se

384 Disput. XVIII. de Charitate, Sect. II.

bus Deum diligimus, siue vt bonum nostrum, siue vt in se bonum, dantur alie virtutes morales quibus voluntas amat cetera bona honesta, propter se; vt Iusta, Fortia, Temperata, &c. Sic dari debet virtus moralis, & distincta à Theologicis, quā proximum amemus, sine respectu ad Deum, ratione propriæ bonitatis intrinsecæ. Quartò, diligere proximum propter se, aut velle illi bonum immediate propter ipsius bonitatem, videtur esse eiusdem rationis, ac diligere meipsum, aut velle mihi bonum propter meam bonitatem & amabilitatem: sicut ego, & proximus sumus eiusdem rationis & speciei. Sed hic actus quo diligo meipsum, non est Charitatis Theologicæ, licet sit bonus & supernaturalis: ergo, &c.

11.
Probat
per as-
similans.

Contrarium tamen probabilius esse mihi videtur cum Suarez disp. 1. de Charitate Sect. 3. num. 7. & tom. 1. de Religione lib. 3. cap. 5. num. 11. & 12. alisque multis, quos citat, affirmantibus eadem Charitate diligi Deum, & proximum, vt amicos, ac proinde ratione sui. Primò, quia Scriptura passim loquitur de Charitate supernaturali erga Deum, & proximum, vt de vnica virtute, 1. Cor. 13. & 1. Ioan. 4. aliisque locis. Cuius Charitatis dicuntur esse duo præcepta generalia, Matth. 22. ver. 37. & sequentibus, diligendi Deum, & diligendi proximum. Non essent autem duo præcepta si diligeremus proximum tantum propter Deum. Nam primum præceptum amandi Deum complectitur generaliter alia omnia, quæ propter Deum amanda sunt: neque multiplicatur præcepta Charitatis erga Deum propter obiecta materialia, quæ tenemus propter ipsum diligere: alioquin longè plura essent quàm duo. Deinde, supposito quòd ex præcepto Charitatis teneamur diligere proximum sicut nos ipsos: Quemadmodum ipsi nos atque bonum nostrum supernaturaliter honestè amamus & supernaturaliter, non solum propter Deum, sed etiam propter nos ipsos, & quia bonum nostrum est: Sic proximum debemus non tantum propter Deum amare, sed etiam propter se, vero amore amicitie supernaturalis, optando illi beatitudinem, aliaque bona supernaturalia. Tertio, ex communi hominum sensu id discriminis est inter proximum, & creaturas irracionales: quòd istæ non possunt diligi ex Charitate amore amicitie: secus autem proximus. Nimirum quia illæ non possunt amari propter se: licet amari possint propter Deum, quatenus ipsi placent, aut sunt ipsius bona. Confirmatur quia Charitas creata est participatio, & similitudo Charitatis increate ipsius Dei, & Charitatis Christi Domini, iuxta illud Matth. 5. v. 48. *Estote ergo vos perfecti, sicut pater vester celestis perfectus est*: iunctis immediatè præcedentibus à versu 43. in quibus de dilectione proximi, & modo eum diligendi sermo est. Et Ioan. 15. v. 12. *Hoc est præceptum meum vt diligatis invicem, sicut dilexi vos*. Charitas vero increata versatur circa proximum, vt amicum: & non tantum propter Deum, sed etiam propter se: iuxta illud Psal. 138. *Nimè honorati sunt amici tui Deus*. Ergo Charitas creata diligit proximum etiam

propter se. Charitas quoque ipsius Christi versatur circa homines vt amicos, id est, propter se dilectos: iuxta illud Ioan. 15. v. 14. & 15. *Vos amici mei estis, si feceritis quæ ego præcipio vobis. Jam non dicam vos seruos, &c. Vos autem dixi amicos, quia quæcunque audivi à patre meo nota feci vobis*. Posito autem quòd per Charitatem diligamus proximum etiam propter se: vel admitendum est id fieri per eandem Charitatem, quā diligimus Deum, quod nos intendimus: vel fatendum erit quatuor esse virtutes Theologicas, quod inauditum est, & repugnat Apostolo 1. Cor. 13. *Fides, Spes, Charitas, tria hæc*. Probatr sequela, quia negari non potest quin virtus, quā diligimus proximo Deum ipsum, vt finem supernaturalem, sit virtus Theologica, æquè ac Spes quā quisque sibi eundem finem diligit; quod esse obiectum Spei Theologicæ, docet inter aduersarios Agidius Coninck disp. 19. dub. 2. num. 26.

Ad primum argumentum contrariæ sententiae, sumptum ex D. Thoma, respondeo eandem quoque virtutem Religionis infusæ valere posse ad omnem cultum Religiosum reddendum, siue Deo, siue Sanctis, & alijs rebus sacris, etiam ob propriam illorum excellentiam. Quamvis enim illi cultus specie differant, habentque diuersa obiecta formalia: tamen eadem virtus supernaturalis valet ad plures actus specie diuersos, & ad obiecta diuersa, vnica solum in aliqua ratione generica, vel analogia: cuiusmodi ratio est in Religione, ratio cultus sacri: in Charitate, ratio personæ sue naturæ intellectualis amabilis amore amicitie: & in Spe, ratio proprii boni supernaturalis, siue per modum auxilij cui innitendum sit, siue alterius boni amabilis vt nostrum est. Loquendo autem de virtutibus acquisitis, verum est quòd ait D. Thomas, aliam esse virtutem quā Deus colitur per latram: aliam quā Sancti, per duliā. Sicut non eadem est Charitas naturalis, quā proximus diligitur propter se, cum illa, quā propter Deum duntaxat, aut quā Deus solus amatur propter se. Non illi actus, vt sunt specie & re diuersi communiter: ita producent habitus sibi proportionatos, & adequatos, re ac specie diuersos.

Ad secundum, & tertium respondeo, eundem habitum Charitatis supernaturalis, quo diligimus Deum propter se, & quæ sunt illi grata, vt talia; sufficere ad amandum proximum non solum per respectum ad Deum, sed etiam vero amore amicitie, ad ipsum terminato, spectarum saltem in ordine supernaturali. Itaque ad hoc præstandum non est necessaria alia virtus supernaturalis distincta à Charitate erga Deum. Notandum tamen virtutes supernaturales Spei, & Charitatis, non esse Theologicas formaliter, & propriè, ratione cuiuslibet partis sui obiecti: sed tantum quatenus Deum respiciunt, idque non quomodocunque, sed vt obiectum quod, & motium formale. Quæ de causa Religio, & iustitia erga Deum, vel obedientia, & gratitudo erga illum, non sunt virtutes Theologicæ, quia respiciunt Deum tantummodo vt obiectum cui reddunt

14.
Eadem
Religio
versatur
circa
Deum, &
Sanctos.

15.
Charitas
eadem
amat
proximū
propter
se, & pro-
pter Deū.

reddunt cultum, aut aliud officium, titulo iustitiae, aut alio debito: non autem ut motuum, & obiectum formale actuum suorum; quod non est aliud quam talis ratio debiti.

16. Ad quartum respondeo, amorem sui ut sui, & amorem alterius ut alterius, tam differre moraliter, quam idem, & diuersum. Et illum esse amorem concupiscentiae, pertinentem ad Spem: istum, amorem amicitiae, qui solus pertinet ad Charitatem. Porro sicut amare nobis ipsi Deum, & alia bona supernaturalia, non debet pertinere ad virtutes morales, sed ad Spem Theologicam: sic amare proximo Deum & alia bona supernaturalia, non debet pertinere ad virtutes morales, sed ad Charitatem Theologicam. Neque minor est ratio cur hic amor sit Theologicus, quam ille: cum vterque Deum æquè respiciat. Ex his collige Charitatem habitalem definiti sic posse: Est habitus supernaturalis, quo Deum, & creaturas intellectuales in ordine supernaturali spectatas diligimus amore amicitiae; quæque sunt ipsis bona; propter ipsas amamus, & auersamur opposita.

SECTIO III.

De obiectu materialibus Charitatis.

17. De his D. Thomas tota quæst. 25. cuius doctrinam per se perspicuam satis erit referre breuiter, & si quid opus fuerit annotare. Docet igitur primò, Deum & proximum esse obiectum materiale Charitatis, quia Charitas ad vtrumque se extendit: sed magis principaliter Deum, in quo infinitè maior ratio amabilitatis elucet. Quia etiam de causa primùm & maximum mandatum Charitatis est diligendi Deum, ut dicitur Matth. 22. Nimirum quia, ut addit quæst. 26. art. 2. in qualibet amicitia præcipuè diligitur ille, in quo principaliter inuenitur illud bonum, super cuius communicatione fundatur. Sicut amicitia politica principalis respicit Principem ciuitatis, à quo totum bonum commune ciuitatis dependet. Vnde & ei maximè debetur Fides, & obedientia à ciuibus. Amicitia autem Charitatis fundatur super communicatione beatitudinis, quæ consistit in Deo essentialiter, sicut in primo principio, à quo deriuatur in omnes qui sunt beatitudinis capaces. Et ideo principaliter & maximè Deus est ex Charitate diligendus. Confirmatur, quia Charitas supernaturalis est amor ordinatissimus, tenditque ex natura sua recto & conuenienti ordine in sua obiecta. Ergo magis & principalis tendit in illud, quod amabilius est. Ergo magis in Deum, quam in proximum, aut quodvis aliud obiectum creatum.

18. Docet secundò, Charitatem ipsam contineri in obiecto materiali Charitatis: quia Charitas amatur Charitate, non ut id cui volumus bonum, sed ut bonum quod alicui volumus. Quæ doctrina D. Thomæ extendenda est ad cætera bona supernaturalia, atque etiam ad naturalia, in ordine ad Deum, vel ad finem supernaturalem spectata. Quia hæc omnia

Tomus III.

amantur per Charitatem, non ut id cui volumus bonum, cum non sint naturæ intellectuales, quæ solæ sunt amabiles conuenienter amore amicitiae; sed ut bona quæ pertinent ad naturas intellectuales dilectas propter se, quæque illis conuenienter expetuntur. Similiterque mala opposita comprehenduntur in obiecto materiali Charitatis: quia eiusdem virtutis est prosequi bonum, & auersari oppositum.

19. Tertiò docet, creaturas irracionales posse amari Charitate, non ut amici amantur, sed ut bona quæ amicis optantur. Quod probat triplici ratione. Primò, quia amicitia, inquit, habetur ad eum, cui volumus bonum. Sed non possumus propriè velle bonum creaturæ irrationali; quia non est eius propriè habere bonum, sed solum creaturæ rationalis, quæ est domina vtendi bono quod habet, per liberum arbitrium. Quibus verbis D. Thomas per, habere propriè bonum, intelligit speciale quendam modum moralem possidendi bonum, cum dominio, seu libera potestate vtendi: quod solis naturis intellectualibus conuenit. Secunda ratio est, quia amicitia fundatur in aliqua communicatione vitæ, ut docet Aristot. 8. Ethic. cap. 3. & 4. Creaturæ autem irracionales non possunt habere communicationem in vita humana, quæ est secundum rationem. Vnde nulla amicitia potest haberi ad creaturas irracionales, nisi fortè secundum metaphoram. Tertiò, Charitas fundatur super capacitate bonorum supernaturalium, & communicatione beatitudinis, cuius creaturæ irracionales non sunt capaces: ergo, &c. Possunt tamen amari ex Charitate, sicut bona quæ alijs volumus: quatenus scilicet ex Charitate volumus eas conseruari ad gloriam Dei, & utilitatem hominum.

Quartò, docet hominem seipsum diligere ex Charitate, non quidem ut seipsum, sed tanquam ad Deum pertinentem. Ratio primæ partis est, quia homo, inquit, non habet amicitiam ad seipsum, ut sic, sed aliquid maius: id est, non habet solum amorem fundatum in vnione & communicatione; sed fundatum in vnitate & identitate, quæ est aliquid maius. Atque iste amor est cætenus maior; quamvis alia ratione sit inferior amore Charitatis, quia est amor concupiscentiæ. Ratio secundæ partis est: quia homo spectatus quatenus pertinet ad Deum, consideratur ut bonum Dei: ideoque pertinet ad amorem Charitatis erga Deum. Potest tamen aliter homo spectare seipsum, ut personam intellectualem, capacem beatitudinis & bonorum supernaturalium, non spectatà identitate ad seipsum, vel relatione ad Deum, propter quem solum diligitur. Et sic etiam est obiectum Charitatis, quia considerat se aliquo modo ut alterum. Atque ita Deus seipsum diligit absolute ut naturam intellectualem infinitè perfectam: & non tantum ut eundem sibiipsum, amando sibi perfectionem illam, quæ amor similis potius est Spei nostræ, id est, amor concupiscentiæ & studio proprii boni, quam amor Charitatis, quæ non querit quæ sua sunt, sed versatur circa alterum, quasi alterum. Ratio verò cur Deus

Kk

386 Disput. XVIII. de Charitate, Sect. III.

utroque modo se amet, est quia illius amor realiter vnicus & simplex, continet virtualiter & æquiualeat perfectionem amoris nostri, quo utroque modo in illum tendimus, versaturque circa Deum omni modo, quo recte & conuenienter amari potest.

31.
Secundum
animam
& corpus.

Quintò, docet non solum animam, sed etiam corpus ex Charitate diligendum esse: non secundum infectionem & corruptionem culpe, quæ potius detestanda est: sed secundum naturam à Deo creatam, quatenus vile est ad obsequium Dei. Adde etiam, quatenus est à Deo datum, & ordinatum ad æternam beatitudinem, & capax gloriæ peculiaris. Præterquam quod est pars totius compositi rationalis, per se amabilis ex Charitate. Bona quoque omnia, tum animæ, tum corporis, possunt amari ex Charitate, vel in ordine ad Deum cui placent, & ad quem aliquo modo pertinent, vel in ordine ad proximum, quatenus possunt conferre ad eius beatitudinem, & statum supernaturalem.

32.
Ex peccatores,
& inimici.

Sextò denique, docet peccatores, & inimicos, amandos esse ex Charitate: non ut peccatores, vel ut inimicos, quia sic vitium amemus: sed secundum naturam & substantiam capacem æternæ beatitudinis. Angelos quoque bonos debere amari ex Charitate, quia cum illis participamus in communicatione beatitudinis: & ipsi pariter sunt creaturæ intellectuales capaces bonorum supernaturalium. At verò Dæmones (& de damnatis par est ratio) posse quidem diligere secundum substantiam, volendo ut maneant ad gloriam Dei, cuius iustitiæ, & potentie manifestandæ inferiunt: sed non posse diligere ut amicos, quia sunt iam exclusi ab ordine status supernaturalis, neque sunt amplius capaces beatitudinis, & aliorum bonorum supernaturalium, propter decretum Dei immutabile: ideòque hæc bona non possunt illis exspectari. Intelligere perfectè & efficaciter: quia Dæmones, & damnati, simpliciter diligere nequeunt amore perfectò Charitatis: licet imperfectò modo possit Charitas versari circa illos per voluntates & desideria imperfecta: ut rectè notat Suarez disp. 1. de Charitate Sect. 1. num. 4. Enim vero esset contra Charitatem, quæ iustitiam Dei amplectitur & amat, velle damnatis efficaciter beatitudinem, à qua per iustum Dei decretum fuerunt in perpetuum exclusi: aut nolle illis efficaciter damnationem, cui sunt iustissime addicti. At non dolere inefficaciter, quòd tam nobiles substantiæ in tantam infelicitatem inciderint, & optare ut oppositum euenisset.

33.
Inimici
quatenus
diligendi?

Addit S. Thomas att. 8. & 9. inimicos non tantum posse, sed etiam debere ex Charitate diligere in articulo necessitatis: tuncque posse omnino excludi à Charitate per propositum non diligendi, aut à communibus signis, & effectibus externis dilectionis: cuiusmodi sunt suffragia, & orationes pro omnibus fidelibus viuis, & defunctis, beneficium collatum communitati, elemosyna publica, & similia; quia id esset argumentum odij, & vindictæ. Non esse tamen necessarium extra articulum alicuius necessitatis exhibere illis particularia signa, &

effectus dilectionis. Cuiusmodi sunt conuiuari, colloqui, emere, vendere, salutare, & similia officia particularia; quæ non magis debemus inimicis, quàm alijs. Non tenemur autem cum quolibet homine conuiuari, loqui, &c. Ergo neque cum inimicis, nisi aliqua necessitas id exigat: ut si scandalum vitandum sit, vel si inimicus indigeat. Sed hæc, quia non pertinent ad explicandam naturam obiecti, sed potius obligationem præcepti Charitatis, in disputationem de præceptis reijcienda sunt.

Superest hic difficultas: quia cum multa obiecta materialia pertinent ad eandem virtutem, debent omnia conuenire in aliqua vna ratione formali, à qua virtus sumat speciem, & vnitatem suam. Atqui non est aliqua ratio formalis, in qua vnà prædicta omnia Charitatis obiecta materialia conueniant. Ergo, &c. Respondeo omnia obiecta materialia Charitatis conuenire in ratione boni per se amabilis amore amicitie, quod bonum propter se amatur; & propter ipsum reliqua, tanquam ipsius bona, vel mala, sub affectum amoris, vel odij Charitatis cadunt. Cæterum virtutes sunt quidem id quod sunt in ordine ad obiectum: sed non sumunt speciem suam; & vnitatem ab obiecto formaliter, verum ex seipsis formaliter sunt id quod sunt: & virtutes supernaturales sunt potentie quædam infusæ, quæ vnà simplici entitate valere possunt ad multa diuersa, sicut potentie naturales valent ad plurima: ut intellectus ad omnia intelligibilia: & voluntas ad omnia volibilia. Neque habent opus vna aliqua ratione communi vniuoca, sub qua tendant.

34.
Quæ sit
ratio formalis
obiecti Charitatis?

SECTIO IV.

De ordine inter obiecta Charitatis: & primò, quomodo teneamur diligere Deum super omnia?

DVplex est ordo inter obiecta Charitatis. 35.
Vnus est inter materiale, & formale; in eo consistens, quòd voluntas feratur in materiale propter formale, atque ita prius ratione, vel naturà in formale; quàm in materiale, quippe quod est ratio, vel causa volendi materiale. Prius, inquam, prioritate à quo, siue ex parte obiectorum; quorum vnum cadit sub voluntatem dependenter ab altero, & ratione illius. Est enim obiectum materiale, id quod appetitur ratione alterius: formale verò est id, quod propter se, & ratione sui appetitur, quatenus tale est. In omni autem actu, quo vnum appetitur propter aliud, necessarium est aliquid; quod per se appetatur, & terminet voluntatem, ne abeat in infinitum. Porro id, ratione cuius appetitur aliud, dupliciter se habere potest respectu illius: nimirum vel vt forma, vel vt finis. Prioris exemplum est, quando amatur aliquid vt Sanctum, & Deo gratum: Sanctitas enim & gratia est forma, propter quam appetitur quod alioquin per se non appeteretur. Posterioris exemplum est, cum quis appetit aliquid propter aliud consequendum, vt martirium propter vitam æternam.

35.
Ordo inter
materiale, &
formale.

16. Alius ordo est inter obiecta particularia non constituenta vnum obiectum per modum materialis, & formalis, sed pertinentia ad vnum vniuersale continens multa particularia obiecta materialia, vel formalia. Et hic ordo iterum duplex est. Vnus excellentiæ, & dignitatis: alter obligationis, & necessitatis. Priori modo

Duplex ille est: necessitatis, & dignitatis.

Charitas prius Deum respicit, quàm creaturas: & ex creaturis, prius eas, quæ sunt maiores, & amabiliiores, consideratas simpliciter vt tales, & secundum gradus amabilitatis, quæ vnicuique illarum inest. Posteriori modo Charitas prius respicit ea, quorum affectus magis necessarius est, & quibus alia cedere debent in affectu, vel effectu: quando varia obiecta ita concurrunt, vt quidam actus, alioqui conuenientes circa illa, non se compatiuntur, sed vnus debeat preferri alteri. Exemplum est, quando parentes sunt iuuandi, simulque alius quispiam: vel quando concurrunt duo, quorum vnus iuuandus sit ad salutem æternam, alius ad temporalem.

Non est autem idem, ordo dignitatis, & necessitatis. Nam interdum id quod per se dignius est, cedit minus digno, quoad actus, qui circa illa exerceri possunt. Exempli gratia, quando concurrunt proximus in graui necessitate iuuandus, & Deus opere supererogationis honorandus, vel in altissima, & quietissima contemplatione intensè amandus. Vnde Matth. 23. v. 5. Christus eos reprehendit, qui parentes rebus necessarijs fraudabant, vt eas Deo offerrent. Nimirum quia, licet per se loquendo dignius, & nobilius sit offerre Deo, quàm dare hominibus: istud tamen erat magis necessarium. Et cap. 12. v. 7. *Misericordiam*, inquit, *volo, & non sacrificium*. Licet sacrificium, quod est actus præstantissimus Religionis, nobilius sit, quàm opus misericordiæ, putà elemosynæ.

De hoc posteriori ordine sermo est in præsentis quæst. Vbi de ordine seruando in dilectione Dei, nostri, & proximi disputamus, vt explicemus doctrinam D. Thomæ totà quæst. 26. Prius verò notandum est tripliciter posse

Triplex potest amari vnum plus alio.

amari vnum plus quàm aliud. Primò obiectiue: optando illi maius bonum, quàm alteri. Secundò appetitiue: præferendo illud alijs: ita vt, si opus esset hoc, aut illa perdere; vnius affectus simus parati cætera potius, quàm illud illud deserre. Tertiò intensiue, id est, maiori seruire, & vehementiâ voluntatis, seu maiori graduum intensiōnis latitudine. Rectè autem aduertit Agid. Con. disp. 25. dub. 1. n. 9. amorem intensiue maiorem non includere necessariò comparationem prælationis inter ea, quorum vnum plus altero amatur: secus autem amorem appetitiue maiorem. Nam vt animum intensius Petrum, quàm Paulum; non est necessarium, vt Petrum illi præferam: imò possum minoris facere eum, quem diligo maiori intensiōne, & teneritudine affectus. Secus autem si magis amo appetitiue. Nam hic amor consistit essentialiter in comparatione tacita, vel expressa, obiectorum, quorum vnum plus alio sit. Tacitâ, inquam, vel expressâ: quia

Amor appetitiue maior est comparatiuus.

dupliciter fieri potest illa comparatio: expressè videlicet, & formaliter; aut tacitè, & virtualiter. Potest enim Deus v. g. magis amari appetitiue, quàm creaturæ, primò expressè illum comparando cum creaturis, vel sigillatim enumeratis, vt Paulus faciebat Rom. 8. v. 38. cùm diceret: *Quis nos separabit à Charitate Dei? Tribulatio, an angustia, an fames, &c. Certus sum quia neque mors, neque vita, neque Angeli, neque Principatus, &c. neque creatura alia poterit nos separare à Charitate Dei*: Vel Deum præferendo expressè omnibus rebus alijs confusè tantum conceptis: proponendo v. g. omnia potius perdere, quàm Deum grauius offendere, de nullo tamen alio cogitando in particulari: vel formando serium, & efficacem propositum placendi Deo in omnibus, aut abstinendi ab omnibus illi displicentibus, præcipueque à peccatis mortalibus; aut illa omnia detestando, quia Deo displicent. Secundò, implicite tantum & virtualiter, amando scilicet Deum propter se, sine vlla expressa comparatione cum creaturis: & tamen beneuolentiæ affectu, ex quo sequeretur propositum placendi Deo in omnibus, & vitandi omne peccatum mortale, & quidvis aliud potius amittendi, quàm Deum, si de illo proposito formando cogitatio occurreret.

His præmissis, Dico primò, Deum super omnia obiectiue, & appetitiue amandum esse, etiam super nos ipsos: & officia erga ipsum necessaria cæteris omnibus anteponi debere. Prima pars assertionis, quòd Deus sit amandus super omnia obiectiue, probatur, quia magis amare aliquem obiectiue nihil est aliud, quàm maius bonum illi optare. Atqui Deo maius bonum optandum est, quàm cæteris omnibus. Cùm enim ipse solus sit summum bonum, cui potest conuenire perfectio simpliciter, & in omni genere infinita: hæc illi soli serio, & conuenienter expeti potest. Neque solum potest, verùm etiam debet: quia Deus, vt Deus, id est, secundum suam futuram, & infinitam perfectionem amandus est, scilicet vt talem amari præcipit, cùm absolute, & sine vlla exceptione ait, *Diligas Dominum Deum tuum ex toto corde tuo, &c.* Deuter. 6. & Matth. 22.

29. Deus est amandus super omnia obiectiue.

Secunda pars, quòd sit amandus etiam super omnia appetitiue, probatur, quia Deus cæteris omnibus præferendus est: non solum ijs, quæ ipsius voluntati, & amicitie aduersantur: sed simpliciter, & absolute rebus omnibus ab eo distinctis: neque enim licetè possumus aliquid æqualiter cum Deo appetitiue amare, & tanti facere, atque ipsum Deum. Estque planè necessarium, vt vi affectus, quo Deum propter se diligimus, parati simus cætera omnia deserre potius, quàm illum; nosque ipsos potius, & quæcunque Charissimam perdere iuxta illud Christi, Luc. 14. v. 26. *Qui non odit patrem suum, & matrem, & uxorem, & filios, & fratres, & sorores, adhuc autem non animam suam* (quando scilicet id necessarium est ne Deum desceramus) *non potest meus esse Discipulus*. Confirmatur ex præcedenti parte conclusionis: quia Deus,

30. Aique etiam appetitiue.

388 Disput. XVIII. de Charitate, Sect. IV.

vt Deus, est infinitè maior cæteris rebus omnibus. Atqui tenemur eum diligere vt Deum. Ergo vti maiorem infinitè cæteris omnibus, ac proinde magis appetitiuè.

31.
Etiam
supra nos
iplos.
Quod est
iuxta natu-
ralem
inclinati-
onem
volunta-
tis.

Tertia pars, quod sit amandus etiam supra nos ipsos, patet ex iam dictis. Dubitari verò solet, vtrum hic ordo magis amandi Deum, quam nos ipsos, sit consentaneus inclinationi naturali voluntatis. Respondet affirmatiuè cum D. Thoma q. 26. art. 3. Ratio est, quia voluntas, quæ est appetitus rationalis, naturaliter inclinatur, quæ talis, ad id, quod recta ratio naturalis dicitur, & præcipit. Sed recta ratio naturalis dicitur, & præcipit Deum esse amandum super omnia, etiam supra nos ipsos, tam obiectiue, quam appetitiuè. Ergo, &c. Maior patet, quia naturale est homini, quæ homo est, viuere secundum rectam rationem; & omne peccatum legi naturali oppositum, est contra naturam hominis proptè rationalis est. Minor verò probatur, quia præceptum amandi Deum super omnia, tam obiectiue, quam appetitiuè, est naturale, vt ostendimus inferius. Ergo recta ratio naturalis dicitur, & præcipit Deum esse tali modo amandum. Ergo illud est conforme inclinationi hominis saltem supremæ, quæ rationalis est. Confirmatur, quia suprema illa inclinatio naturæ rationalis non est vitiosa; alioqui peccatum esset sequi supremam, & potissimam inclinationem nostram; quod absurdum est; sed potius est recta, & bene ordinata; proptè decet naturam bene institutam à Deo. Atqui vitiosa esset, & inordinata, nisi Deum magis amaret obiectiue, & appetitiuè, quam quilibet aliud. Est enim inordinatum aliquid aliud Deo æquare, aut præferre. Confirmatur secundò, quia quilibet res fertur naturaliter præcipua inclinatione in suum finem vltimum: Deus autem est finis vltimus naturæ rationalis.

32.
Occurritur
obiec-
tioni.

Nec obest quòd, vt experientia docet, nisi auxilium gratiæ speciali adiuuemur, vehementius inclinamur in amorem nostri, quam in amorem Dei; vnde nascitur difficultas sincere amandi Deum in omnibus, & nostris omnibus commodis præferendi. Primò enim, aliud est amare vehementius, siue intensius; & aliud, amare magis obiectiue, aut appetitiuè. Deinde, illud oritur ex inferiori, & animali inclinatione hominis, quæ ad se, suæque comoda magis propensa est: non autem ex inclinatione suprema voluntatis, quæ rationalis est, id est, rectæ rationi conformis, & animalem corrigit, atque illi in multis aduersatur: vnde illa pugna interior inter legem membrorum, & legem mentis, vt loquitur Apostolus Rom. 7.

33.
Officia
erga Deum
cæteris
præferenda
sunt.

Quarta pars conclusionis, quòd officia erga Deum necessaria cæteris omnibus anteposenda sint, ita vt quisque malit non offendere Deum, quam sibi vel alijs bona quæcunque procurare, probatur, quia Deus tam est amabilis, & tam dignus amore, ac honore; vt quodvis malum sit potius ferendum, quam in iustam, veramque ipsius offensionem incuratur. Tantæque est turpido huius mali, vt quocunque alio malo sit maior, nec vllò bono compensari queat. Vnde Paulus ad Rom. 3. declarat non

esse faciendum vllum malum, vt eueniat bonum. Notandum tamen, interdu id, quod esset necessarium per se, desinere esse tale propter aliud occurrens, & magis vrgens: vt quando propter opus misericordiarum, quod Deo gratius sit hic & nunc, relinquatur opus Religionis, alioqui necessarium. Puta, quando relinquatur sacrum die festo, vt iuuetur ægrotus in necessitate.

Dico secundò, convenientius quidem, & melius esse, non tamen necessarium ex præcepto naturali, aut positivo, amare Deum intensiue super omnia, id est, maiori intentione & seruire, quam quidvis aliud. Hæc assertio est contra Petrum à Soto lect. 14. de Pœnit. in fine, & lect. 15. §. Ceterum: Vbi docet ad actum veræ Charitatis necessariò requiri, vt nihil aliud amemus tam intrensè, quam Deum. Est etiam contra Adrianum in 4. q. 2. de Pœnit. & Quodl. 5. a. 3. affirmantem necessarium esse ad actum contritionis, vt doleamus de peccatis propter Deum; quantum intensè possumus; & consequenter ad actum dilectionis necessarium esse, vt ametur Deus quantà potest intentione à vobis amari. Nobiscum verò sentiunt Ioan. Med. Cod. de Pœnit. tract. 1. q. 5. Dom. Soto in 4. dist. 17. q. 2. art. 4. Vega lib. 17. in Trident. cap. 24. Henric. lib. 4. de Sacram. cap. 27. num. 2. Valenz. quest. 4. de Charit. punct. 1. Suarez disp. 1. de Charit. Sect. 4. num. 10. & Agid. Con. disp. 25. dub. 1. num. 14. Quibus adde D. Thomam in 4. dist. 17. quest. 1. art. 3. ad 4. vbi docet hominem bene dispositum erga Deum horrere aliquando pœnam vehementius, quam culpam (quod prouenit ex amore magis intenso sui ipsius) & tamen malle pœnam subire, quam committere culpam; quod arguit maiorem Dei amorem appetitiuè. Ratio eiusdem conclusionis est, quia non est per se malum; sed potius rectum, & honestum, vt non tantum Deus, verum etiam proximus tota intentione Charitatis ametur, sicut amari à Beatis credibile est. Eademque Charitas habitualis se tota inclinat ad verumque amandum, & quò intensius amat, eò perfectius operatur, cæteris paribus. Aliunde verò nullum ostenditur esse præceptum, quale prætendunt aduersarij, vt patet respondendo eorum argumentis: Et præcepta, sicut & quævis alia onera moralia, non sunt leuiter, & sine sufficienti ratione suscipienda: præsertim istud, ex quo magna sequeretur perplexitas. Nam cum nobis certò constare nequeat an vnus actus sit intensior alio, sequeretur hominem magnis vexari scrupulis, fere semper dubitando an actus sit sufficienter intensus, & an aliquid aliud æquè intensè dilexerit. Hoc autem non est conforme bonitati diuinæ, cuius iugum suauè est, & onus leue. Multoque maior esset perplexitas, & difficultas, si teneremur amare Deum tota intentione voluntatis, & quantum possumus, vel absolute, vel respectiue ad auxilia gratiæ oblata: quam intentionem vix vllus attingit, præter Christum, & Beatam Virginem. Deinde, ex sententia Petri Sori sequeretur eum, qui aliquid amauit intensè vt centum, & iam Deum amat intensè vt nona-

34.
Deus non
est neces-
sariò
amandus
intensiue
super
omnia.

Probat
Ratiap.

ginta, non exercere actum veræ Charitatis: secus verò illum, qui amat tantum vt quatuor, & nihil aliud hucvique tanta intensione amavit. Hoc autem meritò absurdum videtur. Ex quo etiam sequeretur è duobus parem actum contritionis, & dilectionis habentibus, vnum iustificari, alterum non: & multis nociturum quòd antea intensè operati essent. Atqui Deus in Scriptura cuiusque diligenti, & contrito, seu dolenti de peccatis propter ipsum, promittit veniam, & reconciliationem, nec vsquam talem differentiam tradit. Eademque incommoda sequuntur ex sententia Adriani, intellecta de contritione summa respectuè ad auxilium gratiæ, id est, quanta potest cum illo elici. Sequeretur enim non iustificari per contritionem intensam vt decem, eum, qui praeuenitur ad illam eliciendam auxilio gratiæ vt duodecim. Et è contrario, iustificari per contritionem intensam vt duo, eum, qui praeuenitur auxilio tantum intensio vt duo.

36. Quomodo amandus ex toto corde.

• Obijcies primò, Deum præcipere, vt eum amemus ex toto corde, & ex totis viribus, Deuter. 6. & Matth. 22. Non amatur autem ex toto corde, vel ex totis viribus animæ, nisi ametur quanta intensione possumus cum auxilijs gratiæ, quæ habemus, vel nisi ametur intensiùs, quam quilibet aliud. Respondeo, sensum illius præcepti esse, quòd non debemus habere mentem diuisam ad aliquid aliud Deo repugnans, sed ita illum diligere, vt nihil amemus eius amori contrarium; paratque simus totum cor, viresque omnes, & totam animam, vitæque nostram impendere in eius obsequium; potiusque omnia perdere, si opus esset, quam ipsum. Iuxta illud D. Augustini lib. 1. de Doct. Christi. cap. 22. *Cum ait, toto corde, tota anima, tota mente, nullam partem nostræ partem relinquit, quæ vacare debeat, & quasi locum dare; vt alià re velit frui; sed quicquid aliud diligendum venerit in animum, illuc rapiatur, quòd totius dilectionis impetus currit.*

36.

Obijcies secundò: Non potest quicquam aliud diligere ex Charitate, nisi propter Deum. Ergo non potest quicquam aliud amari ex Charitate intensiùs, quam Deus. Non potest, inquam, non modo iure, & licitè; sed ne quidem de facto: quia impossibile est amari aliquid intensiùs, quam motium, propter quod solum amatur. Respondent aliqui concedendo antecedens, & negando consequentiam: putant enim voluntatem instructam habitu Charitatis, vel auxilio æquivalente, posse pro sua libertate amare intensiùs proximum; quam Deum, etiam illo actu, quo proximum non amat, nisi propter Deum. Sed alij melius censent hoc esse impossibile, quia non potest attingi obiectum materiale sine formali, quod est illi tota ratio cognoscendi, vel amandi, vt ostendimus disp. 1. Sect. 9. Ergo quilibet gradus intensiōis actus amoris, quo diligitur proximus propter Deum dumtaxat, attingit indiuisibiliter ipsum Deum. Ergo quanta intensione diligitur proximus propter Deum, tanta diligitur ipse Deus. Ergo proximus non amatur intensiùs, id est, maiori gradu intensi-

Qui potest Charitatem amare aliquid intensiùs, quam Deum?

sione, quam Deus: Siquidem tota intensio actus vtrumque attingit indiuisibiliter, & quidem principalis Deum, tanquam motiuum amandi proximum. Confirmatur, quia effectus non potest esse perfectior sua causa adæquata. Et quæadmodum intellectus non potest clariùs, & firmiùs assentiri conclusioni, quam præmissis, per quas solas illum cognoscimus, & propter quas dumtaxat illi assentimur: ita fieri nequit, vt voluntas intensiùs amet obiectum materiale, quam motiuum formale, propter quod solum illi adhæret per affectum: tam enim motiuum integrum amarit est sola, & adæquata causa amoris, quam motiuum integrum cognoscendi est adæquata causa assensus. Quare admissio consequente obiectionis propozita, negandum est antecedens. Ostendimus enim Sect. 1. & 2. proximum posse ex Charitate amari, etiam propter seipsum, vero amore amicitie. In quo affectu non repugnat amari proximum intensiùs alio affectu, quo Deum diligimus propter se, aut quo amamus eundem proximum propter Deum. Plura de hac difficultate videri possunt apud Aegid. Coninck disp. 5. dub. 2. Vbi nobiscum sentit, & alia ratione id probat, sed, vt puto, minus efficaci. Frustra verò obijcit secundam rationem à nobis allatam nimis probare, quia ex ea sequeretur nos non posse amare proximum tam intensè, quam Deum: sicut non possumus tam perfectè assentiri conclusioni propter præmissas, quam ipsis præmissis. Respondeo enim nos quidem non tam perfectè assentiri conclusioni, quam præmissis, quoad priditatem, & independentiam; secus autem quoad intentionem, & firmitatem: tam enim intensè & firmiter, ac certò, aut euidenter assentimur conclusioni, quam præmissis, quarum veritatem stare non posse videmus sine veritate conclusionis.

SECTIO V.

An, & quomodo in bonis spiritualibus teneamur nos ipsos magis diligere, quam proximum?

Prima conclusio: Non tenemur ex Charitate diligere magis intensè bonum nostrum spirituale, quam proximi: sed possumus laudabiliter illud æquè intensè diligere: Patet ex dictis paulò ante. Si enim licet proximum diligere æquè intensè, ac Deum: multò magis æquè, ac nos ipsos. Talis videtur fuisse Pauli affectus cùm diceret Rom. 9. *Optabam ego ipse anathema esse pro fratribus meis, &c.* vbi maiorem etiam erga illos, quam erga se, affectum præsertit. Et 1. Corinth. 12. *Qui infirmatur, & ego non infirmor? Qui scandalizatur, & ego non tror?* Et 1. Corinth. 9. v. 19. & sequentibus, ait se omnibus omnia factum esse: quasi Iudæum Iudæis, & tanquam Gentilem Gentilibus: sèque in ipsos quodammodo transformasse, vt omnes faceret saluos. Et Philip. 1. v. 8. *Testis enim mihi est Deus quomodo cupiam omnes vos in viscera mea lesu*

37. Non tenemur amare intensius bonum nostrum spirituale, quam proximi.

Christi : quæ verba valde eximium, & perquam internum affectum erga illos significant.

Secunda conclusio : Non tenetur ex Charitate amare magis obiectum bonum nostrum spirituale, quam proximi, id est, maiora nobis quam illi spiritualia bona desiderare, generatim loquendo : sed possumus honestè parem, aut maiorem illi gratiæ, aut gloriæ gradum, & alia bona spiritualia æqualia, vel ampliora optare. Ita docet Lorea 2. 2. Sect. 3. disp. 28. num. 2. & probatur primò Scripturæ testimonijs, & exemplo Sanctorum : *Qui tribuat, ut omnis populus prophetet, & det ei Dominus spiritum suum* : aiebat Moyses ministro suo Iosue, nuntiandi alios Prophetare, sicut Moysen ; Numer. 11. v. 19. Et Paulus ad Agrippam Regem, Act. 16. v. 19. *Opto apud Deum, & in modo, & in magno, non tantum te, sed etiam omnes, qui audiunt, hodie fieri tales, qualis ego sum, exceptis vinculis hic*. Probatur secundo ratione manifesta. Est enim honestum, & laudabile, optare vt alij æquè perfectè, ac nos ipsi, in Deum credant, eumque diligant : & gaudere quòd ab Angelis, vel à Sanctis perfectioribus, atque à Beatis omnibus, tanta Charitate ametur. Quòdque Beata Virgo, & Apostoli tam eximium gratiæ, & gloriæ gradum supra nos consequuti sint : quòd denique Christus, & mater eius Sanctissima, ad tantum Sanctitatis gradum, & spiritualium bonorum abundantiam euecti sint, vt nullus alius sit ad illam peruenturus, neque secundum potentiam, & legem ordinariam peruenire possit. Cùm etiam Deus antecedenti voluntate efficaci, vel inefficaci, maiorem gloriam vñis, quam alijs destinauerit, & ad illam consequendam plura, & maiora his, quam illis auxilia gratiæ destinauerit ; potest quisque laudabiliter desiderare, vt voluntas illa æquissima, & Dei beneficium impleatur.

Contrarium sentiunt Dom. Sot. lib. 5. de Iust. q. 1. art. 6. Valent. quæst. 4. de Charit. p. 3. & Ægid. Con. disp. 25. dub. 5. num. 53. vbi affirmat contra Charitatem esse, ob quemcunque finem velle sibi maiorem Sanctitatem, vel eandem sibi minus velle, quam ipsi proximo. Probat primò, quia Charitas inclinat semper suum subiectum, vt omnibus modis optet magis placere Deo, eumque magis amare ; quod fit per maiorem Sanctitatem, siue Charitatem. Secundò, quia velle sibi maiorem Sanctitatem non potest esse vile ad vllum finem bonum. Tertio, quia contra ordinem Charitatis est eligere id, quod minus Deo placet. Qui autem optat sibi maiorem Sanctitatem, eligit id quod minus Deo placet. Probatur maior, quia Charitas nos semper excitat, vt queramus ea quæ magis Deo placent. Quartò, vnicuique incumbit maior cura sui, quam aliorum. Quare magis obligatur promouere Dei gloriam in se, quam in alijs : sicut superior tenetur magis curare perfectionem suorum subditorum, quam aliorum. Ergo Charitas magis inclinat vt procurem meam salutem, quam aliorum, quia semper magis me inclinat ad id, ad quod magis obligor.

Ad primum respondeo primò, non teneri

nos ad id omne, ad quod Charitas inclinat. Soluendo. Secundò, Charitatem quidem inclinare nos, vt magis, ac magis studeamus Deo placere, & in eius amore semper proficere : Sed non vt maiorem nobis Sanctitatem optemus, quam Beata Virgini, vel Apostolis. Ad secundum respondeo, posse illud esse vile, vt nos diuino beneplacito conformemur, qui vult antecederet maiorem Sanctitatem quibuscumque alijs, quam nobis. Est etiam vile ad Dei gloriam, cùm nos remissè, & imperfectè Deum amemus, optare vt alij multo perfectius eum diligant, & gaudere quòd à Beatis, & à Sanctis excellentioribus tam perfectè ametur. Ad tertium respondeo, eam, qui sibi maiorem Sanctitatem optat, quam alteri qui ad maiorem fuit antecederet à Deo destinatus, putà Beatæ Virgini, vel Apostolis ; non optare id quod minus Deo placet : nam Dei beneplacitum antecedens est, vt ille maiori gloria potiatur. Ad quartum respondeo, vnumquemque debere quidem in necessitatibus spiritualibus prouidere sibi potius, quam alijs : & subditis suis potius, quam alienis. Non tenetur tamen facere quiddam potest ad Dei gloriam iuste promouendam ; vel optare, vt nullus alius magis eam promoueat, vel vt aliunde non magis in alijs, quam in se vno promoueat.

Tertia conclusio : Tenetur quisque ex Charitate seipsum appreciativè ira præ alijs diligere, vt nullum malum culpæ velit committere, ad vitandum quodcumque alterius peccatum, aut procurandum quatuorcumque bonum aliorum, ac ne quidem salutem totius vniuersi. Probatur primò ex Apostolo, Rom. 3. vbi blasphemix damnat eos, qui dicunt *Faciamus mala, vt eueniant bona* : significat illud absolute, & vniuersaliter esse illicitum & malum. Charitas autem inclinat, & obligat ad vitandum quidquid illicitum est, quia Deo displicet. Ergo inclinat, & obligat ad nullum malum faciendum propter quodcumque aliorum bonum, aut propter malum alterius vitandum. Probatur secundo, quia quocumque bono sine peccato fiat, est illicitum eo ipso, quòd est peccatum : neque enim tollitur eius malitia intrinseca per ordinem ad bonum finem extrinsecum. Ergo quicunque illud facit, quamvis ex bono fine ; malè facit, & Deo displicet. Ergo tenetur ex Charitate ab illo abstinere. Neque obijcias, è duobus malis posse laudabiliter eligi quod minus est, iuxta Regulam Cap. *Duo sunt*, dist. 13. idèque peccatum proprium leue posse laudabiliter eligi præ alieno graui. Respondeo enim Regulam illam esse intelligendam quando è duobus malis vnum necessariò subeundum est, eò quòd ambo non possunt omnino vitari, vt sæpe contingit in malis non culpabilibus : Et in ipsis malis culpæ aliquando contingit, eum scilicet quis ex conscientia perplexa iudicat se peccare, quiddam faciat : tunc enim potest laudabiliter eligere id, in quo minus peccatum esse putat. Posset etiam ex conscientia erronea contingere, vt quis existimet melius sibi esse peccatum aliquod veniale, committere, quam pati vt alius grauius peccet. Nos autem huc loquimur non de

38.
Neque
magis
obiectu.

39.
Contra-
ria sen-
tentia.

40.
Charitas
obligat
vt pecca-
tum vite-
mus prius
omni-
bus.

eo quod esse potest ex conscientia erronea; sed de eo quod vera, & recta ratio, prudensque ordo Charitatis requirit: secundum quem non potest quisquam licite peccare vel leuiter, vt alter à grauiori peccato absteineat; quod liberè committit, & quod potest vitare, si velit.

41. Interdum aliquid de illicito fit licitū, aut etiam necessarium.

Notandum autem est primò, aliquando contingere vt id, quod aliqui malum esset, designat esse tale adueniente aliqua circumstantia: imò etiam fieri necessarium moraliter, atque idcirco Charitas ad illud obliget; quippe quæ obligat ad id omne, quod aliunde facere tenemur ex præcepto, & in cuius omissione peccatum esset. Ex. g. Malum est innocentem occidere sine causa; sed si Deus det ius in eius vitam, & præcipiat occidere, sicut Abrahæ; necessarium est Deo obedire. Malum est rapere bona alterius sine necessitate ad id cogente; sed si proximus sit in extrema necessitate, & non possit illi aliter succurrere, potest licite accipere. Nota secundò, Quando occurrunt

42. Maior obligatio præcedit minorem.

dux obligationes inæquales, Charitatem semper obligare magis ad illam, quæ, omnibus pensatis, maior est, & alteri derogat: quia peccaretur illam omitendo. Ex. gr. si occurrat simul necessitas audiendi sacrum die festo, & iuuandi proximum in extrema necessitate: hæc posterior obligatio debet alteri præferri. Nota tertio, aliud esse peccatum; & aliud, peccandi periculum. Nam istud non tenemur semper vitare: imò aliquando Charitas obligat, vt illud subeamus cum fiducia diuini auxilij ad resistendum, quando salus proximi, aut necessitas spiritualis id exigit: imò etiam propter commodam temporalis: nam ex. c. ad alendam familiam possunt suscipi, & exerceri officia quædam mercaturæ, militiæ, & similia, in quibus sunt frequentia, pericula peccandi. Et propter temporalem necessitatem parentum potest Religiosus obligari vt redeat ad vitam secularem, in qua maiores sunt occasiones peccandi.

43. Debet quisque salutem suam præferre alienæ.

Quarta conclusio: Tenetur quilibet in spiritualibus necessitatibus sibi potius providere, quam alijs: & propriam salutem aliorum quorumvis saluti anteponeere, atque ita magis appetitiuè eam sibi optare; & si necessarium sit, malle alios, quam seipsum, à salute excidere, vel à gratia Dei. Ita D. Thom. quæst. 26. a. 4. Interpretes ibidem, & Scholastici cum Magistro in 3. dist. 29. Id etiam Christus insinuat Matth. 16. v. 26. cum dixit. *Quid prodest homini, si vniuersum mundum lucretur, anima verò sua detrimentum patitur?* Ratio D. Thomæ art. cit. est, quia vnitas, & identitas maior est, quam vnio moralis, & consociatio. Amor autem, quo volumus alijs salutem, & beatitudinem, fundatur in vnione, & consociatione, secundum quam sunt nobiscum participes boni supernaturalis à Deo consequendi. Amor verò salutis nostræ, ac beatitudinis, fundatur in identitate. Ergo illius maior debet esse vis, & obligatio. Cuius, inquit, rei signum est, quod homo non debet subire aliquod malum peccati, quod contrariatur participationi beatitudinis, vt proximum liberet à peccato. Verum quia hæc ratio, nisi aliud addatur ad illius explicationem, probaret

hominem teneri quoque in temporalibus necessitatibus seipsum cuiuslibet alteri præferre, etiam communitati, quod falsum esse dicemus paulò post: existimo rationem adæquatam assertionis proposuit sumendam esse partim ex identitate eiusdem ad seipsum; partim etiam ex honorum supernaturalium præstantia, momentoque salutis, vel damnationis æternæ, cui nihil aliud æquiparandum est, & cui vnusquisque debet prospicere, quantum est necessarium, potius quam cuiusquam alterius necessitati. Dixi autem, in bonis spiritualibus necessarijs: quia in alijs non puro Charitatem obligare, vt semper nos ipsos magis diligamus appetitiuè, quam proximum, vt dicemus conclusione sequenti.

Obijcies primò, bonum commune præferendum esse priuato in eodem ordine, vt totum parti: quemadmodum patet in bonis temporalibus. Ergo salus multorum præferenda est saluti propriæ. Secundò, Charitas magis diligit id, quod magis cedit ad gloriam Dei. Salus autem plurimorum magis ad illam cedit, quam mea salus propria: Ergo, &c. Tertio, Moyses Exod. 32. & Paulus Rom. 9. optarunt à Deo separari pro salute fratrum: Ergo potest salus aliena præferri propriæ.

Ad hæc respondeo, bonum commune non esse præferendum priuato, cum tanto priuati incommodo, quantum est malum propriæ damnationis æternæ. Similiterque Charitas non magis diligit, quicquid magis cedit ad gloriam Dei, cum tanto diligentius incommodo: neque tale bonum, tanto malo admixtum, est conuenienter diligibile. Illud autem axioma, *Charitas magis diligit quod magis cedit ad gloriam Dei*, intelligendum est, si nihil aliud obstat, aut per se loquendo: nam aliunde, aut per accidens, fieri potest minus diligibile, vel non simpliciter diligibile respectu huius, aut illius, in his, aut illis circumstantijs. Denique Moyses, & Paulus non optarunt simpliciter à Deo separari: sed Moyses vsus quadam erga Deum confidentia, immiscuit se causæ populi, quem Deum volebat delere, petijtque vt Deus aut ipsum cum populo perderet, quod sciebat non futurum; aut vtroque conseruaret. Vt si filius Regis, videns patrem iratum alicui multitudini rebellanti, & paratum immittere milites ad eius interfecionem; ei se immisceret, & ad patrem clamaret, vt ei parceret, aut se cum illa interficeret, quod sciret patrem non facturum: Ita post D. Augustinum Agidius Con. disp. 25. dub. 5. num. 52. Paulus verò habuit tantummodo desiderium conditionatum, si per impossibile posset sine peccato separari à Christo, & id esse medium conueniens ad salutem Iudeorum.

Quinta conclusio: Non tenemur ex Charitate nos semper alijs præferre in bonis spiritualibus non necessarijs, illaque nobis magis amare appetitiuè. Ita Dom. Bannez ad quæst. 25. art. 4. concl. 2. vbi docet posse hominem absque peccato pæi aliquod detrimentum in profectu spirituali, propter commodum proximi, etiam temporale. Quia, inquit, non tenemur ex præcepto crescere semper in Charitate.

45.

Satisfit argumentis contrarijs.

Quomodo Moyses & Paulus optarunt deleri de libro vite, & Anasethema esse pro fratribus?

44. Non tenemur nos præferre alijs in spiritualibus non necessarijs.

tate, illamque augere quantum possumus. Ergo si quis omittat aliquando illam augere, pa-
nariurque detrimentum illius profectus, pro-
pter commodum proximi, non peccat. Idem
etiam docet Agid. Con. Dipl. 25, dub. 3, num.
74. Quia, inquit, non tenemur sui peccato
posuissse velle maiorem nostram perfectionem :
& consequenter non tenemur postponere
maiores proximi perfectionem nostram. Confi-
rmatur, quia, vt paulo ante dixi, potest aliquis
obligari ad non continuandum; aut non susci-
piendum statum Religionis, propter necessita-
tem parentum; quamvis in eo statu maiorem
esset perfectionem aliquotiesq; ex natura ip-
sius status, & conditione persone. Multi etiam
debent ex Charitate, vel ratione officij, & sta-
tus sui, incumbere aliorum saluti, vacando eo-
rum regimini spiritali, confessionibus, concio-
nibus; aut etiam temporalibus eorum neces-
sitatibus: tamenq; futurum fit, vt ex eo minis
proficiant sibi ipsis in spiritalibus, quam si
contemplationi, & propriæ tantum saluti, per-
fectionique incumbenter.

Addit Aegid. vbi fuprà, quòd fi magno valde
 exceffu proximi perfectio crederetur magis
 promouenda; quam noſtra retardanda, non
 eſſet improbabile Charitatem tunc poſſe non
 modò permittire, ſed etiam inclinare ad hoc
 opus fuſcipiendum: quatenus ex eo tanta pro-
 motio ſalutis proximi, & conſequeretur maior
 Dei gloria fequeretur, quam videmus honeſtè
 poſſe procurare cum aliquo periculo incom-
 modi noſtri ſpiritualis, ſiue minoris perfectio-
 nis acquirenda. Sed malè negat paulò poſt,
 num. 75. ex hoc conceſſo non ſequi Charita-
 tem inclinare aliquando ad minorem perfe-
 ctionem propriam. Eſt enim manifeſtum quòd
 tunc ad illam inclinet: non quia minor eſt,
 ſed quia maior ſequitur ex illius detrimen-
 to. Malè quoque negat num. 76. Charita-
 tem nunquam ita inclinare, niſi vbi magnus
 eſt exceſſus perfectionis alienæ. Nam cum,
 vt ipſemet, ſæpius affirmat in eodem dubio,
 Charitas per ſe magis inclinet ad illud omne,
 ad quòd magis obligamur: Obligat Prælatum
 v.g. vt etiam cum aliquo ſuz perfectionis de-
 trimento vacet regimini ſubditi, tametiſi non
 multò magis proſecturi: & Parrochum, vt va-
 cet audiendis confeſſionibus penitentium: li-
 cet ab illis fructus non adeo magnus ſperetur.
 Ad illa enim obligatur ex officio. Porro aliud
 eſt inclinatio Charitatis; aliud obligatio. Cha-
 ritas ſemper inclinat ſubiectum ad id quòd ipſum
 facere melius eſt, & Deo gratius, penſatis
 omnibus: ſed non ſemper ad illud obligat.

vix propriæ periculo, atque dispendio. Ita ^{profitis} D. Thomas quæst. 26. arr. §. in c. & ad 3. ali- ^{bono} que communiter ibidem, vel in 3. Sentent. dist. ^{corpore} 27. aut 29. Probatur ex Ioan. 15. v. 12. *Hoc est* ^{li:} *preceptum meum vt diligatis inuicem, sicut dilexistis vos.* Christus autem ita nos dilexit, vt vitam propriam pro salute nostrâ dederit. Et 1. Ioan. 3. v. 16. *In hoc cognouimus Charitatem Dei, quia ille animam suam pro nobis posuit:* & nos debemus pro fratribus animas ponere. Ratio est, quia Caritas exigit, vt, si possumus exiguo nostro damno ingens proximi malum auertere, id faciamus, si proximus est in extrema necessitate, nequa sine opera nostra malum auctori possit. Arquî mors corporalis nostra exiguum damnum est, si comparatur cum malo spiritali proximi, præsertim æternæ damnationis. Ergo, &c. Dixi autem, *si proximus est in extrema necessitate,* & nimirum si opera nostra illi prodesse possit, sitque probabilis spes illum iuuandi. Nam sine spe, frustra, & temerè vira exponeretur. Er exita casum extremæ necessitatis non tenentur homines communiter alijs succurrere cum tanto periculo: exceptis Prælatiis, seu Pastoribus, & Superioribus, qui plus habent obligationis, quam alij; tenenturque non tantùm in extrema; sed & in graui necessitate: Neque possunt, quando necessitas incumbit, renuntiare officio:

Dicitur autem extrema necessitas, quando malum sine opera nostra non potest omnino euadi, aut secundum moralem estimationem impossibile est illud euadere. Ex. gr. si infans sine baptismo moriturus est: si quis existens in peccato mortali est occidendus in fommo, aut in phrenesi, ex quo sequeretur æterna damnatio: aut si desit confessarius, & moribundus propter ignorantiam nesciat per contritionem libi subuenire: fecus autem si id non ignoret. Ideoque tempore pestis non renetur quilibet Sacerdos se exponere, ne peste laborantes moriantur sine confessione. Multo minus tenetur quis exponere se morti, vr alium liberet peccantem, aut in peccato perseverantem impediatur: quia non est in extrema necessitate, cum id liberè faciat. Potest tamen quisque, etiam citra necessitatem extremam: laudabiliter subuenire proximo in periculo salutis constituto, etiam cum viuz periculo, quamvis ad id non teneatur. Qui etiam adus heroica virtutis præferre vitæ propriæ, salutem proximi, & Dei honorem, qui per eius peccatum, ac fortè damnationem, grauius est lædendus. Imò si vitæ periculum est leue, debet contenti ob grauem necessitatem spiritualem proximi. Multoque magis postponendum illi est incommodum aliquod, aut damnum temporale non adeo graue. Si quis tamen communiter placè necessitatis esset, ita vt multum salus ab eo penderet, non posset is, ne quidem in extrema necessitate, pio salute vnus se prudenter exponere: quia vr vnus seruauer, multos perderet. Maius autem malum minor præferendum est. Quare quod diximus in conclusione intelligendum est per se loquendo, comparando salutem proximi cum vitæ propria, non autem salutem vnus cum salute multorum. Plura hæc

SECTIO VI.

*Utrum in bonis temporalibus teneamur nos
magis diligere, quàm alios: & inter
illos quinam sint preferendi?*

Salutem. **P**rima Conclusio : Tenetur quisque magis diligere salutem proximi, quam proprium bonum corporale. Vnde existenti in extrema necessitate spiritali debet succurrere, etiam cum

de re videri possunt apud Ægid. Coninck Disp. 15. dub. 7. & Suar. Disp. 9. de Charit. Sect. 2.

48.
In temporalibus bonum commune proprio præferendum.

Secunda conclusio: In temporalibus tenetur homo communicari potius, quam sibi subuenire. Ita D. Thom. quæst. 26. art. 4. Ratio est, quia pars anteponeere debet conseruationem totius, conseruationi propriæ temporali: & bonum commune, bono particulari temporali, quod non est magni momenti, & a communitate adeo pendet, vt sine bonis, & commodis, quæ ab illa nobis prodeunt, vita foret miserrima: nisi scilicet quisque, quod suæ artis est, vel industriæ, conferret in bonum aliorum, ad officia mechanica, ad alimenta, & vestimenta procuranda, cæteraque vitæ necessaria, ad eruditionem & cultum animorum, ad bonum regimen, & ad pacem, & iustitiam conseruandam, &c. Loquitur autem de communitate bene instituta, & bonis legibus, moribusque probabili. Nam qui a Deo sunt alieni, ij non debent, vt tales, cuiquam esse chari: neque talium hominum communitas est expectanda, sed fugienda potius. Duplex verò est hominum societas. Vna ciuilis, & humana. Alia Ecclesiastica, a Deo instituta, præsidijque diuinis, & supernaturalibus munita. Hæc vna est omnium Christianorum sub vno Christi Vicario, sub vna communi Fide, Spe, cultu, & Religione: quamvis plures in se partes similis ordinis contineat. Altera verò societas, nempe ciuilis, non vna est omnium etiam Christianorum: sed multæ, & plurimum differentes, quæ legibus diuersis ciuilibus, moribusque dissimilibus vtantur. Vtraque autem societas, Ecclesiastica scilicet, & ciuilis, bene fundata, bonisque legibus, ac moribus ornata, continet adiumenta plurima, tum diuina, tum humana, ad beate viuendum: deberet singulis esse charior propriâ ipsorum vitâ, quæ siue illis esset inops, & multipliciter misera, ac procius infirma, veluti membrum a suo toto diuulsum: Homines enim sunt sociales naturâ suâ: & quamvis singuli sua secum portent: tamen nullus illorum tantum in se opis habet, quantum opus est ad infeliciter viuendum: sed indiget adiumentis plurimorum ad corporis, & animi bonum, & ad viuendum humano modo.

Communitas est per se amabilis.

Non tamen illa est præcipua ratio diligendi Rempubicam, hoc est, Societatem Ecclesiasticam, aut ciuilem: sed potius ipsa rei dignitas, & præstantia. Nam congregatio hominum integra, siusque partibus, & adjunctis expleta, pulcherrimum quoddam est, & optimum: fuitque rectè pronuntiatum a quodam gentili, Nil esse gratius principi cunctorum Deo, quam Concilia, cæterisque hominum iure sociatos, quæ ciuitates appellantur. Ipsa etiam Ecclesia vocatur ciuitas, & regnum Dei, illique multo ampliùs, quam hominibus singulis insunt rationes vniuersæ, propter quas aliquid diligipotest, vel amore naturali, vel supernaturali. Etenim certius illi conuenit ordo ad beatitudinem, & quæcunque hunc ordinem consequuntur. Partium denique omnium dignitas in ipsa includitur; at non quicquid in ipsa boni existit, in singulis pariter reperitur. Cæterum

in hominum societate dux sunt partes: quarum vna est veluti corpus, & materia: altera est veluti anima, & vita. Corpus sunt homines, quorum societas est, atque collectio. Anima verò, & vita, sunt cognitio veri, & amor boni: scilicet rectus omnium erga Deum affectus, aliorumque erga alios: & singulorum studium rectum, & amor verè amabilem, odiumque malorum, cum opere, & executione coniunctum. Bonorum nomine intellige honesta, commoda, & iucunda non aliunde illicita. Malorum verò appellatione comprehenduntur non modò turpia, sed etiam incommoda, & molesta, quæ propter bonum melius non sunt ex rationis dictamine subeunda. Quemadmodum verò corpus sine anima cadaver est: ita congregatio hominum sine virtute est veluti cadaver extremæ resolutioni proximum, quod veluti tale non est amandum, sed fugiendum potius, & vitandum.

Tertia conclusio: Potest quisque licet, ac debet priuatorum necessitates temporales suis postponere, cæteris paribus: nisi adir aliquam ratio laudabiliter præponendi, vt frequenter contingit. Prima pars probatur, quia Matth. 22. iubemur tantum diligere proximum, sicut nos ipsos. Ergo non tenemur cum amare supra nos ipsos: sed potius cum amor hosti sit regula amandi proximum, possumus primò diligere nos ipsos: quia rectitudo, & perfectio regulæ exemplaris prius & magis conuenit ipsi regulæ exemplari, quam regulæ: & identitas nos inclinât vt nobis potius, quam alijs prouideamus. Vnde Eccles. 14. dicitur, *Qui sibi nequam est, cui alij bonum erit?* Et, *Qui sibi inuidet, nihil est illo nequius.* Additur autem in conclusione, *Cæteris paribus*: quia conclusio tantummodo locum habet in eodem genere bonorum, & necessitatum, & qualitate personarum. Secus autem si varientur bonorum genera, vel compententur necessitates, aut personæ inæquales. Vt si v.g. proximus sit in necessitate vitæ, ego autem in niniori necessitate famis dumtaxat ordinariæ, seu communis appetitus edendi; quæ de re plura inferius, cum dicemus de præcepto elemosynæ: vel si seruanda sit vita hominis valde necessarij Reipublicæ, cum iactura vitæ propriæ non tanti momenti, quæ idcirco potest laudabiliter exponi.

Secunda pars est D. Thomæ, quæst. 26. art. 4. ad 2. & aliorum plurimum, quos citat & sequitur Suar. Disp. 9. Sect. 3. num. 3. & Ægid. Con. Disp. 25. dub. 6. num. 81. qui etiam id afferunt de necessitate vitæ: quod scilicet possit interdum laudabiliter vita propria exponi periculo pro aliena conseruanda. Probat, quia licet homo non possit seipsum interficere: non tamen semper: & omni medio, & ratione tenetur seruare vitam: etiam postponendo illi vitam proximis, præsertim amici, vel patris, vel benefactoris insignis: sed potest laudabiliter contrarium facere: sicut fecerunt nonnulli ab hominibus sapientibus laudati. Vt inter ethnicos Orestes & Pyllades, Damon, & Pythias, laudati etiam à Sanctis Patribus, Augustino lib. 4. Confess. cap. 6. Ambrosio lib. 3. de Offic.

49.
Temporales non sunt necessitates possunt præferri aliis priuatis.

Intellige, cæteris paribus.

50.
Potest vita exponi pro alio.

394 Disput. XVIII. de Charitate, Sect. VI.

cap. 12. & Hieron. in cap. 7. Micheæ. Secundò, si quis non possit fugiendo mortem evadere, nisi equo proculcetur infans in via expositum; potest laudabiliter mortem potius expectare, quàm cum morte parvuli innocentis sibi consulere, propter quam tamen non tenetur non fugere. Similiter, si me inuadat phreneticus, possum laudabiliter mortem ab illo pati potius, quàm illum interficere, tamen si licitè id possum cum moderamine inculpatae tutelæ. Item, si possunt homines licitè, & laudabiliter exponere se mortis periculo pro rebus temporalibus magni momenti, sine quibus vita censetur esse misera, vt pro conseruatione sui status, & honoris : Quidam etiam pro vita amici, præterim illius, à quo maximis sine affectu beneficijs, vel cuius opera tibi sit adeo necessaria, vt sine illa miser futurus sis : Ac denique se possunt stipatores magnatum pro stipendio se obligare ad vitam illorum tuendam, cum periculo propriæ : multò magis idem possunt amici pro honestate amicitiz, quæ stipendium est longè pretiosior. *Amico enim fidei nihil est comparabile*, Eccles. 6. Et vt ait Ambros. lib. 3. de Offic. cap. 16. *In rebus humanis nihil est pulchrius amicitia*. Quapropter meritò Aristot. 9. Ethic. cap. 8. affirmat studiosum complura facere amicorum, & patriæ gratiâ, atque etiam mori pro illis, si opus sit.

51.
Sed non
in omni
casu.

Notandum tamen prinò, cum cuius vita est alijs necessaria, vt conseruationi familiæ, aut Reipublicæ facturum contra Charitatem, si pro priuato amico vitam exponat. Secundò, cæteris paribus secundum ordinem Charitatis meliùs esse subuenire sibi, quàm alijs : vnde qui, æqualitate existente, sine alia ratione præferret alienam necessitatem suæ, minùs bene faceret, quia propter identitatem conuenientius est vt sibi potius prouideat. Imò videtur id non fieri sine aliquo peccato, nisi aliquo fine bono honestetur, & aliqua ratione sufficienti ad præferendum proximi necessitatem : vt reuerentiæ, vel gratitudinis, vel maioris vilitatis personæ, quæ conseruatur ad gloriam Dei, vel ad bonum commune. Alioquin enim videtur proprium bonum necessarium præferendum esse alieno, sicut bonum coniunctorum necessarium præferendum est minùs coniunctis. Quamquam ius habeo cedendi eo, quod mihi debeo, non autem priuandi alterum debito : atque ita possum faciliùs inuertete ordinem Charitatis, quoad meipsum, quàm quoad alios. Dixi autem, *in necessitate* : quia in rebus non necessarijs possum laudabiliter alium mihi præponere, id est, priuare me aliquo non necessario in commodo alterius : neque enim teneor ea mihi seruire, quæ non sunt necessaria : sicut neque teneor illa mihi acquirere. Tertio denique, notant aliqui, quando ex Charitate exponitur vita pro altero, cauendum esse ne intercedat actio positiva, quæ aliquis cooperetur directè suæ morti. Ex. gr. inquirunt, si contingat naufragium, & quis possit tabulam arripere, potest illam alteri relinquere. At si iam illi infideat, non potest se in mare demittere, vt illam cedat alteri : quia in eo casu non solum sibi non prospiceret, sed etiam posituè cooperaretur suæ

neci, in fluctus se projiciendo. Verùm existimo, quamvis nemo possit licitè semetipsum interficere : posse tamen honestè facere aliquid, ex quo sequatur propria mors : non quidem illam directè intendendo, sed maius aliquid bonum vitæ propriæ : vt si ad vitam personæ magni momenti conseruandam vulgaris aliquis tabulâ cedat : si miles, aut stipator principis medium se inter illum, & sicutum interponat, vt ictum potius & vulnus lethale recipiat.

Quarta conclusio : Inter proximos priuatos, cæteris, paribus, tenemur eos præferre, qui nobis sunt coniunctiores. Vt inter consanguineos, Patrem inter amicos, fideliores, & antiquiorem inter benefactores, insigniorem, & sic de cæteris. Ita D. Thom. quart. 26. art. 6. & seq. vbi tamen art. 9. in corp. affirmat filium patri præferendum esse ex parte diligentis, quia patri magis coniunctus est : licet ex parte obiecti pater sit magis amandus, quia habet rationem eminentioris boni, & Deo similioris, nempe rationem principij. Quæ distinctio, quoad priorem partem, difficultatem habet. Par enim potius videtur esse coniunctio inter filium & patrem, ac inter patrem & filium. Patri verò mater postponenta est : matri vxor : vxori filij : vel potius contra, vt alij malunt, filijs vxor, quia inter patrem & filios maior coniunctio est, quàm inter virum, & vxorem : & sic deinceps, prout alij magis vel minùs sunt coniuncti. Dixi autem, *cæteris paribus* : quia aliunde tantus potest esse excessus, vt ordo inuertendus sit. Plus enim v. g. tenetur filius matri, à qua studiosè & honestè educatus fuit, quàm patri, à quo projectus, despectus, & pessimè tractatus fuit. Ultra coniunctionem verò carnalem, quæ per se alijs præferri debet, quippe quia maior est, & magis immutabilis, vt rectè docet. D. Thomas art. 7. & 8. alia multiplex est moralis : vt coniunctio spiritalis inter patres spirituales, vel pastores, & subditos : coniunctio moralis inter amicos, aut ciues, aut homines eiusdem Fidei, vel eiusdem Religionis professores, in quibus omnibus coniunctiores, cæteris paribus, præponendi sunt alijs, nisi scilicet excessus sanctitatis, & gratiæ, vel multitudo, & præstantia beneficiorum, aut aliarum rationum amabilitatis, aliud exigat. Nam ex. gr. filius, qui statim post natiuitatem fuerit crudeliter à parentibus expositus, ab alio verò misericorditer susceptus, à morte liberatus, Christianè educatus, alijsque magnis beneficijs affectus, potest meritò hunc illis præponere, qui non tam parentes, quàm peremptores fuerunt. Singulares quoque, & eximij benefactores possunt, ac debent, in necessitate præferri consanguineis remotis. Et si quis alium præferti morti eripuit, potest præponi etiam fratri, quia ille velut alter parens est, vt rectè post Bannem, & Tursianum, docet Egid. Coninck Disp. 25. num. 156.

Porro coniunctiores, cæteris paribus, præferendos esse alijs notum est lumine naturali, & Probatur affirmatur à D. Paulo 1. Timot. 5. *Si quis suorum, & maxime domesticorum curam non habet, fidem negauit, & est infideli deterior*. Et ad Gal. 6. *Operentur bonum ad omnes, ma-*

52.
Coniunctiores
sunt alijs
præferendi.

53.
Cæteris
paribus.

54.
Probatur
ex scriptis.

xime autem ad domesticos fidei. Excessum tamen sanctitatis, & virtutum posse alijs praeponderare, interdum etiam cognitioni carnali, videtur Christus significasse Matth. 12. Vbi monenti adesse matrem, & fratres, respondit: *Quae est mater mea, & qui sunt fratres mei? Qui fecerit voluntatem patris mei, qui in Caelis est, ipse meus frater, & soror, & mater est.* Videantur Suar. Disp. 9. de Charitate Sect. 4. Et Aegid. Disp. 15. dub. 9. qui haec fusius, & minutius persequuntur. Notandum autem est, quando vita vnius priuati, quam praeferre tenemur alteri, non potest conseruari, nisi occidendo alterum iniuste inuadentem, non obligari nos ex Charitate ad illum occidendum: quia homicidium est actio valde repugnans inclinationi naturae: vnde non videtur ordo Charitatis obligare cum tanto rigore: vt bene ait Suares Sect. cit. num. 15. post Almain.

in 3. dist. 29. quaest. 1. Notandum praeterea posse nos, ac debere vnum alteri praeferre modo supradicto, non tantum in effectu, & executione operum Charitatis, verum etiam in affectu interno. Quia exhibitio externa Charitatis non debet esse ficta, sed procedere ab interno affectu, esseque illi conformis. Quare sicut inclinatur, & exigit Charitas, vt vnum praeter alio diligamus secundum exteriorem effectum: ita pariter inclinatur, & exigit, vt vnum plus alio diligamus secundum interiorem affectum. Sicut, inquam, inclinatur & exigit, vt vni praeter altero bonum aliquod conferamus: ita etiam vt illi praeter altero optemus; & consequenter, vt magis eum amemus interius. Nam velle alicui bonum, quia est illi bonum, est interius illum diligere. Ita Aegid. Coninck Disp. 15. dub. 8. num. 104. cum D. Thoma quaest. 26. art. 6. & communi Sententia.




DISPUTATIO NONA-DECIMA.

De actibus, & effectibus Charitatis.

- Sectio I. *Quis, & quod duplex sit actus Charitatis?*
Sectio II. *Qualis sit actus dilectionis erga Deum?*
Sectio III. *De effectibus Charitatis.*

DE actibus, & effectibus Charitatis Disput. S. Thomas à quaest. 27. vsque ad 33. In quarum prima tractat de principali actu Charitatis, qui est dilectio. Docetque. 1. Charitatis magis proprium esse amare, quam amari. 2. Dilectionem esse vniorem quandam affectus amantis ad amatum. 3. Deum, cum sit ipsa essentia bonitatis per se, & vltimus finis rerum omnium, debere summè diligi propter seipsum. 4. Posse etiam hac in vita immediatè diligi per Charitatem, quamvis non possit immediatè cognosci. 5. Posse quoque diligi totaliter, id est, secundum omnia quae ad ipsum spectant: licet non quantum diligibilis est. 6. Modum dilectioni eius non esse ponendum: quia quanto plus diligitur, tanto melior est dilectio. 7. Ex parte proximi, qui diligitur, meliorem esse dilectionem amici, quam inimici: quia amicus & melior est, & magis coniunctus. Ex parte verò motiui propter quod diligitur, meliorem esse dilectionem inimici: quia Dei consideratio fortius agit, quando nos mouet ad inimicum diligendum. 8. Magis meritorium esse diligere proximum propter Deum, quam Deum solum amare: quia dilectio proximi propter Deum includit dilectionem Dei: at dilectio Dei solius

non includit dilectionem proximi. In reliquis agit S. Doctor de gaudio Charitatis proprio, de Pace, & Concordia, de Misericordia, Beneficentia, Eleemosyna, & correptione fraterna, vel effectibus proprijs, Charitatis. Cuius doctrina partim istâ, partim aliquot sequentibus disputationibus exponetur.



SECTIO I.

Quis, & quotuplex sit actus Charitatis?

1.
Actus
Charita-
tis mul-
tiplices.

Pot sunt actus Charitatis circa suum obiectum, quot sunt recti affectus voluntatis circa bonum, & malum: amoris scilicet, gaudij, & desiderij circa bonum: odij verò, metus, & tristitiæ circa malum: adiunctis etiam alijs affectibus convenientibus, qui tribuuntur appetitui irascibili. Hæc assertio satis patet ex dictis disp. 15. de Spe, ubi ostendimus vnamquamque virtutem perficere ad quæ voluntatem in ordine ad suum peculiare obiectum. Vnde collige primò, amorem Dei propter se, & gaudium de illius bonis, ac desiderium eorum quæ ipsi placent, & odium eorum quæ ipsi displicent, tristitiamque de illis, & timorem ne eueniant, esse actus Charitatis: similiterque amorem, gaudium, & desiderium circa proximum, & eius bona; odiumque, & tristitiam, ac metum circa ipsius mala. Idemque dico de Spe latius sumpta; pro fiducia exequendi, vel assequendi ardua, & difficultia, prout faciunt ad Dei gloriam: vel pro desiderio vehementi, & generoso eiusdem boni Deo placentis, ut talis, & deque audacia & ira contra difficultatem vel impedimenta boni ad Deum pertinentis, vel contra causas mali oppositi. Quæ de re plura videri possunt apud Suar. disput. 2. de Charitate Sect. 1.

2.
Benevolentia non est omnis actus Charitatis.

Collige secundò, actum Charitatis non esse tantum benevolentiam: nam præter benevolentiam propriè dictam, quæ Deo, vel proximo bene volumus, datur simplex affectus complacentiæ, quæ nobis placet quod bonum est, absque eo quòd quicquam illi velimus. Gaudium quoque, seu delectatio simplex in bono posito, non est formaliter benevolentia: multoque minus odium, & alij actus circa malum.

3.
Non sunt omnes eiusdem speciei.

Collige tertio, actus Charitatis non esse omnes eiusdem speciei: tum ob diuersum tendendi modum: tum etiam propter obiectorum diuersitatem. Nam amor v. g. & odium, gaudium & tristitia, desiderium & metus, specie differunt ob contrarium tendendi modum: unde etiam contrarios habent effectus: nam amor recreat & exhilarat mentem, odium exasperat: gaudium cor dilatat, tristitia restringit. Amor quoque, quo diligitur Deus propter se, differt specie ab actu, quo proximus amatur propter seipsum, aut etiam propter Deum. Quia non solum Deum attingit, sed etiam proximum secundum se. Actus autem sunt specie diuersi, quotiescunque tendunt ad obiecta specie diuersa, quæ diuersa, & secundum proprias differentias, quamvis sub eodem formali illa attin-

gant. Sicut ex. gr. visio albedinis, & visio nigredinis secundum propriam vtriusque coloris differentiam, specie distinguuntur, quamvis sub eodem obiecto formali, nempe sub lumine videantur. Secus autem si obiecta materialia non attinguntur secundum se, & in propria specie: quæ de causa diuersas substantiarum quæ videntur tantum secundum accidentia, non distinguuntur specie visionem. Similiter actus, quo bona diuersa essentialiter volumus Deo, & proximo, aut diuersa mala nolumus, sunt specie diuersa: quia attingunt obiecta diuersa, secundum proprias eorum differentias, quæ non se habent, purè materialiter, sed formaliter ex parte, quatenus attinguntur per se, & non tantum per aliud, ac secundum illud dumtaxat: iuxta ea quæ diximus de Fide disp. 10. Sect. 5. Nec obest quòd conueniunt in aliqua ratione formali confusa, & vniuoca, vel analogà. Quia non attinguntur tantum secundum illam, sed etiam secundum se. Non obest etiam quòd sint ab eodem habitu Charitatis supernaturalis: nam habitus supernaturalis sunt potentie quædam, quæ valent ad actus specie diuersos, dantque posse simpliciter.

Collige quartò, actus Charitatis, quamvis omnes sint honesti, & supernaturales; alios tamen esse alijs meliores, & nobiliores. Nam illi, quibus amatur Deus propter se, cæteris paribus, sunt meliores ijs, quibus amatur proximus propter se. Et amor quo amatur proximus propter Deum, est melior, cæteris paribus, amore quo solus Deus amatur: quippe quia extensius maior est. Includit enim amorem Dei, & proximi. Et perfectior est amor Dei qui ad proximum extenditur propter Deum, quàm amor Dei tantum: ut rectè docet S. Thomas quæst. 27. art. 8. indeque inferat amorem hunc esse magis meritorium, quia scilicet versatur plenius circa Deum: & ultra perfectionem amoris Dei includit etiam perfectionem amoris proximi. Dixi autem, *cæteris paribus*: quia fieri potest ut vnus amor circa Deum solum, sit multò maior & efficacior, quàm alius circa Deum, & proximum. Inter amores verò proximi ille melior est per se, & cæteris paribus, qui versatur circa maiorem bonitatem, aut circa plures rationes amabilitatis. Dico autem, *per se*: quia per accidens, qui nobiliores sunt ex obiecto, non sunt meliores huic, aut illi, in his aut illis circumstantijs: sed alij magis necessarij ratione coniunctionis, vel alijs de causis, de quibus præcedenti Sectione dictum fuit. Potest etiam ratione intentionis & vehementiæ, aut modi tendendi, vnus alium excedere quamvis nobiliorem ex obiecto. Bonitas enim actus non petitur solum ex obiecti præstantia: sed ex efficacia, & vehementia, & intentione affectus voluntatis,

4.
Nempe
æqualis
perfectio-
onis.

voluntatis, & generaliōri subiectione ad diuinam voluntatem, vt diximus alibi.

5. Et hoc melius amicum diligere, quā inimicum?

Atque inde solui potest dubitatio proposita à D. Thoma, quæst. 17. art. 7. an sit melius, & magis meritorium, diligere amicum, quā inimicum. Dicendum enim est amorem amici ex vna parte esse meliorem; quia habet melius obiectum, nobiscum magis coniunctum: Amicus enim & melior est, & magis coniunctus: Ex alia verò parte amorem inimici esse meliorem, quia est purius propter Deum, & est fortior dilectio Dei, ac maior appetitiuè; quippe quæ diligenter impellit ad opus difficilius, magisque Deo subijcit voluntatem. Tantò enim fortior offenditur Dei dilectio, quantò propter ipsum difficiliora implemus: sicut virtus ignis tantò fortior est, quantò comburere potest materiam minùs combustibilem. Et plus illud æstimamus, pro quo plus impendimus, aut parati sumus impendere: sicut pluri facit, & magis amat appetitiuè gemmam, qui pro illa paratus est centum auros impendere, quā qui decem tantum. Et hic excessus prior præponderat. Vnde cæteris paribus dilectio inimici melior est, magisque meritoria. Ideò quæ præfertur in Scriptura, & commendatur vt actus perfectissimus, Matth. 5. ver. 44. & 46. Rom. 5. ver. 6. & alibi. Verba Christi Matth. 5. hæc sunt: *Diligite inimicos vestros, &c. Si enim diligitis eos, qui vos diligunt: quam mercedem habebitis? Nonne & publicani hoc faciunt?* Quibus tamen verbis ultimis non negatur merces dilectioni amicum, si fiat ex inotio diuino: sed tantum si ex motiuo purè naturali, quia ipsi nos diligunt, aut quid simile; de quo ibi est sermo, Et Augustin. cap. 73. Enchirid. *Minus magnum est erga eum esse beneuolum, siue etiam beneficium, qui tibi nihil mali fecit. Illud multò grandius, & magnificentissimè bonitatis est, vt tuum etiam inimicum diligas: & ei qui tibi malum vult, & si potest facere: tu bonum semper velle, faciasque cum possis.* Videatur Agid. Coninck disput. 14. dub. 8. vbi nobiscum sentit, rectèque notat non omnem actum Charitatis supernaturalis esse talem, vt vbi illius parati sumus secundum præsentem affectum non cedere vlli difficultati superandæ propter Deum: & aggredi quiddam arduum & durum occurrat, illius causà subeundum. Difficilisque est tantum affectum Charitatis attingere. Neque debent infirmi facere comparationem sui affectus cum huiusmodi malis, quando conantur actum contritionis, aut amoris Dei eliceret. Inde autem fit non omnes erga Deum affectus Charitatis esse paræ ætimationis. Et quia dilectio inimici propter Deum est maior affectus ætimationis erga Deum, propter quem tanta vincitur difficultas, quā dilectio amici, quem propter Deum amare facillimum est: idcirco dilectio inimici, cæteris paribus, est perfectior, quā dilectio Dei impellens solum & sufficientis ad amicum diligendum.

Concluditur negatiuè.

6. Contrarium docet Suares disp. 1. de Charitate, Sect. 3. num. 6. affirmans simpliciter, & generaliter melius esse diligere amicum, quā

6. Contraria opinio.

inimicum. Primò, quia dilectio amici est magis consentanea ordini Charitatis: sicut est melius diligere patrem, quā extraneum; iuuenem, quā peccatorem; amicum, quā alienum. Secundò, dilectio amici est per se melior ex obiecto. Obiectum autem plus confert ad bonitatem, & meritum, quā difficultas: quia obiectum est magis essentiale actui. Ergo excessus ex parte obiecti præponderat. Vnde licet facilius sit diligere patrem, quā extraneum: tamen hic actus nobilior est, & magis consentaneus ordini Charitatis. Tertiò, multò prius est odisse amicum, quā inimicum. Ergo priuat maiori honestate.

Ad primum respondeo, ordinem Charitatis non semper sequi nobilitatem actuum, sed necessitatem. Sæpe autem actus inferiores sunt magis necessarii. Ad secundum dico obiectum conferre ad bonitatem eo modo quo attingitur. Obiectum autem præcipuum, quod est Deus, multò melius attingitur per dilectionem inimici, quā magis appetitiuè circa Deum versatur. Quare non tantum ratione difficultatis occasionaliter se habentis, sed etiam ratione modi tendendi in obiectum, hic actus melior est. Neque dicas inimicum posse amari sine respectu ad Deum, ideo solum quia est natura intellectualis capax beatitudinis. Respondeo enim etiam tunc obiectum illud multò melius & magis appetitiuè attingi, quando impellit ad opus difficilius, vt est dilectio inimici. Ad confirmationem dico excessum exiguum non præponderare alijs rationibus, propter quas pater est diligibilis præ extraneo: quauis, vt supra dixi, ordo Charitatis non attenditur semper penes nobilitatem obiectorum. Ad tertium respondeo, prius esse odisse amicum, quā inimicum, quia maior est ratio amandi amicum, & maior inclinatio voluntatis. Vide plus malitiæ requiritur ad illum odio habendum contra talem inclinationem voluntatis, & contra maiorem amabilitatem obiecti. Malitia verò, æquè ac bonitas, non sumitur tantum ex obiecto; sed etiam ex modo tendendi, & affectione voluntatis erga obiectum.

Soluitur argumeta.


SECTIO II.

Qualis sit actus dilectionis erga Deum?

H Ac de re D. Thomas quæst. 17. art. 3. & tribus sequentibus, vbi primò docet, Deum ex Charitate diligendum esse quidem propter seipsum, quia per suam essentiam est optimus, & amore dignissimus: sed posse etiam diligere propter aliquid aliud, quia possumus moueri & prouocari ab eius beneficiis ad ipsum diligendum. Secundò Deum etiam hanc in vita per Charitatem amari immediatè: quia Charitas versatur primò circa illum secundum seipsum. Nec obest quod Deus non potest cognosci à nobis hac in vita, nisi mediātè per creaturas. Quia ordo volendi non sequitur necessarii ordinem cognoscendi. Nam possumus amare aliquem immediatè propter suam bonitatem: licet eum non cognoscamus nisi per

7. D. Thomas docet: Quia.

non includit dilectionem proximi. In reliquis agit S. Doctor de gaudio Charitatis proprio, de Pace, & Concordia, de Misericordia, Beneficentia, Eleemosyna, & correptione fraterna, vel effectibus proprijs, Charitatis. Cuius doctrina partim istâ, partim aliquot sequentibus disputationibus exponitur.



SECTIO I.

Quæ, & quotuplex sit actus Charitatis?

1.
Actus
Charita-
tis mul-
tiplices.

Pot sunt actus Charitatis circa suum obiectum, quot sunt recti affectus voluntatis circa bonum, & malum: amoris scilicet, gaudij, & desiderij circa bonum: odij verò, metus, & tristitiæ circa malum: adiunctis etiam alijs affectibus conuenientibus, qui tribuuntur appetitui irascibili. Hæc assertio satis patet ex dictis disp. 15. de Spe, ubi ostendimus vnamquamque virtutem perficere ad æquatè voluntatem in ordine ad suum peculiare obiectum. Vnde collige primò, amorem Dei propter se, & gaudium de illius bonis, ac desiderium eorum quæ ipsi placent, & odium eorum quæ ipsi displicent, tristitiamque de illis, & timorem ne eueniant, esse actus Charitatis: similiterque amorem, gaudium, & desiderium circa proximum, & eius bona; odiumque, & tristitiam, ac metum circa ipsius mala. Idemque dico de Spe latius sumpta; pro fiducia exequendi, vel assequendi ardua, & difficultia, proptè faciunt ad Dei gloriam: vel pro desiderio vehementi, & generoso eiusdem boni Deo placentis, vt talis; deque audacia & ira contra difficultatem vel impedimenta boni ad Deum pertinentis, vel contra causas mali oppositi. Quæ de re plura videri possunt apud Suar. disput. 2. de Charitate Sect. 1.

2.
Beneuo-
lentiæ non
est omnis
actus
Charita-
tis.

Collige secundò, actum Charitatis non esse tantum benevolentiam: nam præter benevolentiam propriè dictam, quæ Deo, vel proximo bene volumus, datur simplex affectus complacentiæ, quæ nobis placet quod bonum est, absque eo quod quicquam illi velimus. Gaudium quoque, seu delectatio simplex in bono posset, non est formaliter benevolentia: multòque minus odium, & alij actus circa malum.

3.
Non sunt
omnes
eiusdem
speciei.

Collige terciò, actus Charitatis non esse omnes eiusdem speciei: tum ob diuersum tendendi modum: tum etiam propter obiectorum diuersitatem. Nam amor v. g. & odium, gaudium & tristitia, desiderium & metus, specie differunt ob contrarium tendendi modum: vnde etiam contrarios habent effectus: nam amor recreat & exhilarat mentem, odium exasperat: gaudium cor dilatat, tristitia restringit. Amor quoque, quo diligitur Deus propter se, differt specie ab actu, quo proximus amatur propter seipsum, aut etiam propter Deum. Quia non solum Deum attingit, sed etiam proximum secundum se. Actus autem sunt specie diuersi, quoriscunque tendunt ad obiecta specie diuersa, quæ diuersa, & secundum proprias differentias, quamvis sub eodem formali illa attingant.

Sicut ex. gr. visio albedinis, & visio nigredinis secundum propriam vtriusque coloris differentiam, specie distinguuntur, quamvis sub eodem obiecto formali, nempe sub lumine videantur. Secus autem si obiecta materialia non attinguntur secundum se, & in propria specie: quæ de causa diuersitas substantiarum quæ videntur tantum secundum accidentia, non distinguit specie visionem. Similiter actus, quo bona diuersa essentialiter volumus Deo, & proximo, aut diuersa mala nolumus, sunt specie diuersa: quia attingunt obiecta diuersa, secundum proprias eorum differentias, quæ non se habent, putè materialiter, sed formaliter ex parte, quatenus attinguntur per se, & non tantum per aliud, ac secundum illud dumtaxat: iuxta ea quæ diximus de Fide disp. 10. Sect. 5. Nec obest quòd conueniunt in aliqua ratione formali confusa, & vniuoca, vel analogà. Quia non attinguntur tantum secundum illam, sed etiam secundum se. Non obest etiam quòd sint ab eodem habitu Charitatis supernaturalis: nam habitus supernaturalis sunt potentie quædam, quæ valent ad actus specie diuersos, dantque posse simpliciter.

Collige quartò, actus Charitatis, quamvis omnes sint honesti, & supernaturales; alios tamen esse alijs meliores, & nobiliores. Nam illi, quibus amatur Deus propter se, cæteris paribus, sunt meliores ijs, quibus amatur proximus propter se. Et amor quo amatur proximus propter Deum, est melior, cæteris paribus, amore quo solus Deus amatur: quippe quia extensius maior est. Includit enim amorem Dei, & proximi. Et perfectior est amor Dei qui ad proximum extenditur propter Deum, quam amor Dei tantum: vt rectè docet S. Thomas quæst. 27. art. 8. indeque inferat amorem hunc esse magis meritum, quia scilicet versatur plenius circa Deum: & ultra perfectionem amoris Dei includit etiam perfectionem amoris proximi. Dixi autem, *Cæteris paribus*: quia fieri potest vt vnus amor circa Deum solum, sit multò maior & efficacior, quam alius circa Deum, & proximum. Inter amores verò proximi ille melior est per se, & cæteris paribus, qui versatur circa maiorem bonitatem, aut circa plures rationes amabilitatis. Dico autem, *per se*: quia per accidens, qui nobiliores sunt ex obiecto, non sunt meliores huic, aut illi, in his aut illis circumstantijs: sed alij magis necessarii ratione coniunctionis, vel alijs de causis, de quibus præcedenti Sectione dictum fuit. Potest etiam ratione intensiōis & vehementiæ, aut modi tendendi, vnus alium excedere quamvis nobiliorem ex obiecto. Bonitas enim actus non petitur solum ex obiecti præstantia: sed ex efficacitate, & vehementia, & intensiōe affectus voluntatis,

4.
Neque
æqualia
prefe-
rentia.

voluntatis, & generaliiori subiectione ad diuinam voluntatem, vt diximus alibi.

5.
Estne
melius
amicum
diligere,
quàm ini-
micum?

Atque inde solui potest dubitatio proposita à D. Thoma, quæst. 27. art. 7. an sit melius, & magis meritorium, diligere amicum, quàm inimicum. Dicendum enim est amorem amici ex vna parte esse meliorem; quia habet melius obiectum, nobisque magis coniunctum: Amicus enim & melior est, & magis coniunctus: Ex alia verò parte amorem inimici esse meliorem, quia est purius propter Deum, & est fortior dilectio Dei, ac maior appetitiuè; quippe quæ diligenter impellit ad opus difficilius, magisque Deo subicit voluntatem. Tanto enim fortior offenditur Dei dilectio, quanto propter ipsum difficiliora implemus: sicut virtus ignis tanto fortior est, quanto comburere potest materiam minus combustibilem. Et plus illud æstimamus, pro quo plus impendimus, aut parati sumus impendere: sicut pluri facit, & magis amat appetitiuè gemmam, qui pro illa paratus est centum aureos impendere, quàm qui decem tantum. Et hic excessus prior præponderat. Vnde cæteris paribus dilectio inimici melior est, magisque meritoria. Ideo- que præfertur in Scriptura, & commendatur vt actus perfectissimus, Matth. 5. ver. 44. & 46. Rom. 5. ver. 6. & alibi. Verba Christi Matth. 5. hæc sunt: *Diligite inimicos vestros, &c. Si enim diligitis eos, qui vos diligunt: quam mercedem habebitis? Nonne & publicani hoc faciunt?* Quibus tamen verbis vltimus non negatur merces dilectioni amico- rum, si fiat ex inotio diuino: sed tantum si ex motu purè naturali, quia ipsi nos diligunt, aut quid simile; de quo ibi est sermo. Et Augustin. cap. 75. Enchirid. *Minus magnum est erga eum esse beneuolum, siue etiam beneficum, qui tibi nihil mali fecit. Illud multo grandius, & magnificentiissima bonitatis est, vt tuum etiam inimicum diligas: & ei qui tibi malam vult, & si potest facere: tu bonum semper vult, faciasque cum possis.* Videatur Egid. Conineck disput. 24. dub. 8. vbi nobiscum sentit, rectèque notat non omnem actum Charitatis supernaturalis esse talem, vt vi illius parati simus secundum præsentem affectum non cedere vlli difficultati superandæ propter Deum: & aggredi quiddam arduum & durum occurrat, illius causâ subeundum. Difficileque est tantum affectum Charitatis attingere. Neque debent infirmi facere compa- rationem sui affectus cum huiusmodi malis, quando canuntur actum contritionis, aut amoris Dei elicere. Inde autem fit non omnes erga Deum affectus Charitatis esse paris æstimatio- nis. Et quia dilectio inimici propter Deum est maior affectus æstimatiue erga Deum, propter quem tanta vincitur difficultas, quàm dilectio amici, quem propter Deum amare fa- cillimum est: idcirco dilectio inimici, cæteris paribus, est perfectior, quàm dilectio Dei im- pellens solum & sufficientem ad amicum dili- gendum.

6.
Contraria
opinio.

Contrarium docet Suarez disp. 2. de Chari- tate, Sect. 3. num. 6. affirmans simpliciter, & generaliiter melius esse diligere amicum, quàm

Tomus III.

inimicum. Primò, quia dilectio amici est ma- gis consentanea ordini Charitatis: sicut est melius diligere patrem, quàm extraneum; iu- veni, quàm peccatorem; amicum, quàm alie- num. Secundò, dilectio amici est per se me- lior ex obiecto. Obiectum autem plus confert ad bonitatem, & merium, quàm difficultas: quia obiectum est magis essentielle actui. Ergo excessus ex parte obiecti præponderat. Vnde licet facilius sit diligere patrem, quàm extra- neum: tamen hic actus nobilior est, & magis consentaneus ordini Charitatis. Terriò, multò peius est odisse amicum, quàm inimicum. Ergo priuat maiori honestate.

Ad primum respondeo, ordinem Charitatis non semper sequi nobilitatem actuum, sed tur eius necessitatem. Sæpe autem actus inferiores sunt magis necessarij. Ad secundum dico obiectum confere ad bonitatem eo modo quo attingitur. Obiectum autem præcipuum, quod est Deus, multò melius attingitur per dilectionem inimi- ci, quæ magis appetitiuè circa Deum ver- satur. Quare non tantum ratione difficultatis occasionaliter se habentis, sed etiam ratione modi tendendi in obiectum, hic actus melior est. Neque dicas inimicum posse amari sine respectu ad Deum, ideo solum quia est natura intellectualis capax beatitudinis. Respondeo enim etiam tunc obiectum illud multò melius & magis appetitiuè attingi, quando impellit ad opus difficilius, vt est dilectio inimici. Ad confirmationem dico excessum exiguum non præponderare alijs rationibus, propter quas pater est diligibilis præ extraneo: quauis, vt supra dixi, ordo Charitatis non attenditur semper penes nobilitatem obiectorum. Ad tertium respondeo, peius esse odisse amicum, quàm inimicum, quia maior est ratio amandi amicum, & maior inclinatio voluntatis. Vnde plus malitiæ requiritur ad illum odio haben- dum contra talem inclinationem voluntatis, & contra maiorem amabilitatem obiecti. Malitia verò, æquè ac bonitas, non sumitur tan- tum ex obiecto; sed etiam ex modo tendendi, & affectione voluntatis erga obiectum.

SECTIO II.

Qualis sit actus dilectionis erga Deum?

H Ac de re D. Thomas quæst. 27. art. 3. & 7. tribus sequentibus, vbi primò docet, D. Thoma de d. Thoma: actus dilectionis erga Deum ex Charitate diligendum esse quidem propter seipsum, quia per suam essentiam est optimus, & amore dignissimus: sed posse etiam diligere propter aliquid aliud, quia possumus moueri & prouocari ab eius beneficijs ad ipsum diligendum. Secundò Deum etiam hac in vita per Charitatem amari immediatè: quia Cha- ritas versatur primò circa illum secundum se- ipsum. Nec obest quòd Deus non potest cognosci à nobis hac in vita, nisi mediare per creaturas. Quia ordo volendi non sequitur necessario ordinem cognoscendi. Nam possumus amare aliquem immediatè propter suam bo- nitatem: licet eum non cognoscamus nisi per

L1

aliorum relationem, quæ est quidam medium cognitionis, sed non est obiectum amoris. Tertiò docet, Deum non amari à nobis totaliter & adæquate, quantum amabilis est. Quoniam bonitas Dei & amabilitas est infinita: vis autem nostra ad amandum est finita. Quartò, dilectionem Dei non habere modum, seu mensuram: quia versatur circa Deum, qui quantacunque dilectione non potest nimium diligi, sed quanto magis diligitur, tanto melius diligitur. Hæc D. Thomas.

8. Circa quæ dico primò, supremam quidem rationem, propter quam Deus est amabilis, quæque immediatè secundum se, & propter se attingitur per actum Charitatis, esse inhiitam ipsius bonitatem, seu perfectionem, quæ summè bonus essentialiter, & amabilis est: alias tamen esse rationes multiplices, ob quas diligi possit per Charitatem, & per alias virtutes inferiores. Probat, quia quilibet res amari potest secundum omnem rationem quæ est bona, & conuenienter amabilis. Deus autem est conuenienter amabilis non solum quatenus est in se bonus, ratione suæ perfectionis essentialis, & absolutæ: sed etiam quatenus est nobis bonus, & causa boni nostri supernaturalis, & finis noster ultimus: ita ut hæc sint ratio ipsum amandi: qui amor pertinet ad Specie supernaturalem: atque etiam quatenus alijs bonus est, & causa boni supernaturalis, ac finis ultimus aliarum creaturarum intellectualium, qui amor pertinet ad Charitatem quæ proximum diligitur, & quæ sunt illi bona. Cùm autem Deus amatur ut bonum nostrum, vel ut bonum proximi, non refertur ipse ad aliud, tanquam ad finem potius: alioqui non rectè amaretur: sed amatur restrictè, & contra rectè secundum illam rationem, non postpositis, neque exclusis vitiosè maioribus rationibus, secundum quas propter seipsum multò magis amore dignus est: quamvis actus ad illas negatiuè, seu præsiuè se habeat. Hinc collige Deum non tantum posse amari immediatè, id est, propter se solum: sed etiam mediatè, id est, propter aliquid aliud.

9. Contrarium videtur sentire D. Thomas quæst. 27. art. 3. ubi videtur affirmare Deum non posse diligi propter aliud, nisi excitatiuè. Pro quo notat particulam, *propter*, significare habitudinem alicuius causæ. Est autem, inquit, quadruplex genus causæ: scilicet efficiens, finalis, formalis, & materialis, ad quam reducitur dispositio. Et secundum hæc quatuor dicitur aliquid propter aliud diligi. Medicinam enim diligitur propter sanitatem, ut finem: & hominem, propter virtutem, ut formam: & aliquem, quia est filius talis parentis, ut propter causam efficientem: & per aliqua v.g. beneficia disponitur ad aliquem amandum, in genere causæ veluti materialis. Deus autem non habet causam efficientem, sed ipse est effector rerum omnium: nec finalem, sed ipse potius est finis ultimus omnium: nec formalem, præter suam bonitatem intrinsecam. Quare non potest propter aliam diligi. Possumus tamen eius beneficijs moueri ad ipsius amorem, qui non terminetur ad beneficia, ut ad obie-

ctum; sed ab illis oriatur, ut dispositionibus & motibus, & feratur in Deum ut propter se amabilem.

Respondeo Deum, non tantum propter id quod est essentialiter, sed etiam propter alias 10. consideraciones amari posse, tanquam propter adiuncta quæ spectent quasi ad genus causæ formalis, non essentialis, sed quasi adiunctæ, & accidentariæ. Etenim Deus, licet per essentialiam suam præcipuè bonus sit: tamen etiam aliquo modo est bonus denominatiuè per suas actiones, & terminos earum, quatenus creaturis se dat videndum, & fruendum, aut aliter illis benefacit. Neque ipse per se solum merè & nudè est bonum creaturarum, sed etiam per aliquid additum, sine quo non est omni modo bonum ipsarum, quamvis & ipse secundum se in bono creaturæ includatur, tanquam illis bonus per seipsum ut causa efficiens, & finis ultimus, & obiectum præcipuarum operationum naturæ intellectualis. Est tamen verum quod ait D. Thomas, amorem Charitatis non terminari obiectiue ad Deum, ut bonum nostrum est; neque ad Dei beneficia, ut nos bene afficiunt; quia Charitas non querit, neque spectat quæ sua sunt: sed ad ipsam Dei bonitatem absolutam, ad quam melius cognoscendam, & propter se amandam, beneficia nos inducunt. Notandum præterea, non esse idem amare aliquid ut causam alicuius, quo, veluti termino suæ actionis, illud nobis bonum est, aut alijs: & amare illud propter suum effectum, tanquam finem. Nam etiam nos ipsos amamus ut nobis placentes, & ut causas alicuius boni, quod nobis à nobis prouenit: qui tamen non amamus nos propter illud bonum tanquam finem. Notandum quoque, aliud esse finem actus, & finem obiecti. Nam actus ipse amoris Dei potest aliò referri ut ad finem, & propter illud expecti: ut quando aliquis per actum Spei, ex desiderio vitæ æternæ, imperat sibi actum amoris Dei ex Charitate, veluti necessarium ad finem illum consequendum. Tunc enim vita æterna est quidem finis actus amoris Dei: sed non est finis ipse Deus, qui est obiectum talis amoris. Quare particula illa, *propter*, non semper significat causam obiecti, sed interdum causam actus, quo aliquid amatur: ut rectè obseruat Agid. Coninck disp. 23. dub. 2. num. 5. & sequent.

Dico secundò, Deum solum esse summè, & præ alijs omnibus propter se diligendum: verum tamen alia quoque nonnulla posse honestè propter se diligi in suo gradu, tum per amorem Charitatis, tum etiam per affectus aliarum virtutum. Prima pars liquet. Deus enim solus est super omnia æstimabilis: quare in gradu excellentissimo, & omnibus alijs supereminenti solus amari potest, ac debet. Secunda verò probatur, quia licet alia omnia, quæ rectè diligi possunt, & conformiter rationi, possint etiam diligi propter Deum: idque melius & perfectius, quam propter se solum: tamen alia quoque multa habent unde possint honestè amari propter se, citra Dei considerationem, propter quem diliganter. Nam citra illam considerationem, creaturæ intellectu-

Aliud est finis actus, & finis obiecti.

11. Creaturae possunt amari propter se.

Amatur aliquid propter aliud quadrupliciter.

les sunt dignæ quæ amentur amore amicitia, illarumque necessitatibus succurratur, & optentur, ac procurentur illis bona conuenientia, præsertim spiritalia, & supernaturalia. Est enim per se honestum, id est, conforme rectæ rationi, iuare pauperem in necessitate; misereri afflicti, illique succurrere; eripere alium periculo peccati, & damnationis; & similia, quæ sunt actus, vel effectus Charitatis. Est quoque per se honestum colere parentes, quia tales, quod pertinet ad pietatem: amare benefactores, & gratum illis esse: obseruare superiores legitimos, & illis obedire. Et denique omnes alie virtutes Charitate inferiores, quæ habent aliud obiectum quam Deum, versantur circa illud propter se, ratione propriæ bonitatis & amabilis, in qua sistant; neque enim vlticulis tendunt ad Deum vt propter se amandum, quod est proprium Charitatis.

Confer-
matur ab
absurdo
contrarie
sententiæ.

Absurdum verò esse existimare nihil nisi Deum posse licite amari propter se: & cætera nonnisi propter Deum. Nam inde sequeretur attritionem descriptam à Trident. Sess. 14. cap. 4. vt distinctam à contritione, & non conceptam propter Deum, sed propter penam, aut turpitudinem peccati, non esse actum bonum: contra expressam Concilij definitionem ibidem. Sequeretur etiam nullam esse virtutem præter Charitatem: & rationem amandi vnâ tantum esse, nempe summam & diuinam: quod falsum est. Nam in qualibet virtute quæcunque ratio boni, illius propria, est bona & amabilis, etiam sola: non quidem alias excludendo, quasi propter illas non sit amabilis, aut quasi negligendo, aut continendo, vel alijs maioribus eam præferendo: sed simpliciter illas non includendo. Sic iustitia amat iustum, quia iustum est: & temperantia, tantum cibi, & potus, quantum ad sanitatem opus est. Fortitudo, moderationem rectæ rationi conuenientem in adeundis periculis, & ferendis asperis, neque nimis timendo, neque nimis audendo. Spes, bonum nostrum super-naturale, vt tale: & sic de cæteris. Quauis omnia hæc obiecta possint nobilibus amari secundum alioiorem considerationem, quatenus Deo placent: sed non est vna tantum virtus, scilicet summa; neque vna tantum ratio amabilis & suprema, quæ diuina est. Iustum enim v. g. licet nihil aliud consideretur, habet vnde sit volitum conuenienter iuxta regulam recti iudicii. Quod si iustum vt iustum, & temperatum vt temperatum, & similia habent vnde rectè amentur: quanto magis creatura intellectualis, quæ est imago Dei, & capax visionis beatificæ, summæque participationis nature diuinæ?

11.
Argumē-
ta con-
traria.

Obijcies ex D. Thoma, quæst. 27. art. 4. Deum immediatè amari per Charitatem, & alia mediatè, quatenus amor noster primò in Deum tendit, & ex Deo derivatur ad alia. Item, ex D. August. lib. 1. de doctrina Christi, cap. 3. 4. & 5. Solo Deo fruendum est. Frui verò est alicui propter se inhærere, vt ait idem S. Doctor initio capitis 4. Et lib. 3. cap. 10. dicat Charitatem esse motum animi ad fruendum Deo propter ipsum; & se, atque proximo,

propter Deum. Cupiditatem autem esse motum animi ad fruendum Deo, & proximo, & quolibet corpore, non propter Deum. Quam cupiditatem ibidem affirmat esse malam, & destitui per Charitatem. Item, in libro de moribus Ecclesiæ, postquam dixit cap. 14. esse beatum nihil aliud esse, quam inhærere summo bono, quod est Deus solus, cui inhærere non valeamus nisi dilectione, amore, & Charitate: addit initio capitis 15. *Quod si virtus ad beatam vitam nos ducit; nihil omnino esse virtutem affirmauerim, nisi summum amorem Dei.* Quia scilicet nullus alius amor honestus est. Et lib. de gratia Christi cap. 26. *Vbi non est dilectio, nullum bonum opus imputatur, nec rectè bonum opus vocatur; quia, omne quod non ex fide est, peccatum est: & fides per dilectionem operatur.* Loquitur autem de dilectione erga Deum. Et lib. de gratia & libero arbit. cap. 18. initio affirmat. Quidquid se putauerit homo facere bene, si fiat sine Charitate, nullo modo bene fieri. Et denique ex eodem August. lib. 1. Retract. cap. 15. referri solent hæc verba, *Voluntas sine Charitate, non est nisi vitiosa cupiditas.* Quibus consonat quod ait lib. de gratia Christi cap. 20. *Aliud est Charitas radix bonorum; aliud cupiditas radix malorum: tantumque inter se differunt, quantum Charitas, & vitium.*

Propter hæc noui Dogmatistæ existimant nihil licite amari posse nisi propter Deum: & omnem actum esse vitiosum, si non fiat ex motu Charitatis. Sed hæc doctrina est erronea, & satis apertè damnata à Trident. Sess. 14. cap. 4. affirmante attritionem conceptam ex consideratione turpitudinis peccati, vel ex gehennæ & penarum metu, & distinctam à contritione quæ est dolor de peccatis propter Deum, esse donum Dei, & Spiritus sancti impulsu, ac dispositionem ad veniam, & iustificationem in Sacramento Penitentia impetrandam. Expressius verò à Pio V. & Gregorio XII. in censura Michaelis Baij Doctoris Louanien-sis, cuius damnatur hæc propositio num. 36. *Omnis amor creatura rationalis, aut vitiosa est cupiditas quæ mundum diligitur, quæ à Ioanne prohibetur: aut laudabilis illa Charitas, quæ per Spiritum sanctum in corde diffusa, Deo amatur.* Itaque non potest hæc sententia sine graui errore sustineri; neque sine contumacia, nisi exulante ignorantia.

Ad primum argumentum in contrarium, sumptum ex D. Thoma, respondeo illum esse intelligendum de præstantissimo amore Charitatis, deque modo & ordine perfectiori tendendi ad obiecta, sine exclusione aliorum actuum, quibus eadem possunt minus perfectè diligi per alias virtutes Charitate inferiores. Ad secundum dico, solo Deo fruendum esse tanquam sine simpliciter vltimo, cui omnes alij subiacentur aliquatenus, saltem quatenus non debent intendi contra ipsius voluntatem, aut affectionem. Non est quoque ita inhærendum amori vltius creaturæ, vt obliuiscamur Dei, & ad illum nos ipsos cæteraque omnia non aliquando referamus per actum superiorem: nec ita vt in creatura simpliciter vltimo

12.
Iansenius
error lib. 2.
1. de gra-
tia & libe-
ri cap. 3.
& seqq.

14.
Espou-
tur D.
Thom.

Quomo-
do solo
Deo frue-
dam?

400 Disput. XIX. de Charitate, Sect. II.

quiescere velimus. Possumus tamen præter Deum habere alios fines ultimos secundum quid, nostrorum actuum; & in illis quiescere & oblectari: quod est frui aliquo modo, non tamen eo sensu, quo D. Augustinus loco ibi citato, & alij loquuntur. Intelligunt enim per *frui*, inhætere alicui vt fini simpliciter ultimo. Quo sensu D. August. cap. 22. eiusdem lib. 1. de doctrina Christi. dicit, *Quod propter seipsum diligendum est, in eo constituitur vita beata*. Et cap. 31. *Dicimus, inquit, ea re nos perfrui, quam diligimus propter seipsam: & ea re nobis fruendum esse tantum, qua effici-mur beati*. Eodemque sensu verum est quod idem August. ait alibi, Deo solo fruendum esse, & cæteris vtendum ad consequendum illum vt finem ultimum. Ad tertium respondeo verba illa D. Augustini, *non propter Deum*, intelligi debere de cupiditate ita fruendi, seu adhærendi alijs rebus, vt non modò non referatur ad Deum, sed neque referri possit. Ad quartum dico S. Augustinum cap. illo 15. libri de moribus Eccles. loqui de virtute sufficiente vt nos ducat ad beatitudinem: eoque sensu dicere nullam esse virtutem præter summum amorem Dei, quo videlicet amatur super omnia propter se: quia nulla alia sufficit ad finem illum obtinendum. Qua de causa potest dici sola virtus antonomastice, aliquo sensu, qui nulli alteri conuenit.

Ad quintum respondeo D. Augustinum cap. illo 26. libri de gratia Christi, non loqui de quocunque opere bono, sed solum de pertinente ad pietatem, veramque iustitiam: vt patet ex verbis immediatè sequentibus, *Ac per hoc gratiam Dei, quæ Charitas Dei diffunditur in cordibus nostris per Spiritum sanctum, qui datus est nobis, sic consecratur, qui vult veraciter confiteri, vt omnino nihil boni sing illa, quod ad pietatem pertinet veramque iustitiam* (id est, sicut oportet ad salutem) *ferri posse non dubitet*. Latius autem tum ibi, tum alibi pluribus locis, sumit nomen Charitatis & gratiæ pro quacunque motione pia diuinitus immissa voluntati, & necessaria ad omnia opera salutaria: vel pro quocunque actu virtutis, & iustitiæ generaliter sumptæ: quo sensu, vt refert ipsemet recodtor errorum Baij lib. 5. de Gratia Christi Saluatoris cap. 34. affirmat alibi D. Augustinus sexcentis locis omnem amorem iustitiæ esse amorem Charitatis, & Dei; quia Dominus iustitia est. Cum verò ait lib. de gratia & libero arbit. c. 18. Quidquid se putauerit homo benefacere, si fiat sine Charitate, nullo modo fieri bene: intelligit non fieri vtiliter ad vitam æternam nisi impleantur præcepta Charitatis erga Deum, & proximum. Nam de vtroque præcepto ibi loquitur, vt pater ex fine capitis præcedentis. Alia quo adduntur ex lib. 1. Retractar. cap. 15. non ibi reperiuntur, nec alibi vspiam apud S. August. continētque errorem Michaelis Baij supra relatum, & damnatum à Pio V. & Gregor. XIII. nisi in hunc sensum exponantur, quòd voluntas hominis destituti Charitate & gratia sanctificante, soleat in vitiosas cupiditates prorumpere, & vix, rarèque admodum

bene operatur omni ex parte: tamen si possit, præcipuè cum Dei gratia, si velit illi cooperari. Vt etiam interdum facit: nam Fides, & attritio, vel contritio peccatoris, est bonum opus. Denique lib. 1. de gratia Christi cap. 20. per *cupiditatem*, non intelligit quemcunque amorem creaturatum: sed concupiscentiam ortam ex Adæ peccato, & trahentem ad illicita: Vt patet ex verbis sequentibus: *Sed cupiditas hominis qua vitium est, hominem habet auctorem, vel hominis deceptorem, non hominis creatorem. Ipsa est enim concupiscentia carnis & concupiscentia oculorum & ambitio seculi*.

Dico tertio, licet amor Dei non habeat modum, seu mensuram ex parte obiecti, neque secundum se absolute spectatus: habet tamen in nobis ex parte principij finiti & limitati. Probat, quia Deus supra omnem modum est infinitè diligibilis. Amor quoque secundum se spectatus, potest in infinitum crescere, & in Deo re ipsa infinitus est. In nobis vero non potest crescere in infinitum: quia principium dilectionis finitum est, intellectus scilicet, & voluntas: Charitas quoque habitualis, & auxilia interna non possunt à nobis recipi ultra certum gradum capacitati nostræ finitæ adæquatam: neque possimus cum auxilio diuino interno, vel externo, conari & concurrere ultra certum terminum. Sed hæc limitatio est ex mera necessitate naturæ nostræ: non autem iuris aut legis diuinæ. Neque impedit quò minus possimus semper hac in vita magis ac magis diligere: quia dilectio nunquam ab illo tanta exercetur, quin possit haberi maior: Deo ita disponente vix statum, vt semper crescere quisque possit, nec vnquam summam perfectionem attingat, vel parem Christi Charitati & gratiæ. Duo verò sunt hic distinguenda. Vnum, quòd Charitas non possit crescere absolute ultra certum terminum capacitati nostræ adæquatam. Et hoc à mera natura esse dico. Alterum, quòd re ipsa non crescat vsque ad totam capacitatem animæ explendam, semperque locus augmento relinquatur. Et hoc fine diuina ordinatione non fit, qui res ita disposuit, quamvis posset in omnibus explet, si vellet.

Possit tamen etiam Deus, absolute loquendo, mensuram ponere Charitati intra terminum quem possimus attingere, ita vt intensius amare prohiberet. Deus enim liber est ad omnia extra se posita, præterquam ad malum volendum, aut aliquid indecenter faciendum, aut omitendum. Non repugnat autem, neque malum aut indecens est, quòd Deus prohibeat aliquam intensiorem Charitatis, ob bonum aliquem finem, puta ad vitandum aliquod incommodum, quod ex tam intensa dilectione sequi posset: v. g. ad vitandam alienationem à sensibus, propter quam opus aliud magis necessarium omitteretur: quæ dilectio re ipsa mala esset per accidens, & prohibita extrinsecè per omissionem prohibitionem. Confirmatur, quia Charitas non eximit diligentem à naturali subiectione ad Deum. Quare non impedit quò minus Deus possit mensuram,

Explicatur loca D. Augustini;

16. Habebatur enim mensuram amor Dei?

17. Possit à Deo poni?

Posse
prohiberi
Dei?

ponere diligenti. Quin etiam non repugnat Deum prohibere exercitium dilectionis sui, pro aliquo tempore, quo non est necessaria, & pro quo non est vituperabilis illius omisso, sed potius utilis, aut necessaria ad aliquid magis necessarium: puta ne agrotus nimis animum contendant, aut sanus valde necessario se priuet alio quopiam exercitio, tunc temporis debito. Non tamen potest actum illi contrarium, aut turpem & vituperabilem omissionem præcipere: quia utrumque malum est. In eo autem casu, quo Deus exercitium aut intensiorem Charitatis prohibuisset, non posset homo talem actum supernaturalem elicere. Tum quia non potest exerceri sine speciali Dei auxilio: Deus autem non concurrit specialiter ad actum malum, cuiusmodi ille esset, quia prohibitus, & illicitus. Tum etiam quia sequeretur eum simul amare Deum super omnia, & offendere mortaliter, ac postponere ipsius amicitiam & voluntatem, lux: quod ne quidem vilo actu naturali fieri potest: quia inuoluit contradictionem. Suppono autem Deum id grauer prohibuisse.

18.
Possunt
alia æquæ
intensæ
amari, ac
Deus: sed
non æquæ
æstimari-
uè.

Quæres, an Dei proprium sit vt toto conatu, & intensiōne voluntatis amari possit? Respondeo negatiuè. Nam proximus quoque amari potest quanta intensiōne possumus. Si quis etiam v.g. secundum suam totam vim expectet fortiter in bello se gerere, vel rectè fungi officio iustitiæ, quod exerceat, & exactè redere cuique suum, non esset malum: & quantumcunque conatu id vellet, non committeret excessum, per se loquendo. Quare præcellentia intensiōnis non est Dei propria: sed tantum præcellentia æstimatiōnis, in eo consistens, quod Deus ametur secundum æstimatiōnem boni supremi, & diuini, affectu illum præferente omnibus, & parato cetera potius omnia perdere, quam Deum. Quæ æstimatiō, vt alibi notauimus, potest esse duplex: virtualis, & formalis: siue implicita, & explicita. Formalis & explicita est illa, per quam formaliter & expressè Deus super omnia æstimatur, comparando illum cum rebus alijs distinctè vel confusè cognitis. Virtualis verò, & implicita est, quando licet Deus non actu comparetur cum alijs; amatur tamen secundum eam rationem, quæ est fundamentum præferendi illum expressè rebus omnibus alijs, & affectu illi conformi; ita vt si talis affectus fieret illa comparatio, si cogitatio de illa occurreret: firmiusque per illum Deo adhereremus, quam alijs; actu illo magis firmante voluntatem, quam alij circa sua obiecta: sicut per actum scientiæ quamvis remissum, firmatur magis intellectus, quam per vilius actum opinionis. Ita, inquam, firmante voluntatem, vt ex tali affectu beneuolentiæ sequeretur propositum vitandi omne peccatum mortale, & quidvis aliud perdendi potius quam Deum; si talis propositi formandi cogitatio in mentem veniret. Ratio verò cur possint alia amari æquè intensè ac Deus, & non possint æquè æstimari, est quia id, quod magis amatur æstimatiuè, præfertur alijs; & quod æquè amatur æstimatiuè, æquè æstimatur. At nulla res creata,

quantumvis amabilis, potest æquè æstimari ac Deus. At verò qui æqualiter amat intensiue, non propterea æqualiter æstimat: neque si magis aliquid amat intensiue, illud alijs præfert, paratus potius hæc perdere, quam illud. Amor enim intensius non continet huiusmodi comparationem rei amate cum alijs, sicut amor æstimatiuus; sed est tantum maior vehementia & teneritudo affectus circa obiectum.

Obijcies; Amabilitas sequitur bonitatem. Ergo quod magis bonum est, est magis amabile, tam secundum intensiōnem, quam secundum æstimatiōnem. Respondeo, id quod est magis bonum, esse quidem magis dignum amore, etiam maiore quoad intensiōnem: verumtamen quodlibet bonum honestum esse dignum sufficienter vt illum amemus amore intensissimo, siltendo tamen intra limites æstimatiōnis, quæ dignum est. Quò enim quisque magis afficitur ad bonum & honestum, eo melius facit, per se loquendo: eoque magis adheret rectitudini, atque ad turpi & inhonesto magis abest. Dixi, *per se loquendo*: quia per accidens potest amor intensior alicuius boni esse vitiosus, si nimis mentem occupet, & impediatur aut auertatur ab alijs melioribus, aut necessarijs: vt fieri solet in statu vitæ præsentis. Beati autem multò purius & intensius amant absque talibus incommotis.

19.
Solutio
obijctio.

SECTIO III.

De effectibus Charitatis.

SEX Charitatis effectus numerat & exponit S. Thomas à quest. 28. ad 33. inclusiuè. Tres internos, & tres externos. Interni sunt, gaudium, pax, & misericordia. Externi, beneficentia, elemosyna, & correptio fraterna. De quibus breuiter dicendum est, reiectis in sequentes disputationes ijs, quæ ad moralem considerationem pertinent de præceptis & obligationibus exercendi hos effectus. Reliqua verò in textu D. Thomæ sunt fere satis perspicua.

20.
S. Thomas
lex
effectus
Charita-
tis as-
signat.

Gaudium ergo est delectatio, & veluti quies appetitus in aliquo bono. Pater autem ex dictis alibi, eandem virtutem quæ inclinat voluntatem ad amandum aliquod bonum, inclinare ad gaudendum de eo iam adepto. Quare Charitas quæ inclinat ad Deum, & proximum amandum, & ad volendum illis bonum: inclinat etiam ad gaudendum de tali bono si præsens est: sicut & ad desiderandum, si est absens. Atque ita gaudium de bono Dei, & proximi, vt tali, est effectus Charitatis, tanquam vnus ex actibus illius proprijs: similiterque desiderium eiusdem boni, & timor ac dolor seu tristitia de opposito, sunt actus elicti Charitatis, vt docet idem S. Doctor quest. 28. art. 1. in corp. Et 3. p. quest. 85. art. 2. ad 1. affirmat eiusdem Charitatis esse velle bonum Dei, quæ tale, & odisse malum illi contrarium. Quia scilicet perficit integrè voluntatem circa obiectum sibi proprium, per accessum ad bonum, & recessum à malo.

Gaudium
Charita-
tis effe-
ctus qui
est?

402 Disput. XIX. de Charitate, Sect. III.

at. Pax opponitur bello, turbationi, ac dissensionem: & significat quietem ab his omnibus. Est autem duplex turbatio, & dissensio. Vna interna, id est, ad intra, siue in ordine ad nos ipsos: consistens in pugna, & dissensione passionum à voluntate, aut inter se. Altera externa, id est, ad extra, siue in ordine ad alios, consistens in discordia voluntatis nostræ cum voluntate aliorum, quibuscum agendum est. Vnde collige primò, duplicem esse pacem: internam, & externam; ex quibus pax integra & perfecta, velut ex partibus duabus coalescit. Secundò, pacem supra concordiam, id est, consensionem voluntatis nostræ cum alijs, addere aliquid aliud, nempe consensionem internam appetitus cum voluntate, & passionum ipsarum inter se: vt ait S. Thomas quæst. 29. art. 1.

Quomodo oritur à Charitate?

Vtraque pax, tam interna, quam externa, à Charitate oritur. Interna quidem, quatenus vnit voluntatem nostram cum diuina perfectissimè; & cum Dei gratia, & exercitio aliarum virtutum, conatur omnes ipsius affectus, & passionis appetitus, atque potentias hominis, & operationes voluntatis Dei subicere; atque ita efficere consensionem perfectam ipsarum inter se, & cum voluntate diuina, in qua omnes perfectè consentiant. Externa verò, quatenus Charitas vnumquemque inclinat ad diligendum alterum, sicut seipsum; & quatenus etiam quaerens Deum in omnibus, & omnes Deo vnies per amorem, conformat omnes diuinae voluntati; ac denique passiones in vnumquoque domans, tollit semina discordiarum, & contentionum, quæ ab illis oriri solent. Non tamen Charitas inclinat ad pacem qualemcunque, sed ad illam quæ secundum Deum est. Alioquin verò secundum Charitatem est resistere impijs, & maleficis, contra honorem Dei, vel bonum proximi aliquid molientibus; & pro Deo, vel proximo pugnare, quando est opus. Sed hæc necessitas debetur ex eorum imperfectione, qui Charitatis ductum non sequuntur. Nam si omnes eius legibus viverent, pax vbique regnaret. Porro, licet iniustitia, & aliarum virtutum iuuent quoque ad pacem internam, & externam: Charitas tamen multò magis: quia generaliter ad omnia se extendit. *Plenitudo enim legis est dilectio, Rom. 13. ver. 10.* Verum-

In quo consistit?

tamen; sicut sanitas corporis non est aliqua qualitas distincta, sed consistit in iusta omnium proportionem: ita pax integra & perfecta, non est vna aliqua virtus, aut vnus aliquis virtutis actus; sed consensio hominum inter se, & inter cuiusque affectus intra seipsum, consistens in concursu & exercitio Charitatis præcipue, aliarumque virtutum, affectus alicui rectè moderantium, in ordine ad seipsum, & ad alios: vel potius, est status quietis, & tranquillitatis, quæ homines fruuntur, sedatis omnibus, & pacatis interijs, & exterijs: qui status non est virtus, nec actus voluntatis; sed earentia perturbationis, & pugne, atque discordiæ, seu contrarietatis affectionum, & cordium; quæ contrarietates per Charitatem tollitur, aliasque virtutes. Atque ita pax est effectus Charitatis præcipue, aliarumque virtutum minus præci-

ps. Misericordia est alienæ miseriæ displicentia, siue notitio efficax; quæ scilicet mouemur vt ei subueniamus. Quæ virtus propriè in voluntate est, & non differt à Charitate erga proximum; quia eiusdem virtutis est amare bonum proximi, & auerfari malum illius. Et sicut amor nostri nos impellit ad procuranda bona propria, & mala propulsanda: sic amor proximi idem præstat circa eius bona, & mala. Quate misericordia, si de habituali loquamur, non tam est effectus Charitatis, quam ipsamet Charitas, inadæquate sumpta, prout versatur circa miseras proximi. Actualis verò, est vnus de actibus secundarijs Charitatis tendentibus contra malum, quo nimirum auersamur, & amolimus miseriam proximi. Licet autem hic actus communiter in nobis cum aliquo sensu doloris exerceatur: potest tamen sine illo esse. Vnde misericordia formaliter Deo tribuitur. At circa Deum versari nequit, quia Deus miser esse non potest, ideoque non est obiectum misericordiæ, quæ versatur circa miseros, & circa mala ita subiectum afficientia, vt ipsum miserrum reddant.

23. Duplicitur famitur.

Aliter sumitur interdum misericordia pro passione inferioris partis animæ, seu appetitus sensitiui, moderatè versante circa miseriam proximi, sed hæc per se & propriè virtus non est, cum non attingat obiectum sub ratione honesti; sed tantum quatenus constituit vnum moraliter actum cum actu voluntatis, à quo ditigitur, & secundum rationem regulatur, vt ait D. Thomas quæst. 30. art. 3. vbi expressè docet dolorem de miseria aliena sumi posse dupliciter. Primò, pro motu appetitus sensitiui: & sic misericordia passio est, & non virtus. Secundò, potest significare morum appetitus intellectiui secundum quod alicui displicet malum alterius: & hic secundum rationem potest esse regulatus, & regulare motum inferioris appetitus, atque ita virtus est. Idem S. Doctor art. 1. quæst. cit. misericordiam sic definit, post S. August. lib. 9. de Ciuit. cap. 5. Misericordia est alienæ miseriæ in nostro corde compassio, quæ vtrique, si possimus, subuenire compellimur. Dicitur enim misericordia, ex eo quod aliquis habeat miserum cor super miseria alterius. Sed hæc definitio, & ethymologia passioni potius conuenit, aut misericordiæ strictius sumptæ, prout à nobis cum aliquo sensu doloris exerceri solet; quam virtuti misericordie per se solum, & generalis abstractiueque spectatæ: quæ neque miseriæ cordis, neque dolorem includit necessariò: alioquin Deo formaliter conuenire non posset: neque Beatis, doloris & miseriæ incapacibus.

Beneficentia est actus externus Charitatis, quo alij bene facimus propter ipsos, aut Dei amore. Est autem effectus Charitatis inferioris: quia ex eo quod alteri bene volumus, sequitur vt ei bene faciamus. Possimus tamen alijs bene facere non tantum ex motu Charitatis, sed etiam ex motu iustitiæ aliarumque virtutum, vt Pietatis, Religionis, Obedientiæ, Gratiitudinis, Liberalitatis, &c. tuncque beneficentia pertinet ad huiusmodi virtutes, tanquam actus earum externus. Quate non

24. Beneficentia quid sit?

omnis beneficentia est effectus proprius Charitatis: sed illa tantum, quæ procedit ex motu Charitatis, quæque respicit bonum Dei vel proximi, quia tale est: deque hac sola in præsentia loquimur. Porro sicut amor Charitatis debet ad omnes generaliter extendi: ita & beneficentia, orando saltem in genere pro omnibus. Specialiter vero illis beneficiendum est, qui operâ nostrâ indigent: & inter eos, potius illis, qui nobis magis coniuncti sunt, cæteris paribus. Iuxta ea quæ diximus de ordine Charitatis. Quod luculenter confirmat S. Thomas quæst. 31. art. 3. in corp. his verbis, *Gratia virtus imitantur nature ordinem, qui ex divina sapientia est institutus. Est autem talis ordo nature, ut nunquamque agens naturale per prius magis diffundat suam activitatem ad ea, quæ sunt sibi magis propinqua. Exhibitio verò beneficiorum est quædam actio Charitatis in alios: ideo oportet ut ad magis propinquos simus magis benefici. Dixi autem, cæteris paribus: quia in aliquo casu magis est subueniendum extraneo (puta, si sit in extrema necessitate) quam vel ipsi patri non tantam necessitatem patienti; ut addit S. Doctor ibidem.*

Eleemosyna dupliciter sumitur. Primò, pro actu externo misericordie, quo subuenitur miseræ corporali pauperis indigentis. Et sic distinguitur à correptione fraterna, quâ subuenitur miseræ spiritali proximi delinquentis. Secundò, latius pro quocunque actu externo misericordie circa quancunque miseriam proximi, spiritalem, aut corporalem. Quo sensu sumitur à D. Thoma, totâ quæst. 32. Interdum etiam sumitur pro re ipsâ, quam damus indigenti ut eius miseriam subleuemus; quo sensu dicitur vnus dare, & alter accipere eleemosynam.

Eleemosyna latè sumpta in septem corporales, & septem spirituales diuiditur à D. Thoma, quæst. cit. art. 2. & ab alijs communiter: Quæ his verbis comprehenduntur,

Vistro, potro, cibo, redimo, rego, colligo, condo. Consule, castiga, solare, remitte, fir, ora.

Id est, pascio esurientes, potro sitientes, vistro infirmos, redimo captiuos, vestio nudos, colligo hospites, sepelio mortuos. Doce ignorantes, da consilium indigentibus (quæ duo continentur verbo, *Consule*) corrige delinquentes, solare tristes, offensioribus remitte offensas tibi factas, porta onerosos & graues, & ora pro omnibus.

Circa quæ nota primò, per, *visitare infirmos*, non intelligi tantum visitationem, quatenus fert solarium infirmis; id enim potius ad consolationem tristitiam, & afflictorum pertinet: sed intelligi præcipue curam & operam ægris impensam ad morbum subleuandum. Nota secundò, præter opera prædicta, alia multa enumerari posse, diuersa ab illis quatuordecim strictè sumptis, licet ad ea reduci possint aliquo modo, velut ad communiora, ut notat etiam D. Thomas art. 1. ad 2. Cuiusmodi sunt, succurrere naufragantibus, defendere famam aliorum laesam, liberare oppressos, du-

cere cæcos per viam rectam; & denique quibet sunt alie miserie internæ, vel externæ, & modi eos subleuandi; tot possunt esse actus & opera misericordie.

Nota tertiò, hæc omnia esse opera misericordie, & Charitatis, quatenus sunt ex ipsis mortuo, ut subleuetur miseria proximi, propter se, vel propter Deum dilecti, qui finis est illis magis proprius & intrinsecus: licet ad alios quoque referri possint, & tunc pertinent ad eas virtutes, ex quarum motu exercerentur. Actus enim exteriores ad illam virtutem referuntur, ad quam pertinet id, quod est motuum agendi huiusmodi actus; ut rectè ait S. Thomas art. 1. quæst. 31. Potest autem hoc dupliciter fieri. Primò, ita ut actus externus ordinetur ad finem, siue motuum sibi intrinsecum. Secundò, ita ut ordinetur ad finem sibi extrinsecum. Finis autem ille dicitur alicui actui externo intrinsecus, ad quem hic natura sua ordinatur, ita ut illum ex se natus sit causare. Sic sumptio medicinæ est nata causare sanitatem, & largitio eleemosynæ nata est remouere miseriam indigentis: & ideo hi sunt fines intrinseci illarum actionum: fines verò extrinseci, siue alij ab istis distincti, ad quos pro voluntate operantis illæ actiones ordinantur. Ut si quis det alteri medicinam ut inde lucrum reportet; aut si quis det eleemosynam, ut satisfaciatur pro peccatis, vel ut aliquid à Deo impetret. Ratione prioris finis actus externi habent intrinsecam honestatem, & ex se sunt actus certæ virtutis. Ad ratione finis extrinseci solum sunt boni denominatione extrinsecæ, eaque solâ ratione ad aliquam aliam virtutem pertinent. Ita Aegid. Coniunct. disp. 17. dub. 2. num. 5. Vnde rectè concludit eleemosynam propriè, & ex se, esse actum Charitatis erga proximum; quia tendit per se ad remouendum illius malum: voluntas autem remouendi malum alterius, prouenit ex amore, quo ipsius bonum amamus; & vtraque voluntas ad eandem virtutem pertinet.

Nota quartò ex D. Thoma quæst. 32. art. 3. eleemosynas spirituales ex suo genere nobiliores esse corporalibus. Primò, quia id, quod exhibetur per illas, nobilius est; scilicet donum spirituale, quod præminet corporali. Secundò, ratione eius, cui subuenitur: quia spiritus nobilior est corpore. Tertiò, quantum ad ipsos actus, quibus subuenitur proximo: quia spirituales sunt nobiliores corporalibus, qui sunt quodammodo ferules. In aliquibus tamen casibus & circumstantiis, eleemosynæ corporales sunt præferendæ spiritualibus. Nam extreme famehiens pascendus potius est, quam docendus; sicut indigenti melius est dari, quam philosophari; quamvis hoc sit simpliciter melius. Interdum etiam corporales sunt laboriosiores, atque difficiliore: unde maiori fertore voluntatis opus est, ex quo meritum crescit.

Nota quintò, opera misericordie nostri valere tantum ad subleuandam miseriam proximi, ad quod intrinsecè valent, & per se tendunt: Sed ad multa alia misericordie vtilia: nimirum ad satisfactionem pro peccatis, & ad eorum

Quibusnam beneficentiam?

17. Quomodo est effectus Charitatis?

Actuum exteriorum finis duplex: intrinsecus, & extrinsecus.

15. Eleemosyna multipliciter sumitur.

Diuiditur in corporalem, & spiritalem.

18. Eleemosyna spiritalis est nobilior corporali.

29;

404 Disput. XIX. de Charitate, Sect. III.

remissionem, & ad gratiæ augmentum, & alia, de quibus D. Thomas art. 4. quæst. 32. & fusiùs Egidius Coninck disp. 27. dub. 4. De obligatione vero exercendi opera misericordiar, de qua D. Thomas art. 5. & sequentibus. quæst. cit. & ferè tota quæstione 33. dicemus inferiùs, cum agemus de præceptis Charitatis. Melius enim est totam doctrinam moralem de

obligationibus & præceptis vnum in locum rejicere. Sufficiet in præsentì dicere grauem esse obligationem circa hæc omnia, quando materia grauis est, & necessitas valde vrgens, nec alius est qui possit, aut velit succurrere, & tu saltem commodè potes pascere v.g. esurientem, vestire nudum, sepelire mortuum, & similia.




DISPUTATIO VIGESIMA.

De Vitijs oppositis Charitati & eius effectibus.

- Sectio I. *De Odio Dei.*
Sectio II. *De Odio proximi.*
Sectio III. *De Acedia, Inuidia, Discordia, Contumè, & Schismate.*
Sectio IV. *De Bello, Rixa, & Seditione.*
Sectio V. *Soluuntur plures aliæ quæstiones de Bello.*
Sectio VI. *De Duello.*
Sectio VII. *De Scandalo.*
Sectio VIII. *Soluuntur aliæ duæ quæstiones de Scandalo.*

Charitatis actibus, & effectibus superiùs expositis multa vitia opponuntur: de quibus perspicuè disputat S. Thomas à quæst. 34. ad 43. inclusiue, vbi tractat de Odio, Acedia, Inuidia, Discordia, Schismate, Rixa, Bello, Seditione, & Scandalo. De quibus singulis pauca, & præcipua dicenda sunt, referendo simul, & exponendo quid S. Doctor de illis senserit.



SECTIO I.

De Odio Dei.

1.
Odium
quid, &
quoru.
plex sit?

C Vppono ex dictis 1. p. Disp. 16. Sect. 5. odium generatim esse duplex: abominationis videlicet, & inimicitiar. Quorum prius est auersio animi, quâ personam, vel rem aliquam, tanquam malam, & nobis displicentem auersamur. Posterius est actus voluntatis, quo volumus alicui personæ malum, quia ipsius malum est, & ex ipsius personæ displicentia: ita vt causa, propter quam ipsi malum volumus, sit quia talis persona nobis displicet, & erga illam malè affecti sumus. Vnde sequitur odium inimicitiar,

includere odium abominationis, seu auersionis & displicentiæ erga personam; & illi addere volitionem mali quod ipsi optamus, aut inferre cupimus. Sequitur præterea non esse propriè odium inimicitiar, velle alicui malum, etiam quia ipsius malum est, nisi talis volitio procedat ex displicentia personæ. Quare iudex, v.g. puniens malefactorem, & inferens ipsi malum pœnæ promeritæ ex puro zelo iustitiæ, non propterea ipsum odit: neque pater castigans filium studio correctionis: neque Deus affligens animas, & expians Purgatorij pœnis, alioquin sibi gratas, & æque ab omni reatu culpæ, seu mortalis, seu venialis liberat. Quia hæc non fiunt ex displicentia, & abominatione, seu auersione ipsius personæ, quæ, eo non obstante, grata & amica est, aut esse potest. Vt si iudex puniat consanguineum

sibi charissimum, ægrè quidem, & iniuriis quodammodo: ideo solum quia saluà iustitiā non eum potest à pœna eximere. Neque verò parentes oderunt, sed amant potius filios, quos affectu paterno castigant; neque iustorum animæ sunt. Deo exolat, dum expiantur pœnis Purgatorii. Tamen iudex, & parentes, & Deus, velint illis malum, quā malum. Quisquis enim vult punire alterum, vult ei malum; quia tale: quia vult illud, propterea vult ad puniendum alterius peccatum: non est autem vile ad puniendum, nisi quatenus est malum, & incommodum ipsi patienti, privando eum aliquo bono, vel positiuè affligendo, & malè affligendo.

Similiter, qui malum alicui volunt, aut inferunt ex aliquo alio prauo affectu, quā ex displicentia personæ; non propterea ipsam prosequuntur odio inimicitiz, propriè loquendo: puta, si rapiunt bona aliena, ut augeant suam, ex affectu auaritiæ, vel ambitionis; si malum alicui inferre velint ad propulandam iniuriam malè præsumptam, & similia. Nimirum quia in huiusmodi affectibus, non est ratio formalis inimicitiz propria, quæ in eo consistit, ut velimus alicui malum, quā malum, ex displicentia ipsius personæ. Falluntur tamen, qui inde colligunt Deum neminem odio propriè loquendo, odio inimicitiz. Nam quia Deus peccatores, & damnatos punit, non tantum ex affectu iustitiæ, verum etiam ex displicentia personæ (Similiter enim odio sunt Deo impij, & impietas eorum, ut dicitur Sapient. 14. v. 9.) idcirco Deus verè ac propriè illos odit odio inimicitiz: quemadmodum etiam Scriptura sepe testatur, tribuens Deo inimicitiam erga impios: & nos fusius probauimus loco citato, initio Sectionis: ubi etiam prædicta omnia paulò vberius exposuimus.

His præmissis queritur primo, An quis de facto possit odisse Deum odio abominationis, vel odio inimicitiz? Respondeo neminem clarè videntem Deum posse ipsum odisse, neminem quoque obscurè cognoscentem posse ipsum odio prosequi præcisè spectatum, & absolute secundum se; suæque attributa intrinseca; neque etiam quatenus est nobis auctor & parens bonorum, ut talium: secus verò spectatum in ordine ad quosdam effectus qui possunt nobis displicere, & mouere ad Deum odio habendum: odio, inquam, tum abominationis, auersando illum ut nobis contrarium; quia v. g. peccata nostra prohibet, vel punit; aut quia nobis aliquid negat; vel quid simile: tum etiam odio inimicitiz, volendo ipsi aliquid malum quā malum, & ex displicentia personæ ipsius: ut demones & damnati faciunt, & homines summe ac diaboliacè improbitatis, aut demoniaci furore correpti.

Prima pars est D. Thomæ, quæst. 34. art. 1. & communior Theologorum, intellecta etiam de potentia absoluta, quòd scilicet fieri omnino nequeat, ut Deum clarè videns ipsum oderit. Ratio est, quia videns clarè Deum, ab intrinseco ex vi ipsius visionis necessitatur ad eum amandum quantum potest, ita ut ipsi omnino impossibile sit Deum non amare, si concurtus

ad amandum non denegetur: sed & quamvis denegetur, manet tamen ipse determinatus ad amandum in actu primo, ratione visionis beatificæ, contra quam determinationem agere non potest per odium contrarium; sicut corpus graue, licet impediatur à descensu deorsum, quia tamen ad illum determinatum est per gravitatem, non potest nisi ad ascensum descensionis repugnantem, neque prorumpere in motum contrarium. Quòd autem visio Dei determinet, ac necessitet omnino voluntatem videntis ad Deum amandum, ostendimus suo loco in tract. de Beatitudine. Et confirmatur, quia bonum, quòd maius est, & melius cognitum, eo magis alliciet voluntatem ad sui amorem, ita ut naturaliter experiamur quædam ita eam allicere, ut nisi vi sibi facta, ab illis amandis abstinerere non possit: Ergo dari potest bonum aliquod tam ingens, & tantæ virtutis ad allicendum, ut voluntatem necessariò trahat, atque ita determinet, ut non possit resistere. Cum enim resistens voluntas creata sit finita in resistendo bonis ita allicientibus, potest dari aliquod bonum infinitæ virtutis & amabilitatis, à quo planè superetur. Huiusmodi autem est bonitas inextensa Dei clarè visi, infinitè superans omnem aliam bonitatem, etiam imaginabilem. Confirmatur secundo, quia multa bona creata rapiunt indeliberatè voluntatem ad necessarium sui amorem, ut quotidie experimur; quædam etiam tentationes citæ bona creata ita vehementer eam alliciunt, ut non obstante deliberatione, resistere moraliter non possint sine speciali Dei auxilio. Ergo multò magis bonitas Dei infinita, quæ Deum ipsum ad sui amorem determinat, poterit clarè videri illam determinare, & necessariò trahere ad sui amorem.

Dices, id quidem verum esse de vidente simpliciter, sine alia ratione, quæ visioni detrahatur, aut amabilitati diuine: secus autem si talis ratio obiciatur. Ut si quis breui tempore Deum videat, & ipsi interea reueleatur fore ut postea peccet mortaliter, & damnetur, & à Deo seuerissimè puniatur, gravissimèque torqueatur in perpetuum; aut si existens in peccato mortali, & damnatus, simul patiatur pœnam ignis, & eleuetur ad Dei visionem: aut si Beati voluntas ita à Deo corroboretur, ut non necessitetur ad amandum Deum, & consequenter possit aliquid à Deo prohibitum, tanquam sibi bonum apprehendere, & appetendo peccare, ut fieri posse censet Molina in primam partem D. Thomæ, quæst. 14. art. 13. disp. 18. num. 4.

Ad hæc respondeo, Dei bonitatem tantam esse, ut clarè visa non possit non necessitate videntem ad amandum: neque stante visione impediri possit quin sequatur hæc necessitas amandi obiectum tantæ amabilitatis, siue per apprehensionem malorum à Deo impendentium, aut à iustorum; siue per voluntatis corroborationem, quæ vim diuinæ amabilitatis clarè vix adæquate non potest: cum enim dari possit amabilitas tantæ perfectionis (quippe in qua nulla appareat repugnancia) existimandum est diuinam talem esse.

Secunda pars responsi est etiam D. Thomæ

Non po-
test odio
haberi se-
cundum
se.

art. cit. ubi docet Deum præcisè spectatum secundum se, & sibi intrinseca absolute, non posse odio haberi. Ratio est, quia quidquid odio habetur, debet apprehendi ut malum: At Deus non potest apprehendi ut malus secundum prædictam considerationem, cum nihil contineat, quod possit apprehendi ut malum, absolute spectatum. Ergo, &c. Docet præterea non posse odio haberi, ut est nobis auctor bonorum, intellige ut talium: quia sicut hæc per se, ut talia non possumus odire; ita nec Deum, propter illorum auctorem, & largitorem est. Dixi, *ut talium*: quia si bona illa apprehendantur ut mala per accidens, poterunt tum ipsa, tum eorum auctor, haberi odio. Atque ita sunt qui vitam ipsam oderunt, quia molestam, & vitæ suæ auctores detestantur.

Secus au-
tem res-
pectu
propter
aliud.

Tertia pars est quoque D. Thomæ art. cit. & satis patet experientiâ. Tantum aduerto cum Caiet. ibid. & Ægid. Coninck disp. 29. num. 26. malos non solum odire illos Dei effectus; sed etiam Deum ipsum, propter eosdem, aut propter rationes respectivas apprehensas, ut sibi malas, putâ quia punit eorum peccata, vel quia eos affligit. Quemadmodum enim quando aliquem amamus propter virtutem, aut odimus propter vitia: licet virtus, quæ illi inest, sit causa, siue ratio formalis cur ipsum amemus; tamen non eam solum amamus, sed etiam personam ipsam secundum se: & similiter non solum vitia, sed & personam propter ipsa detestamur, iuxta illud Sap. 14. *Odio sunt Deo impij, & impietas eorum*. Sic qui Deum oderunt quia vindex peccatorum est, aut afflictor; non tantum oderunt vindictam, aut afflictionem, sed Deum ipsum vindictæ, & afflictionis auctorem. Neque id negat D. Thom. loco cit. in 2. parte responsi: sed tantum vult non posse Deum odio haberi præcisè ratione sui, secundum intrinseca absolute sumpta, & sine ordine ad huiusmodi effectus, aut secundum illas rationes respectivas, velut motium formale.

6.
Odium
Dei est
maximè
peccato-
rum,

Queritur secundò, an odium Dei sit maximum omnium peccatorum? Respondeo esse maximum ex genere suo; ut docent S. Thom. art. 2. quæst. 34. & alij communiter. Ratio est, quia directè opponitur virtuti præstantissimæ, secundum præstantissimam ipsius partem, estque contra maximum præceptum. Optimo autem opponitur pessimum, ut ait Aristot. 8. Ethic. cap. 10. Item, directè avertit voluntatem à Deo, aut contra ipsum hostiliter conuertit, & summè ipsius bonitati repugnat maximè: & denique qui Deum odit directè, vult implicitè, aut expressè summum malum: quia vult Deum non esse, aut ei malè esse; quo nihil peius excogitari potest. Dixi autem, *ex genere suo*: quia ratione circumstantiarum alia peccata possunt esse graviora aliquo Dei odio, putâ ex vehementi passione repentina orto, ac tantum semi-libero. Inter ipsa quoque odia Dei aliud est alio maius, neque quodlibet est peccatorum omnium maximum. Odium enim inimicitie maius est odio abominationis: & inter utraque, aliud est alio gravius, propterea habet plus auctoritatis aut inimicitie, Deumque at-

tingit secundum plures, aut maiores rationes. Obijcies: Odium Dei oritur ex amore sui. Ergo ille amor est maius peccatum: cum sit radix; & causa odij. Item, peccatum consistit in elongatione à Deo: At Infidelitas magis elongat: quia qui penitus non novit Deum, magis ab ipso abest, quam qui novit, & odit: Ergo, &c. Tertio, peccatum in Spiritum sanctum est omnium gravissimum: idcirco quodammodo irremissibile, Math. 12. At odium Dei non computatur inter peccata in Spiritum sanctum. Ergo non est maximum peccatorum.

Ad primum respondeo, in moralibus effectum sæpe esse peiorem causam: Nam qui occidit ut furetur, gravius peccat occidendo, quam furando: & tamen furum est causa homicidij. Quare licet amor sui inordinatus sit plerumque causa odij Dei (plerumque inquam, nam aliunde quoque oriri potest) non sequitur odium Dei non esse amore sui deterius. Ad secundum dico peccatum consistere in voluntaria, & libera difformitate seu disconvenientia actus cum ratione, & voluntate Dei, quæ difformitas maior est in odio Dei, quam in mera Infidelitate. Secundò, si elongatio fumarum pro moralis alienatione; magis à Deo distat moraliter, qui ipsum odit, quam qui ipsum non novit: quamquam nemo est culpabiliter Infidelis sine aliqua Dei notitiâ tanquam sufficienter aliquo modo testificantis.

Ad tertium respondet D. Thomas art. 2. ad 1. *Estne Odium Dei esse peccatum in Spiritum sanctum; peccatum quia sit ex certa malitia: sed non computari inter species peccati in Spiritum sanctum: quia reperitur generaliter in omni specie peccati in Spiritum sanctum: Verum non omnia peccata quæ sunt ex certa malitia, dicuntur esse peccata in Spiritum sanctum Math. 12. Sed illud solum, quo miracula, ut opera divina ad nostram conversionem facta, malitiosè impugnantur, & Magis tribuuntur: quod peccatum dicitur irremissibile, id est, vix, & valde difficultè remissibile, quia directè conversioni viam obstruit: dicitur item peccatum in Spiritum sanctum: quia sicut Spiritui sancto tribuitur specialiter, & appropriativè vocatio, & sanctificatio: ita, & ea, quæ sunt in oppositum, censentur fieri specialiter contra Spiritum sanctum. Sed pari ratione, quia Spiritus sanctus procedit per viam amoris, & speciali quodam modo amor est; odium Dei specialiter illi opponitur, & eatenus dici pariter potest peccatum in Spiritum sanctum, licet de illo sermo non sit Math. 12. Vbi non omnia peccata in Spiritum sanctum recensentur. Neque minus præcludit viam conversioni, quantum est ex se; quia directè repugnat voluntati reconciliationis, & ab ea per se, ac formaliter magis avertit, quam sola impugnatio miraculorum, præcisè sumpta: sola, inquam, quia sæpissime cum odio Dei coniuncta est, & ab eo causatur.*

Quomo-
do id in-
telligi-
dum?



SECTIO II.

De odio Proximi.

QUæritur primò, verum quodcumque odium proximi, sit peccatum? Respondeo negatiue: sed illud tantum, quod sine iusta causa concipitur, aut iustæ causæ proportio- nem non seruat. Ita Vasq. l. p. disp. 84. cap. 3. n. 15. quatenus ibi docet aliquod odium tum sui, tum alterius, esse peccatum, esse hone- stum, & sanctum. Maldon. in cap. 5. Matth. num. 21. Salmer. tom. 5. tract. 42. Tolet. lib. 4. Sum. cap. 11. num. 1. & alij. Probatur primò de odio abominationis: licitum enim est auer- sari, abominari, & fugere impios, & scanda- losos, quâ tales; & non tantum ipsorum vitia; sed & ipsorum propter vitia detestari: iuxta illud Psal. 118. v. 113. *Iniquos odio habui, & legem tuam dilexi*: & Luc. 14. v. 26. *Si quis venit ad me, & non odit patrem suum, & matrem, &c. volentes scilicet à Deo auertere, non potest meus esse discipulus*: & Sap. 14. v. 9. *Similiter autem odio sunt Deo impij, & impietas eius*. Quibus verbis asseritur Deum non tantum odisse vitia, sed & personam ipsam non tantum impietatem, sed etiam impium. Quare exemplo Dei possumus non tantum abominari peccata, sed & personas ipsas infe- ctas. Sic etiam Ecclesiasticus cap. 50. v. 29. lo- quens in persona Iudeorum, dicit se odisse Idumæos, Philistinos, & Samaritanos. Et con- firmatur, quia quidquid est malum, est con- tinentis obiectum auersionis, siue odij abomi- nationis. Atqui non tantum impietas, sed & ipse impius malus est.

Pro quo nota, vt aliquid sit obiectum abomi- nationis, non esse necessarium, vt sit omni ex parte malum: sed sufficere si ex aliqua, vt propter illam odibile sit. Item, aliud esse odium, quo præcisè odimus iniquitatem, qua- tenus est malum ipsius iniqui, aut malum no- strum, vel malum Dei: & aliud, provt facit vnum compositum cum ipso iniquo, velut ipse causâ, & subiecto. Prius odium cadit præcisè in iniquitatem, sine odio personæ, quæ potius amatur, cum odimus iniquitatem, vt ipse malum est. Posterius verò attingit ipsam personam, quæ secundum se odio habetur propter iniquitatem, vt motium formale; ita vt odium attingat totum compositum. Atque ita David, & Ecclesiasticus suprà testantur se odisse iniquos, & Deus odit impios, & nos licitè auersamur peccatores, eos præsertim, qui ad peccandum nos trahere conantur, & abomi- namur sceleratos, præcipueque damnatos, & Dæmones. Quamquam non propter pœnas præcisè sumptas à culpa, sed propter culpam, quâ sunt infecti irremediabiliter, odio digni sunt.

De odio quoque inimicitie probatur; quia non tantum ex affectu iustitiæ, vel alio fine bono extrinseco, possumus malum, quâ ma- lum, opere peccatoribus; putâ mortem, & iustam pœnam latronibus, homicidis, sedu-

toribus ad hæresim trahentibus, scandalosos grauitè perniciosos, & similibus; aut etiam dumtaxat ne amplius noceant, quando non potest aliter prouideri: verum etiam ex affectu displicentiæ iustæ, & rationabilis, perso- næ vt vitiosæ: ad eundem modum, quo suprà diximus Deum velle, & infligere mala pecca- toribus, & damnatis, in pœnam, non tantum ex affectu iustitiæ, sed etiam ex displicentiâ, quâ personas abominatur propter peccatum. Cum enim liceat personas ipsas propter vitia auersari, vt iam ostendimus: licet etiam ex tali auersione, & displicentiâ velle vt illis malè sit, provt conueniens est, & provt rectus ordo re- rum exigit.

Dices cum Agid. Coninck disp. 29. dub. 3. *Solo* *obiectis* num. 33. Malum alterius, quâ tale præcisè, & propter se, non esse rationabiliter appetibile, quia vt sic nullam habet rationem veri boni. Arqui odium inimicitie hoc modo appetit alterius malum. Ergo irrationabiliter id facit. Respondeo aliquam esse veri boni rationem in eo quod malis malè sit, & condigè: hæc enim proportio aliquam habet veri boni, & æqui rationem. Quare malum alterius non cuiuscum- que, sed improbi, & meritis, quâ malum illius est præcisè, & propter se, potest ratio- nabiliter appeti.

Instabis, quia D. Thomas quæst. 34. art. 3. dicit odium fratris simpliciter acceptum, semper esse cum peccato: & illud odium tantum- modo permittit, quod culpam, aut defectum boni præcisè attingit, tanquam malum proximi, qui virtualiter per hunc actum amatur: odisse enim malum alicuius, quia malum ipsius est, est ipsum amare virtualiter: idèque tale odium non est odium fratris simpliciter, & propriè: sed potius amor proximi, & odium solius peccati. Respondeo illam quidem esse D. Thomæ sententiam, vt Lorca, & alij inter- pretes fatentur: licet Agid. Coninck dub. sup. cit. conetur aliter explicare, ne ipsi videatur contradicere: quod tamen facit apertè num. 55. quando fatetur posse impios odio haberi, sal- tem abominationis. Neque prodest distinctio, quam affert num. 51. inter naturam, & perso- nam, vnde concludit num. 53. illicitum esse odisse naturam, non personam: & hoc putat non repugnare D. Thomæ aienti nos non pos- se proximum odisse secundum id quod habet à Deo, id est, secundam naturam, & gratiam: sed tantum secundum id quod habet à seipso, & à Diabolo: siue secundum peccatum, & ius- titiæ defectum. Non prodest, inquam, primò quia D. Thomas hæc duo tanquam membra diuisionis adæquata opponit: vnde nomine nature, & gratie, intelligit quidquid homo à Deo habet. Atqui persona etiam à Deo est. Ergo ex mente D. Thomæ non potest odio ha- beri persona, æquè ac natura. Secundo, D. Thomas permittit tantum vt licitum, odium peccati, quod sit amor personæ. Atqui tale non est odium abominationis, quod licitum esse asseruit Agid. num. 55. vt magis patet ex num. 52. Ergo, &c. Fodem argumento refel- luntur qui dicunt sanctum Doctorem loqui in sensu formali, non licere scilicet odisse natu-

8.
Et de
odio ini-
micitie.

8.
Altera in-
stantia rei
pellitur.

ram, & gratiam, & quævis alia bona formaliter & præcisè vt talia, ita vt hæc sint ratio formalis, & motiuum formale odij: quod quidem verum, & manifestum est, sed alienum a mente D. Thomæ. Quare ingenue potius fatendum videtur illam quidem fuisse ipsius sententiam, quam supra retulimus; sed nihilominus oppositam, Scripturæ, & grauium Doctorem auctoritate, ac rationibus allatis nixam, probabiliorem videri. Nisi quis malit benignè explicare D. Thomam de odio simplici, & absoluto, de quo mox.

10.
Quodam
odium
proximi
est illicitum?

Dixi in secunda responsi parte, illud solummodo odium proximi, esse peccatum, quod sine iusta causa concipitur, vel iustæ causæ proportionem non seruat: quæ pars sequitur ex priori iam probata. Cum enim odium non sit illicitum, quando debite tendit in obiectum odio dignum; superest vt illud solum illicitum sit, quod vel non habet obiectum conueniens, vel indebite tendit in tale obiectum. Prioris generis odium est, si quis aliquem oderit, quia a Deo naturam, & gratiam, vel alia bona accepit: quo pacto Diabolus homines odit. Posterioris, cum quis, licet habeat conuenientem rationem odio habendi aliquem; magis tamen intensiue, vel extensiue, aut æstimatiue, odio habet, quam ratio patiatur. Vt si quis propter vnius vitium oderit totam naturam humanam. Cum enim vitia personalia sint, reddunt personam odibilem, non naturam vniuersaliter sumptam. Vniuersaliter, inquam, nam aliqui propter contracta ad hoc indiuiduum, est odio digna, quatenus talis vitij, seu peccati principium, & subiectum est, ab eoque male afficitur. Item si quis ob causam leuiorem oderit summo odio intensiue, vel æstimatiue: aut si propter aliquod malum, quo persona male afficitur secundum quid, oderit quicquid in ipsa est, odio quodam absoluto, ac simplici, nullo planè amore eiusdem personæ secundum vllam rationem compatiente, sed excludente penitus. Cum enim malæ qualitates non efficiant sua subiecta omni ex parte mala (potest enim idem habere aliqua vitia, & simul aliquas virtutes: imò quamvis omnibus vitijis scatere: natura tamen secundum se, & ab illis præcisè, bona est, & imago Dei, ipsius sanguine redempta) cum inquam, malæ illæ qualitates non reddant sua subiecta omni ex parte mala: ita nec illa reddunt putè, ac simpliciter, & absolute, omnique ex parte detestabilia; sed eadem sunt partim odio, partim amore digna. Vnde vt odium sit moderatum, non debemus personam absolute, & sub omni ratione odisse: sed amare sub vna, & sub alia auersari: Amare vt homines, Dei imagines, & secundum alia bona, quæ illis insunt: & auersari vt peccatores, sceleratos, & abominabiles.

11.
Quam
grauè
illic
peccatum?

Queritur secundò, quantum, & quale peccatum sit odium illicitum proximi? Respondeo primò, esse mortale ex genere suo, & quidem grauissimum eorum, quæ in proximum committuntur, quantum est ex parte deordinationis affectus. Ita D. Thom. quest. 34. a. 4. & alij communiter. Ratio est, quia est contra maxi-

mum eorum præceptorum, quæ ad proximum pertinent, & à proximo maxime auerit, aut pessime contra illum afficit, valèque de se ad volenda illi mala quæcunque grauissima, atque etiam exterius inferenda. Dixi, ex genere suo: quia non omne odium in indiuiduo attingit hanc grauitatem, aut etiam rationem peccati mortalis. Notandum enim, odium proximi aliud alio grauius esse posse tripliciter. Primò, ex parte obiecti formalis; vt si quis alterum oderit, quia Dei imago est; vel quia Deo gratus est: quod est pessimum, & diabolicum, & ex odio ipsius Dei procedit. Secundò, ex parte intensiōis actus. Tercio, ex parte extensiōis, aut quantitatis obiecti, seu maioris; aut minoris boni quod habetur odio, aut mali quod expetitur proximo. Vnde sequitur primò, non quodlibet odium esse grauissimum peccatorum quæ in proximum committuntur: cum inter illa aliud sit alio grauius. Secundò, aliud esse odium proximi, quod propter materiam leuitatem, aut aliam imperfectionem, leuius multò est alijs plurimis peccatis in proximum commissis, vt homicidio, adulterio, falso testimonio, & similibus. Addo tertio cum Egidio Coninck disp. 29. num. 60. Valentia quest. 11. p. 2. & Caiet. in Summa Verb. Odium, §. 1. Odium proximi non tantum ob defectum deliberationis, sed etiam ob suam imperfectionem, & materiam leuitatem, posse solum esse peccatum veniale: vt si quis alterum leuiter sine iusta ratione auersetur propter morum discrepantiam, eiusque fugiat consuetudinem; ita tamen vt nullum malum, graue saltem, ipsi optet. Vnde excusantur à peccato mortali ij, qui post remissam iniuriam, sententiam adhuc quandam animi auersionem, quæ illorum præsentiam, & conuersationem horrent, à quibus grauius læsi sunt, quam infirmitatem superare tam cito nequeunt, ideòque illos fugiunt. Sed propterea dammandi non sunt peccati mortalis, modò nullum graue malum disconuenienter illis optet, paratque sint illis in necessitate succurrere, & exterius non ostendant signa inimicitie abstinendo à salutationibus communibus, aut colloquijs necessarijs, & similibus, quæ graue scandalum parere possunt.

Respondeo secundò, odium proximi differre specie ab odio Dei: & inter odia proximi, differre & odia Dei, multas esse diuersas species, pro diuersitate obiectorum, quæ attinguntur secundum se; vt patet ex dictis de actibus Fidei, & Spei. Generatim enim actus omnes, qui attingunt obiecta adæquata essentialiter diuersa, quæ diuersa, & secundum proprias differentias, sunt specie diuersi; cum sint toti in ordine ad obiectum, & habeant suam essentiam, atque tendentiam illi accommodatam. Et hæc odiorum differentia specifica in peccatis mortalibus debet in confessione explicari, saltem quod attinet ad mala diuersa, quæ proximo optantur, & motiuum formale, propter quod aliquid odio habetur: vt rectè docent Egid. Coninck disp. 29. num. 61. & Suar. disp. 6. de Charit. Sect. 1. num. 3. Plurimum enim differunt velle alicui mortem temporalem tantum, & velle

& velle illi mortem æternam, aut bonorum temporalium amissionem, vel sanæ iacturam. Plurimum quoque differunt odisse aliquem, qui est imago Dei: & odisse quia aliquod officium, vel obsequium, mihi negavit. Sunt tamen qui assensum differentiam odiorum sumptam ex parte obiecti, seu diversitate malorum, non debere necessario explicari in Confessione, vt neque differentiam desideriorum circa eadem mala, si optamus tantum vt aliunde adueniant, neque ea per nos ipsos inferre cupimus. Censent etiam displicentias, seu abominationes rerum diversarum secundum idem motuum formale, esse moraliter eiusdem speciei in ordine ad Confessionem: sicut & simplices cogitationes morosas in peccatis carnalibus. Sed hac de re, vide quæ diximus tomo 1. Disp. 16. Sect. 4. num. 35. & tom. 5. Disp. 50. Sect. 6. num. 71. & sequentibus.

SECTIO III.

De Acedia, Invidia, Discordia, Contentione, & Schismate.

17.
Acedia
quid sit?

Circa primum: Acedia dicitur à Græco *ἀκεία*, id est, cura, & sollicitudo, & ἀλογία, id est, privatio. Vnde generatim incuriam & negligentiam significat, & in malam partem communiter accipitur. Speciatim verò, vbi sumitur, est tristitia ob tædium laboris concepta, & torporem inducens, atque à labore auertens, circa bonum ex Charitate necessariò prosequendum. Prima pars huius definitionis est D. Thomas quæst. 35. art. 1. c. vbi post D. Damasc. affirmat Acediam esse quandam tristitiam aggrauantem, quæ scilicet ita deprimit animum hominis, vt nihil ei agere liceat. Secunda sumitur ex eodem, art. 1. quæstionis cit. vbi docet acediam esse duplicem: vnam de bono communiter accepto, propter reperiunt in actibus singularum virtutum: & hæc, inquit, ad omnia virtutis pertinet. Aliam specialiter de bono diuino, de quo Charitas gaudet: & hanc ait esse vitium speciale Acediæ, Charitati oppositum. Vbi per bonum diuinum intellige primò bonum quocunque modo ad Deum pertinet, etiam per participationem dumtaxat, cuiusmodi est bonum supernaturale proximo optandum, & procurandum ex Charitate. Intellige secundò non quodcumque tale bonum; sed illud tantum, quod ex Charitate necessariò prosequendum est: iuxta eiusdem D. Thomæ limitationem art. 3. ad 2. vbi ait Acediam non esse recessum mentale à quocunque spirituali bono: sed à bono diuino, cui oportet mentem inhærere ex necessitate. Ex quo patet Acediam esse peccatum, & quidem graue ex genere suo, & capitale, id est, radicem aliorum multorum, vt docet S. Doctor art. 3. & 4. quatenus nimirum retrahit, atque auertit ab implendis grauibz præceptis circa officia plurima erga Deum, & proximum, grauitur necessitas. Si tamen levis auersio est, aut non satis deliberata, aut auertens à non nisi leuiter necessarijs, est tantum peccatum veniale: imò nullum per se, si ab operibus tantum

Quomodo
opponitur
Charitati?

Quale
peccatum
est?

Tomo III.

supererogationis auertit: vt à statu Religioso suscipiendo, vel à Sacerdotio, & similibus. Patet secundò, Acediam opponi specialiter Charitati, cuius est gaudere de bono Dei, & proximi, illudque prosequi, ac subire labores, & molestias in prosequendo necessarias.

Circa secundum: Invidia definitur à D. Thomas, quæst. 36. art. 1. Tristitia de bono alterius, in quantum æstimatur diminutivum propriæ gloriæ, vel excellentiæ. Id est, tristitia, quæ quis dolet de bono alterius, eò quòd apprehendit suum per illud obscurari. Pro quo nota, vltra tristitiam de bono alterius præcisè, quia ipsi bonum est, qui est actus odij, erga proximum; & tristitiam de bono alterius, ortam ex appetitu vindictæ; aliam esse quadruplicem, vt rectè docet S. Th. art. 2. q. cir. Prima est, quæ quis dolet de bono alterius, quia timet, ne is indeumat occasionem sibi, aut alijs bonis nocendi. Et hæc tristitia est effectus quidam timoris mali proprii, aut alieni; & bona est, si periculum prudenter timeatur, & dolet moderatus sit. Secunda est, quæ dolemus de bono alterius, solum ex eo quòd nobis deest bonum illud, quod ipse habet: quatenus scilicet dolemus nos carere illo bono, aut bonum illud ipsi potius, quàm nobis inesse. Et hæc dicitur Zelus, siue emulatio; & sine peccato esse potest, tam circa bona temporalia, quàm circa spiritualia, quando versatur moderatè circa res appetendas, & personæ conuenientes, quas ipsa sibi potest optare potius, quàm alteri, iuxta ea, quæ diximus de ordine Charitatis. Hinc excusantur à peccato mercatores, qui dolent officinas suas non potius frequentari, quàm alienas: aut merces suas non vendi potius, quàm alienas: & similes emulationes inter alios eiusdem artis, aut conditionis homines. Modò tamen non vltra tendant, neque conentur distractionibus, aut malis artibus impedire bonum aliorum, aut de illo simpliciter doleant. Tertia est, quæ quis trahitur de bono alterius, eò quòd is, cui bonum accidit, eo indignus est: & hæc vocatur Nemesis, siue Indignatio; & non habet verè locum in bonis honestis, quæ indignis contingere non possunt, sed in diuitijs, & similibus, quæ æquè dignis, & indignis obueniunt. An verò sit peccatum, dicemus paulò post. Quarta est, quæ quis dolet de bono alterius præcisè, quia suum obscurat, & gloriā ipsius diminuit, non quidem aliquam vim ipsi inferendo per actionem directè nocivam, vt facit ille, qui famæ detrahit: nec bonum, quod possidet propriè auferendo, aut minuendo secundum se: sed tantum suo accessu, & splendore efficiendo vt apud alios minis illustre appareat: sicut fax ingens candelæ appositā, lucem illi quidem non detrahit, sed tantum facit vt minis appareat. Et hæc tristitia propriè invidia est, & sine dubio vitiosa, quia sine iusta causa odit bonum alterius, ex inordinato appetitu excellentiæ: opponiturque Charitati, cuius est de bonis alienis gaudere. Hinc autem est, quòd invidia non est nisi inter aequales, aut aliquo est inter modo comparabiles in bonis, circa quæ invidia versatur. Nam inter eos, qui non sunt comparabiles, & concurrentes aliquo modo, ex-

14.
Invidia
quid sit?

Tristitia
multiplex
de bono
alieno.

Quænam
propria
est invidia?

Invidia
est inter
aequales.

M m

410 Disput. XX. de Charitate, Sect. III.

cellentia vnus non apprehenditur vt deprimens excellentiam alterius. Ad inuidiam quoque pertinet affectus ille, quo quis gaudet alium in aliquam calamitatem incidisse, aut excidisse à bono, eò quòd ampliùs bonum suum non obscureretur ab ipso. Item ille, quo quis incidens in aliquam calamitatem, gaudet, vel optat alios in similem incidere, vt ex eo calamitas sua minùs appareat, aut non reddatur magis notabilis ex aliorum felicitate. Qui omnes actus à ratione alieni sunt, quia sine iusta causa dolent de bono proximi, vel gaudent de ipsius malo: & sunt specie diuersi, prout versantur circa bona, vel mala diuersa. Nam inuidia de bonis spiritualibus multum diuersa est ab inuidia de bonis temporalibus. Licet autem peccatum inuidiæ sit mortale ex suo genere; leuitas tamen materiz, vel indeliberatio, veniale sæpe facit.

15.
Nemesis,
sive indignatio,
estne peccatum?

Quæres, an Nemesis, seu Indignatio, & tristitia de bono alterius ob indignitatem personæ, sit quoque vitiosa? Affirmat D. Thom. quæst. 36. art. 2. Primo, quia temporalia bona, de quibus maximè potest esse hæc tristitia, nihil sunt respectu æternorum. Secundo, quia dantur ex Dei Providentia, cui videtur derogare hæc tristitia. Tertiò, quia prohibetur, & reprehenditur in Scriptura, Psal. 36. *Noli amulari in malignantibus, neque zelaueris facientes iniquitatem*: Et Psal. 71. *Pene effusi sunt gressus mei, quia zelatus super iniquos, patem peccatorum vident*, &c. Idem etiam docent Suar. Disp. 6. Sect. 4. num. 3. Egid. Con. Disp. 30. dub. 2. num. 26. & alij plures, qui ad id confirmandum has rationes addunt. Primo, tristitia de aliquo obiecto non potest esse honesta; nisi obiectum illud sit verè malum. Sed indignum hominem habere bona temporalia, non est verè malum. Ergo, &c. Probat minor: quia hoc non est malum ipsi possessoribus, sed est ipsi potius bonum: nec etiam alijs, quia per hoc præcisè, quòd illi hæc bona possident, nullum alijs malum inferunt. Secundo, si aduerterem talem per incendium, aut quid simile, esse in periculo perdendi hæc bona; tenerem ex Charitate succurrere, si possem, vt fatentur omnes. At hoc esset falsum, si licitè dolerem eum hæc bona possidere: quia sic licitè optarem eum illis priuari, & consequenter licitè possem nolle id impedire.

16.
Probaturnon esse.

Contrarium sentiunt Aristot. lib. 2. Rhet. cap. 9. Lorca art. 2. quæst. 36. Martinus de Magistris apud Cajet. ibid. & Cajet. ipse ait se non videre in hoc actu rationem peccati. Suares quoque supra affirmat rarò esse peccatum mortale, si non perueniat ad absolutum odium proximi, neque sit contra Providentiam Dei. Ratio præcipua est, quia in eo quòd mali, & indigni bonis fruuntur, præcisè loquendo, & abstrahendo à Dei Providentia, & alijs rationibus extrinsecis, est quædam disproportionio, & inconuenientia, quæ iusti doloris obiectum esse potest. Sicut quando officia, vel bona Reipublicæ distribuantur indignis, meritò indignamur, eò quòd non seruetur æquitas, siue debita proportio. Et hæc sententia probabilior est, & conformis ijs, quæ supra diximus, licitum esse velle vt malis malè sit, ex affectu dis-

proportione personæ, dignè tali malo: & non tantum ex affectu iustitiæ, aut alio sine extrinsecis: verum etiam ob proportionem & conuenientiam, quæ est inter malum, & personam illo dignam.

Ad primum autem argumentum D. Thomæ Soluuntur Respondenti facile potest, bona temporalia, licet nihil sint respectu æternorum, habere tamen aliqua bonitatis; sicut eorum contraria habent aliquid mali, quia ratione licet tristari de illis si contingant iustis hominibus: quare similiter licet tristari de bonis, si contingant iniustis, & indignis, vt sic præcisè.

Ad secundum respondeo, bona illa spectari posse abstrahendo à diuina Providentia: quo sensu nos hic loquimur. Secundo, non esse necessariam conformari in omnibus diuinæ Providentiæ in volito materiali: licitè enim dolemus de malis, & penis nostris, & aliorum, præcipue bonorum & Sanctorum hominum: licet contingant ex diuina Providentia. Ad tertium respondeo, Scripturam non damnare simpliciter hanc tristitiam, sed prohibere ne ipsius occasione moueamur ad iniquos imitandos, iuxta illud eiusdem Psalmi 36. *Noli amulari vt maligneris*. Quod etiam insinuat illud, *Pene effusi sunt gressus mei*, &c. Significat enim Propheta le pene esse prolapsus: porro Ieremias cap. 12. vers. 1. aperte indignatur de impiorum prosperitate, & hanc indignationem iustam esse affirmat, cum sic ait: *Iustus quidem tu es Domine, si dispertem tecum: verumtamen iustus loquitur ad te. Quare via impiorum prosperatur?* &c.

Ad primam confirmationem; patet ex dictis, per se malum esse, id est, disconueniens, quòd malis, & indignis bene fit: sicut è contra, conueniens, & per se bonum est, quòd bonis, & dignis bene fit. Et hoc præcisè est obiectum conueniens gaudij; vt illud tristitiæ, & displicentiæ. Dico autem præcisè: quia si consideremus quòd malis bene eueniat secundum Dei Providentiam, vt inde conuertantur, vel vt bono aliquid premium accipiant alicuius boni operis à se facti (quamquam tunc indigni non sunt) vel ob alium finem: non est dolendum de bono indigni, sub ea ratione spectato: vnde etiam fit, vt quia ignoramus num ob talem aliquem finem illi collata sint eiusmodi bona, credendum sit potius ita esse, & præsumendum de Dei bonitate, & Sapientia. Hinc etiam est quòd illi periclitanti succurrere debemus, vt in secunda confirmatione dictum est. Hinc denique est, quòd non possum de illis bonis dolere absolute sub omni ratione, sed tantum secundum quid, spectatà præcisè indignitate personæ, & abstrahendo ab alijs finibus extrinsecis. Vnde sequitur quòd non possum optare absolute eum illis priuari, neque nolle impedire ne priuetur, aut non succurrere in necessitate periclitanti, ex quo sequeretur absoluta priuatio.

Quæstus licet tristari de bono aliter?

Circa tertium: Discordia, vt ait S. Thomas quæst. 37. art. 2. significat dissonantiam, non opinionum, aut iudiciorum, sed cordium, seu voluntatum & affectuum. Sumiturque hic per dissonantiam voluntatis à voluntate proximi, circa bonum Dei, vel proximi, quòd quis tenetur

17.
Discordia quid sit

velle ex Charitate. Dixi, *circa bonum*: quia dissentite circa malum, non est discordia vitiosa; sed bona. Dixi præterea, *bonum, quod quis tenetur velle*: quia non est peccatum discordare à proximo circa bonum aliquod supererogationis, ad quod non tenetur: ut si quis nolit concordare cum socio circa ingressum Religionis. Dixi tertio, *bonum ex Charitate*: quia licet circa alia possit esse discordia: hæc tamen non opponitur specialiter Charitati: hic autem sermo est de vitij Charitati oppositis. Et hoc peccatum frequentius contingit inter eos, quibus communiter incumbit rem aliquam procurare: ut inter magistratus, Prælatos, Cives, Religiosos, Domesticos, & similes eodem veluti iugo deinctos ad simul collaborandum: quam inter alios, qui non nisi interdum, veluti per accidens concurrunt. Estque peccatum grauius, aut leuius, prout maius, aut minus bonum impedit; aut plus, vel minus confert ad illud impediendum; aut maior, vel minor obligatio est ad illud bonum procurandum; aut maior, vel minor aduertentia, & deliberatio, vel cognitio obligationis, & malitiæ in dissentiendo: quæ si planè non cognoscatur, cum quisque putat bona fide melius esse quod ipse vult, nullum peccatum est. Quo pacto. S. Thomas q. 37. art. 1. ad 3. excusat dissensionem inter Paulum, & Barnabam, Act. 15.

18.
Contentio quid sit

Contentio verò sumitur hic, non pro conatu generationis, vel pro quavis concertatione, & contrarietate: sed speciatim pro contrarietate in locutione, vt ait S. Thomas q. 38. art. 1. nimirum pro altercatione verborum cum proximo, contra veritatem, ad eam impugnandam. Dixi, *contra veritatem*: quia contendere contra falsitatem non est vitium, sed virtus. Dixi etiam, *ad eam impugnandam*: quia disputare tantum exercitationis gratiâ, vt veritas magis elucescat, vel vt ingenia probentur, & exerceantur, non est peccatum: nisi fortè peccetur in modo, aut scandali periculum sit respectu infirmiorum, aut malâ intentione suscipiatur disputatio ad alium irritandum, vel confundendum publicè: quod est contra Charitatem, nisi ipsius fama, vel auctoritas noceat. Si autem veritates, quæ seriò impugnantur, ad fidem, vel ad bonos mores pertineant, earum impugnatio ex suo genere graue peccatum est. Secus autem, est tantum veniale, contra veracitatem: vt docet Agid. Conink Disp. 30. dub. 4. Contra Charitatem verò videtur esse specialis malitia contentionis, quando aliquis directè, & quasi ex intentione vult aliud sentire, & loqui, vt alteri contradicat. Nam id certè ex obiecto suo malum est, & contra rationem; maximèque opponitur illi coniunctioni, quam Charitas postulat. Rarò tamen est peccatum mortale, nisi ab extrinseco, & ex accidenti: quia peccatum non est grauis læsio Charitatis. Ita Suar. Disp. 11. Sect. vnica, num. 5.

Schisma quid sit

Schisma denique, à Græco *σχίσμα*, id est, scindere, generatim idem est, quod scissio. Speciatim verò sumitur pro scissione, siue diuisione, quâ quis propria sponte, & intentione se separat ab unitate Ecclesiæ, eamque scindit ea tenus, & diuidit: vt docet. S. Thomas qd. 39.

art. 1. Unitas autem Ecclesiæ in duobus consistit, nempe in Fidei conformitate, quâ omnes eadem credunt: & in externa communione in cultu diuino, Sacramentis, & subiectione respectu capitis visibilis, qui est summus Pontifex. Vnde dupliciter scindi potest Ecclesiæ Unitas. Primò, quoad Fidem, quod per hæresim fit. Secundò, quoad communionem illam, vel subiectionem, salua Fide: & hoc peculiariter schisma dicitur. Addi potest tertius modus, per vtrumque, vt frequenter fit. Hæretici enim sunt ordinariè schismatici: & schismatici sunt frequenter Hæretici: licet hæc duo possint, non tantum mente, sed etiam re ipsa separari. Vt fit cum aliquis, salua Fide, subtrahit se obedientiæ summi Pontificis: & quamvis credat illum esse caput Ecclesiæ, vult tamen se subtrahere ab eius subiectione. Item, cum aliquis Fide adhærens Ecclesiæ, ab ea tamen se separat in communione Sacramentorum, & cultus diuini externi. Quo secundo modo summus ipse Pontifex schismaticus esse posset, quantum est ex parte schismatis; si nimirum noller cum reliquis Ecclesiæ membris communicare, aut vellentorum corpus Ecclesiæ excommunicare: vt ait Cajet. ad art. 1. quæst. 39. Ratio est, quia quodlibet membrum, sine quo corpus Ecclesiæ potest consistere, potest ab ipsa se separare. At corpus Ecclesiæ potest consistere sine quolibet membro particulari, etiam aliquandiu sine ipso summo Pontifice, vt patet in interregno. Dixi, *quantum est ex parte schismatis*, quia ex parte Providentiæ diuinæ id nunquam euenturum est: sicut nunquam hucvix contingit. In hoc autem casu Metaphysico iudicandum esset de depositione Pontificis secundum ea, quæ alibi diximus de hæresi: pat enim est vtriusque ratio. Videri potest Valentia, quæst. 15. p. 3.

Vt hæc melius intelligatur, nota primò, non sufficere ad verum, & perfectum Schisma (subiectum pænis, de quibus infra) voluntatem internam separandi se ab Ecclesiæ corpore, vel ab ipsius capite visibili: sed requiri externam separationem. Quia Schisma consummatur in actu externo; & solus actus internus non subest legibus, & pænis Ecclesiasticis. Secundò, non sufficere etiam, quod quis ab vna Ecclesia particuli, aut Episcopo aliquo se separat, dummodo paratus sit reliquæ Ecclesiæ adherere, re ipsaque adherat. Schisma enim, vt hic sumitur, significat separationem à tota Ecclesia, non autem à minoribus communicantibus spiritualibus. Quo fortè sensu Paulus dicebat, *Nō sint schismata in vobis*, 1. Corinth. 1. ver. 10. latius sumpto nomine schismatis. Tertiò, non etiam sufficere, quod quis Pontifici non obediatur, aut excedat eius imperium nimis esse difficile, aut excedere ipsius potestatem, aut esse contra suum honorem, aut utilitatem, & similia: sed requiri inobedientiam cum rebellionem iunctam, quâ velit omnino se subtrahere & eximere ab eius subiectione. Quarto, requiritur præterea, vt Pontifex sit certò talis: nam si dubius est, vt quando iure de ipsius electione dubitatur, non est schismaticus, qui non vult ei subijci. Vnde quando plures eliguntur, nemo tenetur vili adherere donec constet de

19.
Quoniam ad illud requiritur?

illius electione. Imò si prius vni adhæreat, Schismaticus est: quatenus sibi caput eligit, seque separat ab Ecclesia, quæ nondum illi adhæret, neque debet adhærere, donec sufficienter constituit. Quod si constare illi non potest, debet illos deponere (quippe qui veri Pontifices non sunt, nec esse possunt vi talis electionis) & ad alium canonicè eligendum procedere. Interea verò plebs sequi debet iudicium Prælatorum suorum, donec ei constet ipsos iniquam causam fouere. Postquam verò electio certa & Canonica facta est; Schismaticus est, qui non vult se subicere Pontifici agnito ab Ecclesia pro tali, causando esse malè electum, aut in hæresim incidisse, aut etiam conando generale Concilium contra eum, vel ipso inuito, conuocare: quia hoc faciens, se implicite subtrahit eius obedientiæ: vt rectè ait Agid. Con. Disput. 30. num. 39. post Valent. & alios.

30.
Quale sit
peccatum?

Pœnis
Schismatici.

Ex quibus patet Schisma esse graue peccatum: quippe quod priuat vnione tam necessaria ad proprium cuiusque, & ad commune bonum Ecclesiæ. Et quauis ex parte sit contra obedientiam, & subiectionem, vel contra Religionem: est tamen contra Charitatem, quatenus tendit directè contra vnitatem, vt bonum maximum communis, & contra coniunctionem, & communicationem debitam cum amicis, quam amare, & conseruare Charitatis est. De pœnis autem Schismaticorum videri potest Valent. quæst. 11. p. 3. vbi docet excommunicari ipso facto, Cap. Nulli, dist. 19. & in Bulla Cœne: ac nisi per excommunicationem respiciant, posse puniri per depositionem, vt patet ex cap. In nomine Domini, dist. 23. & pœnis etiam corporalibus, auxilio brachij secularis, si depositio non sufficiat: vt dicitur in cap. De Liguribus, 23. quæst. 5. Priuantur etiam licito vti potestatis Ordinis, si quam habent, & potestatem ipsa iurisdictionis, ipso facto, inquit S. Thomas quæst. 19. art. 3. saltem si sunt inferiores summo Pontifici (de quo iudicandum est iuxta ea, quæ diximus de hæresi.) Illi enim, vi saltem excommunicationis, priuantur iurisdictione. Quod tamen est intelligendum cum exceptionibus aut modificationibus, de quibus diximus tom. 5. Disput. 19. Sect. 9. & 10. Ad has verò pœnas incurtendas sufficit Schisma externum indirectè voluntarium: quia hoc sufficit ad contrahendam veram, & propriam malitiam. Schismaticus: vt rectè docet Suar. Disput. 12. Sect. 1. num. 8.

SECTIO IV.

De Bello, Rixa, & Seditione.

11.
Bellum
quid sit?

Quid Rixæ
sit?

Pugna exterior paci opposita, si est inter duos Principes supremos, vel inter duas Respublicas, bellum propriè dicitur. Si inter duos, aut paucos priuatos propria auctoritate, vocatur Rixa: vnde D. Th. quæst. 41. art. 1. Rixam definit bellum priuata auctoritate assumptum; siue, quo duo vel pauci sine legitima auctoritate inter se pugnant. Si verò pugna est inter Principem, & subditos, vel inter partes

eiusdem communis, Seditio appellatur. Quid Scitur enim seditio, quasi seorsim itio: sitque cum partes eiusdem communis sit: si inuicem discedunt, seque mutuò impugnant, vel impugnare parant, & vna alteri aduersatur. Differt autem à Discordia: quia hæc est tantum dissensio voluntatum, sine pugna: seditio verò pugna est, vel ad eam tendit: & à Rixa: quia hæc inter paucos est, neque respicit necessarios membra eiusdem communis: & à Contentione; quia hæc in verbis tantum consistit: ac denique à Schismate; quod est diuisio in communitate spiritali. Seditio verò in ciuili, & temporali. De his plura D. Thom. quæst. 40. & duabus sequentibus.

22.
Non omne
bellum est
iniustum,
& contrarium
Charitati.

Circa quæ dubitatur primò vtum omne bellum sit iniustum, & contrarium Charitati? Respondeo negatiuè: sed illud tantum quod sine iusta causa suscipitur, vel sine legitima potestate, vel in quo non seruatur debitus modus, vel debita intentio. Ita D. Thom. quæst. 40. art. 1. Prima pars, quòd omne bellum non sit iniustum, & illicitum, est communis Catholicorum omnium, contra Anabaptistas putantes esse illicitum in lege Evangelica, ob quædam à Christo, & Apostolis per modum consilij dicta. Contra quos multa Scripturæ, & Patrum testimonia congerunt Bellarm. lib. de Laicis, cap. 14. & Valent. quæst. 16. p. 1. Ratio verò est, quia bellum sæpe necessarium est Republicæ ad iniurias propulsandas, & coercendos hostes: neque aliter possunt Respublicæ in pace conseruari. Ergo naturæ iure licitum est. Ergo & lege Evangelica, quæ non derogat iuri naturali, nec habet noua præcepta diuina, nisi circa fidem & Sacramenta. Confirmatur praxi perpetua Principum Christianorum, etiam sanctissimorum, quos nunquam Ecclesia reprehendit, sed laudauit sæpissime. Secunda pars, quòd scilicet bellum solum sine tribus conditionibus recensitis susceptum, sit illicitum, patet, quia quilibet defectus cuiuscunque illarum malus est: & nulla esse potest in bello iniustitia, quæ non ex aliquo earum defectu oriatur: nimium vel ex defectu iustæ causæ, & tituli sufficientis ad bellum gerendum, vel legitimæ potestatis ad indicendum, vel debiti modi, aut intentionis rectæ in eo suscipiendo, & gerendo. Vt autem tres illæ conditiones declarantur.

Quodnam sit
illicitum?

23.
Quæ
causæ iustæ
sunt in
bellis?

Queritur secundò, quæ, & quotuplex sit causa iusta inferendi bellum alteri? Respondeo, si bellum sit Principis in subditos, sufficere iniustam illorum aggressionem, ad quam propulsandam bellum necessarium sit: si autem est offensiuum, siue aggressiuum, multæ sunt causæ iustæ inferendi bellum, quæ ad tria capita reuocantur. Primum est, si Princeps vnus, aut Respublica, res alterius occupet, & noluit restituere. Secundum, si neget intra communia gentium, vt transitum viatum necessarium, sine ipsis damno. Tertium, grauis læsio in fama, vel honore, aut alia quæcunque grauis iniuria illata, pro cuius vindicta, vel reparatione bellum necessarium sit. Vt si iniuret eos, quibuscum

bellum gerimus; si iniuste atque, in re magni momenti rumpat fœdus nobiscum initum: si Legatos probrose & contumeliose tractauerit: si nostros innocentes & immeritos, apud se degentes, vitâ, vel fortunâ spoliauerit, & similia.

Quæ in-
iuria suf-
ficiat.

Pro quo nota primo, sufficere tales iniurias fieri vel ipsi Principi, vel eius subditis, aut confederatis, aut alijs etiam ius indicendi belli habentibus, & opem ipsius tacite, vel expresse implorantibus, aut eâ grauius indigentibus ad grauiâ mala, quæ patiuntur, impedienda, quæque aliter impediri non possunt. Qua ratione Principes Christiani possunt bellum inferre Infidelibus; qui impediunt ne sui subditi ad fidem conuertantur, qui Perdicatores vexant, qui suos innocentes, siue infantes, siue adultos Dijs immolant, iuxta ea, quæ diximus disp. 14. de Fide Sect. penultima, conclus. 4.^a Nota secundò, causam debere esse grauem, & damnis belli proportionatam. Cùm enim bellum multa, & magna afferat vtrique incommoda: contra rationem esset ob leuem causam grauiissima inferre damna. Vt si medicus pro leui morbo vellet ægroto crus abscindere. Nota tertio, quando offensor paratus est ad sufficientem satisfactionem, eamque offert, aut exhibet offenso: teneri istum à bello abstinere, atque etiam arma deponere, si iam suspicetur: quia bellum non nisi ex necessitate suscipiendum est, quando aliter iniuria reparari non potest. Nota quartò, quando bellum inferitur sine iusta causa, teneri inferentem omnia damna restituere: & non modò contra Charitatem, sed etiam contra iustitiam peccare: quia inferit malum alteri sine potestate legitima. Dico, *sine causa iusta in se*: quia modò sit talis, quamvis ex accidenti peccet inferens contra Charitatem, non tenebitur restituere. Porro inferens peccare potest contra iustitiam, non solum respectu eorum, quibus bellum inferit; sed etiam respectu subditorum, quorum bonum tenetur ex iustitia procurare: si videlicet bellum suscipiat cum eorum præiudicio, & grauamine sine sufficienti causa; aut temerè & imprudenter eorum vitam, & fortunas exponat. Qua de re plura Suares disput. 13. Sect. 4. & 5. Agid. Coninck disp. 11. dub. 2. Caiet. Bannes, & alij interpretes D. Thomæ, 2. 2. quæst. 40.

Bellum iniuste inferens ad quid tenetur?

24. Quis potest bellum iniuste inferre?

Inferre aggressi-
uum per-
tinet ad
Principem.

Quæritur tertio, quis habeat legitimam potestatem bellum inferendi? Respondeo, quod attinet ad bellum merè defensiuum, legitimam potestatem se defendendi contra iniustum aggressorem penes omnes esse: quia naturali iure licet vnicuique vim vi repellere. Quoad aggressiuum verò, solus Principes supremus, qui in temporalibus superiori non habet, vel Republica similem habens iurisdictionem, potest iure communi, & ordinario bellum indicare. Ita Doctores communiter, post D. August. lib. 22. contra Faustum, cap. 75. Ratio est, quia ex communi voluntate hominum consentientium in vnam Monarchiam, aut Rempublicam, ius indicendi belli, velut grauiissimum, & periculosissimum, ad supremam potestatem delatum est: debuitque deferri, ne si priuatis, & inferioribus id liceret, magnæ per-

turbationes, grauiissimæque incommoda orirentur, cum certa totius Communis euerfione. Adde quòd Princeps, vel suprema potestas, sine tali auctoritate sibi reuerfuta, non potest conuenienter, & pacificè gubernare. Inferiores verò, cùm possint petere ius à suo superiore, non debent habere facultatem indicendi bellum sine ipsius auctoritate.

Dixi autem, *iure communi, & ordinario*: nam in quibusdam casibus particularibus, aut extraordinarijs, possunt habere subditi ius inferendi bellum. Vt si Princeps esset ita negligens in vindicanda, vel defendenda Republica, vt grauiissima inde pateretur incommoda. Tunc enim posset tota Respublica se vindicare: quia censetur hanc auctoritatem sibi retinuisse, si Princeps suo officio desit; vt rectè ait Suares Disp. 13. Sect. 2. num. 2. Nec obest quòd priuati non possunt se vlcisci, licet iudices publici suo muneri desint, sed tantum possunt occultè se indennescere prestare. Nam in Republica maius est ius circa suum bonum, quod multò maioris est considerationis; quàm in priuatis, quibus etiam ius illud sine magna perturbatione concedi non posset. Item, si Princeps tacite vel expresse subditis hanc potestatem concesserit: vel si antiquissima consuetudine, aut legitima præscriptione ius illud sibi acquisuerint: vt dicunt Victoria Relect. de iure belli, num. 9. Caiet. quæst. 40. art. 1. Molina tract. 2. de Iustitia disp. 100. Suares supra, & Agid. Coninck disp. 31. num. 64. quia cùm ex humana voluntate ius illud in supremum Principem sit translatus; potest eiudem etiam voluntate, aut legitima præscriptione inferiores refundi.

25. Aliquòdo id potest subditi.

Porro, qui bellum inferit sine legitima auctoritate, non modò peccat contra Charitatem, sed etiam contra iustitiam, licet iusta causa non desit: teneturque restituere omnia damna, nisi forte sua recuperet; nam hæc reddere non tenetur, sed satisfacere tantum pro alijs damnis, & expensis, quorum omnium causa fuit sine legitima auctoritate: ac denique incurrit pœnas iniuste bellantium: adeoque, si incendium facit, incurrit pœnas incendiarij, vt post Syluestrum docet Suares disp. 13. de Charitate, Sect. 2. num. 6. Quid verò possit Summus Pontifex indirectè circa Principes Christianos in iudicio de causa iusta belli, diximus alibi, 1. 2. disp. 14. Sect. 4. Eademque de re videri possunt Molina de Iustitia disp. 103. & Suares Sect. tit. num. 5. ¶ docet Summus Pontifex habere ius euocandi ad se causam belli, & potestatem ferendi sententiam, cui partes teneantur obedire, nisi manifestam faciat iniustitiam: quia id valde necessarium est ad spiritale bonum Ecclesiæ, & ad infinita prope mala grauiissima vitanda.

26. Quæsum peccet bellum inferens sine auctoritate?

Summus Pontifex quid potest circa bella Christianorum?

Quæritur quartò, qua ratione constare debeat de iustitia causæ, vt bellum licitè, & iuste indicatur, aut geratur? Respondeo primò, supremum Principem teneri ad diligens illius examen, si dubia sit: quia negotium belli grauiissimum est: in omni autem negotio graui, diligentia & consultatio adhibenda est, qualitati illius accomodata. Adde quòd aliquot on-

27. Causa iusta belli quomodo examinanda?

nia turbarentur temeritate Principum. Modus autem examinandi est, vt, sposito omni affectu inordinato, & adhibitis in consilium viris prudentibus, & bonæ conscientie, libere proponantur hinc inde rationes, ac responsiones, omniq; maturè perpendantur. Tum si res certò constat, agendum est secundùm illam cognitionem. Sin autem dubia manet, neque spes est veritatis certius inueniendæ, si questio est de iustitia illata; & dubium est, num verè illata fuerit, an verò iure factum sit: non potest bellum suscipi ad talem iniuriam vindicandam, neque illius reparatio exigi: quia vt dicitur tegula iuris xi. in 6. *Cùm sunt partium iura obscura: reo potius sciendum est, quàm alicui.* Si autem questio est de bono aliquo ab alio possessio, & dubitet Princeps, num illud ad se pertineat: si iam aliud bona fide incipit possidere, non potest illud bello repetere, quia possessio dat alteri ius retinendi: sin autem mala fide possidere cepit, aut neuter adhuc rem possidet; res inter vtrumque diuidenda est; vel eius pretium, si res diuidi nequit: aut committenda iudicibus arbitris: quod si alter facere tenuit, potest illi bellum inferri.

Contingit autem aliquando vt duo Principes, re examinata, habeant iudicia contraria tanquam certa moraliter: & tunc vterque debet, si fieri potest, rem arbitris bonis, & æquis committere, vel rem diuidere, aut aliter pacifice inter se transigere: cùm euident sit alterutrum falli, & bellum, si suscipiatur, fore iniustum materialiter ex altera parte: quod, quantum fieri potest, vitari debet: neque iure potest vnus illorum faciliè iudicare alterum mala fide procedere, aut falli per nimiam stupiditatem: sed potius debet suum iudicium in propria causa suspectum habere: & existimare se æquè falli posse: Aque ita potius rem arbitris vtrique parti non suspectis committere, vt diximus disp. vii. Sect. vii. de actibus humanis.

Respondeo secundò, debere Principem prouidere non modò vt causa belli iusta sit; yerùm etiam, vt ne ius prosequendo peccet contra Charitatem, vt faciunt qui iura sua, & bona quædam particularia, præferunt longe maiori bono communi Ecclesiæ; & bella suscipiunt, quorum occasione hostes fidei inualefunt, & Religio Christiana graue detrimentum patitur. Charitas enim erga bonum commune, & amor Religionis, eos obligat, vt patienter ferant potius damnum aliquod priuatum, ad vitandum grauius malum commune. In quo casu potest ac debet Summus Pontifex procurare vt Christiani Principes ab eiusmodi bellis abstineant.

Respondeo tertio, primates regni, & alios, qui ad consilium de bello inchoando vocantur, teneri veritatem diligenter inquirere: quia tenentur ex iustitia iustum consilium dare: alioquin iniustitia belli iure ipsis imputabitur. Alij verò, qui ad consilium non vocantur, non tenentur inquirere, & examinare: sed gerere se possunt, vt priuati, & communes milites, qui mouentur tantùm, & non mouent: per accidens enim est quòd aliqui sunt potentes, nobiles, diuines, sapientes, &c. si tamen illis ini-

sticia belli constarent, tenerentur ex Charitate Principem opportune monere.

Respondeo quartò, communes milites Principi subditos non teneri inquirere, num causa belli sit iusta; sed vocatos ad bellum ire posse, modò illis non constet bellum esse illicitum. Ita Suarez disp. 13. Sect. 6. num. 8. Ratio est, quia iudicium Principis illis sufficit. Excipe tamen casum, in quo publicè circumferretur causam belli esse iniustam, vel occurreret rationes, quibus non possent ipsi satisfacere, & Princeps sciretur esse laxioris conscientie, & parum esse sollicitus quâ ratione, aliter inuadat, aut possideat, vel iniurias verè aut falsò præsumptas vlsceretur. Quia tunc non possunt prudenter præsumere Principem suum non suscipere bellum iniustum. Quare tenentur viros probos, & peritos consulere, vel per se, vel per suos duces. Quòd si post sufficientem inquisitionem res adhuc manet dubia, possunt nihilominus licitè militare, illi qui imperio Principis ad bellum compelluntur: vt post alios plures grauissimos doctores docet Agid. Coninck disp. 31. num. 75. & sequentib. Ratio eiusdem est: Quia cùm superior sit in possessione præcipiendi, non debet cā priuari, nisi constet eum malè imperare, præsertim quando subditi nequit non parere, nisi ostendendo publicè se nolle parere, & ita Principem accusando iniustitiae.

Respondeo quintò, milites non subditos Principi, sed stipendiarios, aut spontaneos, vt Et stipendiarios vocant, quandiu illis non constet bellum esse iniustum, sibi que prudenter persuadent, Principem, & eius consiliarios esse bonæ conscientie, non teneri inquirere, sed posse ob eorum auctoritatem sibi persuadere bellum esse iustum, atque ita licitè ad illud accedere. Quando verò & causa belli illis dubia est, & Principis, ac consiliariorum auctoritas prudenter suspecta, ita vt nequeat illos mouere sufficienter ad iudicandum, saltem omnino probabiliter bellum esse iustum; non possunt licitè ad illud accedere: quia cum absolutè dubitent, nec habeant vllam probabilem rationem, quâ moueantur, vt credant id sibi hîc, & nunc licere: non possunt hoc prudenter iudicare. Nihil autem licitè facio, quod non possum prudenter iudicare hîc & nunc, spectatis omnibus, mihi licere. Ita Agid. sup. num. 83. Excipit tamen Caietanus in Summâ v. *Bellum stipendiarios*, qui accipiunt stipendium etiam tempore pacis, obstrictique sînt ad eundem, quoties vocantur. Tales enim possunt se gerere vt subditi, quia reuera subditi sînt ratione stipendij: quare tenentur parere, vt alij, de quibus supra. Sed hæc exceptio non placeat: quia non sunt subditi, nisi ratione pacti primùm iniij: Et initio non potuerunt pacisci de militando in omni bello iure iusto, siue iniusto. Ergo ratione pacti non tenentur illi parere. Aliunde verò Princeps in illos ius non habet, vt supponimus: ergo non est par ratio de illis, ac de simpliciter subditis, & veluti membris eiusdem Regni, aut Reipublice.

Queritur quintò, an liceat Clericis indicare, & gerere bellum? Respondeo primò, Cle-

30.
Et communes milites.

Quid faciendum in dubio?

18.
Quid si iudicia sunt contraria?

Causandæ ne peccetur contra Charitatem.

19.
Consilij de iustitia belli ad quid tenentur?

31.
Et stipendiarios vocant, aut spontaneos.

32.

Licetne Clerici
inducere
bellum?

ticos, qui ratione sui beneficij, aut aliunde sunt Principes supremi temporales in sua ditione, posse licetè inducere bellum, iustè exigente causâ; & per suos duces illud gerere, atque illis præcipere vt fortiter pugnent, sine periculo Irregularitatis. Ratio est, quia potestas incendiendi bellum conuenit supremæ potestati civilij, quæ in illis perfecta est: & tale ius non minus illis necessarium est, quàm alijs Principibus supremis: cuiusque vltus non prohibetur vllq iure diuino, vel Ecclesiastico, vt patet ex Causa 13. quest. 8. cap. 7. & 8. Eademque de causa licet illis constituere iudices in causis criminalibus, illisque præcipere vt in malefactoribus inquirant, ac lege agant; quamvis mors malefactorum inde sequatur, quam ipsi non præcipiunt directè, & per se, sed actum iustitiæ. *Can. Episcopum, Ne Clerici, vel Monachi, in 6. Ita Suares disp. 13. Sect. 3. n. 2. & Agid. disp. 31. num. 92. & alij communiter.*

31. Licet il-
lis gerere
bellum
merè de-
fensiu.

Respondeo secundò, licet Clericis quibuslibet gerere bellum merè defensiuum, quando ipsorum opera ad defensionem necessaria est: quæ necessitas moraliter & latè intelligi debet. Ratio est, quia defensio necessaria permittitur vnicuique iure naturali, & iure positio non prohibetur; siue sit defensio propriæ vitæ, siue propriorum bonorum; siue sit alterius, & maxime parentum, aut patriæ, & boni communis. Sunt tamen qui existimant Clericos, si tunc occidant incurrere irregularitatem, nisi occisio sit necessaria ad defensionem propriæ vitæ: sed Agid. Coninck loco supra cit. num. 91. post Molinam, & alios, melius censet oppositum. Quia nunquam irregularitas, quæ vocatur *ex homicidio*, incurritur à Clerico propter alterius occisionem, nisi culpabiliter occidat. Irregularitas, inquam, quæ vocatur *ex homicidio*: secus autem illa quæ vocatur, *ex defensione*.

34. Licet in-
terfice
possunt
bellis
etiam ag-
gressiu.

Et inter-
dum etiã
pugnare.

Respondeo tertio Clericos licetè interesse bellis iustè susceptis, siue defensiuis, siue aggressiuis, vt milites iuuent in spiritualibus; eosque licetè hortari vt fortiter pugnent: dummodo non hortentur vt aliquem occidant in particulari, extra casum defensionis necessariæ: vt patet ex cap. 7. & duobus sequentibus, 13. quest. 8. & ex praxi communi. Quin etiam vigente graui necessitate possunt pugnare manu propria, si alioquin ab hostibus inuadentibus essent occidendi: aut ciuitas, vel castrum, vel natus in qua sunt, essent expugnanda; vel victòria magni momenti certò amittenda. Tunc enim habent à iure naturali talem facultatem: imò & obligationem, si agitur de bono communi defendendo: cui facultati & obligationi non derogat ius Ecclesiasticum, neque derogare potest. Quin etiam, si grauis inister necessitas ad commune bonum Ecclesiæ, vel quid simile, vt Clerici quoque ad bellum aggressiuum gerendum accedant, iure ipso naturali obligantur ad huiusmodi bellum, non repugnante iure positio, quod de casu grauis necessitatis non est intelligendum, ne iuri naturali deroget: quod non potest; cum ius naturale sit fortius.

35. Respondeo quartò, extra casus prædictos

grauiter prohiberi iure Ecclesiastico omnibus Clericis, & Monachis, saltem in sacro aliquo ordine constitutis, milites ducere, pugnam instruere, propria manu pugnare, aut tormenta bellica in hostes dirigere, vel ijs qui dirigitur præesse: vt patet de Monachis ex cap. *Eos qui*, 20. q. 3. & de Clericis, ex cap. 4. & 6. 13. q. 8. & de vtriusque simul, ex cap. *Sententiam, Ne Clerici, vel Monachi*, vbi sub grauibz pœnis id prohibetur. Quare fatentur omnes peccare mortaliter Clericos supradictos, & Monachos, qui sine necessitate id faciunt. Dixi autem, *iure Ecclesiastico*: quia neque naturali, neque diuino, grauitè saltem, prohibetur vlli gerere bellum iustum, consentiente eius Imperatore. Grauitè, inquam: quia non nego esse ex natura rei indecentiam aliquam inter statum Clericalem, & militiam, propter quam saltem venialiter peccarent, seposito etiam iure Ecclesiastico, nisi necessitas excuset. Vnde etiam si, vt licet iura citata non loquantur expressè de Clericis nondum constitutis in sacris ordinibus: probabilius tamen sit ipsos peccare saltem venialiter, si bellum gerant sine necessitate, nisi iam statui Clericali renuntiauerint: cuiusmodi non sunt ijs, qui gestant habitum Clericalem, aut qui possident beneficia Ecclesiastica, ratione quorum tenentur Christo militare, non seculo. Multòque magis peccant si sunt Religiosi deputati ad sacros ordines, licet nondum sacris initiati: quamquam & hos peccare tantum venialiter docent Molina tract. 2. de Iustitia, disp. 108. & Agidius Coninck disp. 31. dub. 6. num. 87. Hoc tamen peccatum Clericorum non est contra iustitiam, sed tantum contra Religionem, vel contra Obedientiam. Idèoque si bellum sit aliunde iustum, non tenentur restituerè: quia accipiunt à Principe potestatem militandi sine iniustitia, quamvis non sine indecentia, vel inobedientia erga Ecclesiam.

Quòd verò attinet ad irregularitatem: si Clericus peccat militando, & per se occidit alium: sit irregularis: quia est voluntarius & culpabilis homicida. Si vero ipse non occidat, quamvis occidant alij, non est irregularis, vt indicatur *C. Petito, Extra, de homicidio, & C. Presentium, C. Continentia, de Clerico percussore*. Sin autem licetè militat, & per se occidit vel mutilat aliquem ex necessitate inuitabili defensionis, non incurrit irregularitatem. Si vero deest necessitas, res dubia est, & ad securitatem peti potest dispensatio, vt ait Suares disp. 13. Sect. 3. num. 6. id tamen non est necessarium: quia in dubio potest se gerere pro non irregulari. Addit Suares, quod verissimum est, Clericum pugnantem proprijs manibus ex dispensatione Summi Pontificis, non incurrere irregularitatem per homicidium non-necessarium: quia qui dispensat in principali, censetur dispensare in concomitante. Porro, si Clerici incurrant irregularitatem in casibus supra dictis, eius dispensatio pertinet ad Summum Pontificem, si est incursa per homicidium voluntarium, quamvis occultum. In alijs verò casibus occultis dispensatio permittitur Episcopo, in Trident. Sess.

Non pos-
sunt sine
necessita-
te, & cer-
tis casu-
bus.

Quòdum
peccent,
si secus
faciunt?

36. Fiantne
irregulari-
tes?

24. Decreto 2. de Reformat. cap. 6. Qua de re plura diximus tomo 5. disputat. 62. Sect. 8. num. 104. & pluribus sequentibus.

SECTIO V.

Soluantur alie quæstiones de bello.

37. Quid faciat eadem Principi ante belli aggressiui inchoationem?

QUæritur sextò, quis sit debitus modus gerendi bellum? Respondeo primò, ante aggressiuium bellum inchoatum, teneri Principem proponere causam belli, Principi, aut Republicæ contrariæ. Qui si offerant emendationem, & satisfactionem condignam, tenetur Princeps acceptare, & à bello desistere: alioquin iniuste infert, & tenetur ad restitutionem. Ita Doctores communiter; colligiturque ex Deuter. 20. *Si quando accesseris ad expugnandum, &c.* Et cap. Noli, 23. quæst. 1. & cap. Dominus, quæst. 1. Limitant tamen aliqui cum Ægid. Coninck disput. 31. dub. 2. num. 26. hanc conclusionem ad eos qui non subsunt Principi. Quia Princeps (inquit auctor citatus) non peccat contra iustitiam, licet nolit acceptare à subditis rebellibus satisfactionem condignam oblatam, sed velit sibi dedi auctores seditionis, vel iniuriæ, eosque meritò pœnâ plectere. Neque enim tenetur ex iustitia contentus esse alia satisfactione: idèò quæ potest bello eos capere, vel Reipublicam subditam cogere ad eos sibi tradendos. Addit peccare tamen communiter Principem contra Charitatem, si ita facit, & contra prudentiam politicam; ob grauiora mala quæ ex talibus bellis sequi solent: nisi auctores seditionis non possint ab alijs tradi sine grauioribus incommodis. Secundo, Caiet. in Summa V. *Bellum*, limitat eandem conclusionem ad tempus præcedens actuale belli congressum. Quia, inquit, nisi ante offeratur satisfactio, non tenetur Princeps acceptare, sed ius habet prosequendi vsque ad finem: quia iam est Dominus causæ. Vnde sibi imputet debellarum quòd non debito tempore obtulerit satisfactionem.

38. Sed hoc meritò refellit Suares disp. 13. Sect. 7. num. 4. Nisi Caietanus intelligat pugnam actualem ultimam in qua bellum fit terminandum, & victoria inclinet ad eum qui iuste bellum infert: qui non tenetur tunc acceptare satisfactionem aliam, loco victoriæ integræ, quam moraliter iam obtinet. At verò si loquatur Caiet. de bello, in quo aliquoties pugnatum iam sit; & victoria adhuc distat: non apparet cur sit Dominus causæ, neque teneatur desistere à prosequendo, sicut prius ab inchoando: oblata tamen maiori satisfactione pro expensis, & alijs incommodis in bello aliquandiu gerendo susceptis. Vt enim sit condigna satisfactio, requiritur primò, vt restituantur omnia iniuste ablata. Secundo, vt omnes expensæ, propter iniuriam alterius factæ, reparentur. Vnde si bellum iam est inchoatum, peti possunt expensæ eò vsque factæ. Tertiò, potest etiam peti aliquod in pœnam pro iniuria illata: quia in bello non habetur solum ratio iustitiæ

conmutatiuæ, sed & vindictiuæ. Quartò, peti quoque potest quidquid ad pacem deinceps conseruandam necessarium videtur. Quia finis belli præcipuus est pacem in futurum statuere. Ita Suares supra num. 5.

Respondeo secundò, teneri Principem ex iustitia militibus stipendia promissa persolvere, statim temporibus, quoad fieri potest: tenerique refarcire omnia damna ex contrario secuta, tum militibus ipsis, si defecit stipendij sua vendiderint vili pretio, aut in morbum inciderint, & multa in medicos consumperint, aut mutilati, vel occisi fuerint: tum alijs subditis, aut extraneis non-hostibus, quos milites inopià coacti vexauerint: tum ipsi Reipublicæ, si ea de causa victoria fuit amissa, militibus rebellantibus, aut deficientibus: vel si bellum fuit protractum cum maioribus impensis, & incommodis; vel si clades accepta, & similia. Ad eademque omnia obligantur Ministri Principis, quibus incumbit procurare vt stipendia militibus tempestiuè soluantur, aliæ ad bellum necessaria comparentur. Sunt enim illi omnes causa omnium damnorum, quæ sequuntur ex ipsorum negligentia: idèòque tenentur omnia refarcire. Quod diligenter eorum confessorijs notandum est, vt bene monet Ægid. Coninck disp. 31. num. 94. & sequentibus, vbi doctrinam præcedentem confirmat.

Respondeo tertio, teneri milites stipendijs suis esse contentos: & iuxta fidem Principi datam, boni militis vices explere: & ordinem, aut locum, vel arcem sibi commissam, non deserere, ne metu quidem mortis imminuentis, quamdiu spes est posse hostibus resisti. Secunda pars patet, quia milites ad hoc mercede conducuntur, & sacramento se obligant; ac nisi præstent, grauissima incommoda, & damna publica incuruntur. Vnde moritò puniuntur morte qui contrarium faciunt. Prima verò pars traditur Luc. 3. vbi Ioannes Baptista militibus sic præcipit: *Neminem concutiatis, neque calumniam faciatis, & contenti estote stipendijs vestris.* Contra quod primò peccant, & restituere tenentur milites qui hospitibus, aut ijs per quos transeunt, surripiunt aut extorquent aliquid præter ea, quæ ex constitutione Principis tenentur ipsi ministrare, & seruitia vocari solent: vt sunt ignis, lectus, paleæ, &c. Excusandi sunt tamen milites, quibus non soluantur stipendia, quique seipsos sustentare, & bellum gerere non possunt nisi quæ sibi necessaria sunt, extorqueant. Sed tunc Princeps, vel Respublica tenetur dampnum refarcire: alij verò interea debent pati illud incommodum propter bonum commune, ad quod nihilum opera necessaria est. Peccant secundo, qui plures schedulas pro pluribus hospitij accipiunt, & ab aliquibus pecunias extorquent, ne apud illos hospitentur, vt se velle simulant. Tertiò, peccant etiam duces, & restituere tenentur, quando tenent vicina loca suspensa, & à quibusdam pecuniis accipiunt, ne per eorum fines ducant exercitum. Item, quando plures milites habere se fingunt, quam verè habeant, vt plijs stipendijs accipiant. Quod peccatum grauius est, & dam-

39. Teneretur Princeps stipendia soluere.

Alioqui teneretur de dam-

Itemque eius Mi-

Ad quid teneretur milites?

Eorum peccata circa hospitas.

nis inde secutus refarciendis obnoxium, si Princeps, vel Respublica decepta, ea de causa detrimentum accipiat: puta, si exercitus exardet, defectu numeri sufficientis militum, qui alioqui non defuisset: si capiatur locus, in cuius praesidio sunt: si bellum propagetur, &c. ut bene ait auctor supra citatus num. 98. & sequentibus.

41. *Licetne
viti mili-
tibus In-
fidelibus?*

42. **Quæ li-
cent cir-
cū hostes:**

Respondet quindē : Omnia illa tum in ipso
conflictū , & præparatione ad bellum , tum po-
stea , postā victoriā , licet facere aduersus ho-
stes (occidendo , spoliando , destruendo , redi-
gendo in seruitutem , seu captiuitatem , &c.)
quæ intrinsecē mala non sunt , & sunt necessa-
ria , vel apta , & accommodata media ad as-
sequendum aliquem ē tribus belli finibus , vel
illos omnes. Nimirum primō , ad obtinendam
iustam rei ablata compensationem , vel ad rem
ipsam recuperandam. Secundō , ad iniuriam
iustē vindicandam , secundum culpæ videlicet
proportionem. Tertiō , ad stabiliendam , &
firmandam pacem. Si quid autem ad nullum
istorum finium accommodatum est , non licet
id facere. Et si fiat , obligationem restituendi
parit , & refarciendi damna illata. Ita Valen-
tia quæst. 16. p. 3. & ceteri Doctores. Ratio est ,
quia cui finis licitus est , licent etiam media ne-
cessaria , vel conuenientia , non intrinsecē mala.
Vnde collige primō , licere in bello gerendo
vbi infidius , vt docet S. Thomas quæst. 40. art. 3.
& confirmatur exemplo Iosue , cap. 8. Non li-
cet tamen mentiri , neque fidem datam falle-
re , nisi fallatur ab aduersario , aut per vinum , &

**Infidus
licitz.**

metum grauem, & iniustum extorta sit. Aut etiam nisi promissio hinc grauissimo boni communis detrimento, impleri nequeat. Colligere secundo, in bello siue defensionis, siue offensiuo, licere vltra conseruationem, vel recuperationem, vel iustam compensationem rerum, inferre hostibus alia damna ad vindicandam iniuriam illatam, vel pacem in posterum firmandam. Ita vt possint, si opus sit; hostes debellati occidi, vel in captiuitatem redigi, & res eorum vniuersæ occupari; aut in eorum ditione arcus extrui, & præsidia constitui, & similia.

Notandum tamen primò, in satisfactiōne vel vindictâ computandas esse, mortes hominum, incendia, urbium cœruſiones, & alia damna, quæ aduerſarij in bello paſſi ſunt. Bona tamen mobilia capta à militibus in belli decurſu, non cenſentur computanda in compenſatiōe; ſed iure gentium cenſentur eſſe militum: quia cùm vitam tot periculis exponant; aliquid illis concedendum eſt. Non poſſunt tamen neque ante, neque poſt partem victoriam, accipere quicquam ſue Principis auctoritate vel expreſſa, vel legitime præſumpta: quia non habent per ſe illam poteſtatem, ſed ſolam à Principe, tanquam eius miniſtri.

Nota secundo, solo titulo vindictæ non omnes nocentes esse interficiendos quando valde multi sunt, nisi crimen sit admodum enorme, licet alia ad vindictam non sufficiant. Quia id sapit crudelitatem : & cederet interdum in detrimentum commune, vt si ciuitas, vel Provincia integra occidenda esset. Interdum tamen licet seuerè agere, & expedit ad terrorem aliorum, & ad firmandam pacem, si aliter stabiliri non possit nisi in multis animaduertendo. Nonnunquam etiam ciuitates integræ ferro & igni traduntur (vt dicitur) ob iniuriam grauitatem criminis, & aliorum emendationem, vel quia resistent obstinatius, vel quia ad feruorem nihilum oppugnantium accendendum, id necessarium est. Quamquam id rarissimè permittendum est, ob cædes innocentium, & grauiâ scelera, quæ tunc patrari solent.

Nota tertio, nunquam licere, per se loquendo, occidere innocentes, agnitos vt tales; licet pena aliquoi non censeatur condigna: est tantum per accidens, quando id necessarium est ad victoriam consequendam: vt si arx euerienda sit, vel ciuitas igni tradenda. Ratio est, quia tales innocentes ob nullum finem ex tribus supra dictis recte occidi possunt: aliunde verò Deus prohibet innocentem interfici, Exod. 23. & Deuter. 19. *Innocentem non occidas.* Et Deuter. 20. præcipit Deus victoribus ne mulieres, vel infantes percutiant. Nominè autem innocentium intelligendi sunt, mulieres & infantes, & alij armis ferendis inepti, nisi arma tulisse vel bello cooperatos esse constet: Itemque ex cap. Inuocamus, de Treuga, & pace, Prebyteri, Monachi, Conuersi, Peregrini, Mercatores (extranei scilicet) rustici cunctes & redeuntés, & animalia quibus arant, & semina portant. Item legati, siue Oratores, cap. Paternamini, 24. quæst. 3. Et generatim omni-

43.
Quæ cō-
putanda
in satis-
factione?

**Liceatne
omnes
omnino
occidere?**

44.
Licetne
occidere
innocen-
tes?

Indis-
licit.

nes de quibus constat non fuisse participes criminis, neque belli iniusti; quia ius naturale postulat vt nullus occidatur, quem re vera constat non esse in culpa. Nec obest quod Israelitæ interdum omnes interemerunt captā ciuitate, absque vilo discrimine. Vel enim id factum est ex speciali iussu Dei, qui vitæ omnium Dominus est; & ad terrorem aliorum, vel ob alium finem bonum id fieri iussit: vt Iosue 6. & 1. Reg. 15. Vel in ipso congressu actuali, & expugnatione ac vastatione ciuitatis ferro & igni traditæ id factum est, quo tempore non possunt innocentes discerni à nocentibus: vel perpetram etiam factum est, vt Iudic. 20. cum filij Israel occiderunt sine discrimine quotquot ex Tribu Benjamin potuerunt, etiam citra victoriam. Qua de re vide Abulen. Serar. & alios interpretes, ad caput citatum.

41. Vel priuare bonis, & libertate?

Nota quartò, posse tamen innocentes spoliari bonis, atque etiam libertate priuari, si ad plenam satisfactionem id necessarium sit. Quia cum sint pars Reipublice, tenentur contribuere ad satisfactionem pro debito ab ea contracto, quando hoc aliter solui nequit: & consequenter Princeps, cui debetur satisfactio, potest eos ad hoc compellere, expoliando suis bonis, atque etiam libertate ipsa, si opus sit; quia ipsa quoque censenda est inter bona subiecta iurisdictioni Reipublice, ac dispositioni, in graui necessitate. Et confirmatur, quia vbi ius postium id non prohibet, potest debitor, qui non est soluendo, in seruitutem rapi. At quibus particularis, etiam innocens, ob defectum aliorum est debitor eius satisfactionis quæ debetur à Republica, cuius pars & membrum est. Ergo si Respublica soluendo non sit, potest ille pro eo debito rapi in seruitutem. Neque par est ratio de libertate, alijsque bonis, ac de vita. Nam illa cadunt sub humanum dominium, & de illis magis potest disponere Respublica. Ad vita non cadit sub humanum dominium, ideoque nemo potest eā per se priuari, nisi ob culpam. Exciipiendi tamen sunt Ecclesiastici, quos propter aliorum culpam grauari, si innocentes sint, videtur esse contra honorem debitum Religioni. Maxime cum sint ipsi quasi Respublica spiritalis, à ciuili distincta, eique non subiecta, nec eius dispositioni, cum sint exempti à seculari iurisdictione.

46. Immunitas Christianorum, & honorum Ecclesiasticorum.

Notandum etiam quintò, inter Christianos iure gentium & communi consensu introductum esse; vt qui bello capiuntur ex ipsis, non possint priuari libertate, & fieri mancipia. Quod tamen priuilegium non extenditur ad Apostatas, quia in fauorem fidelium factum est. Bona quoque Ecclesiastica, ob reuerentiam Religionis, immunia sunt, & Ecclesie ipse, modò tamen aduersarij Ecclesia velut arce non vntur: alioqui potest expugnari, & comburi si opus sit. Imò etiam si hostes Ecclesia non sint abusi, sed tamen ad victoriam, vel ad firmandam pacem id necessarium est; potest euerti, vel comburi.

Nota sextò, quando bellum cum aliqua gente perpetuum est, vt Christianis cum Turcis, licere ipsis eripere quæcunque eripi possunt, ne ijs contra nos vntur. Quando item

aliqui aduersarij Reipublice aliquos ex nostris expoliarunt, & ipsa id vindicare negligit; licet hoc nomine spoliare etiam innocentes aduersarij Reipublice, iure Repraesaliorum (vt vocant) quia ius habet nostra Respublica vt vel hoc modo recuperet bona suorum ciuium. Aduersaria verò renetur ad damnum innocentum refarciendum. Exciipiendi tamen sunt Ecclesiastici, vt suprà.

Nota septimò, si quid de agro, aut ditone aliena, propter obtinendam tantum victoriam occupatum fuit, eā iam partā, & rebus compositis, restituendum esse; quia non ipsum, sed eius tantum vsus ad victoriam necessarius fuit. Item, si inter bona à Victore occupata iure belli, quædam sint immobilia, ad alios, quam ad hostes pertinentia; non possunt retineri; quia victor non acquirit eorum dominium subiugando hostes, qui non erant veri eorum domini. De mobilibus quoque alienis par est ratio ex rei naturæ: licet leges ciuiles in aliquibus locis contrarium statuunt in fauorem belli, & ad vitandas lites, quæ possent militibus intentari; vel conscientie scrupulos, qui possent inde oriri; & alias ob causas, quæ sufficientes fuerunt vt leges ciuiles possent transferre dominium earum rerum in milites, vel in Principes iure belli eas occupantes, vt fusiūs docent Suar. Sect. 7. num. 8. & 9. & Agid. Conineck num. 122. & sequentibus: vbi etiam rectè notat, bona iniuste à militibus accepta in bello iniusto, postquam amplius spes non est posse à Domino recuperari, licet posse emi à quocunque, etiam vilissimo pretio, animo ea restitueri veris Dominis, si compareant.

Queritur septimò, an liceat etiam festis diebus pugnare? Respondeo affirmatiuè, cum D. Thoma quæst. 40. arr. 4. Ratio est, quia bellum non est opus seruile, cum etiam per Principes exerceatur. Et confirmatur exemplo Machabæorum, lib. 1. cap. 2. qui necessitate compulsi statuerunt pugnare aduersus omnes aggredientes, etiam die Sabbathorum. Si tamen possit differri sine incommodo, differendum est, quia minus decet, & periculum est frequenter ne milites multi sacro non inter sint quo die pugna paranda, & gerenda est. Prohibetur etiam bellum tempore Aduentus, & Quadragesimæ, & alijs quibusdam diebus, cap. Si nulla, 23. quæst. 8. & cap. vnico, extra, de treuga & pace: sed hoc vsu receptum non est.

48. Licet pugnare diebus festis.

SECTIO VI.

De Duello.

Queritur vltimò, vtrum omne duellum sit illicitum? Vt respondeam suppono primò, Duellum vocari pugnam quæ inter duos aut paucos aliquos ex condicto committitur. Nam pugna quæ sit sine condicto ex occurso, vel subito oborta occasione, non est propriè duellum, vt hic sumitur: neque de illo iura ciranda loquuntur.

49. Duellum quid sit?

Suppono secundò, ex Agidio Conineck disp. 32. Diuiditur in iolemæ

ne, & pri-
uatum. dub. 2. num. 3. Duellum aliquando suscipi
cum certa solemnitate, datis loco & fide se-
curitatis pro eo qui socium occiderit, & adhi-
bitis sponforibus, quos patrilinos vocant : &
tunc duellum dicitur publicum, siue solemne.
Aliquando vero fit sine huiusmodi ceremoniis,
& dicitur priuatum.

50.
Varij eius
Eius. Suppono tertio ex eodem, duellum varios
ob fines suscipi posse. Primo ad virum offen-
sationem, vel vt alijs periculum exhibeatur.
Et hoc omnino illicitum est : perperam enim
adhibetur medium tam periculosum animæ &
corpori, tamque crudele & atrox, ad tam le-
uem & non necessariam finem. Secundo, ad
vindictandam iniuriam nobis illatam, vt com-
muniter fit, cum qui iniuriam patiuntur ab
alio, illum ad duellum prouocant. Et hoc
etiam illicitum est. Quia vindicta iniuriæ est
illicita, nisi fiat publica auctoritate, & legiti-
mo iudicij ordine, atque ita vt reus quidem
puniat, sed innocens non exquæ periculo ex-
ponatur : contra quam in duello fit. Ideoque
ob hanc vltimam causam ne quidem à Iudice
permitteretur licet. Tertio, ad inquirendam
rei alicuius veritatem, quæ aliter probari ne-
quit, siue in iudicio, siue extra, & tam in
causis criminalibus, quam in alijs. Ita vt in-
nocens habeatur accusator, aut reus ; pro vt
in duello victoriam obtinuerit. Et hoc, licet fre-
quenter olim permillum fuerit, illicitum ta-
men est : quia duellum non est medium aptum
ad talem finem, cum quandoque contingat
succumbere eum ; qui iustam habet causam.
Vnde medium illud vanum, & supersticiosum
est : ac præterea crudele, interdum mortem
utriusque parti afferens. Ideoque in cap. *Cum
suscepti, extra, de purgatione vulgari*, pro-
hibentur eiusmodi duella. Et cap. *Monoma-
chiam, 2. quest. 4.* dicitur tales tentare
Deum, volentes vt miraculosè Deus ostendat
innocentem, cumque præualere faciat ; cum
alià viâ melius lites terminari possint, ac de-
beant, absoluedo eum qui non probatur esse
nocens ; aut damnando, si probatur.

11.
Quo ca-
su licet
tum? Quarto, potest committi duellum inter ve-
ros hostes ; vt bellum cæde paucorum termi-
netur ; vel vt militum alacritas excitetur, &
aduersariorum audacia frangatur. Et hoc,
quidquid aliqui dicant, licitum est ; modò fiat
in illis circumstantijs, quibus ad bellum felici-
ter finiendum, vel promouendum prudenter
credatur utile, aut necessarium esse. Vt si dux
videat se non posse nisi cum cæta strage, aut
cum magno periculo, toto exercitu confingere ;
& tamen pugnare cogatur, & speret duellum
vnius, aut paucorum, fore minus periculosum.
Aut si duellum necessarium sit ad suorum ani-
mos excitandos, qui aliqui consternabuntur si
duellum non suscipiat. Ratio est, quia sicut
potest confingere toto exercitu, pro vt pruden-
tia dicat, cumque dubijs belli casibus expo-
nere : ita potest confingere parte tantum ali-
qua, quando id prudentia vtile, aut neces-
sarium esse dicat.

12.
Licet ad
iustam. Quinto, committi potest duellum ad iustam
sui defensionem. Vt si quis hostem inermem
in arcto deprehensum cogat duellum suscipere,

accipiendo armâ quæ ipsi offert, vel iugulum sui defen-
dere. Et hic licet à seruandam vitam potest uocem.
duellum acceptare. Quanquam id propriè
duellum non est, sed iniusta inuasio ex parte
aggressoris, & iusta defensio ex parte alterius.
Similiter, si more olim recepto in iudicijs,
Actor deficiente probatione duellum reo of-
ferret, quod nisi acceptaret, damnandus esset
à iudicibus ad mortem, vel ad amissionem
bonorum magni momenti, tanquam legitime
probatas reus ; posset reus tale duellum ac-
ceptare ad iustam sui defensionem. Quin etiam
si ei constaret actorem malâ fide agere, & fal-
sos testes subornare, neque se posse eius frau-
des & condemnationem euadere, nisi permit-
tente Magistratu aduersarium ad duellum pro-
uocaret, licet id faceret in causâ criminali,
vel ciuili magni momenti. Vt post Bannem,
Nauar. & Sanch. rectè docet Egid. Coninck
disp. 32. dub. 2. num. 17. & sequentibus. Ratio
eius est, quia secundum communem omnium
sententiam, licet occidimus iniustum inuaso-
rem, quando id necessarium est ad tuendam
vitam, vel bona magni momenti : modò id fiat
cum moderamine inculpatæ tutelæ, & seruato
debito ordine. Atqui talis actor iniuste inuadit
reum, & sine dubio eum vitâ vel bonis spolia-
bit per sententiam iudicis, nisi duello accepta-
to vel oblato se defendat ; seruaturque mode-
rario, & debitus ordo, quando fit permillum
vel auctoritate Magistratus, nec nisi quatenus
id necessarium est. Ergo, &c.

Dices, hinc sequi, quando duo inter se liti-
gant in causâ criminali, vel ciuili magni mo-
menti, si vnus alterum conetur falsis testibus,
aut instrumentis opprimere, & hoc illi certò
constet, neque aliter condemnationem euade-
re possit, licet possit alterum clam interficere
ad euadendum : quia talis occisio ibum habet
iustæ defensionis. Respondent aliqui, spectato
solo iure naturæ id licere. Quemadmodum
enim licet venientem parantem præuenire, si al-
ter mortem vitari nequit ; & alijs modis se tueri
contra iniustos inuasiores, cum moderamine
inculpatæ tutelæ : sic, &c. Iure tamen positio
id esse prohiberi vt extensione legis pro-
hibentis homicidia : vt patet ex eo, quod tales,
si deprehendantur, morte puniuntur à Iudici-
bus. Rationem vero iustam prohibendi fuisse,
quia grauissimi ex opposito sequenter abu-
sus. Cum enim litigantes facili sibi persua-
deant se habere cætrum ius ; facili quoque iu-
dicarent se ab aduersarijs circumuenti, &
ac proinde sibi licere vitam illorum clam aggredi.
Vnde plurimæ cædes iniustæ sequerentur, in
magnam perniciem Reipublicæ. Ideoque me-
rito ius positum seuerè prohibet, & grauiter
punit huiusmodi occisiones, licet iure naturæ
licitas in casu necessitatis ad iustam defensionem.
Potest autem ius positum, ob maius
bonum commune necessarium, obligare ad ali-
quid, etiam cum vitæ & honoris dispendio. Ità
docet speciatim Egidius Coninck disp. 32. dub.
2. num. 12. Amplius vero affirmant simpliciter
id licere Bannez 2. 2. quest. 64. art. 7. dub. 4.
concl. 2. & ad 2. Andreas Du Val Doctor Sor-
bonic. quest. 17. de Charitate art. 1. Armandus

12.
Dubium
incident.

420 Disput. XX. de Charitate, Sect. VI.

Episcopus Lucionensis, dictus postea Cardinalis de Richelieu, in Instruptione Christiana, lect. 16. in quintum præceptum Decalogi: Idemque probabile censet Petr. Nauarra lib. 2. de Restitut. cap. 3. num. 289.

Sed contrarium planè tenendum est; & in praxi pro certo habendum id grauius illicitum esse: neque solum iure positio, verum etiam naturali esse prohibitum: Vt cum communi Theologorum sententia docent Suar. disp. 13. de Charitate, Sect. vlt. Vasq. in Opusc. tract. de Restitut. cap. 2. §. 1. dub. 7. num. 24. Lessius lib. 2. de Iustit. cap. 9. num. 47. Layman tract. 3. lib. 3. Sect. 5. cap. 5. de Duello, num. 2. Reginald. tom. 2. lib. 22. cap. 3. num. 69. Filiuc. tom. 2. tract. 29. cap. 3. n. 51. Turrian. 2. 2. disp. 27. dub. 2. n. 10. Gordon lib. de Restitut. quæst. 4. cap. 1. §. 3. Ex varijs autem rationibus, quas afferunt, magis placet illa, quam reddit Layman vbi supra, quia videlicet si calumniam passus innocentiam suam ostendere potest, non deereat illa media se liberandi à calumniatore. Sin autem innocentiam suam demonstrare nequit; res plena scandali, & pessimi exempli erit, si innoscat hominem de calumniis non conuictum, per insidias occisum esse. Addit rectè Suarez calumniam non vi, sed veritatis manifestatione propulsandam esse. Quod si hæc possibilis non est, nequaquam licere transgredi ad media inordinata, quæ verè media non sunt: sed patienter ferendam esse mortem, non secus ac si innocens probaretur esse nocens per falsos testes. Quòd enim medium illud sit inordinatum, patet quia dubium non est, quin si contraria opinio admitteretur, plurimæ inde orirentur iniustæ cædes, in magnam præiudicium Reipublicæ. Facile enim quisque sibi persuaderet se iniustè in iudicio accusari, nec aliud superesse remedium ad vitam, honorem, aut bona tuenda, quàm si accusatorem occidat. Quare sicut vindicta, propriâ & priuatâ auctoritate ipsius læsi sumpta, est viroque iure, tum naturali, tum positio illicita, propter similia incommoda, quæ ex illa sequerentur: sic & præuentio, de qua loquimur. Ad Infantiam ergo propositam respondeo negando sequelam, propter disparitatem huius casus, & præcedentis. Nam in vno seruatur debitus ordo; in alio non: vt patet ex dictis.

Sextò Duellum committi potest ad defensionem diuini honoris, & reprimendam auidam alicuius Deum blasphemantis; vt si Mahometanus exprobraret Christianis, Christum esse impotentem Mahomet ad suos tuendos, idque vellet duello probare. Et hic modus illicitus est, nisi speciali Dei instinctu suscipiatur: quia non est medium tali fini accommodatum, & continet Dei tentationem, cum ab ipso quaeritur vt per miraculosam protectionem, & victoriam, ostendat vter veritatem sequatur.

Septimò denique, committi potest ad tuendum suum honorem, quem quis lædi putat nisi ad duellum vocatus compareat: habebitur enim pro timido & ignauo. Et hoc aliqui licitum esse putant, modò fiat præcisè defendendi

honoris gratiâ, quia scilicet maneret infamis nisi prouocatus acceptaret, nec aliâ vi potest infamiam effugere. Probant præcipuè, quia licet iniustum inuasorem vitæ, vel bonorum occidere, cum moderamine inculpate tutelæ. At prouocans inuadit honorem prouocati, qui vitâ & diuitijs illi prior est. Ergo si aliter non potest eum tueri, potest duello iniustum honoris ac vitæ inuasorem occidere, si necesse sit: cum moderamine scilicet inculpate tutelæ. Nec obest quòd seipsum quoque periculo exponat. Nam qui se, aut sua bona contra latronem armatum tuetur, se quoque exponit mortis periculo. Confirmatur, quia vir nobilis, quem alter aggreditur, non tenetur fugere; sed licitè expectare potest, ac se defendendo, prouocantem occidere; idque solum propter tuendum honorem statui suo conuenienter. Ergo similiter, &c. Ita nonnulli quorum confusè meminit Suares disput. 13. de Charitate, Sect. vlt. num. 3. quod etiam indicat Nauar. in Summa cap. 15. in fine: licet cap. 11. num. 39. oppositum censere.

Neque satisfaciunt qui dicunt non esse ignominiosum apud sapientes & æquos rerum aestimatores reculare duellum, quia illicitum est: sed tantum apud homines vanos & insipientes, quorum iudicium sperni debet, & postponi prudentum, licet pauciorum iudicio. Contrà enim: fama in multorum, & præcipuè nobilium, æstimatione consistit. Atqui consuetudine iam inueterata, & vsu quamvis illicito, communi tamen & constanter seruato inter nobiles, & milites, multis in locis receptum est, vt si quis illorum recuset oblatum sibi duellum, æstimetur ab alijs ignauus, & indignus eo gradu, proscindatur scommatis, contemnatur, neque inter alios sine rubore comparere audeat, ac denique careat omni spe assequendi munia, & honores, ad quos nobiles, & milites generosi ac strenui promoueri solent. Quod certè illis grauissimum est, & permultis ipsa morte acerbius, aut iacturâ bonorum temporalium, pro qua tamen impedienda posunt, omnium Doctorum consensu, occidere iniustum inuasorem, & spoliatorem. Deinde, diuitiæ, & bona temporalia, non sunt vera & solida bona, neque magnificianda coram Deo, & in æstimatione sapientum: pro quorum tamen conseruatione licitum est iniustum aggressorem interficere cum moderamine inculpate tutelæ. Tertio, non est ignominiosum apud prudentes, & cordatos, virum nobilem fugiendo euadere periculum, & suæ simul, arque inuasoris salutis temporalis, & æternæ consule-re. Et tamen, quia id vulgò habetur ignominiosum, potest expectare inuasorem, & occidere cum prædicto moderamine iustæ defensionis: ergo similiter, &c. Non satisfaciunt etiam qui dicunt talem posse sine duelli acceptatione infamiam vitare, dicendo se non reculare duellum metu mortis, aut aduersarij, qui hoc facile experietur si ipsum inuadat, & propter quem non desisteret tali vel tali via, & tali tempore, vt solet sæpius, transire. Etenim hoc remedium sæpe erit inefficax, cum alij sibi persuadebunt prouocatum solo metu à pugna prohiberi.

Rationes
paris af-
firmant.

55.
Confir-
matur
amplius.

54.
Licetne
ad fugien-
dam sus-
picionem
ignauitatem

56.
Conclu-
ditur ne-
gatiue.

57.
Pernix sta-
tuz con-
tra duel-
lum.

Tomus III.

58.

Extenduntur ad duellum priuatum, incurrant in excommunicationem ipso facto?

decreuisse excommunicationem in pugnantes, assistentes, & spectatores: sed non dicitur quod decreuerit excommunicationem lata sententia. Neque potest id colligi ex vi verborum. Vtraque enim excommunicatio decerni potest: vel comminatoria, vel lata sententia. Et præterea, sicut in hac Bulla Gregorij dicitur Concilium Trident. decreuisse excommunicationem contra istos: ita dicitur decreuisse alias pœnas contra eosdem. Et tamen illæ aliz pœnæ non habent locum nisi post sententiam iudicis, ut communiter docent Theologi: v. g. proscriptio bonorum, perpetua infamia, & pœnæ omnes homicidij.

Verùm, his non obstantibus, existimo publicè duellantes esse ipso facto excommunicatos vi decreti Concilij Trident. vbi quicunque receptum est. Quia licet verba sint ambigua: de Concilij tamen intentione, & verborum eius sensu, rationabiliter iudicandum est. At non potest rationabiliter præsumi Concilium voluisse excommunicare ipso facto Principes concedentes duellum, non autem ipsosmet in duello pugnantes. Item de sensu legis iudicandum est ex vñ recepto, qui optimus legum interpret est. Atqui duellantes, non modò publicè, sed etiam privatum, habentur pro excommunicatis ipso facto, vbi quicunque Bulla Gregorij XIII. recepta est: quæ tamen Bulla solum extendit pœnas duelli publici ad privatum. Ergo excommunicatio lata, in Trident. contra publicè duellantes, incurritur ab illis ipso facto. Idemque sentiendum esse de alijs supra recensitis docet Suar. disp. 23. de Censur. Sect. 7. num. 11. de quibus tamen res est magis ambigua, propter rationem in obiectione allatam. De eadem excommunicatione plura diximus tom. 5. disp. 59. Sect. 10. num. 175.

SECTIO VII.

De Scandalo.

60.
Scandalum
quid sit?

Scandalum definitur à D. Thoma, quæst. 43. art. 1. c. dictum, vel factum minus rectum, præbens proximo occasionem ruinæ. Vbi primò nomine dicti, vel facti, intellige quodcumque dictum vel factum externum, aut omissum; nam etiam per omissionem dari potest occasio ruinæ. Secundò, per, *minus rectum*, intellige siue malum de se, siue tantum ex eo quòd proximo det occasionem ruinæ. Tertiò, notanda est particula, *præbens*. Nam si non præbeatur propriè occasio ruinæ, sed perperam sumatur ab alijs, non est scandalum actuum & datum, vel scandalum pusillorum, de quo hic loquimur: sed scandalum purè passivum, siue acceptum, & Pharisaicum, ut vocant, quod non est peccatum nisi ex parte accipientis. Aliter tamen sumitur interduo distinctio scandalum in actuum, & passivum: & actuum dicitur illud quod supra descripsimus: passivum verò dicitur ipsa ruina proximi, siue peccatum ipsum, ad quod committendum aliquis alieno facto inducitur, ut docet S. Thomas artic. 1. quæst. cit.

Non sufficit autem ad rationem scandalum ut quis ob ea quæ videt, vel audit de alio, inci- ^{Quid ad illud requiritur?} piat habere malam de illo opinionem, iudicet. que impudicum esse v. g. vel ebriosum, quem antea castum, & temperantem esse putabat: quod sine vñlo peccato proximi iudicari potest. Sed omnino requiritur ut vñius factum det alteri occasionem peccandi. Quod dupliciter fieri potest. Primò, directè: quando aliquis alteri persuadet ut peccet; siue directè & ex- ^{Scandalum indirectum.} pressè intendendo ipsam ruinam proximi, & cupiendo ut hoc aut illud peccatum committat ad hoc ut reatum illius incurrat & mortui spiritualiter: quod diabolicum est; siue tantum persuadendo ut peccet, ob aliquam utilitatem, aut delectationem carnalem, vel ob aliquem alium finem: ut communiter fit cum quis alium inducit ut secum furetur, aut fornicetur, &c. Secundò, indirectè: quando aliquis, licet ^{Scandalum indirectum.} non intendat inducere alium ad peccandum: tamen coram illo facit aliquid, ex quo ipse inducatur ad peccandum. Siue inducatur ad simile peccatum committendum; ut in peccatis magnatum contingit, quos alij solent imitari: siue ad aliquod aliud; ut fit quando v. g. Infideles vident Catholicos malè viuentes, ex quo licet non inducantur ad similia peccata, ad quæ satis ipsi propensi sunt: concipiunt tamen malam opinionem de Religione Christiana, & ab ipsa alieni fiunt. Vel cum laici videntes gravia quædam peccata Ecclesiasticorum, aut Religiosorum, putant ea esse multis communia; & ita statum Ecclesiasticum, aut Religiosum contemnunt, & minus erga pietatem afficiuntur. Quartò denique, per particulam *ruinæ*, positam in supradicta definitione scandalum, spiritualis ruina intelligenda est.

His suppositis, queritur primò, an quilibet ex modis assignatis sufficiat ad constituendum speciale peccatum scandalum, Charitati oppositum? Respondeo affirmatiue, cum Suar. disp. 10. Sect. 1. Egid. Coninck disp. 32. dub. 5. Valent. quæst. 18. de Charitate p. 1. & alijs quos isti citant. Ac primò, convenit inter omnes, teste Egidio, num. 35. inducentem alterum ad peccandum, quocumque ex modis assignatis, peccare, tenerique hoc expressè & distinctè confiteri, si ratio scandalum sit gravis, & ad peccatum mortale sufficiens. Secundò, quòd hi omnes modi continent rationem scandalum, patet ex eius definitione supra posita. Quod item Charitati opponantur, patet quia inferre voluntariè proximo damnum spirituale, est contrarium Charitati. Item, non subuenire proximo in spirituali necessitate, est peccatum speciale contra Charitatem. Ergo & multò magis inclinare illum positiue ad peccandum. Vltèrius, Charitas non obligat quantum commode possumus, ut impediamus peccatum proximi, ut patebit ex dicendis inferius de correptione fraterna. Ergo multò magis obligat ne spontè illi demus occasionem peccandi. Ergo sicut peccat specialiter contra Charitatem ille qui non impedit, quando potest commode, peccatum proximi: sic & multò magis qui voluntariè illi dat occasionem peccandi.

Tertiò, probatur de singulis modis scorsim. 61.

Scandalū
directum
est pecca-
tum spe-
ciale.

De primo quidem, quo directē & expresse ruina proximi intenditur, fatentur omnes cum D. Thoma, quest. 43, art. 3. habere propriē rationem scandalī, & quidem grauissimā, maximēque oppositā Charitati. Vnde colligunt, eum, qui alium ad furtum inducit v. g. ex intentione ruinæ ipsius spiritalis, peccare duplici specie peccati: nimirum furti, ad quod inducit; & scandalī, contra Charitatem, propter ruinam proximi.

De altero inducente positivē ad peccandum, propter villicationem, oblectationem, aut alium finem, quamvis non intendat expresse ruinam proximi, probatur primō ex definitione scandalī, quæ tota illi convenit. Secundō, quia ad contrahendam malitiam aliquam, non est necesse illam intendere: sed sufficit illi efficere voluntarie, cui illa malitia est adiuncta: vt in furto, adulterio, & similibus liquet. Tertiō, qui alium inducit positivē ad peccandum, hortando, suadendo, imperando, &c. hoc ipso formaliter agit contra rationem, & contra Charitatem proximi, quem ad malum, & ad proprium damnum spiritalē impellit. De illo denique qui indirectē solum ad peccandum inducit per actionem malam, vel habentem speciem mali, quatenus scilicet videns proximum inde accepturum occasionem peccandi, eam nihilominus sine iusta causa facit, siue hæc actio sit alioqui mala, siue non, probatur ex Scriptura, quæ has actiones vt scandalosas, & Charitati oppositas reprehendit. Rom. 14. ver. 15. *Si propter cibum frater tuus contristatur, iam non secundum Charitatem ambulat. Noli cibo tuo illum perdere, propter quem Christus mortuus est.* Et 1. Cor. 8. ver. 12. *Sic autem peccantes in fratres, & percutientes conscientiam eorum infirmam, in Christum peccatis. Quapropter, si esca scandalizat fratrem meum, carnem non manducabo in æternum, ne fratrem meum scandalizem.* Probatur deinde ratione: quia in hoc opere reperitur ruina proximi indirectē voluntariē, & interpretatiuē. Hoc autem sufficit ad contrahendam malitiam scandalī, vt supra ostendimus. Neque dubium est quin peccatum intemperantiæ v. g. vel blasphemix, coram alijs commissum, ea quoque ratione malum, & deterius sit, quod coram alijs factum eos ad peccandum allicit: quam rationem malitiæ non haberet, si fieret occultē. Quare hæc ratio est malitia specialis, distincta à ratione intemperantiæ, vel blasphemix simplicis: & non alia, quam scandalī, propter ruinam proximi, cuius est causa. Plura ad id probandum diximus 1. 2. disp. 16. de peccatis Sect. 3.

63.
Solutur
obiectio.

Dices hanc malitiam esse communem omnibus peccatis: ideoque non esse specialem malitiam scandalī. Respondeo primō, assumptum esse falsum. Nam peccata interna, vel quæ occultē fiunt, non fiunt cum periculo ruinæ proximi. Secundō, nego consequentiam. Nam aliqua ratio peccati, quæ in se ipsa est formaliter specialis, & distincta ab alijs, potest esse communis subiectivē, aut adiectivē omnibus aut plurimis peccatis: quo pacto inobedientia contra Deum, & ingratitude, est communis

omnibus peccatis: quippe quæ fiunt contra præceptum divinum, & contra Deum beneficentem: quamvis ratio ingratitude & inobedientiæ sit in se specialis, distincta à ratione intemperantiæ, irreligionis, & similibus.

Instabis, quia D. Thomas quest. 43, art. 3. & in 4. dist. 38. quest. 1. art. 2. quest. 1. c. 2. dicit, vt scandalum sit speciale peccatum, debere intendi ruinam proximi. Respondet D. Thomas loqui de intentione non solum expressa, sed etiam tacita & interpretatiua; quā ratione censetur velle ruinam proximi, quisquis sciens & liberē facit aliquid aptum ad illum in ruinam inducendum.

Queritur secundō, vtrum omne peccatum scandalī sit mortale, & eiusdem speciei? Respondeo primō, peccatum scandalī, quo directē intenditur & expresse ac per se ruina proximi, semper esse mortale, nisi excuset indeliberatio: in alijs verō leuitatur materiz, vel occasionis, excusare plerumque à mortali. Ratio primæ partis est, quia talis intentio necessariō grauem & diabolicam inordinationem continet, licet proximis inducatur solummodo ad peccatum veniale, intendendo expresse ipsius ruinam, siue peccatum quā tale. Velle enim, & expetere propter se, ipsam peccati malitiam, & spiritalem ruinam nostram, vel alienam, turpissimum est, & planē diabolicum. Secunda verō pars probatur, quia inducere, etiam positivē, alium ad peccandum venialiter, ob nostram utilitatem, vel quid simile, est tantū veniale, per se loquendo: quia hoc malum est in se leue, neque grauius obligamur illud in nobis aut in alijs vitare. Multo magis inducere tantū indirectē suo exemplo ad peccatum venialiter, est solum veniale. Potest etiam tam levis dari occasio mortaliter peccandi, vt ipsa peccatum mortale non sit: cum quibz magis ex mala sua voluntate, quā ex data occasione, quæ levis est, ad peccandum induciunt. Vt enim diximus cum Sanche, & Delogo, in tract. de peccatis, ad peccandum mortaliter in hoc genere scandalī indirecti, debet occasio esse grauis, & vehementer impellens ad peccandum, cuique difficilē resisti possit.

Respondeo secundō, non omne peccatum scandalī esse vnus eiusdem speciei, sed specie differre tum ex parte modi, quo exterius ad ruinam inducit; tum ex parte ruinæ, cuius per se causa est. Aliter enim peccat qui alium ad peccandum sollicitat: & aliter, qui tantū suo malo exemplo illi nocet. Item, aliter peccat qui est occasio, vel causa per se intemperantiæ: aliter qui est causa furti, vel sacrilegii, vel apostasiæ à fide. Quod vt melius explicetur, nota primō ex Agid. Coninck disp. 32. num. 47. malitiam scandalī propriam in eo consistere, quod aliquod opus nostrum sit idoneum hñc & nunc, inducere proximum in ruinam spiritalem, eumque ad peccandum allicere: vt patet ex ipsius definitione initio tradita, sumpta ex D. Thoma, & communiter recepta. Secundō, malitiam scandalī propriam consistere in actu externo: quia soli actus externi, possunt alios ad peccandum inducere. Tertiō, actus externos habere ex seipsis propriam &

64.
Quanto
peccatū
sit?

65.
Sine se-
per eius-
dem spe-
ciei?

424 Disput. XX. de Charitate, Sect. VII.

intrinsecam suam malitiam, quamvis materialem, distinctam à malitia quam accipiunt ab actu interno, ratione finis ad quem ordinantur, quæ ratio illis extrinseca est. Quia nimirum actus illi secundum se, & circa finem illum extrinsecum, habent propriam indecentiam, & disconuenientiam cum recta ratione, propter quam vitari debent; vt patet in mendacio, ebrietate, periuria, blasphemia, & similibus.

Cum igitur propria malitia scandali consistat in actu externo mouente alium ad peccandum; vt aliqua differant in ratione propria scandali, debent differre in actu externo mouente ad peccatum: siue ex parte modi externi quo mouent; siue ex parte obiecti, & ruinæ ad quam mouent. Quia si differant tantum in actu interno & intentione finis; & alioquin actus externus sit idem, aut plane similis secundum se, & secundum omnes circumstantias exteriores, ac proinde sit aptus eodem modo inducere proximum ad peccandum: eodem quoque modo contrahit malitiam scandali. Hinc est quod ille, qui exterius peccat, expresse intendens inducere proximum ad peccandum propter ipsius ruinam, non propterea contrahit nouam malitiam in ratione scandali: quia illa differentia merè interna est, & actui extrinseca: sed addit scandalo malitiam odij Dei, vel proximi, vel placendi diabolo; propter quod expetit ruinam proximi. Secus autem ille, qui positius ad peccandum sollicitat; & ille qui tantum indirecè nocet suo exemplo: quia illi longè differunt in modo externo inducendi ad peccandum. Item, qui dat per se & directè occasionem proximo peccandi contra temperantiam actu suo externo, ad hoc sollicitando; aliter est causa ruinæ, quam qui ad furandum directè inducit. Quia licet malitia propria scandali consistat in oppositione ad Charitatem contra proximum, cuius ruinam volumus directè, vel indirecè: actus tamen quibus proximo volumus mala specie diuersa, vt talia, sunt specie diuersi, & omnes opponuntur Charitati, quæ illa mala proximo volita odit & auersatur, attingitque illa secundum proprias cuiusque differentias. Sicut, ex opposito, actus prosecutionis, quibus proximo diuersa bona volumus, sunt specie diuersi, pertinentque ad Charitatem erga proximum.

Ex quo sequitur primò, eum qui alium ad peccandum directè induxit, teneri exprimere in confessione ad quod peccatum induxerit: quia aliter confessarius non intelligit speciem peccati. Secundò, sollicitantem ad peccandum v. g. teneri id explicare, quia præter fornicationem, commisit aliud peccatum mortale scandali: nisi aliunde satis id intelligitur, vt de viris satis intelligatur, nisi aliud exprimant, quia communiter ita facere solent. Tertiò, eum qui ad varia peccata inducit, peccare diuersimodè, & contra Charitatem, & contra alias, virtutes, quibus huiusmodi peccata opponuntur: quod dupliciter fieri potest. Nimirum vel ita vt actus ipse externus secundum se, & præscindendo ab interna intentione, illi virtuti opponatur. Vel secundò, ita vt actus externus secundum se non spectet ad vitium, ad quod

alter inducitur. Priori modo peccat contra iustitiam, qui furtum alteri suadet. Posteriori, qui coniungendo cum alio, est ei causa vt bona sua absumat, quibus absumptis præuideat fore vt alter furaturus sit: & hoc intendit directè, vel interpretatiuè. Prior peccat contra iustitiam actu ipso externo. Posterior tantum actu interno, ratione intentionis. Eodem enim præcepto, quo prohibetur aliquid fieri, prohibetur etiam voluntas vt id fiat. Atqui hoc ipso quòd aliquis, siue directè, siue interpretatiuè, intendit alterum inducere ad aliquod peccatum, vult hoc ab ipso fieri. Ergo peccat alioquo modo contra idem præceptum, contra quod peccat hoc faciens. Quare non tantum peccat contra Charitatem, quatenus vult hoc malum à proximo incurri: sed & contra aliam virtutem, contra cuius præceptum, & affectum fieri vult, & cuius amore ac reuerentià moueri deberet ad abstinendum à scandalo contra illam præbendo. Quia tamen hæc obligatio non est grauis respectu virtutum contra quas peccat tantum scandalo indirecè: quippe quia non tenemur grauius ex illarum præcepto, sed tantum ex Charitate, impedire ne alij contra eas peccent, vel procurare vt eas seruent: idecirco moraliter, & in ordine ad Confessionem, censentur scandala indirecè esse eiusdem speciei: ita vt illorum differentia non sit necessariò exprimenda in confessione: quemadmodum diximus tom. 2. disp. 16. de Peccatis Sect. 4. & tom. 5. disp. 46. Sect. 6.

Dices, hinc sequi, eum qui furatur, & suo exemplo inducit alium indirecè ad furandum, peccare contra iustitiam, tum respectu proprij furti, tum respectu alieni, ad quod inducit: ac proinde obligari ad restituendum quidquid alius exemplo suo furabitur, nisi ille restituit. Respondeo illum quidem peccare contra iustitiam indirecè aliquo modo, vt antea probauimus: sed nihilominus non obligari ad restitutionem: quia non quævis actio iniusta, nocua proximo quomodocumque, obligat ad restitutionem: sed ea tantum quæ externa est, & per se ipsam, atque ex propria ratione est iniuriòsa alteri, & talis, vt ex ea sequatur damnum vt plurimum, siue ex ipsa conditione actionis, non autem ex fragilitate, aut mala voluntate alterius; vt contingit in eo qui mouetur exemplo alterius ad furandum. Ita vt duo requirantur in tali actione. Primò, vt sit externa: nam sola intentio nocendi, aut actus merè internus, non obligat ad restitutionem. Secundò, vt sit ex propria, & intrinseca sua ratione, iniuriòsa alteri, & causa damni iniusta, per se spectata: & quidem efficacia: ita vt damnum re ipsa vi illius sequatur, & non ex causa aliunde sufficienter illud inferente.

Queritur tertio, an qui petit aliquid ab alio, quod potest quidem siue peccato præstare, sed tamen re ipsa non præstabit, peccet scandalum? Respondeo affirmatiuè, si id præuideatur, & non sit causa iusta petendi. Quod responsum si declaratur. Primò quidem, certum est committeri scandalum si aliquid petatur, quod sine peccato fieri nequit: quia illud, moraliter loquendo, est directè ad

Quomodo differunt species?

66. Quomodo explicanda in Confessione?

67. Distinctio obiecti.

Non omnis actio contra iustitiam obligat ad restitutionem.

68. Licetne petere ab alio quod sine peccato non faciet?

malum inducere, mouendo ad actum, à quo non potest malitia separari. Vnde collige non excusari à peccato scandalum, eum qui mulierem, licet alioqui paratam, inducit ad peccandum. Contra quod tamen obijci potest, licitum esse persuadere homini volenti occidere inimicum, vt potius agrum ipsius vastet, aut sylvam incendat. Sed respondendum est id non esse petere propriè, & inducere ad malum; sed potius permittere; & reuocare à maiori malo, permittendo minus, quando vtrumque vitari nequit. Sensus enim illius persuasione est conditionatus: quandoquidem vis malum facere, potius fac quod minus est. Quod est petere bonum quodammodo: minus enim malum, est bonum respectu maioris mali.

69. Secundò, quando petitur aliquid, quod sine peccato fieri potest, & non est ratio sufficiens iudicandi malè factum iri: non peccat qui id petit: quia in dubio debet quisque præsumi esse bonus. Sin autem contra: distinguunt aliqui. Vel enim ille, à quo petitur, paratus est ad peccandum: vel non est. Si primum: putant absolutè licitum esse petere. Si secundum: distinguunt iterum. Vel enim qui petit, ius habet id petendi, quia ex iustitia id sibi debetur: vel non habet. Si primum: licet absolutè petere, quia cuiuslibet licet vi iure suo. Si autem neque qui petit habet ius, neque alter est paratus ad peccandum: non licet petere; quia id esset moraliter inducere ad malum, præbendo occasionem peccandi ei, qui nullam habet peccandi voluntatem. Hæc illi. Sed cum Suares disp. 10. Sect. 3. dicendum potius existimo, etiam si quis ad peccandum sit paratus, non licere ab illo petere sine causa rationabili, id quod prævidetur non facturus sine peccato. Alioqui enim sine causa præbetur proximo occasio peccandi. Nec obest quòd ille sit in voluntate habituali peccandi. Nam illa præcisè sumpta non est peccatum: & nisi excitaretur, non committeret licet & nunc hoc peccatum. Quare contra Charitatem est sine rationabili causa id facere. Atque ita sentit D. Thomas quest. 78. arr. 4. c. & ad i. quando requirit vt id fiat propter aliquod bonum, quale est subuentio propriæ necessitatis, vel alienæ. Quo pacto in casu necessitatis licet petere mutuum ab usurario, & iuramentum ab idololatra, qui per falsos Deos iuraturus est.

70. Similiter, licet quis habeat ius petendi id quod petit, sicut fidelis habet ius petendi Sacramenta à suo Parocho excommunicato tolerato: peccat tamen contra Charitatem nisi bona aliqua causa intercedat: vt spiritualis vtilitas, vel temporalis, alicuius momenti, ita vt secundum ordinem Charitatis non teneat me priuare meo iure, vel commodo, ne permittam proximum cadere. Alioquin, si id, quod peto, non est mihi necessarium, vel vile, aut alià vià facillè illud obtinere possum; ratio & ordo Charitatis postulat vt non petam ab eo, quem peccatum esse video. Denique licet neque ius ego petendi habeam, neque alter sit paratus ad peccandum, non est interfectè malum petere ab illo rem de se licitam, & mihi necessariam, aut ex aliqua valde rationabili

causa: licet probabiliter timeam ipsum peccaturum. Quia id non est moraliter ad malum inducere, sed rationabiliter agere.

SECTIO VIII.

Soluntur alie due questiones de Scandalo.

Q Væritur quartò, an teneamur abstinere à rebus de se licitis, aut alioqui necessarijs, ob periculum scandalum? Respondeo affirmatiuè, quando vtilitas, vel necessitas operis non præponderat, aut æquiualeat periculo scandalum: de quo prudenter iudicandum est, spectatis omnibus circumstantijs. Ratio est, quia alioquin ordo Charitatis exigit vt consulatur saluti proximi, & caueatur eius ruina, quæ sine ratione sufficienti permitti non potest. Vnde collige primum, neminem teneri abstinere à bonis saluti suæ necessarijs, propter vllum scandalum: quia ex Charitate quisque tenetur plus amare suam salutem, quàm aliorum. Secundò, in rebus ad salutem non necessarijs, bonis licet, & alioqui præceptis, cessare interdum obligationem præcepti: & ab illis potius hic & nunc abstinendum esse, ob periculum scandalum. Quod verum est tam de præceptis iuris naturalis, quàm positiui. Prioris exemplum est, quando superior non potest corrigere vel punire subditos peccantes (ad quod tenetur iure naturali) sine graui aliorum turbatione & scandalo. Posterioris verò, quando aliquis non potest integrè consistere sine scandalo confessarij, qui ad peccandum incitabitur. Dixi, interdum: quia si maior vtilitas, vel honestas sit in executione præcepti, quàm in euitatione scandalum, non cessat eius obligatio. Quotiescunque enim res occurrunt diuersa præcepta spectantes, quæ simul impleri nequeunt: oportet prudenter iudicare quid præponderet. Ab ijs verò rebus quæ sunt tantum consilij, vel supererogationis, abstinere longè facilius est, quàm à rebus præcepti: vt & à rebus alioquin indifferentibus. Estque abstinendum, si periculum sit scandalum actiui; nisi excuset vtilitas aliqua, vel necessitas. Quia malum proximi vitandum est, quantum commodè fieri potest. Non tamen teneor illud vitare cum quouis meo incommodo.

Hinc varij casus decidi facillè possunt. Primum est, An quis possit omittre Confessionem, & Communione in Paschate, ne det Parocho occasionem peccandi, quippe qui malè administrabit? Respondeo non posse, nec debere. Quia bono ipsius spiritali magis expedit implere præceptum confitendi, & communicandi, quod omittit nequit sine notabili suo damno spiritali. Quippe qui non tantum priuabitur gratiâ, quam receperisset; sed etiam probabiliter, pergeret heretice in statu peccati mortalis, defectu contritionis, quæ non facillè haberi potest.

Secundus casus est, an teneatur mulier abstinere à sacro, die Festo, si sciat se futuram alteri occasionem peccandi, per malam cogitationem, vel affectum? Respondeo non teneri

71. Teneamur abstinere à licitis, ob scandalum?

72. Resoluitur varij casus de scandalum: & de abstinendo ab annua confessione, & communione.

Vel à sacro au-

dicendo
dictus
fcllis.

ob illam apprehensionem confusam & indeterminatam, alioqui fere semper abstinendum esset: quod non fieret sine damno notabili. Neque etiam si determinatè id apprehendat de aliquo lasciuo, qui ex sua malicia lapsurus est: quia talis non est in necessitate præponderante necessitati audiendi sacrum. Secus autem si præuideat aliquem ex infirmitate peccatum mortaliter; præsertim castum, & bonum, cui magnæ ruinæ occasio esse possit. Quauis propterea non teneatur sepius omittere sacrum; quia id nimis graue esset, & cum notabili iactura spiritualis profectus fieret.

Vel à do-
centi mu-
liceri.

Tertius est, an teneatur mulier non se ornare, ad scandalum vitandum? Respondeo, si ornatus est moderatus, & decens; per se non tenetur ab eo abstinere: quia de se non est malus, neque magis habet rationem scandali actiui, quàm pulchritudo naturalis: & alioqui grauis esset & pnerosa hæc obligatio. Secus tamen si ornatus est superfluous, vel de se quasi prouocatiuus ad malum. Et quamvis Nauar. in Summa cap. 23. num. 19. & Caletan. 2. 2. quæst. 169. art. 1. dub. 3. velint tantum obligari sub venialitè; melius tamen Syluest. S. Antonin. Suar. & alij affirmant obligari sub mortali, si ornatus est valde lasciuus; puta, si pectora nuda ostententur: quia ex suo genere est occasio grauis ruinæ.

Vel à vi-
re, & ho-
norum
conserua-
tione.

Quartus est, an quis possit ac debeat pati iacturam vitæ, aut bonorum temporalium, ad vitandum aliorum scandalum: quia nimirum non potest ea conseruare, nisi vitando cibo scandaloso, vel rixis litigiosis, & medijs scandalosis, licet alioqui non malis? Respondeo posse, ac debere si necessitas honoris fidei id exigat, aut necessitas proximi tanta, vt propter illam, secundum Regulas Charitatis, vita sit exponenda, vel iactura talium bonorum permittenda. In pari tamen utilitate, vel necessitate, potest quisque sibi potius, quàm alteri consilire.

73.

Plura de his videri possunt apud Syluest. Angel. & alios Summistas, V. Scandalum, Valent. quæst. 18. de Charit. p. 4. Suar. disp. 10. Sect. 3. & Agid. Coninck disp. 32. dub. 6. cum quo addo primò, vt aliquis effectus, ex mea omissione vel actione per accidens & præter meam intentionem secutus, sit mihi voluntarius culpabiliter, necessitati requirit vt teneatur eum vitare. Secundò, quò minus opus meum natum est aliis ad peccandum inducere: eò minus ipsorum peccatum mihi imputandum esse: eoque minus me teneri illud omittere, ne alij peccent. Tertiò, quò peccatum aliorum futurum leuius est, aut minus probabiliter futurum, aut cum minori tentatione ex parte mea, maiorique malicia & libertate ex parte ipsorum: eò minus me obligari ad scandalum vitandum. Quartò, quò magis obligor aliunde ad id, ex quo timetur scandalum, minus teneor illud vitare: ac si præponderat obligatio, non teneor omnino: imò neque si æquiualeat obligatio, vel utilitas, aut necessitas: tunc enim liberum erit alterutrum eligere.

74.

Queritur quintò, quando sit peccatum scandalum vendere, vel dare alteri rem, quàm malè

est vfusus? vt vestes, quibus abutitur ad superbiam, aut luxuriam: gladium, quo iniuste alterum occidet: & similia? Respondeo, res quæ dantur, aut venduntur, esse in duplici differentia. Quædam enim sunt ex se, atque ex communi vsu indifferentes ad bonum, vel malum vsuum. Aliæ verò solent ad malum vsuum peti, & destinari; vt venenum, idola vendita idololatri, & similia. Hoc supposito:

Licet tunc
vendere
vel dare
alteri rem
quàm malè
vtitur?

Dico primò, non esse illicitum dare, aut vendere res indifferentes, modò dator aut venditor nihil sciat de mala intentione accipientis. Patet, quia neque intendit peccatum alterius, neque moraliter illi cooperatur, quia non facit opus, quod ad illud inducat, aut ex quo per se sequatur. Cùmque ignoret alterum perere ad malum vsuum, debet præsumere velle ad bonum: quia non est malè iudicandum de proximo sine causa, & in dubijs debet præsumi esse bonus: neque tenetur quique inquirere conscientiam accipientis.

Licet res
indif-
ferentes.

Dico secundò, si præsciatur malus vsus, illicitum est vendere, aut dare res, etiam indifferentes, si absque notabili incommodo negari possunt. Ratio est, quia tenetur quisque ex Charitate vitare peccatum proximi, si commode potest. Hinc illicitè vendo carnes tempore Quadragesimæ, sciens peti ad violandam abstinentiam: aut cenam supposito tempore ieiunij illis, quos scio non esse exemptos à lege ieiunij: aut gladium reddo furioso minitanti necem alteri, aut vendo arma proficiscentibus ad bellum iniustum, &c. Quamquam in his non est scrupulosè agendum, si res non liquidò appareat: quia nullus tenetur conscientiam alterius, aut priuilegium examinare. Dixi autem, si absque notabili incommodo negari possint: quia alioqui videndum est an malum, quod negando impedirem, tanti momenti sit, vt ad illud vitandum teneatur tantum incommodum pati: vel contrà, an sit leuius, quàm vt teneatur, illud cum tanto meo incommodo impedire. Nam in secundo casu licet id, aut vendo, vt incommodum vitem: secus autem in priore. Hinc excusantur famuli, qui diebus ieiunij ministrant Domino cibos prohibitos: vel Dominum deferunt ad locum ubi eam peccare sciunt. Faciunt enim aliquid de se indifferens, quo alius postea malè vtitur, & quod sine damno notabili negare non possunt, vt supponimus: secus enim, peccant grauitè sine dubio. Similique de causa excusantur Christiani remigantes contra Christianos in tricesimis Turcarum, adacti verberibus, & metu mortis. Remigatio enim de se indifferens est, quàm possunt alij bene & malè vti: & non tenentur cum tanto incommodo remigandi officium negare, nisi negando possent omnino (quod rarò accidit) impedire publicum aliquod graue malum, ne scilicet Christiana classis euertatur, aut vrbs capiatur, vel quid simile. Item, qui dant aut vendunt arma, iniuste vfusus, quia sine periculo vitæ propriæ, vel grauis mali negare non possunt. Nam extrema necessitas videtur eos excusare, & efficere ne illa venditio secundum moralem estimationem censetur hic & nunc fieri in talem finem, aut esse cooperatio malitiæ.

75.
Si non
præscia-
tur malus
vsus: aut
non pos-
sint nega-
ri sine
gravi in-
commodo.

Quæ-
stio vel
omissio
sit scan-
dalosa, &
quatenus?

aliorum : sed tantum esse medium euadendi præfens periculum. Atque in totam hæc doctrinam consentiunt plurimi Theologi, & Casuistæ, quos recensere longum esset.

76.
Quid de
rebus ad
malum
vsum pec-
ti solius?

Dico tertio, si res sunt tales vt communitur petri soleant ad malum vsum, ita vt moraliter tuncatut semper vltus prauus : non licet eas tradere alteri, nisi hic & nunc constat cessare periculum prauu vsus. Paret, quoniam aliquot cooperamur moraliter peccato alterius. Nisi tamen excuset grauius incommodum, vt diximus in priori conclusione. Nam illa exceptio hic quoque locum habet. Quare non peccat v. g. qui metu mortis vendit idolum idololatriæ, quamvis illi petere soleant ad malum vsum : aut agnum Iudæis, tempore sui Pascharis. Nam absolute possunt his rebus bene & male vri : puta, idolo, ad ornatum domus, picturæ loco : & agno, ad esum communem : neque teneret vendens vitare malum illorum vsum cum tanto suo incommodo. Aliquando tamen, quia de fidei honore, & Religione, vel de alia causa, vitæ omnino præferenda, agitur, mors potius

subeunda est. Quo pacto multi martyres grauissima quæque tormenta subierunt potius, quam vt idola gentilibus sculperent, id omnino illicitum existimantes, non obstaute tali periculo.

• Cæterum, in omnibus huiusmodi traditionibus, vt peccatum scandalum proprie dictum reperitur, non sufficit traditionem esse illicitam, & contra Charitatem : sed necessarium est vt actus externus in his circumstantijs, quibus hic & nunc fit, præbeat de se proximo occasionem ruinæ. Alioqui enim, si actus externus de se indifferens omnino est, & peccatum sequitur tantum, ex meta alterius malitia : vel operans peccet quidem per intentionem, consentiendo peccato alterius ; sed tamen nihil operando exterius quod ex se præbeat occasionem peccandi : non est peccatum scandalum, quod consistit in actu externo, quo alteri præbetur occasio ruinæ, vt paulo ante diximus ; & pater ex eius definitione superius tradita, & exposita. Et hæcenus de virijs Charitati oppositis.

77.



DISPUTATIO

VIGESIMA-PRIMA.

De præceptis Charitatis.

- | | | |
|--------|-------|---|
| Sectio | I. | <i>De præcepto diligendi Deum.</i> |
| Sectio | II. | <i>Quo tempore obliget præceptum diligendi Deum : & utrum hac in vita possit perfecte impleri ?</i> |
| Sectio | III. | <i>De præcepto diligendi proximum.</i> |
| Sectio | IV. | <i>De præcepto diligendi inimicos.</i> |
| Sectio | V. | <i>De præceptis Charitatis circa eleemosynam.</i> |
| Sectio | VI. | <i>Plura de modo faciendi eleemosynam.</i> |
| Sectio | VII. | <i>De præcepto Charitatis circa correptionem fraternam.</i> |
| Sectio | VIII. | <i>De ordine seruando in correptione fraterna.</i> |

DE præceptis Charitatis in genere disputat S. Thom. q. 44. vbi docet, conuenienter fuisse data præcepta de Charitate : & illa duo esse : vnum de Deo diligendo, alterum de diligendo proximo. Ac Deum quidem ex toto corde diligendum esse, & ex tota anima, totaque fortitudine nostra : quod perfecte non fit nisi in patria ; vbi homo totaliter vnitur Deo : & vbi Deus erit omnia in omnibus. Proximum verò amandum esse sicut nos ipsos, non æqualiter, sed similiter. Neque solum Charitatem, sed etiam ordinem Charitatis cadere

sub præceptum : quia modus pertinet ad rationem actus virtutis, cadit sub præceptum, quod datur de actu virtutis.

Speciatim verò de præcepto diligendi inimicos agit q. 25. art. 8. & 9. ubi affirmat necessarium esse ex præcepto, ut inimicus, non quia talis, sed ut homo, non excludatur à generali dilectione proximi : simulque parati ad eum singulariter diligendum si necessitas occurreret : neque excludatur à signis, vel beneficiis dilectionis, quæ exhibentur proximis in communi : puta cum aliquis orat pro omnibus fidelibus, vel pro toto populo, vel impendit aliquod beneficium toti communitati. Alia verò, quæ particulariter exhibentur aliquibus personis, non debere ex necessitate præcepti exhiberi inimicis, nisi quantum ad præparationem animi, ut scilicet eis subueniamus in articulo necessitatis.

De præcepto eleemosynæ disserit q. 32. art. 5. & sequentibus, docetque teneri nos dare eleemosynam de superfluis, necessitatem patienti : non autem de necessarijs ad vitam, aut statum personæ : quanquam laudabile est de isto aliquid subtrahere ad subueniendum indigentibus. Esse autem faciendam eleemosynam de suo, non de iniuste acquisito, & alteri restituendo : neque de bonis Domini, nisi fortè in extrema necessitate. Et magis nobis coniunctis providendum potius esse, quam alijs, cæteris paribus ; nisi vel sanctitas personæ, vel eius conservandæ utilitas pro bono publico, maiorque illius necessitas exigat ut isti potius succurratur : maxime si altera persona non sit nobis multum coniuncta, cuius cura specialis nobis non imminet, & si magnam necessitatem non patitur. Tametsi autem laudabile est abundanter dare, sufficienter indigentiam supplendo : non tamen ita ut indigens abundet ad superfluitatem. Quia melius est pluribus indigentibus modè largiri.

Denique de præcepto fraternæ correptionis tractat q. 33. Asseritque 1. duplicem esse correptionem delinquentis. Vnam, quæ adhibet remedium peccato, inquantum est malum quoddam ipsius peccantis : & ista est propriè fraterna correptio, & actus Charitatis : quia eiusdem virtutis est velle bonum amico, & removere ab eo malum. Altera est, quæ adhibet remedium peccato delinquentis secundum quod est malum aliorum, & præcipuè in nocuum communis boni : & talis correctio est actus iustitiæ, cuius est conservare rectitudinem iustitiæ unius ad alterum. 2. Correctionem fraternam ordinatam ad fratris emendationem cadere sub præceptum, secundum quod est necessaria ad istum finem : non autem ita ut quolibet loco, vel tempore, frater delinquens corrigatur. 3. Correctionem, quæ est actus Charitatis, tenditque specialiter ad emendationem fratris delinquentis per simplicem admonitionem, pertinere ad quemlibet habentem Charitatem, siue sit subditus, siue Prælati. Aliam verò, quæ est actus iustitiæ, per quam intenditur bonum commune, procuraturque non monitione solum, sed etiam punitione, pertinere ad solos Prælatos. 4. Hanc postremam correctionem non competere subdito respectu Prælati : secus verò alteram, quæ est actus Charitatis : pertinet enim ad unumquemque respectu cuiuslibet personæ, erga quam debet habere Charitatem, si in ea quippiam corrigibile inveniatur. 5. Cum peccatum non tollat totum rationis iudi-

cium, potest licitè peccator delinquentem corrigere. Illius tamen peccatum, multiplex. affert impedimentum correctioni, inutilèque aut minùs efficacem eam reddit. 6. Correctionem iustitiæ non esse omit- tendam propter turbationem eius, qui corripitur. Quia si non vult spon- te sua corrigi, cogendus est per pœnas, vt peccare desistat: & vnius exemplo alij deterrendi sunt. Secus autem fraternam correptionem, cu- ius finis est emendatio delinquentis, quæque non habet coactionem, sed simplicem admonitionem. Nam si probabiliter æstimatur peccato- rem non vtiliter recepturum admonitionem, sed ad peiora lapsurum, desistendum est ab eiusmodi correptione: quia ea, quæ sunt ad finem, debent regulari secundùm quod exigit ratio finis. 7. Oportere monitio- nem secretam præcedere publicam delinquentis denuntiationem, quan- do peccata sunt occulta, & non contra commune bonum. Si autem publica sunt, vel occulta contra bonum commune commissa, non est semper necessarium præcedere secretam monitionem; sed illà præter- missâ, oportet statim procedere ad denuntiationem: nisi quis firmiter existimaret, quòd statim per secretam admonitionem posset huiusmodi mala impedire. 8. Denique affirmat testium inductionem debere præ- cedere publicam denuntiationem: vt primò paucis indicetur peccatum fratris, qui possint prodesse, & non obesse, & saltem sine multitudinis infamia emenderetur; iuxta illud Christi, Matth. 18. *Si peccaueris in te frater tuus, &c.*

SECTIO I.

De præcepto diligendi Deum.

QUÆRITUR primo an dilectio Dei sit in præcepto? Respondeo esse in præcepto tum naturali, tum positivo. Prima pars de naturali probatur, quia tale præceptum nihil aliud est, quam voluntas Dei, vt auctoritatis naturæ, nobis manifestata lumine ipso naturali: siue actus rationis naturalis proponens & denuntians Deum debere amari. Atqui ratio naturalis denunciat & proponit Deum vt summè & infinitè bonum, auctoritatemque & gubernatorem totius Vniuersi, debere summè, id est, super omnia amari. Ergo, &c. Maior patet ex definitione præcepti naturalis. Minor probatur, quia si ratio naturalis dicit Parentes, Patriam, Magistros, Principes, & Rectores cuiusque communitatis, præsertim verò alioqui de se bonos & amabiles, esse diligen- dos: quantò magis dicit amandum esse aucto- rem & Principem totius Vniuersi, summè bo- num, & infinitè perfectum? Idèoque Paulus Rom. 1. grauitè arguit, & inexcusabiles vocat Gentiles, qui cum lumine naturali cognouis- sent Deum, non sicut Deum glorificauerunt, aut gratias egerunt, sed euanescunt in cogita- tionibus suis. Porro hoc præceptum naturale non omnibus fortasse statim innotescit: sed illi qui lumine naturali perueniunt ad noticiam Dei prædictam, faciliè intelligunt Deum secundùm illas considerationes esse summè amandum.

Secunda pars de præcepto positivo, patet ex Deuter. 6. ver. 5. vbi Deus sic præcipit, *Diliges Dominum Deum tuum ex toto corde tuo, & ex tota anima tua, & ex tota for- titudine tua.* Quod præceptum repetitur Matth. 22. ver. 37. additurque hoc esse maxi- mum, & primum mandatum. Vnde collige esse præceptum speciale, & distinctum à cæte- ris, quibus maius & prius esse dicitur: contra nonnullos existimantes nullum esse speciale præceptum diligendi Deum actu interno, qui est verè & propriè dilectio: sed illo similibusque præceptis, solum nobis præcipi vt impleamus Dei mandata in decalogo contenta. Con- tra quos adhuc instari potest, quia dilectio Dei habet specialem honestatem, quæ inter omnes virtutes maximè decet naturam rationalem, & maximè ad Dei gloriam spectat. Ergo cum ali- quarum aliarum virtutum actus sint nobis præcepti (vt de actu Fidei, & Religionis omnes fatentur) multò magis nobis erit præceptus actus dilectionis Dei. Confirmatur, quia pa- ter filium valde amans, & summis atque con- tinuis beneficijs afficiens, non tantùm ab ipso exigit vt sua præcepta exterius seruet: sed & præcipit vt ab ipso sincerè ametur interius. Et si videret contrarium, id ægrè ferret, meritò- que illi vitio verteret. Ergo Deus similiter vult à nobis amari. Ita Aegid. disp. 24. dub. 2. num. 29.

Porro licet præceptum illud diuinum pro materia & obiecto habeat etiam id quod natu- raliter præcipitur, vt ostendimus paulo post: tamen quatenus non per solam rationem natu- ralem datur; sed aliter extrinsecus imponitur

Dilectio Dei est in præcepto naturali.

2.
Atque etiam po-
sitivo.

3:

per actum Dei pro iure suo supremo id præcipientis, habet rationem præcepti positiui: sine quo præceptum naturale antea fuerat, & esse adhuc posset. Neque obijcias, finem præcepti non esse in præcepto, ex communi axiomate. Finis autem præcepti est Charitas, 1. Timoth. 1. Ergo, &c. Respondeo enim axioma illud esse intelligendum de fine extrinseco, qui à materia præcepti distinguitur: secus autem de illo præcepto, cuius materia est actus circa ipsum finem.

^{4.} ^{Occurritur obijctioni.} Queritur secundò, quis sit sensus illius præcepti, *Dilige Dominum Deum tuum ex toto corde tuo*, &c. Deuteron. 6. & Matth. 22. Respondeo particulam, *ex toto corde*, significare non habere cor diuifum ad aliquid, quod dilectioni repugnet; sed verè, & perfectè diligere. Eodem modo, quo Actorum 8. dicebat Philippus Eunuchus, *Si credis ex toto corde*, licet. Neque enim id intelligebat de tali actu credendi qui excluderet omnes alios actus credendi alia: sed de actu credendi verò, excludente quidquid repugnat veræ fidei: & de totalitate cordis excludente diuisionem cordis ad aliquid repugnans, qualis est dubietas, aut exceptio alicuius necessarij. Quare similiter ad diligendum ex toto corde non est necessarium diligere summo conamine, quo maius esse non possit: neque ita diligere, vt nihil aliud diligatur nisi propter Deum: sed satis est, si verè diligatur Deus eo modo, quo dictum fuit. Particula verò, *Dominum Deum tuum*, significat Deum esse amandum vt Deum, adeoque super omnia æstimatiue, id est, secundum rationem; quæ præcellit cæteris omnibus. Reliqua quæ sequuntur, *&c. ex tota anima tua*, &c. significant voluntatem, quæ nomine cordis antea significata fuit, debere integrè secum trahere rationem, sensum, & vires, ad id quod necessarium est dilectioni. Ita ferè D. Thomas quæst. 44. art. 5. vbi ait nomine cordis intelligendam esse voluntatem, quæ est principium omnium actionum liberarum, sicut cor est principium vitæ. Per mentem significari intellectum: per animam, appetitum inferiorem: per fortitudinem siue virtutem, vim executiuam, siue exterius operatiuam. Ita vt sensus præcepti sit, Deum sic amandum esse, vt tota nostra voluntas, siue intentio in Deum feratur & intellectus; & vis appetitiua, vel pars animæ inferior, atque exterior operatio, omni ex parte Deo subijciantur, & secundum ipsius voluntatem reguntur, nihilque faciant illi repugnans. Alij tamen aliter exponunt prædictas particulas, vt videre est apud S. Doctorem ibidem. Quin etiam nonnulli idem prædictis omnibus vocibus significari malunt. Quoniam, inquit, Scriptura quando fortiter asserere aliquid, aut inculcare vult, solet id varijs verbis idem significantibus repetere: vt 4. Reg. 10. *Morieris tu*, &c. non *viues*. Et Psal. 6. *Domine ne in furore tuo arguas me, neque in ira tua corripis me*. Et Psal. 50. *Amplius Laua me ab iniquitate mea; & à peccato meo munda me*. Sic Cornel. ad Lapidem in locum Deuter. citatum, Maldonat. in Cap. Matth. 22. Ver. 37. Vsq. 1. 2. disp. 194. cap. 3. & Egid.

Coninck suprâ num. 33. sed prior expositio tui bene conuenit, & communior est.

Ex quo sequitur primò, præcipi quidem vt Deum summè amemus æstimatiue, nihil supra ipsum amando, sed ipsum rebus omnibus præferendo, adeo vt parati simus cætera omnia charissimè, vitamque ipsam deferere potius, quàm ipsius amicitiam violare. Sed non præcipitur vt summè ipsum amemus intensiue; siue absolute toto & summo conatu potentie, quod difficillimum & moraliter impossibile est, cum gradus ille summus sit nobis ignotus, & sine summa difficultate attingi nequeat; siue respectiue, intensiue scilicet, quàm quidvis aliud; quod perplexum & scrupulosum esset; cum æstissime dubitari posset vtum hoc vel illud intensus amemus, quàm Deum amauerimus; vel an Deum amemus intensiue, quàm quicquam aliud amauerimus: quæ comparatio & reflexio difficilis est, & plena anxietatis. Tantùm ergo præcipitur verus & absolutus amor Dei, excludens quidquid illius amicitie repugnat. Qui actus sine certa intentione reperitur in quouis gradu talis dilectionis diuinæ: quippe qui in ipsius natura & specifica ratione consistit.

Sequitur secundò, non præcipi vt nihil præter Deum amemus; sed tantùm vt nihil amemus eius amoris oppositum, quodque cor nostrum diuidat ad aliquid repugnans. Alioquin enim non solum per alias virtutes, sed etiam per Charitatem possumus aliquid amare præter Deum, quod non propter ipsum ametur. Possumus enim per alias virtutes iustitiæ v.g. & temperantiæ, amare iustum, vt iustum; & temperatum, vt temperatum: quia vt tale, per se honestum & amabile est, etiam sine relatione ad Deum. Charitas quoque præter Deum diligit proximum, & non tantùm propter Deum, sed etiam propter se, vt alibi ostensum fuit, & sequenti Sectione confirmabitur. Denique, si nihil aliud præter Deum ratione sui, amari posset, tollerentur actus aliarum virtutum, quæ non versantur circa Deum, habentque obiectum diuersum ab obiecto Charitatis. Nec obest quod D. Thomas quæst. 44. art. 4. c. post medium, tradit Deum esse diligendum ex toto corde, quia est diligendus vt finis vltimus ad quem omnia referri debent. Nam hoc non ita intelligendum est, quasi necessarium sit vt in quolibet actu Deum sit finis vltimus, ad quem vnumquodque referatur ex eius dilectione. Id enim falsum est, & aduersatur Tridentino Sess. 14. cap. 4. affirmanti actus attritionis qui non attingunt finem Charitatis, neque sunt ex Charitate, esse bonos. Sed dictum illud D. Thomæ ita intelligendum est, quòd interdum debeamus actu aliquo generali nos & nostra omnia ad Deum referre, velut ad finem vltimum: quòdque omnes actus nostri particulares ita subijciendi sint Deo, vt nihil admittatur eius dilectioni & finis vltimi assequutioni repugnans. Potest quidem actus Charitatis extendi generatim ad omnia, quæ Deo placeant, amanda propter Deum: sed non est necesse vt nullo actu ametur quicquam, quod eodem actu non ametur propter Deum. Per hoc enim

^{6.} ^{Præcipitur summus amor Dei æstimatiue, non intensiue.} Non præcipitur vt nihil aliud amemus.

^{6.} ^{Quomodo cætera propter Deum amanda?}

tollerentur actus proprii aliarum virtutum, qui certe non debent esse actus Charitatis. Est etiam verum quod nullus sit actus virtutis qui non possit ad Deum referri per Charitatem, tanquam Deo placens: sed non est necessarium vt in singulis actibus sit relatio ad Deum: excepta curâ, quâ semper est prouidendum vt nihil Deo displicens admittatur.

7.
Quid cō-
prebēat
præceptū
diligendi
Deum?

Quæritur tertio, quænam comprehendantur in præcepto generali dilectionis Dei? Respondeo, & dico primò, comprehendendi vt Deus ametur positivè, & vt non habeatur odio, & vt nihil admittatur, aut omittatur contra ipsius dilectionem. Nam ad dilectionem Dei generatim pertinet non tantùm habere aliquando actum complacentiæ, aut benevolentix erga Deum; aut abstinere ab eius odio, vel malevolentia; sed etiam, quoties offertur occasio, exhibere Deo id omne, cuius omissione repugnet dilectioni; & abstinere ab omni eo, cuius commissio dilectioni aduerfaretur. Quare hæc omnia in illo præcepto comprehenduntur: quod debet intelligi non solum de simplici quocumque affectu complacentiæ, aut benevolentix erga Deum vt Deus est; sed etiam de necessario opere cum affectu coniuncto, & de resistentia contra difficultatem, & de perseuerantia sine interruptione per actum repugnantem. Hæc enim ad perfectam observationem dilectionis sunt necessaria: sicut per eorum opposita peccatur contra dilectionem.

8.
Est quod-
dammodo
gen-
rale.

Hinc sequitur, præceptum diligendi Deum, quamvis in se speciale sit, quatenus habet formaliter propriam suam & peculiarem rationem formalem, esse tamen ex parte materiæ suæ obiecti vniuersale, quatenus omnia comprehendit aliquo modo, eiusque ratio formalis & specialis communicatur omnibus. Quidquid enim præcipitur alijs omnibus præceptis, aut prohibetur; præcipitur quoque, aut prohibetur per præceptum diligendi Deum, quatenus eius omissione, aut commissio repugnat dilectioni Dei, estque ipsi mala, id est, displicens & aduersa, atque eo saltem nomine vitanda, si alijs de causis non vitatur. Propter hoc Christus affirmabat Ioannis 14. *Qui habet mandata mea, & seruat ea, ille est qui diligit me.* Et cap. 15. *Si præcepta mea seruaueritis, manebitis in dilectione mea.* Et 1. Ioan. 5. *Ille est Charitas Dei, vt mandata eius custodiamus.* Considerandum tamen est, ad vitandum peccatum, & transgressionem aliorum præceptorum, non esse necessarium, vt qui aliquid agit, aut ab aliquo abstinet, id faciat ex motiui dilectionis Dei. Satis enim est si quomodocumque abstinat ab eo quod prohibitum est: aut faciat id quod præceptum est, ex motiui Obedienciæ, vel Spei, Religionis, Iustitiæ, Temperantiæ, Fortitudinis, Pietatis, vel alio: dummodo nihil aliter necessarium prætermittat, & hic, aut ille affectus non sit præceptus. Quamvis enim ius habeat Deus præcipiendi affectum internum: aliquando tamen solum actum externum exigit; aut eius omissionem. Ideoque vt vitetur transgressio huiusmodi præceptorum, non requiritur determinatè hic aut ille affectus; sed sufficit vt ponatur actus externus qui præcipi-

tur, aut omittatur id quod prohibetur; puta, vt restituatur alienum, subueniatur indigenti, non occidatur, non blasphemetur, non detrahatur famæ alterius. Est tamen necessarium vt si propter aliam rationem nolit quispiam aliquid facere, vel aliquid omittere: saltem propter dilectionem Dei vel omittat quod malum est, vel faciat quod rectum & necessarium est. Dico, *quod rectum & necessarium est*: quia non omne rectum est necessarium & in præcepto, sed quædam sunt consilij tantùm, & supererogationis, quæ possunt licitè omitti.

Dico secundò: cum Deus possit ac debeat diligere, tum secundùm rationes naturales, tum secundùm supernaturales: itémque actum naturali secundùm entitatem, & actum supernaturali: præceptum quidem naturale diligendi Deum tanquam summè bonum, & tanquam auctorem naturæ, non est de dilectione supernaturali secundùm substantiam suam, neque secundùm rationes supernaturales: etenim huiusmodi dilectio non est naturaliter nota: rationes quoque illæ excedunt limites solius luminis naturalis, in cuius cognitione distat quid agi debeat, vel omitti, consistit aliquatenus præceptum naturale: posita tamen reuelatione rationum eiusmodi, & actum supernaturalium, natura ipsa dicat Deum secundùm illas amandum esse, & quidem actum proportionato quoad fieri potest. Sicut etiam dicat parendum esse superioribus legitime præcipientibus: quo pacto omnia præcepta positiua, etiam supernaturalia, fundantur in natura, & in radice sunt quodammodo naturalia. At verò positiuum Dei præceptum prædicta omnia comprehendit formaliter & per se. Deus enim vult amari eo amore, quem constituit dare ijs, qui non resisterint ipsius vocationi: & propter quem dat fidem intellectui, & auxilia necessaria, atque habitum ipsum supernaturalem Charitatis voluntati. Neque tantùm rationes supernaturales proponit vt credantur; sed & præcipi vt amentur, quemadmodum summè amabiles sunt. Deus tamen non obligat nos immediatè & determinatè ad actum supernaturalem in entitate: quippe qui nobis ignotus est distinctè, neque potest à nobis discerni ab actum naturali: & non pendet à nobis immediatè, sed ab eleuatione diuina, & à nobis tantùm mediatè, quatenus possumus facere quod in nobis est ad cooperandum auxilio diuino, quo ad amorem supernaturalem disponimur, & adiuuamur; ita vt per nos non stet quia: à Deo eleuemur; & hoc etiam est id quod Deus immediatè præcipit, vt scilicet Deum secundùm rationes nobis notas amemus eo amore, quo possumus cum ipsius auxilio.

9.
Quomodo præcipitur Deus amari secundùm rationes naturales, & supernaturales?

SECTIO II.

Quo tempore obliget præceptum diligendi Deum: & vitum hac in vita possit perficere impleri?

Quæritur quartò, quo tempore obliget præceptum diligendi Deum? Respondeo, 10.

432 Disput. XXI. de Charitate, Sect. II.

Negatiuū
pro sem-
per obli-
gat.

Positiuū
quando-
nā obli-
get?

11.
Dilectio
Dei du-
pliciter
est neces-
saria.

Quando
necessaria
per se?

Quando
per acci-
dens?

præceptum illud, quatenus includit aliquid negatiuum de Deo non odiendo, & de nihil admittendo quod ipsius dilectioni repugnet; obligare pro semper, more aliorum omnium præceptorum simpliciter negatiuorum: quia ab actibus simpliciter & absolute prohibitis, semper abstinendum est: quatenus vero positium est de eliciendo actu amoris Dei, & faciendo quicquid ipsius dilectioni necessarium est, non obligare pro quouis tempore, sed pro illis tantum, quibus diligendi aut operandi necessitas incumbit; quæ tempora secundum prudens iudicium discerni debent, si aliunde non constat eorum determinatio. Hi enim actus positiui non debent continuè & sine interruptione exerceri: neque etiam possunt; cum propter somnum, & alia multa interrumpi necesse sit. Cumque tempus illos exercendi non est aliunde præscriptum, & determinatum; secundum prudens iudicium præscribi & discerni debet: vt de alijs præceptis positiuis dici solet.

Speciatim verò, quod attinet ad præceptum exercendi actum formalem dilectionis Dei, notandum est dupliciter illam necessariam esse posse. Primò per se, ratione suæ honestatis, spectatâ præcisè bonitate illius actus, & obligatione, quam habentur illum eliciendi. Secundò per accidens, aut propter aliud: puta, ob aliquam tentationem viuendam, aut remissionem peccatorum obtinendam, aut aliud quod aliud præceptum implendum, cui non possumus satisfacere, nisi eliciamus actum dilectionis. Priori modo nullum est certum tempus dilectioni determinatum; quia Deus non illud præscriptit Deuter. 6. aut Matth. 22. neque aliunde habetur eius determinatio: Sed postquam aliquis adeptus est sufficientem vsum rationis, & notitiam huius præcepti, tenetur ad diligendum Deum sine mora vituperabili; sicut de honore parentibus exhibendo, de visitandis amicis, & de alijs agendis intelligitur ea non debere turpiter & indecenter differri, sed debere agi sine mora vituperabili & reprehensibili, quam homines communiter solent discernere ipso lumine naturali, & cognoscere quando per talem moram peccetur. Neque sufficit semel tantum diligere non diu post initium vsum rationis, & notitiæ præcepti; sed deinceps totâ vitâ actus dilectionis sine mora vituperabili repetendus est. Quia præcepta, quæ dantur sine determinatione circumstantiæ temporis, sunt humano modo intelligenda. At nullus sibi, vel alij petit amorem alterius, vt semel tantum ametur, aut rarò: sed vt sæpe & affectu, effectusque ametur. Deus quoque in iustificatione non infundit habitus Fidei, Spei, & Charitatis, vt otiosi maneant, vel ad vnum tantummodo actum: sed potius ad vtendum decenter & honestè, secundum rationem. Posteriori modo nihil aliud est, ad quod simpliciter & absolute necessarius sit actus dilectionis. Nam tentationes absolute vinci possunt ex metu gehennæ, & alijs motiuis. Remissio quoque peccatorum haberi potest per attritionem cum Sacramentis, aut per contritionem sine illis, & sine formali dilectione. Alia quoque præcepta omnia impleri possunt ex alio affectu. Fieri

tamen potest vt quis existimet se non posse absque dilectione superare fortem aliquam tentationem, aut exequi aliquem actum Heroicum, vel aliud præceptum implere: aut re ipsa non impleat, nisi illam eliciat, & ex Dei saltem amore moueatur ad præcepti executionem. Tuncque ex tali suppositione, actus dilectionis necessarius est, propter huiusmodi necessitates extrinsecas, & hypotheticas. Porro licet ad effectum fertiendi alia Dei mandata non sit necessarium simpliciter vt ex effectu dilectionis Dei seruentur; tamen si quis alia seruet ex effectu dilectionis erga Deum, non est aliud tempus necessarium ad diligendum Deum: quia in executione aliorum præceptorum satis frequenter occurrit occasio diligendi: idèque tunc diligitur sine mora vituperabili.

In eo quod diximus teneri hominem, quando incipit habere sufficientem vsum rationis, & notitiam præcepti, non diu post exercere actum dilectionis erga Deum, ac deinceps tum repetere sine mora vituperabili, consentit Agid. Coninck disp. 24. dub. 3. num. 50. & 51. aliique plurimi. Addunt verò non pauci à nobis relati loco mox citando, teneri nos etiam per se, elicere actum dilectionis circa articulum mortis: quia tenemur tunc saluti nostræ quàm optimè fieri potest consulere, & contra grauissimum illud certamen nos munire, & omnibus quibus fieri potest modis, Deo nostro perfectissimè nos vnire. Verùm hæc obligatio, si tunc vrget, potius est ab extrinseco propter occurrentem extrinsecam necessitatem ex articulo mortis. In quo licet probabile sit teneri quemque exercere actum dilectionis, & contritionis supernaturalis, quamvis non deficiat copia Confessarij, & Sacramentum Penitentię cum attritione adhibitum sit; propter grauissimum negotium, & periculum salutis æternæ, cui melius & tutius consulitur adhibito vtroque remedio: non est tamen certa hæc obligatio, sed oppositum æquè probabile, aut probabilius est, vt diximus tom. 5. disp. 49. Sect. 9.

Alia quædam tempora determinantur ab alijs. Ac primò, D. Thom. 1. 2. quæst. 89. art. 6. quem Thonistæ communiter sequuntur, affirmat vnumquemque, cum primùm ad vsum rationis peruenit, teneri hoc præcepto diligendi Deum super omnia, ita vt peccet mortaliter nisi statim id faciat. Quia tenetur tunc primùm ad Deum se convertere, vt ad vltimum suum finem, ad quem seipsam, suasque omnes actiones dirigat. Hoc autem fit per actum dilectionis Dei super omnia: ergo, &c. Sed hæc opinio satis alibi refutata fuit, communiterque & meritò rejicitur ab alijs Theologis: quia sine fundamento sufficienti grauem inducit obligationem communiter ignoratam ab omnibus, qui ne quidem norunt quando primùm perueniant ad vsum rationis, & prius ad illum peruenisse debent, quàm sufficienter doceantur hanc obligationem, & modum illi satisfaciendi: neque cum primùm attingunt vsum rationis, habent satis iudicij ad actum adeo purum & Heroicum exercendum.

Secundò, Scot. in 3. dist. 27. quæst. vnica; §. *Quantum ad secundum*, Gabriel in 3. dist. 37. quæst.

12.

13.
Obligatio
ne in pri-
mo insti-
tus ratio-
nis.

Disput. XXI. de Charitate, Sect. II. 433

An singulis diebus Festis? quæst. vnica art. 3. dub. 2. & Almain. ibidem, putant dies Festos esse tempus pro quo obligat præceptum diligendi. Sed falluntur. Quia quæ præcipiuntur seruanda diebus Festis, pertinent ad mandatum Ecclesiæ, quæ non statuit de actibus internis, qualis est dilectio. In Dei autem mandato Deuteron. 6. & Matth. 22. aut alibi vspsiam, nulla fit mentio dierum Festorum, nec temporis alicuius determinati.

14. Aliqobli gationes. Tertiò, Dominic. Sorus lib. 1. de natura & gratia, cap. 22. & lib. 2. de iustitia quæst. 3. art. 10. putat præceptum diligendi Deum obligare quando baptismus ab adulto suscipiendus est: & quando martyrium est subeundum, vel aliud opus difficile inchoandum: quando aliquod insigne beneficium à Deo recipimus: quando videmus iniuriam Dei-honori fieri, & possumus impedire. Addit Valent. quæst. 29. p. 1. post Nauar. in Summa cap. 11. num. 7. dilectionis actum requiri ex præcepto, quoties contritio est necessaria: quippe quæ debet à dilectione provenire, & sine illa exerceri nequit. Denique Capreol. in 2. dist. 18. quæst. vnica, art. 3. ad 2. argumentum Scoti contra 4. conclusiorem, & Conrad. 1. 2. quæst. 100. art. 10. volunt obligare præceptum Charitatis quando-cunque obligat quodvis aliud præceptum: quia nullum aliud potest perfectè impleri sine actu Charitatis.

Sed contra: primò, quamvis hæc ita essent: tamen dilectio non esset necessaria per se in illis casibus, sed ab extincta necessitate, & propter aliud. Secundò, ad baptismum adulti sufficit fides, & attritio de peccatis actualibus, cum intentione suscipiendi Sacramentum, & voluntate viuendi Christiano mote: sicut militi (quo exemplo vitur Sorus) sufficit, cum primum adscribitur ad militiam, habere propositum pugnandi, & præstandi officium boni militis; quamvis tunc temporis amorem erga Principem non exerceat. Tertiò, ad martyrium probabilis quidem est, sed non certum, requiri actum dilectionis Dei, ita vt vita propter Deum perdatur, vt alibi dicemus. Ad alia verò opera strenua sufficere potest, per se loquendo, oratio seruens, quâ imploreter diuinum auxilium; & actus spei, aliarumque virtutum. Quartò, post acceptum beneficium sufficit gratus agere: neque etiam statim ad hoc agendum tenemur sub mortali. Quinrò, sufficit quoque vt initium Dei impediatur, quantum possumus. Sextò, longè probabilis est contritionem sine formali dilectione exerceri posse, vt offendemus in tract. de Pœnit. quippe quam non includit essentialiter nec habet necessariam dependentiam, aut connexionem cum illa. Denique actus dilectionis Dei non est ex natura rei necessarius ad seruanda alia præcepta, ne quidem dilectionis proximi, quippe qui potest propter se amari sine actu amoris Dei: aliunde verò nullum est probabile fundamentum huius necessitatis dilectionis Dei in seruandis alijs præceptis, cuius etiam in ipsis nulla mentio fit. Quare temere, & contra rationem id asseritur.

16. Possitne hoc præceptum? Quæritur quintò, an præceptum diligendi Deum possit hac in vita perfectè impleri? Ratio Tomus III.

dubitandi est, quia præceptum illud latè sumptum, vt supra diximus, comprehendit alia omnia, quatenus prohibet ne quid fiat, aut omittatur, quod diuine voluntati repugnet. Atqui non possumus hac in vita seruare perfectè omnia præcepta, ita vt in nullo peccemus ne quidem venialiter. Deinde, D. Augustinus docet varijs locis hoc præceptum non posse perfectè impleri hac in vita, sed in patria. Quia cum adhuc aliquid est carnalis concupiscentiæ, quod vel continendo frænctur, non omnino ex tota anima diligitur Deus; similia habet S. Bernard. Serm. 60. in Cantica, ad illa verba, *Ordinauit in me Charitatem.*

Respondeo primò, nunquam peccari verè & propriè contra illud præceptum, quin possit non peccari. Quia vt patet ex dictis alibi in tract. de Actibus hum. & de Peccatis, culpa non potest reperiri sine libertate, quæ est potestas ad opposita. Secundò, duplicem esse obseruationem mandatorum Dei. Vnam, sine villo peccato, etiam veniali: Aliam, sine peccato mortali. Ad quarum priorem in hominibus diu viuentibus, sine specialissima Dei ope, est quedam impotentia moralis, propter naturæ corruptæ infirmitatem. Quia licet nunquam propriè peccent venialiter, quin absolute possint non peccare: tamen non est futurum vt per longum tempus sine illa ope non peccent venialiter, ob frequentes occasiones, & difficultatem resistendi omnibus tentationibus. Ad posteriorem verò maior est potentia: quia plus requiritur deliberationis, & materiz ad peccandum mortaliter: neque Deus tam facile patitur vt quis peccet mortaliter, quàm vt peccet venialiter, sed maiorem confert opem ad peccatum mortale vitandum. Vnde quibudam datur tanta gratia, vt nunquam peccent mortaliter, etiam diu viuendo. At paucissimis datum est, si fortè plurius datum est, vt diu viuendo nunquam peccarint venialiter in tam frequentibus peccandi occasionibus.

Dico igitur, mandatum diligendi Deum latè sumptum, posse impleri hac in vita posteriori modo, non tantum Physicè sed etiam moraliter, quatenus omnia peccata mortalia vitari possunt cum Dei gratia ordinaria, etiam collectiue: multoque magis singula distributiue: quo sensu Trident. Sess. 6. can. 18. dicit anathema ijs, qui dixerint præcepta Dei, etiam iustis, esse obseruata impossibilia. Et 1. Ioan. 5. ver. 3. *Hæc est Charitas Dei vt mandata eius custodiamus; & mandata eius gratia non sunt.* Et Luc. 10. v. 28. *Hæc fac, & viues:* ubi sermo est de implendo hoc præcepto diligendi Deum ex toto corde, hac in vita, tantam necessariam ad consequendam vitam æternam. Quare Christus apertè supponit hoc præceptum esse possibile, docetque esse necessariò implendum hac in vita, quæ ad vitam æternam via est. Priori autem modo fatendum est exactam illam obseruationem, expetrem omnis peccati venialis diuturno, aut toto vitæ tempore, continere moralem quandam impossibilitatem consequentem, & hypotheticam, sine gratia extraordinaria, Beatæ Virgini, & paucissimis fortè alijs concessa. De qua possent Au-

ceptum perfectè hac in vita implere.

ita vt ne quidem peccetur venialiter.

16. Saltem vt non peccetur mortali-ter.

gust. & Bernard. locis citatis intelligi: nisi potius loquatur D. August. de concupiscentia etiam inuoluntaria: quæ tamen quia peccatum propriè non est, non est contra vllum mandatum. Referre autem implerem mandati, quod viatoribus datum est, ad statum futurum in patria, minus congruum est. Nam quod erit in patria, non tam erit executio mandati, quam merces executionis. Neque opus fuit dare præcepta pro vita patriæ, in qua erunt omnes per beatitudinis essentiam perfecti, sine alio extrinseco regimine: sed solum pro vita viæ. Per hæc rationibus dubitandi propositis satisfieri facili potest.

SECTIO III.

De præcepto diligendi proximum.

17.
Dilectio
proximi
est in præ-
cepto nat.
& positi.

Certum est primò dilectionem proximi esse in præcepto naturali, atque etiam positivo. De naturali patet, quia ratio naturalis dicitur homines eiusdem naturæ communione coniunctos debere inuicem diligere. De positivo constat ex Matth. 12. ver. 39. ubi recitatur prius mandatum diligendi Deum, quod Christus ait esse primum & maximum, subiungit: *Secundum autem simile est huic: Diliges proximum tuum sicut teipsum.* Secundò, huius præcepti sensus intelligendus est cum proportionem, iuxta ea quæ diximus Sect. 1. de præcepto diligendi Deum: ut nimirum latè sumptum & generaliter tria contineat: Diligere proximum posituè, Non odisse, & Nihil facere, aut omittere, quod ipsius dilectioni repugnet, ipseque iure displicere possit. Quæ vltima particula comprehendit omnia officia erga proximum necessaria. Ideòque Christus loco Matth. cit. ait legem vniuersam, & Prophetas, in his duobus mandatis pendere: quia nimirum continent omnia, quæ lex & Prophetæ præscribunt necessaria erga Deum, & proximum.

18. Notandum tamen hæc officia dupliciter posse peti, aut exhiberi proximo. Nimirum, vel ut spectato aliquo modo in ordine supernaturali: & sic pertinent ad Charitatem supernaturalem, quæ fundatur in coniunctione supernaturali, ut alibi diximus, & continentur sub illius præcepto. Vel ut spectato simpliciter & purè in ordine naturali: & sic pertinent tantum ad Charitatem siue amicitiam proximi naturalem, & ad illius præceptum naturale, confirmatum à Deo stabiliente totam legem naturalem: siue in eodem loco Matth. supra citato, si de naturali etiam dilectione intelligatur, ut aliqui volunt: siue potius alijs locis, in quibus generaliter præcipit ut secundum rectam rationem viuamus, faciamusque alijs quicquid nobis fieri rationabiliter volumus. Tobie 4. v. 16. Matth. 7. v. 12. & 1. Corinth. 14. v. vlt.

19. Sicut autem Deus amandus est non modò secundum rationes quæ de ipso naturaliter cognoscuntur; sed etiam secundum supernaturales: Si enim erat glorificandus à Gentilibus ut Dominus gloriæ, & auctor totius vniuersi, quâ ratione ab ipsis naturaliter cognoscebatur,

ut ait Apostolus Rom. 1. eratque amandus secundum eandem rationem, & alias de Deo naturaliter notas, summo amore dignas: multò magis diligendus est si cognoscatur ut auctor ordinis supernaturalis, & secundum rationes sublimiores, quæ virtutem luminis naturalis excedunt, & Dei perfectionem multò magis ostendunt. Similiter, si proximus amore dignus est, quia est creatura intellectualis, nobis coniuncta naturæ communione: multò magis quia est particeps diuinæ gratiæ & gloriæ, vel ad illam ordinatur. Et quamvis præceptum naturale rationes istas supernaturales non attingat, sed tantum naturales: ambæ tamen comprehenduntur præcepto positivo diuino. Sicut enim Deus non tantum secundum ordinem ad finem supernaturalem præcepit ut vnicuique suum tribuatur, & parentes honorentur; sed etiam quia id secundum rectum ordinem naturalem conueniens & necessarium est: ita præcepit, confirmando stabiliendoque legem naturalem, ut proximus diligetur secundum rectam rationem, etiam non considerando supernaturalia. Valdeque mirum esset, si Deus, qui per suam doctrinam confirmauit præcepta naturalia iustitiæ, & modestiæ, aliarumque virtutum minorum, non pariter stabiliiisset præcepta naturalia Charitatis erga Deum, & proximum, quæ cæteris virtutibus illius ordinis antecellunt.

Hinc collige primò, præceptum Charitatis supernaturalis non tam latè patere omnino, quam præceptum Charitatis simpliciter. Secundo, non modò fidem, aut cognitorem Dei, & gratiæ eius participem; sed etiam alienum quemcumque, & infidelem, iuuandum esse ab alieno quolibet in necessitate: neque tantum ad salutem spiritalem, sed etiam ad animalem & corporalem, nulla licet habita ratione capacitatis vel ordinis ad gratiam, & gloriam supernaturalem: id est, non tantum propter eiusmodi considerationem: verum etiam propter naturalem, ut se solâ sufficientem. Terriò, dilectionem supernaturalem, tamen si non debetur ex præcepto merè naturali Charitatis erga proximum, quippe quod non attingit rationes supernaturales: debet tamen ex præcepto positivo Dei, qui vult amari proximum ob rationes supernaturales, eo amore, quem ipse dare constituit; vultque etiam ut obicem non ponamus eius auxilijs, sed potius cooperemur, & faciamus quod in nobis est, ad amandum amore illo ordinis altioris.

His breuiter præmissis, ut facilius, duæ 21. supersunt difficultates hoc loco explicandæ. Vna est, utrum quando proximus amatur, siue amore naturali, siue supernaturali, debeat necessàriò amari propter Deum? Respondeo posse quidem amari propter Deum, sed hunc amorem pertinere ad præceptum diligendi ipsum Deum: posse verò vltimiùs amari propter se, vero amore amicitie, & hoc esse quod præcipitur secundo isto præcepto diligendi proximum sicut teipsum. Prima pars responsi probatur, quia diligere aliquid propter Deum, est diligere Deum. Quare dilectio Dei perfecta, & generalis includit illam dilectionem proximi

20.
Quam
latè patet
præceptum
charitatis
erga pro-
ximum?

21.
Proxi-
mus po-
test ama-
ri propter
Deum; &
propter

quæ propter Deum est, sicut & dilectionem aliorum omnium quæ propter Deum amantur. Secunda verò probatur efficaciter ex ipsis Christi verbis Matth. 22. Nam Christus ibi præcipit ut diligamus proximum sicut nos ipsos. Possimus autem nos ipsos diligere non tantum propter Deum, sed etiam aliter, non quidem expresse excludendo Deum, quasi nolimus diligere nos propter ipsum; sed neque includendo. Etenim dum nos amamus per spem, non amamus nos propter Deum: sed Deum potius nobis amamus, aliaque bona nostra supernaturalia. Ergo similiter possimus Deum amare proximo, & alia bona ipsius supernaturalia. Confirmatur, quia non est præceptum ut nos tantum diligamus propter Deum: quasi verò non possimus etiam licite nos amare ut creaturas intellectuales, & bona nostra, præsertim spiritalia, & supernaturalia; eaque nobis convenienter procurare. Ergo similiter non est præceptum ut proximum diligamus tantum propter Deum.

Sed vitentis, quod id secundum illud præceptum non præcipitur, patet quia Christus loco cit. affirmat duo esse præcepta Charitatis: Vnum, diligendi Deum; alterum diligendi proximum. Quorum illud ait esse primum, & maximum: alterum autem, secundum, & simile huic. Atqui si præceptum esset diligendi proximum tantum propter Deum, non essent duo præcepta, sed vnum dumtaxat: quia diligere propter Deum, est diligere Deum, ut rectè docet S. Thom. quest. 17. a. 8. & per se notum est. Neque multiplicantur præcepta Charitatis moraliter iuxta multitudinem eorum quæ materialiter amantur propter Deum: alioqui non duo tantum, sed innumera forent: tot scilicet, quot ea sint, quæ velut Deo grata, propter ipsum amari possunt. Adde quod præceptum diligendi Deum, ut ab altero præcepto distinctum, non esset primum, & maximum, quemadmodum Christus ibidem affirmat. Quia dilectio proximi propter Deum, est perfectior, quam dilectio Dei tantum, ut affirmat D. Thomas artic. cit. & nos alibi confirmavimus. Cum igitur dilectio proximi propter Deum, sit dilectio Dei perfectior: continetur sine dubio sub primo & maximo mandato, tanquam pars illius præcipua. Cumque præter illud primum & maximum mandatum sit aliud secundum diligendi proximum sicut seipsum; non præcipitur per illud ut diligamus proximum propter Deum: hoc enim iam ad primum pertinet: sed ut eum diligamus alio quopiam modo: nempe ratione superius ut elevati aut ordinati ad statum supernaturalem; siue, ut amabilis amore amicitie in ordine supernaturali; quemadmodum fassus probavimus disput. 18. Sect. 1. Atque hæc non indigent efficiatori argumento, quam supra allato Christi Domini testimonio bene expensio.

Alterâ difficultas est, an teneamur aliquando amare proximum actu interno? Respondeo affirmatiue. Quia diligere proximum est in præcepto. Sed non odisse tantum, aut non lædere, vel exterius tantum benefacere, non est diligere proprie, quod actum internum voluntatis significat. Ergo, &c. Item tenemur diligere

proximum amore simili illi, quo diligimus Deum; iuxta verba Christi, Matth. 22. *Secundum autem simile est huic.* Atqui tenemur diligere Deum aliquando actu interno, quem Deus maximè à nobis exigit, & propter quem infundit habitum Charitatis supernaturalis. Ergo tenemur pariter diligere proximum actu interno, ad quem etiam Charitas supernaturalis extenditur. Terrè, Christus Ioan. 15. sic præcipit: *Hoc est præceptum meum ut diligatis invicem, sicut dilexi vos.* Ergo sicut nos ipse dilexit non tantum effectu, sed & affectu Charitatis interno; vult pariter ut nos eodem modo, diligamus invicem.

Contrarium sentit Agid Coninck disp. 24. dub. 4. vbi initio supponit nos dupliciter posse ad amorem internum proximi obligari. Primò scilicet præcisè, ex virtute Charitatis: secundò, ex alia particulari virtute, v. g. ex pietate, aut gratitudine. Quo secundo modo concedit obligari nos ut amemus aliquando parentes, & benefactores aliquo actu interno. Quia hi illi scirent se à nobis verè interius non amari, ægerimè id ferrent, æstimantque id cadere in sui contemptum, idque secundum commune iudicium merito facerent. Quod verum non esset, si non teneremur eos ita diligere. Paulus quoque Rom. 1. ver. 31. Gentiles reprehendit quòd fuerint sine affectu, id est, sine amore erga parentes, iuxta vim vocis Græcæ *ἀσπείρω*. Quare vitiosum est tali affectu carere. Circa priorem verò modum supponit iterum proximum posse dupliciter amari. Primò, amore distincto ab eo, quo diligimus Deum, & qui habeat veram rationem amicitie erga proximum. Secundò, eodem amore, quo diligimus Deum, quique respectu Dei sit amor amicitie; respectu verò proximi, amor concupiscentie. Idque rursus vel explicite, ut cum optamus proximo gratiam & gloriam, quatenus hæc conducunt ad gloriam Dei, & sunt quoddam bonum ipsis Dei. Vel implicite, ut quando hoc ipse quòd Deum amo super omnia, eique in genere omne bonum opro, & in omnibus placere cupio, implicite opro proximo salutem æternam, & bona ad ipsam consequendam necessaria, cupio. que cum necesse fuerit, eam illi procurare, quatenus hæc sunt etiam quoddam bonum Dei, eique placent. Et hac ratione omnis vera & efficax dilectio Dei, est etiam vera dilectio proximi. His suppositis concludit teneri nos amare proximum aliquando actu interno, ultimo ex his modis enumeratis, implicite scilicet: Quia nimirum tenemur aliquando diligere Deum actu interno; omnis autem vera dilectio Dei est prædicto modo etiam dilectio proximi: Sed non teneri ipsum diligere alijs modis, spectatà præcisè virtute Charitatis; sed per accedens tantum, quatenus id quandoque necessarium est ut aliqua bona ei procuremus, quæ sine explicito ipsius amore interno propter Deum, vel propter ipsum, non procuraremus. Ad quod probandum hæc profert argumenta.

Primum sumitur ab auctoritate Scripturæ, soluitur quæ videtur totam obligationem diligendi proximum ponere in opere externo: Matth. 7.

¶ O o 2

Probat
ex Scrip-
tura.

Confer-
matur.

23.
Cōtraria
sententia.

21.
Tenemur
amare
proximū
actu in-
terno?

24.
Soluitur
primum
eius argu-
ex Script.

436 Disput. XXI. de Charitate, Sect. III.

ver. 12. *Omnia ergo quaecumque vultis ut faciant vobis homines, & vos facite illis: hæc est enim Lex, & Prophetæ: ac si dicat, Hoc faciendo implebitis totam legem circa dilectionem proximi. Et 1. Ioan. 3. ver. 17. Qui habuerit substantiam huius mundi, & viderit fratrem suum necessitatem habentem, & clauferit viscera sua ab eo, quomodo Charitas Dei manet in eo? Filiioli non diligamus verbo, nequa lingua, sed opere, & veritate. Respondeo non bene deduci ex locis citatis, id quod affirmat Egidius. Nam Matth. 7. per verbum *facitis*, non intelligitur tantum effectus externus, sed & affectus, & quidquid erga proximum fieri debet, vel omitti, interiùs, & extriùs. Alioquin non comprehenderet quidquid lex præcipit, aut prohibet circa proximum. Certum enim est legem prohibere odium internum iniustum, & iudicia temeraria, aliaque similia, quamvis interna. Sensus ergo illius præcepti est, ut eo modo nos geramus in omnibus erga proximum, quo modo volumus alios erga nos se gerere, iuxta vulgatum axioma, *Quidquid vis fieri tibi, id tu feceris alteri. Quod non vis fieri tibi, tu ne feceris alteri.* Ioannes verò affirmat solummodo verum amorem non sistere in actu interno, aut in verbo, vel in lingua, sed in opus extetnum exire quando id necessarium est; iuxta illud Gregorij Magni, *Probatio dilectionis, exhibitio est operis.**

25.
Diluitur
secundū.

Secundum Egidij argumentum est, quia omnia loca Scripturæ, & Patrum, quæ præcipiunt, aut docent præceptum esse dilectionem proximi, possunt intelligi de hac implicita dilectione, quatenus mouet efficaciter voluntatem vt proximo, data occasione, externa amoris signa exhibeamus. Respondeo patere ex dictis num. 21. præceptum dilectionis proximi, de quo loquitur Christus Matth. 22. non posse intelligi de dilectione implicita proximi, propter Deum tantum dilecti; quia alioquin non esset secundum, nec diuersum à præcepto primo, neque illo inferius & minus. Patet item ex dictis suprâ num. 22. diligere, non esse tantummodo externum opus quomodocumque prestare, cum etiam possit per se loquendo prestari cum odio, & malo affectu interno, & ex mala intentione. Quare cum præcipitur dilectio proximi, non præcipitur tantum actus externus, sed & internus, qui est verè ac propriè dilectio.

26.
Alia eius
argumēta
soluuntur.

Argumentum tertio Egidij. quia spectando præcisè præceptum Charitatis, non tenemur aliquem diligere, nisi quatenus id in ipsius bonum aliquo modo cedit: nulla enim videtur ratio, cur alicui teneam amorem, aliudve officium impendere, si id in ipsius bonum nullo modo cedat. Atqui amor merè internus, quamvis cedat in bonum & cultum Dei, qui ipsum nouit; non tamen proximi, qui cum ignorat, nisi ei prodatur ratione actus externi: ergo non aliter teneor amare proximum, nisi quatenus id necessarium est ad exhibendum ei actus externos ipsi debitos. Confirmatur, inquit, quia non teneor amare omnes homines in confuso: quid enim hoc illis prodest? Neque omnes in spe-

ciali, quia hoc impossibile est. Neque etiam spectatim aliquos in particulari; quia non est ratio cur hos potius, quam illos, nisi fortè ad id obliget ex aliqua alia particulari virtute, vt ex pietate, vel ex gratitudine, de quibus hic non agimus. Confirmatur secundò, quia, vt insinuat S. Ioannes suprâ citatus, & colligitur ex D. Thoma quæst. 27. att. 8. c. amor proximi nobis solum præcipitur quatenus est necessarius vt efficiat animum nostrum paratum vt ei in omni necessitate succurramus. At hoc sufficienter fit per amorem ipsius implicitum, quo in Deo amatur; aut per explicum, quando per accidens, ratione occurrentis necessitatis, exercendus est ad vincendam difficultatem, quæ in præstando opere externo occurrit; vt contingit interdum, quando inimicus iuuandus est, aut quid simile; licet id absurdè, imò & communiter, fieri possit ex alio motiuo, sine affectu intetno Charitatis erga ipsum, aut erga Deum. Hæc Egidius.

27.
Amor in-
ternus ce-
dit in bo-
num pro-
ximi.

Quibus respondeo primò, amorem internum cedere in bonum proximi, licet ab illo ignoretur, quatenus illi bonum est ab alijs verè amari. Sicut è contrario, odium, & iudicium temerarium, vel sinistra opinio, cedit in ipsius præiudicium. Adde quòd simili modo probaretur ne quidem patentibus deberi amorem internum ex pietate, aut beneficioribus ex gratitudine, per se loquendo; quod tamen Egidius affirmat, & probat num. 36. Licet deinde parum cohærenter loquatur num. 62. si tamen ibi loquitur ex propria sententia.

Secundò, ad primam confirmationem dico, teneri nos diligere aliquando omnes in confuso, vt naturæ communione nobis coniunctos, aut vocationis spe, & adoptione ad gloriam: quemadmodum etiam tenemur pro omnibus orare: specialius autem obligamur eos diligere, qui specialius nobis coniuncti sunt; & eò magis, quò magis sunt coniuncti; iuxta ea quæ alibi diximus de ordine Charitatis. Distinctè verò hunc aut illum amare non tenemur, nisi singulariter nobis deiuncti sint, vt sunt Parentes, Superiores, Magistri, & Patres Spirituales, vxor, liberi, & similes, qui iudicio ipso naturali discerni facile possunt, pro quibus etiam tenemur orare specialiter. Alij verò non sunt per se distinctè diligendi ex necessitate, nisi ratione alicuius alterius officij ipsi singulariter exhibendi, & debiti, quod sine dilectione speciali conuenienter præstari non possit: aut nisi sine illo non possit quis ad aliquem (putà quia grauitur ab illo fuit offensus) extendere generalem suam dilectionem.

28.
D. Tho-
mas no-
mas no-
biscum
fecit.

Ad secundam confirmationem respondeo, Ioannis locum ibi cit. fuisse satis superius expositum. D. Thomas autem att. cit. nobiscum potius sentit: quia expresse docet dilectionem omnium, ipsorum etiam inimicorum in vniuersali, esse de necessitate Charitatis: Vt scilicet aliquis diligens Deum, & proximum, ab illa generalitate dilectionis proximi inimicos suos non excludat. Addit verò non esse de necessitate Charitatis absolute vt aliquis in speciali dilgat inimicum, quia nec tenetur in speciali & singulariter quoslibet homines diligere, quod

esset impossibile; sed sufficit esse paratum ad hoc, quod ipsum in singulari diligeret si necessitas occurreret. Quod nos etiam fateamur, intelledum, vt debet, de inimicis in communi, vel de illis, circa quos non est necessitas specialis coniunctionis, ad singularem dilectionem obligans, & cui per crimen aliquod p̄xualens derogatum non sit; vt matrimonio per adulterium.

SECTIO IV.

De precepto diligendi inimicos.

29.
Dilectio
inimic.
est in p̄p̄
cepto na-
turali.

Prima conclusio: Dilectio inimicorum est in precepto, tum naturali, tum etiam positio. Prima pars, de naturali, probatur quia lex naturalis dicitur faciendum esse alijs, quod nobis fieri volumus. At nemo est qui non velit, etiam ab ijs quos offendit, amari, & iuari in necessitatibus: ergo, &c. Confirmatur ex Luc. 6. ver. 31. & sequentibus, vbi Christus ad probandum inimicos esse diligendos, affert illud preceptum naturæ, *Prove vultu vt faciant vobis homines, & vos facite illis similiter*. Confirmatur secundo, quia lumen naturale dicitur proximos esse diligendos. At inimici sunt etiam proximi, eadem naturæ communiōe nobis coniuncti: ergo, &c.

30.
Atque
etiam po-
sitivo.

Secunda pars, de precepto positivo, patet ex Luc. 10. ver. 27. & sequentibus, vbi Christus explicans preceptum diligendi proximum sicut seipsum, affert in exemplum, & proximum vocat, Iudæum lapsum in latrones, adiutum à Samaritano: cū tamen illi essent mutuò inimici, neque cōtererentur Iudæi Samaritanis, vt dicitur Ioan. 4. ver. 9. Deinde Christus Matth. 5. ver. 44. sic ait, *Diligite inimicos vestros, benefacite ijs qui oderunt vos*: quæ verba non consilium tantum, sed & preceptum continere, sine cuius obseruatione vita æterna non possit obtineri, probatur ex verbis sequentibus ver. 46. *Si enim diligitis solum eos qui vos diligunt, quam mercedem habebitis? Nonne & Publicani hoc faciunt?* Quorum verborum sensus non est, mercede carituros eos qui diligunt amicos, & fratres; dummodo inimicos quoque diligant prout necessarium est: Nam ille actus bonus est, & dignus mercede vitæ æternæ, modò fiat cum conditionibus ad merendum requisitis: sed sensus est eos qui inimicos non diligunt, non magis vitam æternam adepturos, quàm Ethnicos, & Publicanos: quia nihil obiectiui plus quam illi faciunt: iuxta id quod Christus ibidem ait v. 20. *Nisi abundauerit iustitia vestra plus quam Scribarum, & Phariseorum* (& multò magis plusquam Ethnicorum, & Publicanorum) *non intrabitis in regnum colorum*. Vterius, Exodi 23. Deus per Moysen sic præcipit: *Si occurreris boni inimici tui, aut asino erranti, reduc ad eum, &c.* Ac denique pluribus in locis vtriusque Testamenti Deus stabilit & confirmat totam legem naturalem, quâ dilectionem inimicorum comprehendendi paulò antè probauimus, & Tobia 4. v. 16. *Quod ab alio oderis*

fieri tibi, vide ne tu aliquando alteri facias. Matth. 7. v. 12. *Quaecunque vultis vt faciant vobis homines, ita & vos facite illis*. 1. Cor. 14. ver. vltimo, *Omnia benefice, & secundum ordinem sunt*. Rom. 14. ver. 23. *Omne quod non est ex fide* (id est, ex dictamine conscientie) *peccatum est*: & alia id genus.

Ex his patet dilectionem inimicorum fuisse præceptam in omni lege, naturali scilicet, Moisaica, & Evangelica. In naturali per dictamen naturale, de quo suprâ. In Moisaica, Exod. 23. In Evangelica, Matth. 5. Luc. 10. & alibi. Contra quæ obijci potest primò, si illud preceptum esset naturale, posset impleri solis viribus naturalibus. At hoc est falsum. Secundo, natura inclinat ad ea quæ sunt naturaliter præcepta. Sed non inclinat ad inimicos diligendos, quin potius ab eo abhorret, vnde motus odij, vel indignationis ad eorum conspectum excitat. Tertio, in lege Moisaica licebat inimicos odisse; Ergo non erat preceptum eos diligere. Antecedens patet ex Matth. 5. ver. 43. *Audistis quia dictum est, Diliges proximum tuum, & odio habebis inimicum tuum*. Quin etiam Deuter. 23. Videtur Deus odium illud præcipere, cū præcipit populo suo ne permittat in æternum Moabitæ, & Ammonitæ intrare in Ecclesiam Domini, eò quod ipsum malè affecti sint in egressu ex Ægypto: additque, *Non facies cum eis pacem, neque quæres eis bona omnibus diebus vite tue*: & Exod. 34. præcipit Iudæis vt nunquam sœdus ineant cum Cananæis, ac Iebusæis, sed illos penitus exterminent.

31.
Fuit præ-
cepta in
omni le-
ge.

Ad primum respondeo, in hoc statu naturæ corruptæ ne præcepta quidem naturalia posse omnia impleri, constanter saltem, & perfectè sine auxilio gratiæ, sine quo futurum est vt crebto peccent homines circa illa; tamen si nunquam peccent, quin Physicè possint antecederet oppositum. Sicut autem reipsa natura potest sine auxilio gratiæ aliqua bona opera exercere, & præcepta aliqua seruare aliquatenus: ita etiam potest inimicos interdum vitæque diligere. Ad secundum respondeo, naturam secundum partem rationalem inclinare ad dilectionem inimicorum, propter honestatem illius actus bene intelledam, & conuenientiam cum recta ratione: quæ quia non cognoscitur à parte inferiori, sed tantum ea quæ sunt ipsi contraria ex parte inimici: hinc est quòd in illos motus naturaliter erumpit. Ad tertium respondeo, dilectionem inimicorum præceptam non repugnare cuicumque eorum odio. Licet enim, iusta de causa, possimus eos odisse odio inimicitæ, propter ipsorum peccata; vt ostendimus disp. 20. Sect. 2. Et hoc odium licitum est in lege noua, sicut & in Moisaica, tamen si nusquam in ea extant expresse verba illa, *Et odio habebis inimicum tuum*: Ideòque multi putant Christum ea retulisse non tanquam ex Scriptura, sed tanquam ex falsa interpretatione Phariseorum, qui ex eo quod dictum est, *Leuit. 19. ver. 18. Diliges amicum tuum sicut teipsum*, inferebant odio habendum esse inimicum. Videtur tamen quoad sensum aliquò modo contineri in locis Exodi, & Deuteronomi,

Posse
viribus
naturæ
impleri

Nō repug-
nat cui-
cunque
odio pro-
ximi.

438 Disput. XXI. de Charitate, Sect. IV.

supra citatis : sicut & alia, quæ Christus eodem capite Matth. commemorat & corrigit, perfectius aliquid addendo, erant sine dubio in veteri lege contenta. Quo supposito, placet inter omnes expositio Salmer. tom. 5. tract. 42. & Maldonati in hunc locum, Deum in lege veteri permisisse, imò etiam præcepisse Iudeis vt populos aliquos, veluti spirituales inimicos, virtutis, & Religionis causâ, perpetuo odio prosequerentur, atque exterminarent penitus, ob periculum, quod eis imminerebat, ne ab illis, si eos secum versari paterentur, inducerentur ad idololatriam, aliâque vitia : quo periculo ab Ecclesia Evangelica per abundantiam gratiæ Christi sublato communiter, Christus tale ac tantum odium sustulit, omnẽque diligere, & ad Ecclesiam suam admitti vult, quippe apud quem non est distinctio Iudæi, & Græci, siue Gentilis ; vt dicitur Rom. 10. ver. 12. quique vult ex omnibus gentibus vnum ouile constituere, vt significauit Petro Apostolo, Actuum 10. ver. 11. & sequentibus, iussitque Evangelium omnibus prædicari per vniuersum mundum, Marc. ult.

Secunda conclusio : Dilectio inimicorum necessaria ex præcepto in his consistit. Primo, vt nullum sine iusta causâ, & plus quàm res exigat, odio interno vel externo prosequamur : sine odio abominacionis, auersando ipsum : siue inimicitia, volendo ei malum ex displicentia personæ. Contra quod peccant qui leui de causâ contra alios concipiunt magnam animi auersionem, aut grauiâ mala imprecantur & optant. Optare verò mala proportionata, & conuenientia, præsertim ex aliquo fine bono, vt corrigantur, ne in amplius alijs noceant, licitum est, & in Scriptura à sanctis vitatum : quanquam interdum dicuntur aliqua huiusmodi comminatorie potius, aut Prophetice tantum, per modum prædictionis : vt ea quæ habentur de Iuda proditore toto fere Psal. 108. Certum est nihilominus posse aliqua optari licite, etiam ea quæ non possunt à nobis licite illis inferri ; vt mortem temporalem, vel alias penas malefactoribus, perniciosis Reipublicæ, vel scandalosis, vt ne amplius noceant. Secundo, eadem dilectio necessaria postulat vt inimicus non excludatur à generali affectu interno dilectionis erga omnes homines eiusdem naturæ consortes, & à proposito, seu præparatione animi ad eos iuuandos quando necessarium erit : neque etiam à communibus orationibus, beneficijs, auxilijs, & signis beneuolentiæ, quibus cæteros omnes homines, aut communitatem prosequimur. Ita D. Thomas & interpretes communiter, quest. 25. art. 9. Probatur, quia Christus Matth. 5. ver. 44. & quatuor sequentibus, docet debere nos, vt simus filij Dei, & æterna mercede non careamus cum Ethnicis & Publicanis, diligere inimicos nostros, quemadmodum Deus amat suos. Deus autem, non excludit eos à communi affectu, quo vult omnes, citra peccatum finale, saluos fieri, & participes esse meritum Christi : neque etiam à communibus beneficijs, & auxilijs quæ præstat generi humano in ordine gratiæ, vel naturæ : sed Sacramenta,

& alia media communia exhibet omnibus vti volentibus : & solum suum citari facit super bonos, & malos ; pluitque super iustos, & iniustos. Vnde collige peccare cum, qui orans pro salute alicuius communitatis, aut dans elemosynam generatim pauperibus alicuius oppidi, vel vrbis, aut multos in communi cætu salutans, de indulgentia excipit vel omittit inimicos, sine iusta causâ, cuiusmodi esset si hæc omisso vel exceptio prodesset ad corrigendum inimicum, & alioqui non esset periculum scandalis ; vel si non posset omnibus elemosyna fieri, vel tale aliud beneficium præstari : Tunc enim, citra scandalum, posset inimici postponi alijs. Nec obest quod huiusmodi officia posset fortè licite totaliter omitti : quia licet posset non fieri : debent tamen, si fiant, conuenienter fieri. Sicut, quanvis hæc aut illa oratio posset omitti : si tamen fiat, debet attentè & congruenter fieri.

Tertio, non tenemur quidem communiter exhibere inimicis actum specialem dilectionis internæ, vel singularia signa externa beneuolentiæ. Tenemur tamen semper ad id esse parati, idque te ipsa facere, quando necessitas & ratio id exigent. Ita Bannes, Caiet. Valent. & alij communiter, cum D. Thoma quest. 25. art. 9. Ratio primæ partis est, quia non tenemur plus dilectionis internæ, vel externæ exhibere inimicis, quàm alijs. Atqui non tenemur communiter alijs exhibere specialem actum dilectionis internæ, aut singularia signa externa beneuolentiæ : ergo, &c. Maior est clara. Minor verò probatur, quia non tenemur omnibus & singulis hominibus hæc exhibere : hoc enim impossibile est. Non est autem maior ratio cur his potius, quàm illis, communiter loquendo, & per se, nisi aliunde intercedat aliqua necessitudo, vel specialis coniunctio, aut obligatio. Hinc collige nos non teneri inimicos alloqui, vel salutare obuios ; vel admittere ad familiaritatem, ad conuiuia, ad ludum, & similia ; vel ab illis mercari, aut eorum operâ vt : quia hæc omnia sunt signa particularia, quæ non solum communiter omnibus exhibere. Modò tamen absit periculum mali, aut scandalis, offendendo iniuste alium, vel peccandi causam illi præbendo, aut odium iniustum, vel nimis tenax præferendo. Vt sit cum aliquis inimicum salutantem eiusdem secum conditionis, aut superioris, non resalutat, vel quando publicè neuter alium salutatione, vel alloquio dignatur, quando occasio id exigit, & inimicitia sunt publicæ, indeque alij scandalizantur.

Secunda pars eiusdem assertionis probatur, Ad quid debemus quia tenemur inimicos diligere, idque non verbo tantum, neque lingua, sed opere & veritate, vt dicitur 1. Ioan. 3. Ergo debemus esse parati ad exercendam specialiter hanc dilectionem, eamque de facto exercere, quando necessitas, vel ratio id exigit, & quando eius omisso cum vera & sincera dilectione stare nequit. Confirmatur ex Luc. 10. ver. 27. & sequentibus, vbi Christus explicans modum diligendi proximum ex præcepto, affert exemplum Samaritanis curantis Iudæum vulneratum,

31. Quod edium proximi licitum, aut illicitum :

32. Inimici non debent excludi à generali dilectione.

34.

Specialis non illis debetur.

Tenemur eos alloqui, salutare, &c.

Ad quid debemus erga illos esse parati ?

& multa illi signa specialia benevolentiae exhibentis in necessitate: additque Christus ver. 37. *Vade, & tu fac similiter.* Erant autem Iudei, & Samaritani inter se invicem inimici, vt colligitur ex Ioan. 4. v. 9. & Luc. 9. v. 51.

Hinc sequitur teneri nos exhibere inimicis signa particularia benevolentiae in multis casibus. Primus est, quando sine magno suo incommodo potest quis notabile damnum animae, vel corporis, vel bonorum inimici auertere. Iuxta exemplum, ex Luc. 10. relatum, & illud Exod. 23. *Si occurreris boni inimici tui,*

&c. Secundus est, quando bonum spiritale proximi per huiusmodi signa promoueri potest, ac debet: vt si eum alloquendo, vel inuitando, & comiter tractando, abstrahere possis à gravibus peccatis, odio, infidelitate, malorum consortio, & similibus, in quibus fortè alioqui morietur. Tunc enim ratione huius necessitatis spiritalis iuari debet specialiter, æquè, ac multò magis, quam cum versatur in temporalibus necessitatibus, de qua supra: & unicuique Deus mandauit de proximo suo in spiritualibus, æquè ac in temporalibus. Tertio, quando omisso huiusmodi ignorantur pateret proximo iustam indignationem, aut causam persistendi in odio, vel alijs scandalum præberet, merito estimaretur esse signum odij nimis tenacis, aut iniusti. Peccatum enim alienum, & scandalum, atque iniusta offensio, vitari debent à quolibet, ita vt non sit eorum causa. Hinc peccant communiter illi, qui inimico veniam petenti, & parato satisfacere quoad potest, non remittunt ex animo, idque non alioquin signo externo manifestant; vt colligitur ex Matth. 18. ver. vltimo. Et patet, quia illud est signum odij nimis tenacis, & causa iustae indignationis ei, cui venia negatur. Dixi communiter: quia interduo aliqui, præcipuè superiores, possunt veniam differre, vt veniam petens magis offensæ suæ gravitatem apprehendat, & hoc illi ad correptionem proffit. Cauendum tamen ne nimis exasperetur, & curandum vt intelligat id non ex puro odio, sed ex fine prædicto fieri. Dixi præterea, *veniam petenti,* & *parato satisfacere,* *&c.* Quia alioquin non petit vt debet, neque conuenienter ad obtinendam remissionem. Quare licet magnæ virtutis sit talibus remittere, citra alterius mali periculum, aut præiudicium tertij: non est tamen necessitatis & obligationis præcepti.

Quæres, cum duo se mutuo offenderint, vter primò teneatur veniam petere? Respondet, si par fuit utriusque iniuria, teneri eum qui primus intulit. Si impar, & notabiliter grauior, tenetur qui hanc fecit. Quotiescumque autem iniuria grauis est, & læsus omnino exigit satisfactionem: non potest læsor iniustus absolui nisi saltem paratus sit veniam petere, & satisfacere rationabiliter. Censetur tamen læsus remittere ius suum, si amicè saluatus, & familiariter compellatur, vicem reddidit, aut alià ratione ostendit se parum aut nihil de satisfactione esse sollicitum. Quare tunc non est cogendus penitens ad illam offendendam, aut exhibendam, Item, si satisfactio sit valde dura,

vt si venia sit petenda modo infami, non tenetur reus eam offerre, vel exhibere, nisi post sententiam iudicis. Quia nimis durum est tam grauem penam sponte exequi in seipsum. Ita post Syluestrum, & alios Summistas, V. *Iniuria,* docet Agid. Coninck disp. 24. num. 101. & sequentibus.

SECTIO V.

De præcepto Charitatis circa eleemosynam.

Prima conclusio: Tenemur ex præcepto, tum naturali, tum diuino, succurrere per eleemosynam proximo indigenti. Prima pars de præcepto naturali, patet ex principio legis naturæ, *Quod tibi fieri vis, alteri feceris.* Secunda pars de diuino, constat ex Ecclesiastici 4. ver. 1. *Eleemosynam pauperis ne defraudes,* *&c.* & Luc. 11. ver. 41. Christus sic præcipit, *Verumtamen quod superest date eleemosynam.* Et 1. Timoth. 6. v. 17. & 18. *Diuitibus huius sæculi præcipe facile tribuere,* *&c.* quod quàm grauitè præceptum sit docet Christus Matth. 23. vbi transgressores damnat morte æterna, *Esuriui enim, & non dedistis,* *&c.* Vnde collige obligare sub mortali, nisi leuitas materiz, vel necessitas excuset. Et 1. Ioan. 3. ver. 17. *Qui habuerit substantiam huius mundi, & viderit fratrem suum necessitatem habere, & clauserit viscera sua ab eo: quomodo Charitas Dei manet in eo?*

Secunda conclusio: Hoc præceptum non obligat nisi solum tempore necessitatis proximi. Patet, quia non obligat nisi ratione indigentiz proximi. Triplex autem distinguitur necessitas. Communis, quæ passim occurrit, & qualis est in pauperibus communibus. Grauis, quando quis ita indiget, vt nisi succurratur, passurus sit graue detrimentum corporis, honoris, aut bonorum fortunæ. Et extrema, quando desunt ea quæ sustentationi vitæ necessaria sunt: adeo vt, nisi succurratur, versetur indigens in euidenti periculo mortis, aut grauissimæ miseriz, morti ferè æquivalentis: puta ægritudinis valde grauis & perpetuæ, vel horrendi & diuturni carceris. Ad has omnes necessitates extenditur hoc præceptum, sed diuersimodè. Quod vt explicetur, Nota primo, bona ex quibus fieri debet eleemosyna, debere aliquo modo esse superflua tribuenti, debet hoc est, non necessaria vitæ saltem tuendæ.

Nam qui extremè indiget, non tenetur dare alteri: nisi fortè id necessarium esset ad conseruationem Reipublicæ, aut personæ alicuius, à qua pendeat salus publica, quæ propriæ vitæ preferenda est; licet nonnulli, ne tunc quidem teneri putent. Nota secundò, præter superflua vitæ, ferè naturæ, siue quibus scilicet potest quis vitam propriam & suorum conseruare, alia esse superflua statui, quæ videlicet necessaria non sunt vt quis decenter viuat secundum suum statum. Et hæc tantum debent propriè dici superflua. Alia enim quæ sunt statui necessaria, non sunt propriè & simpliciter superflua, sed tantum secundum quid, In vitis

17.
Elegio-
yna est
in præ-
cepto.

38.
Quo re-
poscibilis
get.

Triplex
necessitas
proximi.

Ex qui-
bus bonis
debet fieri
hoc est.

36.
Quibus
in casibus
debet
illis ex-
hiberi si-
gna bene-
uolentiz

36.
Quis è
duobus
offenden-
tibus te-
nere pe-
niam?

que verò est quædam latitudo moralis. Neque enim ea quæ natura, vel statui necessaria dicuntur, præcisè & in rigore mathematico accipienda sunt. Habenda item est ratio non solum præsentis necessitatis, sed etiam futura probabiliter, omnibus prudenter pensatis, à morbis, à sterilitate, aut bellorum vexatione, à filiorum, aut filiarum collocatione in statu decenti, à spe probabilis ascendendi ad altiore gradum pro meritis, & alijs id genus. Nota tercio, vt aliquis absolutè teneatur hic & nunc succurrere pauperi necessitate patienti, necessarium esse vt probabiliter non sit alius qui possit, & velit: non est necessitas respectu istius, sine quo pauper miseriam euadet ope alterius.

39.
Graviter
obligat
in extre-
ma neces-
sitate.

His præmissis, conueniunt omnes peccare mortaliter eum, qui de superfluis statui non succurrit pauperi existenti in extrema necessitate respectu ipsius, ita vt nisi ipse succurrat, nullus alius probabiliter id facturus sit. Et patet, quia si vnquam hoc præceptum grauius obligat, maximè in casu prædicto. Non est tamen facile credendum aliquem esse in extrema necessitate, quamvis id ipse grauius asserat, quia testes in propria causa, suspicionis notà non carent: vel etiam licet Parochus, aut Confessarius id asserat, sed non ex proprio visu & experientia. Nihilominus, si sit ratio sufficiens dubitandi, veritas inquirenda est, ne quis periculo se exponat delegendi proximum in extrema necessitate.

40.
Variæ
sententiæ
de
alijs
necessitatibus.

De alijs verò casibus, & necessitatibus, variæ sunt Theologorum sententiæ. Nam Caiet. tomo 2. Opuscul. tract. 5. cap. 2. Malderus 2. 2. q. 32. art. 6. dubit. 2. Nauarr. cap. 24. Manual. Suar. disp. 7. Sect. 4. & alij plerique existimant teneri nos succurrere pauperi existenti in extrema necessitate, etiam de necessarijs statui, & quidem cum euersione status, inquit Caiet, quia vita proximi præferenda est nostro statui. Addit Suares, etiam in grauissima necessitate, & non solum in extrema, teneri nos interdum succurrere de necessarijs aliquo modo ad statum. Contra verò Bannes, Lorca, Turrian. & alij quos citat & sequitur Coninck disp. 27. dub. 8. num. 134. affirmant neminem teneri vnquam personæ priuata succurrere ex bonis ita ad conseruationem status necessarijs, vt hic sine illis nullo modo conseruari possit: sed tantum de illis quæ sine ipsius detrimento possunt ei subtrahi. Deinde Gabriel in 4. dist. 16. quæst. 4. art. 2. conclusione 4. & 5. Ioannes Medina tract. de Eleemos. quæst. 3. Alens. 4. p. quæst. 113. memb. 1. & alij quidam asserunt nos nunquam absolutè obligari dare eleemosynam extra casum extremæ necessitatis proximi, vel probabilis eius periculi. Quia cum alioqui non sit illi necessaria vt sit absolutè, siue vt viuat, sed tantum vt melius ei sit: Caritas non obligat, saltem grauius, ad procurandum vt alteri melius sit. Alij verò, vt Paludan. in 4. dist. 15. quæst. 3. art. 2. Dominic. Sot. lib. 5. de Iustitia, quæst. 8. art. 1. Syluest. V. *Eleemosyna*, quæst. 11. & Armilla ibidem num. 3. docent teneri nos, etiam in graui necessitate, succurrere proximo de superfluis statui: non tamen in communibus

necessitatibus. Alij denique affirmant succurrendum esse in omnibus. In hac tanta opinio-num varietate, quid certum, aut probabilius videatur dicam sequentibus conclusionibus.

Tertia conclusio: Licet valde laudabile sit erogare pauperibus ea quæ statui decenter conseruando sunt omnino necessaria, quando sine aliorum præiudicio id fieri potest: nemo tamen obligatur in necessitate qualibet, etiam extremam, statum suum subuertere vt pauperibus subueniat. Prima pars probatur ex Matth. 19. ver. 21. *Si vis perfectus esse, vende, vende quæ habes, & da pauperibus, & habebis thesaurum in celo, & veni, sequere me.* Confirmatur exemplo plurimorum Sanctorum, qui consilium illud Christi laudabiliter amplexi sunt. Dixi autem, quando sine aliorum præiudicio fieri potest: quia malè faceret Paterfamilias qui sine vxoris & liberiorum consensu bona sua omnia pauperibus distribueret. Secunda verò pars probatur, quia valde durum esset obligari cum tanto suo incommodo ad subueniendum corporalibus pauperum necessitatibus. Maximè cum non teneatur homines ne vitam quidem propriam cum subuersione sui status tueri. Nobilis enim v. g. detentus morbo lethali, non tenetur omnia sua bona profundere in medicos & remedia exquisitissima, vt mortem euadat, & deinde pauperem, miseram, & ignobilem vitam degat. Ratio est, quia licet Physicè vita sit nobilior fortunæ bonis: secundum moralem tamen æstimationem, vitæ conseruatio ad breue tempus (tandem enim moriendum est) non est præferenda miserie quæ incurritur per subuersionem status, & priuationis bonorum, quibus splendor familiarie & posteritatis longius prorogatur, & quodammodo æternitas acquiritur. Adde quod multum Reipublicæ interest vt diuites & nobiles, in quibus eius splendor & robur consistit, statum suum conseruent. Idque melius illi est, quàm vt decendant pro vita pauperum vulgarij conseruanda. Existimo tamen subtrahenda esse quæcumque possunt statui subtrahi sine subuersione, in extrema necessitate proximi. Deinde in hoc etiam locum esse debere exceptionibus, quas sensus communis & prudentia dicabit. Enimvero vltra extremam necessitatem Reipublicæ, vel personæ à qua pender illius salus (cui communis sententia docet subueniendum esse cum subuersione status proprii, quia bonum commune priuato præferendum est) nemo non existimatet crudelem esse illum, qui parentes v. g. fame mori sineret, vt statum suum conseruaret. Conclusio ergo proposita de pauperibus communibus intelligenda est, circa rationes speciales quæ aliud exigere possunt.

Contra quam tamen sic intellectam opponit Suares disp. 7. Sect. 4. num. 3. In ordine Charitatis teneri hominem magis diligere vitam proximi, quàm statum suum. Item, qui extremè indiget habet ius naturale vtendi bonis alterius, etiam necessarijs illi ad statum: & potest illa accipere, neque alter potest prohibere sine iniuria. Ergo teneretur etiam illi dare, & conseruare alteri illud ius, præcipue habita

41.
Non te-
nemus
facere
elemo-
synam de
ma, statum
suum subuertere
vt pauperibus
subueniamus.

41.
Cōgrua
sententia.

Satisfic
eius arg.

ratione Charitatis. Respondeo primum anteceden-
non esse verum. Nam ne vitam quidem
propriam diligere magis tenetur, quam statum
suum, vt paulo ante diximus. Is vero qui ex-
tremè indiget, habet quidem ius vendi bonis
aliis ad statum non necessarijs: at non illis
quæ sine status subuersione non possunt illi
subtrahi. Vel etiam habet quidem licentiam
iuris vendi bonis illis, potestque licite ea ac-
cipere: sed non propterea est obligatio in Do-
mino ad dandum, vel ad non impediendum ne
accipiat. Potest enim impedire, & sibi potius
consulere, quam alteri. Licet alter non pec-
cet, sibi etiam consulendo potius, quam sta-
tui proximi. Hinc collige diuites non teneri
pro aliquo paupere à morte redimendo ma-
gnam pecuniam summam, vt aliquot aureo-
rum millia, impendere: vel medicos peritissi-
mos è longinquo accerere, & sumptus ma-
gnos in exquisitas medicinas facere; sed suffi-
cit vt sine magno suo incommodo, communi-
bus remedijs ei succurrant. Quia quamvis sine
status subuersione, aut etiam detrimento villo,
plus præstare possent: melius tamen est ad bo-
num Reipublice vt opes suas conferuent ad il-
lius splendorem, & robur, & ad subueniendum
alijs communibus, vel grauius aliorum neces-
sitatibus, quæ subinde occurrunt. Si enim tan-
tas opes in vnum profunderent; non ita pos-
sent plurimos alios iuuare; aut Reipublice,
cùm opus erit, succurrere. Confirmatur ex vsu
communi, quem nemo reprehendit.

41.
Grauius
peccat
qui de su-
perfluis
non dat
in graui
necessita-
te.

Quarta conclusio: Tenentur homines sub
peccato mortali dare elemosynam ex super-
fluis statui, non solum existentibus in extrema ne-
cessitate, vt fatentur omnes: sed etiam grauem
patientem, quando non est omnino probabile, &
mortaliter certum, alium ei subuenturum. Ita
Ricard. Angelus, Bellarm. Vsq. Valentia, &
alii quos refert & sequitur Agid. Con. num. 125.
& Suar. Sect. 3. num. 5. Probatur quia March.
25; damnatur qui non succurrerunt in graui-
bus necessitatibus. Nuditas enim, vel carentia
hospitij, non est extrema necessitas, ex qua
mors sequi consueuerit: & tamen damnatur
qui in his defuerunt. Quin etiam ibidem de
fame & siti, non extrema tantum, sed graui
etiam, & sæpe occurrente, sine dubio sermo
est. Ioannes quoque Epist. 1. cap. 3. negat Cha-
ritatem Dei manere in illo, qui viscera sua
claudit à fratre necessitate patiente. At gra-
uis necessitas est vera necessitas, & quidem
grauis, id est, de se apta ad grauius obligan-
dum. Idem etiam docent SS. Patres locis re-
latis à Bellarm. lib. 1. de bonis operibus, cap. 7.
& Valent. quæst. 9. de Charitate p. 4. Ratio est,
quia tenetur quisque ex Charitate subuenire
proximo indigenti, quando id potest sine suo
incommodo: & cò magis, quò indigentia ma-
ior est. Ergo si grauis est necessitas & indigen-
tia, tenetur grauius. Porro per *superflua*
statui, intelligo hic quæcumque possunt illi
subtrahi sine vero ipsius detrimento, licet alio-
quin includi possint in morali latitudine eorum,
quæ vtuntur non superflua censeri possunt.
Alioqui enim vix vilius secularium teneretur
dare elemosynam grauius indigenti: quia vix

Quæ di-
citur su-
perflua
statui?

habent omnino superflua famulae splendori, li-
berorum, vel hæredum institutorum condi-
tioni, aut spei altius ascendendi ad id, ad quod
idonei sunt, aut esse possunt.

Ceterum hæc conclusio tam firmis nititur
argumentis, vt contraria sententia non videat-
ur in praxi esse probabilis. Pro qua tamen
objici potest primo, Apostolum 2. Cor. 8. hor-
tantem fideles vt succurrerent Ierosolymitanis
grauiter indigentibus, dicere se non vti præ-
cepto. Ergo signum est eos non fuisse ad id
obligatos. Secundò, nemo tenetur se liberare
à graui necessitate, sed potest illam pati pro-
pter Christum. Ergo multò minus tenetur alij
ipsum liberare. Ad primum respondeo, vel
Corinthios Christianos non habuisse superflua;
vel habuisse satis pauperum apud se, quibus ea
erogarent, vt non tenerentur Ierosolymam
mittere. Ad secundum dico, assumptum non
esse verum generaliter. Multa enim sunt, quæ
quisque debet à se auertere si commodè possit,
vt morbum grauem, & perniciosum, membri
mutilationem, &c. Deinde nego sequelam:
quia plus quisque potestatis habet in seipsum,
quam ego habeam in illum. Vnde licet possit
ipse, si velit, non auertere à se miseriam ali-
quam, quam malit propter Christum pati:
non tamen potest à me cogi ad eam subeun-
dam velut nolit, defectu auxilij necessarii.

44.
Respon-
detur arg.
cōtrarij.

Quinta conclusio: Tenentur etiam homines
ex huiusmodi superfluis largiri elemosynam
necessitatem communem patientibus, seu pau-
peribus communibus: non quidem ita vt sin-
gulis, & quoties petunt, dare teneantur; quia
id esset nimis graue: sed ita vt pro opum ma-
gnitudine teneantur subinde aliquas elemosy-
nas facere, prout Charitas prudens dicabit.
Ita Valentia, & Bellarminus locis supra citatis,
Suar. Sect. 3. num. 7. & Agid. Con. disp. 27.
num. 131. Probatur primò ex communi homi-
num sensu: Diuites enim qui nunquam faciunt
elemosynam in communibus necessitatibus,
sunt omnibus exosi, & male audiunt velut aua-
ri, crudeles, & sordidi. Secundò, Scriptura
& Patres obligationem faciendi elemosynam
explicantes, loquuntur etiam de communibus
& quotidianis necessitatibus: vt videre est locis
antea indicatis. Tertiò, si diuites nunquam
facerent elemosynam in communibus neces-
sitatibus, pauperes citò & facile inciderent in
grauas & extremas: vnde tum ipsi magnum pa-
terentur incommodum, tum etiam Reipubli-
ca, quæ multum postea grauaretur in illis iu-
uandis. Adde quod communis necessitas est
vera necessitas. Et quamvis levis sit, sumpta
pro breui tempore; eius tamen tolerantia per
longum tempus, est quid graue. Vnde res-
pingere proximum in tam longa miseria, & nolle
vnuquam ei succurrere, graue quid est.

45.
Tenentur
dare idē-
tidem de
superfluis
necessita-
tem com-
munem pa-
tientibus.

Hinc collige peccare mortaliter diuitem,
qui nunquam dat, aut statuit nunquam dare
elemosynam in communibus necessitatibus:
nisi forte graues, aut extremæ satis frequenter
occurrerent, aut certus esset alios sufficienter
succurrere, quod præsumi non debet. Qui
verò habet propositum faciendi elemosynam,
& sæpe facit; quamvis sæpe omittat, & aliqua

46.
Quomo-
do peccet
diuites
hac in
parte?

442 Disput. XXI. de Charitate, Sect. V.

etiam in varios usus expendat, non est dampnandus peccati mortalis, dummodo graues necessitates non contrahat, licet in communibus interdum deficiat. Quia non est asserendum peccatum mortale, ubi sufficienti ratione non conuincitur. Defectus autem praedictus non conuincit, quia non est tantus. Si enim omnes diuites ita se gerant: neque pauperes, neque Respublica magnum patiuntur incommodum, sed illis fere sufficienter subuenitur. Videntur tamen Sancti Patres grauiter eos damnare, qui omnia superflua non distribuunt pauperibus, vt videre est apud Toletum lib. 8. Instruct. Sacerdot. cap. 35. num. 4. Sed benignè interpretandi sunt iuxta communem Doctorum sententiam.

In contrarium verò obijciunt Sotus, Palud. & alij suprà relati: Vel tenemus omnibus communibus necessitatibus subuenire; vel aliquibus tantum. Non primum: quia id impossibile est, cum innumera occurrant; & aliqui peccant diuites qui superflua retinent, aut expendunt in edificandis Ecclesijs, Monasterijs, Collegijs, & alijs publicis operibus, cum non desint communes pauperum necessitates, in quas expendi possint. Primum etiam dici nequit: quia non est maior ratio cur, his potius subueniamus, quam alijs communi necessitate aequè laborantibus. Respondeo non teneri quidem subuenire omnibus: in quo differt necessitas communis à graui, vel extrema, quia cuiuslibet eam patienti succurrendum est: Et quamvis saepe non sit maior ratio cur his, potius, quam illis subueniamus in communi necessitate: subueniendum tamen esse his aut illis, pro arbitrio, prout Charitas prudens distabit. Ita vt sine mora vituperabili eleemosynas faciamus aliquibus, pro facultate operum nostrarum, eo modo, qui si ab alijs seruetur pariter, sufficit ad subleuandam necessitatem pauperum. Quod tamen non impedit quò minus possint superflua quaedam retineri, vel expendi in opera publica: quia illa quoque sunt communitati necessaria, & in retdum communibus pauperum necessitatibus praefenda.

Ceterum, quæ diximus de eleemosyna, & deinceps dicturi sumus, intelligenda quoque sunt de medicis, respectu pauperum ægrotantium: de Aduocatis, & Iudicibus, respectu pauperum quorum ius opprimitur: & de similibus necessitatibus, respectu eorum qui opem ferre possunt. Item, non tantum de subuentione per pecunias: sed etiam per vestitum, hospitalitatem, visitationem, & alia opera misericordie corporalia.

Sexta conclusio: Quando præceptum eleemosynæ obligat, non sufficit dare mutuum, vel commodatum: interdum tamen licet, & sufficit dare mutuum ad subleuandam præsentem necessitatem pauperis. Prima pars est communis, contra Nauar. cap. 17. Manualis num. 61. Co-uarr. Reg. Peccatum, pare 2. §. 1. num. 4. Adrian. Quodlib. 1. art. 2. & Tolet. lib. 8. Summæ qui est de septem peccatis mort. cap. 37. probatur autem, quia eleemosyna non est mutuum, vel commodatum; sed donatio rei. Ergo præceptum dandi eleemosynam, non est

præceptum dandi solum mutuum, vel commodatum; sed donandi. Ergo huic præcepto non satisfacit qui mutatur tantum, aut commodat. Confirmatur, quia meritò, communi hominum sensu, avarus habetur & inhumanus, qui nihil gratis pauperibus daret, etiam in communibus necessitatibus, sed omnes obligaret ad reddendum si posset. Quare sententia prædicta est adeo à ratione aliena, vt in praxi non videatur esse probabilis. Præterquam quòd plus etiam exigunt Scriptura, & Sancti Patres locis antea indicatis, quando præcipiunt, vel affirmant teneri nos dare cleemosynam, & non tantum succurrere per mutuum, aut commodatum. Frustra verò obijciunt Adversarij exemplum Tobie mutuo dantis Gabello, Tob. 1. & Ioseph Patriarchæ vendentis frumentum Aegyptijs grauiter aut extremè indigentibus. Etenim Gabelus, & Aegyptij illi non erant simpliciter pauperes, sed diuites aliunde: habebant enim possessiones, licet pecunia vel frumentum deesset tunc temporis. Talibus autem posse dari mutuum, aut vendi, dicemus paulò post. At eorum respectu præceptum eleemosynæ faciendæ non obligat. Frustra quoque obijciunt id sufficere ad tollendam necessitatem, & miseriam proximis, ob quam solam obligat præceptum eleemosynæ: respondeo enim tollendam esse bono & conuenienti (id est, humano) modo: & præceptum ad hoc obligare. At ille modus inhumanus, & barbarus est.

Secunda pars probatur, quia si pauper eget tantum commodato, vt equo v. g. ad iter faciendum, sufficit commodare. Item, si est quidem pauper hoc loco, vel hoc tempore, sed alibi est diues: vel non est pauper in spe, quia probabiliter sperat absque notabili & extraordinaria difficultate se habiturum vnde soluat: sufficit dare mutuum; præsertim si magna pecunie summa danda sit. Si autem non possit absque notabili difficultate, & labore, ac parsimonia maxima: inhumanum est velle ad hoc ipsum obligare. Item, qui labore victum sibi comparare solent, possunt conueni in necessitate, & adigi ad operandum pro necessarijs sibi comparandis, tanquam mercede operis. Nobiles autem, & alios velle ad hoc adigere, contra decenciam status ipsorum, valde inhumanum esset. Item, qui in re, & in spe pauperes sunt; debent gratis accipere in quacunque necessitate, si detur de Superfluis: neque licite possunt obligari ad restituendum, si ditecant; quia id avariciam, & nimium pecunie amorem sapit. Secus autem, si fiat eleemosyna de ijs, quibus valde indiget ad statum is qui eam largitur. Tunc enim ratione indigentia, & quantitatè rei (nam si exigua est, non valde eà indiget) excusaretur ab indecentia in tali conuentione.

Septima conclusio: Eleemosyna faciendæ est indigentibus, siue iusti sint, siue peccatores: siue fideles, siue infideles; siue amici, siue inimici. Probatur ex Math. 5. ubi Christus hortatur vt beneficiando Deum imitemur, qui solem suum oriri facit super bonos, & malos; & pluit super iustos, & iniustos: ibidemque

47.
Satisfit
obiectio-
ni.

Medici,
Aduocati,
& Iudices
tenentur
gratis opem
ferre pau-
peribus.

49.
Non suf-
ficit dare
mutuum
pauperi.

49.
Nisi pau-
per sit
per egeat
tantum
mutuo.

50.
Eleemo-
syna qui-
bus fa-
cienda?

præcipit inimicos ipsos diligere, & beneficijs affici. Et ad Galat. 6. iubet Apostolus operari bonum ad omnes, maxime autem ad domesticos fidei. Ratio est, quia illi omnes comprehenduntur nomine proximi, quem ut nos ipsos diligere debemus. Excipiendi tamen sunt primo validi mendicantes, ut vocant; id est, pauperes illi, qui propter fugam laboris & segnitiam, pauperes sunt, nolentes pro ratione conditionis suæ laborare ut sibi provideant: iuxta illud Thessalonic. 3. *Si quis non vult operari, nec manducet.* Ratio est, quia illi non sunt in vera necessitate: & elemosyna verteret in eorum perniciem, fouendo pigritiam, cum magis expediat fame ad laborem excitari. Cauendum tamen ne pauperes obuij facile tales credantur, meliusque est falli in fauorem innocentium. Dixi, nolentes pro ratione suæ conditionis laborare: quia Nobiles ad id non tenentur: & verè sunt in necessitate, quamvis nolint laborare mechanicè, ne de gradu nobilitatis decedant. Similiter Religiosi paupertatem amplexi voluntariè, ut Deo liberius seruiant, eiusque laudibus, aut proximorum saluti se impendant, habent iustam causam necessitatis, & cur eis velut indigentibus necessaria ministrari debeant, ut Christi, & Apostolorum & aliorum plurium sanctorum exempla confirmant.

Secundò, excipiendi sunt infideles, & peccatores, quorum peccatum, vel infidelitas per elemosynam foueretur, indeque peccandi occasionem fumerent. Itemque inimici, siue nostri, siue Reipublicæ, qui acceptà elemosyna ventur ut nobis aut Reipublicæ noceant: quod nouitamentum auctere possumus, si eos sine auxilio deferamus: iuxta illud Ecclesiast. 12. ver. 5. & 6. *Da bono, & non receperis peccatorem. Beneficij humili, & non dederis impio: prohibe panes illi dari, ne in ipsi potentior te sit: nam duplicia mala inuenies in omnibus bonis quæcumque feceris illi.* Excipiendi etiam sunt illi, qui ad moriendum fame damnati essent: quibus licet cibus suppeditari possit licitè ab ijs, qui non sunt ministri & excussores iustitiæ: non debent tamen ex necessitate: sed possunt, si velint, negare ex zelo iustitiæ, conformando seipso iustæ sententiæ iudicis.

In faciendâ verò elemosyna quibusdam, cum omnibus fieri non potest, hic ordo seruandus est, ut qui grauorem necessitatem patiuntur, præferantur alijs: nempe qui patiuntur extremam, ijs qui grauiem: & isti alijs qui communem tantum: nisi specialis ratio prouideret dictè oppositum, ratione coniunctionis, vel dignitatis personæ valde necessitæ ad commune bonum, aut quid simile. Cæteris verò paribus, coniunctiores præferantur minus coniunctis, & meliores minus bonis, iuxta ea quæ diximus alibi de ordine Charitatis. Hinc collige non peccare magistratus, qui pauperes extraneos arcent ab ingressu ciuitatis, quando suis tantum pauperibus succurrere possunt; aut etiam propter periculum morbi contagiosi: quia non tenentur eos admittere cum præiudicio, aut periculo boni communis. Notandum

verò est neminem priuatum teneri inquirere quibus elemosynam faciat; sed sufficere si presentibus, aut illis qui ad eius notitiam peruenierint succurrat: ut rectè docet Suares disp. 7. de Charitate Sect. 1. num. 6. post D. Thomam, & plures alios. Nulla enim est ratio tantum onus imponendi diuitibus: & pauperibus potius incumbit necessitatem suam manifestare. Videant tamen diuites ne malâ fide ignorantiam affectent, aut occasiones fugiant subueniendi. Dixi præterea, neminem priuatum ad id teneri: quia secus dicendum est de Prælati, & alijs quibus incumbit cura Reipublicæ: quippe qui debent omnibus inuigilare, & cauere ne aliqui, ut solet, præ nimio pudore necessitatem patiantur sine auxilio. Porro inter pauperes potest quilibet seipsum computare, si verè pauper est: & si habet ab aliquo bona pauperibus distribuenda, potest sibi ipsi applicare, nisi constet aliam esse intentionem Domini. Qui tamen habet inuincibilem pœnitentiam dandi aliquid pauperibus, non potest dare sibi ipsi: quia hoc in pœnam inuincibilem fuit; nullam autem patitur pœnam in dando sibi ipsi, seu potius retinendo: quare non facit sibi intentioni Confessorij.

SECTIO VI.

Plura de modo faciendi elemosynam.

Octaua conclusio: Elemosyna faciendâ est de bonis proprijs: aut de alienis, consentiente Domino tacitè, vel expressè, aut saltem non rationabiliter inuito. Ratio est, quia per elemosynam transfertur dominium. Ergo vel à Domino, vel ex Domini potestate. Neque sufficit habere dominium; verum etiam debet esse non impeditum quoad vsum, & liberam administrationem. Quia personæ alijs subditæ, quæ vel dominium non habent, vel non habent administrationem rerum, quarum sunt Domini, non possunt facere elemosynas sine tacito vel expresso consensu eius qui habet dominium, & administrationem prædictam. Excepta extrema, vel graui necessitate, in qua licet accipere alienum ad dandam elemosynam, ut dicam paulò post: neque id est propriè futurum; quia non fit Domino rationabiliter inuito, quippe qui deberet ipse dare, & necessitati succurrere.

Hinc sequitur nec seruos, aut mancipia, de bonis Dominorum; nec liberos, de bonis parentum; nec uxores, de bonis communibus, quorum administratio pendet à marito, nec pupillos & minores, de bonis quæ sunt sub potestate tutorum, vel curatorum (idemque dico de prodigis, quibus curator datus fuit) nec Religiosos priuatos, de bonis Religionis, posse facere elemosynas, exceptis duobus casibus supra dictis: videlicet consensu expressi vel taciti, & graui aut extremæ necessitati.

Possunt tamen serui, si habent proprium peculium; & mancipia, quæ similiter proprium peculium habere possunt, saltem cum Domini consensu, licet ius ciuile statuat ut quidquid

Excipiendi validi mendicantes.

Et qui abutentur elemosyna ad peccandum.

Quid dâ natu ad moriendum fame?

Quis ordo seruandus in faciendâ elemos.

Quid sit ius ciuile statuat ut quidquid

Elemosyna faciendâ est de proprijs.

Quid sit ius ciuile statuat ut quidquid

444 Disput. XXI. de Charitate, Sect. VI.

acquirunt, Domino acquirant, lege *Id vestimentum, ff. de peculio*; possunt, inquam, hi omnes facere ex illo elemosynas: atque etiam ex ijs, quæ ad victum illis dantur, si non exiguit ratio de superfluis: & de reliquijs ciborum, & similium rerum, quarum dispensario est absolutè eorum curæ commissa: nisi constet de contraria Domini voluntate: vt rectè docent S. Thomas, Azorius, Turrian. & alij cum Aegid. Con. disp. 27. dub. 5. num. 46.

Possunt etiam filij-familias facere elemosynas de bonis, quorum dominium & vsum habent, cuiusmodi est peculium Castrense, id est, in militia, vel intuitu militiæ comparatum: vel quasi Castrense, id est, comparatum ex beneficijs; aut ratione publici officij non Mechanici, v.g. Senatoris, Iudicis, Advocati; vel professione & exercitio aliquius artis liberalis; vel regia donatione. Secus autem de peculio Profectio, vt vocant, id est, de rebus ei à parente, vel parentis intuitu provenientibus; quarum filius solum habet vsum ea ratione, quæ ipsi à parente conceditur: & de Aduentio, id est, de rebus, quæ licet illi aliunde proveniant, quàm ex causis supradictis, eatarumque dominium habeat; vsum tamen fructus pertinet ad parentem. Possunt etiam largiri elemosynam ex ijs quæ habent à parentibus ad honestam recreationem, vel vt pro libito expendant, vel ad victum, &c. eo modo quo dixi antea de Seruis, & mox dicam de Religiosis.

Vxores similiter possunt facere elemosynam ex ijs quæ maritus eis concedit vt expendant ad libitum: & ex bonis paraphernalibus, id est, quæ supra dotem attulerunt: & ex his quæ lucrantur suâ industriâ, & suo labore non necessario, modò iuxta regni non statum esse communia. Item ex redditibus suæ dotis, atque ex bonis communibus, honestæ sustentationi familiæ non necessarijs, possunt facere elemosynas mediocres, quales aliz honestæ feminae eiusdem conditionis facere solent. Idque non modò consentiente, verùm etiam repugnante marito. Quia communis consuetudo tribuit illis hoc ius, quo maritus vxorem inuitam priuare nequit. Adde quòd tenetur maritus habere coniugem vt sociam, & non vt seruam: illique dare quæ sufficiant ad honestam sustentationem, in quibus est id, quod debet largiri iuxta morem feminarum suæ conditionis, quodque si non faceret, malè audiret apud æquales, & notam aliquam honori suo contrariam incurreret. Præterea, quando vir amens est, potest vxor elemosynas facere pro vt prudentia dicabit: quia tunc habet familiæ administrationem: & similiter, quando vir diu abest: nisi expressè prohibuerit ne det maiores elemosynas, quàm ipse dare soleat. Addit Nauar. cap. 17. Manual. num. 153. post S. Antonin. posse etiam ob vrgentem necessitatem corporis, vel animæ propriæ, vel mariti, vel familiæ, aliquam elemosynam facere vt obtineat remedium à Deo, vel aliter malum auertat, exemplo Abigail. 1. Reg. 25. Quod etiam docet Malder. 2. 2. quæst. 32. art. 8. & probabile esse fatetur Aegid. Coninck, disp. citat. nu. 56. licet oppositum probabilius esse velit, ac tu-

tius; cùm libertas vxorum nimis laxari videatur ab auctoribus alterius sententiæ.

De pupillis, minoribus, & prodigis sub curatore constitutis idem censendum est, ac de filijs-familias, de quibus suprâ. Possunt verò tutores, & curatores de eorum bonis moderatè largiri, sine notabili ipsorum incommodo; quod fieri expedit cum eorum consensu, si rationis capaces sunt. Possunt quoque ipsi dare moderatas, quales alij probi suæ conditionis facere solent: quia tutores & curatores censentur, imò & tenentur consentire, ob rationem allatam antea pro vxoribus in simili casu. Illi quoque, quorum bona propter aliquod crimen sunt de iure sisco addicta, possunt tamen facere elemosynas quandiu bona per sententiæ executionem illis non auferuntur; quia eoquæ retinent eorum dominium & administrationem, quamvis sententia possit retrahi vsque ad diem criminis, & irritate donationes omnes factas ab eo tempore: vt diximus in tractatu de legibus.

De Religiosis denique, certum est Superiores posse facere aliquas elemosynas, quarum quantitas & modus, nisi ex Constitutionibus, aut consuetudine, vel aliunde præscribitur, eorum prudentiæ committitur. Subditi verò seu priuati, non possunt nisi in casu grauis, vel extremæ necessitatis, vel ex superioris concessione expressa, vel tacita, & præsumpta probabiliter. Quæ præsumptio quando sit sufficiens, ex circumstantijs & consuetudine iudicari debet. Communitè autem censetur posse iter facientes, aut extra monasterium commorantes, propter studia, vel quid aliud, facere aliquas elemosynas conuenientes suo statui, de viatico, vel rebus alijs dispensationi suæ commissis; quia talis debet præsumi voluntas Superiorum. Possunt etiam eo fine aliquid sibi subtrahere, inquit Nauar. in cap. Non dicatis, 12. quæst. 1. num. 40. Ex illis verò quæ in monasterio accipiunt ad victum, & vestitum, &c. non possunt dare sine speciali consensu, quem dare non expedit, ad vitandam speciem proprietatis, & propter bonam Religionis administrationem. Ideoque non debet hic consensus præsumi à Religiosis, sicut potest præsumi à seruis, & mancipijs, aut filijs-familias, vt paulò ante diximus.

Nona conclusio: Ex bonis iniuste acquisitis, & obnoxijis restitutioni non potest fieri elemosyna, nisi in graui, aut extrema necessitate, vel nisi restitutio hoc modo faciendi sit, aut sit facultas & voluntas reddendi æquiualens. Ratio primæ partis est, quia huiusmodi bona, sicut iniuste retinentur, ita iniuste alienantur, nisi necessitas excuset, aut aliz causæ supradictæ. Secunda verò pars probatur, quia necessitas grauis, aut extrema, facit omnia communia, quantum ad vsum. Ideoque non tantùm licet dare iam accepta, verùm etiam accipere aliena, quando desunt propria, vt succurratur pauperi tantam necessitatem patienti. Neque est obnoxiosus restitutioni qui alienum ita surripuit, aut distribuit, vt succurreret, cùm aliter non posset: quia Dominus ipse tenebatur id dare, & expendere in pauperis necessitatem: vel

Quid filij-familias?

56. Quid pupilli, & alij habentes curatorem?

Et illi quorum bona sisco addicta.

57. Quid Religiosi?

55. Quid vxores?

58. Possint fieri elemosyna de iniuste acquisitis?

vel pauper ipse poterat accipere. Et quamvis bonum sit petere potius consensum Domini, si fieri possit, ut ait S. Thomas quæst. 32. art. 7. non peccat tamen contra iustitiam, neque tenetur ad restitutionem, qui petere omittit. Pauper quoque non tenetur restituere quæ sic illi dantur, si propter talem necessitatem ea consumpsit. Secus autem si post transactam necessitatem extarent, & qui dedit, noller, aut non posset tantundem vero Domino restituere. Quamquam si dentur res quæ sufficienter in eadem specie restitui solent, ut pecunia; sufficit quod dans possit, tamen si non velit, restituere. Quia non censetur dare aliena, sed propria; cum habeat aliâs unde restituat. Ita Suar. disp. 7. de Charitate Sect. 2. num. 9. affirmans esse communem sententiam. Quin etiam, licet impotens sit vel fiat ad restituendum; si tamen accipiens bona fide accepit, & consumpsit, etiam post transactam necessitatem, ignorans scilicet eius impotentiam, non tenetur restituere, modo non sit factus ditior ex rei consumptione: ut contra nonnullos rectè docet Suar. loco cit. num. 10. Tertia pars conclusionis posita est propter eos qui censent bona, quæ constat esse aliena, quæque idcirco restituenda sunt, sed incertum est cui debeat fieri restitutio, debere in elemosynam dari. Quod probant partim ex cap. *Cum tu, de vsu*; partim etiam quia talis præsumitur esse voluntas Domini & lex Ecclesiastica dat pauperibus aliquod ius in eiusmodi bona. Atque hæc sententia probabilis quidem est: sed non satis efficaciter probata, ut ostendimus infra, disput. 28. Sect. 6. agendo de restitutione.

9.
Tene-
tione ad
restitu-
tionem
qui non
dat ele-
mosynam

Decima conclusio: Qui omittit dare elemosynam, quando dare tenetur, non obligatur ad refarcienda damna quæ inde eveniunt indigenti. Ratio est, quia obligatio restitutionis oritur ex violatione iustitiæ, non autem ex violatione Charitatis. Atqui ille qui omittit elemosynam facere quando tenetur, non violat iustitiam, sed Charitatem tantum, ex qua sola tenetur dare, ut docet communis sententia contra Aragon. Petr. Navar. & alios nonnullos. Quod verum etiam est de personis Ecclesiasticis respectu bonorum, quorum sunt Domini: licet enim maius habeant debitum Charitatis, quam alij; quippe qui debent esse Patres pauperum, præcipue verò Episcopi, & alij exemplo præesse, & non habent filios, quibus dehiscent, debentque esse moderatores in victu, vestitu, & ornatu familiæ, ut monet Trident. Sess. 25. cap. 1. Decreti de Reformat. nihilominus non tenentur ex iustitia distribuere bona Ecclesiastica, quorum sunt Domini. Secus autem si aliqua sint tantum illis designata ut pauperibus ea distribuunt: tunc enim tenentur ex iustitia, & sub obligatione restituendi. Sunt autem Domini non tantum bonorum patrimonialium, aut quasi patrimonialium; sed etiam eorum quæ ex redditibus sui Beneficij percipiunt, ut significat Bonifac. VIII. cap. unico, de Clericis non residentibus, & Trident. Sess. 22. cap. 3. de Reformat. & Sess. 23. cap. 1. de Reformat. Nisi tamen sint Religiosi voto pauperatis obstricti. Hi enim,

Tomus III.

quia sunt incapaces dominij, non acquirunt dominium fructuum ex Beneficio perceptorum; solùmque habent ius consumendi fructus illos, quantum opus est ad suam honestam sustentationem, & dispensandi in pios vsus quæcunque supersunt: adeoque peccant contra iustitiam, si in vsus profanos expendant: ut docent Theologi communi consensu de omnibus Beneficiariis id genus, Episcopo inferioribus: & de Episcopis ipsis probabilis est; quippe qui non absolventur à voto pauperatis, ut neque à voto castitatis.

Dices, ex D. Thoma, 2. 2. quæst. 118. art. 4. ad 2. Diuitem teneri facere elemosynam ex debito legali. Ergo peccat contra iustitiam, si non facit, & tenetur ad restitutionem. Secundo, impediens pauperem ne in extrema necessitate capiat bona quibus indiget, peccat mortaliter contra iustitiam. Ergo etiam qui non facit elemosynam in tali necessitate, peccat contra iustitiam. Confirmatur, quia in extrema necessitate omnia sunt communia. Qui autem impedit ne bona communia capiantur, peccat contra iustitiam: ergo, &c.

Ad primum respondeo, per debitum legale, intelligendum esse debitum morale, non iustitiæ, sed honestatis & Charitatis. Vel si intelligatur debitum iustitiæ legalis, dicendum est obligationem restituendi non oriri ex debito iustitiæ legalis, sed iustitiæ commutatiue, ut docet communis sententia: qua de re inferius agetur disput. 26. & 29. Ad secundum respondeo, dupliciter posse impediri ne capiantur bona. Primò, occultando tantum, aut seruando sine vi. Et hoc est solum contra Charitatem. Secundo, vim faciendo contra conantem accipere. Et hoc censetur quidem esse contra iustitiam: unde alter potest vim vi repellere; sed plus est quam simpliciter negare elemosynam, de quo, nunc disputamus. Ad confirmationem dico, omnia in extrema necessitate esse tantum communia quoad vsum, sed proprietatem & dominium manere penes eum, à quo possidentur: non peccat autem contra iustitiam qui impedit, saltem sine vi, ne capiantur bona quorum habet dominium peculiare. Ita Bonacina tom. 1. tract. 11. qui est de legibus, &c. disp. 3. quæst. 4. p. 6. num. 29. Vide etiam Lessium de iustitia cap. 12. dub. 12. num. 69.

Vndecima conclusio: Pauper, cui non succurritur, non potest alterius bona ipso inuito surripere; quando potest illa obtinere cum ipsius consensu, petendo suppliciter, aut alia simili ratione: secus verò potest in extrema, & in graui necessitate: non autem in communi. Prima pars certa est: & patet, quia in eo casu nulla est necessitas, vel iusta ratio surripendi. Neque enim sufficit petendo aperienti suam necessitatem, & petendi elemosynam. Nam debet illum pudorem vincere, & ab aliquot saltem diuitibus petere, si auxilij spes probabilis sit, neque periculum sit infamiae, vel maioris mali: nam alioqui iam incidit in grauem necessitatem. Secunda pars de extrema necessitate, certa etiam est & communis Doctorum, ut testantur Malder. 2. 2. quæst. 32. art. 6. dubit. 6. & Egid. Coninck disp. 27. dub. 10. num. 159.

61.
Possint
pauper
surripere,
si non
datur?

P p

63.

Duodecima conclusio : Qui paupertatem cernitur, elemosinam accipit, inuadit aliquid, teneturque restituere decepto ; nisi sit ratio praesumendi ipsum non curare ; vt quando res data exigua est. Prima pars est Nauarri in Summa cap. 17. num. 107. Medine Cod. de restituere. quaest. 14. Scoti in 4. diff. 15. quaest. 2. art. 3. Bahlij Pontij lib. 4. de Matrim. cap. 20. & aliorum ; contra nonnullos contrarium affirmantes, eo quod, inquit, dolus qui non verificatur circa substantiam actus, sed est tantum circa motiuium, non irritat actum. Ex. gr. qui consentit in matrimonium cum aliqua, quam putat esse diuitem, cum non sit, valide tamen consentit. Ergo similiter, qui dat alicui elemosinam, quia pauperem esse putat ; valide dat, licet pauper non sit. Nec obest quoddam tantum intendit elemosinam facere. Quia vere facit elemosinam dum ei dat, quem prae-

Secunda pars responsi sequitur ex priori, tale-
men scilicet obligari ad restitutionem eius quod
accepti: nisi fit iusta ratio præsumentis dono-
rem id non curare. Quod addo, quia si dona-
tor merito præsumentur dedisse liberaliter, &
non curare, aut solle ut restituatur, siue ob rei
paruitatem, siue ob benevolentiam, aut libe-
ralitatem, siue etiam propter difficultatem re-
stituendi: debitor non est obligandus ad restitu-
tionem. Et in casu quo obligatur, multi putant
restitutionem esse faciendam non ipsi Domino,
qui iam hæc bona à se alienauit, & Christo de-
dit; sed verè pauperibus. Ad hoc verum non est
quando deceptio fuit causa sine qua non de-
disset. Quia tunc non intendit alienare, nisi
ut istius necessitati succurreret; & aliqui non
dedisset, neque isti, neque alteri pauperi. Vide-
ri potest Lessius cap. 18. de Iustitia dub. 17.

Tenetur-
de resti-
tuere?

*De præcepto Charitatis circa correptionem
fraternam.*

64.
Corre-
ptio tri-
plex,

62.
Invalide
accipit
qui pau-
perem se
esse simu-
lat

64.
Et in
præcepto
nat. &
positiuo.

Quæritur autem primò, vtrum correptio fraterna sit in præcepto? Respondeo esse in præcepto tum naturali, tum positiuo. De naturali patet ex naturali principio, *Quod tibi fieri vult, &c.* Item ex eo, quòd naturali præcepto tenemur subuenire proximo per eleemosynam in necessitate corporali: ergo & in spiritali, quæ momenti maioris est. De positiuo autem patet ex Matth. 18. ver. 15. *Si peccauerit in te frater tuus, vade, & corrippe eum inter te, & ipsum solum. Si te audierit, lucratus eris fratrem tuum, &c.* Et Luc. 17. ver. 3. *Si peccauerit in te frater tuus, increpa illum: & si penitentiam egerit, dimitte illi.* Quæ verba imperatiuè prolata præceptum de se significare apta sunt, & eo sensu à Patribus Scripturæque interpretibus, & à Theologis, ac Iuris peritis communiter accipiuntur. Ratio demum est, quia sicut Charitas obligat ad bonum Dei & proximi procurandum: ita quoque ad malum auerendum. Atqui peccatum, præsertim mortale, malum est non solum proximi qui peccauit, verum etiam Dei, tanquam illi displicens. Ergo, &c.

Quantum
obliget?

Hinc collige primò, præceptum hoc esse per se graue, quando agitur de mortali peccato impediendo, quod grauissimum malum est, licet ratione circumstantiarum, eius omisso sit sæpe venialis, vt ex dicendis constabit. De venialibus verò est tantum leuis obligatio, per se loquendo: quia non magis teneor vitare peccatum leue alienum, quam meum proprium: & minus est non corripere, quam consulere. Atqui non est mortale consulere peccatum veniale. Ergo, &c. Per accidens tamen potest esse grauis, vt si quis sæpe peccando venialiter, incurrat periculum peccandi mortaliter, nisi corripiatur: aut si ex crebris venialibus in aliquo genere, laxetur valde disciplina Religiosa; quod graue malum Religionis est, debetque à Superiore, aut à priuatis qui aduertunt, impediri, si possunt.

66.
Occurritur
obiectioni.

Dices, eos qui peccant, liberè & voluntariè peccare, & non esse propriè in necessitate correptionis nostræ, velut auxilij ad non peccandum. Ergo non est in nobis obligatio, saltem grauis, ad correptionem: quemadmodum non tenemur grauitur subuenire per eleemosynam corporalem ijs, qui sibi prouidere possunt. Respondeo, eos qui peccant ex fragilitate, habere sufficientem necessitatem, ob quam iuari debeant. Qui verò peccant ex malitia, licet minus ope nostra indigeant ne peccent, iuandi tamen sunt, tum vt ab illo pessimo animi morbo, & veluti phrenesi spiritali liberentur, quamvis in illam voluntariè incidant; sicut qui seipsam voluntariè & liberè occidere vult, impediendus est: tum etiam auertatur grauis Dei iniuria, quæ maior est in peccatis ex pura malitia.

67.
Materia
huius
præcepti.

Collige secundo, materiam huius præcepti esse peccatum commissum, vt proximus in illo diutius non hæreat, aut in familia non relabatur: quemadmodum liquet ex his Christi verbis, *Si te audierit lucratus eris fratrem tuum.* Ratio est, quia proximus vtroque modo censetur esse in necessitate, & miseria spiritali laborat. Deinde, eadem Charitate tenemur subleuare proximum iam lapsum, quàm tenemur cauere ne ca-

dat. Sicut ergo tenemur cauere ne cadat: ita tenemur lapsum subleuare, eundemque à statu peccati per correptionem euertere. Ita Bonacina tom. 2. tract. 1. qui est de legibus, &c. disput. 3. Punct. 7. num. 4. & Bannes 2. 2. q. 13. art. 2. dub. 2. ad 4. contra Reginaldum, Abul. & alios, quorum opinio vniuersaliter sumpta, & sine exceptione, est plane improbabilis: quis enim neget me tenei monere vt resipiscat & peniteat, eum quem video, licet sine noua culpa, propter inaduertentiam, motiturum in peccato mortali, nisi corripiatur?

Collige tertio, non tantum Christianos, sed & Infideles, & quoscumque homines idoneos, obligari hoc præcepto. Nimirum quia est præceptum naturale: præcepta autem naturalia omnes obligant. Item, *Nicicue mandauit Deus de proximo suo, Ecclesiast. 17. ver. 11.* Denique omnes tenentur amare Deum, & proximum; & consequenter impedire, quantum possunt, malum Dei, & proximi, cuiusmodi est peccatum, præsertim mortale. Grauius tamen obligantur Prælati, & Superiores, qui non solum ex Charitate, verum etiam ex iustitia, ratione officij, tenentur subditos corrumpere. Debentque non solum corrigere peccata, quæ casu aliquo vident à subditis heri, aut ab ijs facta cognoscunt: sed etiam inquirere in vitam subditorum, vt videant si quæ in illis fortè corrigenda sunt: in quo differunt ab alijs, qui non tenentur inquirere in vitam proximi.

Collige quarto, non tantum esse corrigendos subditos, vel æquales, sed etiam Superiores, quando id conuenienter, & cum fructu fieri potest: vt patet exemplo Pauli Petrum corripientis, ad Galat. 2. ver. 14. Ratio est, quia sicut tenemur subuenire Prælati in necessitate corporali constituti: ita & multo magis in spiritali. Ad actum enim correptionis non requiritur iurisdicctio, alioqui neque in æqualem exteteri posset: sed fundatur dumtaxat in coniunctione Charitatis, quæ ceteris paribus debet esse maior erga Superiores. Adde quòd peccata Prælatorum sunt Dei offensæ, quas tenemur impedire, si possumus: & sæpe ipsi magis indigent correptione, quia in maiotibus periculis versantur, & pauciores habent, à quibus, sincerè admoneantur. Habenda tamen est ratio modestiæ, & reuerentiæ ipsi debet, admonendo potius humiliter, quam reprehendendo: idque solum intendunt Sancti Patres, quando huiusmodi correptionem subditorum erga Prælatos videntur reprehendere. Porro non tantum corripiendi sunt qui peccant ex malitia, vel ex infirmitate: sed & illi qui peccant ex ignorantia, etiam inuincibili, si illi qui speret fructus: quia illa est quedam proximi miseria, quæ per misericordiam subleuari potest, & debet. Nec obest quòd proximus excusetur à peccato propter ignorantiam inuincibilem. Nam ipsa ignorantia in rebus necessarijs ad honestè viuendum, est per se magnum malum; maximèque si sit de medijs necessarijs, aut multum vitibus ad salutem. Adde quòd ex tali ignorantia interdum incurritur notabile, damnatum in bonis animæ, vel corporis, aut in vita, vel honore. Præcipue verò incumbit hæc obligatio Superioribus, & ijs qui habent minus alios do-

68.
Quia
obligat
hoc
præcepto

69.
Quia
corripit
di?

Corripit
di etiam
illi qui
peccant
ex igno-
rantia.

cendi. Fructus autem correptionis non respectu privati tantum qui corrumpitur, spectandus est: sed & respectu aliorum. Vnde licet non speretur emendatio eius qui corrumpitur: si tamen bonum commune id possidet, corripiendus est. Iudicium verò de spe fructus privati, vel publici, pensaris omnibus est prudenter ferendum. Sine illo tamen non obligamur ad correptionem: quia non obligamur ad opus inutile: multoque minus ad perniciosum, si correptio non profutura, sed nocitura est.

70. *Præceptum hoc non obligat, nisi sit certa notitia peccati.*
 Queritur secundò, quando, & cum quibus circumstantiis obliget hoc præceptum? Respondeo quinque condiciones requiri. Prima est, cognitio saltem moraliter certa peccati. Ratio est, quia aliquoquin exponimus proximum periculo iracundiam concipiendi, & existimandi nos esse calumniatores, aut nimis suspicaces, vel leuiter credulos. Aliquando tamen sine tanta notitia correptio fieri debet ad vitandum maius malum: vt si imminet periculum ruinæ proximi, quod aliter vitari non possit, meritoque sit præferendum indignationi, aut suspicioni fratris, quæ non intenditur, sed permittitur ex bono fine.

Et necessitas correptionis nostræ.
 Secunda conditio est, necessitas meæ correptionis, ita vt proximus illà omnino egeat, & sine illa credatur nunquam emendandus; aut nimis diu in peccato hæsus; aut in idem, alià eius oblatà occasione lapsurus. Si enim probabile sit ipsum per se, vel per alios, qui ex officio vel aliter correpturi sunt, emendatum iri: non obligor: quia non est in necessitate respectu mei. Sicut non teneor dare elemosynam pauperi, cui alium subuenturum esse prudenter existimo. Si tamen alius, quamvis magis idoneus, aut debens ex officio, noluit: ego teneor corrumpere: quia proximus meà indiget operà, estque in miseria & necessitate spirituali.

71. *Et opportunitas.*
 Tertia conditio est, opportunitas loci, & temporis, quæ prudenter captanda est, vt cum fructu, & sine incommodo correptio fiat. Vnde non expedit communiter corrumpere peccantem, dum adhuc passio feruet, aut publice & coram alijs: sed priuatum, cum dispositus erit. Meliusque est differre; quamvis etiam tunc emendatio, & fructus speraretur.

Et non imminet graue periculum corripiendi.
 Quarta conditio est, vt possim corrumpere sine meo graui periculo vitæ, honoris, aut fortunæ: nisi peccans sit in extrema necessitate. Ratio est, quia non teneor cum tanto meo incommodo salutem proximi procurare extra casum extremæ necessitatis, vt si proximus sit moriturus in peccato mortali, nisi admonetur. Hoc tamen intellige de ijs, qui tantum obligantur ex Charitate, cuius præceptum non obligat cum tanto incommodo. Secus autem qui ex officio, & ex iustitia tenentur admonere. Hi enim strictius obligantur: & non solum quando proximus in extrema, verum etiam quando in graui necessitate existit, tenentur corrumpere, non obstante tali periculo: vt bene docent Aragon, quæst. 33, art. 1. Bannes ibidem art. 3. dub. 4. Valent. quæst. 10. Puncto 3. Agid. Coninck disp. 18. dub. 6. num. 125, qui rectè addit interdum quoque obligare Charitatem ad postponenda pericula grauis mali, in graui proximi necessitate: vt

si quis videat fore vt nisi se opponat, grassetur hæresis, aut magnum aliquod malum publicum incurratur, quod malo priuato præualere debet. Loquimur præterea de malo, quod non sit culpa. Certum enim est neminem non modo teneri, sed neque posse consulere proximo cum proprio damno spiritali culpabili, licet de bono totius communitatis agatur: iuxta illud Matth. 16. *Quid prodest homini si conuersum mundum lucretur, &c.* & iuxta vulgatum axioma, *Non sunt facienda mala, vt eueniant bona*, sumptum ex Apostolo Rom. 3. ver. 8.

Quinta conditio est, vt sit probabilis spes fructus, siue emendationis proximi. Ratio est, quia alioqui correptio est inutilis; & corripiens similis est medico danti amarum medicinam, quam scit non profuturam. Vnde patet à fortiori, multò minus faciendam esse, quando præuidetur fore perniciofa: sicut medicus debet abstinere à medicina, quam propter ægroti dispositionem videt mortem allaturam esse. Sed quid si res dubia sit, & vtinque æquè fere probabilis? Respondeo cum distinctione. Vel enim solum dubitatur an correptio sit profutura: vel etiam an sit nocitura, & allatura damnum spiritale. Si primum: adhibenda est: sicut medicus debet vtī medicina quæ non potest nocere, & dubium est an possit prodesse. Si secundum: non est adhibenda: sicut medicus non potest prudenter vtī amara medicina, de qua æquè dubium est an proderit, vel oberit.

Excipe tamen primò casum extremæ necessitatis, mortis instantis, & damnationis imminentis: quia tunc extrema omnia tentanda sunt: sicut medicus, ægroti desperato, potest vtī medicina periculosa, si spes aliqua est fore vt proficit. Ita docet Agid. supra, num. 94. post Adrianum, Bannem & plures alios. Excipe secundò casum, in quo magis est profutura, quam nocitura: vt si initio iram quidem, & commotionem, aut blasphemiam excitatura est, sed postea grauioris peccati emendationem consequetur. Ratio est, quia minus malum permittendum est, vt maius vitetur, quando aliter fieri nequit. Modò tamen inde non imminet periculum graue innocentis: vt si correptio mea esset occasio occidendi tertium. Tunc enim non teneor corrumpere cum periculo vitæ proximi: sicut non teneor cum vitæ propriæ periculo, vt paulò ante dixi. Excipe tertio correptionem peccati vergentis in damnum commune, vel in detrimentum innocentis. Quando nimirum correptio necessaria est vt vitetur malum publicum, aut priuatum, maioris considerationis, quam ruina voluntaria proximi corripiendi. Tunc enim ruina delinquentis ipsius malitiæ adscribenda est: neque debet præferri damno innocentis, qui propter illius culpam periturus, aut passurus est. Quare publice blasphemans, aut hæresim seminans, aut falsò detrahens proximo, aut alios scandalizans, debet reprehendi, licet credatur peior inde futurus. Et si malum molitur Reipublicæ, vel priuatis innocentibus; debent illi moneri, si fieri potest sine notabili incommodo. Multoque magis correptio paterna, & iudicialis fieri potest ac debet ob bonum publicum: quamvis nulla speretur emendatio delinquentis. Doctores quoque, &

Et si probabilis (per fructus).

Quid si est dubia?

73. *Exceptiones à data regula generali.*

Concionatores, qui bonum publicum spectare debent, possunt & debent vitia carpere, ac veritatem docere; quamvis id aliquibus nociturum prouideatur.

74.

Teneatur
ne qui
non est
idoneus
se talem
reddere?

Teneatur,
si est su-
perior.

Sexta conditio addi posset, vt qui corripit, sit prudens & idoneus ad hoc munus: sed hæc conditio in secunda, & in quinta comprehenditur. Dubitatur verò, an qui non est idoneus, teneatur se idoneum reddere. Respondeo, & dico primò, Superiorem, cui ex officio id incumbit, teneri vel officium deponere, vel se idoneum reddere. Ratio est, quia teneretur quisque se aptum reddere ad ea, ad quæ ex officio obligatur, nisi illud deponat. Dico secundò, priuatos satisfacere suo muneri communiter, si concurrentibus conditionibus suprà positis proximum corripiant: neque vt ad id magis idonei, sint teneretur studere, vel rationem viuendi mutare, ac ne quidem vitam suam emendare, nisi malo suo exemplo alios ad peccandum petrahant, aut causa sint vt in peccatis hæreant. Probatur, quia aliqui tenerentur omnes studere, aut fieri Ecclesiastici, vt essent magis idonei ad corripiendum. Neque defunt communiter qui suppleant aliorum defectum, siue in aptitudine, & capacitate, siue in vitæ probitate: quorum exemplo, & admonitionibus, ac præsertim Concionatorum, si non corripitur proximus, vix probabilis spes est vt aliorum correptione, vel emendatione vitæ proficiat. Vnde collige priuatos non ita peccare, præsertim mortaliter, omissione correptionis fraternæ, quando ex aliquo timore humano eam omittunt: quia facile sibi persuadent, & quidem sæpe cum aliqua probabilitate, se parum esse idoneos, vel se nihil profecturos, aut proximum sine sua opera emendandum: vt rectè ait Aggid. Coninck disp. 28. num. 127. post D. Thom. quæst. 33. art. 2. ad 3. & Natur. cap. 24. Manual. num. 12. Speciatim autem scrupulosi in hac materia debent à correptione abstinere: quia verè idonei non sunt, & importunissimi essent, ac sæpius causa maioris mali, si suum iudiciū sequerentur.

Dixi, communiter, & nisi malo suo exemplo, &c. quia si quando contingeret ob extremam inopiam, alicuius laici v. g. studium, aut mutationem status necessariam esse, ad alios ab hæresi, vel à vitijs auocandos, quippe qui carent pastore, & omni auxilio, & ipse poterit illis prodere si curam illam suscipiat; teneretur suscipere, si posset; & statum mutare, si alius modus succurrendi non suppetere. Sed hoc rarissimum est. Item, si quis malo suo exemplo alios ad peccandum petrahant, aut in peccatis retinet, vt in regibus & magnatibus contingit, ad quorum exemplum alij se componere solent, teneretur scandalum tollere, & propter hoc vitam suam saltem exterius emendare, ne alijs noceat.

aut duo testes. Tertiò, si neque eos audierit, dicatur Ecclesiæ, id est, Superiori, seu Prælato Ecclesiastico. Quartò, si neque Ecclesiam audierit, habeatur tanquam Ethnicus & publicanus, Respondeo affirmatiue, per se loquendo, ac nisi occurrant circumstantiæ, in quibus recta ratio dicitur licere, vel expedire mutare hunc ordinem. Ita Theologi communiter cum D. Thom. quæst. 33. art. 7. & 8. contra Bernardum de Areualo in libello de fraterna correptione. Idem quoque affirmant Sancti Patres prædicta Christi verba exponentes, speciatimque D. Augustinus Serm. 16. de Verbis Domini. Et denique idem apertè supponit, aut docet Ius Canonicum cap. Nouit, de Iudicijs, cap. Licet Heli, de simonia: & cap. Cum ex iniuncto, de Hæreticis, §. Nec quisquam: Vbi dicitur teneri quemque id efficere secundum Regulam Evangelicam.

Probatur primò ex verbis Christi, quæ sicut præceptum sonant quoad substantiam correptionis: ita & quoad ordinem. Et licet Christus ibi loquatur speciatim de peccatis in nos commissis, nobisque iniuriis, vt patet ex verbis quæ à Matthæo subiunguntur ver. 21. & sequentibus, & clariùs ex Luc. 17. ver. 3. vbi Christi verba sic referuntur, Si peccauerit in te frater tuus, increpa illum: & si penitentiam egerit, dimitte illi: offensam scilicet, vel iniuriam tibi factam, & à tua remissione pendente: par tamen est ratio de omnibus alijs, vt mox patebit. Ideòque videtur Christum generalius quid intenderit, & exempli tantum causâ mentionem specialem iniuriarum fecisse, quia in illis difficilior est hunc ordinem seruare, ob iracundiam & appetitum vindictæ, aliud suadentem: sed ex illis idem de alijs peccatis à fortiori colligi debet. Probatur secundò, quia quando correptio procedit ad testium inductionem & denunciatoriam, incipit lædere proximum in fama, si eius peccatum est occultum. Lex autem Charitatis, imò & iustitiæ; postulat, vt, si fieri potest, subueniamus proximo sine læsione famæ. Quod bene obseruatur in ordine illo à Christo præscripto. Vnde collige præceptum istud esse quoque iuris naturæ: & oriri partim ex Charitate proximi, quæ præcipit vt proximo succurramus, cum minimo, quantum fieri potest, eius incommodo aut periculo: partim ex iustitia, quæ iubet proximi famam non lædi sine iusta & sufficiente causa: cuiusmodi est eius emendatio, quando scilicet emendari nequit, aut non vult, nisi peccatum eius vni aut alteri testij, vel etiam Ecclesiæ aperiat: aut quando peccatum vergit in damnum publicum, aut priuatum maioris momenti, quod sine delinquentis manifestatione vitari nequit.

Dixi, per se loquendo, ac nisi propter circumstantias occurrentes, liceat vel expediat hunc ordinem mutare. Vt sit primò, quando peccatum proximi est publicum: tunc enim publicè potest corripri sine secretæ admonitionis præmissa: vt docent S. Thomas, & Scholastici communiter, in 4. dist. 19. Potest etiam denunciari immediate Superiori: quia per talem denunciationem non infamatur, cum iam sit infamis. Secundò, quamvis peccatum non sit publicum: si tamen non soli corripienti, sed vni quoque aut al-

77.
Probat
ex scriptis.

Confir-
matur ra-
tione.

Præcipi-
tur etiam
iure na-
turali.

78.
Potest
mutari in
certis ca-
sibus.

D. Thom.
in 4. dist.
19. q. 2.
ad 1.

SECTIO VIII.

De ordine seruando in correptione fraternâ.

76.
Ordo
præscri-
ptus à
Christo
est ser-
uandus.

Quæritur tertiò, vtrum ordo à Christo Matth. 18. præscriptus in fraterna correptione sit necessariò seruandus: ita vt peccans primò quidem priuatim & secreto corripendus sit. Deinde si non respiscat, adhibendi sint vnus,

INDEX LOCORVM SACRÆ SCRIPTVRÆ;

Quæ in hoc Volumine continentur.

Litera P. designat Paginam. N. Numerum.

Genesis.

- CAP. 4 v. 15 **E**ce ejicis me hodie, &c. p. 54
& 24
Ibid. eod. c. **M**aior est iniquitas, &c. p. 54
n. 84
Eod. c. Simeon & Levi, &c. p. 304 n. 104
c. 6 Omnis homo corstoperat viam suam. p. 51 n. 1
c. 15 v. 2 Noli timere Abram. p. 313 n. 11 & 325 n. 68
& p. 332 n. 12
c. 27 v. 19 Ego sum ptimogenitus, &c. p. 54 n. 12 &
p. 55 n. 13
c. 32 v. 30 Vidi Dominum facie ad faciem. p. 53 n. 10

Exodus.

- CAP. 6 Ego sum Deus Abraham, &c. p. 103
c. 20 Ego sum Deus zelotes. p. 132 n. 43
c. 20 v. 20 Ut probaret vos. p. 357 n. 33
c. 20 v. 20 Non videbit me homo & vivet. p. 53
n. 10
c. 23 Si occurreris boui, &c. p. 439 n. 35
c. 34 v. 12 Cave ne vnquam, &c. p. 304 n. 102

Leuiticus.

- CAP. 6 v. 2 Anima quæ negauerit proximo suo de-
positum, &c. p. 5 n. 6
c. 19 v. 18 Diliges amicum tuum, &c. p. 437 n. 31

Numeri.

- CAP. 23 v. 19 Non est Deus quasi homo, ut men-
tiatur. p. 17 n. 43 & p. 51 n. 3 & 5

Deuteronomium.

- CAP. 4 v. 2 Non additis ad verbum. p. 138 n. 7
c. 4 v. 4 Hæc est vestra Sapientia. p. 266 n. 16
c. 6 v. 5 Diliges Dominum Deum tuum. p. 439
n. 1 & p. 430 n. 4
c. 14 v. 6 Si tibi persuadere volueris, &c. p. 299
n. 79
c. 17 v. 3 Si difficile & ambiguum, &c. p. 146 n. 3
& p. 150 n. 12 & p. 155 n. 15
c. 20 Si quando accesseris. p. 416 n. 37

Tomus III.

Libri Regum.

2. CAP. 13 Sicut lux auroræ, &c. p. 270 n. 39
2 c. 23 Mihi loquutus est fortis Israël, &c. p. 76 n. 23
3 c. 21 v. 23 Dedit Dominus spiritum mendacij, &c.
p. 55 n. 14
4 c. 8 Vade, dic ei, sanaberis. p. 55 n. 14 & p. 56 n. 16
4 c. 20 v. 6 Protegam vtrem. p. 383 n. 9
4 c. 20 Morieris tu, &c. p. 430 n. 4

Indith.

- CAP. 6 v. 5 Non derelinquis, &c. p. 350 n. 92
c. 9 v. 17 Exaudi me miseram. ibidem.

Iob.

- CAP. 4 v. 6 Quod ab alio oderis fieri tibi, &c.
p. 437 n. 30
c. 9 v. 23 Verebar omnia, &c. p. 336 n. 28
c. 26 Columnæ cæli contritiscunt. p. 335 n. 26
c. 42 v. 8 Ite ad letitiam, &c. p. 333 n. 15

Psalmi.

- 1 Vers. 1 Beatus vir, qui non abiit, &c. p. 262 n. 6
2 Postula à me, &c. p. 183 n. 107
2 v. 11 Seruite Domino, &c. p. 314 n. 19
6 Domine, ne in furore tuo, &c. p. 410 n. 4
8 Ibi de virtute in virtutem p. 371 n. 55
9 Iustus vt palma, &c. p. 358 n. 18
13 v. 2 Dixit insipiens in, &c. p. 134 n. 51
17 v. 17 Spes mea tu, &c. p. 312 n. 9
18 v. 8 & 10 Lex Domini immaculata, &c. p. 68 n. 7
36 Noli æmulari, &c. p. 410 n. 15
50 Amplius lava me, &c. p. 430 n. 4
60 Factus est spes mea. p. 112 n. 9
61 Sperate in eo. p. 344 n. 65
72 Penè effusi sunt, &c. p. 410 n. 15
77 v. 19 Et male locuti sunt, &c. p. 283 n. 29
83 Cor meum, & caro mea, &c. p. 357 n. 11
92 Testimonia tua credibilia facta sunt nimis. p. 84
n. 48 & p. 86 n. 2
97 Notum fecit Dominus salutem suam. p. 76 n. 29
118 Super senes intellexi, &c. p. 103
118 v. 73 Da mihi intellectum. p. 150 n. 38 & 264 n. 9
Q q

Index locorum sacrae Scripturae.

- 118 v. 113 Iniquos odio habui. p. 407 n. 7
 118 v. 92 Super inimicos meos, &c. p. 266 n. 16
 118 v. 120 Confite timore carnes, &c. p. 336 n. 18
 124 Qui confidunt in Domino. p. 334 n. 20
 138 Nimis honorati sunt. p. 333 n. 3 & p. 383 n. 9 & p. 384 n. 18

Proverbia.

- CAP. 8 Ego diligentes me diligo. p. 333 n. 4
 c. 14 v. 27 Timor Domini, &c. p. 337 n. 35
 c. 30 v. 5 Omnis sermo Dei ignitus, &c. p. 89 n. 9

Ecclesiastes.

- CAP. 14 Qui sibi nequam est, &c. p. 393 n. 49
 c. 19 Qui spernit modica, &c. p. 376 n. 73
 c. 19 v. 4 Qui cito credit, levis est corde. p. 14 n. 33

Cantica.

- CAP. 6 Vna est amica mea, &c. p. 177 n. 88 & p. 180 n. 96
 c. 6 v. 9 Quae est ista, &c. p. 181 n. 100

Sapientia.

- CAP. 4 Consummatus in breui, &c. p. 368 n. 48
 c. 7 v. 14 Participes facti, &c. p. 353 n. 3
 c. 11 Quomodo posset aliquid permanere, &c. p. 42 n. 10 & 11
 c. 14 Similiter odio sunt Deo impius, &c. p. 405 n. 2 & p. 406
 c. 15 v. 3 Nolite te, consummata, &c. p. 262 n. 6

Ecclesiasticus.

- CAP. 2 Qui timetis Deum, credite illi. p. 261 n. 4
 c. 4 Eleemosynam pauperis, &c. p. 439 n. 37
 c. 6 Amico fideli nihil est comparabile. p. 394 n. 51
 c. 9 v. 1 & 2 Nemo scit, &c. p. 334 n. 19
 c. 12 v. 5 & 6 Da bono, & non recciperis peccatorem. p. 443 n. 51
 c. 18 Ne verearis usque ad mortem iustificari. p. 358 n. 18 & p. 371 n. 55
 c. 18 v. 19 Qui viuit in aeternum, creauit omnia simul. p. 33 n. 10
 c. 19 v. 8 Regnum a gente, &c. p. 303 n. 47

Isaias.

- CAP. 2 v. 2 Et erit in nouissimis diebus, &c. p. 179 n. 94 & p. 109 n. 76
 c. 2 In die illa erit praepratus, &c. p. 183 n. 107
 c. 2 v. 9 Nisi credideritis, non intelligetis. p. 264 n. 9
 c. 11 v. 2 Requiescet super eum, &c. p. 263 n. 8
 c. 60 v. 11 Gens & regnum, quod non seruiunt tibi, &c. p. 95 n. 15
 c. 65 v. 18 Ecce ergo creo. p. 358 n. 17

Jeremias.

- CAP. 7 v. 18 Perijt fides, &c. p. 5 n. 6
 c. 12 v. 1 Iustus quidem tu Domine, &c. p. 410 n. 16
 c. 23 Non mittebam Prophetas, &c. p. 14 n. 33
 c. 36 v. 18 Ex ore tuo loquebatur, &c. p. 112 n. 11

Ezechiel.

- CAP. 18 Si auerteris iustus, &c. p. 377 n. 77
 c. 18 v. 10 Filius non portabit iniquitatem, &c. p. 53 n. 10 & p. 132 n. 43

Ioel.

- CAP. 2 v. 32 Omnis, qui inuocauerit nomen Domini, &c. p. 51 n. 2

Ionas.

- CAP. 2 v. 4 Adhuc quadraginta dies, &c. p. 51 n. 2

Malachias.

- CAP. 1 v. 11 Ab ortu solis, usque, &c. p. 183 n. 107
 c. 2 v. 7 Labia sacerdotis, &c. p. 146 n. 3 & p. 150 n. 12

Mathaeus.

- CAP. 4 v. 23 & 24 Et circuibat Iesus totam Galilaeam. p. 92 n. 17
 c. 5 Ite & renunciate Ioanni, &c. p. 92 n. 17
 c. 5 v. 44 Diligite inimicos, &c. p. 397 n. 5 & p. 437 n. 30
 c. 5 v. 48 Estote ergo vos, &c. p. 384 n. 13
 c. 5 v. 45 Audistis quia, &c. p. 417 n. 31
 c. 5 v. 25 Esuriui enim, &c. p. 439 n. 37
 c. 7 Domine, nonne in nomine tuo, &c. p. 6 n. 7
 c. 7 v. 6 Nolite dare sanctum canibus. p. 234 n. 12
 c. 7 v. 12 Omnia ergo quaecumque vultis, &c. p. 436 n. 24 & p. 437 n. 30
 c. 7 Nou potest arbor mala, &c. p. 279 n. 16
 c. 7 v. 21 Non omnis qui dicit mihi, &c. p. 233 n. 43
 c. 8 Si vis ad vitam ingredi, &c. p. 339 n. 44
 c. 8 v. 26 Quid timidi estis modice fidei, p. 5 n. 6
 c. 9 Creditis, quia hoc possum facere vobis, &c. p. 7 n. 11
 c. 10 Sed & capilli capitis, &c. p. 365 n. 39
 c. 10 v. 33 Cum autem persequeretur vos, &c. p. 235 n. 13
 c. 10 v. ultimo. Quicumque dederit, &c. p. 365 n. 88
 c. 11 v. 21 Non omnis qui dicit mihi, Domine, &c. p. 7 n. 9
 c. 11 Inter natos mulierum. p. 374 n. 65
 c. 12 Generatio haec praua & adultera, &c. p. 281 n. 10
 c. 12 v. 7 Misericordiam volo, &c. p. 387 n. 27
 c. 12 Quae est mater mea, &c. p. 395 n. 53
 c. 12 v. 39 Generatio mala & adultera, &c. p. 18 n. 45
 c. 14 v. 31 Modice fidei, &c. p. 348 n. 81
 c. 15 v. 30 Accesserunt ad eum turbae multae. p. 92 n. 17
 c. 16 v. 8 Portae inferi non praeualebunt, &c. p. 98 n. 34 & p. 145 n. 1 & p. 161 n. 41
 c. 16 Tu es Petrus. p. 105 n. 4 & p. 166 n. 53 & p. 174 n. 79 & p. 175 n. 81
 c. 16 v. 17 Beatus es Simon. p. 160 n. 37 & p. 166 n. 54
 c. 16 v. 26 Quid prodest homini, &c. p. 391 n. 42
 c. 16 Si Ecclesiam non audierit, &c. p. 297 n. 74
 c. 17 Hic est filius meus dilectus, &c. p. 156 n. 28
 c. 17 v. 19 Amen dico vobis, &c. p. 272 n. 38
 c. 18 v. 6 Omnis ergo qui me confitebitur. p. 212 n. 6
 c. 18 v. 15 Si peccauerit in te, &c. p. 298 n. 78 & p. 155 n. 16

Index locorum sacrae Scripturae.

e. 18 Dic Ecclesiaz, &c. p. 174 n. 79
 c. 18 n. 20 Vbi enim sunt duo, &c. p. 173 n. 73
 c. 18 v. 16 Si te audierit, &c. p. 430 n. 79
 c. 19 v. 17 Si vis, &c. p. 333 n. 13
 c. 19 v. 21 Si vis perfectus esse, &c. p. 440 n. 41
 c. 22 Quid vobis videtur, &c. p. 218 n. 114
 c. 22 Ex toto corde, &c. p. 430 n. 4
 c. 12 v. 39 Secundum autem simile huic. p. 434 n. 17
 c. 21 v. 37 Diliges Dominum, &c. p. 381 n. 2
 c. 25 v. 35 Venite benedicti, &c. p. 263 n. 7 & p. 333 n. 13
 c. 25 v. 20 Ecce ego vobiscum sum, &c. p. 176 n. 81
 c. 28 v. 10 Ite & nunciate fratribus meis, &c. p. 381 n. 2
 c. 28 Euntes docete, &c. p. 293 n. 61 & p. 35 n. 91
 c. 28 v. 1 Vespere autem Sabbathi, &c. p. 53 n. 10
 c. ult. Data est mihi omnis potestas, &c. p. 293 n. 61

Marcus.

CAP. 9 v. 42 Si scandalizauerit te, &c. p. 78
 c. 11 v. 23 Habete fidem Dei. p. 272 n. 38
 c. 16 Euntes predicare Evangelium, &c. p. 35 n. 91
 c. 16 v. 2 Venit ad monumentum, &c. p. 53 n. 10
 c. ult. Signa autem eos, &c. p. 182 n. 102
 c. ult. v. 16 Qui enim non crediderit, &c. p. 86 n. 3
 & p. 94 n. 23 & p. 95 n. 24 & p. 101 n. 42
 c. ult. v. 18 In nomine meo demonia, &c. p. 15 n. 35
 c. ult. v. ult. Illi autem profecti, predicauerunt, &c. p. 15 n. 35

Lucas.

CAP. 3 Neminem concutitis, &c. p. 416 n. 40
 c. 5 Repleti sunt timore, &c. p. 335 n. 26
 c. 6 v. 12 Erat pernoctans, &c. p. 5 n. 5
 c. 6 Pro ut vultis, &c. p. 437 n. 29
 c. 8 Ad tempus credunt, &c. p. 377 n. 77
 c. 9 Quicumque non receperit, p. 35 n. 91
 c. 9 v. 32 Petrus, & qui cum illo erant, &c. p. 165 n. 52
 c. 9 v. 24 Qui enim voluerit animam, &c. p. 233 n. 8
 c. 10 Qui vos audit, me audit, &c. p. 180 n. 96
 c. 10 v. 28 Hoc fac & viues, p. 433 n. 16
 c. 11 v. 10 Omnis, qui petit, accipit, p. 7 n. 9
 c. 11 v. 41 Verumtamen quod superest, p. 439 n. 37
 c. 12 Ne terreamini ab ijs, p. 343 n. 64
 c. 12 v. 5 Time te eum, &c. p. 336 n. 28
 c. 13 v. 3 & 5 Si Pœnitentiam non egeritis, &c. p. 262 n. 7 & p. 120
 c. 14 v. 26 Qui non odit Patrem, &c. p. 387 n. 30
 c. 14 v. 26 Si quis venit ad me, p. 407 n. 7
 c. 14 v. 13 Compelle eos intrare, p. 295 n. 66
 c. 17 v. 5 Domine adauge nobis fidem, p. 245 n. 15
 c. 17 v. 10 Cum feceritis omnia, &c. p. 333 n. 14
 c. 18. Gracias ago tibi, &c. p. 333 n. 14
 c. 22 v. 31 Ego autem rogavi pro te. p. 232 n. 3 & p. 105 & 161
 c. 22 Pater non mea voluntas, &c. p. 216 n. 42
 c. 22 v. 32 Rogavi pro te, &c. p. 277 n. 7
 c. 24 Palpate & videre, &c. p. 23 n. 39
 c. 29 v. 16 Qui me erubuerit, p. 233 n. 6
 c. ult. Et aperuit illis sensum, p. 265 n. 11
 Ibidem. v. 45 Tunc aperuit, &c. p. 130 n. 38

Joannes.

CAP. 1 Omnia per ipsum facta sunt. p. 41 n. 10

c. 1 Vidimus gloriam eius, p. 76 n. 19
 c. 1 v. 33 Super quem videns, &c. p. 114 n. 32
 c. 1 Fuit homo missus à Deo, &c. p. 115 n. 20
 c. 1 v. 18 Deum nemo vidit vnquam, &c. p. 17 n. 42
 c. 2 Manifestauit gloriam suam, p. 76 n. 29
 c. 2 v. 26 Si quis venit, &c. p. 304 n. 101
 c. 3 v. 5 Nisi quis renatus, &c. p. 210 n. 86 & p. 110 n. 6
 c. 3 v. 33 Qui accepit eius testimonium, &c. p. 13 n. 30
 c. 3 v. 34 Ego non ab homine, &c. p. 124 n. 19
 c. 4 v. 48 Nisi signa & prodigia, &c. p. 18 n. 45
 c. 5 v. 39 Scrutamini scripturas, &c. p. 158 n. 35 & p. 178 n. 92
 c. 6 Qui manducat hunc Panem, &c. p. 7 n. 9
 c. 7 Tempus meum nondum est impletum. p. 54 n. 12
 c. 7 Si quis voluerit voluntatem, &c. p. 124 n. 19
 c. 8 n. 16 Qui me misit, verax est, p. 51 n. 3
 c. 10 Fiet vnum ouile, p. 180 n. 96
 c. 10 v. 25 Loquor vobis, & non creditis, &c. p. 15 n. 35
 c. 12 v. 43 Multi ex, &c. p. 253 n. 42
 c. 13 v. 27 Quod facis, fac citius, p. 55 n. 16
 c. 14 v. 15 & 16 Iam non dicam vos seruos, p. 283 n. 4 & p. 176 n. 81
 c. 14 Si quis diligit me, p. 333 n. 4
 c. 14 Qui habet mandata mea, &c. 431 n. 8
 c. 14 v. 11 & 12 Non creditis, quia ego in Patre, &c.
 c. 15 Si non venissem, &c. p. 121 n. 8 & p. 276
 c. 15 Si quis in me non manserit, p. 377 n. 77
 c. 15 v. 12 Hoc est præceptum meum, p. 384 n. 13 & p. 391 & 435
 c. 15 v. 14 & 15 Vos amici mei estis, p. 384 n. 13
 c. 15 Si præcepta mea seruaueritis, p. 431 n. 8
 c. 15 Maiorem hac dilectionem, &c. p. 381 n. 36
 p. 15 n. 35
 c. 15 Vos testim. perhibebitis, p. 125 n. 20
 c. 15 v. 24 Si opera in eis non fecissem, &c. p. 19 n. 49
 c. 15 v. 2 & 6 Omnem Palmirem, &c. p. 253 n. 41
 c. 15 v. 22 Si non venissem, &c. p. 276 n. 1
 c. 16 v. 8 Arguet mundum de peccato, p. 94 n. 13
 c. 16 v. 13 Cum venerit Spiritus ille veritatis, &c. p. 107 n. 13 & 173 n. 73
 c. 20 v. 22 Accipite Spiritum sanctum, p. 159 n. 36
 c. 20 Nisi videro fixutam clauorum, p. 277 n. 6
 c. 20 v. 27 Noli esse, &c. p. 287 n. 40
 c. 20 Infer digitum tuum, &c. p. 23 n. 39
 c. 21 Pasce agnos meos, &c. p. 180 n. 96
 c. 21 v. 16 17 Pasce oues, &c. p. 195 n. 67 & p. 296
 c. 21 v. 5 Simon Ioannis, &c. p. 159 n. 36

Acta.

CAP. 1 Eritis mihi testes, &c. p. 125 n. 20
 c. 13 v. 9 Fide purificans, &c. p. 214 n. 43 & p. 260 n. 1
 c. 15 Conuenerunt enim Apostoli, &c. p. 125 n. 22
 c. 15 v. 28 Visum est Spiritui sancto, p. 158 n. 35 & p. 173 n. 7
 c. 16 Cuius Dominus aperuit cor, &c. p. 18 n. 45
 c. 20 v. 28 Attendite vobis, &c. p. 150 n. 13 & p. 155 n. 24
 c. 26 v. 29 Opto apud Deum, &c. p. 390 n. 38

Paulus ad Romanos.

CAP. 1 v. 8 Fides vestra annuntiator, &c. p. 90 n. 11

Index locorum sacrae Scripturae.

- c. 1 v. 17 Iustitia Dei in eo reuelatur, &c. p. 6 n. 6
 c. 1 v. 20 Fracti sunt iusti, &c. p. 253 n. 41
 c. 2 Inuisibilia Dei, &c. p. 17 n. 43
 c. 2 v. 13 & 14 Non auditors legis, &c. p. 262 n. 7
 c. 3 Credidit Abraham, &c. p. 270 n. 28
 c. 3 Faciamus mala, &c. p. 390 n. 40
 c. 3 v. 4 Omnis homo mendax. p. 123 n. 16 & p. 127 n. 43 & p. 51
 c. 3 Arbitramur iustificari, &c. p. 132 n. 43
 c. 3 v. 9 Causati sumus ludores, &c. p. 221 n. 80
 c. 3 v. 31 Numquid incredulitas, &c. p. 5 n. 6
 c. 3 v. 28 Arbitramur iustificari hominem, &c. p. 53 n. 10
 c. 4 v. 18 Qui contra spem, &c. p. 313 n. 15
 c. 4 v. 18 Non considerans, &c. p. 324 n. 62
 c. 4 v. 20 & 21 Confortatus est fide, &c. p. 5 n. 4
 c. 4 v. 19 Non infirmatus est fide, &c. p. 5 n. 5
 c. 4 Non hesitavit dissidentia, &c. p. 73 n. 27
 c. 4 Plenissime sciens, &c. p. 80 n. 39
 c. 5 v. 3 Gloriamur in tribulationibus, p. 332 n. 13
 c. 5 v. 5 Charitas Dei diffusa est, &c. p. 354 n. 8 & p. 355 & p. 381 n. 1 & 262 n. 7
 c. 6 Stipendia peccati mors, &c. p. 376 n. 74
 c. 8 Certus sum quia, &c. p. 334 n. 10
 c. 8 Nam quod videt quis, &c. p. 341 n. 31 & p. 318
 c. 8 v. 38 Quis nos separabit, &c. p. 387 n. 28 & p. 93 n. 21
 c. 8 Spe salvi facti sumus, &c. p. 312 n. 9
 c. 8 Spiritus reddit testimonium, &c. p. 263 n. 7
 c. 8 v. 9 Si quis spiritum Christi, &c. p. 262 n. 7
 c. 8 spes quae videtur, &c. p. 69 n. 7 & p. 70 n. 11
 c. 9 Optabam ego ipse anathema, &c. p. 389 n. 37
 c. 10 v. 15 & 16 Quomodo credens, &c. p. 35 n. 91
 c. 10 Quomodo invocabunt, &c. p. 339 n. 41
 c. 10 v. 10 Corde creditur, &c. p. 231 n. 2
 c. 10 v. 17 Ergo fides ex auditu, &c. p. 4 n. 2 & p. 122 n. 14
 c. 10 v. 17 Fides ex auditu, &c. p. 22 n. 58
 c. 11 v. 35 Quis prior dedit illis, &c. p. 333 n. 14
 c. 11 Sine Penitentia sunt dona Dei, p. 375 n. 70
 c. 11 v. 22 Vide ergo bonitatem, p. 377 n. 77
 c. 11 v. 20 Tu autem fide stas, &c. p. 377 n. 77
 c. 13 Plenitudo legis, &c. p. 402 n. 21
 c. 13 Omnis anima, &c. p. 291 n. 54
 c. 13 v. 4 & 6 Dei enim minister est, &c. p. 153 n. 21
 c. 14 v. 23 Omne quod non est ex fide, &c. p. 279 n. 16
 c. 16 v. 17 Rogo autem vos, &c. p. 149 n. 9 & p. 304 n. 101 & p. 95 n. 24

Paulus prima ad Corinthios.

- CAP. 1 v. 10 Obsecro autem vos, &c. p. 105 n. 4
 c. 2 v. 4 & 12 & 15. Sermo meus, &c. p. 19 n. 49
 c. 5 Quid enim mihi de ijs, &c. p. 285 n. 34 & p. 194 n. 64
 c. 6 v. 10 Nolite errare, &c. p. 376 n. 74
 c. 6 v. 17 Qui adharet Domino, &c. p. 353 n. 4
 c. 8 v. 12 Sic autem peccantes in fratres, &c. p. 423 n. 62
 c. 10 Qui se existimat stare, &c. p. 377 n. 78
 c. 11 Fundamentum aliud, &c. p. 166 n. 53
 c. 11 Qui enim manducat, p. 7 n. 9
 c. 12 Alij datur per spiritum, &c. p. 130 n. 38 & p. 268 n. 24
 c. 12 Nec quisquam sibi sumit honorem, &c.

- p. 349 n. 89
 c. 12 Adhuc excellentiorem viam, &c. p. 360 n. 25
 c. 13 v. 2 Si habueris, &c. p. 253 n. 42 & p. 273 n. 48
 c. 13 v. 9 Ex parte cognoscimus, &c. p. 257 n. 53 & p. 69 n. 7
 c. 13 Siue Prophetiae euacuabuntur, &c. p. 359 n. 40
 c. 13 Charitas non quaerit, &c. p. 341 n. 53
 c. 13 Charitas nunquam excidit, &c. p. 372 n. 62
 c. 13 Videmus nunc per speculum, &c. p. 373 n. 65
 c. 13 v. ult. Nunc autem manent, &c. p. 312 n. 9 & p. 314 n. 16 & p. 340 n. 48 & p. 4 n. 1 & p. 7 n. 12
 c. 13 Praecipio ego, non Dominus, p. 134 n. 51
 c. 13 Si habuero omnem fidem, &c. p. 6 n. 7
 c. 13 v. 2 Si habuero, &c. p. 7 n. 11
 c. 14 Linguae in signum sunt, p. 182 n. 104
 c. 14 v. 37 & v. 36 Si quis videtur Propheta, p. 124 n. 19
 c. 15 Stella differt à stella. p. 358 n. 18

Secunda ad Corinthios.

- CAP. 4 v. 6 Qui dixit de tenebris, &c. p. 247 n. 20
 c. 4 v. 17 Momentaneum hoc, p. 333 n. 13
 c. 4 v. 13 Habentes eundem spiritum, p. 231 n. 2
 c. 5 v. 10 Omnes nos manifestari oportet, p. 372 n. 62
 c. 9 Qui parat seminat, &c. p. 358 n. 18
 c. 11 v. 32 Damasci praepositus, p. 235 n. 13

Ad Galatas.

- CAP. 1 Si nos aut Angelus, p. 158 n. 55 & 34 & p. 86 n. 2 & 3
 c. 5 v. 6 In Christo IESU neque, &c. p. 262 n. 7
 c. 5 Vinam abscindantur, p. 304 n. 104
 c. 6 Operemur bonum, &c. p. 394 n. 53
 c. 6 v. 16 In Christo IESU, p. 357 n. 15

Ad Ephesios.

- CAP. 1 Ipsum dedit caput, &c. p. 180 n. 96
 c. 2 Gratia enim saluati, &c. p. 5 n. 5
 c. 3 In alijs generationibus, &c. p. 103
 c. 4 v. 5 Vnus Dominus, &c. p. 245 n. 14 & 95 n. 24 & p. 7 n. 10
 c. 4 v. 11 Quosdam dedit Pastores, &c. p. 125 n. 22 & p. 150 n. 13
 c. 4 v. 15 Crescamus in illo, &c. p. 180 n. 96
 c. 5 v. 12 & 13 Quid enim mihi, &c. p. 125 n. 22
 c. 5 v. 26 Viri diligite, &c. p. 181 n. 100

Ad Philippenses.

- CAP. 1 v. 8 Testis enim mihi, &c. p. 389 n. 37
 c. 2 v. 12 Cum timore, &c. p. 334 n. 19
 c. 5 Non quod iam acceperim, &c. p. 374 n. 65

Ad Colossenses.

- CAP. 1 v. 26 Mysterium gratiae, &c. p. 76 n. 29

Ad Thessalonicenses prima.

- CAP. 2 Gratias agimus Deo, &c. p. 198 n. 20
 c. 2 Cum accepissetis à nobis, &c. p. 5 n. 5
 c. 5 Omnia probate, &c. p. 290 n. 50

Index locorum sacrae Scripturae.

Ad Thessalonicenses secunda.

- CAP. 2 v. 10 Ideo mittet illis, &c. p. 35 n. 14
 c. 2 v. 14 Itaque, fratres, fate, &c. p. 136 n. 1
 c. 3 v. 14 Quod si quis non obedit, &c. p. 95
 n. 24
 c. 3 v. 14 Ne commisceamini, &c. p. 304 n. 102

Ad Timotheum prima.

- CAP. 1 v. 6 & 19 A quibus quidam aberrantes, &c.
 p. 253 n. 41
 c. 4 v. 1 In nouissimis temporibus, &c. p. 253 n. 41
 c. 5 Habentes damnationem, &c. p. 5 n. 6
 c. 5 Si quis suorum, &c. p. 394 n. 53

Ad Timotheum secunda.

- CAP. 1 Scio cui credidi, &c. p. 80 n. 39 & 75 n. 27
 c. 2 v. 12 Si negauerimus, &c. p. 253 n. 41
 c. 2 v. 16 Prophana & vaniloquia, &c. p. 304
 n. 101
 c. 2 v. 19 Nouit Dominus, &c. p. 146 n. 5
 c. 3 v. 16 Omnis Scriptura diuinitus inspirata, &c.
 p. 122 n. 10

Ad Titum.

- CAP. 1 v. 16 Conscientie tue nosse Deum, &c. p. 163
 n. 6
 c. 1 v. 15 Omnia mundi mundis, p. 279 n. 16
 c. 2 v. 14 Dedit semetipsum, &c. p. 181 n. 100
 c. 3 v. 10 Hæreticum hominem, &c. p. 95 n. 24 &
 p. 298 n. 75 & p. 304 n. 101
 c. 3 Admone illos, &c. p. 291 n. 54

Ad Hebræos.

- CAP. 1 Portans omnia, &c. p. 42 n. 10
 c. 2 v. 4 Constatante Deo signis, &c. p. 15 n. 35
 c. 6 v. 18 Ut per duas res immobiles, &c. p. 17 n. 43
 c. 6 v. 17 & 18 In quo abundantius, &c. p. 51 n. 5
 c. 8 & 10 Ecce dies veniunt, &c. p. 181 n. 112
 10 v. penult. Iustus autem meus, &c. p. 249 n. 29
 & p. 4 & 5 & p. 7 n. 10 & p. 32 n. 85
 c. 10 Fide Abraham, &c. p. 55 n. 13
 c. 11 v. 3 & 6 Fide intelligimus, &c. p. 249 n. 29
 c. 11 Accedentem ad Deum, &c. p. 103 & p. 120
 n. 85 & p. 121 n. 90
 c. 11 Substantiam rerum, &c. p. 314 n. 16 & p. 4. n. 1
 & p. 7 n. 10
 c. 11 v. 1 Sancti per fidem, &c. p. 7 n. 10
 c. 11 v. 6 Sine fide impossibile est, &c. p. 7 n. 10
 c. 12 Argumentum non apparentium, &c. p. 29 n. 76
 p. 208 n. 49

Iacobi Epistola Catholica.

- CAP. 1 v. 6 & v. 1 Postulet autem in fide, &c. p. 5 n. 6
 c. 1 v. 15 & 17 Concupiscentia cum conceperit, &c.
 p. 379 n. 83
 c. 2 Sine operibus fides mortua est, p. 249 n. 27
 c. 2 v. 14 Quid proderit, &c. p. 333 n. 13 & p. 253 n. 42
 c. 2 v. 24 & 26 & 19 Videtis quoniam, &c. p. 253
 n. 42 & p. 263 n. 7
 3 v. 16 Orate pro iniucem, &c. p. 333 n. 15
 c. 4 v. 3 Petitis & non accipitis, &c. p. 7 n. 9

Epistola B. Petri prima.

- CAP. 2 Vocauit nos in admirabile, &c. p. 247 n. 20
 c. 2 v. 9 Vos autem genus, &c. p. 181 n. 100
 c. 3 v. 4 Pascite, &c. p. 332 n. 12

Epistola B. Petri secunda.

- CAP. 1 v. 10 Satagite ut, &c. p. 333 n. 13
 c. 1 Habemus firmiter sermonem, &c. p. 130 n. 38
 c. 1 v. 16 & ult. Hic est filius meus, &c. p. 178 n. 92
 & p. 17 n. 42
 c. 1 v. 10 & 21 Omnis Prophetia Scripturae, &c.
 p. 122 n. 10
 c. 2 v. 2 Canis reuersus ad vomitum, &c. p. 3 n. 12

Epistola B. Ioannis prima.

- CAP. 1 v. 1 Vita æterna quæ erat, &c. p. 76 n. 29
 & p. 81 n. 43
 c. 1 v. 3 In hoc scimus, &c. p. 254 n. 43
 c. 1 v. 4 Qui dicit se nosse Deum, &c. p. 262 n. 6
 c. 1 v. 5 Omnis, qui natus est, &c. p. 254 n. 43
 c. 2 v. 27 Et non necesse habetis, &c. p. 33 n. 87 &
 p. 120 & 124
 c. 2 Si fuissent ex nobis, &c. p. 358 n. 79
 c. 2 Conscientia se nosse Deum, &c. p. 377 n. 78
 c. 3 Hoc est mandatum eius ut, &c. p. 225 n. 107
 c. 3 Videre qualem Charitatem, p. 353 n. 6
 c. 3 v. 6 Omnis qui peccat, &c. p. 377 n. 78
 c. 3 v. 16 & 17 In hoc cognouimus, &c. p. 392 n. 46
 c. 4 v. 18 Perfecta Charitas, &c. p. 334 n. 19
 c. 4 v. 16 Deus Charitas est, &c. p. 354 n. 7
 c. 5 v. 3 Hæc est Charitas Dei, &c. p. 431 n. 8 &
 p. 433 n. 16
 c. 5 Qui credit in Filium Dei, &c. p. 124 n. 19
 c. 5 v. 9 Si testimonium hominum, &c. p. 12 n. 27
 & p. 15 n. 36

Apocalypsis.

- CAP. 2 v. 14 Habeo aduersus te pauca, p. 304 n. 105
 c. 5 v. 4 & 5 Habeo aduersus te pauca, &c. p. 377 n. 97
 c. ult. Qui iustus est iustificetur, &c. p. 358 n. 18.



INDEX DISPUTATIONVM ET SECTIONVM, QVÆ IN HOC VOLVumine continentur.


De Fide, Spe & Charitate.

TRACTATVS I.

De Fide. pag. 1.

DISPUTATIO I.

De obiecto Fidei. pag. 3.

- SECTIO I.**  E varijs fidei acceptionibus : & quo sensu in præfenti tractatu sermo de illa sit? p. 4.
- II. Errores Hæreticorum circa fidem propriè dictam iudicantur, & breuiter refutantur. p. 5.
- III. Quodnam sit subiectum, & obiectum materiale fidei Theologicæ? p. 8.
- IV. Quodnam sit obiectum formale fidei? p. 11.
- V. Respondetur argumentis primæ opinionis aduersæ. p. 15.
- VI. Soluitur alia obiectio contra argumenta credibilitatis. p. 18.
- VII. Opinionis aliæ referuntur, & refelluntur. p. 19.
- VIII. Respondetur argumentis aduersariorum. p. 22.
- IX. Vtrum eodem actu cognoscantur obiectum formale, & materiale fidei? p. 25.
- X. An obiectum formale fidei debeat esse obscurum aliquatenus, & credibile tantum? p. 28.
- XI. Refutantur aliæ contrariæ sententiæ. p. 30.
- XII. An reuelatio priuata sufficiat vt sit obiectum formale fidei Theologicæ? p. 32.
- XIII. An reuelatio diuina debeat necessario fieri per propositionem, & auctoritatem Ecclesiæ? p. 34.

DISPUTATIO II.

Quale sit obiectum Fidei? Et primò, sit-ne complexum, vel incomplexum? pag. 39.

- SECT. I.** Vtrum fidei obiectum sit complexum, vel incomplexum in modum enuntiabilis? ibid.
- II. Refutatur quedam opinio Nominalium de complexè significabili? p. 41.
- III. Refellitur ampliùs eadem sententia, ex proprijs eius principijs. p. 44.
- IV. Respondetur argumentis Nominalium. p. 46.

DISPUTATIO III.

Vtrum obiectum Fidei sit necessario verum, ita vt Fidei falsum subesse non possit? pag. 50.

- SECT. I.** An, & quomodo obiectum fidei sit necessario verum? ibid.
- II. Soluuntur aliquæ difficultates desumptæ ex Scriptura. p. 53.
- III. Enodatur alià difficultas de reuelatione falso præsumpta. p. 56.
- IV. Respondetur argumentis contrariæ sententiæ. p. 57.
- V. An saltem possit fides inclinare ad falsum? p. 60.
- VI. An certum sit assensum fidei supernaturalis non posse esse falsum? p. 62.
- VII. Soluuntur argumenta contrariæ sententiæ. p. 64.

DISPUTATIO IV.

Vtrum obiectum Fidei possit esse aliquid scitum, aut visum? pag. 66.

- SECT. I.** Vera sententia statuitur. p. 67.
- II. Soluuntur tres priores difficultates contra doctrinam propositam. p. 69.
- III. Aliæ duæ obiectiones diluuntur. p. 73.
- IV. An obiectum Fidei Christianæ, quæ tale, sit simpliciter evidens? p. 75.
- V. Fertur Iudicium de Doctrina relata. p. 80.

DISPUTATIO V.

An & quomodo obiectum Fidei Christiana sit euidenter credibile? pag. 84.

- SECT. I.** Vtrum mysteria nostræ fidei sint euidenter credibilia : & credibilia quàm oppositum? p. 85.
- II. Quibus argumentis obiectum fidei Christianæ constituatur euidenter credibile? Proponitur primum à qualitate doctrinæ. p. 87.
- III. Proponitur secundum argumentum à modo mirabili, quo fides Christiana in mundum introducta, propagata, & conseruata fuit. p. 90.
- IV. Proponitur tertium argumentum à miraculis. p. 92.
- V. Proponitur quartum argumentum, à comparatione cum alijs Sectis. p. 94.
- VI. Continuatür eadem comparatio cum Sectis Iudæorum, & Hæreticorum. p. 97.
- VII. Quomodo vigeat etiam nunc credibilitas fidei? & conclusio præcedentium. p. 100.

Index Disputationum, & Sectionum.

DISPUTATIO VI.

An obiectum Fidei successu temporis creuerit?
pag. 102.

- SECT. I. Præmittuntur aliqua de coordinatione inter obiecta fidei; & deque differentia inter obiectum, & articulatum fidei. p. 103.
II. An, & quomodo creuerit obiectum fidei per successionem temporis? p. 105.
III. Soluuntur obiectiones contra doctrinam præcedentem. p. 107.
IV. Examinatur alia sententia. p. 108.
V. An reuelata mediât, & quæ deducuntur ex principijs fidei, sint de fide? p. 112.
VI. Sit-ne etiam de fide propositio mediât solum reuelata? p. 115.

DISPUTATIO VII.

De Regulâ, quibus obiectum Fidei proponitur infallibiliter; & primò de Scriptura. pag. 117.

- SECT. I. Prænotantur aliqua de Regulis Fidei in communi. p. 118.
II. Vtrum Scriptura sacra sit regula fidei? p. 122.
III. An, & quæ sit Scriptura diuina? ibid.
IV. Soluitur prima obiectio Hæreticorum. p. 124.
V. Aliæ duæ obiectiones refelluntur. p. 126.
VI. An & qui textus Scripturæ sit authenticus? p. 127.
VII. Vtrum Scripturæ sensus sit obscurus? p. 130.
VIII. De verò sensu Scripturæ agnoscendo. p. 133.

DISPUTATIO VIII.

De Traditionibus, & consensu Patrum. pag. 135.

- SECT. I. An præter Scripturam sint aliquæ Traditiones non scriptæ, quæ sint etiam Regula fidei? p. 136.
II. Occurritur generatim argumentis Nouatorum contra traditiones. p. 138.
III. An consensus Sanctorum Patrum sit etiam Regula fidei? p. 140.
IV. Sit-ne idem sentiendum de consensu Theologorum, & aliorum Doctorem. p. 142.

DISPUTATIO IX.

De Summo Pontifice, Concilijs & Ecclesia.
pag. 144.

- SECT. I. Vtrum in Ecclesia sit aliqua Regula viua, & loquens, quæ sit Iudex Controuersiarum, & cuius iudicio fideles stare debeant? p. 145.
II. An publica illa potestas iudicandi de fide controuersijs pertineat ad totum certum fidelium, vel ad Magistratum sæcularem? An potius ad Prælatos Ecclesiæ? p. 149.
III. Vtrum potestas illa sit penes Summum Pontificem, ita vt saltem cum Concilio generali sit infallibilis Regula fidei, & Iudex Controuersiarum? p. 154.
IV. An Summus Pontifex etiam sine Concilio generali sit Iudex Controuersiarum, & infallibilis

- Regula fidei? p. 159.
V. Soluuntur obiectiones Hæreticorum contra doctrinam præcedentem. p. 164.
VI. Plura de Summo Pontifice. p. 167.
VII. Vtrum Concilium præcisè sumptum à Summo Pontifice sit Regula fidei? p. 170.
VIII. Vtrum Ecclesia vniuersalis sit infallibilis in credendo, & certa Regula fidei? p. 174.
IX. Quibus argumentis probetur efficaciter Romanam Ecclesiam esse veram Christi Ecclesiam, infallibilem in fide, & necessariò sequendam? p. 178.
X. Prima nota veræ Ecclesiæ, VNITAS. p. 180.
XI. Secunda nota veræ Ecclesiæ, SANCTITAS, & gloria miraculorum. p. 181.
XII. Tertia nota veræ Ecclesiæ, quòd sit CATHOLICA. p. 183.
XIII. Quarta nota veræ Ecclesiæ, quòd sit APOSTOLICA. p. 185.
XIV. Ostenditur esse de fide Romanam Ecclesiam, quæ nunc est, esse veram Ecclesiam. p. 188.

DISPUTATIO X.

De actu Fidei interno. pag. 190.

- SECT. I. An & quomodo actus internus fidei Theologicæ sit supernaturalis? p. 193.
II. An circa idem obiectum, & motuum formale, dari possit actus fidei naturalis, & supernaturalis? p. 196.
III. Soluuntur obiectiones contra doctrinam præcedentem. p. 198.
IV. An qui dissentitur vni articulo fidei, possit simul alium credere ex puro fidei diuini mori-uo? p. 201.
V. An actus credendi siue naturalis, siue supernaturalis, distinguatur realiter ab intellectu? p. 203.
VI. Vtrum omnes actus fidei Theologicæ sint eiusdem speciei? p. 207.
VII. An actus fidei supernaturalis sit discursiuus? p. 208.
VIII. An actus fidei supernaturalis sit certior qualibet scientiâ naturali, seu quolibet assensu naturali evidenti? p. 210.
IX. Vndenam actus supernaturalis habeat suam differentiam specificam, quâ distinguitur à naturali? p. 213.
X. An & quomodo actus fidei sit voluntarius, & liber, ac moralis? p. 215.
XI. Vtrum actus fidei sit necessarius ad salutem necessitate medijs? p. 219.
XII. Circa quid fides versari debeat explicitè ex necessitate medijs? p. 221.
XIII. An, & quomodo fides sit necessaria ex præcepto, & circa quid? p. 225.
XIV. Quotuplex sit præceptum fidei, & quando obliget? p. 229.

DISPUTATIO XI.

De actu Fidei externo. pag. 230.

- SECT. I. Vtrum professio externa fidei sit actus virtutis fidei? p. 231.
II. An professio fidei sit necessaria ex præcepto? p. 232.

Index Disputationum, & Sectionum.

- III. An liceat aliquando non profiteri fidem ad vitandum aliquod malum? p. 214.
IV. An liceat aliquando veram Religionem diffimulare, & simulare falsam? p. 236.

DISPUTATIO XII.

De habitu Fidei. pag. 139.

- SECT. I. An detur habitus fidei infusus, & supernaturalis, realiterque distinctus ab intellectu? p. 241.
II. Verum habitus fidei supernaturalis sit unus, vel multiplex: & an præter habitum fidei dentur species infusæ, vel alij habitus, qui per se iuvant ad credendum? p. 245.
III. Vtrum habitus fidei sit virtus intellectualis, & Theologica? & sit-ne practicus, an speculativus? quæque ordinem servet inter virtutes Theologicas? p. 248.
IV. An, & quomodo habitus Fidei pendeat à Charitate? p. 251.
V. Quomodo habitus fidei acquiratur, vel augeatur? p. 255.
VI. Quomodo amittatur, & in quo subiecto sit? p. 266.

DISPUTATIO XIII.

De effectibus Fidei, & Donis cum ea connexis. pag. 259.

- SECT. I. Quinam sint effectus Fidei? p. 260.
II. De Donis Spiritus sancti cum fide connexis. p. 261.
III. Probatur Dona Spiritus sancti non distingui à fide, & ab alijs virtutibus. p. 265.
IV. Quomodo Fides, differat à Gratiji gratis dantis, & præcipue à Prophetia? p. 268.
V. Quale sit lumen, quod vltra Fidem, infunditur Prophetis ad futura prænoscentia. p. 270.
VI. Notantur aliqua circa differentiam Fidei Theologicæ à Fide miraculorum. p. 272.

DISPUTATIO XIV.

De Infidelitate, & varijs eius speciebus. pag. 274.

- SECT. I. Vtrum Infidelitas sit peccatum, & quale, & in quo subiecto sit? p. 276.
II. De varijs speciebus Infidelitatis. p. 280.
III. De Hæresi, Apostasia, & Blasphemia. p. 282.
IV. Solvuntur variz quæstiones de Hæresi. p. 285.
V. An liceat cum Infidelibus disputare, libros eorum legere, vel cum ipsis communiscare? p. 289.
VI. Vtrum Infideles possint habere dominium supra Fideles? p. 291.
VII. Vtrum Infideles sint compellendi ad Fidem? p. 293.
VIII. De potestate, & modo coercendi, vel puniendi Hæreticos, & Apostatas. p. 297.
IX. Vtrum erroris, & actus Infidelium sint tolerandi? p. 301.
X. Vtrum Fides data Hæreticis retinenda sit, ita ut nequeat sine peccato violari? p. 303.

TRACTATUS II.

De Spe, & Charitate. pag. 307.

DISPUTATIO XV.

De obiecto Spei. pag. 308.

- SECT. I. Præmittuntur nonnulla de voluntate, & appetitu, cuiusque varijs affectibus, & tendendi modis. p. 309.
II. Quid sit Spes Theologica? p. 312.
III. Quodnam sit obiectum formale virtutis Spei? p. 315.
IV. Refertur secunda sententia de obiecto formali eiusdem virtutis. p. 317.
V. Tertia opinio refertur, & refellitur. p. 318.
VI. Vera sententia, & solutio argumentorum. p. 319.
VII. Respondetur alijs argumentis. p. 322.
VIII. Quodnam sit obiectum materiale Spei? p. 324.
IX. Vtrum Spes versetur immediate circa Deum? p. 326.

DISPUTATIO XVI.

De Actibus virtutis Spei, & alijs ad eam pertinentibus. pag. 328.

- SECT. I. Quinam sint actus virtutis Theologicæ? p. 330.
II. Liceat-ne sperare mercedem æternam, aut temporalem: & sperare de homine? p. 331.
III. Solvuntur alia duæ quæstiones de actu Spei, & de timore ad ipsam pertinente. p. 334.
IV. Diluuntur obiectiones contra doctrinam præcedentem, de timore Spei proprio. p. 336.
V. De habitu Spei. p. 339.
VI. De subiecto Spei quoad actum & habitum. p. 340.
VII. De Præceptis Spei. p. 345.
VIII. Vtrum, si Deus alicui revelaret ipsum esse reprobatum, teneretur ille nihilominus ad sperandum? p. 346.
IX. De vitijs Spei oppositis, desperatione præsertim, & presumptione. p. 348.

DISPUTATIO XVII.

De habitu Charitatis. pag. 351.

- SECT. I. Vtrum Caritas sit amicitia? p. 352.
II. Vtrum Caritas habitualis sit aliquod creatum in anima? p. 354.
III. De infusione habitus Charitatis. p. 356.
IV. De augmento habitus Charitatis. p. 360.
V. An per singulos actus Charitatis augeatur habitus, & quomodo? p. 364.
VI. Refutatur alia sententia contraria. p. 367.
VII. Vtrum Caritas in via possit semper, & in infinitum augeri? p. 370.
VIII. Vtrum habitus Charitatis sit intensior in patria, quam in via? p. 372.
IX. An,

Index Disputationum, & Sectionum.

IX. An, & quomodo Charitas minuat, vel amittatur? p. 375.

X. Refutantur contrariæ sententiæ. p. 377.

DISPUTATIO XVIII.

De obiecto Charitatis. pag. 380.

SECT. I. Quodnam sit obiectum adæquatum Charitatis? p. 381.

II. Refutantur sententiæ contrariæ. p. 382.

III. De obiectis materialibus Charitatis. p. 385.

IV. De ordine inter obiecta Charitatis: & primò, quomodo teneamur diligere Deum super omnia? p. 386.

V. An, & quomodo in bonis spiritualibus teneamur nos ipsos magis diligere, quàm proximum? p. 389.

VI. Utrum in bonis temporalibus teneamur nos magis diligere, quàm alios: & inter istos, quinam sint præferendi? p. 392.

DISPUTATIO XIX.

De Actibus, & effectibus Charitatis. pag. 395.

SECT. I. Quis, & quomplex sit actus Charitatis? p. 396.

II. Qualis sit actus dilectionis erga Deum? p. 397.

III. De effectibus Charitatis. p. 401.

DISPUTATIO XX.

De Viis oppositis Charitati, & eim effectibus. pag. 404.

SECT. I. De Odio Dei. ibid.

II. De Odio Proximi. p. 407.

III. De Acedia, Inuidia, Discordia, Contentione, & Schismate. p. 409.

IV. De Bello, Rixa, & Seditione. p. 412.

V. Soluuntur aliæ plures quæstiones de Bello. p. 416.

VI. De Duello. p. 418.

VII. De Scandalo. p. 422.

VIII. Soluuntur aliæ duæ quæstiones de Scandalo. p. 425.

DISPUTATIO XXI.

De præceptis Charitatis. pag. 427.

SECT. I. De præcepto diligendi Deum. p. 429.

II. Quo tempore obliget præceptum diligendi Deum: & utrum hac in vita possit perfectè impleri? p. 431.

III. De præcepto diligendi proximum. p. 434.

IV. De præcepto diligendi inimicos. p. 437.

V. De præcepto Charitatis circa Eleemosynam. p. 439.

VI. Plura de modo faciendi Eleemosynam. p. 443.

VII. De præcepto Charitatis circa correptionem fraternam. p. 446.

VIII. De ordine seruando in correptione fraternam. p. 449.



INDEX RERVM PRÆCIPVARVM QVÆ IN HOC VOLVGINE CONTINENTVR.

Litera D. designat disputationem. N. numerum.

A

A Cedia quid sit. disp. 20 n. 13
 Actus Charitatis. V. Charitas.
 Actus Fidei. V. Fides.
 Actus credendi vt oportet, est supernaturalis quo-
 ad substantiam. disp. 10 n. 7
 Potest dari actus naturalis & supernaturalis circa
 idem obiect. ibid. n. 14
 Quomodo actus specificantur ab obiectis. n. 24
 Actus supernaturales distinguuntur realiter à subie-
 cto. disp. 10 n. 38
 Actus Fidei Theologicæ non sunt omnes eiusdem
 speciei. ibid. n. 46
 Actus Fidei supernaturalis non est discursiuus. ibid.
 n. 50
 Est certissimus. ibid. n. 73
 Actus volendi credere est supernaturalis. n. 74
 Actus Fidei est necessarius adultis peccatoribus ne-
 cessitate modij. ibid. n. 85
 Apofstasia quid & quomplex sit. disp. 14 n. 32
 Actus Spec. V. Spes.
 Amicitie conditiones. disp. 17 n. 3
 Reperiuntur inter Deum & iustos. ibid. n. 4
 Amor Patriæ differt specie ab amore viz. ibid. n. 62

B

B lasphemia quid sit. d. 14 n. 26
 Est quadruplex generatim. ibid. 29
 Beneficentia quid sit. d. 19 n. 24
 Non omne bellum est iniustum & contrarium
 Charitati. d. 20 n. 22
 Quodnam sit illicitum. ibid.
 Quis potest bellum iuste inferre. ibid. n. 24
 Causa iusta belli quomodo examinanda. ibid. n. 27
 Belli gerendi modus debitus. ibid. n. 37

C

S ola Charitas hominis ad Deum non est amici-
 tia. disp. 17 n. 2
 Sed mutua Charitas Dei & hominis. ibid. n. 3
 Charitas habitualis non est Spiritus sanctus in iustis.
 ibid. n. 7
 Est virtus supernaturalis. ibid. n. 11
 De Fide est dari Charitatem infusam ab actibus dis-
 tinctam. ibid. n. 12
 Est in voluntate. ibid. n. 13
 Non creatur sed educitur. ibid. n. 14
 Infunditur iuxta mensuram Spiritus sancti & secun-
 dum dispositionem. ibid. n. 18
 Charitatem augeri posse de fide est. ibid. n. 25
 Augetur per quemlibet actum ab habitu produ-
 ctum. ibid. n. 37

Etiā per remissum. ibid. n. 40
 Etiā per actus meritorios aliarum virtutum.
 ibid. n. 52
 Charitatis habitus idem est in patria qui fuit in via.
 ibid. n. 62
 Non potest augeri in infinitum, sed quamdiu durat
 vita. ibid. n. 52
 Maior est in quibusdam viatoribus quam in aliqui-
 bus beatis. disp. 17 n. 63
 Non augetur in Patria. ibid. n. 64
 Charitas perfectius operatur in Patria quam in vilo
 viatore. ibid. n. 65
 Habitus Charitatis non minuitur secundum se. ibid.
 n. 70
 Minuitur extrinsecè propter peccata venialia. ibid.
 n. 73
 Destruitur quolibet peccato mortali. ibid. n. 74
 Non sola Infidelitate destruitur. ibid. n. 77
 Charitatis obiectum est Deus & creaturæ rationa-
 les. disp. 18 n. 1
 Charitas eadem amat proximum propter se & pro-
 pter Deum. ibid. n. 15
 Obligat vt peccatum vitemus præ omnibus. ibid.
 n. 40
 Eius actus multiplices. disp. 19 n. 1
 Eius effectus. ibid. n. 20
 Christi Fides. V. Fides.
 Christi Miracula. disp. 5 n. 17
 Canon Hæreticorum qualis. d. 7 n. 18
 Contentio quid sit. d. 20 n. 18
 Licetne Clericis indicare ac gerere bellum. ibid. n. 31
 Concilium generale legitimum est Regula fid. d. 9
 n. 73
 Falsum est Christiana Concilia errasse circa fidem.
 d. 9 n. 34
 Concilium generale non est Regula fidei nisi in ijs
 quæ definit tanquam de fide. d. 10 n. 75
 Papa & Concilium non sunt duæ Regulæ fidei sed
 vnica. ibid. n. 78
 Creaturæ possunt amari propter se. d. 19 n. 9
 Ianfenij error circa hoc. ibid. n. 13
 Creditum. V. Fides.
 Credibilitas in quibusdam nunc maior quam olim.
 d. 5. 241
 Controversiarum Index. V. Ecclesia, & Summus
 Pontifex.
 Corruptio est in præcepto. d. 21 n. 65
 Quinam corripiendi. ibid. n. 69
 Quando & in quibusdam circumstantijs sit obligatio
 corripiendi. ibid. n. 70

D

D eus non potest mentiri. d. 3 n. 5
 Possitne Deus decipere. ibid. n. 14

Index Rerum.

Deus est amandus super omnia obiectiue, d. 18 n. 29
 Et appetitiue, ibid, n. 30
 Non est necessarium amandus intensiue super omnia, ibid, n. 34
 Non tenemur diligere intensius bonum nostrum spirituale quam proximi, d. 18 n. 37
 Neque Magis obiectiue, ibid, n. 38
 Deus potest amari propter aliud, disp. 19 n. 10
 An possit odio haberi, d. 20 n. 3
 Desperatio quid sit, d. 16 n. 84
 Dilectio Dei est in Præcepto naturali, d. 21 n. 1
 Et positio, ibid, n. 2
 Quid sit diligere Deum ex toto corde, ibid, n. 4
 Obligetur præceptum illud in primo instanti vsus rationis, ibid, n. 13
 Possint perfecte in hac vita impleri, ibid, n. 15
 Dilectio proximi, V. Proximus.
 Discursus potest fidem præcedere, disp. 10 n. 55
 Doctorum cuiusque sæculi autoritas, d. 8 n. 19
 Dona Spiritus sancti non distinguuntur a virtutibus, disp. 13 n. 14
 Duellum quid sit, disp. 20 n. 49
 Quo casu licitum, ibid, n. 51
 Pœnæ statutz contra duellum, ibid, n. 57

E

Ecclēsia victrix persecutiōnum, disp. 5 n. 13
 Quid præstet Ecclesia circa veritates fidei, d. 6 n. 10
 Ecclesia quomodo definit aliquid esse de fide, d. 6 n. 19
 Quomodo de Scripturâ iudicat, d. 7 n. 24
 Maiorē auctoritas Scripturæ quam Ecclesiæ, ibid, n. 27
 In Ecclesia est Regula viuens Iudex controuersiarum, disp. 9 n. 1
 Vnde constat illius auctoritas, n. 2
 Potestas publica iudicandi de Controuersijs pertinet ad Prælatos Ecclesiæ, ibid, n. 12
 Ecclesia quid & qualis sit, ibid, n. 79
 Veræ eius notæ, ibid, & n. 96 & seq.
 Etiam præcisè sumpta à Papa, est infallibilis, d. 9 n. 81
 Romana Ecclesia quæ nunc est, vera est Ecclesia, d. 9 n. 120
 Eleemosyna multipliciter sumitur, d. 19 n. 25
 Quomodo est effectus Charitatis, ibid, n. 27
 Eleemosyna est in Præcepto, d. 21 n. 37
 Quo tempore obliget, ibid, n. 38
 Ex quibus bonis debet fieri, ibid, n. 53 & 58
 Quis ordo seruandus in eleemosyna facienda, ibid, n. 52
 Quid possint serui, filij-familias, vxores, Religiosi, &c, d. 21 n. 54 & seqq.
 Quomodo Euangelium fons est omnis veritatis & disciplinæ morum, disp. 6 n. 13
 Creditum vt tale non est euident in seipso, d. 2 n. 75
 Non sit simpliciter euident per reuelationem, ibid, n. 76
 Sine euident id quod est euidenter credibile, d. 3 n. 31
 Obiectum fidei Christianæ quæ tale non est simpliciter euident, d. 4 n. 39 & seqq.
 Mytheria fidei sunt euidenter credibilia, d. 5 n. 1
 Euident est Christianismus esse sequendum, ibid, n. 42

F

Potest dari Fidei actus naturalis, d. 1 n. 2
 Datur supernaturalis, ibid, n. 3
 Variæ Fidei acceptiones, n. 6
 Quid Fidei nomine intelligant Hæretici, ibid, n. 7
 Fides specialis Hæreticorum impugnatur, n. 8
 Subiectum Fidei totale quodnam sit, ibid, n. 9
 Subiectum eius speciale, n. 18
 Obiectum eius materiale & totale, n. 20
 Quomodo Deus est obiectum principale Fidei, d. 2 n. 21
 Testimonium Dei est in obiecto formali Fidei, d. 1 n. 27
 Veracitas diuina est in obiecto formali, n. 30
 Argumenta credibilitatis ad illud pertinent, n. 32
 Quænam sit analysis Fidei, disp. 1 n. 17 & d. 7 n. 85
 Quomodo cognoscitur Deum esse quia ipse dixit, disp. 1 n. 40
 Cognitio obiecti formalis præcedit actum liberum Fidei, disp. 1 n. 65
 Fiant vltima resolutio Fidei in Ecclesiam, n. 98
 Actus Fidei est formaliter simplex, d. 2 n. 5
 Creditum Fide diuinæ est necessarium verum, d. 3 n. 1
 An sit Euident, V. Euident.
 Qualis debet esse propositio obiecti Fidei, d. 3 n. 19
 Certitudo Fidei quid requirat, ibid, n. 15
 Fides non inclinat ad conclusionem falsam, ibid, n. 37
 Nullo modo potest assentiri falso, ibid, n. 30
 Scientia Fides & opinio de eadem re possunt esse simul, d. 4 n. 5
 Mytheria Fidei sunt euidenter credibilia, d. 5 n. 1
 Christi Fides mirabiliter in mundum introducta & diffusa, d. 5 n. 11
 Ostenditur contra indifferentes veram Fidem esse necessariam, d. 5 n. 24
 Quid sit articulus Fidei, d. 6 n. 2
 Obiectum Fidei creuit ab Adamo hucusque, d. 6 n. 8
 Fides non discurrit, ibid, n. 29
 Qualis & quanta sit certitudo Fidei, n. 49
 Quid dicatur Regula Fidei, d. 7 n. 1
 Quomodo vna per aliam probatur sine circulo, ibid, n. 4
 Analysis Fidei Caluinistarum circulatoria, d. 7 n. 6
 Fides & Ecclesia fuit aliquamdiu sine Scriptura, d. 8 n. 3
 Actus Fidei, V. Actus.
 Quomodo Fides debet versari circa Deum, d. 10 n. 90
 Fides in Christum quomodo necessaria, ibid, n. 91
 Fides est in præcepto, ibid, n. 107
 Fidei Præceptum non fuit semper æquale, ibid, n. 112
 Fidei Professio est in Præcepto affirmatiuo & negatiuo, disp. 11 n. 6
 Teneaturne respondere qui de Fide interrogatur, disp. 11 n. 16
 Fidei habitus, V. Habitus.
 Fidei effectus, d. 13 n. 1. 2. 3
 Fides gratis data quid sit, ibid, n. 24
 Fides Miraculorum, ibid, 41

G

Gaudium, Charitatis effectus quid sit, disp. 19 n. 20

Index Rerum.

H

Absurditas sententiæ Nominalium. d. 2 n. 15

Hæreses non ducunt originem à Christo. d. 5
n. 14

Nulla earum est vnica salis. ibid. n. 37

Datur habitus Fidei infusus & supernaturalis reali-
tæque distinctus ab intellectu. d. 12 n. 1

Est vnus & simplex in quolibet obiecto. ibid. n. 14

Est virtus intellectualis eminenter speculatiua &
practica. ibid. n. 26. 29 & seq.

Potest infundi sine Charitate. ibid. n. 36

Potest manere sine Charitate. ibid. n. 40

Acquiritur dupliciter. ibid. n. 48

Non creatur sed educitur è subiecto. ibid. n. 49

Perditur per actum infidelitatis. d. 12 n. 52

Non manet in Beatis. ibid. n. 55

Quid sit Hæresis. d. 14 n. 33

Quænam ad illam requirantur. ibid. n. 34

Potest esse sine actu positio voluntatis. ibid. n. 41

Quæ communicatio cum Hæreticis illicita. ibid.
n. 51

Hæreticos denunciandi obligatio. d. 14 n. 77

Hæreticis fides seruanda. ibid. n. 101

Licetne pacisci de Hæresi toleranda. ibid. n. 105

I

Iansenij error circa amorem creaturarum. d. 19
n. 11

Infidelitas omnis non est culpabilis. d. 14 n. 1

Infidelitatis peccatum est quadruplex. ibid. n. 8

Est partim in intellectu partim in voluntate. ibid.
n. 11

Infidelitatis species duæ sunt generatim. ibid. n. 18

Infideles sunt capaces dominij in Fideles. ibid. n. 51

Non Baptizati & non subiecti Ecclesiæ non possunt
cogi ad fidem directè. ibid. n. 63

Possunt cogi indirectè. n. 65

Inuidia quid sit. d. 10 n. 14

Inimicorum dilectio est in Præcepto. d. 21 n. 29

In quibus illa dilectio consistat. ibid. n. 32. 33 &
seqq.

Iudæi perperam à Christo defecerunt. d. 5 n. 1

Eorum desolatio à Christo prædicta. ibid. n. 34

Iudex Controuersiarum est in Ecclesiâ. d. 9 n. 1

Spiritus priuatus non est Iudex Controuersiarum.
ibid. n. 5

Iuris Canonici Autoritas. d. 8 n. 18

L

Libri Sacri Protocanonici & Deuterocanonici.
d. 7 n. 17

M

Mahumetanæ Sectæ Falsitas. ibid. n. 28

Mirabilis Martyrum constantia. d. 5 n. 14

Vis Miraculorum ad confirmandam veritatem. d. 5
n. 16

Misericordia quid sit. d. 19 n. 22

Qui dissentit vni articulo fidei potest simul alium
credere ex puro fidei diuinæ motiuo. d. 10 n. 30

N

Nemesis seu indignatio an sit peccatum. d. 10
n. 15

O

Obiectum Fidei. V. Fides. Reuelatum.

Multiplex ordo inter obiecta fidei. d. 6 n. 1

Obiectum Spei. V. Spes.

Odiū quid & quotuplex. d. 20 n. 1

Odiū Dei est maximum peccatorum. ibid. n. 6

Non omne odiū proximi est peccatum. ibid. n. 7

Quodnam odiū proximi est illicitum. ibid. n. 10

Quam graue illud peccatum. ibid. n. 11

P

Nillus Patrum seorsim sumptus est Regula
fidei. d. 8 n. 11

Vnanimis Patrum consensus quomodo est Regula
fidei. ibid. n. 22

Etiā extra Concilium generale. ibid. n. 23

Papa & Concilium sunt vnica Regula fidei. d. 9 n. 78

Petrus accepit à Christo primatum & infallibilita-
tem in fide. d. 9 n. 40

Potestas Petri & infallibilitas transeunt ad Succes-
sores. ibid. n. 41

Quomodo representauit Ecclesiam clauis accipiens.
ibid. n. 54

Peccatum mortale destruit tantum moraliter Char-
tatem habit. d. 17 n. 75

Peccatum veniale minuit extrinsecè Charitatis habi-
tum. d. 17 n. 75

Pauperibus qui teneantur subuenire & quomodo.
d. 21 n. 41. 42. 43 & seqq.

Summus Pontifex saltem cum Concilio generali est
infallibilis Regula fidei & Iudex Controuersia-
rum. d. 9 n. 21

Etiā sine Concilio generali. ibid. n. 36

Summus Pontifex debet in definiendo adhibere di-
ligentiam. ibid. n. 58

Est infallibilis in generalibus morum Præceptis.
ibid. n. 59

Et in Canonizatione Sanctorum. ibid.

De Fide est hunc esse Summum Pontificem. ibid. n. 6

Est supra Concilium. ibid. n. 64

Christi Prædictiones. d. 5 n. 10

Præsumptio quid sit. d. 16 n. 89

Prophetiæ insignes veteris Testamenti. d. 5 n. 10

Prophetia sumitur multipliciter. d. 13 n. 26

Qui nomine proximi intelligantur. d. 18 n. 2

Non amator proximus pure naturaliter per Char-
tatem. ibid. n. 10

Amator propter se per Charitatem supernatur.
ibid. n. 11

Proximi salus est præferenda proprio bono corpo-
rali. ibid. 4 n. 46

Proximi Odium. V. Odium.

Proximi dilectio est in præcepto naturali & positi-
uo. d. 12 n. 17

Quam latè pateat illud præceptum. ibid. n. 20

Tenemur amare proximum actu interno. ibid. n. 22

An Pauper possit surripere si non ei datur. d. 22 n. 61

Simulans se esse pauperem inualidè accipit. ibid.
n. 63

R

Reges quomodo sunt Dei Vicarij. d. 9 n. 21
Regula Fidei. V. Fides.

Index Rerum.

Potestas Sacerdotalis & Regia non sunt iunctæ iure naturali. d. 9 n. 20
Reuelatio priuata sufficit vt sit obiectum formale fidei. d. 2 n. 85
 Notæ falsæ reuelationis. ibid. n. 88
 Reuelatio falsò præsumpta non est obiectum fidei. d. 3 n. 27
 Reuelata immediatè sunt obiectum fidei. d. 6 n. 27
 Deducta ex Reuelatis, vt alia, non sunt fidei obiectum. ibid. n. 29

S

Scandalum quid sit. d. 20 n. 60
 Quantum peccatum sit. ibid. n. 64
 Tenemus abstinere à licitis ob scandalum. ibid. n. 71
 Quæ actio vel omisso sit scandalosa & quatenus. ibid. n. 73
 Schisma quid sit. d. 20 n. 18
 Scripturæ diuinæ veritas. d. 5 n. 7
 Eiusdem Sanctitas. ibid. n. 8
 Distentur à Spiritu sancto singula eius verba. d. 7 n. 1
 Debet constare quod sit verè diuina. ibid. n. 13
 Scripturæ vulgata editio statuitur authentica à Tridentino. ibid. n. 30
 Quanta vulgatæ autoritas. n. 33
 Scriptura testatur se esse obscuram. n. 38
 Sensus multiplex eiusdem loci Scripturæ. ibid. n. 47
 Scriptura sola non est Iudex controversiarum. d. 9 n. 8
 Simulatio falsæ Religionis in certis casibus est illicita. d. 11 n. 19
 Simulatio Fidei quando licita. ibid. n. 24
 Spes est vera virtus. d. 15 n. 20
 Est virtus voluntatis. ibid. n. 25
 Spei obiectum est Deus vt amabilis amore concu-

piscentiæ. ibid. n. 23
 Sperantis bona supernaturalia, sunt obiectum Spei. ibid. n. 24
 Actus Spei propriè quid sit. ibid. n. 50
 In quid resoluitur. ibid. 57
 Quibusnam peccatis amittatur Spes. ibid. n. 60
 Spes versatur immediatè circa Deum. ibid. n. 52
 Sperare licet retributionem æternam. d. 16 n. 10
 Et temporalia. ibid. n. 11
 Spes nititur meritis sperantis. ibid. a. 13
 Spei habitus præcatur naturæ ordine habitum Charitatis. ibid. n. 45
 Spes est perfectior fide, & imperfectior Charitate. ibid. 48
 Spei actus aliqui manent in Beatiss. ibid. n. 51
 Fuit aliquis in Christo. ibid. n. 55
 Quibus peccatis amittatur Spes. ibid. n. 59
 Spes est in Præcepto. ibid. n. 63
 Ad sperandum teneretur ille, cui Deus reuelasset ipsum esse reprobatum. ibid. n. 73

T

Q Vis Timor sit actus Spei Theologicæ. disp. 16 n. 25
 Timor penarum & detestatio peccati propter illas est actus bonus. ibid. n. 28
 Præter Scripturam sunt aliquæ Traditiones non Scriptæ quæ sunt etiam Regulæ Fidei. d. 8 n. 1
 Traditionum diuinarum multiplex differentia. ibid. n. 5
 Vnde dignoscantur Traditiones Christi & Apostolorum. ibid. n. 5

V

Liceatne sumere Vestes infidelium. d. 11 n. 23

F I N I S.



PRŌDIT. tandem in lucem expectatum ab tot annis postremum istud opus R. P. IOANNIS MARTINON Doctoris Theologi, *De Fide, Spe, & Charitate*: Partim eo adhuc viuente excusum, partim posthumum; prælo subjici cæptum 21. Augusti 1661. & perfectum anno insequente 1662. mense Aprili. Auctoris celebrata per Europam vniuersam fama ea est, vt alia commendatione opus non sit. Is enim est, qui doctissimos in vniuersam D. Th. Summam Commentarios quinque voluminibus comprehendit: nec non Antijansenium sub nomine Antonini Moraines Anno 1652. edidit. Eum vero tertia parte auctiorem cùm recognosceret, religiosissimè, vt vixerat semper, mortuus est, (eo ipso tempore, quo hæ Disputationes typis mandatæ maximam partem erant,) s. Februarij Anno 1662. In Collegio Burdigalensi Societ. IESV, in quo per 20. totos annos Theologiam summo applausu docuerat. Vixit annos 77.

CLAVDIVS HERBODEAV præpositus Provincialis Societatis IESV in Prouincia Aquitaniz, potestate ad id mihi facta ab admodum R. P. N. Ioanne Paulo Oliua Vicario Generali eiusdem Societatis IESV, Facultatem concedo vt PARRIS IOANNIS MARTINON ex eadem Societate Doctoris Theologi Disputationes de Fide, Spe, & Charitate, multorum eiusdem Societatis Theologorum iudicio Approbatæ typis mandentur. In quorum fidem has literas manu nostra subscriptas & officij nostri sigillo munitas dedimus. Datum Burdigalæ tertia die Nouembris Anni 1661.

CLAVDIVS HERBODEAV.

EGO CLAVDIVS HERBODEAV Provincialis Societ. IESV in Prouincia Aquitaniz, iuxta Privilegium concessum ab Regibus Christianissimis Henrico III. 10. Maij 1583. Henrico IV. 20. Decembris, 1605. Ludouico XIII. 14. Febr. 1612. & Ludouico XIV. 23. Decembr. 1650. quo prohibetur omnibus Librarijs & Typographis ne libros ab eiusdem Societatis hominibus compositos absque Superiorum permisso imprimant, Ioanni Fleuriæ Regis & Academiæ Pictauiensis Typographo, vt has Disputationes Theologicas *De Fide, Spe, & Charitate*, a P. IOANNE MARTINON ex eadem Societate IESV Doctore Theologo, conscriptas ad decem annos proximos imprimere & distrahere libere possit. Datum Burdigalæ die tertia Nouembris Anni 1661.

CLAVDIVS HERBODEAV.

